


Juziñamui Ñuera
Uai



New Testament in Huitoto, Minica

Juziñamui Ñuera Uai
New Testament in Huitoto, Minica

copyright © 2011 Wycliffe Bible Translators, Inc.

Language: Minica Huitoto (Huitoto, Minica)

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Huitoto, Minica

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 4 Mar 2019 from source files dated 1 Mar 2019
740f11a2-2e26-57f5-a3a7-5deb2d20bd24

Contents

SAN MATEO	1
SAN MARCOS	56
SAN LUCAS	90
SAN JUAN	147
LOS HECHOS	185
ROMANOS	233
1 CORINTIOS	258
2 CORINTIOS	280
GALATAS	295
EFESIOS	303
FILIPENSES	312
COLOSENSES	318
1 TESALONICENSES	324
2 TESALONICENSES	329
1 TIMOTEO	332
2 TIMOTEO	339
TITO	344
FILEMÓN	347
HEBREOS	349
SANTIAGO	371
1 PEDRO	376
2 PEDRO	383
1 JUAN	387
2 JUAN	392
3 JUAN	393
JUDAS	394
APOCALIPSIS	396

JUZÍÑAMUI ÑUEFUE SAN MATEO LLOGAFUE El Santo Evangelio Según San Mateo

Jesucristo nánoramaci
(Lc 3.23-38)

¹ Benomo cuega mámeciai Juzíñamui Jitó Jesucristo nánoramaci. Jesucristo jaiái illaíma David náiraímona comuídímie. Daje izói afémie David nánoramie Abraham náiraímona comuídímie.

² Afe Abraham Isaac moo, íemo jíái Isaac Jacob moo. Iemo Jacob Judá ie ámatiairi íaíoi moo. ³ Iemo Judá Fares Zara diga íaillinoi moo. Afe íaillinoi ei Tamar. Iemo Fares Esrom moo. Iemo Esrom Aram moo. ⁴ Iemo Aram Aminadab moo. Iemo jíái Aminadab Naasón moo. Iemo Naasón Salmón moo. ⁵ Iemo Salmón Booz moo. Afe Booz ei Rahab. Iemo Booz Obed moo. Afe Obed ei Rut. Iemo Obed Isaí moo. ⁶ Iemo Isaí illaíma David moo. Iemo illaíma David, Urías tilla mei Urías ai ote. Iemo David íaillinoi jitó Salomón.

⁷ Iemo Salomón Roboam moo. Iemo Roboam Abías moo. Iemo Abías Asa moo. ⁸ Iemo Asa Josofat moo. Iemo Josofat Joram moo. Iemo Joram Uzías moo. ⁹ Iemo Uzías Jotam moo. Iemo Jotam Acáz moo. Iemo Acáz Ezequías moo. ¹⁰ Iemo Ezequías Manasés moo. Iemo Manasés Amón moo. Iemo Amón Josías moo. ¹¹ Iemo Josías Jeconías naa ie ámatiairi moo. Aféruillaído Israel nairaí Babilonia éniemo lláviano uigáiaíoi.

¹² Afe mei Jeconías Salatiel moo. Iemo Salatiel Zorobabel moo. ¹³ Iemo Zorobabel Abiud moo. Iemo Abiud Eliaquim moo. Iemo Eliaquim Azor moo. ¹⁴ Iemo Azor Sadoc moo. Iemo Sadoc Aquim moo. Iemo Aquim Eliud moo. ¹⁵ Iemo Eliud Eleazar moo. Iemo Eleazar Matán moo. Iemo Matán Jacob moo. ¹⁶ Iemo Jacob José moo. Afe José, María ini. Aféngomona comuide Jesús. Afémie jíáici Cristo.

¹⁷ Be daíí Abrahámona Davidmo itígima catorce méidígimaíai. Daje izói David illágimamona Israel nairaí lláviano Babilonia éniemo uillágimamo catorce méidígimaíai. Iemo jíái afénomona catorce jíáigima Cristo comuillanomo.

Jesucristo comuillafue
(Lc 2.1-7)

¹⁸ Jesucristo jocoina bie izói joide. Ie ei María ja jicánogango Josemo iníreillena. Nai José diga inena llezica, María Juzíñamui Ñuera Joreño ríinodo, ja úruereacade. ¹⁹ Ie ini José ñue jaícina itímie, mei íadi uáfodo comini eróicana Maríana oni dotácañede. Mei jíáífodo báinino buna onóñeno aféngona oni fiéacade. ²⁰ Bíemo coméciilla llezica, ie ínia anado ángel daínámie, Juzíñamui abi ímie íemo cíocaide. Iena daide:

—José, David izíe ímie, meáiruñeno o iri. María o aiza o oíri, mei afengo jocolle jitó Juzíñamui Ñuera Joréñodo comuídeza. ²¹ Afengo jitó jócoite; ie mei Jesuna ie mámecei jíitaitio. Afémie daíí mámeceite, mei ie comínina íaíoi fiénidifuemona jílloteza, —daide.

²² Nana bie íficaide, jaiái Juzíñamui uai jino llóraíma daínana ñue ícoimo fúitallena. Afe uai llóraíma bie izói daide:

²³ Nai inínide jitaíngo úruereacade; íemona jitó cómuite.

Afémie mámecei Emanuel daíille.

Afeci daííacade, Juzíñamui caí diga ite.

²⁴ José nicáirillamona cazíllano Juzíñamui abi ímie íemo ocuilla izói finode. Maríana ie ai izói ote. ²⁵ Mei íadi María jitó jócuano, afe íaillinoi ua ini izói inédaillinoi. Jócuanoo Jesuna ie mámecei jíitade.

¹ Jesús Belén jófuemo jococa. Afe Belén Judea éniemo ite. Aféruillaído Herodes aféniemo illáimana ite. Iemo dáamací jitoma billáfene imaci Jerusalemo dúcidiaioi. Afémaci ucúduaido ráfuena baitádino. ² Dúciillano jicánotiaioi:

—¿Ninomo ite jococa Judúuai illaíma? Mei jitoma billáfenemo ie illano onótate ucúduna ciódicaiza. Afémie cáimadollena benomo biticai, —daídíaioi.

³ Bífuena Herodes fídiamona, afémie comeci llícide. Daje izói jiái nana Jerusalén comini áfemo comeci llícioidiaioi. ⁴ Iemona Herodes nana lletáriraini illaini, íemo ocuica uailai llófuético diga dáanomo jírillano jicánote. ¿Mei nie jófuemo afe Cristo jécille? ⁵ Jira íena daídíaioi:

—Afémie Belén jófuemo jécille, mei jaii Juzíñamui uai llóraini bie izói dáideza:

⁶ Belén jofue Judá éniemo ite.

Afe éniemo ite jamánomoide jófuemona afe Belén dinó dúeñeite;

mei afénomo cue nairai Israel úiñoite illaíma cómuíteza, —daí daídíaioi.

⁷ Afe mei Herodes ucúduaido ráfuena baitádinona báinino uáidote. Uáiduano íaioimo jicánote: “¿Niie monado afe ucúduna ciódiomo?” ⁸ Iaiói llua méifomo, Belemo íaioina orede. Oriano íaioina daide:

—Afénomo omoi jai. Jaillano afézana ñue jaícina omoi jicánori. Afeza omoi báiaí, cuemo lluaíbiri, mei afézana cáimaduaiacaducue, —daide.

⁹ Afe illaíma daí íaioina daína mei, ucúduaido ráfuena baitádino jáidiaioi. Ie mei jitoma billa dibénemona íaioi ciona ucudu, meine abido íaioina ífóicaide. Ífóicaillano afe úrue illánomo mózizaide. ¹⁰ Baitádino afe ucudu mózizaillana cióillano, iere cáimacaidiaioi. ¹¹ Iemo afeco eromo jaillano, afézana ie ei María diga cióidiaioi. Iemona afézamo cañici ana dújuillano, íena cáimadotiaioi. Afe mei íaioi atica raa túiñuano, afézamo fecádiaioi. Ua oro, íemo uguci, íemo “mirra” daína ráifide ziórede raa, afézamo fecádiaioi. ¹² Afe méifomo, Juzíñamui nicáirillado íaioimo llote; Herodes illánomo íaioi jáiñeillena íaioina daide. Afemona oni jiáie iodo íaioi éniemo jáidiaioi.

Jesús moo íaillinoi Egíptomo bótaja

¹³ Ucúduaido baitádino meine jailla méifomo, Juzíñamui abi ímie (ángel dainámie) nicai anado Josemo cíocaide. Cíocaillano íena daide:

—¡Náidacai! Náidacaillano úrue ie ei diga Egipto éniemo omoi bota. Afénomo cue daílle dinó omoi iri. Mei Herodes bie úrue fállena jénoíteza, —daide.

¹⁴ Mei jira José náidacaillano, úrue naa ie éioiri naio Egíptomo botádiaioi. ¹⁵ Afénomo ua Herodes tiille dinó itíaiói. Bie izói íficaide, Juzíñamui uai llóraíma jaii daína uai ñue ícoimo fuitállena. Afe uai be niie: “Egíptomona cue Jitó uáidotícue.”

Herodes nana úruiaína fazítate

¹⁶ Iemo Herodes ucúduaido baitádino afémie jifánodoiana fídíillano, afémie jamánomo ríicaide. Iemona nana Belemo ite mena fimona fuitade úruiaína fazítate. Afe jofue áinodo ite úruiaína daje izói fazítate. Naui ucúduaido baitádino úrue jocóinana Heródesmo llua izói, mena fimona fuitade úruiaína fazítate. ¹⁷ Bie izói jaii Juzíñamui uai llóraíma Jeremías lloga uai fuite. Be níiuai:

¹⁸ Rama jófuemo zúurede uai cácaite; cáillicai eia uai cácaite.

Nairai uzuma Jacob ai Raquel báifene jica ia cómuitaga úruiairi éhena.

Aféngomona jica ia úruiaí cómuitatino eia jaca buna fíranide, mei afengo úruiaí fazílliaioiza, daí Jeremías daide.

¹⁹ Mei afe Herodes tiilla méifodo Juzíñamui abi ímie nicai anado batí Egíptomo Josemo cíocaide. Cíocaillano íena daide:

²⁰ —¡Náidacai! Náidacaillano úrue naa ie éioiri abido Israel éniemo omoi jairi, mei nauí baie fáiacadino nana ja tíidiaioi, —daide.

²¹ Afemona José afe úrue naa ie éioiri abido Israel éniemo jáidiaioi. ²² Mei íadi Arquelao ie moo Herodes ifomo illáimana íllana fidíillano, José afe Judea éniemo jáillana jacíruite. Iemo Juzíñamui nicai anado afémiemo llúamona, afémie afénomo jáiñeno Galilea éniemo jaide. ²³ Afe Galiléamo dúcia méifodo, Nazaret jófue mo fiébizaide. Bifue bie izói joide, jai ai Juzíñamui uai llóraima daina uai ñue ícoimo fuitállena. Be níuui: “Jesús Nazaret ímie daiírena.”

3

Juan Bautista táizicimo rafue jino llote

(Mr 1.1-8; Lc 3.1-9, 15-17; Jn 1.19-28)

¹ Aféruído Juan Bautista Judea éniemo ite táizicimo lletámaizaibite. ² Daide: —Omoi comeci ífuiai mai méidori, mei monamo ite Juzíñamui illáimana illirui ja íanori íteza, —daide.

³ Bie Juan jai ai Juzíñamui uai llóraima Isaias llogámie. Afémie jica ia bie izói Juaado cuete:

Ficire úritimie uai táizicimo cácaicaide.

Afémie daide: “Juzíñamui bille io ñue fínua izói, omoi comeci ñue omoi finori.

Afémiemo io jaícina dénuu izói,

Omoi comeci íaifui ai omoi féitari”, —daide.

⁴ Aféruillaído Juan jitáoigaroi camello itíraiai níinaroi. Ie círaigi ífe rille igoí fínoina. Afémie jaca fíu ai rífirede. Daje izói cíiji jófífirede. ⁵ Jerusalén comini afémie úrillamo cacáreizaibitiaioi, daje izói nana Judea énie imaci, íemo jíái Jordán imani abí comini ie úrillamo cacáreizaibitiaioi. ⁶ Íaioimo ite fiénidífuiai jino íaioi llua méifomo afe Juan Jordamo íaioina báutizade.

⁷ Mei íadi fariséuaímona, jíái saducéuaímona aillo comini Juan díné ie báutizajonomo bitíaioi. Afémaci bíllana Juan cíoillano, íaioina daide:

—¡Titade jaióniaímona comuídino izóidiomoi! Ja ánozide duere zefuállifuemona omoi botállena ¿bu omoi llua? ⁸ Omoi comeci ífue méidoiacanana ñúefuedo uáfodo jino ácatari. ⁹ Dani ómoímona “Abrahámona comuídinodicaí cai íllamona Juzíñamui íena iticaí,” afe izói daiíñeno iri, mei táinoza. Mei bie nofíciaímona, Juzíñamui jitáiaí Abrahám comínina comúitaredeza, daií ómoína daidícue. ¹⁰ Fiénide amena tiéllena jata jicaída jóonia izói, fiénidino duere finoille jae ñue mameca. Nana figo llizíñede amena tíiano iraimo zocana uillano jobaica. (Tíéfirega zena izóidiomoi.) ¹¹ Uáfuenta bimaci comeci ífue íaioi méidua jira, jáinoido íaioina báutizadícue. Mei jíaífodo cue méifodo bíitimie, comínina Ñuera Joreño úcaitaite. Daje izói iraimo raa ñue zia izói afémie comínina íainino ñue fínoite. Afémie iere cue baimo ríinorede, cue bie jamáimiedícueza afémiena dama ñue jacíruidícue. ¹² Afe cue méifodo bíitimie arroz bíajidímie izói ja ie llocofe líicabite. Afémie arroz bíamona ícuai oni eneno ua izói, ñúemacimona fiénidinona oni eneno óite. Ñúemacina ie illánomo ñue ráiruite, mei jíaífodo fiénidícuai izóidinona jaca dúíñeite iraimo jóbaite, —dínori Juan úrite.

Jesús báutizaina

(Mr 1.9-11; Lc 3.21-22)

¹³ Jesús Galiléamona imani Jordamo Juan illánomo bite, afe Juan ie báutizallena.

¹⁴ Jesús bítemo Juan íena báutizaacañede. Jira Jesuna daide:

—Cue bie odo báutizaregacue. ¿Níbaí mei cue dínena bitio? —daide.

¹⁵ Jira Jesús íena daide:

—Dama daiítadeza, birui cue daina izói fino, mei nana Juzíñamui jitaína izói finóredícoza. Afe coco finolle cócomo ñue jóbide, —daide.

Iemona Juan ja fairíote. ¹⁶ Afemona Juan Jesús báutizade. Báutiza mei Jesús jáinoimona jino bite. Afe llezica mona raíre túijicaide. Afe dáaruido Jesús Ñuera Joreño

fíiciri ana billa izói bíllana ciode. Afémiemo ráinazaibite. ¹⁷ Mei íemona monámona daa úrilla uai cácaide. Afe úrilla daide:

—Bie iere cue izíruiga Jitó. Afémiemo jamánomo ióbioidícue, —daide.

4

Taife Jesús facátate

(Mr 1.12-13; Lc 4.1-13)

¹ Afe mei Ñuera Joreño Jesús táizicimo uite, afénomo Taife afémie fieni facátallena.

² Afénomo Jesús cuarenta dígarui güiñeno ite. Mona naio díga afénomo güiñeno ite. Afe mei afémie iere jamánomo jufínaite. ³ Ie jufínailla llezica, Taife Jesús facátallena ánozide. Iena daide:

—Ua Juzíñamui Jitona o íadi, mai bie nofíciái paana mei fino, —daide.

⁴ Jira Jesús uai ote:

—Jaiái Juzíñamui Cuegáuai daide: “Fia güilledo come ínide, mei jiáfodo nana Juzíñamui lloga uaido írede,” —daide.

⁵ Iemo Taife Jesuna ñuera Jerusalén jófuego uite. Afénomo ite gairíraco emódomo caifo jica Jesuna uite. ⁶ Uillano íena daide:

—Ua Juzíñamui Jitona o íadi, benómona ana batí mai ticai, mei Juzíñamui Cuegáuai bie izói dáideza:

Juzíñamui ie abi imácina ona uíñotaite.

Iaioi ónoído ona mozíñoitiaioi, o éiba nofíciaimo íziñeillena, —daide.

⁷ Jira Jesús uai ote:

—Jaiái Juzíñamui Cuegáuai nane daide: “O ocuide Juzíñamui mai facátañeno,” —daide.

⁸ Nane dáanomo Taife iere caifónedumo Jesuna uite. Afénomona Taife nana éniemo ite náiraina ie ácatate, naa íaioimo ite ebíredifuiári. ⁹ Iemo nane íena daide:

—Cañícido cue anamo dújuano cuemo o caimátaiadi, nana bie omo íitícue, —daide.

¹⁰ Mei jira Jesús daide:

—Taife, mai oni jai, mei Juzíñamui Cuegáuai dáideza: “Dama ocuide Juzíñamuimo caimátairena. Dama afémie ocuífíregamiéna o iri,” —daide.

¹¹ Afemona Taife Jesús fáicanocaillano oni jaide. Afe mei dáarie Juzíñamui abi ímíiai Jesuna cánuaibite.

Jesús Galilea éniemo como fueñe táijizaide

(Mr 1.14-15; Lc 4.14-15)

¹² Jesús Juan Bautista llavéinana fidíillano, oni Galilea éniemo jaide. ¹³ Mei íadi Nazaremo fiébiñeno, Capernaum jófuego jaide. Afe jofue Galilea jorai fuédamo ite. Iemo afe jofue Zabulón éniemo ite. Daje izói Naftalí énie áinomo ite. ¹⁴ Jaiái Juzíñamui uai llóraima Isaías lloga uai ñue fuitállena, bie izói íficaide. Afe uai daide:

¹⁵ Zabulón énie, Naftalí énie díga áillue jóraimo jóide io áinori ite.

Afémie Jordán ruicáfellemo ite.

Afémie judíoñedinomo dúide Galilea daina énie.

¹⁶ Aféniaimo ite comini jítinomo itino izói Juzíñamuina onóñediaioi.

Mei íadi ja birui afémaci como aillo egáiñotena ciódino izói, Juzíñamuina uáfodo onódiaioi.

Iemo jíai afe tíide izói Juzíñamuina ónoñedino jae egáiñogaiaioi, Juzíñamui zíñona illífuena íaioi maiñóllena.

¹⁷ Afe mei Jesús jino comínimo ie llófuella uai fueñe tainede. Daide:

—Omoi comeci ífuiaí méidori, mei monamo ite Juzíñamui illáimana illírui ánozideza, —daide.

Jesús cuatro dígamie facófiredino uáidote

(Mr 1.16-20; Lc 5.1-11)

¹⁸ Jesús Galilea jorai fuédado macádemo, mena ama íaillinoína baite. Dáamie mámece Simón, afémie jíáfodo mameina Pedro. Jíáie baigámie mámece Andrés. Afe íaillinoi facóraini. Afe llezica llóiji jóraimo dotádiaillinoi. ¹⁹ Iemo Jesús íaillinoína daide:

—Mai cuedo bi, comini llófuellena íaioi jénoitimiena ómicoína jóneiticue, —daide.

²⁰ Iaillinoi llóiji fiénocaillano afémiedo jáidiaillinoi.

²¹ Nane afe báifenemo Jesús mena jíáie ama íaillinoína cíozaide. Afe íaillinoi Zebedeo jitó Santiago Juan diga. Afe íaillinoi áillue nocaemo ie moo diga íaioi llóiji ñue finódiaioi. Jesús íaillinoi uáidote. ²² Afe llezica, áillue nocaemo íaillinoi moo fiénocaillano, Jesudo jáidiaillinoi.

*Jesús nágagobia*imo aillo comini llófuete

(Lc 6.17-19)

²³ Afe mei Jesús Galilea éniendo nágafenedo jaide. Nana Juzíñamui uai llófueriracuaimo llófuerite. Afémie Juzíñamui illáimana illirui ñúefuedo jino llócaide. Daje llezica nana jíáfodorie irárede comini jíllotate. ²⁴ Nana Siria éniemo Jesús finoca ñúefuiai jalleide. Iemona Jesumo jíáforiede dúcuaimo duere zefuédino atídiaioi. Iemo jíáforie izi cácadino, íemo fiénide jóriai ucaigamaci, íemo chémemo raamo jíridino, íemo tízitaitino, nana bie izóidino Jesumo atídiaioi. Iemo nana afémacina Jesús jíllotate. ²⁵ Iemona diga jíáinuiaimona bitíaioi Jesudo jáillena. Galilea éniemona bitíaioi, íemo Decapólis jófuiaimona bitíaioi, íemo Jerusalén naa Judea éniemona bitíaioi. Daje izói imani Jordán ruicáfellemona Jesudo bitíaioi.

5

Caifónedumona Jesús lloga are uai

¹ Jesús afe aillo iedo jáidinona cíoillano, caifónedumo ráinazaide. Iemona ie llófuegamaci afémie abido ofídiaioi. ² Afe mei Jesús bie izói como íaioína llófuete:

Caimare ióbidino

(Lc 6.20-23)

³ “Comece dinena dúeredicai” daiífiredino ióbidiaioi, mei monamo ite Juzíñamui illáimana illarui afémacimo dúideza.

⁴ Comécina zúuredino caimare itíaioi, mei Juzíñamui íaioi fíraiteza.

⁵ Comécina mánaidino caimare ióbidiaioi, mei Juzíñamui jica ia íaioiena mameca énie máíñoitiaioiza.

⁶ Júbiena méinegamie iere güíacana izói, Juzíñamui comece jítaina izói iere íacadino caimare ióbidiaioi, mei Juzíñamui afe íaioi íacanana izói íaioi llena afémacina cánoiteza.

⁷ Jíáimacimo dúecaifiredino caimare ióbidiaioi, mei Juzíñamui íaioimo dúecaiteza.

⁸ Comécina íainidino caimare ióbidiaioi, mei Juzíñamuina cíoitiaioiza.

⁹ Ícrafuena oni orédino caimare ióbidiaioi, mei Juzíñamui afémacina “Cue jitódiomoi” dáiteza.

¹⁰ Juzíñamui jítaina íaioi fínuari duere zefuédino caimare ióbidiaioi, mei monamo ite Juzíñamui illáimana illarui íaioimo dúideza.

¹¹ Comini omoi báíñua, omoi duere íaioi fínuca caimare ióbidiomoi. Daje izói cue ícoína taino uaillai ómoimo íaioi nitáadi caimare ióbidiomoi. ¹² Afena náfueñoeno ióbicana caimare omoi iri, mei monamo ite áillue ebíredifue jíridoitiomoiza. Mei jaiái nai omoi íñena llezica ite Juzíñamui uai llóraini daí duere finóllena racácaiaioi.

Sal ñue fínuca izói, afe izói comini ñue finódinona itíomoi; daje izói bínie egáíñotínodiomoi

(Mr 9.50; Lc 14.34-35)

¹³ Omoi, sal izói, bínie comini ñue finódinona itíomoi. Mei íadi sal ie ríino íñenia güíllena caimáretañede. Afe ríinonide sal ¿minícado meine ríiretade? Jaca meine ríiretaninamona jaca ráifíñede. Comini zaizíllena macáranomo dotárega.

¹⁴ Omoi finoca ñúefuiai fínuamona, bínie comini ñue íllena egáíñote raa izóidiomoi. Iemona caifónedumo ite uáfori cíocaide jofue jaca retáidonina izói itíomoi. ¹⁵ Uneca mechera nogo eromo retáidollena unéñediomoi. Mei jíáífodo caifo uáfori cíoidinomo uneda ráinafirediomoi, jofo eromo itínomo ñue egáíñollena. ¹⁶ Afe izói ómoimo Juzíñamui comuítaga omoi finófirega ñúefuiai jino comini eróicana finócana omoi uiri. Daií omoi ñue finócafuiaina ñue íaioi cíoillega. Uáfori íaioimo cíotari, monamo ite omoi Moomo ñúefuiai íaioi jóonellena.

Jesús Moisés ocuica uai dibénedo llófuete

¹⁷ “Moisés ocuica uai cáitajaibite,” daií cuemo omoi comécíñeno iri. Daje izói jaiia Juzíñamui uai llóraima llófuia féitajaibiñedicue. Jaca afe uaillai féitajaibiñedicue, mei jíáífodo afe uaillai ñue ícoimo fúitaibiticue. ¹⁸ Uáfueña ómoína dáitícue, mona naa énie diga nai fúíñeille dino bie ocuica uáillaímona daa uai oni ónide. Nana áfemo lloga ífcaitifuiai nai zuíñena llezica, afe uaillai jaca íite. ¹⁹ Ie jira afe ocuica uáillaímona daa uai iere duere íadi dáamie náfueñenia, monamo ite Juzíñamui illáimana illáruimo afémie jamáimiena jáite. Daje izói afémie náfueñenia izói jíáímacina “Cai náfueñeillí” daiíadi, iere jamáimiena jáite. Mei jíáífodo aféuaillai náfuetinona íemo jíáímaci afe uaina náfuetadinona, “Bimaci Juzíñamui illáimana illáruimo jamánomoidinona,” daiílle. ²⁰ Mei birui ómoína dáitícue: Juzíñamui jitáinana ñue ícoimo fuitállena, ocuica uai llófuetino, fariséuai diga iere áfena nícidotiaioi. Mei íadi íaioi nícidoga baimo omoi fíñoñenia, monamo ite Juzíñamui illáimana illáruimo dúciñeitiomoi.

Jesús comini icírilla dibénedo llófuete

(Lc 12.57-59)

²¹ Omoi jaiáidigimaci dáinana cacáidiomoi. Afe daina be ñie: “Jíáimana titáñeno iri, mei jíáima titádimie jicánuano duere finolle.” ²² Mei íadi afe emódomo nane dáitícue. Ninó dáamie ie aino come diga icírilla, afémie áferi jicánuano duere finolle. Daje izói ie ámana íaire daidímie Jamánomo Ríillaini afémiemo jicánuano duere finolle. Iemo jíái ie ámana “O abina onóñedimiedio,” daiíadi afémie áferi jaca ninomo dúíñede iraimo orérede.

²³ Iemona Juzíñamuimo o úriacana llezica, daje izói afémiemo fia fecáacaga raa o izájiacana llezica, o aino come diga o icírillamo o uibóicaiadi, ²⁴ afe o izájiacaga raana izáiñeno iri. Fueñe afémie diga ñue o finori, caimare uái ómicoi íllena. Afe ñue ómicoi fínua méifomo, o izájiacaga raana fecáredio. Ja Juzíñamuimo úriredio. ²⁵ Iemo jíáífue omoi cacai. Íaifue omo mamédímie diga raire o úrizairi, afe íaifue záilleza. Jicánoracomo nai ona uíñena llezica, mai jino io anamo ñue ómicoi záitari, jicánoraimamo o ie úíñeilleza. Daií o fíñoñenia, afe jicánoraíma fiénidino llaitáfiredinomo ona izájite. Iemo afémaci ona llavéracomo íbaitiaioi. ²⁶ Uafue ona dáitícue, o llavétatímie jicaca úcube ie jícaca dieze o íbañenia, afécomona jaca jino bíñeítio, —daidícue.

Jesús comini finoca jiruifue dibénedo llófuete

²⁷ Jaiia daináuai cacáidiomoíza. Afe be ñie uai. Jíáie ringo diga jiruídoñeno o iri. ²⁸ Mei íadi ómoína daidícue: Omoímona dáamie ringomo eróicana fiene comeci facáadi, afémie jae afengo diga ie comécido jiruifue finode.

²⁹ Mei o ciona raamo o éroillamona fiénidífue omoi baiítaia afemo eróíñeno o iri. Ua, o uíji nabeji o fítajamona o eróinino o illa izói, afe izói o fiéniruitate raamo eróíñeno o iri. Afe uíji júbene o fítañenia izói, fiénide raamo éroillano o fáicanocaiñenia o abina nana iraimo dotátaite. Ie jira o abímona daa íeizi íñena izói, nana o abi táinocaille baimo iere ñuera. ³⁰ Daje izói o finóacanafuiai fiénidífue omoi baiítaia, aféfuiai finóñeno o iri. O onoi nabezi o jáitajamona aféfuiai o finónino o illa izói, afe o fiéniruitate ráfuiaína o

fáicanocairi. O jáitañenia izói, o fáicanocaiñenia, o abina nana iraimo dotátaite. Ie jira o abímona daa onoi íñenia izói, nana o abi táinocaille baimo iere ñue ite.

Come ai dótáfirena dibénedo Jesús llófuete
(Mt 19.9; Mr 10.11-12; Lc 16.18)

³¹ Daje izói jáíie jaiái daina uai bie izói joide: “Ninó daa come ie ai dotáadi, afe bie ringona benómona óñeiticue dainabe aféngomo írena.” ³² Mei íadi birui ómoína daidicue: Dáamie ie ai dotáadi, afémie aféngona jiruítetaite. Mei íadi daa ráfuedo dotárede. Afefue be ñie: Afengo inírede ia jáíie iima díga íadi afengo dotárede. Daje izói dotácango aina otímie afe úamona afémie afengo díga jiruífue finode, mei Juzíñamui eróicana, afengo nai fuéñeidimie ai.

Jesús táinona uafue daiíllena Juzíñamui mámecei llíinuado llófuete

³³ Daje izói omoi jaiáidigimamona cacádiomoi. Afe be ñie uai: “Juzíñamui eróicana ie mámecei o llíinuano o dáinana ñue ícoimo záitari.” ³⁴ Mei íadi birui ómoína daidicue: Uafue daiíllena jaca mona mámecei llínonidiomoi. Mona Moo Juzíñamui illánoza, áfedo iere uafue daiíñeno iri. ³⁵ Daje izói énie íbogido uafue daiíñeno iri, mei aféniena Juzíñamuimo jaináideza; fia ie ídai jóonera izóideza. Daje izói o llógana uafue daiíllena Jerusalén mámecei llínoñeno iri, mei afe jofue Nahíllaimamo, ua Juzíñamuimo dúideza. ³⁶ Daje izói dama o ífócido uafue daiíñeno iri, mei o ífótirai úzetiraina méidonidiomoiza, daje izói jítitiraina orénidiomoiza. ³⁷ Iemona jáíie uaina nabáiñeno “Jíí fínoiticue” daiíri. Mei jííáfodo “Jíí fínoíñeiticue” daiírena. Uafue daiíllena bie izói o daina baimo jáíie uaina o nabáiadi afe uai Taiífemona bite.

Jiáimamo íba úado Jesús llófuete
(Lc 6.29-30)

³⁸ Daje izói jáíie jaiái nanómona dáinana cacádiomoi. Afe daina be ñie uai: “Dáamie jííimie ui fitáadi afe íbana afémie ui fitárega. Daje izói dáamie jííimie ízido ditáadi afe íbana afémie ízido ditárega.” ³⁹ Mei íadi birui ómoína daidicue: Dáamie fieni omoi finóadi, íbana afémiemo riire úriñeno o iri. Mei jííáfodo dáamie o uieco putáadi daje llezica enéfene putari íena o daiíri. ⁴⁰ Dáamie taino omo jíitajano, o caifóferoi bairóadi, afe llezica o jinófenemo jíitárai caifóferoi díga naga afémiemo o fecari. ⁴¹ Daje izói dáamie mei policia izóidimie méere de raana daa kilómetro riífuedo o abítaiadi, afe baimo mena kilómetros ícírriñeno o uíri. ⁴² Nane dáamie raa ómoimo jíicáadi, afe íemo o fecari. Jííimie “Nano íanori cuemo fia fecá” daiíadi, afémiemona oni jííicaiñeno o iri.

Cai ícírillamacina izíruiredicai
(Lc 6.27-28, 32-36)

⁴³ Daje izói jaiái nanómona daina uaina cacádiomoi. Afe be ñie uai: “Omo caimare úrifrenamiéna izíruiri, íemo o ícírillamiéna éoiri.” ⁴⁴ Mei íadi birui ómoína daidicue: Omoi ícírillamiéna omoi izíruiri. Omoi faidódimiéna caimare íemo omoi finori. Omoína éoidinona ñue omoi finori. Omoi báíñotino, íemo jííí ómoína fieni finócadino díga afémaci íena Juzíñamuimo omoi jíicari. ⁴⁵ Daií omoi íllemona monamo ite omoi Moo Juzíñamui jíitótaiína jíitíomoi. Mei afémie ñúemaci ie jíitómána egáiñotadeza, daje izói jáíie fiénidimaci íena egáiñotadeza. Iemo, comécina jáicína jóidínomo afémie nocina bíttate, daje izói comécina jáicína jóíñedino íena nocina bíttate. ⁴⁶ Mei dani ómoína izíruitinona omoi izíruíadi, ¿áfemona minica jíridoitiomoi? Jaca jíridoñeitiomoi. Omoi jámairuiga gobierno raíñoca úcube llínofiredino da afémaci izíruitinona izíruítiaioi. Afémaci baimo izíruirediomoi. ⁴⁷ Dama omoi ámatiaí caimare omoi uáidoiadi, ¿ñie ñúefue finódiomoi? Juzíñamuina onóñedino bie izói illa. Afémaci baimo nana comini caimare uáidorediomoi. ⁴⁸ Monamo ite omoi Moo Juzíñamui íaífuenide comécina fígomíena illa izói, afe izói omoi iri.

6

Jesús cai finófírega ñúefuiai dibénedo llófuete

¹ Jesús nai úrite; daide: Omoi finófírega ñúefuiai comini eróicana afémaci ómoimo cáimacaillena omoi finóñeno iri. Daií omoi finóadi monamo ite omoi Moo Juzíñamui ómoína minícana jirídotañeite. ² Ie jira dúeredino o cánua llezica nana comini lloñeno, uái daií omoi canori. Jino omoi macáramo, daje izói Juzíñamui uai llófuieraco eromo diga táinona abi ínotino bífrediaioi. Afémaci comeci figóñedimaci illa llezica jino finócafuiaimona ñúemacina eróidiaioi. Iaiói finua izói finóñeno omoi iri. Afémaci daií finófrediaioi jíáimaci íaioido ñue úrillena. Mei uafue ómoína dáitícue: Comini íaioido caimare úrillado, íaioi jirídoacaga raana jae íaioi jirídogo. ³ Mei jíáifodo dúeredinomo daa raa o fecalle llezica o izíruiga aino cómemo lloñeno uái daií o fecari. ⁴ O finófírega ñúefue báinino o finori. Iemona o Moo Juzíñamui o báinino finoca raana cíoteza. Afemona óiena mameca raana o jirídotaiteza.

Jesús Juzíñamuimo úrillado llófuete
(Lc 11.2-4)

⁵ Juzíñamuimo omoi úrilla llezica, abi diné ñue cíoidimaci finua izói finóñeno omoi iri. Afémaci Juzíñamui uai lloraco eromo caifo naidáillano ficírede uaido Juzíñamuimo úrilla izói finódiaioi. Iemo jofue cígimo ite aillo comini ofíranomo daje izói finófrediaioi, comini íaioína cíoillena. Uáfueña ómoína dáitícue, afe bie comini íaioido ñue úrillado, íaioi jirídoacaga raana jae jirídotiaioi. ⁶ Mei jíáifodo Juzíñamuimo o úrilla llezica, o jofu eromo jaillano o naze íbairi; íemo afénomo o diga ite Moo Juzíñamuimo o úriri. Afemona o Moo Juzíñamui o báinino úrilla uaina cacáillano, óiena mameca raana o jirídotaite.

⁷ Juzíñamuimo o úrilla llezica, Juzíñamuina onóñedino finua izói, taino uailai diga icaiño lloñeno o iri. Afémaci bie izói comécidiaioi: “Are cue úrillado Juzíñamui nibai cuemo cacáreite,” daidíaioi. ⁸ Afémaci izói iñeno o iri, mei nai o jitaille raa o jícañena llezica o Moo Juzíñamui uícodo onódeza. ⁹ Ie jira bie izói afémiemo omoi úrifíreiri: Cai Moo Juzíñamui, monamo itio; o mámecido ñúefue nitácaza.

¹⁰ O illáimana illirui raire bíteza.

Dinomo monamo o comeci jítaillafue íaioi finua izói, afe izói bie éniemo finótaíbiteza.

¹¹ Cai nágarui jitaiga güílleniai, birui caimo fecari.

¹² Cai finoca fiénidífue íba caimo oñeno iri, mei afe izói jíáimaci fiéni caimo finódiaioi íadi, afémacimo íbana oñédicai.

¹³ Íaífuemo cai baíññellena caina uíñori.

Iemo afe llezica nana fiénidífuiaimona caina jíllotari.

Mei bínie comini jaca o illáimana illa anamo itíaioi.

Afémaci illáimaillena ríino jaca omo ite.

Daje izói jamánomo ñue ébífue jaca omo ite.

Ja daítadeza.

¹⁴ Mei uafue, ómoimo fiéni finódino finoca fiénidífueña omoi féitaia, afe izói monamo ite o Moo o finoca fiénidífueña féitaite. ¹⁵ Mei íadi aféfuiai omoi féitañenia, omoi Moo omoi fiénidífuiaina féitañeite.

Jesús comini fímairilla dibénedo llófuete

¹⁶ Iemo nane Jesús daide: Dama Juzíñamuimo izire omoi comeci facállena güíllena güíñeno omoi fímairilla llezica, omoi uiecona zuure finóñeno omoi iri. Jínofene ñue cíoina mei íadi comécina íairedino daií finódiaioi. Iaiói fímairilla llezica abina iere zuure finódiaioi, comini íaioína cíoillano “Baie fímairitino,” íaioi daíllena. Uafue ona dáitícue, afe izoide comini íaioína dánado íaioi jirídoacaga raana jae jirídotiaioi. ¹⁷ Mei jíáifodo güíñeno o fímairilla llezica o uieco ñue jocori; o ífo ñue júiri, ¹⁸ ona comini “Baie fímairitimie” dáíñeillena. Iemona o diga ite báinidena cíofirede Juzíñamui, áfena dama cíoille, íemona afémie áfena ona jirídotaite.

Monamo cai jirídollena ofítaredicai
(Lc 12.33-34)

¹⁹ Iemo nane Jesús daide: Biniemo aillo ráaniaina ofítañeno o iri, mei biniemo diga raa ícuai güífíregaza, íemo jíáie raana ráataifíredeza, íemo jíái merírifíredino merífíredeza. ²⁰ Mei jíáifodo Moo Juzíñamui jítainana o finófíreiri; caifo monamo ie illánomo ñúefuiai o ofítari, mei afénomo ite raana ícuai güiñédeza, íemo jíái afeno raa zabíñede, íemo afénomo merírifíredino merínidiaioi. ²¹ Mei uáfueza, o gaiga raa ofítajanomo dáanomo daje izói o comeci íiteza.

Cai illafue ñue egáiñote raa
(Lc 11.34-36)

²² Ñúefuemo o comeciilla omo ñue egáiñote raa izoide. Jira bobaie egáioinamona o uído ciónana o ióbitaja izói, afe izói ñúefuiai o jítáigana o comeci ífuenta caimare itátaite. ²³ Mei íadi ñúefuemo o comeciñenia, fiénidífuedo mácaja izói itio. Nana o comeci ífue zuure íteza. Mei Juzíñamui omo jóonega ñuera comécido dama fiénidífue o comeciñia ní jamánomo jítífomo o illa izoide. ¡Ní jamánomo jítirena!

Juzíñamuimo cai jainaina llezica úcubemo jaináinidicai
(Lc 16.13)

²⁴ Daje llezica mena ocuídime anamo buna ínide, mei ménamiede anamo o íadi dáamie éoitio, íemo jíáimie izíruitio. Daje izói dáamie ñue tájiitio, mei íadi jíáimena jámairuitio. Afe izói Juzíñamuina abi o náamataja llezica úcubemo abina náamatanidio.

Juzíñamui ie úruiaina jáidinona ñue úiñote
(Lc 12.22-31)

²⁵ Jira ómoina dáititue, nágarui omoi jitaiga güille naa jirolle diga áfemo comeci faiñeno omoi iri. Daje izói daa o jítalle inícuromo comeci faiñeno omoi iri. Cai ñue illafue güille baimo ráífide. Daje izói cai caana abi iniroi baimo ráífide. ²⁶ Mai monamo feede ofocuizaimo omoi comeciiri. Afémaci güilleniaina riñediaioi. Daje izói llíziena jofo oñediaioi, íemo jíái güille ñue finóranomo ofítañediaioi. Mei íadi monamo ite omoi Moo afémacina ecáfírede. Omoi bie ofocuizai baimo iere ráífina. ²⁷ Omoimona, comeci iere fáiamona ¿mei bu ie zairilla caifomo medio metro zairirena? Buna jaca daí ínide. Dama Juzíñamui ona dinori o zairítaja. Afe izói o güllena ócuite, jira áfemo comeci faiñeno omoi iri.

²⁸ Iemo jíái ¿níbai mei inícuromo iere comeci fáifírediomoi? Jazícimo ite záfiamo omoi comeciiri. Raamo tájiñediaioi, daje izói iníroina niñediaioi. Mei íadi iere ebire cíoidiaioi. ²⁹ Iemona ómoina dáititue jaii illaima Salomón iere ráarede íadi, bie záfia ebírena izói, ebírediroina jítáñede. ³⁰ Mei Juzíñamui ráitiamo ebire cíoitaiadi, afémie ómoimo jeruíñeno iníroina jítaitaite, mei afe ráitai íanori ebire eróideza. Iemo afe jíáiruido ja jobáica.

³¹ Iemona nana jíáie raamo comeci faiñeno omoi iri. “Cai güille iñédeza, ¿minica güíticai?” daíñeno omoi iri. Daje izói jíái “¿Minica jíroiticai?” daíñeno omoi iri. Iemo jíái, “Iníroinidicaiza, ¿minica jítaiticai?” daíñeno omoi iri. ³² Mei uafue, biniemo ite Juzíñamuimo íñoñede comini bífuiaimo iere comeciiaioi; mei íadi omoi Moo monamo ite. Afémie bie izoide raana omoi jítáillana onode. Jira ómoimo iñede raamo comeci fáinidiomoi.

³³ Mei íemona Juzíñamui illáimana illáruimo duide raamo raire uícodo járitaifíreiri. Daje izói jíáie ie ocuícáfue raire uícodo omo finófíreiri. Afe mei nana bie omoi jitaiga raana óitiomoi. ³⁴ Uire jiti cómutifuemo comeci faiñeno omoi iri, mei uire aferui dama ie comeci uille ráfueniai átiite. Nágaruillaído comuide comeci faille ráfuiai ja figo báiteza, baimo nabáinide.

Jiáima jánana fiēni úriñeno o iri
(Lc 6.37-38, 41-42)

¹ Juziñamui ómoimo izire jícanoñeillena, mai jiáima jánana fiēni úriñeno o iri. ² Mei jiáima jánana riire o úrilla izói, afe izói Juziñamui riire ómoimo jicánoite. Jiáimamo raana fácano omoi feca izói, afe izói afémie ómoimo fácano fécaite. ³ ¿Mei ñie izói o ama uimo ite jéenide ráaruaina cíodio, mei íadi afe dáaruido dama o uimo jéerie rarúnguai íllana náfuēñedio? (Afena dáiiacade: Aillo fiénidifue omo illa llezica, ¿ñie izói due jiza oni nibéfodo baíidimie jánana úriredio? Urinidio.) ⁴ Iemo afe jéerie rarúnguai dama o uimo íadi o ámana ¿ñie izói daiñedio: “O uimo ite jéenide ráaruai cuena otátari”? Daiñidio. ⁵ ¡Abi dine ñue cioide comécina íáiredimiedio! Fueñe dama o uimo ite jéerie rarúnguai oíri. Afe o ua mei, afe o ama uimo ite jéenide ráaruaina jino óredioza.

⁶ Juziñamui ñue finoca raa, Juziñamuina íairuitinomo fecáñeno iri; fecádiomoiniadi áfena jámairuillano afémaci ómoina tíbitaitiaioi. Daje izói perla izoide ráifidifuiyai meróniai izoide íaifuiaredinomo lloñeno iri; llotíomoiniadi meróniai ríriifirena izói bimaci ómoina uáitaíbitiaioi. Afe izoide ñúefuiyai fiēni íacadinomo llónide.

Juziñamuimo cai jicalle bie izói jóide
(Lc 11.9-13; 6.31)

⁷ Mai omoi jicari, íemona Juziñamui ómoimo fécaite. Mai omoi jenori; báitiomoiza. Nazémona caimare omoi uáidori; ómoimo tuizáibiteza. ⁸ Mei jicádimie llíinoteza. Daje izói jenódimie báiteza; íemo jiái nazémona caimare uáidotimiemo túigaza.

⁹ Mei ómoimona dáamie ie jitó pan jícaja llezica ¿meita nofícina írede? ¡Jaca ínide!
¹⁰ Iemo afémie chamu jícaja llezica ¿meita jaiona írede? ¡Inide! ¹¹ Mei fiénidinodicaí íadi, ñuera raa cai úruiaimo fécajana onódicaí. Mei íadi afe baimo monamo ite omoi Moo, afémiemo jicádinomo jamánomo ñuera raa fécajana onode.

¹² Mei íemona omoi jitailla jiáimaci íaioi ómoimo fínua dieze, dájeze afémacimo finórediomoi. Mei Moisés ocuica uai bie izói jóideza. Daje izói jaiyai Juziñamui uai lloraini cuega uai afe izói jóideza.

Rillírede monamo duide io rafue
(Lc 13.24)

¹³ Mei afe rillírede monamo duide iodo omoi jai. Niné táinocaitaitinomo jóide io iere áilloo. Daje izói áfeo boilla jamánomo áillue. Afeodo aillo comini jailla. ¹⁴ Mei jiáifodo ziiñona cai cáaillinomo jóide io jaícina jóide íadi rillírede. Daje izói áfeo boilla rillírede. Afeodo jáidino dúemaci.

Naga amena ie llizíllado onórede
(Lc 6.43-44)

¹⁵ Diga comini “Juziñamui dibéñedo úriticaí” daidíaioi, íadi taino llotíaioi. Afe izoide comínimona abí omoi rairuri. Afe bimaci ebire jiféidino izói ómoimo bitíaioi. Uáfueza, illáinide ovéjaiai izói ómoimo bitíaioi, mei íadi comeci dine illáirede jánallari izóidino. ¹⁶ Afémaci finócafuiaido íaioina uáfodo ónoitiomoi. Mei jíirede ñecínamona jíricue óñegaza. Daje izói jíirede monáigimona jíficolliai óñegaza. ¹⁷ Mei daií nana ñuera amena ñue llizide. Daje izói nana fiénide amena fiénidijaiina llizide. ¹⁸ Ñuera aménamo fiénide ráajiai llizínide. Daje izói fiénide aménamo ñuera ráajiai llizínide. ¹⁹ Nana ñuera ráajiaina llizíñede amena tíiano iraimo jobaica. ²⁰ Bie izói baie ómoimo bitínona íaioi finócaigafuedo uáfodo ónoitiomoi.

Nana comini monamo ite Juziñamui illáimana illíruimo jáiñeitiaioi
(Lc 13.25-27)

²¹ Nana cuena “Ocuíraima” daiífredino monamo ite Juzíñamui illáimana illánomo jofo jáiñeite. Dani monamo ite cue Moo comeci jítailana finódino jofo jáirena. ²² Aféruillaimo dúcia llezica, diga comini cuena dáitiaoí, “Ocuíraima, Ocuíraima, o mámecido úrifredicai. Daje izói o mámecido fiénide jóriaina jino orédicai. Daje izói o mámecido ciórainina raana uaido comúaticai.” ²³ Mei íadi afémacina dáiticue: “Jaca ómoína onóñedicue. Diga íaifuiai comúdiomoiza, cúemona oni ii,” dáiticue.

Ménade jofo nillino rafue

(Lc 6.47-49; Mr 1.22)

²⁴ Mei afe bie izói joide. Cuena cacádimie íemo cue ocuícana finódime jofo nillana baitádimie izoide. Afémie mairídimie ie jofo nite. ²⁵ Riire noci biide, íemo ille riire renaide, íemo riirede jairifo afécomo jaiñode; mei íadi afeco jainóñede, mei mairide éniemo nígaza. ²⁶ Mei jíáfodo cuena cacádimie mei íadi cue ocuícana finóñedime jofo nillana figo baitáñedime izoide. Afémie ídiaidino ie jofo nite. ²⁷ Afe mei riire noci biide, íemo ille riire renaide, íemo riirede jairifo jaiñode. Iemona afécona jainode. Nana ana baiíllano due fiébiñeno niné tánoicaide. Jesús dinori úrite.

²⁸ Jesús úrilla méifomo, nana comini ie llófuemarillari caimare fáigacaidiaoí, ²⁹ mei ríinoredime izói íaioina llófuezeza. Jaii ocuica uai llófuefredino ríinonide llófuia izói afémie llófueñede.

8

Jesús chíinaitime jíllotate

(Mr 1.40-45; Lc 5.12-16)

¹ Jesús caifónedumona ana billa llezica, diga comini afémiedo jáidiaioí. ² Iemo irárede chíinaitime Jesumo áinozide. Afémie Jesús anamo dújuillano daide:

—Ocuíraima, o jítaiadi bie duícana cúemona oréredio. Cúemona oreri, —daide.

³ Iemona Jesús ie ónoído afémiena jétano daide:

—Jii, ona jíllotaiacadicue. Benómona ja íainitioza, —daide.

Daií daína llezica ie iráretade chiie jacáibicaide. ⁴ Iemo Jesús íena daide:

—Cácarei, bifue bumo lloñeno iri. Dama lletáriraimamo o abi o ácatairi. Afe llezica Moisés ocuica o abi ja íainide daiítate raa afénomo mai o fecari. Afemona nana comini o chiie ja jacáillana ónoitiaoí, —daide.

Romano illaíma ocuífirgamiena Jesús jíllotate

(Lc 7.1-10)

⁵ Capernaum jófuego Jesús jailla llezica, Romano illaíma Jesumo billano izire jicade:

⁶ —Ocuíraima, cue ocuífirga jítócome iere irárede. Batí jofomo bíide. Afémie tízieri iere jamánomo izi cácade, —daide.

⁷ Jira Jesús íena daide:

—O jofomo jaillano afémiena jíllotaiticue, —daide.

⁸ Jira illaíma Jesús uai ote:

—Ocuíraima, cue jofomo o jáillena, cue iere jamáimiedicue. Jicana o uaido o ocuiri, afémie jíllolleza. ⁹ Mei dama cue jíállaima uai anamo iticue. Daje izói cue anamo cue úiñoga fuíriraíni ite. Dámiena “Bi” cue daía, afémie bírede. Jáimiena “Jai” cue daía afémie jaide. Daje izói cue ocuífirgamiena “Bie fino” cue daía, afémie áfena finode, —daide.

¹⁰ Jesús áfena cacáillano, caimare fáigacaillano afémiedo jáidinona daide:

—Uáfueña ómoína daidicue: Nana Israel náiraímo bie izói íñnote come jaca baiñédicue.

¹¹ Omoina daidicue, nágafeniamona aillo oni jicánemaci bíitiaoí. Afémaci monamo ite Juzíñamui illáimana illánomo jofo ráinazaillano, daane Abraham, Isaac, Jacob diga güítiaoí. ¹² Mei íadi fueñe jáiredino, jino jítinomo dotálliaoí. Afénomo afémaci iere énaicana murímurítiaoí, —daide.

¹³ Iemona afe illáimana daide:

—Mai o jofomo jai. O ñnuaze íiteza, —daide.
Daií daina llezica afe irárede jitócome jíllode.

Jesús Pedro jífaiño jíllotate
(Mr 1.29-31; Lc 4.38-39)

¹⁴ Afe mei Jesús Pedro jofomo jaide. Afénomo Pedro jífaiño abi cuaríllari irare bíinana cíóizaide. ¹⁵ Iemo Jesús afengo onoi llínua llezica ie abi cuarilla llíicaide. Afemona afengo náidacaillano afémaci jitailla bai atide.

Jesús aillo iráredínuiái jíllotate
(Mr 1.32-34; Lc 4.40-41)

¹⁶ Aferui jitoma jímaicaidemoo díga fiénide jóríai ogano Jesumo atídíaiói. Iemona daade uaido afe fiénide jóríai jino orede. Daje izói nane nana duícotaidínuiái afémie jíllotate. ¹⁷ Nana bie izói zúide, jaiái uai lloraima Isaías lloga uai fuitállena. Be afe uai: “Cai íraniaí afémie uite. Daje izói cai duícuaí afémie oni orede.” Daií Isaías llote.

Jesudo jáiacadino bie izói íredíaiói
(Lc 9.57-62)

Afe mei jorai fuédamo illa llezica, ¹⁸ díga comini Jesús abido nágafene gairíllana cíoillano, afémie “Mai jorai ruicáfenemo cai jai,” daide. ¹⁹ Iemo ocuica uai llófueraima Jesumo billano daide:

—Llófueraima, nana o jáiacana diné odo jáiacadicue, —daide.

²⁰ Jira Jesús ie uai ote:

—Nana jazici rílleniaí uái ífireillino ite. Daje izói caifodo féedinuiái uái íaiói ráiillino ite. Mei íadi Nanoide íima Jitódicueza, dánori uái cue illino íñede, —daide.

²¹ Iemo jíáie ie llófuegamacimona dáamie íena daide:

—Odo jáiacadicue, mei íadi fueñe cue ore cue moo tíille dinó cue ílleza, íemo íena ráiacadicue; afe méfomo odo jáiticue, —daide.

²² Jira Jesús ie uai ote:

—Mai cuedo bi. Juzíñamuimo náfueñedino tíide izóidimaci; mai mei jadíe ua tíitimie afémaci ráilleza. O cuedo bi, —daide.

Jesús jairifo naa jorai bagua díga llíicaitate
(Mr 4.35-41; Lc 8.22-25)

²³ Ie mei Jesús naa ie llófuegamaci díga áillue nocaedo jáidiaíói. ²⁴ Afe mei jorai ruicáfenemo jáidiaíoiimo, daa jamánomo rírede jairifo náidacailla. Afe jairífomona jorai bagua afecae acónillaina íbáiacade izoide. Mei íadi afe llezica Jesús ínide. ²⁵ Iemona ie llófuegamaci ie cazítatiaíói. Cazítajano íena daidíaiói:

—¡Ocuíraima, cai jíllota! ¡Ja buízaidicaiza! —daidíaiói.

²⁶ Jira afémie uai ote:

—¿Níbái mei íere jacínaitiomoi? ¡Omoi nai figo íinoñediomoi! —daide.

Iemona afémie náidacaillano jairifo naa jorai díga lletade. Daií ie daina llezica jorai bagóñeno uái ite. ²⁷ Iemona afécaemo ítíimíai caimare fáigacaidiaíói. Fáigacaillano daidíaiói:

—Bie mei, ¿niie come? ¡Bímie daina uaina jairifo naa jorai díga íinote! —daidíaiói.

Gerasa éniemo ite fiénide jóríai úicaiga íaillinoí rafue
(Mr 5.1-20; Lc 8.26-39)

²⁸ Afe mei Jesús jorai enéfenemo Gerasa éniemo dúcidemo, mena íima raiáfuaímona Jesús diné bite. Afe íaillinoí fiénide jóríai úicaiga. Afe íaillinoí jamánomo jacire illáirede. Afedo jóide iodo buna jáinide. ²⁹ Jesús afe íaillinoí lleta llezica caillíoidiaillinoí:

—Jesús, Juzíñamui Jitódioza. ¿Níbái mei cócomo jíricaidio? ¿Nai aferui dúciñedemo benó coco duere fínuaíbitio? —daidíaillinoí.

³⁰ Afe llezica afe áinori tóica meróniai güitíai. ³¹ Jira afe fiénide joría Jesumo izire jicádiai:

—Bie come íaillinoimona jino cai o oréadi, táinomo oréñeno baie meróniaimo cai oreri, —daidíai.

³² Jira Jesús íaioina daide:

—Mai afénomo omoi jai, —daide.

Afe fiénide joría afe íaillinoimona jino billano meróniaimo jaide. Afe mei afe meróniai jorai arimo ite íconido jabida jóraimo cocídiai. Afénomo coróbaizidiai.

³³ Iemona afe meróniai úiñotino jacínaillano botádiai. Jófuemo dúciillano nana aféfuiai llotíai. Daje izói fiénide joría ucaiga íaillinoimo finócafue llotíai. ³⁴ Iemona nana afe jofue comini Jesús illánomo jáidiai. Afémiena cíoillano, afe íai éniemona oni jáillena izire jicádiai.

9

Jesús tízitaitimie jíllotate

(Mr 2.1-12; Lc 5.17-26)

¹ Afe mei Jesús áillue nocaemo ana jaillano jorai enéferaimo ruica jaide. Iemo dama ie jófuemo dúcide. ² Afénomo tízitaitimie Jesumo atídiai, naa ie bírallu diga. Afémaci íinuana Jesús cíoillano, iráredimiena daide:

—Cue izíruigamie, mai caimare ii, mei omo ite fiénidifuijai jae dógaza, —daide.

³ Jira ocuica uai llófuetinomona dáarie comeci anado daidíai: “Bímie baie jíáimie fiénidifuijai dóina dáinado Juzíñamuina icíritade.” ⁴ Jesús afémaci comécido dáinana onóillano daide:

—¿Níbái mei fiéni omoi comeci facádiomoi? ⁵ Mei daí daina ménade uáimona ¿niie uai iere llotáinina? Afe ménade uai be niie: O fiénidifue muiñócaza. Iemo jíáie uai bie izói daina: Náidacaillano, maca. (Iraie uai jamánomo llotáirede, mei omoi erócana íficaideza.) ⁶ Ie jira Nanoide fima Jitódicueza, bíniemo cue illa llezica, comínimo ite fiénidifue cue muiñolle ríino jino ómoimo cíotaiticue, —daide.

Afemona afe tízitaitimiena Jesús daide:

—Mai náidacai, náidacaillano o bírallu llínota o jofomo jai, —daide.

⁷ Afemona tízitaitimie náidacaillano, ie jofomo jaide. ⁸ Nana comini áfena cíoillano iere jacínaitiaí. Afemona Juzíñamuimo ñúefuena nitádiai: “Mei Juzíñamui áillue ríino bie cómemo fecádeza,” daidíai.

Jesús Mateo uáidote

(Mr 2.13-17; Lc 5.27-32)

⁹ Jesús afénomona oni jaide. Jaillano Mateo dainámiena ciode. Afémie gobierno íbátaga úcube llínoraima. Ie jira afe úcube oránomo ráide. Jesús íena daide:

—Mai cuedo bi, —daide.

Ie jira afe Mateo náidacaillano iedo jaide.

¹⁰ Afe jíáiruido Jesús naa ie llófuegamaciri jofu eromo íai güilla llezica, aillo jíáie úcube llínofiredino naa jíáie fiénidino dáanomo güitíai. ¹¹ Mei íadi Fariséuai áfena cíoillano afémie llófueganomo jicánotiaí:

—¿Níbái mei omoi llófuetimie úcube llínofiredino diga naa fiénidinori güite? — jicánotiaí.

¹² Afena Jesús cacáillano, íaioina daide:

—Iociredino iránidino daje izói manóriraimana jítañediai, mei jíáifodo iráredino manóriraimana jitailla. ¹³ Bie jaiai Juzíñamui Cuegáuai dáinana omoi onózairi. Afe be níuui: “Conímama omoi duéruillena daje izói cuena omoi duéruillena jítaidicue. Mei íadi omoi fatá cuemo fia fecaca ríllenai jítañedicue,” daide. Ie jira dani ñúemacina

abi mamédinona uáiduaibiñedicue, mei jiáifodo fiénidino íaioi comeci ifue méidollena biticue, —daide Jesús.

Íaioi fímairillena Jesumo jicánotiaioi
(Mr 2.18-22; Lc 5.33-39)

¹⁴ Afe mei Juan Bautístado jáidino Jesumo dúciillano jicánotiaioi:

—Mei cai bie fariséuai diga ¿nibái fímairitagacai, mei íadi o llófuegamaci fímairiñediaioi? —daidíaioi.

¹⁵ Jira Jesús uai ote:

—¿Airena rafue llezica áfemo uáidogano, meita zúurenari güñidiaioi? Daií iñédeza; ringo otímie íaioi cígimo illa llezica caimare güitíaioi. Mei íadi ringo otímie íaiomona báiruabillirui dúciite. Aféruido comeci zúurenari güñeitiaioi. Ringo otímie izói birui cuedo jáicadino cígiri itícueza, —daide.

¹⁶ Jesús nane jiáie onótatífue llote:

—Jaca ninomo dáamie tífoñegaromona jaitada jácaie inícuromo nitáñediaioi. Daií nitáadi afe cómoroi jácaroina fiene finode; mei nai jócoñega cómoroi jofo jainánuamona jácaroimo ite cúaidinona aillo oni cuatácana jaide. ¹⁷ Daje izói comue vino jácara igorai finoina iciru izoide raamo totánide. Dámie daií totáadi afe comue vino afe jácara iciruna eroide raana cúataite. Afemona afe iciru naa vino diga táinomo fáifite. Iemona comue vino comue igorai finoina iciruna eróidemo jónefirega. Iemona afe naga ñue éenoga. (Afe bie dáinado Jesús ie comue llófueinafue, íemo íaioi jaii llófuegafue dáanomo íinonide, dáanomo náfuenide, íaiomimo llófuete.)

Jairo jiza íemo jiáingo Jesús iniroi jétaibitingo Jesús jíllotate
(Mr 5.21-43; Lc 8.40-56)

¹⁸ Jesús bífuaído úrilla llezica, judío illaima Jesumo dúcide. Dúciillano, afémie anamo fueco dine bíjicaillano daide:

—Cue jiza ja tíide, mei íadi o bíllaza, mei aféngomo o onoi bítaibiri afengo jílloillega, —daide.

¹⁹ Afe jira, Jesús náidacaillano afémie diné jaide naa ie llófuegamaciri. ²⁰ Afémie iodo jaiilla llezica, jiáie iráredingo afémiemo bite. Afengo afe irárenamona doce diga fimona dícotaitaite. Jesús comini cígido rillire jaiilla llezica, afengo Jesús jinófene dinena ie iniroi fueda jétaibite. ²¹ Mei afengo comécido daide: “Daa ie iniroi cue jetáadi jíllotitcúe,” daide. ²² Iemona Jesús meine abido gírecaillano aféngona cíoillano daide:

—Izíruiango, caimare o iri. O ínuamona ja jíllodioza, —daide.

Daií daina llezica afengo jíllode. Afemona afengo ja íocirede.

²³ Jesús illaima jofomo dúcia llezica, aillo comini come tíllari cáillicaiilli éediaioi. Afe llezica jiáimaci toticai zuure fúudiaioi. ²⁴ Jesús áfena cíoillano daide:

—Benómona oni omoi jai. Afeza tíñedeza fia inide, —daide.

Afémie dáinari comini íemo zadáidiaioi. ²⁵ Mei íadi Jesús afémacina jino orede. Oriano jofo jaide. Jofo jaillano afe tídingo ónoído líinote. Líinua llezica afengo caifo náidacaide. ²⁶ Iemona Jesús finócafue nana afe éniemo itígobiaido jica jalleide.

Jesús mena uínidimie jíllotate

²⁷ Afénomona Jesús jáidemo, mena uínidimie ie óodana caillícana bite. Daidíaiillinoi:

—Davidmona comuídime Juzíñamui oreca Mesía ímie, mai cócomo dúecai, —daidíaiillinoi.

²⁸ Afe mei Jesús jofo eromo jáidemo, afe íaillinoi Jesumo dúcide. Iemo Jesús íaillinoina daide:

—Cuemo ómicoi jicácafueña finóredicueza ¿meita ínotiomicoi? —daide.

Jira afe íaillinoi daide:

—Ocuíraima, jii íinoticoco, —daidíallinoi.

²⁹ Iemona Jesús íaillinoi ui jetánota daide:

—Omicoi íinua dieze, ómicoimo cómuiteza, —daide.

³⁰ Daií ie daína llezica, íaillinoi ui ñue cíoide. Afe mei Jesús íaillinoína riire daide: “Bie ómicoimo cue finócafue bumo lloñeno ómicoi iri,” daide.

³¹ Afena afémie rairuide íadi, afe íaillinoi jino billano, nana afénomo Jesús ui mánuana llócadiaillinoi.

Jesús uáinidímie jíllotate

³² Afe mei Jesús afénomona jáidemo, fiénide joríaí úicaiga uáinidímie, Jesumo atídíaioi.

³³ Iemona Jesús afe fiénide joríaí jino orede. Afemona uáinidímie ja úrite. Aferi comini caimare fáigacaillano daidíaioi:

—Bie izóidifuenta jaca Israel nairai cígimo cióñedicaí, —daidíaioi.

³⁴ Mei íadi fariséuai daidíaioi:

—Jesús dama fiénide joríaí illaíma ríinodo afe úicaigamie fiénide joríaína jino orede, —daidíaioi.

Jesús comínimo dúecaide

³⁵ Afe mei Jesús nana aféniemo ite jófuiaimo naa onífedo itícuaído llófuiaide. Afénuiaimo ite Juzíñamui uai llófueriracuaido llófuete. Afémie Juzíñamui illáimana illarui ñuera rafue llocana uite. Iemo nana jíáiforiedemo izi cácade iráredinona jíllotate. ³⁶ Meita nana daií itínona cíoillano, afémacimo Jesús dúecaide, mei úiñoñegano izóidiaioi. Ie jira oni ráiide ovéjaiaí izóidiaioiza. Afémaci duere finócaiaioi, daje izói duere zefuide buna ráiruiñegano izói itíaioi. ³⁷ Afemona Jesús ie llófuegamacina daide:

—Uáfueza, jacáfaimo ite raa ailla llezica jofo óitino iñena izói, birui Juzíñamui illáimana illánomo jofo órega comini aillo ite. Mei íadi afémaci jofo óitino figo iñede. (Afe jofo óitino jíáimacimo ñúefue llóitino.) ³⁸ Ie jira jacafai Naama izóidímie mo jíaíe ñúefue llóitimacina omoi jicari, afémaci afémie oréllena.

10

Jesús doce dígamie ie oni oréllino nizede

(Mr 3.13-19; Lc 6.12-16)

¹ Afe mei Jesús doce dígade ie llófuegamaci uáidote. Uáiduno fiénide joríaí comínimona oni orelle ríino íaioimo fecade. Daje izói nana jíáiforiede duico ogano jíllotalle ríino afémacimo fecade.

² Be afe doce dígadímaci oni oréllino mámeciaí: Nánoramie Simón, dáamiena Pedro daína, íemo ie ama Andrés, íemo Zebedeo jitó íaillinoi Santiago Juan díga, ³ íemo Felipe, íemo Bartolomé, íemo Tomás, íemo gobierno ibátaga úcube llíinoraíma Mateo, íemo Alfeo jitó Santiago, íemo Lebeo dáamie mámecí Tadeo, ⁴ íemo Iere Járidotimacimo jaináidímie Simón, íemo uire Jesús fécaitimie Judas Iscariote.

Jesús ie llófuegamaci jíáigobiaimo llófuellena orede

(Mr 6.7-13; Lc 9.1-6)

⁵ Jesús bie doce dígamiena ie oréacana llezica íaioi tájille izói llote. Daide:

—Judíoñedino éniemo omoi jáiñeno iri. Daje izói Samaria éniemo ite jófuiaimo jáiñeno iri. ⁶ Mei jíáifodo Israel náiraímo ovejai féiraila izói féiraitinomo omoi jairi. ⁷ Monamo ite Juzíñamui illáimana illirui ánozillana llocana omoi uiri. ⁸ Iráredinuaí omoi jíllotairi. Tíidínuaí meine abido omoi cáatari. Daje izói íaire chíinaitimíaina ñue omoi finori. Daje izói comínimo ite fiénide joríaí jino oreri. Bie izói omoi tájille ríinona raiñoñeno ómoimo fecádicue, íemona áfedo jíáimacina raiñoñeno omoi canori.

⁹ Jabe omoi jaille llezica úcubena uiñeno iri. ¹⁰ Omoi cirítico uiñeno iri. Jaca daa o abimo jíidiroi diga jairi. Daje izói idai icona uiñeno iri, íemo jíái macara jigüida uiñeno iri. Mei jíáimacina omoi cánua jira, áfemo táijiraima jaca raiñóñeno écafíregaza.

¹¹ Omoi jáillinomo ite comini jófueмо omoi dúcia llezica, ñue ínofíregamie illano omoi jeno. Afénomо nai oni omoi jáiñeille dino uái omoi iri. ¹² Jofo jaillano, afémaci ñue daíí uáidori. “Caimare uái omoi iri,” afémacina daííri. ¹³ Afe jofo comini caimare omoi llíinoiadi, omoi afémaci ie ñue mameca uai afémacimo fiébiteza. Mei íadi omoi daina uaina afémaci náfueñenia, afémacimo omoi mameca ñue uai abido ómoimo bíiteza. ¹⁴ Mei íadi afémaci ómoína llíinoacañenia, daje izói omoi llógamo cacáreacañenia, afe jofómona, daje izói afe jófuemona oni omoi jai. Omoi jailla llezica omoi éibamo ite íaie afémacimo teténocairi. Afedo íaioi comécimo ite íaifue nai íaioimo íllana ónoítiaioi. ¹⁵ Mei ua ómoína dáitícue, íraicaiño riire jícanolliruimo dúcina llezica, bie ómoína ruífruite comini, Sodoma Gomorra diga jofue comini duere zefuilla baimo, iere duere finólliaioi.

Cristo ícoínia duere cai zefuíllifue

¹⁶ Omoi cacai. Ovejai illáirede jazici jíco cígimo ória izói ómoína orédícue. Jaio abi rairuilla onona izói abi omoi onoiri. Mei íadi afe llezica fíiciri illáienina izói omoi iri. ¹⁷ Ñue abi omoi rairuiri, mei comini jabóidillainimo ómoína fécaítiaioiza. Juzíñamui uai lloraco eromo omoi fáitíiaioiza. ¹⁸ Iemo ríillainimo, daje izói jamánomo ocuídillainimo cue ícoínia ómoína uitíiaioiza. Iemo afe omoi íaioi úilledo afe illáinimo cuedo úritíomoi. Daje izói afe judíoñedinomo cuedo úritíomoi. ¹⁹ Mei íadi illáicomínimo omoi íaioi uille llezica, “¿Ñie izói úritícai?” dáinamo comeci faiñeno iri; daje izói “¿Ñie uaillai llóitícai?” daíñeno iri. Mei omoi úrille llezica, Juzíñamui ómoína úritaiteza. ²⁰ Afe llezica dani omoi comeci izói úriñeítíomoi. Moo Juzíñamui Ñuera Joreño ómoído úrilleza.

²¹ Afe llezica comini dani íaioi nahí ámana Crístomo ínotímiena illa jira, jíáimacimo íena fállena fécaítiaioi. Daje izói móotíai dani íaioi Crístomo ínote jíitíai fállena fécaítiaioi. Iemo jíái jíitíai dani íaioi móotíaido éoicana eróítiaioi, íemo íaioína tíatáitíiaioi. ²² Nana comini cue ícoínia ómoído éoicana eróítiaioi. Mei íadi fuillínomo fáicanocaiñeno ñue ínoicaitímie dama jíllóite. ²³ Daa jofue comini omoi duere finóadi, jíaie jófueмо omoi jairi. Mei ua ómoína dáitícue, nana Israel jófuiaido nai omoi jáiñenia uícodo raire dúciitícueza; mei Nanoide fima Jitó Crístodícue.

²⁴ Llófuegamacimona llófuetímie baimo jamánomoidímie íñede. Daje izói ocuífíregamie ie ocuídímie baimo ocuínide. ²⁵ Llófuegamie ie llófuetímie illa izói írede. Daje izói ocuífíregamie ie ocuídímie illa izói írede. Jofo naama izóidícueza, Beelzebú daina Taife mámece cuemo íaioi jíitáadi, jofo ero úruiaí mámeceína dájena jíitíiaioi. Iemo afe úruiaína cue baimo fieni úritíiaioiza.

¿Níimiena jacíruiédicai?
(Lc 12.2-7)

²⁶ Ie jira comínina jacíruiñeno iri. Mei nana báinino daina uaillai jino uáfodo cíozite. Daje izói nana báinino itífuiaína jino uáfodo onóille. ²⁷ Birui jíitífomo úrilla izói báinino ómoimo cue llógana, uire uáfodo monari comínimo omoi lloiri. Daje izói ómoína báinino cue daina uai, comini dáanomо uáidota ficire lloiri. ²⁸ Omoi íeizi tíitáitínona jacíruiñeno iri; mei omoi joréñona tíánidiaioiza. Mei jíáifo boode iraimo cai íeizi naa cai joreño duere finótáitímiena omoi jacíruiiri.

²⁹ Onódiomóiza mena duera ófocuizai duera úcubedo íbárega. Mei daíí íaioi ráifíñede íadi, afémacimona omoi Moo Juzíñamui daíñenia dácuíño tíide izói ana báííñeite. ³⁰ Mei uafue, omoi ífócimo ífótíraíai illa dígatíraí facádoga. ³¹ Mei daíítadeza jacíruiñeno omoi iri. Omoi, aillo ófocuíñuai baimo ráifídiomoi.

Comini eróicana Jesuna jieruitino

(Lc 12.8-9)

³² Comini eróicana nana cuena jieruitinona monamo ite cue Moo eróicana jieruiticue.
³³ Mei íadi comini eróicana cuena jáanotinona, afe izói monamo ite cue Moo uíecori afémacina jáanoiticue.

Comini conímana ruifruitatallena biticue

(Lc 12.51-53; 14.26-27)

³⁴ Comini dájena uái illifue bíniemo lluáibiticueza daiñeno iri. Mei jíáfodo dájena uái illifue lluáibiñeno, fuirilla izoide lluáibiticue. ³⁵ Cuemo ínuamona dáamie ie moo ðinena íena ruifruicaite. Afe daí cue bíllamona dájena uái íñeitiaillinoi. Daje izói ei cuemo ínuua jira afengo jiza ðinena ruifruibicaite. Afe daí cue bíllamona dájena uái íñeitiainguai, íemo jíái cuemo ínuamona mio ie jífaiño ðinena ruifruibicaite. Afe daí cue bíllamona dájena uái íñeitiainguai. ³⁶ Iemona illa dígamie dama ie jofo ero comini ðinena éoigamierna mámeitiaioi.

³⁷ Ninó daa come ie moo, ie eina cue baimo izíruia, afémie cuemo dúinide. Daje izói ninó daa come ie jitona, nibai ie jízana cue baimo ie izíruia, afémie cuemo dúinide.
³⁸ Iemo jíái, comini dama afémie titácanamo náfuiano cuedo jáiacañedimie afémie cuemo dúinide. ³⁹ Ie jira ie cáanano rairuáacadimie áfena táinomo fáifitaite. Mei jíáfodo cue ícoinia ie cáanano táinomo fáifitimie afe fáifidena baimo ziiño illínona máíñoite.

Jirídua izóidifuiái

(Mr 9.41)

⁴⁰ Iemo Jesús nai úrillano daide: Omoína caimare uáidotino, daje izói cuena caimare uáidote. Iemo cuena caimare uáidotino daje izói cuena oréðimiena caimare uáidote.
⁴¹ Juzíñamui uai jino llóraima Juzíñamui ðibénedo bíllado afémiena caimare uáidotimie, dájeze afémie jirídua izói jirídoite. Daje izói ñuemiena caimare uáidotimie afe jíáimie ñue íllado, afémie jirídua izói jirídoite. ⁴² Daje izói ninó daa come cue llófuegamacimona jabóidimie daa due jiza mánaide jáinoina jirótaadi, afémie cuedo jailla jira, afe jirótatimie uáfuenta íeiena mameca raana jirídoite, —ðinori Jesús ie oréllimacimo llófuete.

11

Juan Bautista orécano

(Lc 7.18-35)

¹ Jesús ie doce dígade llófuegamaci íaioi táijille izói llófuiana fuilla méifomo, Jesús oni afe éniemo ite jófuiaimo jaide, afénomo ite comini llófuellena.

² Aféruido Juan Bautista llavéracomo illa llezica afémie Jesús finócafuiaina fidide. Ie jira iedo jáidínomona dáarie Jesumo jícanuaitate. ³ Jesumo dúciillano jícanotiaioi:

—¿Meita o biite Cristo ðainámiedio? ¿Nibai nai jíáie búitimie úiñoredicai? —daidíaiioi.

⁴ Jira Jesús afémacina daide:

—Omoi ciona, omoi cacana izói Juaamo omoi lluájiri. ⁵ Bífuiái afémiemo lluájiri: Uínidino ñue cíodiaioi, macáñedino macádiaioi, íáire chíinaitino íaioi chíiemona ñue jacáitagaiaioi. Iemo jefona cacáñedino ñue cacádiaioi, íemo dáarie tíðino meine abido cáadínona jáidiaioi. Daje izói dúeredino jíllona uaina llogáiaioi. ⁶ Cuemo íñoñeilli uaina baiñédimie íóbite.

⁷ Juan orécano meine abido jailla méifomo, Jesús Juaado comínimo úrite; daide:

—Mei táizicimo ¿minícana cíozaidiomoi? Nibai dáamie ie ðaina uaina méidofiredimiena cíozafirediomoi. ⁸ Afe izóidimiena omoi cíozaiñenia, ¿mei nie izóidena cíozaidiomoi? ¿Meita nibai ñue cíoide ráifide iniroi jítaoidimie cíozaidiomoi? Onódiomoiza ráifide ñúecueroi jítaoifiredino jaca illaini jofomo ífirediaioi. ⁹ Mei írainomo ¿minícana cíozaidiomoi? ¿Nibai Juzíñamui uai jino llóraimana cíozaidiomoi?

Jii. Uáfueza. Juzíñamui uai llóraini baimo jamánomoidimiena cióizaidiomoi. ¹⁰ Juan baie Cuegáuai dainámie. Jaii uícodo nai cue biñena llezica, aféuaimo Juzíñamui, afémie dibénedo cuena daide:

O bille io ñue finóllena izói, comini íaioi comécido ñue omo jíeruillena, cue llujítimie o uícodo orédicue.

¹¹ Uáfena ómoína dáitícue, nana comínimona ite Juzíñamui uai llórainimona Juan Bautista baimo jamánomoidimiena iñede. Mei jíáfodo Juzíñamui illáimana illánomona jabóidimie Juan baimo jamánomoide.

¹² Mei íadi Juan Bautista bíllamona ua biruimo aillo comini ríifuedo raa báirua izói, monamo ite Juzíñamui illáimana illánomo iere izire jofo jáiacadiaioi. Afe ríifuedo afénomo jofo jáiacadino bie izói comécidiaioi: “Afe illánona anáfenuano jofo jáitícaí,” daíí comeci facádiaioi. ¹³ Nana Juan uícomo ite Juzíñamui uai llóraini naa Moisés lloga ocuica uai diga Juzíñamui illáimana illáruido úritiaioi. Iaioi úrilla méifodo Juan bite.

¹⁴ Iemo jíáfue ómoimo llóitícue. Omoi íinoiacaniadi, bífuenta ínorediomoi. Naui lloga bíite Elías be níimie Juan; mei Juan Elías dainámiena bíteza. ¹⁵ Mai cacáreacadino, omoi cacai.

¹⁶ Iemo Jesús nai úrillano daide: Biruillaido itínona, ¿ñie izói íaioina mámeitícue?

¹⁷ Jofue cigi íbírimo jífanote úrue izóidiaioi. Afémaci conímamo ebírede rúado caimátaiacadiaioi, mei íadi áfena fairíoñediaioi. Daje izói conímama zúurede rúado fíraacadiaioi, mei íadi daje izói afemo cacáreiacañediaioi. ¹⁸ Afe bie izói ómoimo ite. Mei Juan Bautista billa llezica afémie fímarillano figo güiñede, daje izói ríiji jiróñede. Ie jira “Fíénide joríaí úcaigamiedio” íena daidíomoi. ¹⁹ Afe mei cue, afe Nanoide hima Jitó dainámiedicue biticue. Billano, jíámaci izói güitícue, íemo jiródicue. Afemona nane bie izói cuena daidíomoi: “Bímie iere güilláredimie, jéerie jírofiredimie. Fíénidino nabáidimie. Daje izói gobierno íbátaga úcube llínoraini nabáifiredimie.” Daíí cuedo úritiomoi. Comini Juzíñamui orécanona bie izói fieni daidíaioi íadi, Juzíñamui baitácafue dama ie finócafuiaido jino cíozite, —dínori Jesús daide.

*Jófuiaimona dáarie Jesús uaina cacáreacañediaioi
(Lc 10.13-15)*

²⁰ Iemona Jesús jíáie jófuiaí comini íaioi íinoñena jira fueñe lletade. Mei afémie uaido daina comuide ciórainina ráamona nabene afémaci cígimo finódeza. Mei íadi afeno comini íaioi comeci ífuenta nai méidoñediaioi. Afémie daide:

²¹ —¿Corazín jofue comini níí dúerena! ¿Daje izói Betsaida jofue comini níí duere zefuilla! Mei íaioi cígiri cue finoca ciórainina raa, áfena Tiro comini daje izói Sidón comini cígimo naui finódicuenia, níbai raire jaii uícodo íaioi comeci ífuenta méidotiaioi. Uafue íaioi comeci ífuenta méiduamona, ja diga fimona jaide. Afe llezica zúunaia jítafírega jítiroi jítaacadiaioi. Daje izói aféruimo íaioi zúunailla jino ácatallena jízefo ífomo jutáacadiaioi. ²² Mei jíáfodo ómoína dáitícue, íraicaiño riire jícanolliruimo Tiro Sidón diga duere finóbina baimo Corazín íemo Betsaida comini duere finólliaioi, —daíí daide.

²³ Iemo Capernaum jofue comini Jesús lletade. Afémaci dibénedo daide:

—¿Meita íaioi ínoga jofue monamo úirede? ¿Daíí comeci facádiaioi, ero ua? Mei jíáfodo íaioina daidicue, tíidino illánomo ana dotaca izói niné táinocaitalliaioi. Mei íaioi cígimo cue finoca ciórainina raa naui Sodoma jófuemo finódicuenia, afe jofue nai biruimo nia ite. ²⁴ Mei íadi jíáfodo Capernaum comínina dáitícue, íraicaiño riire jícanolliruimo Sodoma comini baimo jícanolliaioi, —aquíe izói Jesús íaioina lletade.

*Cuomo billano omoi ocózinairi
(Lc 10.21-22)*

²⁵ Aféruillaido Jesús daide:

—Mona Ocuíraima Moo Juzíñamui, omo ñúefue jóneiticue, mei Juzíñamui dibénedo onógafuiai úrue izoide, comécina níifuenide jamai comínimo jino cíotatioza; mei íadi bínie ráfuea baitádinomona aféfuiai o retáidoga. ²⁶ Jii, Moo, mei o daií jitáidíozá.

²⁷ Jesús nai úriode: Cue Moo, nana uafue onógafuiai ja cuemo llotio. Moo Juzíñamui, o Jitódicue, mei íadi buna uáfodo cuena ñue onóñena. O cue Móodioza, dama o ñue cuena onódio. Daje izói buna uáfodo ona ñue onóñena. Cue, o Jitódicueza, dama ona ñue onódicue. Iemo jiái daje izói o Jitó onótaacagano ñue ona ónoitiaioi.

²⁸ Iemo comínina daide: Omoi ñúefuiai finócanamona zefuínaitino cue diné omoi bi; iemo jiái fiénidífue ábiana méeruitino daje izói cue diné omoi bi. Omoína ocózinaitaiticueza. ²⁹ Mai cue diga táijifirena izói ñúefuina finóllena omoi onoiri; mei omoi diga táijifiredicueza. Afe dájena táijinana cúemona omoi onoiri. Mei comécina járidoñedicueza. Daje izói comécina mánaidicueza. Afemona omoi comeci uái ocózinaillinona báitimoiza. ³⁰ Omoi diga cue táijinana féinide. Daje izói ómoimo cue ocuúllafue jaca ómoína zéfuitañeite, —dñori úrite Jesús.

12

Jesús llófuegamaci ocózinaillarui mo trigo ímoiaí dícoiano otá güitíai
(Mr 2.23-28; Lc 6.1-5)

¹ Aféruído Jesús naa ie llófuegamaciri ocózinaillaruido trigo ritino jacafai cígido macade. Afe llezica ie llófuegamaci iere jufínaillano, trigo ímoiaí otá güitíai. ² Afena fariséuai cíoillano Jesuna daidíaioi:

—Ero, o llófuegamaci ocózinaillarui rairuírede táijinamo táijidiaioi.

³ Mei íadi Jesús íaioina daide:

—¿Omoi ico jaii illaíma David finócafue cúegana facadoñediomoi? Afémie naa ie nabáñiairi iere jufínaitiaioi. ⁴ Afe llezica Juzíñamuimo gairíracomo jofo jaillano rairuica panes otá güitíai. Mei íadi afe páaniaí afémiemona rairuírede, daje izói ie nabáñiaimona rairuírede. Afe pan dama lletáriraini güirede. ⁵ ¿Mei nane jiáie Moisés ocuica uai cúegana facadoñediomoi? Afénomo daína: Juzíñamui gairíracomo táijide lletáriraini, ocózinaillarui ocózinaíñediaioi, mei daií íaioi illa fiénidífueñede. ⁶ Mei ómoína dáititícue, birui benomo afe gairíracó baímo jamánomoidimie ite. ⁷ Bie jiáie Juzíñamui Cúegauai llógana nai onóñediomoi. Afe be níuui: “Fatá fia fecaca rille baímo cuena izíruillena jitáidícue.” Búuina omoi onóadi níifuea finóñedinona “Duere cai finótalli” dáíñeitiomoiza. ⁸ Mei uáfueza, ocózinaillarui Nanoide íma Jitó Cristo daínámie ocuilla uai anamo ite.

Onoína llirídímie rafue
(Mr 3.1-6; Lc 6.6-11)

⁹ Afe mei Jesús afénomona jaide. Jaillano Juzíñamui uai llorácomo jofo jaide. ¹⁰ Afeco eromo ónoína llirídímie ite. Afe comini Jesumo fiénidífue jitállena jenódiaioi. Iemona afémiena jicánodoidiaioi:

—¿Meita iráredímie ocózinaillarui jíllo tarede? —daidíaioi.

¹¹ Jira Jesús afémaci uai ote:

—Omoimona daa cómemo oveja íadi, afe oveja ocózinaillarui ifomo baíadi ¿meita caifo óñega? ¹² Mei uafue, daa come oveja baímo jamánomo ráifide. Afemona ñúefue fínuana ocózinaillarui rairuíñega.

¹³ Iemona Jesús afe iráredímiena daide:

—O onoi jino zúita, —daide.

Jira ie onoi zúitamona, enéfene izói ñuera. ¹⁴ Iemona fariséuai jino jaillano, Jesús fállena mamérizaidiaioi.

Jaii uai llóraíma Jesudo daína uai como zuilla

¹⁵ Aféfuena Jesús fidíillano, afénomona oni jaide. Ie jailla llezica aillo comini afémiedo jaide. Iemo Jesús nana iráredino jíllo tate. ¹⁶ Afe llezica afémie íaioina llotatáñede: “Cue

bie izói íllana bumo lloñeno iri,” íaioina daide. ¹⁷ Bie izói zuide jaiái uai llóraíma Isaías lloga uai ñue ícoímo fuitállena. Afe uai be ñiie:

¹⁸ Bímie ñizada cue oga ocuífiegamie.

Afémiena iere izíruiticue, íemo afémieri iere íóbidicue.

Cue Ñuera Joréñona afémie úicaitaiticue.

Afémie cue mameca jaícina jóidifuiaina náiraímo jino llóite.

¹⁹ Afémie ríifuedo llóñeite.

Daje izói cáillicailli úriñeite.

Iemo jíái jofue cigi macáraodo ie uaina cácaiñeille.

²⁰ Comécina náinidinona ruifíruíñede. Afémie íaioi comécina náiretaite.

Daje izói dúiacade uillide mechera meine abido omoi boota izói, afe izói jabo íinote comini afémie fáicanocaiñeite. Fáicanocaiñeno ñue íaioina íinotaite.

Afe ícoímo nana duéredinona fáicanocaiñeitemo afémie jaícina illáimana illíruimo dúciite.

²¹ Iemona nana náiraíai afémiemo ocúritiaioi.

Taife ríino Jesumo illa afémiemo jitádiaioi

(Mr 3.19-30; Lc 11.14-23; 12.10)

²² Afe mei únidimie Jesús diné atídiaioi. Afémie fiénide joríaí uícaiga úrinidimie. Afémiena Jesús jíllotate. Iemona afémie ja ciode, daje izói ñue úrite. ²³ Ie jira nana comini áferi caimare fáigacaillano daidíaioi:

—¿Meita afe be ñíimie jaiái illaíma Davidmona comuítagamie? —daidíaioi.

²⁴ Fariséuai áfena cacáillano daidíaioi:

—Bímie fiénide joríaí illaíma Belzebú dainámie ríinodo afémacina jino oréfirede, —daidíaioi.

²⁵ Jesús daí íaioi comécido dáinana onóillano íaioina daide:

—Ñinó daje náiraina ite comini conima diga fuiríadi, afe nairai ráidoizillano niné táinocaite. Daje izói daje jofue comini eneno ráidoiziadi, afe jofue are íñeite. Iemo jíái daaco ero comini eneno ráidoiziadi, afémaci are íñeite. ²⁶ Iemo daje izói, mei Satanás dama íemo jaináidino jino oréadi, dani Satanás mairídino oni énenorie jáitiaioi. Mei íemona afémie ocuille ríino íñeite. ²⁷ Omoi cuena: “Belzebumo ite ríinodo fiénide joríaí jino oréadio,” daidíomoi. Afe omoi daina uáfuedenia, jíáífue ómoímo jicánoiticue. ¿Mei bu ómoído jáidino fiénide joríaí jino orelle ríino iga? Ie jira dani afémaci ñue onóñeno taino omoi llua jino cíotatiaioi. ²⁸ Mei jíáífodo Juzíñamui Ñuera Joréñodo afe fiénide joríaína jino orédicue. Iemo bifue bie izói daííacana: Juzíñamui illáimana illarui ja ómoímo dúcide.

²⁹ Mei uáfueza, ríiredimiena fueñe o máíñenia, ¿ñiie izói dáamie ie jofomo jaillano ie jofu ero ráaiena bairóredio? Bairónidio. Nano fueñe afémie máirede. Ie mei ie ráaiena bairórede. (Afe daíí Cristo Taifena jaca anáfenorede.)

³⁰ Cue dibénemo íacañedimie cuena uáitate. Cue diga dájena táíjñedimie, cue raana oni jutádimie izoide, mei afémie jíáímaci cuena íinotañedeza.

³¹ Ie jira ómoína dáíiticue, naga come ie finoca fiénidífue, Juzíñamuimo jícaadi dórede; daje izói nana ie úrilla fiénidífue dórede. Mei íadi ninó dáamie Juzíñamui Ñuera Joréñona íaire dáíiadi, afe uai jaca dónide. ³² Iemo jíái ninó dáamie Nanoide Hima Jitó Crístona íaire dáíiadi, afe afémiemo ie lloia dórede. Mei íadi Juzíñamui Ñuera Joreño jánana fieni úritimie afe ie úrilla íaífue birui dónide. Daje izói uire jaca ninomo dónide.

Naga amena ie llizíllajido onórena izói, daje izói naga come ie úrillafuiaido ónorede

(Lc 6.43-45)

³³ Ñuera aménamona ñuera ráajina llizide. Daje izói fiénide amena jaca fieni llizide. Mei uáfueza naga amena ie llizíllado ónorede. ³⁴ Jaió izóidinodiomoi. Ja fiénidinodiomoiza ¿ñiie izói ñue úrirediomoi? Mei uáfueza, cai fue cai comécimo jebuide

raado úrite. ³⁵ Ñuera come ñúefuedo úrite, mei ie comécimo ñúefue illaza. Daje izói fiénidimie fiéni úrite, mei ie comécimo fiénidifue illaza. ³⁶ Iemo nane ómoína dáitícue, íraicaiño Juzíñamui caimo riire jicánolliruimo, nana ráiruiñega fiéni cai úrilla uai, daje izói abi cai rairuíñena úrilla uai diga, jáanoñeno “jii” daíiredicai. ³⁷ Mei uafue, o úrilla dieze Juzíñamui omo izire jicánoiteza. Jiáimiena “O ñífuenidimiedio” dáite; ie mei jiáimiena “Dama o ícoína daí itio,” dáite.

Fiénide comini ciórainina raa finóllena Jesumo jicádiaoi

(Mr 8.12; Lc 11.29-32)

³⁸ Afe mei fariséuaimona dáamierie Jesuna daidiaoi, daje izói Ocuica Uai llófuefiredino diga:

—Llófueraima, ciórainina raa o finuana ciócadicai, —daidiaoi.

³⁹ Jira Jesús afémaci uai ote:

—Bigima fiénidino botade jiruiredingo izoide ja Juzíñamuina zóofetiaoi. Iemo ciórainina raa cuemo jicádiaoi. Mei íadi nauí Juzíñamui uai llóraima Jonás onótagafue baimo jiáifuena llóñeilliaoi. ⁴⁰ Mei Jonás daaruíamani íemo daamani naio afe áillue chamu eromo illa izói, afe izói Nanoide íima Jitó Cristo énie anamo daaruíamani íte, daje izói daamani naio. ⁴¹ Jaíai Nínive jófuego ite comini bigima comínimo riire jicánolliruimo bimácimo fiénidifue jítaitiaoi. Mei Nínivemo ite comini Jonás Juzíñamui uai íaioimo llua llezica íaioi comeci ífueña méidotiaioiza. Mei íadi birui benomo Jonás baimo jamánomoidimie ite. ⁴² Daje izói sur dibénemo jica ite nairai illaingo, bigima comínimo riire jicánolliruimo, bimácimo fiénidifue jítaite, mei afengo jica énie fuédamona Salomón comeci onóigafuego cacáreizaibiteza. Mei íadi birui benomo Salomón baimo jamánomo baitádimie illa.

Jino oreca fiénide jóriai meine dáamiemo bite

(Lc 11.24-26)

⁴³ Jesús nai líicaiñeno úrite: Fiénide jóriai cómemona jino jáiadi, táiziciaido ie uái illino jenócana uite. Ie uái illino baiñenamona bie izói comeci facade: ⁴⁴ “Meine abido cue billa cómemo jáitícue,” daide. Afe jóriai meine afe cómemo bítemo, jofo taico izoide baizáibite. Daje izói rafode ñue finócaco izói baizáibite. ⁴⁵ Iemona afémie siete diga jamánomo afémie baimo fiénide jóriai uájide. Afémaci nana afe cómemo jofo jáidiaoi. Afemona afe come nauí ie fiénina baimo birui jamánomo fiénide. Afémiemo illa izói, afe izói ómoimo íficaite, mei bigima fiénidigimaza.

Jesús ei naa ie ámatiairi

(Mr 3.31-35; Lc 8.19-21)

⁴⁶ Jesús nai comínimo úritemo, ie ei naa ie ámatiairi dúcide. Afémaci jofo jinófecomo itíaioi. Afémie diga úriacadiaoi. ⁴⁷ Afe llezica dáamie Jesuna daide:

—O ei, o ámatiairi jino benomo itíaioi. Afémaci o diga úriacadiaoi, —daide.

⁴⁸ Mei íadi Jesús afe lluíbitimiena daide:

—¿Mei bu cue eina? Daje izói ¿mei bu cue ámatiaina? —daide.

⁴⁹ Daí daínamona afémie llófuegamacina fuedo uidánote. Uidánuano daide:

—Bimaci cue eina, daje izói bimaci cue ámatiaina. ⁵⁰ Mei ninó dáamie monamo ite cue Moo comeci jitailla izói finódimie bie come cue ámana, daje izói cue miríngona, daje izói cue eina, —daí Jesús afémacina daide.

13

Afémaci onótaite ríjifiredimie rafue

(Mr 4.1-9; Lc 8.4-8)

¹ Afe monado Jesús jofómona jino jaillano, jorai fuédamo ráinazaide. ² Iemo afémie illánomo aillo comini ofilla jira, afémie bai nocaemo ráiizaide. Afe llezica nana comini

fuédamo fiébidiaioi. ³ Mei áfemona diga ráfuiaina afémaci llófuete. Afémaci onoiga izóidedo afémie íaioi llófuete. Daide:

—Jacáfaimo rífredimie rizájilla. ⁴ Ricana ie uilla llezica, afe júdaica íjiaimona dáarie iomo baiide. Baiilla mei ófocuiñuai güizáibitiaioi. ⁵ Ie mei jíajiaí énie figo iñena noficiaimo baiide. Aféjiaí raire zicode, mei afe énie lláideza. ⁶ Iemo jáinaonideza jitoma egáinuamona, zafénaillano tíidiaioi. ⁷ Ie mei nane jíajiaí éegiaí cígiri cocídino. Afe éegiaí móonaillamona aféjiaí íracotaillano tíidiaioi. ⁸ Mei íadi jíajiaí ñuera éniemo baiide. Aféjiaí ñue ailla. Dáaride cien diga llizíllajiaí comúitate. Jáiri sesenta diga llizíllajiaí comúitate. Iemo jáírismo treinta dígají comuide. ⁹ Bíemo cacáiacadino mai cacai.

Ñibái mei bie comini onoiga izóidedo úrilla, Jesús jino llote

(Mr 4.10-12; Lc 8.9-10)

¹⁰ Iemona ie llófuegamaci billano Jesumo jicánotiaioi:

—¿Ñibái mei comínimo íaioi onoiga izóidedo úritio? —daidiaioi.

¹¹ Jira Jesús uai ote:

—Monamo Juzíñamui illáimana illirui uáfodo ónoñega ráfuiaina, afémie ómoína onótate. Mei íadi baie comini áfeniaina ónotanidiaioi. ¹² Mei ua, Juzíñamuina iere onócadimiemo ie báitaja baimo jáiena írede. Iemona afémiemo aillo íite. Mei íadi Juzíñamui dibénedo onóacañedimiemona íemo ite due jiza onónana bairórede. ¹³ Ie jira afémacimo íaioi onoiga izóidedo úriticue. Mei afémaci ñúefuena ciódiaioi, mei íadi nai cíoiñedino izói itíaioiza. Daje izói cacádiaioi, mei íadi nai cacáñedino izói itíaioi. ¹⁴ Mei áfemona Juzíñamui uai llóraíma Isaías afémacina jicana daina uai ñue ícoimo fuilla. Be níuui:

Omoi uáfodo cácaitiomoi mei íadi afe dáinana ónoñeitiomoi.

¹⁵ Mei bimaci comeci riiredinona abido jaide.

Daje izói afémaci figo cacáacañediaioi.

Afémaci ui ibaica izói ite. Daií itíaioi íaioi uído cíoiñeillena, íemo jíai íaioi jefodo cácañeillena; daje izói íaioi comécido ñúefuiaí ónoñeillena.

Iemona íaioi cue jíllotallena abido cuemo bínidiaioi, daií Isaías daide.

¹⁶ Mei íadi daní omoi uído omoi ciónamona, daje izói daní omoi jefodo omoi cacánamona íobidinodiomoi. ¹⁷ Uáfueña ómoína dáitícue, diga Juzíñamui uai llóraíni bie omoi ciónana cióacadiaioi, naa aillo jíaie ñue comíniri. Mei íadi áfena cíóñediaioi. Daje izói bie omoi cacánana cacáacadiaioi, mei íadi cacáñediaioi.

Jesús ríjifredimie rigájjiaí rafue ñue jino llote

(Mr 4.13-20; Lc 8.11-15)

¹⁸ Jira bíemo omoi cacáreiri. Rífredimie rafue bie izói jino daide. ¹⁹ Monamo ite Juzíñamui illáimana illarui uaina dámie cacáadi, mei íadi afémie áfena íñoñeniadi, afémie comeci afe bie io izoide. Jíi, afe rigájjiaí iomo baídino izoide. Afe izói comécido jabo ie onoiga ñuera uaina Taife báiruaibite. ²⁰ Afe rigájjiaí níi afe noficiaí emódomo cocídino jana, ñúefuiaina raire cacáillano caimare otino coméciaí. ²¹ Mei íadi afémaci raire zicode raa riire jaináñena izói, Juzíñamuimo afémaci figo jaináñenamona are inédiaioi. Mei íadi ñuera uai ícoínia jacire facátafuiaí, íemo duere finóllena rácafuiái afémacimo comuíadi, ñúefuena fáicanocaitiaioi. ²² Afe éegiaí illano jana Juzíñamui ñúefuena cacádiaioi ía, bínie ráaniaimo comécina fáifiredino. Iere ráanaiacana afémacina jífuete. Nana aféfuiaí Juzíñamui ñúefuena íracotailla izói ínotañede. Iemona afe uai afémiemo ñue áide izói inede. ²³ Mei íadi afe rigájjiaí níi afe ñuera éniemo baídino jana bie izói ite. Bimaci Juzíñamui ñúefuena cacáillano afe uaina jeire otíaioi, mei áfena ñue onódiaioiza. Uamona iere aite rigájjiaí izói afémaci aillo ñúefuiaí finófrediaioi. Afémacimona dáarie jamánomo aillo ñúefue finódiaioi, Iemo jíaimaci aillo ñúefue finódiaioi. Iemo nane jíaie fia jabo aillo ñúefue finódiaioi.

Riga trigo cígimo fiénide raróciai zúicua rafue

²⁴ Iemo nane Jesús bie íaioi onoiga izóidifue lloste:

—Monamo ite Juzíñamui illáimana illarui bie izoide. Dáamie ñuera íjiaí ie jacáfaimo rite. (Aféruillaído comini diga ráaniai daane riñeno énenorie ritáioi.) Bímie ie jacáfaimo jíaiena jaicuñeno daa trigo rite. ²⁵ Mei íadi naama ínia mei ie diga icíritimie trigo cígimo fiénide raróciai rizáibite. Rillano oni jaide. ²⁶ Afe trigo móonaillamona íimoiai comuilla llezica riga fiénide raróciai cózite. ²⁷ Afemona táijitafiregano jacafai náamamo llujáide: “Ocuíraima, o ritátaga cai ríganíai níbai ñuera. Mei afe cígimo fiénide ráitiai ¿ninómona comuide?” ²⁸ Jira afefai naama daide: “Níbai ninó cue diga icíritimie bie rizáibiga.” Mei jira afe táijitafiregamaci éna daide: “¿Afe fiénide ráitiai cai áiruailleza meita airótatio?” ²⁹ Mei afémie íaioina daide: “Dama íteza, aiñóñeno iri, mei afe fiénide ráitiai aiñódiomoinia naa trigo diga aiñódiomoiza. ³⁰ Dama trigo diga daane móonaiteza, aiñoñegania ñuera. Afe mei jofo ollíruimo, cue táijitafiregano óreiticue fueñe afe fiénide ráitiai óllena. Afe uano afe ráitiai jobaille eneno icútuaina maitátaiticue. Afe mei cue trígona énoracomo énotaiticue.”

Mostaza daina riga raa íjiaí rafue

(Mr 4.30-32; Lc 13.18-19)

³¹ Iemo nane Jesús bie jíaié onótaitifue lloste:

—Monamo ite Juzíñamui illáimana illarui mostaza daina riga raa íjiaí izoide. Dáamie afe íjiaí ie jacáfaimo rite. ³² Uáfueza, afe íjiaí nana jíaié rífiregajiaí jofomo jéenide. Mei íadi móonailla llezica nana juzítotíai caifomo are zairide. Afe llezica caifo amena dínorí aillo zairide. Afemona áfena ícairuaimo feede ófocuíñuai jillaina nizáibitiaioi, —daide. (Afe izóí Juzíñamuimo ínotino dúemaci íadi, jamánomo aíllo macina jébuioicaitiaioi.)

Levadura daina pan fáitara rafue

(Lc 13.20-21)

³³ Iemo nane Jesús bie jíaié onoiga izóidifue lloste:

—Monamo ite Juzíñamui illáimana illarui pan aillo fáitate levadura izoide. Daa ríngo daámáni julleco harínana orúitajano, áfemo due jiza levadúrana tamede. Iemona nana afe iféllana mullétano oni aillo fáitate, —daide. (Afe izóí diga jíaimaci Jesumo ínuamona, Juzíñamuimo jaináidino aillo jébuitiaioi.)

Jiaí daináuai fuitállena Jesús íaioi onoiga izóidifuaído comínimo úrite

(Mr 4.33-34)

³⁴ Nana bífuaí Jesús íaioi onoiga izóidifuaído comínimo lloste. Onótaitifue afémie llóñenia comínina ñie izóí daiñede. ³⁵ Jiaí Juzíñamui uai llóraima daina uai ñue ícoimo fuitállena, afémie daí llófuete. Afe be níñuai: Onótatífuaído jino úriticue.

Juzíñamui énie fínua llezicamona figo ónoñegafuaí jino llóitacue.

Trigo cígimo comuide fiénide ráitiaí ifue Jesús jino lloste

³⁶ Afe mei Jesús nana comini jino fíiano jofo eromo jaide. Afécomo Jesús llófuegamaci afémiemo jícanuaibitiaioi:

—Jacáfaimo comuide fiénide ráitiaí rafue caimo jino ñue llóiri, —daídiaioi.

³⁷ Jira Jesús íaioina daide:

—Afe ñuera íjiaí ritímie jana Nanoide fima Jitó Cristo. ³⁸ Afe jacafai jana bie énie. Afe ñuera rigájiaí jana Juzíñamui illáimana illáruimo jaináidino. Afe fiénide ráitiaí jana Taífemo jaináidino. ³⁹ Afe fiénide ráitiaí rizáibitimie dama Taífe. Afe llizíllajiaí jofo otá éenua jana énie fuillíruí. Iemo afe llizíllajiaí jofo otino jana Juzíñamui abí imaci. ⁴⁰ Ie mei afe fiénide ráitiaí jobáillena oni eneno jóonia izóí, afe izóí énie fuillíruimo fiénidinomo zúite. ⁴¹ Aféruimo Nanoide fima Jitó Cristo ie abí imaci óreite, jíaimana fiénidifue

finótatino eneno óllena, naa fiénidifue finódinori. ⁴² Afémacina iraimo dótaite. Afénomo iere éenaitiaioi; iere izi cácaillamona murímuritiaioi. ⁴³ Ie mei Juzíñamui jitailla izói finódino íaioi Moo illáimana illíruimo jitoma uieco meáire egáinua izói íaioi maiñoca Juzíñamui ebíredifueña jino cíotaitiaioi. Omoi cacáacania, cacai.

Retáidoga ráifide raa jino onótaitifue

⁴⁴ Monamo ite Juzíñamui illáimaitagamacina íacadino bie izói fínoitiaioi. Enie anamo ónonino retáidoga ráifide raa jénua izói fínoitiaioi. Níie monado daa come afe retáidoga ráifide raa baite. Bailla mei, abido dáanomo áfena retáidote. Afe mei jofomo ióbicana jaillano nana íemo ite raa fécajide. Raa fécajano oga úcubedo afe retáidua énie íbajide.

Perla daína iere ráifide zírjij jino onótaitifue

⁴⁵ Nane daje izói monamo ite Juzíñamui illáimaitagamacina íacadino perla jenoda fécafiredimie izói fínoitiaioi. Afémie jicado jenode. ⁴⁶ Iere ráifide perla daa ie baía, nana íemo ite ráaniai fécajano, ie ciona ráifidijí íbajide.

Chamu ora llóiji onótaitifue

⁴⁷ Daje izói nane monamo ite Juzíñamui illáimana illarui, jóraimo dótafirega chamu ora llóiji izoide. Afe llóiji nana jíáiforiede chámuna ote. ⁴⁸ Afe llóiji oruilla llezica, facódino oni fuédamo jainácana uite. Afénomo raináillano, ñuera chamu díga nizédiaioi. Fiénidino oni dótano ñuera chamu íaioi cirígaimo iráidiaioi. ⁴⁹ Afe izói énie fuillíruimo comínimo íite. Juzíñamui abi imaci billano ñúemaci fiénidimacimona oni eneno ofítaite. ⁵⁰ Iemo fiénidinona iraimo óreite. Afénomo iere éenaitiaioi. Izi cácanamona murímuritiaioi.

Comue ráifide raa naa jácaie díga

⁵¹ Afe mei Jesús íaioina jicánote:

—¿Meita omoi nana bífuiaina onódiomoi? —daide.

Jira afémaci daidíaioi:

—Jíi, Ocuíraima onódicai, —daidíaioi.

⁵² Iemona Jesús íaioina daide:

—Cue ocuica uaina ñue llófuefiredimie, monamo ite Juzíñamui illáimana illíruui díbenedo llófuia llezica bie izói íficaide. Aillue jofo naama ie éenoga ráamona comue raa jino úana onode. Iemo jíáiruudo jácara raa mei íadi nai ñuera raa, jino úana onode. Afe izói afe ñue llófuefiredimie nana ie onóigafuiaimona cue cómfue naa jaiái lloga jácafue díga jino llúana onode, —daide.

Jesús Nazaret jófuego jaide

(Mr 6.1-6; Lc 4.16-30)

⁵³ Jesús nana bie jino ñue onótatifuiaí llua méifomo dama ie éniemo jaide.

⁵⁴ Dúcizaillano afénomo ite Juzíñamui uai llorácomo llófue. Aferi comini caimare fáigacaidiaioi. Daidíaioi:

—Bímie ¿ninómona díga ráfuiaina onode? Bie cíorainina raa ¿níie izói finode? ⁵⁵ Bímie baie rabícaimo táijifiredimie jító. Ie ei María. Daje izói afémie ámatiaí Santiago, José, Simón, Judas benomo cairi ite. ⁵⁶ Daje izói ie miríngotiaí cai cígimo itíaioi. ¿Mei ninómona nana bífueña onode? —daidíaioi. ⁵⁷ Iemona afémie llógamo náfueacañediaioi. Mei jira Jesús íaioina daide:

—Nana jíáimaciaí Juzíñamui uai llóraimana jíéruitiaioi, mei íadi dama ie comuállano comini íena jámairuitiaioi, daje izói naa ie jofo ero comíniri, —daide.

⁵⁸ Ie jira afénomo cíorainina raana aillo finóñede, mei afémaci afémiemo íñoñediaioiza.

14

Juan Bautista tilla
(Mr 6.14-29; Lc 9.7-9)

¹ Aféruillaído Galilea énie ocuídillaíma Herodes, Jesús jalléinana fidide. ² Fídiano ie diga itínona daide:

—Bímie tíllamona meine abido cáadímie Juan Bautista. Iemona afémiemo ciórainina raa finolle ríino ite, —daide.

³ Mei jaiai nano Herodes Juana maitá llavéracomo uitátate. Mei nauí Herodes ie ama Felipe ai Herodías dainango aina ote. Ua mei, Juan Heródesna riire lletádeza. Ie lleta jira íena llavétate. ⁴ Juan daina uai be niie:

—O bie ringo o ai izói uícainidío, —daide.

⁵ Daí daina jira Herodes Juana fáiacade. Mei íadi comínina jacíruite, mei “Afe Juan Juzíñamui dibénedo úrifiredeza,” daidíaioi. ⁶ Afe méifodo, Herodes ie jocóinamona jíáie fimona fuilláruimo dúcide. Aféruído ie cumpleaños rafue fínua llezica, irázillena llogano eróicana Herodías jiza bai zaizáijide. Afengo záillana Herodes iere ebíruite.

⁷ Afena iere gáinamona Herodes riirede uaido daide:

—Ninó o jíacacanana rairuíñeno íredicue, —daide.

⁸ Iemona afengo ei uícodo lua izói Heródena daide:

—Juan Bautista ifoci plátomo jóoneta cuemo atí, —daide.

⁹ Aferi ocuídillaíma Herodes zúucaide. Mei íadi uícodo riirede uaido dáinana nana irázillena llogano cacádiaioi. Jira jíáfodo méidoñeno nano fueñe ie daina izói ocuide.

¹⁰ Iemona llavéracomo llaveca Juan ifócina jaitátate. ¹¹ Afe mei jáitano plátomo jóoniano aféngomo izájidiaioi. Afe méifodo afengo afe ifócina ie eimo ite, afengo Juan ua tíllana onóillena.

¹² Afe mei afe Juan diga jáicadino uillano ie abi raíájidiaioi. Afe mei Jesumo lluájidiaioi.

Jesús cinco mil comini ecade
(Mr 6.30-44; Lc 9.10-17; Jn 6.1-14)

¹³ Jesús Juan fáajana fidíillano dama ruica táinomo nocaedo jaide. Mei íadi comini ie jáillana fidíillano naga jófuiaimona ie illánomo arido jáidiaioi. ¹⁴ Iemo Jesús afe nocáemona ari jailla llezica, diga comini ofíllana ciode. Cíoillano íaioimo dúecaide. Afémiemo atica iráredinuiaína jíllotate. ¹⁵ Ja nauízaiilla llezica ie llófuegamaci afémiena daízaíbitiaioi:

—Ja nauide. Benomo buna iñede. Nana comínina mai jófuemo oreri, afe áinori ite dúegobiaimo íaioi güille íaioi íbajillena, —daidíaioi.

¹⁶ Jira Jesús afémacina daide:

—Afémaci nai jáinidiaioi. Afémaci dani omoi eca, —daide.

¹⁷ Jira afémaci uai otíaioi:

—Cinco diga páaniai, íemo mena chamu afe baimo jíáiena caimo iñede, —daidíaioi.

¹⁸ Jira Jesús íaioina daide:

—Mai áfena cuemo atí, —daide.

¹⁹ Afe mei nana comínina daide: “Ráitíai emódomo ana omoi ráii,” daide. Afe llezica Jesús cinco diga páaniai mena chamu diga llínota, monamo érocaillano Juzíñamuina “Figora” daide. Daí daina méifodo Jesús afe pan ditada ie llófuegamacimo ite, afémaci nana comínimo fecállena. ²⁰ Afe güillano nana comini ñue jeírediaioi. Íaioi güilla mei, güiga állana ie llófuegamaci doce cirígai oruítatiaioi. ²¹ Afe güitino cinco mil diga ííñiai. Iemo afe baimo ringóniai naa úruiairi fácadoñega.

Jesús jainoi emódodo macade
(Mr 6.45-52; Jn 6.16-21)

²² Afe mei Jesús ie llófuegamacina daide: “Mai ifódino ruica enéferaimo nocaedo omoi jairi. Afe llezica bie comini ráinoiticueza,” daide. ²³ Comini ráinua mei Jesús

caifónedumo dama Juzíñamuimo úrizaide. Nauízaiilla llezica Jesús afénomo dama ite. ²⁴ Afe llezica íaioi jailla nocáe bai dáaferaimo ite. Mei íadi jorai bagua meine íaioina ñuitáñuitade. Afe llezica jairifo meine íaioina fúuoido. ²⁵ Como monáioicaidemo Jesús jainoi emódodo afémaci diné macácana jaide. ²⁶ Afe jainoi emódodo jáillana cíoilano, caillíoidiaioi. “Janaba billa,” dainano iere jacínaitiaioi.

²⁷ Mei íadi Jesús íaioina daide:

—Cueza, jacínaiñeno omoi iri. Abí omoi mame, —daide.

²⁸ Jira Pedro afémiena daide:

—Ocuíraima, mei ónia, o illánomo mai jainoi emódodo cue mácata, —daide.

²⁹ Jira Jesús íena daide:

—Mai mei bi, —daide.

Iemona Pedro nocáemona ana jaillano jainoi emódodo Jesús diné macácana jaide.

³⁰ Mei íadi jairifo riire jáiñua cacáillano abi jácidote. Afe llezica afémie ja anábaiacade. Anábaiocailla llezica afémie caillide:

—¡Ocuíraima, iñédicueza, cue lliino! —daide.

³¹ Daí daina llezica, Jesús ónoido llínota daide:

—¡Ñi o due ínua! ¿Nibái mei o ínogafuena fácanocaidio? —daide.

³² Nocaemo caifo íaillinoi jailla llezica, afe jairifo llícaide. ³³ Iemona afécaemo itino, Jesús anamo dújuillano íena daide:

—Uáfuenta, Juzíñamui Jitódioza, —daidíaioi.

Jesús Genesaret éniemo ite iráredino jíllotata

(Mr 6.53-56)

³⁴ Jorai ruica jáitajano Genesaret éniemo dúcidiaioi. (Afe énie jíáfodo mameina Galilea.) ³⁵ Iemo afeno comini ñue afémiena onónamona, nana afénomo itígobiaimo conímana fidítatiaioi. Afemona afénomo ite iráredinuiaina Jesumo atídíaioi. ³⁶ Daa afémie inícuero fueda jetánollena izire jicádíaioi. Iemona nana ie inícuero fueda jetádino jíllodiaioi.

15

Cómena íaire finode raa

(Mr 7.1-23)

¹ Afe mei dáarie Jerusalémona bite fariséuai naa ocuica uai llófuefiredinori Jesumo jicánuaibitiaioi:

² —¿Nibái mei o llófuegamaci cai uzútiai daina uaina oni caitáfirediaioi? Mei afémaci fiénidífue múiñua jana, nai güiñena llezica onoi jócuana finóñediaioiza, —daidíaioi.

³ Mei afe íbana Jesús íaioimo jicánote:

—¿Mei nibái omoi Juzíñamui riire ocuica uai oni caitáfirediomoí dani omoi jaii daina uaimo náfuellena? ⁴ Mei Juzíñamui caina daide: “O moo o ei diga caimare omoi uícairi.

Dámie ie moona ie ei diga íaire dáia, afémie tíiteza,” daide. ⁵ Mei jíáfodo daífirediomoí.

Dámie ie moona ie ei diga bie izói daífrena dáífirediomoí: “Moo, ona canónidicue, mei nana cuemo ite raa Juzíñamuimo fecállena cue mamécaza.” ⁶ Iemo ninó dáamie daí dáiiadi, ie moo ie ei diga canolle afémiemo dúñede, daí daífirediomoí. Daí

omoi dánamona Juzíñamui ocuica uai jámairuitadiomoí, dani omoi jaii daina uáillaimo náfuellena. ⁷ ¡Comeci diné ráatailla mei, abina ñue cíoidinodiomoí! Jaii Juzíñamui uai llóraima Isaías ie ciegánicomo omoi dibénedo uáfodo úrite. Be afe uai:

⁸ Bie comini fia fuedo cuemo ñúefue mamédiaioi, mei íadi íaioi comecei diné íáiredeza, cuemo jaináñede.

⁹ Diga ebírede ráfuiado cuemo caimátadiaioi íadi, afe caimátaila ráifiñede, mei afémaci jíaimaci llófuiá jamai come ocuica uáillaiza.

Isaías Juzíñamui daináuai bie izói cuete.

¹⁰ Afe mei comini uáidota Jesús íaioina daide:

—Cacáillano ñue omoi onoiri. ¹¹ Come fuedo jofo jaide raa afémiena íáiretañede. Mei jíáifodo come fuémona bite uai, afémiena íáiretate, —daide.

¹² Afe jira ie llófuegamaci Jesuna daiízaibítiaioi:

—¿Meita onódioza, o daina uáillaina cacáillano fariséuai icíritiaioi? —daidíai.

¹³ Mei íadi Jesús jíáifodo uai ote:

—Naga Juzíñamuimo uáfueña jaináñedimie monamo ite cue Moo ríñega raa izóidiaioi. Afémaci come gáñega riga raa naa jáinaori aiñólle izói táinocaitalliaioi. ¹⁴ Afe baie fariséuai dama daiítadiaioiza; áfemo lloñeno. Mei afémaci uínidino izóidino. Iemo afe llezica jíáie uínidino ifódiaioi. Uínidimie jíáie uínidimie ifóadi, nágaillinoi dáafomo báitaiillinoi, —daide.

¹⁵ Jira Pedro Jesuna daide:

—Bie uai jino caimo féinino llone, —daide.

¹⁶ Jira Jesús jícanote:

—¿Omoi jíái nai onóñediomoi? ¹⁷ ¿Onóñediomoiza, fuedo jofo jaide raa jébeñoimo jaide; afe mei abímona jino faiga? ¹⁸ Mei íadi come fuémona jino bite uailai ana comécimona comuide. Afe bie uailai dama afémiena íáiruitade. ¹⁹ Mei diga íaifuiái come comécimona comuide. Fieni comeci fácafuiái comuide. Daje izói daje comécimona jíáima fáiacanafuiái comuide. Iemo jíáima ai diga íacanafue come comécimona comuide, naa jíáie iere jiruírenafuiári. Iemo jíái merírillaufuiái come comécimona comuide. Daje izói táinona úrilla uailai, naa jíáimana íáire daináuailairi come comécimona comuide. ²⁰ Afe bífuiái cómena iere íáiruitanona orede. Mei íadi fiénidífue múiñua jana onoi jócuana finóñeno dáamie güíadi, áfena cómena íaifueredimiena oréñede, —daide.

Jicánemaci ringo Jesuna íinote

(Mr 7.24-30)

²¹ Afénomona Jesús oni jíáie éniemo jaide. Afénomo Tiro jofue Sidón jofue diga ite.

²² Afénomo Canaán énie ingo Jesús diné caillícana bite:

—Cai ocufirede jaiái illaíma David comuítagamie, cuemo dúecai. Cue jiza fiénide jóriái uícaigaza, iere duere zefuide, —daide.

²³ Mei íadi Jesús aféngona ñie izói daiíñede. Mei jira ie llófuegamaci íemo izire jícaibítiaioi:

—Mai ie uai fáirio, mei cai méifodo duere caillícana bíteza, —daidíai.

²⁴ Jira Jesús daide:

—Juzíñamui dani Israel náiraímona oni féiraite ovejai izóidino mamedada cuena orede, mei afémaci Juzíñamui lloga uailai jeire oñediaioiza, —daide.

²⁵ Mei íadi afengo Jesús diné billano afémie anamo dújude. Dújuillano aféniemo jícade:

—¡Ocuíraíma, mai cue cano! —daide.

²⁶ Jira Jesús aféngona daide:

—Uruiaí izoide Judíuai ónoimona pan bairoda jícóniaí izoide jícanemacimo illa fiénide, —daide.

²⁷ Mei afengo jaca nai daide:

—Cai Ocuíraíma, jíi uáfueza, mei íadi jícóniaí naama gügamonana ana baiide íruaina güífirediaioi, —daide.

²⁸ Mei jira Jesús aféngona daide:

—O ico iere íinotioza. Cuemo o jícaze, daií íteza, —daide.

Daií daina llezica afengo jiza jíllode.

Jesús aillo iráredinuai jíllotata

²⁹ Afénomona Jesús oni jaillano Galilea jorai fuédado jaide. Afe mei caifónedu ícoímo ráizaide. ³⁰ Iemo afémie illánomo aillo comini gairilla. Afe jáidino diga jíáiforie iráredino uitíaioi. Aféniemo ídainidino atídiaioi, íemo uínidinuai, íemo uáinidino,

íemo ónoínidínui, íemo díga jíáie iráredino afémiemo atídíai. Díeze átiano Jesús anamo jóonetíai. Iemona afémi nana afémacina jíllotate. ³¹ Afe afémié fínuari comini caimare fáigacaidíai, mei eróidíaiimo uáinidino úritíai. Iemo ónoínidino ñue jíllodíai. Iemo ídainidino ñue macádíai. Iemo únidino ñue ciódiíai. Iemona Israel nairai Juzíñamuimo ñúefue nitádíai.

Jesús cuatro mil dígade comini ecade
(Mr 8.1-10)

³² Afe llezica Jesús ie llófuegamaci uáiduano daide:

—Bie comínimo dúecaidíe. Ja daruíamani benó cue díga itíai. Iemo íaii güíllena ja íñede. Afémacina íaii jofomo ecáñeno oréacañedíe, io anamo íaii zafénaiza dáii, —daide.

³³ Iemo ie llófuegamaci íena daidíai:

—Mei benomo comini jofue íñédeza, bie aillo comini ecállena ¿ñinómona óitíai? —daidíai.

³⁴ Jira Jesús afémacimo jícanote:

—¿Omoimo níga páaniai ite? —daide.

Jira afémaci daidíai:

—Siete díga pan ite íemo due chámuna ite, —daidíai.

³⁵ Afe mei nana comínina: “Ana omoi ráii,” daide. ³⁶ Daíi daina méifomo siete dígade panes naa chamu díga llínota, Juzíñamuina “tere figora” daide. Afe mei díhada, ie llófuegamacimo ite, afémaci nana comínido fecállena. ³⁷ Afena nana güitíai. Íaii güilla mei nana ñue jeíredíai. Afe mei íaii güiga állana siete díga cirígai oruíatíai. ³⁸ Afe güitino cuatro mil dígadimaci. Afe baímo ringóniai naa úruiairi fácadoñega. ³⁹ Afe mei Jesús afe gairide comini rainode. Ráinua mei ana nocaemo jaillano oni Magdala éniemo jaide.

16

Fariséuai naa saducéuai díga ciórainina raa finóllena jícadíai
(Mr 8.11-13; Lc 12.54-56)

¹ Fariséuai naa saducéuai díga Jesumo eróizaidíai. Iemo afémié fiéni facátallena monámona comuide ciórainina raana finótaacadíai.

² Mei íadi afe llezica afémié jíáifodo uai ote:

—Nauíacana llezica mona jíairenia uire jiti ñue mónaite daífiredíai. ³ Iemo jítiramo díbenemo mona jíaire nairíadi, bie mona fiénite, daífiredíai. ¡Comeci íairena mei, jino abi díne ñue cíoidinodíai! Uire jítiramo ñue mona monaílle llote raana ñue onódiíai. Mei íadi birui omoi cígimo cue finoca onótatífuiaina onóñediíai. ⁴ Biruido ite íinoñede fiénidino ciórainina raana finóllena jícáfiredíai. Mei íadi naui Juzíñamui uai llóraima Jonásimo zúidíe íaii onótatífue. Afefue baímo jíáifuena llóñeíllíai, —daide.

Daíi daina mei, afémacina fáicanocaillano Jesús oni jíáinomo jaide.

Fariséuai taino llófirenafue levadura daina pan aillo fáitáte raa izoide
(Mr 8.14-21)

⁵ Jesús llófuegamaci jorai ruícafenemo jailla llezica, pan féideza uíñedíai. ⁶ Afe mei Jesús íaioina daide:

—Ero, fariséuai naa saducéuaimo ite levadura daina pan aillo fáitáte raa izóidemona abí omoi rairuiri, —daide.

⁷ Mei jira llófuegamaci dani conímána daidíai:

—Níbai pan cai atíñena jira afémié daíi daide, —daidíai.

⁸ Jesús áfena comécido onóíllano daide:

—¿Ñibái mei páanidicai daidíomoi? ¡Omoi ico nai figo íinoñediomoi! ⁹ ¿Nai cinco páaniai ditada cinco mil comini cue écamo jaca uñbicaiñediomoi? ¿Nai áfena ñue onóñediomoi? Aféruido fiébidinona ¿niga cirigai oruitatiomoi? ¹⁰ Iemo daje izói siete dígade páaniai cuatro mil comínimo cue feca mei ¿niga cirigai fiébidinona iráidiomoi? ¿Afemo jiái daje izói uñbicaiñediomoi? ¹¹ ¿Minícamo jizídiomoi levadúrado cue úrillana nai onóñena? Nai fariséuai, naa saducéuaimo ite levadúramona abí omoi rairuiri cue daina uaina jamai paando úriñedicue; jiáífue llotícue.

¹² Afemona ie llófuegamaci ie dainana ñue onódiaioi. Pan aillo fáitate levadúramona abí rairuillana lloñédeza. Mei jiáífodo fariséuai naa saducéuai jino lloga taino llófuia-mona abí rairuíredeza.

Pedro Jesús Crístona jino jaícina llote

(Mr 8.27-30; Lc 9.18-21)

¹³ Afe mei Filípomo dúide Cesarea éniemo Jesús dúcina llezica, ie llófuegamacimo jicánote:

—Cue Nanoide ñima Jitódicueza. Afe dibénena ¿ñie izói comini daidíaioi? —daide.

¹⁴ Jira afémaci daidíaioi:

—Dáamierie “Bie Juan Bautista” daidíaioi, jiáimaci “Bie Elías” daidíaioi, íemo nai jiáimaci “Ñibai Jeremías, ñibai jiáie Juzíñamui uai llóraima,” —daidíaioi.

¹⁵ Mei jira Jesús daide:

—Omoi ¿mei ñie izói cuena daidíomoi? —daide.

¹⁶ Jira Simón Pedro uai ote:

—Juzíñamui ñizeca Cristo dainámiedio. Daje izói caade Juzíñamui Jitódio, —daide.

¹⁷ Jira Jesús afémie uai ote:

—Jonás jitó Simón, o iere ióbidio. Mei ailli o daina uai cómemona omo llóñegaza. Mei jiáífodo monamo ite cue Moo Juzíñamui omo lloga. ¹⁸ Ona Pédrodio dáitícue. Mei jae cuena o daina uai riírede oni dotánide nofici izóideza. Iemona afe bie riírede nofici izoide uáitanide dainamo cuemo ínotinona comuitaitícue. Iemona titáfírede ríino cuemo ínotinona anáfenoneite. ¹⁹ Iemo jiái monamo ite Juzíñamui illáimana illano naze zuitáfírena llave izoide raa omo ítícue. Iemona biniemo o rairuícafueña, daje izói monamo ráiruizeza. Afe izói biniemo o ráiruínegafueña monamo ráiruínelle, —dinori Jesús daide.

²⁰ Afe mei Jesús ie llófuegamacina Crístona ie ñllana bummo jino llotátañede.

Jesús ie tíille llote

(Mr 8.31-9.1; Lc 9.22-27)

²¹ Aféruimona Jesús Jerusalemo ie jáizaillena ie llófuegamacimo jino uáfodo llote. Iaioina daide: “Jerusalemo cue dúcille mei ocuífírede éicomini, naa lletáriraini illáiniri, íemo jiái ocuica uai llófuefíredinori nana iere cuena duere fínoitiaioi. Omoimo llotícueza cuena titaitaioi, mei íadi daruíamani íllemona meine abido cáadimiena ítícue,” daide.

²² Afe jira Pedro Jesús bai uillano íena lletade. Daide:

—Ocuíraima cacai, Juzíñamui afe izói gáíñede. ¡Aféfuiai jaca omo zúíñeiteza! —daide.

²³ Mei jira Jesús oni gírecaillano afémiena daide:

—Satanás uícaigoza. Cúemona oni jai; cue llótáidotioza. Juzíñamui comeci faca izói o comécina facáñedio. Jamai come comeci faca izói o comécina facádio, —daide.

²⁴ Afe jira Jesús ie llófuegamacina daide:

—Ñinó dáamie cuedo jáiacania dama ie comeci jitáillana féitarede. Féitano cuedo jáirede. Afémie cuedo jailla ícoinia tíidena, afémie áfena izire ónide. ²⁵ Mei ñinó dáamie ie cáananona rairuíacadimie áfena táinomo fáifitaite. Mei jiáífodo cue ícoinia ie cáananona táinomo fáifitimie afe fáifidena abido máíñoite, jaca ñinomo zíñona ie ñllana.

²⁶ Mei daa come nana binié ráaniai aillo náamataadi, íemo afe llezica dama ie comeci afémie táinocaitadi, nana ie maíñoica ráaniai afémiena jíllotañeite. Mei daa come ie

comécina ¿nieze ibárede? ²⁷ Mei uáfueza, Nanoide hima Jitódicueza. Cue Momo ite ebíredinuai naa ie abi imáciri uire bíiticue. Iemona illa dígamie íaioi finócaza fécaiticue. ²⁸ Uáfueña ómoina dáititue, benó cue diga itínomona dáarie nai tíñeitiaioimo illáimana cue bíllana cíoitiaioi, —daide.

17

Jesús abi jiáifo méidoficaide

(Mr 9.2-13; Lc 9.28-36)

¹ Seis dígarui jailla mei, Jesús Pedro, Santiago, Juan diga uite. Dígamie dani eneno iere caifónedumo uite. ² Afénomo íaioi eróicana ie abi jiáifo méidoficaide. Ie uieco jitoma izói queníreficaide. Daje llezica ie inícuero jamánomo úzereficaide. Luz egáñua izói úzere. ³ Afe llezica, Moisés, Elías, Jesús diga úrillana cíodiaioi. ⁴ Jira Pedro Jesuna daide:

—Cai Ocuíraima, nii cai benó caimare cai illa. O jitáidi daámani jofóchupi benó cai nilli; daa óochupi, jiáie Moisés ie, íemo jiáie Elías ichupi, —daí daide.

⁵ Daí Pedro úrioina llezica, iere quenírede mona ero uíllie, íaioi ferínocaide. Afe uílliemona da uai cacacaide. Afe uai daide:

—Bie iere cue izíruiga Jitó. Afémiemo omoi cacáreiri, —daide.

⁶ Afe uaina cacáillano ie llófuegamaci éniemo fueco diné bíjicaidiaioi. Afémaci iere jacínaitiaioi. ⁷ Afe méifomo Jesús íaioina jetánota daide:

—Jacíruiñeno caifo omoi náidacai, —daide.

⁸ Afemona érocaidiaioimo, ja buna cíñena. Dama Jesús cíodiaioi.

⁹ Afe íduaimona fei íaioi billa llezica, Jesús afémaci ocuide:

—Bie omoi ciona rafue bumo lloñeno iri. Nanoide hima Jitódicueza, tíillamona nai meine abido cue cáañeille dinó lloñeno omoi iri, —daide.

¹⁰ Iemona ie llófuegamaci Jesumo jicánotiaioi:

—¿Níbái mei ocuilla uai llófueraini Elías raire uícodo bírena, daíffirediaioi? —jicánotiaioi.

¹¹ Jira Jesús uai ote:

—Uáfueña Elías fueñe bille. Billano naga ráaniaina ñue fínoite. ¹² Mei íadi: “Elías ja bite” ómoina daidicue. Mei bimaci afémiena onóñediaioi. Afémiena onóñenamona afémaci comeci óiacana izói afémiena finódiaioi. Iemo birui Nanoide hima Jitódicueza, afe izói cuena duere zefuítaitiaioi, —daide.

¹³ Iemona ie llófuegamaci, Jesús Juan Bautístado íaioimo úrite, comécido daidíaioi.

Jesús fiénide joríaí uícaiga jitócomena jíllotata

(Mr 9.14-29; Lc 9.37-43)

¹⁴ Idumona ana comini illánomo bitíaioimo, dámie Jesús anamo dújuzaibite. Dújuzaibillano daide:

¹⁵ —Cai Ocuíraima, mai cue jitomo dúecai. Fiénide joríaí íena naillítafirede. Aferi afémie iere duere zefuide. Afémie diga ícaiño iraimo baiífired; jiáiruido illemo baiífired. ¹⁶ Benomo o llófuegamacimo cue atica, mei íadi afémaci afémiena jíllotandiaioi, —daide.

¹⁷ Jira Jesús uai ote:

—¡Aiii! ¡Níena jamánomo íinofinidiomoi! Núfueña jamairuitiomoi. Omoi ñue cue rairuillena, ¿niie dinó omoi cígimo íredicue? Afe jitócome cuemo ati, —daide.

¹⁸ Atia mei, Jesús afémiemo ite fiénide joríaí izire rairuide. Rairuillano jino orede. Afe daí daina llezica, afe jitócome jíllobicaide.

¹⁹ Afe mei Jesús llófuegamaci bai eneno Jesús diga úrite; jicánotiaioi:

—¿Mei níbai cai afe fiénide joríaí orénidicai? —daidíaioi.

²⁰ Jira Jesús íaioina daide:

—Omoi nai figo íinoñediomoiza, afe fiénide joríaí nai jino orénidiomoiza. Uáfueña ómoina dáitice, ua due omoi íinoiadi iere juáredifueña finórediomoí. Omoi íinogafue mostaza íji jamánomo dúena izoide íadi, áfedo iere juáredifueña fínoitiomoí. Bie áillue caifóneduna “Oni jai” o daiíadi, afedu oni jiánomo jáite. Uáfueña omoi íinoiadi, jánaideza finónide raa ómoímo íñeite. ²¹ Mei íadi bie izoide fiénide joríaí dama cai güíllena güíñeno fímaírrillado íemo jíái Juzíñamuimo cai úrillado jino orérede.

Jesús nane ie tíille dáanomo jino llote
(Mr 9.30-32; Lc 9.43-45)

²² Galilea éñiedo íaíoi macácailla llezica, Jesús ie llófuegamacimo ie tíillifueña íaíoi mo llote; daide:

—Nanoide Hima Jitódicueza, nairai duere finóllena uillice. ²³ Afe mei cuena tíitaitaíoi. Mei íadi daruíamani íllamona meine abido cáadimíena íitice, —daide. Aféfueña cacáillano iere zúucaidiaíoi.

Juzíñamuimo gairíracomo dúide úcube Jesús íbade

²⁴ Jesús naa ie llófuegamaciri Capernaum jófueño dúcidiaíoi. Dúcina llezica, Juzíñamuimo gairíracomo dúide úcube jícaíredino Pédro mo jícanuaidiaíoi:

—¿Omoi llófueraima afe raiñoca úcube íbaíñete? —jícanotiaíoi.

²⁵ Jira Pedro:

—Jíí, íbaite, —daide. Afe mei Pedro jofo jailla llezica, Jesús fueñe Pédrone daide:

—Simón, ¿ómona ñie izói cíoi? Bínie illaini ¿ñie comínimo úcube jícaírediaíoi? ¿Meita dani ie comínimo? ¿Mei jíáífodo jícanemacimo? ¿Ñie comínimo? —daide.

²⁶ Jira Pedro:

—Jícanemacimo, —daide.

Iemo Jesús íena daide:

—Íe jira dani ie comíni íbánidiaíoi. Iemona afe ailli omo íaíoi jíca raiñoca úcube íbánidice, ¿ero ua? Jíí, íbánidice. ²⁷ Mei íadi bu cai ícñeíllena, áfena íbaitice. Ie jira jóraimo jaillano fácuai. Fueñe riáíbite chamu o oírí. Otá ie fue eromo daa úcubetuni báitioza. Afe úcubetuni cócomo jíca úcube záitaiteza. Afétuni uano afémacimo o íbari, —daide.

18

¿Ñie come iere jamánomoina?

(Mr 9.33-37; Lc 9.46-48)

¹ Aféruído ie llófuegamaci dáanomo gairíllano Jesumo jícanotiaíoi:

—Monamo ite Juzíñamui illáimana illáruimo ¿ñie come iere jamánomoina? —daidíaíoi.

² Afemona Jesús daa jíiza uáiduano íaíoi cígiri naidánete. ³ Daií ñiano daide:

—Uáfueña ómoina daidice, omoi illafue jamai comécina mánairede úrue illa izói méidorediomoí. Afe izói omoi íñenia jaca monamo ite Juzíñamui illáimana illánomo jofo jáíñeitiomoí. ⁴ Mei íadi bie úrue izoide dama ie abi jacire maméñedimie monamo ite Juzíñamui illáimana illáruimo jamánomoidimie. Iemo daje izói bie nífuenide úrue illáfueña dama ie illáfueña méidotimie, afémie jamánomoina. ⁵ Daa come cue mámedido bie izoide dúeza llínoiadi afémie ja dáaruído cuena llínote.

Fiénidifueño come baílla iere jacírede

(Mr 9.42-48; Lc 17.1-2)

⁶ Ñie come daa bie izoide cuemo ínote dúeza fiénidifueño baítaiadi, afémie jamánomo duere finórede. Monáíllaji iere afóredinomo ie cimóimo áillue nofici cuinada dotalle baímo ñuera. ⁷ Jíáie comínina fiéni finótaoicaídino ¡ñi dúerena! Oni níbéfodo

fiénidifuemo baiítifuiai jaca ífirede; mei íadi afémie afémaci fiénidifuemo baiíta ícoinia afémie jñii dúrena!

⁸ Iemona, o finócafuedo oni nibéfodo fiénidifuemo o baiíadi, dama o onoi jáitaja izói, afefue fínuana fáicanocairi. Daje izói ninó o jáillado fiénidifuemo o baiíadi, dama o idai jáitaja izói, afénomo jáillana fáicanocairi. Mei júbene onoi diga daje izói júbene idai diga izói o íllana zíñona illínomo o jáiadi iere ñuera, mei íadi nágafezi diga, comini duere finólliraimo o baiíadi iere figóñede. ⁹ Daje izói minícamo o eróillamona fiénidifuemo o baiíadi, dama o úji cuerónota oni jica dota izói, áfeniaino eróillana fáicanocairi. Mei júbene uina fíidímie zíñona illínomo o jáiadi jamánomo ñuera. Mei íadi mena ui diga comini duere finólliraimo o dotábiadi iere figóñede.

Oveja oni féiraila izoide rafue
(Lc 15.3-7)

¹⁰ Bie úruiaimona daaza jámairuñeno omoi iri. Mei ómoina daidícueza, afémacimo uíñote Juzíñamui abí imaci, monamo ite cue Moo uiecomo jaca ífirediaioiza. ¹¹ Mei Nanoide fima Jitódicueza, oni nibéfodo féiraitino jíllotaibiticue.

¹² Omoimona ¿ñie izói comeci facádiomoi? Daa cómemo cien diga ovéjaiai ia, íemo afémacimona daa oveja féiraiadi, afémie afe noventa y nueve diga ovéjaiai ie cirínoracomo fiénocaite, afe féiraite oveja jénuaillena. ¹³ Afe féiraite oveja bailla llezica, áferi afémie jamánomo íóbide. Ua nana jíaie noventa y nueve diga féiraiñede ovéjaiai baimo, afe baiga féiraitimieri jamánomo íóbide. ¹⁴ Afe izói monamo ite Moo Juzíñamui bie dúezaiaimona jaca daa féiraitaacañede.

Cai ámatiaimona dámie omo fieni íadi, afémiena caimare uáidorediomoi
(Lc 17.3)

¹⁵ O ama omo fieni úriadi, uái daí jaillano dama afémiemo úrizairi; afémie fieni illa afémiemo ñue lloiri. Afémie áfena náfueiadi, ja afémiena ñue cáimacaitadio. Afémie diga ñue nabáiritio. ¹⁶ Mei íadi afémie áfena náfueñeniadi o uai nábitena mena come jíriri. Afe mei afémiemo úrizairi, mei afémiemo nana nitácafuiyai mena come nibai daámani come uai nabáifrenado záitarede. ¹⁷ Mei íadi afémie afémacimo cácareacañenia, Juzíñamuina íñote aillo dáanomo gairídino lloiri. Iemo afémie afémacina nai náfueñenia mai afémie Juzíñamuimo íñoñedimiena omoi mameri. Daje izói gobierno raiñoca úcube íáirede jicáfiredinona omoi jámairuia izói afémiena omoi jámairuigamiema mameri.

¹⁸ Uáfueña ómoina dáititue, bíniemo nana omoi féitañega jíaimaci fiénidifuiai, daje izói monamo féitañega. Iemo jíáifodo bíniemo omoi féitaga jíaimaci fiénidifuiai, afe izói monamo féitaga.

¹⁹ Nane dáanomo ómoina dáititue, ómoimona ménamie bie éniemo dájena mamede Juzíñamuimo jicáadi, monamo ite cue Moo ómicoi jica izói fínoiteza. ²⁰ Mei mena come, nibai daámani come cue mámecido dáanomo gairíadi, afénomo afémaci cígimo iticue, —daide.

²¹ Iemo Pedro Jesumo jicánote:

—Cai Ocuíraima, cue ama cuemo fieni ítena ¿nígacaiño caimare íena uáidoredicue? ¿Meita siete dígacaiño caimare íena uáidoredicue? —daide. ²² Jira Jesús uai ote:

—Siete dígacaiño daíñedicue. Mei jíáifodo jamánomo aillo dígacaiño íena caimare uáidoredio. Uafue jaca ninomo o ámana caimare uáidoredio, —daide.

Caimare uáidoiacañede tájitafiregamie izoide rafue

²³ Jesús nai úrioicaide; daide:

—Ie jira monamo ite Juzíñamui illáimana illirui bíniemo ite illaíma finócafue izoide. Aféllaíma nana ie tájitafiregano íemo íbácaga raana záitaiacade. ²⁴ Afe záitalle táinia mei daa tájitafiregamie illáimamo atídiaoí. Afémiemo jamánomo aillo íballe

ite. ²⁵ Mei íadi afémie úcubenide. Ie jira ie ocuídímie daide: “Mai bímie, ie ai naa ie úruiai riire ocuífirellinona feca, cuemo dúide ie ibárega raa zátalleza,” —daide. ²⁶ Iemona afe táijitafiregamie ie ocuífiredímie anamo dújullano íemo izire jicade: “Cue Ocuídímie, cuemo járitaño. Fíaicana nana omo íbaiticue,” daide. ²⁷ Iemo afe ocuídímie afémiemo dúecaide. Dúecaillano afémie ibárega raa íbátanede. Afe llezica ja afémiena rairuíño macátate. ²⁸ Mei íadi afe táijitafiregamie oni jailla llezica, jíáie afémie izói táijitafiregamie baizájide. Afe táijitafiregamiemo fueñeidimiemo íbállena due ite. Ie jira ie cimoi llínota íena títaite izói finode. Afe llezica daide: “Mai cuemo íbárega raa íba,” daide. ²⁹ Iemona ie llaitádimie anamo dújullano íemo izire jicade: “Cuemo raire járitaño. Fíaicana nana omo íbaiticue,” daide. ³⁰ Mei íadi afémie áfena náfueño llavéracomo íena llavétate, ie íbárega íbañelle dino. ³¹ Jíáie táijitagano áfena cíoilano, iere zúucaidiaioi. Iemona nana afe llezica íficaillafuena íaioi ocuídimiemo llujidiaioi. ³² Iemona ocuídímie nanóidímiena jíiritade. Jírillano íena daide: “Iere fieni táijitafiregamiedio. Mei izire cuemo jicádioza, nana cuemo o íbárega raana dino fáicanocaidicue. ³³ Omo cue dúecailla izói, daje izói o nabaimo dúecairedio,” daide. ³⁴ Afe jira afe ocuídímie iere ríicaide. Ríicaillano ie nabaimo dúecaiñedímiena riire duere finótate, nana ie íbárega íbañelle dino.

³⁵ Bie izói dáinado Jesús ie úrillana zátate. Daide:

—Ílla dígamie comécido ñue ie ámana uáidoñenia monamo ite cue Moo afe izói ómoína duere fínoite, —daide.

19

Hima ie ai dótajado Jesús lletade

(Mr 10.1-12)

¹ Jesús bie uaido úrilla méifomo Galilea éniemona jaide. Jaillano Jordán imani ruícafellemo ite Judea éniemo dúcide. ² Díga comini Jesudo jailla, íemo afénomo aillo íraredinuiaina jíllotate.

³ Afe mei fariséuaimona dámierie Jesús zanóllena facátaíbitiaioi. Afémiemo jicánotiaioi:

—¿Meita daa come ie áina fia come comeci dáinamona dotárede? Afe izoide ¿meita rairuírede? —daidíaioi.

⁴ Jira Jesús uai ote:

—¿Jaiai Juzíñamui Cuegáuaina facádoñediomoi? Afénicomo bie izói llote. Fueñe comini comuítatímie ringo iima díga finode. ⁵ Nane dánomo daide: “Bie izóidemona dáamie ie moo ie ei díga fáicanocaite, afe ie ai díga dájena íaillinoi íllena. Iemona afe íaillinoi daade come izói íite.” ⁶ Afemona ménañedeza, daade come izoide. Ie jira jae Juzíñamui daade come finócaza, comini oni eneno dotánide, —daide.

⁷ Mei jira jicánotiaioi:

—¿Iemo nibái mei Moisés lloga uaimo áina dotárede daide? Dótaitímie ie dotaca aimo cuegábena írena. Afébena aféngomo íllano, afémie aféngona dotárede, —daide.

⁸ Jira Jesús íaioína daide:

—Mei afe omoi comeci íinoacañenamona Moisés omoi ai dotállena rairuíñede. Mei íadi nanómona daíí mámeñega. ⁹ Cue ómoína dáitícue, daa come ai jiruíreiñeniadi dotáadi, jíáie ringo óiadi afémie fiénide jiruífue finode. Daje izói oni dotácango otímie jiruífue finode, —daide.

¹⁰ Iemona ie llófuegamaci íena daidíaioi:

—Mei o lloga ringo iima nabaina jaca íadi, ua ráfueza, ¿meita áireiño fia cai jáicaille iere baimo ñuera? —daidíaioi.

¹¹ Jira Jesús íaioína daide:

—Nana comini bífuena ónonidiaioi. Dama Juzíñamui onótallino bífuena ónoite.

¹² Íñiaimona dáamierie áina ónidiaioi. Dáarie fieni jocóinamona áina ónidiaioi. Jíáimíiai

comínimona finócari áina ónidiaioi. Iemo jiáimiai Juzíñamui illáimana uai llócaillena jaca áina oñediaioi. Bie uai jeire óredimie jeire óiteza, —dinori Jesús úrite.

*Jesús úruiai ñue illena finode
(Mr 10.13-16; Lc 18.15-17)*

¹³ Afe mei úruiai Jesumo atídiaioi, ie onoi afézaimo bítano afémie Juzíñamuimo afémacido úrillena. Mei íadi ie llófuegamaci úruiai atídino rairuide. ¹⁴ Mei jiáifodo Jesús daide:

—Dama úruiai cue dine bíteza; afémaci rairuíñeno omoi iri. Mei monamo ite Juzíñamui illáimana illáruimo jáitino bie úruiai izóidiaioi, —daide.

¹⁵ Jesús afe úruiaimo onoi bítano íaioina ézicite. Eziciano oni jiáigobemo jaide.

*Ráarede jitócome Jesús diga úrilla
(Mr 10.17-31; Lc 18.18-30)*

¹⁶ Iemo jiáiruido daa jitócome Jesumo úrizabite. Dúciillano íemo jicánote:

—Ñuera Llófueraima, zíñona cue illino cue maiñóllena ¿nie ñúefue fínoiticue? —daide.

¹⁷ Jesús íena daide:

—¿Níbái mei cuena ñúemiedio daidio? Dama Juzíñamui ñuena. Abi diné jiáie ñúemiena ññede. Mei jiáifodo zíñona illínomo o jáiacania, Juzíñamui cai ocuilla uai jeire o oíri, —daide.

¹⁸ Jira afe jitócome íena daide:

—¿Nee mei aféuai? —daide.

Jira Jesús afémiena daide:

—Jiáimana titáñeno iri. Jiruíreiñeno iri. Meríriñeno iri. Jiáie cómemo taino lloñeno iri. ¹⁹ O moo o ei diga caimare jacírui. O abina o izíruilla izói, o jiáie cómena o izírui, —daide.

²⁰ Jira afe jitócome íena daide:

—Nana bífuiaina jíizananomona jeire oticue. ¿Afe baimo nifue nai cuemo fiébilla? —daide.

²¹ Jira Jesús íena daide:

—Nífuenino comécina jaícina jóidimie o íacania, mai jaillano omo ite ráaniai o fecari. Fécano afe íba úcube dúredinodo fecari. Afemona monamo ite zíñona ráifide raa óiena íiteza. Afe nana o fecalle mei, mai cuedo bi, —daide.

²² Mei íadi afe jitócome Jesús daí dáinana cacáillano abido zuure jaide, mei afémie iere ráaredeza.

²³ Iemona Jesús ie llófuegamacina daide:

—Uáfuenta ómoína dáiticue, iere aillo ráaredimie mei íadi ie ráaniaina cue baimo afémie izíruiadi, iere féirede Juzíñamui illáimana illáruimo jáillena. ²⁴ Nane dánomo dáiticue, caméllona mameide áillue rille eedo uífodo enéfemo jailla juánide, mei jiáifodo aillo ráaredimie Juzíñamui illáimana illáruimo jaille iere juárede, mei ie ráaniai cue baimo afémie izíruiteza, —daide.

²⁵ Ie llófuegamaci áfena cacáillano iere fáigacaidiaioi. Iemo dani jofo conímaiaimo jicánotiaioi:

—Iemona ¿ñíimie jíllorede? —daidiaioi.

²⁶ Jesús íaioimo eróicana daide:

—Comínimona bie izóidifue finónide, mei íadi Juzíñamuimona nana finórede.

²⁷ Iemona Pedro íena daide:

—Cai Ocuíraima, caimo ite raana nana fiénocaillano odo ja jáidicai. Iemona mei ¿mínica máíñoiticaí? —daide.

²⁸ Jesús íaioina daide:

—Uáfuenta dáiticue, uire jiáiruido naga ráfuii cómfuina jáite. Aféruimo Nanoide íima Jitódicueza ebírede illaíma ráíranomo ráiticue. Afe llezica omoi cue diga jáicana

jira, doce dígade illaíma ráiiranomo ráiitiomoi. Afénamona doce dígade Israel náiraiai ñue jaícina jicánoitiomoi. ²⁹ Iemo cue ícoinia naga jofona fiénocaidimie, daje izói ámatiai naa ie móotiari fiénocaidimie, daje izói naa úruiairi fiénocaidimie, íemo jiái ie illano zóofenocaidimie, afémaci cien dígacaiño íbálliaioi. Daje llezica afémaci zíñona illíñona máiñoitiaioi. ³⁰ Mei íadi birui aillo uícoficaidino aféruimo óodaficaite. Daje izói birui aillo óodaficaidino uícoficaitiaioi.

20

Jírícoremo oreca táijiraini izoide rafue

¹ Monamo ite Juzíñamui illáimana illirui jírícore naama finoca izoide. Afémie jítiramo raire ie táijíramaci jénuaide, ie jírícue óllena. ² Afémie ie táijíramaci íbállena afémacimo jaícina lloste: “Daarui táijina íba dieze úcube illa dígamiemo íbaiticue,” daide. Daí dainano ie jacáfaimo táijillena orede. ³ Afe mei jitoma nuévemo ítemo oni gairíranomo jiáie táijitino jénuaide. Afe gairíranomo dáarie táijíñeno itino baite. ⁴ Iaioina daide: “Mai batí cue jacáfaimo táijizairi. Nauife dibénemo ómoimo ñue íbaiticue,” daide. Iemo afémaci dinomo táijizaidiaioi. ⁵ Afe jacafai naama jitoma jaíciri ítemo meine nane jiáie táijitino jénuaide. Daje izói nane nauife dibénemo jénuaide. ⁶ Iemo nane ja nauízaidemo ocuídime gairíranomo jiáie táijitino jénuaide. Dinomo jiáie táijíñedino baizájide. Iaioina daide: “¿Níbái mei omoi nágarui táijíñeno benó ífirediomo?” daide. ⁷ Jira afémaci íena daidíaoi: “Mei bu caina táijitañede,” daidíaoi. Iemona afémie íaioina daide: “Omoi daje izói cue jacáfaimo táijizairi. Iemona ómoimo dúide dieze ñue íbaiticue,” daide. ⁸ Ja nauídimo, jacafai naama táijitagano úiñotimiena daide: “Mai táijidino dáanomo uáiduano íba. Iirainomo jáidino fueñe íbari, íemo nano fueñe jáidino méifodo íbari,” daide. ⁹ Iemona nauízaicademo jáidino dúcidiaioi. Afémacimona illa dígamie ñue íaioi táijina íba llínotiaioi. Daa denario daína úcube illa dígamie llínotiaioi. ¹⁰ Afe mei nano fueñe táijizaidino ducina llezica, “Jiáimaci baimo aillo úcubena llínoiticaí,” daí comécido facádiaioi. Mei íadi nana illa dígamie dájerize daarui táijina íba dieze úcube llínotiaioi. ¹¹ Ucube llínua llezica, ocuídime rícaidiaioi. ¹² Iena daidíaoi: “Bie írainomo dúcidino daa hora táijidiaioi. Mei íadi daa cai o íbaze íaioina íbádio. Cai náamonaze uzíredemo táijidicaí,” daidíaoi. ¹³ Mei íadi afe ocuídime íaioina daide: “Omoi cacai. Ómoimo fieni íñédicue. Fueñe cai úrilla llezica ¿ómoimo dáaruina táijina íba dieze úcube íbaiticue daíñédicue? Jii, daidicue. ¿Afe llezica áfena jíeruiñediomo? Uáfueza, jíeruitiomo. ¹⁴ O táijina íba llínota, mai jai. Bie írainomo dúcidinona daa o cue íbaze íbaacadicue. ¹⁵ ¿Meita cue úcube cue dotácana dieze dotánidicue? ¿Meita jiáimie cue dúecaillano aillo cue fécarí úradoidio?” dinori ocuídime úrite. ¹⁶ Afe izói fueñeidino óodaficaitiaioi, íemo jiái óodaidino uícoficaitiaioi. Mei uafue, jíirigano aillo ite, mei íadi nizécana dúemaci, —dinori Jesús daide.

Jesús nane dáanomo ie tíille lloste
(Mr 10.32-34; Lc 18.31-34)

¹⁷ Jerusalén iodo Jesús jailla llezica, doce dígade ie llófuegamaci bai eneno uillano daide:

¹⁸ —Birui omoi ciona izói Jerusalemo jáidicaí. Daje izói Nanoide Hima Jitódicueza onódiomoi. Afénomo lletáriraini illaíma, naa ocuica uai llófueraini cue titállena mámeitiaioi. ¹⁹ Mámiano onínemacimo cuena fécaitiaioi, cue íaioi jífánodoillena. Daje izói ráziaido cuena fáitiaioi. Afe mei cuena cruzmo córaitiaioi. Mei íadi daruíamani íllemona meine abído cáadimiena jáiticue, —daide.

Santiago Juan díga íaillinoi ei Jesús diné daa rafue jicánuaíbite
(Mr 10.35-45)

²⁰ Afe mei Santiago Juan diga íaillinoi ei Jesuna daiízaibite. “Mai cuemo dúecairi,” daide. Bíaillinoi moo Zebedeo. Afengo naa afe íaillinoiri Jesús anamo dújuzaibitiaioi.

²¹ Jira afémie aféngona jicánote:

—¿Minica óiacadio? —daide.

Jira afengo daide:

—Ílláimana o illíruimo dúciille llezica, cue jitó íaillinoimona dáamie o nabézimo rainari, íemo jíáimie o jarífezimo rainari, —daide.

²² Jira Jesús íaioina daide:

—Omoi cuemo jicaca raana nai figo onóñediomoi. ¿Meita duere cue zefuille izói zefuirediomicoi? Cue duere íaioi finolle izói ¿meita ocuirediomicoi? —daide.

Jira afe íaillinoi: —Jii, —daide.

²³ Iemona íaillinoina daide:

—Iere uáfueza. Duere cue zefuilla izói duere zéfuitiomicoi. Daje izói cue duere íaioi fínua izói afe izói duere finólliomicoi. Mei íadi cue nabezi, cue jarífezimo ómicoi ráinaille cue daiínidícue. Dama cue Moo uícodo mamécamié ráiirena, —daide.

²⁴ Jíáie diez dígade ie llófuegamaci afe jicánuana cacáillano, afe íaillinoimo ríicadiaioi.

²⁵ Iemona Jesús dáanomo nana íaioi uáiduano daide:

—Onódiomoiza náiraiai illaini íaioi úiñoganona ocuíoifirediaioi. Iemo íaioimona iere ocuídillaini afémacimo ite ríinodo iere jacire ocuífirediaioi. ²⁶ Mei íadi omoi cígiri daií íñeite. Mei jíáifodo ómoimona jamánomoidimiena íacadimie, omoi anamo táíjidimie izói írede. ²⁷ Daje izói ómoimona uícofiacadimie omoi riire ocuícamié izói írede. ²⁸ Afe izói Nanoide íima Jitó omoi cígimo ite. Mei jii, jíáimaci cuena canóllena biñédícue, mei jíáifodo nana comini cánuaibiticue. Uafue aillo comini íaioimo ite fiénidífuiaí oni dóllena tíizaibiticue, —dinori Jesús úrite.

Jesús mena únidimie jíllotate

(Mr 10.46-52; Lc 18.35-43)

²⁹ Jesús naa ie llófuegamaciri Jericó jófueмона jino jailla llezica, diga comini afémiedo jáidiaioi. ³⁰ Jáidiaioimo afe io abimo mena únidimie ráidiaiaillinoi. Ja Jesús afe íaillinoi abido jáizaillana cacádiaillinoi; cacáillano riire daidíiaillinoi:

—Ocuíraima, jiaí illaíma Davidmona comútagamie mai cócomo dúecai, —daidíiaillinoi.

³¹ Jira comini íaillinoina rairuídíaioi. Afe íaillinoina, “Uriñeno, líicai,” daidíiaioi. Mei íadi afe íaillinoi líicaiñeno jamánomo caillíoidiaillinoi:

—Ocuíraima, jiaí illaíma Davidmona comútagamie, mai cócomo dúecai, —daidíiaillinoi.

³² Jira Jesús mózide. Mózillano afe íaillinoi jíirillano jicánote:

—¿Nie izói jitáidiomicoi afe izói ómicoi cue finóllena? —daide.

³³ Jira afe íaillinoi uai ote:

—Ocuíraima, cióacadicoco, —daidíiaillinoi.

³⁴ Jira Jesús afe íaillinoimo dúecaillano, íaillinoi ui jetade. Jeta llezica ñue ciódiaillinoi. Afe mei Jesúsóiri jáidiaillinoi.

21

Jesús Jerusalemo jofo jaide

(Mr 11.1-11; Lc 19.28-40; Jn 12.12-19)

¹ Ja Jerusalemo ánozidiaioimo, Betfagé duera jófuemono dúcidiaioi. Afe jofue Olivo daína idu áinori ite. Afénomona Jesús ie llófuegamacimona ménamie orede. ² Oriano íaillinoina daide:

—Baie ómicoi uícomo ite duera jófuemono ómicoi jai. Afénomo cuinaca búrrana cíoitomicoi, naa ie úrue diga. Afe zuitada cuemo atiri. ³ Afénomo comini jíáifodo dáiiadi,

“Cai Ocuíraima jitáillano jicácaza; bie búrrana raire abido omo óreite,” daíri, —Jesús daide.

⁴ Bífuiái íficaide jaiai Juzíñamui uai llóraini cuega uai ñue ícoimo fuitállena. Afe uai daide:

⁵ Jerusalem mameide jofue comínina daíri:

“Ero, o illaíma comécina mánaidimie izói billa.

Burra emódomo ráicabite.

Afe méere de raa abífire de burra úrue emódodo bite,” —daide.

⁶ Afe mei ie llófuega íaillinoi jaillano Jesús íaillinoi ocuilla izói finódiaillinoi. ⁷ Afe burra naa ie úrue atídiaillinoi. Atiano íaioi inícuirona afe búrrana jobé diaioi. Afe mei Jesús afe emódomo ráinazaide. ⁸ Afe llezica aillo comini Jesús jáillao inícuirona jobé diaioi. Jáíimaci rafóruai jáitajano íemo jobé diaioi. ⁹ Dáarie Jesús úcodo jáidiaioi; jáíimaci óodana jáidiaioi. Nana daje izói riire úritiaioi:

—Jaiai illaíma Davidmona comútagamiemo ñúefue mai cai dailli. Juzíñamui máme cido bitímie caimare íteza. Juzíñamuimo ebíredifue cai mamelli, —daidiaioi.

¹⁰ Jesús Jerusalem jofo jailla llezica afe jofue comini diga rafue júfidotiaioi. Diga comini afémie dibé nedo jicánotiaioi:

—¿Bie bu? —daízitiaioi.

¹¹ Jira jáíimaci daidiaioi:

—Bímie Galiléamo ite Nazaret jofue ímie. Afémie Jesús, Juzíñamui uai jino llóraíma, —daidiaioi.

Jesús Juzíñamuimo gairíracó ráfua izói ñue finode

(Mr 11.15-19; Lc 19.45-48; Jn 2.13-22)

¹² Afe mei Jesús Juzíñamuimo gairíracó como jofo jaillano, afeco eromo ite ráaniai fecádino naa íbároidinori jino jiude. Afénomo ite úcube méidofiredino tájijnabani Jesús oni cáicoide. Daje izói fíicirillai fecádino íaioi ráiracuai Jesús oni cáicoide. ¹³ Afémacina daide:

—Juzíñamui Cuegáuai daide: “Cue jofo daa cuemo úrifireracona íte.” Mei íadi bicona merírifiredino jofo izói finódiomoi, —daide.

¹⁴ Afe Juzíñamuimo gairíracó como Jesús illa llezica dáarie únidimíiai, naa ídainidino Jesumo bitíaioi. Afémie afémacina jíllotate. ¹⁵ Mei íadi lletáriraini illaini, naa ocuica uai llófuetinori Jesús uaido dánamona comúdena cíoillano ríicaidiaioi. Daje izói afe gairíracó eromo ite úruiai Juzíñamuimo caimátailla uai cacáillano bimaci iere ríicaidiaioi. Mei afe úruiai daidiaioi: “Jaiai illaíma Davidmona comútagamie iere ebíredeza,” daidiaioiza. ¹⁶ Jira bimaci ríicaillano Jesuna daidiaioi:

—¿Baie úruiai úrillana cacáñedio? —daidiaioi.

Jira Jesús íaioi uai ote:

—Cacádícue. ¿Bie rafue úrilla cúeina uaina facádoñediomoi? Afe jaiai David daína uai Juzíñamuina bie izói daide:

Uruiái ebire ñúefuena óiena jae rotátatio, —afe

daí Jesús íaioimo llote.

¹⁷ Afe mei ie jicánotinona fáicanocaillano Jesús oni Jerusalemna Betania jófuemo íniaide.

Jesús llizíñede higuera daína amena faidode

(Mr 11.12-14, 20-26)

¹⁸ Afe jítiramo Jesús meine Jerusalemna bítemo iere júfinaite. ¹⁹ Afe io abiri higuera daína aménana ciode. Jesús afénomo áinozide, afena llizilla riéllena. Mei íadi llizíllajiaína iñédeza, daa ie íbiaina ciode. Mei jira Jesús afe higuérana daide:

—Jaca benómona llíziñeítio, —daide.

Daií daina llezica afe higuera dúide. ²⁰ Ie llófuegamaci áfena cíoillano fáigacaidiaioi. Iemo Jesumo jicánotiaioi:

—¿Nie izói ite bie higuera amena raire dúilla? —daidíaioi.

²¹ Jesús íaioi uai ote:

—Uáfueña ómoína daidícue, ua o íinoiadi daa bie aménamo cue fínua izói finórediomoi, íemo jíái afe baimo aillo finórediomoi. Bie caifóneduna “Caifo ájjicaillano oni monáillaimo báizai” o dáiiadi, afe bie caifónedu o uai jeire uano, oni dñomo baízate. ²² Juzíñamuimo omoi úrilla llezica, ua o ínoia nana omoi jicácana ñue llínoitiomoi, —daide.

Illáicomini Jesús ocuífírena ríino jicánotiaioi

(Mr 11.27-33; Lc 20.1-8)

²³ Afe mei Jesús Juzíñamuimo gairíracomo jofo jaide. Jaillano afénomo llófuemarite. Afe llezica lletáriraini illaini naa judúuai eicomíniri Jesumo jicánuaidiaioi:

—¿Nie ríinodo o raana finófiredio? ¿Afe ríino bu mei omo fecaca? —daidíaioi.

²⁴ Jira Jesús íaioi uai ote:

—Cuemo omoi jicánua izói, ómoimo daafue jicánoitícue. Cue jicánolle uai ñue omoi óiadi, bie raa cue fínua ríino ómoimo llóitícue. ²⁵ Mei Juan ¿bu comini báutizallena ocuica? ¿Meita Juzíñamui ocuica? ¿Mei níbai comini ocuica? —daide.

Mei íadi uai oñeno, áfena dani conímamo júfidotiaioi; daidíaioi:

—Juzíñamui ocuica cai daíadi, Jesús caina dáite: “¿Níbai mei afémiena íñoñediomoi?” ²⁶ Mei jíáfodo, comini ocuica, cai daíadi, comínina jacáruiticai; mei nana comini “Juan Juzíñamui dibénedo úrifirede” daidíaioiza.

²⁷ Iemona bie izói Jesuna daidíaioi:

—O jicánoga jaca onóñedícai, —daidíaioi.

Jira Jesús íaioina daide:

—Daje izói bie raa cue fínua ríino ómoimo llóñeítícue, —daide.

Mena jító íaillínoi illa izoide rafue

²⁸ Daií daina mei, Jesús íaioina daide:

—Bíena ¿nie izói daidíomoi? Daa íima mena jítórede. Iaillínoi moo dámienna daide: “Cue jító, mai cue jíricore illánomo tájjizairi,” daide. ²⁹ Afe jító uai ote: “Jáiacañedicue.” Mei íadi afe mei ie comeci jíáfodo fácano, afénomo tájjizaide. ³⁰ Afe mei afe moo jíái jítomo úrizaide. Daje izói íena daide. Iemo bie jíáito íena daide: “Jíi, tájjizaitícue.” Mei íadi afémie tájjizaíñede. ³¹ Meita bie ménaillínoimona ¿ñie jító ie moo jítáinana fínua? —daide.

Jira íena daidíaioi:

—Nanóidímie, —daidíaioi.

Jira Jesús íaioina daide:

—Uáfueña dáitícue, gobierno jicátáfírega úcube llínotino, naa ímamo jiruífírede ringóniari naa jíái afe izoide fiénidino Juzíñamui illáimana illánomo raire omoi uícodo jáitiaioi. ³² Mei nauí Juan Bautista ñue omoi íllena llófuiaíbite, mei íadi áfena íñoñediomoi. Mei jíáfodo afe úcube llínoraini naa jiruífíredingotíari ie dáinana ínotiaioi. Mei íadi omoi baimaci comeci ífue méiduana cíodiomoi íadi, afémíemo íñollena omoi comeci itífuiaina méidoñediomoi, —daide.

Fiénide tájjinamací izoide rafue

(Mr 12.1-12; Lc 20.9-19)

³³ Mai bie jíái rafuemo omoi cácarei. Jacafai naama jíricojíai éroide úvaíai rillino finode. Fínuaño afeno nágafene cirínote. Cirínuaño afe úvaíai zaizíllico finode. Afe llezica caifo jica tígicaco nite nana afe rigáníaimo ñue rairuíllena.

Afe mei afémie afécaie ie úiñotimacimo fecade, ie biñena ðino. Afe ðigamona íemo íbáðiaioi. Ðaíí fécano afémie jíáie éniemo jaide. ³⁴ Afe mei úvaiaí llizille llezica, ie ocuífíregano orede, náamamo dúide ðibene jícallena. ³⁵ Mei íadi afe táijidino jacafai naama orecano llaitáðiaioi. Lláitano dáamiena rázido fatiaioi. Jáimiena titáðiaioi, íemo jáimiena nófiena níjiaioi. ³⁶ Ie mei jacafai naama nane jíáie ocuífíregano orede. Nano fueñe ória baímo orede. Mei íadi afénomo táijidino daje izói nane nana afémacina fieni finóðiaioi.

³⁷ Iraínomo afe jacafai naama ie jitó orede. “Afémiena níbai caimare náfueitiaioi,” daide. ³⁸ Mei íadi naama jitó bíllana cíoillano afe táijidino conímána daidíaioi: “Bímie bie énie uire máiñoitimie. Mai cai falli. Afe mei bie énie dani cáieiteza,” daidíaioi. ³⁹ Afe mei afe jitó llaitáðiaioi. Lláitano jacafai baímo uillano íena titáðiaioi.

⁴⁰ Mei jira Jesús jícanote:

—Afe jacafai naama billa llezica, afénomo táijidinona ¿níie izói níbaite? —daide.

⁴¹ Jira íena daidíaioi:

—Afémie afe táijitatinomo dúecaiñeno íaioina títaite. Afe mei jíáie ñue táijidinomo ie énie nano íanori fécaite, mei náamamo dúina ðeze llizíllají raire afémiemo izájífreitiaioiza, —daidíaioi.

⁴² Jira Jesús daide:

—¿Cue ðibénedo Juzíñamui Cuegáuaina jaca facádoñediomoi? Aféuai bie izói daide: Jofo níraíni jámairuillano oni fáðoica jáillirai ja ñuera jáillirai izóidena jaide. (Bie ðaíacade comíni jámairuillano ruifíruigamie ja ñuera jíca jalleide illáimana jaide.) Bie cai Moo Juzíñamui finoca.

Afefue íere caímo ebire cacaide.

⁴³ Mei íadi ómoína ðáitícue, Juzíñamui illáimana ómoimona oni baírolle. Afe mei Juzíñamuimo ðuide ðibene ízaífiredinomo ie illáimana fécaite. ⁴⁴ Iemo afe nofíci ðainámiemo éicitaitimie níne tibérotaitie. Iemo afe nofíci jáimiemo baíadi jízefo izói afémiena fínoite, —daide.

⁴⁵ Lletáriraini illaini naa fariséuairi Jesús afe izoide ráfuaí llúana cacáillano daidíaioi, “Afémie ico caido úrite,” daidíaioi. ⁴⁶ Iemona afe Jesuna llaitáacadaioi, mei íadi comínina jacíruillano llaitáñediaioi. Mei nana comíni, “Jesús Juzíñamui ðibénedo úrite,” daidíaioiza.

22

Airena llezica finoca ráfueño mameca uai

¹ Jesús nane dáanomó úrizaide. Afémie jíáífueño mameca uaido úrizaide. Íaioína daide:

² —Monamo ite Juzíñamui illáimana illirui bie izoide. Illaíma ie jitó áirena llezica rafue fínua izoide. ³ Ie ocuífíregano orede, nauí uícodo llogano jíirillena. Mei íadi afe uáidogano bíacañediaioi. ⁴ Ie jira afémie jíáie ocuífíregano dáanomó orede. Uáidoganona bie izói ðaíri daide: “Íráiziñi güille ja nana ñue uédeza. Farede juráreto fatícueza. Ja nana ñue finócaza. Airena ráfueño mai nana omoi biri.” ⁵ Mei íadi áfemo íráizillena llogano náfueñediaioi. Afémacimona dáamie ie jacáfaimo jáizaide. Jáimie ie ráaie oni fécajide. ⁶ Jáímaci illaíma oreca jíirizaidino llaitáðiaioi. Lláitano íaioína ðuere finoda titáðiaioi. ⁷ Jira afe illaíma íere ríicaide. Ríicaillano ie úiñote fuíríraini orede, ie orecano fatino titállena; afe llezica afémaci jofue jobáillena. ⁸ Afe mei nane jíáie ie ocuífíreganona daide: “Airenafue nana ñue finoca. Mei íadi fueñe uáidogano fieni ítaíaoiza bíndiaioi. ⁹ Iemona jofue cígido macáraomo omoi jai. Afénomo nana o cíoillimacina íráizizaíbiri o ðaíri,” daide. ¹⁰ Iemona afe ocuífíregano jino macáraomo jáidiaioi. Jaillano nana íaioi cíonamacina: “Íráizizaíbiri,” daidíaioi. Fíenidino naa ñúemaciri nana dáanomó íaioína gaírítate. Afemona íráizillico ja comínina oruide.

¹¹ Afe mei afe illaíma ie jíiriganona onóillena jofo jaide. Íaioímo eroilla llezica ðaa áirena ráfueño jítaífíregaroi jítaíoíñeðimiena cíode. ¹² Jira íena daide: “O áirena ráfueño

jítáfiregaroina jítáñeno ¿o nie izói jofo bitio?” daide. Mei íadi afémie uai ollíuai iñede.
¹³ Ie jira illaíma güirábanimo táijidínona daide: “Bímie riire omoi maíri; maíano afémie jino jítifomo dotari. Afénomo afémie duere éheiteza, daje izói izírenari murímuriteza,” daíí afe illaíma ocuide. ¹⁴ Iemo Jesús nai úrillano daide: Uáidogamací iere aillo ite, mei íadi eneno nizécano dúemaci, —daide.

Gobierno íbátaga úcube rafue

(Mr 12.13-17; Lc 20.20-26)

¹⁵ Iemona fariséuai Jesús úrilla uai féitaiacadiaíoi. Féitajano fiénidífue afémiemo jóoneacadiaíoi. Afe izói finóllena dáanomo maméritiaíoi. ¹⁶ Iemona afémacimo jaináidino, daje izói naa Heródesmo jaináidinori Jesuna daíllena orédiaíoi:

—Llófueraíma, onódicaíza ua rafue daíífredio. Daje izói Juzíñamui diné cai jáillio uáfueña llófuefredio. Afe llezica comíni daináuaimo náfuefinidio. Iemo jino cíoidífueiaína comínimo riire jicánoñedio. ¹⁷ Ie jira o comeci dainafue jino caímo lloiri: ¿Romano jamánomoidillaíma íbátaga úcube íbádicaínia ñuera? ¿Ñibai fiénide? —daííiaíoi.

¹⁸ Mei íadi Jesús afémaci facátamarillana onode. Jira íaíoiña daide:

—Comeci íáirena mei abina ñue cíoidinodíomoi. ¿Ñibái mei cuena jítaiacadíomoi?

¹⁹ Afe íbátáfirega úcubetuni cuemo ácata, —daide.

Iemona daa denario daina úcubetuni atídíaíoi. ²⁰ Afena cíoilano Jesús íaíoi mo jicánote:

—Afétunimo ¿bu uíeco jana illa? Iemo afétunimo ¿nie come mámece cúeina? —daide.

²¹ Ie uai otíaíoi:

—Romano jamánomoidillaíma mámece illa, —daííiaíoi.

Jira Jesús íaíoiña daide:

—Jamánomoidillaimamo dúide díga mai íemo fecari. Daje izói Juzíñamuimo dúide díga Juzíñamuimo fecari, —daide.

²² Afena afémaci cacáillano iere fáigacaidiaíoi. Iena zóofiano oni jáidiaíoi.

Tíide comíni meine abído cáaillena jicánotiaíoi

(Mr 12.18-27; Lc 20.27-40)

²³ Aféruido saducéuaimona dáarie Jesumo úrizaidiaíoi. Saducéuai: “Tíidino meine abído cáaiñeite,” daííírediaíoi. Afe daíí Jesumo jicánuaíbitiaíoi:

²⁴ —Llófueraíma, Moisés caímo cuetá fiécabemo daide: “Daa come tíia, afémie ama ie fecíngona órede, afémie úruiaí ie tíide ama méifomo comúllena.” ²⁵ Mei nauí cai cígimo siete díga ámaredimíiaína ite. Nanóidimie áireillano nai úruenidemo tíide. Tíillano ie méifoide ama afe fecingo ote. ²⁶ Iemo daje izói afémieri íficaide. Afe mei nane jáíimie daango ote. Afémiemo daje izói íficaide. Daíí fiébiñeno nana fuitíaíoi. ²⁷ Afémaci nana tíilla méifomo afengo nane tíide. ²⁸ Iemona tíidino meine abído cáailiruimo, mei siete dígamie daango óteza, ¿afengo nie iima aina mámeite? —daííiaíoi.

²⁹ Jira Jesús íaíoi uai ote:

—Juzíñamui Cuegáuai naa afémiemo ite ríinori omoi onóñenamona fieni úritíomoi. ³⁰ Tíidino meine abído cáailano ánitiaíoi. Daje izói jíainomo íaíoi jízaníai ínreitañeítiaíoi. Mei jíáfodo monamo ite Juzíñamui abí imaci ízoítiaíoi.

³¹ Mei íadi tíidino meine abído caana díbénedo ¿afe Juzíñamui ómoímo Cuegáuaina facádoñediomoi? Afémie bie izói daide: ³² “Dáaruído Abraham Juzíñamuidícue, naa Isaac, Jacob díga,” mei afémaci Juzíñamui illánomo cáadiaíoi. Mei uáfueza, Juzíñamui tíidino íeñede mei jíáfodo cáadino ie, —daide.

³³ Daíí Jesús dáinana cacáillano comíni ie llófuemarillari fáigacaidiaíoi.

Iere jamánomo íñnorega caímo ocuina uai

(Mr 12.28-34)

³⁴ Fariséuai Jesús saducéuai llíicaitajana cacáillano, dáanomo gairídíai. ³⁵ Afémacimona daa ocuica uai llófueraima Jesús facátaiacade. Jira íemo jicánote:

³⁶ —Llófueraima, nana ocuica uáillaímona ¿níuaina jamánomoina? —daide.

³⁷ Jira Jesús daide:

—“O Juzíñamui nana o comécido izírui, naa o joréñori, íemo o ifoci úrillado.” ³⁸ Aquie uai nana ocuica uáillaímona jamánomoina. Afe uai raire uícodo ígnorede. ³⁹ Afe méifoide uai daje izoide. Aféuai daide: “Dama o abina o izírui izói, afe izói o jíáie cómena izírui.” ⁴⁰ Bie ménade ocuilla uai nana Moisés ocuilla uailai jillaci. Daje izói Juzíñamui uai jino llóraini llócaiga uai bíemona comuide, —daide.

¿Mei bu jitó Cristo?

(Mr 12.35-37; Lc 20.41-44)

⁴¹ Afe fariséuai nai dáanomo itíai, ⁴² Jesús íaiimo jicánote:

—¿Cristomo nie izói comécido daidíomi? Afémie nano ie comútatimie ¿mei bu? —daide.

Jira íena daidíai:

—Afémie Davidmona comútagamie, —daidíai.

⁴³ Iemona Jesús íaioina daide:

—Mei ¿nie izói David, Juzíñamui Ñuera Joreño llúado afémie jitona “Cue Ocuíraima” daírede? David daí daina uai cúeina:

⁴⁴ Monamo ite cai Moo Juzíñamui cue Ocuíraimana daide:

“Bené cue nabézimo o ráiri, o éoigamaci cue anáfenolle dino.”

⁴⁵ Mei David afémiena “Cue Ocuíraima” dáiiadi, ¿nie izói Cristo Davidmona comúdimiena mamérede? —daide.

⁴⁶ Daí daina uai buna ónide. Iemo aféruimona jíáie facátalle jicánua uai maméñediai.

23

Jesús fariséuaimo naa ocuica uai llófuetinori íaii fiénidífue llote

(Mr 12.38-40; Lc 11.37-54; 20.45-47)

¹ Afe jira Jesús nana comínina naa ie llófuegamaciri daide:

² —Ocuica uai llófuefiredino naa fariséuairi Moisés ocuica uai jino llóllena mamécaiaí. ³ Afemona afémaci llógana jeire omoi óiri. Daje izói nana afémaci ómoína dainana náfuere. Mei íadi afémaci illa izói iñeno iri. Mei comínimo íaii úrilla izói iñediaíza. ⁴ Afémaci comínina iere riire ocuide. Afe íaii ocuica uaina comini finónide. Mei íadi dani afémaci afe ocuica uaina due jiza jetáacañediaí. ⁵ Núemaci daíllena nana íaii finócafuiái comini eróicana taino finófrediaí. Daje izói núemaci daíllena Juzíñamui uai cúeina ozócimo jítajana gáidiaí. Afe izói afe uai jíáimaci ie ónoimo maitá úcaillena gáidiaí. Iemo jíái íaii jíáfíregá áreori fuemo ite ebire cíoillena jíáimaci baímo finórfrediaí. ⁶ Iemo ráfuemo íaii güizájiadi afémaci ñuera ráillinuai jenófrediaí. Daje izói Juzíñamui uai llorácomo íaii jáiadi illaini ráiranuai jenódiaí. ⁷ Afe izói jino jofue cígimo ite macáraodo íaii jáiadi, comini caimare íaii uáiduana gáidiaí. Daje izói “Cai Llófueraimadio” dainana gáidiaí.

⁸ Mei íadi “Cai Llófueraimadio” daí daítañeno iri. Mei nana omoi ámatiai; íemo jíái omoi Llófueraima jaca daade; afémie Cristo. ⁹ Afe izói bie éniemo buna cue Móodio daíñeno iri. Mei omoi Moo dáadeza. Afémie monamo ite. ¹⁰ Daje izói jíáimacina “O cai Illáimadio” daítañeno iri. Mei o Ocuídime dáadeza. Afémie Cristo.

¹¹ Omoimona jamánomoidimiena jíáimana canófredimie. ¹² Mei uáfueza, jamánomo abí jacire mamédime jamáimiena jáite. Mei jíáfodo abí ínoñeno jiba cómedicue daidímie jamánomoidimiena jáite.

¹³ Ocuica uai llófuetino naa fariséuairi, comécina íairena mei abina ñue cíoidiomoiza, ¡ni omoi dúerena! Mei comini jofo jáiñeillena, monamo ite Juzíñamui illáimana illano nazena íbaífrediomoi. Mei díga Juzíñamui ñue ocuífuiái lluno, aféfuina abido

náfueñediomoiza, dani o illafue ñue jaícina jóiñena jira. O lloga iodo uáfueña jáiñedioza. Afe llezica afénomo jofo omoi jáiacañediomoi. Daje izói afénomo jofo jáiacadino rairuídiumoi.

¹⁴ Ocuica uai llófuetino naa fariséuairi, comécina íairena mei abina ñue cíoidiomoiza, ¡nii omoi dúerena! Fecíngotiai jofóniai bairófirediomo. Afe llezica ñúemaci daiíllena comini eróicana Juzíñamuimo are úrifirediomo. Ie jira omoi jíáimaci duere zefuille baimo duere finólliumoi.

¹⁵ Ocuica uai llófuetino naa fariséuairi, comécina íairena mei abina ñue cíoidiomoiza, ¡nii omoi dúerena! Nágagobiaido jáidiomoi daa come omoi íinoga uai dibénemo omoi itátallena. Itata mei, afe come omoi baimo fiénidimiena orédiomoi. Iemona omoi afémieoiri, comini duere finolle iraimo ziiñona duere zefuillena mamécaomoi.

¹⁶ Uina cíoiñede io ifódino izóidiomoiza, ¡nii omoi dúerena! Comínina bie izói daiífirediomo: “Daa come iere uafue daiíllena, Juzíñamui ico mámece llíinoiadi afefue ráañede. Mei íadi afémie afécomo nitaca oro mámece llíinoiadi ie daina uai jeire órede,” daidíomoi. ¹⁷ ¡Abina onóñede uínidino izóidiomoi! ¿Ñie mei jamánomoina? ¿Meita afe jamai oro? Ieñedeza. Mei afe oro Juzíñamui ico jóniamona ñuera raana jáideza. ¹⁸ Nane jíáfue daiífirediomo: “Daa come iere uafue daiíllena, altar daina Juzíñamui íena rille fecárabani mámece llíinoiadi afefue ráañede. Mei íadi afémie afénomo fecaca raa mámece llíinoiadi ie daina uai jeire órede,” daidíomoi. ¹⁹ ¡Abina onóñede uínidino izóidiomoi! ¿Ñie mei jamánomoina? ¿Meita afe fecaca rille? Ieñede. Afe Juzíñamuimo fecárabani afénomo fecaca raana ñue finode. ²⁰ Mei ¡ii, Juzíñamui íena rille fecárabani mámece llíinotimie daa afe ibani llíinoñede, mei jíáfodo nana afébanimo fecaca raana llíinote. ²¹ Daje izói Juzíñamuimo gairíraco mámece llíinotimie daa afe gairíraco llíinoñede, mei jíáfodo afeco ite Juzíñamui mámece llíinote. ²² Nane daje izói iere uafue daiíllena mona mámece llíinotimie, Juzíñamui illáimana ráirano mámece llíinote. Daií llínua llezica Juzíñamui mámece llíinote, mei afe Juzíñamui afénomo ráiideza.

²³ Ocuica uai llófuetino naa fariséuairi, comécina nai íairena mei abina ñue cíoidiomoiza, ¡nii omoi dúerena! Nana omoi ríganiamona jamánomo jéenide rábiaina Juzíñamui íena oni jónefirediomo. Menta daina jéenide rábiai, naa anis daina dúebiai diga, íemo jíai comino daina rábiai facádoti oni eneno jónetiomo. Mei íadi ocuica uáimona jamánomo jíáiredifuiaina náfueñediomo. Afe jíáirediui be ñie: come comeci jaícina jóinana, íemo jíáimaci dúecaifirena, íemo Juzíñamuimo ínofirena. Nai afe jíáfuiiai omoi zóofeñena llezica, afe bífuiiai raire fueñe jeire órediomo. ²⁴ Táino omoi llúamona uina cíoiñedino io ifódino izóidiomoi. Ráañede uáillaimo iere izire nícidofirediomo, mei íadi jamánomoide ñuera uaimo náfueñediomo.

²⁵ Ocuica uai llófuetino naa fariséuairi comécina nai íairena mei abina ñue cíoidiomoiza, ¡nii omoi dúerena! Mei jiróraco naa plato diga jinófene ñue jocódiomoi, mei íadi afe ero dinena íairede. Daje izói comini cíoicana abi ñue finódiomoi, mei íadi omoi comeci dine merírilla, naa jíáie comini raa báiruamona ógana oruide. ²⁶ Uina cíoiñede fariseo ímie: Mai jiróraco naa plato diga ero jócuia izói omoi illafue ñue méidori. Iemona omoi comeci ñúefuiaina oruíbicaite. Afemona afe jiróraco jinófene íainina izói, afe izói omoi jinófene íainiteza.

²⁷ Ocuica uai llófuetino naa fariséuairi, comécina nai íairena mei abina ñue cíoidiomoiza, ¡nii omoi dúerena! Uzeredena biga ñue cíoide tíidino ráillena nigaco izóidiomoi. Jinófene ebire cíoide mei íadi ero dine tíidino ícuruaina oruide, nana jíáifoide íáiredinuiiai diga. ²⁸ Omoi comeci dine afe izóidiomoi. Comini eróicana jinófenena ñue cíoidinodiomoi. Mei íadi comeci dine jíáimacina fiéni jífuefirenana oruide, íemo jíáie fiénde uáillaina oruide.

²⁹ Ocuica uai llófuético naa fariséuairi, comécina nai íáirena mei abina ñue cíoidiomoiza, ¡nii omoi dúerena! Mei jaijai Juzíñamui uai jino llóraini raiáfo ebire finófirediomoi. Daje izói jaijai ñue itino emódomo jónega nofíbicina ebire finódiomoi. ³⁰ Daií finuano daiífirediomoi: “Cai jáiaigima illáruillaído itícainia, afe Juzíñamui uai jino llórainina fatátañedicaí,” daiífirediomoi. ³¹ Daií dáinado afe Juzíñamui uai jino llóraini fatino erófene igímadicaí daidíomoi, —daide. Jira Jesús afémaci diga icírillano bie izói daina:

³² —¡Omoi jáiaigima taineca fiénidifue ñue ícoimo omoi fuitari! —daide.

³³ Jesús nai afémacimo úrite:

—¡Jaióniaí izóidiomoi! ¡Omoi nairai titade jaizai izoide! ¿Mei ñie izói duere finóbille iráimona jilloitiomoi? ³⁴ Afe jira Juzíñamui uai llóraini, íemo iere baitáдино naa llófuefiredinori ómoimo óreitícue. Mei íadi afémacimona dámierie titaitiomoi. Daje izói jíáimacina córaitiomoi. Iemo jíáimacina Juzíñamui uai lloraco eromo rázido fáitiomoi. Iemo jíáimacina naga jófuiáído rácaitiomoi. ³⁵ Daií omoi íllamona nana jaijai ñúemaci titáfírena ícoiniadi ómoimo daí íficaite. Uáfueza, jaijai Abel fáinamona benomo Berequíás jitó Zacarías omoi faja llezica, nana afémaci ícoinia duere zéfuitiomoi. Juzíñamuimo gairíraco íemo Juzíñamuimo rille fecárabani dáafenedo afe Zacaríana fatíomoi. ³⁶ Uáfueña ómoína dáitícue, nana bie fagano ícoinia birui itino duere zéfuitiaíoi.

Jerusalén jófuerei Jesús eede

(Lc 13.34-35)

³⁷ Jerusalén comínimo dúcaidícue. Juzíñamui uai llórainina fáfirediaíoi. Daje izói Juzíñamui orécana nofíena njidiaíoi. Diga icaiño átava ie úruiaí íáicona bícuá izói íaioína ríidoiacadícue. Mei íadi íaíoi cue ríiduana gáíñediaíoi. ³⁸ Cacaí, Juzíñamui ómoína zóofeiteza. ³⁹ Mei ómoína daidícue, meine abido cuena cíñoñeitiomoi. “Juzíñamui mámecido bitímie ñue finóbilleza,” omoi daílle dino cuena cíñoñeitiomoi, —dino Jesús úrite.

24

Juzíñamuimo gairíraco júdaizille Jesús llote

(Mr 13.1-2; Lc 21.5-6)

¹ Daií daina mei Jesús Juzíñamuimo gairíracomona jino jaide. Jino jailla llezica ie llófuegamaci: “Bie ebire finoca gairíracomo éroi,” Jesuna daidíaíoi. ² Mei íadi Jesús íaíoi uai ote:

—¿Bie nana cíodiomoi? Uáfueña ómoimo llóitícue. Bie niroca nófie daa fiébiñeno nana niné jújicaite. Afeno jofue nana niné táinocaite, —daide.

Enie fúiacana cai onuille rafue

(Mr 13.3-23; Lc 21.7-24; 17.22-24)

³ Iemona Olivo daina ídumo jáidiaíoi. Afénomo Jesús ráinana mei ie llófuegamaci báinino íemo jícanotiaíoi:

—O daina jofue niné táinocaillifue, ¿niiruído daí zúite? Afena cai llone. O meine bíllena cai onótaite raa, ¿nie izói eroide? Daje izói énie fúillena ¿nie izói onóiticaí? —daidíaíoi.

⁴ Jira Jesús íaioína daide:

—Comini omoi jífueiza abí rairuiri. ⁵ Mei diga comini cue mámecido billano “Crístodícue” dáitíiaíoi. Afémaci aillo comínina jífueitiaíoi. ⁶ Aillo jobáirillana fídiitíomoi. Dáarie áinori cácaitiomoi, íemo jíáiena jica cácaitiomoi. Mei íadi áferi jacínaiñeno omoi iri, mei daí íficairedeza. Mei íadi énie fuillíruíñede. ⁷ Mei jii daa nairai jíáie nairai diga fúirite. Iemo daa énie jíáie énie comini diga jobáiritiaíoi. Afe llezica aillo náiraíai

júbietaitiaioi, íemo aillo dúicuai íite, íemo ñuizaingo diga ígobiaina ñúite. ⁸ Comini duere zefuillemona nana bífuiaí como tainéinafue.

⁹ Afe llezica ómoína duere finóllena fécaítiaioi. Duere finoda ómoína títaitiaioi. Cue ícoína nana comini ómoína éoitiaioi. ¹⁰ Aféruillaído aillo comini Juzíñamuimo ínuana féitaitiaioi. Dani conímana éoitiaioi. Daje izói conímana fállena fécaítiaioi. ¹¹ Afe llezica taino llotino iere íite. Afémaci: “Cai bie Juzíñamui dibénedo úriticai,” dáititiaoí. Afémaci aillo comínina jífuecana uite. ¹² Aféruimo diga fiénidífuaí comuállamona, aillo comini conímana izíruillana féitaitiaioi. ¹³ Mei íadi fuitállinomo ñue nífuenino íitimie jíllote. ¹⁴ Iemo afe bie Juzíñamui illáimana illano ñuera rafue nágagobiaído llóitiaoí, nana náiraiaí áfena onóillena. Afe mei énie fuillíruimo dúciite.

¹⁵ Jaiái Juzíñamui uai jino llóraima Daniel, íirairuimo biite iaíre fínuaíbitímiedo úrite. Afe bíitimie diga ráaniaina táinocaitaite. Afe fiéni fínuaíbitímie Juzíñamui gairíraco eromo ite rairuírede ñúenomo jáillana o cíoadi, jica botárediomoi. Búuai facádotímie afe uaina ñue onoiri. Onóillano abí rairuiri. ¹⁶ Afemona Judea éniemo itino oni caifóneduaimo botárede. ¹⁷ Daje izói daa come ie jofo caifófebanimo íadi, ie jofo eromo ite raana jofo jaillano bairóñeno afénomona bótaiteza. ¹⁸ Daje izói jacáfaimo íitimie abido ie jofomo ite ínícuiruaina uáibiñeite. ¹⁹ Aféruillaído namócingotiaina, jñi dúerena! Daje izói monoi jirode úrue llíidingotiaina, jñi dúerena! ²⁰ Nocíruillaído jino o bótañeillena, Juzíñamuimo jicari. Daje izói ocózinaillaruiimo o bótañeillena o jicari. ²¹ Mei aféruimo iere aillo duere zefuillífuaí íiteza. Enie comuállanomona bené afe izóidena íñede. Iemo jíái afe méifomo afe izói íñeite. ²² Mei jñi, aféruillaí Juzíñamui due mozíñoñedenia buna jíllonea. Mei íadi ie nizécanona izíruillano, aféruillaína afémie nano íanori mozíñoite.

²³ Iemona dáamie ómoína: “Be Cristo,” daííadi, daje izói: “Cristo batí ite,” daííadi aféniemo íñoñeno omoi iri. ²⁴ Mei Crístona abí mamede jífueridino bííteza. Daje izói afémaci: “Cai bie Juzíñamui dibénedo úriticai,” dáititiaoí. Afémaci uaido dáinamona áillue comuídena fínoítiaioi, naa fáigacaitade ráaniairi. Afedo comínina jífueiacadiaioi. Dama Juzíñamui nizécanona jífuefillena facátaitiaioi, mei íadi jífuetañeítiaioi. ²⁵ Ja nana bífuiaí uícodo ómoimo llotícueza. ²⁶ Ie jira: “Ero bai batí táizicimo Cristo ite,” afémaci daííadi afénomono jáíñeno omoi iri. Daje izói: “Ero, bico eromo Cristo ite,” daííadi aféniemo íñoñeno omoi iri. ²⁷ Mei ameo furi llairilla llezica jica afáifene ícoimo cíocailla izói, afe izói cue billíruí jica cíocaizaíbite; Nanoide íima Jitódicueza. ²⁸ Iemo inóniaí gairízaífirenamona rille rifáillanona ñue omoi onona izói, afe izói abido cue cíocaillemona raíre ómoína duere finóllena uáfueña ónoítiomoi.

Nanoide íima Jitó Cristo billíruí nie izoite

(Mr 13.24-37; Lc 21.25-33; 17.26-30, 34-36)

²⁹ Afe duere zefuillíruí záailla méifomo, jítoma dúite. Daje izói fiuí égaíñoñeite, íemo jíái ucúduai monámona ana cóciítiaioi. Afe llezica nana monamo itínuaí riire mozíoide ráaniaí niráírcaite. ³⁰ Afe mei Nanoide íima Jitó Cristo bille jana monamo cíocaite. Afena cíóillano nana énie naíraí éenaitiaioi. Nanoide íima Jitó Cristo ana bíllana cíoitiaioi. Afémie mona ero uílliedo bite, naa íemo ite ríino naa ebíredino diga. ³¹ Afe mei ie abí imaci óreite, afémaci riire bainada fúullemona nana Juzíñamui eneno nizécano nágafeniamona dáanomo jíirillena. Iemona jica énie fuédaíaimona, íemo énie enéfeniamona bíítiaioi.

³² Higuera daína aménamo mamécafueña omoi onoiri. Ie onócairo como fueñe zícua llezica, ja íimona ánozide, daídíomoi. Daje izói afe amena rábiaí jino firuilla llezica, ja íimona ánozide daííiredíomoi. ³³ Afe izói jítoma dúilla, íemo afémonado nana jíái zuide raa omoi cííadi, íirairuí ánozillana ónoítiomoi. “Ja dúciacade,” daííiredíomoi. ³⁴ Uáfueña ómoimo llotícue, bigíma nai tíñeille llezica nana bie raa jino zúite. ³⁵ Mona énie diga fuite, mei íadi cue uailaí jaca fúíñeite. Cue lloga raa nana zúite.

³⁶ Mei íadi cue billirui ónoñega. Daje izói cue bille hora buna onóñena. Juzíñamui abi imaci onóñediaioi. Daje izói Juzíñamui Jitó áfena onóñede. Dama Moo Juzíñamui ónoiga.

³⁷ Noé illágimamo comini fieni illa izói, afe izói Nanoide ñima Jitó billíruimo comini daí íitiaioi. ³⁸ Aféruillaido aillo noci nai bíñena uíodo, comini Noé llogáuaimo náfueño daa güilla llotíaioi. Güillano jirófrediaioi. Afe llezica íaioi fieni illafue meídoño, áireoidiaioi, íemo íaioi jízanai iníreitaoidiaioi. Jaca daí itíaioi abina Noé áillue nocáe eromo jaide. ³⁹ Iaioi duere zefuíllemo due jiza comécíñediaioimo áillue noci íaioimo bíide; áferi coróbaizidiaioi. Nanoide ñima Jitó billirui afe izói íite. ⁴⁰ Aféruimo mena ñima jacáfaimo illa llezica, afe íaillinoimona dáamie Juzíñamuimo ínotímie caifo monamo uille, ie mei jíámie fiébicaite. ⁴¹ Daje izói mena ringo trigo lláia llezica, daango caifo uiga, jíáingo fiébicaite.

⁴² Caade izói abí omoi onoiri, mei cai Ocuíraima billirui ónoñegaza. ⁴³ Mei íadi bífuenta onódiomoiza; jofo naama merírizaibitímie bíllana onóadi, afémie ie jofo rairuílano iníño cáate. Daí afémie merírizaibitímie ie jofona tuíñotañeite ie raa meríllena. ⁴⁴ Ie jira jica ia abí ñue omoi finori. Mei due jiza comeci fácañeitiomoimo, Nanoide ñima Jitó bíiteza.

Ínofirede ocuífregamie naa ínofinidímie diga
(Lc 12.41-48)

⁴⁵ Ínofirede ocuífregamiemo omoi coméiiri. Afémie ñúefue baitádimie. Ie ocuídimie nana jofo ero comínina uíñotaite. Güille hóramo dúcia llezica afémie afémacina écaite. ⁴⁶ Naga ie naama ocuícana ñue finófredímie afémie billíruimo caimare ite, mei ie ocuica ñue ínuana cíozabíteza. ⁴⁷ Uáfuenta ómoína dáíticue. Afemona jofo naama nana ie jofo eromo ite ráaniaina afémiena uíñotaite. ⁴⁸ Mei íadi ocuífregamie fiénidímiena jáiadi, íemo afe llezica: “Cue ocuídimie are bíñeite,” comécido dáiiadi, afe ocuífregamie jaca ínofinide. ⁴⁹ Daí daina mei afémie jíáie ócuífregano duere íñoite. Afe llezica afémie jífáidino diga güizájite. ⁵⁰ Iemo ie ocuídimie billíruimo afémie comécíñeitemo, ie naama dúciite. Daje izói ocuífregamie ónoñega hóramo dúciite. ⁵¹ Dúciillano afémiena jamánomo duere íñoite. Afe mei comeci diné nai íáirena mei abina ñue cíoidino iere duere zefuilla izói, afe izói afémiena duere zefuítate. Afemona afémie iere éite. Eiano izírenari murímurite, —dínori Jesús úrite.

25

Diez dígade jitáingomo mamécafue

¹ Jesús nane jíáfue llote:

—Monamo ite Juzíñamui illáimana illirui diez dígade jitaingo izoide. Aféngotiai iníreille ráfuego jáidiaioi. Jailla llezica íaioi mechéraiai uitíaioi. Ringo otímie íaioi uáidollena afénomo jáidiaioi. ² Afénguaimona cinco dígango finóbiño ebena jaide. Iemo jíáie cinco dígango ñue finóbillano jáidiaioi. ³ Afe finóbiño ebena jáidingotiai íaioi mechéraiai fuilla mei méidolle íjina uíñediaioi. ⁴ Mei jíáfodo afe ñue finóbidingotiai íaioi méidolle íjina botéllado uitíaioi jíáí íaioi mechéraiairi. ⁵ Mei afe ringo otímie are bíñenamona, nana jitáingotiai ja iníacadiaioi. Iemona ua íniaidiaioi. ⁶ Afe mei dáiferui llezica riire uáidua uai cácaaide: “Ringo otímie ja bíteza. Raire afémie omoi uáiduairi,” daide. ⁷ Afemona nana afe jitáingotiai náidacaillano íaioi mechéraiai unediaioi. ⁸ Afe llezica afe cinco diga finóbiño ebena bitínguai, jíáie cinco diga ñue finóbidingotiaina daide: “Cai mechéraiai ja bóoñedeza. Omoimo ite eneno atica íjimona cai ine,” daidíaioi. ⁹ Mei íadi afe ñue finóbidingotiai finóbiñedingotiaina daide: “Omoimo fecánidicai. Mei ómoimo fecádicaína caimo fiébiñede. Afe izói ómoimo fiébiñede. Batí fecáriracomó dani júnuaidiomoína ñuera.” Jira aféngotiai jáidiaioi. ¹⁰ Mei íadi finóbiñedingotiai oni

aceite íbajilla llezica, ringo otímie dúcide. Afe ñue finóbidingotiai afémie diga áirena ráfuego jofo jáidiaioi. Afe mei afémie naze ibaide. ¹¹ Ibailla mei aceite íbajidingotiai dúcidiaioi. Dúciillano daidíai: “Ocuíraima, naze caimo tuiño,” daidíai. ¹² Mei íadi afémie jofona uai ote: “Uáfueña ómoína onóñedicue,” daide.

¹³ Iemo Jesús nai úrillano daide: Nanoide ñima Jitó Cristo billirui ónonideza, iníño abí omoi rairuiri. Ie bille mona ónonideza. Daje izói ie dúcille hora buna ónoñega, — daide.

Talenta daína ráifide úcubemo mamécáfue

¹⁴ Jesús nane jíáifue llote:

—Monamo ite Juzíñamui illáimana illarui bie izoide. Daa ocuífiredimie oni jíáigobemo jáiacana llezica, ie ócuifiregano uáidota íemo ite úcube afémacina úiñotade.

¹⁵ Ocuídímie afémacimona daa cómemo cinco mil úcubetuni fecade. Iemo jíáimie mo mena mil dígatuni fecade. Iemo nane jíáimie mo daa milna fecade. Afémacimona illa dígamie ie ífoci onona dieze fecade. Daí fécajano oni jíáie éniemo jaide. ¹⁶ Cinco mil dígatuni igámie, afe úcubena afémie níciduamona, afe baímo cinco mil áfemo bai nabaide. ¹⁷ Daje izói mena mil dígatuni igámie afe baímo jíáie mena mil áfemo bai nabaide. ¹⁸ Mei íadi daa milna igámie ie ocuídímie úcube oni énie ífomo retáidote.

¹⁹ Afe mei, are íllamona afe ocuídímie ocuífiregamíai diné meine bite. Billano íaiói úiñoa úcube onóillena afémacimo jícanote. ²⁰ Cinco milna igámie fueñe billa. Billano afe baímo ie nabaica jíáie cinco mil ie ocuídímie mo izáibite. Izájillano daide: “Cue Ocuídímie, o cuemo iga cinco milna baímo jíáie cinco milna nabáidicueza. Be o diez mil dígatuni,” daide. ²¹ Jira ie ocuídímie íena daide: “Cue ocuícana iere íñofiredio. Cue ñuera ocuícamedio. Due omo cue fecácana ñue íñotio. Afemona afe baímo jíáiena ona úiñotaiticue. Cue illáimana illánomo maí caímare coco jai,” daide. ²² Afe mei nane mena milna iga ocuífiregamie dúcide. Afémie daide: “Cue Ocuídímie, mena milna cue itio. Afe bai nane jíáie mena milna nabáidicue. Be o cuatro mil dígatuni,” daide. ²³ Jira ie ocuídímie íena daide: “Cue ocuícana iere íñofiredio. Cue ñuera ocuícamedio. Due omo cue fecácana ñue íñotio. Afemona afe baímo jíáiena ona úiñotaiticue. Cue illáimana illánomo maí caímare coco jai,” daide. ²⁴ Mei íadi afe mei, daa mil dígatuni iga ocuífiregamie dúciillano ie ocuídímie mo daide: “Cue Ocuídímie, o iere ríimienana onódicueza. O ríñeganomona jaca ófiredio. Daje izói trigo tuiránomo táijiño afénomona trigo ófiredio. ²⁵ Ie jira ona jacíruillano o cuemo iga úcube éniemo cue retáidoga. Mei íadi o úcube meine cue atícaza. Be ñie,” daide. ²⁶ Iemona ocuídímie íena daide: “Fíenide ocuífiregamiedio. Daje izói ráiraierede ocuífiregamiedio. Cue ríirenana onódio ia, ¿ñibái mei bie izói itio? Cue ríñeganomona cue ófirenana onódio. Daje izói trigo tuiránomo táijiño, afénomona cue ófirenana onódio. ²⁷ Afemona cue úcube jóneranomo fecáredio. Iemo meine cue bíllemo afe úcubena naa jíáie baímo nabáicatuni diga llíñoredicue,” daide. ²⁸ Iemona ocuídímie afénomo itíñona daide: “Bímiemo ite mil dígatuni otá, afe diez mil dígatuni ofítatimie mo ine. ²⁹ Igámie nane baímo írega. Afemona afémie mo baímo aillo íite. Mei íadi íñegamie mo due íemo ite meine baírorega. ³⁰ Iemo bie ráifiñede ocuífiregamie jino jíñifomo dota. Afénomo éehteiza. Afe llezica izírenari murímuriteza,” daide. Daí daide Jesús.

Nana náiraiaimo izire jícanollirui

³¹ Jesús nai úrioido: Mei Nanoide ñima Jitó Crístodicueza, illáimana ana cue bille llezica, nana cue abí imáciai diga bíiticue. Billano ebire finoca illaíma ráiiranomo ráiizaibiticue.

³² Nana náiraí comíni cue uícomo gairítalliaioi. Afe íaiói bille llezica, ovejai úiñoaíma chívuaimona ovejaíaina oni eneno nízia izói, afe izói Nahí Illáimana cue íllemona nana náiraíaina oni enénorie jóneiticue. ³³ Cue nabézimo ovejai izóidino jóneiticue. Iemo

chívuai izóidino cue jarífezimo jóoneiticue. ³⁴ Afe mei cue nabézimo itínona dáititicue: “Cue Moo ñue finócamaci, mai omoi bi. Juzíñamui énie comúitaja llezica ómoiena mameca illáimana illínomo jofo jai. ³⁵ Mei cue jufíruilla llezica, cuena ecádio. Daje izói cue jiróacana llezica cuena jirótatio. Iemo jíái jífocinino cue mácaja llezica cuena jofo inítatiomoi. ³⁶ Iemo cue incuironina llezica cue itíomoi. Daje izói cue dúicotaila llezica cuena uáidotiomoi. Daje izói llavéracomo cue illa llezica, cuena méiñuaibitíomoi,” daide. ³⁷ Iemona cue nabézimo ite nífuenidino cuena dáititiao: “Cai Ocuíraima, ¿mei níruí o jufíruillana cióillano ona ecádicai? Daje izói ¿mei níruído o jiróacana llezica ona jirótaticai? ³⁸ Iemo jíái, ¿mei níruído o jífocinino o mácaja llezica ona inítaticai? Iemo jíái ¿níruído o incuironina llezica o iticai? ³⁹ Iemo jíái ¿níruído o dúicotaila llezica o méiñuaidicai? Daje izói llavéracomo o illa llezica ¿níruído o méiñuaidicai?” daidíai. ⁴⁰ Jira Illaíma cue íllamona uai óititicue: “Uáfueña ona dáititicue, nana afe bie comécina mánaide cue ámatiaimo omoi finócafuiái, aféfuíai ja cuemo finódiomoi,” dáititicue.

⁴¹ Afe mei cue Illáimana cue ráirano ie jarífezimo itínona dáititicue: “Cúemona oni omoi jai. Omoi fieni faidócanodiomoiza. Comini zíñona duere finolle iraimo omoi jai. Afe irai Taife, nana ie abi imaci diga íena finoca. ⁴² Mei cue jufíruilla llezica cuena ecáñediomoi. Cue jiróacana llezica cuena jirótañediomoi. ⁴³ Afe izói jífocinino cue jáicana llezica cuena jofo inítañediomoi. Cue incuero íñena llezica cuena inédiomoi. Duico cue ua llezica, daje izói llavéracomo cue illa llezica cuena uáiduaibifinidiomoi,” daide. ⁴⁴ Jira afémaci cuena dáititiao: “Cai Ocuíraima, mei níruí o jufíruillana ciódicai, daje izói o jiróacanana, íemo jífocinino o macácana, íemo o incuero íñenana, íemo o irárenana, íemo llavéracomo o íllana, ¿mei níruído daí o íllana ciódicai ia, ona canóñedicai?” dáititiao. ⁴⁵ Iemona afe llezica íaioina dáititicue: “Uáfueña ómoína dáititicue, bie comécina mánaide cuemo jaináidinomona dáamiemo omoi fínoñegafuiaina, aféfuíaina ja cuemo finóñediomoi,” dáititicue. ⁴⁶ Afe mei afémaci zíñona duere finolle iraimo jáititiao. Iemo Juzíñamui jóonega comécina nífuenidino, caimare zíñona cáallinomo jáititiao, —dínori Jesús úrite.

26

Jesús llaitállena maméritiao

(Mr 14.1-2; Lc 22.1-2; Jn 11.45-53)

¹ Jesús nana bífuíai llua méifodo, ie llófuegamacina daide:

² —Onódiomoiza benómona ménarui íllamona pascua rafue íteza. Aféruído Nanoide Hima Jitó Cristodícueza cruzmo coráillena cuena fécaítiao, —daide.

³ Afe llezica lletáriraini illaini, daje izói ocuica uai llófueraini, naa judúuai eicomíniri dáanomoi gairídiao. Lletáriraini caifóidíllaima Caifás ñúeco íbírimo gairídiao.

⁴ Afénomo Jesús jífuiano llaitállena maméritiao. Afe llezica afémie titállena maméritiao. ⁵ Mei íadi afémaci daidíai:

—Nana comini áferi fáillifaillíñañeillena, rafue ana íena lláitañeíticai, —daidíai.

Ringo zióredijina Jesús ifo jillaide

(Mr 14.3-9; Jn 12.1-8)

⁶ Jesús Betania jófueño ite. Afémie, chíñaitimiena maméidimie Simón jofomo ite.

⁷ Afe llezica, afénomo daa ringo alabastro daina nofici finoina icítirudo ziórediji uite. Afeji iere ráifide. Jesús güirábanimo ráina llezica, afengo afe ziórede cáirediji Jesús ífomo totade. ⁸ Ie llófuegamaci afena cióillano rícaidiao. Dani conímana daidíai:

—¿Níbaí mei áfeji táinomoi fáifitaga? ⁹ Afeji aillo úcube óllena fecárede. Afedo oga úcube, dúeredinomo írede, —daidíai.

¹⁰ Jesús daí íaioi úrillana cacáillano íaioina daide:

—¿Níbaí mei bie ringo jifánodoidiomoi? Bie ringo cuemo finoca raa iere ñuera. ¹¹ Omoi cígimo dúeredino jaca ífirede, mei íadi omoi cígimo are íñeiticue. ¹² Bie ringo cue abimo totaca ziórede cáiredijina, cue raillínomo dúide. Afedo afengo ñue cuena finode. ¹³ Uáfueña ómoina dáititue, náganomo bie éniemo bie jílloille uai jino llóadi, bie ringo cuemo finócana jino llóitiaioiza, afémaci aféngomo úbicaifireillena, —daide.

Judas Jesuna ie éoidinomo fecade
(Mr 14.10-11; Lc 22.3-6)

¹⁴ Afe mei doce dígade llófuegamacimona Judas Iscariote lletáriraini illáimamo úrizaide. ¹⁵ Afémacina daide:

—Jesús ómoimo cue fecálleza, ¿nieze cuemo íbaitiomoi? —daide.

Jira “cuatro fiui táijina iba dieze, omo íbaiticai” dainano, treinta diga ráifide úcubetu-nillai aféniemo fecádiaioi. ¹⁶ Iemo áfemona afe Judas Jesús íaioimo ñue fecállino jenode.

Jesús páscuamo úraicaiño güillafue
(Mr 14.12-25; Lc 22.7-23; Jn 13.21-30; 1 Co 11.23-26)

¹⁷ Afe rafue nanódiruimo fáitañega pan güífirediaioi. Afe llezica Jesús llófuegamaci billano jicánotiaioi:

—¿Pascua rafue llezica güillena, úcodo ninomo cai fínuaile? —daidiaioi.

¹⁸ Afémie íaioina daide:

—Batí jófueño jaillano, cue dainámie jofomo jai. Afémiena daiíri: “Cai Llófueraima ona daide: Cúeiena mamécaruimo ja dúciizaideza. Pascua rafue güífrenana o jofomo cue llófuegamaciri güítitue,” —daide.

¹⁹ Iemona ie llófuegamaci ie ocuilla izói pascua ráfueño güillena fínuaidiaioi.

²⁰ Ja nauilla llezica, Jesús ie doce dígade llófuegamaciri afénoño güizájidiaioi.

²¹ Afénoño íaioi güilla llezica Jesús daide:

—Uáfueña dáititueza, ómoimona dáamie cuena fécaite, —daide.

²² Iemona afémaci iere zúucaidiaioi. Zúucaillano illa dígamierie Jesuno jicánotiaioi:

—Cai Ocuíraima, ¿meita cue? —daidiaioi.

²³ Jesús íaioi uai ote:

—Birui cue diga daje plátomona güítimie, ñi cue fécaitimie. ²⁴ Nanoide ñima Jitó Crístodice; jaiái Juzíñamui Cuegáuaimo lloga iodo jáititue. Mei íadi cue fecádimie jñi dúerena! Afémie nanómona jaca jéiciñegania figura, —daide.

²⁵ Iemona afe fécaitimie Judas Jesuna daide:

—Llófueraima ¿meita cue? —daide.

Jira Jesús uai ote:

—Jii, o. O cue fecalle.

²⁶ Ie güilla llezica, Jesús pan llíinota, Juzíñamuina “Iere figura” daide. Daina mei ditada, ie llófuegamacimo fecade. Fécajano daide:

—Bie güi. Bie cue abiza, —daide.

²⁷ Afe mei jiróraco llíinota, Juzíñamuina “Iere figura” daide. Dainano ie llófuegamacimo fecade. Feca mei íaioina daide:

—Nana bicúrimona omoi jirori. ²⁸ Mei bie cue dieza. Cue die, dájemo Juzíñamui llíinoga comue uai uáfueña daiítate. Aillo comini íaifue muiñóllena cue die totalle. ²⁹ Mei íadi dáanomo bie uva íjina meine jiroñeiticue. Cue Moo illáimana illirui nai dúciñeille dño aféjina jiroñeiticue. Afe bille llezica cómojina omoi diga jóroititue, —daide.

Pedro Jesús jáanollena Jesús úcodo llote
(Mr 14.26-31; Lc 22.31-34; Jn 13.36-38)

³⁰ Juzíñamuimo íaioi rua fuilla mei, jino Olivo daina ídumo jáidiaioi. ³¹ Afénoño Jesús íaioina daide:

—Bie naio cueri méaicaillano nana omoi cuena fíeitiomoi. Mei jaii Juzíñamui Cuegáuaimo omoi dibénedo bie izói daide: “Ovejai úiñoraíma cue fáiticue, íemona afe ovéjaíai rainólliaíoi,” daide. ³² Jesús nai úrite: Mei íadi meine abido cue cáaille mei omoi uícodo Galiléamo jáiticue, —daide.

³³ Jira Pedro uai ote:

—Nana comini ona fáicanocaitiaíoi ia, cue ona fáicanocaiñeiticue, —daide.

³⁴ Jira Jesús afémiena daide:

—Uáfueña ona dáitícueza. Bie naio átava nai úriñenia, daámani dígcacíño cuena jáanoitioza, —daide.

³⁵ Pedro íena daide:

—O díga cue tíillena iere jitáirede ia, ona jáanoñeiticue, —daide.

Afe llezica nana llófuegamaci Pedro daina izói daídíaíoi.

Getsemanímo Jesús Juzíñamuimo úrite

(Mr 14.32-42; Lc 22.39-46)

³⁶ Afe mei Jesús naa ie llófuegamaciri Getsemaní mámeceiredinomo dúcide. Afénomo íaioina daide:

—Bai batí Juzíñamuimo cue úrizaiilla llezica benomo omoi ráíiri, —daide.

³⁷ Daií daina mei Pedro, naa Zebedeo jitó íaillinoíri Jesús bai uite. Afe llezica Jesús iere zúucaide. Zúucailla llezica comécimo duere zefuilla izói cácaide. ³⁸ Iemona íaioina daide:

—Cue comeci iere zúurede. Afe zuufue cuena titade izói finode. Benó omoi fiébiri. Iníñeno cue omoi úiñori, —daide.

³⁹ Daií daina mei afe baimo íanori jaide. Afénomo éniemo fueco díne bíjicaillano Juzíñamuimo úrite; daide:

—Cue Moo, o finórenia bie duere finóllinomona cue jíllotari. Mei íadi cue comeci jítaina izói finóñeno iri. O comeci jítaina izói finori, —daide.

⁴⁰ Afe mei daámani ie llófuegamaci illánomo meine bite. Inídiaioina cíozaibite. Iemo Pédróna daide:

—¿Nano íanori omoi cue díga iníñeno cáadino izói inídiomoi? ⁴¹ Fiénidífueмо omoi báiiñelleza, iníñeno abí omoi rairuiri. Daje izói Juzíñamuimo comécido omoi úriri. Uáfueña omoi joreño jíerezeza, mei íadi omoi abi náinide, —daide.

⁴² Afe mei nane Jesús Juzíñamuimo úrizaide. Bie izói daide:

—Cue Moo, bie duere cue íaíoi facátallemona cue o jíllotareñenia o comeci jítaina izói fino, —daide.

⁴³ Afe mei nane meine bite. Bítemo ie llófuegamaci inídena cíozaibite, mei íaíoi uimo ínie iere íllaza. ⁴⁴ Iemona nane afémacina fiénocaiillano bai Juzíñamuimo úrizaide. Ja daámani dígcacíño úrizaide. Ie mei nane daje uaido úrite. ⁴⁵ Afe mei nane ie llófuegamaci illánomo jaide. Afémacina daide:

—¿Nai inídiomoi? ¿Nai ocózinaidiomoi? ¡Cacai! Nanoide íima Jitódicueza, ja cuena fiénidinomo fecalle hóramo dúcidez. ⁴⁶ Omoi náidacai; jáiticaíza. Cue fécaitimie ja dúcidez, —daide.

Jesús ja llaitada uitíaíoi

(Mr 14.43-50; Lc 22.47-53; Jn 18.2-11)

⁴⁷ Daií Jesús nai úrioina llezica Judas dúcide. Afémie doce dígade llófuegamacimona dáamie. Afémie aillo comini díga bite. Lloéfaillai naa bigíniari atídiaíoi. Afémaci lletáriraini illaini orécaiaíoi. Daje izói judíuai éicomini orécaiaíoi. ⁴⁸ Fécaitimie Judas Jesús íaíoi onóillena llaitalle uai uícodo íaioimo llote:

—Níimie cacai ñítaitícueza; afémie llaitada omoi uiri, —daide.

⁴⁹ Afemona Jesumo áinozillano daide:

—Llófueraíma, caimare itio, —daide.

Afe emódomo Jesuna ñítade. ⁵⁰ Jira Jesús ie uai ote:

—Cue nabai, ¿minícamo bitio? —daide.

Daií daina mei, comini billano Jesús llaitádiaioi. Llaitada llavéllena uitíaioi. ⁵¹ Afe llezica Jesús nabáñiaimona dáamie ie lloefai otá, lletáriraini illaíma ocuífíregamie jefo cotade. ⁵² Jira Jesús íena daide:

—Jadíe o lloefai oni joone. Mei nana lloéfai do fúirídino, afe lloéfai do tíitíai. ⁵³ ¿Onóñedioza cue Móomona doce dígázie ríiduaíbitinona jicáredicue? Daií jicádicuena afémie biruimo raire cuemo orérede. ¿Afena onóñedio? ⁵⁴ Mei íadi birui afémaci cue llaitáñediaioinia, ¿nie izói Juzíñamui Cuegáuai daina ñue ícoimo zúite? Aféuái bie íficaídífuiái ie zuílle llote, —daide.

⁵⁵ Afe mei Jesús comínina daide:

—¿Nibái mei merírífiredimie izói cue lláitaíbitiomoi? Mei lloéfaillairi íemo bigíñiairi cuemo bitíomoi. Nágaruillaído Juzíñamuimo gairíracomo ráicana ómoína llófuefiredicue. Afénomo jaca cuena llaitáñediomoi. ⁵⁶ Mei íadi nana bie íficaide, jaiái Juzíñamui uai jino llóraini lloga ñue ícoimo fuitállena, —daide.

Afe llezica nana Jesús llófuegamaci afémie fáicanocaillano botádiaioi.

Jesús jamánomoidillaini uícomo uitíaioi

(Mr 14.53-65; Lc 22.54-55, 63-71; Jn 18.12-14, 19-24)

⁵⁷ Afe Jesús llaitada oni uitino Caifás uícomo uitíaioi. Afémie lletáriraini caifóidillaíma. Afénomo ocuica uai llófuefiredino naa eicomíniri dáonomo ofídiaioi. ⁵⁸ Mei íadi afe llezica Pedro Jesús uilla ódana caifóidillaíma jefo ibírímo jaide. Afénomo dúciillano jefo jaide. Jaillano afeco úiñotino díga ráiide. Afémie dinomo ráiide Jesús llaitaja ñue ícoimo fúillana cíoillena.

⁵⁹ Lletáriraini naa eicomíniri, íemo nana jamánomoidillainiri Jesumo fieni jónellífue jenódiaioi. Uafue jónellífue íaioi báñenia “Táínofue nítaiticai,” daidíaioi, “áfedo afémie cai titátalleza.” Afe llezica aillo comini billano taino uailái afémiemo jónetiaioi. ⁶⁰ Mei íadi afémiemo íaioi jónellena baiñediaioi. Afe mei írainomo ménamie taino llófiredino íaillinoi dúcide. ⁶¹ Afe íaillinoi daide:

—Baie Jesús bie izói daífírede: “Juzíñamuimo gairíracona júdairedicue. Afe mei daaruíamani íllamona meine caifo níredicue,” —daidíaillinoi.

⁶² Jira lletáriraini caifóidillaíma náidacaillano Jesuna daide:

—¿Nibái mei uai oñedio? Bie omo íaioi jónegafue ¿nie izoide? —daide.

⁶³ Mei íadi afe llezica Jesús jaca uaina oñede. Ie jira lletáriraini illaíma íena daide:

—Caade Juzíñamui mámedido o úritadícueza, uri. Uáfueña daíllena riire o ocuídícue. O, Juzíñamui Jitó Crístona o illa caímo lloiri, —daide.

⁶⁴ Jira Jesús daide:

—Jíi, o daina izói níimiedicue. Nane ómoína dáitícue, Nanoide íima Jitó Crístodícueza, ríinorede Juzíñamui nabézimo cue ráiillana cíoitomoi. Afe llezica mona uílliedo ana monámona cue bíllana cíoitomoi, —daí daide.

⁶⁵ Afena cacáillano lletáriraini caifóidillaíma jamánomo ríicaide. Daií ríicaillana ácatallena ie jítáoi garoi cuatade. Afe mei daide:

—Bie íima ie daina uáillaido Juzíñamuina íaire úrite. ¿Nibái mei nai jíáie uai nábitino jítáidicai? Omoi dani ie fiénide dáinana cacádiomoi. ⁶⁶ ¿Minica afémiemo dúina? —daide.

Jira afémaci daidíaioi:

—Dama ie ícoína tíirede, —daidíaioi.

⁶⁷ Afe mei ie uíecona tuádiaioi. Rázido íena fatíaioi. Jíáimaci ie uíeco púcoidiaioi. ⁶⁸ Daií ñiano íena daidíaioi:

—Mei Crístodioza, ¿níimie o faja? Jino llone, —daidíaioi.

Pedro Jesús onode íadi jáanote

(Mr 14.66-72; Lc 22.56-62; Jn 18.15-18, 25-27)

⁶⁹ Afe llezica Pedro jinófeco ibírimo ráiide. Afénomo ie illa llezica ocuífíregango afémiemo billano daide:

—O daje izói Galilea ímie Jesús diga macáfiredio, —daide.

⁷⁰ Mei íadi Pedro comini eróicana afémiena jáanote; daide:

—O dáinana onóñedicue. ¿Minica llotio? —daide.

⁷¹ Afe mei Pedro jofa nazemo jáidemo jáíngo íena ciode. Cíoillano afénomo itínona daide:

—Bímie daje izói Nazaret ímie Jesús diga macáfiredo, —daide.

⁷² Afengo daií daina llezica, Pedro nane íena jáanote. Ríírede uaido daide:

—Afe íimana jaca onóñedicue, —daide.

⁷³ Afe mei íanori íllamona afénomo itino Pédromo áinozillano daidíaiói:

—Uáfueza, afémaci ímiedio, mei dama o úrillado onódicaiza, —daidíaiói.

⁷⁴ Afe jira Pedro uafue daiíllena Juzíñamui mámece líínota riire daide:

—Afe báimiena jaca onóñedicue, —daide.

Daií ie daina llezica ítava úrite. ⁷⁵ Afemona Pedro Jesús uícodo íena dáinamo úbicaide. Afe be níiuai: “Atava nai úriñena llezica, daámani dígcacaiño cuena jáanoitioza.” Afemo úbicaillano Pedro jino iere zuure écana jaide.

27

Pilátomo Jesús izájidiaiói

(Mr 15.1; Lc 23.1-2; Jn 18.28-32)

¹ Mona monáizailla llezica, nana lletáriraini illaini, naa judúuai eicomíniri, dáanomo gairíllano Jesús titállena nana daje izói maméritiaíói. ² Afe mei Jesús maíano, afe énie úiñote illaíma Poncio Pilátomo izájidiaiói.

Judas tíllafue

³ Judas, Jesús fecádimie, Jesuna íaiói coráiaillana cíoillano comece ifue méidote. Iemona treinta diga úcubetuni meine lletáriraini illáinimo izájide, ocuide eicomínimo diga. ⁴ Izájillano daide:

—Iere fiénidífue finódicue; nífuenidímie titállena fecádicueza, —daide.

Jira afémaci uai otíaíói:

—¿Afefue caímo mei níbai? Dama ófue, —daidíaiói.

⁵ Ie jira Judas afe úcube gairíracomo ana jutade. Afe mei afémie jaillano dama cimoi cúinajano aménamo ágüicaide. Daií afémie tíide.

⁶ Lletáriraini illaini, afe jutaca úcube iráiano daidíaiói:

—Juzíñamuimo fia iga úcube jóoneracomo bie úcube jóonenidícai, mei come títaja úcubeza, —daidíaiói.

⁷ Afe mei afémaci afe úcubedo énie íballena dájena coméciidiaiói. Iaiói íbaca énie mámece Nógora Orano. Afébiri íbádiaíói jícanemaci tíadi afénomo ráillena. ⁸ Afe jira nai biruímo afébiri Díébirina daiífírena. ⁹ Daií íaiói fínuamona jaiái uai llóraíma Jeremías lloga uai ñue ícoímo fuite. Be níiuai: “Israel nairai cue íaiói fécaja úcube abido líínotiaíói.

¹⁰ Líínuano Nógora Orano íbádiaíói. Daií Juzíñamui cue ocuide.”

Jesús Pilato uíécomo jóonetiaíói

(Mr 15.2-5; Lc 23.3-5; Jn 18.33-38)

¹¹ Afe mei énie úiñotillaíma uícomo Jesús uitíaíói. Afénomo afémie Jesumo jícanote:

—¿O meita judúuai illaíma? —daide.

Jira Jesús daide:

—O daina izói níimiedicue, —daide.

¹² Iemo lletáriraini illaini naa ocuide eicomíniri Jesumo fiénide uailai jóonia llezica, afémie jaca uai oñede. ¹³ Jira Pilato íena daide:

—¿Aqué omo íaiói jóonegafuíai cacáñedio? —daide.

¹⁴ Mei íadi Jesús jaca afe llezica uai oñede. Iemona uai ie oñénari énie úiñotillaíma fáigacaide. Ie daílle uai onóñede.

Jesús titállena mameca

(*Mr 15.6-20; Lc 23.13-25; Jn 18.38-19.16*)

¹⁵ Aféruillaído afe rafue ana, llaveca fiénidinomona dáamie Pilato zuitáfirede. Afémie comini uaido zuitácamié. ¹⁶ Mei afénomo ite mámecina jica jalleide fiénide maigámie. Afémie mámecei Barrabás. ¹⁷ Illáicomini dáanomo gairilla llezica Pilato afémacimo jicánote:

—Bíaiillinoimona ¿nímie ómoimo jino zúitaiticue? ¿Barrabás, mei níbai Cristo dáina Jesús? —daide.

¹⁸ Mei Pilato, comini úradoillamona Cristo íaioi fécajana ñue onode.

¹⁹ Pilato, riire jicánofiredimie ráíranomo ráina llezica, Pilato ai uai orede. Afe be níuui: “Afe jadímie nífuenidimieza afémiemo jíricaiñeno iri. Mei ja naio afémiena cue nicáirilla llezica iere duere zefuídicue,” daide.

²⁰ Mei íadi lletáriraini illaini naa ocuide eicomíniri, nana jíáie comini Pilátona daílliuai riire llotfaioi. Barrabás zuitállena Pilátomo jicátatiaioi. Daje llezica Jesús titállena jicátatiaioi. ²¹ Afe énie úiñotillaíma nane dáanomo jicánote:

—Bíaiillinoimona ¿nímiéna cue zuitátatiomoi? —daide.

Jira: —Barrabás zuita, —daidfaioi.

²² Iemo Pilato íaioimo jicánote:

—Iemona bie Crístona mámeciredimie Jesús ¿nie izói níbaíticue? —daide.

Jira nana uai otfaioi:

—¿Cruzmo corai! —daidfaioi.

²³ Iemona Pilato íaioina daide:

—¿Níbaí mei? ¿Nie fiénidífue afémie finode? —daide.

Mei íadi comini dáanomo riire daidfaioi:

—Cruzmo corai, —daidfaioi.

²⁴ Pilato ie uaina íaioi íinoñenana ciode. Daje izói nana comini aféfuiaíri jamánomo caílliana cacade. Ie jírrari “Onoi cue jocólleza jaínoi atí” daide. Jócua llezica daide:

—Afe bie nífuenidimie tílle cuemo jííñede. Dani ómoífueza, —daide.

²⁵ Iemona nana comini uai otfaioi:

—Afémie tílle caímo jíite, daje izói cai úruiaimo, —daidfaioi.

²⁶ Afe jira Pilato Barrabás zuitade. Afe mei Pilato Jesús rázido fatátate. Fatata mei Jesuna afémacina coráitate.

²⁷ Afe mei énie úiñotillaíma fuíríraini áillue gairíracomo Jesús uitfaioi. Afénomo nana jíáie fuírírainiaí afémie onífenedo gairídíaioi. ²⁸ Afe mei ie iníroi dúíñuano, illaíma jítaífirega jáicuiro afémiemo jítaídiaioi. ²⁹ Afe llezica ífo icuífoi eegi níinacuífoina afémiemo jítaídiaioi. Iemo jíái illaíma lííifirega bigina íena lííinotadiaioi. Daí ñiano afémie anamo dújudiaioi. Dújuillano jífánodoiano íena daidfaioi:

—Judíuui Illaíma are íitioza, —daidfaioi.

³⁰ Afe llezica afémaci ie túallaítiaioi. Afe dáanomo ie lííiga bigi báiruano, ie ífoci púcoídiaioi. ³¹ Daí ie íaioi jífánodoiaí mei, afémiemo íaioi jítaíca jáicuiro dúíñuano, dama ie iníroina jítaídiaioi. Afe mei afémie coráiaídiaioi.

Jesús cruzmo coráidíaioi

(*Mr 15.21-32; Lc 23.26-43; Jn 19.17-27*)

³² Jofue jinomo íaioi coráiaílla llezica, Cirene énie ímie baítiaioi. Baillano Jesús uiga cruzna rocátatiaioi. ³³ Daí Gólgata mámeciredinomo dúcidiaioi. Gólgata dáina “come ífócorai illano.” ³⁴ Afénomo eríredena jaicuica vínona Jesús jírótaídiaioi. Mei íadi Jesús áfena due fácano, jíróacañede.

³⁵ Jesús ja íaiói coraia méifodo, fuiríraini Jesús iniroi illa dígamie íaiói máiñuana onoíllena, onótaraji dotádiaíoi. Daí jaiái uai llóraini lloga uai ñue ícoimo fuite. Afe be níuui: “Onótaraji dotajano, cue iniroi conímaiaimo fecádiaíoi.” ³⁶ Afe mei afémiedo éroillena afénomo ráiiediaíoi. ³⁷ Ie ifo acónimo cuezábici netádiaíoi. Afébicimo níifue ícoinia duere finoca daina cúeina. Afébicimo cuega bie izói daide: “Bie Jesús, Judíuui illaíma.”

³⁸ Afe llezica afénomo mena merírifiredimie coráidiaíoi. Dáamie Jesús nabézimo coráidiaíoi. Jiáimie ie jarífezimo coráidiaíoi. ³⁹ Afe llezica áfeodo jaide comini Jesuna íaire úritiaíoi. Uaido iere riire íena táigoídiaíoi. ⁴⁰ Daí fiene ie táigoiano íena daidíaíoi:

—Juzíñamuimo gairíraco júdaiano daaruíamani ille mei meine níiticue daíffiredioza; mai, o abi jíllota. Daje izói Juzíñamui Jitona o íadi, jadíe cruzmona ana bi, —daidíaíoi.

⁴¹ Daje izói lletáiraini illaini, íemo ocuica uai llófuetino, íemo fariséuui naa ocuífiredie eicomíniri íena áfeduano conímana daidíaíoi:

⁴² —Diga jiáimaciaína afémie jíllotafiredie, mei íadi dama ie abina jíllotanide. “Uafue Israel Illaíma o ia, jadíe crúzmona ana bii, áfemona omo cai íinolleza,” íena daidíaíoi.

⁴³ Nai ie áfeduano íena úritiaíoi:

—Mei afémie Juzíñamuimo ínoteza, mai mei birui Juzíñamui ie jíllota, Juzíñamui ie jíllotaiacania. Afémie caina “Juzíñamui Jitódicue” daide, —daidíaíoi.

⁴⁴ Daje izói ie diga coraica merírifiredie íaillinoi íena íaire úritiaíillinoi.

Jesús tiilla

(Mr 15.33-41; Lc 23.44-49; Jn 19.28-30)

⁴⁵ Afe llezica nániena jítfeficaide. Jitoma jaíciri íllamona batí ana ítemo jítfeficaide.

⁴⁶ Ja jitoma arífemona ana ítemo Jesús riire caillide:

—Elí, Elí, ¿lama sabactani? —daide. Afe uai daíacana: “Cue Juzíñamui, cue Juzíñamui, ¿nibái mei cue zóofetio?”

⁴⁷ Afénomo itínomona dáarie afena cacáillano daidíaíoi:

—Bímie jaiái Juzíñamui uai llóraíma Elías jíirite, —daidíaíoi.

⁴⁸ Daí daina llezica afémacimona dáamie aizida esponja daina fíillicide raa uájide. Erírede vínomo riáitano Jesús jiróllena caífo rázido ñuitádiaíoi. ⁴⁹ Mei íadi jiáimaci daidíaíoi:

—Dama íteza. Jetáñeno, Elías ie jíllotaíbiadi, cai cíoilleza, —daidíaíoi.

⁵⁰ Afe mei Jesús dáanomo riire caillide. Daí cáillia méifodo ja tíide. ⁵¹ Ie tiilla llezica Juzíñamui gairíraco eromo fetácaroi caifona ana eróicana atóroído oni cúajicaide. Afe llezica énie docaide, íemo jíái jéerie nofíciai bócoizite. ⁵² Iemo daje llezica, comini raíáfuaí túicoizite. Afe llezica aillo tíide Juzíñamuimo ínotínuaí meine abído cáadimacina jáidiaíoi. ⁵³ Afe bimaci íaiói raíáfuaímona jino bitíaíoi. Iemo Jesús abído caana mei, ñuera Jerusalén jófueimo jáidiaíoi. Afénomo aillo comini bie como meine abído cáadimacina cíodiaíoi.

⁵⁴ Iemona fuiríraini illaíma naa afémie diga Jesús úiñotínori, énie docailla, naa jíáie comuídifuaína cíoillano, iere jacínaitiaíoi. Jacínaillano daidíaíoi:

—Uáfueza bie Juzíñamui Jitó, —daidíaíoi.

⁵⁵ Afénomo diga ringóniaí jicana eróiediaíoi. Aféngotiaí Galiléamona Jesudo jáidiaíoi. Aféngotiaí Jesuna canófrediaíoi. ⁵⁶ Aféngotiaí cígimo, Magdalena énie ingo María ite. Iemo jíáie María, Santiago José íaillinoi ei ite. Iemo jíái Zebedeo ai ite. Afengo mena jítórede.

Jesús raítiaíoi

(Mr 15.42-47; Lc 23.50-56; Jn 19.38-42)

⁵⁷ Ja nauilla llezica Arimatea énie ímie José bite. Afémie ráaredimie, íemo jíái afémie Jesudo jáicaífiredie. ⁵⁸ Afe jira Pilátomo Jesús abí jícajide. Iemona Pilato Josemo afémiena

ite. ⁵⁹ Iemo José Jesús abi ana uano ñuera áilloroina junide. ⁶⁰ Juníllano dama ie comue raiáfomo jóonete. Afe raiáfo nofícimo finoca. Raia mei áillue nofícina naze íbáillano jaide. ⁶¹ Afénomo Magdalena énie ingo María naa jíáie María diga raiáfo uícori ráiidiainguai.

Jesús raiáfo uíñoitinona jóonetiaioi

⁶² Afe jíáiruido, ocózinaillarui jitaica raa fínua mei, lletáriraini illaini, naa fariséuairi Pilátomo úrizaidiaioi: ⁶³ —Ocuídime, afe taino llórama Jesús dainamo úibicaidicai. Afémie caana llezica, “Daruíamani ille mei, tíllanomona meine abido cáaiticue,” daífired. ⁶⁴ Ie jira afe raiáfo daruíamani fidi riire o finori, ie llófuegamaci ie abi naio mériaibiñelleza. Mériano comínina “Ja Cristo tíide meine abido caade,” dáititiaioi. Ie llófuegamaci daí finóadi, íaioi írainomo lloga táinofue, fueñe lloga táinofuai baimo fienite, —daí daidiaioi.

⁶⁵ Jira Pilato daide:

—Batí omoi úiñote fuiríraini ite. Afémacido afe raiáfo omoi onona izói riire omoi finori, —daide.

⁶⁶ Iemona raiáfomo jaillano, afénona riire finódiaioi. Afe mei afe raiáfo emodo íbaila nofícimo túiñoñellena jana finódiaioi. Afe mei jóoneoide fuiríraini afénomo fíiano oni jáidiaioi.

28

Jesús tíllanomona meine abido cáadimiena jaide

(Mr 16.1-8; Lc 24.1-12; Jn 20.1-10)

¹ Ocózinaillarui jíáiruido, semana fueñediruimo mona monáiacana llezica, Magdalena énie ingo María, jíáie María diga raiáfo méiñuaidiainguai. ² Afe llezica énie riire docáiricaide. Juzíñamui abi ímie ángel dainámie monámona ana billa énie níraidua. Afémie Jesús raiáfomo dúciillano afe íbaila nofici oni tuiñode. Tuiñuano afébicimo ráiide. ³ Afémie abi mona borilla izói quenire cioide. Iemo afémie iniroi jaillici izói iere úzerede. ⁴ Afémiena cióillano, jóonete fuiríraini iere jacínaitiaioi. Cuidíridiaioi. Afe llezica tíidino izói jáidiaioi. ⁵ Afe mei Juzíñamui abi ímie afénomo jaide ringóniaina daide:

—Jacínaiñeno. Onódicueza, coraica Jesús jénuaibitiomoi. ⁶ Afémie ja benó íñede. Omoína ie daina izói, ja meine abido caade. Ie íaioi raiano eróizaibi. ⁷ Afe mei ie llófuegamacimo omoi llujiri. Bie izói lloiri: “Ja afémie tíide íadi meine abido cáadimiena jáideza. Afémie ja omoi uícomo Galiléamo jaide. Afénomo íena cíoitomoi.” Be ómoimo cue llóiacagafue, —daí daide.

⁸ Iemona ringóniai afe raiáfomona raire abido jáidiaioi. Aféngotiai iere íóbicaidiaioi íadi, nai jacíruioidimaci.

⁹ Iodo íaioi jailla llezica Jesús íaioimo cíocaide. Cíocaillano íaioina uáidote. Aféngotiai íemo ánozillano íemo cáimadotiaioi. Ie ídai meníñotiaioi. ¹⁰ Jira íaioina daide:

—Omoi jacíruiñeno. Cue ámatiaimo llujiri, Galiléamo raire íaioi jáilleza. Dinomo cuena cíoitiaioi, —daide.

Raiáfona úiñotaga fuiríraini llogafue

¹¹ Ringóniai jailla llezica, raiáfo jóonete fuirírainimona dáarie jófuemo jáidiaioi. Afénomo dúciillano lletáriraini illáinimo nana íaioi ciónana llotiaioi. ¹² Aféllaini ocuide eicomínimo ñue íaioi onóillena llujidiaioi. Ie jira aillo úcubena afe fuirírainimo itiaioi.

¹³ Illano íaioina daide:

—Bie izói omoi daíri: “Naio cai ínia llezica ie llófuegamaci mériano ie abina uitiaioi.”

¹⁴ Iemo énie úiñotillaima aféfuena fidíadi, omoi ñue íllena dani cai afémiemo úrizaiticai. Afemona afémie ómoína duere fínoñeite, —daí daidiaioi.

¹⁵ Iemona afe fuiríraini úcube llíinotiaioi. Llínnota íaioina daina izói fínuaidiaioi. Iemona judíuai nai biruimo Jesús meine abido cáanana uáitadiaioi; uáitano bie izói daiífirediaioi.

Jesús ie orécamacimo jóonega uai
(Mr 16.14-18; Lc 24.36-49; Jn 20.19-23)

¹⁶ Afemona Jesús once dígade llófuegamaci Galiléamo jáidiaioi. Uícodo Jesús íaioimo lloga ídumo jáidiaioi. ¹⁷ Afénomo Jesuna íaioi cíoillano, afémiemo cáimadotiaioi. Mei íadi dáamierie nai figo íinoñede. ¹⁸ Jira Jesús afémacimo áinozillano daide:

—Nana monamo ite ocuilla ríino, naa éniemo ite ríino díga ja cuemo fecaca. ¹⁹ Ie jira nana éniemo ite comínimo omoi jairi. Afémacina cue llófuegamacina oreri. Afe mei Moo Juzíñamui mámecido, daje izói ie Jitó mámecido, naa ie Ñuera Joreño mámecido íaioina báutizari. ²⁰ Nana omoi cue ocuilla uáillaina afémaci jeire omoi otátari. Afe llezica bíena omoi onoiri, cue nágarui omoi díga íifireitícueza. Jaca omoi díga ííticueemo énie fuillíruimo dúciite. Daiítadeza; ja niie.

JUZÍÑAMUI ÑUEFUE SAN MARCOS LLOGAFUE El Santo Evangelio Según San Marcos

Juan Bautista táizicimo lluáibite
(Mt 3.1-12; Lc 3.1-9, 15-17; Jn 1.19-28)

¹ Juzíñamui Jitó Jesucristo lloga ñúefue bie izói tainede.

² Jaiái uícodo Juzíñamui uai jino llóraima Isaías cuete:

Mai cacai, o uiecodo cue rafue llotímie orédicue, o jáille io ñue ifóllena.

³ Táizicimo caillídimie uai ñue cacai; daide:

Mai omoi Ocuíraima jaille io ñue finori; ie macalle io jáicina tuiñori, —daide.

⁴ Afe izói bautizaraima Juan táizicimo cíocaizaibite. Dinomo comini jitáirede bautizaillena afémie ñue lluáibite. Iaiaina daide:

—Omoi comeci ifue ñúefuena méidorediomoi. Ie mei bautizarediomoi. Iemona Juzíñamui omoi comeci fiénidifuiái dóite, —daide. ⁵ Iemona nana Judea énie imaci, Jerusalen comini diga, Juan llógamo cacáreizaidiaíoi. Cacáillano íaiói comécimo ite fiénidifuiái uáfodo jino llotíaíoi. Daí íaiói llua méifomo imani Jordámo Juan bautizagaiaíoi.

⁶ Juan jitaca iniroi camello itíraiaí finoina. Ie ciraigi llaitáinafe igorai finoina. Fúuai rite; jazici ie cíiji jirófiredo. ⁷ Comínimo llócaillano daide:

—Fui cue méifodo bítimie, iere cue baimo riire ocuífireitimie. Iemona ie idai ico igai zuitánidicue, mei jofófene jamáimiedicueza. ⁸ Jae jáinoido ómoína bautizadícue, ñuera iodo omoi jáiacana jino llóllena; mei íadi afe bítimie Ñuera Joréñodo ómoína uícaitaite, ñuera iodo éicitaiñeno ñue omoi jáillena, —daí daide Juan.

Jesús bautizainafue
(Mt 3.13-17; Lc 3.21-22)

⁹ Aféruillaído Jesús Nazarétmona bite. Afe Nazaret jofue Galilea éniemo ite. Billano Juan illánomo dúcide. Afénomo Juan íena Jordámo bautizade. ¹⁰ Jáinoimona jino billa llezica Jesús mona túijicaillana ciode. Daje llezica Ñuera Joreño fíiciri izói Jesumo ana bíllana Jesús ciode. ¹¹ Afe llezica monámona uai cácaide; daide:

—O iere cue izíruiga Jitódio. Ori iere caimare iticue, —daide.

Taife Jesús facátate
(Mt 4.1-11; Lc 4.1-13)

¹² Afe méifodo raire Ñuera Joreño Jesuna táizicimo orede. ¹³ Dinomo tóñega rílleniai cígimo Jesús cuarenta dígarui ite. Afénomo Satanás (Taife jíáfodo mámeceiredimie) Jesús facátate. Aféruillaído Juzíñamui abi imaci ángeles dainámaci Jesús cánuaibitiaíoi.

Jesús Galiléamo llófuiafue táiniaide
(Mt 4.12-17; Lc 4.14-15)

¹⁴ Ie mei illaíma Herodes Bautizaraima Juan llavétate. Juan llavébilla mei, Jesús Galilea éniemo jaide. Jáillano Jesús, Juzíñamui ñuera rafue llujáide. ¹⁵ Jesús bie izói daide:

—Ja aféruimo dúcide. Ianori íllamona Juzíñamui nana íemo jaináidimaci dáaziena caimare íllena gairítaibiteza. Iemona jíllonafue omoi ñnuano, omoi comeci ifuiái méidori afémacimo dájena omoi jaináillena, —daide.

Jesús cuatro dígamie facóramaci uáidote
(Mt 4.18-22; Lc 5.1-11)

¹⁶ Jesús Galilea jorai fuédado mácajide. Jaillano Simona ciode ie ama Andrés diga. Facóraíma íaillinoí. Llójiji jóraimo dotáfirediaillinoí. ¹⁷ Jesús íaillinoína daide:

—Mai cuedo ómicoi bi. Chámuniaí ómicoi jenófirena izói, afe izói comini jenórainina ómicoína jóneiticue, —daide. ¹⁸ Raire ímona íaillinoi llóiji fíianona, afémiedo jáidi-aillinoi. ¹⁹ Ie mei Jesús bai jabo jaillano Zebedeo jitó, Santiágon a ciode, ie ama Juan diga. Iaiói llóiji cúaidino, nocáe ero ráicana niródiaillinoi. ²⁰ Jesús íaillinoi jíirite. Iaillinoi moo Zebedeo nocaemo fiénocaillano ie canórainmaci diga, Jesudo jáidiaillinoi.

Capernaumo fiénide jóriairedimie Jesús jíllotaga
(Lc 4.31-37)

²¹ Ja Capernaumo dúcidiaioi. Ie mei ocózinai llaruimo Jesús Juzíñamui uai llófuera-
acomo jofo llófuiaide. ²² Afémie llogáfueri fáigacaidiaioi. Ua nibai ríimie izói ñue
llófullofuede. Ocuícafue llófueraíni afe daií llófueñediaioi. ²³ Afe llezica Juzíñamui uai
llófuera como fiénidena jóriairedimie ite. ²⁴ Afémie ja Jesumo caillide; daide:

—Nazaret ímie, Jesús, ¿nífue có como illa? ¿Cai fatátaíbitio? Ona onódicue. Juzíñamui
íai fuenidimedio; afémie rafue ñue lluaíbitimedio, —daide.

²⁵ Iemo Jesús fiénide jóriaimo riire úrite; daide:

—¡Llíicai! Bímie fáicanocaillano oni jai, —daide.

²⁶ Iemo fiénide jóriai afémiena izire docáitate. Ie mei jamánomo caillídemo
afémiemona oni jaide. ²⁷ Ie jira nana nairai jacínaitiaioi. Jira conímamo jícanotiaioi:

—¿Bie minica? ¿Minica bie como llófueinafue? Bie Jesumo riire ocuíllafue ite, fiénide
jóriai oréllena. Afe fiénide jóriai afémiena íinofirediaioi, —daidíaiói.

²⁸ Ie jira Jesús mámece nana Galilea énie fuédado raire jica jalleide.

Jesús Simón Pedro jífaiño jíllotata
(Mt 8.14-15; Lc 4.38-39)

²⁹ Juzíñamui uai llófuera como jino billano, Jesús, Simón ie ama Andrés íaillinoi
icomo jaide, Santiago, Juan diga. ³⁰ Dinomo Simón jífaiño abi cuaríllamona íniranomo
bíide. Afengo irárenana Jesumo llotíaioi. ³¹ Iemona aféngomo ánozillano, Jesús afengo
onoí llíinota, íena caifo naidánete. Afe llezica afengo abi cuarilla aféngomona llíicaide.
Daje llezica jarire íaioi jitailla güille afengo bai íaioimo atide.

Jesús aillo iráredino jíllotata
(Mt 8.16-17; Lc 4.40-41)

³² Aféruído, jítoma ana zójicaidem, ja nauíoicailla llezica, nana afénomo ite iráredino,
fiénidena jóriairedino diga, Jesumo atídíaioi. ³³ Nana dño jofue nairai afeco naze
fue ibírímo gairízitiaioi. ³⁴ Jesús aillo íaioimo ite diga ie duico jíllotata. Afe llezica
aillo fiénide jóriai Jesús jino comínimona orede, mei íadi Jesús afe jóriai úriñeilla
íaioimona rairuide, mei afémiena onódiaioiza.

Jesús Galiléamo llujide
(Lc 4.42-44)

³⁵ Ja monáioicaidem, nai jítireoidemo, Jesús cazíllano jino jófuemona oni tíi
daidínomo jaide, dinomo Juzíñamuimo úrilla. ³⁶ Afe mei Simón ie nabáíñiaíri Jesús
jénuaidiaioi. ³⁷ Baillánona íena daidíaiói:

—Nana o jenódiaioi, —daidíaiói.

³⁸ Iemo Jesús íaioina daide:

—Ainori itícuaímo mai cai jai, dinomo daje izói ñúefue cai llujilla; mei afe jira jino
bitícueza, —daide.

³⁹ Daií Jesús nana Galiléado macade. Naga illánuaímo Juzíñamui uai llófuera como
llócaide. Afe llezica comínimona fiénide jóriai jino orede.

Chínaite izóidimie Jesús jíllotata
(Mt 8.1-4; Lc 5.12-16)

⁴⁰ Jesumo chínaite izóidimie ánozide. Ana dújuano daide:

—Cue o jíllotaiacaniadi cuena jíllotaredio, —daide.

⁴¹ Ie jira Jesús afémiemo dúecaide. Jira ónoído jétano daide:

—Jii, ona jíllotaiacadie. Mai o abi jácaiteza, —daide.

⁴² Daií dainamona afe duico iráredimiemona cióbicañena. Jae ñúemie. ⁴³ Iemo Jesús afémie orede. Daje llezica riire ocuillano daide:

⁴⁴ —¡Cacai! Bumo lloñeno iri. Dama lletáriraima sacerdote dainámiemo jaillano, o abi ácatari. Dáaruído Moisés jaiai ocuica abi duafue ráana, mai afémiemo izájiri. Iemona comini o abi jíllotana fídiitiaioi, —daide.

⁴⁵ Mei íadi afémie jaillano nana comínimo afe ie jíllonafue lluájide. Iemo aillo comini Jesumo izire gairíodiaioi. Ie jira ja Jesús bu jófuemo uáfodo jáinide; mei íadi jino jofue iñénanomo mácajide. Mei íadi nágagobiaimona bizájidiaioi afémiena cíoillena.

2

Jesús tízitaitimie jíllotate (Mt 9.1-8; Lc 5.17-26)

¹ Ie méifodo nano nígarui íllamona Jesús meine abido Capernaumo jaide. Afémie jofomo íllana ja fídídiaioi. ² Iemo aillo nairai ie jofomo gairídiaioi. Jofo comínina oruíllamona iere rillírede; ja naze fuemo íaioi illino iñede. Iaióimo Juzíñamui úrillafue Jesús jino llote. ³ Iemo cuatro dígamie tízitaitimie atídiaioi. ⁴ Iere comini íllaza, Jesús illánomo dúcinide. Ie jira jofo emódomo caifo jaillano, Jesús illa llezícamo jofo emodo íbáicano cúcoidiaioi. Cúcoianona aféfodo tízitaitimie ana agüínetiaioi, naa afémie bírallu díga. ⁵ Afémaci comeci ínuana cíoillano, Jesús tízitaitimiena daide:

—Jitó, o fiénidifue jae ñue dófide, —daide.

⁶ Dáarie ocuícáfue llófueraini, dínomo ráiidino, íaioi comeci facáoidiaioi: ⁷ “¿Níbái mei bímie daií úrite? Juzíñamuina fiene úrite. Dama Juzíñamui fiénidifuena dua. Abi díne bu Juzíñamui izói fiénidifuena doñena.” ⁸ Mei íadi dama Jesús ie comécido afémaci comeci úrillafuena onode. Jira daide:

—¿Níbái mei omoi comeci daií facádiomoi? ⁹ ¿Ñie iere júanina iráredimiena daiíllena: “O fiénidifue dófite,” níbai jáífodo daina: “Náidacai, o bíira llíinota ui, mai maca”? ¿Ñie iere júanina? ¹⁰ Ie jira jáífuena ómoimo fídítaiticue. Bíniemo comini fiénidifuiaina oni muiñólle ríino cuemo ite. Nanoide fima Jitódicueza, —daide. Iemo tízitaitimiena juare daináfue daide:

¹¹ —Ona daidicue: Caifo náidacai. O bírallu llíinota mai o jofomo jairi, —daide.

¹² Ja iráredimie raire náidacaillano ie bírallu llíinote. Llínuano dínomona jino jaide. Ie jáillana nana comini cíodiaioi. Jira áferi fáigacaidiaioi. Daje llezica Juzíñamuina cáimadotiaioi. Daidíaioi:

—Jaca daiítadifuena cíórainidicai, Juzíñamui o iere jamánomoidimiedio. Mai Juzíñamuimo cai íóbilli, —daidíaioi.

Jesús Leví uáidote (Mt 9.9-13; Lc 5.27-32)

¹³ Ie mei Jesús meine abido jorai fuédamo jaide. Nana comini íemo ánozidiaioimo, afémie íaioina llófuete. ¹⁴ Jesús mácajilla llezica, Levína ciode. Leví Alfeo jitó. Afémie gobierno íbátaga úcube llíinoranomo ráiide afe úcube llíinollena. Iemo Jesús íena daide:

—Cuedo bi, —daide. Jira Leví náidacaillano afémiedo jaide.

¹⁵ Afe méifomo Jesús Leví jofomo güizájide. Dínomo aillo jáie gobierno íbátaga úcube llíinoramaci Jesús dáanomomo güirábanimo ráiiediaioi naa fiénidimaciri. Mei iere áillomaci afe izóidino afémiedo jáidino. Afe dáanomomo Jesús llófuegamaci ráiidiaioi.

¹⁶ Mei íadi dáarie ocuícáfue llófueraini fariséuai díga, Jesús nana afe fiénidimaci díga

naa íáiruiga íbátaga úcube llíinoraímaciri dáanomo güíllana ciódiaioi. Iemona Jesús llófuegamacina daidíaiioi:

—¿Nibái mei omoi llófueraima afe íáiruiga íbátaga úcube llíinoraímaci diga güífiredede, jirófiredede? Daje izói, ¿nibái mei jíáie fiénidino diga güífiredede? —daidíaiioi.

¹⁷ Aféfuena Jesús cacáillanona duera ráfuedo íaioina daide, nie ícoínia mei íáiruigamaci diga ie güífrenana íaioi onóillena. Be niífue:

—Íránidímaci manóriraimana jitáíñediaioi; dani dufcotaidino da manóriraimana jítaina. Mei ñúemacimo cue uáiduaíbiñedicue. Fiénidino uáiduaíbiticue afémaci jíllloillena, —daide.

Daa mona güíllena fímairillena Jesumo jicánotiaioi

(Mt 9.14-17; Lc 5.33-39)

¹⁸ Jíáiruido Bántizaraima Juaado jáidino fariséuaido jáidino diga nana güíñeno fímairitiaioi. Aféruimo dámierie Jesumo jicánuaíbitiaioi:

—¿Nibái mei Juaado jáidino fariséuaido jáidino diga nana güíñeno fímairitiaioi, mei íadi o llófuegamaci fímairiñediaioi? —daidíaiioi.

¹⁹ Jesús uai uano ráfuedo mámano íaioi llófuete, afémiedo jáidino finócana jíáimaci féinino onótallena. Daide:

—Aírenafuemo uáidogamací ringo otímie íaioimo illa llezica ¿meita fímairirediaioi? ¿Nibái fímairinidiaioi? Ringo otímie íaioimo illa llezica jaca fímainidiaioi. ²⁰ Mei íadi ringo otímie íaioimona bairóbicailliruimo dúciite; aféruimo uáfueña fímairitiaioi.

²¹ Iemo daje izói ñue onótallena jíáie ráfuedo mámano íaioi llófuete; daide:

—Buna jaiáicuiro inícuero cúaidinomo comue jofo gájicaiñede iniroi nitácapu dájemo jofo jíllíñede, mei comue gájicaiñede nitácapu afe jaiáicuiro onífenodo nane ráataitade. Iemona cúaidino jae iere aillóite. ²² Daje izói comue vino jácara igorai ie finoína botéllamo jóonenide. Jácara botéllamo comue vino jóoneadi, afétella bójicaide. Iemo nana vino táinomo tójicaide. Daje izói afe igorai finoína botella bójicaillano meine finónide. Ie jira comue vino comue igorai finoína botéllamo jóonerede, —daide.

Jesús llófuegamaci ocózinaillaruimo trigo llizíllaticiaí tícoídiaioi

(Mt 12.1-8; Lc 6.1-5)

²³ Daa mona ocózinaillaruimo Jesús ríganíai cígido mácajide ie llófuegamaci diga. Afénodo jaillano ie llófuegamaci arrozna eroide trigo llizíllaticiaí ja tícoíaidiaioi. ²⁴ Iemo fariséuai íena daidíaiioi:

—¿Erocaí! ¿Nibái mei o llófuegamaci rairuírede jetádiaioi? Afena ocózinaillaruimo rairuírede, —daidíaiioi.

²⁵⁻²⁶ Mei íadi afémie íaioina daide:

—¿Jaca nibái David finócana facádoñediomoi? Afémie naa ie nabáiñiairi güille íñena llezica, júbietàillano Juzíñamui jofomo jaide. Ua Abiatar lletáriraini illáimana illáruído, David jofo jaide. Afe jofo eromo Juzíñamui eneno mameca rairuírede panes ite. Dani Juzíñamui lletáriraini áfena güífrena; jíáimacimona afe rairuírede. Afe panes David uánona güite; ie mei ie nabáiñiaimo fecade.

²⁷ Iemo nane Jesús íaioina daide:

—Íima ocózinaillarui íena fínoñega, mei íadi ocózinaillarui iima íena mameca. ²⁸ Jira Nanoide íima Jitona cue íllamona, ocózinaillaruiña ocúfredicue. Aferui Náamadícué, —daide.

3

Jesús ónoína llirídímie jíllotade

(Mt 12.9-14; Lc 6.6-11)

¹ Jesús dáanomo Juzíñamui uai llófueriracomo jofo jaide. Afénomo ónoína llirídímie ite. ² Afénomo itínomona Jesumo iere eróioidiaioi, ocózinaillaruimo Jesús bímiena

jíllotajana onóillena, áfedo Jesumo fiénidifue jitállena. ³ Ie jira ónoina llirídimiena Jesús daide:

—Náidacai; jofu bené cígimo bi, —daide.

⁴ Dáanomo jíáimacimo jicánote:

—¿Minícana ocózinallaruiamo ómoiri finóredicue? ¿Nibai fiénidifue fínoiticue, nibai ñúefue fínoiticue? ¿Nibai omoi jíllotaiticue, nibai omoi títaiticue? —daide Jesús.

Mei íadi afémaci ja uai oñédiaioi. ⁵ Jira Jesús íaioiri ríicaide. Daje izói zuure íaioimo eroide, mei íaioi onóiacañena jira. Iemo afe íimana daide:

—Mai, o onoi zúitacai, —daide.

Ie jira ie onoi zuitácaide. Iemona ja ie onoi ñuera. ⁶ Afe mei fariséuai, naa Herodes imaci díga jino jaillano, Jesús fallífue raire mamédiaioi.

Aillo nairai jorai fuédamo gairídiaioi

⁷ Jesús ie llófuegamaci díga, jorai fuédamo jaide. Iemo aillo nairai Galilea imaci, íedo jáidiaioi. ⁸ Mei áillue ráfuenta, afémie finócafuiaina, fidíillano aillo Judea énie imaci bite, Jerusalen imaci díga. Daje izói Idumea énie imaci bite; Jordán imani ruicáfelle imaci bite; Tiro, Sidón díga áinori itímaci bite. Nana dáanomo bitíaioi; Jesús eróizaibitiaioi.

⁹ Ie jira Jesús ie llófuegamaci ocuide nocáe atíllena, aillo nairai iere ríllire íemo íñeillena.

¹⁰ Mei iere aillo nairai jíllotate. Iemona nana jíáie iráredino ríllire afémiemo gairídiaioi, ie jetánollena. ¹¹ Iemo afénomo itínomona dáarie fiene joríairediaioi. Afémiena

cióillanona, afémie uíecomo ana dújudiaioi. Dújuillano caillíoicaidiaioi:

—O Juzíñamui Jitódio, —daide.

¹² Mei íadi Jesús fiénide joríaina izire rairuide; daide:

—Juzíñamui Jitona cue íllana daíñeno iri, —daide.

Jesús doce dígamie nizede, oni íaioi óriano afémaci ie ñúefue llujáillena

(Mt 10.1-4; Lc 6.12-16)

¹³ Ie mei Jesús ídumo caifo jaide. Dínomo jaillano Jesús comeci óiacagamie dígamie nizede. Afémiemo bitíaioi. ¹⁴ Doce dígamie Jesús níziano ote. Afémaci ie oréllimacina Jesús mamede. Ua íaioina ote ie abímo íllena, ie uai llóitínona jáillena. ¹⁵ Dáanomo ríinona igáiaioi iráredino jíllotallena, íemo jíái fiénide joríaí jino oréllena.

¹⁶ Afe nizécamaci doce dígamie. Afémaci mámeciai: Simón, nímíemo Jesús jíáie mámecina jíta, Pedro; ¹⁷ ie mei Zebedeo jíto íaillinoi Santiago ie ama Juan díga. Afe íaillinoimo Jesús jíáie mámecí jíta, Boanerges. Afe mámecí daína: Iocímie íaillinoi.

¹⁸ Ie emódomo jíáie nizécamaci mámeciai: Andrés, Felipe, Bartolomé, Mateo, Tomás, Alfeo jíto Jacobo, Tadeo, íemo íere Járídotímacimo jaináidímie Simón, ¹⁹ ie mei Judas Iscariote. Afémie méifodo Jesús ie éoidínomo fécaítímie.

Fiénide joríaí ríino Jesumo ite táinona daíífírediaioi

(Mt 12.22-32; Lc 11.14-23; 12.10)

Afe méifomo Jesús ie llófuegamaci díga jofomo jofu jaide. ²⁰ Nane dáanomo aillo nairai gairízitiaioi. Iemona Cristo ie nizécano díga ja güínidiaioi. ²¹ Afefue fidíillano ie onoiga nabáíñiaí bitíaioi ie oni uíllena, mei afémie uáírítáide daídíaioi.

²² Daje llezica Jerusalémone bite ocuicáfue llófueráini, bie izói íeri úritiaioi; daídíaioi: —Bímie Beelzebú jaináidímie. Afe Beelzebú fiénide joríaí illaíma, (jíáici ie mámecí Taife). Afe Beelzebú ríinodo fiénide joríaí afémie jino jíude, —daídíaioi.

²³ Ie jira Jesús íaioi jííríte. Jíírilla mei, onóiga ráfuiái íaioimo llote:

—¿Nie izói afe Taifedo Taife jíúrede? jíúnde! ²⁴ Daa nairai énenorie jíáiziena oni bójicaillano are íñeítiaioi, mei nágazie conima díga fuirífírediaioiza. ²⁵ Daje izói eneno dani jofóredino íaioi bójicaíadi, are íñeítiaioi. ²⁶ Mei jira Taife dama ie díga fuiríadi, íemona dama ie bójicaíadi, afémie are íñeíte. Ua áfedo fúbicaíte.

²⁷ ‘Máirimie jofomo, buna jofo jáinide, ie ráaie bairóllena. Dama afémie máia méifomo jofo jaillano bairórega.

²⁸ ‘Uáfueña ómoimo lloticue. Comini fiénidifuiái nana dórede, daje izói nana íaioi fue borefue diga dórede. ²⁹ Mei íadi Juzíñamui Ñuera Joréñomo fiéni úritimie ie fiénidifuiái jaca ua oni dónide. Dama ie ícoinia jaca íemo jíite, —daide.

³⁰ Daí daide, mei afémie fiénidena jóriarede daidíai.

Jesús ei ie ámatiai diga Jesuna uáiduaibitiaioi

(Mt 12.46-50; Lc 8.19-21)

³¹ Iemo Jesús ei ie ámatiai diga dúcidiaioi, mei íadi jino fiébidiaioi. Dinómona jofo gairídinona daidíai:

—Mai ie jírizai, —daidíai. ³² Jesús abido ráiiedino íena daidíai:

—O ei, o ámatiai diga jino ite. O júnuai bitiaioi, —daidíai.

³³ Mei afémie daide:

—¿Buoí cue eina? ¿Buoí cue ámatiaina? —daide. ³⁴ Afe mei ie abido ráiiedinomo eróillano daide:

—Be mei cue éitiai. Be mei cue ámatiai. ³⁵ Mei Juzíñamui ocuícafueña jeire otínona bie cue ama, bie cue miringo, bie cue ei, —daide.

4

Rjiraíma ie ifue

(Mt 13.1-9; Lc 8.4-8)

¹ Meine dáanomo jorai fuédamo Jesús llófue. Ie illánomo aillo nairai gairídiaioi. Jamánomo aillo comini illa jira, Jesús jóraimo ite nocaemo ráiizaide. Nana comini guamáemo fiébicaidiaioi. ² Iemo diga ráfuiái íaioimo llófue. Ua íaioi onóigafuiaido llote. Ie llogáuai daide:

³ —Bíemo cácarei: Rjiraíma rjizaide. ⁴ Ricana jailla llezica dáarie rillájiai iodo cocide. Iemo ófocuizai áfena güizáibitiaioi. ⁵ Jiáie rillájiai noficiaimo énie inénanomo cocide. Afe rigájiai raire zocade, mei afe énie figo inédeza. ⁶ Mei íadi jitoma billa llezica uzidiaioi. Jáinao inénanoma dúdiaioi. ⁷ Jiáie rillájiai éegiai cígimo cocide. Afe éegiai zoca anamo itábicaidiaioi. Meita jaca llizíñediaioi. ⁸ Mei íadi jíáie rillájiai ñuera éniemo baiide. Zocádiaioi; ie mei ñue comúdiaioi. Mei ñue llizidiaioi. Dají rígamona zocano aillo llizide; jíáijiai afe baímo llizide; jíáijiai ie baímo ua aillo jamánomo llizide.

⁹ Ie mei íaioina daide:

—Omoímona cacáacadino cacai, —daide.

Afémie nibai íaioi onóigafuiái cígido llófuefirede

(Mt 13.10-17; Lc 8.9-10)

¹⁰ Afe mei Jesús dama fiébilla llezica, afémie áinori itino ie doce llófuegamaci diga íemo jícanotiaioi:

—Bie onóigafue ¿nie izói daíacade? —daidíai. ¹¹ Jira íaioina daide:

—Juzíñamui ie uáfodo onóñega illáimana illirui rafue ómoimo llóiacade. Afedo ja lollíomoi. Mei íadi jino ite íemo jaináinédino jaca íaioi onóigafuiaido llogáiaioi. ¹² Daí cue llófuegaiaioi, íaioi cióillano nai uina cióñedimaci izói íaioi fiébicaillena. Afe izói cácaitiaioi íadi ónoñetiaioi. Daí llófuegaiaioi íaioi comeci ifue méidoñeillena; íemo jíái íaioi comeci fiénidifuiái dóficaiñeillena.

Jesús afe rjiraíma onóigafue ja ua jino llote

(Mt 13.18-23; Lc 8.11-15)

¹³ Dáanomo Jesús jícanote:

—¿Omoi bie onóigafue onóñediomoi? ¿Nie izói daí mei jíáiena ónoitiomoi? ¹⁴ Afe riraíma Juzíñamui ñuefue lloraíma izóidimie. ¹⁵ Dáarie comini afe iodo cocide rigájiai izóidiaioi. Afémaci afe cue llogáfueño cacáreidiaioi. Mei íadi áfena cacáillanona,

Taife íaioi comécimo lloga ráfuena raire báiruabite. ¹⁶ Jiáie comini afe nofíciáimo énie inénanomo cocide rigájiai izóidiaioi. Afe cue lloga uaina cacáillano raire caimare llínotiaioi. ¹⁷ Mei íadi figo jáinaonide rigájiai izóidiaioiza, dama íanori íllado ñue itíaioi. Afe mei lloga uai ícoinia facátafuiai bíadi, nibai duere íaioi zefuádi, íaioi íñoñenamona íaioimo lloga uaina raire meine abído zóofetiaioi. ¹⁸ Jiáie comini afe éegíai cígiri cocide rigájiai izóidiaioi. Lloga uaina cacádiaioi, ¹⁹ mei íadi bie éniemo ite raamo comécíillano aféfuiaimo iere járitaitiaioi. Bínie raa íaioina jífujete. Iemona jamánomo aillo ráaniaina óiacadiaioi. Nana bie jofo comeci óiacaigafue íaioimo lloga uaina niné féitate. Ja mei féitagaza; ja ie comécimo llizilla izói íñede. ²⁰ Mei íadi dámierie lloga uaina cacáillano áfena ñue jeire otíaioi. Afémaci ñuera éniemo cocide rigájiai izóidiaioi. Afe izói íaioi íllamona, ñúefuiaina ñue aite izói fínódiaioi. Afémacimona dáarie afe daji rígamona zocano aillo llizilla izóidiaioi. Íaioimona jíáimaci afe baimo llizilla izóidiaioi. Jíáimaci afe ie baimo aillo jamánomo llizilla izóidiaioi.

Mechera iedo cai onóigafue
(Lc 8.16-18)

²¹ Jesús nai úrite; íaioina daide:

—¿Nogo anamo jónellena mechera meita atica? ¡Atiñega! ¿Daje izói inírabani anamo rainállena mechera atícaza? ¡Atiñega! Naga mechera caifo jica raináfírega, ñue egáiñollena. ²² Mei ja nana báinino ite raa jino uáfodo cíocaitade. Daje izói nana jáanoga rafue ñue onóigafuena jáite. ²³ Omoimona cacáacadino cácarei.

²⁴ Afe emódomo íaioina daide:

—Omoí cacánafuena ñue omoí onoiri. Naga raa omoí faca izói, afe izói Juzíñamui íbana ómoimo fácaiteza. Ie mei afe baimo afémie jamánomo aillo ómoimo íite, mei ñue cacádiomoiza. ²⁵ Mei íeredimiemo jíáiena ille; mei íadi íénidimiemona, íemo due ite raa meine bairolle.

Eniemo rigaji zócajamo mameca rafue

²⁶ Nane dáanomo daide Jesús:

—Juzíñamui illáimana illirui bie izoide. Daa íima éniemo rigájiai júdaia izoide. ²⁷ Rillano afémie abina íniaide. Ie mei cazide. Naio mona díga jaide. Afe llezica rigájiai zocade; zócano ñue zairide, mei íadi nie izói comuídeza afémie onóñede. ²⁸ Mei ñuera éniemo rigájiai énie zocataga. Nano fueñe ie ina jino billa, ie mei llizíllachecoí comuide, ie mei afe llizíllachecoí íjiaina oruide. ²⁹ Ja ie jeia llezica, riraíma afe llizíllajiaina uájide. Mei afe jofo uáruimo ja dúcidez.

Mostaza llizíllaji iedo onoiga rafue
(Mt 13.31-32; Lc 13.18-19)

³⁰ Jesús nane daide:

—Juzíñamui illáimana illarui, ¿nié izoide? ¿Ñíe onóigafuedo daje izói fácaiticaí? ³¹ Juzíñamui illáimana illarui mostaza llizíllajiai rilla izoide. Afe íjiaí nana énie llizíllajiaimona da jaca iere jéjinide. ³² Mei íadi rígamona, nana raróciaí ie baimo áillo nana jaide. Ie ícairuai áarie. Iemona féedino ófocuizai ie ícairuaimo ráinazaidiaioi. Afe jánamo uái ráíiediaioi, —daí Jesús daide.

Jesús jaca onoiga ráfuiaimo mámiano llófuefírede
(Mt 13.34-35)

³³ Daí Jesús ie jino llóiacagafuiai aillo bie izói onóigafuiaido jóonecana uite. Íaioi onóíllinomo daí llócaide. ³⁴ Onóigafue llóñeniadi, afémacina llófueñede. Mei íadi Jesús ie llófuegamaci díga oni eneno dani íaioi illa llezica nana áfena jino íaioimo llote.

Jesús jairifo naa jorai bagua díga llícaitate
(Mt 8.23-27; Lc 8.22-25)

³⁵ Aferuí nauídemo Jesús ie llófuegamacina daide:

—Jorai ruícafenemo mai cai jai, —daide.

³⁶ Ie mei comini fñiano, Jesús uitíai. Afémie illácaedo jáidiai. Daje llezica jáícaeiado afémiedo jáidiai. ³⁷ Iemo iere rírede jairifo náidacaide. Iemona jorai bagua nocáe eromo cocide. Uafue, nocáe jáinoina oruíbicaide. ³⁸ Afe llezica Jesús moífecaemo ifo jobéracadamo bícana inide. Afémie cazítajano íena daidíai:

—¡Llófueraíma! ¿O caina ráiruñedio? ¡Buízaidícaí! —daidíai.

³⁹ Iemo Jesús náidacaillano jairifo lletade. Llétajano jóraina daide:

—¡Llícaí! ¡Uái ii! —daide. Iemona jairifo líícaide. Nana ñue jáfuericaide. ⁴⁰ Ie mei ie llófuegamacina daide:

—¿Níbái mei iere jacíruiomoi? ¿Níbái nai Juzíñamuimo ññoñediomoi? —daide.

⁴¹ Iadi jairifo ie líícaitari iere jacínaitiaí. Dani conímamo úritiaí:

—¿Bie níimie? ¡Jairifo jorai diga, afémie uaina jeire ote! —daidíai.

*Gerasa éniemo fiénidena jóriaredimie Jesús jllotata
(Mt 8.28-34; Lc 8.26-39)*

5

¹ Jae jorai ruicáfellemo ite Gadara éniemo dúcidiaí. ² Jesús nocáemona jino jáidemo, raiáfuaí illánomo ífirede fiénidena jóriaredimie Jesumo bite. ³ Afémie raiáfuaí illánomo ífirede. Aféruillaído afémie jaca buna llójeodo cuinánide. ⁴ Diga ícaíño llójeodo idai onoi diga íena cuinádiaí, mei íadi afémie afe llójeona titada jaca jéenino titúbite. Jaca buna afémiena anáfenonide. ⁵ Mona naio diga afémie afénomo macáfiredo. Iduaido caillícana jaide naa raiáfuaído. Daje llezica nofícaído ie abi bofécade. ⁶ Iadi Jesuna jicana ciode; cíoilano, aizícana bite. Billano Jesús anamo afémie ie caiñícido ana dújude. ⁷ Jesumo ríre lléjecaide:

—¿Níbái cuemo jírcaído? O Jesúsdo; jamánomo caifoide Juzíñamui Jitódio. Juzíñamui mámeçido omo jicádícue duere cue zéfuiñellena, —daide. ⁸ Daíí lléjecaide, mei nano fueñe Jesús íena dáideza:

—¡Fiénide jóriai, bie ímmona oni jai! —daide. ⁹ Jesús íemo jicánote:

—¿O mei búdio? —daide. Uai ote:

—Cue mámeçi Aillo Dáanomo Íraícano, mei áillomacídicaíza, —daide.

¹⁰ Iemo fiénide jóriai Jesumo izire jicade, afe éniemona jica íaioina oni óreiñellena. ¹¹ Afe íduai ánomo aillo tóica meróniaí guífiredo. ¹² Ie jira fiénide jóriai Jesumo jicade:

—Afe meróniaímo cai oreri, dinomo cai ílleza, —daidíai.

¹³ Ie mei Jesús fairíote. Iemo fiénide jóriai ímmona jino meróniaímo jáidiaí. Mena mil tóiniaí ite. Nana afe tóiniaí jorai ígodado aizida cocídíai. Iemona jóraímo coróbaitiaí.

¹⁴ Ie jira meróniaí úiñoraímaci jacínaillano botádiaí. Afe rafue íaíoi jófuemo llujídiaí naa jínoidímaci diga. Ie jira afe finócafue mo comini eróizaíbitiaí. ¹⁵ Jesús illánomo dúciillano nauí fiénidena jóriaredimiena cíodiaí. Mei íadi ja birui afémie ñue uái ráíide. Ja ínquírona jítáide. Ja ñue abina onode. Nana comini jacíruiitiaí. ¹⁶ Ie mei cíódino nauí fiénidena jóriaredimiemo finócafue na llujídiaí. Daje izói meróniaímo finócafue llotíaí. ¹⁷ Ie mei Jesumo izire jicajídiaí íaíoi éniemona afémie oni jáillena.

¹⁸ Jesús meine nocáe eromo jailla llezica, nauí fiénidena jóriaína ogámie Jesús diga íllena izire jicade. ¹⁹ Mei íadi Jesús fairíñede. Afémiena daide:

—Mai o jofomo jai. O comínimo nana omo cue finócafue o llujíri. O Ocuíraímadícueza. Omo cue dúecaíllafue llujíri, —daide Jesús.

²⁰ Ie jira afémie jaillano nana Jesús afémiemo finócafue llujíide. Uafue nana Decápolis éniemo llujíide. Nana comini aféfuéri fáigacáidiaí.

*Jairo jiza jállotafue**(Mt 9.18-26; Lc 8.40-56)*

²¹ Jesús meine jorai ruícafenemo nocaedo jáidemo, aillo comini Jesús illánomo gairízaibitiaioi. Afémie dino jorai fuédamo fiévide. ²² Iemo Juzíñamui uai llófueriraco illáinimona dámie dúcide. Afémie mámecei Jairo. Jesuna cióillano ie ídaímo bíjicaide. ²³ Daje llezica izire jicade:

—Cue jiza tíiacade. O onoi cue jízamo bítaibi, ie jálluilleza, ie tíiñelleza, —daide.

²⁴ Iemona Jesús afémie diga jaide. Ie llezica aillo comini afémiedo rillire jáidiaioi.

²⁵ Afémaci cígimo daa ringo iráredingo ite. Doce diga fimona dícotaite. ²⁶ Aillo manórirainimona duere zéfuide. Afe manórirainimo afengo úcube nana fuite. Iadi jaca íñoñede, mei íadi jamánomo irárede. Ua iere ana jaide. ²⁷ Naui jáímacei Jesudo úrillafuena cacáillano, afe ringo óodana comini cígido Jesumo áinozide. Iemo afémie inícuero jetánuaide. ²⁸ Afe uícori afengo comeci anado daide; “Ie inícuero cue jetáadi jállotique,” daide. ²⁹ Ie mei inícuero jetaa llezica afengo die tótaja llíicaide. Afe llezica ie irárena jálluamona afengo abi ñue cacaide. ³⁰ Ie mei Jesús onóbicaide. Uafue, ie ríinodo da come jállotaga afémie raire fidide. Ie jira comini cígido jino éroicaillano jicánote:

—¿Mei bu cue inícuero jetaca? —daide. ³¹ Iemo ie llófuegamaci afémiena daide:

—¿Aillo comini rillire fínuana cióñedio? ¿Ñibái mei bu o inícuero jetaa jicánotio? —daidiaioi.

³² Mei íadi Jesús nágafene erórfide afémie inícuero jetádingona cióillena. ³³ Ie mei afengo jágieri cuidírite. Aféngomo finócafueña onóillano, Jesús uícomo ana bíjicaizaibite. Afengo rafue nana afémiemo uáfueña jino lloste. ³⁴ Jira Jesús daide:

—Eicango, o comécido ñue ínotio, jira jállodio. Mai jai. Jaillano uái o iri. O irárenamona ja jállodioza, —daide.

³⁵ Jesús nai úritemo, dáarie comini illaíma Jairo jofómoma bitíaioi. Dúengo moomo lluaíbitiaioi:

—O jiza ja tíide. ¿Ñibái mei are llófueraima ifoci daidódio? —daidiaioi. ³⁶ Mei íadi Jesús íaioi uai jeire oñeno, llófueriraco illaíma jáirona daide:

—Jacíruiñeno iri. Dama o comécido íñori, —daide.

³⁷ Iemo Jesús nana comini íedo jáiñellena rairuide. Dama Pedro, Santiago, ie ama Juan diga uite. ³⁸ Llófueriraco illaíma jofomo dúciillano, Jesús aillo comini faillíñainana cacade; nana cáillicailli énaillana cacade. ³⁹ Jofo jaillano Jesús daide:

—¿Ñibái mei iere faillíñaidiomoi? ¿Ñibái mei iere éediomoi? Afeza tíiñedeza; fia inide, —daide.

⁴⁰ Iemona afémieri tadáidiaioi. Ie mei Jesús nana íaioi jino orede. Dama jiza moo, afengo ei, íedo bitímacei diga jofo uite. Jiza illácomo jofo jáidiaioi. ⁴¹ Jiza onoi llíinuano daide:

—Talita, cumi—. Aféuai dobáicana lloste: “Jiza, ona daidícue, náidacai.”

⁴² Daíí dáinamona afengo raire náidacaide. Náidacaillano macade; mei afengo doce diga fimona íteza. Aferi comini iere fágacaidiaioi. ⁴³ Mei íadi Jesús:

—Afe fue bumo lloñeno iri, —daide. Daíí ocuide. Afe llezica afe ringoza ecállena íaioina ocuide.

6

*Jesús Nazaremo jailla**(Mt 13.53-58; Lc 4.16-30)*

¹ Dinómoma Jesús ie éniemo jaide. Ie llófuegamaci íedo jáidiaioi. ² Ocózinai llaruimo dúciillanona Juzíñamui uai llófueriracomo llófuiaide. Aillo comini íena cacáreidiaioi. Iemona íena jacíruecana fáigacaidiaioi. Daidíaioi:

—¿Ninómona bímie nana bie ráfuiyai onode? ¿Minica bie onónafue íemo ite? ¿Nie izói afémie bie aillo uaido dáinamona comuítaga raa comuítarede? ³ Mei bímie afe aménado táijiraima, ¿ero ua? Afémie María jitoza onódicai, ¿ero ua? Daje izói afémie ámatiai Santiago, José, Judas, Simón dígadeza onódicai. Iemo ie miríngotiai nai cai cígimo íllana onódicai, —daidíai.

Iemona afémaci Jesús uaina náfueacañediai. ⁴ Iemo Jesús íaioina daide:

—Nana jíáie comini, Juzíñamui uai jino llóraimana ñue jíeruitiaoi. Mei íadi afe llóraima énie imaci, íezie imaci diga, figo íena jíeruiñediaoi. Daje izói ie jofu imaci íena jíeruiñediaoi, —daide.

⁵ Ie jira afénomo jamánomo aillo fia uaido dáinamona comuítaga ráfuiaina comuítanide. Due iráredinomo ie onoi bítanona jíllotata. ⁶ Mei íadi nabémaci íinoñenari afémie fáigacaide. Ie mei Jesús áinori ite jófuedo llófuecana uite.

Jesús ie doce dígamie oni jíáinomo óriano llotátate

(Mt 10.5-15; Lc 9.1-6)

⁷ Jesús ie doce dígade llófuegamaci uáidote. Uáiduano ménamierie íaioi orede. Afe llezica Jesús afe íaioimo ie ríino íga, fiénide jóríai jino oréllena. ⁸ Ie llófuegamacina ocuide:

—Omoi jaille iodo ráiñuai jíáie minícana uíñeno iri. Daa omoi jigüida diga jairi. Tura uíñeno iri. Pan úcube diga uíñeno iri. ⁹ Omoi idai ico jíitada jairi. Mena caifófecuiro uíñeno iri, dama o jítaoigacuiro uiri, —daide. ¹⁰ Iemo nane íaioina daide:

—Nícomo o jáiadi, díno o fiébiri; ua afe éniemona jíáinomo o jáiacana llezica díno o fiébiri. ¹¹ Jáícomo omoi jáiadi, ómoína íaioi llínoñeniadi, afénomona jairi. Daje izói o uai cacáacañenomona jairi. Jaillano, o idai ico ite eníchoma jino íaioimo teténori, daí íaioi finócafuemo o jíeruiñenana jino llóitio. Uáfueña omoi lloticue: Uire duere finóbilliruiemo dúcia llezica, ómoína llínoñedino jamánomo duere finóbitiaoi. Mei íadi Sodoma comini Gomorra comini diga figo duere finóbiñeitiaoi, —daide.

¹² Iemo ie llófuegamaci jino jáidiaoi. Jaillano comini llotíai:

—Mai omoi comeci ífue meídori, —daidíai. ¹³ Daje llezica aillo fiénide jóríai jino orédiaoi. Iráredinomo cáiredijina due jónetiaoi; íemona jíllodiaoi.

Juan Bautista tíllafue

(Mt 14.1-12; Lc 9.7-9)

¹⁴ Illaíma Herodes aféfuaiña como fidide. Mei nana comini Jesús jalléinana onódiaoi. Dáarie daidíai:

—Juan Bautista tíide íadi meine abido cáadimiena jaide. Iemona bie ríino afémiemo ite, —daidíai.

¹⁵ Jáímaci daidíai:

—Bie Juzíñamui uai llóraima Elías, —daidíai.

Nane jíáimaci daidíai:

—Jaii Juzíñamui uai jino llóraini izoide bímie jíáie Juzíñamui uai llóraima, —daidíai.

¹⁶ Herodes áfena cacáillano daide:

—Bímie ifona cue jaitátagamie Juan. Ja birui tíllanomona meine abido caade, —daide.

¹⁷ Herodes ama Felipe; ie ofaiño Herodías, mei íadi Herodes afengo ie aina ote. Afe Herodías ícoína Herodes Juan jae llavétate. Afe llezica íena llavéracomo maitátate.

¹⁸ Mei nau Juan Heródemo llógaza:

—O ofaiño o aina ónidio; áfena rairuírede, —daide.

¹⁹ Ie jira Herodías Juamo éoícana eroide. Iena fáiacade, íadi íena fánide. ²⁰ Herodes afémie comécina jáicina ñue jóidimienana onode; iere ñúemienana onode. Núfuedo íena jacíruite. Ie jira afengo íena fiéni finótañede. Herodes Juan llogafue nai figo onóñede, íadi caimare íemo cacáreide. ²¹ Mei íadi Herodías jíáifuemo uíbicaide. Herodes jocóinamona jíáie fimona fuilláruimo dúcide. Jira aféruido Herodes cumpleños rafue

finode. Nana ie illaini, jabóllaini, Galilea ocúraini diga afénomo gairídiaioi, mei Herodes uáidogaiaioiza. ²² Dinomo Herodías jiza jofo jaillano zaite. Afengo záillari Herodes ióbide; daje izói nana ie diga güizáibitino ióbidiaioi. Iemona illaíma Herodes aféngona daide:

—O jicáacaiga raa cuemo jica. Omo íiticue, —daide.

²³ Ríírede uaido nana afengo jicalle raa ie fecállena íaioi uiécomo llote: “Nana cuemo jainaide éniemona júbene o jitailla dieze omo llóiticue,” daide. ²⁴ Afengo jaillano ie eina daide:

—¿Minica jícaiticue? —daide.

Afengo daide:

—Mai, Juan Bautista ifoci jica, —daide.

²⁵ Afe ringoza jarire illaíma illánomo jofo jaide; íena daide:

—Raire plato eromo Juan Bautista ifoci jóneta cuemo ine, —daide.

²⁶ Iemona illaíma iere zúureficaide. Mei ja ríírede uaido llógaza afengo jicácana afémie jánoiacañede. Daje llezica nana ie uáidogamací cacádiaioi. Ie jira jánoiacañede. ²⁷ Ie jira afe llezica ie abi úiñoraíma raire llavériracomo orede, Juan ifoci atállena. ²⁸ Afe abi úiñoraíma llavériracomo jaillano, Juan ifoci jáitano plátomo jóneta atide. Afémie aféngomo izáibite. Iemo ie eimo afengo izájide.

²⁹ Juaado jáidino, fidíillano, ie abi uájidiaioi, ráillena.

Jesús cinco mil dígade ííñiai ecade

(Mt 14.13-21; Lc 9.10-17; Jn 6.1-14)

³⁰ Afe mei Jesús nauí oni jino orécamaci meine Jesumo gairíllano, nana íaioi finócafue afémiemo llotíaioi. Afe íaioi llogafue llotíaioi. ³¹ Iemona Jesús íaioína daide:

—Mai bi, oni báinino cai ocózinaili, —daide.

Aillo comini dúcoidiaioi, jáioidiaioi; ie jira Jesús ie imaci diga, güíndiaioi. ³² Ie mei Jesús ie imaci diga nocaedo oni eneno tíi daidínomo jáidiaioi. ³³ Mei íadi aillo nairai íaioi jáillana ciode. Jesuna onóillano nana jófueмона batínomo aizícana jáidiaioi. Uafue, Jesús ie imaci diga uícomo dúcudiaioi. ³⁴ Jesús dúcia mei nocáemona jino jaillano aillo comínina ciode. Cióillano afémacimo dúecaide. Iaioína izíruite níbai úiñoraímanide ovéjaíai izói itíaioi. Ie jira diga ráfuiaina íaioímo llote. ³⁵ Ja nauídemo ie llófuegamaci afémiena daízaíbitiaioi:

—Ja nauízaide. Afe benomo comini jofona íñede. ³⁶ Mai comini oni ore áinori itícuaímo jíaie jofue diga, dinomo íaioi güille íbajillena. Mei íaioi güíllena benomo íñe deza, —daidíaioi.

³⁷ Jira Jesús uai ote:

—Mai omoi íaioi eca, —daide.

Afémiena daidíaioi:

—¿Cai meita jaillano íbáredicai, doscientos dígabe fidi pan bimaci ecállena? —daidíaioi.

³⁸ Jira Jesús daide:

—¿Níga pan ómoímo ite? Eroizai, —daide.

Afe fidíillano daidíaioi:

—Jubécuiro diga panes ite, mena chamu diga, —daidíaioi.

³⁹ Ie jira mócorede raitíremo Jesús comini énenorie dázierie raízitate. ⁴⁰ Iemona cincuenta íemo jíai cien dígamierie raízidaitiaioi. ⁴¹ Iemona Jesús afe jubeba panes mena chamu diga líínote. Líínuano caífo monamo érocaillano:

—Iere figura, —daide. Daíí dainano afe pan ditade. Dítajano ie llófuegamacimo fecade. Llófuegamaci ja comínimo oni fecádiaioi. Daje izói mena chamu nana comínido fecádiaioi. ⁴² Nana comini güitíaioi. Ua ñue jeírediaioi. ⁴³ Güilla mei panes chamu diga

fiébidinona doce dígagai cirigai oruítatiaioi. ⁴⁴ Afe Jesús fecaca panes güitímaci cinco mil dígamiaí.

Jesús jainoi emódodo macade
(Mt 14.22-27; Jn 6.16-21)

⁴⁵ Raire méifodo Jesús ie llófuegamaci nocaedo jorai ruícafenemo orede. Afe llezica íaioina ie uícomo Betsáidamo orede. Dinomo íaioi jailla. Daíí ñeta llezica mei Jesús nana comini diga rainode. ⁴⁶ Iaioi ráinua méifodo Jesús idu emódomo Juzíñamuimo úrizaide. ⁴⁷ Ja naiomo nocáe jorai cígimo ite. Jesús dama éniemo fiébicaide. ⁴⁸ Jesús íaioi taino jáiana ciode. Taino jaitíaiói, mei jairifo meine íaioi fúuoideza. Iemo ja monáizaidemo Jesús íaioimo áinozide. Jainoi emódodo macade. Ainozide, íadi jicado fíiaide izói macade. ⁴⁹ Ie jainoi emódodo mácajana íaioi cióillano comeci jacíruiocana facádiaioi: “¡Ñibai janaba!” daidíaiói. Jira caillíoidiaioi. ⁵⁰ Nana áfena cióillano iere jacínaitiaioi. Mei íadi Jesús raire íaioimo úrite; daide:

—¡Abi omoi mame! ¡Cueza! ¡Jacíruiñeno omoi iri! —daide.

⁵¹ Iaiomo itícaemo jofo jaide. Jofo jáidemo jairifo llíicaide. Iemo jacíruiocana áferi iere fáigacaidiaioi. ⁵² Ua afe daíí fáigacaidiaioi, mei afe duera pan fia uáimona jamánomo aillo comútatena comécido onóñediaioiza; íaioi comeci nai ríirena jira.

Genesaret éniemo ite iráredino Jesús jíllotate
(Mt 14.34-36)

⁵³ Jorai ruicáfellemo jáitanona Genesaret éniemo dúcidiaioi. Zíjillano nocáe ari cuinádiaioi. ⁵⁴ Nocáemona jino jailla llezica, afénomo ite comini raire Jesuna onódiaioi. ⁵⁵ Iemona afémaci nana afe éniemo raire aizícana lluájidiaioi. Iemona Jesús illánona fidíillano, afe dinomo iráredimaci duera inírabanido atídiaioi. ⁵⁶ Nágagobiaido ie jáiacana izói afe jofue cígimo ite ocózinairanomo iráredino jónefirediaioi. Aillue jofue diné ie jáiadi, dúera jofue diné ie jáiadi, fia jofo inénallegoído ie jáiadi, daje izói iráredino iomo jóonetiaioi. Afe llezica Jesús inícuero fueda íaioi jetánollena daa bie dáarie izire íemo jicádiaioi. Nana áfena jetánotino jíllobicaidiaioi.

7

¿Mínica caina iaire finode?
(Mt 15.1-20)

¹ Iemo fariséuai Jesumo ánozidiaioi, dáarie ocuícáfue llófueraini diga. Afe llófueraini Jerusalémona bitíaiói. ² Nana bimaci Jesús llófuegamacimona dámierie ciódiaioi. Afe llófuegamaci onoi jocóñeno güitíaiói, fariséuai afémacina daíí daide, mei bimaci onoi jócua ocuica níciduafuemo dúcitaiñediaioiza. Afe ícoinia íaioi jánana úritiaioi. ³ Daíí daidíaiói mei fariséuai nana judíuai diga íaioi jaiáigima uai nai úcadiáioiza. Aféfuiai daide, comini nai bie izói íaioi onoi diga icaiño jócoñenia güínidiaioi. ⁴ Daje izói güille fecáracomona meine billano, onoi jócua ocuica níciduafue nai fuitáñenia güínidiaioi. Nai aillo ite afémaci jáíe uícaigafuiai. Uafue, íaioi jiróracuai diga icaiño jocófirediaioi. Daje izói íaioi icírui, cadéruai, jamánomo diga ícaiño jocódiaioi íaioi inírabanillai diga. ⁵ Iemona fariséuai, ocuícáfue llófueraini diga Jesumo jicánotiaioi:

—¿Ñibái mei o llófuegamaci cai jaiáigima daináfuiái uícaíñediaioi? Daíí onoi íáirededo güitíaiói, —daidíaiói.

⁶ Jesús uai ote:

—Juzíñamui uai lloraima Isaías ñue llote. Nana omoi abina ñúemaci, íadi comécina íáirediomoi. Ie cuja llezica ómoimo llote:

Bie comini fuedo ñúefue cuemo jítdiaioi.

Mei íadi íaioi comeci cuemo jaináñede.

⁷ Cue ñúefuedo úrilla cuemo garífirediaioi, mei íadi íaioi úrillafue ráifiñede.

Iaioi llófuega Juzíñamui daináuai, fia jamai comini ocuífauiai.

Juzíñamui uáiñede, daií íaioi daina íadi, daide.

⁸ Mei Juzíñamui ocuífue féitatomoi, fia comini daináfuijai jeire omoi óllena. Aféfuiai daide: icíruai jocóllena, jiróracuai jocóllena, aillo jíáie afe izóidífuijai omoi finóllena.

⁹ Iemo afe emódomo bie izói zanoda íaioina daide:

—Juzíñamui ocuífauai iere ebire oni eneno omoi fáicanocaiga, dani omoi daináfuijai uícaillena. ¹⁰ Mei Moisés daide: “Ñue jacíruioicana o moo canori, o ei diga. Ie ei ie moo diga fiénina úritimie uáfueña titáredeza,” daide. ¹¹ Mei íadi jíáifodo daidíomoi:

—Dámie ie moo íaillinona bie daiírede, “Ona canónidicue, mei nana cuemo ite ráaie jae ‘Corbán’ itíaióiza”. (Afe uai dobáicana daina Juzíñamui íena mamécaza.) ¹² Dámie daií daiíadi, ja mei ie ei ie moo diga canónide náfuetiomoi. ¹³ Afe ícoinia Juzíñamui ocuica uaina jámairuitiomoi. Uafue, comini llocana jaide llogafue ínota ñúefuena jámairuitiomoi. Aillo afe izóidífuijai finófirediomoi.

¹⁴ Nane dáanomo Jesús comini jíirite; jíirillano íaioina daide:

—Nana omoi cácarei, comeci onoiri. ¹⁵ Nana güíllemo comécina íairenafue íñede. Mei íadi comécimona jino bitífue come comeci íáiretate. ¹⁶ Omoimona cacáreiacadino cacai, —daide.

¹⁷ Jesús comini fiiano jofomo jaide. Dinomo ie llófuegamaci afe onóigafuedo íemo jícanotiaioi. ¹⁸⁻¹⁹ Iemo íaioina daide:

—¿Daií jaca ónoñeitíomoi? Nana jinona güiga raa comécimo jáíñede. Jébegimo jaide. Ie jira cómena íáiruitañede. Jébegimo jailla mei, abímona oni dotácaza. ¿Aféfuena fidíñediomoi?

Afedo Jesús daiíacade nana güille ñuera. ²⁰ Nane daide:

—Íima comécimona jino bitífue dama afémiena íáiruitade. ²¹ Mei afémie erómona, ua ie comécimona jino fiieni uibíllafue bite; íemo jíruírenafue bite, naa jíáie jíruífuijai diga; íemo jíáima méiniafue bite, ²² merírillafue diga; íemo jíáima raa bairóacanafue bite, jíáie fiénidífuijai diga; ie mei jíáima jífuiafue bite, nana íáiredífuijai diga. Iemo úradoillafue bite, naa táinona úrillafue diga. Iemo táinona abí ínuafue bite, naa abina onóñenafue diga. ²³ Nana bie figóñedífuijai come erómona bite; billano cómena íaire finode.

Jíáizie ingo Jesumo íinote

(Mt 15.21-28)

²⁴ Dinómona Jesús Tiro éniemo jaide, Sidón énie diga. Daa jofomo jaide. Buna ónoñeillena báiinino jaide. Mei íadi afémie retáirinide. ²⁵ Iemo fiénidena jóriairedíngo ei, ie íllana raire fidide. Billano Jesús anamo dújude. ²⁶ Afengo judío ingóñede; jíáizie ingo. Afengo énie mámecei Sirofenicia. Afengo jízamo ite fiénide jóriai óllena Jesumo jícade.

²⁷ Mei íadi Jesús daide:

—Juzíñamui úruiai raire nano fueñe güíllez. Juzíñamui úruiai güille bairoda tóica jíco izoide comínimo ígadenia figóñede.

²⁸ Afengo uai ote:

—Uafue Ocuíraima; mei íadi úruiai güíllamona, ana cocídijjai, güirábani anamo ite jícotíruai güífirediaioi, —daide.

²⁹ Ie mei Jesús daide:

—Ua llotio. Iemona ja jáiredio, o jízamo ite fiénide jóriai jae oni jáideza, —daide.

³⁰ Afengo jofomo dúcina llezica, íníramo bíide jízana ciode. Fiénide jóriai ja ua aféngomona ñue oni jaide.

Jefona cacáñede gogódímie Jesús jíllotate

³¹ Nano íanori íllano Jesús ja Tiro éniemona billano, Sidón énie dibénedo jaide. Afe mei Decápolis éniemo ite jófuiai dínedo jaide. Aféñiedo jaillano, meine abído Galilea jóraimo dúcide. ³² Afénomo jefona cacáñede uaina jino figo baiíñedímie Jesumo atídíaioi. Iemo

izire jicádiaioi Jesús afémiemo onoi bitállena. ³³ Ie jira Jesús náiraimona oni báinino íena uite. Dinomo Jesús dama ie onocai jefona cacáñedimie jefomo dutade. Ie mei Jesús dama ie onócaimo tuánuano afe úriñedimie iife jetánote. ³⁴ Afe mei Jesús monamo érocaillanona comeci zúurenaimona zegóricaide. Zegóricaillano íena daide:

—¡Efata! —daide. Afe uai jino dobáñuano daina: túijicai.

³⁵ Afe llezica jefona cacáñedimie jefo túijicaide; ie iife ñue jllode. Iemona afémie ja ñue úrite. ³⁶ Iemona Jesús íaioina rairuide:

—Jíaimacimo lloñeno iri, —daide. Jesús afe daí dígacaiño íaioina rairuide. Mei íadi Jesús iere rairuide íadi, áfena náfueñeno aféfuena baimo jino llócaidiaioi. ³⁷ Iemo nana comini iere jamánomo fáigacaidiaioi. Daidíaioi:

—Nana ñue finode. Afémie jefona cacáñedimie cacáitate; uaina jino figo baíñedimiena ñue úritade, —daidíaioi.

8

Jesús cuatro mil diga comini ecade

(Mt 15.32-39)

¹ Aféruillaído aillo comini meine dáanomo gairídiaioi. Iaioi güille ñede. Ie jira Jesús ie llófuegamaci jñirita, íaioina daide:

² —Bie náirairi dúecaidicue. Ja daruíamani benó cue diga itíaioi. Iaioi güille jae ñede.

³ Güiñeno íaioi jofomo orédicuenia, iodo báicana jáitiaioi. Dáarie jicana bitíaioiza, —daide Jesús.

⁴ Ie llófuegamaci uai otíaioi:

—Benó bu iñénaoza ¿minícana íaioi ecáredicai?

⁵ Jesús íaioimo jicánote:

—¿Niga panes ómoimo ite? —daide.

Jira afémaci daidíaioi:

—Siete panes caimo ite, —daidíaioi.

⁶ Ie jira nana comini ana éniemo ráitate. Iemo Jesús afe siete panes llíinuano, Juzíñamuina “Figora” daide. Daina mei, afe panes ditade. Daí ñeta, ie llófuegamacimo ite. Afe mei llófuegamaci comínido oni fecádiaioi. ⁷ Afémacimo due jiza chamu ite. Jesús Juzíñamuina “Figora” dainano afe chamu fecátate. ⁸ Nana güitíaioi. Iemona ñue jeírediaioi. Ie mei güillamona fiébidino siete diga cirigai iráidiaioi. ⁹ Afe güitino cuatro milmo áinoziacade. Afe mei Jesús nana íaioi rainode. ¹⁰ Ráinua mei afémie raire ie llófuegamaci diga nocaemo jofo jaide. Iemo Dalmanuta éniemo jaide.

Fariséuai uai dáinamona comuide onótate raa jicádiaioi

(Mt 16.1-4; Lc 12.54-56)

¹¹ Iemona fariséuai Jesumo júfiduaibitiaioi. Ie facátaiacadiaioi. Iemona: “Monámoma uaido comuide onótate raa caimo ácatari,” daidíaioi. ¹² Iemo Jesús comeci zúurenaimona izire zegóricaillano daide:

—¿Ñibái mei bie nairai uáimona comuide onótate raa jicádiaioi? Uáfuenta ómoimo lloticue, jaca onótate raana bu ómoimo fínoñeite, —daide.

¹³ Jira Jesús íaioi fíiano meine nocaemo jaide. Iemo jorai enéfenemo jaide.

Fariséuaimo ite pan aillo fáitate raa izóidifuedo Jesús llote

(Mt 16.5-12)

¹⁴ Jesús ie llófuegamaci diga íaioi jailla llezica, íaioi ráinuai féitatiaioi. Dinó nocaemo fia daa pan íaioimo ite. ¹⁵ Iemo Jesús íaioi ocuide:

—Omoi cacai. Fariséuaimo ite pan aillo fáitate raa izóidifuemona abí omoi rairuiri. Daje izói Heródesmo ite pan fáitate raa izóidifuemona abi omoi rairuiri, —daide.

¹⁶ Iemo llófuegamaci dani conímamo llotíaioi:

—Ñibai cai pan iñena jírari, Jesús caina daí riire daide, —daidíaioi.

¹⁷ Jesús dani íaioi úrillana onóillano daide:

—¿Níbái mei, “caimo pan iñede” dani jofo conímamo daiífirediomoi? ¿Nai fidíñediomoi? ¿Nai omoi comécimo déiñede? ¿Omoi comeci nai iere riñede? ¹⁸ ¿Omoi uído cióñediomoi? ¿Omoi jefodo cacáñediomoi? ¿Nai cue finócafuenta onóñediomoi?

¹⁹ Nai cinco mil íñiaí dígamiedemo afe cinco panes cue fecácamo, ¿niga cirigai fiébidinona iráidiomoi? —daide.

Iemo daidíaioi:

—Doce dígagai cirigai, —daidíaioi.

²⁰ Jesús nane daide:

—Daje izói cuatro mil íñiaí dígamiedemo afe siete panes cue fecácamo, ¿niga oruide cirigai iráidiomoi? —daide.

Iemo daidíaioi:

—Siete dígagai cirigai, —daidíaioi.

²¹ Iemo íaioina daide:

—¿Nai omoi comécimo jaca déiñede? —daide.

Betsaida jófuego ite uina cióñedimie Jesús jllotata

²² Ja Betsaida jófuego dúcidiaioi. Iemo uina cióñedimie Jesumo comini atídiaioi. Iena jetánollena izire jicádiaioi. ²³ Uina cióñedimie ónoído líinota, jofue jinomo Jesús ie uite. Iemo fue fáicido ie uimo bitade. Afe llezica afémiemo onoi bitade. Afe mei íemo jicánote:

—¿Ja baca o ui cioide? —daide.

²⁴ Jira uina cióñedimie érocaillano daide:

—Jii, comini mácana ciódicue, mei íadi uáfodo íaioina cióñedicue. Afémaci aménaiaí izói cióidiaioi, —daide.

²⁵ Ie jira Jesús nane daanomo ie uimo ie onoi jóonete. Afe mei afémie riire eroide. Iemo ie ui ja jllode; ja afémie naga raana uáfodo ñue ciode. ²⁶ Ie mei Jesús ie jofomo ie orede. Iena daide:

—Jófuego jáiñeno iri. Afénomo ite comínimo, buna lloñeno iri, —daide.

Pedro Jesús Crístona maméinafue jino ñue llote

(Mt 16.13-20; Lc 9.18-21)

²⁷ Afe mei Jesús ie llófuegamaci diga, Cesarea Filipo éniemo jaide. Afénomo ite jéenide jófuiyai dinedo jáidiaioi. Afe iodo íaioi jáillanomo, Jesús ie llófuegamacimo jicánote:

—Comini cuena ¿nie izói daidíaioi? —daide.

²⁸ Afémaci uai otíaioi:

—Dáamierie Juan Bautístadio daide. Jiáimíiaí Elásdio daidíaioi. Ie jiáimíiaí jiáie uai lloráimadio daidíaioi, —daí uai otíaioi.

²⁹ Iemo íaioina jicánote:

—Omoimona, ¿cuena bu daidíomoi? —daide.

Ie jira Pedro íena daide:

—O Crístodio, —daide.

³⁰ Iemo Jesús íaioina ocuide, aféfuena bumo llóñeillena.

Jesús ie tíillifue fidítate

(Mt 16.21-28; Lc 9.22-27)

³¹ Iemo Jesús dama ie duere finóllifue como fueñe íaioimo llote. Lluano daide:

—Nanoide hima Jitódicueza íadi iere duere zefuítallicue. Eicomini cuena ruifíruitiaioi. Daje izói lletáriraini illaini, ocuífue llófueraini diga cuena ruifíruitiaioi. Omoína daidicue, afémaci cuena méneitiaioi. Mei íadi daruíamani íllamona tíllanomona meine abido caifo náidacaiticue. ³² Afefue íaioimo ñue jino llote. Ie jira Pedro eneno oni Jesuna uite. Uillano Pedro Jesús íena lletade. ³³ Mei íadi Jesús meine gírecaillano ie llófuegamacimo eroide. Jesús Pedro llétano daide:

—¡Mai cúemona oni jai! Satanás izóidimiedioza. O comeci Juzíñamui mamécana ónoñede. Dama bie éniemo dúidino úrilla izói úritio, —daide.

³⁴ Dáanomo nane Jesús ie llófuegamaci jírrite, nana jiáie comini diga. Iaioina daide:
 —Cuedo jáiacadimie mai dama ie comeci jítaina féitari. Féitano cuedo biri. Daií cuedo bíllamona nibai afémie tíiadi áfemo comeci fáinide; cuedo bírede. ³⁵ Jaca ninomo íllena, dama ie abi rairuíacadimie dinó jaca raire llícaite. Mei íadi cue ícoinia abi rairuíacañedimie meine jílluano llícañeite; daje izói, cue lloga ñúefue ícoinia abi rairuíacañedimie zíñona íite. ³⁶ Mei jiáífodo nana éniemo ite raa cai óiadi, mei íadi afe llezica cai zíñona illífue niné féiadi, ¿nieze canócacai? ¡Canóñegacai! ³⁷ ¿Nieze íbárede da come ie zíñona illafue abido óllena? Íbánide. ³⁸ Mei jii, dáamie cuena meáiruiadi, abido afémiena meáiruiticue. Daje izói bie minícana íñoñede fiénidimaci uícomo cue lloga uaina meáiruitimie, íena meáiruiticue. Mei Nanoide íima Jitódicueza. Uire cue Moo aillo ñue máriedo bíiticue. Nana ie ñuera abi imaci diga bíiticue. Aféruimo bie éniemo ite cuena meáiruitinona, daje izói íaioina meáiruiticue.

9

¹ Nane Jesús íaioina daide:

—Uáfueña ómoimo lloticue. Benomo itímacimona dáarie nai íaioi tíñenia Juzíñamui aillo ie rínodo ie illáimana íllana cíotiaioi, —daide.

Jesús abi jiáífodo méidoficaide

(Mt 17.1-13; Lc 9.28-36)

² Seis dígarui íllamona, Jesús Pedro, Santiago, Juan diga uite. Dani dígamie eneno caifónedumo afémie uite. Ja dinomo íaioi erócana afémie abi jiáífodo méidoficaide. ³ Ie inícuiro quénicuirona jaide, ua iere úzerede jaíllici izói. Bie éniemo finódino iníroina afe izói úzeretanidiaioi. ⁴ Afe llezica Elías, Moisés diga Jesumo úrillana cíodiaioi. ⁵ Jira Pedro Jesuna daide:

—Llófueraima, nii cai benomo ñue illa. Daámani jofóchupi ómoiena cai finolli, daa óchupi, jiáie Moisés ichupi, jiáie Elías ichupi, —daide.

⁶ Afe dáanomo ie llófuegamaci iere jacínaificaidiaioi; jacínaillano Pedro nie izói dáinana onóñenano daií daide. ⁷ Afe llezica íaiomo mona uíllie ana bite. Billano afémacina ferínote. Afe mona uílliemona daa uaina cacádiaioi. Llote:

—Bie cue izíruiga Jitó. Afémiemo cácarei, —daide.

⁸ Afe llezica, nágafene eróroidiaioi íadi íaioi diga buna cíóñena, dama Jesús.

⁹ Idumona ana bitíaioimo Jesús afe íaiomo cíónafue jíáimacimo llúana rairuide. Iaioina daide:

—Nanoide íima Jitódicue. Uire cue tíillinomona meine abido cáadimiena cue illíruimo afe omoi cíónafuena llóreitiomoi, —daide. ¹⁰ Ie jira aféfuemo dani comécidiaioi. Mei íadi afémie tíillinomona abido cáadimiena illífueña jicánofirediaioi:

—¿Minícana íite? —conímana dani daidíaioi.

¹¹ Ie mei Jesumo jicánotiaioi:

—¿Níbái mei ocuícáfue llófueraini daiífrediaioi, caina illáimaite Mesías dainámie uícodo Elías raire biite? —jicánotiaioi.

¹² Afémie uai ote:

—Iere uafue Elías raire cue uícodo bite. Ua billano nana meine ñue jaícina fínuaibite. Iemo, mei Nanoide íima Jitódicueza, cue billáfuedo ¿nie izói Juzíñamui Cuegáuai daide? Aféuai bie izói daide: “duere zéfuiticue” daide. Daje izói “comini cuena jámairuitiaioi” daide. ¹³ Mei íadi ómoína daidicue, Elías ja bite. Dani afémaci óiacana izói afémiemo finódiaioi. Mei Cuegáuai uícomo daina izói, afe izói ja afémiemo zuíde, —daide.

Jesús fiénidena jóriairede dúemie jíllotate

(Mt 17.14-21; Lc 9.37-43)

¹⁴ Ie mei ja jiáie llófuegamaci illánomo Jesús daámani caifónedumo uigámaci diga meine bitíaioi. Billano aillo comini íaiomo gairíllana cíodiaioi. Ocuica uai llófueraini

dáanomo ite. Afe llezica afémaci Jesús llófuegamacimo júfidotiaioi. ¹⁵ Ie mei Jesuna cióillano iere fáigacaidiaioi. Afémiemo aizícana uáiduaidiaioi. ¹⁶ Ie jira Jesús ie llófuegamacimo jicánote:

—¿Minica afe ocuica uai llófueraimo júfidotiomi? —daide.

¹⁷ Afénomo itímacimona daa uai ote:

—Llófueraíma, benó omo cue jitó atídícue. Fiénide jóriaí afémie uáinino finode.

¹⁸ Náganomo ie jáiadi afe jóriaí ie uánona ana dotáfírede. Ja dinomo fuedo mulléfirede; afe llezica ízie mutúricaide. Iemona ie abi iere naillíbicaide. O llófuegamacimo fiénide jóriaí jino óllena jicádícue, íadi afémaci ónidiaioi, —daide.

¹⁹ Jira Jesús uai ote:

—¡Aíí, Juzíñamuimo íñoñedimaci! ¿Nie dinó ómoiri ítícue? ¿Nie dinó ómoína mozóitícue? Bené dúemie ati, —daide.

²⁰ Jira atídíaioi. Afe jóriaí Jesuna cióillano, afe dúemie abi meine cuidítate. Cúidiamona afémie éniemo baíide. Dinomo jabíoicaide. Fuedo mulléoide. ²¹ Jira Jesús ie moomo jicánote:

—¿Ja nié dino daí ite? —daide.

Jira moo daide:

—Jaca ie dúenamona. ²² Diga ícaño fiénide jóriaí afémie iraimo dotáfírede. Daje izói illemo dotade ie titállena. Minícana cairi o finórenia, mai cairi fino. Cairi dúecairi. Cai cano, —daide.

²³ Jesús íena daide:

—¿Níbái mei “O finóreniadi cai cano” cuena daíio? Daí daíñeno iri, mei Juzíñamuimo ínotimiemo naga raa finóredeza, —daide.

²⁴ Ie jira afe úrue moo caillíoicaide:

—¡ínotícue! Cue cano jamánomo cue ínolleza, —daide.

²⁵ Jesús aillo comíni ofíllana cióillano, fiénide jóriaí riire lletade. Daide:

—Uáinitade jóriaí, cacáitañede jóriaí, o jino jáillena ja ocuídícueza, ¡jai! ¡Bie úrue fáinocai! Meine abido íena oñeno iri, —daide. ²⁶ Iemona jóriaí caillide; cáilliano dúemie meine nane riire cuidítate. Cuidítajano oni jaide, íadi afe dúemiena tíide izói finode. Jira aillo comíni:

—Ja tíide, —daíiaioi. ²⁷ Mei íadi Jesús ónoído llínnota caifo dúemiena naidánete. Iemona afémie ñue jílloda náidacaide.

²⁸ Ie mei Jesús daa jofomo jofo jaide. Afe mei ie llófuegamaci eneno íemo jicánotiaioi:

—¿Níbái mei fiénide jóriaína ónidícaí? —daíiaioi.

²⁹ Jira Jesús daide:

—Bie izói jóriaí dama Juzíñamuimo úrillado, íemo fímairillado jino orérede, —daide.

Jesús ie tíillí fue meine fidítate

(Mt 17.22-23; Lc 9.43-45)

³⁰ Afénomona íaioi jaillano Galilea éniédo jáidiaioi. Jesús báinino jáiacade bu óñoëillena. ³¹ Mei aféruillado Jesús ie llófuegamacimo llófullofuedeza. Afémiemo zúillí fue íaioímo lloté. Lluano íaioína daide:

—Nanoide íima Jitódícueza íadi uire náiraímo izájillicueza, cue íaioi fállena. Mei íadi daruíamani cue tíillanomona meine abido cáadímiena ítícue, —daide. ³² Mei íadi afémaci ie dáinana onóñediaioi. Daje izói íemo jicánuana jacíruitiaioi.

¿Bu iere jamánomo áillomiena?

(Mt 18.1-5; Lc 9.46-48)

³³ Iemo afémaci Capernaumo dúcíaioi. Jofomo íaioi illa llezica, Jesús íaioímo jicánote:

—¿Minícafue iomo júfidotiomi? —daide.

³⁴ Mei íadi jaca uaina oñédiaioi. Mei jae iodo júfidotiaioi, ¿bu cáimona jamánomo áillomierna illa? ³⁵ Ie jira Jesús ana ráinaillano, ie doce diga llófuegamaci jíirite; daide:

—Dámie raire uicodo áillomierna jáiacaniadi, nano fueñe iere jamáimiena írede; daje izói nana comini canóramana írede, —daide.

³⁶ Iemona Jesús daa úrue llínuano íaioi cígimo jóonete. Ie mei ie ónoido íena llirínuano comínina daide:

³⁷ —Bie úrue cue mámecido llínotimie dájena cuena llínote. Daje izói cuena llínotimie dama cue llínoñede, mei íadi cue orédimiena cue abido llínote, —daide.

Caina éoñedimie cai dibénemo ite
(Mt 10.42; Lc 9.49-50)

³⁸ Iemo Juan Jesuna daide:

—Llófueraima, dámie ciódicai o mámecido fiénide jóriai jino orede. Mei íadi caido jáiñena jira íena rairuídicaí.

³⁹ Mei Jesús daide:

—Rairuñeno iri. Mei daií cue mámecido ciórainina raa finódimie ñúemie. Daií finódimie afe finua méifomo raire cuedo fiene úrinide. ⁴⁰ Mei caina éoñedimie ua cai dibéfodo itímie. ⁴¹ Jáie come cue mámecido omoi jirótaadi, mei Crístomo omoi jainaina jira, afe jirótatimie uáfueña ie jirídolle raa llínoite, —daide.

Fiénidifueño baiíllena iere jacírede
(Mt 18.6-9; Lc 17.1-2)

⁴² Jáie come, bie cuena ñnote dúemie fiénidifueño baiítaiadi, afe come fiénide. Baiítatimie mona figura, cimoi mo áillue nofícina cúinano monáillaimo dotárede. ⁴³ Dama o onoi fiénidifueño o baiítaiadi, afe o jaitari. Júbezi onoi diga ziiño ñue illafue Juzíñamuimona o maiñóadi, iere ñuera. Mei nágafezi onoi íadi “comini duere finolle iraimo” o dotábicaíadi, iere figóñede. Afénomo ite irai dúitanide. ⁴⁴ Afénomo ite aigíroíai tíñediaioi; afe aigíroi, afeno itímacina ziiñoña duere fínoitiaioi. Afe irai jaca dúñede. ⁴⁵ Daje izói o idai fiénidifueño o baiítaiadi, áfena jaita. Júbene ídainide o illa llezica ziiño ñue illafue Juzíñamuimona o maiñóadi, jamánomo ñuera. Mei jáífodo iraimo o dotábicaíadi ñue mena ídairedimie o íadi, iere figóñede. Afénomo ite irai dúitanide. ⁴⁶ Afénomo ite aigíroíai tíñediaioi; afe aigíroi, afeno itímacina ziiñoña duere fínoitiaioi. Afe irai jaca dúñeiteza. ⁴⁷ Daje izói o uiji ona íáidaitaiadi, mai afeji cuerónori. Ua júbene fiídime Juzíñamui illáimana illánomo o jáiadi, jamánomo ñuera. Mei íadi nágaillinoi újiredimie o illa llezica, iraimo o dotábicaíadi iere figóñede. ⁴⁸ Afénomo ite aigíroíai tíñeitiaioi; afe aigíroi afeno itímacina ziiñoña duere fínoitiaioi. Afe irai jaca dúñede.

⁴⁹ Mei nana fia fecaca Juzíñamui ióbitalle jobaica rílleniaimo salna jónefirediaioi, afe fecaca rille ñue íllena. Daje izói nana raamo cai jírinafuiado ñue íredicaí. Aféfuiaí irai come uzilla izírena izói caina izi cácataite, Juzíñamui anamo ñue cai íllena. ⁵⁰ Sal ñuera; mei íadi afe sal ie cáimana féiadi, ¿minícado afe sal meine abido cáimacaitarede? Mai dani conímaiaina caimátaillafue dibénemo omoi iri. Afe llezica comei caimare uái illáfueño dani conímaiaina ífireiri.

10

Jesús, naga come ie aina oni dótana rairuide
(Mt 19.1-12; Lc 16.18)

¹ Jesús ja Capernaúmona oni Judea éniemo jaide. Ua Jordán ruicáfellemo ite éniemo jaide. Iemo aillo comini ie illano dínó meine abido gairízaibitiaioi. Iemona Jesús ie ífírena izói íaioina llófuete. ² Iemo fariséuaimona dáarie Jesuna fiene facátaibitiaioi. Jesumo jicánotiaioi:

—¿Mei nibai dáamie ie aina oni dótajana rairuírede, nibai ráiruiñega? —daidíaioi.

³ Iemona Jesús uai ote:

—¿Ñiie izói Moisés ómoína ocuide? —daide.

⁴ Jira íena daidíaiói:

—Moisés llote, dáamie ie aina oni dotáacanamona, afémie dinena aféngona “jae ai oni dotaina rabe” cúeredede. Ie mei daíí oni dotárede, —daidíaiói.

⁵ Iemo Jesús íaioína daide:

—Moisés afe uaina ómoímo llote, mei omoi comeci ifue iere riíredeza. ⁶ Mei íadi nano fueñe, Juzíñamui nana ráaniaina comuítaja llezica, “afémie iima ringo diga íaillinoína comuítate.” ⁷ “Ie jira naga iima, ie ai úamona, ie moo ei diga fiénocaillano, oni dáanomo íitiaillinoi. ⁸ Daíí ie ai onónamona afe íaillinoi daa come izóidena jáitiaillinoi.” Ja mena cómeñediaillinoi, dama daa cómedeza. ⁹ Ie jira Juzíñamui dáanomo jóonegaiiaillinoi, comini oni dotánide, —dinori Jesús daide.

¹⁰ Ja jofomo Jesús naa ie llófuegamaciri dúcinamo, ie llófuegamaci aféfuena Jesumo meine abido jicánotiaíoi. ¹¹ Jesús íaioína daide:

—Afe ai oni dotádimie jíáie ai óllena, dotaca ringo dibénemo afémie jiruifue finode.

¹² Daje izói ini oni dotádingo jíáimie mo iníreillena, afengo jiruifue finode.

Jesús úruiaí ñue íllena finode

(Mt 19.13-15; Lc 18.15-17)

¹³ Ie mei Jesumo úruiaí atídíaiói, íaioímo ie onoi bitállena. Mei íadi llófuegamaci atídínona rairuide, íaioi átíñeillena. ¹⁴ Jesús áfena cióillano ríicaide; jira íaioína daide:

—Rairuíñeno iri. Fáinocai úruiaí cuemo bílleza. Íaioína llótaidoñeno iri. Juzíñamuimo jaináidino ua afe bie úruiaí izói itíaioíza. ¹⁵ Uáfueña ómoína daidícue, Juzíñamui illáimana íllana jíeruiredicai. Uruiaí áfena jíeruilla izói jíeruiredicai. Mei íadi nana afe izói jíeruinedinona Juzíñamui ie caimare illínomo jofo óreñeite.

¹⁶ Iemo úruiaína llirínuano, ie onoi íaioímo bitano íaioína ñue finode.

Ráarede jitócome Jesús diga úrizaíbite

(Mt 19.16-30; Lc 18.18-30)

¹⁷ Jesús meine abido jáizaidemo, dáamie aizícana Jesús anamo dújuzaíbite. Dújuillano jicánote:

—Ñue Llófueraima, ¿nie izói íitícue zíiñona cue illino cue óllena? —daide.

¹⁸ Jira Jesús daide:

—¿Ñibái mei cuena fígomie daidío? Ímamona buna fígomiéna iñede. Dama Juzíñamui fígomie. ¹⁹ Ocuícafuiaina onódio:

“Jíáima ai diga iñeno iri;

come fañeno iri;

meríriñeno iri;

bumo taino lloñeno iri;

jíáima jífueñeno iri;

o moo, o ei diga ñue cacáreiri,” —Jesús daide.

²⁰ Afémie uai ote:

—Llófueraima, nana aféfuiaína cue jitócomenamona jeire ófiredícue.

²¹ Jesús afémiemo éroicaillano íena izíruite; daide:

—O dafue nai jeire oñédio. Mai nana omo ite raa fécajiri. Fécajano afe iba dúeredimacimo ine. Iemona jamánomo jirídolle izoide raa monamo omo iite. Daíí o finolle mei, cuedo bii. Mei cuedo o bíllamona o tíadi, áfena náfueñeno benó biri. Coco jai, —daide.

²² Mei íadi áfena cacáillano, afe iima zúucaide. Ua zuure oni jaide, aillo ie ráaniai illa jira. ²³ Ie mei Jesús abido comínimo éroicaillano, ie llófuegamacina daide:

—¿Ñii féirena ráaredimie Juzíñamui illáimana illáruimo jofo jáillena! —daide.

²⁴ Jira llófuegamaci aféuairi iere fáigacaidiaíoi. Jesús meine nane daide:

—¡Uruiaí, nii féirena úcubena ínotino Juzíñamui illáimana illáruimo jofo jáillena!
²⁵ Camello eedo uífodo jailla jamánomo juánide, mei íadi ráaredimie Juzíñamui illáimana illáruimo jailla iere juárede, —daide.

²⁶ Afena cacáillano, jacínaificaidiaioi. Dani conímamo jicánotiaioi:

—¿Mei bu jílluille? —daidíaioi.

²⁷ Jesús íaioimo eróillano daide:

—Afena comínimo finónide; mei íadi Juzíñamuimo finórede. Juzíñamuimo finónide raana íñede, —daide.

²⁸ Jira Pedro íena daide:

—Ocuíraima, nana caimo ite raana fiénocaidicaí o diga cai jáillena, —daide.

²⁹⁻³⁰ Jira Jesús uai ote:

—Uáfueña ómoina dáitícue, naga come cue ícoinia íemo cue lloga jíllonafue ícoinia diga, ie jofo, ie ámatiaí, ie mirínguai, ie moo, ie ei, ie jitótiaí, ie jacáfaiaí dieze afémie fiénocaidi, uáfueña meine llínoite. Ja bie éniemo cien dígcacaiño afe baimo jofue, ámatiaí, mirínguai, éitiaí, jitótiaí, jacáfaiaí llínoite. Uafue, dieze llínoite duere zefuillafue diga íadi. Ie mei monamo zíñona illino llínoite. ³¹ Aillo biruillaido nánoraímaci uire ódaidímacina jáitiaioi. Daje izói aillo biruillaido ódaidímaci uire nánoraímacinna jáitiaioi, —daide.

Dáanomo Jesús ie tíillifue lloite

(Mt 20.17-19; Lc 18.31-34)

³² Ja Jerusalén iodo jáizaidiaioi. Jesús ie llófuegamaci uícodo jaide. Comeci iere facábicaidiaioi. Jíáie íedo jáidino jacíruioicana afémiedo jáidiaioi. Jira Jesús doce diga llófuegamaci eneno uáidote. Ianori íllamona íemo finóllifueña abido íaioimo lloite.
³³ Daide:

—Mai omoi cacai. Nanoide íima Jitódicueza. Jerusalemo jáizaidicaí. Mei íadi díonomo lletáriraini illáiniaimo izájillícue. Daje llezica ocuica uai llófuerainimo izájillícue. Iemo afémaci cue titállena ócutiaioi. Onínemacimo cuena izájitiaioi. ³⁴ Cueri jífánodoitiaioi. Cuena tícoitiaioi. Cue túallaitiaioi. Cue titaitiaioi. Mei íadi daruíamani íllamona tíllanomonna meine abido cáadimíena íitícue, —daide.

Santiago Juan diga uire uícoinafue Jesumo jicádiaillinoi

(Mt 20.20-28)

³⁵ Afe mei Zebedeo jitó íaillinoi Santiago Juan diga, Jesumo jícajidiaillinoi; daidíaillinoi:
 —Llófueraima, coco jícalte jítaigafueña cócomo lloiri, —daidíaillinoi.

³⁶ Iemona Jesús íaillinoína daide:

—¿Minica mei ómicoimo cue finóllena jítaidíomicoi? —daide.

³⁷ Iemo íena daidíaillinoi:

—Uire o ebírede illáimana illíruido, cócomona dáamie o nabézimo, jíáimie o jarífezimo cócona o ráinatari, —daidíaillinoi.

³⁸ Iemona Jesús íaillinoína daide:

—Daí jícaidíomicoi íadi abina onóñediomicoi. Cue duere zefuillifue izói, ua erírede jírolle jírua izói, ¿zefuirediomicoi? Daje izói cue izire tíizailifue izói, ¿tíizairediomicoi? —daide.

³⁹ Iemo uai otíaillinoi:

—¡Ie mei! Afena ocuiredicoco, —daidíaillinoi.

Jira Jesús íaillinoína daide:

—Uáfueña dáitícue, cue duere zefuillifue izói, duere zéfuitiomicoi. Cue izire tíille izói, tíitíomicoi. ⁴⁰ Mei íadi cue nabéfenemo, cue jarífenemo ómicoi ráinallena, cúemona llónide. Afe ráinallino dama Juzíñamui maméinamacimo dúide, —daide.

⁴¹ Jíáie diez diga llófuegamaci afefue cacáillano, Santiago Juan dígamo ícírítiaioi.

⁴² Iemo Jesús íaioína jíirillano, íaioína daide:

—Onódiomoiza, náiraiaimo illáimaifiredino riire ocuídillaini dani jáidiaioi, comínina náamatallena. Aféllaini cígiri ite riimaci, íaioi ríinona izire comínimo cácatatiaioi. ⁴³ Mei íadi omoi cígiri afe daí íñeitiomoi. Mei jíáifodo omoi dibénemo illáimana íacadimie, omoi canófredimiena jáirede. ⁴⁴ Daje izói ómoimona ocuíacadimiena íacadimie, nana jíáimaci anamo íaioi tájítagamiena írede. ⁴⁵ Mei jíi, Juzíñamui oreca Nanoide fima Jitódicueza. Mei íadi jíáimaci cuena canóllena biñédicue. Mei jíáifodo nana comínina cánuaibiticue. Uafue áillomaci íaioi fiénidifuemona zuitalle izói, íaioina cue jíllotallena tíizaibiticue, —dinori Jesús lloste.

Jesús únidimie Bartimeo jíllotate

(Mt 20.29-34; Lc 18.35-43)

⁴⁶ Jae Jericomo dúcidiaioi. Afe jófuemona Jesús jino jáidemo ie llófuegamaci diga, naa aillo comíniri, únidimie io fuemo ráiide. Afémie Timeo jitó, Bartimeo. Dino afémie úcube jicáfiredo. ⁴⁷ Nazaret ímie Jesús ánozillano fidíillano, únidimie jíirioicaide:

—¿Jesús, jaii illaíma David Jitó, cuemo dúecai! —daide.

⁴⁸ Aillo comini íena rairuídíaioi ie llíicallena; íadi jaca nai jamánomo jíirioide:

—¿David Jitó, cuemo dúecai! —daide.

⁴⁹ Ie jira Jesús uái náidaillano daide:

—Afémie uaido, —daide.

Jira únidimie uáiduano íena daidíaioi:

—Abi mame. Náidacai. O uáidoteza, —daidíaioi.

⁵⁰ Jira ie emódodiroi duíñuano iere raire náidacaillano Jesumo bite. ⁵¹ Jira Jesús íemo jicánote:

—¿Mínica omo cue finóllena jitáidío? —daide.

Jira únidimie uai ote:

—Llófueraíma, cue úreacadicue, cue eróillena, —daide.

⁵² Jesús íena daide:

—Mai o jairi. O íñnuamona jae jíllodioza, —daide.

Afe llezica únidimie ciode. Iemona Jesús jáillado afémie jaide.

11

Jesús illáimana Jerusalemo jofo jaide

(Mt 21.1-11; Lc 19.28-40; Jn 12.12-19)

¹ Jerusalemo ánozillamona, Jesús mena llófuega íaillinoi uícomo orede. Jae Betfagé jofue, íemo jíái Betania jofue diga áinomo itíaioi. Dáanori Olivo daina ídumo itíaioi. Íaillinoi óriano daide:

² —Uícomo ite duera jófuemo ómicoi jai. Omicoi dúcille llezica cuinaca duera búrrona cíoitíomicoi. Nai áfedo buna ráiñena. Zúitajano cuemo ati. ³ Bu ómicoímo jicánoiadi ¿níbái ómicoi zuitaca? íena dáitío: “Ocuíraíma Jesús jitailla jira. Ie mei raire meine omo atille,” —daide.

⁴ Afe íaillinoi jaillano jino naze fue iori cuinaca búrrona baizájidiaillinoi. Afe zuitádiaillinoi. ⁵ Dáamie dino itínomona íaillinoina daide:

—¿Mínica ñetíomicoi? ¿Níbái burro zuitádiomicoi? —daide.

⁶ Jira uai otíaillinoi Jesús íaillinoina daina izói. Ie jira:

—Jíi, mai ui, —daidíaioi.

⁷ Iemona búrrona Jesumo izájidiaillinoi. Izájillano íaioi ínícuirona burro emodo jobédiaioi. Ie mei dinomo Jesús caífo ráinade. ⁸ Aillo comini íaioi iniroi iomo jobédiaioi. Jíáimaci íbiairede amena rábaillai otá iomo jónetiaioi. ⁹ Uícoídimaci ódaídimaci diga jíirioicaídiaioi:

—¡Ebírede! ¡Juzíñamui mámeçido bitímie caimáreficairi! ¹⁰ ¡Como íacade illáimana illíno caimare comuiri! ¡Ua cai jaiáigima comuídimie David illáimana illíno ñue móonairi! ¡Juzíñamui ebírede rafue daiíri! —daiíaiói.

¹¹ Ja daií Jesús Jerusalemo jofo jaide. Jaillano Juzíñamuimo gairíracomo jaide. Nágafenemo eróirioicaillano jino Betániamo jaide, naa ie doce diga llófuegamaciri, mei ja nauídeza.

Jesús llizíñede higuera daina amena faidode

(Mt 21.18-19)

¹² Afe jiáiruido Betániamona jino abido billano, Jesús jufíruite. ¹³ Macádiaioimo ñue íbiairede higuera aménana Jesús jicana ciode. Iemona dínomo jaide afénamona nibai ie llizíllajiaína óllena. Mei íadi Jesús dúciillano, hígojiaína baiñede. Afe amena táinona fia íbiairede, mei aféruimo hígonino nai dúciñedeza. ¹⁴ Iemo Jesús afe aménana fáiduoano daide:

—Jaca benómona buna bie amena llizíñenamona ie llizíllajiaína ríeñeiteza, —daide.
Daií ie dáinana ie llófuegamaci cacádiaioi.

Juzíñamui gairíracomo Jesús duano ñue finode

(Mt 21.12-17; Lc 19.45-48; Jn 2.13-22)

¹⁵ Ie mei Jerusalemo meine dúcidiaioi. Juzíñamui gairíracomo Jesús jofo jaillánona, dínomo ráaie fecádino íbárioidino diga jino júuaide. Ucube méidoraini ibani Jesús caitade, fíicirillai fecádino ráiraniai diga. ¹⁶ Afe gairíracomo buna minícana úiñellena afémie rairuide. ¹⁷ Iaiói llófuete:

—Juzíñamui Cuegáuai daide: “Cue jofo ua nana náiraímo Juzíñamuimo úrille illácona mameide,” mei íadi meríritino illano jae afénona finódiomoi, —daide.

¹⁸ Lletáriraini illaini, ocuícáfue llófueraini diga afe ie finócafueña fidídiaioi. Iemona afémie fállena jenódiaioi. Iena jacíruitiaioi, afémie llófueinafueri nana nairai iere fáigacaideza. ¹⁹ Ja nauízaidemo Jesús afe jófueмона jino jaide, naa ie llófuegamaciri.

Nauí ciona higuera amena jae zaférede duíraína jaide

(Mt 21.20-22)

²⁰ Afe jiáiruido, jítiramo meine abido Jerusalemo íaioi billano, nauí ciona higúerana abido ciódiaioi, mei íadi birui afe amena nana ie jáinauairi zaférede duíraína ja jaide.

²¹ Iemo Pedro comeci uíbicaillano, Jesuna daide:

—¡Llófueraima, erói! O faidoca higúerana ja duíraína zaféreficaide, —daide.

²² Jesús íaioimo uai ote:

—Juzíñamuimo mai omoi íinofireiri. ²³ Uáfueña ómoina dáitícue, dáamie jizíñeno nana ie comécido íinuamona, bie caifóneduna ocuícana daiíadi, “Benómona oni ii; jóraímo dotábicaíri,” afe ie dáinana ua zúite; afémie jeire ua llezica, afefue daií afémiemo íficaite. ²⁴ Ie jira ómoina dáitícue, Juzíñamuimo omoi úrillano jicaca raa, ja nibai o llínoga, áfena mai o íinofireiri. Iemona afe jicaca raa óitíomoi. ²⁵ Nágaruído Juzíñamuimo o úriadi, jiáimiena o éoiadi, mai íemo o comécimo ite íaífue féitari. Daií o finori, monamo ite omoi Moo Juzíñamui ómoimo ite íaífuaíai dóllena. ²⁶ Iadi o abi ímie íba omoi óiadi, monamo ite omoi Moo Juzíñamui, ómoimo ite íaífuaíaina dóñeite.

Jesumo ocuille uai ite

(Mt 21.23-27; Lc 20.1-8)

²⁷ Iemo Jerusalemo abido bitíaioi. Jesús gairíracomo maca llezica, lletáriraini illaini íemo ánozidiaioi. Afe llezica ocuica uai llófuetino afémiemo gairídíaioi, éicomini diga.

²⁸ Nana íemo jicánotiaioi:

—¿Bífuiaí fínuana, bu o ocuilla? ¿Bu ríinodo bie raa finódio? —daií daiíaiói.

²⁹ Jesús íaioi uai ote:

—Omoimo daa rafue jicánoitícue. Cuemo uafue omoi llóyadi, bífuiai cue finoca ríino ómoimo llóitícue. ³⁰ ¿Bu mei ocuica báutizallena Juan? ¿Juzíñamui nibai ocuica, nibai comini? Mai fáirio, —daide Jesús. ³¹ Ie mei afémaci dani júfidotíai; daidíai:

—Juzíñamui ocuica cai daíadi, Jesús caina fairíoite: “Iemona ¿nibái mei íemo íñoñediomoi?” ³² Mei íadi comini ocuica, daínidicai, —daidíai.

Comínina jacíruillano daí úritíai. Ja onódiaioiza, nana comini Juamo ñue coméciidiaioi: “Ua Juzíñamui uaido Juan úrite,” daidíai.

³³ Iemona Jesuna daidíai:

—Onóñedicai, —daidíai.

Ie mei Jesús íaioina daide:

—Ñie ríinodo bie raa finódícue, daje izói ómoimo llóñeitícue, —daide.

12

Comini fáfirede táijidino jíáifuena caina onótate

(Mt 21.33-46; Lc 20.9-19)

¹ Iemona Jesús íai onógafuiaido íaioimo úrizaide; íaioina daide:

—Nauí dáamie jíriconai izoide raa rizájide. (Afe jíricue izoide raa rínano viñédona mameina.) Afémie afe rillano ie abi cirínora finode. Ie mei afe jíricona eroide úvaiai zaizíraco finode, afe llizilla iji íai óllena. Nane are caifo jacafai cigi úíñoraco afémie nite, afe rigano ñue úíñollena.

‘Ie mei afe énie naama dáarie táijitaganomo ie rigano fecade, áfena íai úíñollena. Afémie daí fécano oni jica jíáie éniemo jaide. ² Jíriconino llezica, ritímie ie ocuícámie afe táijitagamacimo orede, íeiena mameide llizíllajiai dieze óllena. ³ Mei íadi afe uáíbitimiena llaitádiaioi; lláitano íai faga. Daí ñeta ria íemo fecáñeno oni éna orédiaioi. ⁴ Ie jira afe naama nane jíáie ocuícámie orede. Mei íadi afe orécamiéna nóñiedo níjidiaioi. Níjiano ie ifona íai bofeca. Iemo fieni éna úritíai. ⁵ Daje izói nane jíáimie orede. Afémie íai titaca tíide. Afe mei diga icaiño aillo jíáie ocuícámiai dínomo oréide. Afe orécamacimona dámerie fia faga; jíáimaci tícoizítiaioi.

⁶ ‘Nai dáamie naama dibénemo ite. Daa afe naama jitona fiébite; iere ie izíruigámie. Iraicaiño ie jito orede. Comeci facade: “Afémaci ñue íemo coméciillano éna ñue íñoitíai; ie daína uaina jeire ótíai,” daide. ⁷ Mei íadi táijitagano dani afémaci úritíai: “Bímie nibai ie moo feci raa máíñoitimie. Mai ie cai faa, ie mei cai náamatallena.” ⁸ Ie jira íai llaitaca; íai titaca tíide. Ie mei ie abi raíñeno afénomona oni dotaca.

⁹ Ie mei Jesús jicánote:

—¿Ñie izói bie énie naama afe fiénidinona fínoite? Billano afe táijitaganona títaite. Ie mei afe jíricore izóidino jíáie úíñoraimacimo fécaite.

¹⁰ ‘¿Jai Cuegáuaina nai facádoñediomoi? Afe uai bie izói daide:

Jofó níraíni oni fádoica nóñie, ja ñuera jíáilliraina jaide.

¹¹ Bie cai Ocuíraima finoca.

Iere jamánomo ebire caímo cíoide.

Dínorí Jesús úrite.

¹² Iemona Jesuna llaitácadiaioi, llavéllena. Mei ja onódiaioiza, Jesús bie onógafuedo íaioina uáitate. Mei íadi comínina jacíruillano, Jesús jetáñeno éna fiédiaioi. Fíiano oni jíáinomo jáidiaioi.

Gobierno íbátaga úcube cai íballena Jesús llote

(Mt 22.15-22; Lc 20.20-26)

¹³ Afe mei fariseo illáicomini afémacimona dáarie Jesumo orédiaioi. Daje izói Heródemo jaináidinomona orédiaioi, Jesuna úritallena, afe ie uaido taino íeri nitállena.

¹⁴ Bimaci billano éna daidíai:

—Llófueraima, onódicaiza jíáimaci ie lloga uai íñoñoeno, o jaca uáfuena úrifiredio. Comini jínofene ciona izói riire jicánoñedio. Mei jíáifodo Juzíñamui lloga cai ñue illafue jífueñoeno jino llófuetio. ¿Mei iere riíredillaíma ocuica úcube íemo fecáredicai, nibai fecánidicai? ¿Afe cai fecállifue figora, nibai figóñede? —daidíai.

¹⁵ Mei íadi Jesús íaii uáfodo úriñenafuena onode. Ie jira íaii daide:

—¿Nibái mei cue jánari táinona úritiomoi, cue llaitállena? Daa úcubetuni cuemo ati, cue eróillena, —daide.

¹⁶ Afétuni atídíai. Afe eróillano Jesús íaiimo jicánote:

—Bie uiéco jana, ¿bu ie? Benomo cuega mámecei ¿bu ie? —daide.

Afémaci fairíotíai:

—Rííredillaíma ie, —daidíai.

¹⁷ Iemo Jesús íaii daide:

—Ríillaíma ie raa íemo abido ine. Daje izói Juzíñamui ie raa íemo abido ine, —daide.

Afémacina ie dáinari iere comecei jíáifoficaíai.

Tíidino meine abido cáadena íllena jicánotíai

(Mt 22.23-33; Lc 20.27-40)

¹⁸ Ie mei saduceo imaci dáarie Jesumo úrizaidíai. Bimaci tíidino meine abido cáailleña lloñédíai. Ie jira bie táino lloga rafue Jesumo jicánotíai. Nai jicánoñenia fueñe daidíai:

¹⁹ —Llófueraíma, Moisés jaiáimona caimo cuegáuai daide: Daa íima áiredimie ie úrue nai íñena llezica tíadi, ie ama afe ofaiño óite. Aféngomona daa jító comuírede ie ama tíidimie íena. Daí daína mei jicánotíai:

²⁰ ‘Mei nauí siete dígade ámatíai cai cígimo ite. Nanóidimie áirede. Afémie jítónino tíide. ²¹ Nanóidimie emodo ímie ie ama fecingo ote. Daje izói jítónino tíide. Daje izói nanóidiaíllinoí emodo ímie afe fecingo uano jítónino tíide. ²² Nana afe siete dígamíai nanóidimie fecingo otíai. Afémacimona daa jítóna comuíñede. Afe ícoímo afe fecingo tíide. ²³ Ie jira meine abido cáalliruimo ¿bumo afengo dúide? Mei siete dígamie daango otíaiíza, —daidíai.

²⁴ Mei jira Jesús fairíote:

—Omoi onóñoeno fieni comecei facádotiomoi, mei Juzíñamui Cuegáuaina onóñediomoíza. Daje izói ie ríinona onóñediomoíza. ²⁵ Mei tíidino meine abido cáaille llezica aína óñeitíai. Afe izói íaii jízaníaina ínirétatañeitíai, mei monamo ite Juzíñamui abí imácaí izóitíaiíza. ²⁶ Mei íadi tíidino meine abido cáallifue díbénedo llogáfuena ¿nai facádoñediomoi? Afefue Moisés cuegánicomo ite. Aféruimo Juzíñamui Moísemo boode raroci cígido úrite. Bie izói íena daide: “Dáanomo Abraham ínoga Juzíñamuidícue, Isaac, Jacob díga, mei biruí afémaci cue illánomo cue díga cáadiaííza,” daí Juzíñamui daide. ²⁷ Iemo Jesús nai daííode: Mei ua íñédino Juzíñamuiñedeza; mei íadi jíáifodo cáadimaci ie Juzíñamui. Daí bífuena omoi baitáñenia iere féiraitíomoi, —Jesús ja dínomo daide.

Iere jamánomo íñorede caimo ocuica uai

(Mt 22.34-40)

²⁸ Afe dáaruído ocuica uai llófueraíñimona dáamie Jesumo dúcide. Jesumo gairídino nana Jesús díga úrilla uaina afémie cacade. Daje izói Jesús ñue íaii uaina fairíuana afémie cacade. Afe uai fairíuana fidíillano Jesumo jicánote:

—Nana ocuica uáimona, ¿nie iere jamánomo íñorena? —daide.

²⁹ Jesús ie uai ote:

—Nana ocuica uáimona bie iere íñorede nánora uai: “Israel, mai omoi cácarei. Cai Ocuíraíma Juzíñamui jaca daade. ³⁰ Mei jira nana o comécido o Ocuíraíma Juzíñamuina izírui. Daje izói o comécimo ite joreño díga izírui. Daje izói nana o ífo úrilla uaido íena

izíruiri. Daje izói nana omo ite ríinodo íena izíruiri.” Be ñie nánora ocuica uai. ³¹ Afe méifoide ocuica uai daje izói jóide. Afe uai daide: “Dama o abi o izíruilla izói, afe izói o aino ímiena mai izíruiri.” Jiáie ocuica uai izoide bie baimo ñede, —daide.

³² Iemona Ocuica uai llófueraima daide:

—¡Je mei! Llófueraima, ñue daidio. O daina uafue. Uáfueña Juzíñamui daade. Afémie baimo jiáimiena ñede. ³³ Daje izói afémiena nana cai comécido izíruillena ñuera. Ie llezica nana cai ifoci úrilla uaido íena izíruillena ñuera. Ie llezica nana cai comécimo itífuaído íena izíruilla ñuera. Ie llezica nana caimo ite ríinodo íena izíruillena ñuera. Daje izói cai abi ímiena daní cai abi izíruilla izói, afe izói íena izíruilla jitáirede. Bie izói cai izíruilla, aillo ráifide. Ua, nana fatá Juzíñamuimo fia fecaca rílleníai baimo ráifide, nana Juzíñamui íobitallena jobaica rílleníai ñega, —daide.

³⁴ Iemona baitádimie izói afémie ie fairúa uaina cacáillano, Jesús íena daide:

—Juzíñamuimo dúillena ímiena íanori itio, —daide.

Afe mei jacíruillano buna jiáifuena Jesumo jicánoñediaioi.

¿Bu jitó Cristo? Jesús dama jicánote

(Mt 22.41-46; Lc 20.41-44)

³⁵ Jesús gairíracomo llófullofueña llezica, comínimo jicánote:

—Onódiomoiza ocuica uai llófueraíni “Cristo David jitó” daiífirediaioi. ¿Ñie izói daiírede? ³⁶ Mei dama David Juzíñamui Joréñodo úrite; daide:

—Monamo ite cai Moo Juzíñamui cue Ocuíraimana daide: “Cue nabézimo rainai, o éoigamacina cue anáfenolliruimo,” daií David daide. ³⁷ David Crístona “cue Ocuíraima” daiíadi, ¿nie izói afe llezica Cristo ie jitona írede? —daide Jesús. (David emodo imácimona Cristo cómuide.)

Aféruido aillo comíni, caimare Jesús úrilla cacáreizaíbitiaioi.

Ocuica uai llófueraíni fiene illafue Jesús jino comínimo llote

(Mt 23.1-36; Lc 11.37-54; 20.45-47)

³⁸ Jesús llófullofueña llezica íaioina daide:

—Ocuica uai llófueraínimona abí omoi rairuiri. Afémaci áreña ñuera ínícuro jítano comíni uíecomo mácafírenana gáidiaioi. Afe llezica íaioi anamo comíni fecáracuaimo ñue jacíruioicana íaioi uáiduana gáidiaioi. (Daje izói comíni íaioi ñaíruai jíruillena gáidiaioi.) ³⁹ Afémaci Juzíñamui uai llófueraíni ite ñuera ráiiranona raíre jiáimaci uíecodo jenófirediaioi. Afe izói comíni iráiziracomo iráiziadi, afémaci íere ñuera ráiirano uíecodo maíñófirediaioi. ⁴⁰ Afémaci fecínguai jofue naa íaioi raari bairófirediaioi; mei íadi comínimo jiáífodo afémíai cíoillena, are Juzíñamuimo úrioidiaioi, comíni éoilla llezica. Afémaci íere jamánomo duere finócamacina jaitiaioi, —daide Jesús.

Dúerede fecingo fecaca úcube jamánomo ñuera

(Lc 21.1-4)

⁴¹ Iemo Jesús Juzíñamuimo gairíracomo ráicana eroide. Ucube dotáranu uícomo ráiide. Comíni afénomo úcube dotájillamo eroide. Íere ráaredino aillo úcubena dotádiaioi. ⁴² Bie llezica fecingo dúeredingo mena úcubetuni dótaíbite. Bituni íainguai ‘cobre’ íe; íere due ráifide centavo izoide. ⁴³ Ie mei Jesús íe llófuegamaci jíruillano íaioina daide:

—Uáfueña ómoimo llotíue. Bie dúerede fecingo úcube jóoneracojimo dotaca úcube, íere jamánomo jiáimaci afénomo dotaca úcube baimo jaide. ⁴⁴ Nana jiáimaci úcube fiébide államona dotádiaioi, mei íadi afengo dúeredingo íadi, nana aféngomo ite úcube íe íga. Afengo güille óllena úcubena nana afengo ja dotaca, —Jesús daide.

13

Gairíracu uire júdaillena Jesús íe llófuegamacimo llote

(Mt 24.1-2; Lc 21.5-6)

¹ Jesús gairíracomona jino billa llezica, ie llófuegamacimona dáamie íena daide:
—Llófueraima, ¡bie iere ñuera nófiemo eroi! ¡Daje izói bie jofo áilluemo eroi! —daide.

² Iemo Jesús uai ote:

—Mai bie áillue jófuemo ñue omoi eroi. Benomo daje emódomo nófiena fiebiñeite. Nana oni júdaille, —daide.

Íraírui uícodo íitífuiai
(Mt 24.3-28; Lc 21.7-24; 17.22-24)

³ Afe mei Olívona mameide ídumo jáidiaioi. Gairíraco uiéco dibénemo ite. Afénomo Jesús ráiidemo, Pedro, Jacobo, Juan, íemo Andrés báinino íena daidiaioi:

⁴ —Nana bífuiai o daína júdaille zuíllaruina onóiacadicaí. Mai caimo llone. Nana bífuiai fúiacana ¿nie izói caina onótaite? —daidiaioi.

⁵ Jesús uai ote:

—Bu omoi jífueñeillena, ñue abí omoi rairuiri. ⁶ Aillo cue mámecido imaci abi jítano bíitiaioi. “Cristodicue” daínano bíitiaioi. Afémaci aillo comínina jífueitiaioi.

⁷ ‘Mei íadi aillo áinori ite fuiríllafuena, íemo jica ite fuiríllafue diga omoi fidíadi, omoi jacínaiñeno iri, mei afe daí íredeza. Mei íadi nai íraíruiñedeza. ⁸ Mei aféruimo daa nairai jáí náiraímo fuirízaite. Afe llezica dáazie jáíziemo jobáirizaite. Aféruillaído diga illánomo énie riire dócaite. Dáaruído aillo júbie diga éñiaído iite. Be aféfuiai comini duere zefuille táinia raa.

⁹ ‘Mei jira abí ñue omoi rairuiri, mei riire ocuídmaci gairíllanomo omoi uítiaioiza; Juzíñamui uai llófueriracomo ómoína fáziitiaioi. Cue ícoína riíllaini uícómo ómoína óreitiaoí, jamánomo riiredillaini diga. Afe daí cue dibénedo íaioímo úritiomoi.

¹⁰ Mei íraírui nai dúciñena llezica, cai jíllonafue uai nana náiraímo jino llóredeza.

¹¹ Riíredillainimo omoi oreille llezica, omoi úrillifuemo raire uícómo comécido facáñeno omoi iri. Daje izói omoi comécillifuemo raire uícómo uibíñoñeno iri. Aféruimo Juzíñamui omoi ífomo úrilla izói, mai omoi daíri, mei dani omoi úriñeitiomoi; omoi comécimona Juzíñamui ie Ñuera Joreño úrite. ¹² Afe llezica dáamie nahí ie ámamo fiénidífue nítano jáímierna ie fatátaite. Daje izói móotiai nahí ie jitótiaína fiénidífuedo izájitaitiaoí, íaioí titállena. Afe íbana íaioí jitótiai, nahí ie móotiaímo fiénidífue nítano íaioí fáite titállena. ¹³ Cue ícoína, nana comini ómoína éoillano iere íáruitiaoí. Mei íadi íraíruiimo jáicina Juzíñamuimo iere féitañeno ínotimie jíllobicaite.

¹⁴ ‘Jaiái Juzíñamui uai jino llóraíma Daniel daa iere íáruiga raa dibénedo cuete. Afe íáruitaitaite raa nabene jofue júdaítaite. Afe fiénidífueña oruide raa Juzíñamuimo gairíracomo ite jeruícacomo jóonia llezica, Judea éniemo itino, árera íduaimo botárediaioí. (Bibe facádimie mai ñue onoiri.) ¹⁵ Aféruimo o jofo jinófene idamo omoi íadi, jofo eromo ite ráaniaína omoi uájíñeno iri; raire botari. ¹⁶ Jacáfaimo tájídímie abído jofomo biñeno iri, ie incuiruai óllena. ¹⁷ Aféruimo ite ringóniai namóciredino iere duere zéfuitiaoí, aizínidiaioíza. Daje izói monoi jirode duera úrue llíidíngotiai duere zéfuitiaoí. ¹⁸ Ie jira Juzíñamuimo omoi jicari, “Nóci illáruillaído caina botátañeno iri.”

¹⁹ Bie izói duere zefuúlliruina jaca jaiái ífinide. Ua, Juzíñamui bíníe fínuamona benomo afe izóidena íñede. Aféruillaí méifomo afe izói íñeite. ²⁰ Juzíñamui afe zúuredíruí are jóoneadi buna jíllóñeille. Mei íadi afémie nizécanona izíruillano íanori afe zúuredíruina afémie jóoneite. Are íñeite.

²¹ ‘Iemona aféruimo dámie ómoína daíadi: “¡Erocai, benomo ite Cristo!” áemo íñoñeno iri. Daje izói jáímie daíadi: “Eroi, batínomo ite Cristo,” áfena íñoñeno iri. ²² Mei uafue, aféruído aillo jífueritino bíitiaioí. “Cristodicue” dáitiaioí. Daje izói “Juzíñamui dibénedo úriticaí” daínano comínina jífueitiaioí. Afémaci cíórainina ráaniaí fínoítiaioí, jáíe jacíredífuiai diga, comini jífuellena. Uafue, daje izói dama Juzíñamui

nizécanona jífueacadiaioi, afémaci daí jífuetareniadi. ²³ Mei íadi mai ñue omoi comeci facáoiri; mei nana bífuiaina jae uícodo ómoimo llotícueza.

Monámona bite Nanoide fima Jitó, Cristo meine billena Jesús llote
(Mt 24.29-35, 42-44; Lc 21.25-36)

²⁴ 'Ie mei aféruillaído, zúurediruillai méifomo, jitoma duíbicaite. Fiui égaiñoñeite. ²⁵ Monamo ite úcuai cócítiaioi. Afe llezica mona eromo ite ríino mozídino, mairíñeno jaillano dócaítiaioi. ²⁶ Iemo nauí monámona bite Nanoide fima Jitó Cristo meine abido cíocaite. Uíllie cígído biite; aillo ríino díga. Jamánomo ebírenafuedo biite. ²⁷ Afe mei ie abi imácina óreite, nana ie nizécamaci nana mona fuédamona gairítallena. Ua jamánomo jica ite ígobiai imácimona nizécano nana dáanomo atille. Daje izói énie fueda imácimona nizécano nana dáanomo atílliaioi.

Nai ie llófuegamacimo llófuiano, íaioina daide: ²⁸ 'Mai bie higuera amena rafue omoi onoiri. Afe higuera íbiai firuilla llezica fimona ánozillana onódiomoiza. ²⁹ Daje izói nana bie zúurediruillai zuíllana omoi cíoiadi, íraírui ánozillana onóitiomoi. Jae iere íanori ite. ³⁰ Uáfueña ómoína dáitícue, afe illáruido itino comini nai tíñenia, nana bifue zúite. ³¹ Nana mona énie díga fúite, mei íadi cue daina uai jaca ninomo méidonide. Cue llua izói zúite.

³² 'Mei íadi afe illíruina buna onóñena. Daje izói Juzíñamui abi imaci onóñediaioi. Ua afe izói Juzíñamui Jitó aféruina onóñede. Dama cai Moo Juzíñamui onoiga.

³³ 'Ie jira, aferui dúcinana onóñediomoiza, mai ñue figo abina omoi onoiri. Afe llezica mai ñue omoi uíñori. Daje izói Juzíñamuimo úrifireiri. ³⁴ Cue meine billífue dámie jica jailla izoide. Afémie nai jáiñenia íemo táijidínona ie jofo uíñotade. Illa dígamie dáarie táijillena igáiaioi. Iemo naze uíñoraíma jóniano, íena riire ocuide, jofo uíñollena. ³⁵ Afe izói mai omoi abi onóicana uíñori, mei jofo naama billírui ónoñegaza. Níbai nauoilla llezica biite, níbai dáaferuimo, ónoñega. Níbai atava úrilla llezica, níbai jítiramo afémie biite; ónoñega. ³⁶ Mai abi omoi onoiri, afémie raire bíadi, omoi iníllena ie cíñoillena.

³⁷ Omoína cue daina izói nana comínina daidicue:
—Cue bíllemo abi omoi onoiri, —daide Jesús.

14

Comini Jesús llaitállena maméritiaioi
(Mt 26.1-5; Lc 22.1-2; Jn 11.45-53)

¹ Nai ménarui ite pascua ráfueño. Afe rafue llezica afénomo ite comini íaioi pan fáitara jóneñeno güífirediaioi, mei aféruillai fáitañega pan güífrenafue. Lletáriraini illaini ouícafue llóraini díga Jesús jífuído llaitállena jenódiaioi, ie titállena. ² Iadi daidíaioi:
—Íraízie ana íena llaitánide; áfemo comini ficire júfidoñeilleza, —daidíaioi.

Ringo zióredijido Jesús ifona jillaide
(Mt 26.6-13; Jn 12.1-8)

³ Jesús Betániamo ite. Simón jofomo ite. Afe Simón chíñaitimiena mameide. Güirácomo íaioi ráina llezica, daa ringo jamánomo ráifide ziórediji Jesumo jilláizaibite. Afe ziórediji duera alabastro daina nofici finoína icítirumo ite. Afe ziórediji mámei nardo. Afeji jáiñena fáñega. Afengo afe icítiru llaillano, Jesús ifomo áfeji totade. ⁴ Afénomo itínomona dámerie áferi ríicaidiaioi. Dani conímana riire daidíaioi:

—¿Níbai mei bie ziórediji táinomo dotade? ⁵ Afeji trescientos romano úcubetuni baimo fecárede, duéredimacina canóllena, —daidíaioi. Aféngomo ríicaillano íáiruitiaioi.

⁶ Mei íemo Jesús daide:

—Mai aféngona fáicanocai. ¿Níbai mei aféngona áfedodiomoi? Bie cuemo afengo finócafue ñuera. ⁷ Mei jii, duéredino jaca omoi cígimo íitiaioi. Omoi jitáidi afémacina canórediomoi. Mei íadi cue omoi cígimo are íñeiticue. ⁸ Afengo ñue cuemo finórede

raa cuemo finuaibite. Jiáimaci cue raíájiñenia cue abimo zióredijina afengo cuemo jóoniaibite. ⁹ Uáfuenta ómoina daíitícue, náganomo bie éniemo comini jílloille uai jino llóyadi, bie ringo cuemo finócafue jino llóitiaioiza, áfemona aféngomo uíbicaifireillena.

Judas Jesús íena éoidímacimo izáijide

(Mt 26.14-16; Lc 22.3-6)

¹⁰ Ie mei Judas Iscariote lletáriraini illaini dine úrizaide, Jesús afémacimo izájillena. Afe Judas, doce dígamie Jesús llófuega ímie. ¹¹ Afe illaini Judas dánana cacáillano, ióbidiaioi. Afe jira íena daidíaioi: “Jesús caimo o atíadi, úcubena omo íbaiticai.” Iemona Judas nie izói Jesús íaioimo fecállena jenode.

Jesús íraifuena güillafue

(Mt 26.17-29; Lc 22.7-23; Jn 13.21-30; 1 Co 11.23-26)

¹² Fáitañega pan rafue nanódiruimo oveja jiza fáfirediaioi, pascua ráfue mo ríllena. Aféruimo jae dúcide. Aféruído Jesús llófuegamaci íemo jicánotiaioi:

—¿Ninomo pascua rafue uícodo cai finuaillena óiacadio, afénomo pascua ráfue mo mameide güille cai güillena? —daidíaioi.

¹³ Ie jira ie llófuegamacimona ménailinoi óriano daide:

—Jófuemo jai. Dinomo jainoi icírudo úftimiena báitiomicoi. Iedo jairi. ¹⁴ Afémie jofo jáillanomo, afeco náamana daiíri: “Llófueraíma daide, ¿Ninomo ite cue güillino cue llófuegamaci díga? Dinomo pascua rafue llezica güíticai daide.” ¹⁵ Jira afécona ómicoimo ácatajite, áillico. Caifóidícomo iite. Ja fuífide. Dinomo cáiena finori, —daide.

¹⁶ Jira llófuega íaillinoi oni jaillano jófuemo dúcidiailinoi. Dúciillano uícodo Jesús íaillinoína daína izói baizájidiaillinoi. Pascua rafue ja finódiailinoi. ¹⁷ Nauzáilla llezica, Jesús doce díga ie llófuegamaciri dúcidiarioi. ¹⁸ Güirábanimo güitíaioimo Jesús íaioína daide:

—Uáfuenta ómoina daíitícue, daa ómoimona, cue díga güitínomona cuena fécaite, —daide.

¹⁹ Jira afémaci zúucaidiaioi. Afe llezica dáamíerie Jesumo jicánotiaioi:

—¿Níbai cue? —daide.

Jiáimie daje izói daide:

—¿Níbai cue? —daide.

²⁰ Jira Jesús uai ote:

—Afémie daa ómoimona, bie doce dígamiedemona; ua cue birui díga dáajemona güitímacimona. ²¹ Nanoide hima Jitódícueza Cuegáuai lloga iodo jáidícue; ua cue tíillinomo jáidícue. Mei íadi cue fecádimie, ¡nii iere dúerena! Afe hima jócoñegana baímo ñue jaide, íadi jae comuide, —daide.

²² Güitíaioimo, Jesús pan llíinota daide:

—Iere figora, —daide. Daína mei dídade. Dídade íaioimo fécajano daide:

—Mai omoi güi. Bie cue abi, —daide.

²³ Iemo Jesús jiróracuri llíinote. Afécuri vónona oruítaga. Ie mei:

—Iere figora, —daínano íaioimo ite. Nana afécurimona áfeji jiródiaioi. ²⁴ Iemo daide:

—Bie cue die; áfedo comue dájemo llíinoga uai uáfuenta daiíllena. Aillo nairai jíllollena cue die tóite. ²⁵ Uáfuenta ómoina daidícue, ja biruímona afe uva rao llizilla iji jiroñeítícue. Ua nágaruillaído Juzíñamui illáimana illírui nai biñena llezica jiroñeítícue. Aféruimo comóicana áfeji nane meine dáanomo jíroítícue, —daide.

Pedro Jesuna jáanuana Jesús uícodo lloite

(Mt 26.30-35; Lc 22.31-34; Jn 13.36-38)

²⁶ Juzíñamui rua íaioi rua mei, jino Olivo daínádumo jáidiaioi. ²⁷ Iemo Jesús daide:

—Bie naio, iomo come éicitaila izói, méaicaillamona nana omoi cuena zóofeitiomoi. Cuegáuai daide: “Ovejai úiñoraimana fáiticue; fállemona ovejai oni ráijicaitiaioi.” ²⁸ Mei íadi cáadimiena meine abido cue ille méifodo, omoi uiécomo Galiléamo jáiticue, —daide.

²⁹ Jira Pedro daide:

—Nana ona fáicanocaitiaioimo, jaca o fáicanocaiñeiticue, —daide.

³⁰ Iemo Jesús uai ote:

—Uáfuenta dáititicue, bie naio atava ménacaiño nai úriñeniadi dacaiñoámani cuena jáanoitio, —daide.

³¹ Mei íadi afémie iere afe íeñede úricana daide:

—O diga cue tíllena jitáiyadi, nai ona jáanoñeiticue, —daide.

Nana daje izói daidíaioi.

Jesús Getsemanimo Juzíñamuimo úrizaide

(Mt 26.36-46; Lc 22.39-46)

³² Iemo güiracomona jino billano Getsemaní ibírimo dúcidiaioi. Dinomo Jesús ie llófuegamacina daide:

—Bai bené Juzíñamuimo cue úrizaila llezica, benó omoi ráiyi, —daide.

³³ Iemo Pedro, Santiago, Juan diga uite. Jesús ja zuure cácaide; afémie aillo jaci cácade. ³⁴ Jira daide:

—Cue joreño iere zúureficaide; afe zuufue tílla izói cue orede. Benó omoi fiebi. Abí omoi onoiri, —daide.

³⁵ Iemo Jesús jabo baife jaide. Dinomo éniemo bíjicaillano Juzíñamuimo jicade:

—Nana bie cuemo jíriacade raa cúemona oni o oréreadi, mai oni oreri, —daide. ³⁶ Nai Juzíñamuimo úrioicana daide:

—Cue Moo, ómona nana finórede. Bie iere zuure facállinomona cue zuitari. Mei íadi cue oíacana izói finóñeno iri, mei jíáfodo o oíacana izói finori, —daide.

³⁷ Iemo daámani llófuegamaci diné jaide. Inídiaioimo dúcide. Pédrona daide:

—Simón, ¿ja o inídio? ¿Jaca due jiza abí onóoicana uíñonidio? ³⁸ Abí omoi uíñori. Juzíñamuimo úriri, fiénidifuemo omoi báiiñeillena. Uáfuenta o joreño iere jíerede, mei íadi o abi náinide, —daide.

³⁹ Iemona dáanomona nane, Juzíñamuimo úrizaide. Daje uáillaina daide. ⁴⁰ Ie mei nane bítemo, ie llófuegamaci meine dáanomona inídiaioi. Daií afémaci íniemo, Jesús íaioina cíozaibite, mei íaioi uíji ínie ibáicaza. Íaioi uai ollino íñede. ⁴¹ Ja dacaiñoámani Juzíñamuimo úrillano bite. Billano íaioina daide:

—¿Mei nai birui inídiomoi? ¿Nai ocózinaidiomoi? Jae mai. Nanoide hima Jitódicueza, mei íadi fiénidimacimo cue itábicaillarui ja dúcide. ⁴² Náidacai. Mai cai jai. Cue fecádimie ja bite.

Jesús llaitádiaioi

(Mt 26.47-56; Lc 22.47-53; Jn 18.2-11)

⁴³ Ie llezica Jesús nai úritemo Judas dúcizaibite. Afémie doce dígadimacimona. Afémieoiri aillo comini bitíaioi. Lloefai bigíniai diga bitíaioi. Lletáriraini illáinimona bitíaioi. Dáarie bie comini ocuífue llófueraimona éicomini diga bitíaioi. ⁴⁴ Fecádimie Judas bimácimo ónoitara nauí lloga. Daide:

—Cue ñitállimie níimieite. Ie llaitari. Ñue maiano, ui, —daide.

⁴⁵ Iemo Judas billano, Jesumo ánozillano uáidote:

—¡Llófueraima! ¡Llófueraima!

Daií dainano ñitade. ⁴⁶ Iemo Jesús llaitada, maiano, bitino íena uitíaioi. ⁴⁷ Afe llezica dinomo itínomona dáamie lloefai otá daa bitímie jefo ñetade. Afe jefona ñetácámie lletáriraini illaíma jaiénici. ⁴⁸ Iemo Jesús comínina daide:

—¿Meita meríriraimadicue izói lloéfaillairi bigíniai diga cuena lláitaibitiomoi maiano cue uíllena? ⁴⁹ Nágariuí ómoiri Juzíñamuimo gairíracomo llófuecana iticue; íadi jaca

cuenta llaitañediomoi. Mei íadi bifue íficaide Cuegáuallai fuitállena, —daide. ⁵⁰ Iemona nana llófuegamaci éna fáicanocaillano botádiaioi.

Da Jesudo jáicaide jitócome botade

⁵¹ Mei íadi da jitócome dama áillue iniroi jitada nai Jesús ódana jáicaide. Ie mei bitino éna llaitádiaioi. ⁵² Mei íadi afémie jarire duñuano aferoi íaioimo fainóicaide. Daií ñeta emuíroma jarire botade.

Jesús jicánodoillinomo uiga

(Mt 26.57-68; Lc 22.54-55, 63-71; Jn 18.12-14, 19-24)

⁵³ Iemo judíuai lletáriraini caifóidillaímamo Jesús uitíaioi. Afe llezica nana lletáriraini illaini, íemo écomini, íemo ocuica uai llófueraini diga, dáanomo gairídiaioi. ⁵⁴ Pedro, afe jamánomoidillaíma jofo abi ibírimo, ódana jicado jaide. Dinomo llaizíriraini diga ráiide; irai fuemo agaide abi uzíreillena. ⁵⁵ Nana lletáriraini illaini jamánomo ocuídímaci diga Jesumo fieni íaioi facátallena uai nabáidino jenódiaioi, áfedo éna titállena. Mei íadi áfena baiñédiaioi. ⁵⁶ Aillo íemo taino llotíaioi. Iadi íaioi táinofuiai jaícina jóobiñede.

⁵⁷ Iemo dáarie caifo náidacaillano, afémiemo taino fiénidífue nitádiaioi. Daidíaioi:

⁵⁸ —Afémie dánana cacádicai: “Bie comini finoca gairíraco júdaiticue, íemo daruíámani illemona jíái gairíraco comini finóñegaco abido níiticue,” daide, —daidíaioi.

⁵⁹ Mei íadi nane íaioi lloga uai nabáillafuiai jaícina jóobiñede. ⁶⁰ Iemo lletáriraini illaíma íaioi cígimona jino náidacaillano Jesumo jicánote:

—¿O uai óñeitio? ¿Minica bie omo nitádiaioi? —daide.

⁶¹ Mei íadi daa uai oñede. Iemona lletáriraini illaíma nane dáanomo jicánote:

—¿O Crístodio? ¿Afe cai ñúefuena nitaca Juzíñamui Jitódioza? —daide.

⁶² Jira Jesús daide:

—Jíi, ie mei. Nanoide íima Jitódicue. Uire uáfuena cuenta cíoitomoi. Ua riírede Juzíñamui nabézimo dinomo cue ráinaillana cíoitomoi. Aféruillaído mona ero úilliedo cue bíllana cíoitomoi, —daide.

⁶³ Lletáriraini illaíma jamánomo ríicaillano ícírillamona ie iniroi cúatajano daide:

—¿Níbái mei jíáie uai nabáiraima jíitaiticai? ⁶⁴ Ja Jesús ie uáillaído Juzíñamui dibénemo fieni úrillana cacádiomoi. ¿Omoi, ñie izói éna daidíomoi? —daide.

Iemona nana éna titállena daidíaioi. ⁶⁵ Iemo dámierie afémiemo túallaítiaioi. Afe llezica ie uíeco iníroina íbáillano, éna fatíaioi. Fájano daidíaioi:

—¿Mai bai! ¿Bu o faja? —daidíaioi.

Iemo llaitáidino ie uíeco túcoidiaioi.

Pedro Jesús jáanote

(Mt 26.69-75; Lc 22.56-62; Jn 18.15-18, 25-29)

⁶⁶ Pedro ana jofo ibírimo ite. Iemo daa lletáriraini illaíma canóraíngo afénomo dúcide.

⁶⁷ Pedro irai fue agáillana cióillano, afengo afémiemo riire eroide. Iemona daide:

—O daje izói Nazarena ímie Jesús diga macáfiredio, —daide.

⁶⁸ Mei íadi Pedro jáanuano daide:

—Aféfuena fidíñedicue. Minícado úritio onóñedicue, —daide. Daina mei afémie naze fuemo jino jaide. Iemo íitava úrite.

⁶⁹ Iemona canóriraíngo éna nane cíoillano afénomo itínona daide:

—Afe íima Jesudo jáidímacimona, —daide.

⁷⁰ Mei íadi Pedro meine jáanote. Ja baido afénomo itino Pédróna nane daidíaioi:

—Uáfuena. O Jesús imaci iédio. Galilea ímiedio. O úrilla afémaci úrilla izói jóoide, —daidíaioi.

⁷¹ Ie jira Pedro: “Uáfuena cue llóñenia Juzíñamui cue fáidoiteza,” daide. Dáanomo Pedro ie daina uai nabáillena Juzíñamui mámeçido riire mámano daide:

—Afe omoi úrillamiena onóñedicue, —daide.

⁷² Daií daina llezica atava dáanomo nane úrite. Iemona Jesús íena daináfuemo Pedro uíbicaide. Nano uícomo íena daide Jesús: “Atava ménacaiño nai úriñenia dacaiñoámani cuena jáanoitio.” Afemo comeci fácajano éeiaide.

15

Jesús onínellaima Pilátomo uitíai
(Mt 27.1-2, 11-14; Lc 23.1-5; Jn 18.28-38)

¹ Afe jítiramo lletáriraini illaini íemo eicomíniri gairízaidiaioi, ocuica uai llófueraíni diga; ie emódomo naa jíáie jamánomoidillainiri. Gairíllano Jesumo íai

íai finóllifueri dani úritiaioi. Maiga Jesús Pilátomo izájidiaioi. ² Jira Pilato jicánote:

—¿O meita judío illáimadio? —daide.

Iemo Jesús uai ote:

—¡Ie mei! Daií jaca o daina izói, —daide.

³ Iemo lletáriraini illaini aillo fiénidifui

afémiemo nitade. ⁴ Jira Pilato dáanomo jicánuano daide:

—¿O uai oñedio? ¡Cacai! Diga fiénidiu

ai omo nitádiaioi, —daide. ⁵ Mei íadi Jesús uaina oñede. Afémie uai oñenamona Pilato fáigacaide.

Jesús ie tiállena uáfodo maméritiaioi
(Mt 27.15-31; Lc 23.13-25; Jn 18.38-19.16)

⁶ Afe rafue ana naga fimónado comínimona llogámie llaitácamiena Pilato zuitáfirede.

⁷ Come fatímie Barrabás jae llavéracomo ite, jíáie come fatímaci diga. Nano jíáiruido illaima dotátaruimo comini fatíaioi. ⁸ Ja birui comini Pilátomo jícaibitiaioi. Billano Pilato íai

íai finófirena izói ie finóllena jicádiaioi. ⁹ Pilato uai ote:

—¿Judíuai Illaima ómoimo cue zuitállena jítáidiomoi? —daide.

¹⁰ Pilato ja lletáriraini illaini Jesús úradoillafuedo fécajana fidide. ¹¹ Mei íadi lletáriraini illaini nana comini jeire otímaci. Iai

íai ómoimo cue zuitállena izire omoi jicari, —daidíaioi.

¹² Jira Pilato jicánote:

—¿Nie izói oíacadiomoi omoi mamécamie Judío Illaima cue finóllena? —daide.

¹³ Iemo caillíoicana uai otíaioi:

—¡Cruzmo íena corai! —daidíaioi.

¹⁴ Jira Pilato daide:

—¿Nibái mei? ¡Afémie nie fiénidifue finode? —daide.

Nane dáanomo baímo caillíoicana daidíaioi:

—¡Cruzmo íena corai! —daidíaioi.

¹⁵ Iemona Pilato nairai uícomo ñue íacanamona, Barrabás zuitada orede. Iemo Jesús zechétajano llaizíritinomo izájide íena coráillena.

¹⁶ Ie mei afe onínellaima áillico jofo ibírimo íena uitíai. Aféno

mo nana fuíriraíni gairítatiaioi. ¹⁷ Iemo ñue jáirede inícu

iro, illaima íena, afémiemo jítádiaioi. Aferoi uállaima jítafiregaroi. Afe llezica ífo icuífoi eegi nínacuifoína íemo jítádiaioi. ¹⁸ Jítajano janónaioicana ríire íena uáidotiaioi; daidíaioi:

—¡Figo o iri, Judíuai Illaima! —daidíaioi.

¹⁹ Iemo rázido diga icaiño ie ífo butíaioi. Ie túallaitiaioi. Afémiemo caiñici ana dújullano jífánodoicana íena ebíruitiaioi. ²⁰ Daií ie íai

íai áifedua méifodo, afe illaima jítácaroi íemona duiñódiaioi. Dúíñuano dama íecuirona ie jítádiaioi. Ie mei aféno

mo nana jino íai uiga íena coráiaillena.

Jesús coráina
(Mt 27.32-44; Lc 23.26-43; Jn 19.17-27)

²¹ Jesuna coráiaidiaioimo Cirene ímie Simón jinona jófuemo bite. Afémie Alejandro Rufo íaillinoi moo. Bítemo Jesús coráillibicina rocátatiaioi.

²² Iemo Jesús Gólgota maméidinomo uitíaiioi. Afe Gólgota jiáimaci uaido Ifócorai Illánona mameide. ²³ Afénomo vino erírediji diga jónegana Jesús jirótatiaioi. Mei íadi áfena afémie jiróñede. ²⁴ Afe mei ja Jesuna coráidiaioi. Iemo fuiríraíni onótaraji dotáidiaioi, Jesús inícuero íaiioi máíñuana onóillena. Iemona dájerize illa dígamie ie inícuero uite.

²⁵ Jae jitoma caifo illa llezica Jesús coráidiaioi. ²⁶ Jesús coráigabicimo jiáie uai llotíbicina netáidiaioi. Afébicimo nie íaifue ie fínua jira coraica, daí íaiioi cuega. Bibícimo cuetíaioi: “Bímie Judíuai Illaíma.” ²⁷ Afémie diga mena meríriraíma íaillinoi coráidiaioi, dámie ie nabénemo, jiáimie ie jarífenemo. ²⁸ Jaiái Cuegáuai daí fúbicaide. Aféuai daide: “Afémie fiénidimacimo jaináitaga.”

²⁹ Afe iodo jáidño Jesumo fiéni úritiaioi. Fuena iere riire íena zanódiaioi. Daidíaioi: —Mai, cacai. O Juzíñamui gairíraco ana júdaitimiedioza. Daje izói daruíamani íllado abido afeco níitimiedioza. ³⁰ ¡Mai dama o abi jíllo! ¡Crúzmona ana bi! —daidíaioi.

³¹ Daí daje izói lletárirraíni illaíni, ocuica uai llófueraíni diga, Jesuna janónaitiaioi. Dani conímána daidíaioi:

—Afémie jiáimaci jílloate, íadi afémie dama ie abina jílloante. ³² Mei birui Cristo, Israel Illaíma ana crúzmona bíadi, áfena cai ciónamona afémie uaina ja uáfuenta íinoiticaí, —daidíaioi.

Daje izói afémie diga coráicaiaillinoi fiéni Jesumo úritiaioi.

Jesús tílla

(Mt 27.45-56; Lc 23.44-49; Jn 19.28-30)

³³ Jaíciri illa llezica nana énie jítireficaide. Dahoraámani fidi monáñede. ³⁴ Afe llezica Jesús riire cáilliano daide:

—Eloí, Eloí, ¿lama sabachtani? —afe uai dobáiñuana daide: ¡Cue Moo Juzíñamui, Cue Moo Juzíñamui! ¿Nibái cue zóofetio? —daide.

³⁵ Dámierie afénomo itínomona áfena cacáillano daide:

—Cacarei, afémie Juzíñamui uai jino llóraíma Elías jírrite, —daidíaioi.

³⁶ Iemona afémacimona dámie aizida fíllicide raa uájide. Erírede vínona riáitano, áfena ragüizi ícoimo jóonete, áfedo Jesús jirótallena. Daí ñeta, íemo ñuitade. Afe llezica jiáimaci íena daide:

—Ina jabe. Mai cai éroi, neca afémie Elías ana ólleza, —daide.

³⁷ Ie mei Jesús riire caillida tíide. ³⁸ Afe llezica Juzíñamui gairíracomo zebica jédaciede iniroi, dáfenedo caifófenemona ana cuájicaide.

³⁹ Jesús anamo romano jabóidillaíma uieco díbénemo naidaide. Ie cáilliana cacade. Ie tílla izóidena ciode. Cíuano daide:

—Uafue, bie íima Juzíñamui Jitó, —daide.

⁴⁰ Dáanommo dáarie ringóniai jicana eróiediaioi. Iaiioi cígimo ite Magdalena jofue ingo María, íemo Salomé, íemo jiáie María. Afengo Santiago José ei. Afe Santiago jofófene ímiena mameide. ⁴¹ Bie ringóniai Jesudo jáicadino. Naui Galiléamo ie illa llezica, afémaci íena canódiaioi. Mei íadi bimaci baimo aillo jiáingotiaina, Galilea ingóniai afémiedo Jerusalemo bitíaiioi.

Jesús abi raíáfomo jóoniaidiaioi

(Mt 27.57-61; Lc 23.50-56; Jn 19.38-42)

⁴² Ja nauizaide. Mei aferui ocózinaillarui uícodirui íllaza, comini íaiioi jitaille raa fínófrediaioi. ⁴³ Jira José Pilátomo Jesús abi jícajide. Afe bie José Arimatea jofue ímie. Afémie caifóidillaímaímaímo iere jaináideza, ie mámece jica jalleide. Afémie Juzíñamui illáimana illíruina ñue uíñote. Afémie abi mámano jácicaíñeno Pilato illánomo jaide.

Dinomo Pilátomona Jesús abi jicade. ⁴⁴ Pilato ja ie raire tíllari fáigacaide. Jira jabóidillaima uáidote íemo jicánollena meita uafue daiíllena. ⁴⁵ Jabóidillaima “Jii” dáinamona Pilato fairíote Jesús abi José uíllena. ⁴⁶ Jira José iere ñuera iniroi ibade. Iemo Jesús abi ana uáno, aféroido junide. Iemona idu ana nofici ero raigácomo ite raiáfomo íena jóoniaide. Jóoniano raigaco áillue nofícina ibaide. ⁴⁷ Magdalena ingo María, José ei María diga, afe raiánona ciódiainguai.

16

Jesús tíidemona meine abido cáadimiéna jaide
(Mt 28.1-10; Lc 24.1-12; Jn 20.1-10)

¹ Ocózinaiilarui méifomo Magdalena énie ingo María, Santiago ei María, Salomé diga zíoji íbádiaioi, Jesús abi recuíllena. ² Jira semana nanóidírui jítiramo raiáfomo jáidiaioi. Afe llezica jitoma ja ciode. ³ Iemo ringóniai dúciillano conímána daidíaioi:

—¿Bu mei raiáfo uieco íbaina nofici cairi oni ñuitalle? mei afeci iere áillueza, — daidíaioi.

⁴ Mei íadi érocaillano raiáfo uieco íbaina áillue nofici oni jóoniana ciódiaioi. ⁵ Iemo raiáfo ico eromo íaioi jáillanomo jitócome nabézimo ráiinana ciódiaioi. Afémie árecuiro úzerói jítáoide. Ieri iere jacínaitiaioi. ⁶ Jira ringóniaina daide:

—Omoi jacínaiñeno iri. Omoi Jesús, Nazaret ímie nau coráicamié jenódiomoi. Mei íadi ja tíidemona meine abido cáadimiéna jaide. Benomo íñede. Afémie íaioi jóoniano omoi eroi. ⁷ Ie mei Pédro mo naa jíáie llófuegamaciri lluájiri. Afe bifue daiíri: “Omoi uícomo Galiléamo jaide. Dinomo ie daina izói íena cíoitomoi,” —daide.

⁸ Jira ringóniai raiáfomona botádiaioi. Fáigacaillano cuidíritiaioi. Iere íaioi jacíruillamona bumó lloñédiaioi.

Magdalena énie ingo Maríamo Jesús cíocailla
(Jn 20.11-18)

⁹ Semana nanóidírui monáiacana llezica, Jesús meine abido cáadimiéna jaide. Afe mei fueñe Magdalena énie ingo Maríamo afémie cíocaide. Nau afémie aféngomona siete diga fiénide joríaí oni orede. ¹⁰ Iena ciona mei, afengo Jesús diga nau jáicadinomo lluájide; afémaci nai zuure éenaitiaioi. ¹¹ Afe Jesús meine caade íllana María íaioimo llote, mei íadi aféfuena cacáillano, áfena nai íñoñediaioi. Daje izói afengo “Iena ciódicue” daina uaina íñoñediaioi.

Jesús llófuegamacimona ménaillinoimo afémie cíocailla
(Lc 24.13-35)

¹² Bie mei, Jesús llófuegamacimona ménaillinoi jofue onimo mácajidiaillinoi. Mácajilla llezica Jesús jíáifodo íaillinomo cíocaide. ¹³ Afe íaillinoi jíáie llófuegamacimo abido lluájidiaillinoi, mei íadi daje izói íaillinoína íñoñediaioi.

Jesús ie uai oni llóllena orécamacimo ie uai jóonenocaide
(Mt 28.16-20; Lc 24.36-49; Jn 20.19-23)

¹⁴ Afe jíáíruido once diga llófuegamaci íaioi güiránomo ráidiaioimo Jesús cíocaide. Íaioi comeci ríirena jira, íaioína lletade. Dáanomo íaioi íñoñena jira, íaioína lletade, mei afe íena ciódino íaioimo llógana íñoñediaioiza. ¹⁵ Ie mei íaioína daide:

—Mai nágagobiaido bie jíllouille uai nana comínimo jino omoi lluájiri. ¹⁶ Afe uaina íñoitimié íemo báutizagamie jíllouicaite. Mei íadi afe uaina íñoñeitimié jílloueno duere finócamiena jáite. ¹⁷ Cuemo íñoitino bie onótarafuíai fínoitiaioi, afe lloga uai uafue daiíllena. Cue mámeccido fiénide joríairedimie ite fiénide joríaí oni óreitíaoi. Uícomo óñoñega jíáie uáillaido úritiaioi. ¹⁸ Daje izói titade jaio íaioi llaítada íaioína ainíadi,

tíñeitiaioi. Jucúrediji íaioi jiróadi, iránitañeite. Afe emódomo, iráredimacimo íaioi onoi bitáadi, afe iráredino jílloitiaioi.

Jesús monamo jailla

(Lc 24.50-53)

¹⁹ Afémacimo úrilla mei, cai Ocuíraima Jesús fíaicana caifo monamo uiga. Iemo Juzíñamui nabézimo ráinazaide. ²⁰ Ie mei ie llófuegamaci nágagobiaimo comini jílloina uai llocana uitíaioi. Afe dáamie, cai Ocuíraima, íaioina canode. Afe llezica afémie íaioi lloga uaina cíofinina íaioi finócafuaído uáfuenta daítate; daje izói diga onótatífuaído uáfuenta daítate. Jae ñie.

JUZÍÑAMUI ÑUEFUE SAN LUCAS LLOGAFUE

El Santo Evangelio Según San Lucas

Rafue uiécodo llogáuai

¹ Cue ama izóidimie Teófilomo cueticue. Diga comini caimo comuide ráfuiái ñue jaícina cúellena facádiaioi. ² Afe comuídifuiái táiniamona, áfena ciódino caimo llua izói, cuetíaioi. Afeniaina ciódino ñúefuiái jino llóllena canódiaioi. ³ Afe izói nana bífuiaina ñue jicánofiredicue. Uáfueza, bífuiái táiniana iere jicánofiredicue. Ie jira omo cueticue. Iemona bífuiái jaícina omo cue cúellena cuedo ñue jaide, mei ñúefuiairedimie Teófilodioza. ⁴ Bífuiái omo cúeiacadicue, afémaci omo llogafue uáfueza o onóllena.

Juzíñamui abi ímie Juan Bautista jocoille lloste

⁵ Herodes Judea éniemo illáimana illa llezica, afénomo Zacaríasna mámeciredimie ite. Afémie Juzíñamuimo comini dibénedo úriraima. Afe Zacarías jaiái ímie Aarón jitó, Abías iziemo dúidimie. Ie ai mámecei Elisabet. Afengo daje izói Aarón iziemona comuídingo. Afe Aarón nánora Juzíñamuimo úriraima. ⁶ Afe íaillinoi Juzíñamui eróicana ñue jaícina itíaillinoi. Juzíñamui ocuica uai jeire ófirediaillinoi. Ie jira afe íaillinoimo buna fiénidena jítánidiaioi. ⁷ Mei íadi úruenidiaillinoi, mei Elisabet úrueninide. Iemo jiái jae iere jónaitiaillinoi.

⁸ Iemo daarui Abías izie táijinaruillaimo dúcina llezica, Zacarías Juzíñamuimo úriraimana íllena afémiemo dúcide. ⁹ Iemo afémaci fínofirena izói, íaioi níziamona, uguci uillítallena Zacaríasmo baite. Ie jira afémie Juzíñamuimo gairíraco rairuíredinomo jofo jaide, afénomo uguci uillítallena. ¹⁰ Afémie uillítaa llezica, nana comini jinófenemo Juzíñamuimo úritiaioi. ¹¹ Iemo Juzíñamui abi ímie, ángel dainámie Zacaríasmo cíocaide. Afémie uillítarano nabéfenemo cíocaide. ¹² Juzíñamui abi ímie cíoillano Zacarías iere jacínaillano ie finóacaigana onóñede. ¹³ Iemo Juzíñamui abi ímie íena daide:

—Zacarías, jacíruiñeno iri, mei Juzíñamuimo o jícáfírenana afémie cacádeza. O ai Elisabet jitóreite. Afémie mámecei Juaana o jítalle. ¹⁴ O íóbitio, daje izói aillo comini o úru jocólleri íóbitimaciza, ¹⁵ mei o jitó Juzíñamui uiécómo iere uai ínotimiena mámeiteza. O jitó comini jifáitaraji vino diga jaca jiroñeite. Afémie nai jócoñenia Juzíñamui Ñuera Joreño úicaite. ¹⁶ Afémie Israel náiraimona diga comini comeci ífuiái méidotaite, afémaci ócuifirede Juzíñamui uaimo meine ñue íaioi jíeruillena. ¹⁷ Bie Juan Ocuíraima Cristo uiécodo biite. Afémie jaiái Juzíñamui uai lloraima Elías coméciifirena izói coméciite. Daje izói Elías riire ocuilla izói riire ócuite, ie uaido móotíai íaioi úruíai diga caimare íaioi itátallena. Daje izói uaina náfueñedino afémie afe uaina jeire otátaite. Bie izói afémie comini ñúemacina íaioi fínoite, Ocuíraima Jesús ñue llíinollena.

¹⁸ Juzíñamui abi ímie úrilla llíicaiila mei Zacarías jicánote:

—¿Ñie izói bífuenta uáfuenta onóredicue? mei ja iere jónaiticue, cue ai diga.

¹⁹ Juzíñamui abi ímie uai ote:

—Gabriéldicue. Juzíñamui ócuifiregamiedicue. Ie orécamiedicue omo úrillena, bie ñúefuiái omo llóllena. ²⁰ Mei íadi birui omo cue dáinana o íñoñenamona uáinitio. Benómona úriñeítio o jitó jocóllinomo. Bie Juzíñamui mamécaruimo zúite.

²¹ Afe llezica comini jino itíaioi; Zacarías úiñotiaioi. Afémie are jino gairíracomona biñena jira jacínaioidiaioi. ²² Iemo Zacarías jino bítemo ja úrinide. Afemona afémie gairíraco eromo rairuícanomo nicáirilla izói nibai ciode daidíaioi. Afémie onoi níraídua izói afémacimo úrite, mei afémie úrinideza.

²³ Juzíñamui gairíracomo Zacarías táijinaruillai fúillamona, ie jofomo jaide. ²⁴ Bie mei ie ai Elisabet ja úruereacade. Afengo jofómona cinco diga fiui uáfori jino cíóñede.

Afengo comécido daide: ²⁵ “Juzíñamui ja bie izói cuena úrueretade, íemona comini cuena jámairuifeitiaoi,” daide.

Juzíñamui abi ímie Jesús jocoille lloste

²⁶ Ja seis diga fiui Juan comuillamona, Juzíñamui ie abi ímie Gabriel, Galilea éniemo ite Nazaret mámeceirede jófuemo orede, daa ringo méiñollena. ²⁷ Afengo nai inínde jitaingo. Ie mámece María. Afengo ja jicánogango Josemo iníreillena. Afe José illaíma David izíemona comuídímie. ²⁸ Juzíñamui abi ímie afengo illánomo jofo jaillano daide:

—¡Ona uáidotícue, Juzíñamui ñue finócangodio! Ocuifírede Juzíñamui o diga ite. Nana ringóniaí baímo Juzíñamui caimare omo eroide, —daide.

²⁹ Mei íadi afengo Juzíñamui abi ímie cióillano, afe ie uáimona iere fáigacaide. Iemo afengo comeci anado jicánote, “¿Ñibái cuena daí uáidote?” ³⁰ Ie jira Juzíñamui abi ímie íena daide:

—María, jacíruiñeno, mei Juzíñamui caimare omo eroide. ³¹ Benómona úruereitio, íemona o jító jócoitio. Afémie mámece Jesuna jítaitio. ³² Afémie ñúefuena iere jálleite. Afémie caífo monamo ite Juzíñamui Jitóite. Naui Juzíñamui bínie jaiáidígima David illáimana ória izói, bie Jesuna Juzíñamui illáimana óreite, ³³ jaca ninomo Israel náiraímo illáimana íllena. Ie illáimana íllana jaca ninomo fúíñeite, —daide.

³⁴ Ie jira María Juzíñamui abi ímiemo jicánote:

—¿Ñie izói bie mei ite, mei cue iima diga inédicueza? —daide.

³⁵ Juzíñamui abi ímie uai ote:

—Juzíñamui Ñuera Joreño omo itábicaite. Iemo caífo monamo ite Juzíñamui ie ríinodo ona ráiruíte. Ie jira o jocolle jító jaca Juzíñamui mamécamiéna ite. Iemona comini íena Juzíñamui Jitó dáititiaoi.

³⁶ Iemo jíai o onógango Elisabet úruereite, jamánomo ei ringo íadi. Ie jira úruenitíngo íaioi daínango íadi, seis diga fiui íllamona ja úruereacade. ³⁷ Juzíñamuimona jaca finónide raana inéde, —daide.

³⁸ Ie jira María daide:

—Juzíñamui ócuifíregangodicue. Mai mei Juzíñamui cuena ie daina izói cuemo fínoíteza, —daide.

Afemona Juzíñamui abi ímie oni jaide.

María ie onógango Elisabet uáiduaide

³⁹ Aféruillaído María Judea íduai cígiri ite jófuemo raire jaide. ⁴⁰ Dúciillano Zacarías jofomo jaide. Daí ñeta Elisabet uáidote. ⁴¹ Elisabet daí uáidua cacáillano eromo ite úrueniráiricaide. Afe llezica afengo Juzíñamui Ñuera Joréñodo úicaitaga. ⁴² Ie jira iere ficírede uaido úrite:

—Nana jíáingotíai baímo Juzíñamui iere caimare omo eroide, ñúefue omo finóllena. Daje izói o jítomo iere caimare eroide. ⁴³ Iere jamáingodicue, mei íadi cue Ocuíraíma ei cue eróizaíbite. ⁴⁴ Mei ua, o cue uáidua cacáillano cue eromo ite jító iere ióbillano niráiricaide. ⁴⁵ Juzíñamui ona daina o íinuado iere ióbinangodio, mei Juzíñamui ona daina ñue zúíteza.

⁴⁶ Ie jira María daide:

—Cue joréñodo cai Ocuíraímamo ñúefue llotícue.

⁴⁷ Cue Jíllotaráíma Juzíñamuimo cue comeci ióbicaide.

⁴⁸ Mei Juzíñamui ie dúerede ocuícaingona uibíoicaideza.

Biruímona nana uire íite comini “Iere Juzíñamui ióbitagangodio” cuena dáititiaoi.

⁴⁹ Mei jamánomo ríinorede Juzíñamui iere ñúefuíaí cuemo finódeza.

Afémie mámece ñúefuíaído jacíruieregaci.

⁵⁰ Nana íena ñue jacírúitínona afémie jaca dúecaite.

⁵¹ Finónide ráfúiaí afémie finode.

Fíénidena abi íinotínona afémie jae anáfenode.

⁵² Ríillainina jamáimacina Juzíñamui finode.

Mei jiáifodo comécina mánaidino illáinina orede.

⁵³ Jufíruitinona afémie ñúefuiaido imaci jeíritade.

Mei jiáifodo ráaredinona fia duere imácina orede.

⁵⁴ Ie ócuifiregamaci Israel nairai afémie canode.

Iaioina duéruillena féitañede.

⁵⁵ Naui cai móotiaina daina izói jaca duéruifireite.

Ua, Abrahana ie daina izói, íemo ie náiraina daina izói afémie jaca caina duéruite.

Bie izói María úrilla fuite.

⁵⁶ María daámani diga fíui Elisabet diga ite. Afe mei meine ie jofomo jaide.

Juan Bautista jocóinafue

⁵⁷ Afe mei Elisabet úrue jocólliruimo dúcinamo, jitó jocode. ⁵⁸ Juzíñamui ñue aféngomo érocaillano fidíillano, afengo abi imaci naa onógamaciri afengo uáiduaidiaioi.

⁵⁹ Ocho dígarui íllamona, judíuai fínofirena izói, gairíracomo jáidiaioi úrue bacano ícoi quetállena. Afe llezica ie moo mámecina Zacaríasna jitáacadiaioi. ⁶⁰ Mei íadi ie ei daide:

—Ieñeite. Afémie mámecei Juaana jítalle, —daide.

⁶¹ Aféngona daidiaioi:

—¿Nibái mei? O comínimo afe bie mámecei ñede, —daidiaioi.

⁶² Ie jira onoi níraiduado úrue moomo jicánotiaioi, nie izói mámecei jóoneacade. ⁶³ Ie jira afémie daa cuerábici jicade áfemo cúellena. Líinuano cuete: “Ie mámecei Juan.” Aferi nana comini jacínaitiaioi. ⁶⁴ Afe cuia llezica Zacarías meine nane úrrede. Jira raire Juzíñamuimo ñúefuiai llote. ⁶⁵ Béri nana abi imaci jacínaioidiaioi. Iemo nana Judea íduai éniemo bifue llócadiaioi. ⁶⁶ Nana áfena fidídino áfemo iere comécidiaioi. Dani íaioi nabáitíai jicánotiaioi.

—¿Bie úrue minícamiena jáite? Mei uafue, Juzíñamui afémiemo iere caimare eróideza, —daidiaioi.

Zacarías ñue llocana dainafue

⁶⁷ Iemo ie moo Zacarías Juzíñamui Ñuera Joreño úcaillamona úrite; Juzíñamui íemo lloga uaido afémie daide:

⁶⁸ Israel nairai cai ócuifirede Juzíñamuimo ñúefue nitárede, mei afémie caimo éroizaibiteza.

Ja ie comínidicai, íemo afémie ja cai jílloitaibiteza.

⁶⁹ Jaiai ie ocuifiregamie David izíemona, daa ríinorede cai Jíllotaraíma caimo orede.

⁷⁰ Jaiai ñúefuiairede ie uai llórainido uícodo ie daina izói afémie cai Jíllotaraímana orede.

⁷¹ Afémie cai fairíconimona caina jílloitaite. Daje izói cai éoidimacimona cai jílloitaite.

⁷² Cai nánoramacina duéruite, afe izói ie íaioina ñúefuiairede daina uai féitañede.

⁷³ Jaiai cai uzuma Abrahana uícodo daina uai Juzíñamui uáfuenta daina.

Afe uai bie izói daide:

⁷⁴ Juzíñamui cai fairíconimona caina báiroite, jacíruiñeno ie ócuifiregamacina cai maméillena,

⁷⁵ Iemo jíai ñúefuiaido ie jaícinaidimacina cai íllena, íemo daje izói nana cai illáruillaído afémiemo ñue cai jaináillena.

⁷⁶ Ie mei cue duera jitó, caifo monamo ite Juzíñamui uai llóraímana o mámeitiaioi, mei Ocuíraíma uícodo jáitioza, ñuera uai llocana uíllena, comini íemo íinollena.

⁷⁷ Daje izói afémie bíllado ie comini íaifuiái féitallena fidítaitio.

Afémaci fiénidífuiai féitalledo afémaci jílloitiaioi.

⁷⁸ Mei ua, cai Juzíñamui caina izíruillano caimo dúecaide.

Dúecaillano cáimaci jíaimaci íemo íinollírui caimo ite.

⁷⁹ Afedo tíiacade jítinodo macádino Juzíñamuina onóitiaioi.

Daje izói comeci uái illáfuiaimo joide io afémie cai ífoite.
Benomo Zacarías úrilla fuite.

⁸⁰ Iemo afe úrue móonaicana jaide. Afe llezica joreño dibénedo onóicana jaide. Comini iñénanomo ífirede. Israel náiraímo abí ie onónanomo afémie dinomo fiébide.

2

Jesús jocóinafue

(Mt 1.18-25)

¹ Aféruillaído énie jamánomoidillaima Agosto nana comini mámeciai cuiájillena ocuide. ² Siria éniemo Cirenio illáimana illa llezica, bie nánora mámeciai cuiájillena ocuica. ³ Naga come ie móotiai illánomo ie mámecei cuiájirediaíoi. ⁴ Ie jira José Galilea éniemo ite Nazaret jófue mona jaide Judea éniemo. Afémie David iziemona comuídeza, David jocóinanomo Belemo jaide. ⁵ Móotiai illánomo José María diga mámeceina cuiájidiaillinoi. Afengo jae jicánogango Josemo iníreillena, íemo ja úruereacade. ⁶ Iemo Belemo íaillinoi illa llezica afengo úrue jocólliruimo dúcide. ⁷ Dinomo afengo nánora jító llíide. Jócua mei iníroido ferínote. Iemo juráreto ecáranomo rallai jóbiano ie bitade, mei afe íaillinoimo comini dúciranomo illino iñédeza.

Juzíñamui abí imaci ovejai úiñoraimacimo cíocaide

⁸ Belén jofue onimo dáarie ovéjaiai úiñoraini naiona íaíoi ovéjaiai úiñofirediaíoi. ⁹ Uái daí itíaíoi raire Juzíñamui abí ímie ángel dainámie íaíoi cíocaide. Afe llezica Juzíñamui quenírie íaíoi ábiedo egáiñozide. Aferi iere jacínaitiaíoi. ¹⁰ Mei íadi Juzíñamui abí ímie íaíoi daide:

—Jacíruiñeno iri, mei ñuera rafue ómoimo lluaíbiticueza. Bie ráfueri nana comini iere íóbitiaíoi. ¹¹ Birui jaii illaíma David jófue omoi Jíllotaraima jae jococa. Afémie cai Ocuíraíma Cristo. ¹² Afémiéna omoi onóillena afe úrue iníroido ferínoga, íemo juráreto ecáranomo bitaca báitiomoi, —daide.

¹³ Afe llezica Juzíñamui abí ímiemo aillo jíáie mona imaci ofíoide. Afémaci Juzíñamui aillo ñúefuiai llotíaíoi:

¹⁴ —Caífoide Juzíñamui ite ebírenafuiai omoi lloiri.

Afe dáaruido afémie caimare eróinamacimo comécina uái illafue íteza, —daídaíoi.

¹⁵ Iemona, Juzíñamui abí imaci abído monamo jailla mei, ovéjaiai úiñoraini dani conímana daízitiaíoi:

—Mai mei Belemo cai jai; bie Juzíñamui caímo lloga ie jocóinafue mai cai méiñuai, —daídaíoi.

¹⁶ Jira jarire jáidiaíoi. María José diga cíódiaíoi. Iemo jíái juráreto ecáranomo bitaca úruena cíódiaíoi. ¹⁷ Afena cíóillano, Juzíñamui abí imaci afe úrue ífue íaíoi llúana jino llotíaíoi. ¹⁸ Nana afefue cacáдино afe dáinari iere caimare fágacaidiaíoi. ¹⁹ Mei íadi María nana aféfuiai comécimo jóoniano áfemo uibíoicaide. ²⁰ Iemo ovéjaiai úiñoraini dinena meine abído jaide. Jailla llezica nana íaíoi cacana, íemo íaíoi cíónado Juzíñamui ñúefue llotíaíoi. Iemo daje izói ebírenafue Juzíñamui nitádiaíoi. Mei nana íaíoi daína izói íteza.

Dúemie Jesús Juzíñamui gairíracomo ácataga

²¹ Jócua mona ocho dígari íllamona, dúemie bacano icoi quetátatiaíoi. Afe llezica Jesuna ie mámecei jítádiaillinoi, mei afeci nano María nai úruenina llezica Juzíñamui abí ímie aféngomo llóteza.

²² Iemo diga irui íllamona, Moisés ocuica uai llua izói, María abí íainina daíllena níciduafue fúillamo, úruena Jerusalemo uitíaillinoi. Afénomo ite Juzíñamui gairíracomo úruena Juzíñamui íena íllena acátajidiaillinoi. ²³ Daí finódiaillinoi Juzíñamui ocuica uaimo daí cúeina jira. Afe uai daide: “Nana nánora jococa íza Juzíñamui íena mamérede.” ²⁴ Jira jáidiaillinoi Juzíñamui daína fecalle raa fecállena. “Mena úcugi, nibai mena fíiciri fatá Juzíñamui omoi fecari,” aféuai daí daide.

²⁵ Aféruillaído Jerusalemo Simeóna mámeceiredimie illa. Afémie iere ñúemie; Juzíñamui moimio íñofirede. Israel nairai fairíconimona bairolle úiñote. Simeón Juzíñamui Ñuera Joreño uicaigamie. ²⁶ Afe Ñuera Joreño, Simeón nai tíñenia Juzíñamui orelle Crístona cíote, daí ie fidáte. ²⁷ Ie jira Jesús móotiai íaillinoi, gairíracomo Jesuna uilla uícodo, Juzíñamui Ñuera Joreño afe Simeón gairíracomo jáillena ifode. Iemona José María diga, jai ai ocuica íñofirena izói Jesuna íaillinoi íñuaibilla llezica, Simeón Jesús ie ónoimo líñote. ²⁸ Simeón íena líñua llezica Juzíñamui ñúefue llocana daide:

²⁹ —Juzíñamui, mai birui caimare tíredicue, mei o ocuífíregamiedicue, o cuena daina izói nana ñue fuitáido.

³⁰ Dama cue uído cai Jíllotaraimana ciódicue.

³¹ Afémie jae nana comini erócana o jóonegamie.

³² Afémie judíuaíñedino ñúefuiaina onótaitimie.

Iemo jíai afémie o comini Israelmo ñúefuiaina nítaite,

—daí daide Simeón.

³³ Jira José María diga Simeón úruena daí ie dáinari fáigacaidiaillinoi. ³⁴ Ie jira Simeón uáillaído íaioina cámacaitade. Iemo Mariana, Jesús eina daide:

—Eroi, bie úrue Juzíñamui mamécamie. Diga Israel comini íena ruifíruillamona táinoficaitiaioi. Iemo jíai aillo comini íemo ínuamona ñúemacina jáitiaioi. Afémie onótate raa ízoite, íemo aillo comini íena íairuitiaioi. ³⁵ Afedo illa dígamie ie comeci ífue onuille. Mei íadi ómona bie nana, jáirede lloefai izoide, dango o comeci izire fínoite, —daí Simeón daide.

³⁶ Afénori daa ringo illa. Afengo Juzíñamui oga uai llófuefirede. Afengo mámece Ana; Fanuel jiza. Iemo jíai Aser náraimona comuídingo. Afengo iere éirogi. Afengo jítaíngona illa llezica íñorede. Afengo siete diga fimona afémie diga ite. Afe mei afengo fecíngona jaide. ³⁷ Iemo birui aféngomo ochenta y cuatro diga fimona fecíngona ite. Afengo Juzíñamui gairíracomo jaca íñorede, mei afénomo mona naio diga Juzíñamui ocuífíregangona ite. Afengo iere Juzíñamui úrifirede, íemo jíai iere fímairite Juzíñamui íóbitallena. ³⁸ Simeón Jesudo úrilla llezica afengo afénomo bite. Iemo úrue díbéfodo Juzíñamui “Figora” daina mei, afengo nana Jerusalemo ite jíllollena uíñotínoimo úrite. Dúemie Jesús ñúefuiaina afengo íaioimo llote.

Nazaremo meine jáillafue

³⁹ Iemona, nana Juzíñamui ocuica ualla íaioi fuita mei meine Galilea éniemo jáidiaioi. Afénomo dani íaioi jofue Nazaremo fíébizaide. ⁴⁰ Afénomo afe úrue iere íocire móonaite, íemo jíai ráfuea baitádimiena móonaite. Afe llezica Juzíñamui afézamo caimare eroide.

Juzíñamui gairíracomo úrue Jesús finócafue

⁴¹ Jesús moo íaillinoi naga fimónaíaído Jerusalemo pascua ráfueo jáíñorede. ⁴² Jesús doce diga fimona fuita mei, íaioi fíñofirena izói afe ráfueo nana jáidiaioi. ⁴³ Afe rafue záillamona, jofomo meine íaioi jailla llezica, afe úrue Jesús Jerusalemo fíébicaide. Afeza fíébicaillana ie ei, José diga onóñediaillinoi. ⁴⁴ Nibai cai onóigamací diga bite, daídíaillinoi. Daa mona daí iodo comécíidiaillinoi. Mei íadi íaillinoi onóigamací cígido jenódiaillinoimo ⁴⁵ afézana cíñediaillinoi. Jira meine Jerusalemo íemo jenuaidiaillinoi.

⁴⁶ Afe mei daruíamani íllamona Juzíñamui gairíracomo eromo afézana baitíaillinoi. Ocuica uai llófuetíno cígimo ráíidena baizájidiaillinoi. Afeza afémaci úrillamo cacáreide. Afe llezica afeza afémacimo jícanofirede. ⁴⁷ Nana afeza íaioi uallaí úana cacáidino fáigacaidiaioi; daje izói ie ráfuea baitari. ⁴⁸ Ie moo íaillinoi íena cíozaila llezica íaillinoina jacínaitade. Ie ei íena daide:

—Cue jíto ¿nibái cócori bifue fíñodí? Cue o moo diga iere coco comécina lícítatio, ona iere zuure jenódicocoza, —daide.

⁴⁹ Mei jira Jesús íaillinoi uai ote:

—¿Mei nibái cue jenódiomicoi? Cue Moo llogáfuemo cue járitaiticue; ¿áfena onóñediomicoi? —daide.

⁵⁰ Mei íadi afe íaillinoína afeza dáinana onóñediaillinoi.

⁵¹ Afe mei afeza ie moo íaillinoi dígá abido Nazaremo jaide. Iemo íaillinoi ocuállana jeire ófirede. Ie ei nana bífuiai comécimo jónete. ⁵² Afe llezica Jesús ñue zairíoicaide, íemo onócana jaca jaide. Afe llezica Juzíñamui naa comíniri afémiemo jíruitiaioi.

3

Juan Bautista táizicimo rafue jino llote

(Mt 3.1-12; Mr 1.1-8; Jn 1.19-28)

¹ Romano jamánomoidillaima Tiberio illáimana illa llezica, Poncio Pilato Judea énie illaima. Iemo Herodes Galilea énie illaima. Iemo ie ama Felipe mena énie illáimana ite. Be ñie: Iturea, íemo Traconite. Afe llezica Lisánias Abilinia énie illaima. ² Afe llezica Jerusalemo jamánomoide lletáiraima íaillinoi Anás Caifás dígá. Aféruillaído Juzíñamui Zacarías jitó Juaamo táizicimo úrite. ³ Iemona Jordán abi comini illágobaiído Juan llócaide. Afémacina bie izói daícade: Omoi comeci ífuiai méidori; áfemona omoi fiénidífuiai dólleza. Iemona omoi báutizatari. ⁴ Jaiai uai lloraima Isaías uícodo cuega uai izói bífuiai íficaide. Be afe uai:

Ficire úritimie uai táizicimo cácaicaide. Afémie daide:

“Juzíñamui bille io ñue finua izói omoi comeci ñue fino.

Afémiemo io jaícina dénuva izói, omoi comeci íaifuiai féitari.

⁵ Nana ana jica ite ítaicoiai ñue jaícina oruíziite.

Nana caifóneduai ana dájena jaícina jóbite.

Jullícana joide io, jaícina tuiñolle.

Daje llezica ñede io, daje llezica jóbite.

⁶ Iemona nana nairai Juzíñamui caimo orelle jíllloillifuemo coméciidiaioi.”

⁷ Comini Juan dine íaioi báutizailla llezica, afémie íaioína daide:

—¿Titade jaióniaimona comuídino izóidiomoi! Ja ánozide duere zefuillifuemona omoi botállena, ¿bu omoi llua? ⁸ Omoi comeci ífue méidoiacanana ñúefuedo uáfodo jino ácatari. Dani ómoimona táinona “Abrahámona comuídinodicaí” daíñeno iri. Mei bie noficiaimona Juzíñamui jitáiaí, Abraham comínina comútaredeza, daí ómoína daidicue. ⁹ Fiénide amena tiéllena jata jicaida jónia izói fiénidino duere finoille jae ñue mameca. Nana figo llizíñede amena iraimo zocana uillano jobaica. (Tiéfrega izóidiomoi.)

¹⁰ Jira comini afémiemo jicánotiaioi:

—¿Mei bie ñie izói íredicaí? —daidíaioi.

¹¹ Jira Juan uai ote:

—Mena caifóferoiredimie, caifófenidimie daa írede. Iemo gülleredimie güllenidimie güllena fecárede, —daide.

¹² Afénomo dáarie gobierno íbátaga úcube llínoraini báutizaillena Juaamo jícaíbitiaioi. Afémiemo jicánotiaioi:

—Llófueraíma, ¿mei bie cai ñie izói íticaí? —daidíaioi.

¹³ Jira Juan íaioína daide:

—Ocuíca uai dáina baímo dama raiñóñeno iri, —daide.

¹⁴ Iemo dáarie “soldado” dáina nairai úíñotino Juaamo jícanuaíbitiaioi:

—¿Mei bie cai ñie izói íticaí? —daidíaioi.

Jira Juan íaioi uai ote:

—Jácidota, jíáimamona minícana baíroñeno iri. Daje izói jácidoñeno jíáimamo ie fínoñegafue táinona íaioimo jitáñeno iri. Nano omoi táijina íba díeze uái omoi iri, —daide.

¹⁵ Nana comini Juaamo coméci idiaioi. “Ñibái bímie Crístona,” comécido daidíaioi.

¹⁶ Mei íadi Juan nana afémacina daide: Mei uáfueza, cue jáinoína omoi báutizadícue.

—Mei jiáimie ja bite. Afémie Juzíñamui Ñuera Joréñodo ómoina úicaite. Daje izói iraimo raa ñue zia izói, afémie ómoina íainino ñue fínoite. Afémie cue baimo ríinorede. Cue bie jamáimiedicueza, afémiena dama jacíruiredicue. ¹⁷ Jabe bíitimie arroz bíaidimie izói ja ie llocofe líicabite. Afémie arroz bíamona ícuai oni eneno ua izói, ñúemacimona fiénidinona oni eneno óite. Ñúemacina ie illánomo ñue éenoite. Mei jiáífodo fiénidicuai izóidino zíñona dúíñeite iraimo jóbaite, —daide Juan.

¹⁸ Afe bíemona naa aillo jiáie llófuiado Juan ñúefuiai jino comínimo llote. ¹⁹ Afe emódomo Juan illaíma Heródesna riire lletade, mei ie ama Felipe ai Herodías ie aina ua jira. Daje llezica ie finoca fiénidifuiari Juan íena lletade. ²⁰ Mei íadi Juan llétajana íñoñeno afe baimo jiáie íaifuenta nabaide: Herodes Juan llavéracomo íbaide.

Jesús báutizaga

(Mt 3.13-17; Mr 1.9-11)

²¹ Afe uícodo, Juan nana comini báutizaja llezica, Jesús jiáí báutizaga. Afe Jesús báutizaja llezica afémie Juzíñamuimo úrite. Urilla llezica mona tújjicaide. ²² Afemona Ñuera Joreño fiiciri baizáibilla izói, afémiemo comini cíocana baizáibite. Afe llezica monámona daa úrilla cácaide. Afe úrilla daide:

—Cue izíruiga Jitódio. Ori iere ióbioidicue, —daide.

Jesucristo uzútiái

(Mr 1.1-17)

²³ Ja Jesús treinta fimona íllamona Jesús comínina canóllena ie tájjina como tainede. Comini coméciilla izói Jesús José jító.

Iemo afe José Elí jító.

²⁴ Iemo daje izói Elí Matat jító.

Iemo afe Matat Leví jító.

Iemo afe Leví Melqui jító.

Iemo afe Melqui Jana jító.

Iemo afe Jana José jító.

²⁵ Iemo afe José Matatías jító.

Iemo afe Matatías Amos jító.

Iemo afe Amos Nahum jító.

Iemo afe Nahum Esli jító.

Iemo afe Esli Nagai jító.

²⁶ Iemo afe Nagai Maat jító.

Iemo afe Maat Matatías jító.

Iemo afe Matatías Semei jító.

Iemo afe Semei Josec jító.

Iemo afe Josec Judá jító.

²⁷ Iemo afe Judá Joanán jító.

Iemo afe Joanán Resa jító.

Iemo afe Resa Zorobabel jító.

Iemo afe Zorobabel Salatiel jító.

Iemo afe Salatiel Neri jító.

²⁸ Iemo afe Neri Melqui jító.

Iemo afe Melqui Adi jító.

Iemo afe Adi Cosam jító.

Iemo afe Cosam Elmadam jító.

Iemo afe Elmadam Er jító.

²⁹ Iemo afe Er Josué jító.

Iemo afe Josué Eliezer jító.

Iemo afe Eliezer Jorim jító.

Iemo afe Jorim Matat jító.
³⁰ Iemo afe Matat Leví jító.
 Iemo afe Leví Simeón jító.
 Iemo afe Simeón Judá jító.
 Iemo afe Judá José jító.
 Iemo afe José Jonam jító.
 Iemo afe Jonam Eliaquim jító.
³¹ Iemo afe Eliaquim Melea jító.
 Iemo afe Melea Mena jító.
 Iemo afe Mena Matata jító.
 Iemo afe Matata Natán jító.
³² Iemo afe Natán David jító.
 Iemo afe David Isaí jító.
 Iemo afe Isaí Obed jító.
 Iemo afe Obed Booz jító.
 Iemo afe Booz Sala jító.
 Iemo afe Sala Naasón jító.
³³ Iemo afe Naasón Aminadab jító.
 Iemo afe Aminadab Admin jító.
 Iemo afe Admin Arni jító.
 Iemo afe Arni Esrom jító.
 Iemo afe Esrom Fares jító.
 Iemo afe Fares Judá jító.
³⁴ Iemo afe Judá Jacob jító.
 Iemo afe Jacob Isaac jító.
 Iemo afe Isaac Abraham jító.
 Iemo afe Abraham Taré jító.
 Iemo afe Taré Nacor jító.
³⁵ Iemo afe Nacor Serug jító.
 Iemo afe Serug Ragau jító.
 Iemo afe Ragau Peleg jító.
 Iemo afe Peleg Heber jító.
 Iemo afe Heber Sala jító.
³⁶ Iemo afe Sala Cainán jító.
 Iemo afe Cainán Arfaxad jító.
 Iemo afe Arfaxad Sem jító.
 Iemo afe Sem Noé jító.
 Iemo afe Noé Lamec jító.
³⁷ Iemo afe Lamec Matusalén jító.
 Iemo afe Matusalén Enoc jító.
 Iemo afe Enoc Jared jító.
 Iemo afe Jared Mahalaleel jító.
 Iemo afe Mahalaleel Cainán jító.
³⁸ Iemo afe Cainán Enós jító.
 Iemo afe Enós Set jító.
 Iemo afe Set Adán jító.
 Iemo afe Adán Juzíñamui jító;
 ua, Juzíñamui nano finócamie.

¹ Jesús diga Ñuera Joreño uaido illamona imani Jordámona oni jaide. Afe llezica Ñuera Joreño táizicimo ie uite. ² Afénomo afémie cuarenta dígarui ite. Afe dinomo Taife íena fienu facátate. Aféruillaído Jesús jaca due jiza güiñede. Afe mei iere jamánomo juffnaite.

³ Mei jira Taife íena daide:

—Ua Juzíñamui Jitona o íadi, bie nofíciái güíllena fino, —daide.

⁴ Jira Jesús uai ote:

—Juzíñamui Cuegáuui daide: “Fia güíllado come ínide, mei jiáifodo nana Juzíñamui lloga uaido írede,” —daide.

⁵ Afe mei Taife caifónedumo ie uite. Dinómona nana éniemo ite náiraiái dáaruido íena ácatate. ⁶ Iemo Taife íena daide:

—Nana bie náiraiái ríino naa ie ebíredinuiári omo íitícue. Mei nana bie cúeieza. Iemona cue fecáacana díeze jiáimamo íredicueza. ⁷ Cue anamo o dújuillano cuemo o caimátaia nana bie óieiteza.

⁸ Mei jira Jesús uai ote:

—Taife, mai cúemona oni jai, mei Juzíñamui Cuegáuui dáideza: “Dama Ocuide Juzíñamuimo caimátairena. Dama afémie ocuífiregamiena o iri,” —daide.

⁹ Nane afe mei Taife Jerusalén jófuemo Jesús uite. Afénomo ite gairíraco emódomo caifo jica uite. Uillano íena daide:

—Ua Juzíñamui Jitona o íadi, mai benómona ana batí ticai, ¹⁰ mei Juzíñamui Cuegáuui bie izói dáideza:

Juzíñamui ie abi imácina ona uíñotaite.

¹¹ Iaiói ónoído ona mozíñoitiaíoi, o eiba nofíciáimo íziñeillena.

¹² Jira Jesús uai ote:

—Juzíñamui Cuegáuui nane daide: “O ocuide Juzíñamui mai facátáñeno,” —daide.

¹³ Ja Taife Jesuna jiáie facátaja raana baiñénamona nano íanori afémiemona fáicanocaillano oni jaide.

Jesús Galilea éniemo fueñe táijizaide

(Mr 4.12-17; Mt 1.14-15)

¹⁴ Jesús Galilea éniemo abido bite. Juzíñamui Ñuera Joreño afémiena ñue úicade. Nana afe énie fuédado afémiedo úritiaíoi. ¹⁵ Nágagobiaímo ite Juzíñamui uai llorácuaido Jesús llófucaide. Iemona nana comini ñúefuiaí afémiemo mamédiaíoi.

Jesús Nazaremo mácajide

(Mt 13.53-58; Mr 6.1-6)

¹⁶ Mei íemo Jesús ie móonaila Nazaret jófuemo abido mácajide. Iemo ocózinailaruimo Juzíñamui uai llorácomo ie fínofirena izói, jofo jaide. Jaillano Juzíñamui Cuegáuui facádollena caifo naidaide. ¹⁷ Iemona jaiái uai llóraima Isaías Cuegáuui illabe Jesumo itíaíoi. Afémie afénico túiñuano afe bie uai illano baite. Afe be ñúuui:

¹⁸ “Cai ocuide Juzíñamui Ñuera Joreño cue diga jáicade.

Mei dúeredinomo ñúefue cue llóllena cuena ñue mamédeza.

Comécina dúeredinona cue jllotallena ocuícacue.

Daje izói llavécana zuitalle uai llóllena orécacue.

Iemo jiái uina cíoiñedino uina cíoitallena orécacue.

Iemo duere finócanona zuitállena orécacue.

¹⁹ Daje izói Juzíñamui caimo jamánomo caimare érocaillirui llóllena orécacue.”

²⁰ Iemona Jesús afénico íbáillano, Juzíñamui uai lloraco ero canófiredimiemo abido ite. Afe mei Jesús ana ránade. Iemo nana afe llorácomo itino Jesumo riire eróediaíoi.

²¹ Iemona Jesús íaioina daide:

—Ja birui omoi eróicana bie Cuegáuui ñue ícoimo fuite, —daide.

²² Nana Jesudo ñue úritiaíoi. Afémie íaioimo lloga ebírede uáillairi caimare fáigacaidiaíoi. Mei jira jicánotiaíoi:

—¿Mei bie afe José jitóñede? —daidíaíoi.

²³ Jira Jesús íaioina daide:

—Uáfueza bie omoi daiífirena uai cuemo mámeitiomoi: “¡Íraredinona manória-cadimie, fueñe dama o abina jállota!” (Comini Jesús Juzíñamui oreca ua Crístona íaioi daiñenamona, Jesús bie izói daide. Mei afémie fia José jitó íadi, jiáimana jállotanideza.) Daje izói nibai cuena dáitiomoi: “Nauí cai cacana Capernaumo ebire o finócafue mai birui dama bie o jófueмо finori.”

²⁴ Iemo Jesús ie úrillana mozíñoñeno nai jiái uai llote:

—Mei uáfueña ómoína daidicue, naga uai jino llóraima dama ie comini cígiri jaca figo íinoñega. ²⁵ Omoimo jino uáfodo llóiticue, nauí Elías illáruillaído Israel nairai cígimo diga fecíngotiai ite. Aféruillaído daámani fimona átuedo noci bíñede. Afemona afeno nairai jamánomo júbietaidiaioi. ²⁶ Mei íadi Elías Israelmo ite aillo fecíngotiaimona daingo mameda óreñega. Mei jiáifodo jica Sarepta jófueмо ite fecingo mameda Elías oreca daingo canóllena. Afe Sarepta jofue Sidón jofue áinori ite. ²⁷ Daje izói uai llóraima Eliseo illáruillaído Israel náiraimo aillo chíñaitinuiai ite. Mei íadi afémacimona dáamie jaca jállotañega. Mei jiáifodo jica Siria énie ímie Naamán jállotaina, —daide.

²⁸ Afe uaina cacáillano nana llorácomo itino afe Jesumo iere ríicaidiaioi. ²⁹ Náidacaillano afe jófueмona jino ie júdiaioi. Afe mei afe jofue idu ícoimo íena uitiaioi, afénomona ana ie dotállena. ³⁰ Mei íadi Jesús afedu ícoimona gírecaillano íaioi cígido abido jaide.

Fiénide joríaí úicaigamie Jesús jállotate

(Mr 1.21-28)

³¹ Afe mei Jesús Galilea éniemo ite Capernaum jófueмо jaide. Afénomo ocózinail-laruimo nane como comini llófuiaide. ³² Riire ocuilla uaido ie íaioi llófuiari caimare fáigacaidiaioi.

³³ Afe Juzíñamui uai llófueraco eromo fiénide joríaí úicaigamie ite. Afémie Jesuna cióillanona riire caillide:

³⁴ —Cai fáicanocai. Nazaret ímie Jesús, ¿nibái mei caimo jíricaidio? ¿Caina niné táinocaitaíbitio? Ona ónodicue Juzíñamui ñúefuiaído jacíruiregamiedio, —daide.

³⁵ Jira Jesús fiénide joríaí uai ote:

—¡Uriñeno! ¡Bímie fáicanocai! —daide.

Mei áfemona afe íimana fiénide joríaí comini eróicana ana éniemo dotade. Daií fínuano afe joríaí afe íimana ízitañeno oni jáidiaioi. ³⁶ Aferi nana jacínaillano jofu conímaiaína daidíaioi:

—¡Bímie uaillai nii mei ríinorena! Afe bímie ríirede uaido fiénide joríaína orede. Iemo afémaci áfemona jáidiaioi, —daidíaioi.

³⁷ Afe énie comini nágagobiaído Jesudo úritiaioi.

Jesús Simón Pedro jífaiño jállotate

(Mt 8.14-15; Mr 1.29-31)

³⁸ Afe mei Jesús Juzíñamui uai llófueracomona jino billano, Simón jofomo jaide. Afénomo Simón jífaiño ie abi cuaríllari iere irárede. Jira afengo jállotallena Jesumo izire jicádiaioi. ³⁹ Iemo Jesús aféngomo ana ánozillano ie onoi llíinote. Afe llezica ie abi cuarilla llíicaide. Iemona afengo jállobicaide. Daií daina llezica afengo náidacaillano afémaci jitaica raa bai atide.

Jesús diga iráredino jállotate

(Mt 8.16-17; Mr 1.32-34)

⁴⁰ Ja jitoma jímaicaidemo, diga jiáiforiede duico ogánuiaina Jesumo atídiaioi. Afémacimona illa dígamieмо Jesús ie onoi bitade. Bítajamona afémaci jíllozitiaioi. ⁴¹ Iaioi atica iráredinuiaimona diga fiénide joríaí jino jaide. Jaillano afémaci riire caillíoidiaioi:

—O Juzíñamui Jitódio, —daidíai. Mei íadi, como úrizaidiaioimo Jesús íaioina úritañede. Mei afémaci afémie Crístona íllana onódiaioiza.

Jesús Galilea éniemo uai jino llote
(Mr 1.35-39)

⁴² Afe jítiramo Jesús jofue baimo buna iñénanomo jaide. Mei íadi comini íena jenódiaioi; ie illánona baizájidiaioi. Afémaci afémiena iere jeruídiaioi oni jíainomo afémie jáiñeillena. ⁴³ Jira Jesús íaioina daide:

—Jíáie jófuaímo Juzíñamui illáimana illíruimo ja áinozideza áfena llujíredicue, mei afe jira orécacueza, —daide.

⁴⁴ Afemona daí Jesús Galilea éniemo ite Juzíñamui uai llorácomo llófuecana uite.

5

Jesús uaido dáinamona jamánomo aillo chamuniai oga
(Mt 4.18-22; Mr 1.16-20)

¹ Afe mei jíáiruido Jesús Genesaret jorai fuédamo ite. (Afe jorai jíáifodo mameina Galilea.) Afénomo ie illa llezica dígá comíniai afénomo dúcina. Afémiena jamánomo rillíretadiaioi, mei afémaci Juzíñamui uáillaímo iere cacáacadiaioiza. ² Afe jorai fueda áinori mena nocáe táicaena Jesús ciode. Mei afécaemona facóraini oni jaillano íaioi chamu ora llóiji jocódiaioiza. ³ Iemona Jesús Simón icaemo jaide. Afécaemo jáillano íena daide:

—Bicae fuédamona bai batí due ñuita, —daide. Afe mei Jesús afécaemo ráinaillano nane como bai afénomona comini llófuete. ⁴ Ie llófuia fúillamo, Simona daide:

—Bie nocáe bai batí afóredinomo ui. Afénomo chamu ólleza omoi llóiji dota, —daide.

⁵ Jira Simón uai ote:

—Llófueraíma, jae naio náamonana facódicaiza, íadi jaca daa oñédicai. Mei íadi o daina izói mei o ocuícaza llóiji dótaiticue, —daide.

⁶ Daí dotádemo, jamánomo aillo chámuniai jíideza, llóijina cuatáacade. ⁷ Afe jira oni jíáicaemo ite íaioi nabáitíai ónoído jíiritiaioi, ie íaioi cánuaibillena. Jira afémaci cánuaibítiaioi. Afe íaioi jíitaga chámuniai íaioi ménacae állocaemo orúttatiaioi. Jamánomo orúllamona afe ménacae buácade. ⁸ Afena Simón cíoillano Jesús ana dújullano daide:

—Cue Ocuíraíma, cúemona oni ii. Cue bie fiénidífue finódimiedicueza, —daide.

⁹ Mei ua, afe aillo chamu jíllari Simón naa ie nabáíñiairi jacínaitiaioi. ¹⁰ Iemo jíái Zebedeo jító íaillinoi Santiago Juan dígá, Simón nabai daje izói jacínaitiaioi. Mei íadi Jesús nane Simona daide:

—Jacíruiño. Benómona chamu fácua izói comínina jénoitioza, cuemo íaioi íinollena, —daide.

¹¹ Iemona afe ménacae oni fuédamo zítajano, dinomo nana fíiano Jesudo jáidiaioi.

Jesús chíinaitimie jíllotate
(Mt 8.1-4; Mr 1.40-45)

¹² Iemo jíáiruido, Jesús jófue mo illa llezica chíinaitimie Jesumo dúcide. Jesuna cíoillano ana dújuillano uieco dinena ana éniemo bíjicaide. Daí ñiano Jesumo izire jicade:

—Cue Ocuíraíma o jítáíadi bie duícóna cúemona oréredio. Cúemona oreri, —daide.

¹³ Iemona Jesús ie ónoído jétano daide:

—Jíi, ona jíllotaiacadicue. Benómona ja íainitioza, —daide.

Daí daina llezica ie irárena chiie jacáibicaide. ¹⁴ Afemona Jesús afémiena “Bie bumo lloñoeno iri” daide. Afe emódomo nane daide:

—Mai lletáriraimamo o abi ácatari. Afe llezica Moisés ocuica o abi ja íainide daítaite raa, mai fecari. Afemona nana comini o chiie ja jacáillana ónoitiaioi, —daide.

¹⁵ Jesús izire íena rairuide íadi Jesús mámecei jamánomo bai jica jalléicaide. Iemona aillo comini ie uaimo cacáreizaibitiaioi. Daje izói íaioimo ite duícomona ie jíllotallena aillo bitíaioi. ¹⁶ Mei íadi Jesús bai comini iñénanomo jaide, afénomo ie Moo Juzíñamuimo úrillena.

Jesús tízitaitimie jíllotate
(Mt 9.1-8; Mr 2.1-12)

¹⁷ Nane afe jíáiruido Jesús llófuemaritemo, fariséuaimona dáarie afénomo ráiiede. Afe llezica oni jicana bite ocuica uai llófueraíni dáanomo ite. Dáarie Galilea ígobíaimona bitíaioi. Daje izói jíáimaci Judea éniemona, íemo Jerusalén dinena jíái bitíaioi. Aféruimo Juzíñamui ríino aillo iráredino jílluamona jino ácataga. ¹⁸ Afe dáaruido diga ímie tízitaitimie naa ie bíiralludo atídíaioi. Jofo Jesús uícomo ie uácadiaioi. ¹⁹ Mei íadi iere comínina oruídeza jofo íaioi jíállino iñede. Ie jira caifo jofo emódomo uitíaioi. Uillano afeno tuiñodiaioi. Afeno tuiñuano afe iráredimie naa ie bíirallu diga ana comini cígimo Jesús uícomo agüínetiaioi. ²⁰ Jesús ñue íaioi íinuana cíoillano, iráredimiena daide:

—Mii, nana o fiénidifuiái ja muiñócaza, —daide.

²¹ Iemona ocuica uai llófueraíni naa fariséuairi, como comeci anado daidíaioi:

—¿Mei bie bu? baie jíáimie fiénidifuiái dóficaiilla dáinado Juzíñamuina icíritaja. Jaca bu comini fiénidifue muiñóñena; dama Juzíñamui fiénidifuena múiñua, —daidíaioi.

²² Mei íadi Jesús comeci íaioi fácajana onóillano daide:

—¿Nibái mei bie izói comeci facádiomoi? ²³ Mei daí daína ménade uáimona ¿nie uai iere llotáinina? Afe ménade uai be ñie: O fiénidifue muiñócaza. Iemo jíáie uai bie izói joide: Mai náidacaillano maca. Iraíe uai jamánomo llotáirede, mei omoi eróicana íteza.

²⁴ Mei jira, Nanoide íima Jitódicueza bíniemo cue illa llezica comínimo ite fiénidifue cue muiñolle ríino jino ómoimo cíotaiticue, —daide.

Mei jira Jesús tízitaitimiena daide:

—Ona dáititicue náidacai; náidacaillano o bíirallu llíinota o jofomo jai, —daide.

²⁵ Daí daína llezica, afe tízitaitimie comini eróicana caifo náidacaide. Náidacaillano, ie bíirallu llíinota, Juzíñamuimo caimátaicana ie jofomo jaide. ²⁶ Aferi nana comini caimare fáigacaidiaioi, íemo Juzíñamuimo caimátaidiaioi. Afe mei jacíruioicana daide:

—Ñii birui cai iere ebíredifuiaina ciona, —daidíaioi.

Jesús Leví jíirite
(Mt 9.9-13; Mr 2.13-17)

²⁷ Nane bie méifomo Jesús jofue cígido mácaja llezica, gobierno íbátaga úcube llíinoraímamo riire éroicaide. Afémie mámecei Leví. Afe úcube íbafirenanomo afémie ráiiede. Jesús íena daide:

—Mai cuedo bi, —daide.

²⁸ Iemona Leví náidacaillano nana ie táijina fáicanocaillano Jesudo jaide.

²⁹ Afe mei Leví áillue rafue ie jofomo Jesús íena fínode. Afe Leví izoide aillo úcube llíinoraíni naa jíáimaciri güirábanimo ráizaibitiaioi. ³⁰ Mei íadi fariséuai naa ocuica uai llófuetinori Jesús llófuegamacimo como meine fiene úritiaioi. Íaioina daide:

—¿Nibái mei baie úcube llíinofirede fiénidinori güitíomoi? —daidíaioi.

³¹ Jira Jesús íaioi uai ote:

—Íocíredimie mánuamo dúíñede. Iráredino manórena. ³² Dani ñuémacina abí mamédinona uáiduaíbiñedicue, mei jíáifodo fiénidifuiairedino comeci ífue méiduaíbiticue, —daide.

Íaioi fímairillena Jesumo jícánotiaioi
(Mt 9.14-17; Mr 2.18-22)

³³ Iemona afémaci Jesumo jícánotiaioi:

—¿Níbái mei Juan dibénedo jáidino, íemo jiái fariséodo jáidino, diga ícaíño riire fímaifirediaioi? Iaioi fímairilla llezica Juzíñamuimo jamánomo jicáfirediaioi. Mei jiáifodo o llófuegamaci jaca güífirediaioi, jirófirediaioi. ¿Níbái mei daií itíaioi?

³⁴ Jira Jesús íaioi uai ote:

—Mai cuena omoi daií: ¿Airena rafue llezica áfemo uáidogano meita zúurenari güínidiaioi? Daiítañede; ringo otímie íaioi cígimo illa llezica caimare güitíaioi. ³⁵ Mei íadi ringo otímie íaioi mona báiruaibilliruimo dúciite. Aféruido comeci zúurenari güíñeitiaioi. Ringo otímie izói birui cuedo jáicaidino cígiri itícueza.

³⁶ Ie emódomo jiáie onótate rafue llote:

—Jaca nino dáamie comue iníroimona jáitano, jácaroimo nitáñede. Daií nitáadi cómoroina fiene cíoitate. Iemo jiái jácaroimo nitaca cómoroi figo cíoiñede. ³⁷ Iemo nane jiáifue llote. Daje izói comue vino jácara igorai finoina iciru izoide raamo totánide. Dáamie daií totáadi afe comue vino afe jácara iciruna eroide raana cuatade. Afemona afe iciru naa vino diga táinomo fáifite. ³⁸ Iemona comue vino comue igorai finoina iciruna eróidemo jónerede. Iemona afe naga ñue éenoga. ³⁹ Daje izói jácara vino jiródinomona, buna cómojina jicáñena. Mei afémie “Jácapi jamánomo caimárena,” dáideza. (Afe bie dáinado Jesús ie comue llófueinafue íemo íaioi jaii llófuegafue dáanomo ñnonide íaioi mo llote.)

6

Jesús llófuegamaci ocózinaillarui mo trigo ímoiaí dícoiano otá güitíaioi
(Mt 12.1-8; Mr 2.23-28)

¹ Daa ocózinaillaruido Jesús naa ie llófuegamaci jacáfaiái cígido íaioi maca llezica, ie llófuegamaci trigo ímoiaí dícoiano otíaioi. Uano íaioi ónoido lléguano aféjiaina güitíaioi.

² Mei jira fariséuaimona dáamierie jicánotiaioi:

—¿Níbái mei ocózinaillarui mo rairuícamo táijidiomoi? —daiíaioi.

³ Jira Jesús íaioi uai ote:

—¿Omoi jaii illaíma David finócafue cúeinana facadoñediomoi? Afémie naa ie nabáñiairi jufínaitiaioi. ⁴ Afe llezica Juzíñamui jofomo jofo jaillano rairuica pániai ote. Uano güite. Afe mei afémiedo jáidinomo fecade. Mei íadi afe pan dani lletáriraini güiga. Abi dine jamai comini güínide.

⁵ Nane dáanomo íaioina daide:

—Nanoide hima Jitódicueza, ocózinaillarui, cue ocuille ríino ite, —daide.

Onoina jofo naillídime rafue

(Mt 12.9-14; Mr 3.1-6)

⁶ Nane jiáie ocózinaillarui mo Jesús Juzíñamui uai llorácomo jofo jaide. Jaillano llófuete. Afécomo onoi nabézina jofo naillídime ite. ⁷ Afe llezica ocuica uai llófuetino naa fariséuairi Jesumo báinino éroiediaioi, ocózinaillaruido afe ónoina jofo naillídime jíllotajana cíoilena. Afémie jíllotaia áfedo fiénidifue íemo jítaiticai, comeci anado daiíaioi. ⁸ Mei íadi Jesús íaioi comeci fácajana onode; jira ónoina jofo naillídime na daide:

—Náidacaillano bai cai cígimo bi, —daide.

Iemona afémie náidacaillano bai náidazaide. ⁹ Afe mei Jesús jiáimacina daide:

—Omoimo dafue jicánoiticue. ¿Ocózinaillarui mo ñie táijina rairuínina? ¿Cai finoca fiénidifue, mei níbai cai finoca ñúefue? ¿Cómene jíllotaiticai, mei níbai méineiticai? —daide.

¹⁰ Iemona Jesús nana ie onífenedo gairide comínimo eroide. Afemaci ie uai oñena jira, ónoina jofo naillídime na daide:

—O onoi jino zuita, —daide.

Jira afémie zuitade. Zuitádemo ñue jállode. ¹¹ Mei íadi áfemona afe jiáimaci jamánomo ríicaidiaioi. Dani jofo conímamo jicánotiaioi, ¿Mei ñie izói baie Jesús uáitaredicai?

Jesús doce diga oni oréllimacina nizede

(Mt 10.1-4; Mr 3.13-19)

¹² Aféruillaído Jesús caifónedumo Moo Juzíñamuimo úrizaide. Afénomo afémie Juzíñamuimo úritemo monaide. ¹³ Ja monáidemo nana ie llófuegamaci jíirite. Jíirillano afémacimona doce dígamie nizede. “Oni oréllino” íaioina mamede. ¹⁴ Afe be ñíimaci: Simón, afémie jiáie mámecei jítaina Pedro, íemo Simón ama Andrés, íemo Santiago, íemo Juan, íemo Felipe, íemo Bartolomé, ¹⁵ íemo Mateo, íemo Tomás, íemo Alfeo jitó Santiago, íemo Iere Járidotímacimo jaináidímie Simón, ¹⁶ íemo Santiago ama Judas, íemo uire Jesús fécaitimie Judas Iscariote.

Jesús aillo nairai llófuete

(Mt 4.23-25)

¹⁷ Jesús caifónedumona naa afémaciri ana bitíaioi. Billano ñúenomo nano íanori naidáiediaioi. Afénomo aillo jicánemaci Judea éniemona bitino gairídiaioi. Daje llezica Jerusalémona, íemo jiái Tiro, Sidón diga jica itíniemona bitíaioi. Bimaci nana Jesús úrillamo cacáreizaibitiaioi. Daje izói afémaci íaioimo ite dúicomona Jesús jíllotallena bitíaioi. ¹⁸ Daje izói fiénide jóriaí uícaigano jíllotagaiaioi. ¹⁹ Afe llezica nana comini Jesuna jetáacadiaioi, mei afémie íemo ite ríinodo nana íaioina jíllotateza.

Cáimafue zuufue diga

(Mt 5.1-12)

²⁰ Iemona Jesús ie llófuegamacimo érocaillano íaioina daide:

—“Comeci dínena dúeredicai,” dáifíredino omoi íadi, dúerede íadi íóbidiomoi; mei ómoimo Juzíñamui illáimana illano dúideza.

²¹ Júbiena méinegamie iere güicana izói, Juzíñamui comecei jítaina izói iere íacadino omoi íadi, caimare íóbidiomoi, mei Juzíñamui afe omoi íacana izói omoi íllena ómoína cánoiteza.

Birui duere éediomoi íadi caimare itíomoi, mei uire zádaitiomoi.

²² Nanoide fima Jitódicueza cue ícoínia comini ómoína éoína llezica caimare íitiomoi.

Daje izói cue ícoínia ómoína jino íaioi jíuadi íóbitiomoi. Iemo jiái cue ícoínia ómoína íaire íaioi daííadi, daje izói o mámeceina íairede raa izói íaioi jámairuia, íóbitiomoi. ²³ Aféruído iere omoi íóbiocairi. Jamánomo caimare omoi iri, monamo áillue omoi jirídolle raa íteza. Mei afe izói bimaci nánoídígima Juzíñamui uai llórainina iere duere finódiaioi.

²⁴ Mei jiáífodo omoi ráanaitino ñíi dúerena, mei omoi caimátailla raana jae otíomoiza.

²⁵ Daje izói omoi jeírede izói itino ñíi dúerena, mei uire iere juffruitiomoiza.

Afe izói birui ómoimona zadáidino ñíi dúerena, mei uire dúerenari éeitiomoiza.

²⁶ Daje izói nana comini ómoído ñue íaioi úrilla llezica, ñíi omoi dúerena. Mei afe izói afémaci jaiáigima taino uai llórainimo caimare úritiaioiza.

Caina éoidinona izíruiredicai

(Mt 5.38-48; 7.12)

²⁷ Mei íadi cue úrillamo cacáreidiomoina dáitícue: Omoi bacáuai imaci izói dino, ñíi omoi diga icíritinona mai omoi izíruiri. Daje izói omoi éoidinona mai ñue omoi finori.

²⁸ Omoi faidódinona mai omoi cáimadori. Daje izói ómoína fiéni finócadino, ñue íaioi ílleza, mai Juzíñamuimo omoi jicari. ²⁹ Daa come o uíeco putáadi, daje llezica enéfenena ie fállena mai o fecari. Daje izói dáamie táinona omo jítajano, o emódoidiroi bairóadi, daje llezica o caifóferoina mai o uitátari. ³⁰ Ninó dáamie raana omo jicáadi mai afémiemo jeruíñeno o fecari. Omona bairoca raana abido jicánoñeno o iri. ³¹ Jira jiáimacimo uícodo bie izói finórediomoi. Jiáima omo finóllena o óiacana dieze, áfeze afémiemo mai o finori.

³² Daa ómoína izíruitinona omoi izíruia, ¿Mei ñie ñúefue finódiomoi? Mei fiénidino afe izói fínuaza. ³³ Daje izói daa omoi ñue finódino ñue omoi finóadi, ¿néemei omoi finoca ñúefue? Mei fiénide comini afe izói fínuaza. ³⁴ Afe izói daa “meine abido cue méidolle cue coméciillamiemo” o fecáadi, ¿néemei o finoca ñúefue? Mei afe izói, fiénidino jiáie fiénidinomo méidollena fecádiaioiza. ³⁵ Mei íadi ómoína éoidinona izíruirediomoi. Abido méidolleme coméciñeno, fia fecárediomoi, afémacimo ñue finóllena. Afe izói omoi íllemona áillue ñúefuiái máíñoitiomoi. Afe llezica caifoide Juzíñamui jitótiaina jaitiomoi. Mei afémie daje izói jeruífinidimie. Figora daiífinidino, daje izói fiénidinomo afémie jeruíñeno dájerize fecade. ³⁶ Omoi Moo comínimo dúecaifiredeza, afe dieze jiáimacimo mai omoi dúecaifireiri.

Jiáima jánana fiéni úriñeno iri
(Mt 7.1-5)

³⁷ Jiáima jánana mai fiéni úriñeno omoi iri, afemona Juzíñamui riire ómoimo jicánoiza. Mai jiáimana duere finótañeno omoi iri, afe izói Juzíñamui duere omoi fínoiza. Jiáima ómoimo finoca fiénidifue mai omoi féitari, afe izói Juzíñamui omoi fiénidifue féitaiteza. ³⁸ Jiáimamo mai omoi ífireiri, íemona Juzíñamui ómoimo ífireiteza. Afémie raa omoi ofítara cirígaimo iere ñue fácajano afégaimo jóoneite. Afémie afégaina ñue riire jílloiciiteza. Iemo jiái afégaina caifo jica ebena óruitaité. Afémie afegai jamánomo orúitajamona ana abido cóciite. Jiáimamo cai facáfirena izói Juzíñamui caimo fácaite.

³⁹ Jesús bie onótatifue afémacimo llote:

¿Meita únidimie jiáie únidimie iodo ifórede? Nibai afe íaillinoi jáidiaillinoína ¿meita dáafomo báitiiaillinoi? ⁴⁰ Llófuegamacimona dáamie ie llófuetimie baimo onóñede. Mei íadi ie llófueina fuilla mei ie llófuetimie illa izói iite.

⁴¹ ¿Mei ñie izói o ama uimo ite jéenide ráaruaina eróiredio, mei íadi dama o uimo ite jéerie rarúnguaina náfueñedio? (Afena daiíacade: Aillo fiénidifue omo illa llezica; ¿ñie izói due jiza oni nibéfodo baiídime jánana úiredio? Urinidio.) ⁴² Mei o uimo ite jéerie rarúnguaina o náfueñenia, ¿ñie izói o ámana “o uimo ite jéenide ráaruaina cue otata,” dáitio? Daiínidio. ¡Comeci dine íairena mei jínofene ñue cíoidimedio! Fueñe o uimo ite áillue rarúnguai mai o oíri; afe mei o ama uimo ite jéenide ráaruai óllena ñue cíoitioza.

Nana amena ie llíziedo ónorede
(Mt 7.17-20; 12.34-35)

⁴³ Ñuera amena fiénide ráajiaína llizínide. Daje izói fiénide amena ñuera ráajiaína llizínide. ⁴⁴ Mei naga amena ie llizíllajido onoiga. Jaca jírede monáigimona jíficollina jofo óñenaza. Daje izói “zarza” daína íanoride raróciomona jíricue jofo óñega. ⁴⁵ Ñuera come ñúefuedo úrite, mei ie comécimo ñúefue íllaza. Daje izói fiénidimie fiéni úrite, mei ie comécimo fiénidifue íllaza. Mei uáfueza o comécimo aillo jebuide raa o fuedo úrillaza.

Mena jofo nillino rafue
(Mt 7.24-27)

⁴⁶ Cue dáinana íñoñediomoi ia ¿nibái mei, “cai Ocuíraima, cai Ocuíraima” daidíomoi? ⁴⁷ Cuemo cacáreizaibitímie, íemo cue daína finófiredimie illa izói ómoimo llóiticue. ⁴⁸ Afémie jofo nillana baitádimie izoide. Afe ñue nífiredimie fueñe ana jica jáilliraina raite; ana mairídinomo jóonete. Afe mei ille renaila llezica afécomo jainoi riire dúcide. Mei íadi afe jofona jainóñede, mei afeco mozíoidillirai mairídinomo jóideza. ⁴⁹ Mei jiáifodo, cuemo cacáreizaibitímie mei íadi cue dáinana finóñedimie, bie jiáifo jofo nitímie izoide. Bímie riire llíiñede éniemo jofo nite. Afe mei ille renaila llezica afécomo jainoi riire dúcide. Afemona afeco jainode. Iemona afeco due fiébiñeno nine táinocaide.

7

Romano illaïma ocuífíregamie Jesús jíllotate
(Mt 8.5-13)

¹ Jesús comínimo úrilla fuilla mei Capernaumo jaide. ² Afénomo daa romano illaïma ite. Afémie ie ocuífíregamiena iere izíruite, mei íadi afe ocuífíregamie iere irárede, tíillanomo dúcide. ³ Afe illaïma comini Jesudo úrillana cacáillano, judíuaïmona ocuífírede éicomini orede, Jesumo izire jicállena, ie ocuífíregamie jíllotaïbillena. ⁴ Afémaci Jesumo dúciillano iere izire jicádiaïoi:

—Baie illaïma iere canórede, ⁵ mei afémie cai náiraimo caïmare coméciifirede. Daa afémie cai Juzíñamui uai lloraco nitátate, —daïdiaïoi.

⁶ Iemona Jesús afémaciri jaide. Mei íadi ja afe jofomo ánozilla llezica afe illaïma dáarie ónoigamíiai Jesumo orede. Illaïma daina izói Jesuna daïdiaïoi:

—Ocuíraïma, ona áifedoacañedicue. Cue jofomo o bíllena dúñede, mei jamáimiedicue. ⁷ Ie jira dama omo úrizaiñedicue. Jicana o uaido o daïri, áfemona cue ocuífíregamie jílloteza. ⁸ Mei cue jíaie illaïma uai anamo iticue. Afe izói cue úiñoga fuiríraïni cue uai anamo ite. Afémacimona dáamiena “Mai jai” cue daïadi, afémie jaide. Iemo jíaimiena “Bi” cue daïadi, afémie bite. Cue ocuífíregamiena “Bíemo o tájjiiri” cue daïadi, afémie áfena finode, —daide.

⁹ Jesús áfena cacáillano, afémie dáinari caïmare fáigacaide. Iemo Jesús afémiedo jáidïnomo érocaillano daide:

—Uáfúena ómoïna dáiticue: Nana Israel náiraimo bie izói ñnote come jaca baiñedicue, —daide.

¹⁰ Afe orécano meine jofomo jáidiaïoïmo, afe irárede ocuífíregamie ja jíllodena cíozaidiaïoi.

Jesús daa fecingo jito tíilla abido cáadimiena jaitate

¹¹ Bie méfomo Jesús Naïna daina jófuemo jaide. Ie llófuegamaci naa aillo jíaimaciri iedo jáidiaïoi. ¹² Afe jófuemo ja ánozidiaïoïmo, Jesús tíidimie íaïoi raíajillana ciode. Afe tíidimie ie éïmona daade jito. Afe llezica afengo jae fecingo. Aféruido afe jofue comínimona aillo aféngona nabáidiaïoi. ¹³ Ocuíraïma Jesús aféngona cíoïllano íemo dúecaide. Dúecaillano daide:

—Mai éeño, —daide.

¹⁴ Afe llezica Jesús “ataúd” daina tíidimie illácojimo ánozillano afécoji jetade. Jira afécoji uitino mozíñotiaïoi. Iemona Jesús tíidimiena daide:

—Jitócome, mai náidacai ona daïdicue, —daide.

¹⁵ Mei daï daina llezica, afe tíidimie raináicaillano úrite. Afe mei Jesús ie eina daide, “Be, o jito; mai ómicoi jai; uái ómicoi iri,” daide. ¹⁶ Nana comini áfena cíoïllano jacínaitiaïoi. Juzíñamuïmo aillo ñúefue jóoniano daïdiaïoi:

—Birui cai cígiri jamánomoïde uai llóraïma cíocaïlla, —daïdiaïoi.

Nane jíáfodo daïdiaïoi:

—Juzíñamui ie nairai cánuaïbilla, —daïdiaïoi.

¹⁷ Iemona afe bie Jesús finócafue jica jalleide; ua nana Judea éniemo naa afe onífenemo itígobiaïdo jalleide.

Juan Bautista orécano
(Mt 11.2-19)

¹⁸ Juan nana afe Jesús finócano fidide, mei íedo jáidino afémiemo llógaza. ¹⁹ Mei íemona afémacimona ménamie uáïdota Jesús dine orede. Oriano, bie meita ua bite Cristo dáinana ónoïllena jicánotade. Daje izói, meita nibai nai jíaie bíitímie uíñoiticaï, afémie daï jicánotade. ²⁰ Afemona Juan orécano Jesumo dúciillano íena daïdiaïoi:

—O meita ua bite Cristo dáinámiedio áfena ñue onóïllena Juan cai jicánotade. Daje izói meita nibai nai jíaie bíitímie uíñoiticaï dáinana ónoïllena cai jicánotade, —daïfaïllinoï.

²¹ Afe íaillinoi dúcina llezica, Jesús diga comini íaioi íraniaimona jíllotate; daje izói dáaruido íaioi ote duícuaimona jíllotate. Daje izói fiénide joríaí úcaigamacina jíllotate. Iemo jíái diga uínidínuaí uina cíoitate. ²² Afe llezica Jesús íaillinoína daide:

—Omicoi cíónafue, naa ómicoi cacánafue diga mai Juaamo llujjiri. Bie izói afémiemo llujjiri: Uínidino ui ja cíoide, íemo macáñedino ja macádeza, íemo chíunaitino ja ñúemacina jaide, íemo jefona cacáñedino ja ñue cacádiaioi, íemo dáarie tíidino meine abido cáadiaioi, íemo dúredinomo jíllona uai llógaza. Nana bífuiaí mai afémiemo llujjiri. ²³ Cuemo íinoñeillíuaina baiñédímie íóbite.

²⁴ Juan orécana meine abido jailla mei, Jesús Juaado comínimo úrite; daide:

—¿Mei táizicimo minícana cíozaidíomoi? Níbai dáamie ie daina uaina méidofiredimiena cíozaidíomoi. ²⁵ Afe izóidena omoi cíozaiñenia, ¿mei minícana cíozaidíomoi? ¿Meita níbai ñue cioide ráfide iniroi jítaoidimiena cíozaidíomoi? Onódiomoiza, ñúecueroi jítaoifiredino illaini jofomo ífirediaioi naa dani íaioi comeci jítaina izói itínori. ²⁶ Mei írainomo, ¿minícana cíozaidíomoi? ¿Níbai Juzíñamui uai jino llórainana cíozaidíomoi? Jíi, ua, Juzíñamui uai llórainama baímo jamánomoidimiena cíozaidíomoi. ²⁷ Juan baie Cuegáuai dainámie. Jaiaí úcodo nai cue biñena llezica, afe uaimo Juzíñamui afémie dibenedo cuena daide:

O bille io ñue finóllena izói, comini íaioi comécido ñue omo jíeruillena cue llujjítimie o úcodo óreitícue.

²⁸ Nana comínimona ite Juzíñamui uai llórainimona Juan Bautista baímo jamánomoidimiena íñede. Mei jíáífodo, Juzíñamui illáimana illánomona jabóidímie Juan baímo jamánomoide.

²⁹ Afena cacáillano, Juan báutizaga gobierno íbátaga úcube llíinoraini, naa jíáie báutizaiganori, “Juzíñamui níifuenidena finódimie,” daidíaioi. ³⁰ Mei jíáífodo Juan báutizañega fariséuaí naa báutizañega ocuica uai llófuetínori Juzíñamui íaioiena mameca ñúefuiaí jámairuillano táinomo fáifitatiaioi. ³¹ Iemo Ocuíraíma Jesús daide:

—Bie monado itínona ¿ñíe izói íaioína mámeitícue? ¿Mei ñíe izói cíoitiaioi? ³² Jofue cigi íbírimo jífánote úrue izóidiaioi. Afémaci conímamo ebírede rúado caimátaiacadiaioi, mei íadi áfena fairíoñediaioi. Daje izói conímama zúurede rúado fíracadiaioi, mei íadi daje izói áfemo cacáreacañediaioi. Afémaci jaca caimátaitanidiaioi. ³³ Afe bie izói ómoímo ite. Mei Juan Bautista billa llezica afémie fímairillano güílleniaí figo güíñede, daje izói vínona jíroñede. Iemona “fiénide joríaí úcaigamiedio” íena daidíomoi. ³⁴ Afe mei cue, afe Nanoide íima Jitó dainámiedícue bitícue. Billano, jíáimaci izói güítícue, íemo jíródícue. Afemona bie izói nane cuena daidíomoi: “Bímie íere güíllaredímie; jéerie jírófiredímie. Fiénidífuiaíredino nabáidímie; daje izói gobierno íbátaga úcube llíinoraini nabáífiredímie,” cuena dáíífiredíomoi. ³⁵ Comini Juzíñamui orécana fieni daidíaioi íadi, Juzíñamui baitaca rafue jíeruitínodo jino comínimo ñue cíotaga.

Fariseo Simón jofomo Jesús güizájide

³⁶ Fariséuaimona dáamie Jesús güizájillena llote. Iemona Jesús afécomo güizájide. Jaillano afeco eromo güirábanimo ráinazaide. ³⁷ Afe llezica, afe jófuego ite fiénide ringo, fariseo Simón Jesús güizaíbillana fidíillano afécomo bite. Afengo “alabastro” daina nofíci finoína duera íciru atide. Aferu ziore cáiredíjina oruide. ³⁸ Eebicaillano Jesús idai abimo ráinazaide. Afe llezica ie ui jémedo Jesús idai jocode. Afe mei ie ífóitído dote. Duano ñítade; ñítajano ie uiga ziore cáiredíjina afémie ídaímo totade. ³⁹ Afe Jesús güíllena uáídote fariseo, afengo finócafueña cíoillano, comécido daide: “Bímie ua uai llórainana, bie ringo fiéninana ónoite. Afémie abina níbai aféngona jétatañeite. Mei

afengo fiénidíngo íllaza afémie aféngomona abí ráiruute,” daíí comeci facade. ⁴⁰ Afe jira Jesús fariséona daide:

—Simón, cue daa uai omo llóiacadicue, —daide.

Mei jira fariseo uai ote:

—Llófueraíma, mei daini, —daide.

⁴¹ Jira Jesús daide:

—Mena come úcomo íaillinoímo iga úcube daje izóí meine fecádimiemo írediaillinoí. Dáamie quinientos dieze meine írede, íemo jiáimie cincuenta dieze meine írede. ⁴² Mei íadi nágaillinoí afe úcube fecádimiemo íaillinoí méidolle íñena jira, afe fecádimie afe íaillinoí abido írede úcubena féitate. Mei birui cuena daini, mei bíaillinoímona ¿ñímie fecádimiena jamánomo izíruirena? —daide.

⁴³ Jira Simón uai ote:

—Cúemona, jamánomo aillo illano féitagamie aillo izíruilla, —daide.

Jira Jesús íena daide:

—Ñue onódio, —daide.

⁴⁴ Afe mei, Jesús ringomo érocaillano Simona daide:

—¿Bingona ciódio? O jofomo cue billa llezica, cue ídaina jocóñedio, mei jiáífodo bie ringo ie ui jémedo cue ídaina jocode. Jócuano ie ifótiido zafénaitade. ⁴⁵ Iemo o jofomo biticue íadi cuena ñítáñedio, mei íadi afengo jofo cue billa llezica cue idai ñítajana jaca fáicanocaiñede. ⁴⁶ Daje izóí o jofomo cue dúcina mei cue ifomo cáiredijina totáñedio, mei jiáífodo afengo ziore cáiredijina cue ídaímo totade. ⁴⁷ Ie jira ona daidicue, bie ringo aillo cuena izíruillamona, afengo finoca aillo fiénidífue dóinana ácatate. Mei jiáífodo jabo cuena izíruitimie íemo ite íaífue jabo dogá.

⁴⁸ Mei afe mei Jesús aféngona daide:

—O finoca fiénidífue jae dófideza, —daide.

⁴⁹ Afénomo afémie diga ráiide daane güllena uáidogano dani conímana daidíaioi:

—Mei bie ¿ñie come; comínimo ite fiénidífuiaina dóteza? —daidíaioi.

⁵⁰ Afe mei Jesús afe ringona daide:

—Mei daíngo o íñuado jae jíllodio; mai uái daíí o jairi, —daide.

8

*Jesús canófire*dingoniai

¹ Bie méífodo, Jesús diga jófuiaido macácaide, naa due illánuiari. Afénuiaido Juzíñamui illáimana illa rafue jino llocana uite. Afe llezica ie nizeca doce dígade oréllino afémiedo jáidiaioi. ² Afe dáaruido dáarie duícuaimona ie jíllotaga ringóniai afémiedo jáidiaioi. Iemo jiái dáarie íaioi uícaide fiénide jóriaímona jíllotaga ringóniai iedo jáidiaioi. Afémacimona Magdalena énie ingo Mariana mámeciredíngo ite. Aféngomona siete dígade fiénide joríaí nauí jino oreca. ³ Iemo jiáie canódingo Cuza ai Juana. Afe Cuza illaíma Herodes jabóidillaíma. Iemo jiáíngo Susana. Iemo jiái aillo jiáie ringóniai, íaíoiimo ite ráaniaína Jesús canódingotiai.

*Ríjifire*dimie rafue

(Mt 13.1-9; Mr 4.1-9)

⁴ Afe jófuiaimona aillo comini Jesuna cióillena bitíaioi. Aillo comini dáanomo ofilla llezica, íaioi onóigafuedo Jesús jiáífue íaíoiimo llófuete. Íaíoiina daide:

⁵ —Ríjifiredimie ie rilliji rizájide. Rizájilla llezica, ie rigájiaímona dáarie iomo baiide. Afe iomo baídijiai zaizíbide; jiáijiai ófocuzai güiga. ⁶ Jiáie rigájiai nofíciai emódomo baiide. Aféjiai zícua llezica jainoi íñenari dúizite. ⁷ Ie mei jiáijiai éegiai cígimo baiide. Afe éegiai jéerie zícuaímona aféjiaína írataitano titade. ⁸ Mei íadi jiáie rigájiai ñuera éniemo baiide. Ñue zícua mei, jamánomo aite. Dáajidemona cien dígjai llizide.

Bie izóí úrillano, Jesús ficire daide:

—Cacáacadimie cacai, —daide.

*Cacáacaiñed*ino jánaillena Jesús comini onóigado úrite
(Mt 13.10-17; Mr 4.10-12)

⁹ Iemona ie llófuegamaci afémiemo jicánotiaioi:

—Afe llogafue ¿niie izói daiíacade? —daidiaioi.

¹⁰ Jira afémie íaioina daide:

—Juzíñamui ie illáimana illa rafue ónonidifuiái ómoina onótate. Mei íadi jíáimacimo afémaci jánaillena comini onóigado úriticue. Iemona uina cíõñedino izói íitiaioi. Daje izói afe uai afémaci cacana llezica, onóñedino izói íitiaioi.

Rjijifredimie rafue Jesús jino uáfodo lloste

(Mt 13.18-23; Mr 4.13-20)

¹¹ Rjijifredimiedo lloga rafue bie izói daiíacade: Afe rigájiaí daína Juzíñamui lloga ñuera uai. ¹² Afe iomo baiídijiaí daína ñuera uaina cacádino. Mei íadi cacana mei, Taiíe billano afe ñuera uaina comini íaioi comécimona féitate. Afémaci jíllõñeillena, Taiíe afémaci afe uaina íñotañede. ¹³ Afe nofíciáimo baiídijiaí daína jíáifodo jóide ñuera uaina cacádino. Afe uaina cacáillano caimare otíaioi. Mei íadi afémaci raíre zicode raa riire jáináñena izói, Juzíñamuimo afémaci figo jáináñenamona are íñédiaioi. Nano íanori íñotiaioi. Mei íadi izire íaioi facátalliruimo dúcina llezica ñúefuena fáicanocaitiaioi. ¹⁴ Iemo afe éegiaí cígimo baiídijiaí daína, jíáie ñuera uai cacádino. Mei íadi cacana llezica daní íaioi comeci jitaina diné jáiacadiaioi. Iemona afémaci comeci oni jíáinomo uilláfuiáido, nocáe builla izói féiraitiaioi. Daje izói íere íaioi ráareiacanado, íemo jíáí bíniemo ite caimare cai itátafuiáido anáfenogaiaioi izóidiaioi. Iemona figo llizíñede itíaioi. ¹⁵ Mei jíáifodo afe ñuera éniemo baiídijiaí daína ñuera uaina cacáreacadino. Afémaci ñuera comécido cacáillano afe uaina ñue náfuetiaioi. Iemona aféna fáicanocaiñeno ñue aite izói jáidiaioi.

Boode mechera jánaide izóidifue

(Mr 4.21-25)

¹⁶ Buna boode mechera retáidoñede. Daje izói buna boode mechera bíira anamo raináñede. Mei íadi jíáifodo boode mechera caífo uáfori cíoidinomo raináfírega, jofu jáidino ñue cíoillena. ¹⁷ Mei uáfueza, nana retáidoga ráaniaí uáfori jino cíotaíbillé. Daje izói nana báinide ráfuiái jino uáfori llócailleza.

¹⁸ Aqué izóideza ñue omoi cacáreiri: íere Juzíñamuina onóacadimie mo ie báitaja baímo jamánomo írede, mei íadi Juzíñamui dibénedo figo onóacañedimie, due ie onógafue féitalle.

Jesús ei naa ie ámatiairi

(Mt 12.46-50; Mr 3.31-35)

¹⁹ Iemona Jesús ei naa ie ámatiairi ie illánomo dúcidiaioi. Afénomo aillo comini íllaza, afémiemo áinozinidiaioi. ²⁰ Jira dáamie Jesumo lluájide:

—O ei, naa o ámatiairi jino benó itíaioi. O díga úriacadiaioi, —daide.

²¹ Jira Jesús comínina daide:

—Juzíñamui lloga uaina cacáillano afe uai jeire otino cue eina, cue ámatiaína, —daide.

Jesús jorai bagua naa jairifo díga llícaitate

(Mt 8.23-27; Mr 4.35-41)

²² Afe mei jíáiruido, Jesús ie llófuegamaciri áillocaemo ana jaillano Jesús daide:

—Mai jorai ruícaferaimo cai jai, —daide.

Iemona jáidiaioi. ²³ Ruica íaioi jáitaja llezica, Jesús inide. Afe llezica riírede jairifo jóraimo ónonino raíre bite. Riire jáíñuamona afe nocáe buíacade. Afécaena jacire anábaitaacade. ²⁴ Mei jira Jesús cazítatiaioi. Cazítajano íena daidiaioi:

—Llófueraíma, Llófueraíma, ¡ja buízaidicaí! —daidiaioi.

Iemona Jesús náidacaillano jairifo naa jorai bagua diga llícaidade. Afemona nana llícaide; níifuenino jorai uái ite.

²⁵ Afe mei Jesús ie llófuegamacina daide:

—¿Ico nai Juzíñamuimo íñoñediomoi? —daide.

Mei íadi afémaci jacínaitiaioi. Afémiemo caimare fáigacaillano conímamo jicánotiaioi:

—¿Mei bie niie cómeita? Afémie jairífona ocuide, daje izói jáinoina ocuide. Iemo afémie uaina ínotiaioi, —daidiaioi.

Gerasa éniemo ite fiénide joríaí uícaigamie

(Mt 8.28-34; Mr 5.1-20)

²⁶ Jailla ícoimo Gerasa éniemo dúcidiaioi. Afénie Galilea énie ruícaferaimo ite. ²⁷ Como ari aféniemo jáidiaioimo, afe jófueмона dáamie Jesús diné bite. Ja diga fimónaiaí afémie fiénide joríaí uícaiga. Afémie inícuero jaca jítáñede. Daje jofomo uái iñede, mei jíáifodo raiáfuaína jofórede. ²⁸ Jesuna cíoillano afémie anamo dújuzaibite. Dújuzaibillano ficire daide:

—Caifoide Juzíñamui Jitó Jesús, ¿niábái mei cuemo jíricaidio? Duere cue o fíñoñellena izire jicádicue, —daide.

²⁹ Afémie bie izói daide, mei Jesús afémiemo ite fiénide joríaí jino oréllena ocuícaza. Diga ícaíño afémiena fiénide joríaí riire uícade. Afe llezica comini afémie onoi idai diga llojéodo máifirediaioi. Jiáimaci fiene fíñoñellena izire íena rairuídiaioi. Mei íadi afémie afe maia llójejina titáfiredede, ie mei afe ie uícaide fiénide joríaí afémiena táizicimo botátafiredede. ³⁰ Jira Jesús afémiemo jicánote:

—¿O mámece bu? —daide.

Jira afémie uai ote:

—Legiona mámece redicue, —daide. Afe “Legiona” daina uai, aillo comini, daífacana.

Afémie bie izói daide mei aillo fiénide joríaiaí íena uícaideza. ³¹ Afe bie fiénide joríaiaí Jesumo izire jicádiaioi duere finótalle íbárafomo afémaci óreñellena. ³² Mei afe llezica afénomo ite íconido aillo meróniaí guícaidiaioiza, fiénide joríaí afe meróniaimo jáillena Jesumo izire jicádiaioi. Iemona Jesús áfena fairíote. ³³ Iemona afe fiénide joríaiaí íimamona jino billano meróniaimo jáidiaioi. Afe mei afe meróniaí árera íconido jabícana jóraimo cocízitiaioi. Dinomo coróbaitiaioi.

³⁴ Meróniaí úínotino áfena cíoillano jacínaitiaioi. Aferi jacínaillano botádiaioi. Iemona jófueмо lluájidiaioi; daje izói oni fuédamo itícuaimo llotíaioi. ³⁵ Iemona jofue comini afe comuídfuemo acárizaidiaioi. Jesús illánomo íaioi dúcina llezica fiénide joríaina jino orécamié Jesús anari uái ráinana cíozaidiaioi. Afe iima ja iniroi jítáoide; daje izói ie abina ñue onode. Afena cíoillano iere jacíruitiaioi. ³⁶ Afena cíódino nauí fiénide joríaí uícaigamie jíllotaja oni jíáinomo lluájidiaioi. ³⁷ Mei bíemona nana afe Gerasa énie comini, afénomona Jesús oni jíáinomo jáillena izire jicádiaioi, mei áfena iere jacíruitiaioiza. Iemona Jesús ana áillocaemo jáizaide, ruica abido jáillena. ³⁸ Afe llezica afe fiénide joríaina jino orécamié Jesús diga jáillena izire jicade. Mei íadi Jesús áfena fairíoñede; afémiena afénomo fiébitade. Iena daide:

³⁹ —Mai meine o jofomo jai. Jaillano nana Juzíñamui omo finócafuaína jino lloiri, —daide.

Iemona afémie jaillano, nana jofue comínimo Juzíñamui íemo finócafuaí jino lluájide.

Jairo jiza íemo jíáingo Jesús inícuero jétaibitingo Jesús jíllotate

(Mt 9.18-26; Mr 5.21-43)

⁴⁰ Jesús meine jorai ruicáfenemona dúcina llezica, comini afémiena iere caimare llínotiaioi. Mei nana afémiemo ocuíruidiaioiza. ⁴¹ Afe llezica Jáirona mámece redimie dúcide. Afémie Juzíñamui uai lloraco illaíma. Afémie Jesús anamo fueco dine ana bíjicaide. Bíjicaillamo izire daide, ⁴² “Cue jofomo biri; mei daade cue jiza tíizaideza,”

daide. Afengo ja doce fimona ite. Iemona Jesús afémiedo jaide. Jailla llezica diga comini íedo jaide; iere rillire jáidiaioi.

⁴³ Afémaci cígimo iráredingo ite. Afengo doce fimona die dícotailari irárede. Nana aféngomo ite úcube manófiredinomo fuite; mei íadi afémaci aféngona jíllotanidiaioi.

⁴⁴ Afe ringo jinófene dinena Jesumo billano ie inícuero fueda jetánote. Ie jetánua llezica afengo die llíicaide.

⁴⁵ Iemona Jesús jicánote:

—¿Mei bu cue inícuero jetánoga? —daide.

Iemo nana comini jáanuano “Ona bu jetáñena,” daidiaioi. Jira Pedro naa ie nabáñiairi daide:

—Llófueraima, nana comini rillírenari o ñuitádiaioi. ¿Nibái mei, “Bu cue jeta,” daidio?

⁴⁶ Mei íadi Jesús daide:

—Ja onódicueza daa come cuena jetade. Mei cue ríino afe come jíllotajana onódicue, —daide.

⁴⁷ Afe jétaibitingo ja ie báillana onóillano cuidíricana Jesús anamo dújuzaibite. Iemona afengo jino nana comini eróicana jáanoñeno ie inícuero jetáacana rafue llote. Iemo jíái afémie inícuero jeta llezica ie jíllona llote. ⁴⁸ Mei jira Jesús aféngona daide:

—Cue jiza, cuemo o ínuamona ja jíllodioza. Jaillano caimare uái o iri, —daide.

⁴⁹ Jesús nai úroidemo, daa come Jairo jofómoma Jesús diné bite. Afe Jairo Juzíñamui uai lloraco illaíma. Afe llúaíbitimie Jáirona daide:

—O jiza ja tíideza. Mai Llófueraimana úridoñeno iri, —daide.

⁵⁰ Mei Jesús áfena cacáillano daide:

—O jacíruiñeno iri. Dama Juzíñamuimo ínofireiri. Afemona o jiza jílloteza, —daide.

⁵¹ Afe jofomo íaioi dúcina llezica, nana comini afe jofo eromo afémie oréñede. Afe jiza moo, ei diga, íemo jíái: Pedro, Santiago, Juan diga jofo uite. ⁵² Nana comini afengo tíillari fícirerie éenaitiaioi. Mei íadi Jesús íaioina daide:

—Omoi éeñeno. Afengo tíñedeza, fia inide, —daide.

⁵³ Daií afémie dáinari zadáidiaioi, mei afengo tíillana onódiaioiza. ⁵⁴ Iemona Jesús afengo onoi llíinota ficire daide:

—Jitaingo, mai náidacai, —daide.

⁵⁵ Afemona afengo meine abido caade. Iemo afe daina llezica caifo náidacaide. Afe mei Jesús, “Mai afengo ecari” daide. ⁵⁶ Afe llezica ie moo íaillinoi iere caimare fágacaidiaillinoi. Mei íadi Jesús íaillinoina afe ie finócafue bumo llotáñede.

9

Jesús doce dígade ie llófuegamacina oni orede

(Mt 10.5-15; Mr 6.7-13)

¹ Jesús doce dígade ie llófuegamacina daanomo gairítate. Gairítanona afémie ite ríino íaioimo fecade, nana jíáiforiede fiénide jóríai jino oréllena. Daje izói nana iráredino jíllotallena ríino afémacimo fecade. ² Iemo Juzíñamui illáimana illarui rafue íaioina oni llúaítate. Daje izói iráredinona jíllotate. ³ Íaioina daide:

—Omoi jaille llezica minícana uiñeno, fia omoi jairi. Macara jigüida uiñeno iri, daje izói ciríticoi, íemo güíllena, íemo úcube uiñeno iri. Mena caifóferoi uiñeno, daa uiri.

⁴ Ninó daa jofomo omoi dúcia, afécomo uái iri, afénomona oni omoi jáíñeille dino.

⁵ Niie jofue comini ómoina llíinoacañenia afénomona oni omoi jairi. Omoi jaille llezica, omoi eiba íaie afémacimo teténocairi. Afedo íaioi comécimo ite íaifue nai íaioimo íllana onótaitiomo.

⁶ Afemona ja oni nana dúgobiaido jáidiaioi. Jaillano ñuera jíllona uai llocana uitíaioi. Daje izói iráredinona jíllotacana uitíaioi.

Juan Bautista tiilla rafue

(Mt 14.1-12; Mr 6.14-29)

⁷ Ocuídillaíma Herodes nana Jesús finócafuiaína fidíde. Iemona Herodes comeci uibílliui iñede, mei dáarie “Juan tíde meine abido cáadimiéna jaide,” daidíaiói.

⁸ Jiáimaci, “Juzíñamui uai llóraíma Elías meine cíocaizaibilla,” daidíaiói. Iemo jiáimaci, “Jaiái ninomo tíde jiáie Juzíñamui uai llóraíma meine abido cáadimiéna jailla,” —daí llotíaiói. ⁹ Mei jira Herodes daide:

—Nauí cue Juan ifoci jaitátaticue. Iemona ¿mei bie níimie? Afémiedo díga ráfuiaí cacáfiredicue, —daide.

Afe llezica Herodes iere Jesuna cíocade.

Jesús cinco mil comini ecade

(Mt 14.13-21; Mr 6.30-44; Jn 6.1-14)

¹⁰ Ie orécano abido dúcina mei, nana íaiói finócafuiaí Jesumo llotíaiói. Afe mei Jesús afémacina oni eneno Betsaida jofue áinomo uite. ¹¹ Mei íadi áfena fidíillano comini afénomo jáidiaíói. Afénomo Jesús caimare afémaci llíinote. Juzíñamui illáimana illirui rafue íaioímo lloste. Daje izói afénomo iráredínona jíllotate.

¹² Iemo ja nauízailla llezica, doce dígamie orécano Jesumo billano daidíaiói:

—Mai, comini íaiói ocózinaillena oni ore, áinori ite jófuiaído güille íaiói jenólleza. Mei benomo cai illánomo güille iñédeza, —daidíaiói.

¹³ Mei jiáífodo Jesús íaioína daide:

—Afémaci omoi eca, —daide.

Jira ie uai otíaiói:

—Benomo caimo cinco pániaí íemo mena chamu ite. Afe baimo iñédeza. ¿Meita nana bie comini ecállena íbajiredicai? —daidíaiói.

¹⁴ Mei afénomo cinco mil comini gairídiaíoiiza. Mei íadi Jesús llófuegamacina daide:

—Nana bie comini cincuenta dígamierie ana raiziri, —daide.

¹⁵ Daí fínua méifodo nana ana raizídaitiaíói. ¹⁶ Afe llezica Jesús cinco dígade pániaí, íemo mena chamu llíinote. Llínuano monamo eróillanona Juzíñamuina afe güílleri “Iere figora,” daide. Daí daina méifodo, afe ditada, ie llófuegamacimo fecade, afémaci comínimo fecállena. ¹⁷ Iemona nana áferi ñue jeírediaíói. Afe mei llófuegamaci güígamona fiébidíno doce cirígai oruítatiaíói.

Pedro Jesús Crístona uáfodo jino lloste

(Mt 16.13-19; Mr 8.27-29)

¹⁸ Afe mei jiáíruido Jesús oni eneno Juzíñamuimo úrizaide. Afénomo ie llófuegamaciri ite. Afémacimo afémie jicánote:

—¿Comini níie izói cuena daidíaiói?

¹⁹ Jira uai otíaiói:

—Dáamierie “Bie Juan Bautista,” daidíaiói, jiáimaci “Bie Elías” daidíaiói, íemo nai jiáimaci “Jaiái Juzíñamui uai llóraíma meine abido cáailla” daidíaiói.

²⁰ Jira Jesús jicánote:

¿Omoi níie izói cuena daidíomoi?

Jira Pedro daide:

—Juzíñamui nizeca Cristo dainámiedio, —daide.

Jesús ie tíille rafue jino lloste

(Mt 16.20-28; Mr 8.30-9.1)

²¹ Iemo afe Pedro llógana afémie jiáie comínimo iere rairuíllano ie llófuegamacina áfena bumo llotátañede. ²² Iaióina daide:

—Nanoide ííma Jitó Crístodícueza, iere duere finóllíicue. Ocuide éinamaci cuena ruifíruitiaíói. Daje izói lletárirainí illainí cuena ruifíruitiaíói, íemo jiáí ocuica uai

llófuefiredino cuena íáiruitiaioi. Cuena títaitiaioi, mei íadi daaruíamani íllemona meine abido cáaiticue, —daide.

²³ Afe méifodo nana afémacina daide:

—Ninó dáamie cuedo jáiacania dama ie comeci jitáillana féitarede. Féitano cuedo jáirede. Afémie cuedo jailla ícoinia tíidena afémie áfena izire ónide. ²⁴ Mei ie caana rairuíacadimie áfena táinomo fáifitaite. Mei jíáfodo cue ícoinia ie caana táinomo fáifitimie afe fáifidena baimo ziiño illínona máíñoite. ²⁵ Mei daa come nana bínie ráaniai aillo náamataadi, mei íadi afe llezica dama ie comeci afémie táinocaitaiadi, nana ie maiñooca ráaniai afémiena jíllotañeite. ²⁶ Ninó daa come cuena meáiruia, daje izói cue uaina meáiruia, afe íbana uire illáimana ana cue billíruimo afémiena meáiruiticue. Nanoide íima Jitódicueza, aféruimo Moo Juzíñamui ebírededo bíitícue naa níifuenide Juzíñamui abi imáciri. ²⁷ Uáfuena ómoina dáitícue: Birui benó itínomona, dáarie nai íaioi tííñena llezica Juzíñamui illáimana illarui cíoitiaioi, —daide.

Jesús abi jíáfodo méidoficailla

(Mt 17.1-8; Mr 9.2-8)

²⁸ Daií daina mei ocho dígarui jailla mei, Jesús Juzíñamuimo úrillena caifónedumo jaide. Afémie Pedro, Santiago, Juan dígamie uite. ²⁹ Nai Juzíñamuimo Jesús úrioina llezica, afémie uiéco jíáfodo méidoficaide. Daje llezica ie ínícuiro jamánomo úzere quenire jaide. ³⁰ Afe llezica mena come ie abimo cíocaide. Afe íaillinoi afémie diga úrite. Afe bíaillinoi Moisés Elías diga. ³¹ Daje llezica ñue ebire quenire cíoide raa afe íaillinoina onífenedo féricaide. Afe íaillinoi Jesús Jerusalemo duere zefuíllano tíillífuedo úritiaioi. ³² Afe llezica Pedro naa ie nabáíñiari iere ínie méinegaiaioi ia, ocuítiaioi. Afémaci Jesumo ite ebire cíoidena cíódiaioi; daje izói afémie diga itíiaillinoina cíódiaioi. ³³ Afe íaillinoi Jesúmona oni jáioicailla llezica, Pedro daide:

—Llófueraima, ñii benomo caimare cai illa! Mai daámani jofóchupina cai nii. Daaco óie, jíáico Moisés ie, íemo jíáico Elías ie, —daide.

Mei íadi Pedro ie daiíacana ónoñede. Jira comeci facáñeno ebena daií daide. ³⁴ Nai ie úrioina llezica, mona ero uíllie íaioina ferínocaide. Mona ero uíllie eromo íaioi íficailla llezica iere jacínaitiaioi. ³⁵ Afe llezica afe uílliemona daa uaina cacádiaioi:

—Bie iere cue izíruiga Jitoza, afémiemo omoi cacáreiri, —daide.

³⁶ Daií daina méifodo Jesumo érocaidiaioimo, ja dama ite. Afe mei afémaci afe íaioi ciónana bummo lloñédiaioi.

Jesús fiénide joríaí uícaiga jitócome jíllotata

(Mt 17.14-21; Mr 9.14-29)

³⁷ Afe jíáíruido afe ídumona ana íaioi billa llezica, aillo comini io anamo Jesús úiñotiaioi. ³⁸ Iemona comínimona dáamie ficire lléjecaide:

—Llófueraima, dúecaillano daade cue jitomo érocai. ³⁹ Fiénide joríaí riire íena uícade. Afe joríaí íena caillítacaide, afémiena nano íanori títáfirede. Afe llezica ie fuémona múllecíai bífirede. Iena duere finode; afémiena fáicanocaiñede. ⁴⁰ O llófuegamacimo afe joríaí jino oréllena izire jícadícue, mei íadi orénidiaioi, —daide.

⁴¹ Jira Jesús uai ote:

—¡Nii jamánomo ínofinidiomoi! Iemo daje izói ñúefuena iere uáitafirediomoi. ¿Níie dinó omoi cígímo íredícue omoi cue ríidollena? O jitó benomo ati, —daide.

⁴² Mei íadi afe jitócome Jesumo ánozilla llezica, fiénide joríaí afémie ana éniemo dotade. Afe llezica afe jitócome íanori titade. Mei íadi Jesús afe fiénide joríaina riire dainano oni orede. Afemona Jesús afe jitócome jíllotata. Iemona jíllotano ie moomo abido ite. ⁴³ Iemona nana comini Juzíñamuimo ite áillue ríinori caimare fáigacaidiaioi.

Jesús ie tíille rafue meine nane llote

(Mt 17.22-23; Mr 9.30-32)

Nana comini Jesús finócari caimare fáigacailla llezica, afémie ie llófuegamacina daide:

⁴⁴ Bíemo ñue omoi cácarei. Afena omoi féitañeno iri. Nanoide Hima Jitódicueza, duere cue íaioi finóllena comínimo fécajillicue, —daide.

⁴⁵ Mei íadi ie llófuegamaci afe ie dáinana ñue onóñediaioi. Mei afefue afémacimona rairuica. Iemo afe llezica afefue afémiemo jicánuana jacíruitiaioi.

¿Mei ñie come jamánomoina?

(Mt 18.1-5; Mr 9.33-37)

⁴⁶ Afe méifomo ie llofúegamaci dani jofo eróicana conímana “cáimona nímie iere jamánomoina” daína júfidotiaioi. ⁴⁷ Mei íadi Jesús íaioi comeci úrillana onode. Iemona daa úrue uáidota ie abimo naidánete. ⁴⁸ Daí naidániano afémacina daide:

—Bie úrue cue mámecido llínotimie cuena llínote. Iemo cuena llínotimie, ana cue orédimiena llínote. Mei uafue, omoi cígiri jabóidimie Juzíñamui eróicana iere jamánomoidimie, —daide Jesús.

Caina uáitañedimie cai dibénemo ite

(Mr 9.38-40)

⁴⁹ Ie jira Juan Jesuna daide:

—Llófueraíma nauí o mámecido fiénide jóriaí orédimiena ciódicaí. Afémie cai diga macañena jira afémiena rairuídicaí, —daide.

⁵⁰ Mei jira Jesús íena daide:

—Afe izói finódimie rairuñeno iri. Mei caina uáitañedimie cai dibénemo íteza, —daide.

Jesús Sanatiago Juan diga lletade

⁵¹ Jesús monamo jáiacanarui áinozilla llezica, afémie Jerusalemo jáillena riire mamérite. ⁵² Daí mamérellano uícodo raire uai llóitino orede. Afémaci Samaría éniemo ite duera jófuemo jáidiaioi íaioi dúcillico raire báillena. ⁵³ Mei íadi afeno itimaci Jesús naa uícodo orécanori Jerusalén diné íaioi jáiacana jira, íaioina llínoacañediaioi. ⁵⁴ Ie llofúegamacimona Santiago, Juan diga áfena cióillano Jesuna daide:

—Ocuíraíma, jaíai uai llóraíma Elías fínua izói, bimaci fúilleza monámona iraina cai jíriredicaí ¿meita jitáidio? —daide.

⁵⁵ Iemona Jesús íaillinoímo éroillano llétajano daide:

—Omicoí jainaina joréñona onóñediomicoí. ⁵⁶ Mei uafue, Nanoide Hima Jitódicueza comini niné táinocaitallena biñédicue, mei jiáifodo comínina jállotaíbiticue, —daide.

Iemona oni jiáigobaiímo jáidiaioi.

Jesudo jáiacadino bie izói írediaioi

(Mt 8.19-22)

⁵⁷ Iodo íaioi jailla llezica dáamie Jesuna daide:

—Ocuíraíma, o jáiacana diné o diga jáiacadicue, —daide.

⁵⁸ Jira Jesús afémiena daide:

—Nana jazici rílleníai uái ífireillino ite. Daje izói caifodo féedinuiai uái íaioi ráiillino ite. Mei íadi Nanoide Hima Jitódicueza dáanori uái cue illino iñede, —daide.

⁵⁹ Jesús jiáimiena daide:

—Mai cuedo bi, —daide.

Mei íadi afémie daide:

—Fueñe cue moo tíilla ráíaiticueza cue ore, —daide.

⁶⁰ Jira Jesús ie uai ote:

—Juzíñamuina jíruiñedino tíide izóidino; mai mei afémaci jádie ua tíitimiena ráilleza, mei o cuedo bi, billano Juzíñamui illáimana illirui llujáiri, —daide.

⁶¹ Afe mei jiáimie Jesuna daide:

—Ocuíraima, odo bíacadícue, mei íadi fueñe cue jofu ero comini jáillena facáduaitícueza cue ore, —daide.

⁶² Jira Jesús íena daide:

—Daa come ie táijina ja táinia mei, jiáinomo comeci fácaja fiénide. Ie jira bie izóidimie Juzíñamui illáimana illíruimo táijillena ráifiñede, —daide.

10

Jesús setenta dígamie ñúefue llujállena orede

¹ Bie méifodo, Ocuíraima Jesús nane setenta dígamie nizede. Níziano ménamierie ie uícodo orede. Nana ie jáiacanagobiaimo íaioina orede. ² Íaioina daide:

—Uáfueza, jacáfaimo ite raa ailla llezica jofu óitino iñena izói, birui Juzíñamui illáimana illíruimo jofu órede comini aillo ite. Mei íadi afémaci jofu óitino figo iñede. (Afe jofu óitino jiáimacimo ñúefue llóitino.) Ie jira cai Ocuíraimamo, jacafai Naama izóidimie jiaie ñúefue llóitimacina omoi jicari, afémacina afémie oréllena. ³ Jira omoi jai. Jaillano bie uaimo omoi comeciiri: illáirede jazici jicóniai cígimo ovejai jiza ória izói, ómoina orédícue. ⁴ Omoi jailla llezica cirítico uiñeno iri, daje izói úcubena uiñeno iri. O eiba icona uiñeno iri. Io anamo jiáimaci díga are naidáicana úhuriñeno iri. ⁵ Ninó daa jofomo jofu o jáiadi afeco comínina fueñe bie izói omoi daiíri: “Caimare uái illífue bie jofomo íteza.” ⁶ Afécomo comécina caimare uái itino ia, afe uai afémaci íaioieite. Mei íadi afe izoide comini afénomo íñenia, omoi daií uáidua uai abido ómoimo bíteza. ⁷ Oni omoi jáiñeille díno dáacomo uái iri. Omoi íaioi ecálleze güítimoiza. Omoi jirótalleze jirori. Mei jiáimacina omoi cánua jira, nana afemo táijiraime ie táijinado íbaredeza. Ie jira naga jófuedo güícañeno iri. ⁸ Ninó jófue omoi dúcia caimare omoi íaioi llínoia, güíllena omoi íaioi ecaa afe omoi güiri. ⁹ Daje izói afénomo iráredinuiaina omoi jíllotari. Afe llezica afémacina daiíri, “Juzíñamui illáimana illarui ómoimo ja áinozideza,” daiíri. ¹⁰ Mei íadi jiaie jófue omoi dúcia afeno comini ómoina llínoiacañeniadi, jino jofue cígimo ite macáraodo jairi. Jaillano daiíri: ¹¹ “Cai eíbamo aífide omoi jofue íaie ómoimo teténoitícaí. Daií finódicaí, fiene caimo omoi finuana uáitallena. Mei íadi bíena omoi onoiri: Juzíñamui illáimana illarui ja ómoimo áinozideza.” ¹² Omoína dáitícue, íiraícaño izire jicánolliruimo bie jofue comini Sodoma comini duere finóbina baímo duere finólliaioi.

Náfueñide jófuiái comini

(Mt 11.20-24)

¹³ ¡Corazín jofue comini, nii dúerena! ¡Daje izói Betsaida jofue comini nii dúerena! Mei íaioi cígiri cue finoca ciórainina raa, afena Tiro jofue comini naa Sidón jofue comini cígimo nauí finódicuenia níbai jaiai uícodo íaioi comeci ífueña méidotiaioi. Uafue íaioi comeci ífueña méiduamona ja díga fimona jailla. Afe llezica zúunaia jítaífrega jítroi jítaíacadiaioi. Daje izói aféruimo íaioi zúunailla jino ácatallena jízefo ífomo jutáacadiaioi. ¹⁴ Mei íadi íiraícaño izire jicánolliruimo Tiro Sidón díga duere finóbina baímo Corazín íemo Betsaida comini duere finólliaioi. ¹⁵ Daje izói Jesús Capernaum jofue comini lletade; íaioi díbénedo daide: ¿Meita íaioi íinoga jofue monamo uírede? ¿Daií comeci facádiaioi, ero ua? Mei jiáífodo íaioina dáitícue, tíidino illánomo ana dotaca izói niné táinocaitalliaioi.

¹⁶ Iemo ie setenta nizécamacina daide:

—Omoína cacáreidimie cuemo cacáreide. Iemo jiái ómoína ruifíruitimie cuena ruifíruite. Daje izói cuena ruifíruitimie cue ana orédimiena ruifíruite, —daide.

Oreca setenta dígadino abido dáanomo dúcina

¹⁷ Nauí oreca setenta dígadino meine abido caimare dúcidiaioi. Jesuna daidíaioi:

—Ocuíraima, nana cai llógamo cacáreidiaioi, ua daje izói fiénide jóriai o mámeçido daina uaimo cacáreidiaioi, —daidiaioi.

¹⁸ Jira Jesús daide:

—Jii, Satanás monamona ameo izói baiállana ciódicue. ¹⁹ Daje izói jaióniai naa acáiduai ómoína izi cácatañelle ríino naui ómoimo cue iga. Daií nana cai bacáuai izóidimie Taife ríinona izi cácañeno anáfenodiomoi. ²⁰ Mei íadi fiénide jóriai jino ória ríino ómoimo íllado figo coméçiñeno iri. Mei jiáífodo omoi mámeçiai monamo cúeinari omoi ióbiri, —daide.

Dama Jesús cáimacailla
(Mt 11.25-27; 13.16-17)

²¹ Afe llezica, Ñuera Joreño Jesuna ióbitade. Ióbicaillano Jesús daide:

—Cue Moo, mona énie diga Ocuíraimadio, omo ñúefue mámeiticue, mei ráfueña baitádinomona o dibénedo retáidoga onóigafuiai onótañedio. Mei jiáífodo coméçina níífuenide úrue izoide jamai comínimo aféfuiaina jino cíotatio. Jii, Moo, mei o daií jítaidioza, —daide.

²² Jesús nai úrioides: “Cue Moo, nana ráaniai cuemo fecáidio. Moo Juzíñamui, o Jitódicue, mei íadi buna uáfodo cuena ñue óñoñena. O cue Móodioza, dama o ñue cuena onona. Daje izói buna uáfodo ona ñue óñoñena. Cue, o Jitódicueza, dama cue ñue ona onona. Iemo jiái daje izói o Jitó onótaacagano ñue ona ónoitiaioi, —daide.

²³ Iemona ie llófuegamacimo érocaillano, dani íaioina daide:

—Omoi ciona raana cionamona jii ióbirediomoi! ²⁴ Mei ómoína daidicue, diga Juzíñamui uai llóraini naa illáimaiairi omoi ciona raana cióacadiaioi mei íadi jaca cióñediaioi. Daje izói omoi cacana uai cacáacadiaioi, mei íadi jaca cacáñediaioi, —daide.

Samaria ímie rafue

²⁵ Afe mei ocuica uai llófuefiredimie Jesumo úrizaide, afémie facátallena. Afémiemo jicánote:

—Llófueraima; ziiñona cue íllena ¿ñie izói íredicue? —daide.

²⁶ Jira Jesús uai ote:

—Ocuica uaimo ¿mei ñie uai cúeina? Afena ¿ñie izói facádotio? —daide.

²⁷ Jira ocuica uai llófuefiredimie uai ote:

—Afe uai bie izói daide: Nana o coméçido o Ocuide Juzíñamuina izíruiri. Daje izói nana o joréñodo, íemo nana o máriedo, íemo nana o ífoci úrillado íena izíruiri. Afe llezica dama o abina o izíruilla izói afe izói o aino cómena izíruiri, —daide.

²⁸ Mei jira Jesús daide:

—Ñue fairíotio. Bie izói o finóadi nia are cáaitio, —daide.

²⁹ Mei íadi Ocuica Uai llófuefiredimie ie facátalle uai baiñenamona, ñue jicánotimie daiíllena jiáie uai Jesumo jicánote:

—¿Ñie come cue abi ímiena jóoneiticue? —daide.

³⁰ Jira Jesús uai ote:

—Dáamie Jerusalémona oni Jericomos jaide. Ie jailla llezica merírifiredino afémie fatíaioi. Fájano ie ráaniai bairódiaioi naa inícuiruaimo. Afémiena iere ízitatiaioi; jabo ie títano íena fiénocaidiaioi. ³¹ Afe méifodo lletáirairaima ónonino daje llezica afe iodo jaide. Mei íadi fagámiena cíoillano onido jaide. ³² Afe mei Leví nairai ímie afénomo dúcide. Daje izói afémiemo fia érocaillano onido jaide. ³³ Afe méifodo Samaria ímie daje iodo jaide. Fagámiena cíoillano afémiemo zúucaillano iere dúcecaide. ³⁴ Mei íemona fagámiemo billano, cáirediji naa vino diga ie boáfiai manode. Afe mei afe boáfiai maite. Maia méifomo dama ie búrromo caifo rainada dúciracomo uite. Uillano afécomo afémiena uíñote. ³⁵ Afe jiáiruideo, afe Samaria ímie ja jáizailla llezica, mena úcube uano afeco naama íbade. Íbajano daide: “Bie iráredimie ñue o uíñori. Bímiemo omo cue iga úcube baímo o dotáadi, uire meine cue bia omoi cue íbálleza,” daide. ³⁶ Mei íemona birui cuemo

llone: Bie daámanidemoná ¿níimie ñue finoca bie merírifiredino fagámie aino come finófirena izói? —daide Jesús.

³⁷ Jira ocuica uai llófuefiredimie daide:

—Mei afémiemo dúcaidimie fagámie aino cómena, —daide.

Iemona Jesús íena daide:

—Jaillano bímie fínua izói o finori, —daide.

Jesús Marta María íainguai jofomo dúcide

³⁸ Jesús iodo jaillano duera jófuemo dúcide. Afénomo ite Marta dainango ie jofomo Jesuna caimare llíinote. ³⁹ Marta ebuño María Jesús anamo ráiizaibite ie dáinana ñue cáaillena. ⁴⁰ Mei íadi Marta diga jetáacaganiáimo comeci llícibite. Iemona Jesumo billano daide:

—Ocuíraima, cue ebuño nana táijina cuemo fiénocaide, ¿aferi comeciñedio? Cue dine ore, afengo cue cánuaibilleza, —daide.

⁴¹ Mei jíáifodo Jesús afengo uai ote:

—Marta, iere o jetáacaga raamo o comeci llícitaitio. Afe táijinamo iere duere zefuídio.

⁴² Mei íadi daa jitáirede raana nai omo ñede. Ie mei María afe baimo ñuera raa jae nizede. Afengo nizada oga raa bu báiroñeite, —daide.

11

Juzíñamuimo cai úrifireillena Jesús llote

(Mt 6.9-15; 7.7-11)

¹ Afe mei jíáiruideo Jesús bai táinomo Juzíñamuimo úrite. Juzíñamuimo ie úrilla llíicaillamona ie llófuegamacimona dáamie daide:

—Nauí Juan ie llófuegamacimo ie llua izói, Juzíñamuimo cai úrilla cai llofue, —daide.

² Jira Jesús íaioina daide:

—Juzíñamuimo omoi úria bie izói daiíri:

Cai Moo Juzíñamui, monamo itio; o mámecido ñúefue nitácaza.

O illáimana illirui raire bíteza.

Dinomo monamo o comeci jitáillafue íaioi fínua izói, afe izói bie éniemo finótaibiteza.

³ Cai nágarui jitailla güilleniai, birui caimo fecari.

⁴ Cai finoca fiénidífue iba caimo oñeno iri, mei afe izói jíáimaci fiéni caimo finódiaioi íadi, afémacimo ibana oñédicaí.

Íaifuemo cai báíñellena caina úíñori.

Iemo afe llezica nana fiénidífuaíimona caina jíllotari.

⁵ Iemo nane Jesús daide:

—Bie fia cue daíille ráfuemo omoi comeciiri. Omoimona dáamie ie onóigamie ite. Afe o onóigamie dáaferui o jofomo jaillano ona daide: “Daámani páaniai fia cuemo feca, ⁶ mei cue onóigamie ailli cue jofomo dúcidez. Mei íadi afémie cue ecállena ñede,” daide. ⁷ Ie jira níbai jofona bie izói uai óredio. “Cue úrue diga inídícueza, cuena áifedoñeno iri. Naze ibáicaza, o jicaca raa omo fecállena jino bínidícue.” ⁸ Mei íadi ómoína dáitícue, afe jícaíbitimie o nabaina jira fécaíñeitio, mei íadi afémie are ona áifedoñeillena nana ie jitaica ráaniaina jeruñeno fécaítio. ⁹ Afe jira ómoína dáitícue: Juzíñamuimo jícarí, afémie fécaíteza. Jenorí, báitioza. Nazémona jíirirí, íemona afémie tuizáibiteza. ¹⁰ Mei uáfueza, jícadimie jaca llíinote; jenódimie jaca baite; nazémona uáidotimiemo naze tuiñoa.

¹¹ Omoimona úrueredimie ie jitó güillena jícaadi ¿meita nofícina iga? Jaca íniga. Daje izói chamu jícaadi, ¿meita jaiona iga? Iniga. ¹² Iemo jíai jígi jícaadi ¿meita acáidona iga? Iniga. ¹³ Mei fiénidíomoi íadi, ñuera ráaniaina omoi úruiaimo fécajana onódiomoi. Mei íadi afe baimo monamo ite omoi Moo afémie Ñuera Joréñona jícaítinomo fécaite, —daide.

Fiénide joríaí ríino Jesumo illa afémiemo jitádiaioi

(Mt 12.22-30; Mr 3.20-27)

¹⁴ Afe mei Jesús uáinidimiemo ite fiénide jóriai jino orede. Afe jáillamona afe uáinidimie ja ñue úrite. Aferi comini caimare fáigacaidiaioi. ¹⁵ Mei íadi dáarie daidíaioi:

—Bímie Beelzebú daina fiénide jóriai illaima ríinodo, afe fiénide joriaina jino orede, —daidíaioi.

¹⁶ Jiáimaci ie facátallena, “Monámona uai dáinamona comuide ciórainina raa fino,” daidíaioi. ¹⁷ Mei íadi Jesús afémaci comeci úrillana onóillano daide:

—Ninó daje náiraina ite comini bozíetaillano conima diga fuiríadi, afe nairai niné táinocaite. Daje izói daaco ero comini bozíetaia, afémaci daje izói are iñeno niné táinocaitiaioi. ¹⁸ Afe izói, mei Satanás dama íemo jaináidinona, dani abina uáitaiadi, ¿mei ñie izói ie ócuifirena ríino are ite? Bie ómoimo llóiticue, mei cuena “Fiénide joriaina Beelzebú ríinodo jino orédio,” daidíomoiza. ¹⁹ Mei íadi daítadena, jiáiuaina ómoimo jicánoticue, Omoido jáidinomo ite fiénide jóriai orelle ríino, ¿bu mei fecaca? Ie jira dani afémaci ñue onóñeno taino omoi llua jino cíotatiaioi. ²⁰ Mei jiáifodo uáfueza, Juzíñamui ríinodo fiénide joriaina jino oréfiredicue. Iemo bifue bie izói ómoina dáiacade: Juzíñamui illáimana illírui ja ómoimo dúcide.

²¹ Mei daa mairide cómemo ie ñue fuirira raa ia, ie jofona ñue úiñofirede. Afedo ie uíñuamona buna ie raana bairónide. ²² Mei afémie baímo ríiredimie bíadi, ñibai íena anáfenoite. Anáfenuano ie íinoga abi ríidua raana báiroite. Afe mei afe báiruaitimie nana íemo ite ráaniaina úite.

²³ Cuena ruifruitimie cuena uáitate. Daje izói cue diga dájena táijiñedimie, cue ráaie oni jutádimie izoide, mei afémie jiáimaci cuemo íinotañedeza, —daide Jesús.

Jino oreca fiénide jóriai meine dáamiemo bite
(Mt 12.43-45)

²⁴ Jesús nai llíicaiñeno úrite:

—Fiénide jóriai cómemona jino jáiadi, táiziciaido ie uái illino jenócana uite. Ie uái illino baiñenamona bie izói comeci facade. “Meine abido cue billa cómemo jáiticue,” daide. ²⁵ Afe jóriai meine afe cómemo bítemo, ñue rafoda finócaco izói baizáibite. ²⁶ Iemona afémie baímo siete diga jamánomo fiénide jóriai uájide. Afémaci nana afe cómemo jofo jaillano itíaioi. Afemona afe come nauí ie fiénina baímo birui jamánomo fiénide, —daide.

Uáfueña íóbidino

²⁷ Mei Jesús nai bífuiuido úrioina llezica, comínimona daa ringo ficire Jesudo úrite:

—O jocódingo ñi caimare érocaillangona. Daje izói o comútatíngó ñi caimare íóbillangona, —daide.

²⁸ Mei jira Jesús jiáifodo daide:

—Juzíñamui llógamo cacáfiredino, daje izói áfena ñue ínotino o dainango baímo jamánomo caimare itíaioi, —daide.

Fiénide comini ciórainina raa finóllena Jesumo jicádiaioi
(Mt 12.38-42; Mr 8.12)

²⁹ Comini Jesús onífenedo ofídiaioi. Jesús íaioina daide:

—Biruimo ite comini iere fiénidino. Afémaci ciórainina raana finóllena jicáfirediaioi, mei íadi nauí Juzíñamui uai llóraima Jonás onótagafue baímo jiáifueña llóñeilliaioi.

³⁰ Mei Nínive jófueño ite comínimo Jonás Juzíñamui orécamierna áioi onóillena afémie jóonega raa izóidimie. Afémie illa izói, biruíllaido ite comínimo Nanoide íima Jitó Cristo afe bie comini onóillena jóonellimiena íite. ³¹ Íirairuimo bigímaiaí izire jicánolle llezica sur díbenemo jica ite nairai illaíngó bigímaiaímo fiénidifuiái nítaite. Mei afengo jica énie fuédamona Salomón comeci onóigafueño cacáreizaíbiteza. Mei íadi birui benomo Salomón baímo baitádimie illa. ³² Daje izói bigímaiaímo íirairuimo izire jicánolle llezica, Nínivemo ite comini bimácimo fiénidifuiái nítaite. Mei Nínivemo ite comini Jonás

Juzíñamui uai íaioimo llua llezica, íaioi comeci itífueña méidotiaioi. Mei íadi birui benomo Jonás baimo jamánomoidimie ite.

Cai illafue ñue egáiñote raa

(Mt 5.15; 6.22-23)

³³ Uneca mechera bu báinino jóoneñede. Daje izói cajón anamo buna mechera retáidoñena. Mei jíáfodo uneda caifo jica rainaca, jofu eromo jáitino ñue cíollena. ³⁴ Ñúefuemo o coméciilla omo ñue egáiñote raa izoide. Jira mechera egáioinamona o uído ciónana o íóbitaja izói, afe izói ñúefuiai o jítaigana o comeci ífueña caimare itátaite. Iemona ñúefuemo o coméciillado nana o illafue jaícina ñue joide. Mei íadi ñúefuemo o coméciñeniadi, jítfodo mácaja izói itio; nana o comeci ífue zuure íteza. ³⁵ Mei jira omo ite mechera egáioina izoide raa, dúide izói meídoñellena ñue rairuiri. ³⁶ Mei nágarui ñúefuiai mo féitaño o coméciia, mechera egáiñuamo uáfori cíoina izói, nana o illáfueña ñue uáfodo cíoitio, —dínori Jesús úrite.

Fariséuai daje izói ocuica uai llófuetinori imaci fiénidífue Jesús jino llote

(Mt 23.1-36; Mr 12.38-40; Lc 20.45-47)

³⁷ Jesús ie úrilla llícaillamona daa fariseo ímie ie diga güizájillena Jesumo llote. Jesús jofu jaillano güiránomo ráinazaide. ³⁸ Afémie afémaci fínofirena izói finóñede, mei afémie íaífue múiñua joreño onoi jócua, finóñeno güíteza. Aferi afe Jesús uitímie fáigacaide. ³⁹ Mei íadi Ocuíraima Jesús íena daide:

—Omoi fariséuai jiróraco naa plato diga jócua izói jinófene ñue jocódiomoi, mei íadi jofu erófenena jocóñediomoi. Afe izói nana omoi jinófenena ñue rairuídíomoi, mei íadi jofu comeci dínena, merírillado omoi oga raa ite; daje izói fiéni omoi íllado omoi oga raa ite. ⁴⁰ ¡Comécina úriñedinodiomoi! ¿Onóñediomoiza comini jinófene finódimie, íemo íaioi ero díne comeci finódimie dáamie? ⁴¹ Ñúefuiai comécido omoi onónamona ómoimo ite raana jeruíño dúeredinomo fia fecari. Afemona nana ráaniai ja ómoimo íáinino íitiaioi.

⁴² Fariséuai, ¡nii omoi dúerena! Omoi riga ráamona diez dígademonaa daa Juzíñamuimo dúide raana afémiemo ñue fecáfiredíomoi. Omoimo ite “menta” daina rarócimona afémiemo fecáfiredíomoi. Daje izói “ruda” daina rarócimona daa fecáfiredíomoi. Iemo jíai omoi poróto coduaimona due Juzíñamui íena máme-firedíomoi. Mei íadi comécina jaícina jóidífue mo naa Juzíñamuina izíruillana náfueñediomoi. Aqué izói íredíomoi. Afe llezica omoi jíáie finóacaigafueña féitaño finori.

⁴³ Fariséuai, ¡nii omoi dúerena! Juzíñamui uai lloraco eromo jamánomo ñue ráiraniaina jicáfiredíomoi. Daje izói jofue cígido macáraodo omoi jáia, comini jacírede illaima uáidua izói omoi íaioi uáidollena iere gáidíomoi.

⁴⁴ Ocuica uai llófue-firedíno naa fariséuairi, ¡nii omoi dúerena! Jínofene díne ñue cíoina mei jofona comeci díne ráataitíomoi. Ciónena énie anamo tíidíno ráigano izóidíomoi. Comini afe acónido ónonino macádiaioi.

⁴⁵ Iemona ocuica uai llófue-firedínomona dáamie afe uai ote:

—Llófueraima, jadíe izói o daina nane caina ríicaitade, —daide.

⁴⁶ Jira Jesús daide:

—Ocuica uai llófuetino, daje izói ¡nii jamánomo omoi dúerena! Mei ocuínide méere de raa izoide jíaimamo jaca llonódacaifiredíomoiza. Aféfuiaina buna ocuínide. Afe omoi riire ocuícana canófiníomoi.

⁴⁷ ¡Nii omoi dúerena! Mei jaiái omoi nánoragíma faga Juzíñamui uai llóraini raiafo izoide tíidímie jóoniacona ébirerie finódiomoiza. ⁴⁸ Daí omoi fínuado jaiái afémaci finócafueña jíeruitíomoi. Mei afémaci afe uai llóraini titádiaioi, íemo birui afémaci raiafo izoide jóoniacona meine abido nitátatíomoi.

⁴⁹ Ie jira Juzíñamui nana ráfuiai onóillano, bie izói daide: “Afémacimo cue uai llórainina óreiticue. Daje izói jíáie cue nizécana íaioimo óreiticue. Afémacimona dáarie

títaitiaioi. Jíáimacina duere finóllena rácaitiaioi,” daide. ⁵⁰ Mei uáfueza, birui itínomo, nana jaiia faga uai llóraini ibana óite. Uafue, énie fínuamona biruimo nana tíidino ibana óite. ⁵¹ Faga Abel igímamona Zacarías tíllaruimo ibana óite. Afe Zacaríasna Juzíñamui gairíraco eromo ite altar áinori fatíaioi. Jira ómoína dáititue, biruimo itínomo Juzíñamui afe titácana ibana óite.

⁵² Ocuica uai llófuetino, ¡nii omoi dúerena! Mei nauí Juzíñamui ómoimo fecaca ie ñue báiataja uai ie illáimana illánomo jofo omoi jáillena, áfena ñue náfueñediomoiza. Iemo afe llezica onóiacadinomona áfena rairuídiamoiza, —dinori Jesús úrite.

⁵³ Jesús bie izói íaioina daina llezica, ocuica uai llófuetino naa fariséuairi afémiemo jamánomo ríicaidiaioi. Iemona diga jicánoiacaga uáillaído afémiena áifedodiaioi. ⁵⁴ Irebai izóidena afémie óllena jifánodoidiaioi. Daí finódiaioi, ie daina uáillaído fiénidifuiiaí afémiemo nitállena.

12

Comécina íáirena mei jinófenena ñue cíoidino Jesús lletade

¹ Afe dáaruído diga náiraiiaí dáanomo iere gairídiaioi. Gairíllamona conímaiaina zaizídiaioi. Iemo Jesús ie llófuegamacina nano fueñe daide:

—Fariséuaimona diga comini comécina íáirena mei abina ñue cíoidino ite. Afémaci daí illamona abí omoi rairuiri, mei afe íaioimo ite íaifue pan fáitara “levadura” izóideza. Due jiza jónega ia, nana afe erona maiñode. ² Nana báiino daina uai jino uáfodo cíozite. Daje izói nana báiino retáidoga raa uáfomo báifite. ³ Mei íemona, nana jítifomo omoi báiino úrilla uailai jino úzefomo cacaille. Daje izói jofo eromo báiino omoi daina uai comini dáanomo uáidota afémaci cacáicana ficire lolle.

¿Ñie cómena jacíruiredicaí?

(Mt 10.28-31)

⁴ Omoi cue nabáñiaidiomoi, jira bie izói ómoína dáititue. Fia abi íeizi titáfiredo comínina jacíruiñoeno iri. Afe mei afémaci ómoimo íaioi finolle jíáifuena iñede. ⁵ Mei jíáifodo omoi jacíruillimie llóititue. Abi íeizi títaja méifomo boode jóraimo comeci dotáfiredimiena omoi jacíruiiri.

⁶ Onódiomoiza, cinco diga ófocuiño mena úcubetunido ibárede. Mei íadi afémacimona Juzíñamui dáamiena féitañede. ⁷ Iemo jíái ómoimo ite ifótirai illa dígatirai facádoga. Daítadeza jacíruiñoeno iri. Mei omoi, aillo ófocuzai baímo ráifidiomoiza.

Comini eróicana Jesuna jíeruitino

(Mt 10.32-33; 12.32; 10.19-20)

⁸ Omoína dáititue: Nanoide íima Jitódicueza, comini eróicana nana cuena jíeruitinona afe izói Juzíñamui abi imaci eróicana jíeruititue. ⁹ Iemo daje izói comini eróicana cuena jáanoitinona, afe izói Juzíñamui abi imaci eróicana jáanoititue.

¹⁰ Iemo nane jíáifue, ninó daa come Nanoide íima Jitona íaire dáia, afémie daina íaifue dórede. Mei íadi ninó dáamie Ñuera Joréñona íaire dáia, afe jaca dónide.

¹¹ Iemo ninó jíáiruido Juzíñamui uai llorácomo afémaci omoi uíadi afemo comeci llícitaiñoeno iri. Daje izói izire jicánofiredinomo, naa ocuídillaini diga, afémacimo omoi íaioi uia, omoi daíacana uaimo comeci llícitaiñoeno iri. ¹² Mei omoi úriacanamo dúcille llezica, Juzíñamui Ñuera Joreño omoi daíllifuenta ómoimo llóiteza, —daide.

Comini ráarena jacírede

¹³ Comínimona dáamie Jesuna daide:

—Llófueraíma, cócomo fiébide feci ráamona, cuemo dúina dieze cue ama cuemo ílleza, o lloiri, —daide.

¹⁴ Jira Jesús afémiena daide:

—Ebe, omoi cígimo izire jicánofireitimiena, daje izói fécafíreitimiena ¿bu cue jóonia? Jóoneñegacue, —daide.

¹⁵ Jesús nane dáanomo daide:

—Nana úradoillafuiai mona caade come izói, abí omoi rairuiri. Mei come ñue illafue, aillo ráarenamona óñega.

¹⁶ Afe mei bie jino onótate raafue llote:

—Nauí iere ráaredimie ite. Afémie jacáfaiai iere áillamona jofo olle llízie iere ite.

¹⁷ Afemona iere ráaredimie comeci facade: “¿Mei ñie izói íitícue? Afe áillue llízie éenollino ñede.”

¹⁸ Nane dáanomo comeci facade: “Cue finóllemo ja uíbicaidícue. Cuemo ite éenoracuai júdaiano jamánomo áillocuaina nitátaitícue. Afécuaímo nana jofo cue olle llíziena éenoitícue. Daje izói nana cuemo ite raana afécuaímo jóoneitícue. ¹⁹ Afe mei dama cue abina dáitícue, ‘Ja aillo raa jofo ofítaticue; áfedo díga fimona cáaitícue. Nágáruí táijíñeno fia güítícue. Iemona fia uái íitícue. Aillo vino júruano, áferi caimare ífireitícue,’” daide.

²⁰ Mei íadí Juzíñamui íena daide: “Comécina onóñedimiedio. Fui naio tíitio. Afe mei o ofítaga ráaniai ¿bu náamatalle?” daide. ²¹ Mei dama ie abí íena aillo raana ofítaitimie daí íteza, mei daí afémie ofítaja llezica, Juzíñamui jítainamo comécíñede. Comécíñeno, afémie Juzíñamui eróicana iere dúeredimiena jaide, —Jesús daide.

Juzíñamui ie úruiaína ñue rairuide

(Mt 6.25-34)

²² Afe méifomo Jesús ie llófuegamacina daide:

—Jira ómoína dáitícue, omoi güíacaga güíllemo comeci omoi llícitaiñeno iri. Daje izói omoi jítácaga incuíromo comeci llícitaiñeno iri. ²³ Cai ñue illafue cai güille baímo ráífide. Iemo jíái cai abí cai incuíro baímo ráífide. ²⁴ Mai “cuervo” daina cháafona eróidemo comécíiri. Afémaci jaca riñediaíoi; daje izói llizíllaniai jofo onédiaíoi. Daje izói afémaci güille éenoraco ñede, naa íaíoi ofítaranori. Mei íadí Juzíñamui afémacina ecade. Ie mei omoi afe ófocuizai baímo jamánomo ráífidiomoi. ²⁵ Omoimona, comeci iere llíciamona, ¿mei bu ie zairilla dínor baímo mediio metro zairírena? ²⁶ Mei duera raana finónidiomoi ía, ¿ñibái mei jíáie raa fínuamo iere comécíidiomoi?

²⁷ Raroci záfia zeríllamo omoi comécíiri. Afémaci táijíñediaíoi; daje izói raana niñediaíoi. Mei íadí jíáífodo ómoína dáitícue, jaiái illaíma Salomón ñue cíoide raana jamánomo ráarede íadí, bie záfia ebírena izói, ebírediroina jítáñede. ²⁸ Mei Juzíñamui daí raroci ebire cíotaiadí, afémie jeruíñeno ómoína iníroina jítáite, jabo ínotinodiomoi íadí. ²⁹ Afe jira benómona o güíacaga raa, o jirolle díga zuure jenóñeno iri; daa afemo comeci llícitaiñeno iri. ³⁰ Mei bínie comini daa afe izóidemo jaritaidiaíoi. Mei íadí omoi Móorediomoi. Afe omoi Moo Juzíñamui nana afe ráaniaína omoi jítáillana onódeza. ³¹ Iemona Juzíñamui illáimana illáruimo dúide raamo raire afemo omoi comécíoiri. Iemo afémie nana bie raana ómoímo fécaíteza.

Monamo cai jirídollena ofítaredicai

(Mt 6.19-21)

³² Cue izíruiga ovejaí izóidiomoíza, jacíruiñeno iri. Dúemacidiomoi íadí, o Moo ie illaímana illano ómoíena mamécade. ³³ Omoímo ite raa fecari. Fécajano raana jítáidinomo ine. Daí omoi finóadí, Moo Juzíñamui comeci jítainana fínoitiomoi. Iemona monamo ie illánomo ñúefuiai ofítaitiomoi. Daje izói jaca ninomo fúíñeite ñúefuiai ómoíena monamo ómoímo íte. Afénomo merírífiredimie jaca jáinide. Daje izói afénomo ícuai güíñeite. ³⁴ Mei uáfueza, omoi ofítaga raa illánomo, afénomo jíái o comeci íte.

Nágáruí ñue finóbiredicai

³⁵ Benómona jaca nágáruí ñue omoi finóbífíreiri. Nauíllamona comini mechera unéfírena izói, abí omoi rairuiri. ³⁶ Jofo naama ocuífíregano, áirena ráfue mona meine

ie dúciacana uícomo íaioi afémiemo ocúirina izói, afe izói cue billíruimo omoi ocúiriri. Afémaci ñue ocúiridiaioi, afe jofo naama nazémona uáidoia raire íemo túiñuaíbillena. ³⁷ Afe izoide ocúifiregano jaca iníñeno íaioi naama bíllemo ñue ocúiridiaioi. Daií íaioi illa afémie cíozaiBILLA llezica, afémaci ja ñue íaioi finóbillari íóbicaidiaioi. Uáfueña ómoína dáititue: Afe íaioi naama afémacina güiránomo ráinaite. Raina mei dama afémie íaioi güillena bai ráiziite. ³⁸ Mei nibai dáiferui llezica afémie dúciadi, nibai monáiacademo afémie dúcia, afémaci uícomo iníñeno ocúiridiaioi. Iemona afémaci íóbicaitiaioi. ³⁹ Iemo jíífue díbénedo bie izói omoi onoiri: jofo naama merízaiBITIMIE bille monana onóia, afémie iníñeno ocúirite. Iemona jofo naama merízaiBITINONA ie jofona tuíñotañeite, ie raa íaioi mériñeillena. ⁴⁰ Afe izói ñue omoi mamériri, mei Nanoide ñima Jitó comini coméñeilliruimo ónonino déizaibite, —daide Jesús.

Raire íinofirede ocúifiregamie, íemo jíái íinofinide ocúifiregamie
(Mt 24.45-51)

⁴¹ Mei jira Pedro Jesumo jícanote:

—Ocuíraima, bífueña, ¿ñie comínimo llotio? ¿Dani caimo, nibai nana comini íena llotio? —daide.

⁴² Jira Ocuíraima daide:

—Mei daa jofo naama ie ocúifirega jabóidillaíma eneno mamede. Jofo naama jíca jáiacana uícomo, ie jofo ero raana afe jabóidillaíMAMO llonódacaide. Afe llezica nana jofo ero táijidino ecállena afémiemo jóonenocaide. Daií jóonega jabóidillaíma jaca nágarui ñue íinofiregamíena írede. Daje izói afémie ñue onódimíena írede. ⁴³ Afe izóidimie nana íemo llonódacaiga raa nágarui ñue finófirede. Ie jira jofo naama meine bille llezica, daií ie íllana cíozaiBITE. Iemona afe jabóidillaíma íere cáimacaite, mei nana ie ocuica raana ñue ícoímo fuitádeza. ⁴⁴ Uáfueña ómoína daidicue, jofo naama afe íinofirega ocúifiregamíemo nana íemo ite raa, llonódacaite. ⁴⁵ Mei jíáifodo, afe jabóidillaíma jofo naama are bíñeite dainano, jíáie jofo eromo táijidinona duere finóadi, afe jabóidillaíma íere cacáfinidimíena jaide. Mei afe llezica afémie jofo ero táijitatingo fieni finódeza. Iemo aillo güíteza, aillo jiródeza. Júrua mei jífátateza. ⁴⁶ Daií ie illa llezica, afémie due jiza coméñeitemo jofo naama dénuaiBITE. Onóñeilliruimo dúciite. Dúciillano afe jabóidillaímana jofo naama jamánomo duere fínoite. Nana jíáie íinofinidino duere zefuilla izói, afémie íena duere finótaite.

⁴⁷ Ninó daa ocúifiregamie ie naama comeci jitailla táijinana onode íadi, áfemo jaca ñue finóbiñede, daje izói áfemo cacáreacañede, afe ocúifiregamie duere finoda íere izi cácatalle.

⁴⁸ Mei jíáie ocúifiregamie ie naama jítaillana onóñede íadi, dama fieni ia, afémie jabo izi cácatalle. Bie jíáie uaimo omoi cácarei. Aillo igámíemona aillo jícaitiaioi. Daje izói ñue íinogamíemo díga ñúefue jóonefirediaioi. Ie jira afe aillo jóonefirediamíemona aillo ócuítiaioi.

Comini énenorie ráinuaíbiticue
(Mt 10.34-36)

⁴⁹ Cue bie éniemo irai izói bónuaiBITICUE. Aferai raire bóollena íere oíacadícue. ⁵⁰ Ja bautismo izoide, izi cácanafuedo facátallicue. Afénomo nai dúciñedemo raire uícomo aferui dúciñenari duere zefuífiredicue. ⁵¹ ¿Níbai bíniemo caimare dájena uái illífue atídio, cuena daidíomoi? Ómoína dáititue, afe izói biñédicueza; comini énenorie ráinuaíbiticue. ⁵² Mei benómona dáacomo ite cinco dígadimie cue ícoínia eneno ráidoizítiaioi. Afémacimona daámani cuemo íinoítiaioi; íemo jadíe enéfenemo ménade íñoñedimaci ráidoizillanona conima díga fúiritiaioi. ⁵³ Cuemo ínuamona da jíto ie moo dínená ruifíruille. Daje izói jíto ie moo cuemo ínuá jira dájena uái íñeno íena ruifíruillano éoite. Iemo jíái, ei jiza cuemo ínuamona ei dínená ruifíruille. Dájena uái

íñeitiainguai. Daje izói jífaiño cuemo íñua jira mio ðinena ruifíruille. Afe íbana mio ie jífaiño ðiga ðájena uái íñeitiainguai, —ðaide Jesús.

Iirairuillai dúciacana onótaite raa
(Mt 16.1-4; Mr 8.11-13)

⁵⁴ Afe mei nane comínina Jesús ðaide:

—Fuirina nairíadi “noci bíite” ðaidíomoi. Afe mei ua bíide. ⁵⁵ Daje izói ñue mona monáillado “fímona baizájilla” ðaidíomoi. Iemona jaca fímónana jaide. ⁵⁶ ¡Omoi comécina íáirena mei abina ñue cíodínodíomoi! Noci bíllana onódíomoi, íemo fímona baizájillana onódíomoi, mei íadi birui omoi cígímo cue fínoca onótaitífuiaína onóñedíomoi.

O ðiga icíritimie raire manánaitari
(Mt 5.25-26)

⁵⁷ ¿Ñibái mei comeci jaícina jóina izói, ðani conímamo jicánoñedíomoi? ⁵⁸ Daa come o llógidoiacania, ríimacimo ómicoi úrizaila llezica, nai ómicoi dúciñena llezica io anamo afefue ñue o záitari, riire jicánoraímamo o ie izájíñeillena. Izire jicánoraímamo o ie izájíadi, afe izire jicánoraíma fiénidíno llaitáfiredíno o izájite. Iemo afémaci ona llavéracomo íbaitiaioi. ⁵⁹ Uafue ona dáitícue o llavétatimie jicaca úcube ie jícaya ðeze o íbaiñenia afécomona jaca jino bíñeítio, —Jesús ðinori ðaide.

13

Caí comeci ifue iere raire méidoredicai

¹ Aféruillaido comínimona dáarie Jesumo Pilato jíaimaci fiéni faaja lluáibitiaioi. Naui Galilea imácimona dáarie Juzíñamui íóbillena faga rille fécajilla llezica, Pilato afémacina fate. Fáajano íaioi ðie íaioi fecaca rille ðie ðiga Pilato tamede. Daí ie fínuana ñii íaire cíoina! ² Jira Jesús ðaide:

—Omoi bie Galilea comínimo ¿ñie izói comécíidíomoi? ¿Meita afémaci jíáie Galilea comíni baímo fiénidíno, jira afémaci raamo jíridiaioi? ³ Afe izóiñede, ómoína dáitícue. Mei jira omoi comeci ifue omoi méidoñenia, nana daje izói niné táinocaitíomoi. ⁴ Iemo jíáifuemo omoi comécíiri. Naui Jerusalemo iere caífo jica caifóidico ite. Afe iere caifóidico, Siloéna mámecirede. Afeco ðíllamona ðiecíocho ðiga comíni jíitafidiaioi. ¿Meita afémaci Jerusalemo ite jíáimaci baímo fiénidíno? ¿Meita jira daí zefuídiaioi? ⁵ Omoína ðaidícueza, afe izóiñede. Mei jira omoi comeci ifue omoi méidoñenia nana omoi niné táinocaitíomoi, —ðaide.

Higuera ðaina llizíñede amena rafue

⁶ Afe mei Jesús bie jíáie íaioi onóigafue afémacimo llote:

—Da come higuera ðaina amena ie jacáfaimo rite. Afe mei afena llizíadi daí eróizaide. Eróizaidemo jaca llizíñede. ⁷ Ie jira afémie jacafai uíñotimíena ðaide: “Ero, ðámani fímona bie amena llizíadi daí eróizaíbifiredícuemo jaca llizíñede. Llizíñedeza, mai o tíeri. Fia cue jacafai llótaidoteza.” ⁸ Jira afe jacafai uíñotimie uai ote: “Naama, bie fímónamo mai nai cai tíeñeilli. Afe amena moi ñue fínuano júnaitícue. ⁹ Ñibai áfemona llíziteza. Mei íadi áfemona llízíñenia tíelle,” —ðaide.

Jesús ocózinai llaruimo abina ana jíicaidíngona jíllotata

¹⁰ Jíáie ocózinai llaruimo Jesús Juzíñamui uai llorácomo llófuete. ¹¹ Afe llezica aféno mo ðiecíocho fímónamo abina ana jíicaillari iráredíngó illa. Naui fiénide jóriai aféngona daí fínoca. Aféngó caífo jaícina jaca náidacainide. ¹² Jesús aféngona cíoillano ie jíirite. ðaide: —Ríngó, o irárenamona ja jíllotíto, —ðaide.

¹³ Daí ðainano Jesús ie onoi aféngomo bitade. Bitá llezica aféngó ñue jaícina náidacaide. Afe dáaruído aféngó ñúefue Juzíñamuimo llote. ¹⁴ Mei íadi áferi Juzíñamui

uai lloraco illaïma ríicaide, ocózinaiïllaruïmo Jesús afengo jíllotaja jira. Afémie comínina daide:

—Seis diga mona táijiredicai, aféruillaïdo omoi jíllloïllena bíredïomoi. Mei íadi ocózinaiïllaruïmo omoi abina jíllotaïbiñeno iri, —daide.

¹⁵ Jira Jesús ie uai ote:

—Comécina íáirena mei abina ñue cíoidinodiomoi. Omoi cuinaca burro, íemo juráreto ocózinaiïllaruïdo ¿meita jaïnoi ie jíruaïllena zuitáñediomoi? ¿Zuitáfiredïomoi! ¹⁶ Afe izói bie Abrahámona comúdingo ie irárenamona ¿meita ocózinaiïllaruïmo zuitánidicue? Mei aféngona Taife dieciocho diga fimona ja cuinaca izói duere finódeza, —daide.

¹⁷ Jesús daí daina cacáïllano, ie éoidino méaicaïdiaïoi. Mei íadi nana comini afe Jesús finoca áïllue ñúefuïaïri íóbidiaïoi.

Mostaza daina raroci jéenide iji rafue

(Mt 13.31-32; Mr 4.30-32)

¹⁸ Iemona Jesús daide:

—Juzíñamui illáïmana illáruina omoi ónoïllena ¿mei ñie izói jino cíotaiticue? ¿Ñie izói afénona mámeiticue? ¹⁹ Afe illarui mostaza daina raroci jéenide íjiaï izoïde. Daa come aféjiaïna ie jacáfaimo rite. Afe jéenide íjiaï ríllamona afe jéejinide zícua caïfo amena ñinori aïllo zairide. Afe ícaïruaïmo feede ófocuizai jillaïna nitíaïoi.

Levadura rafue

(Mt 13.33)

²⁰ Nane Jesús daide:

—¿Ñie izói Juzíñamui illáïmana illáruina mámeiticue? ²¹ Afe illáruina “levadura” daina pan aïllo fáitate raa izoïde. Daa ringo daámani julleco harínana oruítajano áfemo due jiza fáitarana tamede. Iemona nana afe íféllana mulleda oni aïllo móonaitade, —daide.

Rillírede naze izoïde rafue

(Mt 7.13-14, 21-23)

²² Jesús Jerusalemo jaïlla llezica, áfemo ite jofue comínina llófuete, naa jéenidigobiaïmo. ²³ Afénomo dáamie Jesumo jicánote:

—Ocuíraïma, ¿meita jíllotino dúemaci, ero ua? —daide.

Jira Jesús afémie uai ote:

²⁴ —Juzíñamui illáïmana illánomo jofo jáïrao rillírede naze izoïde. Afe rillírede naze izóidedo jofo omoi jáïllena riire omoi mamériri. Mei ómoïna dáititiceza, aïllo comini afénomo jofo jáïacaitiaïoi, mei íadi jáïnitiaïoïza. ²⁵ Mei jofo naama náidacaïllano naze íbaille mei, omoi ja jinófenemo fiébitiomoi. Afe llezica nazémoma jíjjiritiomoi: “Ocuíraïma, naze caïmo tuiño” dáititiomoi. Afe llezica afémie jofona uai óite: “Omoi ninó comínidïomoi, ómoïna onóñedicue,” dáite. ²⁶ Iemona omoi bie izói dáititiomoi: “Caï, o diga güiticaï, daje izói o diga jiródicaï. Caï jofue cigi iomo caïna llófuefiredio,” dáititiomoi. ²⁷ Mei íadi nane afémie uai óite: “Jae ómoïna daïdicue, ninó comínidïomoi, ómoïna onóñedicue. Omoi nana fiénidifue finófiredïomoi, cuémoma oni jai,” dáite.

²⁸ Iemona afénomo jino éenaitiomoi. Daje izói zúurenamona murímurítomoi. Mei Juzíñamui illáïmana illánomo Abraham, íemo Isaac, íemo Jacob jofo jáïllana cíoitïomoi, naa Juzíñamui uai jino llórainiri. Mei íadi afe llezica omoi ja jino dotálliomoi.

²⁹ Mei uáfueza, nágafeniaïmona billano, diga íinotino Juzíñamui illáïmana illánomo jofo jáïllano güizáïbitiaïoi. ³⁰ Mei afe llezica dámierie ódaficaïdino uícoficaïtiaïoi. Daje izói dáarie uícoficaïdino ódaficaïtiaïoi, —daide Jesús

Jesús Jerusalén comíniri eede

(Mt 23.37-39)

³¹ Aféruïdo fariséuaïmona dámierie dúcïllano Jesuna daïdiaïoi:

—Herodes o fáïacadeza, benómona oni jairi, —daïdiaïoi.

³² Jira Jesús uai ote:

—Mai afe iere abi ráiruide egai izoide Herodes omoi llujjiri: “Cacai. Bímonado íemo daje izói uire jiti, fiénide jóríaiaina jino óreitícue. Daje izói iráredínona jllotaitícue. Iemo bai ie uire áfemo cue táijina fúitaitícueza,” daíí omoi llujjiri. ³³ Mei íadi birui bie cue bíllaodo nai jáiredícue. Daje izói uire jiti nai jáiredícue, íemo bai ie uire nai jáiredícue. Mei Juzíñamui uai llórainadícueza, Jerusalén jinomo oni jica tíinidícueza, —daíde.

³⁴ Iemo Jesús éecana daíde: “¡Jerusalén comini! ¡Níi íaíoi dúerena! Juzíñamui uai llórainina fáfrediaíoi. Daje izói Juzíñamui íaíoi mo oreca uai llujjítino nófiena níjífrediaíoi. ¡Diga icaiño íaíoi na átava ie átavachíngo íaico anamo bícuva izói, íaíoi na cue anamo bíocadícue! Mei íadi áfena jíeruñíediaíoi. ³⁵ Ie jira omoi cacai, uire jíáíruido omoi jofue zóofegacona mámeite. Omoína daidícue, afénomona are cuena cíóñeítíomoi. Mei cuena “Juzíñamui mámeido bitímie caimare íóbídímie” omoi dáíñelle díno cuena cíóñeítíomoi, —díno ri Jesús daíde.

14

Abi fáillari duere zefuídímie Jesús jllotote

¹ Ie mei jíáie ocózinaíllaruimo Jesús fariséuai illaíma díne güüzájide. Afe llezica jíáie fariséuai Jesumo janónaíocana eróidiaíoi. ² Afénomo Jesús uíecori daa abína fáillari duere zefuídímie illa. ³ Mei jira Jesús ocuica uai llófuefiredínomo jícanote naa fariséuairi.

—Ocózinaíllaruido ¿meita iráredímie jíllotarede? ¿Nibai jíllotanide? —daíde.

⁴ Mei íadi afémaci uai oñeno tíi daíí itíaíoi. Iemona afe iráredímie bai uáídota jíllotote. Jíllotajano, “Mai o jairi,” daíde. ⁵ Afe mei Jesús fariséuaina daíde:

—Omoimona bu ocózinaíllaruimo íemo ite burro, níbai juráreto, ífomo baía ¿meita raire naado óñega? ¡Ocózinaíllarui íadi jaca raire caífo ófiredíomoi! —daíde.

⁶ Afemona afe uaina jaca ónidiaíoi.

Airena ráfuemo uáídoga comini

⁷ Afe güilláfuemo bite lloga comini illáicomini ráíira izóidíno ráíllena izire jenódiaíoi. Nana uícoficaiacadiaíoi. Jesús áfena cíoíllano bie izói íaíoi na llófue:

⁸ —Nínó dáamie árenafuemo omoi uáídoia, illaíma ráíiranomo ráíñeno iri. Mei o baímo jamánomoidímie níbai dúcíteza. ⁹ Iemona omoi uáídote rafue naama omo lluaíbite. “O ráíirano mai bímiemo feca,” ona dáíte. Afemona íraíe ráíiranomo meáíe ráízaitio. ¹⁰ Mei jíáífodo nínó dáamie irázíllena o jíria, bai ícoímo ite ráíiranomo o ráíiri. Afe mei o uáídote rafue naama bílla llezica, afémie ona dáíte: “Cue onóígamie, bai benó ñuera ráíiranomo bí,” dáíte. Afe daíí nana güíránomo o díga ráíiedíno eróicana afe rafue naama ñúefue omo jóoneíteza. ¹¹ Mei jira naga come dama ie abína jamánomoidena fínoítímie, jamáimiena óreite. Daje izói “Jíba cómedícue” daídímie, jamánomoidímiena jáítaite, —daíde.

¹² Afe dáaruído, Jesús ie uáídotímiena daíde:

—Güílla rafue o fínoa o onóígamací uáídoñeno iri, naa o ámatíairi. Daje izói o comini uáídoñeno iri, naa o áinori ite ráanaitímacíri. Mei afe íbana ona uáídoítiaíoi. Afe daíí íbaja izói máíñoítio. ¹³ Mei jíáífodo güílla rafue o fínoa dúeredíno uáídori naa aídáímacíri. Daje izói júbene ídainidíno uáídori naa uina cíóñedínori. ¹⁴ Afemona iere caimare íítioza. Mei afémaci afe íbana omo fínónidiaíoi. Mei íadi tíide comécina jáícina jóidíno nífuenidíno meine abído cááíllaruimo o íbaja ízoide raa máíñoítioza.

Aíllue güílla ráfuedo jíáífuena ñue caí onótaite

¹⁵ Afe güílla ráfuemo Jesús díga ráíiedínomona bífuena cacáíllano dáamie Jesuna daíde:

—Juzíñamui illáimana illíruimo nabáíritímie caimare ite, —daíde.

¹⁶ Mei jira Jesús íena daíde:

⁴ —Omoimona dáamie cien diga ovéjaiaí ia, afe ovéjaiaimona daa féiraia, áfena riire jénoite. Mei uáfueza, afémiemo fiévide noventa y nueve ovéjaiaí fiiano afe daa féiraitena afémie baille dinó riire jénoite. ⁵ Afe mei afe féiraitimie baillano caimare ie fecábemo bíano jofomo uite. ⁶ Jofomo dúciillano ie onóigamacina naa ie aino comíniri dáanomo gairítajano íaioina dáite: “Ja féiraite oveja cue báigaza. Mai cue diga caimare omoi iri.” ⁷ Mei jira ómoína daidícue: “Afe daje izói daa fiénidifuiaredimie ie comeci ifue méiduari monamo itino jamánomo íóbidiaíoi. Mei íadi noventa y nueve diga comeci ifue méidonide Juzíñamuimona oni nibéfedo jáiñedinori jofófemo íóbidiaíoi.

Ucubetuni niné baiilla rafue

⁸ Bie jíaie ñúefuemo omoi cacarei. Daa ringomo diez diga úcubetuni ite. Afemona dáatuni baiide. Afe jenóllena mechera unede. Afe llezica jofo ero rafode. Afe bie izóidedo afe úcubetuni jenócana uite ie baille dinó. ⁹ Afétuni ie báillamona ie onóigangotíai naa ie aino imáciri dáanomo íaíoi gairítano íaioina daide: “Jae niné baiide úcubetuni ja cue báigaza, mai cue diga caimare omoi iri.” ¹⁰ Nane ómoína dáitícue: “Afe izói fiénidifuiaredimie ie comeci ifue méiduari Juzíñamui abi imaci iere íóbidiaíoi,” — daidícue.

Moo anámona oni botade jító rafue

¹¹ Jesús nane jíáifue llote:

—Daa come mena jítórede. ¹² Afe íaillinoimona íiraimie ie moona daide: “O fecalle ráamona cuemo duide díbene cuemo ine,” daide. Iemona afe íaillinoi moo íemo ite ráaniai íaillinoimo fecade. ¹³ Afe méifodo íanori íllamona íiraimie íemo duide ráaniai jíaimamo fecade. Fécajano afe iba úcube llíinota jica jíaie éniemo jaide. Afénomo afémie iere fieni illáfuemo jaillano, nana ie llíinoga úcube táinomo dótajide. ¹⁴ Iemo ie uiga úcube fuite. Afe llezica afe éniemo aillo júbietaidimaci. Aféruillaído afémie iere jufíruite. ¹⁵ Iemona afeno itímiemo táijina jénuaide. Iemona afe énie ímie ie tóica meróniai uíñollena orede. ¹⁶ Afémie iere júbie méiniamona meróniai ecáinamona güíacade, íadi ninó buna ie ecáñena. ¹⁷ Afemona afénomo dama comeci facade: “Cue moo jofomo ñue ecaca táijitagano ñii aillo illa! Íaíoi jeírillamona fiébifírede. ¡Cue nibai benomo júbieri tíitícue! ¹⁸ Meine cue moo illánomo jáitícue. Dúciillano íena dáitícue: Moo, omo fiénidifue finódícue. Daje izói Juzíñamuimo fiénidifue finódícue. ¹⁹ Cuen a cue jító dáiiñeitioza. Fia o táijitagamiena mai cue mameri, dáitícue,” afémie comeci facade. ²⁰ Daíí ie comeci faca mei, iodo ie moo diné jaide.

Afémie nai jica ítemo ie moo íena ciode. Cíoillano afémieri iere dúecaide. Iemona moo ie jító díne aizícana jaide. Dúciillano ie jítóna iere caimare llíinote. Llínuno íena ñítade. ²¹ Afe mei jító ie moona daide: “Moo, Juzíñamuimo fiénidifue finódícue, daje izói omo finódícue. Cuen nibai cue jító dáiiñeitioza,” daide. ²² Mei jíáfodo afémie moo ie ocuífíregamacina daide: “Mai raire jamánomo ñúecuero jenoda atiri, afémie jítálleza. Daje izói ebírede onocai icuífoi jítari. Daje llezica ie eiba ico jítari. ²³ Afe dáaruído farede juráreto jiza fatá atiri. Afe ritá cai irázilleza. ²⁴ Mei bie cue jító tíilla izóidinomona meine cáadeza. Daje izói ja niné féiraite baitícaiza,” daide. Afemona caimare irázitiaíoi.

²⁵ Bie féiraitimie dúcina llezica, ie ama nánoramie jino jacáfaimo ite. Afénomona bítemo, jofo áinomo dúcidemo íaíoi irázilla naa íaíoi rúaniai cacaina. ²⁶ Ie jira jofómona daa táijítáfíregamie jítócome uáidota jícanote: ¿Mínica rafue finódiaíoi? ²⁷ Afe jítócome íena daide: “O ama dúcina. Afe jira o moo farede juráreto jiza fatátate, mei ie jító ñue iránino meine dúcina jira,” daide. ²⁸ Mei áfena fidíillano ie ama nánoramie iere ríicaide. Ríicaillano jofo afénomo jáiacañede. Afe jira ie moo afémie diné llujáide. Jofo bíllena caimare íena bífuiáide. ²⁹ Afe llezica ie moona daide: “Onódioza diga fimona o diga ñue táijífíredícue. Jaca o uaina oni caitáfinidícue. Mei íadi jaca ninó daa duera cabrito cuemo fecáñedio, cue nabáñiaíri cue irázillena. ³⁰ Mei íadi birui bie o úcube jiruíredíngotíaimo

dotádimie bíllamo afémie íena farede juráreto fatátatio,” daide. ³¹ Jira ie moo afémiena daide: “Cue jitó, o jaca cue dīga ífiredio. Cuemo ite raana nana omo dúideza. ³² Mei íadi bie ráfuena cai fínuana ñue jaícina joide, caimare cai íllena, mei o ama tíilla izóidīnomona meine bíteza. Daje izóí ja niné féiraite baitícaiza,” daide.

16

Aillue jofo jabóidillaíma izoide rafue

¹ Jesús nane ie llófuegamacina daide:

—Daa aillo ráaredimie ite. Afémiemo ie tájirainina ócuifirede jabóidillaíma ite. Jiáimaci afe ráaredimiena lluíbitiaioi: “O jabóidillaíma omo ite ñuera ráaniaina táinomo dotádeza. Afémie figo ocuñede,” daidíai. ² Ie jira ráaredimie jabóidillaíma uáiduano daide: “O finócafueña cue cacana ¿ñie izóí joide? Omo cue iga cue jofo rafue rábiai cuemo izáibiri, mei cue jabóidillaímana íñeitioza. Nana omo cue jóonegafue o záitalleza. ³ Iemona afe jabóidillaíma comeci facade: “Cue ocuídime ja oni cue dotádeza ¿ñie izóí fínocue? Mairíñedicueza, jacafai tiédimiena ínidicue. Comínimo úcube fia jícana meáruiticue. ⁴ Cue tájina fuille mei jiáie comini cue íai. Llínollena, cue finóllifue ja onódicue.” ⁵ Ie jira nana ie ocuídime íbáredena itími. Dámierie dánomo jírrillano daide: “O íbáredena cue ocuídime ¿nieze ite?” fuéñidime jicánote. ⁶ Afémie uai ote: “Cien dīga látaniai cáirediji afémiemo cue íballe ite,” daide. Iemo jabóidillaíma daide: “Benó o íbállibe ite. Mai benó raire ráillano, cincúentana llotíbena cúeiri,” daide. ⁷ Afe mei jiáima uáiduano jicánote: “O íballena ¿nieze ite?” daide. Jira afémie íena daide: “Cien dīga costales trigo afémiemo cue íbáredena ite,” daide. Jira jabóidillaíma íena daide: “Benó o íbállibe ite. Cómobemo ochenta dīga costales cúeiri,” daide. ⁸ Ocuídime áfena fidíllano, afe íbállibe táinona méidotime iere báitafue nitade. Iemona ja onógaza, bínie comini dani íai. Nícidogafuina Juzíñamui ínotino baimo iere baitádiai.

⁹ Bie izóí omoi íllena llóiticue. Bie fiénide énie ráaniaido, mai omoi nabáñiaina maiñori, ráaniai fuilla méifodo ómoína jofo íai. Llínolleza. Mei ómoimo ite ráaniai ñue omoi uíñuado omoi ñue ínofirenana jino comínimo ácatatimoiza. Afe izóí Juzíñamui omoi ñue ínofirenamona Juzíñamui ie zíñona illánomo ómoína llínoiteza.

¹⁰ Due jiza ite raana ñue úñotime daje izóí aillo raa íemo íadi áfena afémie ñue úñote. Mei jiáfodo due jiza ite raana figo úñotime daje izóí aillo raa íemo íadi afémie áfeniai figo úñote. ¹¹ Ie jira bie fiénide éniemo ite ráaniai figo omoi úñotenia, ¿bu mei zíñona ráifide ráaniai ómoimo fecalle? ¹² Daje izóí jiáimacimo jainaide raana figo omoi úñotenia, ¿bu mei ómoimo dúide raa ómoimo fecalle?

¹³ Dáaruido buna mena ocuídime jaináide. Iallnoimo o jaináidi dáamiena éoitio, jiáimana izíruitio. Daje izóí dáamie ñue ínotio, jiáimana jámairuitio. Mei jira onógaza: Juzíñamui o náamataja llezica úcubemo abimo náamatanidio, —dínó Jesús úrite. Daí Jesús úrilla llezica fariséuai ími. Cacáreidiai.

¹⁴ Afe fariséuai úcubena gáidino Jesús úrilla cacáillano uáitano íeri zadáidiai. ¹⁵ Mei jira Jesús daide:

—Comini erócana ñuemacina abi maméioimo, mei íadi omoi comeci ífueña Juzíñamui ñue onode. Mei jii, comini mameca jamánomoidimíina Juzíñamui éoide.

Juzíñamui illáimana illarui llua uai naa jai. Moisés ocuica uai dīga

¹⁶ Jaiáimona Juan Bautista illágimamo, comini Moisés ocuica uaimo dúidiai. Daje izóí Juzíñamui uai jino llóraini llógamo dúidiai. Iemo aféruimona bené Juzíñamui illáimana illarui ñuera uai llócaiga. Iemo afénomo jofo íai. Jáillena izire nícidotiai.

¹⁷ Mei bínie naa mona dīga niné táinocaiadi, illa dīga ocuica uallai táinomo faiño ñue ícoimo fuitárede.

Jesús iima ie ai dótajado úrite
(Mt 19.1-12; Mr 10.1-12)

¹⁸ Daa come ie ai dotáadi, íemo dótano jiáie ringo óiadi, afémie ja jiruifue finode. Daje izói afe dotácango aina otímie ja jiruífue mo baiíde.

Aillo ráaredimie íemo Lázaroná mámeciredimie diga

¹⁹ Daa iere ráaredimie ite. Afémie iere ñúecuiruai jirófírede; illaima jitáoigaroillai jitáfírede. Afémie nágarui ñue finóbilla rafue finófírede. ²⁰ Daje llezica afénomo dúeredimie Lázaroná mámeciredimie ite. Afémie abi mallízaina oruide. Ráaredimie naze fuemo ráiizaifírede. ²¹ Bie dúeredimie ráaredimie güirábanimona dótáfírega güille alla güífírede. Ie ráiina llezica, jicóniai ie mállie miáibifírede.

²² Afe mei diga irui íllamona dúeredimie tíide. Afémie Juzíñamui abi imaci monamo ite paraiso daina ñúenomo uiga. Afeno afémie Abraham abimo ite. Afe mei jiái, ráaredimie tíilla raitíaioi. ²³ Ráaredimie comini duere finólliraimo duere zefuilla llezica, caífo érocaide. Erocaide íadi Lázaro Abraham diga ráiinana jicana ciode. ²⁴ Iemona afe ráaredimie caillide: “Cai jaiái Moo Abraham, cuemo dúecai. Lázaro bené ore, iere due jiza jáinoína cue jirótaíbillera, cue iife manánaitallena. Mei bie iraimo iere duere zefuídicueza,” daide. ²⁵ Mei íadi Abraham íena daide: “Nauí o illáfuemo comeci faca. Aféruillaído iere ñue itio. Mei íadi aféruído bie Lázaro iere duere ite. Mei jiáífodo birui afémie benó iere caimare ite. Afe llezica o duere zefuídio. ²⁶ Bie baímo, coco cígiri jiáie iere afóredino ite, jira benó itino jáiacade ía, jáinide. Daje izói o illánomo itino caífo benó bíacadaíaoi ía, bínidiaíaoi.”

²⁷ Mei jira ráaredimie íena daide: “Cai jaiái Moo Abraham, Lázaro batí cue moo jofomo o oréllena izire jicádícue. ²⁸ Cue cinco dígade ama benomo bie duere zefuillanomo íaioi bíñeillena llotátari,” daide. ²⁹ Mei íadi Abraham íena daide: “Afémacimo Moisés naa Juzíñamui uai llóraini diga cúegana ite. Afe uáillaimo náfueitiaíoa,” daide. ³⁰ Jira afe ráaredimie uai ote: “Cai jaiái Moo Abraham, jii, mei íadi tíidinomona dáamie íaioimo llujáíadi, íaioi comeci ífuena méidoitiaíoi,” daide. ³¹ Mei íadi Abraham íena daide, “Afémaci Moisés naa Juzíñamui uai llóraini uaina náfueñenia, daje izói tíidinomona jáidino uaina íñoñeitiaíoi,” daide.

17

Fiénidífuemo come baiílla iere jacírede
(Mt 18.6-7, 21-22; Mr 9.42)

¹ Jesús íe llófuegamacina daide:

—Jaca nágarui comini fiénidífuemo baiítafue íteza. Jiáimana fiénidífuemo baiítatímie jñii dúerena! ² Trigo llaiéra áillue nofícina afémie cimoimo ícoínota monáillaimo dotácana baímo ñuera; úrué izói como íñotinomona dáamie fiénidífuemo báítañelleza.

³ Afe izóidemoná abí omoi rairuiri.

O ama omo fiénidífue finóadi, afémiena lletari. Afemona afémie illafue íe méidoia, caimare íena uáidori. ⁴ Mei dáaruído afémie siete dígacaiño o fiéni finóadi, íemo siete dígacaiño ona “Ja daí omo íñeítícue” afémie daízaíbiadi, jaca ninomo íena caimare uáidoitio, —daide.

Juzíñamuimo cai íñua ríinorede

⁵ Jesús orécana íaioi Ocuíraimana daide:

—Jamánomo cai íñotari, —daide.

⁶ Mei jira afe Ocuíraima íaioína daide:

—Due uáfueña o íñoiadi ríirede raana finóredio. O íñogafue díójina eroide mostaza íjñai jéénina izoide íadi, bie sicómoro daina aménana bie izói daífredio: “Caífo áijicaillano monáillajimo zójozai,” daidíonia afe amena o uaina íñoite.

Táijitafiregamiemo dúidifue

⁷ Omoimona daa cómemo ie táijitagamie íadi, afe táijitagamie jacáfaimona táijiano meine bíadi ¿Meita “Mai ráiizaibi, o écaiticue” dáitio? ⁸ Daiínide. Mei jíáfodo afémiena ñue dáitio: “Mai cue güille finori. Güillano cue jirole llezica nana cue jitailla raa diga bai atíllena, mamériri. Afe méifomo güillano jíroitioza.” ⁹ ¿Meita nana afémiemo ocuállana fínuaana ocuídime íena “Figora” daiírede? Daiíñede. ¹⁰ Afe daje izói, nana Juzíñamui ómoimo ocuica omoi fínua fuilla mei, bie izói daiírediomoi: “Ñue táijiraimaciñedicaí. ‘Iere figomaci’ caina daiínide. Mei dani caimo duide raa finódicaiza. Baimo jíáie finóñedicaí.”

Jesús diez diga chíñaitino jíllotate

¹¹ Jesús Jerusalemo jailla llezica, Galilea énie fuédamo ite duera jófuemo dúcide. Afe jofue daje izói Samaria énie fuédamo ite. ¹² Afe jófuemo dúciacana llezica, diez diga chíñaitino jino bai Jesús diné bitíaioi. Mei íadi afémaci Jesúmona bai jica fiébidiaioi.

¹³ Afénomona riire íena daidíaioi:

—Llófueraíma Jesús, caimo dúecai, —daidíaioi.

¹⁴ Jesús afémacina cíoillano daide:

—Batí lletárirainimo omoi abi ácataji, —daide.

Afénomo íaioi jailla llezica íaioimo ite duícuaí jacáibicaide. ¹⁵ Iemo afémacimona dáamie ie abímo ite duico jacáillana cíoillano, Jesús diné abido bite. Billa llezica Juzíñamuimo riire cáimadote. ¹⁶ Jesumo dúciillano afémie ana éniemo fueco diné bíjicaide, Jesuna figora daiíllena. Afe bie izói daidímie Samaria ímie. ¹⁷ Jira Jesús daide:

—¿Afe duícmona jíllotaga diez dígamieñede? ¿Néemei jíáie nueve dígamie? ¹⁸ ¿Meita dama bie jícanemiena Juzíñamuina abido cáimaduaibilla? —daide.

¹⁹ Iemona Jesús afe íimana daide:

—Náidacaillano mai jai. O íinuamona o duícmona ja jíllodioza, —daide.

Juzíñamui illáimana illirui bíllana nie izói ónoiticaí

(Mt 24.23-28, 36-41)

²⁰ Fariséuai Jesumo jícanotiaioi, “¿Níirui Juzíñamui illáimana illirui bíite?” Afémie uai ote:

—Juzíñamui illáimana bíllirui jaca cíoñena. ²¹ Afena “Ba níie” daiínide. Daje izói “Bai batí ite” daiínide. Mei Juzíñamui illáimana illino omoi cígimo ite, —daide.

²² Afe mei ie llófuegamacina daide:

—Uire jíáiruido daa birui cue illa izóidiruina cíocaitiomoi, mei íadi cíoñeitiomoi.

²³ Jáímaci ómoína dáitíaioi, “Be níie,” íemo níbai “Batí ite” dáitíaioi. Mei íadi afénomo jáíñeno iri. Daje izói afémacido jáíñeno iri. ²⁴ Mei ameo llairilla mona enéfemona jica jáínomo cíoina izói, Nanoide íima Jitó bíllirui afe izói cíocaizaibite. ²⁵ Mei íadi aferui nai dúciñeille llezica, afémie fueñe jamánomo duere zéfuíte. Daje izói bigímaiaí íena ruífruitíaioi. ²⁶ Noé illágimamo comini iere fieni illa izói, afe izói cue bílliruimo comini fieni íitíaioi. ²⁷ Noé ie finoca áillue nocaemo jáíñena llezica, nana comini ie lloga uaina náfueñeno ía güíoidiaioi. Güillano jírófirediaioi. Afe llezica íaioi fieni illafue méidoñeno áireoidiaioi; íemo íaioi jízaníai ínreitaoidiaioi. Jaca daí ítíaioi abina Noé jofó áillue nocaemo jaide. Iemo aillo noci bíide. Jamánomo bíillamona nana afémaci coróbaitiaioi.

²⁸ Iemo Lot illágimamo afe izói ite. Juzíñamuimo coméciñeno güíoidiaioi. Güillano jírófirediaioi; íbajano fécafirediaioi. Jacáfaiaina ritíaioi, íemo jófóniaina níocaidiaioi.

²⁹ Mei íadi afe Lot Sodoma jófuemona jino bítemo, monámona réiciaí noci bíilla izói cocide. Afe llezica iere uzire boode ‘azufre’ daina raa cócia. Afemona nana tímádimaci.

³⁰ Cue Nanoide íima Jitódicueza, cue cíocaizaibíllirui afe izoite.

³¹ Aféruimo daa come ie jofó caifófecomo íadi, ie jofó eromo ite ráaniaina jofó jaillano báiruainide, afénomona botádeza. Daje izói dáamie jino jacáfaimo íadi, abido ie jofomo

bínide. ³² Lot aïmo omoi úbicaï. ³³ Ie caana rairuácadimie áfena afémiemona féite. Mei íadi ie cáanana lloñédimiemona afe féiraiñeno, áfena baïmo ziiño illínona máinoite.

³⁴ Iemo nane ómoïna dáititcúe, cue dúciïlle naïo, mena come dájena ínia llezica, íaillinoïmona dáamie oni uille. Jiáimie fiébicaite. ³⁵ Daje izói mena ringo daane trigo lláïa llezica, íainguaiïmona dango oni uille, jiáingo fiébicaite. ³⁶ Daje izói mena ïima jino jacáfaiïmo táijina llezica, íaillinoïmona dáamie oni uille jiáimie fiébicaite, —daïde.

³⁷ Daïí ie dáinana cacáïllano, ie llófuegamaci íemo jicánotiaïoi:

—Cai Ocuíraïma, ¿meï ninomo?

Jira afémie uai ote:

—Ínóniaï dáanomomo gairízaïfirenamona, rille rifáïllanona ñue onódiomoi. Afe izói fiieni finóðino oni íaïoi úillemona dani íaïoi duere finóllinona uáfueña onóigaza.

18

Daa fecingo comínimo riire jicánoraïmamo jicajifirede

¹ Afe mei Jesús ie llófuegamacimo daa rafue mamede, nágaruïllai fáicanocaiñeno Juzíñamuïmo íaïoi jicajifireïllena. ² Íaïoïna daïde:

—Jófuemo daa Juzíñamuïna náfuefinide comínimo riire jicánoraïma ite. Daje izói jiáimacina lloñede. ³ Afe daje jófuemo daa fecingo ite. Afengo afe jicánoraïmamo úrizaïbite. “Cue diga ícíríacadimiena mai ñue jaïcina jicánori,” daïde. ⁴ Diga ícaïño afengo afémiemo jáidemo, afémie afengo uai jeire oñede. Mei íadi méifomo afémie comeci facade: “Juzíñamuïna jacíruiñedicúenia, daje izói comini uaina náfueñedicúenia, ⁵ mei íadi bie fecingo diga ícaïño cuemo zefuire bíbideza, aféngona ríidoitcúe. Afemona afengo cue ðine bíñeïlleza. Daïí afengo are cue zéfuïnaitañeïlleza,” daïí comeci facade.

⁶ Jira Ocuíraïma daïde:

—Daïí bie fiénide comínimo riire jicánoraïma daïde. ⁷ ¿Meita Juzíñamuï ie nizécanona, afe ie mona naïo diga íemo izire jicáðinona ríidoñeite? ¿Raïre íaïoïna ríidoiteza! ¿Meita “Fui ómoïmo llóititcúe” íaïoïna dáïite? Dáïiñeite. ⁸ Omoïna daïdicúe, afémie juare ðibáïñeno raïre íaïoïna ríidoite. Mei íadi Nanoïde ïima Jitóðicúeza meine cue bíadi, ¿meita cuemo ïinotino íite? ¿Meita íñeite?

Fariseo, íemo gobierno íbátaga úcube llíinoraïma izoïde rafue

⁹ Jesús nane jiáïfue lloite, abi ínuana jiáïmaci jámaïruitinona ñue llófuëllena. Daïde:

¹⁰ —Mena ïima íaillinoï Juzíñamuï jofomo Juzíñamuïmo úrizaïde. Dáamie fariseo ímie; jiáïma gobierno íbátaga úcube llíinoraïma. ¹¹ Fariseo ímie naïdáïcana bie izói Juzíñamuïmo úrite. “Moo Juzíñamuï, ona figora daïdicúe, mei cue bie jiáïe fiénidino izoïñedicúeza. Jaca merírifinidicúe, jiáïmaci jífuefinidicúe, daje izói jiruínidicúe. Afe baïmo bie gobierno íbátaga úcube llíinoraïma izoïñedicúe. ¹² Naga semánamo ménacaiño güïñeno ífiredicúe Juzíñamuï íóbitallena. Nágarui cue oga úcubemona, Juzíñamuïmo dúide raamo afémiemo fecáfiredicúe,” daïde.

¹³ ‘Mei íadi afe gobierno íbátaga úcube llíinoraïma monamo érocaiñeno oni jica fiébite. ðinó ie illa llezica, ïere dúeredicúe, ðainano ie abi ïere zuure finode. Fínuano daïde: “Aïi, Juzíñamuï mai cuemo dúecai. ¿tere fiénidifuiáiredimiedicúeza!” daïde.

¹⁴ Omoïna dáititcúe, afe úcube llíinoraïma Juzíñamuï anamo ñue illano jofomo jaïde, mei íadi afe fariseo ímie ñue fínoñega jaïlla. Mei uáfueza, abi ínota jamánomoiacadimie anáfeficaïde. Mei íadi abi ínoñeno comécina mánaïdimie daïðímie jamánomoidimiena jaïlla, —daïde.

Jesús úruiaï ñue íllena finode
(Mt 19.13-15; Mr 10.13-16)

¹⁵ Afe llezica comini íaioi jézainidino Jesumo atídiaoioi, afémacimo onoi bitállena. Mei íadi áfena ie llófuegamaci cíoillano afe atídínona rairuídiaioi. ¹⁶ Mei jiáifodo Jesús ie llófuegamaci uáiduano daide:

—Afe úruiai dama cue diné bitáioiza. Afémacina rairuñeno iri. Mei Juzíñamui illáimana illíruimo jáitino bie úruiai izóidiaioi. ¹⁷ Uáfuenta ómoína dáitícue, fia comécina mánaide úrue izóinedimie Juzíñamui illáimana illíruimo jaca jofu jáiñeite, —daide.

Ráarede jitócome Jesús diga úrilla

(Mt 19.16-30; Mr 10.17-31)

¹⁸ Illáicomini mona dáamie Jesumo jicánote:

—Ñuera Llófueraíma, zíñona cue íllena ¿nie izói íredicue? —daide.

¹⁹ Jesús íena daide:

—¿Nibái mei cuena “Fígomiedio” daidío? Abi dine jiáie ñúemiena íñede. Dama Juzíñamui ñuena. ²⁰ Cai ocuína uáillaina cacádíoza: “Jiruífuenta finóñeno iri, jiáimana fañeno iri, meríriñeno iri, jiáimamo taino lloñeno iri, o moo o ei diga ñue jacíruiiri,” —daide.

²¹ Jira afémie Jesuna daide:

—Bíuallaina cue dúemieniadi jaca nai biruido jeire ófiredicue, —daide.

²² Afena cacáillano Jesús daide:

—Mei íadi omo nai daafue fiévide. Nana omo ite ráaniai fécano, afe iba dúeredinomo ine. Afemona monamo ite zíñona ráifide raa óiena íteza. Afe o ráaniai fecalle mei, mai cuedo bi, —daide.

²³ Mei íadi áfena cacáillano iere zúucaide, mei afémie iere ráaredeza.

²⁴ Jesús ie zúucaillana cíoillano daide:

—Iere ráaredimie mei íadi ie ráaniaina cue baimo afémie izíruiadi, Juzíñamui illáimana illíruimo jofu jáillena ¡nii juárena! ²⁵ Camello mámecirede áillue rille eedo uífodo enéfenemo jailla juánide, mei jiáifodo iere ráaredimie Juzíñamui illáimana illíruimo jaille iere juárede, —daide.

²⁶ Aféfuena cacádino íena daidíaioi:

—Iemona ¿níimie jílluille? —daidíaioi.

²⁷ Jira Jesús íaioina daide:

—Comínimona finónide raa Juzíñamui finórede, —daide.

²⁸ Afe mei Pedro íena daide:

—Ocuíraíma, odo bíllena caimo ite raana fiénocaidicai, —daide.

²⁹ Jira afémie uai ote:

—Uáfuenta ómoína dáitícue, Juzíñamui illáimana illano ícoínia jofu fiénocaitimie, daje izói ie móotiai naa ie ámatiairi fiénocaitimie, daje izói ie ai naa úruiairi fiénocaitimie ³⁰ nai bíniemo ie illa llezica aillo baimo llíñoite. Afe mei monamo zíñona illino máíñoite, —daide.

Jesús nane dáanomo ie tíillifue llote

(Mt 20.17-19; Mr 10.32-34)

³¹ Jesús oni eneno doce dígade ie llófuegamaci uillano daide:

—Ja birui Jerusalemo jáiticaíza. Afénomo nana jaii Juzíñamui uai llóraini Nanoide fima Jitó cuega uai jino zúilleza. Nanoide fima Jitódicueza. ³² Afeno jicánemacimo cue fécaítiaioi, íemo cuena jifánodoítiaioi, íemo cuena báíñoítiaioi, íemo cuena túallaitiaioi. ³³ Iemo cuena rázido fáitiaoioi. Afe mei cuena títaítiaioi. Mei íadi daaruiámani íllemona tíidinomona meine abído cáadimiéna ítícue.

³⁴ Afe bífuiaina afémaci jaca onóñediaioi. Daje izói nímiédo úriteza onóñediaioi, mei aféfuiai afémaci baitánide.

Jesús Jericó ímie uínidimie jíllotata

(Mt 20.29-34; Mr 10.46-52)

³⁵ Jesús Jericó jófuemo áinozilla llezica daa únidimie io fuemo ráiide. Afémie fia úcube jicáfiredede. ³⁶ Aillo comíniai jáillana cacáillano afémie, “¿Níifue comuilla?” daide. ³⁷ Jira afémiemo llotíai, “Nazaret ímie bíedo jailla,” daidíai. ³⁸ Jira afémie jíirioicaide:

—Davidmona comuídimie Jesús, Mesía dainámie mai cuemo dúecai, —daide.

³⁹ Uícodo jáidino afémiena “Uriñeno lliicai,” daidíai. Mei íadi afémie nai riire caillide:

—Davidmona comuídimie, Mesía ímie mai cuemo dúecai, —daide.

⁴⁰ Iemona Jesús náidade. “Afémie cue diné omoi uaji,” daide. Afémie dúcizaibilla llezica Jesús jicánote:

⁴¹ ¿Minícana jítaidio, omo cue finólleza?

Jira únidimie uai ote:

—Ocuíraima, meine uído cióacadicue, —daide.

⁴² Jira Jesús íena daide:

—Mai érocai. O íinua ícoínia ja jíllodio, —daide.

⁴³ Daií daina llezica, únidimie ñue ciode. Afe mei afémie Juzíñamuimo caimátaicana Jesudo jaide. Daje izói nana afe únidimie jíllonana ciódino Juzíñamuimo caimátaoidiaí.

19

Jesús Zaqueo uáiduaide

¹ Afe mei Jesús Jericó jófuemo dúciillano, afe jofue cígido jaide. ² Afénomo daa ráaredimie ite. Afémie mámecei Zaqueo. Afémie gobierno íbátaga úcube líinoraímaci illaíma. ³ Bie Zaqueo Jesuna cióiacade ie ónoillena. Ua Jesuna cióiacade mei íadi íena ciónide, aillo comíni íllaza, íemo jíái afémie íere íámieza. ⁴ Ie jira Jesús úcomo aizíicaillano, sicómoro daina aménamo caífo lííode Jesuna cíoillena. Afe amena Jesús jáillino áinori ite. ⁵ Jesús áfede jailla llezica, caífo íemo érocaide. Iena daide:

—Zaqueo, raíre ana bi. Birui o jofomo fiébiticueza, —daide.

⁶ Ie mei Zaqueo raíre ana billano Jesuna caímare líínote. Ua Zaqueo jofomo jáidiaillinoí. ⁷ Comíni áfena cíoillano, nana áferi úrizidiaí. Daidíai:

—Jesús fiénidimie jofomo fiébizaide.

⁸ Iemo Zaqueo náidacaillano Jesuna daide:

—¡Ocuíraima, ero! Cuemo ite ráaniaímona dúeredimacimo átuedo fécaíticue. Daa come jífuiano nauí merídícuenia áfena afémiemo meine abído izájíticue. Nane afe emódomo dacaiñoámani afémiemo ííticue, —daide.

⁹ Jira Jesús íena daide:

—Daií o ínuamona Juzíñamui lloga jíllonafue birui jeire o úana ja onódicai. Nauí féiraitio, mei íadi birui ja jíllotagao. Ja Abraham comútagamiedio. ¹⁰ Mei jíi, o izoide ja oni baízaidino jenoda jíllotaíbiticue. Nanoide íima Jitódicueza, —daide.

Diez dígade úcubetunimo mameca rafue

¹¹ Jesús bífuiáido úrillana comíni cacana llezica, afémie daa rafue íaíoimo llote. Mei Jerusalemo afémie áinozioicaídeme, afémaci comécido “Juzíñamui illáimana illírui ja raíre dúciacade,” daidíai. ¹² Jira Jesús íaíoína daide:

—Daa íima núemacimona comuídimie. Afémie oni jica jíáiniemo jaide, afémaci illáimana afémie íaíoí jóoneacadiaíoiza. Afe mei afémie nane abído bíite. ¹³ Nai íe jáiñena llezica, íe táíjítaganomona diez dígamie uáidote. Uáiduno illa dígamie daa íere ráífide úcubetuni fecade. Feca llezica íaíoína daide: “Bie úcubetunido nai cue bíneille díno ráaniaí oírí. Ua mei, afe fécamo aillo úcubena oni jóoneri,” daide. ¹⁴ Mei íadi dama íe illano comíni afémiena éoidiaí. Eoillano afémie óodana llóitino orédiaí. Llotíai: “Cai illáimana o íllena jítaiñedicai,” daidíai. ¹⁵ Mei íadi afémie illáimana jóonega. Jóonia mei dama íe éniemo jaide. Dúciillano úcubetunillaina ígámiaí bai

uáidote. Uáiduanu illa dígamie jicánote: “¿Ja nieze úcubena ofítatio?” daide. ¹⁶ Nano jírigamie íena daide: “Ocuíraima, o úcubemona diez díga baimo óiena nabáidicue,” daide. ¹⁷ Ie jira aféllaíma uai ote: “Iere figura. Ñuera ocuífíregamiedio. Omo due cue ígari ñue ínotioza, diez dígade comini jofue illáimana o jóoneitícue,” daide. ¹⁸ Afe mei nane jíáimie jíirite. Afémie billano daide: “Ocuíraima, o úcubemona cinco díga baimo óiena nabáidicue,” daide. ¹⁹ Nane daje izói bímiemo uai ote: “O cinco dígade comini jofue lláimana o jóoneitícue,” daide. ²⁰ Afe mei nane jíáimie jíirite. Afémie daide: “Ocuíraima, be o úcubetuni. Ñue jacíruiocana cue éenogaza. ²¹ Mei iere ríimiedioza, ona jacíruitícue. O jóoneñegamona jaca ófiredio. Daje izói o ríñeganomona jaca ófiredio,” daide. ²² Afe jira aféllaíma íena daide: “Fiénide cue ocuífíregamiedio. Dama o daina uaido riire omo jicánoitícue. Cue ríirenana onódio íadi, ¿ñibái mei cue úcubemona nabáíñedio? Daje izói cue jóoneñegamona cue ófírenana onódio íadi, íemo jíái cue ríñeganomona jaca cue ófírenana onódio íadi, ²³ ¿ñibái mei cue úcubemona jíáie úcubemona iránomo jóoneñedio, abido cue jofomo cue billa llezica afe úcubemona íemo afe baimo jíáie úcubemona díga cue llíinollena?” ²⁴ Iemona afénomo itínona daide: “Bímiemo ite dáatuni uano, diez dígatuni otímiemo feca,” daide. ²⁵ Mei íadi afémaci aféllaímana daide: “Illaima ero, bímiemo ja diez dígatuni ite. ¿Ñibái mei jíáie úcubemona iga?” daide. ²⁶ Jira afe illaima uai ote: “Mei uáfueza ómoína dáitícue, ígámiemo baimo aillo írede. Mei íadi íñegamie due ite bairórede. ²⁷ Iemo afe baie cue illaima íllana óiacañedino, mai bai bené ati. Atiano cue eróicana afémaci tita,” daide.

Jesús Jerusalén jófue jofo jaide

(Mt 21.1-11; Mr 11.1-11; Jn 12.12-19)

²⁸ Bie izói daina méifodo Jesús nai Jerusalén diné jaide. ²⁹ Ja Betfagé jófue, íemo Betania jofue díga, afénomo Jesús dúciacade. Afe jofue Olivo idu áinori ite. Afénomo illa llezica íe llófuegamacimona ménamie orede. Iaillinoína daide:

³⁰ —Batí áinori ite duera jófue ómicoi jai. Dúciillano afénomo cuinaca búrrona cíoitíomicoi. Afe búrrono nai buna ráiñena. Zúitano cuemo atíri. ³¹ Daa come ómicoimo jicánoia “Ñibái mei uiga” daíadi, “Cai Ocuíraima jítaillano jíaca” ómicoi daíri, —daide.

³² Afe llófuegamaci íaillinoi jaillano nana Jesús íaillinoína daina izói cíozaidiaillinoi. ³³ Afe burro íaillinoi zúitaja llezica burro naama jicánote:

—¿Ñibái mei búrrona zuitádiomicoi? —daide.

³⁴ Jira afe íaillinoi uai ote:

—Cai Ocuíraima jítailla, —daide.

³⁵ Afe mei ja Jesumo uitíaillinoi. Dúciillano afe burro emodo íaioi ínirina jobédaioi. Jóbiano afe emódomo Jesús rainádaioi. ³⁶ Afe búrrodo Jesús jailla llezica, íe jáillao comini íaioi ínirillaína jobédaioi. ³⁷ Olivo daina ídumona ana íaioi jailla llezica, nana afémiedo jaide Juzíñamuimo ínotino íóbillano caillíoidaioi. Daje llezica Juzíñamuimo íere caimádaioi, mei díga Jesús uaido daina comúdena nauí uícodo cíódaioiza.

³⁸ Daidíaioi:

—Ocuíraima mámedido bite illaima caimare íri. Caimare uái illafue monamo íteza. Daje izói Juzíñamuimo ebire ñúfuiaina nitáfíreiri, —daidíaioi.

³⁹ Iemo afénomo ite comini cígimo fariseo ímíina ite. Afémaci Jesuna daidíaioi:

—Llófueraima, odo jáidínoia “Uriño” o daíri, —daidíaioi.

⁴⁰ Mei íadi Jesús uai ote:

—Ómoína dáitícue, bimaci úriñenia nofíciai riire úrille, —daide.

⁴¹ Afe mei afe Jerusalemo ánozilla llezica, afe jófuea cíoillano Jesús eede. ⁴² Eiano cómemo úrilla izói afe jófuea daide:

—Nífuenino uái o illífueña iere o onótaacadícue. Birui ñue o illarui. Mei birui afefue ómoimona báinino íteza, aféfueña onónidiomoi. ⁴³ Mei uáfueza fiénidíruillai ómoimo biite. Aféruimo omoi éoidímaci omoi illa onido nágafeniai nofíbanillaina izói ómoína cirínoítiaioi. Afe mei ómoiri riire fúiritiaioi. ⁴⁴ Iemo ana éniemo ona dótaitiaioi. Dótano afe jófueño ite comínina fáitíaoi. Afe llezica nana afe jofue finoína nofícaí ana dócoítiaioi; mei Juzíñamui ómoína caimare uáiduaíbillarui onóñediomoíza, —daide.

Jesús Juzíñamuimo gairíracó ráfua izói ñue finode

(Mt 21.12-17; Mr 11.15-19; Jn 2.13-22)

⁴⁵ Jerusalemo ie jofu jailla méifomo, Jesús Juzíñamuimo gairíracómo jofu jáillano afeco eromo ite ráaniai fecádino naa íbároidínori jino jiude. ⁴⁶ Íaioína daide:

—Jaíai Cuegáuaimo daide: “Cue jofu cuemo úrifíreillico.” Mei íadi afécona merírifíredino jofu izói finódiomoi, —daide.

⁴⁷ Nágaruillai Jesús afécomo llófuefírede. Mei íadi afe llezica lletáriraini illaini, daje izói ocuica uai llófuetino, naa jofue illáiniri ie íaioi fallino jenódiaioi. ⁴⁸ Mei íadi afémie fállena baiñédiaioi, mei nana comini afémie uai iere cacáreidiaioíza.

20

Illáicomini Jesús ócuifírena ríino jicánotiaioi

(Mt 21.23-27; Mr 11.27-33)

¹ Afe mei jíáiruido Jesús Juzíñamuimo gairíracómo comini llófueté. Afe llezica ñuera jíllona uai afémacimo llote. Daí llua llezica lletáriraini illaini, íemo ocuica uai llófuetino, naa ocuide eicomíniri, afénomo dúcidiaioi. ² Dúciillano Jesuna daidíaioi:

—Nie ríinodo bie ráaniaina finódio áfena cai lloiri. Afe omo ite ríino ¿bu mei omo fecaca? —daidíaioi.

³ Jira Jesús íaioína daide:

—Cuemo omoi jicánua izói ómoimo daafue jicánoitícue. Nee mei cue uai omoi ólleza.

⁴ Mei Juan ¿bu comini báutizallena ocuica? ¿Meita Juzíñamui ocuica? ¿Mei níbai comini ocuica? —daide.

⁵ Mei íadi uai oñeno, áfena dani conímamo júfidotiaioi; daidíaioi:

—¿Nie izói mei dáitícaí? “Juzíñamui ocuica” cai daíadi, Jesús cai uai óite, “¿Níbái mei afémiemo íinoñediomoi?” ⁶ Mei jíáifodo “Comínimona ocuica” cai daíadi, nana comini nófíena cai níjiítiaioi. Mei afémaci “Juan Juzíñamui díbénedo úrifírede” jaca daíífrediaioi.

⁷ Iemona afe illáicomini Jesuna daidíaioi:

—Juan báutizaíbillena ocuídímiena onóñedícaí, —daidíaioi. ⁸ Afe jira Jesús íaioína daide:

—Daje izói bie ráaniai cue fínofírena ríino ómoimo llóñeítícue, —daide.

Fiénide táijidino rafue

(Mt 21.33-44; Mr 12.1-11)

⁹ Afe mei Jesús comínimo úrilla llezica bifue íaioimo llote:

—Daa come jíricuena eroide úvaíai rillino finode. Afe mei afemo táijiitínomo nano íanori iba llínollena fecade. Fécano oni jíáinomo are íllena jaide. ¹⁰ Afe úvaíai llizilla llezica, ie ocuífíregamie orede, náamamo dúide díbene afénomo táijidínomona jicállena. Mei íadi afémiemo íñeno fájano ie orédiaioi. ¹¹ Ie jira jacafai naama nane jíáie ocuífíregamie orede. Mei íadi nane afémiena icída fatíaioi. Fájano íñeno fia meine orédiaioi. ¹² Nane afe mei jacafai naama jíáimie orede, mei íadi afe táijidino afémiena bófiano jino orédiaioi.

¹³ Írainomo jacafai naama daide: “¿Nie izói fínoítícue? Cue izíruiga jító óreitícue. Afémaci afémiena cíoillano, níbai afémiena caimare jacíruitiaioi,” daide. ¹⁴ Mei íadi táijidino afémiena cíoillano, jofu conímaíaina daidíaioi: “Bímie uire bie énie

máinoitimie. Mai cai falli. Afe mei bínie cáiena jáiteza,” daidíai. ¹⁵ Afe mei jacafai jinomo uillano íena titádiai.

Jira Jesús jicánote:

—Afe jacafai naama bimácina ¿níie izói finoite? ¹⁶ Afémie billano afémacimo dúecaiñeno títaite. Afe mei afénie jíáimacimo fécaite, —daide.

Afena cacáillano daidíai:

—¿Afe izói cai ílleza Juzíñamui rairuirí! —daidíai.

¹⁷ Mei íadi Jesús íaioimo érocaillano daide:

—Iemona, afe Juzíñamui Cuegáuaina ¿níie izói llóiacade? Afe uai bie izói daide:

Jofo níraini jámairuillano oni fádoica jáíillirai ja nahí jáíilliraina jaide. Bie dáina daíacade, comini jámairuillano ruifíruigamie ja ñuera jica jalleide illáimana jaide.

¹⁸ Afe jámairuiga nofici maméidimiemo écitaitimie niné tibérotaitaite. Iemo jíai afe nofici anamo jíitafitino jízefo izói jáitíai, —daí Jesús daide.

Gobierno íbátaga úcube rafue

(Mt 21.45-46; 22.15-22; Mr 12.12-17)

¹⁹ Afe llezica lletáiraini illaini naa ocuica uai llófueraíni Jesuna llaitáacadiaí, mei afémacido bie rafue afémie llúana onódiaioiza. Mei íadi afémaci comínina jacíruítiaí.

²⁰ Ie jira ñuémaci izói macádino Jesumo báinino orédiaí. Jesuna comeci féillamona fieni úritallena orécaiaí. Afe fieni ie úrillana cacáillano afémie romano caifóidíllaimamo fécaite. ²¹ Jira afémaci Jesumo bie izói jicánotíai:

—Llófueraíma, onódicaiza jaca ñue illífue llófuefiredio. Daje izói jáícina ñue úrifiredio. Iemo jino cíoidífuiaído izire jicánoñedio. Mei jíáfodo Juzíñamuimo cai jáíillido uáfuenta úrifiredio. ²² Caimo llone: ¿Romano jamánomoidíllaima íbátaga úcube íbádicaína ñuera? ¿Níbai fiénide? —daidíai.

²³ Mei íadi íaíoi ie facátaacanana Jesús onode. Jira íaioina daide:

—¿Níbai mei jíitaja izói cue finódiomoi? ²⁴ Daa úcubetuni cuemo ácataíbi. Afétunimo ite uíeco jana ¿bu ie? Iemo afétunimo ¿nie come mámecei cúeina? —daide.

Jira ie uai otíai:

—Romano jamánomoidíllaima uíeco illa, naa ie mámecei díga, —daidíai.

²⁵ Jira Jesús íaioina daide:

—Mei íemona romano jamánomoidíllaimamo dúide afémiemo fecari. Iemo daje izói Juzíñamuimo dúide Juzíñamuimo fecari, —daide.

²⁶ Nana afémaci comini cacáicana dáina uáíllaído ja Jesuna jaca jíitanidiaí. Mei jíáfodo ie uai úana cacáillano fáigacaidiaí. Afe mei íaíoi uai ollífue íñédeza úríñediaí.

Tíide comini meine abido cáaille jicánotíai

(Mt 22.23-33; Mr 12.18-27)

²⁷ Afe mei saduceuai ímíai Jesús díne jaide. Afe saduceuai tíidino meine abido cáañeite daífirediaí. Jira bimaci Jesuna bie izói daidíai:

²⁸ —Llófueraíma, Moisés caimo cuetá fiécabemo daide: Daa come ie ai nai úruenide abina tíia, afémie ama ie fecíngona órede, afémie úruiaí ie tíide ama méifomo comúllena.

²⁹ Mei nauí cai cígimo siete díga ámaredimíina ite. Nanódimie áireillano nai úruenino tíide. ³⁰ Afe méifoidimie afe fecíngo ote. Ie mei afémie daje izói úruenino tíide. ³¹ Afe mei nane jíámie daango ote. Uano nai úruenino tíide. Daje izói nana afémie ámatiaí daango uano úruenino tíidiaí. ³² Íirainomo ja afengo tíilla. ³³ Iemona comini tíillano meine abido cááillirumo, mei siete dígamie afengo óteza, afengo ¿nie íima aina mámeite? —daidíai.

³⁴ Ie jira Jesús uai ote:

—Bie éniemo ííñiaí áirediaí. Daje izói ringóniaí ínirediaí. ³⁵ Mei íadi uire monamo jáitena mamécano, daje izói tíidinomona meine abido cáaitena mamécano jaca áinitiaí.

Daje izói afénomo íaioi jízatiaina jíáimamo iníreitañeitiaioi. ³⁶ Mei afénomo buna tíinideza. Iemona afémaci Juzíñamui abi imáciai izóidiaioi. Tíillanomona meine abido cáailledo Juzíñamui jitótiaina ja mamécaiaioi. ³⁷ Jaiai Moisés illafue cuegánicomo Juzíñamui tíidino meine abido cáailana caina onótate. Moisés boode rarócina ciona llezica afe bóodemona Juzíñamui daide: “Dáaruído Abraham Juzíñamuidicue naa Isaac Jacob diga,” mei afémaci Juzíñamui illánomo cáadiaioiza. ³⁸ Mei uáfueza, Juzíñamui tíidino íeñede, mei jíáifodo cáadino ie. Mei uáfueza, Juzíñamui eróicana nana cáadiaioiza, —daide.

³⁹ Iemona ocuica uai llófuerainimona dáarie daidíaioi:

—Llófueraíma, ¡ñue daidio! —daidíaioi.

⁴⁰ Afe baimo Jesús facátalle uaina baiñédiaioi.

Cristo ie nano comuídimie ¿bu?

(Mt 22.41-46; Mr 12.35-37)

⁴¹ Afe mei Jesús íaioina daide:

—¿Níbái mei Crístona David jitó dáifirena? ⁴² Mei afe David Salmos rabénicomo dáideza:

Monamo ite cai Moo Juzíñamui cue Ocuíraimana daide:

“Bené cue nabézimo ráii;

⁴³ ona éoidino cue anáfenolle dino.”

⁴⁴ ¿Mei nie izói Cristo David jitó? Mei afe David afémiena ie Ocuífiredimiena mamédeza, —daide.

Jesús ocuica uai llófuefiredinomo fiénidifue nitade

(Mt 23.1-36; Mr 12.38-40; Lc 11.37-54)

⁴⁵ Nana comini cacáicana Jesús ie llófuegamacina daide:

⁴⁶ —Ocuica uai llófuefiredinomona abí omoi rairuiri. Afémaci “jácimacidicai” daiíllena áronoi jitáfirediaioi. Afémaci gairíranomo jáiadi, iere caimare uáiduana gáidiaioi. Afe izói Juzíñamuimo llófueriracomo ñuera ráiranuai jénofirediaioi. Daje izói irázillafue fínua llezica jénofirediaioi. ⁴⁷ Daje llezica fecíngotiai jofona báirofirediaioi. Afémaci comini cíocana ñuemacina daiíllena, are Juzíñamuimo úrifirediaioi. Afémaci jíáimaci duere finolle baimo duere finólliaioi, —daide.

21

Dúerede fecíngo Juzíñamuimo úcube fecade

(Mr 12.41-44)

¹ Jesús Juzíñamuimo gairíracomo illa llezica, aillo ráaredino Juzíñamuimo dúide úcube jóneranomo úcube dótana ciode. ² Afe llezica dúerede fecíngo cobre finoína mena úcubetuni dótajana Jesús ciode. ³ Cíoillano daide:

—Uáfuenta ómoína dáititue, bie dúerede fecíngo nana jíáimaci baimo dotade. ⁴ Mei nana afémaci íaioimo fiébide úcubemona dotádiaioi. Mei íadi bie fecíngo dúerede íadi nana aféngomo ite güille íballe úcube dotade, —daide.

Jesús Juzíñamuimo gairíraco niné táinocaite, daide

(Mt 24.1-2; Mr 13.1-2)

⁵ Comínimona dáarie Juzíñamuimo gairíraco ero ebire cíoina llotíaioi. Daje izói afécomo ite nofíciai finoína ebire cíoina llotíaioi. Afe izói afécomo fia fecaca ebírede ráaniai llotíaioi. Afe jira Jesús daide:

⁶ —Nana bie omoi ciona ebire eróidinuiaí uire dáaruído niné táinoficaite. Bico ero ñuera nofítotíai illa dígatofiaí oni eneno júdaizite, —daide.

Enie fúiacana cai onóillena lloga uai

(Mt 24.3-28; Mr 13.3-23)

⁷ Jira Jesumo jícanotíaioi:

—Llófueraima, o lloga bífuiai ¿niñruído íite? Bífue zúille uícodo cai onuille raa, ¿nie izói íite? —daidíaiói.

⁸ Jira Jesús daide:

—Omoi jífuefiza abí omoi rairuiri. Mei afe llezica diga “Cue bie Crístodícue” dáitino bíitíaióiza. Afe izói “Ja birui aferui” dáitíaiói. Mei íadi afémaci llógamo íñoñoeno iri. ⁹ Comini jóbairillana omoi cacáiadi áferi jacínaiñoeno iri. Daje izói jíáie comini íaiói illaíma uáitano jíáimiena méidoiacanari jacínaiñoeno iri. Mei uícodo daí íredeza, mei íadi írairui nai dúciñedeza.

¹⁰ Iemo Jesús nai úrioicaide:

—Daa nairai jíáie nairai diga fúiritíaiói. Daje izói daa zie jíáizie diga jóbairitíaiói. ¹¹ Afe llezica diga ígobíaido énie iere riire docáirite. Daje izói aillo nairai júbietaitíaiói, íemo jíái aillo comini dáagoberiedo dúicotaitíaiói. Aféruído monamo aillo cai jacínaitaite raa cíocaite, naa énie fülle joréñuairi.

¹² Mei íadi nana bífuiai jino déiacana uícodo, fieni finóllena ómoína lláitaitíaiói. Daje izói ómoína rácaítíaiói. Iemo Juzíñamui uai llorácomo ómoína uillano riire jícanodoitíaiói. Iemo ómoína llavéracomo íbaitíaiói. Afe llezica cuemo omoi jainaina jira, jamánomoidillaini naa jabóidillaini uícodo ómoína úitíaiói. ¹³ Daí omoi íaiói uilla llezica cuendo afémacimo ñue úritíomoi. ¹⁴ Abí omoi ríidolle uaimo uícodo omoi comécíillena riire mamériñoeno iri; ¹⁵ mei aféruímo afémaci uailai omoi olle uaina ómoímo llóitícueza. Afe llezica ómoína ráfuenta ñue baitátaitícue. Afemona omoi éoidíno ómoína jaca uáitanidiaíoi.

¹⁶ Mei íadi aféruímo omoi onóigamaci Crístomo omoi íñua jira ómoína duere finóllena jíáimacimo izájitíaiói. Daje izói omoi ámatíai Crístomo omoi íñua jira ómoína fécaítíaiói, íemo omoi móotíai dáafuedo ómoína fécaítíaiói, daje izói jíái omoi nabáñíai dáafuedo ómoína fécaítíaiói. Omoímona dáarie títaitíaiói. ¹⁷ Aféruído nana nairai cue ícoiniadi ómoína éoitíaiói. ¹⁸ Mei íadi omoi ífótíraíaimona, daa táinomo báíñeite. ¹⁹ Iemo fáicanocaiñoeno omoi íñoiadi, zíñona cáallinona máíñoitíomoi.

²⁰ Jerusalén jofue fuíríraini nágafene afeno cirínoia, áfena cíoillano, áfedo raíre táinocaíllena ónoitíomoi. ²¹ Afe jira afe llezica Judea éniemo itíñuiai caifóneduaimo botáredíaiói. Daje llezica Jerusalemo itíñuiai afénomona oni jica jáiredíaiói. Iemo jacáfaimo itino meine abído afe jófuemo jáinidiaíoi. ²² Mei afe comini duere finóllíruímo ja dúcidedeza. Aféruílláido nana jaíai Juzíñamui Cuegáuai ícoímo ñue fuitárede. ²³ Afe llezica namócíredíngotíaina ¡Ñí dúerena! Daje izói monoi jirode úruena llííndíngotíaina ¡Ñí dúerena! Mei aféruílláido afénomo aillo izi cácaítíaiói. Afe énie comini jamánomo duere finóllíaiói. ²⁴ Afémacimona jíáimaci jóbairillanomo títíaiói. Iemo jíáimaci nana nairai illánomo íaíoína llavétaitíaiói. Juzíñamui mamécaruillai díeze, jícanemaci Jerusalén anáfenuano júdaítíaiói. Afe mamécaruillai fülle díno afe jófuenta fieni fínoitíaiói.

*Nanoide íima Jító Crísto bíllíruí ñie izoite
(Mt 24.29-35, 42-44; Mr 13.24-37)*

²⁵ Afe mei jítoímamo, fíuimo, naa úcuairi jacírede raa jánaníai cíocaite. Afe llezica náraíai comeci faca mamérilla uailai niné féite. Iemo monáíllaji fíciere báguari jacínaitíaiói. ²⁶ Bíníemo comuízaide raamo comécíillano iere jacínaitíaiói. Ie jacínáíllamona títídíno izói ífícaítíaiói. Mei afe llezica nana monamo itíñuiai riire mozóide ráaníai níráírícaíteza. ²⁷ Afe mei Nanoide íima Jító Crístona cíoitíaiói. Afémie íemo ite ríino naa dama íemo ite ebíredífuíairi uíllíedo ana bite. ²⁸ Bífuiai jino zúille llezica, ñue omoi mamériri; íocíre omoi érocaíri. Mei íanori íllamona omoi jíllotallíomoi, —daide.

²⁹ Daje izói nane bie aménamo mamécafue Jesús íaíoímo lloite:

—Higuera daina aménamo comeci omoi facari. Daje izói nana jíáie aménamo omoi coméciiri. ³⁰ Iaiói íbiai firuállana omoi ciónia, “Ja fimona ánozide” daiífirediomoí. ³¹ Afe izói bífuiaí zuállana omoi ciónamona, “Juzíñamui illáimana billírui ja ánozide,” daiírediomoí.

³² Uáfúena ómoína dáitícue, bigímaiaí nai tíñeille llezica nana bie raa jino zúite.

³³ Mona énie díga fúite, mei íadí cue uallai jaca fúíñeite. Cue lloga raa nana zúite.

³⁴ Omoi comeci riírelleza abí omoi rairuiri. Mei iere aillo güífacanamona come comeci riire jáite, daje izói jífáifirenamonona. Daje izói dani omoi abi ifue níciduamonona come comeci riire jáite. Jira cue billírui omoi jácinaiñelleza áfena abí omoi rairuiri. ³⁵ Mei rille jíitafirena raa ónonino jíitaja izói, afe izói aferui nana énie comínina jíitaitenza. ³⁶ Jica ia mai ñue omoi finóbiri. Jaca fáicanocaiñeno Juzíñamuimo omoi úrifireiri, afe nana bie zúitífuiamona omoi jíilloillena. Daje izói Nanoide fima Jitó uícomo meáiruñeno omoi náidaillena, jaca Juzíñamuimo úrifireillano, jica ia ñue omoi finóbiri, —daide.

³⁷ Jesús monari Juzíñamuimo gairíracomo llófuefírede. Afe mei naio, Olivos daina ídumo íniaifírede. ³⁸ Nana comini afémie llófuiana cacáreillena nágarui raire jíitramo bífirediaioí.

22

Jesús llaitállena maméritiaioí

(Mt 26.1-5, 14-16; Mr 14.1-2, 10-11; Jn 11.45-53)

¹ Fáitañeno pan güífírena rafue ja ánozide. Afe rafue jíáfodo mameina pascua rafue.

² Iemo lletáriraini illaini naa ocuica uai llófuetinori Jesús fállena jenódiaioí, mei afe llezica comínina jacíruiatíaioiza.

³ Iemo aféruido Taife Judas Iscariótemo jofo jaide. Afe Judas doce dígade Jesús orécamacimona dáamie. ⁴ Afe bímie lletáriraini illáinimo naa gairíraco ocuídínomo Jesús íaioimo fecállena llujáide. ⁵ Afena cacáillano íóbidaioí. Iemona, “Ucubena o íbaiticai” daidíaioí. ⁶ Iemona ie íaioí íbaja úcube líinote. Iemo Judas aféruimona comini figo iñena llezica Jesús íaioimo izájillena jenode.

Cai Ocuíraima íraicaiño güillafue

(Mt 26.17-29; Mr 14.12-25; Jn 13.21-30; 1 Co 11.23-26)

⁷ Ja fáitañega pan güilláruimo dúcide. Afe llezica aféruimo pascua íena ovejai fáfírega.

⁸ Jira Jesús Pedro, Juan íaillinoína ocuide; daide:

—Mai pascuamo güífírena izói uícomo ómicoí finori, —daide.

⁹ Jira afémiemo jícanotiaillinoí:

—Afena ¿ninomo fínuitcoco? ¿Ninomo áfena güíacadio? —daide.

¹⁰ Jesús íaillinoína daide:

—Batí jófúemo ómicoí jaille llezica, icírudo jainoi uitímie cíoitíomicoí. Afémiedo jairi. Afe mei afémie jofo jáillícomo jofo ómicoí jai. ¹¹ Afénomo afe jofo náamana ómicoí daiíri, “Cai Ocuíraima ona daide: Cue güillíco ¿ninomo ite? Afécomo cue llófuegamaciri páscuamo güífírena izói güítícue.” ¹² Afe mei afémie caifóidibanimi ite áillocona ácatate. Afeco ero ja ñue finóbide, afécomo cai güille finori, —daide.

¹³ Iemona afe íaillinoí jaillano, nana Jesús íaillinoína daina cíozaidiaillinoí. Iemona afénomo pascua rafue ana güífírena izói, güille finódiaillinoí.

¹⁴ Ja nauízaidemo güizájilla llezica Jesús naa ie oréllinori dáanomo ráiizítiaioí. ¹⁵ Afe llezica Jesús íaioína daide:

—Nai cue tíñena llezica bie pascua ana güífírena izói omoi díga iere güíacadicue.

¹⁶ Mei ómoína dáitícue, bie ie rafue dáanomo meine güíñeítícue. Bie rafue Juzíñamui illáimana illírui omoi bíñeille díno güíñeítícue, —daide.

¹⁷ Daií daina mei jiróraco llíinota Juzíñamuina “tere figora” daide. Afe mei íaioina daide:

—Bie llíinota, conímamo omoi fecari, ¹⁸ mei ómoina dáititue, Juzíñamui illáimana illirui nai dúciñena dino, nane dáanomo uva íjina jaca jíroñeiticue, —daide.

¹⁹ Afe mei pan llíinota, Juzíñamuina “tere figora” daide. Daií dainano afe pan ditade. Pan díitano afémacido fecade. Afe llezica daide:

—Bie cue abiza. Tíillinomo fecálicue omoi ñue íllena. Cuemo omoi ufbicaifireillena bie izói omoi finófireiri.

²⁰ Daje izói güilla fuilla mei jiróraco llíinota, íaioimo fécajano daide:

—Bie jiróraco eromo ite iji Juzíñamui ómoiena mameca cómue uai ómoina onótaite. Afe ie mameca cómue uai, uafue daiíllena cue die totálleza, mei cue die omoi ñue íllena totálleza.

²¹ Mei íadi cue fécaitimie birui benó cue diga güite. ²² Mei jii, Nanoide ñima Jitó Crístodiqueza, jaiai uícodo cuemo mameca iodo jáititue. Mei íadi cue fécaitimie, ¡ñii dúerena! —daide.

²³ Afe jira conímama daidíaioi:

—¿Cáimona bu mei ie fecalle? —daidíaioi.

Conímamo jamánomoidimie júfidotiaoi

²⁴ Afe mei dani afémaci cígimona níimie jamánomoidimiena daina júfidotiaoi. ²⁵ Mei íadi Jesús íaioina daide:

—Nairai illaini íaioi anamo itínona riire ocuífirediaoi. Daje izói íaioi ocuídina, jáimaci “Omoi ñue finódino” daiífirediaoi. ²⁶ Mei íadi omoi afe izói iñeno iri. Mei jáifodo omoi cígimo ite jamánomoidimie, afémie jáimaci baimo jamáimiena írede. Daje izói ómoimona ocuífiredimie jáimacina canófredimiena írede. ²⁷ Bífuomo omoi coméciiri. Dámie güirábanimo güíllena ráina llezica, jáimie güille bai atífredie. Afe íaillinoimona ¿bu mei iere jamánomoina? Mei uáfueza, güirábanimo ráiidimie jamánomoina. Mei íadi cue omoi cígiri ocuífirega táijifredimie izói ititue.

²⁸ Comini fieni cue facátafirena llezica jaca cue diga ífirediomi. ²⁹ Ie jira cue Moo illáimana illánona cuemo illa izói, afe izói ómoimo íititue. ³⁰ Afena ómoimo íititue, cue illáimana illánomo cue diga omoi güíllena. Daje izói afe llezica afénomo illaíma ráiranomo ómoina ráinaititue, doce dígade Israel náiraímo izire omoi jicánollena, —daide.

Jesús Pedro ie jáanollena uícodo llote

(Mt 26.31-35; Mr 14.27-31; Jn 13.36-38)

³¹ Ocuíraíma Jesús nane daide:

—Simón cácarei. Taife ona facátaiacade. Comini magari izilla izói ona izíacade. ³² Mei íadi Juzíñamui ja jicádicue Juzíñamui o íinua féitañeillena. Iemo afe facátainamona abido o bille méifodo, o ámatiai canori, íaioi íinogafuena íaioi fáicanocaiñeillena, —daide.

³³ Iemona Simón Jesuna daide:

—Cue Ocuíraíma, llavéracomo o diga cue jáillena ja finóbiditue. Daje izói afénomo o diga cue tíillena ja mamérititue, —daide.

³⁴ Jira Jesús íena daide:

—Pedro, birui ona dáititue, átava nai úriñena llezica daacaiñoámani, cuena jáanoitio, —daide.

Jesús facátalle hora ja áinozide

³⁵ Afe mei Jesús ie llófuegamacimo jicánote:

—Nauí ómoina cue ória llezica, ipécona uiñeno, daje izói úcubena uiñeno, íemo jái eiba icona uiñeno, fia omoi jairi, daiditue. Aféruimo ¿minica ómoimo nai iñena? —daide.

Jira afémaci daidíaioi:

—Aféruimo ja nana ñue ite, —daidíaiói.

³⁶ Imona Jesús íaioina daide:

—Mei birui jiáifodo daidicue. Ipécoredimie mai áfena ui. Daje izói úcuberedimie úcubena ui. Iemo jiái lloéfainidimie íemo ite iniroi fécajano afe íbado lloefai oíri. ³⁷ Mei Juzíñamui Cuegáuaimo lloga cuemo ñue ícoimo fuitáredeza. Be níiuai: “Fiénidimaci cígimo cuena mamédiaioi.” Mei uáfueza, nana cue dibénedo cúegana ñue ícoimo fuitárede, —daide.

³⁸ Imona afémaci daidíaiói:

—Cai Ocuíraima, caimo mena lloefai ite, —daidíaiói.

Afémie uai ote:

—Jadie ja figo baite, —daide.

Jesús Getsemanímo Juzíñamuimo úrite

(Mt 26.36-46; Mr 14.32-42)

³⁹ Afe mei Jesús oni jaide. Ie jáifirena izói Olivos ídumo jaide. Afe llezica ie llófuegamaci afémie díga jáidiaioi. ⁴⁰ Ie jáillanomo dúciillano daide:

—Fiénidifuemo omoi báiiñeilleza Juzíñamuimo úrifireiri, —daide.

⁴¹ Afe mei Jesús comini nofici bai nitáfirena dino afémacimona oni jaide. Afénomo Juzíñamuimo jicállena ana dújude. ⁴² Daide:

—Moo, o comeci jitáiadí, bie duere cue zefuillifuemona cue jíllotari. Mei íadi cue comeci jítaina izói finóñeno iri, mei jiáifodo o comeci daína izói finori, —daide.

⁴³ Afe llezica Juzíñamui abí ímie monámona Jesumo cíocaide; afémie Jesuna mairítaibite. ⁴⁴ Iemo Jesús ie comeci jamánomo zúurena llezica, afémie Juzíñamuimo iere riire jicade. Afemona iere uzínailla izói ie abí úllie iere jino bite. Afe jino bite úllie ie díe izoide. Afeji ana éniemo llocode.

⁴⁵ Juzíñamuimo ie jícaja fuilla mei, afémie ie llófuegamaci diné jaide. Inídiaioina cíoizaibite, mei zuufue inítagaiaioi. ⁴⁶ Jira íaioina daide:

—¿Nibái mei inídiomoi? Fiénidifuemo omoi báiiñeilleza cazíllano Juzíñamuimo úrifireiri, —daide.

Jesús llaitada uitíaiói

(Mt 26.47-56; Mr 14.43-50; Jn 18.2-11)

⁴⁷ Jesús nai úrioidemo aillo comini dúcidiaioi. Afe doce dígdinomona Júdasna mámeciredimie bitino ifode. Ainozillano afémie Jesús ñitade. ⁴⁸ Jira Jesús afémiena daide:

—Judas, ¿Nanoide hima Jitó o ñítafuedo fécaibitio? —daide.

⁴⁹ Jesús abímo itino áfena cióillano jicánotiaioi:

—Cai Ocuíraima, ¿bimaci díga lloéfaido fúiriticai? —daide.

⁵⁰ Afe llezica afémacimona dáamie lletáriraini caifóidillaíma ocuífíregamie bofede. Ie jefo nabefo ñetade. ⁵¹ Jira Jesús daide:

—Dama íteza. Mai fáicanocai, —daide.

Imona Jesús afe jefona ñetácamié jefo jetánote. Afena afémie jacáitate. ⁵² Afe mei Jesús lletáriraini illaini naa gairíraco ocuídino, naa ie lláitaibite éinamacina daide:

—¿Mei nibái merírifiredimiedicue izói lloéfaillairi, naa bigíniairi cuena lláitaibitiomoi? ⁵³ Naui nágaruillaído Juzíñamuimo gairíracomo omoi cue llófuefírena llezica, jaca cuena jetáñediomoi. Mei íadi birui omoi jitaica raa finóllirui. Nairo comini íbaila izói, ja birui Taife bínie náamatade, —daide.

Pedro Jesuna jáanote

(Mt 26.57-58, 69-75; Mr 14.53-54, 66-72; Jn 18.12-18, 25-27)

⁵⁴ Imona Jesús llaitada, lletáriraini caifóidillaíma jofomo uitíaiói. Afe llezica Pedro bai jicado jaide. ⁵⁵ Afénomo afeco cígi íbírimo irai bonódiaioi. Aférimo agáidiaioi. Iemo

Pedro afémaci cígimo agáizaide. ⁵⁶ Iemo afénomo ite ócuifiregango irai fuemo Pedro ráiinana ciode. Afe mei afengo daide:

—Bímie jaca Jesús diga ífirede, —daide.

⁵⁷ Mei íadi Pedro jáanuano daide:

—Afémiena onóñedicue, —daide.

⁵⁸ Afe mei íanori íllamona jíáimie íena cióillano daide:

—O bie afémaci iéδιο, —daide.

Mei íadi Pedro daide:

—Íeñede; cue bie afémaci ímieñedicue, —daide.

⁵⁹ Afe mei jabo are íllamona da hora fidi jíáimie riire daide:

—Uáfueza. Bímie afémie diga ífirede mei afémie daje izói Galilea ímieza, —daide.

⁶⁰ Jira Pedro daide:

—O úrillana onóñedicue. ¿Minica llotio? —daide.

Ja Pedro úrioidemo átava úrite. ⁶¹ Iemona Jesús Pédro mo érocaide. Afe llezica Pedro afémiena daináfuemo uíbicaide. Be níuui: “Atava nai úriñena llezica dacaiñoámani cuena jáanoitio.” ⁶² Afemona Pedro jino jaillano zuure eede.

Jesús jífánodoidiaioi

(Mt 26.67-68; Mr 14.65)

⁶³ Jesús llaitada úiñotino afémiena jífánodoiano razido íena fatíaioi. ⁶⁴ Daje llezica ie ui íbáillano, ie uieco fátano daidíaioi:

—¿Bu o faaja? ¿Onóillano jino llone! —daidíaioi.

⁶⁵ Afe llezica diga jíáfuiáido íena báíñotiaioi.

Dáanomo gairide illáicomini uícomo Jesús uitíaioi

(Mt 26.59-66; Mr 14.55-64; Jn 18.19-24)

⁶⁶ Ja mona monáidemo judíuui éicomini, naa lletáriraini illaini, naa ocuica uai llófuetinori dáanomo gairídiaioi. Afe gairítaga illáicomini “Junta Suprema” dainámaci. Afénomo Jesús uillano, jícanotiaioi:

⁶⁷ —Caimo llone, ¿o meita Crístodio? —daidíaioi.

Jira afémie uai ote:

—Afena jíi daidícuenia, cuemo íñoñeitiomoi. ⁶⁸ Daje izói jíáfue ómoimo cue jícanoia, íbana uai óñeitiomoi. Afe izói cuena zúitañeitiomoi. ⁶⁹ Mei íadi benómona Nanoide fima Jitó Cristo jamánomo ríinorede Juzíñamui nabézimo ráinaite, —daide.

⁷⁰ Afe mei nane afémiemo jícanotiaioi:

—¿Meita o Juzíñamui Jitódio? —daidíaioi.

Jira Jesús íaioi uai ote:

—Jíi, dani omoi daina izói níimiedicue, —daide.

⁷¹ Iemona afémaci daidíaioi:

—Ja jíáie uai nábitinona jítaíñedicaí. Cai bie dama ie fuémona ie fieni úrillana cacádicaí, —daidíaioi.

23

Pilato uícomo Jesús uitíaioi

(Mt 27.1-2, 11-14; Mr 15.1-5; Jn 18.28-38)

¹ Iemona nana náidacaillano Jesús Pilátomo uitíaioi. ² Afénomo diga fiénidífuiai íemo jóonetiaioi. Daidíaioi:

—Bímie cai comínimo ícírufue comútajana ciódicaí. Iemona comini áferi faillíñaicaidiaioi. Afémie “Romano jamánomoidillaíma íbátaga úcube íbánidicaí,” daide. Afe llezica afémie “Íllaíma Crístodícue” daífírede, —daidíaioi.

³ Jira Pilato afémiemo jícanote:

—¿Meita o judíuui Ílláimana? —daide.

Jira Jesús uai ote:

—O daina izói, jíi níimiedicue, —daide.

⁴ Iemona Pilato lletáriraini illáinina, naa comíniri daide:

—Bie cómemo fiénidifuenta baiñédicue, —daide.

⁵ Mei íadi dáanomo riire daidíai:

—Nana Judea comínimo ie llófueinafuiaido icírafue íaioimo comúfate. Fueñe Galilea éniemo daí finode, íemo birui cai éniemo nágagobiaido daje izói finode, —daidíai.

Herodes uícomo Jesús uitíai

⁶ Jesús nauí Galiléamo llófueoinafuena Pilato cacáillano, jicánote:

—¿Bie iima Galilea ímie? —daide.

⁷ Comini daí daidíaiimo, Heródesmo íena orede, mei afémie Galilea illáimana. Aféruillaído Herodes Jerusalemo ite. ⁸ Herodes Jesuna cióillano iere ióbicaide. Jaiái ninomo íena cióiacade. Comini Jesudo dáinana Herodes cacáfiredede. Iemona Jesús daa ciórainina raa fínuana Herodes cióacade. ⁹ Iemo Herodes diga icaíño diga ráfuiai íemo jicájicanode. Mei íadi Jesús jaca uaina oñede. ¹⁰ Dáanomo lletáriraini illaini ocúicafue llófuerainiri itíai. Bimaci Jesumo fiénidifuiái riire jóonetiaí. ¹¹ Iemona Herodes ie fuíríraini diga Jesuna ja jámairuitiaí; iere íena áfédotiaí. Afe mei ebírede illaíma iníroina íemo jítadiaí; jítamona daí afémie jifánodoídiaí. Afe meífomo Herodes dáanomo Jesuna Pilátomo orede. ¹² Aféruído Pilato Herodes diga daje nabaina mameide. Jaiái uícodo are conímana éoidiaillínoi.

Jesús titállena mamédiaí

(Mt 27.15-26; Mr 15.6-15; Jn 18.39-19.16)

¹³ Afe jira Pilato lletáriraini illaini, íemo ríimaci naa comini dáanomo gairítano daide:

¹⁴ —Bie omoi lloga comínimo icírafue comútatímie. Mei íadi omoi cacáicana izire íena jicánoticue. Jicánuamona ie fieni finócafuenta baiñédicue. Afena cacádiomoi. Daje izói aféniemo omoi nitaca fiénidifuiái ciónédicue. ¹⁵ Daje izói Herodes níifuenta cióñenano afémie abido cuemo orede. Ja ciódiomoiza, bímie titállena íñede. ¹⁶ Afémiena zechétaiticue. Afe mei afémiena zuitada jino óreiticue, —daide.

¹⁷ Afe rafue ana comini cáimacaitallena, Pilato daa llavécamiéna zuitáfiredede. ¹⁸ Mei íadi nana comini dájena riire daidíai:

—Bie Cristo oni jica titálleza. Barrabás caimo zuitari, —daidíai.

¹⁹ Nauí afe Barrabás llavéracomo llavédiaí, mei afémie jofue comini uáitajano jáíe illaíma jóneacade. Afe llezica afémie jáíimana ie tita ícoínia llavédiaí. ²⁰ Pilato Jesuna zuitáacade. Iemona dane dáanomo íaioimo úrite. ²¹ Mei íadi afémaci riire daidíai:

—¿Cruzmo ie coraí! ¿Cruzmo ie coraí! —daidíai.

²² Ja dacaiñoámani Pilato íaioína daide:

—¿Nibái mei ie títaiticue? ¿Afémie níé fiénidifue finode? Ie cue titalle fiénidifuenta íemo baiñédicue. Afémiena zechétaiticue. Afe mei afémiena zuitada jino óreiticue, —daide.

²³ Mei íadi afémaci Jesús coráillena ríirerie jicádiaí. Jamánomo ríirerie íaíoi jícajamona, íaíoi jitaica otíai. ²⁴ Iaiói jícajana are illa ícoínia Pilato fairíote. ²⁵ Afe jira nana llavécanuiaímona afe nizeca Barrabás Pilato zuitade. Afe Barrabás illaíma uáitano jáíillaíma jóneacana ícoínia íena llavédiaí. Afe izói jáíima ie tita ícoínia, llavédiaí. Mei íadi Pilato afe comini jitailla izói Jesuna fecade.

Jesús cruzmo coráidiaí

(Mt 27.32-44; Mr 15.21-32; Jn 19.17-27)

²⁶ Jesús íaíoi coráiaílla llezica Cirene énie ímie Simona llaitádiaí; Jesús uiga cruz íena uitátatiaí. Afémie jino jacáfaimona jófue mo bite. Jira Jesús rocaca cruz Jesús óodana uitátatiaí.

²⁷ Afe llezica diga comini afémie óodana jáidiaí. Daje izói diga ringóniaí afémieri zúucaillano éecana jáidiaí. ²⁸ Mei íadi Jesús aféngotiaímo érocaillano daide:

—Jerusalén ringóniaí, mai cueri éeño iiri. Mei jáífodo dani omoi abiri eeri. Daje izói dani omoi úruiaímo eeri. ²⁹ Mei jamánomo zúuredíruillaímo dúciitiaíza.

Aféruimo bie izói dáitíai: “Uruena comuñañedingotíai, ¡nii caimare illa! Daje izói úrueningotíai, ¡nii caimare illa! Afe izói úrue mónoina jirótañedingotíai, nii caimare itíai.” ³⁰ Aféruimo comini caifóneduaina dáitíai: “Cai emódomo jaíri,” dáitíai. Afe izói duera íduaina dáitíai: “Cai retáidori” dáitíai. ³¹ Mei birui nífuenidimieducue ia bie izói duere cuena finódiaí. Iemona jaíruido fiénidino cue duere zefuilla baímo duere finólliaí, —daíde.

³² Afe llezica mena come, comini fáfiredino Jesús díga daane coráillena uitíai. ³³ Calavera maméidinomo dúciillano Jesús coráidiaí. Daje llezica afe mena fiénidimie íaillinoí, dáamie Jesús nabézimo, jaímie ie jarífizimo coráidiaí. ³⁴ Ie íai coraina llezica Jesús daíde:

—Moo, íai fiéni finócafue iba oñeno iri; abina onóñediaí daí ñíza, —daíde.

Afe mei fuíríraíni onótarají dotádiaí Jesús iniroí áfedo dani íai maíñóllena.

³⁵ Afénomo ite comini acáritiaí. Afémaci naa nairai imaci illáicomini afémie áfeduano daídíaí:

—Jaímiana jíllotafiredioza, ua o Cristo o íadi, daje izói Juzíñamui nizécamiéna o íadi, daje izói Juzíñamui mai o abí jíllota, —daídíaí.

³⁶ Daje izói fuíríraíni íena áfedodiaí. Ainozillano rochíredijina, figóñede vino íena jirótatiaí. ³⁷ Jirótano daídíaí:

—Judíuai Illaíma o íadi o abí jíllota, —daídíaí.

³⁸ Ie ífo acónimo cuezábici jae jóonega. Afébici dazieámani uai cúeina: griego, íemo latín, íemo hebreo díga. Afébicimo daíde:

“Bímie Judíuai Illaíma.”

³⁹ Coraica fiénide íaillinoímona dáamie Jesús uáitano daíde:

—Crístona o íadi, mai o abí jíllota coco díga, —daíde.

⁴⁰ Mei íadi jaímie ie nabáimie llétajano daíde:

—¿Níbái mei Juzíñamuina o jacíruiñedio? Daje duere finóinafue anamo itíoza. ⁴¹ Coco aillo finócafue ite. Jira dúere finóbídico. Coco finoca fiénidifue iba ua otíaí. Mei íadi bie íima fiénidifueña finóñede. ⁴² Jira uáitañedimie Jesuna daíde:

—Jesús, o illáimana illíruimo o dúciadi cuemo uíbicaíri, —daíde.

⁴³ Jira Jesús uai ote:

—Uáfueña ona dáitíucue, ja birui cue díga ñue ebíredinomo ítío, —daíde.

Jesús tíilla

(Mt 27.45-56; Mr 15.33-41; Jn 19.28-30)

⁴⁴ Ja jíto ma jaíciri illa llezica nániéna nauíbicaíde. Afe nauilla are ite. Ua jíto ma arífemona ana ítemo llícaíde. ⁴⁵ Afe llezica jíto ma ui duíde. Jítíficaíde. Daje llezica gairíracomo fetácaroí caífoña ana eróicana dáafenedo daíngo cúajicaíde. ⁴⁶ Afe mei Jesús ficire caíllide:

—Moo, cue joreño omo cue ígaza, —daíde.

Daí daíno tíide.

⁴⁷ Romano illaíma afe íficaídifue cíóillanona Juzíñamuimo caímátaíde. Daíde:

—Uáfueza. Bímie jaca nífuenidimie, —daíde.

⁴⁸ Daje izói nana afénomo ite comini bie íficaídifueña cíóillano afénomona íai jífuemo jamánomo zuure jaídíaí. ⁴⁹ Mei íadi nana Jesús onógamaci aféfuiaímo jícana acáritiaí. Daje izói Galiléamona Jesudo jaíde ringóniaí jícana acáritiaí.

Jesús raítíaí

(Mt 27.57-61; Mr 15.42-47; Jn 19.38-42)

⁵⁰ Judea éniemo ite Arimatea jífué ímie José afénomo ite. Afémie ñue comeci jaícina jíidimie. Afe José judíuai ocuíde illáicomínimo jaínaíde. ⁵¹ Afe bie José Juzíñamui illáimana illíruimo ocuírifirede. Afe jíra afémie jaíe judíuai ocuíde illáicomíni finócana jíruíñede. ⁵² Ie jíra afémie Jesús abí Pilátomo jícajide. ⁵³ Afémie Jesús abí crúzmona ana

uano áillue iníroina junide. Junilla mei, idu anamo nofícimo finócacojimo afémie Jesús raite. Aféfomo nai buna ráiñena. ⁵⁴ Nana bífuiaí viernes nauife dibénedo zuíde. Jaca uícodo viérnemo ocózinaiillaruimo jitaica raana finofirediaíoi.

⁵⁵ Afe Galiléamona Jesudo bite ringóniaí Jesús ráinano érozaidiaíoi. Afe llezica ie abi tíide bíinana ciódiaíoi. ⁵⁶ Aféngotiaí meine jofomo jaillano, ziórediji, naa abi bíraniairi finódiaíoi. Afe mei ocózinaiillaruimo ocuica uai daina izói ocózinaidiaíoi.

24

Jesús tíillanomona meine cáadimiena jaide
(Mt 28.1-10; Mr 16.1-8; Jn 20.1-10)

¹ Semana nanóidíruido afe ringóniaí raire jítiramo Jesús raiafo érozaidiaíoi. Iaiói finoca zióredijillai uitfaíoi. Iemo jáie ringóniaí íaioina nabáidiaíoi. ² Afe ringóniaí afénomo dúcidiaíoi, raiafo íbailla nofíci nano illa izói íñede. Oni eneno jóonega. ³ Aféfomo jofu jáidiaíoi, mei íadi jofu jáidiaíoi cai Ocuíraíma Jesús abi cióñediaíoi. ⁴ Afemona iere jacínaitiaíoi. “¿Niie izói íiticaí?” daidiaíoi. Daí íaíoi daina llezica mena íima aféngotiaí áinori naidáinana ciódiaíoi. Afe íaillinoí quenírede íniroi jítádiaillinoí. ⁵ Afe íaillinoína cóillano, iere jacínaitiaíoi. Jacínaiillamona ana éniemo bíjicaidiaíoi. Iaiói bíjicailla llezica afe íaillinoí aféngotiaína daide:

—¿Nibái mei cáadimie tíidino cígido jenódiomoi? ⁶ Afémie ja benó íñede. Ja meine cáadimiena jáideza. Naui Galiléamo ie illa llezica, ómoína ie daina uaimo uíbicaíri. ⁷ Afénomo afémie bie izói ómoína daide: “Nanoide íima Jitó Cristo fiénide comínimo fecalle. Afémiena cruzmo córaitiaíoi. Iemo daruíamáni íllemona meine abído cáadimiena jáite,” —daídiaillinoí.

⁸ Afemona aféngotiaí Jesús íaioína daífirena uaimo uíbicaidiaíoi. ⁹ Afe mei raíáfomona meine bitíaíoi. Billano nana bífuiaí once dígade llófuegamacimo llotíaíoi. Daje izói jáíimacimo llotíaíoi. ¹⁰ Bífuiaí llocana uitíngotiaí mámeciaí be niie: Magdalena énie ingo María, íemo Juana, íemo Santiago ei María, naa jáie ringóniaíri. ¹¹ Mei íadi aféngotiaí íaioína dáinana uáiritaidino úrilla izói cacaide. Jira aféngotiaí llógana íñoñediaíoi.

¹² Iemo Pedro íñoñede íadi, Jesús raíáfomo aizícana jaide. Jofu eromo érocaidemo dama ie juníllaroí dínomo jóidena cóizaide. Afe mei Pedro afénomo íficaidemo fáigacaillano meine jofomo jaide.

Emaús jofue íomo Jesús cóicaide
(Mr 16.12-13)

¹³ Aféruído afémacimona ménamie Emaús jofue íodo jaide. Afe jofue Jerusalémona once kilómetros díno jino íte. ¹⁴ Afeodo jailla llezica, nana aféruillaído itífuiaí júfidocana jáidiaillinoí. ¹⁵ Íaillinoí úrilla llezica Jesús íaillinoímo áinozide. Dúciillano afe íaillinoí díga jaide. ¹⁶ Afémiena ciódiaillinoí mei íadi afémiena onóñediaillinoí. ¹⁷ Jira Jesús afe íaillinoímo jícanote:

—Íodo ómicoí jailla llezica, ¿nífue júfidotiomoícoí? ¿Nibái mei iere zuure itíomicoí? —daide.

¹⁸ Afe íaillinoímona, Cleofas mámeciredimie uai ote:

—Nana comíni biruíllaído Jerusalemó finócafuaína fidídiaíoi.

Afeno ímiedío íadi ¿meita aféfuiaína jaca nai fidíñedio? —daide.

¹⁹ Iemona afémie íaillinoína daide:

—¿Ní fue finódiaíoi?

Jira íena daídiaillinoí:

—Nazaret ímie, Jesús ñue riire uai llóraíma aillo ebírede raana uaido finode. Afena Juzíñamui eróicana finode, daje izói nana comíni ui cóicana finode. ²⁰ Mei íadi lletáiraini illaini naa cai ocuídillaini díga afémiena coráiano titállena fecádiaíoi. ²¹ Afe

llezica íemo ocuírídicaí, ua Israel Nairai anáfenodinomona cai jíllotallena. Ja afefue záillamona ja daruíamani íteza. ²² Ie emódomo cáimona ringóniaí ja caina jacínaitade. Aféngotiaí raiáfomo nai jírtiredemo jaillano íaíoi ciónana meine caímo lluaíbitiaíoi. ²³ Ie abina cióñediaíoi. Mei íadi Juzíñamui abi imaci ángeles dainámacina jae ciódiaíoi, daídíaíoi. Afe ángeles ringóniaina daide: “Jesús caade.” ²⁴ Iemona cáimona raiáfomo jáidiaíoi. Dinomo ringónaíai llua izói baitíaíoi. Mei íadi Jesuna cióñediaíoi.

²⁵ Jira Jesús daide:

—¡tere féitafirediomoi! Nana uai llóraini daináuaina iere rairuíoicana ínotiomoi.

²⁶ ¿Uáfueñede Cristo ie ebíredinomo nai jáíñena llezica, afémiemo bie duere finóbillafue jítaírede?

²⁷ Ie mei nana Cuegáuaimo afémiedo dáinana ñue jino llote. Moisés cuegánicuaimo ite afémiedo úrilla uai ñue jino llote. Daje izói nana jáíie uai jino llóraini llogánicomo itino jino ñue llote.

²⁸ Jófueмо dúcidiaíoi, Jesús iodo nai jáiacadena éroide. ²⁹ Mei íadi afémiena jerufúdiaillinoi. Daídíaillinoi:

—Jae nauzáideza, mai benó coco díga fiebi, mei ua jítreoicaideza, —daide.

Jira Jesús jofo jaide íaillinoi díga íllena. ³⁰ Jae íaíoiri jofo güirábanimo ráillano pan llínote. Llínuano Juzíñamuina:

—Iere figura, —daide.

Daí dainano dítajano íaillinoimo ite. ³¹ Afe llezica íaillinoi ui túijicaillamona íena onódiaillinoi. Afe mei afémie cióbicaíñena. ³² Conímána daídíaillinoi:

—¿Uáfueñede iodo cai úricaína jailla llezica, afémie caímo Cuegáuai jino llua llezica coco comeci náicaitade? ¡Afe uáfueza!

³³ Iemo afénomo are íñeno meine Jerusalemo abido jáizaidiaillinoi. Dinomo once orécamací naa íaíoi nabáiñiaíri dáanomo gairide baizáidiaillinoi. ³⁴ Afénomo itino íaillinoína daide:

—Uáfueza cai Ocuíraíma ja meine abido caade, Simón Pedro ja íena ciode. ³⁵ Iemo afe íaillinoi afémacimo nana iomo íaíoi úrillafuena llotíaillinoi. Afemona Jesús pan díhada íllamona afémiena íaillinoi onónana gairídinomo llotíaillinoi.

Jesús ie llófuegamacimo cíozite

(Mt 28.16-20; Mr 16.14-18; Jn 20.19-23)

³⁶ Afe íaillinoi dáinamo úritiaíoi, Jesús íaíoi cígimo náidazaide. Náidacaillano íaíoi uáidote; daide:

—Jacíruiñeno, uái omoi iri, —daide.

³⁷ Afémiena cíoillano, “¡Come joreño caímo billa!” dainano iere jacínaitaíoi; cuidíridiaíoi. ³⁸ Mei íadi Jesús íaíoína daide:

—¿Ñibái mei jacínaitiomoi? ¿Ñibái jízíreoicana cue ínotiomoi? ³⁹ Bené cue ónoimo érocaí. Daje izói cue ídaímo eroi. Níímiedicue. Cue abi jeta. Cómedicueza ónoi. Ja cue abina ciódiomoíza. ¡Minica joreño ícurunideza; íeizinide! —daide.

⁴⁰ Daí daina llezica ie onoi ie ídai díga afémacimo ácatate. ⁴¹ Mei íadi afémaci íóbidiaíoi ía, iere uáinificaidiaíoi. Ie jira afémie uáfueña íllana nai figo íñoñediaíoi. Jira Jesús íaíoína daide:

—¿Benó ómoimo due güíllena ite? —daide.

⁴² Ie jira ruica chamu íemo itíaíoi, naa due ciífo íji díga. ⁴³ Afe llínota íaíoi eróicana güite. ⁴⁴ Afe mei íaíoína daide:

—Nana nauí cuemo íficaídífuíai, nauí omoi cígimo cue illa llezica, ómoína cue daina be ñie. Nana cue díbénedo uícodo cuegáuai daina ñue ícoímo fuitárede: Moisés cuegánicomo cue díbénedo úrite; daje izói jaíai uai jino llóraini cue díbénedo úrite; íemo

jiái Salmos cuetímie cue dibénedo úrite. Nana afémaci cue dibénedo úrilla uai ñue ícoimo fuitárede, —daide.

⁴⁵ Iemona Juzíñamui Cuegáuaimo dáinana Jesús afémacina ñue onótate. ⁴⁶ Iaiöina daide:

—Cuegáuaimo daina izói Cristo jaca tíirede. Daje izói daruiámani íllamona afémie tíillanomona meine cáadimiena jáirede. ⁴⁷ Daje izói Jerusalémona oni nana jiáie náraiaimo comini comeci ífuiái íaiöi méidollena cue mámecido llórede. Daje izói comeci íaiöi méiduamona íaiöimo ite fiénidífue múiñua cue mámecido llórede. ⁴⁸ Nana bie cuemo comuídifuiái uai nabáirainidiomoi. ⁴⁹ Ie jira cácarei, cue Moo uícodo lloga fecáacaga Ñuera Joreño ómoimo óreiticue. Afe caifona bille ríino omoi nai líinoñeille dño, benó Jerusalén jófuemo omoi iri, —daide.

Jesús ja caifo monamo jaide

(Mr 16.19-20)

⁵⁰ Afe mei Jesús afémacina jofue jinomo uite. Betania áinomo jáidiaiöi. Afénomo Jesús onoi caifo ñúitajano íaiöi ñue íllena llote. ⁵¹ Daií ie daina llezica afémacimona oni jírecaillano afémie ja caifo monamo uiga. ⁵² Afémiemo íaiöi caimátailla mei, abido Jerusalemo iere íóbicana jáidiaiöi. ⁵³ Afemona afémaci Juzíñamuimo gairíracomo ífirediaíöi. Afe llezica aillo ñúefuiái Juzíñamuimo nitáfirediaíöi. Daiítadeza. Jae ñie.

JUZÍÑAMUI ÑUEFUE SAN JUAN LLOGAFUE El Santo Evangelio Según San Juan

Juzíñamui Uaina maméidimie íimana íficaide

¹ Naga raa táinia uícomo afe Uai dainámie Cristo jaca ite. Afe Uai jaca Juzíñamuimo ite. Afémie Juzíñamui. ² Ua nanóidiruimo afémie Juzíñamuimo ite. ³ Afémiedo Juzíñamui bínie naa ráaniairi finode. Minícana inede afémie finóñegana. ⁴ Afémiemo cáallino ite. Afe cáallino nana comini egáñnote. ⁵ Afe egáñnotino jaca jítiredinomo egáñnote; íadi afe jítiredino afe egáñnotinona jaca dúitanide.

⁶ Daa Juzíñamui orécamie biniemo bite. Afémie mámece Juan. ⁷ Afémie uai nabáiraímana bite egáñnotinodo ñue úrillena. Daí úrizaibite, afémie daináfuedo nana comini íinollena. ⁸ Juan dama egáñnotimieñede. Fia afémie orécamie egáñnotimie uai nabáiraímana úrizaibite. ⁹ Afe egáñnotimie uáfueña ñue egáñnotimie. Bie egáñnotimie nana caimo egáñnote. Afe egáñnotimie biniemo dúcizaibite.

¹⁰ Afe Uai dainámie biniemo ite; Juzíñamui afe Uai dainámiedo bínie finode, íadi biniemo itino afémiena onóñediaioi. ¹¹ Afémie ie éniemo bite, íadi ie comini afémiena líinoñediaioi. ¹² Mei íadi dáarie mei afémiena líinotiaioi; afémiena íinotiaioi. Afe íinotino ríinoreduaina igáiaioi, Juzíñamui úruiaina íaioi jáillena. ¹³ Afe úruiai come móotiai úruiai izói cómuitañega. Come móotiai bie énie comuilla izói, comútatiaioi. Afémaci íaioi comeci jítainafuedo comútatiaioi, íadi Juzíñamui úruiai dama Juzíñamui-mona comuide.

¹⁴ Afe Uaina maméidimie cai come abi izói dama íficaide. Ie mei cai cígiri nano nié dino ite. Afémie comécimo ñúefuiai illa, ua nana izíruillafue uafue díga. Ie jira afémiemo ite ñue ebírenafue caimo cíocaide; afe ebíredifue dama Moo Juzíñamui daade Jitó ie. ¹⁵ Juan afémieri jéerie ñúefuedo úrite. Daide:

—Baie cue úrillamie, ómoimo cue llogámie, cue óodana bitímie. Afémie jae cue uieco díbenemo jaide, cue íñeniadi íteza, —daide Juan.

¹⁶ Afémie aillo ñuera ráfuiaímona caimo ñue ézicigafuiaina líinoticaí. Ua nana fáicanocaiñeno líinoticaí. ¹⁷ Juzíñamui caimo ocuícáfue Moisedo oreca, íadi izíruinafue uáfuaí díga Jesucristodo bite. ¹⁸ Buna jaca Juzíñamuina cíóñena; mei íadi dama daade ie Jitó, ua Moo comeci áinomo itímie, baie Juzíñamui ífueña cai onótatimie.

*Báutizaraíma Juan Jesucristodo ñue úrite
(Mt 3.11-12; Mr 1.7-8; Lc 3.15-17)*

¹⁹ Jerusalemo ite judúuai, dárie lletáraini Levítaniai díga Juaamo orédiaioi. Daí íaioina orede bámiemo jicánollena, “Búdio” daíllena. ²⁰ Afémie jáanoñeno llote. Daide:

—Cue Crístoñedicue, —daide.

²¹ Nane dáanomo íemo jicánotiaioi:

—¿Búdio mei? ¿O Juzíñamui uai llóraíma, Elíadio? —daííiaioi.

Juan: —Íéñedicue, —daide.

Iemo nane jicánotiaioi:

—¿Níi Juzíñamui uai llóraíma bille dainámiedio? —daííiaioi.

Jira uai ote: —Íéñedicue, —daide.

²² Ie jira íena daííiaioi:

—¿Mei búdio? cai orédinomo fairíogafueña cai uíllena. ¿Mei nie izói caina o abi ífueña daíitio? —daííiaioi.

²³ Juan íaioi uai ote:

—Cue dama jofue iñénanomo caillide uáidimiedicue. Bai Juzíñamui io jaícina zitari, jaiái Juzíñamui uai llóraima Isaías daina izói, —daide. ²⁴ Juan diga úrizai bitino jae Fariséuaimona orécaiaioi.

²⁵ Ie mei Juaamo jicánote:

—Mei Cristoñedio, Elíañedio, Juzíñamui uai jino llóraimañedio, ¿nibái mei báutizaibifiredio? —daidíaiioi.

²⁶ Juan íaioina daide:

—Fia jáinoido báutizadicue. Mei íadi omoi cígimo daa omoi onóñegamie ite. ²⁷ Cue óodana afémie bite, íadi cue jinomo baitade. Afémie eiba ico igai zuitánidicue, mei jamáimiedicueza, —daide.

²⁸ Nana afe Juaamo jicánollena Betábaramo úritiaioi. Betábara énie Jordán imani ruicáfellemo ite. Ja dínomo nauí Juan comini báutizafirede.

Jesús, Juzíñamui Cordero

²⁹ Afe meifo iruido Juan ja Jesúna ciode. Jesús Juaamo áinozide. Ainozidemo Juan daide:

—¡Eroi! Juzíñamui Cordero daina ie Ovéjana mamécamié. Ua, afémie nana comini fiénidifue oni dóraima. ³⁰ Nauí afémie cue llogámie “Cue óodana daa iima bite. Ua óodana bitímie cue baimo baitade, mei afémie cue jinófenemo íteza; daje izói cue íñenia afémie jae nano itímieza.” Daií nauí afémiedo úriticue. ³¹ Dama afémiena onóñedicueza, búdimieza. Iadi jáinoido comini báutizaibiticue, Israel nairai afémiena ñue onóillena, —daide.

³² Ie emódomo daide Juan:

—Ja Juzíñamui Ñuera Joreño, Espíritu Santo, bímiemo monámona ana bíllana ciódicue. Fíicirina eroide. Iemo afémiemo fiévide. ³³ Jaca nanómona onóñedicue nibai bu. Mei íadi jáinoido comini báutizallena daií cuena ocuádimie cuena daide: “Ñuera Joreño daa íimamo ana bíllana íemo afémiemo fiébillana o cióadi, afémiena ónoitio. Afémie Ñuera Joreña itátatimie.” Daií cuena daide. ³⁴ Ja íena ciódicue. Ie jira ñue llóraimadicue. Uáfuenta lloticue. Afémie Juzíñamui Jitó, —daide Juan.

Jesús nano fueñe ie llófuegamaci

³⁵ Afe meifo iruido Juan mena ie llófuegamie íaillinoi diga, meine batí dáanomo ite. ³⁶ Jesús mácajana cióillano, Juan daide:

—Eroi bímie Juzíñamui Cordero daina ie Ovéjana mamécamié, —daide.

³⁷ Iemo Juan llófuegamie íaillinoi ie daináfuenta cacáillanona oni Jesumo jáizaidiaillinoi. ³⁸ Ie mei Jesús jino érocaidemo, afémiemo íaillinoi jáizaillana ciode. Iaillinoina daide:

—¿Bu mei jenódiomicoi? —daide. Afe íaillinoi afémiena daide:

—Llófueraima, ¿ninomo itio? —daide.

³⁹ Jira Jesús fairíote:

—Eróizaibi, —daide.

Iemona iedo jáidiaillinoi. Afémie illánona cíozaidiaillinoi. Ie mei, nibai jitoma ana ítemo, afémieoiri iruido fiébidiaillinoi. ⁴⁰ Daa afe íaillinoimona ua Juan llogáfuenta cacádinomona, Jesús diné jáidimie Andrés. ⁴¹ Afémie Simón Pedro ama. Afe Andrés, nano fueñe abido ie ama Simón baizaide. Baizájillano íena daide:

—Mesána, Juzíñamui mámecigamiéna jae baiticai. Cristo jíáfodo mamécamié, —daide. ⁴² Ie mei Andrés Jesús illánomo Simona uite. Dúcidemo Jesús íena cióillano daide:

—O Simona, Jonás jitódio. Iadi biruímona Céfana mámeitio. Pedro jíáfodo mameina.

Jesús Felipe uáidote Natanael diga

⁴³ Afe meifo iruido Jesús Galilea éniemo jáiacade. Jaillano Felipe baizájide. Afémiena daide:

—Cuedo bi, —daide Jesús.

⁴⁴ Afe Felipe Betsaida jofue ímie. Andrés Pedro diga daano imaci. ⁴⁵ Ie mei Felipe dinena Natanael baizájide. Baizájillano daide:

—Moisés ocuica uai cuegánicomo llogámie ja ciódicai. Ua Juzíñamui uai jino llóraini llua izói, afe íaioi llogámiena ciódicai. Afémie Jesús, José jitó, Nazaret jofue ímie, —daide Felipe.

⁴⁶ Natanael dinena daide:

—¿Niga ñúefue jadí Nazarémona fídiitio? —daide.

Felipe uai ote:

—Eróizaibi, —daide.

⁴⁷ Jesús Natanael ánozillana cióillano daide:

—Benomo bite nahí israelita ímie; jífuiafue afémiemo iñede, —daide.

⁴⁸ Ie jira Natanael Jesumo jicánote:

—¿Nie izói cuena onódio? —daide.

Iemo Jesús íena daide:

—Felipe nai ona uáidoñenia, ona ciódicue. Ua higuera anamo o íllana ciódicue, —daí Jesús daide.

⁴⁹ Iemo Natanael daide:

—Llófueraíma, O Juzíñamui Jitódio. Israel Illáimadio, —daide. ⁵⁰ Jesús ie uai ote:

—¿Dama cue dáinana higuera anamo ona ciódicue iedo daí cuena íñotio? —jicánote Jesús. Afe emódomo Jesús íena daide:

—Bie rafue jinomo jíaie áillue ráfuenta cíoitio, —daide. ⁵¹ Iemo afe emódomo Jesús afémacina daide:

—Uáfuenta ómoímo llóiticue. Mona túíñuana cíoitioí. Iemona Juzíñamui abi imaci, ángeles dainámaci, cuemo ana bíitíaií, caifo cúemona jáitíaií. Mei Nanoide íima Jitódicueza. Afena cíoitioí, —daide.

2

Galilea éniemo Caná jófuemo áirenafue

¹ Daruíamani íllamona, jadí Caná jófuemo, Galilea éniemo, áirenamona iráizillafue finódino. Jesús ei afénomo ite. ² Jesús naa ie llófuegamaciri ja afe áireina ráfueмо uáidogamací. ³ Afe iráizillafueмо jirórai, vinoi fuilla. Ie ei Jesuna daide:

—Ja vino iñede.

⁴ Jesús uai ote:

—Ei, ¿nibái cuena daí daidio? Cue jíruíllaruimo nai dúciñede, —daide.

⁵ Mei íadi afengo afénomo ite jirolle atírainina daide:

—Mai, nana afémie daina diga fino, —daide.

⁶ Dinomo seis diga icíruai, nofíruai ráiide. Judíruai afe icíruai oruítajano jíaimaci ñue oréllena nícidofirediaioi, íaioi abi fíenidífue dóllena. Naga icírumo ochenta o cien litros oruízite. ⁷ Iemo Jesús atírainina daide:

—Jadí icíruai jáinoína oruítari, —daide.

Iemona fueмо jíbézidiaioi. ⁸ Iemo Jesús íaioína daide:

—Due uano rafue náamamo uiri, —daide. Daí finódiaioi.

⁹ Iemo afe rafue naama jáinoi facádemo, jáinoiñede. Jae vino. Rafue naama onóñedemo icíruai jáinoína oruízite. Dani atídino áfena onona. Afe vino nimánuanona, rafue naama ringo óiacadímie uáidote. ¹⁰ Iena daide:

—Nágamíai ñúeji nano fueñe atífirediaioi. Ie mei nana uáidogamací aillo jirolle mei, jamai vino atífirediaioi. Mei íadi nai biruido ñúeji ja o éenoga, —daide.

¹¹ Afe vino méiduafue ua Jesús nanoide uaido daingo comuítaga raa; afefue Galilea éniemo, Caná jófuemo finoca. Bie uaido comuítaga raado afémie ie ebírede ríino jino cíotate. Iemona ie llófuegamací ñue íena íñotiaioi.

¹² Ie meifodo Capernaúmo, Jesús jaide ie ei diga, ie ámatiai diga, ie llófuegamaciri. Dinomo ja bai niga mona itíaiói.

Jesús Juzíñamui gairíracó ñue dua fue

(Mt 21.12-13; Mr 11.15-18; Lc 19.45-46)

¹³ Aféruillaído Judíuai pascua rafue ánozide. Iemona Jesús Jerusalemo jaide. ¹⁴ Afe dinomo gairíracó eromo juráriai, ovejai, íemo fíicirillai dieze fecáriraimacina Jesús ciode. Dáanomo úcube méidoraini ráiidiaíói. ¹⁵ Afena cíoillano Jesús ñécigai móillano jiura finode. Afedo gairíracó erómona nana fecáriraini íaiói juráriai ovejai diga jino jiude. Daje llezica úcube méidoraini úcubetunillai Jesús ana jutade. Íaiói úcube facádorabani Jesús oni caitade. ¹⁶ Fíiciri fecárainina daide:

—Bie raa benómona oni ui. ¡Cue Moo jofo fecáriracona mamériñoeno iri! —daide.

¹⁷ Ie mei afémie llófuegamaci jaiái cuegáuái úibicaidiaíói. Afe uai llote: “O jofo cue ríiduamona cue abi íñeite izoide,” daide.

¹⁸ Iemona Judíuai afémiemo jicánote:

—¿Minícado o ríinona cai ácatatio? ¿Bie raa o fínuana bu o ocuilla? —daidíaíói.

¹⁹ Jesús íaiói uai ote:

—Cue ríino ómoimo bie izói ácataticue. Bie gairíracó omoi júdái, ie mei daruíamani íllemona meine nane caífo cue raiñolle, —daide.

²⁰ Jae judíuai Jesuna daidíaíói:

—Cuarenta y seis fimona niga gairíracoca; ¿íeca daruíamani íllamona meine abído caífo o ráiñoiti? —daidíaíói.

²¹ Iadí afémie dáina uai gairíracó, dama ie abi llote. ²² Iemona Jesús tíidinomona meine abído cáaillano ie llófuegamaci bie dáina uaimo uibíoidiaíói. Daje llezica Cuegáuaina íñotiaíói nana Jesús íaíoína dáina uai diga.

Jesús nana comini comécina onode

²³ Jesús Jerusalemo illano, pascua rafue llezica, aillo comini afémiena ñue íñotiaíói. Ua íaiói cíófinina afémie uaido fínuana cíódiaíói. Afena cíoillano afémiena íñotiaíói.

²⁴ Mei íadí Jesús afe comínimo ie abína nai rairuide. Mei nana imaci comécina onódeza.

²⁵ Jíái come afémiemo comini ífuena llónide. Dama afémie dinena íaiói comeci ífuena onode.

3

Nicodemo Jesumo úrillafue

¹ Daa Judíuai illaíma mámeçi Nicodemo. Afémie fariseo. ² Afe bie Nicodemo naío Jesumo úrizaíbite. Jesuna daide:

—Llófueraíma, Juzíñamui orécao cai llófuellena onódicai. Juzíñamui cómemo íñeniadí bu bie ríirede cíófinina fínuana ácatanide. Ua o fínua izói buna fínónide, —daide. ³ Ie jira Jesús íena daide:

—Uáfuenta dáititue: meine nane jéiciñegamie jaca Juzíñamui illáimana illánona cíóñeite, —daide. ⁴ Jira Nicodemo jicánote:

—¡Jae éicomedicaí! ¿Nie izói meine jocóllicai? ¿Meine nane ei eromo come jáirede, dáanomo abído jécillena? —daide. ⁵ Ie jira Jesús uai ote:

—Uáfuenta dáititue: meine nane jáinoína jéiciñegamie, Moo Joréñomona jéiciñegamie diga, ua Juzíñamui illáimana illánomo jofo jáinide. ⁶ Come móomona jéicigamie jaca come. Iadí Juzíñamui Joréñomona jéicigamie jaca joreño. ⁷ Cue ona daináfueri jacínaiñoeno iri. Uáfuenta nágamie comue jéiciafue, ua caifona jéiciafue jaca jitáirede. ⁸ Jairifo náganomo ebena jaiñófirede. Ie jáiñuana cacádío, mei íadí ninena bite, niné jaide, onóñedio. Daje izói nana Juzíñamui Joréñomona jéicigano, afe jairifo izói itíaiói, —daide.

⁹ Jira meine nane Nicodemo jicánote:

—¿Nie izói bie iite? —daide.

¹⁰ Jesús uai ote:

—¿Nibái mei jicánotio? O iere aillo Israel llófueraimana o íadi ¿bie ráfuea onóñedio?
¹¹ Uáfuea dáitícue: cai onóigafuedo úriticai. Cai ciónafuea féinino lloticai. Mei íadi cai ómoimo llogáfuea íñoñediomoí. ¹² Bie énie raado ómoimo cue úriadi nai íñoñeniadi, ¿nie izói cuena ínoitio mona ero ráfuedo cue úriadi? ¹³ Buna mona eromo jáiñede. Dama monámona ana bitímie, Nanoide íima Jitó, monamo jáirena; mei nauí monamo itímieza. Dáamedicue. ¹⁴ Nauí jaiai Moisés jofue íñenazicimo jaio caifo ráiñua izói ua afe izói caifo ráiñobicaíticue. Nanoide íima Jitódicueza. ¹⁵ Ua afe cue ráiñua jitáirede nana cuemo ínotino fiénidífueo báiiñeillena. Mei íadi ínotino ziiñona ítiaioí.

Juzíñamui nana comínina izíruillafue

¹⁶ Jesús nai úrillano daide: Juzíñamui nana comínina iere izíruite. Afe iere izíruillamona Juzíñamui ie daade Jitó caimo ite. Ua, afémie ie caimo ite, nana afémiemo ínotino jaca ninomo féiraiñeillena; mei jáífodo ñue ziiñona íaioí íllena. ¹⁷ Comini fiénidífue íba otátaraimana Juzíñamui ie Jitona oréñede, mei íadi ie Jitona orede afémiedo comini jíllobicaillena.

¹⁸ Juzíñamui Jitomo ñue ínotimie duere finóbiñede. Íñoñedimie jae duere finóbide, Juzíñamui daade Jitomo íñoñena jira. ¹⁹ Íñoñedino jae duere finóbidaioí. Mei ua ñue egáiñotimie ana bie éniemo bítemo, jítinona jamánomo gáidiaioiza, fiénidífue finódinona íaioí illa jira. ²⁰ Nana fiénidífue finóraini úzefona éoidiaioí. Jaca úzefomo áinoziñede. Ua íemo áinoziñediaioí íaioí fieni finócafuea ónoñellena. ²¹ Uáfueo comeci facádino úzefomo ánozifirediaioí. Íaioí finócafue jaca Juzíñamuimo cacádinona íaioí illa izói finódiaioí. Uzefo íaioí finócafue jaca daíí ñue cíoitate, —daide Jesús.

Báutizaraima Juan Jesudo meine úrizaibite

²² Ie meífomo Jesús Judea éniemo jaide, ie llófuegamaci diga. Dinó diga irui itíaioí. Dinomo comini báutizadiaioí. ²³ Daje llezica Juan, Enón éniemo báutizade. Enón Salim áinomo ite. Dinomo báutizade, aillo jainoi illa jira. Iemona comini báutizaíbitiaioí. ²⁴ Bífue finódiaioí Juan nai llavéracomo úiñenia.

²⁵ Juan llófuegamacimona dáarie judúuaimo úrizaide. Comini íaífue oni dollínodo úritiaioí. ²⁶ Juaana daízaíbitiaioí:

—Llófueraima, nauí o diga itímie, Jordán ruicáfellemo itímie, caimo o llogámie, ja comini báutizade. Nana comini afémie diné jáidiaioí, —daidiaioí.

²⁷ Iemo Juan afémacina daide:

—Juzíñamui cómemo ífue fécañenia, bumó ráfuea íñeite. ²⁸ Cue nauí uáfuedo daínafue daní cacádiomoí. “Crístoñedicue” daidícue. Afémie uícodo orécamiedicue. ²⁹ Aírenafueo ringo otímie ua ringo óite. Otímie nabai afe dinó itímie ie úrillana cacade. Cacáillanona íeri iere íóbite. Daje izói biruido cue íobidícue. ³⁰ Nágarui afémie jamánomo illáimana jáizaide. Ie llezica cue jabómieíticue. Daíí jitáirede, —daide.

Caifona ana bitímie

³¹ Juan nai úrite; daide:

—Caifona bitímie nana cai jaináinamie. Bie énie ímie ja bíniemo jainaide. Enie ífuea úrite. Mei íadi monámona bitímie nana cai baimo jamánomoidimie. ³² Afémie cacánafuedo úrite ie ciónafue diga. Íadi afémie dáinana buna íñoñena. ³³ Da come ie dáinana ínoiadi daíí Juzíñamuimo fairíote. Ua daíí Juzíñamui uáfuea daínafue uáfuetaita. ³⁴ Juzíñamui orécamie Juzíñamui uáillaído úrite, mei Juzíñamui ie Joreño afe orécamieo facáñeno nana íteza. ³⁵ Moo ie Jitona izíruite. Naga itínuiaina afémiemo fecade. ³⁶ Iemo ie Jitona ínotimiemo fúíñeite illánona íemo ite. Mei íadi Jitona ínoiacañedimiemo afe fuiñédinona íñeite. Juzíñamui afémiena iere duere fínoite.

4

Jesús Samaria ingomo úrite

¹ Fariséuai Jesús Juan baimo aillo comini jáillana fidídiaioi. Daje izói Jesús Juan baimo báutizafirenana fidídiaioi. ² Mei íadi Jesús báutizañede; dama ie llófuegamaci báutizaja.

³ Afena Jesús fidíllanona Judéamona meine abido Galilea éniemo jaide.

⁴ Jesús jailla llezica Samaria énie cígido jáirede. ⁵ Ie mei Samaria jófuego dúcide. Afe jofue mámecei Sicar. Sicar áinori Jacob feci énie ite. Afe éniena ie jitó Josemo maiñótate.

⁶ Dáanori Jacob jainoi orano ite. Jesús iodo mácajamona zegónaite. Ie jira jainoi orano abimo ráinade ocózinallena. Jae jáiciri íacademo. ⁷⁻⁸ Ie llófuegamaci jófuego güille jae íbajidiaioi. Iemo Samaria ringo dúcide. Jainoi uáibite. Iena Jesús daide:

—Jáinoina cue jírota, —daide. ⁹ Ie jira Samaria ringo Jesuna daide:

—¿Nibái mei jainoi cuemo jicádío? Odi judíodio. Cue Samaria ingódicue, —daide. (Ua jaiái dínómona judíuái samarítánuaímo nabáirirainide.)

¹⁰ Ie jira Jesús uai ote:

—Juzíñamui fia fecalli raa o onóadi, ua áfena raire cuemo jícaítio. Daje izói omo jainoi jicádímiena, o onóadi ua raire cuemo jícaítio; íemona ua cáadijina o ííticue, —daide.

¹¹ Afengo afémiena daide:

—Íima, o jainoi olle raa íñede. Jainoi orano afórede. ¿Nínómona cáadijina cue íítio?

¹² Cai jáiáigimie Jacob bie jainoi orano caimo iga. Benómona afémie jíruaíde ie úruiaí dígá. Ua dájemona afémie tóiníai jíruaíde. ¿O iere afémie báimoidio? —daide.

¹³ Jesús uai ote:

—Nana bie jáinoimona jiródímacei nane meine abido jiróacaitiaioi. ¹⁴ Mei íadi cue jirótagano jaca meine abido jiróacañeítiaioi. Omo cue ille jainoi ua zíñona íítiji. Nágáruí caimare o itátaite. Illánona fúíñeítinona omo íficaitaite, —daide.

¹⁵ Ie mei ringo afémiena daide:

—Íima, jadé jáinoina cue ine; ja cue jíroacañeilleza, ua nane meine bie jainoi oránomo cue bíñeilleza, —daide.

¹⁶ Jesús aféngona daide:

—O íni jírizairi ie mei bené bi, —daide.

¹⁷ Ringo uai ote:

—Ínínidicue, —daide.

Ie jira Jesús aféngona daide:

—Uáfueña daidío. Inínidio. ¹⁸ Jae cinco dígacaiño ínreidío; birui o illámie o ínñede, —daide.

¹⁹ Afena cacáillano ringo afémiena daide:

—Íima, Juzíñamui uai llóraímiedío ja onódicueza. ²⁰ Cai jáiáimacei Samarítánuaí bie ídumo Juzíñamuina íóbitadiaioi; ñúefuedo íemo úrizaíbitiaioi. Mei íadi o íemo naa judíuairi jáífodo daidíomoi. Jerusalemo cai gairíllano Juzíñamuina cai íóbitallena daidíomoi, —daí afengo daide.

²¹ Jesús uai ote:

—Ríngo, cuena íino. Jáíruimo ja dúcizaide. Aféruimo bídumo bíñeno, Juzíñamuina íóbitaitiomoi. Daje izói Jerusalemo jáíñeno, Juzíñamuina íóbitaitiomoi.

²² Omoi íóbitagamiena onóñediomoi. Iadi cai íóbitagamiena onódicai, ñibai jíllonafue judíuáimona bíteza. ²³ Jae como cue llogáruimo dúcide. Jae birui aferui. Naga Moo Juzíñamuina uáfueña íóbitaacadímie afe o joréñodo uáfueña afémiena íóbitaite. Daí Moo Juzíñamui cai íena íóbitallena jítaide; ua nana afémiena íóbitaacadío daí bíllana Moo jítaide. ²⁴ Juzíñamui ua Joreño. Afémiena íóbitadío íaioi joréñodo uáfueña íóbitaitiaioi, —daide.

²⁵ Iemona afengo íena daide:

—Cue onódicueza Mesías biite. Afe Mesías dáina Cristo. Afémie bia nana ñue rafue caimo jino llóite, —daide.

²⁶ Jesús daide:

—Níimiedicue, ori úrilla, —daide.

²⁷ Iemo ie llófuegamaci dúcide. Dúciillano Jesús ringomo úrillari fáigacaidiaioi. Mei íadi buna jicánoñena áfena. Ua afémiemo afengo jitáillana jicánoñediaioi; “¿Minícafuedo úritiomicoi?” íena daiñediaioi.

²⁸ Ie mei afengo iciru fiénocaillano, jófueмо jaide. Dinomo comínimo lluájide:

²⁹ —Nana cue finócafue jino llotímiemo omoi éroizaibi. ¿Bie afe Crístoñede? —daide.

³⁰ Ie jira jófueмона Jesús illánomo jáidiaioi.

³¹ Afémaci bitíaiοimo ie llófuegamaci afémiena jicade:

—Llófueraíma, due güi, —daidíaiοi.

³² Ie jira afémie daide:

—Cuemo ite güíllena omoi onóñediοmoi, —daide.

³³ Ie jira ie llófuegamaci como fueñe conímamo jicánotiaioi:

—¿Jiáie come afémie écaibite? —daidíaiοi.

³⁴ Ie jira Jesús afémacina daide:

—Cue orédímie comeci jítaina izói cue finóadi bie cue güíllena. Daje izói ie táijina cue fuitáadi, güíticue izoide. ³⁵ Omoi llua: “Nai riga raa ollíruimo cuatro díga fiui ite” daidíοmoi. Mei íadi dáíticue: Erocai. Ja rigánuemo eroi. Ja jéiaruimo ánozide. ³⁶ Ollemo táijidímie iba llínote. Afe oga llízieniai jaca ninomo fiébite; ua fúíñeite illánomo fiébite. Ua ríjiraíma óraíma díga dáanomo camátaillena daí ite. ³⁷ Omoi jaiai daina uáfueña llote: “Ríjiraímie dáamie íadi otímie jíáímie.” ³⁸ Jae omoi ríñeganomo ómoína orédicue. Jiáimaci táijidiaioi íemo íaioi táijina caimare ínotiomoi, —daide.

³⁹ Aillo Samaria jofue imaci Jesumo ínotiaioi. Ua uafue ringo llogáuaido Jesuna ínotiaioi. Afengo daínauai, be ñie: “Nana cue finócafueña cuemo llote.” ⁴⁰ Ie jira Samaritánuaí Jesumo billano jicádiaioi:

—Cai díga iri, —daidíaiοi. Ie jira Jesús ménarui íaioi díga ite. ⁴¹ Afémie dáinana cacáillano aillo jíáimaci ínotiaioi. ⁴² Ie jira aféngona daidíaiοi:

—Nauí dama o dáinado jabo ínoticai, mei íadi birui ja cai dani afémiena cacáillano áfedo como ñue ínoticai. Ja onódicai bie ua Cristo, nana nairai jíllotaraimaza, —daidíaiοi.

Jesús gobiérnomo táijiraíma jító jíllotata

⁴³ Ménarui íllamona Jesús Samáíamona jáizaide Galilea énie iodo jáillena. ⁴⁴ Jae dama Jesús llote:

—Juzíñamui uai jino lloraíma dama ie éniemo jaca jámairuiga, —daide. ⁴⁵ Galiléamo dúcidemo afénomo itino íena ñue llínotiaioi. Ua caimare íena llínotiaioi, ñibaí pasqua ráfueмо Jerusalem nauí Jesús illa llezica jáidiaioi. Iemo aféfuemo nana ie finócafuiaina ciódiaioiza.

⁴⁶ Ie mei Jesús meine Caná jófueмо, Galilea éniemo jaide. Ua jainoi vínona meídu-anomo jaide. Afe llezica Capernaum jófueмо gobierno illaíma táijiraíma jító iere irárede.

⁴⁷ Afe táijiraíma Jesús Judéamona Galiléamo dúciana fídiano, afémiemo éroizaide. Ua ie jító jíllotaíbillena jícajide; mei ja ie jító tíizaide. ⁴⁸ Iemo Jesús íena daide:

—Onótate ráaniai íemo cíofinina finócafuiai díga omoi cíóñeniadi ínoñediοmoi, —daide.

⁴⁹ Iadi gobierno táijiraíma Jesuna daide:

—Ocuíraíma, raire bi cue jító nai tíñena llezica, —daide.

⁵⁰ Ie mei Jesús íena daide:

—Meine o jofomo jai. O jító jílloteza, —daide. Afémie Jesús íena daina uaina ínote, jira jaide. ⁵¹ Ie jofomo dúcizaidemo ie jaíénizai jino íemo bitíaiοi. Dúciillano daidíaiοi:

—O jító jae jíllode, —daidíaiοi.

⁵² Iemo, —¿Nie hórano jíllode? —Íaioimo jicánote. Jira daidíaiói:

—Nauiri jaíciri illa mei ie abi bóua llícaide, —daidíaiói.

⁵³ Iedo moo bie daje hora Jesús éna daina hora uíbicaide. Ua “O jitó jílloite” daina hórano afeza jíllode. Iemona afémie Jesumo ínote, naa ie comini díga.

⁵⁴ Daií Jesús Judéamona Galiléamo billano mena onótate raa finode. Bie jíllofue ua ie meífodo finoca cíofininfue.

5

Jesús Betzátamo ite tízitaitimie jíllofue

¹ Ie meífomo judíuai rafue ite; jira Jesús meine Jerusalemo jaide. ² Afe jófuemo, ovejai naze áinori jainoi ofillano ite. Afeno hebreo imaci uaido mameca Betzata. Nane dínomo cinco díga gairirano ite. ³ Bie gairira macáranuiaimo aillo iráredimaci bíede: uínidimíai, aidáimíai, tízitaitimíai díga. Bimaci jainoi bagua úiñotíaiói. ⁴ Daií úiñotíaiói mei dáruiaríe Juzíñamui abi ímie ana billano jainoi bagótafiredeza. Bagota mei nanoide come jáinoimo ana jáidimie, ie irárenamona ja jíllobicaifirede. ⁵ Dínomo iráredimie ite. Ua treinta y ocho díga fimona irárede. ⁶ Jesús billano ie bíinana ciode. Afémie are jaii ninómona daií dínomo íllana onóillano, Jesús éna daide:

—¿Jíllobicaiacadio? —daide.

⁷ Iráredimie uai ote:

—Ocuíraíma, cue cánoitimie íñede, jainoi bagua meífomo jáinoimo cuena ñuitállena. Nágarui cue jáiacana llezica jíaimie nano fueñe jáinoimo dúcide, —daide.

⁸ Jesús éna daide:

—Caífo náidacai. O bíirallu llíno. Mai maca, —daide. ⁹ Afe llezica afémie jíllobicaide. Iemo ie bíirallu llínuano macáoicaide. Aferui ocózinaillarui.

¹⁰ Jira judíuai jíllofue daide:

—Birui jae ocózinaillarui. O bíirallu rocánollena omo rairuírede, —daidíaiói.

¹¹ Afémie uai ote:

—Cue jíllofue cuena daide: “O bíirallu llíno; mai maca,” —daide.

¹² Iemo éna jicánotíaiói:

—¿Bu ona “o bíirallu llíno, mai maca” daina? —daidíaiói.

¹³ Mei íadi afémie ie jíllofue onóñede, aillo comini dínomo íllaza. Ua Jesús jae jáideza.

¹⁴ Afe mei Jesús gairíraco eromo éna baizájillano daide:

—Mai eroi. Birui jae jíllofue. Meine fíenidífue finóñeno iri, jamánomo figóñede raa omo jíriñeillena, —daide.

¹⁵ Iemo afémie judíuai Jesús éna jíllofue lluájide. ¹⁶ Ie jira judíuai Jesuna duere finóllena racadíaiói; éna fáiacadíaiói, ocózinaillarui aféfuai fínua jírari.

¹⁷ Mei Jesús íaioina daide:

—Cue Moo Juzíñamui jaca nanómona biruimo táijide, jira cue nane táijidíe, —daide.

¹⁸ Iemona judíuai jamánomo éna fáiacadíaiói; níbai ocózinaillarui ocuífue afémie jáanote. Ie emódomo afémie Juzíñamui izóidimíena dama finótate, “Juzíñamui cue Moo” ie daina jira.

Juzíñamui Jitó ríino

¹⁹ Ie mei Jesús íaioina daide:

—Uáfuea ómoína dáitíe, mei Juzíñamui Jitódíe, dama cue jítaina izóí minícana finóndíe. Dama cue Moo Juzíñamui finócafue cue ciona izóí birui finóndíe. Nana cue Moo finócafue afe izóí nana finóndíe; ie Jitódíe. ²⁰ Ua Moo Juzíñamui nana ie fínuafe ie Jitomo ácatate, Moo ie Jitó izíruilla jira. Ie emódomo jamánomo áillue finóllíe íemo ácataite, omoi fáigacaillena. ²¹ Mei Moo Juzíñamui tíidino cáadinona

itátateza, ua cáallinona íaioimo ite; daje izói ie Jitó nana afémie oíacaiganomo cáallinona ite. ²² Moo Juzíñamui buna jicánoñede íena duere finótallena, mei íadi nana afe jicánolle ríino ie Jitomo iga. ²³ Daí nana comini Moo ñue jacíruilla izói, afe izói ie Jitona ñue jacíruitiaioi.

²⁴ Uáfueña ómoína dáitícue: cue uaina cacádimiemo, dáanomo cuena orédimiena ínotimiemo ja ziiño cáatatinona ite. Afémie duere finóbiñeite, tíllanomona ja bai finona jira; jae cáananomo dúcide. ²⁵ Uáfueña ómoína dáitícue: tíidino meine cáallirui áinozioicaide. Aferui birui. Ua tíidino Juzíñamui Jitó úrillana cácaitiaioi; íemona nana áfena náfuereidino cáaitiaioi. ²⁶ Mei Moo Juzíñamuimo cáatalle ríino íteza, daje izói afe cáatalle ríino ie Jitomo afémie itátate. ²⁷ Dáanomo comini duere finóllena jicánua ríino íemo iga, afémie Nanoide íima Jitona jira. Afe Jitódicue. ²⁸ Afemo fáigacaiñeno iri. Nana tíidino cue úrillana cacáilliruimo dúciiteza. ²⁹ Aféruido raíáfuaímona jino bíitiaioi. Ñúefue finódimaci meine cáadinona íitiaioi ziiñona íaioi íllena; mei íadi fíenidífue finódimaci meine cáadinona íitiaioi, duere íaioi finóbillena.

Jesús ríino uáfueña daítatífuaí

³⁰ Dama cue comeci izói minícana finónidicue. Moo cue ocuilla izói comini fínuafuaí ríire jicánoticue. Cue jicánuaíue jaícina ñue joide; cue jitaina izói jicánoñedicueza, mei íadi cue orédimie, cue Moo jitaina izói jicánoticue, afe izói finóllena. ³¹ Dama cueri uai cue nabáiadi, cue daínana figo uáfueña daíñede. ³² Mei íadi jíaimie cueri uai nabáiraíma ite. Afémie cueri daínafue ñue uáfueña facátate. Afena onódicue. ³³ Juaamo jicánuaídiomoi. Afémie ie uai úana jaca uafue. ³⁴ Mei íadi íimamona cueri uai nabáíllana jicáñedicue. Daa bíena dáitícue omoi jíllobicaíllena.

³⁵ Juan egáñora izóidimie. Afe egáñora bóocabíllamona egáñofírede. Ie egáñuanomo nano íanori íllamona íóbicaídiomoi. ³⁶ Mei íadi jíáie cueri uáfueña facátafue ite. Afefue Juan cueri daínafue baimo ite. Afe uáfueña facátafue cue finócafuaí. Aféfuaí cue Moo cue finóllena ocuícafuaí daje izói jóoideza. Afe jira afe cue finócafuaí Moo orécacue uáfueña facátate. ³⁷ Ie dáanomo Moo, cue orédimie cueri uai nabaide, mei íadi omoi ie uaina jaca cacáñediomoi; ie abí cíocaíllana jaca cíóñediomoi. ³⁸ Ie uaíllai omoi ífócimo déíñede, afe Moo orécamiéna omoi íñoñena jira. ³⁹ Juzíñamui Cuegáuáíllai izire jenoda facádotiomoi; dínomo “Zííñona íllino báitícaí” comécimo facáoidiomoi. Uafue, Cuegáuáíllai cueri ñue úritiaioi, ⁴⁰ mei íadi cuemo bíacañediomoi afe ómoímo zííñona íllena.

⁴¹ Comini cuemo nitáacaga jalléinaíuaí náfueneídicue. ⁴² Mei íadi ómoína onódicue. Juzíñamuína izíruiñediomoi onódicueza. ⁴³ Cue Moo cue ória jira bitícue, íadi cuena líínoñediomoi. Jíaimie dama ie ória izói bíadi afe ímana ñue líínoítiomoi. ⁴⁴ ¿Omoi nie izói ínotiomoi? Dani ómoímona cáímadua uaíllai líínofírediomoi; mei íadi daade Juzíñamuímona bitíuaí, ie cáímadua uai jenóñediomoi. Jira ínonidíomoi. ⁴⁵ Cue Moo uíecori ómoímo fíenidífue cue nitalle comécido facáoiñeno iri. Uáfueña Moisés ómoímo fíenidífue nítaite, ní omoi úíñogamie. ⁴⁶ Moisés daínauai omoi ínoiadi daje izói cuemo ínoítiomoi, mei Moisés cueri ñue cúeteza. ⁴⁷ Mei íadi afémie cuegáuai omoi íñoñeniadi ¿nie izói ómoína cue daínáfueña ínoítiomoi? ¿íñoñeítiomoi! —daide.

6

Jesús cinco mil ííñiai ecade

(Mt 14.13-21; Mr 6.30-44; Lc 9.10-17)

¹ Afe meífoto Galilea jorai ruícaferaimo jaide. Afe jorai jíáífoto mameína: Tiberias. ² Aílo comini íedo jáidiaioi, cíofinina ráaniai ie fínuana íaioi cíonamona. Ua íraredino jíllotana cíódiaioi. ³ Ie mei Jesús ídumo ráíizaide ie llófuegamaci díga. ⁴ Ja judíuaí rafue

páscuafue áinozide. ⁵ Jesús érocaillano aillo afémie ódana bitínona ciode. Jira Felípena daide:

—¿Ninómona nana bimaci ecállena íbaiticai? —daide.

⁶ Afe daií jicánote, Felipe uai úana onóillena. Jesús dama ie finóllifue ñue onode. ⁷ Iemo Felipe uai ote:

—Doscientos dígabe fidi pan dúciñeite naga come jéenino óllena, —daide.

⁸ Ie jira jiáie llófuegamie Andrés, Simón Pedro ama, Jesuna daide:

⁹ —Benó daa dúemiemo cinco diga panes ite mena chamu diga. (Bie pan cebada finoína.) Mei íadi iere duera; aillo comini íllaza, —daide.

¹⁰ Ie mei Jesús daide:

—Nana íaioi ráiilleza afémacina omoi daiíri, —daide.

Afénomo aillo raitire ite. Iemo cinco mil íñiaí raizídaitiaioi.

¹¹ Ie mei Jesús pan llínota Juzíñamuina “Iere figura” daide.

Dáinamona llófuegamacimo fecade. Afemona llófuegamaci nana ráiiedinodo fecade. Jesús daje izói finode mena chámuna, ua nana ráiacadinodo fecade. ¹² Jae íaioi jeírilla mei ie llófuegamacina daide:

—Fiébidinuai nana iráiri, daa báiiñelleza, —daide.

¹³ Fiébidinuai doce diga cirigai iráica. Ua cinco diga panes fiébidinomona diga cirigai oruítaga. ¹⁴ Ie mei comini bie cíofinina raa Jesús fínua cíonamona daidíaioi:

—Uafue bímie afe jaii nanómona lloga ana éniemo bíacade uai lloraima, —daidíaioi.

¹⁵ Mei íadi comini íena riire lláitano illáimana jóoneacana Jesús fidíbicaide. Fidíillanona Jesús dama meine idu caifónedumo jaide.

Jesús jainoi emódodo macade

(Mt 14.22-27; Mr 6.45-52)

¹⁶ Ja nauídemo Jesús llófuegamaci ana jóraimo jáidiaioi. ¹⁷ Dúciillano nocaemo jailano, jorai ruícaferaimo Capernaúmo jaitádiaioi. Jae jítiredemo, mei íadi nai Jesús meine abido biñede. ¹⁸ Iemo aillo jairifo daingo náidacaide. Iemona bagua mónaioicaide. ¹⁹ Due bai jáidiaioimo Jesús nocaemo ánozillana cíodiaioi. Jainoi emódodo macade. Iemo jacíruitiaioi. ²⁰ Mei jira íaioína daide:

—Cueza, omoi jacíruíñeno, —daide.

²¹ Iemona caimare nocaemo íena llínotiaioi. Iemona íaioi jáillinomo nitaca izói jarire dúcidiaioi.

Comini Jesús jénua

²² Jáírui meímodo jorai enéferaimo fiébidimaci, llófuegamaci daa ite nocaedo jáillana fidídiaioi. Iadi Jesús afémaciri jáiñede. ²³ Mei íadi biruícana jiáie nocáiai Tiberias jófueмона dúcizaide. Ua pan güilla áinori Ocuíraima Jesús “Iere figura” dáinamona, ua afénomo dúcizaidiaioi. ²⁴ Daií Jesús dinomo iñénana cíóillano ie llófuegamaci diga, afécaiaimo jofo jáidiaioi. Iemona Capernaúmo íena jénuaidiaioi.

Jesús, zíñona cáaille paana maméidimie

²⁵ Jorai ruícaferaimo dúciillano, Jesús baitíaioi. Baillano íena jicánotiaioi:

—Llófueraima ¿niruido benomo dúcidio? —daidíaioi.

²⁶ Jira Jesús daide:

—Uáfueña ómoína dáitícue, güíllena omoi jeírillamona cuena jénuaibitiomoi. Cue finoca cíofinina raa omoi onónamona cuena jenóñediomoi. ²⁷ Fúifirede güíllemo táijiñeno iri. Mei íadi fúíñeite güíllemo táijiiri. Afe güille ómoína zíñona itátate. Afe bie güille ómoimo ítícue mei Nanoide Hima Jitódícueza. Mei ua, omoi uáfueña ínogamiena jae Moo Juzíñamui jóonegacueza.

²⁸ Jira jicánotiaioi:

—¿Minícana fínoitícai Juzíñamui jitaille raa cai fuitállena? —daidíaioi.

²⁹ Jesús uai ote:

—Juzíñamui orécamiēna omoi íñollēna jitáirede, —daide.

³⁰ Iemo jicánotiaioi:

—¿Minica onótáite raa caimo ácataredio, afe cióillano ona cai íñollēna? ¿Minícafue fínoitio? ³¹ Cai jaiáidigima zaféredizicimo maná güitáioi; Juzíñamui Cuegáuai daina izói: “Juzíñamui monámona ana baiítaga güíllēnai áfēna íaioi güitátate,” —daide.

³² Jesús uai ote:

—Uáfueña dáititue: monámona baiide güíllēnai fecárama Moiséñede. Mei íadi uáfueña monámona baiide güíllēnai fecárama cue Moo. ³³ Juzíñamui fecaca güíllēnai, monámona ana bitímie. Afémie cáaille paana maméidímie. Afémie énie itímacimo zíñona cáallinona itátáite, —daide.

³⁴ Iemo íēna daidíaioi:

—Ocuíraima, bie güíllēnai nágarui cai ine, —daidíaioi.

³⁵ Jira Jesús daide:

—Cue cáatate güíllēdicue. Cuemo bitímie jaca júfiruiñeite. Cuemo ínotímie jaca ninomo jíroacañeite.

³⁶ Mei íadi ómoina cue daina izói, cuemo íñoñediomoi nai cuēna ciódiomoi íadi. ³⁷ Nana Juzíñamui cuemo fecácamaci cuemo bífireitiaioi. Cuemo bífireitinona jino dótañeiticue. ³⁸ Uafue, cue comeci jitaina izói finóllēna, monámona ana biñédicue, mei íadi cue orédímie comeci jitaina izói ana fínuaibiticue.

³⁹ Cue Moo, ua cue orédímie, nana cuemo igánomona buna oni ninó báiiñeillēna jítaide. Ua nana afémaci íirairuido cáadinona itátaiticue. ⁴⁰ Cue orédímie nana Juzíñamui Jitona ciódimaci íēna íñollēna jítaide. Daií íaioi ínuamona zíñona cáallinona íaioimo íllana cue orédímie daje izói jítaide; ie mei íirairuido cáadinona íaioina itátaiticue, —daide.

⁴¹ Iemona judíuai Jesuri gugúritiaioi. Ua ie daináfueri: “Monámona ana baiide güíllēnai māméidímiedicue” íeri gugúritiaioi. ⁴² Daidíaioi:

—¿Bímie José jitó Jesúñede? Ie moona onódicai ie ei díga. ¿Nie izói “Monámona ana bitímiedicue” daírede? —daidíaioi.

⁴³ Jira Jesús íaioina daide:

—Gugúriñeno. ⁴⁴ Buna cuemo bínide, cue Moo, cue orédímie nai átíñēna. Ie mei íirairuido afémienā cáadímienā itátaiticue. ⁴⁵ Uai lloraini cuegánicuai llote: “Nana afémaci Juzíñamui llófuegamaciza íitiaioi.” Daií nana Moomo cacáдино, afémiemona fibítagamaci cuemo bitíaioi.

⁴⁶ Bie izói cue daina dáarie Moo Juzíñamuina ciona daífacañede. Dama Juzíñamuimona bitímie Moona ciona. ⁴⁷ Uáfueña ómoina dáititue: cuemo ínotímie zíñona cáallinona ite. ⁴⁸ Cue cáatate güíllēdicue. ⁴⁹ Omoi jáiāragima zaféredizicimo manana güitáioi, mei íadi nana jae tíidímaci. ⁵⁰ Iadi cue daina monámona ana bite güíllēdicue güitino tíiñeitiaioi. ⁵¹ Cue dama afe bie monámona ana bite cáatate güíllēdicue. Bie güille güitímie zíñona ite. Bie cue ille güille dama cue íeizi. Afēna íititue nana énie imaci cáallēna, —daide.

⁵² Iemona judíuai dani íaioiri júfidotiaioi. Daidíaioi:

—¿Nie izói bímie dama ie íeizina caina écaite? —daidíaioi.

⁵³ Jesús íaioina daide:

—Uáfueña ómoina dáititue: Nanoide fima Jitódicueza; cue íeizi omoi ríñeniadi, daje izói cue die omoi jíroñeniadi nai omoi cáallinona íñede, dájēna cuemo jaináñēna jira.

⁵⁴ Cue íeizi ritímie, daje izói cue die jiródimie comeci zíñona cáallinona ite; ie mei íirairuido afémienā cáadímienā itátaiticue. ⁵⁵ Cue abi uafue güille. Cue die uafue jiróllēni.

⁵⁶ Cue íeizi ritímie, jíai cue die jiródimie ja cuemo dájēna ite. Daje izói afémiemo dájēna ititue. ⁵⁷ Cue caade Moo orécacue, jira afémiedo cáadicue; daje izói cue ríitímie cuedo

cáate. ⁵⁸ Monámona ana bite gülleri úriticue. Bie güille omoi jaiáidigima güiga maná izoíñede. Nana afémaci tíidimaci; mei íadi bie güille güitímie zíñona iite, —daide.

⁵⁹ Jesús Capernaúmo ite Juzíñamui uai llófueriracomo nana bífuiai íaioimo llófuete.

Zíñona cáatate uailai

⁶⁰ Bie llófuiana cacáillamona, aillo Jesudo jáidimaci daidíai:

—Bie afémie daina afe jeire ollíuai iere féirede. ¿Bu áfena jeire órena? —daidíai.

⁶¹ Iemona Jesús íaioi gugúrilla onóbicaide. Onóillano jicánote:

—¿Aféfuiai ómoína íairuificaitade? ⁶² Ie mei Nanoide ñima Jitó nano ie illánomo caifo ie jáillana omoi cióadi, ¿ñie izoí íitiomoi? ⁶³ Cai joreño cai cáatate. Feizi cáatañede. Ómoína cue daináuailai joreño izoide uafue uailai. Cáataitai. ⁶⁴ Mei íadi ómoimona dámierie nai ñinoñediaioi, —daide.

Jesús afe ñinoñedimaci nanómona onode. Afe llezica íena éoidimacimo fécaitimiena onode. ⁶⁵ Ie mei daide:

—Iemona ómoína dáititue, Moo átiñenia buna cuedo bínide, —daide.

⁶⁶ Aféruimona aillo Jesudo jáidino íena fiénocaidiaioi. Ja íedo macáñediaioi. ⁶⁷ Ie jira ie doce diga llófuegamacimo jicánote:

—¿Omoi daje izoí jáiacadiomoi? —daide.

⁶⁸ Mei íadi Simón Pedro uai ote:

—Ocuíraima, ¿bumo jáiredicai? Zíñona cáatate uailai omo ite. ⁶⁹ Ja cai ñnoticaiza. Onódicai caade Juzíñamui Jitódioza. Crístodio, —daide.

⁷⁰ Jesús íaioina daide:

—Jae doce dígamie nizédicue; mei íadi omoi cígimona dámie Taife izoide, —daide.

⁷¹ Afe dainado Jesús Júdari úrite. Judas Iscariote Simón jitó. Afémie Jesuna éoidimacimo fécaitimie, mei íadi afémie doce dígademon.

7

Jesús ámatiai íena ñinoñediaioi

¹ Afe méifodo, Jesús Galilea éñiedo macade. Judéamo íacañede, dinomo judíuai ie íaioi fáiacana jira. ² Ja bizáinillaimo irázillafue ánozide. Afefue judíuai rafue.

³ Ainozillamona ie ámatiai íena daide:

—Benó fiébiñeno. Judéamo o jairi, dinomo ite odo jáidino o finócafueña cíoillena.

⁴ Dámie nana comini íena íaioi onóillena jitáiadi, ie raana báiñino finóñede. Afe áillofuiai o finóadi nana comini uícomo finori, —daidíai.

⁵ Bie izoí daidíai, mei nai ie ámatiai íena ñinoñediaioiza. ⁶ Jira Jesús daide:

—Cue ñue illíruimo nai dúciñede. Mei íadi ómoimona nano nígarui ñuera. ⁷ Enie imaci ómoína éoinide, mei íadi cuena éoidiaioi, ñibai íaioi fiñi finócafuiiai uai nabáiraímadicueza. ⁸ Mai ráfueo omoi jai. Nai jáiñeiticue, cue ñue illíruimo nai dúciñede.

⁹ Daí daina mei Galiléamo fiébide.

Jesús bizáinillai irázillafuemo jaide

¹⁰ Ie ámatiai jailla mei, Jesús daje izoí ráfueo jaide, mei íadi uáfodo jáiñede. Jabo báiñino jaide. ¹¹ Judíuai afe rafue ana íena jenódiaioi. Daidíai:

—¿Ñinomo mei afe ñima ite? —daidíai.

¹² Comini cígiedo aillo afémieri úritiaioi. Dáarie, “Ñúemie,” daidíai. Jáimaci, “Fiénidimie; mei comínina jífueza,” daidíai.

¹³ Mei íadi judíuaina jacíruillano buna afémieri uáfodo úriñede.

¹⁴ Ja rafue cigi iruido Jesús Juzíñamui gairíracomo jofo jaide. Jaillano dinomo llófuellena tainede. ¹⁵ Iemona judíuai fáigacaillano daidíai:

—¿Ñie izoí bie ñima diga ráfuiaína onode, afémie nai llófueñegamo? —daidíai.

¹⁶ Jira Jesús uai ote:

—Cue llófuegauai cúeieñede; mei íadi cue orédimie ie. ¹⁷ Dáamie Juzíñamui jitailla izói finóacania, afémie cue llófuegauai Juzíñamuimona bitíuaina ónoite. Afe llezica dama cue jitailla izói llófueñedicuena ónoite. ¹⁸ Dama ie comeci jitailla izói úritimie, comini íemo ñúefuena nitállena úrite. Mei íadi íena orédimiemo ñuera ráfuenta nitáacadimie uáfuenta dáite. Afémiemo jífuiafuenta íñede.

¹⁹ ¿Omoimo ocuica uailai Moisedo ómoimo iga? ¿Ero ua? Mei íadi buna ómoimona aféuai jeire oñena. Aféuai jeire oñédimiedicue izói, ¿ñibái mei cue fáiacadiomoi? —daide.

²⁰ Jira comini uai ote:

—Omo fiénide joríaí illa. ¿Bu o fáiacana? —daidíaioi.

²¹ Jira Jesús daide:

—Daa raa ocózinaillarui cue fínuari nana fáigacadiomoi. ²² Mei íadi úrue bacano icoi quétajana facátafue Moisés ómoimo iga. Jira íiza bacano icoi quetádiomoi ocózinaillaruido íadi. (Moisés afefue táineñegaza; jáiairagimaci táineca.) ²³ Mei jira Moisés ocuica uailai nana ñue fuizáillena, íiza bacano icoi omoi quetáadi ocózinaillarui íadi, ¿ñibái ríicadiomoi iima abi námiena cue jíllotaia ocózinaillarui? ²⁴ Mai jinófene éroillano comini ifue nitátañeno. Omoi nitáadi jáicina uáfuenta nitari.

Jesús ie comuillanodo úrite

²⁵ Ie mei Jerusalem dáarie itínomona jícanuaidiaioi:

—¿Bímie íaioi fáiacagamieñede? ²⁶ Mei íadi batínomo comini cígimo úrite íadi buna nie izói daíñena. ¿Uáfuenta caifóidimaci bímie Crístoza íñotiaioi? ²⁷ Mei íadi cai, afémie ninómoma ie bíllana onódicaí. Iadi íbana Cristo bíadi, buna ninómoma ie bíllana ónoñeite, —daidíaioi.

²⁸ Afena cacáillano Jesús nai gairíracomo llófuia llezica riire daide:

—¿Cuena onódiomoi? ¿Ninómoma bitícueza onódiomoi? Mei íadi dama cue comeci izói biñédicue, íadi caade cue orédimiemona biticue. Afémie jaca itímie. Afémiena onóñediomoi. ²⁹ Afémiena onódicue, afémiemona bitícueza, ie orécacueza, —daide.

³⁰ Iemona íena lláviano úiacadiaioi. Mei íadi nai buna íena llaitáñede, nai ie llaitáillirui dúciñedeza. ³¹ Mei íadi aillo comini íemo íñotiaioi; daidíaioi:

—Cristo bíadi ¿bímie finoca cíofinina onótafuiaí baimo fínoite? —daidíaioi.

Fariséuai llaizíriraini orede, Jesús lláviano úillena

³² Fariséuai comini Jesuna dánana cacádiaioi. Jira lletáriraini illaini, gairíraco jabóidillaimaiaí orede Jesús llaitada úillena. ³³ Jira Jesús uai ote:

—Omoi cígiri dama íanori nié dino ííticue. Ie méfodo cue orédimie diné jáíticue.

³⁴ Cuena jénoitiomoi mei íadi cuena báíñeitiomoi, cue illínomo jáinidiomoi, —daide.

³⁵ Ie mei judíuai daní íaioimo jícanuaidiaioi:

—¿Bímie ninomo jáite, íena cai báíñeillena? ¿Judíuai júdaicamací griego éniemo afémie jáite, griego imaci llófuellena? ³⁶ Ie dánana, “Cuena jénoitiomoi mei íadi cuena báíñeitiomoi, cue illínomo jáinidiomoi,” ¿nie izói daide? —daidíaioi.

Jesús, jainoi izói cómena cáatate

³⁷ Rafue írairuimo jamánomoidirui. Aféruído Jesús naidáillanona como aillo uaido úrite:

—Nana jiróacadimie cuemo bi; júruabi. ³⁸ Cúegáuai daina izói, cuena íñotimie ie comécimona áillue imani tua izói aillo ñue cáatatifuiai biite, —daide.

³⁹ Aféfuedo nana afémiena íñotino Ñuera Joreño llíinoitiaioi daide. Ua mei, Ñuera Joreño nai biñede, Jesús ie cáimafue ebíredifue diga nai llíinoñena jira.

Comini Jesuna daináfuaí jíáifodorie jóide

⁴⁰ Dáarie comini cígimona aféfuena cacáillano daide:

—Uáfuenta bímie uai llórama, jaii ninomo bícadímie, —daide.

⁴¹ Jiáimaci daidíai:

—Bie ua Cristo.

Mei íadi jiáimaci daidíai:

—¿Nie izói Cristo dino Galilea ímieite? ⁴² Cuegáuai lloste: “Jáiaidillaíma David, ie izíe ímiena Cristo iite. Ua Belén ímiena iite, afe jófuemo nauí David íteza,” —daidíai.

⁴³ Daií nana comini Jesús ícoínia dázierie bózietaidíai. ⁴⁴ Dámierie Jesús maíano úiacadíaí, mei íadi buna daií ñeñena.

Caifoide ríiredino Jesuna íñoñediaí

⁴⁵ Gairíraco jabóllaini abido fariséuai illánomo, daje izói lletáriraini illaini illánomo bitíai. Afémaci íaioimo jicánote:

—¿Nibái mei íena atíñediomoi? —daide.

⁴⁶ Jira jabóllaini (jiáifodo mameina llavérraini) uai otíaí:

—Jaca ninomo buna afémie úrilla izói úriñede, —daidíai.

⁴⁷ Jira fariséuai daidíai:

—¿Omoi daje izói ja jífuegamacidiomoi? ⁴⁸ ¿Cai illáicomini dáarie íena ja ínotiaí fariséuai díga? ¡Jaca íñoñediaí! ⁴⁹ Mei íadi bie comini ocuífufuai onóñediaí, ja faidócaiaíza, —daidíai.

⁵⁰ Nicodemo, naio Jesumo eróizaíbitímie daa fariseo imácimona. Íaioina daide:

⁵¹ —Cai ocuífufue daína izói buna duere finónidicai, nano fueñe íena cai cácañeniadi, ie finócafueña cai ónoillena, —daide.

⁵² Mei jira uai otíaí:

—¿O jíai daje izói Galilea ímiedioza? Cuegáuai fácado. Dínomo cíotio buna uai llórama Galiléamona biñede, —daidíai.

Jiruíredingo Jesumo atídíaí

⁵³ Mei íemona naga come íaí jofomo jaide.

8

¹ Mei íadi Jesús Olivo daína ídumo jaide. ² Ie jítiramo monáillamona, abido gairíracomo bite. Nana comini íemo áinozidíai. Afémie ráinaillano íaioina llófuiaide. ³ Ie mei ocuífufue llófueraíni fariséuai díga jiruíredingo Jesumo atídíaí. Daií ñécade afengo baitíaí. Afe gairíracomo itímaci cígimo aféngona jónetiaí.

⁴ Jóoniano Jesuna daidíai:

—Llófueraíma, bie ringo afe jiruírenafue finócade baiticai. ⁵ Afe izoide ringona Moisés ocuífufue cai ocuide noficiaído fállena. ¿O nie izói daidí? —daidíai.

⁶ Daií daidíai Jesús facátallena. Bie facátamona fiénidífue íemo nitáacadíaí. Iemona Jesús jíjicaillano éniemo onócaído cuete.

⁷ Mei íadi díga icaiño jicánotiaímo Jesús meine jaícina rainade. Ráinaillanona daide:

—Omoimona dáamie fiénidífueña íñédímie, mai nanoide nofici aféngomo nitari, —daide.

⁸ Dáanomo nane jíjicaillano éniemo cuete. ⁹ Mei íadi aféfuena cacáillano, nana íaíoi comeci úrilla uaido méaicaidíaí. Méaicailano oni nana dáarie jáioidiaí. Ua iere éicomedímie ufcodo oni jailla. Nana ja íaíoi jailla mei, Jesús dama dínó fiébide afe atícango díga. ¹⁰ Iemo Jesús jaícina meine rainade. Afe ringo baímo buna cíóñenano aféngona daide:

—Ringo, ¿ninomo omo fiénidífue jítdino ite? ¿Buna omo nofícina nitáñena? —daide.

¹¹ Jira afengo daide:

—Ocuíraíma, ua buna nitáñede, —daide.

Mei jira Jesús daide:

—Cue ona daií nítaíñeíticue. Mai o jairi. Fieni meine abido daií ñeñeno iri, —daide.

Jesús, bie énie comini egáñoraíma

¹² Jesús dáanomo nane comínimo úrite; daide:

—Cue bñie comini egáñoraímadícue; cuedo jáitimiemo cáataite egáñua iite. Jaca nño jítifodo mácañeite, —daide.

¹³ Ie jira fariséuai íena daidíaioi:

—Dama o uai nabáidío. Afe uai ráifíñede, —daide.

¹⁴ Jira Jesús uai ote:

—Cue daina uáfueña ráifide, afe dama cuemo uai nabáidícue íadi. Cue ninómona bitícue, daje izói cue jáillinona onódícueza. Mei íadi ninómona bitícueza onóñediomoi, cue jáillinona díga. ¹⁵ Bie énie facárado jenócana facádiomoi; cue buna jenócana facáñedicue. ¹⁶ Mei íadi cue facáadi, cue facállifue jaícina ñue jóide. Dama facáñedicueza. Moo, cue orédímie díga dáanomo jenoda facádíco. ¹⁷ Omoi ocuica cuezáuai daide: “Mena uai nabáiraíma dáanomo daííadi, aféfuena ínoitiomoi.” ¹⁸ Cue dama cueri uai nabáiraímadícue. Cue Moo, cue orédímie jáíie cueri uai nabáiraíma, —daide.

¹⁹ Jira jicánotiaioi:

—¿Nñomo mei o Moo ite? —daidíaioi.

Jira Jesús uai ote:

—Omoi cuena onóñediomoi. Daje izói cue Moona onóñediomoi. Cuena onódiomoi nia, daje izói cue Moona onódiomoiza, —daide.

²⁰ Gairíracomo llófuia llezica, afe búuai daide; ua fia fecaca úcube jóoneraco illánomo dínomo llófue. Mei íadi buna íena lláviano uíñede, ie llaitáilliruimo nai dúciñena jira.

Cue jáillinomo jáinidiomoi

²¹ Jesús nane dáanomo íaioina daide:

—Cue jáitícue. Cuena jénoitiomoi, íadi omoi fiénidífue nai doñégamo tíitiomoi. Mei jii cue jáillinomo omoi jáinidiomoiza, —daide.

²² Jira judúuai dani conímana daidíaioi:

—¿Mei nñbai afémie dama abi títaite, mei “Cue jáillinomo jáinidiomoi” afémie caina dáideza? —daidíaioi.

²³ Jira Jesús íaioina daide:

—Omoi ana bebeco iédiomoi, mei íadi cue caifófeco ímiedícue. Omoi bie énie iédiomoi, mei íadi cue bie énie ímieñedicue. ²⁴ Ie jira omoi fiénidífue nai doñégamo tíitiomoi daidícue. Cue daina izói itímiedícuena omoi íñoñeniadi, omoi fiénidífue nai doñégamo tíitiomoi, —daide.

²⁵ Jira jicánotiaioi:

—Mei ¿o búdio? —daidíaioi.

Jira Jesús uai ote:

—Jaiai nanómona ómoimo llotícue. ²⁶ Cuemo aillo ómoina cue daíillífuiyai ite. Daje izói aillo ómoina cue jenoda facállífuiyai ite. Cue orédímie uáfueña daide. Afémiemona cue cacana izói bie énie comínina áfedo daidícue, —daide.

²⁷ Mei íadi Moodo íaioimo Jesús úrillana figo cacáñediaioi. ²⁸ Jira Jesús íaioina daide:

—Enie acónimo cuena caifo omoi raiñóadi cue daina izói itímiena ónoitiomoi, mei Nanoide íima Jitódícueza. Afe llezica dama cue comeci izói finófinidícueza ónoitiomoi. Dama cue Moo cuemo llogáfuiyai daidícue. ²⁹ Cue orédímie jaca cue díga ite. Cue Moo dama cuena fiéñede, afémie íóbitadífuiyaina finofiredícueza, —daide.

³⁰ Jesús daíí dáinamona, aillo íena ínotiaioi.

Juzíñamui jítóniai fiénidífuedo jeruícamací baimo ñue itíaioi

³¹ Afemona judúuaimona íena ínotinona Jesús daide:

—Cue ómoina dáinana omoi jaícina jeire oíadi, cue llófuegamacina uáfueña jáitíomoi.

³² Ie mei uáfueña ónoitiomoi. Afe uáfuedo jéruiñegamacina íitiomoi, —daide.

³³ Afémaci ie uai otíaioi:

—Abraham izíedicaí. Jaca ninomo buna jéruiñegamacidicaí. ¿Nie izói, jéruiñegamacina íticaí, daidío? —daidíaiói.

³⁴ Jira Jesús daide:

—Uáfuenta ómoína dáitícue, nana fiénidífue finódimaci fiénidífuedo jeruícamaci.
³⁵ Jeruícamie ie naama izíe diga jaca ínide. Mei íadi naama jitó aféziemo jaca jainaide.

³⁶ Daií mei Juzíñamui Jitó jeruíñenafue ómoimo fecáadi, uáfuenta jéruiñelliomoi.

³⁷ Abraham izíe iédiomoiza ja onódícue; mei íadi cuena fáiacadiomoi, ómoína cue daínáfuenta omoi llíñoñena jira. ³⁸ Cue Moo cuemo ácataga raado úritícue. Omoi moo daína izói finófirediomoi, —daide.

³⁹ Jira uai otíaiói:

—Cai moo Abraham, —daidíaiói.

Mei íadi Jesús daide:

—Uáfuenta Abraham jitóniaina omoi íadi, afémie fínua izói fínoitomoi. ⁴⁰ Mei íadi Moo Juzíñamui cuemo lloga uáfuenta ómoína cue daína íadi, nai cuena fáiacadiomoi. Abraham jaca daií finóñede. ⁴¹ Omoi moo fínua izói finódiomoi, —daide.

Jira afémaci daidíaiói:

—Jaca jiruírenamona jócoñegacai. Caimo daade moo illa, Juzíñamui, —daidíaiói.

⁴² Jira mei Jesús daide:

—Juzíñamui uáfuenta omoi módenia, cuena izíruitomoi, mei Juzíñamuimona cue billa jira. Ua ie jira benó itícue. Dama cue comeci izói biñédícue, mei íadi Juzíñamui orécacue. ⁴³ ¿Níbái mei cue daínana cacánidiomoi? Cue úrilla uaina cacáacañediomoi, jira onóñediomoi. ⁴⁴ Omoi moo Taife. Ie jira afémie iédiomoi. Afémie jítaina izói finócadomoi. Taife jaca nanómona fáfiredimie. Jaca uáfue jaináñede. Jaca uafue daiñede. Táinofuiai afémie lloíadi, ie illa izói úrite. Afémie táinofuiairede, ua táinofuiai moo. ⁴⁵ Mei íadi uafue daidícuemo cuena íñoñediomoi. ⁴⁶ ¿Omoimona bu cue fiénidífue jino due cíotarede? Uáfuenta cue daiíadi ¿níbái mei cuena íñoñediomoi? ⁴⁷ Juzíñamui iédímie Juzíñamui uáillaina cácafirede. Mei íadi Juzíñamui íeñediomoi, ie jira íena cacáacañediomoi, —daide.

Cristo Abraham nano jae itímie

⁴⁸ Jira judíuai íena daidíaiói:

—Omo fiénide joreño íllana onódicaiza; íemo Samaria ímiena o íllana, onódicaiza, —daidíaiói.

⁴⁹ Jesús uai ote:

—Cuemo fiénide joreño jaca íñede. Cue finócafue cue Moomo ñúefuena nitade. Omoi cuemo ñúefuena nitáñediomoi. ⁵⁰ Cuemo ñúefuena nitállena jenóñedícue, íadi jíáimie ite cuemo ñúefuena nitállena. Afémie jenoda facade. ⁵¹ Uáfuenta ómoína dáitícue, cue daínáfuenta jeire otímie jaca ninomo tííñeite, —daide.

⁵² Jira judíuai uai otíaiói:

—Fiénide joríaí omo íllana ja uáfuenta onódicaí. Abraham jaiái tíide naa uai llóraini diga, niadi jíáífodo daidío: “Cue daínana jeire otímie jaca ninomo tííñeite.” ⁵³ ¿Uáfuenta cai moo Abraham baimo jáidío? Afémie tíide. Ua uai llóraini daje izói tíidiaíoi. ¿O comécimo bu o íllana facáidío? —daidíaiói.

⁵⁴ Jesús dinena íaiomoi uai ote:

—Dama cuemo ñúefuena cue nitáadi, cue ñúefuena minícana ráifiñede. Mei íadi ñúefuena cuemo nitádimie cue Moo. Dáamiena omoi Juzíñamui daidíomoi. ⁵⁵ Mei íadi íena onóñediomoi. Cue íena ua onódícue. Afémiena onóñedícue cue daiíadi, omoi izói táinofuiairedimiena íticaí. Mei íadi íena uáfuenta onódícue. Ie daínana jeire otícue. ⁵⁶ O jaiáidígima Abraham cue illíruina cíacade áfemona ióbillena; áfena cíóillano afémie iere ióbicaide, —daide.

⁵⁷ Jira judíuai Jesuna daidíaiói:

—Nai cincuenta fimona íñédío, ¿Nie izói “Abraham cuena ciode” daidío? —daidíaiói.

⁵⁸ Jesús uai ote:

—Uáfuenta ómoina dáititue: Abraham nai íñeniadi cue iticue, —daide.

⁵⁹ Iemona noficiai llínota Jesumo nitáacadiaioi. Mei íadi afémie retáirillano gairíracomona jino jaide. Afémaci cígido jaillano fínocaide.

9

Jesús uina cíoiñede jocócamie jíllotate

¹ Afénodo jaillano, Jesús uina cíoiñede jocócamiena ciode. ² Ie llófuegamaci íemo jícanote:

—Llófueraíma, ¿nibái mei bie íima uina cíoiñede jococa? Nibai ie moo fiénidifuiái ícoínia daí jococa. Nibai dama ie fiénidifue fínua ícoínia daí jococa. ¿Bífuiaimona nífue uáfuenta? —daidíaiói.

³ Jira Jesús daide:

—Dama ie ícoíniañedeza, jíái ie moo ícoíniañedeza. Mei íadi afémiemo Juzíñamui finóllifue ñue jino ácatallena, daí íficaide. ⁴ Nai monana llezica cue orédimie táijinafue cue fínua jitáiredeza. Ja nauilla llezica buna táijinide. ⁵ Nai bie éniemo cue illa llezica, énie comini egáíñotimiedicueza, —daide.

⁶ Afe daina méifodo, Jesús éniemo tuánote. Tuánogamona ja énie ídiaide. Afe tuánua ídiaidemono ota, uina cíoiñedimie uimo bitade. ⁷ Ie mei íena daide:

—Siloé jainoi ofllanomo jócuai, —daide. Afe Siloé mámecei jino dobáíñua dibénedo “Orécana” mameide.

Iemona uina cíoiñedimie ui jócuaide. Meine bítemo ja cíoiide. ⁸ Iemo ie abi comini, daje izói nauí uina ie cíoiñenana ciódino diga daidíaiói:

—¿Bímieñede, ní ráicana úcube jícafiredimieñede?

⁹ Dáarie daidíaiói:

—Jíi, níimie.

Jíáimaci dínenadaide:

—Íeñede, mei íadi afémiena eroide, —daidíaiói.

Mei íadi afémie dínenada dama daí daide:

—Jíi, níimiedicue, —daide.

¹⁰ Jira íemo jícanotiaioi:

—¿Nie izói ja ciódio? —daidíaiói.

¹¹ Jira afémie uai ote:

—Afe íima, Jesuna mámeceiredimie, ídiaidino fínuaño cue uimo bitade. Bítanona daide: “Siloé jainoi ofllanomo o ui jócuai.” Jócuaidicue. Iemona cue jócuailamona ciódicue, —daide.

¹² Jira íemo jícanotiaioi:

—¿Ninomo afe íima ite? —daidíaiói.

Iaioina daide:

—Íco mei, —daide.

Fariséuai jíllotaga uina cíoiñedimie jicánodoídiaioi

¹³ Iemo fariséuaimo nauí uina cíoiñedimiena uitíaioi. ¹⁴ Jesús ídiaidino fínuaño, afe ocózinaillarui. Aféruimo Jesús uina cíoiñedimie jíllotate. ¹⁵ Fariséuai afe ímana nie izói afémie ui cíoinafue meine abido jícanotiaioi. Iemo afémie íaioina daide:

—Cue ui ídiaidinoño bitade. Jira jócuaidicue. Iemona ja ciódicue, —daide.

¹⁶ Jira fariséuaimona dáarie íena daidíaiói:

—Afefue finódimie, Juzíñamui ímieñede, ocózinaillaruina íñoñena jira.

Mei íadi jíáimíai daide:

—Afémie fiénidifue finóraíma íadi, ¿nie izói bie cíofinina finócafue fínoite? — daidíaiói.

Comini bózietaillamona ¹⁷ meine naui uina cíoiñedimiemo jicánuaidiaioi:

—¿O afémiena nie izói daidio, o ui cíoitatimiena? —daidiaioi.

Jira afémie daide:

—Afémiena uai llóraima daidicue, —daide.

¹⁸ Mei íadi judúuai afe uina cíoiñedimiemo finócafuenta ínoiacañediaioi. Ie ja cíonafuenta ínoiacañediaioi. Ie jira jíllotagamie móotiana uáidotiaioi. ¹⁹ Iemo jicánotiaioi:

—¿Afe nii be o jitó uina cíoiñede jocócamie ómicoi daina? ¿Nie izói mei birui ciode? —daidiaioi.

²⁰ Ie móotiai uai ote:

—Onódicaiza bie cai jitó; uina cíoiñede jococa. ²¹ Mei íadi nie izói afémie como cíonana onóñedicaí. Daje izói bu ie ui jíllotana onóñedicaí. Afémiemo jícano. Jae eicómeza. Aféfuena onódeza. Afemona uai óite, —daidiaillinoi.

²² Ie móotiai daíí úritiaillinoi judúuai jacínaillamona. Judúuai jae nana comini onótatiaioi. Daidiaioi:

—Nágamiíai Jesús ua Cristo dainámiena mámeitimie Juzíñamui uai llófueriracomona jino jíuiticai, —daidiaioi. ²³ Iemona móotiai daidiaioi, “Afémiemo jícano. Jae eicómeza.”

²⁴ Ie mei judúuai meine naui uina cíoiñedimiena uáiduano daidiaioi:

—Juzíñamui uícomo uáfuena caina daííri. Onódicaiza, bímie fiénidifuiairedimie, —daidiaioi.

²⁵ Afémie uai ote:

—Afémie nibai figora, nibai fiénidifuiairedimie onóñedicueza. Daa cue onóigafue. Nano fueñe uina cíoiñedimiedicue, mei íadi birui ciódicue, —daide.

²⁶ Nane dáanomo íemo jicánuaidiaioi:

—¿Nie izói ona ñete? ¿Nie izói o finode o ui cíoillena? —daidiaioi.

²⁷ Jira uai ote:

—Jae omoi lloticue, íadi cuena ínoñediomoi. ¿Níbái mei dáanomo omoi llóiticue? ¿Omoi jíái daje izói iedo jáiacadiomoi? —daide.

²⁸ Báíñuano íena daide:

—O bímedio jáidio, mei íadi Moisedo jáidicaí. ²⁹ Juzíñamui Moísemo úrillana onódicaí, mei íadi bie Jesús ninómoma bite onóñedicaí, —daidiaioi.

³⁰ Jira afe íima uai ote:

—¿Bífue nii cácafínina raa! Ie billánona onóñediomoi, íadi cuena ñue cíoitae. ³¹ Fiénidífue fínofiredimacimo Juzíñamui cacáñede ñue onódicaiza. Iemo afémiemo íóbcaitadinomo cacáfírede, ie jítaínafue finódimaci díga. ³² Jaca nanómoma uina cíoiñede jocócamie jíllotatimie dánana cacáñena. ³³ Bímie Juzíñamuimona biñédeniadi, minícana ñénide, —daide.

³⁴ Jira daidiaioi:

—O fiénidifuiaimona jocócamiedio. ¿O caina llófueacadio? —daidiaioi. Ie jira íena jino jíúnotiaioi.

Joreño dibéfuiaina onóñedimaci

³⁵ Jesús uina cíoiñedimie jino íaioi jíúnuana fidide. Ie baillano íena daide:

—¿Juzíñamui Jitomo ínotio?

³⁶ Jira afémie daide:

—Ocuíraima, cuemo llone bu afémiena íemo cue íinolleza, —daide.

³⁷ Jira Jesús uai ote:

—Ja ciódioza. Níimiedicue, o díga úrilla, —daide.

³⁸ Iemona afémie Jesús anari ana dújuillanona daide:

—Ocuíraima, ínoticue, —daide.

³⁹ Ie méífomo Jesús daide:

—Bie éniemo biticue, jáicína jenoda facállena. Ua biticue uina cíoiñedimie eróillena. Dáanomo biticue eróidino uina cíoiñellena.

⁴⁰ Ie mei fariséuaimona, Jesús diga itinomona, dáamierie afefue cacáillano íena jicánotiaioi:

—¿Meita cai uina cíoiñedinodicai? —daidíai.

⁴¹ Jira Jesús uai ote:

—Omoi uina cíoiñeniadi, omoi fiénidifuiái icoi íiñeite. Mei íadi “Cíódicai” daidíomoi jira omoi fiénidifuiái icoi ite, mei joreño dibéfuiaina onóñediomoiza, —daide.

10

Ovejái cirínoraco cai onótate

¹ Uáfueña ómoina dáititue, ovejai cirínoraco nazedo jáiñedimie ua meríriraíma. Enéfenemo táifodo tícaillano jofo jáidimie ua merírifiredimie. ² Mei íadi nazedo jofo jáidimie ua úiñoraíma. Níimie ie ovéjaína ñue uíñote. ³ Naze tuiñoraíma naze tuiñode afémie jofo jáillena. Ie uaina ovejai onódiaioi. Ie ovéjaiaí íaioi mámeçido jíirite. Daií cirínoracomona jino ófiregaiaioi. ⁴ Nana ie ovejai jino óinana méifodo, íaioi uícodo ífóicaide. Ovéjaiaí ie óodana jáioicaidiaioi mei ie uaina onódiaioiza. ⁵ Mei íadi onóñegamiemo jáioicaíñediaioi. Mei jíáifodo afémiemona niné botádiaioi, ónoñegamaci uaina onóñena jira.

⁶ Bie daje izoide ráfuedo Jesús íaioimo llófuete. Mei íadi daií daiácana uáina onóñediaioi.

Jesús ñue ovéjaiaí úiñoraíma

⁷ Iemona Jesús meine dáanomo daiízaide:

—Uáfueña ómoina dáititue: Cue bie ovéjaiaí jofo jaira nazédicue. ⁸ Nana cue uícómo bitímaci meríriraíni daje izóí bairóiraíni. Mei íadi ovéjaiaí afémacina náfueñediaioi. ⁹ Cue nazénaza. Cuedo jofo jáidimie jíllobicaite. Afémie cirínoracomo jofo jaide, meine jino bite. Afe jofo jáitimie oveja izóidimiena iite. Ie güille raana báifrede.

¹⁰ Meríriraíma fia merírizaíbite; fájaíbite, táinocaitajaíbite. Mei íadi cue biticue íaioi cáatallena, ua jamánomo íocire íaioi íllena biticue. ¹¹ Ñue ovéjaiaí úiñoraímadicue. Afe ñue ovéjaiaí úiñoraíma ovéjaiaímo ie cáallinona itátaite. ¹² Mei íadi fia íbaca úiñoraíma dama úcube llínollena táijide. Jico izoide bíllana afémie cíóillano, ovéjaiaí fíianona botade. Afémie botade uáfueña úiñoraímañena jira; daje izóí ovéjaiaí íeieñena jira. Iemona jico izoide ovéjaiaína llaitade. Iemona nana jíáie ovéjaiaí júdaizitiaioi. ¹³ Bie íima botáfrefrede, daa fia íballena táijideza. Ovéjaiaína nai lloñede. Íaioína duéruíñede.

¹⁴⁻¹⁵ Cue bie ñue úiñoraímadicue. Cue Moo cuena onona izóí daje izóí cue Moona onódicue. Afe izóí cue ovéjaiaína onódicue, ie izóí afémaci cuena onódiaioi. Cue cáallino ovéjaiaímo íititue. ¹⁶ Jíáie ovéjaiaí cuemo ite. Bie cirínoraco íeñede. Cue uaina cacáillanona jeire óitiaioi. Iemona daa cirínoraco íite, daje izóí daa úiñoraíma íite.

¹⁷ Cue Moo cuena izíruite, cue abi fécaillano meine cue llínua jira. ¹⁸ Buna cue abi báiroñeite, mei íadi dama cue comeci izóí fécaítitue. Cue áfena fecáredicue, ie mei meine áfena llínoredicue. Afe bie cue Moo cue ocuilla dieze, —daide.

¹⁹ Judíuaí afe uaina cacáillano bócoizitiaioi. ²⁰ Afémacimona aillo daidíai:

—¿Nibái mei uai jeire otíomoi? Afémiemo fiénide jóriaí íllaza, íemo uáiritaide, —daidíai.

²¹ Mei íadi jíáimaci daidíai:

—Fiénidena jóriaíredimie jaca afe izóí úrinide, —daidíai. Fiénide joreño uina cíoiñedimie uina cíoitánide.

Judíuaí Jesús llínoacañeno íena ruifruitiaioi

²² Jae rozíruillarullai. Afe llezica Jerusalemo iráizillafue finódiaioi, gairíracó Juzíñamuimo oni íficaillarui uibíñoicaillena. ²³ Jesús Salomón macáranodo gairíracó macade. ²⁴ Judíuai Jesumo ífoina gairíllano daidíaioi:

—¿Nie dinó caina figo onótañeítio? O Crístodio raire uáfodo caimo llone, —daidíaioi.

²⁵ Jira Jesús uai ote:

—Jae llotícue íadi cuena íñoñediomoi. Cue finócafuiái cue Moo ríinodo finódicue. Afedo ñue jino ácatagacue. ²⁶ Mei íadi cuena íñoñediomoi, cue ovéjaiaíñediomoiza. Afena nauí ómoína daidícue. ²⁷ Cue ovéjaiaí cue uaina onode. Iaióina onódicue, jira cuedo bitíaioi. ²⁸ Zííñona cáillino íaioimo fecádicue. Jaca afémacimona dáamie ñiné báizaiñeíte. Buna cúemona íaioimona daa báiroñeíte. ²⁹ Afémaci cue Moo cuemo iga. Afémie jamánomoidímie. Nana baimo jáidímie. Buna cue Moo Juzíñamuimona afémacina bairónide. ³⁰ Cue, cue Moo díga dáamiedicoco, —daide.

³¹ Iemona judíuai meine íena nofíciaina nitáacadiaioi. ³² Jira Jesús daide:

—Omoi eróicana díga ñúefuiaína cue Moo ríinodo finódicue. ¿Nífue ícoína nofíciado cue níjitiomoi? —daide.

³³ Jira judíuai uai otíaioi:

—Ñúefuiaí o fínuamona ona níjiiñeíticái; mei íadi o uáillado Juzíñamuina báíñotio. Fia ímadio, mei íadi Juzíñamuina o abí maméacadio, —daidíaioi.

³⁴ Jira Jesús daide:

—Omoi ocuínafuiaimo Juzíñamui daina jae cueda. Be níuai: “Omoi juzíñamuillaídiomoi.” ³⁵ Cuedaíuai dáinana jaca jáanonide, onódicaiza. Juzíñamui, ie uailíai líínotimíiaína juzíñamuillaína mameide. ³⁶ Juzíñamui jae cuena oni ífícaítajano bie éñemo cuena orede. Ua ie orécamedicue. Jira ¿nie izóí dáítio “Juzíñamuina báíñotio” cue daííadi “Juzíñamui Jitódicue”? ³⁷ Cue Moo finoca izóí cue finóñenia, mai cuena omoi íñoñeno. ³⁸ Mei íadi ie finócafue izóí cue finóadi, mai aféfuiaína íino, omoi nai cuena íñoñenia. Afemona cue Moo cuemo íllana, jabe ónoitiomoi. Daje izóí cue, cue Moomo itícueza, ónoitiomoi, —daide.

³⁹ Meine maíano íena uíacadiaioi, mei íadi Jesús oni fínocáide.

⁴⁰ Ie mei Jesús Jordán ruicáfellemo meine jaide. Dinomo fiébide. Ua nauí Juan bautizanomo ite. ⁴¹ Aillo comíni íena eróizaidiaioi. Daidíaioi:

—Uáfueña, Juan cíofinina onótalle raa finóñede, mei íadi nana Juan bímieri daínáfuiái uáfuiái, —daidíaioi.

⁴² Dinomo aillo comíni Jesuna íínotiaioi.

11

Lázaro tíide meine cáadimíena jaide

¹ Daa íima Lázaro íere irárena. Betania ímie. María íe ebuño Marta díga daje jófueño itíaioi. ² Afe María iráredímie Lázaro miríngo. Afe María nauí Jesús ídaimo ziórede cáiredíji totade. Tótanona íe ífótiido zafénaitade. ³ Ja biruí afe miríngo íaínguái uai Jesumo orede, Lázaro íere tíiacana jira: llote:

—Ocuíraíma, o nabai Lázaro irárede, —daide.

⁴ Jesús cacáillano daide:

—Afe duico títañeíte, mei íadi jamánomo ñue Juzíñamui ebírenafue ácataíte. Ie llezica afe duico Juzíñamui Jitó ebírenafue ácataíte.

⁵ Marta íe ebuño íe íio Lázaro díga Jesús íaioína íere izíruíte; ⁶ mei íadi Lázaro irárenafueña fídíillanona, Jesús raire jáíñede; nai ménaruí íe íllánomo ite. ⁷ Ie mei íe llófuegamacina daide:

—Meine Judéamo cai jai, —daide.

⁸ Jira llófuegamaci daidíaioi:

—Llófueraima, nano cómoicana Judúuai dino nofíciado o fáiacadiaioi. ¿Nane meine afe diné jáiacadio? —daidíaioi.

⁹Jira Jesús ie tíllirui nai áinoziñenana onóillano, íaioina onótatiuaido daide:

—¿Uáfueñede, naga mona doce horas ite? Come monari macáadi éicitaiñede. Bie éniemo ite egáiñuana ciode. ¹⁰Iadi come naio macáadi éicitaide; aféniemo egáiñotinona iñédeza.

¹¹Ie mei Jesús nai úrite; íaioina daide:

—Cai nabai Lázaro inídeza, mei íadi cazítaiticue, —daide.

¹²Jira llófuegamaci daidíaioi:

—Ocuíraima, afémie iníadi ja jíllocaite, —daidíaioi.

¹³Mei íadi Jesús jíáfodo daífacade, Lázaro tíide. Llófuegamaci comeci facade Jesús dáinana fia ínia llote. ¹⁴Jira Jesús jino uáfodo íaioina daide:

—Lázaro ja tíide. ¹⁵Ióbidicue afémie tíllanomo iñédicueza. Daí ómoimona ñuera, omoi íinollena. Mei íadi cai éroizailli, —daide.

¹⁶Iemo Tomás, Guarámie maméidímie, jíáie llófuegamacina daide:

—Mai cai jai, afémie diga dáanomo cai tílleza, —daide.

¹⁷Jesús dúciillano como fidide Lázaro ja cuatro dígarui énie anamo ite. ¹⁸Betania iere Jerusalén áinori ite, mena kilómetro átuedo izói. ¹⁹Aillo judúuai jáidimaci Marta María diga uáiduidiaioi, íainguai íio tíllari. Iainguaimo fíraibitiaioi. ²⁰Marta Jesús dúciana fidíillano afémiena jino cóizaide. Mei íadi María jofomo fiévide. ²¹Marta Jesúna daide:

—Ocuíraima, o nibai benó itíoniadi cue íio tíñede. ²²Mei íadi onódicue naga raa Juzíñamuimona o jicáadi afémie omo iite, —daide.

²³Jira Jesús daide:

—O íio meine cáate.

²⁴Iemo Marta daide:

—Jíi, cue onódicueza tíidino cáadinona illíruimo, énie íirairuimo afémie meine cáate, —daide.

²⁵Jira Jesús daide:

—Cue tíidino meine abido náidataraimadicue; cáadinona abido itátaraimadicue. Cuená íinotímie ie tíiadi meine cáate. ²⁶Nana nai cáadino cuena íinoiadi jaca ninomo tíñeitiaioi. ¿O afefue íinotio? —daide.

²⁷Jira afengo daide:

—Jíi, Ocuíraima, o Crístodio íinoticue. Juzíñamui Jitó ana éniemo bitímiedioza. Afena íinoticue, —daide.

²⁸Daí dáina méifodo, Marta ie ebuño María uáiduaide. Báinino aféngona daide:

—Llófueraima benó ite. O jíiritade, —daide.

²⁹Afena cacáillano María raire náidacaillano Jesumo eróizaide. ³⁰Nai Jesús afe jófuego jofó jáiñede. Marta ie baizájillanomo nai ite. ³¹Jofó ite judúuai afengo fíraidiaioi. Afengo náidacaillano, raire jino jáillana judúuai cóiillano, aféngodo jáidiaioi. Afémaci comeci facádiaioi, afengo raiafo dinomo éeiaide. ³²Ie mei María Jesús illánomo dúcide. Dúciano afémie eiba abimo caiñícido dújuillano daide:

—Ocuíraima, o nibai benó itíonia cue íio tíñede, —daide.

³³Jesús María éeiana, naa aféngodo bitino judúuairi éeiana ciode. Cíuano afémie iere zúureficaide. Ie comeci docaide. ³⁴Jira jicánote:

—¿Ninomo omoi raiga?

Jira daidíaioi:

—Ocuíraima, eróizaibi, —daidíaioi.

³⁵Jesús eede. ³⁶Jira mei judúuai daidíaioi:

—¿Ero, níi afémiena izíruilla! —daidíaioi.

³⁷ Iadi afémacimona dámie daide:

—Bímie uina cíoiñedimiena meine cíoitaraíma. ¿Nai afémiemo iñede ríino Lázaro tíitañeillena? —daide.

Lázaro tíillamona meine abido cáadimiena jaide

³⁸ Jesús comeci meine iere docaide. Raiáfomo áinozide. Raiáfo idu ana ifo. Ie jofu jáirano daa nofícina ibaica. ³⁹ Jira Jesús daide:

—Nofici oni ono, —daide.

Tíidímie miríngo, Marta daide:

—Ocuíraíma, jae íáire jallede. Ráíamona cuatro dígarui íteza, —daide.

⁴⁰ Jira Jesús daide:

—¿Nai ona daiíñedicue, o ínoiadi Juzíñamui ebírenafuena cíoitio? —daide.

⁴¹ Iemona nofíci oni otáioi. Ie mei Jesús monamo érocaillano daide:

—Moo Juzíñamui, iere figora cuemo cacáreifredio. ⁴² Onódicueza cuemo jaca cacáreidio. Mei íadi daií daidícue benó ite comini ñúeillena, daje izói bimaci o cue óriana íinollena, —daide. ⁴³ Daií daina méifodo jíirite:

—¡Lázaro, dinómona jino bi! —daide.

⁴⁴ Tíidímie jino bite; ua onoi idai díga ferínoraroido maíano jino bite. Uiéco ínroina ibaica díga bite. Jira Jesús íaioina daide:

—Zuita, zuítanona ie ore, —daide.

Jesús llaitállena jaícina maméritiaioi

(Mt 26.1-5; Mr 14.1-2; Lc 22.1-2)

⁴⁵ Afedo aillo judíuaimona Jesuna ínotiaioi. Afémaci, María ícoina bitino, Jesús finócafueña cíodímaci. ⁴⁶ Mei íadi afémacimona dáamierie fariséuaimo úrizaide. Ua Jesús finócafuaí íaioimo llujáide. ⁴⁷ Iemona fariséuai, lletáriraini illaini díga gairídíaioi naa caifóidillainiri. Daidíaioi:

—¿Nie izói ñéiticaí? Bie íima aillo cíofinina onótalle raana finode. ⁴⁸ Fia daií íena cai fáicanocaiadi nana íena ínoitiaioi. Iemona romano ríimaci cai gairíraco táinocaitaitiaioi naa cai náirairi, —daidíaioi.

⁴⁹ Dáamie íaioimona Caifás mámeciredímie. Afémie afe fimónamo lletáriraini illaíma. Afémie íaioina daide:

—Omoi minícana onóñediomoi. ⁵⁰ Daa íima comíniri tíia baímo jamánomo ñuera, nana nairai tíñeillena. Afefue nai figo fidíñediomoi, —daide.

⁵¹ Mei íadi Caifás afefue dama ie comécido lloñede; mei jííáfodo afe fimónamo afémie lletáriraini illáimana íllamona, Juzíñamui Joreño daináfuedo afemie daide: “Jesús judío náirairi tíizate.” ⁵² Ua dani afe náirairi tííñeite, mei íadi nana júdaizite Juzíñamui jítoníai dáanomomeine gairíllena tíizate. ⁵³ Daií aféruimona judíuai ríimaci Jesús fállena maméritiaioi.

⁵⁴ Jira Jesús ja judíuai cígído uáfodo macáñede. Judea éniemona oni jaillano, táizici áinori ite jófuemo jáizaide. Afe jofue mámece Efraín. Dinomo ie llófuegamaci díga fíebide.

⁵⁵ Judíuai pascua rafue áinozidemo aillo jofue comini Jerusalemo jáidiaioi, pascua uícomo comeci duáfuaí finóllena. ⁵⁶ Jaillano Jesús jénuaidiaioi. Gairíracomo íaioi illano conímamo jícanoídiaioi:

—¿O nie izói daidío? ¿Afémie ráfuemo biite? ¿Ñibai bíñeite? —daidíaioi.

⁵⁷ Fariséuai lletáriraini illaini díga jae ocuídíaioi: “Daa come Jesús illánona onóíadi lloíri,” ie cai llaitálleza, —daidíaioi.

¹ Pascua uícomo seis dígarui ítemo, Jesús Betániamo jaide, Lázaro illánomo. Lázaro ua tíidimacimona Jesús abido cáatagamie.

² Dinomo nauife güillafue finódiaioi Jesumo ñúefuiaina nitállena. Marta güille raizífiredede. Güirábanimo ráicana Jesús díga güitino, Lázaro afémacimona dáamie. ³ Iemo María litro átuedo zíoji cáiredena fáinegaji atide. Afeji jamánomo ráifide. (Afeji mámecei nardo.) Atiano Jesús eiba emodo jillaide. Daií ñiano ífótiido zafénaitade. Nana afeco ero zíuena oruíbicaide. ⁴ Dinomo Judas Iscariote ráiide. (Judas Simón jitó Jesús llófuegamacimona. Afémie Jesús éoidimacimono fécaitimie.) Afémie daide:

⁵ —¿Ñibái mei trescientos dígabe fidi bie cáirediji fécañega, duéredino cai canoi daií? —daide.

⁶ Mei íadi duéredimaci izíruillamona daií daiíñede. Mei íadi afémie meríriraíma. Nane íaioi úcubellu uícaifiredede. Aféllumo jóonega raana merífiredede. ⁷ Ie jira Jesús íena daide:

—Aféngona fáicanocai. Raiáfomo cue raillíruimo aféjina afengo éenote. ⁸ Duéredimaci jaca omoi díga ífiredede, mei íadi cue jaca omoi díga are íñeiticue, —daide.

Lázaro fállena maméritiaioi

⁹ Aillo judíuai Jesús Betániamo íllana fidídiaioi. Jira dinomo jáidiaioi dama Jesumo éroiñellena, mei íadi daje izói Lázaronna cíoillena, tíidimacimona Jesús abido cáatagamienna jira. ¹⁰ Iemona lletáriraini íllaini Lázaro fállena mamédiaioi. ¹¹ Ua Lázaro ícoiniadi aillo judíuai ílláicomínimona jírecaillano Jesuna íñotiaioi.

Jesús Jerusalemo ebire jofo jáillafue

(Mt 21.1-11; Mr 11.1-11; Lc 19.28-40)

¹² Pascua ráfue mo aillo comíni Jerusalemo jáidiaioi. Ie méidíruido Jesús jófue mo dúcizaillana fidídiaioi. ¹³ Amena rafóruai jaitada jino Jesús uáiduaídiaioi. Caillícana daidíaioi:

—¡Juzíñamuina ebífuena daiíri! ¡Juzíñamui mámeceido bitímie caimare comuiri! ¡Israel Illaíma caimare comuiri! —daidíaioi.

¹⁴ Iemo Jesús burro baillano afe emódomo ráinade, jaíai Cuegáuai daína izói; be níuui:

¹⁵ “Sión comíni omoi jacíruiñeno.

Erocai, o Illaíma búrrodo ráicabite.”

¹⁶ Nanómona íe llófuegamaci aféfuíaina cacáñediaioi. Ie méífodo ebírenafue Moo íemo nitaca mei, íe tíillanomona meine abido cáatallíruimo, nana afémieri Cuegáuaimo uíbicaídiaioi. Daje izói íemo daií finócafue mo uíbicaídiaioi.

¹⁷ Lázaro jino raíáfomona uáiduaruido aillo comíni Jesús íite. Ua Lázaro tíidimacimona abido cáanana cíódino afe íaioi cíónafuena llujídiaioi. ¹⁸ Ie jira comíni Jesuna caimare baizájídiaioi, afe cíofínina íe finócafue íaioi fídina jira. ¹⁹ Jira fariséuai dani daidíaioi:

—Ja cíódiomoi, jaca nie izói ñénide. Erocai, nana comíni íedo jáidiaioi, —daidíaioi.

Dáarie griego imaci Jesús jenódiaioi

²⁰ Rafue illa díno acádoillena Jerusalemo bitímaci cígimo dáarie griego ímíiaí íte. ²¹ Afémaci Felípemo áinozidiaioi. (Felipe Galilea ímie; Betsaida jofue ímie.) Áinozillano íemo izire jícanotiaioi:

—O onógamie Jesuna cíoiacadícaí, —daide.

²² Jira Felipe Andrena daiízaiide. Iemo afe íaillínoí Jesumo llujíide. ²³ Ie jira Jesús íe abina úrillano daide:

—Nanoide Iima Jitomo ebírenafuena nitállíruimo ja dúcide. ²⁴ Uáfue mo ómoína daíiticue, daa güüga raa ido éniemo ríñenia, tíñenia, jaca nai dáajina jóoide; mei íadi afeji ríllamona tíidena eroide zícua mona aillo aite. ²⁵ Daje izói dáamie íe cáaillínona dama íeiena rairuíadi, áfena féitaite, mei íadi dáamie íe cáaillínona bie éniemo jámairuíadi, áfena zííñona cáaillínomo éenoite. ²⁶ Dáamie cuemo jáináiacadímie cuedo jáirede. Cue

illínomo dáanomo cuena jaináidimie iite. Dáamie cuemo jaináia, cue Moo afémiemo ñúefuena nítaite, —daide.

Jesús ie tíillifuena jino llote

²⁷ Jesús nai úrillano daide: Birui cue comeci iere llícitaide. ¿Nie izói cue daíri? ¿Ñibai bie izói dáititue: “Moo birui cuemo zuídifuemona cue jllota”? Mei íadi cue afe jira biticue. ²⁸ Moo, o mámecimo ebírenafuena jóneri, —daide.

Iemona monámona daa uai cácacaide. Daide:

—Afena jae ebire ífcaitadicue. Iemo meine dáanomo ebire ífcaitaiticue, —daide.

²⁹ Afénoño ite comini áfena cacáillano daidíaiói:

—Mona gíria, —daidíaiói.

Iemo jiáimaci:

—Juzíñamui abi ímie íemo úrite, —daidíaiói.

³⁰ Mei jira Jesús daide:

—Afe uai cuemo cácaañede. Omoimo cácacaide. ³¹ Ja biruimo bie énie comini jenoda facátalliaíói. Jabe bie énie ocuídímie jino dotácana iite. ³² Enie acónimo titállena cue íaiói raiñolle llezica, nana dama cuemo cue atille, —daide.

³³ Afe dáinamona, ie tíilla izói onótate. ³⁴ Jira comini uai otíaiói:

—Cai ocuilla uai ciegánicodo caimo llófuega: “Cristo zíñona iite.” ¿Nie izói daidio: Nanoide íima Jitó titállena caifo raiñóbicaite? ¿Bu mei bie Nanoide íima Jitona? —daidíaiói.

³⁵ Jira Jesús daide:

—Nai omoi cígiri egáíñotimiena izói nano íanori iticue. Bie cue egáíñuana ómoimo illa dño, mai cue llua izói omoi macari, jítiredño raire omoi éidafiñeillena. Jítinodo macádimie ie jáillana onóñede. ³⁶ Uzefomo ñino, nai ómoimo illa dño, egáíñogamacina daíí omoi jáillena, —daide.

Afefue daína méifodo, Jesús afémacimona retáirizaide.

Judíuai Jesuna íñoñediaíói

³⁷ Jesús íaióimo eróicana diga cíofininafuiaina finode. Mei íadi íena íñoñediaíói. ³⁸ Ua íñoñediaíói, jaiai uai llóraíma Isaías Cuegáuai fuitállena. Isaías daide:

Ocuíraíma, ¿bu cai úrillafue íñua?

¿Bumo Ocuíraíma ie ríñona ácatate? daide.

³⁹ Daíítana jira íñonidiaíói. Ie emódomo jiáífodo Isaías cuete:

⁴⁰ Juzíñamui uina cíoiñedimacina íaióina finode.

Íaiói ífoci jáiaitate.

Daíí finode uído cíoiñeillena,
daje izói ífócido ónoñeillena.

Jira cuemo bínidimaci, íaiói cue jllotallena.

⁴¹ Isaías aféfuíai llote, mei afémie Jesús ebírenafuena cíódeza. Jira afémiedo úrite.

⁴² Mei íadi aillo judíuaimona Jesuna íñotiaíói, illáicomínimona jiái dáarie. Mei íadi uáfodo lloñediaíói, fariséuaina jacíruillano gairíracomona jino íaiói óreñeillena.

⁴³ Comini ñúefuena íaióimo nítajana jamánomo gáidiaíói. Mei íadi Juzíñamui ñúefuena íaióimo nítajana jamairuitiaíói.

Jesús uaillai comínimo riire jicánoite

⁴⁴ Jesús aillo uaido daide:

—Cuena íñotímie, dama cuena íñoñede, mei íadi daje izói cue orédimiena íñote. Ua cue Moona íñote. ⁴⁵ Cuena ciódimie daje izói cue orédimiena ciode. ⁴⁶ Cue egáíñotímiedicue. Ana bie éniemo biticue, cuena íñotino jítiredifomo fiébiñeillena.

⁴⁷ Dáamierie cue uaina cacáadi íadi jeire ie óñeniadi, ie jicánoraímana íñeiticue. Cue bie énie comínina duere fínuaibiñedicue, mei íadi afémacina jllotaíbiticue. ⁴⁸ Cuena

jámairuitimie, cue uaina jeire oñédimie ja ie duere fínoitimie ite. Cue daina uallai fírairuillaído duere íena finótaite. ⁴⁹ Dama cue comeci izói úriñedicue. Moo Juzíñamui, cue orédimie cue dáinana llófuellena jae ocuide. ⁵⁰ Moo cuemo ocuífue zíñona itátate. Afena onódicue. Jira mei, cue daina, jaca cue Moo cue ocuilla izói.

13

Jesús ie llófuegamaci idai jocode

¹ Jae pascua rafue uícodirui. Jesús bie éniena ie fiénocaillana, ie Moo dine jáillirui áinozillana fidide. Ieiena éniemo itínona izíruite. Ua jaca fáicanocaiñeno íaioina izíruite.

²⁻⁴ Taife jae Judas Iscariote comécimo Jesús fecállena lloste. Judas Simón jító. Afe llezica Jesús Juzíñamuimona bitímiena fidide. Daje izói Juzíñamuimo meine jáillana fidide. Juzíñamui nana ríinona íemo fécajana Jesús onode. Ie mei güillano, güirábanimona náidacaillano jinódicuiro duiñode. Dúíñuano daa abi doraroi ciráigimo maitade. ⁵ Ie mei jainoi icáifemo tótajano, ie llófuegamaci idai jócuaide. Daí ñiano, afe ciraiği maitaca abi dorárido íaioi idai zafénaitade.

⁶ Simón Pedro idai ie jócualla llezica afémie Jesuna daide:

—Ocuíraima, ¿cue ídaina jócoitio?

⁷ Jira Jesús uai ote:

—Birui cue finócafueña onóñedio, mei íadi fui ónoitio, —daide.

⁸ Mei ie jira Pedro daide:

—Jaca ninomo cue ídaina jócoñeitio, —daide.

Jira Jesús íena daide:

—Ona cue jocóñeniadi, cuemo jáinaiñeitio, —daide.

⁹ Jira Simón Pedro íena daide:

—Mai mei, Ocuíraima, daa cue idai jocóñeno, mei cue onoi, cue ifo diga jocori, —daide.

¹⁰ Jira Jesús daide:

—Como nóidimie daa ie idai jócuana dúide, abi nana dóina jira. Ja dogáomoi, mei íadi nánañede, —daide.

¹¹ Iena fécaitimiena onona jira, Jesús jae daide “Nana dóñegaomoi.”

¹² Iaioi idai jócu méifodo, Jesús ie jinódicuiro meine jítade. Güirábani abimo ráinaillanona daide:

—¿Omoimo cue finócafueña onódiomoi? ¹³ Omoi jae Llófueraimana, Ocuíraimana cue mamédiomoi. Daí ñue daidíomoi, nímiedicueza. ¹⁴ Jae omoi Llófueraimadicue; jae omoi Ocuíraimadicue mei íadi omoi idai jocódicue. Afe izói dani conima idai omoi jocolle jítárede. ¹⁵ Jae ómoína finócafueña onótaticue, cue fínua izói omoi finóllena. ¹⁶ Uáfueña dáititue: Táijitatimie baímo jaide jaíenicina íñede. Daje izói orédimie baímo jaide orécamierna íñede. ¹⁷ Aféfuiai omoi onóadi, íemona afe izói ñiano, íóbificaitiomoi.

¹⁸ Omoiri nana úriñedicue. Cue nizécamacina onódicue. Mei íadi Cuegáuai daina ñue fuitállena jítárede. Cuegáuai daide: “Cue diga güitímie jae cue ícidote.” ¹⁹ Afefue uícomo ómoimo llotitue afe íficaillirui Crístoditue cuemo omoi íinollena. ²⁰ Uáfueña ómoína dáititue, cue orécamierna llínotimie afe izói cuena llínote. Cuena llínotimie afe izói cue orédimiena llínote, —daide.

Jesús Judas ie fecállifue jino lloste

(Mt 26.20-25; Mr 14.17-21; Lc 22.21-23)

²¹ Daí daina méifodo, Jesús jamánomo comeci zúucaide. Uáfodo jino lloste:

—Uáfueña ómoína dáititue, ómoimona dáamie cue fécaite, —daide.

²² Ie jira llófuegamaci jáímamo eróricaidiaioi, onóñegaza budo úrite.

²³ Llófuegamacimona dáamie Jesús iere izíruigamie. Afe güilláruído Jesús abimo ráiide.

²⁴ Simón Pedro íemo onócaído lloste:

—Mai Jesumo jícano, ¿budo úrite? —daide.

²⁵ Jira jofó áinozillano Jesumo jícanote:

—Ocuíraima, ¿bu llotio? —daide.

²⁶ Jira Jesús uai ote:

—Daa pánllicina cue riáitano afémiemo íticue. Afe níimie, —daide.

Iemona pánllicina riáitano Judas Iscariote, Simón jito mo fecade. ²⁷ Afe pan Judas llínuamona, Taife ie comécimo jofu jaide. Mei jira Jesús daide:

—O finóllifuena raire fino, —daide.

²⁸ Júdasna daií daináfueña güirábanimo güitínomona buna aféfuena onóñena.

²⁹ Ucubellu Judas ucaiga jira dáamierie comeci facádiaioi: Jesús daiíacade ráfuemo jitailla raana íbajitade. Jiáimaci comeci facádiaioi, nibai duéredino úcube afémie íllena.

³⁰ Afe pan güilla méifomo Judas jino jaide. Ja naiona.

Comue ocuíllafue

³¹ Judas jino jailla méifomo, Jesús daide:

—Jabe Nanoide fima Jitó ebírenafue ácatalle. Afe dainámiedicue. Iemo jiái jabe Juzíñamui ebírenafue iedo ácatalle. ³² Nanoide fima Jitó Juzíñamui ebírenafue ácataiadi, íbana ie Jitó ebírenafue Juzíñamui ácataite. Afena raire fínoite.

³³ Cue izíruigamací, omoi diga ja are íñeiticue. Cuena jénoitiomoi. Mei íadi nauí judíuaina cue daina izóí biruí ómoína dáititue: cue jáillinomo jáinidiomoi. ³⁴ Bie comue ocuícáfue ómoimo lloticue: conímana omoi izíruiri. Cue omoi izíruilla izóí afe izóí conímana omoi izíruillana jitáirede. ³⁵ Nana conímana omoi izíruia, nana cominí cue llófuegamacidiomoi fídiitiaioi, —daide.

Pedro Jesuna jáanollifue Jesús uícomo llote

(Mt 26.31-35; Mr 14.27-31; Lc 22.31-34)

³⁶ Ie mei Simón Pedro Jesuna jicánote:

—Ocuíraima, ¿niné jáidío? —daide.

Jira Jesús uai ote:

—Cue jáillinomo biruí bínidío; mei íadi méifoidiruido cuedo bítío, —daide.

³⁷ Mei ie jira Pedro daide:

—Ocuíraima, ¿nibái mei biruí odo bínidicue? Ja finóbidicue o diga cue tíllena, —daide.

³⁸ Jira Jesús uai ote:

—¿Uáfueña meita finóbidío cue diga o tíllena? Uáfueña ona dáititue: nai átava úriñeniadi, dacaiñoámani cuena jáanoitío, —daide.

14

Jesús, Moo Juzíñamuimo jaira io

¹ Omoi comeci zúucaíñeno. Juzíñamuimo ñino; daje izóí cuemo ñino. ² Cue Moo jofomo aillo illánuiái ite. Bífue tánofue íadi, raire ómoimo llóititue; íadi jaca uafue. Mei jira omoi illino fínuaidicue. ³ Omoi illino cue fínuailla mei, abído ómoína uáibititue, cue illinomo dáanomo omoi íllena. ⁴ Cue jáillinona onódiomoi afe io diga, —daide.

⁵ Jira Tomás daide:

—Ocuíraima, o jáillinona onóñedicaí. ¿Nie izóí afe iona ónoiticaí? —daide.

⁶ Jira Jesús uai ote:

—Cue íodicue. Cue uáfuedicue. Daje izóí cue cáatatinodicue. Ie jira daa cuedo Moo illánomo dúcirediomoi. ⁷ Cuena omoi onóíadi, daje izóí cue Moona ónoitiomoi. Ja biruimo íena onódiomoi. Ja íena ciódiomoiza, —daide.

⁸ Jira Felipe daide:

—Ocuíraima, Moo Juzíñamui caimo cíota. Afedo figo baite, —daide.

⁹ Jira Jesús uai ote:

—Felipe, ja are omoi diga iticue, ¿nai cuena onóñedio? Cuena ciódimie daje izóí cue Moona ja ciode. ¿Níbái mei Moona cíotalle cuemo jicádío? ¹⁰ ¿Moomo cue íllana nai íñoñedio? ¿Daje izóí cue Moo cuemo íllana íñoñedio? Nana cue daináfuiái dama cue

comeci izói daiññedicue. Cuemo ite Moo dama ie tájjina finode. ¹¹ Cue Moomo cue íllana ñno; afe izói Moo cuemo íllana ñno. Ménaillinoi dáanomo itícocoza. Daií omoi ñnoiacañenia cue finócafueña ñno. ¹² Uáfueña dáitícue: cuena ñnotimie cue finócafue izói ñnoite. Nane afe baimo aillo jáiífue ñnoite, cue Moo illánomo cue jailla jira. ¹³ Nana omoi cue mámeçido jicaca raa ñnoitícue, Moo ebírenafue ie Jitó ácatallena. ¹⁴ Naga cue mámeçido jicalle raana ñnoitícue, —daide.

Jesús Ñuera Joreño oréllena uafue llote

¹⁵ Cuena omoi izíruiá, mai cue ocuífafuiai cacáfireiri. ¹⁶ Iemo omoi canóraima, omoi fíraraima jícaitícue. Moo ómoimo íena oréllena íemo izire jícaitícue. Bítimie uafue Joreño. Afe Ñuera Joreñoña jícaitícue omoi diga ninomo íllena. ¹⁷ Enie imaci íena llínonidiaioi, afémiena cíonidimaci jira; daje izói afémiemona ónoñedimaci jira. Mei íadi íena ja onódiomoi, omoi diga illa jira. Ua uire jaca ómoiri dájena íite. ¹⁸ Omoína zóofeñitícue. Abido bíticue omoi diga íllena. ¹⁹ Nano nígarui íanori íllamona comini ja cuena cíofeñitíai, mei íadi cuena cíoitíomoi. Afe jira omoi cáaitíomoi, cue caana jira. ²⁰ Aféruido cue Moomo cue íllana ónoitíomoi. Daje izói cuemo omoi íllana ónoitíomoi; daje izói ómoimo cue íllana ónoitíomoi. ²¹ Cue uaina onódimie, íemo jáií afe uaina jeire otímie uáfueña cuena izíruiillana cíotate. Jira cuena izíruitimie cue Moo daje izói izíruite. Cue daje izói íena izíruitícue; ie mei afémiemo cuena cíotaitícue, —daide.

²² Iemo Judas (íadi Isçarióteñedimie) íena daide:

—Ocuíraima, ¿nibái énie comínimo ácatañeno, dani caimo o abina ácataitio? —daide.

²³ Jira Jesús uai ote:

—Cuena izíruitimie cue dainafue jeire ote, ie jira cue Moo íena izíruite. Afe llezica cue Moo cue diga bíticoco afémie diga íllena. ²⁴ Cuena izíruiñedimie cue dainafue jeire oñede. Omoi cacana úrillafue dama cúeieñede. Afefue Moo Juzíñamui, cue orédimie ífue. ²⁵ Omoiri cue illa dino aféfuiaina ómoimo llotícue. ²⁶ Mei íadi Moo cue mámeçido Ñuera Joreño oreite, ómoína canóllena, ómoína fírallena. Nágafuiaina omoi llófueite. Nana ómoína cue dáinana uíbicaite.

²⁷ Comeci caimare uái illífue ómoimo fiédicue cue jailla jira. Cue comeci caimare uái illífue ómoimo itícue, mei íadi énie comini começi illífue izóiñede. Omoi começi zúucañeno. Jacíruiño. ²⁸ Jáitícue, cue dáinana cacádiomoi. Daje izói meine bíticue ómoiri cue íllena. Uáfueña omoi cuena izíruiá, cue Moomo cue jáillífue omoi fidínamona cáimacaitíomoi, mei afémie cue baimo illa jira. ²⁹ Jira áfena uícodo ómoimo llotícue, afefue fínuaruimo omoi ínollena.

³⁰ Omoiri ja aillo úriñeíticue, bie éniemo ocuídímie ja billa jira. ³¹ Mei íadi afémie cuena ocuínide. Daií írede, énie comini Moona cue izíruiillana íaioi onóillena. Daje izói Moo cue ocuilla raana cue fínuana ónoitíai. Mai náidacai. Benómona cai jáilleza, —daide.

15

'Vid' daína jíriconá izoide rao ícairuái rafue

¹ Afe mei nane Jesús úrite; daide:

—Uafue 'vid' daína jírícue llizítate rao izóidícue. Cue Moo afe rao úiñotimie.

² Lliziacañede rao ícairo jaitade. Nana lliziácade ícairo ie icoi jáicoide, afemona jamánomo llizíllena. ³ Omoi cue llófuiáfuedo jae ñue dóficaidíomoi. ⁴ Mai cuemo dáanomo omoi jainairi ómoimo cue jainaina izói. Daa ícairo fia daingo llizínide. Daje izói cuemo dáanomo omoi jaináiñenia, ñúefuiai omoi comécimona comuítanidíomoi.

⁵ 'Vid' daína jírícue llizítate rao izóidícue; afe rao zitaca ícairuái izóidíomoi. Cuemo dáanomo jaináidímie, íemo dáanomo cue jainaila llezica, ua jamánomo aite. Mei íadi cue iñédicueña minícana finónidíomoi. ⁶ Cuemo jaináiñedimie jino faille. Fáiamona zafénaite, rao rábiai izói. Afémacina iráida iraimo jobaica.

⁷ Cuemo ñue omoi jaináadi, daje izói cue llogáfueña omoi féitañenia, o jitaiga raana jicari. Iemona áfena ómoimo íticueza. ⁸ Aillo llizilla izoide ñúefue omoi finóadi, cue Moomo ñúefueña nítaitio. Afedo cue uáfueña llófuegamacina omoi íllana ácataitio. ⁹ Cue Moo cuena izíruilla izói, afe izói ómoína izíruiticue. Ómoína cue izíruiticueza; áfedo dinomo omoi jairi. ¹⁰ Cue ocuífueña jeire omoi óiadi, daí cuedo izíruillio. Daje izói cue Moo ocuífueña jeire oticue. Iemona afémiedo izíruigacue.

¹¹ Cue daí úriticue cue dibéñedo caimare omoi íllena. Daí íobillafueña oruíbicaítio. ¹² Bie cue ocuífue: Ómoína cue izíruilla izói naga come ie conímana izírui. ¹³ Dáame jamánomo izíruillafueño ie abi ie nabáñiaimo fecárede. Afe baimo iere izíruillafue ñede. ¹⁴ Cue ocuífue omoi finóadi cue nabáñiaídi. ¹⁵ Ja jaiénicína ómoína mámeñeticue, jaiénici ie ocuídime finuafueña ónoñena jira. Cue nabáñiaína ómoína mamédicue, nana cue Moo cuena daináfueña omoi cue onota jira. ¹⁶ Omoi cuena nizéñedió, mei íadi cue nizécamacídi. Iemona ómoína ocuídicue, aillo llízie izoide ñúefueña omoi finóllena. Afe llízie are íllana ocuídicue. Ie jira daí nana cue mámeñedo omoi jicaca raana cue Moo ómoimo fécaite. ¹⁷ Jira bifue ómoína cue ocuífue: Naga come ie conímana izírui, —daide.

Enie comini Jesuna éoide ie comini diga

Jesús nai úrillano daide:

¹⁸ —Enie comini ómoína éoiadi, nano fueñe cuena íaió éoillamo omoi ubicari. ¹⁹ Enie comínina omoi íadi, afémaci íaió comínina izíruilla izói ómoína izíruitiaí. Mei íadi énie imácimona ómoína nizédicue. Ie jira énie imaci ómoína éoidiaí, éniemo íaió jainana jira. ²⁰ Ómoína cue daináfueño ubicari: “Ñie jaiénici ocuídime baimo ñede.” Cue duere finóllena íaió racáoiadi, daje izói ómoína rácaítiaí. Cue llófueñafueña jeire íaió óiadi, ómoína jeire óitiaí. ²¹ Nana aféfueña cue ícoína ómoimo finóitiaí, cue orédimena onóñena jira.

²² Íaióimo úrizabiñedicueña íaió ícoína ñede. Mei íadi birui íaió fiénidifue ícoína jae ite. ²³ Cuena éoidime daje izói cue Moona éoide. ²⁴ Jaca bu jíaimie íaió cigiri cue finua izói finóñede; mei íadi afe jíaimie finófinide raana ja íaió cigiri finódicue. Ie jira íaió ícoína íteza. Mei uáfueña aféfueña ja ciódiaí. Mei íadi afe emódomo cuena éoidiaí. Afe izói cue Moona éoidiaí. ²⁵ Afefue daí jaide, íaió cuega ocuífueña uai fuitállena. Afe Cuegáuai daide: “Nífueninanomona cuena éoidiaí.”

²⁶ Mei íadi Móomona cue oréllime, afe Ñuera Joreño bíadi, cueri úrite. Afe llezica ómoína cánuano nárecaitaite. ²⁷ Omoi daje izói cueri úritio, nanómona cue diga omoi illa jira.

16

¹ Aféfueña ómoimo lloticue, fiénidifueño omoi báñiñellena. ² Juzíñamui uai llófuerracomona ómoína jino dótaítiaí. Ua uire jamánomo fiéni illíruimo dúciite. Aféruillaído ómoína fáitimaci, “Ómoína fallífueño Juzíñamui tájinana finóiticaí” daí daina ínoítiaí. ³ Aféfueña finóitiaí Moona jaca ninomo onóñena jira, daje izói cuena onóñena jira. ⁴ Afena ómoína dáititue, aféruillaí dúcillemo, cue daináfueño omoi ubicaillena, —daide Jesús.

Ñuera Joreño finóllifueña

Jesús nai úrillano daide:

—Aféfuena nanómona ómoimo lloñédicue, omoi diga cue illa jira. ⁵ Mei íadi biruímona cue orédime dinomo jáiticue. Ómoimona buna cue jáillinona jicánoñedió. ⁶ Mei íadi bie cue ómoína daináfueño iere zúcaídi. ⁷ Íadi uáfueña dáititue: cue jaille ómoimona iere ñuera. Cue jáñenia, ómoína canoda firaraima bíñeite omoi diga íllena. Mei íadi cue jaía íena óreiticue. ⁸ Ie billíruído éniemo itino íaió fiénidifueña uáfueña onótaitaite. Daje izói dama daa jáicína ñúefueño cai jáillina onótaitaite. Daje izói Juzíñamui

íaiõina duere finóllena onótaite. ⁹ Afémaci fiénidifuiairedimaci, cuena íinoñena jira. ¹⁰ Afe jaícina jáilliona ónoitiaioi, Moo illánomo cue jailla jira. Afe cue jailla mei cuena cíõñeitiomoi. ¹¹ Juzíñamui facátallifuena ónoitiaioi, bie éniemo ocuídímie jae duere finóbilla jira.

¹² Cue ómoimo lollífuiái nai aillo ite; mei íadi nai onónidiomoi, náinidiomoi. ¹³ Uafue Joreño bille llezica ómoimo nana uáfuiaina afémie llóite. Dama ie comeci jítaina izói úriñeite, mei íadi ie cacana izói dáite. Uire íitífuiaina ómoina onótaite. ¹⁴ Cúeiemona llínuano ómoina onótaite; onótamona ñúefuena cuemo nítaite. ¹⁵ Nana Moomo ite raa daje izói cueie. Ie jira dáitiecue: Ñuera Joreño cúeiemona llíinoite, áfedo aféfuena ómoina onótaite.

Zúurenafue cáimafuena méidolle

¹⁶ Nano íanori illemona cuena cíõñeitiomoi. Mei íadi jabo bai diga iruillai íllamona, nane meine cuena cíõitiomoi, mei cue Moo illa ðine cue jáillaza, —daide.

¹⁷ Iemona ie llófuegamacimona dáarie jofo conímamo jicánote:

—¿Afe nie izói ðaináuai? Caina daide nano nie ðino íllamona íena cíõñeíticai. Ie mei nane caina daide, báifenemo diga iruí íllemona meine íena cíõíticai, mei ie Moo illánomo ie jáillaza. ¹⁸ ¿Nie izói aféuai daide: “Nie ðino íllamona?” Afémie nífuedo úriteza onóñedicai, —ðaiðiaioi.

¹⁹ Jesús íaioi íemo jicánoiacagafuena onóillano daide:

—Cue ðaidiecue nié ðinó íllemona cuena cíõñeitiomoi. Nane ie baimo diga iruí íllemona meine cuena cíõitiomoi. ¿Afefue conímamo jicánotiomoi? ²⁰ Uáfue dáitiecue: omoi éeitiomoi. Zuure íitiomoi; mei afe llezica énie comini caimare íitiaioi. Mei íadi omoi zúunaillafue cáimafuena méidoficaite. ²¹ Ringo úrue jocóacania izínaillari zúucaite, afengo izínaillaruimo dúcidez. Mei íadi úrue jócua méifodo afe izírenamo úbicaiñede, úrue éniemo jocóinari ie íóbilla jira. ²² Ðaí birui omoi izire zúucaitiomoi. Mei íadi ómoimo cíõizaíbitiecue. Iemona omoi coméciai cáimafuena óruite. Afe cáimafuiái bu ómoimona báiroñeite.

²³ Aféruído minícana cuemo jícanoñeitiomoi. Uáfue ómoina dáitiecue, nana cue mámecido omoi jicaca raa, cue Moo ómoimo fécaite. ²⁴ Biruimo cue mámecido minícana nai jicáñediomoi. Mai jica omoi llínollena, áferi comeci cáimafuena oruíbicaillena.

Jesucristo, Juzíñamuina éoidinona anáfenodímie

²⁵ Bífuiái aillo daje izóidífuiáido ómoimo llotiecue, mei íadi ðaruina daje izóidífuiáido ómoimo úriñeítiecue. Aféruimo ja ánozide. Aféruído uáfodo Moodo ómoimo úritiecue.

²⁶ Aféruillaído omoi cue mámecido jícaitiomoi. Moomo ómoiri izire cue jicállena ðaiñedicue, ²⁷ mei dama Moo ómoina izíruilla jira. Iemo jíái cuena omoi izíruilla jira, ómoina izíruite. Moo ðinena cue bíllana omoi ínuua jira, afémie ómoina izíruite. ²⁸ Moo illánomona billano bie éniemo bitiecue. Birui énie fiénocaillano meine Moo ðiné abido jáitiecue, —daide.

²⁹ Jira ie llófuegamaci daide:

—Ja birui daje izóidíuáido ðaiñeno, jino uáfodo úritio. ³⁰ Birui naga rafue o onóigana onódicai. Ja jíáimie omo llúana jítaiñede. Mei jira Juzíñamuimona o bíllana ínoticai, —ðaiðiaioi.

³¹ Jira Jesús uai ote:

—¿Birui cuemo ja ðaí ínotiomoi? ³² Omoi enénorie júðazilliruimo ánozide. Ja birui aferuí. Omoimona nágamie oni eneno júðazite. Dama cuena fiénocaitiomoi. Mei íadi ðañedicue, cue Moo cue diga illa jira. ³³ Nana bífuiái ómoimo llóitiecue, cuemo ínuano omoi comeci uái íllena. Afe bie éniemo duere zéfuitiomoi. Mei íadi, jabí omoi mameri! Ja Juzíñamuina éoidinona anáfenodímiediecueza, —daide.

17

Jesús ie llófuegamaciri Juzíñamuimo jicade

¹ Aféfuiai daina méifomo, Jesús caifo monamo érocaillano daide:

—Moo, cue írairuimo ja dúcide. O Jitomo ñúefuena nitari, afe izói o Jitó omo ñúefuena nítaiteza. ² Aillo ríino o Jitomo jae o iga, nana comini náamatallena; daje izói nana cuemo igámacimo zíñona cáaillinona íaioimo cue íllena. ³ Zíñona cáaillino comini ona íaioi onónamona llínotiaioi. O dama uafue Juzíñamuidio. Daje izói zíñona cáaillino, o orécamié Jesucristo íena onónamona llínotiaioi.

⁴ Bie éniemo cue illa llezica ebírenafue jae omo nitádicue. Cuemo o ocuífue jae fuitádicue. ⁵ Moo, nauí o díga cue illáruimo cue ebírenafue dájena biruí o uícori meine cuemo ine. Afe ebírenafue nai énie íñena llezica nauí cuemo ite.

⁶ Enie imácimona doce dígamie otio cuemo íllena. Afémacina búdioza jae onótaticue. Afémaci óie. Cuemo o igano. O úrilla uaina íñotiaioi. ⁷ O nana cuemo igáfuiai ómona bitífuiaina onódiaioi. ⁸ Jira o cuemo iga úrilla uai bimácimo lloticue. Aféfuena jeire otíaioi. Uáfue ómona cue bíllana onódiaioi. Daje izói o cue óriana íñotiaioi.

⁹ Afe cuemo o igámaciri izire jicádicue. Enie imáciri izire jicáñedicue. Dama cuemo o igámaciri izire jicádicue, ómacina jira. ¹⁰ Nana cueie óie díga. Afe íbana nana óie cueie. Afémacimona cue ebírenano ácataficaide.

¹¹ Cue ja éniemo fiébiñeiticue; mei íadi afémaci afe éniemo fiébitiaioi. Cue o díga íllena jáiticue. Jamánomo ñuera Moo, cuemo o igano o ríinodo uíñori, nana dájena cuemo ñue jaináillena, omo cue jainaina izói. ¹² Bie éniemo afémaciri cue illa llezica, o ríinodo íaioina úiñoidicue. Íaioi abi ríidoticue. Íaioimona buna féiraiñede. Mei íadi dáamie jaca féiraitimie, Cuegáuai fuitállena. Afémie nanómoma féiraitimie.

¹³ Jabe o illánomo jáiticue. Mei íadi nai éniemo cue illa díno aféfuiaina llóllodicue, cuemo ite íobillafue afe izói afémaci ñue íobicaillena. ¹⁴ O úrilla uai íaioimo iticue, mei íadi énie imaci íaioina éoidiaioi, énie imaciñena jira. Daje izói cue jáí énie ímieñedicue.

¹⁵ Eniemona íaioi o óllena jicáñedicue, mei íadi Taifémoma íaioi ríidollena jicádicue.

¹⁶ Enie ímieñedicue; afe izói énie ímaciñediaioi. ¹⁷ Íaioina uáfuedo dama óiena rairuirí. O úrilla uai uafue. ¹⁸ Enie imaci cígimo cue o ória izói, daje izói énie imaci cígimo íaioina orédicue. ¹⁹ Afémaci ícoina cue dama abi rairuídicue. Daí finódicue, uafue uaido afémaci daje izói íaioi rairuíllena.

²⁰ Daa afémacimo omo izire jicáñedicueza, mei íadi bimaci úrilla uaina cacáillano cuemo ínotinomo izire jicádicue. ²¹ Nana afémaci dájena jaináillena omo jicádicue. Ua Moo, afémaci dájena cócomo jaináillena jicádicue. Uáfue o cuemo itio, nane uáfue cue omo iticue. Afe izói íaioi cócomo íllena jicádicue. Afémaci dájena jainaille jitáirede, énie comini cue o óriana íñollena. ²² Cuemo o iga ebíredifue izói, afémacimo jae cue iga, dájena íaioi íllena, o díga dájena cue illa izói. ²³ Afémacimo cue íllena jicádicue, nane o cuemo íllena jicádicue, nana afémaci dájena íficaillena. Daí íaioi íllena jitáirede, énie comini cue o óriana fidíillena. Nane áfedo énie comini cuena o izíruilla izói, bimácina o izíruillana ónoitiaioi.

²⁴ Moo, bimaci cuemo itio. Cue illínomo cúeoiri íaioi íllena jitáidicue, cuemo o iga ebíredifue íaioi cíoillena. Nai énie fínoñenia uícomo cuena izíruitio. ²⁵ Moo, jácina ñue jónetimiedio. Enie comini ona onóñediaioi, mei íadi cue ona onódicue. Bimaci cue o óriana onódiaioi. ²⁶ Búdio, jae íaioina onótaticue; femo nai onótaoicaiticue, o cuena izíruilla íaioi comécimo fiébillena; daje izói cue dama afémacimo fiébillena, —daide.

18

Jesús maiano úinafue

(Mt 26.47-56; Mr 14.43-50; Lc 22.47-53)

¹ Aféfuiai daina méifodo, Jesús ie llófuegamaci diga jino jaillano Cedrón illétue ruica jáidiaioi. Dinomo ite ocózinairabirimo jofo jáidiaioi. ² Judas afébirina onode, Jesús ie llófuegamaciri, diga ícaño afénomo gáirifirena jira. ³ Jira dinomo Judas fuiríraíni diga dúcide. Afe llezica dáarie gáiríraco llaizíraíni Judas jicácamaci bitíaioi. Afémaci fariséuaimona lletáriráini illáinimona oreca. Lloéfaillai diga jacire abi mamédiaioi. Unéraruairi bitíaioi, daje izói lámparaiairi. ⁴ Mei íadi Jesús afémiemo finuailifuea onóillano, jino billano íaioimo jicánote:

—¿Bu jenódiomoi? —daide.

⁵ Jira afémaci uai ote:

—Jesús, Nazaret ímie jenódicai, —daidiaioi.

Jesús uai ote:

—Níimiedicue, —daide.

Afe llezica éoidimacimo fecádimie, Judas dinomo afémaciri ite. ⁶ Jesús “Níimiedicue” daina llezica, jinófecaíñona éniemo baíidiaioi. ⁷ Ie mei Jesús dáanomo nane jicánote:

—¿Bu jenódiomoi? —daide.

Jira afémaci:

—Nazaret ímie, Jesús, —daidiaioi.

⁸ Mei jira Jesús daide:

—Jae níimiedicue daidicue. Cue omoi jenóadi, bie jíáimaci fáicanocai íaioi jáilleza, —daide.

⁹ Afe daií daide Jesús dama ie dainafue fuitállena. Afe dainafue llote: “Cue Moo cuemo igámacimona buna dáamie féiraiñede.” ¹⁰ Iemo Simón Pédro daa lloefai ite. Otá Malco dainámie jefo nabefo ñetade. Malco lletáriráini illaíma jaiénici. ¹¹ Jira Jesús Pédróna daide:

—O lloefai ie icomo abido meine joone. ¿Cue Moo cue duere zefuítajana llíñoñeiticueza, daií o comeci facádio? —daide.

Lletáriráini illaíma uícomo Jesús uitíaioi

(Mt 26.57-58; Mr 14.53-54; Lc 22.54)

¹² Ie mei fuiríraíni íaioi ocuúraíma diga Jesuna llaítádiaioi. Nana bimaci judúuai llaizíraíni diga Jesús maíano oni uitíaioi. ¹³ Ie meífomo Anás jofomo íena uitíaioi. Anás Caifás jífai. Afe fimona llezica Caifás lletáriráini caifóidillaíma. ¹⁴ Bie Caifás nauí judúuaína bie izói daidímie: “Daa come nana cai nairai ícoínia tíllena cai baimo ñue jaide.”

Pedro Jesuna jáanote

(Mt 26.69-70; Mr 14.66-68; Lc 22.55-57)

¹⁵ Simón Pedro jíáie llófuegamie diga nai Jesudo jaide. Jíáie llófuegamie lletáriráini caifóidillaíma onóigamie. Jira caifóidillaíma jofo ibírímo afémie jofo jaide Jesús diga. ¹⁶ Mei íadi Pedro jino naze fuemo fiébicaide. Ie jira lletáriráini caifóidillaíma onoíga llófuegamie jino jaillano, naze úíñoraímamo jicánuaide Pedro jofo oréllena. ¹⁷ Iemo naze úíñoraíma Pédro daide:

—¿O báimie llófuegamieñedio? —daide.

Pedro uai ote:

—Jíi, cúeñede, —daide.

¹⁸ Aféruído rozírena jira, jaiénizai llaizíraíni diga irai bonódiaioi. Dinomo naidáillano irai fuemo agáidiaioi.

Lletáriráini caifóidillaíma Jesumo izire jicánote

(Mt 26.59-66; Mr 14.55-64; Lc 22.66-71)

¹⁹ Lletáriráini caifóidillaíma Jesumo jicánuaillano daide:

—¿Nímaci o llófuegamacina? ¿Nífuíaina llófuetio?

²⁰ Jira Jesús daide:

—Cue nana comini uícomo uáfodo úriticue. Juzíñamui uai llófueriracuaimo jaca llófuefiredicue. Daje izói Juzíñamuimo gairíracomo llófuefiredicue. Jaca afénomo judíuui gáirifirediaíoi. Daí báinino nífuena lloñedicue. ²¹ ¿Níbái mei cuemo jicánotiomi? Cue uaimo cacádinomo jícano. Afémacimo cue dáinana jícano. Cue íaioina dáinana onódiaioiza, —daide.

²² Jesús daí daina llezica, daa dino ite gairíraco llaizíriraíma Jesús uíeco pútanona daide:

—¿Níbái daí lletáriraini caifóidillaíma uai otio? —daide.

²³ Jira Jesús uai ote:

—Fiénidífue cue lloía, áfena cuemo llone; mei íadi cue daina uai ñuera íadi, ¿níbái mei cuena putádio? —daide.

²⁴ Iemona Anás Caifamo íena maitá orede. Caifás lletáriraini caifóidillaíma.

Pedro nane dáanomo Jesús jáanote

(Mt 26.71-75; Mr 14.69-72; Lc 22.58-62)

²⁵ Due jiza bai jáidemo, Pedro nai náidaillano irai fuemo agaide. Afénomo itino íena daidíaíoi:

—¿O báimie llófuegamaci iéñedio? —daide.

Pedro jáanuano daide:

—Jii, iéñedicue, —daide.

²⁶ Dinomo Pedro jefona jaitácamié come ite. Afémie jíaie lletáriraini illaíma jaiénici. Afe íima Pédromo jicánote:

—¿Báimie diga dinomo ocózinairabirimo ona cióñedicue? —daide.

²⁷ Pedro dáanomo nane jáanote. Afe llezica átava úrite.

Jesús Pilato uícomo uiga

(Mt 27.1-2, 11-14; Mr 15.1-5; Lc 23.1-5)

²⁸ Iemona Caifás jofómona oni romano jabóidillaíma áillocomo Jesuna uitíaíoi. Ja monáiacademo. Judíuui jofo afécomo jáiñediaíoi, íaíoi íaicaiñellena. Mei íaicaigamací púscuamo güilláfuena güinidiaíoi. ²⁹ Ie jira Pilato jino íaioímo úrizailano daide:

—¿Minica ícoínia bímiemo nitádiomi? —daide.

³⁰ Jira afémaci uai otíaíoi:

—Afémie fiénidimieñedena omo izájiñedicai, —daidíaíoi.

³¹ Jira Pilato daide:

—Íena omoi úi. Omoi ocuícáfue izói afémie omoi riire jicánori, —daide.

Judíuui ie uai otíaíoi:

—Cai judíuaidicai, dani buna titánidicai, —daidíaíoi.

³² Daí Jesús ie tíizaillinona daina izódiuui fuitade. ³³ Pilato áillocomo jofo meine jaide. Jaillano Jesús jíirillano jicánote:

—¿O ñi judíuui illáimana? —daide.

³⁴ Jira Jesús daide:

—¿Afefue dama o comeci jítaina izói jicánotio? ¿Níbái jíáimaci cueri ona daina jicánotio? —daide.

³⁵ Jira Pilato úrite:

—¿Cuena judío daidío? O náiraímona lletáriraini illaini cuemo ona fecádiaíoi. ¿Minica ñetio? —daide.

³⁶ Jira Jesús uai ote:

—Cue illáimana illano bie énie íeñede. Daí ítenia cuedo jáicadino nia fuirídiaíoi, cuena judíuui fécañeillena. Mei íadi cue illáimana illano benó íeñede, —daide.

³⁷ Jira Pilato daide:

—¿Jii, o daí illáimadio? —daide.

Jira Jesús uai ote:

—Illáimadicue, o daina izói. Cue, bie éniemo jéiciaibigacue uafue uai llóllena. Nana uáfuemo cacáfiredino, cue dáinana cacádiaioi, —daide.

³⁸ Jira Pilato jicánote:

—¿Minica uafue uaina? —daide.

Jesús tíillinomo maméritiaioi

(Mt 27.15-31; Mr 15.6-20; Lc 23.13-25)

Afe jicánua meífodo, Pilato meine jino judúuaimo jaillano úrizaide. Iaiñoina daide:

—Jaca nífuena bie ímamo baiñédicue. ³⁹ Mei íadi ómoimo cue fínofiregafue ite. Naga pascua ráfuemo ómoiri daa maigámie zuitáfiredicue; mei jira ¿judúuai illáimana ómoiri cue zuitállena jitáidiomoi? —daide.

⁴⁰ Iemona nana meine caillíoidiaioi:

—¡Afémiena zuitáñeno iri! ¡Barrabás zuitari! —daidiaioi. Afe Barrabás meríriraima.

19

¹ Ie mei Pilato Jesús llínuano zechétade. ² Iemo fuiríraini ifo icuifoi eegi níinacuifoi Jesumo jitádiaioi. Afe llezica ráifide illaíma iníroina íemo jitádiaioi. ³ Daií ñiano íemo áinozillano, báinuano daidiaioi:

—¡Judúuai illaíma, are ii! —daidiaioi.

Iemona ie uieco fácoidiaioi.

⁴ Pilato meine jino billano daide:

—¡Bímiemo eroi! Afémiemo nífuena baiñédicue. Ie jira jino bené cue ógaza, aféfuena omoi onóillena, —daide.

⁵ Jesús eegi icuifoi ífomo jíinari jino bite. Ráifide illaíma iníroina jitaca naari jino bite. Jira Pilato daide:

—¡Benó afe íima ite! —daide.

⁶ Afémie cióillano, lletáriraini illaini, llaizíraini diga caillíoidiaioi:

—¡Ie corai! ¡Ie corai! —daidiaioi.

Iemo Pilato daide:

—Mai íena uillánona omoi corai, mei íadi afémiemo fiénidífueña baiñédicueza, —daide.

⁷ Mei ie jira judúuai uai otáioi:

—Caimo ite daa ocuica uai. Afedo afémie tíillena jitáirede, dama “Juzíñamui Jitódicue” ie daina jira, —daidiaioi.

⁸ Afena cacáillano Pilato jamánomo jacínaificaide. ⁹ Aillocomo nane jofo jaillano Jesumo jicánote:

—¿O ninó ímiedio? —daide.

Mei íadi Jesús jaca uaina oñede.

¹⁰ Jira Pilato daide:

—¿Cue uaina fairíoñedio? ¿Cuemo ite o tálle ríino onóñedio? ¿Cuemo ite o zuitalle ríino onóñedio? —daide.

¹¹ Jira Jesús uai ote:

—Juzíñamui omo iñénia, o cue ocuille ríino iñede. Ie jira omo cue fecádino o jinomo afémaci íaifueredino, —daide.

¹² Afe llezicamona Pilato, “Ñie izói Jesús cue zuitalle” dainano, áfena jenode; mei íadi judúuai caillíoidiaioi:

—Afémie o zuitáadi, romano jamánomoidillaímamo nábairiñeítio. Naga illáimana íacadímie caifóidillaíma dibénedo éoidimiena jáite, —daidiaioi.

¹³ Mei jira áfena cacáillano, Pilato Jesuna otátate. Ie mei comini riire jicánoranomo Pilato ráinazaide. Afeno hebreo imaci uaido Gabátana mameide. Jiáimaci daina Empedrado, mei nófiaí ie finoina macáranona íllaza. ¹⁴ Jae pascua uícodirui jaíciri ítemo. Jira Pilato judúuaina daide:

—¡Benomo o illaíma ite! —daide.

¹⁵ Mei íadí afémaci caillíoidiaioi:

—¡Dama tídeza, oni uil! ¡Iena corai! —daidiaioi.

Jira Pilato íaioina daide:

—¿Omoi illáimana córaiticue? —daide.

Jira lletáiriraini illáicomini uai otíaioi:

—Jíáie illáimana caimo iñede; dama romano jamánomoidillaíma, —daidiaioi.

¹⁶ Afemona Pilato íena íaioimo ite, afémiena coráillena. Mei jira íena uitíaioi.

Coráinafue

(Mt 27.32-44; Mr 15.21-32; Lc 23.26-43)

¹⁷ Iemo Jesús jino jaide. Ie coráillibici rocáoicaide Calavéramo; afe daiíacade come ifócorai. Hebreo imaci uaido daina Gólgota. ¹⁸ Afénomo íena coráidiaioi. Afe llezica nágafene jíáimie íaillinoi coráidiaioi; Jesuna cígiide. ¹⁹ Pilato afémie mámece ibícimo cuetá ie coráinabícimo jóonetade. Afébicimo cuega daide: “Jesús Nazaret Imie, Judúuai Illaíma.” ²⁰ Aillo judúuai afe cuegábici facádotiaioi, Jesús coráinano jofue áinori illa jira. Afébicici daámani comini uáillaido cuega, hebreo, griego, latín diga. ²¹ Ie jira judúuai lletáiriraini illaini Pilátona daide:

—Judúuai illaíma daií cueñeno. Mei íadí “Judúuai illáimadicue daidímie” daií cúeiri, —daidiaioi.

²² Jira Pilato uai ote:

—Jae cue cuegáuai, dama daií ite, —daide.

²³ Fuiríraini Jesús coraía mei, ie incúiro llínuano cuatro fidi tizáruano fecádiaioi. Afe izói ie caifóferoi llínuano “Iere ñúeraroí,” daidiaioi. Ua aferoi dájena tifoca, zotáinanona iñede. Caifona aná fuizájide. ²⁴ Jira fuiríraini conímana daidiaioi:

—Dama ite, cúatañeíticai. Bai ñue onótaraji cai dotalle bumo jíiteza, —daidiaioi.

Daií Cuegáuai daina fuitátatiaioi. Aféuai daide: “Cue incúiro dani fecádiaioi. Afemo onótaraji dotádiaioi.” Jira mei fuiríraini daií finódiaioi.

²⁵ Jesús coráinabícici áinomo ie ei ite afengo ebuño diga. Dáanomo Cleofas ai, María ite, María Magdalena ingo diga. ²⁶ Jesús ie eina cióillano, iere izíruiga llófuegamie diga, ie eina daide:

—Ei, batí o jitona como maméidímie ite.

²⁷ Iemo afe llófuegamiena ibana daide:

—Afénomo o eina como maméidíngo ite, —daide.

Mei aféruillaido afe llófuegamie afengo ie jofomo ñue llínnote.

Jesús tíllafue

(Mt 27.45-56; Mr 15.33-41; Lc 23.44-49)

²⁸ Afe mei Jesús naga rafue fuitáinana fidide. Fídiano Cuegáuai fuitállena daide:

—Jirócadicue.

²⁹ Afe dínomo iciru rochírede vínona oruítaga rainaca. Ie jira jainoi ffillicidie raa afe rochíredijina riátatiaioi. Iemo razi ícoimo jóoniano ie fuemo dutádiaioi. ³⁰ Jesús afe rochíredii jirode. Jíruano daide:

—Nana ja fuite, —daide.

Daina mei, ífo ana jíjicailla llezica tíide.

Fuiríraímie ie ducírirado Jesús ciraigi faitade

³¹ Ja pascua uícodirui. Judúuai ocózinaillarui coráicano íaioi abi coráinabícimo fiébillana jítaiñediaioi. Bie ocózinaillarui iere áillue. Ie jira Pilátomo jicádiaioi coráicano idai ditátallena. Iemona íaioi abi dínomona oni óllena jicádiaioi. ³² Jira fuiríraini jaillano nánoramie idai ditádiaioi. Jíáimie, Jesús diga coráicamie daje izói íena finódiaioi. ³³ Ie mei Jesumo áinozillano jae tíidena ciódiaioi. Ie jira ie ídaina ditáñediaioi. ³⁴ Mei íadí

fuiríraínimona dáamie ducírirado ie ciraigi faitade. Iemona jainoi die diga tóide. ³⁵ Bifue llotímie áfena ciódimie. Uáfueña daide. Afe uáfueño uai nabaide, omoi daje izói íinollena. ³⁶ Aféfuiai daí íficaide Cuegáuai daina ñue fuitállena. Afe uai daide: “Bu ie ícuruna dítañeítiaioi.” ³⁷ Jiáinomo Cuegáuai daide: “Iaioi bofécamieño éroitiaioi.”

Jesús raiáfomo jónetiaioi

(Mt 27.57-61; Mr 15.42-47; Lc 23.50-56)

³⁸ Afe meífodo José, Arimatea jofue ímie, Jesús abi uíllena Pilátomo jicade. Afe José Jesudo jáicadimacimona, mei íadi judíuaina jacíruillano báinino jaide. Iemo Pilato fairíote; íemona José jaillano Jesús abi uite. ³⁹ Daje llezica naui Jesumo naióna úrizabítimie, Nicodemo dúcide. Afémie treinta kilos díeze mérede zíochoa atide. Aféchoa mena zióredena ímuica. ⁴⁰ Daí José Nicodemo diga Jesús abi uillano, ároero íníroido ie abi junide. Aferoi ziórena, mei diga zióredena fáigaza. Daí tíidino judíuai ráifrediaioi. ⁴¹ Jesús coraia áinori ocózinaírabiri ite. Dinomo daa comue raiáfo, come nai ráiñenafo ite. ⁴² Aféfomo Jesuna jóneaidiaillinoi, áinori illa jira. Ua dinomo íena jónetiaillinoi, judíuai ocózinaíllaruí tainéacana jira.

20

Jesús meine abído cáadimiena jaide

(Mt 28.1-10; Mr 16.1-8; Lc 24.1-12)

¹ Semana nanóidíruido Magdalena ingo María jítiramoicana raiáfomo jaide, ua nai jítireoidemo. Dúciillano raiáfo íbaina nofici íñénana ciode. ² Ie jira aizícana jaide Simón Pedro illánomo. Dinomo jíáie llófuegamie Juan ite. Afémie iere Jesús izíruigamie. Iaillinoína daide:

—Jae raiáfomona cai Ocuíraima comini bairódiaioi. Ie íaioi jóoniano onóñedicái.

³ Iemona Pedro jíáie llófuegamie diga jino jaillano raiáfo díne jáidiaillinoi. ⁴ Dájena aizídiaillinoi, íadi jíáimie Pedro báimo iere raírede; jira uícomo raiáfomo dúcide. ⁵ Ie abi ana jíjillano raiáfo eromo eroide. Eróillano juníllaroina ciode, mei íadi jofu jáíñede. ⁶ Iemo Simón Pedro afémie óodana dúcide. Dúciillano raiáfomo jofu jaide. Abi juníllaroi díno jóoinana nane ciode. ⁷ Iadi Jesús ífo íbáinaroi ie juníllaroi dáanomo jóoiñede. Afe ífo íbáinaroi jabínota oni eneno jóonega. ⁸ Iemo jíáie llófuegamie, raiáfomo uícodo dúcidimie, jofu jaide. Afe finócafueña ciode. Cióillanona áfemona íinote. ⁹ Mei Cuegáuai dáinana nai fígo onóñediaioi. Aféuiai daide: “Jesús tíillanomona meine abído cáadimiena jáite.” ¹⁰ Iemona afe llófuega íaillinoi jofomo jaide.

Jesús Magdalena ingo Maríamo cíocaide

(Mr 16.9-11)

¹¹ Mei íadi María jino raiáfo áinomo éecana ráiide. Eeia llezica abi jíjide raiáfo eromo éroillena. ¹² Dinomo mena Juzíñamui abi ímie íaillinoi ángeles daínamací úzeroi jítádena ciode. Ua naui Jesús abi illánori ráiídiaillinoi; dáamie ífo illánori, jíáimie ídai illánori.

¹³ Iemo Juzíñamui abi ímie íaillinoi jicánote:

—Ringo, ¿nibái éedio? —daide.

Jira afengo daide:

—Cue Ocuíraima oni ninomo íaioi uilla jira. Iaioi jóonianona onóñedicueza, —daide.

¹⁴ Afe daina llezica afengo gírecaillano Jesuna ciode; íadi íena onóñede. ¹⁵ Jira Jesús jicánote:

—Ringo, ¿nibái éacadio? ¿Bu jenódio? —daide.

Afengo comeci facade, afémie afébiri úiñoraíma; jira íena daide:

—Íima, afémie oni jíáinomo jae o úiadi cuemo llone, meine cue uájilleza, —daide.

¹⁶ Jira Jesús aféngona daide:

—¡María! —daide.

Afengo ñue gírecaillano hebreo uaido daide:

—¡Raboni! —daide. Afe uai dobáicana daide, Llófueraima.

¹⁷ Iemo Jesús daide:

—Cue abi jetáñeno iri. Cue Moo illánomo nai caifo jáiñedicueza. Mei íadi cue ámatiaimo llujiri: “Cue Moo illánomo, daje izói omoi Moo illánomo caifo jáiticue. Ua cue Juzíñamui, omoi Juzíñamui dine jáiticue.” Daií íaioimo lloiri, —daide.

¹⁸ Ie jira Magdalena ingo María llófuegamacimo llujide. Afengo Ocuíraimana cíoilana llote, nana bie afémie aféngona daináuai diga.

Jesús ie llófuegamacimo cíocaide

(Mt 28.16-20; Mr 16.14-18; Lc 24.36-49)

¹⁹ Aféruido, semana nanódiruido afe naio llófuegamaci gairídiaioi. Naze ibáillano judúuaina jacíruillamona itíaioi. Iemo Jesús jofo eromo cíocaide. Iaiói cígimo náidazaide. Iaiói uáiduano daide:

—Omoimo comeci caimare uái iri, —daide.

²⁰ Daií dainano, ie onoi, ie ciraigi diga íaioimo ácatate. Llófuegamaci íaioi Ocuíraimana cíoilano ióbicaidiaioi. ²¹ Iemo Jesús dáanomo íaioina daide:

—Omoimo comeci caimare uái iri. Moo cue ória izói daje izói ómoína óreiticue, —daide.

²² Afe mei íaioimo jágiilli fúunuano daide:

—Ñuera Joréñona mai omoi ono. ²³ Naga come ie fiénidino omoi fáicanocaiadi fáicanocaité; mei íadi omoi fáicanocaiñeniadi dóñega izói fiébite, —daide.

Tomás meine abido caade Ocuíraimana ciode

²⁴ Iadi Tomás, guarámiena maméidimie, doce dígamiedemona, Jesús cíocallaruido iñede. ²⁵ Ie mei jíáie llófuegamaci íena daide:

—Ocuíraimana ja ciódicai, —daidíaioi.

Mei íadi Tomás íaioina daide:

—Ie ónoimo ite boafe, puntilla meifo, cue cióñenia, cue onocai aféfodo ñuitáñenia, cue onoi ie ciraigi méifodo ñuitáñenia, íinoñeiticue, —daide.

²⁶ Ocho dígamona íllamona llófuegamaci meine gairídiaioi. Afe llezica Tomás afémaciri ite. Iemo jaca naze ibaica íadi, Jesús jofo eromo cíocaide. Iaiói cígimo náidajano uáiduano íaioina daide:

—Omoimo comeci caimare uái iri, —daide.

²⁷ Iemo Tomásna daide:

—Benomo o onocai ñúitaibi. Cue ónoimo éroi. O onoi cue ciráigimo ñúitaibi. Jáanocaiñeno iri. Ínori, —daide.

²⁸ Jira Tomás uai ote:

—¡Cue Ocuíraima! ¡Cue Juzíñamui! —daide.

²⁹ Jira Jesús daide:

—Tomás, ja cuena ciónamona íinotio. Jamánomo ióbidino cuena cióñedino íadi íinotiaioi, —daide.

Bibénico nibái mei cuega

³⁰ Bífuiái baímo Jesús aillo jíáie cíofinina raa ie llófuegamaci uícori finode. Aféfuiai bibénicomo cúeñega. ³¹ Mei íadi ja bie llogáuai cuega, Jesús Crístonana omoi íinollena; daje izói afémie Juzíñamui Jitona omoi íinollena. Ua jae cuega, omoi íinuamona cáailino ómoimo ie mámecido íllena.

21

Jesús siete diga ie llófuegamacimo cíocaide

¹ Afe mei Tiberias jorai fuédamo Jesús ie llófuegamacimo meine cíobicaide. Bie izói cíocaide. ² Ie llófuegamaci dáanomo itíaioi. Dinó ite Simón Pedro, Tomás níimie jíáfodo

mameina Guarámie, Galilea jofue Caná ímie Natanael, Zebedeo jitó íaillinoi, jíai mena llófuegamie diga. ³ Simón Pedro íaioina daide:

—Fácuaidicue, —daide.

Jira daidíaioi:

—Mai nana cai fácuaili, —daidíaioi.

Iemo nocáe eromo caifo jáidiaioi. Afe naio chámuniaina oñédiaioi. ⁴ Jítiramo monáiacademo, Jesús ja jorai fuédamo náidaide. Mei íadi “Jesús” daifñediaioi, llófuegamaci íena íaioi onóñena jira. ⁵ Iemo Jesús daide:

—Omoi, ¿chamuna oñédiomoi? —daide.

Uai otíaioi:

—Jii, oñédicai, —daidíaioi.

⁶ Jira Jesús afémacina daide:

—Nocáe nabézimo llóiji omoi dota, afe llóijimo jíiteza, —daide.

Jira daif finódiaioi. Ie fínuamona llóijina jáinoimona caifo zonónidiaioi, iere aillo chámuniái íllaza. ⁷ Iemo Jesús izíruiuga llófuegamie Pédróna daide:

—¡Baie cai Ocuíraima! —daide.

Simón Pedro, Jesús ite dáinana cacáillano, ie jínofecuiro jítade, nauí duiñooca jira. Jítanona jóraimo tícacaiide Jesumo jaillena. ⁸ Jíai llófuegamaci chámuna oruítaga llóijina oni zocana nocaedo uitíaioi. Afe mei afémaci jorai fuédamo dúcidiaioi, nai are íaioi íñena jira. Afémaci cien metros dinó bai itíaioi. ⁹ Eniemo dúciillano, chamu pan diga iraimo ruícana ciódiaioi. ¹⁰ Jesús íaioina daide:

—Jae omoi oga chámuniaimona atiri, —daide.

¹¹ Simón Pedro nocaemo jaillano, afe llóijina ari guamáemo zote. Ja ciento cincuenta y tres jéerie chámuniaina oruítaga, mei íadi afe llóiji cuáiñede, nií aillo chámuniái illa íadi. ¹² Iemo Jesús íaioina daide:

—Mai omoi güizáibiri, —daide.

Llófuegamacimona buna ¿Búdio? daínide. Afémie Ocuíraimana onódiaioiza. ¹³ Ie mei Jesús ánozillano afe pan llínnota íaioimo fecade. Daje izói chámuna fecade.

¹⁴ Daif Jesús tíillanomona meine abido cáadimiena jáillamona dacaiñoámani ie llófuegamacimo cíocaide.

Jesús Simón Pédro mo úrite

¹⁵ Güilla méifodo, Jesús Pédro mo jicánote:

—Jonás jitó, Simón, ¿baimaci baímo cuena izíruiú? —daide.

Pedro uai ote:

—Jii, Ocuíraima, ona cue gáinana onódio, —daide.

Jesús íena daide:

—Mei jira cue ovéjatiruai o ecari, —daide.

¹⁶ Jesús meine daánomo íemo jicánote:

—Jonás jitó Simón, ¿cuena izíruiú? —daide.

Pedro uai ote:

—Jii, Ocuíraima, ona cue gáinana onódio, —daide.

Jesús daide:

—Mei jira cue ovéjaiai uíñori, —daide.

¹⁷ Ja dacaiñoámani Jesús meine abido íemo jicánote:

—Jonás jitó Simón, ¿cuena gáidio? —daide.

Pedro jae zúucaide, Jesús bie íraicaiño íena gáinana jicánua jira. Jira íena daide:

—Ocuíraima, o nana onódioza. Ona cue gáinana onódio, —daide.

Jesús íena daide:

—Mei jira cue ovéjaiai o ecari. ¹⁸ Uáfueña ona dáitícue, iere o jítócomena llezica, jaca o comeci jítaina izói iníroina jítafiredio. Daje izói nana o jáiacanonomo jáifiredio. Mei

íadi o eímaille llezica o onoi oni zítaitio, jíáimie o inícuiro jítátallena, daje izói jíáimie o uíllena o jáiacañenanomo, —daide.

¹⁹ Afe dáinado Pedro nie izói tíitena Jesús daí onótate. Afe ie tíilledo Juzíñamuimo ñue ebírenafue nítaite. Ie méifodo íena daide:

—Cuedo biri, —daide.

Izíruiga llófuegamie

²⁰ Pedro gírecaillano Jesús iere izíruiga llófuegamie Juaana ciode. Afémie óodana bíllana ciode. Afémie nauí íiraicaiño güilláruido Jesús abímo ráiidimie. Afémie, “Ocuíraima, ¿bu o fecalle?” daidímie. ²¹ Pedro Juaana ciona llezica Jesumo jicánote:

—Ocuíraima, ¿báimie nie izói iite? —daide.

²² Jira Jesús uai ote:

—Afémie cue billíruimo caadi cue óiacaia ¿ómona mei nibai? O cuedo bi, —daide.

²³ Jira Jesús jaináidinori taino daináfueña fidíbicaidiaioi. Afefue daide, “Bie llófuegamie tíñeite.” Mei íadi Jesús afémie tíñeiteza daíñede. Fia dáideza, “Afémie cue billíruimo caadi cue óiacaia ¿ómona mei nibai?”

²⁴ Bímie llófuegamacimona aféfuiai uáfueña llotímie. Aféfuiai cuetímie. Afémie daina uai uáfueña onódicaiza.

²⁵ Jesús jíáie finócafuiái nai aillo ite. Nana aféfuiai dámierie cúeiadi jamánomo aillo rabénicuaina zúite. Ua nibai afe rabénicuai jónellino nániena báíñeite. Jae ñie.

JESÚS ORÉCAMACI FINÓCAFUIAI Los Hechos de los Apóstoles

Ñuera Joreño billifue úicodo llogáuai

¹ Cue izíruiga Teófilomo nane omo cueticue. Cue nánoidibemo nana Jesús bie éniemo illa llezica nanómona ie llogáfuiái ie finócafuiái diga omo cueticue. ² Ua ie monamo jáillarui mo finócafuiái cueticue. Nai monamo ie jáiñena llezica ie orécamacina nizede. Níziano Ñuera Joreñodo íaioina llote nie izói finóllena. ³ Ie tília meífodo, Jesús dáamie cómena íaioimo cíocaide. Cuarenta dígarui uáfori cíocaifirede. Afe ciónanuedo ie cáanano ñue uáfueña daítate. Afe llezica Juzíñamui illáimana illíruido íaioimo úrite. ⁴ Orécamaciri illa llezica, Jesús íaioina rairuide Jerusalémona oni jáiñeillena. Íaioina daide:

—Cue Moo uafue uai llote: “Ie Ñuera Joreño ómoimo fecáacade.” Afe fecállirui omoi úiñori, nauí ómoimo cue llua izói. ⁵ Uáfueña Juan fia jáinoido báutizade. Mei íadi íanori íllamona Ñuera Joreño óitiomoi, —daide.

Jesús caifo monamo jáillafue

⁶ Jesumo gairíllano jicánotiaioi:

—Ocuíraima, ¿ua birui Israel nairai illáimaillena meine caimo itátaitio?

⁷ Jira Jesús uai ote:

—Moo afefue finóllirui ómoimo ónonide. Dama afémiemo ríino afefue finóllena ite.

⁸ Mei íadi Ñuera Joreño ómoimo bíadi, ríino óitiomoi. Iemona cuedo úrizaitiomoi, ua Jerusalemo, nana Judea éniemo Samaria énie diga. Ua jamánomo jica ite itínuiamo llujítiomoi, —daide.

⁹ Daií daina meífodo, nana íaioi éroillamo, afémie caifo ráiñuano monamo uiga. Iemona ero úillie íena ferínote. Iemona jaca íena cíóñediaioi.

¹⁰ Jesús caifo jáidemo monamo eróioidiaioi. Afe llezica mena come úzecuiro jítada íaioi abimo cíocaide. Juzíñamui abi íaillinoi.

¹¹ Daidíaillinoi:

—Galilea ííñiai, ¿ñibái mei monamo eróioidiomoi? Dámie Jesús, afe ómoimona caifo úilliedo jáidimie, afémie ie jáillana omoi ciona izói daje izói meine ana biite, —daide.

Judas meifo méidollena Matías nizédiaioi

¹² Ie mei Olivo ídumona oni jáillano abido Jerusalemo bitíaioi. Jerusalén áinori afe idu ite. Ua ocózinairuido macácana jailla daa kilómetro dieze izói ite. ¹³ Afe jófuemo dúciillano caifófecomo íaioi ífirenenomo jáidiaioi. Bie íaioi mámeçiai: Pedro, Santiago, Juan, Andrés, Felipe, Tomás, Bartolomé, Mateo, Alfeo jító Santiago, Iere Járidotimacimo dúidimie Simón, Santiago ama Judas. ¹⁴ Nana afémaci dáanomo gairífirediaioi Juzíñamuimo úrillena. Aféno mo Jesús ámatiai gairífirediaioi, ie ei María diga naa jíáie ringóniari.

¹⁵ Aféruillaído Pedro afe ámatiai dainámaci cígiri caifo náidaillano úrite. Afe ámatiai ciento veinte dígamiede. Afémacina daide:

¹⁶ —Amatiai, Ñuera Joreño Cuegáuaimo Davido llote: “Judas meifo cai cígiri méidolle jítáirede,” daide. David cuegáuai úicodo llote: “Judas Jesús lláitaitimaci ífoite.” ¹⁷⁻¹⁸ Mei jii, afe Judas dani cáimona. Bie cai táijina afémie dibénemo ite. Mei íadi afe meífodo cimoi cúnano ágüicaillano caifona ífo dinena éniemo baiíde. Baiíllamona ie jebe bójicaide. Afemona nana ie eromo itínuiái jino cocide. Afe mei ie fiénidífue iba úcubedo ja ie raillíbiri íbádiaioi. ¹⁹ Jerusalén itímaci áfena íaioi fídiano, afébirina “Acéldama” jítádiaioi. Afe mámeçi íaioi uaido dibénedo “Die illábiri” dáiiacade.

²⁰ Mei jírari Salmos ibénicomo daií daide:

Daií o jofo zóofefiteza

Buna afécomo íñeilleza.

Jiáífuedo daide:

Afémie táijina jiáima ólleza,

—daide.

²¹ Cai Ocuíraima Jesús nana cai dígá illáruillaído cairi macádino birui cai cígimo itíaiói.

²² Jesús báutizaruimona, ie monamo jáillaruimo cairi jáicadiaíói. Mei jira afémacimona dáamie cai dájellena jitáirede, Jesús meine abído cáaillafuemo uai nabáillena.

²³ Jira daínamacimona mena come oni naidánetaíói. Dáamie daámani mámecirede: José Barsabás Justo. Jiáímie Matías. ²⁴ Ie mei Juzíñamuimo úritiaíói; daidíaíói:

—Cai Ocuíraima Juzíñamui, nana comini comeci onódimiedioza. Bíaiillinoimona o nizécámie caimo onótari orécámie táijina finóllena. ²⁵ Afe táijinamona Judas ie fiénidífue ícoínia oni baiíde. Baiíllano dama ie zefuínailinomo jaide.

²⁶ Iemo onótaraji dotádiaíói. Jae Matíasmo nójide. Afe llezícamona afémie once orécámiaímo dájena jaináicaide.

2

Ñuera Joreño billafue

¹ Pentecostés irui ráfuemo jae dúcide. (Afefue güille jofo óinarui rafue.) Afe rafue dúcidemo jae nana dáanomo gairídiaíói. ² Ie mei rairéfeicana minica izói ficire monámona cácaide. Jairifo riire jáiñua izói cácaide. Nana íaiói ráinaco eromo cácaizaíbite. ³ Iemona ífíai izói iráiciaí íaióimo cíocaide. Nana illa dígámierie íaióimo nójizaíbitiaíói. ⁴ Afe llezica nana Ñuera Joreño úicaigaiíói. Iemona jiáie náiraíai uáillaído como úritiaíói; mei afe Ñuera Joreño íaiói úritade.

⁵ Aféruillaído Jerusalemo aillo judíuai náganuaíimona bitíaíói. Ua íaiói Juzíñamuimo jitáirede finóllifuaíai fínuaíbitiaíói. ⁶ Afe riire ficírenana cacáillano comini dáanomo ofídiaíói. Niie izói comeci fácana onóñediaíói nágazie dani íaiói uáillaído íaiói cacana jira. ⁷ Abi fáigacaidiaíói; daidíaíói:

—¿Nana bie úriraini Galiléamona bitímaci; uáfueñede? ⁸ Nágámierie dani cai uaido íaiói úrillana ¿niie izói cacáfiredicai? ⁹ Benomo nágaziai ite: Partía imaci, Media imaci, Elam imaci, Mesopotamia imaci, Judea imaci, Capadocia imaci, Ponto imaci, Asia énie imaci, ¹⁰ Frigia imaci, Pamfilia imaci, Egipto imaci, Africa illánie Cirene batífenemona bitímaci dígá. Afe dáanomo áinori ite romano imaci gairídiaíói. Bie románomana dáarie judóna jococa. Jiái romano imaci judíuai Juzíñamuimo ínuaífue jeire otíaíói. ¹¹ Afe llezica Creta imaci bitíaíói Arabia imaci dígá. “Mei íadi Juzíñamui caimare llogáfuaíai ñue finócafuaíai dígá, nágámierie dani cai uáillaído cacádicaí,” daidíaíói.

¹² Nana fáigacaidiaíói. Iaiói comeci fácana onóñediaíói; jira jicánotiaíói:

—Nana bie caimo comuídífue, ¿niie izói caina daiíacade? —daidíaíói.

¹³ Mei íadi jiáimaci íaiói uai áifeduardo daidíaíói:

—Bimaci jifáidiaíói, —daidíaíói.

Comínina Pedro daínafue

¹⁴ Ie mei Pedro once dígá orécamaciri náidaillano comínimo riire úrite; daide:

—Judea comini naa Jerusalemo itínuaíari cácarei. Bie ráfuena omoi onoiri. Dáitícueza ñue omoi cacáreiri. ¹⁵ Bie íñiaíai jifáíñedimaci omoi comeci faca ízoi. Jitoma nai furi dáidemo. Jítiramo dibénemo comini jaca jifáífinidiaíói. ¹⁶ Bifue jiáífodo ite. Afe bifue uai lloiraíma Joel jaíai úcodo llogáuai. Afémie daide:

¹⁷ Juzíñamui ómoína daide:

“Íirairuillaído cue Joreño nana náiraíaina, jainoi tua izói fáicanocaiñeno íaióina úi-caitáicue.

Omoi jitótiaíai jízatiai dígá cuedo úritiaíói.

Jitócomini nicaído ciónafuiai izói cíotiaioi.

Einamaci ñuera nicaído nicáiritiaioi.

¹⁸ Aféruillaído cue Joreño cue táijitagamiaina naa cue táijitaga ringóniari ñue úicaitaíticue.

Iemona cuedo úritiaioi.

¹⁹ Caifo monamo jacinaitadinona cíotaiticue;

Aféruimo ana éniemo onótajafuena fínoiticue.

Afe onótajafue díena cíotaite; iraina cíotaite, jamánomo irai úilliena cíotaite.

²⁰ Afe monado jitoma jítireficaite, fiui die izói jáite.

Daíi iite cai Ocuíraima Jesucristo billíruimo nai dúciñenia.

Afémie billirui iere ebíreitirui.

²¹ Nana Juzíñamui mo íaioi canóllena íemo jicádino jlllobicaitiaioi.”

Aquíe izói Juzíñamui Joeldo daide.

Iemo Pedro nai úrillano daide:

²² ‘Mei jii, Israel nairai cue daiíllifuemo cácarei. Nazaret ímie Jesús omoi uícori Juzíñamui ñue facácamie. Uafue aillo fáigatate ráaniaído ñue facátaga. Daíi Juzíñamui omoi cígiri afémiedo finode. Aféfuiaina ñue fidídiomoiza. ²³ Mei íadi afémie omoi fecálliruimo maiáno uitá fatíomoi, Juzíñamui jaiiai uícodo coméciitifuiai onótafuiai diga daina izói. Uafue fiénidimacido íena coráitatiomoi. ²⁴ Mei íadi Juzíñamui afe tíilla cuinaca raa zuita izói, zúitano íena meine cáatate. Mei tíillafue jaca íena anáfenonide.

²⁵ Mei illaíma David Jesudo úrillano daide:

Ocuíraimana cue uíecori cíófiredicue.

Afémie cue nabézimo izói ite, minícana cue jácicaiticue.

²⁶ Ie jira cue comeci cáimafuena iere ite, afe llezica cue fuemo ite cáimafuiaído úriticue.

Afe jira daje izói cue íeizi ñue ocózinaitaiticue, mei tíillamona meine cue abina cáataitio.

²⁷ Mei jii cue joréñona tíidinomo fiénocaiñeitio.

Afe izói o izíruiga táijitagamie abi rifáillana ráiruitio.

²⁸ Cáatatinomo jóoide io cue llófuetio.

Cue diga o íllado, cáimafuena cue oruítaítio, —daíi daide David.

²⁹ ‘Amatiai, cácarei. Cai jáiairagíma David tíide raiga uáfodo onórede. Afe raiafo nai cai diga íteza. ³⁰ Mei afe David uai llóraíma. Jaiiai Juzíñamui uícodo uafue llóllena ríifuedo íena daide:

—O emódoidiziemona dáamie Cristoite. Afémie o illáimana illánomo ráinaite, —daide.

³¹ Jira daíi David, uícomo ciona izói Cristo meine abido cáaillafuedo úrite. Afe izói daide:

—Cristo joreño tíidinomo fiébiñeite. Ie íeizi rifáillana rairuícaza, —daide. ³² Mei jii Juzíñamui afe Jesuna meine abido cáatate. Aféfuemo nana cai uai nabáiraimacidicai.

³³ Daíi Juzíñamui nabézimo Jesús naidánega; naidánia meífodo Móomona uícodo lloga Ñuera Joreño fecállifue llíinote. Llínuana nana bie omoi ciona, omoi cacana raa finode. Nana aféfuiai afémiemona bite. ³⁴⁻³⁵ Mei David monamo jáiñedimie, mei íadi dama David daíi daina:

“Caifoide Ocuíraima cue Ocuíraimana daide:

—Cue nabézimo rainai, o éoidino cue anáfenollíruimo, —daide.”

³⁶ ‘Nana Israel nairai, mai comeci jizíñeno omoi onoiri: bie omoi coraica Jesús Juzíñamui Ocuíraimana itátate: Crístona itátate, —aci dínó Pedro daide.

³⁷ Aféfuena cacáillano, iere comeci llícitagaiaioi. Afemona Pédro mo jicánotiaioi jáíie orécamací diga:

—Amatiai, ¿niie izói ñéiticaí?

—daidíaioi.

³⁸ Ie jira Pedro uai ote:

—Omoi illafue Juzíñamui uíecomo meídori. Omoi nágamierie Jesucristo mámecido báutizatari. Omoi íaífuiai oni dófilleza. Daíi Juzíñamui ie Ñuera Joreño ómoína úicaiteza.

³⁹ Afe bie uícodo llogáuai ómoie. Daje izói o jitótiai ie. Daje izói nana jícarié itino ie; ua aféuai nana cai Ocuíraima Juzíñamui uáidogamací íena, —daide.

⁴⁰ Aféuailaído dáanomo jíáie uáillaído Pedro íaioi lluanó daide:
—Bie duere finóbitimacimona omoi jíllóiri, —daide.

⁴¹ Mei daí afémie úrilla uaina jeire otino díga báutizagaiaioi. Aféruído Jesumo ínotimacimo tres mil dígamiai dáaziena jáinacaidiaioi. ⁴² Nana bimaci orécamaci llófuiafue mo jáicína jáidiaioi. Afe daí conímamo ñue coméciidiaioi. Afe llezica Juzíñamuimo úrifirediaioi, ie mei gairíllano Jesús jae íraicaiño güilla izói finódiaioi.

Nano fueñe ínotino illafue

⁴³ Aféruillaído nana jácicaidiaioi; mei aillo cíoraininafuiái naa onótate raa díga orécamaci finódiaioiza. ⁴⁴ Jae nana ínotino ñue dájena itíaioi, íemona íaioi ráaniai conímamo jeruíñeno ífirediaioi. ⁴⁵ Mei jíi íaioi illábiri jíáie ráifide raa díga fecádiaioi. Fécanona afe úcube nágamiai imaci jitailla izói jofo conímamo fecáfirediaioi. ⁴⁶ Nágaruillaído gairíracomo gairídiaioi. Iaioi jófue mo pan fécano dáanomo cáimafuedo, comeci mánaínafuedo güitíaioi. ⁴⁷ Juzíñamui íóbitaoidiaioi. Afe llezica nana comini afémacimo ñue coméciidiaioi. Afe daí cai Ocuíraima nágaruído afe ínotimacimo jíáie jíllóizaibitimaci dáamacína itátate.

3

Aidaima jíllotate

¹ Jáíruido jítoma ana ítemo Pedro Juan díga gairíracomo jáidiaillinoi. Afe Juzíñamuimo comécido úrioina llezica. ² Nágaruillaído jocóinamona aidaima dínomo ífiredé. Ie comini gairíracomo íena úifirediaioi. Uillano afémiena nazemo ie ráinaifirediaioi, jofo jáioidínomona dúecaillano fecaca úcube jícallena. Afe naze mámece Ebíredize. ³ Aidaima Pedro Juan díga gairíracomo jofo jáillana cíoillano dúecaillano fecaca úcube íaillinoimona jícade. ⁴ Mei jíra Pedro Juan díga íemo érocadiaillinoi. Pedro íena daide:
—¡Caimo érocái!

⁵ Iemona afémie náicaide. Comeci anado daide: “Ñibái minícana cue iite.” ⁶ Iemo Pedro íena daide:
—Cue úcubenedicue; óronidicue; mei íadi cuemo ítena o ííticue. Nazaret ímie Jesucristo mámeceido náidacái. Maca, —daide.

⁷ Iemo Pedro onoi nabézido íena naidánete. Afe daí fínua llezica ie idai mairíbicaide, ie idácoiñuai díga. ⁸ Iemona aidaima caifo tícacai. Caifo náidaillano macade. Afémie íaillinoído ja jofo gairíracomo jaide. Tícatíacana jaide. Juzíñamuimo íóbitaoidé. ⁹ Nana comini ie mácana cíodiaioi. ¹⁰ Aferi iere jácínaificaidiaioi naa abi fáigacaillafue díga, afémie daí náidacaillari. Afémiena onódiaioiza. Afémie Ebíredize mámeceiredizemo ráiifiredimie, gairíracomo úcube jícafiredimie.

Pedro comínimo Salomón jinófenemo macáranomo llófue

¹¹ Jíllotaga aidaima Pedro Juan díga íaillinoído níjinijicaide. Aféfuerei fáigacaillano nana comini gairíraco díbénemo jáidiaioi. Salomón jinófenemo macáranomo Pedro, Juan, aidaima díga illánomo afe comini aizícana jáidiaioi. ¹² Pedro áfena cíoillano comínina daide:

—Israel nairai, cácarei. ¿Omoi minícari fáigacaidiomoi? ¿Ñibái mei cócomo eróizaibitiomoi? Bie íima dama coco ríinodo jíllotano macátaticoco, ñibái daí comécido daidíomoi. Daje izói coco Juzíñamuimo ñue comécinafuedo afefue finódicoco, daí ñibái cócona comécido daidíomoi. Iadi aféfuiaído finóñedicoco. ¹³ Mei íadi jíáifodo joide. Cai jáiairagima Abraham, Isaac, Jacob díga, íaioi Moo Juzíñamui ie Jitó Jesumo baímo ñúefuena nitade. Afe Jesús ríimacimo omoi fecácamie. Pilato ie zuitáacana llezica áfena ráiruitiomoi. ¹⁴ Aféruído jáicína nífuenidimie zuitátajana jícañediomoi, mei

íadi jíáfodo jícadíomoi. Come fatímie zuitátatiomoi. ¹⁵ Afe daí cáatativo fecádimie titádiomoi. Mei íadi Juzíñamui afémiena tíillanomona meine abido cáatate. Aféfuemo uai nabáiraimadicoco. ¹⁶ Bie dáamie Jesús mámecido, ie mámecimo ínuafuedo omoi ciona, omoi onoiga aidaima jae mairíbicaide. Afe Jesumo ínuafue íena ñue jáicina jíllotata, omoi uiécomo cíocaidímie illa izói.

¹⁷ ‘Amatiai, onódicueza, mei omoi naa omoi illáiniri Jesuna fáiacana llezica omoi finócafueña onóñeno íena fatíomoi. Uáfueña omoi finócafueña onóñenano finódiomoi. ¹⁸ Mei íadi Juzíñamui ie uai lloráimado uícodo daina uai bie izói fuitade. Aféuai daide: “Ie Cristo duere zefuúllifue jítaírede.” ¹⁹ Mei ie jira omoi mácafuiai méidori. Omoi illafue Juzíñamuimo ñue jáicina jóoneri. Omoi íaífuiai oni muiñólleza. Iemona cai Ocuíraima Jesús caina cánuafuiai mánainaruillai izói caimo orérede. ²⁰ Aféuimo nano uécodo ómoiena mamécámie Jesucristo Juzíñamui óreite. ²¹ Mei íadi birui Jesucristo monamo fiébirede, Juzíñamui naga rafue jáicina nai jóoneñeilleza. Afe daí jáiáidiruillaimo ite ñuera uai lloráini daidíai. ²² Mei daí Moisés cai jáiáiragimana daide: “Cai Ocuíraima Juzíñamui omoi ámatiaimona nahí uai lloráimana ómoimo óreite, Juzíñamui cue ória izói. Afémie ómoína nana daínáfuiai jeire omoi óiri. ²³ Mei afe uai lloráima daínana jeire onédino Israel náiraimona oni táinocaite. Uáfueña íficaite.” Daí daide Moisés.

²⁴ ‘Mei daí nana uai lloráini, Samuélmona batine ite lloráini diga bie íirairuillaído úrite. ²⁵ Juzíñamui ie uai lloráinido uícodo daínáuailai ja birui ómoiri jino llotátaga. Juzíñamui cai jáiáiragimacimo íbana ñuera raa finóllifue llote ñue omoi íllena. Afefue Abrahamo llote. Daide, “Nana énie nairai o emódomo comúidinodo ñue caimare ífícaítiaí,” daide. ²⁶ Mei Juzíñamui ie Jitó caata meífodo nano fueñe ie Jitó ómoimo orede caimare omoi íllena, ómoimona nágamiiai ie íaífue fáicanocaillena, —daide.

4

Pedro Juan diga ríiredino uiécomo uiga

¹ Pedro Juan diga nai comínimo úroidemo, lletáriraini gairíraco úínotino illaima diga bitíaí. Daje llezica saduceo comini bitíaí. ² Pedro Juan diga comini llófuetiaillinoi. Iaioina daide: “Comini tíillanomona cáatafue Jesudo ácataga.” Daí llófuiari como bitímaci ríicaidiaí. ³ Iemona íaillinoína llaitádiaí. Llátano íaillinoína llavéracomo jítiramoidíruimo íbáidiaí, ja nauízaila jira. ⁴ Mei íadi aillo afe úrillauai cacáidino ínotiaí. Afena ínotimaci dani ííñiai facádua cinco mil áinomo dúcide.

⁵ Afe jíáruimo Jerusalemo judíuai illaini, éinamaci, naa ocuífue llófuerainiri gairídiaí. ⁶ Afe llezica afénomo lletáriraini illaima Anás ite. Afe dáanomo ite Caifás, Juan, Alejandro naa lletáriraini illaini comíniri. ⁷ Iemo Pedro Juan diga atítatiaí. Atiano íaíoi cígimo naidáneta jícanotiaí:

—¿Nie ríinodo bífuiai finódiomicoi? ¿Bu mámecido bífuiai finódiomicoi?

⁸ Mei jira Pedro, Ñuera Joreño úicaigamienaza daide:

—Nairai illaini, Israel éicomini, omoi cácarei. ⁹ Mei afe baie iráredimie como finoca ñúefueña jícanotiomoi. Mei ñie izói afémie jíllotaga daí daidíomoi. ¹⁰ Mei jira omoi uiécomo jino uáfodo llóiticoco, nana Israel nairai fidíillena. Afémie omoi uécóri Nazaret ímie Jesucristo mámecido, omoi coráicámie mámecido íocire ite. Afe coráicámie (Jesucristo) tíillanomona Juzíñamui meine abido cáatate. ¹¹ Bie Jesús omoi jofo níraini oni dotaca jofocai izóidímie. Mei íadi afecai uálliraina jáizaide. ¹² Nie jíáimie jíllonafue íñede. Jesucristo jíaie daítade jíllotaraimana caimo íñede, afémiedo cai jíllloillena. Ua nana éniemo daítade jíllotaraimana íñede, —jaca dínnori Pedro daide.

¹³ Iemona ríimaci Pedro Juan diga méaicaiñeno úrillafue cacáillano, íaillinoi llófueñegaiaillinoi íllana fídía llezica, iere fáigacaidiaí, jamáimieillinoi illa jira. Iemona ríimaci bíaillinoi Jesudo macáidino daí íaillinoimo úbicaidiaí. ¹⁴ Afe emódomo jíllotaga aidaima dínnori íaillinoi abiri naidaide. Ie jira aféfuena jáanoicana daíñide. ¹⁵ Mei

jira gairídinomona íaillinoína oni oré diaioi, dani jofu conímamo íaioi úriacana jira.
¹⁶ Daidí aioi:

—¿Bie iima íaillinoína nie izói ñéiticaí? Mei jii, nana Jerusalemo bitino bie ciórainina onótate raa íaillinoi fínuafuena onódiaioi; mei aféfuena jáanonidicaí. ¹⁷ Mei íadi mai íaillinoi cai jácidolle, afefue comínido jamánomo jalléiñellena. Afedo íaillinoína ráiruiticaí, Jesús mámecido ja benómona batine úriñeillena, —daidí aioi.

¹⁸ Mei jira íaillinoína jírítiaioi. Iaillinoi dúcidemo ocuídiaioi:

—Jesús mámecido jii mai due jiza úriñeno iri. Afe daií llófueñeno iri, —daidí aioi. ¹⁹ Mei íadi Pedro Juan diga uai ote:

—Juzíñamui uíecomo níifue baimo ñuena comeci omoi faca: omoína ñue cai cacárellena, nibái jáífo Juzíñamuina ñue cai cacárellena. ²⁰ Mei jii cai cónafue cai cacánafue diga aféfuemo úrillana fáicanidicaí, —daide.

²¹ Mei jira ríimaci íaillinoína jácidotiaioi. Ie mei íaillinoína zuitá diaioi. Iaillinoi duere finóllifue baiñé diaioi; nana comini afe fínua jira Juzíñamuimo íobioidiaioiza. ²² Afe cióraininafuedo jíllotaga aidaima, afémiemo cuarenta fimona baimo ite.

ñnotino méaicaiñenafue comeci ríino diga jicá diaioi

²³ Pedro Juan diga íaillinoi zuitaina mei íaillinoi nabáiñiaí illánomo jáidiaillinoi. Dinomo afémacimo nana lletáriraini illaini éinamaci diga íaillinoína dáinana llotíaillinoi.

²⁴ Aféfuena cacáillano nana dáanomo Juzíñamuimo úritiaioi. Daidí aioi:

—Cai Ocuíraima, O Juzíñamuina; mona, énie, monailai naga ráaniairi finódimiedio.

²⁵ O Ñuera Joréñodo, o táijitagamie Davido daidio:

¿Nibái mei náiraiaí caillíoidiaioi?

¿Nibái mei comini táinofuiaimo comeci facá diaioi?

²⁶ Enie illaini Juzíñamuina ie Cristo diga anáfenuaíbitiaioi.

Daje izói jofue illaini Juzíñamuimo ofí diaioi ie Cristo diga afedo afémiemo fuiríllena, —daide.

²⁷ ‘Uafue bie jófuemo Herodes, Ponico Pilato diga o nífuenide Jitomo fieni gairí diaioi. Afénomo jicánemaci Israel comíniri fieni gairíllafuedo nana o uícomo uaido finócafuaímo dáinana finódiaioi. Afe daií íficaillena jítáiretadio. ²⁹ Cai Ocuíraima Juzíñamui, mai birui cai íaioi jáciduamo eroi. Jae o táijitagamacidicaí. Afemona ñue méaicaiñenafue caimo fecari, o úrillauai jino jácicaíñeno cai llóllena. ³⁰ Afe llezica omo ite ríinodo comini íaioi dúicomona ñue jíllotari. Afe izói o nífuenide Jitó mámecido ciórainina onótate raa finori, —dínori daidí aioi.

³¹ Juzíñamuimo íaioi úrilla fúillamona afe íaioi gairíllano docáiricaide. Afe llezica nana Ñuera Joreño úicaigaiaioi. Iemona Juzíñamui úrillauai méaicaiñeno jino llotíaioi.

ñnotimaci íaioi ráaniaina jeruñeno “Nana caie” daidí aioi

³² Afe aillo íraica íñnotimaci dáaziena nana ñue jaináidiaioi. Ua daje izói dájemo comeci facáoidiaioi; daje comeci jitailla uai íaioimo ite. Buna afémie ráaniaina “Dama cueie” daiñede, mei íadi nana comini íaioi ráaniaina “Nana caie” daidí aioi. ³³ Orécamací Ocuíraima Jesús cáanafuemo aillo ríinodo uai nabáioidiaioi. Juzíñamui nana comínina iere caimátaitade. ³⁴ Íaioi cígiri jítáiredena ráanidímie íñede. Nana íbácana énieredino jofóredino diga áfeniaí fécano afe oga úcube atí diaioi. ³⁵ Atiano orécamacimo izájidiaioi. Iemona orécamací nágamieriemo íaioi jítaina dieze fecá diaioi. ³⁶ Afe izói íaioi cígiri Leví izíe ímie finode. Afémie mámecí José. Monáillai zafedu Chípreamo jocócamie. Orécamací íena jáíe mámecina jítá diaioi. Afe mámecí Bernabé daina Fíradímie. ³⁷ Afémie ie illánie fecade, fécano afe íba úcube orécamacimo izáíbite.

5

Ananías Safira diga finoca íaifue

¹ Mei jiáimie Ananías, ie ai Safira diga, daa illánie fecádiaillinoi. ² Bímie nano baa nieze úcubena jeruide. Jiáie dájeze úcubena nana ñue ite ízoi orécamacimo izájide. Aféfuena ie ai nana ñue onode. ³ Jira Pedro íena daide:

—Ananías, ¿ñibái mei Taife o comécina féitate, Ñuera Joréñomo taino o llóllena? ¿Ñibái mei o illánie nano nieze feca iba úcubena abimo maiñódio, daií jífueroí? ⁴ ¿Nano fueñe afe énie óieñede? Jií, óie. ¿Afe o fécaja mei afe úcube óieñede? Jií, óie. ¿Ñibái mei daií afe finóllena comeci facádio? Comínimo taino lloñédio, mei íadi Juzíñamuimo taino llotio, —daide.

⁵ Ie jira áfena cacáillano, Ananías éniemo baiíllano tíbicaide. Nana afefue fídiaibitino iere jacínaitiaioi. ⁶ Mei jira nano ba ñiga jitócomini bite. Ie abi jabínota ie raiájidiaioi.

⁷ Afe mei tres horas íllamona Ananías ai jofu bite. Nai ie ini tíllana fidíñede. ⁸ Jira Pedro jicánote:

—Cuemo llone, ¿afe ómicoi daina dieze afe énie fecádiomico?

Jira afengo daide:

—Jií, áfeze.

⁹ Jira Pedro daide:

—¿Ñibái mei dáafueritiomico, Juzíñamui Ñuera Joreño o ico facátallena? Jino batí o ini raiájidino bitíaioi. Jabe daje izói ona úitiaioi.

¹⁰ Afe llezica afengo Pedro anamo baiíllano tíbicaide. Jitócomini jofu billano afengo tíllana cíozabitiaioi. Mei jira jino uillano ie ini abimo íena raiájidiaioi. ¹¹ Nana Juzíñamuimo ínotino nana aféfuina fidídimaciri iere jacínaitiaioi.

Aillo cíorainina raaniai onótate raa diga

¹² Aféruillaido comini cígiri orécamaci aillo onótate raa, cíorainina ráaniai diga finódiaioi. Nana Salomón jinófenemo macáranomo gairídiaioi. ¹³ Buna jiáimacimona íaioi diga daane gairíllana jacíruitiaioi; mei íadi comini íaioimo ñue izire comécidiaioi.

¹⁴ Aillo comini íñiaí ringóniaí dájeze Ocuíraima Jesucrístomo íñuaibitiaioi. ¹⁵ Uafue jamánomo ínotiaioi. Mei jira iráredino jofu abi íuemo, naa íaioi bíralluairi jino biródiaioi. Afénono Pedro áfedo jaille llezica afémacimona nano dámierie, Pedro jana anamo itábicaítiaioi. Afedo jíllozítiaioi. ¹⁶ Afe llezica aillo áinomo ite jofue comini Jerusalemo bitíaioi. Íaioi iráredinuiaí atídiaioi fiénide jóriaído áifedogamací diga. Nana jíllotagaiaioi.

Ríimaci illaini Pedro Juan diga duere finóllena llaitátatiaioi

¹⁷ Iemona lletáriraini illaíma, afémieoíri ite saduceo imaci iere úradoizaidiaioi. ¹⁸ Ie jira orécamacina llaitada afe jófuemo ite llavéracomo íbáizaidiaioi. ¹⁹ Mei íadi Juzíñamui abi ímie naio llavéraco naze tuizáibite. Jino íaioi uánona daide:

²⁰ —Gairíracomo omoi jai. Dínomo naidáillano comínimo nana bie comeci cáataite uáillaido úrizairi, —daide.

²¹ Aféfuena cacáillano, afe jiáírui monáidacademo jofu gairíracomo jáidiaioi. Jáillano llófuaide.

Afe llezica lletáriraini illaíma afémiemo itínori, Nahíllaini gairíranomo gairídiaioi. Afe Nahíllaini Israel nairai éicomini. Gairíllano llaveca orécamaci atítatiaioi. ²² Mei íadi llavérraini llavéracomo dúciillano orécamacina baiñédiaioi. Daa fia afefue abido lluaíbitiaioi. Daidíaioi:

²³ —Llavéraco ñue riire ibaide naa naze jinófene úínotinori eróiediaioi baizájidicaí. Mei íadi cai zuitádicaimo afeco eromo buna íñena, —daidíaioi.

²⁴ Aféfuena cacáillano lletáriraini illaíma, gairíracomo úíñoraini illaíma, íemo nanoide lletárirainiri ífo júdaizite; jicánotiaioi:

—¿Bífuiai ninomo jica jálleite?

²⁵ Afe llezica daa iima daiízaibite; íaioina daide:

—Llavéracomo omoi íbaicogamiiai jae gairíracomo comini llófuetiaioi, —daide.

²⁶ Iemona úiñoraini illaíma naa llavérirainiri íaillinoi uájidiaioi. Mei íadi duere finóñeno íaillinoína atídiaioi, “Comínina nófiena cai níjiite” dainano jacíruitiaioi.

²⁷ Iaillinoi átianona, Nahíllaini uícomo íaillinoína naidánetaioi. Iemo lletáriraini illaíma íaillinona daide:

²⁸ —Afe mámecido ómicoi llófueñellena jamánomo riire rairuídicaí. ¿Ja minica finódiomicoi? Nana Jerusalén comínimo ómicoi llófuiafuiai jica jalleide. Afe llezica afe iima tíilla ícoínia caímo nitáacadiomicoi, —daide.

²⁹ Mei jira Pedro jíáie orécamaci diga uai ote:

—Juzíñamui uai jeire cai olle comini llogáuai baímo ñuera. ³⁰ Cai jáiairagíma Juzíñamui Jesuna tíillamona cáatate. Bie Jesús coráirabicímo agüínete omoi fagámie. ³¹ Juzíñamui caífo monamo uano nabézimo íena rainade. Afe llezica afénomo Illáimana jóonete. Dáanomo Jíllotaraímana jóonete. Daí Juzíñamui Israel náiraímo íaioi illafue méidollirui jóonete, íaioi íaífuiai dóllena. ³² Aféfuemo uai nabáiraimadicaí. Daje izói Ñuera Joreño aféfuemo uai nabaide. Nana ñue cacáredímacímo afe Ñuera Joreño Juzíñamui iga, —daide.

³³ Aféfuena cacana llezica, ríicaídiaioi. Iaillinoína fáiacadiaioi. ³⁴ Mei íadi ríimaci cígiri fariseo ímie ite. Afémie mámecei Gamaliel. Afémie ocuícáfue llófueraíma. Nana comini íemo ñue comécídiaioi. Afémie náidaillano ocuide:

—Nano dáallegoi bimaci oni jíáinomo ui, —daide. ³⁵ Afe ifodo ríimacina daide:

—Israel comini, cacai. Baimácímo omoi finóllífue abí omoi rairuiri. ³⁶ Jíáífuemo omoi úbicairi. Naui nígarui íllamona Teudas dúcizaibite. Dúciillano daide: “Jamánomoidímiedícue. Illáimaitícue,” daide. Iemona cuatrocientos dígamie afémiedo jáidiaioi. Mei íadi íena fatíaioi. Nana afémiedo jáidíno ráidozinaídiaioi. Iemona afefue niné táinocaide. ³⁷ Afe mei comini mámecei cuiájillaruímo, Galilea ímie Judas dúcizaibite. Aillo comini íedo jáidiaioi. Daje izói íena fatíaioi. Afe izói nana íedo jáidíno ráidozinaídiaioi. ³⁸ Ie jira bimácina omoi fáicanocai; afémacina áifedoñeno. Mei bifue ííñiai íeza, fuizájite. ³⁹ Mei íadi Juzíñamui ífue, táinocaitanidímo. Abi omoi rairuiri, Juzíñamui diga omoi fuirízaiñelleza, —daide.

⁴⁰ Nana jae jíeruíficaídiaioi. Mei jira orécamaci jíiritiaioi. Iaioi dúcinamona íaioína zechénotaioi. Afe meífodo Jesús mámecido úrillana íaioína rairuídíaioi. Afe mei íaioína fáicanocaidiaioi. ⁴¹ Orécamaci ríimaci uícomona jino jáidiaioi. Ióbioicaídiaioi, mei Juzíñamui íaioímo ñue comeci facáoillaza. Jesudo jaináinamona méaífuedo duere zefuídíaioi. ⁴² Ie mei nágaruído Jesudo úritiaioi. Afe izói llófueoidiaioi. Gairíracomo, comini jófuedo daje izói llófuiaidiaioi.

6

Juzíñamui uai llotíno canórainina siete dígamie mámecega

¹ Aféruillaído ínotino aillo jebuíoídiaioi. Griego imaci judío imácina zúucaíllafuedo jítaídiaioi:

—Nágarui güille fécanomo cai fecínguái figo íñégaíai, —daídaíai.

² Mei íemo doce diga orécamaci nana ínotinori dáanomo iráidiaioi. Iaioína daide:

—Juzíñamui úrilla uai jino llófueredicaí. Afena cai fáicanocaillena dani omoi güille cai fecállena figóñede. ³ Mei jira, ámatiai, omoi cígímona siete dígamie nize. Nana comínimona ñue comécídimie izóidena jítaide. Ñue onódimiena jítaide. Ñuera Joreño úicaigamiena daje izói jítaide. Ie mei daítadímíiai güille fecárainina mai jóoneri. ⁴ Mei cai dani Juzíñamuímo comeci facáoíticaí. Afe llezica Juzíñamui úrilla uaido llófueíticaí.

⁵ Nana aféfuemo ñue coméciidiaioi. Iemona Ñuera Joreño úicaigamie Esteban nizéidiaioi. Afémie Juzíñamui uaina iere íinofiredimie. Daje llezica jiáimiai nizéidiaioi: Felipe, Prócoro, Nicanor, Timón, Parmenas, Antioquía ímie Nicolás, nauti nano afémie judíuai íaioi íinoga uaimo dáafueriacadimie. ⁶ Ie mei orécamaci illánomo afémacina atíidiaioi. Atia mei orécamaci íaioimo onoi bíitano Juzíñamuimo úritiaioi. Afedo güille fecárainina mamécaiaioi.

⁷ Iemo Ocuíraima Jesucristo úrilla uai comínido oni móonaioicaide. Jerusalem o aillo jebuídiaioi. Afe llezica aillo judíuai lletáraini aféfuemo íinotiaioi.

Esteban llaitádiaioi

⁸ Esteban Juzíñamui izói ríinoredimie Juzíñamui ézicigamie. Ie jira comini cígimo aillo cíorainina raa onótate raa díga finode. ⁹ Ie jira Rairuíñegamaci llófueriraco ímíaimona dáarie Estébamo como fueñe ie finócafue júfiduaidiaioi. Afe llezica Cirénemona dáamierie, daje izói Alejandríamona, daje izói Asia éniemo ite Cilíciamona: nana afémaci Estébamo afefue júfiduaidiaioi. ¹⁰ Mei íadi íena anáfenonidiaioi. Ñuera Joreño íemo iga úrillana fibíllafuedo úriteza. ¹¹ Ie jira taino lloraini íbajidiaioi. Afémacina llotíaioi:

—Mai omoi daiíri: “Esteban Moisená Juzíñamui díga fiénidiuaina dáinana cacádicaí,” —daií daiítatiaioi. ¹² Aféfuedo comínina éinamací díga fáillifailliñeitadiaioi, daje izói ocuífue llófueraini. Iemona cirínvano íena llaitádiaioi. Lláitano Caifóidillaini uíecomo íena uitíaioi. ¹³ Afe izói taino uailai nabáraini jenódiaioi. Afémaci daide:

—Bímie cai ñue rairuírede gairíracomo báínvano fáicanocaitañede. Jaca báíñofirede, daje izói ocuífue. ¹⁴ Afémie dáinana cacádicaí. Afe daina daide: “Baie Nazaret ímie Jesús afe gairíracó júdaítaite. Moisés caimo iga finóllifuiái meídotaite,” —daií daidíaioi.

¹⁵ Iemona ríimaci naa dinó ráiiedinori, Estébamo eróillano, ie uíeco Juzíñamui abi ímie uíeconá eróidena cíoidiaioi.

7

Esteban abi ie ríiduafue llote

¹ Mei jira lletáraini illaíma Estébamo jicánote:

—¿Meita nana bífuiái uáfuiái?

² Jira afémie uai ote:

—Ñue coméciide ámatiai, móotiai díga, cue úrillamo cácarei. Cai ebíredinoredimie Juzíñamui cai jaiái nanóidimie Abrahamo cíocaide. Ua Abraham Mesopotamia éniemo illa llezica, afémie nai Haramo jaiániñena llezica, ³ Juzíñamui íena daide: “O illánie fiénocai naa o comíniri. Afemona omo cue llole éniemo o jairi.” ⁴ Mei jira Abraham Caldea éniemona oni jaide; jáillano, Harán jófuemo nano nie dino ite. Dinomó ie moo tíilla. Iemona Juzíñamui Abraham afe bie omoi illíniemo atíde. Ja birui aféniemo itíomoi. ⁵ Mei íadi ñie feci raana nai afémie Juzíñamui íena íñede. Afe izói due jiza ie macálliniéna íemo fecáñede. Mei íadi Juzíñamui uícomo uáfueña daide: “Bie énie óíte. O tíilla meífomo o jítótiai íeite.” Mei íadi aféruillaido Abraham nai jítónide. ⁶ Nane dáanomó Juzíñamui íena daide: “O uícoidígima jiáimaci éniemo onínemaci izói íítiaioi. Dinomó afémaci rairuícamaci izói íítiaioi. Dinomó cuatrocientos fimona duere finólliaioi,” daide. ⁷ Mei íadi nane dáanomó Juzíñamui daide: “Omoi rairuícamacina finódizie íaioi fiénidifuiái cue jicánolle mei, afémacina duere zefuítaiticue. Ie meífomo o comini afenomona oni jáitiaioi. Oni jaillano, bíniemo cuemo ñue caimare tájjizaibitiaioi,” daide. ⁸ Juzíñamui Abrahamo dáináuai íbana finóllifue llote. Afe llezica ie jítótiai bacano ícoi quetállena ocuíllado afe finóllifue uáfueña onótate. Ie jira ie jító Isaac jócua mei ocho dígarui íllamona, Abraham ie jító bacano ícoi quetade. Daje izói Isaac ie jító Jacobna finode. Afe izói Jacob nana ie jítótiaína finode. Afe jítótiai Israel doce díga nairai mooná jáidiaioi.

⁹ ‘Bie Jacob jitótiai cai nánoragimaciai. Afémaci ie ama Josemo úradoidiaioi. Afemona afémiena fecádiaioi, Egipto éniemo úllena. Mei íadi Juzíñamui Joseri ite ie canóllena. ¹⁰ Nana ie zefuinaillamona zuitade. Ñue úrillana fibíllafue íemo ite. Faraón uícomo ñue comécidimiena Juzíñamui Josena itátate. Afe Faraón Egipto nahíllaima. Afe Faraón Josena Egipto jabóllaimana mamede. Afe llezica daje izói dama Faraón jofo illáimana mameca.

¹¹ ‘Iemona júbietàillafue nana Egipto éniemo baite aillo zefuinaillafue diga. Daje izói Canaán éniemo ite. Ie jira cai móotiai güllenidiaioi. ¹² Mei íadi Jacob Egíptomono trigo íllana fídiano afénomo ie jitótiai orede. Afémaci cai jáiiragima. Bifue íaioi fueñe güille uájillafue. ¹³ Ie mei dáanomono nane jáidiaioimo, José ie ámatiai ie abina onótate. Afe llezica José ie ámatiai Faraómono cíotate afémie íaioina onóllena. ¹⁴ Iemona José ie moo Jacob naa ie comíniri atítate. Afémaci setenta y cinco dígamiede. ¹⁵ Afe daí íaioimo íficaide Jacob Egíptomono jaiánillena. Dínomo afémie tíide; daje izói afénomo cai jáiiragimamona dáríe tíide. ¹⁶ Afe meífodo íaioi ícuruai Siquém illánomo uitá raiájidiaioi. Afe dínomo Hamor jitótiaimona Abraham ie comini ícuruai raillínuaí ibade. Jira afénomo raiájidiaioi.

¹⁷ ‘Jaiái ninomono Juzíñamui Abrahamo uire ñue íaioi íllena riírede uaido uáfueña lloste. Afe úcodo daináuai fuizáillirui ánoziacademo, Israel nairai Egíptomono ñue jebuídiaioi; ua iere áillue náiraina jáidiaioi. ¹⁸ Afe llezica Egíptomono jíáie Faraón illáimaizaide. Afémie Josena onóñede. ¹⁹ Aféllaima cai náiraina jífue; cai jáiiragimacina duere finode. Cai como jococa úruiaína zóofetade íaioi tíillena. ²⁰ Aféruillaido Moisés jococa. Afémie ie dúeza illáruimona Juzíñamuina ióbitade. Afe izói ie moona ie ei diga ióbitade. Afe íaillinoi daámami fíui jofomo íena móonaitadiaillinoi. ²¹ Mei íena zóofetarui dúcinamona Egipto illaima nahí jiza íena abimono ote. Afengo jitó izói afézana comúitate. ²² Ie jira afe Moisés Egipto comini nana onóigafueña llófuegamie. Iemona ie daináuailai riírede. Afe izói afémie finócafuaí jamánomoide. ²³ Ja afe mei cuarenta fimona illa llezica, Moisés ie nairai israelita comini méiñuaiacade. ²⁴ Afénomo Egipto ímie Israel náiraímona dámie duere finóinana Moisés cíozaida. Ie jira Moisés ie nairai ímie ríiduaíbillano Egipto ímie fate afe íba óllena. ²⁵ Moisés comécido daide: “Cue ámatiai israelita comini Egíptomona fáicanocailífue onódiaioi. Ua Juzíñamui íaioi cuedo fáicanocaitafueña fídídiaioi,” daide. Mei íadi áfena fídíñediaioi. ²⁶ Afe jítiramoidiruido Moisés Israel ímíiaillinoi fúirienaillana cíode. Íaillinoi fuiríllafueña líicaitaacanano íaillinoína daide: “Omícoi daje ámadíomícoi. ¿Níbaí conímána duere finódiomícoi?” daide. ²⁷ Ie jira nabai duere finódimie Moisés oni ñuitade. Oni ñuita mei íaillinoimona dámie Moíseno daide: “¿Bu o cai cígímo illáimana jóonegao? ¿Bu cai fiénidífue jicánoraímana jóonegao? ²⁸ ¿Nauiri Egipto ímie o faaja izói birui cuena fáiacadio?” daide. ²⁹ Daí dainana cacáillano, Moisés botade. Bótano Madián éniemo jaide. Dínomo jicánemie izói ite. Afénomo mena jitórede.

³⁰ ‘Cuarenta fimona méifomono, Moisés amena figo íñénazicimono mácajide. Sinaí idu áinomo ite. Afénomo Juzíñamui abí ímie boode íazáifedinamo cíocaide. Afe irai bóoidinomo cíocaide. ³¹ Afena cíonamona Moisés jabo fáigacaide. Afena ñue cíoillena áfemo jofo ánozide. Aínozillano Ocuíraíma Juzíñamui úrillana cacade. Afe uai daide: ³² “O nánoidimaci Juzíñamuidícue. Ua Abraham, Isaac, Jacob díeze Juzíñamuidícue,” daide. Jira Moisés jágieri cuidíricaide. Iemona dáanomono áfemo eróillana jacíruite. ³³ Iemona Ocuíraíma Juzíñamui íena daide: “O eiba ico duiño, benó o naidáillano cue íllaza jamánomo ñúenoza. ³⁴ Cue comini Egíptomono duere zefuillana cíodícue. Íaioi eehe cáilliana cacádícue. Jira ana íaioína zúitaíbitícue. Jira cue dainana cacai. Egíptomono ona óreitícueza,” daide.

³⁵ ‘Ja nano fueñe nana comini Moíseno jámairuitiaioi. Iena jaiái daízáidiaioi: “¿Bu illáimana mamécao, caímo jicánoraímana o íllena?” Mei íadi bóodinamo cíode

Juzíñamui abi ímiedo Juzíñamui Moisená zúitaitimiena orede, íaioi illáimana. ³⁶ Jira Moisés cai jáiairagimaci Egíptomona jino bairódimie. Afémie bie éniemo ciórainina raa onótate raa diga finódimie. Afe izói Jiáirede Monáillaimo ciórainina dáinamona comuide raa finode. Afe izói cuarenta fimona íllamona zaféredizicimo íaioi illa llezica ciórainina raa finófirede. ³⁷ Afe dáamie Moisés Israel comínina daidímie: “Juzíñamui dani omoi ámatiaimona uai llórainmana ómoimo óreite, cue ie ória izói. Afémiemo jeire omoi oíri.” ³⁸ Afe Moisés zaféredizicimo comíniri itímie. Afe Moisés Sinaí ídumo itímie. Dinomo Juzíñamui abi ímie íemo úrizabite. Afemona Moisés cai jáiairagimamo aféuai jino llotímie. Afe Moisés cáatatuailai llínote, afe uáillaina caimo fiénocaillena.

³⁹ ‘Mei cai jáiairagimaci íemo cacáreacañediaioi. Iena ruiíruillano, meine Egíptomona jáiacadiaioi. ⁴⁰ Jira Aarona daidíaioi: “Cai uícodo ífoite juzíñamuillaina caimo finóllena jitáidicai. Baie Moisés Egipto éniemona cai otímie, íemo itífueña onóñedicai,” daidíaioi. ⁴¹ Ie jira juráreto jiza jana finódiaioi; jiáie rílleníai fatíaioi afe jízato jánaraina finócamo fia fecállena íena íóbitallena. Mei íaioi ónoído finoca raamo caimátaioidiaioi. ⁴² Ie jira Juzíñamui íaioimona oni jaide. Afemona Juzíñamui íaioina fiénocai de mona úcuaimo íaioi comeci facáoillena. Mei daíí uai llóraini rabénicomo cuezáuai daide: ¡Israel comini, omoi cacai!

¿Cuarenta diga fimona íllamona zaféredizicimo rílleníai fatíomoi cuemo fia fecállena?

⁴³ Ieñede. Jiáifodo finódiomoi.

Taino juzíñamui Moloc ráicaillacoji abimo máinuano úioicaidiomoi.

Afe llezica jiáie taino juzíñamui Renfán ucúduna eroide jánaraimo jeire otíomoi.

Afe jánarai dani omoi finoca íóbitalle jánarai.

Ie jira omoi éniemona omoi otá Babilonia batífenemo ómoína óreiticue, daide.

⁴⁴ ‘Cai jáiairagimamo Juzíñamui gairíracó ite. Afénomo nofícómo cuezga ocuica uailai énotiaioi. Afe gairíracó Juzíñamui Moísemo ocuilla izói niga. Nano fueñe Juzíñamui íena daide: “O ciónaco omo cue ácata izói o nitátari,” daide. ⁴⁵ Cai jáiairagimaci afe gairíracó feci raa izói llínotiaioi. Ie mei Josué diga bitino jiáie nairai énie báirua llezica afeco atídiaioi. Afe éniemo itínuiíai Juzíñamui oni jiude, íaioi meífomo ie comini illíno finóllena. Afeco daíí dinomo ite David illáruillaído. ⁴⁶ Illaíma David Juzíñamuina íóbitade. Iemona Juzíñamui afe Davidna canófirede. Aféruillaído ie jáiairagima Jacob íinoga Juzíñamui illico nitátaiacade. ⁴⁷ Mei íadi ie jitó Salomón Juzíñamui jofó ua nitátatímie. ⁴⁸ Mei íadi jamánomo caifoide Juzíñamui, comini ónoído niga gairíracuaimo ífinide. Afe izói uai lloraíma daide:

⁴⁹ Caífo bie mona ua cue illáimana ráirano izoide.

Ie mei bie énie cue ídai bitáoinanie izoide.

¿Níie izóidíco cúeiena nitátaitio?

¿Nee cue ocózinairano?

⁵⁰ ¿Ua meita nana bie ráaniaína cue ónoído finódicue?

Jíi finódicue, —daíí Ocuíraíma Juzíñamui daide.

⁵¹ Nai Esteban afémacimo úrioicaide. Daide:

—Mei íadi omoi comeci jaca Juzíñamuina rairuífirede. Juzíñamuina onóñedimaci izói jefónidiomoi. Juzíñamuimo comécíñedimacidiomoi. Nüera Joreño llétafue jaca jeire oñéidiomoi. Omoi jáiairagima izóidimacidiomoi. ⁵² ¿Ua meita omoi jáiairagima níi uai llórainina duere finódiaioi? Nana íaioina duere finódiaioi. Níi fígomie bíllana uícodo llotínona titádiaioi. Afe fígomie jae dúcide. Iena fécano fatíomoi. ⁵³ Omoi Juzíñamui abi ímíiaído llogámacidiomoi, mei íadi níue cacáreñediomoi, —daíí dinori Esteban daide.

Esteban tíillafue

⁵⁴ Aféfuiaína cacáillamona, ríicaidiaioi. Estébamo fueró guguíricaidiaioi. ⁵⁵ Mei íadi Esteban Nüera Joreño úicaigamie. Afe llezica monamo érocaide. Dinomo Juzíñamui

ebírenafuena ciode. Afe llezica Jesús Juzíñamui nabézimo naidáinana ciode. ⁵⁶ Ie jira daide:

—¡Ero! Mona túinana ciódicue. Nanoide hima Jitó Jesús Juzíñamui nabézimo naidaide, —daide.

⁵⁷ Mei íadi afémaci jefo íbáidiaioi. Ríirerie caillíoicana illíñana íemo caízaidiaioi. ⁵⁸ Jófue mona oni uitá nófiena ie níjidiaioi. Níjidino íaioi emódodiroillai jitócome Sáulona maméidimiéna úiñotadiaioi. ⁵⁹ Nai ie íaioi níjia llezica, Esteban Juzíñamuimo úrillano daide:

—Ocuíraima Jesús, cue joreño oni llíino, —daide.

⁶⁰ Ie mei ana dújullano, riire caillide. Daide:

—¡Ocuíraima! Bie fiénidífue ícoinia bimácimo jitáñeno iri, —daide.

Daíí daina meífodo tíbicaide.

8

Saulo Jesudo gairíraní racade

¹ Fatímaci izói Saulo afémacimo comécioide.

Aféruimona Jerusalemo ite Jesudo gairíraní duere finóllena como fueñe judúuai jénuaidiaioi. Ie jira nana ínotímaci Judea énie fuédado ráidoizitiaioi; daje izói Samaria éniédo. Dani doce dígamie orécamací Jerusalemo fiébitiaioi. ² Iemona Juzíñamui raana duéruitímaci Esteban raiájidiaioi. Ieri aillo éediaioi. ³ Afe llezica, Saulo gairíramacina nai racáuide. Nágacuaído jenode. Afécuaimona íñiaí ringóniaí díga jino zónuano íaioina llavétate.

Jesucristo ñuera uai Samáriamo llujídiaioi

⁴ Ja birui Jerusalémoma oni jáiredino, Cristo jllonafue íaioi jáillanuaimo llujídiaioi.

⁵ Afémacimona dámie Felipe Samaria jófue mo jaide. Dinomo Cristo ráfuedo íaioimo úrizaide. ⁶ Afe comini gairíllano Felipe dánamo ñue cacáreidiaioi. Felipe finoca ciórainina onótate ráaniaí ciódiaioi. ⁷ Mei jira aillo fiénide jóriaímona jllotagaiaioi. Afémacimona fiénide jóriaí caillícana oni jaide. Afe llezica aillo tízitaitimíiaí aidáimaiaí díga jllotagaiaioi. ⁸ Aferi afe jofue comini iere caimátaioidiaioi.

⁹ Mei íadi dámie Simóna mámeciredimie afénomo ite. Afémie úcoidiruillaido aimana jaide. Afe jofue comini jífue. “Jamánomoidimiedicue” daífiredimie. ¹⁰ Nana comini jabóidinomona ua nahíllaimamo díeze íemo iere cacáreidiaioi. Daidíaioi:

—Bímie caifoide Juzíñamui ríinona igámie, —daidíaioi.

¹¹ Iere are ie aimánafuedo afémacina jífue; ie jira íemo jeire otíaioi. ¹² Mei íadi Felipe Juzíñamui illáimana illirui uai Jesucristo mámecí díga, íaioimo llote. Aféuailaina cacáillano afemo ñue ínotiaioi. Íñiaí ringóniaí díjéize ínotiaioi. Hínuano báutizagaiaioi. ¹³ Afe dama Simón ínuano báutizaga. Iemona afémie Felipe nabaina jaide. Afémie Felipe finoca áillue ciórainina raa onótate raa díga, áferi fáigacaide.

¹⁴ Jae Samaria comini Juzíñamui úrillauai jeire otíaioi. Afe íaioi jeire uáfueña Jerusalemo ite orécamací fidídiaioi. Fídiano afénomo Pedro Juan díga orédiaioi.

¹⁵ Dúciillano Samáriamo ite ínotinori Juzíñamuimo jícádiaioi, Ñuera Joreño íaioi llíinollena. ¹⁶ Mei afémacimona nímiemo Ñuera Joreño nai biñede. Dama Ocuíraima Jesús mámecido báutizaga. ¹⁷ Afemona Pedro Juan díga íaioimo onoi bitade. Iemona daíí Ñuera Joreño úicaigaiaioi.

¹⁸ Orécamací bimácimo onoi bítamona Ñuera Joreño bíllana Simón ciode. Ciónamona úcube orécamie íaillinoimo íoicana

¹⁹ daide:

—Jadíe ríino cuemo ine. Afe izói nie cómemo cue onoi cue jóoneadi Ñuera Joreño íemo bílleza, —daide.

²⁰ Jira Pedro íena daide:

—¡Naa o úcube diga o táinocairi! Juzíñamui fecaca raa úcubedo ibárede daidio; daíí comeci facádio. ²¹ Bífueмо o dúiñedio. Bie coco táijinafuemo jaináiñedio, o comeci jaícina Juzíñamuimo jóoiñena jira. ²² Bie o fiénidifue o fáicanocai. Juzíñamuimo izire o jicari o fiени comécido daínafue iba omo óñeilleza. ²³ Ja onódicueza o comeci fílliru izói eríredeza. Afe íaifuiaido cuinácamiе izói itíoza.

²⁴ Jira Simón uai ote:

—Ocuíraimamo cuedo jicari, nana o cuena daínafuiaimona dafue cuemo níjiñeillena, —daide.

²⁵ Afénomo Crístomo ñúefue nitádiaioi. Daje izói Juzíñamui uáillaído úritiaioi. Ie meífodo, orécamiе íaillinoi Juzíñamui jíllolluiai aillo Samaria duera jófuiaimo llófuiaidi-aillinoi. Ie mei Jerusalemo meine bitíaillinoi.

Felipe Etiopía ímiemo úrite

²⁶ Afefue meífodo Juzíñamui abi ímie Felípna daízaibite:

—Náidacaillano, fuiri batí Jerusalémona Gaza jófueмо jódiido o jairi, —daide.

Afeo zaféredizicido jóidio. ²⁷ Iemona Felipe náidacaillano áfeodo jaide. Dínomo uieécodo jaide Etiopía ímie éidajide. Afémie illaingo abi ríimie. Afémie Etiopía illaingo Candace úcube úiñoraíma. Afe llezica afémie óinima. Naui uícodo afémie Jerusalemo Juzíñamuimo cámaduaide. ²⁸ Afémie abido ie éniemo jáizaide. Ie caballo zonóicaiga ráiralloicimo ráicana Juzíñamui uai lloaíma Isaías cuegáuai facádote. ²⁹ Afe llezica Ñuera Joreño Felípna daide:

—Jadílloicimo ánozillano afénomo nabairi, —daide.

³⁰ Ainozillano, Felipe afémie Isaías cuegáuailai facáduana cacade. Iemona íemo jicánote:

—¿O facádoga uaina meita onódio? —daide.

³¹ Jira afémie uai ote:

—Cuemo jino llóitimie iñédeza, ¿niie izói ónoiticue? —daide.

Iemona Felípemo caifo ie diga dáanomo ráiillena jicade.

³² Juzíñamui Cuegáuaimona afémie facádoga uai áfena daide:

Oveja izói tñizaillinomo uiga.

Oveja jiza abi cuidódino uieécodo úriñedimie izói táiiide, afe izói afémie jaca níífuedo úriñede.

³³ Afémie iere jámairuigamiе; jaícinaidifuena íemo rairuídíaioi.

¿Ie ñue illáfuedo mei bu úrille?

Mei ie cáajano bie éniemona niné táinocaiде, —daide.

³⁴ Jira illaingo abi ríimie Felípemo jicánote:

—Cuemo llone, ¿bumo úrite uai lloaíma? ¿Ñibaí dama íemo úrite? ¿Ñibaí jíáimiemo úrite? —daide.

³⁵ Jira Felipe afémie facádoga Cuegáuaimona Jesús úrillauai íemo jino llote. ³⁶ Jainoi illánodo jailla llezica ríimie daide:

—Benomo ite jainoi. ¿Birui áfejido cue báutizanidicue? —daide.

³⁷ Jira Felipe daide:

—Nana o comécido o íinoiadi báutizarellio, —daide.

Jira afémie uai ote:

—Jesucristo Juzíñamui Jitoza áfemo íinoticue, —daide.

³⁸ Iemona jáiralloici moziñota ille diné jáidiaillinoi. Dínomo Felipe ie báutizade.

³⁹ Illémona ari abido jáidiaillinoimo, Juzíñamui Ñuera Joreño Felípna oni uite. Iemona ríimie íena jaca nane cíóñede. Mei dama ie éniemo caimare jaide. ⁴⁰ Felipe nane Azoto jófueмо cíocaizaide. Dinómona naga jófuedo jíllonauai llócade. Ua ba Cesarea jófueмо fuizájide.

9

Saulo comeci jíáifodo méiduafue
(Hch 22.6-16; 26.12-18)

¹ Afe llezica Saulo Jesumo ínotinona fáiacanafuedo úrioide. Ie jira lletáriraini illáimamo jícanuaide. ² Daide:

—Llavétallibiaina cue ine, Damasco jofue gairíracomo cue jáilleza, Jesús uaimo ínotino cue jénuailla. Afemona íñiai naa ringóniari maitá Jerusalemo cue atílleza, —daide.

³ Mei nai iodo jailla llezica, Damasco jófuego ánozidemo, monámona bite úzefo nárafene ie abimo úzere egáñoocade. ⁴ Iemona Saulo éniemo baiíde; baiílla llezica Jesús íena dáinana cacade:

—Saulo, Saulo, ¿nibái mei cue racádio? —daide.

⁵ Mei jira Saulo uai otá jícanote:

—Ocuíraima, mei o ¿búdio? —daide.

Jira aféuai ote:

—Cue Jesúsicue. Dama o racácamiedicue. Aillue juráreto zaitácademo jáiredizimo jiide. Afe izói ízitagamiedio. ⁶ Mei íemona Saulo jágieri cuidide; daide:

—Ocuíraima, ¿ona nie izói finóredicue? —daide.

Jira Ocuíraima uai ote:

—Náidacaillano baie jófuego mai jofu jai. Dinomo o finóllifueno omo llóitiaioiza, —daide.

⁷ Sáulodo jaide comini aféuaina cacádiaioi íadi mei buna cióñediaioi. Aferi iere jacínaitiaioi. ⁸ Ie meífodo Saulo éniemona caifo ráinacaillano, érocaide. Mei ui botáicaide íadi éroinide. Mei jira daíí ónoído jainátacana Damasco jófuego íena uitíaiioi. ⁹ Dinomo daruíamani uina cióñede. Afénomo minícana güñede, jiróñede.

¹⁰ Afe Damasco jófuego ínotimie Ananías illa, nímiemo Ocuíraima nicáirilla izóidedo cíocaide. Iena daide:

—¡Ananías! —daide.

Afémie uai ote:

—Ocuíraima, benó iticue, —daide.

¹¹ Jira Ocuíraima íena daide:

—Náidacaillano, Deréchana mámecirede iodo jairi. Dinomo Judas jofomo jícanori: “¿Ninomo ite Sáulona mámeciredimie, Tarso jofue ímie?” O dúcina llezica afémie Juzíñamuimo úrite ¹² Ie úrioina llezica nicáirilla izóidedo ie uimo onoi bítaibitímie, Ananías mámeciredimiena cíode; áfemona nane ie ui ñue cíoite, —daide.

¹³ Afe uaina cacáillano Ananías daide:

—Aillo comini baie ímana cuemo llotíaioi. Afe llezica omo ínotinuiaimo nana Jerusalemo ie fiene finócafuaia cuemo llotíaioi. ¹⁴ Ja birui afémie benomo bite. Lletáriraini illaini llavétallibiai diga bite nana o mámecido jícafiredino maitá úillena, —daide.

¹⁵ Jira Ocuíraima daide:

—¡Mai jai! Afe ímana jae cue nizeca jíáie náiraímo cuedo úrillena naa íaioi illáiniri.

¹⁶ Afémie aillo cue náiraímo llóite. Afémie aillo cue ícoinia duere zefuállana íemo ácataiticue, —daide.

¹⁷ Iemona Ananías Saulo illácomo jaide. Jofu jáillano íemo onoi bítajano daide:

—Ama Saulo, Ocuíraima Jesús o billa iomo omo cíocaidímie cue o ui meine abido cíoillena ocuide. Afe dáanommo afémie Ñuera Joreño ona cue úcaitallena cuena daide, —daide.

¹⁸ Afe daíí dáinamona, chamu icogí izoide ie uímona cúcoizite. Iemona nane ie ui meine cíoide. Afemona Saulo náidacaillano báutizatate. ¹⁹ Afe meífodo güillano, ie ríino meine comúitate. Afe mei nano nígarui Damáscómo ite ínotinori fiévide.

Saulo Damasco jófuego jino llófuerite

²⁰ Ie meífodo Saulo garíracomo jino llófuerizaide. Afénomo daide: “Jesús Juzíñamui Jitó.” ²¹ Nana afémiemo cacádino fáigacaillano daidíai:

—¿Ua meita bie nímiede, nauí Jerusalemo Jesús mámeçido jicáfiredino racádimie? ¿Ñie nauí benomo bitímie lletáriraini illáinimo cai maitá úillena? —daidíai.

²² Mei íadi Saulo jamánomo riire jino llófuerite. Jesús Crístonana jino uafodo ciótate. Mei jira Damáscómo ite judíuai Saulo ifona íritagaiaioi.

Saulo judíuaímona jillode

²³ Diga iruillai jailla meífomo, judíuai dáanomo começi fácana Saulo fállena maméritiaioi. ²⁴ Mei íadi aféfuena afémie fidide. Naa mona naio diga jofue jino jáirazemo úiñoidiaioi ie fállena. ²⁵ Mei íadi ínotimaci áillue cirígaimo íena jónetiaioi. Jóoniano afe jofue jinófene cirínuailla jinomo naio íena agúinetaioi. Afe daií afémie botade.

Saulo Jerusalemo illafue

²⁶ Saulo Jerusalemo dúcillano, Juzíñamuimo ínotinori gairíacade, mei íadi nana afémiena jacíruitiaioi. Afémie ínogafuena nai jeire oñédiaioi. ²⁷ Mei íadi Bernabé íena uáidote. Iemona orécamiiaimo íena ácatajide. Afemona Saulo iomo Ocuíraimana ciónafue íaioimo llote. Ie mei Saulo Damasco comínimo méaicaiñeno Jesús mámeçido úrillafue íaioimo llote. ²⁸ Jira Saulo Jerusalemo diga irui ite. Dinomo ínotimaci diga macácaide. ²⁹ Ocuíraima mámeçido méaicaiñeno úrite. Griego uaido úritino judíuaímo úrite. Conímamo jicánua uai ua daií úrite. Iemona ie fállena mamédiaioi. ³⁰ Jiáie ámatiaí afefue fídiano, Saulo Cesaréamo uitíaioi. Dinómona Társomo íena orédiaioi.

³¹ Ie meífomo nana Judea éniemo ite Jesús mámeçido gairídino írazitiaioi. Ja íaioi ínogafuemo caimare náireoicaidiaioi. Afe izói Galilea éniemo Samaria énie diga ite ínotino írazillamona riire náireoicaidiaioi. Ocuíraima Jesús ñúefueri jáicaidiaioi. Ñuera Joreño íaioi cánuamona jebuíoicaidiaioi.

Eneas jae jíllotaga

³² Pedro jiáie ámatiaí uáiduaila llezica, daje izói Lida jófuego ite ínotino éroizaide. ³³ Dinomo Enéasna maméidimiena cíozaida. Afémie ocho diga fimona bíiramo bíide ie tízitailla jira. ³⁴ Iena Pedro daiízaide:

—Eneas, Jesucristo ona jíllotaiteza. Náidacaillano o bíira ñue fino, —daide.

Afemona Eneas raire jíllobicaide. ³⁵ Lida jofue nairai aféfuena nana ciódiaioi naa Sarón náirairi. Iemona jaii nano íaioi ínogafuiaí fáicanocaillano Ocuíraima llogáfuego ínotiaioi.

Dorcas tíide meine abido cáanafue

³⁶ Aféruillaído Jope jófuego ite ínotingo. Afengo mámeçi Tabita. Afe mámeçi griego uaido Dorcas. Afe ringo ñúefuedo jáicade. Jitáidinona canófirede. ³⁷ Aféruillaído afe Dorcas iráreizaide. Iemona tíide. Ie abi jócua meífodo oni caifóidicomo jónetiaioi. ³⁸ Lida áinori ite Jope. Aféruimo Pedro afénomo nai ite. Ínotino afénomo íllana fídiamona, ménamie orédiaioi íena daiíllena:

—Jópemo jizíñeno raire biri, —daide.

³⁹ Iemona Pedro afémie íaillinoído jaide. Pedro dúcinamona, Tabita abi jóoinanomo íena uitíaioi. Nana fecíngotiaí abido ífoina naidározillano éediaioi. Afe llezica nana Dorcas nauí ie caana llezica tifócacuiruai íemo ácatatiaioi. Emodo íroillai naa jiáie iníroillairi íemo ácatatiaioi. ⁴⁰ Afécomona Pedro nana jino íaioi orede. Ie mei caíñici ífodo dújuillano Juzíñamuimo úrite. Tíídingomo eróillano daide:

—Tabita, mai caifo náidacai, —daide.

Iemona afengo ui botáicaide. Pédro mo érocaillanona caifo ráinade. ⁴¹ Onoido llíinota ie caifo naidánete. Afe mei ailli jino oreca fecíngotíai íemo ámatíai dainámaci díga abido jíirite. Iemona afengo caade íaioimo izájide. ⁴² Afefue nana Jope jófuemo jállecaide. Iemona aillo comíni Ocuíraimamo íinotíai. ⁴³ Afe mei Pedro díga irui afe jófuemo ííebide. Igorai ídíai jinítaraima Simón jofomo ífírede.

10

Pedro Cornelio uáiduafue

¹ Afe Cesarea jófuemo Cornéliona maméidímie ite. Afémie fuíríraíni áillogüelli illaíma. Afe áillogüelli mámeçi Italiano. ² Afémie naa dama ie comíniri Juzíñamuimo começi fácajano caimare úrite. Afe llezica Juzíñamuimo ñue jacíruioidede. Daje izói aillo úcubena judíuaímo fecáfírede íaíoi canóllena. Iemo Juzíñamuimo nágarui úrífírede. ³ Ie mei daarui jítoma ana ítemo nicáírilla izói cíode. Afe nicai anado Juzíñamui abi ímie uáfodo cíode. Afe abi ímie jofo Cornelio illánomo jaide; jáillano íena daide:

—¡Cornelio! —daide.

⁴ Cornelio afe Juzíñamui abi ímiemo jacíruiocana érocaillano jicánote:

—Ocuíraíma, ¿bie mínica?

Iemona abi ímie íena daide:

—O jicánua Juzíñamui jae jeire ote. Daje izói jítáidíno o cánuafuíaina jeire ote. ⁵ Mei jira Jope jófuemo ííñíai ore, Simón jíirizaillena. Afémie jíáífodo mameina Pedro. ⁶ Afe Pedro jíái Simón igorai ídíai jinítaraima. Afémie jofo monáillai fuédamo ite. Afe Simón Pedro o finóllífue omo llóite, —daí daide.

⁷ Afe íemo úrite Juzíñamui abi ímie jáidemo, Cornelio mena táijítagamie jíirite. Ie mei ie abi ímíiaímona daa ñúefuemo íínofírede fuíríraíma jíirite. ⁸ Nana Juzíñamui abi ímie íemo llogafue llua meífomo Jópemo íaíoina orede.

⁹ Afe jítiramoidíruimo, nai afémaci iodo jailla llezica, Jópemo ánozidiaímo, Pedro jácíiri illa llezica jofo emodo ibánimo Juzíñamuimo úrizaide. ¹⁰ Aillo jufínaíllamona güíacade. Mei íadi nai güille íaíoi fínua llezica, nicáírilla izoide cíode. ¹¹ Afe nicai anado mona tújjicaillana cíode. Afénomona áillue iníroi izóidena nárafene zicai ícoínoga ana éniemo agúínana cíode. ¹² Afe agúínega iníroimo naga táíide rílleníai ite, jaióníai féedínuaí díga. ¹³ Iemona daa uai dáinana cacade:

—Pedro, náidacaillano fatá ríi, —daide.

¹⁴ Jira Pedro uai ote:

—Jíi, Ocuíraíma, ríñeíticue. Bácaca ríllena jaca ríñédicue. Daje izói íáírede ríllena ríñédicue naa rairuica rille díga, —daide.

¹⁵ Afe uai nane dánomo íena daide:

—Naga Juzíñamui dogá izói finoca rílleza íáíre maméñeno iri, —daide.

¹⁶ Afefue dacaiñoámani íemo ífícaide. Ie meífomo afe iníroi meine abido monamo jaide. ¹⁷ Nai Pedro afe nicáírillafuemo começi facáide. “Afe cue cíonafue nie izói daííacade,” dáidemo, Cornéliomona orécamiíai nazemo náidazaíbitiaíoi. Simón jofo jicánotiaíoi. ¹⁸ Dúciillano aillo uaido jicánotiaíoi:

—¿Simóndímie bícómo ite? Afémie jíáífodo mameina Pedro, —daídaíoi. ¹⁹ Nai Pedro nicáírillamo começi facáoidemo, Ñuera Joreño íena daide:

—Cacai, damieámani o jenódiaíoi. ²⁰ Náidacaillano ana billano jízire úríñeno íaíoido jai, mei cue omo orécamiíaza, —daide.

²¹ Mei jira Pedro jofo emódobanimona ana billano Cornelio orécamaci, nazemo náidaidínona daide:

—Cue omoi jenócamiedicue. ¿Níbaí mei bitíomoi? —daide.

²² Jira afémaci uai otíaíoi:

—Illaíma Cornelio cai ória jira biticai. Afémie ñúefuena nitácamie. Afémie Juzíñamuimo ñue jacíruioide. Nana judíuai íena ñue llínotiaioi. Iena iere izíruitiaioi. Juzíñamui abi ímie íena daide: “Jópemo comini oreri Pedro uáidollena, afe mei o jofomo Pedro bílleza.” Jira o uáibiticai. Dinomo Cornelio íena o daiíacallifuenta cácaite, —daiíai.

²³ Ie jira Pedro jofó íaioina ote. Afe naio ie díga fiébidiaioi. Afe jiáiruido Pedro afémaci díga jaide. Afe llezica Jópemo ite ámatiaimona íena nabáioicaidiaioi.

²⁴ Afe jiáiruido Cesaréamo dúcidiaioi. Dinomo Cornelio íaioina úiñote. Afénomo bíllena ie llogámaci ie comínimona, ie gaíga nabáíñiaimona dáanomo gairídiaioi.

²⁵ Afécomo Pedro dúcia llezica, Cornelio jino íena llínuaiabite. Jino billano Pedro anamo dújude, ie cáimadollena. ²⁶ Mei íadi Pedro íena náidacaitano íena daide:

—Náidacai. Cue o izói énie ímiedicue, —daide.

²⁷ Nai afémie díga úrioína llezica, jofó jaide. Jáillano aillo gairídínona cíozaide. ²⁸ Jira Pedro daide:

—Jae onódiomoi, judío ímie ie ínuafuiaido jiáizie ímie díga nabáirinide. Daje izói ie jofomo jaille rairuírede. Mei íadi Juzíñamui jae cuena llófuete. Buna jiáimana comécina íáiredímie daiínide. Daje izói rofóciredímie jiáimana daiínide. ²⁹ Ie jira orécamiiai cue jíirilla llezica nie izói daiíñeno jarire bitícueza. Mei jira ñibái mei cue uáidotioza onócadicue, —daide.

³⁰ Ie jira Cornelio uai ote:

—Jae nagaámarui jáidemo, afe bie daje hóramo, benó cue jofomo güiñeno iticue. Aféruimo jítoma ja ana ítemo Juzíñamuimo comeci faiticue. Comeci faiano quenírede inícuiro jítáoidímie cuemo cíocaide. ³¹ Afémie cuena daide: “Cornelio, o jicánogafuiaína Juzíñamui cacade. Afe llezica jítáiredínomo o cánuafuiaimo Juzíñamui comécide. ³² Jope jófue mo ore Simón uájillena. Afémie jiáifodo mameina Pedro. Afémie jiáie Simón jofomo biruido ite. Jiáie Simón igorai ídiai jinítaraima. Ie jofó monaillai fuédamo ite. Pedro dúcia o díga úrizaita,” daide. ³³ Daií raire ona jenótaticue. Jira o bille ñuera. Birui nana benomo Juzíñamui uíecomo iticai. Nana Juzíñamui omo llotátgauai caimo o daiíllena cacáacadícaí, —daide.

Pedro Cornelio jofomo llófueteza

³⁴ Jira Pedro ja úrillano daide:

—Ja birui Juzíñamui jiáimana daa úradotatañedeza onódicue. ³⁵ Mei íadi nizíemo itino íeri jácicaillano ñúefuedo úritinona Juzíñamui íaioína llínofirede. ³⁶ Israel cómogimacimo Juzíñamui úrite. Jesucristodo comeci caimare uái illafue íaioimo llote. Afémie nana nairai Ocuíraima. ³⁷ Nana judío éniemo comuídifuena ñue onódiomoi. Juan Bautista jino lluájilla mei, comini báutizaiilla meífodo afefue Galiléamo como fueñe taineca. ³⁸ Nazaret ímie Jesumo Ñuera Joreño ríino Juzíñamui ígaza onódiomoi. Afe Jesús ñúefue finócana jáillana onódiomoi. Afe izói nana Taife ríino anamo duere zefuídínona ie jíllotafuiaína onódiomoi. Aféfuiaína daií finode Juzíñamui ie díga jáicana jira. ³⁹ Nana Jesús judío éniemo finócafuiái uai nabáiraímacidícaí. Daje izói Jerusalén jófue mo ie finócafuiái uai nabáiraímacidícaí. Ie méifomo cruzmo íena coráiano íena titádiaioi. ⁴⁰ Mei íadi Juzíñamui daruiámani íllamona abido íena cáatate. Ie mei afémiena caimo cíocaitade. ⁴¹ Nana comínido cíocaitañede mei íadi dani caimo cíocaide, Juzíñamui uícomo nizeca uai nabáiraímacidícaíza. Afe mei afémie tíllanomona meine abido cáanamona ie meífomo, afémie díga güitícaí; ie díga jiródícaí. ⁴² Afémie Jesucristo rafue jino comínimo caína llotátate. Afe izói jiáifue caína ua nabáiritade. Afefue daide: “Juzíñamui afe Jesús tíidino cáadino díga íaioi fiénidífuiai jicánoitimiena ocuide. Cai aféfuemo uaina nabáitagamacidícaí.” ⁴³ Daje izói jaii ninómona nana uai lloraini Jesudo úritiaioi. Daiíai: “Nana afémiemo ínotino íaioi íáiredífuemona ie mámeçido ñue dóficaitiaioi,” daiíai, —daide.

Judíua ñedino Ñuera Joreño como fueñe úicaigaiaioi

⁴⁴ Nai Pedro úrioina llezica, ie úrillauaimo cacáreidimacimo Ñuera Joreño nana íaioimo ana bite. ⁴⁵ Jira Pédrodo bite ínote judíuai fáigacaidiaioi. Ñuera Joreño judíuaiñedinomo daje izói úicaigafueri fáigacaidiaioi. ⁴⁶ Jae jíáizie uáillaído íaioi úrillana cacádiaioi. Afe llezica Juzíñamuimo íaioi íóbioinana cacádiaioi. ⁴⁷ Mei jira Pedro daide:

—¿Birui bu mei ráiruille bimaci báutizallena; mei daa cai izói Ñuera Joreño úicaigaiaioi? —daide.

⁴⁸ Iemona Jesucristo mámeçido íaioi báutizazigaiaioi. Ie meífodo Pédrodo izire jicádiaioi: “Nano nígarui cai diga iri,” daidíaioi. Daí íena jeruídíaioi, nano nígarui íaioi diga íllena.

11

Pedro Jerusalemo ite ínotinomo llogafue

¹ Judéamo ite orécamaci ámatiai diga, cómoicana jíáifuena fidídiaioi. Afefue daide: Judíoñedimaci Juzíñamui úrillauaina jae jeire otíaioi. ² Pedro meine Jerusalemo jáidemo, judíuaímona dámierie ínotino Pédróna zanódiaioi. ³ Zánvano daidíaioi:

—¿Níbái judíoñedino uáiduaideo? ¿Níbái íaioi diga güitio? —daide.

⁴ Ie jira Pedro afefue nanómona nana ie finócafuiái llote; daide:

⁵ —Jope jófuemo cue íadi, Juzíñamuimo úrifiredicue. Afe llezica nicai anado ciódicue. Afe nicai anado áillue iniroi izóidena monámona ana bíllana ciódicue. Aferoi nágafene zícáimo ícoínoga. Daí cue illánomo dúcide. ⁶ Afemo ñue eródicue ie eromo itínuiaina onóillena. Iemona afe eromo ite táicaide rílleniaina ciódicue. Afe dánomo jacírede rílleniaina ciódicue. Daje izói afénomo jáizai, íemo féedínuiái diga íllana ciódicue. Nana afe ciona rílleniái bácaziga. ⁷ Iemo daa uai cuena dánana cacádicue. Daide: “Pedro, náidacaillano afe ríllemona fatá rii.” ⁸ Mei jira daidicue, “Ocuíraima, dama ite. Jaca nanómona cue fúedo íáiredena riñédicue bácaie diga.” ⁹ Ie mei afe monámona cacaide uai dánomo cuena daide: “Juzíñamui doga rílleza íáirede daíñeno o iri.” ¹⁰ Afefue dacaiñoámani meine íficaide. Afe meífomo dánomo nana monamo meine jaide. ¹¹ Afe llezica daamieámani cue illánomo dúcide. Afémaci Cesaréamona cue jenóllena orécamaci. ¹² Ñuera Joreño afémacido cuena orede: “Due jiza jizíñeno afémacido jairi,” cuena daide. Daje izói baie seis ámatiai cuedo jáidiaioi. Nana cai daaco jofomo jáidicai. ¹³ Afémie Juzíñamui abi ímiena ie jofu eromo ie ciónafue caimo llote. Afe Juzíñamui abi ímie náidaillano íena daide: “Jope jófuemo nano nígamie ore, Simón jíirizaillena. Dámie jíáfodo mameina Pedro. ¹⁴ Afémie ona dáíteza, nie izói o nana o comini diga jíllaitioza,” daide. ¹⁵ Cue fueñe íaioimo úrizaiilla llezica, Ñuera Joreño imaci acónimo bite, nano fueñe cai acónimo billa izói. ¹⁶ Mei íemona Ocuíraima daínáfueimo úibicaidicue. Afefue daide: “Uáfueña Juan fia jáínoido báutizade, mei íadi Ñuera Joreño úicaigamacina íitiomoi.” ¹⁷ Mei jíi Ocuíraima Jesucristomo cai ínuano Juzíñamui caimo iga Joreño, bimácimo Juzíñamui íacade. Afena fidíillano Juzíñamuido jarífeicana úriacañedicue. Jamai cómedicueza, —Pedro daí daide.

¹⁸ Mei ie jira Jerusalemo ite ámatiai aféfuiaína fídía llezica, líicaidiaioi. Líicaillano Juzíñamuimo caimátaidiaioi. Daidíaioi:

—Ua afe izói judíoñedimacimo íaioimo fieni itifue méidollena jae Juzíñamui íaioimo fecade. Afemona daí jaca zíñona cáaillinona íaioimo ite.

Antioquíamo ite Juzíñamuimo ínote gairídino

¹⁹ Esteban íaioi faa llezica, jíáie ínotimacimo duere finótatiaioi. Dáarie Fenicia éniemo botádiaioi; jíáimaci Chípreno Antioquía diga botádiaioi. Dinomo afe ñúefue dani judíuai namácimo llotíaioi. Jíáimacimo llóñega. ²⁰ Mei íadi dáarie Chipre imaci, Cirene

imaci diga ínotino Antioquía jófuemo dúcidiaioi. Dúciillano judíoñedinomo úritiaioi. Afemona Ocuíraima Jesús úrillauai íaioimo llote íaioi jilloillena. ²¹ Afe llezica Ocuíraima ríino íaioimo ite. Mei daí aillo comini nano íaioi jaiái ínogafuiai fáicanocaillano Ocuíraima Jesumo ínotiaioi.

²² Afefue Jerusalemo ite ínotinomo jállecaide. Iemona afémaci Bernabé Antioquíamo orédiaioi. ²³ Bernabé dúciillano, Juzíñamui cáimadogamací izóí ciode. Aferi afémie iere ióbicaide. Nana íaioi llófuete; daide:

—Nana cai Ocuíraimana fáicanocaiñeno ie llogáfuemo jaícina omoi coméciiri, —daide.

²⁴ Afe Bernabé comécina fígomie, Ñuera Joreño úcaigamie. Afémie Jesucrístomo izire ínofiredimie. Daí aillo comini Ocuíraima Jesucristo íena náamatade.

²⁵ Afe meífodo Bernabé Társomo Saulo jénuaide. Baillano Antioquíamo íena úite.

²⁶ Dinomo daa fimona namónaze ínotino cígimo ñue fuitádiaillinoi. Afénomo aillo comini llófuete. Afe Antioquíamo ínotino como fueñe Crístomo jaináidinona ja mamécaiaioi.

²⁷ Aféruillaído dámierie Juzíñamuimona llínoga uailai lloráimaci Jerusalémona Antioquíamo jáizaide. ²⁸ Afémacimona dámie Agábona mámeciredimie. Nana ínotino cígiri náidaillano daide:

—Nana bie éniemo aillo jamánomo júbie biite, —daide.

Ñuera Joreño ie comécimo llúamona afefue jino llote. Afe júbie daí bite Claudio illáimana illáruillaído. ²⁹ Ie jira Antioquíamo ite ínotino comeci facádiaioi Judéamo ite ámatiai canóllena. Naga come íaioimo ite úcube díerize bai jóonetiaioi. ³⁰ Afe daí ñeta, Bernabé Saulo íaillinoído afe íraica úcube Judéamo ite ínotino illáicomínimo orédiaioi.

12

Santiago tíllafue Pedro llavéinafue diga

¹ Aféruillaído Juzíñamuimo jaináidino duere finóllena illaíma Herodes nane jénuaide. ² Iemo Herodes Juan ama Santiago lloéfáido titátate. ³ Afémie titátari judíuái iere ióbidaioi. Aféfuena Herodes fidínamona nane Pedro lláitajide. Ja birui irázillarullai. Afe irázillarullaído fáitañega pan güitíaioi. ⁴ Pedro llaitada mei Herodes llavéracomo íena íbaicuaide. Dinomo cuatro dígagüelli íena úiñotiaioi. Naga afe güéllimona cuatro dígamiríe llaizíriraini ite. Herodes comeci facade pascua rafue meífodo Pédróna jino comínimo cíotallena. ⁵ Ie jira Pedro llavéracomo llaveda ñue úiñoga. Mei íadi Juzíñamuimo gairídino íemo izire Juzíñamuimo jicáoidiaioi.

Juzíñamui Pédróna llavéracomona jino oreca

⁶ Herodes Pedro jino comini uíecomo óiacanarui úcodo, afe naio Pedro llavéracomo inide ñue úiñoga. Nágafene onoi llóejina maíga úiñoraíma íaillinoi jaináoigari inide. Afe llezica jíáie úiñoraíma íaillinoi jino llavéraco naze úiñoide. ⁷ Iemo Juzíñamui abí ímie raire cíocaizaíbite. Afe llezica llavéraco ero úzerecaide. Juzíñamui abí ímie Pedro círaigi teténote íena cazítate. Cazítano íena daide:

—Mai raire náidacai, —daide.

Iemona llóejillai Pedro ónoimona ana cocide. ⁸ Afe Juzíñamui abí ímie íena daide:

—Mai o círaigi tirínorafe jofo riire tirino.

O éiba ico jita, —daide.

Pedro daí abí fínua llezica Juzíñamui abí ímie íena daide:

—O emodo jítaca árreroi jítada, cuedo bi, —daide.

⁹ Iemona Juzíñamui abí ímie óodana Pedro jaide. Afe abí ímie finócafue Pedro onóñedeza; ñibai uafue ñibai tánofue. Comeci facáoide: “Nícaí anado ciona izóidífuenta cíódícue.” ¹⁰ Mei íadi fueñeide jóonetimiemona bai júijicaillano báifeicana jóonetimiemo dúcidiaillinoi. Ie mei afémiemona júijicaillano bai nazemo dúcizaidiaillinoi. Afe naze

ibaira lloébani. Dúcidiaillinoimo afe naze ibaira daingo tújjicaide. Jino jáillano bai iodo daallu macádiaillinoi. Ie mei Juzíñamui abi ímie ie fiénocaide. ¹¹ Iemona Pedro ñue onócaillano daide:

—Ico iere uáfueza. Juzíñamui abi ímie cuemo orede Herodes cue llavéinamona cue zuitállena. Afe izói nana judíuai cue duere finóacanafuemona cuena zúitaibite, —daide.

¹² Aféfuemo comécillano Juan ei María jofomo jaide. Afe Juan jiáifodo mameide Marcos. Afécomo aillo comini Juzíñamuimo iere úrillena gairídiaioi. ¹³ Pedro afeco abi ibiri llaveca nazemo náidazaide. Náidaillano jofo ero imaci jíirite. Iemona Ródena mámecirede ringoza bu billa daiállena eróizaide. ¹⁴ Mei íadi Pédróna uáimona onóillano, nazena tuiñoño, ióbicaillano meine jofo aizida llujjide:

—Pedro nazemo dúcina, —daiízaide.

¹⁵ Jira íena daidíaioi:

—¡Uáiritaidio!

Mei íadi afengo daide:

—Uáfueña ñue lloticue; uáfueña Pedro dinomo ite, —afengo daiífoide. Mei íadi afémaci íinoñoeno daidíaioi:

—Pédroñedeza; fia ie joreño, —daidíaioi.

¹⁶ Mei íaioi úrioina llezica, Pedro nazemo nai jíirioide. Afe meífomo naze tuiñoda íemo érocaidiaioi. Erocaillano jacínaitiaioi:

—Ua meita Pédrodio, —daidíaioi. ¹⁷ Mei íadi ónoido:

—Mai omoi úriñoeno, llícai, —daide. Iemona Juzíñamui llavéracomona ie zúitafue llote. Iemo íaioina daide:

—Bifue Santiágo lluájiri nana jíáie ámatiairi, —daide.

Ie meífodo jino jaillano oni jíáinomo jaide.

¹⁸ Jae monáizaidemo, llavécana úiñorainimo aillo riire júfidotiaioi, mei onóñediaioiza; daidíaioi:

—Benó cai úiñoega Pedro ¿niné jaide? —daidíaioi.

¹⁹ Herodes Pédróna íaioina jenótate. Iena íaioi baiñenamona, nana úiñorainimo jicájicanode. Ie mei Herodes afeúñoraini fatátate, Pedro íaioi botata jira. Afe mei Herodes Judéamona jae oni Cesaréamo jaiánite.

Herodes tíllafue

²⁰ Jae Herodes Tiro comini Sidón comini díga íaioiri icíríoide. Mei íadi afémaci dani comeci facádiaioi ie uíecomo cízoaibillena. Illaíma Herodes jabóidillaíma Blasto. Afémiena fairíotarediaioi íaioiri ñue nabáirillena. Afémiedo ñue caimare illifue Heródemo jicádiaioi. Ua izire jicádiaioi, íaioi guílleníai, illaíma Herodes éniemona íaioi ófírena jira. ²¹ Ie jira Herodes íaioimo úrizaiillirui íaioimo llote. Aféruimo ebírede illaíma iniroi jíitano illaíma ráiiranomo ráinade. Daií ñiano are íaioimo úrite. ²² Mei íemona comini caillíoicana íena daidíaioi:

—Bie úritimie fia cómeñedeza, afémie juzíñamui, —daidíaioi.

²³ Afe llezica Juzíñamui abi ímie Heródena iráretade Juzíñamuimo ñúefuena nitátañena jírrari. Iemona afe Herodes aiáide tíilla.

²⁴ Iadi Juzíñamui lloga uai oni jalléicaide. Afe jalléinamona náganerie fidídiaioi.

²⁵ Bernabé Saulo díga íaillinoi afe úcube fíiaillano meine abido Jerusalémona bitíiaillinoi. Aféillinoído bite dáamie, Juan daínámie. Dáamie mámecei Márcona.

13

Bernabé Saulo díga como fueñe nágagobíai llócaidiaillinoi

¹ Antioquíamo ite gairíracomo nano níga uai jino llóraini ite naa llófueraniri. Afémaci mámecei: Bernabé, Simón, Cirene ímie Lucio, Manaén, Saulo dígamiediaioi. Simón jíáifo mameina Negro. Galilea illaíma Herodes Manaén díga, dánomo comuídiaillinoi.

² Aféruillaido afémaci güiñeno Juzíñamuimo caimátaidiaioi. Iemo Juzíñamui Ñuera Joreño íaioina daide:

—Bernabé Saulo diga oni eneno nizeri, cue ocuica raa íaillinoi jetállena.

³ Güiñeno Juzíñamuimo úrilla meífodo éinamací íaillinoina ónoído ézicita, daidíaioi:

—Mai, ómicoi jairi, —daidíaioi.

Orécamací Chipre éniemo llófuiaidiaioi

⁴ Ie mei daí Ñuera Joreño íaillinoimo llujáillamona oni Antioquíamona Selúci-amo jáidiaillinoi. Dinómona áillocado monaillai cigi záfedu Chipremo jáidiaillinoi.

⁵ Salamina ígobemo dúcizaidiaillinoimo judío llófueriracomo Juzíñamui uaillaí jino llotíaillinoi. Afe llezica Juan íaillinoi canócana nabázaide. ⁶ Nana Chipre éniemo llóca-diaioi. Iirainomo Pafo jófueмо dúcidiaioi. Dinomo judío aima Barjesuna mámeciredimie baizájidiaioi. Afe aima táinona llófuefiredimie. Afémie daiífiredi:

—Juzíñamui dibénedo úriticue, —daide.

⁷ Afe aima ocuídillaíma Sergio Paulo dígamie dáanomo itíaillinoi. Afe Sergio ráfuena ñue onódimie. Aféllaíma Bernabé Saulo diga jíritade Juzíñamui uaillaí cacáillena. ⁸ Mei íadi afe aima Bernabé Saulo diga llogáuai uáitano zanode. Ocuídillaíma íinuana aima rairuíacade. Afe aima jíáfodo mameina, Elimas. ⁹ Saulo jíáfodo mameina Pablo. Afe Pablo Ñuera Joreño úicaigamie. Aima dáinana cacáillano íemo riire érocaillano ¹⁰ daide:

—¡Jíáíma jífuetimiedio! Íáíba Taife jitódio. Nana ñúefuiaina uáitaraimadio. ¿Ñibái mei ñuera Juzíñamui lloga uai oni cáitano féitaacadío? ¿Ñibái mei o táinofuiaina fáicanocaiñeno jino llóllodio? ¹¹ Mei jabe Ocuíraíma Jesucristo riire ona duere fínoite. O ui nírite. Nano nígarui jitoma egáíñuana cióñeitio, —daide.

Daí dáinamona ie ui niríbicaide. Jae jitídine taino mellécade. Dámie íena ónoído jainátacana úite, ie ui cióñena jira. ¹² Ocuídillaíma Sergio Paulo áfena cióillano, llogáuaina ñue ínote, mei Juzíñamui llófueinamo jacíruiocana aféuaimo ñue eroide.

Pablo Bernabé diga Pisidia éniemo ite Antioquía jófueмо jáidiaillinoi

¹³ Pablo ie nabáíñiai diga nocaedo Pafo jófuemona jáidiaioi. Dinómona Panfilia éniemo ite Perge jófueмо jáidiaioi. Afénomo Juan íaioina fiénocaillano abido Jerusalem jaide.

¹⁴ Pablo ie nabáíñiai diga afe Pérgemo dúciillano, Pisidia éniemo ite Antioquía jófueмо arido jaícina jáidiaioi. Dinomo ocózinaiaruimo llófueriraco eromo ráinazaidiaioi.

¹⁵ Ocuícafuiái illánicomona fueñe facádotiaioi. Ie mei Juzíñamui uai jino lloránicuaímona facádotiaioi. Afe facádua fúillamona llófueriraco illaíni íaillinoina daidíaioi:

—Amatíai, ómicoi cacai. Omicoi llóicaigafuiái íadi comíni cacáilleza jino ómicoi llóoiri, —daide.

¹⁶ Mei íemona Pablo náidacaillano, ónoído comínina llíicaitade. Afe mei íaioina daide:

—Israel nairai, omoi cácarei. Daje izói Juzíñamuina jacíruioidino, omoi cácarei.

¹⁷ Israel nairai Juzíñamui cai jáiairagíma nana íaioina nizede. Iemona Egipto éniemo ónoñegamacina íaioi illa llezica, aillo náiraina afémie jebuítate. Afe mei aféniemona dama íemo ite ie ríinodo íaioina oni ote. ¹⁸ Ua mei Juzíñamui comeci jitáinafue nai figo fuitáñediaioi, mei íadi afe táizicimo cuarenta diga fimona Juzíñamui íaioina zófeño úínote. ¹⁹ Afe mei Canaán éniemo ite siete nairai Juzíñamui niné táinocaitaga, afe énie cai jáiairagíma maiñóllena. ²⁰ Afe meífodo diga riire jicánoraini cuatrocientos cincuenta fimona ocuícaiaioi. Ua ocuícaiaioi uai llóraíma Samuel illáruimo. ²¹ Ie mei íaioina ócuíte ríillaíma jicádiaioi. Jira Juzíñamui Saúl cuarenta fimona afémaci illáimana jónete. Afe Saúl Cis jitó, Benjamín nairai ímie. ²² Afe mei Juzíñamui Saúlna oni orede. Oni óriano David illáimana ie meífomo jónete. David ífuedo Juzíñamui úrite; daide: “Cuen a íóbitadimie David baiticue. Afémie Isaí jitó. Nana cue jitaiga raana jetáfiredi,” daide.

²³ Afe David cómogíamona Jesús jococa. Afe Jesús Juzíñamui uícomo daínauai izói Israel nairai jíllotaitimiena íaioi cígiconi Juzíñamui comúitate. ²⁴ Jesús comínimo nai abi

báifitañenia Juan nana Israel náiraimo jino llote; daide: “Nana omoi báutizarediomoí. Omoi comeci ífuiái mai ñúefuena méidoziri.”²⁵ Juan uícodo llófuaiillafue fúiacademo, daide: “Omoi comeci fácamieñedicue. Jamáimiedicue. Mei íadi cue meífodo bitímie cue baimo baitádimie. Afémie idai ico igaina zuitánidicue, (jiba jamáimiedicueza),” daí Juan daide.

²⁶ ‘Cáimaci, omoi cácarei. Abraham nairai urúcidimoiza; mai cácarei. Omoimona Juzíñamuina jacírioidino, omoi cácarei. Bie ñue jíllotaitiui omoie.²⁷ Mei Jerusalemo itino íaioí illáiniri Jesús nahí ífuena fidíñediaioí. Daje izoí naga ocózinaiillaruimo facádoga uai llóraini llogáuailaina cacádiaioí, mei íadi aféuai daináfueña onóñediaioí. Aféuailaina íaioí onóñenado Jesús duere finótatiaioí. Daí jaiai ninomo mamécafuiái afémiemo fuitádiaioí.²⁸ Afe Jesús fatátallifuena due jiza jaca baiñediaioí; mei íadi Pilátomo ie fatátallena jicádiaioí.²⁹ Afe mei nana afémiedo Cuegáuailaimo jaiai ninomo lloga uailai fuitádiaioimo, crúzmona íena ana otá íena raiájidiaioí.³⁰ Mei íadi Juzíñamui tíllanomona íena meine cáatate.³¹ Afe mei diga irui íllamona Galiléamona Jerusalemo ie diga jáicadinomo Jesús íaioimo cíocaiide. Afe iedo jáicadino ja birui comínimo afémie llócaigafue llotíaioí.

³² ‘Juzíñamui cai jáiiragimamo uícodo llogáuaido úrite. Ñúefuedo úrite. Ja birui afe ñúefue omoimo lloticai.³³ Ja cai bie afémaci cómogimadicaí. Ie jira afémie uícodo llogáuái ja caimo fuilla. Afe uai daide: “Jesucristo tíidena meine abido cáataticue.” Daí rúanicomo cuega; segundo ruamo cuega; llote: “Cue jitódio. Birui ona cáataticue.”

³⁴ Diga ícaíño Juzíñamui ie cáailifuena llote. Ua tíllanomona íena cáataite, ie íeizi jaca ninomo rífaíñeillena. Juzíñamui aféfuena jaiai ninomo Cuegáuailaido daide. Afe uai ie jitó Jesuna daide: “Davidmo uícodo cue uafue lloga ñue cáimafuiái nahí omo jainaide.”³⁵ Ie jira rúanicomo jíáiruado daide: “O izíruiga ñue canódimie íeizi ráiruitio ie rífaíñeillena,” daide.³⁶ Afe David ie llezica igímana ñue canode, Juzíñamui ie ocuilla izoí. Afe meífomo David tíllano ie uzútiaí cígimo íena raiájidiaioí. Iemo ie íeizi rifaide.³⁷ Mei íadi Juzíñamui cáatagamie íeizi rifáíñede.³⁸ Cáimaci, omoi cacai. Afe bie rifáitañeno cáatagamie Jesudo omoi fiénidifuiái iba óñeillifue ja omoimo jino lloga.³⁹ Afémiedo nana íena ínotino nana íaioí fiénidifuiaimona dófcaítiaioí. Mei íadi Moisés ocuícafuiái cai fiénidifuiaimona caina zuitáñede, mei cuinaca izoí jaináidicaí.⁴⁰ Ñue abi omoi rairuiri uai jino llóraini cuega mamécafuiái omoimo báíñeillena. Afe mamécafue daide:

⁴¹ Ínoñeno uáitaoidino, omoi cácarei; cacáillano áferi omoi jacínaificairi.

Iemona niné táinocaitimoiza, aféruillaido jamánomo ñue jácifue cue fínua jírari.

Aféfuena dámie omoimo lloía, íadi áfena ínoñeitiomoiza, —daide.

⁴² Pablo ie nabáíñiaíri judío garíracomona jino jáidiaioí. Jáidiaioimo judíoñedino jocócaiaioí íaioimo aféfuena meine abido íaioimo lluaíbillena jicádiaioí. Afe úreite ocózinaiillaruimo meine lluaíbillena jicádiaioí.⁴³ Afe llófueriracomo íaioí gairilla záillamona aillo judíuai Pablo llogafue jíeruitiaioí. Iemona Pablo Bernabé diga íaillinoído jáidiaioí. Daje izoí aillo judío onóigafuena jeire otino íaillinoído jáidiaioí. Pablo, Bernabé diga íaioimo llote:

—Mai Juzíñamui caina izíruillafuemo nágarui aféfuemo ñue omoi coméciri, —daide.

⁴⁴ Siete dígarui íllamona ocózinaiillaruimo, nana jofue comini dáanomo gairídiaioí, Juzíñamui uailai cacáreillena.⁴⁵ Mei afénomo aillo comini gairíllana judíuai cíóillano, úrioina izoí itíaioí. Afénomo Pablo uailai uáitano íena báíñotiaioí.⁴⁶ Ie mei Pablo Bernabé diga abi mámano íaioina daide:

—Judíuai, bie Juzíñamui uai fueñe omoimo llole iere jitáirede; mei íadi ja aféfuena óiacañediomoí; afe ícoinia zíñona cáallinona llínoñeitiomoí. Ie jira ja birui judíoñedino jaiticaí.⁴⁷ Mei jira Juzíñamui daí caina llotátate; Juzíñamui daide:

Cuedo náiraina fidítaraimana o mamédicue.

Nana énie íiraino imaci ñuera jíllonafue llóraimana íitio.

⁴⁸ Aféfuena cacáillano judíoñedino ióbicaidiaioi. Iaioi úrilla fueñe táinia llezica: —Juzíñamui uáillaina jamánomo ñuera, —daidíaioi.

Afémacimona aféfuena ínotino aillo ite. Zíñona cáatatinona llínoitínona mamécaiaioi. ⁴⁹ Iemona Juzíñamui uailalai nana afe énie náiraido jae ñue jalleide. ⁵⁰ Afe jófuemo Moo Juzíñamuimo izire jaináiacade ringóniamona dáingorie ite. Afe ringóniai illaingo izóidingotiai. Judúuai afe ringóniaimo úrite, Pablo afe jófuemona oni oréllena. Daje llezica judúuai afe jofue illáinimo daje izói úrizaidiaioi. Iaioi comeci fienu fínua jira, jáie Páblona duere finóacanafue comuízailla, Bernabé diga. Afe jófuemona oni íaillinoi orédiaioi. ⁵¹ Afe ória meífodo afe íaillinoi eiba ico íaie íaioimo teténote; afe teténuafe baimaci comeci íaifuiamo íteza, daíacade.

Daí ñiano Iconio jófuemo jáidiaillinoi. ⁵² Mei íadi Jesús llogáfuemo ínotino iere ióbioidiaioi. Afe llezica Ñuera Joreño úcaigaiaioi.

14

Pablo Bernabé diga Icóniomo itíaillinoi

¹ Icóniomo dúciillano judío llófueriracomo daane jofo jáidiaillinoi. Dinomo jamánomo ñue úritiaillinoi. Afemona aillo judúuai Jesumo ínotiaioi; judíoñedinomona daje izói aillo afefue ínotiaioi. ² Mei íadi ínoacañede judúuai jáie judíoñedino comeci íaire finódiaioi. Daí Páblona Bernabé diga éoicana eróidiaioi. ³ Ie jira dinomo diga irui ñue jácina jacíruiñeno Ocuíraima Jesús mámeçido llófuetiaillinoi. Afe llezica Juzíñamui dama ie ñue ríino íaillinoimo fecade. Afemona onótate ráaniai cíorainina ráaniai diga finódiaillinoi. Aféniaido íaillinoi lloga Juzíñamui caina izíruillafue Juzíñamui ñue comínimo fidítate. ⁴ Mei íadi jofue comini bóziaidaiaioi. Dáarie judúuai dibénemo jaináiacadiaioi. Jáimaci Pablo Bernabé diga dibénemo jaináiacadiaioi. ⁵ Afe meífodo ínoacañede judúuai jáie judíoñedino diga naa íaioi illáiniri nofíciaina íaillinoi níjiacadiaioi. Daí íaillinoina duere finóacadiaioi. ⁶ Mei íadi aféfuena orécamaci uícodo fidídiaioi. Fídiano Pablo Bernabé diga Licaónia éniemo botádiaillinoi. Dinomo ménagobemo macáoidiaillinoi, Listra Derbe diga naa afe áinori itíniaido. ⁷ Dinomo ñue jíllonafue llotíaillinoi.

Lístramo Pablo nofícina níjidiaioi

⁸ Iemo Lístramo macáñede aidaima ite. Ie jocóinanomona tízitaitie izói macáñede. Jaca ie macánina jira dinomo ráide. ⁹ Afémie Pablo daínáfuemo ñue cacáreide. Iemona Pablo íemo érocaillamona, tízitaitimie ñue ínuana Pablo comécido fidíde. Ie ínuamona afémie jíllorede. ¹⁰ Iemona Pablo íena riire daide:

—O ídaido caifo jácina naidai, —daide.

Afénomona afémie tícacaillano náidacaide; náidacaillano como fueñe mácajide. ¹¹ Daí Pablo finócafueña cíoillano, nana comini Licaónia uáillaído caillíoicana daidíaioi:

—¡Juzíñamuillai jamai comini izói ana cai cígimo billa! —daidíaioi.

¹² Bernabena Júpiter juzíñamui daidíaioi; Páblona Mercurio juzíñamui daidíaioi, jamánomo ráfuiyai llotímiena jira. ¹³ Júpiter gairíraco naze fueri ite. Afeco úíñotimie juráretuai atide naa amena záfiaiai diga. Afémie naa comini íaillinoimo cáimadoacadiaioi. Juráreto fáillemona íaillinoina ióbitaacadiaioi. ¹⁴ Mei íadi orécamaci Pablo Bernabé diga fidídiaillinoi. Aféfuena fidínamona, incúiro cúatacaillano, comini cígimo jáidiaillinoi. (Afe iniroi cuata daíacade íaillinoi comeci jamánomo ríicaide.) Jaillano caillíoicana daidíaillinoi:

¹⁵ —¡Nana omoi, cácarei! ¿Níbái bie izói finódiomoi? Coco omoi izói jiba cómedicoco. Ñúefue ómoimo atídicoco. Afe bie tánofuiyai omoi fáicanocaillena lluaíbiticoco. Fáicanocaillano, ua caade Juzíñamui ñine omoi jáillena daí lluaíbiticoco. Afémie mona, bie énie, monáillai ñeze finode naa íaioimo itínuiari. ¹⁶ Jáairagima illa llezica nana

nairai íaioi comeci jitáillafodo macáoidiaioi. Aféruillaido Juzíñamui íaioina lletáñede. ¹⁷ Mei íadi Juzíñamui ñüemie ífueña ñue ómoimo finócafuiaido ómoína fidítafirede. Ua ñue nocina ómoimo bítafirede. Nana aménaiaí llizíllajaina ómoiri llizítate. Afedo omoi güille ñue ite, omoi comeci ióbillena, —daí úrite Pablo.

¹⁸ Mei nana afe daínauailai daina íadi, nana comini íaillinoiri juráretuai nai fáiacadiaioi. Iadi ícoimo afétuai íaioi faana féitatadiaillinoi.

¹⁹ Afe mei Antioquíamona Icóniomona dáarie judíuai dúcizaide. Litra comínimo júfiduano Pablo fállena mamédiaioi. Iemona Páblona nofciaína níjdiaioi. Níjiano jofue jinófenemo íena zonócaidiaioi. Comécido daidíaioi: “Ñíbai tíide,” daide.

²⁰ Mei íadi ínotino íemo gairídiaoimo Pablo náidacaillano meine jófuego jaide. Afe jítiramoidiruido aféme Bernabé diga Dérbemo jáidiaillinoi.

²¹ Dinomo jíllona uailai jino llotíaillinoi. Afe jófuego aillo comini Jesumo ínotiaioi. Afe mei meine abido Lístramo, Icóniomo íemo Antioquíamo dieze jáidiaillinoi. ²² Nana afénuaí jofue ínotinuaí ñue caimare íciretadiaillinoi. Ñue jáicina ínuafuedo íaioi jáillena llófuetiaillinoi. Iemo íaioina daidíaillinoi:

—Juzíñamui illáimana illíruimo cai jáillena, aillo afe facátafuaí íere caimo jitáirede, —daide.

²³ Afe llezica naga gairíracuaímo ócuite illáinina mamédiaillinoi. Afe mei güiñeno Juzíñamuimo íere úrilla meífomo nana como ocuídillainina mamécamiíai Juzíñamui úínuamo jónetiaillinoi, Juzíñamuimo ñue íaioi ínua jira.

Pablo Bernabé diga íaillinoi nano billánomo abido jáidiaillinoi

²⁴ Afe meífodo Pisidia éniemona jaillano Panfilia éniemo dúcidiaillinoi. ²⁵ Perge jófuego jíllonafue llotíaillinoi. Afe llua meífomo Atalia jófuego jáidiaillinoi. ²⁶ Dinómona Siria éniemo ite Antioquía jófuego nocaedo ruica jáidiaillinoi. Naui afe jófuego ite ínotino íaillinoína Juzíñamuimo jónetiaioi. Daí finódiaioi jáíe nairai ñüefuena llófuiaillena. Ja birui afe tájina fuilla. ²⁷ Antioquíamo dúcidiaillinoímo, nana ínotino Juzíñamui garíracomo gairídiaioi. Gairídiaoímo Pablo nana Juzíñamui íaillinoído finócafuaí jino íaioímo lloste. Afe llezica judíoñedinomo Juzíñamui ñue jílluille io como túiñua llotíaillinoi. Afe izói áfemo afémaci ínorediaioi. ²⁸ Afe meífomo Pablo Bernabé diga ínotino cígímo are diga irui itíaillinoi.

15

Ínotino illaini Jerusalemo gairídiaioi orécamaci diga

¹ Aféruillaido dáarie íñiaí Judea éniemona Antioquíamo ite ínotino llófuiaíbite. Íaioína daidíaioi:

—Moisés ocuica íiza bacano ícoí quétafuena omoi finóñenia, jílloneitímoí, —daidíaioi.

² Ie jira Pablo Bernabé diga íaioímo rírede uáillaido úritiaillinoi aillo júfiduafuaí diga. Iemona Antioquíamo ite ínotino Pablo, Bernabé, jáíimaci diga nizédiaioi, Jerusalemo ite orécamacímo aféfuena jícanuaillena; daje izói Jerusalemo ite Juzíñamuimo gairídino illáinímo jícanuaitiaioi.

³ Mei daí nízia mei Antioquía ínotino afe nizécanona orédiaioi. Afe oréinamona, Fenicia éniédo Samaria énie diga jáidiaioi. Jaillano judíoñedino íaioi jaiaí llóinuauillai féitano Juzíñamui dibénedo jáillafue llotíaioi. Nana ámatiaí aféfuena cacáillano íere íóbidiaioi.

⁴ Pablo Bernabé diga Jerusalemo dúcidiaillinoímo, Juzíñamuimo gairídino caimare uáidogaiaillinoi. Daje izói orécamaci naa gairídino illáiníri íaillinoína caimare uáidotiaioi. Dinomo Juzíñamui íaioíri finócafuaí íaioímo jino llotíaillinoi. ⁵ Mei íadi fariséuaimona dáarie ínotino caífo naídáillano íaioína daide:

—Ĥnote judíoñedinomo afe cai izóí quetáinafue jitáirede. Afe emódomo Moisés ocuícáfue ñue ĥnollena jitáirede, —daidíai.oi.

⁶ Iemona orécamací naa ĥnotino illáiniri aféfuena ñue onóillena gairídíai.oi. ⁷ Aféfuiai are íai.oi júfidua meífomo, Pedro caifo náidaiillano daide:

—Amatíai, omoi cácarei. Naui Juzíñamui cuemo finócafueña onódi.oi. Juzíñamui omoi cígimona cue nizeda judíoñedino cígimo orede. Ua cuena nizede afémacimo ñue jíllonafue uailíai cue llujállena; áfemona afémaci aféfuiaína ĥnotíai.oi. ⁸ Cai comécina onode Juzíñamui cuemo llote: “Afe judíoñedinona ñue llínoíticue,” daide. Afemona Ñuera Joreño íai.oi mo fecade caimo ie feca ízoi. ⁹ Juzíñamui cáimona afémacimo jíáifodo finóñede. Íai.oi ĥnuado íai.oi comeci íaifue Juzíñamui oni dote caie ie dua ízoi. ¹⁰ Mei birui ¿ñibái mei Juzíñamui finócafue jeire oñédi.oi? ¿Ñibái mei baie ĥnotino jamánomo riire ocuícadio? Afe ocuínafueña cai, cai jái airagima diga finónidíai. ¹¹ Mei íadi jíáifodo ĥnotíai, cai jíllloillena. Ocuíraíma Jesús caimo dúecaide. Afemo cai ĥnuamona íbáñeno jílllobicaidíai. Afe izóí judíoñedino Jesumo ĥnuamona íbáñeno jílllobicaidíai.oi, —daide.

¹² Mei jira afémaci llícaidíai.oi, Bernabé Pablo diga llogáfuemo cacáreillena. Nana judíoñedino cígimo Juzíñamui finócafueiaí llotíaiillínoí. Dinomo íaillínoído uaido finoca onótate raa cíorainina raa diga Juzíñamui finode. Aféfuiai jino llotíaiillínoí. ¹³ Íaillínoí llogafue fúillamona, Santiago daide:

—Amatíai, cue dáinamo cácarei. ¹⁴ Simón Pedro jae Juzíñamui judíoñedinona como fueñe íai.oi na izire canóinafue caimo jino llote. Juzíñamui jae judíoñedimacimona dáazie como níziaíbite dama ie náiraina. ¹⁵ Afefue ua Juzíñamui jaiai uai llóraini cuezáfueiaímo jáicína dájena jóobide. Afe Cuezáfueiaí daide:

¹⁶ Bífue mei, meine bííticue.

Ua David jaiai nairai, júdaízitaga íadi, meine dáaziena jofo gairítaiticue.

Aféziemona due fiébidino jaiai íai.oi ízaina izóí meine jebuítaiticue.

Ríinidímaci jofo dánomo otátaiticue, ñue ríírediziena íai.oi íllena.

¹⁷ Afe daíí fínuaíbíticue nana jíáimaciaí Juzíñamuimo comeci fácajano íai.oi ĥnollena.

Daíí fínóíticue nana cuena náamarede judíoñede náirai.oi cuemo comeci facada ĥnollena.

¹⁸ Ua jaiai ninómona aféfuiai onótate Juzíñamui daíí daide.

¹⁹ ‘Te jira bífue llotíicue. Afe como Juzíñamuido jáiacade judíoñedino mai, cai íai.oi na áifedoñeíticai. Jae íai.oi jaiai ĥnoga táinofueiaí fáicanocaidíai.oi Juzíñamui llogáfueiaína íai.oi ĥnollena. ²⁰ Due llétafue íai.oi mo cai cúellena ja dieze figo baite. Afe bífuiaí íai.oi mo llóíticai. Mai jánaraimo fia fecaca güíllena omoi jetáñeno iri. Mai jíruífuemona abí omoi rairuiri. Dama áiredímie ie aí diga illa ñuena. Mai cimoina cigínoga rílleniaí riñeno iri. Afe izóí coróbaitaga rílleniaí riñeno iri. Daje izóí díena omoi jíroñeno iri. ²¹ Daíí judíoñede como ĥnotimacimo lletádicaíza, ñibai nanómona nana jófuemo Moisés ocuícáfue llófueraini ite. Naga ocózinaiillaruido llófueriracomo afe Cuezáfueiaí jino facádotíai.oi. Ací dino Santiago llote.

²² Iemo orécamací gairídímaci, nana íai.oi illaini diga, “Jíi,” daidíai.oi. Iemona íai.oi cígimona dámierie nizéllena maméritíai.oi, Antioquíamo oréllena Pablo Bernabé diga íaillínoí nabáillena. Judas daínámie nizédíai.oi; afémie jíáifodo mameína Barsabás. Daje llezica Sílasna nizédíai.oi. Afe íaillínoí ámatíai cígiri illaíma izóidiaillínoí. ²³ Íaillínoído cuezabe orédíai.oi. Afébemo daide:

“Cai Antioquíamo ite judíoñede ámatíaimo uai orédíai. Afe izóí Siria éniemo ite ámatíaimo, Cilicia éniemo ite ámatíai dieze nana ómoímo uai orédíai. Nana orécamací, Juzíñamuimo gairídino illaini, benó ite ámatíai diga, ómoímo uai orédíai. ²⁴ Cáimona ómoímo nauí bitino finócafue jae fidídíai. Caimo lloñeno oni jáidíai.oi. Cai óreñegaíai.oi. Dani ímaci uáíllaido jae omoi ífocí írinuaidíai.oi. Daíí ómoína áifeduaidíai.oi. Omoi bacano

icoi quetállifuiyai llujjidiaioi; jiaie Moisés llogauailai ómoimo ocuizaidiaioi. ²⁵ Ie jira cai comécido ñue jaide cai cigimona mena come mameda ómoimo oréllena. Aféfuena nana jieruíticai. Bie nizécaillinoi Pablo Bernabé diga omoi éroizaibitiaioi. Pablo Bernabé diga cai iere izíruiga ámaillinoi. ²⁶ Cai Ocuíraima Jesucristo ñúefue íaillinoi llua ícoina, jaci cácatagaillinoi. ²⁷ Daí Judas Silas diga ómoimo orédicai. Aféillinoi ómoimo jofu úritiaillinoi nana bífuiai jino ñue llóllena. ²⁸ Mei cáimona ñue cioide; afe izói Ñuera Joreñomona ñue cioide riírede rafue ómoimo cai mámeñeillena. Dama jitáiredifue mámeíticai. ²⁹ Jánaraimo fia fecaca rílleniaina omoi riñeno iri. Daje izói díena jiroñeno iri; cimoina cigínoga ríllena omoi riñeno iri. Nana jiruífueмона abi omoi rairuiri. Dama áiredimie ie ai diga illa ñuena. Bífuiaimona abi omoi rairuíadi, ñue ítíomoi. Jae ñie.”

³⁰ Daí Jerusalemo ite ínotino íaioina Antioquíamo orédiaioi. Antioquíamo dúcidiaioimo, dinomo ite ínotino dánomo gairítatiaioi afe rabe fecállena. ³¹ Afebe ámatiai facáduamona iere ióbidiaioi. Ua afe caimare llétafueri ióbidiaioi. ³² Judas Silas diga Juzíñamuimona oga rafue jino llórediaillinoi. Ie jira íaillinoi uáillaído afe ámatiai ñue náirecaitadiaillinoi. Afe llezica íaioina ñue comeci íírazitadiaillinoi íaioi caimare íllena. ³³ Dinomo diga irui íllamona, Antioquíamo ite ámatiai comeci jacínaiñenafuedo íaioina jáitatiaioi. Daí íaioina uáidonocaidiaioi meine íaioi orécamací diné jáillena. ³⁴ Mei íadi Silas Antioquíamo fiébicaillena mamérite. ³⁵ Afe izói Pablo Bernabé diga Antioquíamo fiébidiaillinoi. Afe meífodo, aillo jiaie llóraini diga, llófueritiaioi. Cai Ocuíraima Jesucristo uailai jino llotíaioi.

Pablo dánomo nane jáizaide ñúefue llujjillena

³⁶ Diga irui illa meífomo Pablo Bernabena daide:

—Mai dánomo meine coco jai, nauí coco llófuegano coco uáiduaili. Nana íaioi jófuedo Jesucristo uailai llófueticoco, ie jira afémaci ñe izói itíaioiza coco eróizai, —daide.

³⁷ Bernabé Marcos úiacade íaillinoi jaille dine. (Marcos jáífodo mameina Juan.) ³⁸ Mei íadi Pablo íena úiacañede, nauí Panfilia éniemo íaioina fiénocaila jira. Iemo íaillinoi tájicanado jáíñede. ³⁹ Afefue jamánomo íaillinoi riire júfidua meífodo, dáríe enénorie oni jáidiaillinoi. Ie mei Bernabé Marcos uite. Daí ñiano, nocaedo Chípremo jáidiaillinoi. ⁴⁰ Afe llezica Pablo dama íeiena Silas nizeda ote. Nízia mei, afénomo ite ámatiai Juzíñamui íaillinoi izíruillena caimare jicádiaioi, daje izói Juzíñamui íaillinoina nabáirillena. Daí jica meífomo, oni jáínomo jáidiaillinoi. ⁴¹ Siria énie, Cilicia éniédo jáidiaillinoi. Afénomo Juzíñamuimo gairide ámatiai náicaitadiaillinoi.

16

Timoteo Pablo Silas diga nabáizaide

¹ Derbe, Lystra jofue diga dinomo Pablo, Silas diga dúcidiaillinoi. Afénomo daa Juzíñamuimo ínotimie baizájidiaillinoi. Ie ei judúaimona Juzíñamuimo ínotingo. Mei íadi ie moo griego ímie. ² Lystramo ite ámatiai afémiedo ñue úritiaioi naa ícóniomo ite ámatiairi. ³ Pablo Timotéona ie nabaina úiacade. Ie jira ie bacano icoi quetátate, íaioi jáillinomo ite judúuai afémiedo comeci fiéni fácañeillena. Mei afémaci ie moo griego ímienana ñue onódiaioiza. ⁴ Nana íaioi jáillado ite jófuedo lletáinafue llotíaioi. Afe lletáinafue Jerusalemo ite orécamací ocuide éinamací diga llotátatiaioi. ⁵ Daí Juzíñamuimo garídímaci íaioi ínuafue ñue oni mónaioicaide. Afemona nágarui aillo jebuíoicaidiaioi.

Pablo Macedonia ímiena nicai anado ciona izói ciode

⁶ Asia éniemo Ñuera Joreño ñúefue íaioi llujjillana ráiruide. Ie jira Frigia énie, Galacia énie diga afe éniemo oni llujjidiaioi. ⁷ Ie mei Misia énie fuédamo dúcidiaioi. Dinómona Bitinia éniemo jáillana comeci facádiaioi, mei íadi Jesús Joreño dinomo íaioi jáillana rairuide. ⁸ Ie jira jica Misia énie fuédado jáidiaioi. Dinómona Troas ígobemo jáidiaioi.

⁹ Dinomo afe naio Pablo nicáirilla izói ciode. Afe nicáirilla izói Macedonia énie ímiena ciode. Afémie náidaicana Páblona izire jicade; daide: “Bené Macedóniamo cai cánuai bi,” —daide. ¹⁰ Daií Pablo nicai anado izói ciónamona Macedóniamo cai jáillena mamériticai. Jae Juzíñamui cai jíirillaza ua onódicai dinomo ñúefue cai lluájillena.

Pablo Silas diga Filipos jófuego illafue

¹¹ Iemona Tróasmona nocaedo monaillai cigi idu Samotráciamo jáicina jáidicai. Ie jítiramo Neápolismo dúcidicai. ¹² Dinómona Filipos jófuego jáidicai. Afe Macedonia fueda Filipos jamánomo jalléidigobe. Romano comini afe jofue nauí nitátatino. Dinomo nano nígarui iticai. ¹³ Afe ocózinai llaruimo afe jofue jinomo jáidicai. Ua imani fuemo íaioi Juzíñamuimo iere úrizairenanomo jáidicai. Dinomo ráinaillano ñúefuedo gairídingotaiimo úriticai. ¹⁴ Aféngotaiimona daango Lidia mámece redingo. Afengo Tiatira jofue ingo. Afengo jáire jítirede ñuera iniroi fecáraingo. Afe ringo Juzíñamuimo áinozioidingo Juzíñamuimo caimare úrillena. Iemona afengo afe ñúefuena cacáreacade. Jae Juzíñamui afengo comécina tuiñode, Pablo llogáuillai jeire óllena. ¹⁵ Afengo naa ie comíniri báutizagaiaioi. Báutiza mei izire jicada caína daide:

—Comeci anado omoi daiíadi, Juzíñamuimo ua ínotingodicue, mai cue jofomo omoi bi, —daide.

Iemona aféngodo jáidicai.

¹⁶ Afe Juzíñamuimo úrizairanomo cai jailla llezica, fiénidena jóriarede ringoza baizájidicai. Afe fiénide jóriado come ónoñega éicina raire onófirede. Afengo izire jerucango. Afe eici báillado aillo úcubena ie náamatiai íena ófirediaioi. ¹⁷ Afe ringoza Pablo diga caido jáizaide. Caillícana jaide; daide:

—Bimaci caifoide Juzíñamuimo dúidiaioi. Omoi jíilloille io ómoimo llotíai, —daide.

¹⁸ Diga iruillai daií afengo caillide. Are ie caillícana ícoimo, Pablo zefuínate. Meine gírecaillano aféngomo ite fiénide jóriaina daide:

—Jesucristo mámece aféngomona ona oni orédicue, —daide.

Daií daína llezicamona afe fiénide jóriai aféngona fáicanocaillano jaide.

¹⁹ Afe ringoza náamatiai daií ie finóinana ciódiaioi. Iemona:

—Jae aféngodo úcubena óñeiticai, —daiíai.

Daií daínano Pablo Silas diga llaítada ríimaci uícomo aillo gairírabirimo uitíai.

²⁰ Riire jicánorainimo íaillinoína izájidiaioi. Daidíai:

—Bíaiillinoi, judío ímíai cai jófuego comínina rícaitaibite. ²¹ Caimo lluáibigafuíaína jeire ónidicai. Afe izói cai ínidicai, cai bie románodicaiza, —daiíai.

²² Iemona afeno comini íaillinoimo rícaidiaioi. Riire jicánoraini íaillinoi inícuirona duiñoda rázido íaillinoína fatátate. ²³ Iaillinoi aillo fáina meífomo, llavéracomo íaillinoína lláviaidiaioi. Afe llavéraco úiñoraima riire ocúidiaioi íaillinoína ñue rairuíl-lena. ²⁴ Afe riire ocúinafuena cacánamona llavéraco úiñotimie llavéraco jamánomo jofóidicomo íaillinoína orede. Dinomo come idai jíitara íredamo íaillinoína jíitate.

²⁵ Afe naio dáaferuimo Pablo Silas diga Juzíñamuimo úrillano Juzíñamui ruai rotíaiillinoi. Afécomo jáie llavécamiiai afe rúana cacádiaioi. ²⁶ Iaillinoi rua llezica afe énie raire iere riire docáiricaide. Nana afe llavéraco jáillirai izói riire mozide nofíciiai jaidínocaiga izói íficaide. Afe llezicamona llavéraco náziai túicoizite. Afemona nana llavécamiiai llójeuai tíoizite. ²⁷ Iemona llavéraco úiñoraima cazide. Cazídemo jae nana náziai túienana ciode. Comeci anado daide: “Nana llavécamací jae níbai botádiaioi.” Ie jira lloefai ota ie abi faitáacade. ²⁸ Mei íadi Pablo íemo caillide:

—¡Dama o abina fiéni finóñeno iri; nana benó itícaiza! —daide.

²⁹ Mei jira llavéraco úiñoraima bobaie jicade. Iemona Pablo diné aizícana bite. Dinomo afe jágieri abi cuidíroicana, Pablo Silas diga íaillinoi anamo dújude. ³⁰ Ie meífomo íaillinoína jino jíainomo uillano, jicánote:

—Pablo, ¿cuemo ite fiénidifuemona cue jílloillena nie izói íitícue? —daide.

³¹ Jira aféillinoi uai ote:

—O jílloillena cai Ocuíraima Jesucristomo ñno. Iemona o dama jíllobicaitio. Daje izói o ai nana o úruiai diga íñnuamona jíllobicaitiaoi, —daide.

³² Iemona Juzíñamui uailai íemo llotfaillinoi naa ie jofo ero itínuáiri. ³³ Mei íadi daje naio llavériraima íaillinoi fáina boáfiai jocode. Afemona afémie naa íaillinoi úruiairi báutizaigaiaoi. ³⁴ Afe mei aféillinoina ie jofomo uillano ecade. Afémie naa ie comini diga Juzíñamuimo íñnuari caimare íóbidiaoi.

³⁵ Afe jítiramo riire jicánoraini jíáie llavériraini llavéracomo orede, Pablo íaillinoi zuitállena. ³⁶ Iemona llavéraco úñnoraima Páblona daide:

—Riire jicánoraini ómicoina cuena zuitátate. Mei ja birui ómicoi nífuenino uái íllena jino jáirediomicoi, —daide.

³⁷ Mei íadi Pablo llavérirainina daide:

—Romano ímiedicoco, mei íadi cócomo jicánoñeno razido cócona fatíomoi. Faano cócona llavétatiomoi. ¿Mei íadi ja birui bálnino cócona zuitátatiomoi? Mei íeñedeza. Coco llavétatino mai coco zúitaibiri, —daidíaillinoi.

³⁸ Afefue llavériraini jicánorainimo llujáide. Lluájillamona jicánoraini jacínaitiaoi, aféillinoi romano ímienari. ³⁹ Ie jira Pablo Silas diga íaillinoimo jícajidiaoi:

—Caimo ómicoi dúecai, —daízaidiaoi.

Iemona íaillinoi jino uano, íaioi jófuemona oni jáillana izire jicádiaoi. ⁴⁰ Afe llavéracomo jino billano, Lidia jofomo jáidiaillinoi. Amatiana cíoilano íaioina ñue náicaitadiaillinoi. Daí ñiano jáínomo oni jáidiaillinoi.

17

Tesalónicamo comuide aillo úrioinafue

¹ Pablo Silas diga íaillinoi jaillano Anfípolis jófuedo jáidiaillinoi. Ie mei Apolonia jófuedo jáidiaillinoi. Afe mei Tesalónica jófueмо dúcidiaillinoi. Afénomo ite judúuai llófueriraco. ² Pablo ie fibilla izói, afe llófueriracomo jofo llófuerizaide. Daámani ocózi-naillaruido íaioimo úrite. ³ Juzíñamui jaiai Cuegáuai jino íaioimo llóollode. Aféuaimona Cristo duere finóinafue jitáirede, daí íaioimo jino llote. Daje izói Cristo tíida meine cáallena jitáirede daí jino íaioimo llote. Íaioina daide:

—Be ómoimo cue llogámie Jesús dámie Crístona, —daide.

⁴ Mei íemona judúuaimona dámierie aféfuemo íñnotiaoi. Afemona Pablo Silas íaillinoi dibénemo itábicaidiaoi. Afe izói aillo Juzíñamuimo jaináiacade griego ímíai iere ñue íñnotiaoi. Afe izói aillo illaingo izóidingotiai aféuaina íñnotiaoi. ⁵ Mei íadi íñoñede judúuai aféfuerei úradoilla izói itíai. Iemona cállemo ite fiénide ráiraiedinomo gairídiaoi. Ie mei judúuai cállemo ite itñori aillo úrioinafue finódiaoi. Daí jofue comini comeci fieni icíritadiaoi. Jasón jofomo ite Pablo Silas diga llaitállena, afeco cirínotiaoi, aféillinoi llaitada afeno comínimo izájillena. ⁶ Mei íadi íaillinoina baiñédiaoi. Ie jira Jasón zocana uitíai, jíáie ámatiai diga. Jofue illaini uíecomo íaioina uitíai. Daí caillídiaoi:

—Bíaillinoi nágobiaido fieni faillíñeinafuiai finódino ja benomo dúcia. ⁷ Ie mei Jasón ie jofomo íaioina llínote. Nana afe bie bitino cai caifoide romano illaíma ocuífufuai uáitaocana daide: “Jíáie ua cai illaíma ite, Jesús,” —daidíai.

⁸ Aféfuena cacáillano ríimaci naa comíniri faillíñeidiaoi. ⁹ Jasonmo daidíai:

—Cai o jífueñellena uícomo o úcube caimo ine. Uire aféillinoi o oréadi o úcube meine omo íticaí, —daidíai. Ie jira afe úcube íaioimo fécamona ja Jasón jíáie ámatiai diga zuitádiaoi.

Pablo Silas diga Berea jófueмо dúcide

¹⁰ Afemona afe naio ámatiai Pablo Silas diga Beréamo raire orédiaioi. Dinomo dúciillano judúuai llófueriracomo jáidiaillinoi. ¹¹ Bie judúuai Tesalónicamo ite judúuai baimo fígomaci. Caimare afe úrillauaina jeire otíaioi. Nágarui Juzíñamui Cuegáuailaímo jénofirediaioi, íaioimo llogáuailaína uafue daiíllena. ¹² Afemona aillo afémacimona ínotiaioi. Daje izói griéguaímona ínotiaioi. Dájerize íñiaí íemo jíai ñue caimare jacíruigangotiai ínotiaioi. ¹³ Mei íadi Tesalónicamo ite judúuai Pablo Beréamo Juzíñamui llogáuai llófueillana fidíillano, dinomo nane comini fieni failíñaitaitaioi. ¹⁴ Mei íadi ámatiai dama Páblona raire aféruido monáillai fuédamo orédiaioi. Ie mei Silas Timoteo diga Beréamo fiébicaide. ¹⁵ Pablo nabaina jáidino Atenas jófuemo íena izáijdiaioi. Iaioi meine jáidinodo Silas Timoteo diga Pablo íaillinoimo uai orede. Daide: “Cue diné iere raire ómicoi biri, dánomo cai gairílleza,” daide.

Pablo Aténasmo illafue

¹⁶ Nai Pablo Aténasmo Silas, Timoteo diga úiñua llezica, afe jófuedo macade. Macádemo aillo íaioi jánaraiái cióizaide. Aferui Pablo comeci iere zúucaide. ¹⁷ Mei jira llófueriracomo judúuai úrite; daje izói jíaié Juzíñamuimo jáináiacadínori. Nágarui jofue gairírabirimo itínuaímo llore. ¹⁸ Dárie “epicuro” daína llófueinafue facádotino como Pablo diga úrizaidiaioi. Daje izói, dárie “estoicos” daína llogáfuaí facádotino Pablo diga úrizaidiaioi. Dámierie daidíaioi:

—Bie aillo úrifiredimie, ¿nifue caimo llóite? —daidíaioi.

Mei íadi jíaimaci daidíaioi:

—Ñibai jíaié juzíñamuillai llotímie, —daidíaioi.

Daí úritiaioi, Pablo Jesús úrillauai, ie meine cáanafue diga íaioimo llóiacana jira. ¹⁹ Ie mei Areópago daína illánomo íena uitíaioi. Dinomo gairífrediaioi llófueinafue cacaíllena. Dinomo íena jicánotiaioi:

—O atica cómue llófueinafue caí onóacadicaí. ²⁰ Mei ónoñegafuaí caimo llotio. Afe bífuaí daínana onóacadicaí, —daidíaioi.

²¹ Nana Atenas imaci naa afénomo ite onínemaciri, cómue ráfuaína cacáillena járitaitaioi. Afe izói cómofuaí llóllena járitaitaioi. Jíaié táijinamo járitañediaioi.

²² Ie jira Pablo Areópago comini cígimo náidaillano daide:

—Atenas imaci, omoi cácarei. Aillo juzíñamuillaido iere jáináidinodíomoi. Daí omoi íllana ciódicue. ²³ Omoi juzíñamuillai ánozillena finócafuaí illánuaído éroicaídicue. Dinomo daa omoi juzíñamuillaímo comeci facáranos ciódicue. Afénomo cuega uailai daide: “Bie caí ónoñega juzíñamui ie.” Bie omoi onóño jaináiacana Juzíñamui, ua birui ómoimo cue lluaíbigamie.

²⁴ Afe énie finode Juzíñamui naa éniemo itínuaíri, afémie bie énie Naama, mona diga. Afémie comini nigácomo íñede. ²⁵ Afémiemo caí nífuena finónidicaí. Nífuena llónidicaí. Mei jira dama afémie nana comínimo cáatatinona fecáfiredi; daje izói afémie jáfaicína caí ite. Ie emódomo nana ite ráaniaina afémie caimo iga.

²⁶ Naga náiraí fueñe dáziemona Juzíñamui comuítaga, naga illa dígano íaioi éniemo íllena. Iemona dájena diédicaí. Nana íaioi illínuiaí mamede. Daje izói nano nié dino íaioi illíruillai mamede. ²⁷ Daí afémie finoca afe Juzíñamui íaioi jenóllena, ñibai are illa ícoínia ie íaioi báillena. Mei íadi uáfuea Juzíñamui caí illa dígamíemona jica íñede. ²⁸ Mei Juzíñamuido cáadicaí. Afémiedo caí jetácaga raana jetádicaí. Afe izói afémiedo iticaí. Afe daje izói ómoimona dárie rua fínua izoide llore: “Juzíñamui comuítagamacídicaí; ie iziedicaí.” ²⁹ Iemona afe Juzíñamuina fia oro finoina jánarai daí comeci omoi facáño iri, mei Juzíñamui comuítagamacídicaíza. Afe izói afémiena plata finoina jánarai, ebírede nofíci finoina jánarai, daí comécido omoi daíño iri. Nana bie jánaraiaina dani comini comeci faca izói finódicaí. ³⁰ Naui jáidíruillaido comini abina onóñediaioi; daí íllaza

Juziñamui íaioimo nai ibana oñede. Mei íadi birui náganomo itímiaina Juziñamui ouícana daide: “Omoimo fieni itífuiaina méidori,” —daide.

³¹ ‘Nana comínimo itífuiái izire jicánollirui Juziñamui jae mamede. Aféruillaido afémie nizécamiendo jaícina caimo izire jicánoite. Juziñamui afe nizécamienda nana comínimo ñue jino uáfueña onótate; tíllanomona íena meine abido cáatanado nana comínina uáfodo jino fidítate, —daí Pablo llote.

³² Afe tíidimaci meine cáanafueña cacáillano, dáríe itínomona Pablo jifánodoídiaioi. Jiáimaci íena daidíaioi:

—Íco jiáiruido aféfuena meine nane dánomo ómona cácaíticai, —daidíaioi.

³³ Iemo Pablo íaioi cígimona oni jaide. ³⁴ Mei íadi dáarie iedo jáidiaioi. Jailano ínotiaioi. Afe ínotímacimona dámie Dionísio. Afémie Areópago nimáiranimo jaináidimie. Afe ínotímacimona Dámaris mámeciredingo ite, nai bai jiáimaciri.

18

Pablo Coríntomo illafue

¹ Afe meífodo Pablo Aténasmona oni Corinto jófuego jáizaide. ² Dinomo dúcia meífomo Aquila mámecirede judío ímie baizájide. Afémie Ponto énie ímie. Afe Aquila ai Priscila. Afe íaillinoi cómoicana Itáliamona botádiaillinoi; romano caifóidillaíma Claudio nana judíuai Roma jófueña oni íaioi oréina jira. Dinomo Pablo Aquila uáiduaide.

³ Aquila ie ai diga jédaciede iniroi tífuano bizánicai fe nitíaioi. Afe íaioi níllo úcube otíaioi. Pablo afe táijinana fibídímie. Ie jira Pablo afe íaillinoi fiébicaide, djena íaioi táijillena. ⁴ Naga ocózinaillarui llófueriracomo Pablo llófuaifirede. Afemona judíuaimona dáarie ínotiaioi. Afe dájéize judíoñedímacimona ja ínotiaioi.

⁵ Jae Macedonia éniemona Silas Timoteo diga dúcidiaillinoimo, Pablo ie bizáinillai nilla fáicanocaillano, dama Juziñamui ñúefue jino llóllena iere izire llocana uite. Judíuaina uáfodo daide:

—Jesús omoi úiñogamie Cristo, —daide.

⁶ Mei íadi judíuai íena uáitaoidiaioi. Iemo fiénide uailai nitádiaioi. Ie jira Pablo je inícuio íaioimo faiánote. Afe faiánua daide: Iaioi íaire finócafue ícoínia afémie ícoíniañedeza, daní íaioi ícoínia.

Pablo íaioína daide:

—Daní omoi ícoínia tímáritiomoi. Jae ómori nífuenidímiedícue. Biruímona judíoñedímacimo llujíticue, —daide.

⁷ Llófueriracomona jino jaillano, Justo maméidímie jofomo jaide. Justo Juziñamuimo ánozillano caimare úritímie. Afémie jofo llófueriraco abímo ite. ⁸ Afe llófueriraco illaíma Crispo. Afémie naa ie comíniri Ocuíraíma Jesucrístomo ínotiaioi. Afe llezica aillo Corinto jófuego itino, Pablo lloga ñúefuaina cacáillano afemo ínotiaioi. Inuamona báutizagaiaioi. ⁹ Afe mei Juziñamui Páblona nicai anado daide:

—Jacíruiñoeno iri. Mai ñúefue llícaíñoeno lloíri, mei o diga itícueza. ¹⁰ Fiénidífuena bu omo jírítanide. Nai bie jófuego aillo cuemo ínoítinona ite, —daide.

¹¹ Iemona Pablo Coríntomo nai daa fimona átuedo Juziñamui uailai comínimo llófullofuede.

¹² Mei íadi Galióna mámeciredímie, Acaya éniemo illáimana illáruido nana judíuai Páblona uáitaocana gairídíaioi. Iemona íena lláitano, ríimaci uiécomo uitíaioi.

¹³ Illáimana daidíaioi:

—Bímie comini cígido llófuericaide. Jiáfodo Juziñamuimo ánozilli uailai llófuecaide. Iemona afe uáillaímo cacáreidiaioi. Mei íadi afefue caimo ocuica uailai uáitaocai, —daidíaioi.

¹⁴ Pablo como úrizaidemo, illaíma Galión judíuaina daide:

—¡Judúuai, cue omoi áifedoñeno iri! Bímiemo aillo fiénidifue ícoinia íadi, cómena fájafue izói, come merírinafue izói, ua afémie daí íadi ómoimo cacáreiticue. ¹⁵ Mei íadi fia omoi uáillaido, omoi mámeциаido júfidotiomoí, ómoimo judúuai ocuícáfuiái diga. ¡Mai dani jáicina omoi finori! Aféfuiamo izire jicánoraimana íacañedicue, —daide.

¹⁶ Ie mei afémie nana íaioina jino jicánoracomona orede. ¹⁷ Iemona nana griéguai Sóstenes maméidímie llaitádiaioí. Sóstenes llófueriraco illaíma. Iena lláitano, riillaíma Galión uíécomo íena fáfadiaioí. Mei íadi Galión afe finócafuiaina raa daíñede.

Pablo Antioquíamo meine jaide dinómona ja dacaiñoámami nane llujáide

¹⁸ Dño Coríntomo Pablo diga iruillai ite. Ie jáiacanaruimo, ámatiai íraicaiño íena facádonocaidiaioí. Afe mei Pablo nocaedo Siria éniemo ruicajáizaide. Aquila ie ai Priscila diga Pábloiri jáizaidiaioí. Nai Cencrea ígobemona nai jáíñediaioímo, Pablo ie ifo cuidode. Daí finode, jae ie nauí Juzíñamuimo llogáuai fuilla jira. ¹⁹ Ruica jáillano jae Efeso jófuego dúcidiaioí. Dinomo Pablo, Aquila Priscila diga fiénocaillano, llófueriracomo jaide. Afénomo gairide judúuaimo Pablo úrizaide. ²⁰ Afémaci ie íaioí diga are íllena izire jicádiaioí, mei íadi Pablo fairíoñede. ²¹ Iraicaiño íaioina uáidonocaillano íaioina daide:

—Ja Jerusalemo íacade irázillafuemo raire jáiacadicue, mei íadi Juzíñamui óiacania dáanomo abido ómoína éroizaíbiticue, —daide.

Iemona nocaedo Efésomona oni monáillaido jaide. ²² Cesarea jófuego dúciillano, Pablo arido Jerusalemo jaide, dinomo ite Juzíñamuimo gairídino uáidollena. Afe mei oni Antioquíamo jaide. ²³ Diga iruillai dinomo illa meífomo, meine nane nana Galacia jófuego Pablo oni jáizaide, Frigia jofue diga. Naga jófuego dágoberie llófuecade. Daí Pablo nana Juzíñamuimo ínotímaci comécina ñue náirecaítade.

Apolos Efésomo ñúefue jino llote

²⁴ Aféruillaido judío ímie, Apólona maméidímie Efésomo dúcizaide. Afémie Alejandría jofue ímie. Afe íima uai jino llúana ñue fibídimie. Afémie Juzíñamui Cuegáuaina ñue onode. ²⁵ Ocuíraíma Jesucristo llogáuailaina afémie llófuegamie. Aféfuiái jino llúana iere méaicaiño caimare llote. Jino uáfodo Jesús ífuiáido llófuerite. Mei íadi dama Juan íaioí báutizafuena onode. Afe izói Juan Jesudo llogáfueña Apolos onode. ²⁶ Apolos llófueriracomo comeci jáicaiñenado úrizaide. Mei jira Priscila Aquila diga Apolos llófueillana cacáillano, ie eneno uitíaiillinoí, Juzíñamui uailai baímo ñue jino jáicina llóllena. ²⁷ Afe mei Apolos Acaya éniemo jáiacade. Iemona ámatiai ie abina jafue oñeno, ñue íena náicaitadiaioí. Daje llezica uícomo rabe afénomo ite ínotínomo cuetíaióí, íaioí afémiena ñue llínollena. Afémie Acáyamo dúciillano, afénomo ite ínotínona ñue canode. Juzíñamui jae íaioimo dúecaillano íaioina ínotade. ²⁸ Nana comini eróicana judúuai lloga taino uai Apolos íaioimo cíotate. Afémaci Apolos jamánomo ñue jáicina jóidiuaina jáanonidiaioí. Afémie Juzíñamui Cuegáuailaido ñi íaioí úiñoaga Cristo dámie Jesuna jino íaioimo uáfodo llóteza.

19

Pablo Efésomo meine dúcinafue

¹ Apolos nai Coríntomo illa llezica, Pablo Galacia éniemo jaillano, íduai íllado jaide. Jáillano Efeso jófuego dúcide. Dinomo ite Juzíñamuimo ínotímacina cíozaide. ² Íaioimo jicánote:

—¿Meita omoi ínuamona Ñuera Joreño úicaigaomoi? —daide.

Jira afémaci uai otíaióí:

—Afe Ñuera Joreño íllana, jaca due cacáñedicaí, —daidíaióí.

³ Mei jira Pablo nane jicánote:

—¿Mei bu mámecido báutizagaomoi? —daide.

Jira afémaci uai otíaióí:

—Juan mámecido báutizagacai, —daidíaióí.

⁴ Jira Pablo íaioina daide:

—Juan lloga bántizainafue comini comécimo ite fiénidifuiyai méiduana jino náiraímo cíotate. Mei íadi Juan meífodo bitímiemo ínnorediomoí ómoína daidícue. Afe bitímie Jesús; afe Jesús Juzíñamui Nizécamié Cristo, —daide.

⁵ Aféfuena cacáillano cai Ocuídímie Jesús mámeçido bántizagaiaioí. ⁶ Pablo íaioímo onoi bítamona, Ñuera Joreño íaioímo bite. Iemona afémaci jíáimaci uáillaído úritiaioí. Juzíñamuimona oga úrilla uaillai jino llotíaioí. ⁷ Afémaci nibai doce dígamiediaioí.

⁸ Pablo afe llófueriracomo daámani fiui jáicade. Dinomo comeci jáicaiñeno jino íaioímo llófuerite. Juzíñamui illáimana illáfuedo izire íaioímo jino llote íaioí ínnollena. ⁹ Mei íadi dámierie comeci rairuállano aféfuena íñoacañede. Comini eróicana Juzíñamui ñúefuiaído fiéni úritiaioí. Iemona Pablo íaioí cígimona oni jíáicomo jaide. Jaillano Pablo afe Juzíñamuimo ínotinona jíáie comini llófueracomo uite. Afe llófueraco naama Tiranno. Dinomo Pablo nágaruillaído llófuiaide. ¹⁰ Daií dinomo mena fimona llófuerite. Iemona nana Asia énie nairai Ocuíraíma Jesús llogáfuiáimo cacáreidiaioí. Judíuaimona nano díga ímíiai ínotiaioí. Afe dájerize judíoñedinomona ínotiaioí. ¹¹ Juzíñamui díga áillue cíorainina ráaniai Páblodo finode. ¹² Uiéco dóraroillai Páblomo atídiaioí jinófene jitáraroillai díga. Aféroillai Pablo jétanona iráredímacimo uitíaioí. Afe jetácaroi íaioí llínuamona jíllobicaidiaioí. Daje izói jíáimacimo ite fiénide jóriaí oni jáízitiaioí.

¹³ Afe mei macáraini judíuai dárie dúcidiaioí. Afémaci:

—Fiénide jóriaíai comínimona oréredicai, —daidíaioí. Ja Ocuíraíma Jesús mámeçido afe fiénide jóriaíai jino oréacadiaioí. Jíáimacimo ite jóriaíaina daidíaioí:

—Pablo lloga Jesús mámeçido ja birui ómoína jino orédicai, —daidíaioí. ¹⁴ Afe izói judío ímie Esceva siete díga jitótiai daidíaioí. Afe Esceva lletáriraini illaíma. ¹⁵ Afémie jitótiai daií dánamona afe fiénide jóriaí íaioí uai ote:

—Cue Jesuna onódicue. Daje izói Páblona onódicue; mei íadi omoi mei ¿búdiomoí? —daide.

¹⁶ Daií daina mei, fiénidena jóriairedímie riire íaioína llaitade. Nana íaioína anáfenuano iere duere íaioína finode. Ja iere jamánomo duere íaioí finóinamona, afécomona émuiromaíai naa boáfiairi jino botádiaioí. ¹⁷ Nana Efésomo ite comini, judíuai naa judíoñedinori aféfuena fidíillano iere jacíruitiaioí. Iemona Ocuíraíma Jesús mámeçina jamánomoideza daidíaioí. Afemona aillo ñúefue Jesumo nitádiaioí.

¹⁸ Aillo áfemo ínotímacimona jaiiai íaioí finoca fiénidifuiyai uáfodo jino llotíaioí. ¹⁹ Daje llezica aillo nauí aíníniai uaimo fibídino, íaioímo ite fiénino úrilla rabénicuai átiano nairai eróicana jobáidiaioí. Afe jobáicanicuai comécido facádiaioímo, jamánomo ráífide izoide, daidíaioí. “Cincuenta mil úcubetunillai dieze ráífide,” daidíaioí. ²⁰ Daií Juzíñamui lloga uaillai jamánomo oni móonaioicaide. Afedo Juzíñamui ríino jino cíotaicaide.

²¹ Afe meífodo Macedonia éniemo Acaya énie díga díno comini uáiduaillena Pablo mamérite. Afeno comini uáidua meífomo, abido Jerusalemo jáizaillena Pablo comécido daide. Afe emódomo daide:

—Jerusalemo cue jaille mei, dinómona Rómamo jáiacadicue, —daide. ²² Mei jira Macedóniamona mena ie canóraíma Timoteo Erasto díga uícodo orede. Mei íadi Pablo nai Asiamona nano nígarui fiébide.

Efésomo fiénidífuedo faillíñeidiaioí

²³ Aféruillaído Jesús lloga ñúefuiairi aillo fiéni faillíñeidiaioí. ²⁴ Afe faillíñeinafue Demetrio como fueñe taineca. Afémie aillo ebírede ráaniai plátamona finóraíma. Juzíñamuina íaioí mamécango Artemisa, nofici finoina jánarai. Aféngomo gairíraco izói, plátamona ráairacojina finoda, Demetrio fecáfiredé. Afedo afémie ie díga táijiraimaci íena aillo úcube otíaioí. ²⁵ Iemo Demetrio naa jíáie daje izói táijinana fibídinori dánomo gairírdiaioí. Dinomo íaioína daide:

—Cáimaci, omoi cácarei. Bie cai táijinado ñue ráaredicai, onódiomoi. ²⁶ Mei íadi baie Pablo llócaigafuena cacádiomoiza. Afémie daide: “Comini finoca juzíñamuillaina íeñede,” daide. Ie llogáfuemo Pablo aillo comínina ínotade. Daa benó Efésomoñede daí ínotade, mei íadi nana Asia éniado ínotaacade. ²⁷ Afefue iere jacire cacaide. Afedo cai fecácaiganiaina táinocaitaibite. Daje izói cai áillue juzíñamui cai dainango Artemisa gairíraco jalléinafuena féitaite. Afe izói bie juzíñamui dainango jamánomo ebírenafuena jámairuitaibite. Nana Asia énie naa jíáie éniiairi aféngomo ánozifrediaioi, —daí Demetrio daide.

²⁸ Aféfuena cacáillano, iere comécido riicaidiaioi. Iemona caillíoicana daidíaioi:

—¡Cai Efeso imaci juzíñamui cai dainango Diana, jaca ninomo záñeno iri! —daidíaioi.

²⁹ Iemona nana afeno jófuedo aféfuiaí iere riire júfidotiaioi. Aillo afeno comini ífo írínote. Afe llezica mena Pablo nabaide íaillinoi llaitádiaioi. Afe íaillinoi mámecei Gayo Aristarco diga; Macedonia ímie íaillinoi. Iaiói llaita mei afémaci nairai úcomo íaioi gairíracomo íaillinoína zocana uitíaioi. ³⁰ Pablo afeco jofomo comínimo úrizaiacade, mei íadi ñuefuena ínotino afe jofo jáillena rairuídiaioi. ³¹ Afe llezica Asia ríimaci Pablo diga caimare úriraini, Pablo afeco jofo jáíñeillena uai íemo orédiaioi. ³² Iaiói gairilla llezica, dáríe jíáfodo llotíaioi; jíáimíai jíáfodo jíirioicana llotíaioi. Mei aféfuiairi jamánomo fiéni faillíñeidiaioi. Ja nabénairai aféfuena onóñediaioi, nífuéi gairídiaioiza. ³³ Mei íadi gairídino cígimona dámíerie jino Alejándromo aféfuiaí llotíaioi. Afe Alejándrona judíuaí, afeno comini úcomo judíuaí abí ríiduafuedo úrillena, bai íena naidánetaioi. Bai náidaillano ie ónoído íaioína, “Mai omoi llícai,” daide. ³⁴ Mei íadi afémie judío ímienana íaioi comécido onónamona, mena hora nana caillíoicana daidíaioi:

—¡Cai Efeso nairai naango Artemisa, jaca ninomo záñeno iri! —daidíaioi.

³⁵ Iemona afeno jofue jabóllaíma ícoína comini llícaítade. Llícaítano íaioína daide:

—Efeso nairai, omoi cácarei. Naga énie náiraíai cai iere jalleide juzíñamui dainango Artemísamo gairíracona úíñotagamacidicai, afe cai úíñuafuena onódiaioi. Afe daje izói aféngona mameca monámona ana baíde jánaraina úíñotagamacidicaiza onódiaioi. ³⁶ Mei bifue buna jaca jáanonideza, mai omoi llícai. Comeci facáñeno nífuena lloñeno iri. ³⁷ Mei bie omoi atica íaillinoi, omoi juzíñamui dainango Artemísari fiénidífuena úriñediaillinoi. Aféngona ríicaítañediaillinoi. ³⁸ Demetrio zúucaillafue níimíemo íadi, mai jícanoraimamo llujíri. Daje izói afémieri táijiraini zúucaillafue íadi llujíri. Jaca ríimaci úcomo meine abído óllena afémaci llórediaioi. ³⁹ Mei jíáfodo omoi jícanoíacaniadi, mai ríimaci daina izói omoi gairiri. ⁴⁰ Ja birui jácifue mo baízaidicaiza. Birui omoi finócafue ícoína, illaíma anáfenuafuena caímo nítaítiaioi. Bie omoi faillíñeinafue caímo íaioi jícanoíadi, íaioi uai cai ollífué jaca due íñede, —daide.

⁴¹ Daí daina meífodo, afénomo gairídino oni rainode.

20

Pablo Macedóniamo Grecia diga díne jáillafue

¹ Afe íaioi faillíñeinafue llícaílla meífomo, Pablo Juzíñamuímo ínotino ñue llófuellena jíiritade. Daí íaioi llófuía meífomo íaioi llíñuano íraicaíño uáidonocaide. Uáidonocaillano Macedóniamo jáizaide. ² Nana afénomo itígobíai comini uáiduaide. Ie uáillaído afénomo ite ámatíai náicaítade. Afe mei Pablo ja Grecia éniemo dúcide. ³ Dínomo daámani fíui llófuete. Dínomona nocaedo Síriamo jáizaidemo, judíuaí íena llaitáacanafuena fidíde. Ie jira ari éniado Macedóniamo abído jáillena comeci facade. ⁴ Dínomona ie nabáidino: Berea ímie Sópater; Tesalónica ímie íaillinoi Aristarco Segundo diga; Derbe ímie íaillinoi Gayo Timoteo diga; jíáie Asia énie íaillinoi Tíquico Trófimo diga. ⁵ Afe bie ámatíai úcomo Troas jófuemo caina uíñuaidiaioi. ⁶ Fáítara jóoneñega pan güilla

iráizilla meífomo, Filípomona nocaedo ruica jáidicai. Ja cinco dígarui íllamona Tróasmo dúcidicai. Dinomo daa semana iticai.

Pablo Troas comini uáiduafue

⁷ Semana nanóidíruido gairídicaí pan ditada fecállena. (Afe pan ditada güíllamona Jesucristo íraicaiño güíllamo úibicaidicai.) Güilla mei Pablo Jesumo ínotino llófuete. Afe jítiramo afémie ja jáiacade. Ie jira úrioidemo ja dáaferui ite. ⁸ Caifo jica ite caifóneco ero icomo gairídicaí. Afe dinomo aillo unérachecoí bóotatiaioí. ⁹ Dinomo ite daa jítócome, Eutícóna maméidimie. Afémie jino eróirafomo ráiide. Pablo iere are úrillamona, afe jítócome jamánomo ínietaide. Icoínia izire íniamona, caifona ana baiíde. Afécomo dabaniámani ite. Dinómona ana éniemo baiíde. Tíide caifo llínotiaioí. ¹⁰ Mei jira Pablo ana afémiemo jáillano, ie acónimo dújuillano íena meníñote. Afe mei ámatiaína daide:

—Cáadeza, omoi jacínaiñeno, —daide.

¹¹ Daií daina mei Pablo meine caifo jaide. Caifo meine dúciillano, pan ditada güillano nai íaioimo nane úrite. Da úritemo monaide. Monáillamo oni jaide. ¹² Afe baiídimiena ñue caade uitíaioí. Iemona nana comini ñue caimare íficaidiaioí.

Pablo Tróasmona Milétomo jáillafue

¹³ Ie meífomo Pablo Asonmo iodo jáiacade. Ie jira cai jíáimaci nocaedo úcomo Asonmo jáidicai dinomo Pablo otá cai úillena. ¹⁴ Afémiena Asonmo cai báillamona, dinómona cai nocaedo nana Mitilénemo jáidicai. ¹⁵ Dinómona jáillano jítiramoidíruido Quío jofue áinodo jáidicai. Afe jáíruido Samos ígobemo zjídicaí. Dinómona Trogliomo ocózinaidicai. Afe jáíruido Milétomo dúcidicai. ¹⁶ Pablo Asia éniemo are íacañede. Ie jira Efésomo meine jáiacañede. Mei íadi Pablo raire Jerusalemo dúciacade, afénomo íacade Pentecostés ráfuena cíoillena, íadi ñibai cíoiñeite.

Pablo Efeso éinamacimo úrillafue

¹⁷ Nai Mileto jófuemo cai illa llezica, Efésomo Juzíñamuimo gairíraíni éinamací jíiritate. ¹⁸ Iaióí dúcinamona Pablo íaioína daide:

—Nano fueñe Asiamo cue dúcinamona cue ífirenana ñue onódiomoi. ¹⁹ Nágaruillaído comeci mánainafuedo éeíafuedo omoi cígiri iticue. Daií cai Ocuíraíma Jesumo táijífiredicue. Afe llezica judúuai iere aillo duere cuena finócadiaioí. Afedo aillo facátafuiai cuemo nitádiaioí. ²⁰ Mei íadi fáicanocaiñeno nana ómoímo ñue illífuena llófuefiredicue. Daií uáfodo omoi gairíracomo ómoímo llófueriticue. Daje izóí naga omoi jofomo llófuefiredicue. ²¹ Judúuaimo lloticue; daje izóí judíoñedinomo lloticue. Nana íaioína daidicue: “Omoi fiénidífuiai ñúefuíaína Juzíñamui comeci jitailla izóí omoi meídori. Iemona cai Ocuíraíma Jesucristomo omoi íñori,” daií íaioína daidicue. ²² Mei birui benómona Jerusalemo jáiticue; afénomo cue jaille Juzíñamui Ñuera Joreño cue ocuilla izóí. Dinomo cuemo cómuitífuena óñoñedicue. ²³ Dama dafue cue comécido onóigafue: nana cue jailla jófuedo Ñuera Joreño cue llavébillifue aillo duere cue finóbillifue diga cuena fidítate. ²⁴ Mei íadi aféfuena due lloñedicue. Ocuíraíma Jesús cuemo jónega táijínafuena ñue ícoímo cue fuitáadi cue cáanano cúemona ráifiñede. Afe táijínafue Juzíñamui ñue caina izíruillafue comínimo llócadicue. Ua comini áizia izóidínomona cue táijína ícoímo caimare ñue dúcitaíacadicue.

²⁵ ‘Omoi cígido Juzíñamui illáimana illafue llócadicue; mei birui ua onódicueza, ómoímacimona buna cuena meine cíoiñeite. ²⁶ Ie jira biruido daiíacadicue, ja ómoímona nífuenidimiedicue. ²⁷ Mei jira nana Juzíñamui caimo llófuegafuiai ómoímo uáfodo lloticue. Nífuena báníno lloñedicue. ²⁸ Ie jira afe izóí dani abi omo rairuiri. (Jae einamáciomoi.) Daje izóí nana Juzíñamuimo gairídínona úiñori, mei jira Ñuera Joreño íaioína úiñotade. Ua Ocuíraíma Jesumo gairídínno úiñotagaomoi. Afe gairídínona Jesús dama ie tíillado, ie die tóillamona dama ie comínina meine maiñode. ²⁹ Cue

jailla mei jiáimaci Juzíñamuimo gairídinona jífuereidino bíitíai. Ua rírede jícníai ovéjaina fázia izóí Juzíñamuimo omoi íinogafuena féitataíbitíai. ³⁰ Daje izóí omoi cígiri táinofuíai llóitínona iite. Afémaci uáfúena féitajano táinofuíai ómoimo llóitíai, íinotino afe uai jeire otátallena. ³¹ Mei jira abi omoi rairuiri. Naui omoi díga cue illáfúemo omoi uibíoiri. Dafimonaámani, mona naio díga éebicaillano izire ómoimona nágamíaimo fáicanocaiñeno ómoimo jino llotícue.

³² ‘Mei cue ámatíai, ja birui Juzíñamuimo ómoína jóoneitícue, omoi úíñollena. Daje izóí Juzíñamui caina izíruilla uaimo omoi comeci uibíoillena jítaídícue. Afe uai ómoína náirecáitate. Afe daje llezica, aféuaido Juzíñamui díbenemo ñue rairuícamacina ja itíomoi naa jíáie ie rairuícamaciri. Mei afe rairuícamaci Juzíñamuido ñue finócamacidiomoi. ³³ Jiáimíemo ite úcubíairi íaioimo ite íníoillairi dama cúeiena jaca úradoíñedicue. ³⁴ Mei íadi jíáifodo, dama cue jítailla raa óllena dama cue ónoído táijidícue. Daje izóí cue díga itino íena otícue. ³⁵ Daíí omoi táijillena llotícue. Afe izóí raana jítaídino omoi canóllena ómoína llófuetícue, Ocuíraima Jesús daina uaimo comeci omoi facáoicaillena. Afémie daina uai daíí daide: “Fia iga raa llínotímie baímo, fecáfíredímie jamánomo íóbide,” —daide.

³⁶ Daíí íaioína daina meífodo, Pablo cañici ana dújuillano Moo Juzíñamuimo nana afémaciri úritíai. ³⁷ Iemona nana éenaitíai. Afe llezica Páblona meníñuano ñitada cáimadotíai. ³⁸ Afe llezica Pablo “Ja meine abido cuena cóñeítíomoi” daínari iere zúucaidiaí. Afe mei fei nocaemo íraícaíño íena nabáidiaí.

21

Pablo Jerusalemo jáillafue

¹ Amatíai fuénocaillano, Cos jófúemo nocaedo jaícina jáidícaí. Afe jítramo Rodas jófúemo jáidícaí. Dinómona Pátara jófúemo jáidícaí. ² Afe Pátaramo Fenícíamo jáiacade nocáe baitícaí. Dinómona afécaedo jáidícaí. ³ Jaillano, monaillai cigí idu Chíprena jícana cíodícaí. Afe énierna jarífezi díbenemo fíianona Siria éniemo jáidícaí. Afe caí jáillacaemo Tíromo fielle ráaniaí illa jira afégobemo zíjidícaí. ⁴ Afégobemo ite Juzíñamuimo íinotínona cíóizaidícaí. Dinomo siete dígarui íaíoi díga itícaí. Dinomo Ñuera Joreño llogáiaí. Ie jira Páblona daídíaí:

—Benómona Jerusalemo jáíñeno iri, —daídíaí.

⁵ Mei íadi afe siete dígarui illa meífodo jáidícaí. Cai jáizailla llezica nana Juzíñamuimo íinotino, íaíoi ringóniaí naa úruiaíri jofue féimo caina nabáidiaí. Dinomo ite guamácimo ana dújuillano Juzíñamuimo iere úritícaí. ⁶ Ie mei meníñota íraícaíño íaíoi facádonocaidícaí. Daíí ñiano nocaemo caífo jáidícaí. Afémaci íaíoi jófúemo meine jáidiaí.

⁷ Tíromona bitícaí Tolemáidamo dúcina. Dinomo ite ámatíai uáidollena darui nabáidícaí. ⁸ Afe jítramo Pablo naa íedo jáidínori dinómona Cesarea jófúemo dúcidícaí. Dinomo ite ñúefue llóraima Felipe jofomo jáidícaí. Afémie siete dígamiede güille fecárainimona Juzíñamuimo gairíraco táijíraima. Dinomo afémie jofomo itícaí. ⁹ Afe Felipe jiza nagaámazade. Nai ínínidiaí. Aféngotíai Juzíñamuimona cacana uaillai jino llotíaí. ¹⁰ Afénomo díga irui itícaímo, uai jino llóraima Agabo Judéamona cai uáiduaíbite. ¹¹ Afémie Pablo círaigi ífe zuitáicaillano dama íe ídai onoi díga maíano daide: —Ñuera Joreño daide: “Jerusalemo judíuaí bie círaigi ífe náamana bie izóí maíite. Maíano íena jícanemacímio fécaítíai,” daide, —daíí Agabo lluaíbite.

¹² Aféfuena cacáillano, Cesarea imaci naa caíri, Pablo Jerusalemo jáíñeillena íemo izire jícadícaí. ¹³ Mei jira Pablo uai ote:

—¿Níbaí cuena zúucaítíomoi? ¿Minícari éedíomoi? Cue íaíoi maílle baímo comécido maméritícue. Juzíñamui jítaíadi Jerusalemo cai Ocuíraima ícoínia tíitícueza, —daide.

¹⁴ Afémie mámiafuena jáanonídícaí. Ie jira afefue fáicanocaillano daídícaí:

—Juzíñamui começi jitailla izói omo ífcaiteza, —daidícaí.

¹⁵ Afe meífodo, Jerusalemo jáillana finóbidícaí. ¹⁶ Cesaréamona dárie Juzíñamuimo íñotino caina nabaide. Afémaci cígimona daa Chipre ímie Mnasón ite. Afémie jae diga fimona Juzíñamuimo íñote. Afémiemo ite Jerusalemo dúciracomo jáidícaí.

Pablo Sanatiago uáiduafue

¹⁷ Jerusalemo dúcidicaimo dinomo ite ámatiaí caimare caina llínotiaíoi. ¹⁸ Afe jítiramo Pablo naa cairi Santiago uáiduaidícaí. Daje izói nana illáicomini afénomo itíaiíoi. ¹⁹ Pablo íaiíoi uáidote. Uáiduno Pablo nana iedo judíoñedinomo Juzíñamui finócafuaí jino illa dígafuaí íaiíoi lloste. ²⁰ Iemona aféfuiaína cacáillano Juzíñamuimo caimátaíoidiaíoi. Jira Páblona daidíaiíoi:

—Míi, o llogáfuaí iere ñuera, mei íadi judúuaimona diga mil comini afe ñúefuemo íñotiaíoi cíódioza. Nana afémaci Moisés ocuica uai izói cai íllena iere jítáirede daidíaiíoi. ²¹ Mei íadi dáarie o nana jica jíáinomo ite judúuaimo llogáfueña lluaíbítiaíoi. Afe íaiíoi cacánafue daide: “Moisés ocuica uaina jeire omoí oñeno iri.” Afe izói íaiíoi jítótiaí bacano ícoí quetátañedio, daidíaiíoi. Ie emódomo cai fibíllafuaína finótañedio, daidíaiíoi. ²² Iemo bífuiaína cai dibénedo ¿nie izói llóitio? ¿nie izói ñéiticaí? O billáfueña comini fidíillano ua dáanomo gáiritiaíoi, —daide. Iemo Santiago nai úrillano íena daide:

²³ —Cai daináuai jeire o úamona aféuai izói o finolle jítáirede. Cairi benomo ite nagaámamie. Afémiaí uícomo Juzíñamuimo nauí íaiíoi llogáuai fuitáacadiaíoi. ²⁴ Bimaci o úiri. Uillano nana omoí comécimo íaífue múiñuafue mai omoí finuairi. O úcubemona omoí ífue cuidótalle íbari. Iemona dani cuidótaitiaíoi. Afe daí o finuamona, benó ite íñote judúuai, o ñue ífirena izói ónoítiaíoi. Moisés ocuífue jeire o úana fídítiaíoi. Daje izói ja ónoítiaíoi nana o rafue benó comínimo jíáimaci lluaíbígá táinofuaí. ²⁵ Mei íadi íñote judíoñedinomo jíáífodo jae cueticaí. Aillo judúuai finócafuaí íaiíoi jíeruñeillena lloticaí. Daa bifue íaiíoi lloticaí: “Jánarai izóidemo fecaca llíciaina omoí riñeno iri. Díena jiróñeno iri, daje izói cimoina cigínoga rílleniaina riñeno iri. Mai nana jiruífuaíimona abí omoí rairuiri; dama áiredímie ie aí diga illa ñuena,” —dínóride Santiago llogafue fuilla.

Pablo gairíracomo llaitáinafue

²⁶ Ie mei Pablo afe nagaámamie uite; uillano afe jítiramo, íaiíoi comécimo ite íaífuaí múiñuafue finódiaíoi. Afe meífodo jofo Juzíñamuimo gairíracomo jáidiaíoi. Dinomo íaiíoi comécimo ite íaífuaí muiñóilliruillaí fuillírui llujídiaíoi. Afe daí íaiíoi llúamona illa dígamierie íaiíoi raa fia íaiíoi fecállirui llotiaíoi.

²⁷ Afe siete dígarui ja fúiacademo Asia éniemona bite judúuai Páblona Juzíñamuimo gairíracomo cíoizaíbítiaíoi. Iena cíoizaíbillano nana afeno comínina fieni faillíñaitadiaíoi. Iemona Pablo llaitádiaíoi. ²⁸ Lláitano caillíoidiaíoi:

—¡Israel nairai, cai cano! Bímie nágagobiaído nana comíniamos cai nairai uáitaoicana llófuecaide. Daje izói Moisés ocuífueña uáitaoide. Bie cai Juzíñamuimo gairíracona uáitaoide. Ie emódomo jae mena griego ímie íaillínoí jofo uite. Daí bie Juzíñamuido ñue finócaco ero bácajaíbite, —daidíaiíoi.

²⁹ Nauí Pablo afe jófuedo judíoñedímie Trófimo diga nabáirillana íaiíoi cíonamona daí daidíaiíoi. Afe Trófimo Efeso ímie. Afémaci começi facádiaíoi, ñibai Pablo Trófiomona gairíraco eromo jofo uite, daidíaiíoi.

³⁰ Iemona nana afeno comini aféfuiaí júfidotiaíoi; aféfuerei fieni faillíñaidiaíoi. Afe llezica nana comini áiziaí bitiaíoi. Billano Pablo llaitádiaíoi. Lláitano gairíraco jinomo zocana íena uitiaíoi. Daí ñiano afe llezica gairíraco náziaí íbáidiaíoi. ³¹ Ja íena titáacadiaíoi, soldados igüelli illaíma ja afe aillo comini fieni faillíñainana fídide. Daje izói Pablo ja íaiíoi titáacanafueña fídide. ³² Mei jira afe illaíma ie jabóidillaímaí naa ie

llaizírainiri jíirite. Jíirillano afe comini illánomo aizícana jáidiaioi. Iemona nana comini llaizíraini illaíma naa ie llaizírainiri bíllana cióillano, Pablo fáajana fáicanocaidiaioi.
³³ Afe mei afe illaíma Páblomo áinozide. Ainozillano Pablo llaitádiaioi. Lláitano mena llóejina íena maitátate. Afe mei illaíma íena daide:

—O mei ¿búdio? ¿Níifue finódio? —daide. ³⁴ Mei íadi comini jamánomo jíáifodo caillíoidiaioi. Jíáimíiai jíáifodo daidíaioi. Illaíma ifona jamánomo írinote. Jaca jefomo uibíñede, jamánomo íaioi úrioinaza. Jira illaíma llaizíraini gairíracomo íena uitátate.
³⁵ Afeco caifo jáirabicimo íaioi dúcina llezica, llaizíraini Páblona caifodo rocádiaioi, comini íena llaitada íaioi fáiacana jira. ³⁶ Afémie uilla óodana caillícana daidíaioi:

—¡Pablo dama tíideza! —daidíaioi.

Pablo ie abi ríidollífue comini uiécomo llote

³⁷ Afécomo íena uizájdiaioimo, Pablo afe llaizíraini illáimamo griego uáillaído jicánote:

—¿Meita comínimo úriredicue? —daide.

Jira aféllaíma uai ote:

—¿O griego uai úrillana ónodio? ³⁸ ¿Mei o egipcio ímieñedio? Afémie nauí jíáie illáimana benó jóneacade. Táizicimo cuatro mil come fáraini uite, —daide.

³⁹ Jira Pablo íena daide:

—Tarso jófuemo jococa judíodicue. Cilicia éniemo ite ñue onórede jofue ímiedicue. Comínimo cue úrilleza cuemo izire cácarei, —daide.

⁴⁰ Iemona afe illaíma Páblona fairíote. Iemo Pablo afe caifo jáirabicimo náidaillano comínina ónoído llíicaitade. Íaioi úrioina llíicaillamona Pablo afémaci uáillaído íaioimo úrite. (Afémaci úrilla uai ‘hebreo’ daina.) Íaioina daide:

22

¹ —Cai comini naa illáicomini díga, omoi cácarei. Cue abi ríiduaífue jino llóiticueza, —daide.

² Hebreo uaido íaioina dáinana cacáillano, iere tíi daidíaioi. Iemona Pablo íaioina daide:

³ —Cue judíodicue. Cilicia éniemo ite Tarso jófuemo jocócacue. Mei íadi benó Jerusalemo comútagacue. Afe mei Gamaliel llófuegacue. Cai jaiáidígima ocuícáfuiái llúana iere áfemo jíeruiticue. Jaca Juzíñamuimo táijñafuemo comeci cue facai izói naa cue ríinodo iere járitafíredicue. Ua ja birui Juzíñamui ocuícáfue omoi járitailla izói jaiái daí járitafíredicue. ⁴ Jaiái Jesumo íinotina daje izói fállena racádicue. Afe dáruido ííñiai ringóniári llavéracomo lláviaidicue. ⁵ Lletáriraini illaini nauí comini cue lláviafuemo uai nabáiraini itíaioi. Daje izói nana illáicomini rábiai cue fécamo uai nabáiraini. Afe rábiaído Damáscómo ite cai ámatíai judíuai jénuaidicue. Dínoimo ite Jesumo íinotino jénuaidicue, atida Jerusalemo íaioina duere cue finótallena.

Pablo íemo ite fíénidífue méidua jino llote

(Hch 9.1-19; 26.12-18)

⁶ ‘Mei íadi Damasco iodo jáidicue, ja jáiciri ítemo afe jófuemo dúciacadicue. Afe llezica monámona jamánomo riire cuemo egáíñocaide. ⁷ Iemona éniemo baídicue. Afe llezica monámona cuena daina uai cacádicue; aféuai cuena daide: “Saulo, Saulo ¿nibái mei cue racádio?” ⁸ Mei jira jicánoticue: “¿O mei búdio?” Jira afémie cuena daide: “Nazaret ímie Jesúsicue. Daa o racácamiedicue,” daide. ⁹ Cuedo jáidino afe egáíñuana cióillano jacínaitiaioi; mei íadi cuemo úrite uaina cacáñediaioi. ¹⁰ Jira íena daidicue: “Ocuíraíma, ¿mei níie izói íiticue?” Jira afémie cuena daide: “Náidacaillano o jailla Damasco jófuemo jai. Dínoimo o finóllífuiaína omo llóitiaioi,” daide. ¹¹ Afe riire egáíñua cue ui dúitaga. Ie jira cue nabáíñiai Damáscómo ónoído jainátaoicaigacue.

¹² ‘Afénomo ite Ananíasna mámearedimie. Afémie iere Moisés ocuífafuemo íinofirede. Nana Damáscomo ite judíuai ñúefuena íemo nitáfirediaioi. ¹³ Iemo afe Ananías cue uáiduaibite. Billano cuena daide: “Cue ama Saulo, o ui meine nane cíoteza,” daide. Daíí daina llezica meine cue ui ñue cíoide. Afémiena cíódicue. ¹⁴ Mei jira afémie cuena daide: “Cai jáiiragima Moo Juziñamui nizécamedio. Afémie jaiai ninómona ona nizede íemo o táijillifuiái jino omo llóllena. Ua dama Jesús fuémona ie úrilla uáillaina cácaítio. Afe llezica jaícina ñue finófiredimiena Jesuna cíoitio. ¹⁵ Mei o cacánafuiái o cíonafuiái diga nana comini uícomo jino llóitio. ¹⁶ Mei birui ¿minícarí jizídio? Náidacaillano o báutizatari. Ocuíraima Jesús mámeceimo ñue íinori. Afedo o fienidifue jae muiñócaza,” dinori Ananías daide.

Pablo Judíoñed inomo ie orécafue jino llote

¹⁷ Pablo nai úrite. Iaioina daide:

—Jerusalemome meine cue billa llezica, Juziñamuimo gairíracomo úrizaidicue. Dinomo nicai anado cíódicue. ¹⁸ Cai Ocuíraima Jesuna cíódicue. Afémie cuena daide:

—Jerusalémoma mai raire oni jai. Afémaci cuedo o úrillana jíruiñeítiaioi, —daide.

¹⁹ Jira Ocuíraimana daidicue:

—Nana afémaci omo íinotinona llófueriracomo cue lláitainafuena onódiaioi. Llavéra-como íaioina fácana cue uilláfuemo uibíoidiaioi. ²⁰ Esteban o mámeceido úrite táijitagamie. Afémie tíide die tota llezica afénomo iticue. Aféfuemo “Jii” daidímiedicue. Ie emódomo Esteban fatímie incuirona oni llíidicue, —daidicue. ²¹ Mei íadi Ocuíraima cuena daide:

—Mai jai. Judíoñedino cígimo jica ona óreíticue, —daide.

Pablo llaizíraini illaíma anamo illafue

²² Afe dinó afeno comini íanori tíi daidíaioi. Mei íadi dánomo nane caillíoicana daidíaioi:

—¡Bie íima dama tíideza! ¡Afémie cáailinona íñeíte! —daidíaioi.

²³ Nai are caillíoideaioi. Iere icírillano dani íaioi incuiruai cúacoideaioi. Afe llezica eníchomaíai caífo táinomo júcoideaioi. ²⁴ Ie jira llaizíraini illaíma Páblona íaioi gairíracomo orede. Oriano dinomo zechénotade ie finócafue jino llóllena, comini riire íemo fieni caillíoinafuena onóillena. ²⁵ Ja maitá fállena naidánega, íemo Pablo dinomo ite jabóllaimana daide:

—¿Jicáñoñeno romano ímiena fáredíomoi? —daide.

²⁶ Afena cacáillano jabóllaima llaizíraini illáímamo llujáide; llujáillano daide:

—Bímiemo o duere finóacanafue o jírícaíñeno iri; afémie romano ímieza, —daide.

²⁷ Jira afe llaizíraini illaíma Páblomo jicánuaibite; daide:

—¿Ua romano ímiedio?

Jira Pablo:

—Ie mei, —daide.

²⁸ Jira afe illaíma daide:

—Aillo cue úcube baílla baímo romano ímiena jáidicue, —daide.

Iemo Pablo daide:

—Cue jaca romano ímiena jocócacue, —daide.

²⁹ Afe daíí ie dáinamona, ie zechénotino afémiemona oni raíidiaioi. Nana afémaci naa aféllaimaíri jacínaitiaioi ie íaioi llaitari; afémie romano ímienana íaioi fidínamona.

Pablo judíuai Nahí Ríillaini uícomo naidánetaioi

³⁰ Afe jíáiruideo afe llaizíraini illaíma Páblomo íaioi jítaícafuiaina ñue jaícina onóiacade. Ie jira lletáriraini illaini naa íaioi ríillainiri dánomo gairítate. Afe mei Pablo llaveina llóejí zúítano íaioi uícomo baí naidánete.

23

¹ Dinomo Pablo Nahí Ríillainimo éroicaillano daide:

—Cue ámatiai, cácarei. Jaca birui comeci mánainafuedo Juzíñamui úcori caimare iticue, —daide.

² Ie jira lletáriraini illaíma Ananías Pablo abimo itino fúena putátate. ³ Jira Pablo íena daide:

—¡Afe izói Juzíñamui ona fátaite! Jae jinóidiuaido ñue úritio, o comeci fiénide íadi. ¿Jadí ráidído ocuica uai daina izói cuemo jicánollena? Iemona ¿ñibái mei ocuícáfue uáitano cue fúena putátatio? —daide.

⁴ Iemona afénori itino íena daidíaiói:

—¿Ñibái daí Juzíñamui caifoide lletáriraimana báíñotio? —daidíaiói.

⁵ Jira Pablo daide:

—Amatai, afémie caifoide lletáriraima ie íllana onóñedicue. Onódicueza Cuegúauillai daide: “O jofue ríimacina báíñoñeno iri,” —daide.

⁶ Iemona Pablo Nahí Ríillaini cígimo itínona fidíde. Afémacimona dárie fariséuaimo jaináidiaiói. Jiáimaci saducéuaimo jaináidiaiói. Ie jira íaíoina riire daide:

—Amatai, cue fariséodicue. Afe emódomo fariseo ímie jitódicue. Ja birui cuemo jicánotiaíói, mei tíidimaci meine abído cáalliruimo cue úíñua jira, —daide.

⁷ Daí daina meífomo, fariséuai saducéuai díga conímamo jofu afefue riire júfidotiaíói. Iemona afénomo gairídino dázierie bozíetaidiaiói. ⁸ Afe saducéuai tíidinona meine cáañeite daidíaiói. Afe emódomo Juzíñamui abí imácina íñede, daje izói joríaiaína íñede daidíaiói. Mei íadi fariséuai nana aféfuiaímo íñotiaíói. ⁹ Nana caillídiaiói. Ie mei dárie ocuícáuai llófueraini naidáidiaiói. Afémaci fariséuai díbenemo jaináidiaiói. Caífo naidáillano daide:

—Bímie fiénidífuiaína caido llócaíñede. Nibai joreño íemo úrilla; nibai Juzíñamui díbenedo úaitañeíticai, —daidíaiói.

¹⁰ Afe júfiduafue riire anado jaide. Iemo llaizíraini illaíma Pablo íaíoi tibéruari jacínaite. Ie jira aféllaíma íaíoi cígimona Páblona llaizírainina oni uitátate. Uillano meine íaíoi gairíracomo íena orétate.

¹¹ Afe jiáie naí Ocuíraíma Jesús Páblomo cíocaillano daide:

—Pablo, jacíruiñeno, abí mame. Benó Jerusalemo cuedo o úrilla izói, daje izói Rómamo úrizaitio, —daide.

Pablo fállena mámiafue

¹² Afe jiáiruimo judúuaimona dáarie Pablo fállena maméritiaíói. Dani íaíoi abí faidódiaíói. Jira fiénide uáillaído daidíaiói:

—Páblona nai cai fáñeille díno güíñeíticai, jíroñeíticai, —daidíaiói.

¹³ Afe daí úritimíai cuarenta baímo jaide. ¹⁴ Iemona afémaci lletáriraini illáinimo naa judúuai éinamaciri jáidiaiói. Dinomo daízaidiaíói:

—Dani cai abí fiéni daínáfuedo faidódicai. Pablo cai fáñeille díno güíñeíticai, jíroñeíticai. ¹⁵ Mai omoi naa jiáie Nahí Ríillainiri llaizíraini illáimamo Pablo uire jiti atíllifue jica. Fia daí íemo lloíri, meine nane íemo itífue izire omoi jicánollena. Afémie nai dúciñeite, afe atica llaitada íena títaíticai, —daidíaiói.

¹⁶ Mei íadi Pablo comoma afe Páblona íaíoi fáiacanafuena fidíizaíbite. Iemona afémie llaizíraini gairíracomo Páblona llujáide. ¹⁷ Mei jira Pablo jabóllaíma jíirillano daide:

—Bie jitócome llaizíraini illáimamo úi. Afémiemo lloílfuena íteza, —daide.

¹⁸ Afe jabóllaíma íena uillano, llaizíraini illáimana daide:

—Afe llaveca Pablo cue jíirillano bie jitócome benó cue atíllena jicade, afémiemo da lloílfuena íteza, —daide.

¹⁹ Afe llaizíraini illaíma afémie ónoido oni eneno jicánollena uite; daide:

—¿Níífue cuemo llóiacadío? —daide.

²⁰ Jira afémie daide:

—Judíuai jae nana dáfuerrillano meine comeci facádiaioi. Uire jiti Pablo Nahí Ríillaini uícomo meine o atítallifue jícaitiaioi, meine íemo izire íaioi jicánollena. ²¹ Mei íadi íaioi jicállifue mo íinoñeno iri. Afémacimona cuarenta baimo dígamie báinino Pablo fállena jónetiaioi. Afe fáiacadino dani íaioi abi faidódiaioi. “Pablo nai cai fáñeille dino, güíñeiticai; daje izói jíroñeiticai,” daidíaioi. Ja birui afémie fállena ñue finóbidiaioi. Mei íadi o uai ollífuemo nai úiñoidiaioi, —daide.

²² Iemona afe llaizíraini illaíma afe jitócomena:

—Mai o jairi, —daide. Afe íemo ie lluaíbigafuena jíaimacimo “Lloñeno iri,” daide.

Caifóidillaíma Félixmo Páblona orédiaioi

²³ Mei jira afe llaizíraini illaíma mena jabóidillaíma uáidote. Uáiduano íaillinoína daide:

—Mai doscientos diga llaizíraini mácaitinona finóbitari. Afe llezica setenta dígamie cabállodo jáitinona finóbitari. Afe emódomo doscientos dígamie zídaíari jáitinona finóbitari. Nana afémaci nauilla baido Cesaréamo jáitiaioi, —daide.

²⁴ Afe llezica Pablo jaille cabállona finóbitade. Daje llezica Pablo ñue fañeno cáanori caifóidillaíma Félixmo uitátate. ²⁵ Afémacido cuegabe orede. Afe cuegabe daide:

²⁶ “Cue Claudio Lisias mamécacue. Jamánomo cáimafuerede caifóidillaíma Félix, o uáidotícue. ²⁷ Judíuai bímie lláitano duere finótaacadiaioi. Iena fáiacadiaioi. Mei ie romano ímie íllana cue fidínamona cue llaizírainido íena ríiduidicue. ²⁸ Iemo íaioi jitácafue onóacadícue. Ie jira judío Ríillaini uícomo íena uitátaticue. ²⁹ Ie mei aillo íemo júfidogafue záilla meífomo íemo nífuena baiñédicue. Dani íaioimo ocuica uai ie jeire ie oñena íemo nitádiaioi. Mei íadi ie cue fallífuena íñede. Daje izói ie cue llavéllifue íñede. ³⁰ Dani afémie íaioi nane fáiacanafue cue fidínamona, íena omo orédicue. Afe llezica nana íemo fiénidífuíai nitádinona daidícue: Mai Páblomo nífué o nitáadi caifóidillaíma Félix uícomo o daiízairi. Mai, jae níie.”

³¹ Mei jira nana llaizíraini íaioi illaíma ocuilla izói Pablo uitíaioi. Afe naio Antípatris jófuemo íena uitíaioi. ³² Afe jítiramo eíbado jaide llaizíraini meine íaioi iníracomo bitíaioi. Ie mei cabállodo jáidino Pábloori nai Cesaréamo jáidiaioi. ³³ Dinomo afe Cesaréamo dúcillano, afémaci uiga cuegabe caifóidillaímamo izájidiaioi. Daje izói Pablo íemo fecádiaioi. ³⁴ Afebe facádua meífodo, caifóidillaíma jicánote:

—¿O nino ímiedio?

Pablo uai ote:

—Cilicia énie ímiedicue, —daide.

³⁵ Ie jira íena daide:

—Omo fiénidífuena nitáдино bíadi ona cácaíticue, —daide.

Afe mei Félix Páblona Herodes illaíma illaco áillocomo rairuítatinona uitátate, afécomo íena íaioi ñue rairuíllena.

24

Félix uícomo Pablo abi ríiduaífué

¹ Jubécuiro dígarui illa meífodo lletáriraini illaíma Ananías Cesaréamo bite. Afémiedo dárie éinamaci bitíaioi. Dáruído, caifóidillaíma uícomo raire úritimie bite. Afémie mámece Tértulo. Nana afémaci caifóidillaíma Félix uícomo Páblomo jitácafuiái nítaíbitiaioi. ² Pablo íaioi átia llezica, Tértulo íemo jíidífué riire nítade. Félixna daide:

—Cai izíruiga caifóidillaíma, ori ióbiacadicaí. Ñue záillafue caímo ite; íemo caímare llícaíllafue mo iticaí. O fibíllafuedo nana ñue ocuícacaí. ³ Nana bífuíairi nágagobiaído ióbioidicaí. Félix o iere jamánomo fígomiedio. ⁴ Mei íadi are o cue áifedoñeilleza cai úrillamo o cacáreíllena omo izire jicádicue. ⁵ Bímie fiénide duico billa izói bíllana ciódicaí. Naga éniíaido llócaide judíuai oni énenorie bozíetaíllena. Afémie Nazaret

ímie Jesumo ínotino ifódime. ⁶ Icoimo cai Juzíñamuimo gairíraco ero bácajide. Ie llaitádicai ñue afémiemo cai ocuina uai daina izói jicánollena. ⁷ Mei íadi llaizíraini illaíma Lisias aféfuemona caina rairuide. Iemona cai anámona íena ríífuedo oni bairode. ⁸ Afe emódomo caina daide: “Bie cómemo bifue jítádino odo bírediaíoi.” Dama o afémiemo jicánorena, nana íemo cai jítacafue uáfueiteza. Daií áfena uáfuenta onóitio, —daide.

⁹ Afénomo jaide judúuai nana aféfuaiaina uáfuai daidíai. ¹⁰ Jira Pablo úrillena caifóidillaíma ónoído llote. Jira Pablo daide:

—O uícori cue abi ríiduafue jino caímare llóiticue. Jaíai diga fimona bie nairai o jicánoraimana o íllana onódicueza. ¹¹ Ja doce dígarui íllamona Jerusalemo Juzíñamuimo áinozillano íemo caímare úrillena dúcidicue. Aféfuena dama o jicánorena, ñue o ónoillena. ¹² Bumo riire cue úrillana cacáñediaíoi. Daje izói Juzíñamui gairíracomo comínina fiéni failíñaitañedicue. Iemo jíái Juzíñamui llófueriracomo daje izói júfidoga-fuai finótañedicue. Daje izói nairai jófuedo nífuena lloñedicue. ¹³ Nana bimaci cuena nitácafuiaina bu áfena uafue daínina. ¹⁴ Mei íadi dafue jino llóiticue. Judúuai fiéni mameca fiénidíodo jáidicue. Afe como Jesús lloga iodo cue jáillamona cai uzútiái Moo Juzíñamuimo táijidicue. Mei nana cuega ocuica uáillaina ínoticueza. Afe daje izói nana uai jino lloraini Cuegánicuaímo ite uáillaina ínoticue. ¹⁵ Iaiói Juzíñamuimo úiñoínafue daide: “Tíidino ñúemaci fiénidímaci diga meine abido cáaitiaíoi.” ¹⁶ Ie jira Juzíñamui uíécomo nífuenidímiéna cue íllena jaca nágarui cue comeci ñue finófiredicue. Afe izói comini uícomo nífuenidímiéna íacadicue.

¹⁷ ‘Ja diga fimona jíáinuiaímo cue maca meífomo, meine cue éniemo Juzíñamuimo fia fecaca úcube izáibiticue. Afe izói dúeredímacímo dúecaillano úcubena fécaíbiticue. ¹⁸ Afe daií cue feca llezica, cue comécímo ite íaífuai cue múiñuafuemo nícidoticue. Daií cue comeci nícidua meífodo afe úcube cue fecalle llezica, dárie Asia énie judúuai Juzíñamuimo gairíracomo cuena baitíai. Afénomo nai comínina figo íñena llezica iticue. Afénomo ite comínina jaca buna failíñaitañedicue. ¹⁹ Afénomo cuena ciódino benomo cuemo jítaíbirediaíoi, cuemo nífué íaiói nitáadi. ²⁰ Mei jíáífo do nauí judúuai Nahí Ríillaini uíécomo cue illa llezica fiénidífué cuemo nauí íaiói báíadi, benomo ite aféfuena cacádino mai jino lloiri. ²¹ Aféruillaido íaiói cígiri cue illa llezica dafue riire íaióimo lloticue. Daidicue: “Ja birui cuemo jicánotiómoi tíidímaci meine abido cáailífuemo cue íñua jira.” Dino Pablo úrite.

²² Félix Pablo daií dánana cacáillano, aféfuena dinó fiénocaide. Afe Jesucrístomo dibénemo itino finócafuiaina Félix ñue fibídimie. Ie jira aféfuena dinó fiénocaide. Fiénocaillano daide:

—Fui llaizíraini illaíma Lisias dúciadi bie ómoímo itifue afémie cuemo ñue jino llóite, —daide.

²³ Iemona Félix, jabóidillaímana ocuíde Páblona nai zuitatáñellena. Mei íadi ie comini ie uáiduaíbillena rairuíñede. Afe izói ie íaiói cánuaíbillena jeruíñede. Afe daií Félix Pablo figo riire llavétañede.

²⁴ Afemona afe mei dígarui íllamona, Félix meine dúcide ie ai Drusila diga. Afengo judío ingo. Félix Pablo jíiritade Jesucrístomo íñuafuedo úrillena. ²⁵ Afe íñuafuedo úrilla llezica Pablo ñue jácina jáillífuédo úrite. Afe daje izói ñue comini íllena abi rairuínafuai llote. Ie émodomo íraíruimo comini jicánollífué jino llote. Aféfuaiaina cacáillano, Félix jácinaite. Jácinaillano daide:

—Mai birui jai, uire cue jítaílliruido nane ona jíiriticueza, —daide.

²⁶ Afe jíáífué Félix, Pablo ie zuitalle úcube fecalle úiñote. Ie jira diga ícaíño Félix íena jííjiride ie diga úrillena. ²⁷ Mena fimona daií íhidiaíoi. Afe mei Félix ie illáimana illano

fáicanocaide. Ie meífomo Porcio Festo illáimana jónetiaioi. Félix judúuai uícori ñue íacanamona llavécamié Páblona zuitáñeno oni jaide.

25

Pablo Festo uícori abi ríiduafue

¹ Ie meífomo Festo ja illáimana bite. Afe mei daruíamani íllamona Cesaréamona Jerusalemo jaide. ² Dinomo lletáriraini illaini naa judúuai ríimaciri Páblomo íaioi nitácafuiái nane Féstomo llotíaioi. ³ Jerusalemo abido Pablo oréllena izire jicádiaioi. Pablo io anamo íaioi fallífuena maméritiaioi. ⁴ Mei íadi Festo íaioi uaimo daide: Pablo nai Cesaréamo llaveca. Nano íanori íllamona afénomo nane jáitícue.” ⁵ Jira íaioina daide:

—Ie jira omoi cígiri ite ríimaci mai cuedo Cesaréamo jairi. Afémiemo ní fue íadi dinomo íemo nítajirediomoi, —daide.

⁶ Festo afe Jerusalemo nano ocho níbai diez dígarui illa meífodo meine Cesaréamo bite. Afe jíáiruido ie riire jicánoranomo ráinazaide. Páblona atítate. ⁷ Pablo afénomo jofo jáidemo, Jerusalémona como dúcide judúuai íemo áinozidiaioi. Ainozillano aillo fiénide ráfuiái íemo nitádiaioi. Mei íadi aféfuiaimo íinollífuena íñede. ⁸ Mei jira Pablo ie abi ríiduafuena daide:

—Cue nie fiénidífuena finóñedicue. Judúuai ocuífufuiái uáitaoiñedicue. Iaioi gairíracero bácañedicue. Daje izói romano caifóidíllaima uáillaina uáitaoiñedicue, —daide.

⁹ Mei íadi Festo judúuai cígiri ñue íacade. Jira Páblomo jicánote:

—¿Jerusalemo abido jáiacadio omoi nitácafuiái dinomo cue jicánolleza? —daide.

¹⁰ Jira Pablo uai ote:

—Ja birui romano illaima uícomo náidadícue. Ja benomo cuemo nitácafuiái jicánorede. Mei judúuaimo nífuenidímedícueza ñue onódio. ¹¹ Cue títaite fiénidífuemo cuemo íadi, áfemona abi jáanoñeítícue, mei íadi nana cuemo íaioi nitácafuiái táinofue íadi, buna íaioimo cuena ríifuedo izájinide. Dama romano jamánomo ocuídíllaima cuemo jícano daidícue, —daide.

¹² Iemo ie fidítatímiiaimo úrilla meífomo, Festo daide:

—Mei “Jamánomo ocuídíllaima cuemo jícano” daidízoa, ie jira afe jamánomo ocuídíllaimamo ona óreítícue, —daide.

Pablo illaima Agripa uícomo illafue

¹³ Díga irui illa meífomo illaima Agripa ie ai Berenice díga Cesaréamo Festo uáiduaide. ¹⁴ Afénomo díga irui itífaillínoimona, Festo Pablo rafue Agrípamo llote. Iena daide:

—Félix fiénocaiga llavécamié nai benomo ite. ¹⁵ Naui Jerusalemo cue jailla llezica, lletáriraini illaini, naa judúuai éicomíniri íemo íaioi nitácafuiái cuemo llotíaioi. Ie duere cue finótallena cuemo jicádiaioi. ¹⁶ Jira íaioi uai otícue. Iaioina daidícue: Romano ríimaci íaioi fíbillá izói, afefue nitádimíe íemo nitácamíe uícomo conímamo jofo eróicana nai úriñenia, nitácamíena fañediaioi. Afe daí táinofue nitácamíe ie abi ríiduafuena finórede. ¹⁷ Ie jira afémaci benomo billa llezica, raire afe jíáiruido cue jicánoranomo ráinazaidícue. Ráinazaillano afe cómena atítatícue. ¹⁸ Mei íadi afémiemo nitádino cue comeci daína izói nitáñediaioi. ¹⁹ Daa íemo íaioi nitácafue fia íaioi íinogafuiaimo jáináidífuemo. Daje izói da Jesudo úritiaioi. Afémíena tíide daidíaioi; mei íadi Pablo “Caade” daide. ²⁰ Mei aféfuena onóñedicueza. Nie izói aféfuena níbaítícue, daidícue. Jira Páblomo jicánotícue: ¿Jerusalemo meine jáiacadio dinomo omo nitácafuiái ñue jicánollena? ²¹ Mei íadi afémíe jamánomo ocuídíllaima Augusto íemo jicánollena jícade. Ie jira nai íena zuitáñedicue. Iena rairuídícue jíáiruido afe caifóidíllaimamo ie cue oréllena, —daide.

²² Jira Agripa Féstona daide:

—Cue jíái daje izói afe íima uaimo cacáreacadícue, —daide.

Jira Festo uai ote:

—Uire jiti cácaítio, —daide.

²³ Afe jítiramo, Agripa Berenice diga dúciillano, áillue gairíraco nana jofo jáidiaioi, naa llaiáiraini illáiniri, naa jofue ríimaciri. Ua aillo ebire finóbillano jofo jáidiaioi. Dinomo Festo Pablo jíiritade. ²⁴ Afe mei Festo illaíma Agrípana daide:

—Illaíma Agripa, nana cairi benó gairídinori, omoi cácarei. Bímíemo omoi eroi. Aillo judúuai afémiedo cuemo úritiaioi. Benó Cesaréamo cuemo úritiaioi; daje izói Jerusalemo izire cuemo jicádiaioi. Jaca fáinocaiñeno ie titáacanafuena cuemo llotíaioi. ²⁵ Mei íadi afémíemo comeci facádicue, íadi ie cue titállifuena iñede. Mei caifóidillaíma Augusto íemo jicánollena dama jicade. Jira afémíemo íena oréllena mamédicue. ²⁶ Mei caifóidillaímamo afémíe rafue cue cuellífuena iñede, ¿níífue mei cúeiticue? Ie jira, Agripa, bímíe o uíécomo atídícue íemo omoi jicánollena. Afedo caifóidillaímamo cue cuellífuena ónoíticue. ²⁷ Mei cue comeci daide: Da llavécamié cue oréadi, íemo íaioi nitácafueña óñoñenia, níbai afefue táínofue, —daide.

26

Illaíma Agripa uícori Pablo abi ríiduafue llote

¹ Jira afe Agripa Páblona daide:

—O dama o abi ríiduafueña llórena, —daide.
Iemona Pablo como fueñe íaioímo úrite; daide:

² —Illaíma Agripa, cue abi ríidollífue o uícomo cue llóleri íóbidicue. Nana judúuai cuemo nitaca táínofuíai jino jaícina llóíticue. ³ Nana judúuai fibíllafuíaina ñue onódioza. Daje izói conímamo cai úrillafueña onódio. Aferi iere íóbidicue. Ie jira fíaicana cue úrillamo o cacáreíllena jicádicue.

Pablo íemo itífue méiduafue uícomo finócafuíai

⁴ ‘Nai cue úruenamona dama cue éniemo, daje izói Jerusalemo íaioi cígiri nana judúuai cue illáfueña onódiaioi. ⁵ Daje izói cue jítócomenanomona fariseo ímíena cue íllana onódiaioi. Afémaci jitaia aféfuena jino llóredicue. Cai ínogafuíaimo afe fariséuai jamánomo riire jaináidino. ⁶ Iaióí ínogafue izói Juzíñamui tíidino meine abido cáatallífueño ínotícue. Juzíñamui daje afe cáallífue cai jáíairagímamo llote. Afefue ícoínia birui bie jicánollífueño cuena atídíaioi. ⁷ Cai Israel doce nairai afe uícomo llogáuai fuizájíllínomo úíñoidiaioi. Ie jira mona naió diga Juzíñamuímo ánozillano caímare úritiaioi. Afe izói íemo táíjidiaioi. Illaíma Agripa, afe bie daje úíñogafue ícoínia, judúuai fíénidífuíai birui cuemo nitádiaioi. ⁸ ¿Níbai mei daí comeci facádiomoi? ¿Níbai mei afe Juzíñamui tíidino meine abido cáatallífueño buna ínonide, daidíomoi?

Pablo nauí Jesucrístomo ínotíno rácafue

⁹ ‘Nazaret ímie Jesús mámecimo jaináidino duere cue finótallena, nauí aféfuemo comeci facáoidicue. ¹⁰ Iemona Jerusalén imácina duere finótaticue. Lletáriraini illáini ríibiaido aillo Jesumo ínotínona llavéramo íbaicotadicue. Comini afe llavécamací titáacana llezica aféfuena fairótícue. ¹¹ Diga icaiño íaioína duere finódicue, íaioi ínogafue féitallena. Afe duere finótafue naga llófueriracuaido daí finódicue. Afe ínotínona jamánomo fíéniruidicue. Ie jira afémacina onínemaci jófuemo racádicue.

Pablo íemo itífue méidoinafue nane llote
(Hch 9.1-19; 22.6-16)

¹² ‘Bie daí comeci mamérrillafuedo Damasco jófuemo jáidícue. Lletáriraini illáini ríibiaido comini llaitállena orécacue. ¹³ Mei íadi jaíciri ia iodo jáidícuemo, jamánomo monámoma riire cuemo egáíñoacaide. Afe egáíñua jítoma egáíñua baímo meáírede. Cue abímo egáíñoacaide naa cuedo jáidínori. ¹⁴ Iemona nana éniemo baíídícai. Hebreo uáillaído monámoma cuena daínana cacádicue; cuena daide: “Saulo, Saulo, ¿níbai mei cue racádió? O dama o abi fieni finódio. Aillue juráreto jíúrainomo ite jáírede

razi. Afe rázimo juráreto záitacailla jilla izói, afe izói dama abi daíí finódio” daide. ¹⁵ Jira uai oticue: “Ocuíraima, ¿mei o búdio?” Jira afémie cuena daide: “O racácamie Jesúdicue. ¹⁶ Mai náidacaillano macácana jai. Jae cuedo o táijillena omo cíocaidicue. Afemona birui o ciónafuemo uai nabáiraimana íitio. Ie meífomo jíáiruido jíáífuiái omo ácataiticue. Aféfuiaimo nane uai nabáiraimana íitio. ¹⁷ Ja judúuaimona jíáie jicáneziemo ona orédicue. Dinomo ona lláitaitiaioi íadi ona jíllotaiticue. ¹⁸ Dinó afeno imácimo ona orédicue, íaioi comeci o zuitállena. Afemona, jíitífodo íaioi macáñeno úzefodo íaioi macállena o orédicue. Daje izói nana íaioimo ona orédicue Taife íaioi náamatañellena, mei íadi Juzíñamui dibéfomo íaioi jaináillena. Afe izói íaioimo ona orédicue cuemo íaioi íinollena. Iemona íaioimo ite fiénidífuiái dóficaite. Afe fiénidífuiáiina dóficaidino íaioi feci raa máinoitiaioi naa jíáie Juzíñamui ñue finócamaciri,” daíí Jesús cue ocuide.

Nícaí anado Jesús íemo ocuícuaui Pablo jeire ote

¹⁹ ‘Mei jira, illaíma Agripa, monámona cue cacánafuena jámairuñedicue; mei íadi áfena jeire uano fueñe Damasco imácimo afe úrilla uai jino lloticue. ²⁰ Afe meífomo Jerusalén comínimo daje izói nana judea éniédo llócaidicue. Afe izói jíái judíoñedinomo llócaidicue. Nana íaioimo itífuiái íaioi meídollena riire lloticue. Iemona Juzíñamui dibénemo íaioi íficaillena íaioi llófueticue. Níufuiaido íaioi macállena lloticue íaioimo ite meídogafue jino ácatallena. ²¹ Afe bífuiaí cue llua ícoínia, judúuai Juzíñamuimo gairíracomo cuena llaitada fáiacadiaioi. ²² Mei íadi Juzíñamui cue cánuado nai biruimo ñue jáicadicue. Naga cómemo, illáicomíni naa jamai comíniri Juzíñamuido úricaidicue. Moisés llua izói lloticue. Jaiái uai jino llóraini llua izói llófueticue. Nana íaioi lloga caimo ífcaítífuiái jino lloticue. ²³ Jaiái ninomo uícomo llotíaioi: “Cristo duere finólleza,” daidíaioi. “Afe meífomo tíite; tíillano meine abido cáate. Afe daíí fueñe tíidímiemona meine abido cáaitimiena maméllimieite.” Daíí aféfuena daidíaioi. Afe emódomo jíáífue daide: “Cristo cáaillemona, comíni jíllloillífue jino llóite. Ua caí náiraímo llóite. Daje izói jíáie náiraíaina fidítaite,” —dinó Pablo úrite.

Pablo Agripa Jesucristo dibénemo jaináillena llote

²⁴ Daíí Pablo afe abi ríduafue llua llezica, Festo caillíoicana daide:

—¡Pablo, o uáiritaidio! Aillo rábiai o facáduamona o ifoci uáiritaide, —daide.

²⁵ Jira Pablo uai ote:

—Fígomie Festo, cue uáiricoñedicue. Mei jíáífodo cue daínáuai ñue comécido facádorede. Aféfuiaí uafue. ²⁶ Benori illaíma Agripa ite, bífuiaína ñue onódimie. Ie jira comeci mánainafuedo afémie uiecori úriticue. Afémie nana bífuiaína ie onónana ñue onódicue. Afémie nana bífuiaí báinino izúgumo lloñégaza onode. ²⁷ Illaíma Agripa, ¿uai jino llóraini llogáuaimo ínotio? O ínuana onódicue, —daide Pablo.

²⁸ Jira Agripa daide:

—¿Jesucristomo afe dibénemo cue jaináillena raire cuena ífcaitaacadio? —daide.

²⁹ Jira Pablo íena daide:

—Raíre Crístomo jaináidimiena o ífcaiaídi, o are íllamona Crístomo jaináidimiena o ífcaiaídi, nai birui Juzíñamui uailái ñue jeire o ollífue jícadicue. Afe izói dama óieñedeza mei íadi cue Jesucristomo ínuana izói nana cue úrillamo cacáreidino Crístomo ñue ínotinona jítaídicue. Mei íadi llójeina cue máina izói ómoína maitátaacañedicue, —daide.

³⁰ Pablo aféfuiaí llua meífomo, illaíma Agripa caífo náidacaide, afe caifóidillaíma Festo díga. Afe llezica ie ai Berenice nana dinó ráiiedino díga caífo náidacaidiaioi.

³¹ Náidacaillano bai eneno jáidiaioi aféfuiaido úrillena. Dinomo jofo conímána daidíaioi:

—Baie cómemo ie titállifuena íñede. Daje izói llavéracomo ie llavéillinona íñede, —daidíaioi.

³² Jira Agripa Féstona daide:

—Bímie naui jamánomo ocuídillaíma íemo jicánollena jicáñeniadi ja birui zuitárede, mei íadi báillaimamo jicádeza zuitánide, —daide.

27

Pablo Rómamo oréinafue

¹ Pablo Itáliamo oréillifuemo maméritiaioi. Iemona Pablo naa jíaie llavécamiiairi jabóidillaíma Júliomo izájidiaioi. Afémie Augusto llaizíraini igüéllimo jainaide. ² Iemona Adramitio ígobemona áillue nocaedo jáizaidicai. Afecae nana Asia énie ígobiaído zíjicana ja jáizaide. Daje llezica Tesalónica ímie Aristarco caido jaide. Tesalónica Macedonia énie jofue. ³ Afe jítiramoidiruido Sidón ígobemo dúcidicai. Afégobemo Julio iere caimare Páblomo úrite. Iemona Páblona rairuíñeno ie onóigamiaina uáiduajitade. Afe daíi ie onóigamiaina Pablo jitaica raana fecárediaioi. ⁴ Sidón ígobemona jáidicai. Jaillano monáillai cigi idu Chipre jarífezimo fiéicaidicai, mei jairifo jíáifodo cai ñuitáocaillamona. ⁵ Dinómoma Cilicia énie áinodo Panfilia énie diga baido monaillai cígido jaitádicai. Afe mei Licia éniemo ite Mira ígobemo zíjidicai.

⁶ Dinomo llaizíraini illaíma Alejandríamona bite, Itáliamo jáizaide áillue nocaena cíozaide. Afécaemo afémie caina nana jofo orede, afénomona afécaedo cai jáillena. ⁷ Dinómoma diga irui fíaicana juare jáidicai. Icoímo Gnido jofue féifenemo dúcidicai. Mei jairifo nai jíáifodo oni cai ñuitáocaillamona monaillai cigi idu Salmón féifenedo jáidicai. Ie jira monaillai cigi idu Creta onido nefícana jáidicai. ⁸ Afe monaillai fue áinodo fíaicana juare jáidicai. Icoímo Buenos Puertos mámeciredinomo dúcidicai. Afégobe Lasés jofue áinori ite.

⁹ Jae diga iruillai fia fíaicana jáidicai. Iemo ja uáicimo áinozidicai. Iemona monaillai cígido cai jaitalle jamánomo jacírede. Ie jira Pablo íaioina izire llote; ¹⁰ daide:

—Cuemo úrillamo omoi cácarei. Bie cai ruica cai jaille onódicueza iere jacíreite. Cai uiga ráaniai niné táinocaite. Cai jaille nocáe daje izói táinocaite. Daje izói cai níbai coróbaizaiticai, —daide.

¹¹ Mei íadi llaizíraini illaíma nocáe naama jáiacanafue Pablo daínaufue baímo jeire ote. Daje izói afecae illaíma daína uai llaizíraini illaíma jeire ote. ¹² Afégobe uáiciai úiñollena figo jínoñede. Ie jira nana comécido daidíaoi: “Níbai Fenice ígobemo jáidicaina figora izoide,” daidíaoi. Afégobe Creta énie mona ícoi dibénemo ite. “Afe dinomo uáici záillena úiñoiticaí,” daidíaoi.

Monáillaimo jamánomo riírede jairifo noci diga jáiñuafue

¹³ Afe jíáiruido mona átue dinena jairifo fíaicana fúuoide. Jira afemo ínotiaioi ruica íaioi jáitallena. Afemona jáizaidicai. Afe Creta énie áinodo jáidicai. ¹⁴ Mei íadi due afe meífodo riírede jairifo cai jailla nocáe riire ñúitaibite. Ua afecae riire aiñóicaide. ¹⁵ Mei cai jáiacananomo jáinina jira, “Dama jairifo niné uigacai,” daidíaoi. ¹⁶ Iemona duera monaillai cigi idu Claudia jinófenedo jáidicai. Dinomo jairifo caina riire fúuoñede. Ie jira cai abido uiga dúecae, fíaicana juare caífo bitádicai. ¹⁷ Dúecae bita meífomo, áillocae jéerie ñécigaído riire jofo mozidicai. Afe mei guamáeaimo íaioi bíjizai dáii jacíruitiaioi. Afe guamáeai mámecei Sirte. Afe jágiedo íaioi ñuite vela daína áillue iniroi ana zúicoidiaioi, cai nocáe fia jairifo fíaicana úillena. ¹⁸ Afe jíáiruido afe jairifo riire jaiñode. Ie jira íaioi uiga ráaie como fueñe afécaemona monáillaimo dócoidiaioi. ¹⁹ Ja daruiámani íllamo nocáe ero táijina ráaniai dani cai ónoído monáillaimo fádoidicai. ²⁰ Aféruillaído diga irui jitoma naa úcuai diga cíóñena. Dinomo afe riírede jairifo llavécamiiaí izói duere cai finode. Iemona nana jíllloillena cai comécinafuíaí niné táinocaide.

²¹ Ja diga iruillai güiñeno iticai. Ie jira Pablo íaioi cígimo naidáillano daide:

—Nana omoi cácarei. Nani Crétamona jáiñeiticai cue daina uaina jeire oñédiomoi. Afe cue daina uaina ñue ínotiomoinia bie izói duere zefuñedicai. Daje izói nana cai atica ráaniai niné táinocaiñede. ²² Mei íadi, birui omoi jacíruiñeno iri. Bie nocaena niné táinocaiite mei íadi ómoimona buna tíñeite. ²³ Mei ja naio Juzíñamui oreca ie abi ímie cuemo daízaibite. Afe Juzíñamuimo jaináidimiedicue. Afe izói íemo táijidimiedicue. ²⁴ Afe oreca abi ímie cuena daide: “Pablo, jacínaiñeno iri. Romano jamánomo ocuídillaima uícomo náidazaitioza. Ie jira o illa ícoinia nana nocaedo odo jáidinona Juzíñamui tíllinomona jíllotaite.” Dínó Juzíñamui oreca ie abi ímie cuena daide. ²⁵ Ie jira abí omoi mameri. Juzíñamui uaimo ínoticueza. Ie oreca ie abi ímie cuena daina izói bie cai duere zefuñlafuemonia ñue jino jáiticaiza. Afe bífuena ñue onódicue. ²⁶ Mei íadi benómoma daa monaillai cigi ídumo jairifo caina nétaite, —daide Pablo.

²⁷ Mena semana cai jailla meímodo daa naio Adria monaillai cai illa llezica, riírede jairifo meine abído caina úioicaide. Iemo dáaferui illa llezica, marinéruai éniemo cai áinozillana comécido onódiaioi. ²⁸ Jira nié dínó afórede dainano facádiaioi. Facádiaioimo treinta y seis metros afórede. Nane afe baimo dáanomo facádiaioi. Ja veintisiete metros afórede. ²⁹ Noñiciaimo íaioi ñáijizaillana jacíruiillano moi dibécaemona cuatro díga nocáe cuinara lloélloici monaillai anamo dotádiaioi. Afe mei comeci jacíruiociana mona monaille úiñotiaioi. ³⁰ Afe llezica afecae marinéruai “Bie áillocaemona mai cai botalli” dani conímama daidíaioi. Afe daí íaioi botácanamona emódomo bitaca dúecae ana jáinoimo agúinetiaioi. Afe llezica jáímacina jífueacana daidíaioi: “Bie dúecaedo áillocae ifo dibécaemo jáíe cuinara lloélloici dótaiticai,” daidíaioi. Daí afe nocáe ana agúniado jífuercadiaioi. ³¹ Mei jira Pablo llaizírini illáimamo naa ie llaizírini lluano daide:

—Baimaci bie nocaemo fiébiñeno botáadi ómoimona buna jílloneilleza, —daide.

³² Ie jira llaizírini dúecae agúina ñécigai jaitádiaioi, afecae illemo baiíllena.

³³ Afe monáidemo Pablo íaioina daide:

—Mai omoi güiri. Ja mena semana güiñédiomoiza; iníñediomoi. ³⁴ Izire ómoína güitátaticue. Afe omoi güille jítaírede ñue omoi jílloneilla. Uafue ómoimona buna córobaiñeite. Daje izói omoi abímona minícana due jiza báiiñeite.

³⁵ Daí dainano, Pablo daa pan llínuano nana comini erócana Juzíñamuina “tere figura” daide. Daí ñiano afe pan dídade güite. ³⁶ Afemona nana náirefcaidiaioi. Afe daje llezica jáíno güitáioi. ³⁷ Afe áillocaemo doscientos setenta y seis dígamiedicai. ³⁸ Ja íaioi güiacaga güille güilla meímodo, fiévide trigo illemo dotádiaioi, afecae féecocaillena.

Afecae buíllafue

³⁹ Jae monáidemo, afe éniema onóñediaioi, mei íadi guamai díga ñue itízuguaina cíodiaioi. Onóñegaza afénomo íaioi zíjizaillena maméritiaioi. ⁴⁰ Iemona afecae cuinaina lloélloici igai jaitádiaioi. Afe lloélloici monáillai anamo fiébicaide. Afecae datara jairábiai zuitádiaioi. Afe mei afecae uite iniroi ifófecaemo caifo jairífomo jónetiaioi. Iemona afecae oni guamáemo áinozioicaide. ⁴¹ Mei íadi mena meine ábiedo totínuaimo dúcidiaioi. Iemona afecae afénori ite guamáemo bíjide. Ifófecae afe guamáemo jamánomo riire bíjide. Mei íadi móifecae nai ñue fairídemo, monaillai bagua niné llaizéraga. ⁴² Jira afécaemo ite llaizírini llavécamiiai fáiacadiaioi, “íhíhí bótaitiaioi” dainano. ⁴³ Mei íadi afe llaizírini illaima Julio Páblona jíllotaacade. Mei jira íaioina fatátañede. Jáímodo ocuide nana íiana onóño illedo íicana raire uícomo dúciillena. ⁴⁴ Jáímaci íiana onóñedino afe nocáe lláicoizillabici emódodo jáitate. Daí nana oni fuédamo dúcidiaioi. Afe daí ñue jíllodiaioi.

28

Pablo monaillai cigi idu Máltamo dúcinafue

¹ Nana ari éniemo ñue jíllobicaidicaimo, afe monaillai cigi idu, comini cai llúamona Máltana mámecirenana onódicai. ² Afedu nairai ñue caina llínotiaioi. Aillue irai bonódiaioi noci jáiñua rozírena jira. Aferai bónuana nana caina: “Mai omoi agáizaibi” daide. ³ Afe llezica Pablo záfegai llínota aférimo jóoniaide. Aferai uzire cácanamona titade jaio jino billano Pablo onoi ainide. ⁴ Afedu nairai afe jaio ie ónoimo agúinana cióillano, conímamo llotíaioi:

—Ñibai baie iima come fáfiredimie. Meiti monáillaimona ñue jillode íadi, Juzíñamui jáicina jóidifue nana comínimo onótaiacanamona íena raamo jíritate ie jílloiñeillena, — daií daidíaioi.

⁵ Mei íadi Pablo afe jaio iraimo jaidínota dotade; íena ñie izói ñibáiñede. ⁶ Nirui íena fáitaite dainano áfemo nana ocuúridiaioi. Jiáifodo nino llezica íena ana dotada títaite daidíaioi. Mei íadi íena ja are úiñodiaioimo ñie izói íena ñibáiñede. Ie jira nano comécido íaioi daináuai jiáifodo meídotiaioi. Iemona bie Pablo Juzíñamui izóidimie daidíaioi.

⁷ Afe áinori afedu illaíma Publio illánuaí ite. Dinomo daruíamani afe Publio caina ñue llínote. Cai jitaica raana ñue caimo fecade. ⁸ Aféruillaído afe Publio moo irárede. Bírallumo diga irui bíifirede, ie abi cuaríllari. Iemo jamánomo lluide. Afénomo Pablo íena uáiduaide. Dinomo Juzíñamuimo íena jicade. Daií ie jica mei Pablo onoi íemo bitade. Iemona afémie jíllobicaide. ⁹ Afena íaioi fidínamona nana afédumo ite iráredinuaí Páblomo atídíaioi. Iemona nana jíllozitiaioi. ¹⁰ Aferi íóbillano aillo ñúefuaí caimo nitádíaioi. Afe mei nane dánomo cai jáiacanaruimo, nana cai jitaica ráaniaí caimo atídíaioi.

Pablo Rómamo dúcinafue

¹¹ Afe monaillai cigi ídumo dauíamani iticai. Afe meífoto, jiáie nocaena cióizaidicai. Afecae nauí bie ídumo uáici zaille dño úiñote. Dinómona afecae jáillado ruica jáidicai. Afecae Alejandría jófuemona bite. Afecae ífomo mena taino juzíñamui uiécona cuega. Afe íaillinoi mámece Castór Pólux. Afecae aféillinoína náamaredena mameide. ¹² Dinómona Siracusa ígobemo dúcidicai. Afégbemo daruíamani iticai. ¹³ Dinómona fueda áinodo Regio ígobemo jáidicai. Afe jiáiruido jairifo mona átue dinena bíllamona Régiomona jáidicai. Ja ménarui íllamona Puteoli ígobemo dúcidicai. ¹⁴ Afénomo ite ámatiaí cióizaidicai. Íaioi diga da semana cai íllena jicádíaioi. Afe mei ja Rómamo jáidicai. ¹⁵ Jae Rómamo ite ámatiaí cai billáfueña uícodo fidídíaioi. Ie jira io anamo conímamo caimo dúcillena uícómo bitíaioi. Conímamo íaioi dúcinano “Foro de Apiona” mameide. Jiáifodo daina, Apio iomo ite fecáriraco. Jiáino mámece “Tres Tabernas.” (Afe mámece dobáiñuano daina Daámani Dúcirachupi.) Afénuaímo Pablo éroicaillano Juzíñamuimo “íere figora” daide. Iemona Pablo comeci caimare íficaide.

¹⁶ Ie mei Rómamo dúcidicaimo llaizíraíni illaíma Julio ie uiga llavécano rairuídino illáimamo izájide. Mei íadi Pablo oni eneno dama íecómo uiga. Afénomo daa llaizíraíma íena rairuide.

Pablo Rómamo Juzíñamui uai jino llote

¹⁷ Rómamo íaioi dúcinamona daruíamani íllamona Pablo Roma judúuai illaíni jíritade. Íaioi gairilla llezica Pablo íaioína daide:

—Amatiaí, judúuaímo fiénidifue lloñédicue. Afe izói cai jaiáidigíma fibíllafueña uáitaoíñedicue. Mei íadi Jerusalemo romano comínimo lláitano izájigacue. ¹⁸ Dinomo cuemo íaioi jicánua mei, cuena zuitáacadiaioi cue íaioi titállifue íñena jira. ¹⁹ Mei íadi judúuai jiáifodo cuena zuitáañediaioi. Ie jira romano jamánomo ocuídillaíma cuemo jicánorena daidicue. Mei íadi afe llezica cue náiraímo cue jitállifueña íñede. ²⁰ Mei jira omoi diga cue úrillena jíiriticue. Mei cai bie daje Israel náiraídicaí. Daje cai

Mesías billífuemo coméidicai; daje izói meine abido cai cáallifuemo úiñoidicai. Afe cai úiñoigafue ícoiniadi birui benó llavécamié cue llavéinana ja ciódiomoiza.

²¹ Jira íena daidíai:

—Jaca daabe o finócafuiái lluabe caimo dúciñede. Daje izói afénomona bite ámatiaí judíuai o mámecido fiénidifuiaina nítaibiñediaí. ²² O comeci fácafuiaimo cacárea-cadicaí. Mei náganiiaimo afe bie comue Jesumo jaináidinona onódicaiza uáitaoidiaí, —daí íena daidíai.

²³ Ie jira meine íaií cacáillirui mamédiaí. Afe maméinaruimo aillo nairai Pablo illácomo nane gairízaibitiaí. Jítiramoná ua nauzáidemo Pablo Juzíñamui illáimana illafue íaíoimo lloté. Moisés ocuica uáillaído Pablo Jesús dibénemo íaíoina ínotacade. Afe llezica Juzíñamui uai jino llóraini cuega uáillaído Jesumo íaíoina ínotade. ²⁴ Dárie Pablo llogáfuemo ínuaidiaí, ie mei jíaimaci ínoiacañediaí. ²⁵ Mei íadi nana dáafuemo coméiñenamona raízitiaí. Como raíacadiaíoimo Pablo íaíoina daide:

—Ñuera Joreño cai jaiáidigimacimo uai jino lloraima Isaíado ñue úrite. Afémie daide:

²⁶ Baimácimo bifue llujiri, daide:

Omoi uafue aféfuena cácaitiímoi íadi áfena ónoñeitiímoi.

Omoi uáfuena cíotiímoi íadi ñue fidiñeitiímoi.

²⁷ Mei bie comíni comeci meine fiéni rírenamona bie ñúefuena óiacañediaí. Iaií ífoci jáiaínamona fiéni cacádiaí.

Iaií uíjiaí nitáoidiaí dani íaií uído áfena íaií cíoi dáii.

Daje izói íaií jefodo cácañeilla jefo íbáidiaí.

Afe izói comécido cacáacañediaí.

Daje izói meine cuemo bíacañediaí, íaií cue jíllotallena, —daí Isaías daide.

²⁸ Bífue omí onoiri: biruímona bie Juzíñamui lloga jíllóillífue judíoñedimacimo llujiga. Aféfuemo afémaci ñue cacáreitíai, —daide.

²⁹ Pablo daí dáinamona, judíuai aillo conímamo úricana jáidiaí.

³⁰ Afénomo Pablo ie íbaca jofomo mena fimona fuitade. Nana íemo ráfuiái jicánuaíbifiredinona ñue caimare llínofirede. ³¹ Aféruillaído Pablo Juzíñamui illáimana illafue jino uáfodo comínimo lloté. Afefue ie jino lolle rairuide cómena íñede. Daje izói Ocuíraima Jesucrístodo diga irui llófuerite. Aféruillaído ie llófuerilla buna llótadoñede. Mai. Jae níe.

ROMA COMÍNIMO SAN PABLO ORECABE

La Carta del Apóstol San Pablo a los Romanos

Pablo Rómamo ite Jesumo ñnotinomo cuete

¹ Cue Páblodicue; Jesucristo ocuífíregamiedicue. Juzíñamui cuena uáiduano eneno cuena nizede ie jílona uai jino llóllena. Ua afémie orécacue; Juzíñamui mamécamiedicue.

² Afe bie jílloñafue Juzíñamui jaiái ñinomo uícodo ñuera Cuegáuaimo, ie uai llórainido jino llotátate. ³ Afe jílloñafue cai Ocuíraíma Jesucristodo úrite. Afémie Juzíñamui Jitó. Iemo jiái afémie cai come izóidimie. Afe Jesucristo jaiái illaíma David méifoidigimamona jocócamie. ⁴ Mei íadi Ñuera Joreño dibénemo afe Cristo uáfodo ríinorede Juzíñamui Jitona ciótaga, mei dama tíillanomona afémie meine cáatateza. ⁵ Juzíñamui Jesucristodo, ñúefuena cuemo itátate. Aferi iere ióbídicue. Afefue cuemo illano, iere cuena canode, ie mámeçido oni jiáinomo ie orécamiēna cue íllena. Bie cue ióbillafue ie mámeçido oni jiáinomo cue oréllena. Afe cue oréinamona naga náiraiaido aillo Jesumo ñnotinona iite. Daje izói ie uaina jiéruitinona iite. ⁶ Afémacimona Crístromo ñnotinona itíomoiēza. Ie jira Jesucristo íeiena omoi íllena, Juzíñamui eneno omoi nizede.

⁷ Mei jira nana ómoimo cueticue Roma jófuemo itínodiomoi. Juzíñamui izíruigamacidiomoi. Afémiemo omoi ñue jaináíllena eneno uáidogamacidiomoi. Iemo ite caimátaillafue, naa comeci caimare uái illafue diga ómoimo fécaiteza. Nana bífuiaí cai Moo Juzíñamui cai Ocuíraíma Jesucristo diga, ómoimo mámeiteza.

Pablo Rómamo macáacade

⁸ Nana ómoiri fueñe Jesucristodo “tere figora,” cai Juzíñamuina daiífíredicue. Ua daií daidicue mei nágagobiaido ómoimo ite ñuera ñnogafuedo úritiaíoi. ⁹ Jaca nana cue comécido Juzíñamuimo táijidicue, ie Jitó ñuera uai jino comínimo llóllena. Nane daje izói Juzíñamuimo comécido cue úriadi, ómoimo uibíoiífíredicue. Aferi Juzíñamui cue uai nabáidimie. ¹⁰ Bie ícoi iruimo ómoimo cue jáíllena Juzíñamuimo jicáfíredicue. Ua Juzíñamui comeci jitaia, ñibai ñibéfodo ñue cuena óreite, ómoimo cue mácajillena. ¹¹ Mei ómoína cióacadicue, Crístromo omoi ñnogafuiaí cue cánuamona, ñue riire jaícina omoi íllena. ¹² Ua bie ñnogafue cuemo íteza ja ómoimo ite. Afe Juzíñamuimo cai ñnogafuedo conímamo cai úrillamona, conímaiaína comécina caimare náiretaítaí.

¹³ Juzíñamuimo ñnote ámatiaí, diga icaiño omoi ñiné cue jáiacanafue ómoína cue cióíllena, ómoimo fidítaacadídicue; mei íadi nai jaca jáinidicue. Omoi ñiné jáiacadicue ómoimona jiáímacina Jesumo jaináitallena. Ua jeede ria llízie jofu uai izói, afe izói Jesús uaimo ñnotinona itátaacadídicue. Oni jiáígobiaimona dáarie cue itata izói, daje izói, ómoimona itátacadídicue. ¹⁴ Mei cue naga cómemo ñúefuena cue llóllena iere jítáirede. Ua iere baitáðinomo llóredicue; daje izói abína onóñedínomo daa fiéñeno llóredicue. ¹⁵ Iemona afe izói cue dibéñedo nana afe jílloillíuái ómoimo jino ñue lluaíbiacadídicue, jica Rómamo itíomoi íadi.

Ñúefue riírede

¹⁶ Bie ñúefue uai jino cue llólleri méairuíñeíticue, mei aféuaimo ite Juzíñamui ríino nana áfemo ñnotino jílloillena. Nano fueñe judíuaina jílloitaite, ie mei daje izói judíuainéðinona jílloitaite. ¹⁷ Bie jílloñauai Juzíñamui anamo ñue jaícina cai íllena caína fidítate. Dama Jesumo cai ñnogafuiaido Juzíñamui anamo ñue jaícina íiticaí. (Abi ñiné jiáiena íñede.) Jaiái Cuegáuái daií daide: “ñnogafuedo Juzíñamui anamo ñue jaícina itímie, zííñona cáate.”

Nana énie nairai íaioi fiénidifuiyai ícoinia ite

¹⁸ Mei monámona bite Juzíñamui iere izire duere fínuafue nana fiénidinomo, naa comécina jaícinañedinomo jaiai zúillana, ja birui fidídicaí. Dani íaioimo ite íaifuedo ua ráfuenta ónuana rairuícaciaioi. Daje izói afémaci jíáimacina ua ráfuenta onóillena jeruúdiaioi. ¹⁹ Cai onoiga Juzíñamui dibénemo itífuenta daje izói ñue onódiaioi; mei dama afémie íemo itífuenta nana caimo cótateza. ²⁰ Juzíñamuimo ite ie cióñena raa, ie finócafuiaido caimo ónorede. Jaca énie fínuaruimona afémie nahí Juzíñamui nana uáfodo ónorede. Daje izói afémie jaca ríinoredeza uáfodo ónorede. Bífuiaina comini náfueñediaioi; íemona dani íaioi ícoinia daí ite. ²¹ Mei Juzíñamuina onódiaioi íadi, íemo nitárede ñúefuiaina íemo nitáñediaioi. Daje izói íena “Figora” daíifinidiaioi. Mei jíáifodo ráifíñede raamo comécidiaioi. Iaioi abina onótatañede comeci jíitífomo fiébicaide. ²² “Nimáirainidicaí” daíifirediaioi íadi, abina onóñedinona jáidiaioi. ²³ Ziiño Juzíñamuimo ite ebíredifuenta ziiñoñede come jánaraina méidotiaioi. Afe baimo figóñede jánaraina finódiaioi. Féedinuiyai jánaraina finódiaioi. Jaizai jánaraina finódiaioi. Táicaide rille jánaraina finoda jeire otíaioi.

²⁴ Ie jira Juzíñamui íaioimo ite fiene comeci óiacanafuemo íaioina zóofete. Daí afémaci dani jofo conímamo méaifuiyai finódiaioi. ²⁵ Juzíñamuimo ite ua ráfuenta íinoñeno táinofuiyai jeire otíaioi. Afe emódomo ie finoca raamo ñúefue nitádiaioi, mei íadi fueñe afe finode Juzíñamuimo ñúefue nitáñediaioi. Daje izói ie finoca raamo caimare áinozoidiaioi, mei íadi nahí Juzíñamuimo cáimadoñediaioi. Bie Juzíñamuina jaca ninomo cáimadoaredicaí. Daí íteza.

²⁶ Mei jira Juzíñamui jíáie meáire comeci óiacanafuemo íaioina zóofete. Ringóniai daa íaioi ini diga íllana féitatiaioi; féitano aillo méaifuiyai jíáinori otímaci. Juzíñamui ringóniai jóonia izói íacañeno afe jóoniafuenta uáitatiaioi. ²⁷ Daje izói íñiaí daa ringo diga ñue íllana féitatiaioi. Féitano fiene illáfuedo íaioi abi bóobicaide, conímaiaimo fiene finóllena. Afe íñiaí conímamo méaifuiyai finódiaioi, íemona dani afémaci abímona comuúdifueri duere zefuúdiaioi. Bie izói Juzíñamui íaioina duere finótate, dani íaioi comeci ífue jaícina jóiñena ícoinia.

²⁸ Ja mei Juzíñamuina onóacañediaioi, jira íaioi comeci jaícina jóiñenafuemo Juzíñamui zóofegaiaioi, Juzíñamui rairuícáfuiyai finódimaci íaioi íllena. ²⁹ Afémaci naga íaifuiaimo itíaioi; comeci jaícinañenafuemo itíaioi. Daje izói jiruúrenafuemo itíaioi; fiene jítainafuiaimo itíaioi; naga ráaniaina óiacanafuemo naa fiénidifuiyai diga itíaioi. Daje izói afémaci úradorifiredino; come titáfiredino. Fuiríllafuedo úritiaioi. Jífuemarifirediaioi; ñúeodo jáíñedino. Táinona conímamo fiene úrifiredino. ³⁰ Afémaci jíáima jánana fiene úritiaioi. Juzíñamuina éoidiaioi. Daje izói ríimacimo náfueñediaioi. Táinofuiaimo comécidino. Daje izói fiene abi ínotino. Fiénidifuiaimo comeci facada finófirediaioi. Iaioi úruiai móotiai ocuícafuenta jeire oñediaioi. ³¹ Afémaci abina onóacañediaioi. Iaioi daína izói finófinidiaioi. Buna duéruíñediaioi. Caimare uáiduano iba óñellena onóñediaioi. Daje izói afémaci jíáimamo dúecañediaioi. ³² Juzíñamui ocuúllana ñue onódiaioi, íadi óiacañediaioi. Afe nana bie fiénidifuiaimo itino jaca ziiñona duere finólliaioiza, áfena jíái onódiaioi. Onódiaioi íadi aféfuiaina féitañeno nai uícadiaioi. Nane bie emódomo jíáimaci afe fiénidifuiyai fínua llezica, íaioina: “Caimare bie izói cai illi,” daidíaioi.

2

Juzíñamui nahí uafue daína izói comínimo riire jicánote

¹ Jáima fiene illafue riire o jicánollena íñede. Naga come “Cue nífuenidícue” daíinidiaioi. Nana omoi dáafuemo itíomoi. Mei jíáimamo ite fiene illafue riire o jicánua llezica, dama o abi duere finótaitio. Aféfuena riire jicánotio íadi, o jíái dáafuiaimo itio. ² Mei jíi, bífuiaimo itino Juzíñamui duere finótaja llezica, afémie nahí uafue daína izói

riire jicánoteza, áfena onódicai. ³ Mei o, jiáima fieni illafue riire o jicánua llezica, o jiái daje izói dáafuiai mo itio. Daií o illa llezica “Juzíñamui ie duere finóllifue mona nibai cuena jílloite,” ¿daidío? ¿jílloñeítio! ⁴ Juzíñamui omo zíñona fuiñede dúecaillafuena já-mairuitio, naa omo ie járitañenafue ðiga? Afe bie Juzíñamui omo dúecaillafuedo, afémie o comeci ífuena ñúefue ðibénemo méidotaacadeza, ¿afe jaca o comécimo úibicaiñedeza, ero ua? ⁵ Mei o, comécina iere ríiredioza. O comeci ífuena méidoacañedio. Iemona o duere finóllifuiaina aillo ofítaoicaidío. Ua Juzíñamui cíocaizaibilliruimo o jaícina jóoide duere fínuafue jino omo llóite. ⁶ Aféruído naga come dani íaiói finócafuiái izói, íaióimo íbátaite. ⁷ Aféruído ebíredifue jenóðinomo, zíñona cáataitino íaióimo iite. Daje llezica, nana Juzíñamui íaióimo ñúefue nitállena jenóðinomo, naa zíñona illa raa jenóðino ðiga, Juzíñamui zíñona cáataitino íaióimo fécaite. Aféfuiaina jenóðiaíoi, mei nágarui féitañeno ñúefue ðibénemo ífirediaíoi. ⁸ Mei íadi aféruillaído nana fieni abi íñotino, Juzíñamui duere fínoite. Daje izói nana ua ráfuena jeire óiacañedinona Juzíñamui ie ríifuedo duere fínoite, fiénidifuiái jeire íaiói ua jira. ⁹ Nana fieni mácafiredinomo aillo duere zefuállifue iite, naa jamánomo íaiói comeci zúunaillifue ðiga. Nano fueñe daií judíuaimo iite; ie mei jiái daje izói judíuaiñedinomo cómuite. ¹⁰ Mei jiáifodo ñúefuiái finóðinomo, Juzíñamui íemo ite ebírenafue íaióimo iite, naa comeci caimare uái illafue ðiga. Daje llezica Juzíñamui íaióimo ñúefue nítaite. Nano fueñe daií judíuaimo iite, ie mei jiái daje izói judíuaiñedinomo cómuite.

¹¹ Comínimona dámie jiáie come baimo Juzíñamui gáigamie iñede. ¹² Nana fieni itino Moisés ocuífafuena nai onóñena llezica, íco nine táinocaitiaíoi, aféfuena nai onóñenano. Daje izói nana jiáie fieni itino Moisés ocuífafuena onóðiaíoi íadi, afe daje bie ocuífafuedo riire jicánolliaíoi. ¹³ Mei ocuífafuena táinona cacáðino Juzíñamui anamo ñue jaícina iñediaíoi, mei íadi ocuífafuena jeire otino Juzíñamui anamo ñue jaícina itíaíoi. ¹⁴ Dáarie ocuífafuena onóñede judíuaiñedinomo afe ocuilla ðaina izói dani íaiói comécido jeire otíaíoi. Iemona afémaci dani abi lletáðinona itíaíoi. ¹⁵ Mei jii, íaiói ñue mácafuedo íaiói comécimo ocuica uai cúeinana ácatafirediaíoi. Afe llezica íaiói comeci úrilla uai ñue íaiói uaina nabaide. Daje llezica íaiói ífoci úrillafue fiénidifue íaiói finóadi, áfena íaióimo llóite. Fiénidifue nai íaiói finóñenia, ¹⁶ Juzíñamui comínimo riire jicánolliruimo íaiói ífoci úrillafue íaióina ráiruie. Aféruillaído naga comini báinino finoca raana Jesucristodo Juzíñamui riire jicánoite, cue lloga jílloilliuai ðaina izói.

Judíuai Moisés ocuífafuemo figo náfueñediaíoi

¹⁷ Mei ja birui, “Judío ímiedicue” daidío. O jílloillena, Moisés ocuífafuemo íñotio; o Juzíñamui ðibénemo fieni abina íñotio. ¹⁸ Juzíñamui comeci jitáinafue onóðio; afe ocuífafue omo llote: “Nana o nícidogafuemo ñuera ðiga o nizeri”. ¹⁹ “Uíniðino izóidino ífóllena, ñue uáfuaena onóðicue,” daidío. “Daje izói jítifodo macáðinona ñue egáiñollena onóðicue,” daidío. ²⁰ “Abina onóñedinona llófueredicue,” daidío. Daje izói, “Urue izóidino jaícina llófueredicue,” daidío. “Ua nahí ráfuena onótate uai afe cai ocuífafuemo ite,” daiífiredio. Afe izói, “Nana ífócido onóigafue caimo ite,” daidío. ²¹ Mei jiáimana llófuetio íadi, ¿ñibái mei dama o abina lletáñedio? Omoi meríriñeno iri daiícadio íadi, ¿ñibái mei merírifiredio? ²² Omoi jiruíreñeno iri, dama daiícadio íadi, ¿ñibái mei jiruíredio? Jánaraiaina éoidio íadi, ¿ñibái mei íaiói illácomo ite ráifide ráaniai o mériano ráaredimiena jáidío? ²³ Ocuilla uai ðibéfodo iere abi íñotio; mei íadi Juzíñamuina jámairuitio, afe daje ocuífafuena jeire o oñena ícoinia. ²⁴ Meita Cuegáuai ñue ðaide: “Judíuaiñedinomo omoi ícoinia Juzíñamuina fieni úritiaíoi.”

²⁵ Moisés ocuífafue jeire o oíadi omoi finófirena bacano ícoi quétafue uáfuaena omo ráifite. Mei íadi afe uai figo o íñoñeniadi, jaca quétañegamie izói íitio. ²⁶ Mei jiáifodo, ðaa bacano ícoi quétañegamie ocuífafue ðaina izói jeire oíadi, afémie bacano ícoi quetaçamie izói facáðoga, quétañega íadi. ²⁷ Afe bacano ícoi quétañegamie, mei íadi ocuífafue jeire

otímie, ona riire jicánoite, bacano icoi quetácamiēna o íadi, daje izói cuega ocuícáfue omo ite íadi, mei áfena jeire oñédioza. ²⁸ Judíona jáillena dama jinófenemo cíoide ráaiñede. Daje izói bacano icoi quetácamiēna jáillena fia abimo cíoide ráaiñede. ²⁹ Mei íadi nahí ráfuiái jáífodo jóide. Nahí jáidimie ie comécimo áfena jaide. Daje izói nahí bacano icoi quétáfue comécimo dúide. Cuega ocuilla uaimo jaináñede; mei íadi come joréñodo ie comécimo ite. Bie izói itímie comínimona jíeruñegaza, mei íadi Juzíñamui jíeruiga.

3

¹ Judío ímiēna cue íllemona ¿mínica mei baimo óiticue? ¿Bacan quétáfue mei nibénemo ráifide? ² Judío ímiēna cue íllamona áillofuiái ícoīnia ñue íiticue. Daje izói quétáfue aillo ráifinafue ite. Nano fueñe Juzíñamui ie comeci úrilla uai Judíuaimo orede. ³ Iaiomona dáarie íaioi ínogafuena féitátiaioi. Féitátiaioi íadi, Juzíñamui lloga uai jáanonide, mei afe Juzíñamui jaca féitafinidimie. ⁴ Ie íaioi féitaja íena nie izói nibáñede. Mei jáífodo íteza: nana comini taino llófredino ille llezica, Juzíñamui nana ie jetáacaigafuena nai uáfue jaícina finode. Daí Cuegáuai úrite:

O daina uáillaimona jaícinaidimienā o íllana ónoítiaioi.

Riire o jicánua mei, comini ñue ínogamiēna ítío.

⁵ Mei caimo ite fiénidífuedo Juzíñamui jaícinaidimie illáfue jino uáfomo cíotaiadi ¿nie izói dáiticaí? ¿Mei Juzíñamui cai duere finóllena jaícinañedimie? (Jamai come úrilla izói úriticue.) ⁶ Mei íeñedeza. Mei Juzíñamui comécina jaícina íñeniadi, ¿nie izói nana énie comini riire jicánoite? Afémie jaca ninomo comécina jaícina jóidimienamona, nana náiraina riire jicánorede.

⁷ Mei cue táinofuiáido Juzíñamui uafue nai jamánomo cue ebíruadi, ¿nibái mei fiénidimiedicue izói Juzíñamui riire cuemo jicánote? ⁸ Bie uáfueña, ñúefue bíllena nibái mei fiénidífueña finóñedicai. Afe bie izóidífue llófuiana dáarie caimo jítádiaioi. Bifue caimo jítáđino comeci fiēni jítainafuedo úritiaioi. Bie izói itino duere finólliaioi.

Nana caimo ite fiénidífue ícoīnia

⁹ ¿Mei níifue? ¿Cai bie judíuai jáie comini baimo ñuera? Mei ua íeñede. Ja como fidítaticai judíuai naa jáie comini dīga riirede fiénidífue anamo itáioi. ¹⁰ Jaiái Cuegáuai daí daide:

Buna jaca íaifuenidimienā íñede.

Jaca ninó daa ñúemiēna íñede.

¹¹ Daje izói jaca ninó ñúefuena onóacadimienā íñede.

Daje izói Juzíñamui daa jenódimienā íñede, ie dīga íllena.

¹² Nana Juzíñamuimona onido jáidiaioi.

Afémaci dani fiénidimacina jáidiaioi. Buna ninó ñúefue finóñena.

Jaca ninó daa íñede.

¹³ Iaioi úriragoi íbaiñega raífo izoide, mei iere íaire úritiaioiza.

Iaioi fuedo jífuemarifirediaioi.

Iaioi fuemo ite úrilla jaio afoi izoide, mei jáíma jánana iere fiēni úritiaioiza.

¹⁴ Afémaci daa faidórafuiáido úritiaioi, naa íairede uáillaido.

¹⁵ Come titállena jarire áizicaidiaioi.

¹⁶ Iaioi fiēni illáfuedo aillo jáímaci táinocaitadiaioi.

Daje izói comínina zúunaitadiaioi.

¹⁷ Afémaci comeci caimare uái illáfueña onóñediaioi.

¹⁸ Daje izói afémaci Juzíñamui ñue jacírenafuemo due jiza comeci facáñediaioi, —daí jaiái Cuegáuai daide.

¹⁹ Nana jai ai ocuícáfue daina uaina, afe ocuícáfue anamo itínomo dúide. Bífueña ñue onódicaiza. Daií Juzíñamui mamérite, nana comini úrillana llícaitallena; daje izói naga nairai Juzíñamui riire jicánollífue anamo íaioi itábicaillena. ²⁰ Ocuica uai jeire cai úado, buna Juzíñamui anamo ñue jaícina íñeite. Ocuícáfue caina jílloñañeite; daa caimo ite fiénidifuiaina caina onótate.

Jílloillífue cai íñogafuedo comuide

²¹ Mei birui, jácara ocuícáfue oni eneno fíiano, Juzíñamui anamo ñue jaícina cai íllena afémie cómfueña caimo onótate. Bie cómfueña uai lloraini cuezánico facadoiadi ónorede. Daje izói ocuilla uai cúeinanicomona jái ónorede. ²² Juzíñamui anamo ñue jaícina cai illífue bífuedo ite. Dama Jesucrístomo cai íñuado bie izói íticai. Nana ie uaimo íñotinona afémie daje izói fínoite; dáamie jáimie baimo gáñeno nana dájéize jaícina jóoneite. ²³ Mei naga come fiénidifuiarede; jílloñate Juzíñamuimona nana jica itíaioi. ²⁴ Mei íadi Juzíñamui caimo dúecaillanona, fia íbatañeno ie anamo ñue jaícina caina itátate. Mei dama ie jitó Jesucrístodo caina jílloñate. ²⁵ Cai finoca fiénidífue íbana Juzíñamui Jesucristo tiílloñate. Iemona íaifueña dogá izói iticaí. Bie múiñuafue cai íñogafuedo caimo dúcite. Bífue daií íficaide Juzíñamuina jaícinaidímie daiíllena. Mei jai ai finoca fiénidifuiái íbana raire otáñede; afémie comécina járidoñedímie. ²⁶ Daje izói daií íficaide birui Juzíñamui jaícinaidímie daiíllena. Nana Jesumo íñotinona Juzíñamui nai birui afémie anamo ñue jaícina itátate. Iemona Juzíñamui nai jaícinaidímiena íoicaite.

²⁷ Ie mei ¿come abí íñuafue mei nie izói ite? Afe abí íñuafue oni eneno fiébicaite. Ocuícáfuiái jeire íaioi úado nai fiéni abí íñuafuemo itíaioi. Mei íadi Jesucrístomo íñogafuemo fiéni abí íñollífueña íñede. ²⁸ Nana cai llogáfuiaimona bifue jino llúana ñue baite. Dama Jesumo íñotímie Juzíñamui anamo ñue jaícina írena. Ocuica uailai afémie jeire ua oni jáífodo joide. Afena Juzíñamui náfueñede, dama íemo íñuana náfue.

²⁹ ¿Meita Juzíñamui dama judíuai íena? Ieñede. Daje izói afe Juzíñamui judíuaiñedíno ie. ³⁰ Mei jii Juzíñamui damade. Afémie baimo jáíena íñede. Afémie nana íemo íñotinona ie anamo ñue jaícina itátate. Afémaci bacano ícoi íaioi quétajana náfueñede. Daje izói quétáñenana náfueñede. ³¹ Ie mei níbai dámie jicánoite. ¿Meita cai íñogafuedo ocuilla uaina uáitaiticaí? Ieñedeza; úaitañeíticaí. Mei jáífodo Jesuna cai íñuado afe ocuilla uaina uáfueña jírúiticaí.

4

Abraham Juzíñamuimo íñua izói cai íñollena cai onótate

¹ Mei áfemona cai jáiáidígima Abraham dibénemo jáífue jicánoíticaí. ¿Afe Abraham mei nie ñúefue ote? Daina uai jeire ie ófirenamona abí díne nífueña oñede. ² Mei Abraham ie finócafuiáido Juzíñamui anamo ñue jaícina ie itábicaíadi, afémie abí íñorede. Mei íadi Juzíñamui úcori afémie abí íñonide. Ie finócafuiáido Juzíñamui anamo ñue jaícina itátañega. ³ Mei jáífodo Cuezáuai daina izói, “Abraham Juzíñamuimo íñote.” Iemona Juzíñamuimo ie íñuado Juzíñamui íena “íaifuenidímiedio” daide. ⁴ Da come tájjiadi, afe tájjiña íba fia íemo dúecaillano íñega; afe tájjiatímie íena íbarede. Mei íadi cai jílloillífue cai tájjiñanado íba llíñua izói llíñonide. ⁵ Mei jáífodo, dámie jílloña tájjiña finóñeno, ie jílloillena dama Juzíñamuimo íñorede; mei Juzíñamui íemo íñote íaifuiareidímiena llíñofiredeza. Mei íemo Juzíñamuimo ie íñuado, Juzíñamui íena: “íaifuenidímiedio,” dáite.

⁶ Dama David come cáimafuiaido úrite. Dámie ie úcodo finócafuiaina Juzíñamui náfueñede. Ua náfueñede, mei íadi íemo ie ínuado Juzíñamui íaifuiainide dainámiena afe ínotimie jaide. Afe daiítadimie iere caimare ite. ⁷ David daináuai daide:

Iaioimo ite fiénidifuiaina Juzíñamui dogánona iere íóbidiaioi.

Daje izói íaifuiaina oni féitagamiiai iere íóbidiaioi.

⁸ Daje izói íaioimo ite fiénidifuena náfueñegano iere caimare itíaiioi.

⁹ ¿Meita bie cáimafuiiai dama bacano icoi quetaca judíuaimo duide? Ieñedeza; nana comini éna mameide. Jira bacano icoi quetañega judíuaiñedimacimo daje izói afe cáimafue íaioimo duide. Jae llotícueza Abraham Juzíñamuimo ínuado Juzíñamui éna: “Íaifuiainidimedio,” daide. ¹⁰ Mei íadi ¿níiruido daíí éna daina? ¿Bacano icoi quetaa mei daíí daina? ¿Níbai quetañenia daíí daina? Jii, uáfueza, nai quetañena llezica daíí éna daina. ¹¹ Afe: “Íaifuenidimedio,” daina méifodo, Abraham bacano icoi quetafuenta Juzíñamui ocuide. Bie quetaínafue onóillena jóonega raa izoide, Juzíñamui ja bímie ie ínuafuedo íaifuenidimie daííllena. Daíí Abraham nai quetañena llezica Juzíñamuimo ie ínuamona, nana judíuaiñede ínotino moona jaide. Iemona Juzíñamui daje izói nana afémacina: “Íaifuenidiomoi,” daide. ¹² Uáfueza. Abraham nana afémie dama ie ínuia izói ínote quetácano moo. Mei nanoide cai moo Abraham ie bacano icoi nai quetañega ia, ñue Juzíñamuimo ínoteza.

Juzíñamui jica ia raire llogáuai comini ínuamona ñue ícoimo fuitaca

¹³ Mei jii, Juzíñamui Abrahana ñuera jica ia raire fidítaiuai daide. Aféuai llote: “O nana o erófene igímaiairi nana éniéna máínoitiomoi.” Abraham Juzíñamuimo jaiiai úcodo ínuia jira, Juzíñamui bíuai íemo llote. Fia ocuilla uai ie jeire úado Juzíñamui daíí éna daííñede. Ua, dama Juzíñamuimo ie ínuado Juzíñamui éna: “Íaifuenidimedio,” daide.

¹⁴ Mei daní ocuilla uai jeire otino ñúefuena íaioi maíñóadi, íemona ínogafue comínimo figo jónoñede. Daje llezica Juzíñamui jica ia raire llogáuai ráifinano niné feide. Mei íadi daítañedeza jíáfodo joide. Juzíñamuimo cai ínuafuedo ie caimo lloga ñúefuena maíñóredicai. ¹⁵ Ocuilla uai llóina méifodo aféuai jeire oñédino duere finótalliaioi. Mei íadi ocuilla uai nai lloñena llezica, aféuai náfuenide.

¹⁶ Afe Juzíñamui Abrahamo jica ia raire llogáuai, Juzíñamui ñue riire mamede, nana ie erófene igímaiaí afe ñúefue jeire íaioi óllena. Mei jira, afe Juzíñamui lloga ñúefue, fia fecaca raa izói comini Juzíñamuimo ínuado íaioimo írede, mei áfena íaioi ñéfina cígimona ónidiaioiza. Bifue daííacade, Juzíñamui úcodo raire llogáuai daa ocuilla uai jeire otino íeñedeza, mei íadi nana Abraham ínuia izói ínotino ie. ¹⁷ Iemona Abraham Juzíñamui eróicana nana cai moona jaide. Abraham afe Juzíñamuimo ñue ínote. Jaiiai Cuegáuaido Juzíñamui Abrahana daíí daide: “Aillo náiraiaí moona ona jóonetie.” Afémie daíí daíírede, mei Juzíñamui tíidinona meine abído caátaitaredeza. Daje izói íñede ráaniaína Juzíñamui itátarede.

¹⁸ Aféfuiaimo Abraham fáicanocaiñeno ínoide. Ua comini daina izói Abraham jamánomo jónaiteza, ja úruenide. Abraham daíí úruereillónona úiñonina llezica nai Juzíñamuimo ínuano úiñoide. Afe daíí Juzíñamui éna daina izói, Abraham “aillo náiraiaí moona” jaide. Juzíñamui bie izói éna daide: “O úcoide erófene igímaiaí aillo jébutiaioi,” daide. ¹⁹ Abraham cien fimónamo ánozide íadi, ie ínogafue jaca féiñede. Afémie jónailla izói ie ai jónaillana onode. Ua afengo iere jónaillamona tíiacade. Jae úruena comútanide. ²⁰ Mei íadi afe llezica Abraham jíziñeno Juzíñamuimo ínofírede. Juzíñamui jica ia raire llogáuaina ruífruíñeno nai íemo ínoicaide. Mei jíáfodo Abraham áfena féitañeno iere izire ínote. Jaca comei rairuíñeno Juzíñamuimo úrioicaide. Juzíñamuimo íóbioicana úrite. ²¹ Afémie daide:

—Nana jaii Juzíñamui jica ia raire cuemo lloga rafue Juzíñamui uáfueña cuemo zúitaite, —d-aide. ²² Iemona, íemo ie ínuado Juzíñamui íena daide: “Íaifuenidimiedio,” daide.

²³ Bie Juzíñamui Abrahana daina “Cuemo o ínuado jae íaifuenidimiedio” daa Abrahamo cúeñegaza, ²⁴ mei íadi nana caimo cuega cai ínollena. Mei jira tíllanomona cai Ocuíraíma Jesús cáatate Juzíñamuimo birui ínoticai. Iemo cai ínuado caina: “Íaifuenidinodiomi,” dáite. ²⁵ Afe Jesús caimo ite fiénidífue ícoínia duere finótagamiéna jaide. Afe mei Juzíñamui anamo ñue jaícina nífuenino cai íllena afémie cáataga.

5

Juzíñamui “Nífuenidimiedio” daina méifomo ñue cai illífue

¹ Mei afe jira, dácaíño Juzíñamui anamo ñue jaícina nífuenino cai illa mei, meine abido Juzíñamuina jacíruiñeíticai. Afe comeci caimare uái illafue cai Ocuíraíma Jesucristo ie tíllado cáiena ote. ² Mei jii, cai ínuado bie afémie cai cánuafue dibénemo jónegacai. Aferi izire jaináidicai. Iemona íóbifiredicai, mei Juzíñamuimo ite ebíredemona cáiena oni máíñoíticaíza. Afemo ocuíticai. ³ Daa bie cai ocuírillamo íobiñeíticai, mei daje izói duere cai zefuíllífue íóbíticai. Mei onódicaíza duere cai zefuíllífue cai comeci jaritañenafue caimo comuide. ⁴ Iemo afe comeci fígomie dáinana caina jáitate. Iemo fígomie dáinana mei Juzíñamui cáimafue íuíñoifireíticai. ⁵ Iemo bie íuíñoínafue caina zúucaitañeíte, mei Juzíñamui caina ie izíruíllafue ñue caimo llóteza. Bie caina ie izíruíllafueña ie oreca Ñuera Joréñodo onódicai.

⁶ Dani cai ñéfina cígimona jíllonidicai. Daíí cai illa llezica, Juzíñamui jica ia mamécaruimo, Jesucristo nana fiénidino ífomo tíizaíbite. ⁷ Bíníemo comécina jaícina jóidímie tílla ífomo tíitimíena íñede. Mei níbai jamánomo fígomie ífomo, daa tíirede. ⁸ Mei jíáífodo cai fiéni illa llezica, Cristo cai ífomo cai jíllóíllena tíizaíbite. Afedo Juzíñamui caina ie izíruíllafue caimo cótate. ⁹ Iemona ja birui Cristo tíllamona Juzíñamui anamo ñue jaícina itícaíza, ie jira íraíruiimo ite duere fínuafuemona, Cristo cai rairuíllado, jamánomo oni eneno íredicai. ¹⁰ Nai afémie bacáuai imácina cai illa llezica, ie Jitó cai ícoínia tíide. Daíí ie tíllamona, Moo Juzíñamui comécina jacíruiñegacai. Ja birui cai comeci íena jacíruiñenamona, birui ie cáanado jamánomo ñue jíllóredicai. (Ua caade Cristo Juzíñamui uícomo caído úrite. Afe daíí ie úrioinado, íco bite duere cai finóllífuemona jíllóíticai). ¹¹ Daa bífueñedeza, nane bie emódomo cai Ocuíraíma Jesucristodo Juzíñamuimo íóbioíticai, mei afe Crístodo Juzíñamuina cai jacíruiñenafueña otícaíza.

Nanoide Adán caimo comuítagafuemona Juzíñamui caina éoícaide; mei jíáífodo Cristo caimo comuítagafuedo Juzíñamui caimare caído eróícaide

¹² Mei onógaza, dáamiemona fiénidífue nana comínido jaide. Ie mei afe fiénidífuemona tíllafue daje izói naga cómemo comuide, mei naga come fiénidífuiaredeza. ¹³ Moisés ocuilla uai nai íñena llezica, fiénidífue jaca comínido ite. Mei íadi ocuilla uai nai íñena llezica, afe fiénidífue comínimo nítañega. ¹⁴ Mei íadi jaii Adán illágimamona Moisés illágimamo fiénidífuiái finódino tícoizifirediaíoi, mei títade ríino anamo itíaiíza. Juzíñamui jónega íaiíoi comeci ñue úrilla uaimo náfueñediaíoi. Daíí náfueñenamona íaiíoi fiénidífue comuide. Mei jíáífodo Adán fiénidífue Juzíñamui uáfodo lloga rairuica uai jeire ie oñenamona comuide. Mei íadi bie Moisés uícodo itino fiénidífue jíáínodo comuide. Adán finoca fiénidífue izói comuíñede. Afe Adán uire bíite Cristo jana.

¹⁵ Adán náfueñegafue Juzíñamui caimo fia iga cáimafue izóiñede. Mei dama Adán náfueñegafuedo nana comini timáritiaioi. Mei íadi Juzíñamui raiñóñeno caimo fecaca jíllonafue jamánomo baimo ñuera. Dama Jesucristodo aillo comini canócaiaioi. ¹⁶ Dáamiede finoca fiénidifue jaca Juzíñamui caimo fecaca jíllonafue izóiñede. Mei afe daade Adán náfueñegafuemona cai duere finóbillifue zúide, mei jiáifodo Juzíñamuimona caimo lloga jíllonafuedo, Juzíñamui raiñóñeno aillo comínina ie dibénemo ñue jaícina itábicaitate, aillo íaioi náfueñegafuiaí íaioimo ite íadi. ¹⁷ Mei jii, daa come náfueñemona titáfirede ríino anamo nana comini are ninomo itíaioi. Mei jiáifodo dáamiede Jesucristodo nana Juzíñamui anamo raiñóñeno ñue jaícina jóonegano, jamánomo baimo ñuera ziiñona íaioi ille ríino óitiaioi.

¹⁸ Mei dáii Adana náfueñegafuemona duere finóbillafue nana comínimo comuide. Daje izói Jesucristo nífuenide comécimona tíizaíbillafuemona, duere finóbiñenafue nana comínimo zuide. Daje llezica ziiñona cai illifue caimo comuide. ¹⁹ Bie daide: dáamiede jeire ónegafuemona nana comini fiénidifuiaredinona jáidiaioi. Mei íadi dáamiede Jesucristo jeire ogáfuemona aillo comini Juzíñamui anamo nífuenidinona ñue jóonegaiaioi. ²⁰ Mei jaii Juzíñamui cai ocuilla uai caimo lloga, caimo ite fiénidifue jino uáfodo cai onóillena. Ua, ocuilla uai llua mei caimo ite fiénidifuiái aillo jebuide. Mei íadi daje llezica Juzíñamui caimo dúecaillafuiaí daje izói afe fiénidifuiái baimo aillo jamánomo jebuide. ²¹ Iemona, fiénidifue caimo íllamona afe riírede fiénidifue caina titárede. Daje izói Juzíñamui caimo izire dúecaillano, Juzíñamui anamo nífuenino ñue jaícina cai illa llezica, cai Ocuíraima Jesucristodo, afémie caina ziiñona cáatarede.

6

Comini fiénidifuiáimo íllamona tíidino izóidiaioi, mei íadi daje llezica afémaci Crístomo ínuamona cáadiaioi

¹ Nana bie caimo llógamona ¿nie izói dáiticaí? ¿Mei nibai fiénidifue finócana uiticaí, Juzíñamui jamánomo caimo ie dúecaillafue caimo ácatallena? ² ¿Mei íeñedeza! Cai bie ja fiénidifue dibénemo tíidinodicaíza ¿mei nie izói, fiénidifue mo nai íocaiticaí? ³ ¿Nai bífuena onóñediomoí? Nana cai ie báutizaillaruimona Jesucristomo uáfueña jainaina llezica, dáaruido afe Cristo tíilla dibénemo jaináitagacaí. ⁴ Mei jii, cai báutizaillaruimona Cristo diga dáafomo raigacaí izóidicaí. Iemona aféruimo tíidinona maméidicaí. Ua tíidinona mamécacaí, áfemona Cristo ie tíillanomona meine abido cáadimiena jailla izói, birui cáadena cai jáillena. Daíí cai jaillano cómofue mo íocairedicaí. Mei jii, Cristo ie Moomo ite jamánomo ñuera ríinodo meine cáadimiena jáitaga, íemo daje izói afe daje ríinodo cómofue mo íocairedicaí.

⁵ Uáfueña dáiticaí, Cristo tíilla izói tíidinona jae mamécacaí. Iemona daje izói ie meine abido cáadimiena jailla izói, dani cai tíillanomona meine cáataga izói cómofuiáimo íredicaí. ⁶ Cristo cruzmo coraíca llezica nauí fueñe cai illafue dáanomona titácaza onódicaí. Uafue, afefue titaca, nanómona cai comécimo ite fiéni gáinano caina anáfenoñeillena. Iemona fiénidifue dibénemo rairuícana íñeiticaí. Daje izói riire táijitatimie mo jainaina izói, fiénidifue mo jáinaiñeiticaí. ⁷ Mei jii, Cristo diga tíidimie ja íaífuemona oni jírecaide. ⁸ Iemona dácaíño Cristo tíilla izói dáanomona afémie diga, cai comeí fiéni óiacanafue tíide izói féitaga. Nauí daíí ie diga cai tíillamona, daje izói biruíllaido afémie diga cai íllana ua onódicaí. ⁹ Mei onódicaíza, Cristo dácaíño tíillanomona meine abido cáadimiena jaide. Daíí meine jaillano ja meine abido dánomo tííñeite. Afémie ja ménacaíño tíinide. ¹⁰ Mei Cristo ie tíillaruimo, fiénidifue dibéne do dácaíño tíide, jaca ninomo nane tííñeillena. Mei íadi afémie meine cáadena jaillano ie cáanano Juzíñamuimo duide. ¹¹ Daje izói, mai fiénidifue dibénemo tíidino izói omoí iri.

Mei jiáifodo Juzíñamui íena cáadinona mai omoi iri. Afemo izire comécimo mai omoi facáoiri, mei cai Ocuíraíma Jesucrístomo dájena jaináidiomoíza.

¹² Ie jira fiénidifuenta omoi abina náamatatañeno iri; afefue omoi zíñona iñena abi ana úillemona abí omoi rairuiri. Mei Taife comuítaga caimo ite íaífue cai abi fieni jítainafue jino déillena ocuíoideza. Afemona izire abi omoi rairuiri. ¹³ Dani omoi abina fiénidifuenta finótañeno iri. Mei jiáifodo dani omoi abina Juzíñamuimo omoi jaináitari; ua, tíllanomona meine cáadena jaide izóidino afémiemo omoi abi jaináitari. Ie jira nana omoi abina Juzíñamui ñúefue finóllena, omoi jaináitari. ¹⁴ Ja benómona fiénidifue ómoína ana úiñeite. Mei ocuilla uai anamo ja íñedicaíza; mei jiáifodo Juzíñamui cairi dúecaillafuemo itícaíza.

Comini jacire riire rairuúllaruimona daa ráfuena caina onótate

¹⁵ Ie mei ¿nie izóí íiticaí? Mei ocuilla uai anamo íñédicaíza mei jiáifodo Juzíñamui cairi dúecaillafuemo itícaíza; íemona ¿meita fiénidifue finóredicaí? Ieñedeza, finónidicaí. ¹⁶ Ñue onódiomoíza, ómoimona nágamíai riire ocuídillaimamo fecaca llezica, aféllaíma ocuúllana ñue jeire órediomoí. Daje llezica aféllaíma izire jaináidiomoí. Bie izóí caimo ite fiénidifuiái, jacire ocuídillaima ana uilla izóí, nana caina ana uite. Afemona tíllafue naga cómemo comuide. Mei íadi Jesumo cai íinua llezica jíaíe cai ocuídillaima Juzíñamuimo dúidicaí, comécina jaícina ñue jóidimacina nágarui cai íllena. ¹⁷ Mei íadi ómoiri Juzíñamuina: “tere figora,” daidícue. Mei nauí fiénidifue izire rairuúcanona omoi illa llezica, ómoímo lloga llófueinafuena ja ñue jeire otíomoíza. ¹⁸ Afe fiénidifuemona oni omoi jírecaílla mei, jíaíe ocuíraíma Juzíñamui rairuúcanona jáidiomoí. Iemona comécina jaícina ñue jóidinona nágarui írediomoí. ¹⁹ (Ua omoi onoíga comini ráfuiáido úritícue, mei omoi ífoci déíñenamona bífuiáina ñue cacánidi omoi.) Nauí fieni illáfuiáimo omoi abina jaináitafirediomoí. Nane afe baímo jíaíe jamánomo fieni abi fínuamo abina finótadiomoí. Nauí daí abina omoi finota izóí, mai birui comeci jaícinaíafuemo abí omoi jaináitari, dama Juzíñamui íena oni eneno ñue mamécana omoi íllena.

²⁰ Nai fiénidifuiáimo riire rairuúcanona omoi illa llezica, comeci jaícina jóinaíafuemo jaináíñediomoí. ²¹ Nauí omoi illáfuiáina birui meáruítíomoí. Mei aféfuíaimona ¿nie cánuaífuái otíomoí? Oñédiomoíza; tíllafue díne jaca ómoína uite. ²² Mei íadi fiénidifuemona oni eneno omoi jírecaíllamona, ja birui Juzíñamui rairuúcanodiomoí. Iemona birui afémiemo ñue jaináidiomoí. Bie izóí omoi íllamona, Juzíñamui íbana ñue çaimare ómoína cánoite. Ua afémie íeíena ómoína oni eneno ñue fínoite. Iemona afe ícoímo zíñona illáfueña ótíomoí. ²³ Fiendi cai íllamona daa tíllafue ótícaí. Mei íadi Juzíñamui raiñóñeno fia caimo iga raa, cai zíñona illífue. Bie zíñona cai illífue dama cai Ocuíraíma Jesucrístomo dájena cai jaináinamona caimo iga.

7

Íima áireinamona ringo iníreinamona daa ráfuena cai onótate

¹ Amatíai, onódiomoíza, da come dama nai ie tíñeniadi, ocuilla uai nai íemo dúide. ² Ja omoi onóigafue jino llóitícue, áfedo jíaífueña omoi onóillena. Da inírede ringo, ie ini caana llezica, ocuilla uaido ie inimo cuinaca izóí jainaide. Mei ie ini tílla mei, afe íemo jaináitate ocuilla uáimona afengo jae oni jírecaide. ³ Afe llezica afengo jíaíe ímamo inírena ñuera. Afengo daí iníreílla jiruíreñede. Mei íadi ie ini nai ítemo afengo jíaíe íima díga illa afengo íere jiruírede.

⁴ Cue ámatíai, birui Jesucristo abímo dájena jaináidicaí; ua iníredíngo inimo jainaina izóí jaináidiomoí. Afe Crístomo omoi jaináinamona, ie tíllado tíidino mamécaomoí. Ie jira ocuilla uai díbenemo tíidino izóí itícaí. Fueñe bie ocuilla uaimo, ringo inimo jainaila izóí, jaináidicaí. Mei íadi ja birui tíidino izóí cai íllamona afe ocuilla uaimo

jaináinédicai. Dama tíllanomona meine abido cáadimiena jaide Crístomo jaináidicaiza. Afe bie Crístomo cai jaináinana Juzíñamui caimo comuítate. Ua comuítate caido ie comeci jítainafue ñue ícoimo cai fuitállena. ⁵ Mei nanómona comini comécimo itífue dibénemo cai ífirena llezica, afe ocuilla uai cai abimo ite fiени óiacanafuiaina cazítate. Aféfuiai caina ana tíllinomo uite. ⁶ Mei íadi ja birui afe ocuilla uai dibénemo tíidino izóidicai. Fueñ afe ocuilla uai anamo riire iticai, mei íadi ja birui afe uáimona ñue oni jírecaidicai, Ñuera Joreño cómuena méidoga caimo itífuedo Juzíñamui ocuícamacina cai íllena. Jaiai cuega ocuilla uaido Juzíñamui ocuícamacina ínidicai.

Cuomo ite íaifue cue caimare illafue llótaidote

⁷ Iemona ¿mei nie izóí dáititicaí? ¿Ocuilla uaina fiénidífue daíredicai? ¡Daíinidicai! Mei íadi afe ocuilla uaido fiénidífue onótagacue. Afe uai nai jino lloñena llezica fiénidífue onóñedicue. Ja omoi onóigafue jino llóiticue, áfedo jíaífue omoi onóil-lena. Ocuilla uai nai cuena dáiiñeniadi, aino come raana óiacanana onóñedicue. Mei íadi afe daí llua mei fiени óiacanana onódicue. ⁸ Afena cue onónamona, bie ocuilla uai llúado, cue comécimo ite naga fiени jítainana uáfodo cazítaga. Mei ocuilla uai nai cuemo lloñena llezica, fiénidífue tíide izóí uái illano figo onóñedicue. ⁹ Nauídiruimo, ocuilla uai cúemona nai oni eneno illa llezica, cue comeci úrilla caimare ite. Mei íadi ocuilla uai ja lluaíbillado fiénidífue meine abido comuide. Afefue meine comuállamona fállena cue orede. ¹⁰ Dinómona bie izóí cuemo zúide. Daje cuena ñue zúñona illífuemo úirede uailai, ñue illífuemo cuena uíñede. Mei jíaífodo cue dibénemo, cuena ana tíllanomo uite. ¹¹ Mei jíi, fueñe fiénidífue cuemo íñede daidicue. Mei íadi ocuilla uaina cue fídiamona, cuemo ite fiénidífueina onódicue. Afe ícoinia Juzíñamui fáiacagamiena iticue.

¹² Afemona onoiga, afe ocuilla uai iere ñuera. Daje izóí lletara uai jamánomo ñuera. Afe uai ñue jaícina jóidiuai. ¹³ ¿Meita bie ñuera ocuilla uai cuena ana tíllinomo úirede? Ñue onóigaza, únide. Mei jíaífodo cuemo ite fiénidífuedo ana tíllinomo uigacue. Afemona uáfuea cíotagaza, bie fiénidífue ua nahí fiénideza. Afe cuena ana uillafue ñúefuedo finoca. Daí Juzíñamui ocuilla uai, nana fiénidífueiai jamánomo íaire nana caina onótate.

¹⁴ Afe ocuilla uai Juzíñamui Ñuera Joréñomo dúidífue. Afena onódicaiza. Mei jíaífodo nanómona cue comécimo itífue Ñuera Joréñomo dúíñede. Mei izire rairuícamié izóí íaifue finuanamo fecácamié izóidicue. ¹⁵ Birui cuemo íficaidífuea onóñedicue. Ñue cue comeci jítainafuea finóñedicue, mei íadi cue comeci éoillafuea áfena finófiredicue. ¹⁶ Mei cue comeci jítaiñenafue cue finóadi, afe cue finócafue fiéninana onódicue, mei Juzíñamui Ocuilla uai cuena áfemona rairuúdeza. Iemona afe bie ocuilla uaina nahí ñuera daidicue. ¹⁷ Mei daí áfena dama finóñedicue, mei jíaífodo cuemo ite íaifue aféfuemona comuide. ¹⁸ Mei onódicueza, dama cuemo ñúefuea íñede. Bíedo daíacadicue, nanómona cuemo itífue ñúeñede. Mei jíi, cue comeci ñúefue finóacade, mei íadi áfena jaca finónidicue. ¹⁹ Cue jitaiga ñúefuea finóñedicue; mei íadi cue jítaiñega fiénidífueina finócadicue. ²⁰ Iemona cue finóacañega fiénidífue cue finóadi, dama cúeñedeza, cuemo ite fiénidífuea comuide.

²¹ Daí jaca bie izóí cuemo íoicaide: mei ñúefue cue finóacania, áfena baiñeno dama cuemo ite íaifueiai báifiredicue. ²² Mei jíaífodo cue comécido Juzíñamui ocuilla uaina gáidicue. ²³ Mei íadi afe llezica cue comécimo ite jíaie niné cue úiacade uaina comécido onódicue. Afe uai cue ifoci úrilla ñúefuea niné féitaoide. Afe bie fiени cue rairuíoide uai cue abimo ite. Afe uai cuena llavéide.

²⁴ ¡Nai iere íobiñedimiedicue! Bie ana tíllamo cue uite abímona, ¿bu oni cue jírecaitalle? ²⁵ Dama Juzíñamui ie Jitó cai Ocuíraima Jesucrístodo bífuea cuena oni jírecaitarede. Iemona, ja birui Juzíñamuina “íere figora” daidicue. Iemo cue illafue bie izóí ite: Juzíñamui ocuilla uai anamo cue itábicaillena dama Juzíñamui jóonega cue comeci ñue úrillado finóredicue. Mei íadi dama cue abi dibénedo nanomo

cuemo itífuedo llavécaigacue. Dinómona fiénidifue cuemo íoicaide. Ioicaillamona fiénidifuiaina jaca finóicaidicue.

8

Juzíñamui Ñuera Joreño úicaigamie illafue bie izoide

¹ Mei ja benómona, nana Jesucrístomo dájena jaináidinomo duere finótaitiui jaca iñede. Afémaci Juzíñamui Ñuera Joreño ríinodo afe Joreño illa izói ífirediaioi. Dáanomo afémaci nanómona comécimo itífuiái izói coméciñediaioi. Daje izói nánorafuiaina náfueñediaioi. ² Juzíñamui Ñuera Joreño cai rairuilla uai, dájena Jesucrístomo cai jaináinamona, caina ñue cáataite. Afe llezica caina rairuide Ñuera Joreño uai, afe nanómona cue rairuilla fiénide uáimona cuena oni jírecaitade. Afemona fiénidifue ana tíllinomo cuena úiñeite. ³ Moisés ocuica uáimona finónidifuenta, Juzíñamui daade ie Jitó ana óriano áfena finode. Afe caimo ite fiénidifuemona oni cai jírecaillafue Moisés ocuilla uáimona finónide, mei nanómona cai comécimo fiénidifuiái íllado, afe uai ríinonideza. Iemona afe uai figo jínoñede. Ie jira Juzíñamui cai oni jírecaitallena, daade ie Jitó jamai cómena bie éniemo jéicitade. Afe mei, cai fiénidifuiái ícoinia cai ífomo Juzíñamui ie Jitó fatátate. Bie izói daina daíacade, bíniemo ite fiénidifuiairedino comínina íaioi illa izói, afe izói Juzíñamui ie Jitó ana bíniemo orede. Afe bie izoide ória mei, afémie abi, cáie izói eroide, mei íadi afémie íaifuenide. Afe izói ie íllamona afémie bíniemo ua nífuenidimiena jáicaillado nana caimo ite fiénidifuiaina anáfenode. ⁴ Mei ocuica uai jeire cai óllena, afémie nana bie izói finódeza, mei ja nano cai comécimo comuídifuiaimo coméciñedicaiza. Afena ja náfueñedicaí. Mei jíáfodo Juzíñamui Ñuera Joreño ífuiaimo comécioidicaí; aféfuiaína ñue náfueticaí.

⁵ Nano comécimo fiéni comuídifuiaimo coméciidino, daa bie cai abi ífuiaimo izire comécido lícioidiaioi. Mei jíáfodo Ñuera Joreño ífuiaimo coméciidino afe Ñuera Joreño daináuaimo izire comeci fáioidiaioi. ⁶ Da bie cai abi ífuiaimo comeci izire cai lícioia, ana tíllinomo caina uite. Mei jíáfodo Ñuera Joreño daináuaimo izire comeci cai fáioia, zíñona illífuemo caina uite. Iemo daje izói caina caimare uái illínomo uite. ⁷ Daje bie cai abi ífuiaimo izire comeci lícioidino, Juzíñamui uáitatimacina jáidiaioi, mei afémaci, nana comini Juzíñamui ocuilla uaina gáñediaioiza. Afémaci áfena gáñenamona afe uai anamo índiaioi. ⁸ Ie jira nano cai comécimo comuídifuiaimo jaináidino Juzíñamuina ióbitanidiaioi.

⁹ Mei íadi Juzíñamui Ñuera Joreño ja ómoimo íllamona, comécimo fiéni itífuiaimo, cuinaca izói, izire jaináíñediomoi. Mei jíáfodo Ñuera Joreño dájena iere jaináidomoi. Cristo Ñuera Joreño ña iñédimie Cristo íeñede. ¹⁰ Cristo ómoimo íllamona ómoimo ite joreño caade. Ua, Juzíñamui anamo ñue jaícina itábicaillamona omoi joreño cazítaga izoide. Mei íadi afe llezica caimo ite fiénidifue cai abina ana tíllinomo uite. ¹¹ Mei jíáfodo Jesucristo tíllanomona Juzíñamui Ñuera Joreño do meine abido cáadimiena jáitaga. Iemo afe Cristo cáadena jáitate Juzíñamui omoi tíífírena abina nane meine cáadena jáitaitate. Ua ómoimo ite Juzíñamui Ñuera Joreño do Juzíñamui cáadena jáitagamacina ómoína fínoite.

¹² Amatíai, mei daí cai comécimo fiéni ífiredifuiaimo coméciñellena, izire ocuícandicaí. ¹³ Da bie omoi abi ífuiaimo omoi coméciioiadi, tíllinomo ana ómoína uite. Bie cai comécimo itífue jaca fiénidifuenta caina finótate. Mei íadi afe ómoína finótate fiénidifue Ñuera Joreño do omoi anáfenoiadi jaca ninomo cáaitiomoi.

¹⁴ Nana Juzíñamui Ñuera Joreño ífócamaci, Juzíñamui úruiaí. ¹⁵ Mei jíi, ómoimo iga Ñuera Joreño, jacire ráiruute joreñoñede. Daje izói ómoimo ite Ñuera Joreño ómoína meine jacíruiñede. Mei íadi afe ómoimo iga Ñuera Joreño Juzíñamui jítótiaína ómoína mamede. Afe Joreño Juzíñamuina “Cue Móodio” caina daítate. ¹⁶ Da bie Ñuera Joreño

caimo ite joreño diga, dájena nabáizaibite “Juzíñamui jitódicaí” caina daiíllena. ¹⁷ Afe daií ie jitótiaína cai íllamona, Juzíñamui raire uícodo caimo lloga feci raa izoide cáimafue maiñóredicaí. Afe cáimafue dama Cristo ie, mei afémie Juzíñamui nahí Jitoza. Mei íadi ja birui áfena daane afémieoiri maiñóredicaí. Afe Cristo duere zefuilla izóí, daane birui duere cai zefuíaí, Juzíñamui caina cíote. Iemona Juzíñamui ebíredifuenta íemo nitalle izóí, afe izóí caimo nítaite.

¹⁸ Iemona ja biruillaído duere cai zefuilla figo ráañenamo comeci facádicue. Afefue ráañenari ióbídicue. Ua afe aillónedeza áfena lloñédicue: mei afe uire caimo cómuite ñue ebíredífue jamánomoideza. Afe ebíredífue duere zefuillaí fue baimo jamánomoideza, afe duere zefuillaí fuea úibiñoñeíticaí. ¹⁹ Nana Juzíñamui finoca cómena maméíñedínuiaí, Juzíñamui jitótiaí meine cáadino jaillano jino cíotallirui mo iere izire úiñoídiaí. ²⁰ Ua comínimo ite fiénidífue ícoínia, nana afe Juzíñamui comútaganuaí zuure fíallífue mo mamécaiaí. Dani íaíoi jítainamona aféfuemo mámeñegaiaí. Mei íadi Juzíñamui daií íaíoina mamede; afe ie comeci jítaina ízoi mamécaiaí. ²¹ Mei afémie nana ie finócanona riire ocuícáfue mona oni jirénoiacade. Daje izóí ie finócanona niné táinocaitífue mona oni jirénoiacade. Afe íaíoi jirénollífue mo Juzíñamui ñue coméciide. Daií íaíoi oni jírécaitaite, Juzíñamui jitótiaíoiri ebire jaícina joide cáimafuea íaíoi maiñóíllena. ²² Onódicaíza, jiaí fiénidífue bíniemo táinéinanomona, nana Juzíñamui finoca cáadínuaí abi izírenari murífírediaí. Ua jiaíimona nai biruimo, ringo úrue jocóacana llezica izínaila izóí, nana ie comínina mámeñega comútaganuaí izi cácadiaí. ²³ Daa afémaci izi cácañenaza; daje izóí cai izi cácaillano, afe caina jaícina ñúeitalliruido izire ocuíticaí, Juzíñamui Ñuera Joreño caimo ite íadi. Juzíñamui ícoí aillo caimo fecalle caimátailífuaíimona, bie Ñuera Joreño fueñe raire uícodo caimo iga. Mei íadi nai bíniemo iere zuure murífíredicaí; mei Juzíñamui jitótiaí maméídicaí íadi, móonidiza jiaíe come íena náamataja izóí, cai ie náamataillirui mo ocuíticaíza. Aféruimo nana fiénidífuaíimona, naa jiaíe cai rairuíoide íaífuaíiri, Juzíñamui cai abina oni jírécaitaite. ²⁴ Afe bie cai jíllollífue mo úiñoídicaí. Jesucristo daií caimo llogáuaimo afe jeire cai úamona, afemo úiñoídicaí. Afemo daií izire cai úiñoínado jíllotagacaí. Cai úiñoíga raana cai cíonamona, jae afemo úiñoñeíticaí, mei jae íteza. ²⁵ Mei jiaífodo cai cíónena raamo cai úiñoíadi, ja afemo raire járitaño úiñoíredicaí. Iemona Juzíñamui Ñuera Joreño, Juzíñamui jitótiaína cai maméínamo uaina nabaide.

²⁶ Daje izóí Juzíñamui Ñuera Joreño mei ní fue Juzíñamui mona cai jicállena ñue caina cánuaibite. Juzíñamui mona jaícina ie jitaílla izóí cai jicajana onóñedicaí. Mei daií cai illa llezica, Ñuera Joreño come uaido jino llónide murilla uaido Juzíñamui mo caído izire jicade. ²⁷ Juzíñamui naga come comeci ífuea ñue onóíllena izire jicánofíredímie. Afemona Ñuera Joreño caído daiíacana Juzíñamui ñue onode, mei Ñuera Joreño, Juzíñamui jaináíndodo Juzíñamui comeci jitaílla izóí izire íaíoi mo jicádeza.

Nana zuure íaífuaíimona caifófeficaíredicaí

²⁸ Onódicaíza, Juzíñamui nana cómemo ífcaítífuaína ñue jaícina mamede, nana íena izíruitino ñue íllena. Ua Juzíñamui comeci jítaina izóí, ie jíriganano ñue íaíoi íllena, Juzíñamui illa dígamie mo cómutífuaína ñue jaícina zúitafírede. ²⁹ Mei Juzíñamui nana ie uícodo onóíganano nanómona mamede, ie Jitó illa izóí íaíoi íllena. Bie izóí íaíoi íllamona Juzíñamui Jitó ámatiaína itíaíoi. Afemona aillo ite ámatiaí cígimona Jesucristo dama námiena jaide, Juzíñamui jiaí uícodo mámia izóí. ³⁰ Nana daií ie mamécanona, daje izóí íaíoina jíríte. Nana ie jíriganona, daje izóí ie anamo ñue jaícina itábicaítate. Daje izóí, nana daií ie anamo ñue jaícina itábicaítaganomo Crístomo nitaca ebíredifuenta afe izóí íaíoi mo nitade.

³¹ ¿Bí fuea nie izóí dáíiticaí? Juzíñamui cai dibénemo íadi, ¿mei bu caina anáfenolle? ¿Cai anáfenoitena íñede! ³² Juzíñamui dama ie daade nahí Jitona cáimona rairuífíede. Mei jiaífodo nana ñue cai jíllóíllena, ie daade Jitó titállena jeruífíeno fecade. Iemona

onódicaiza, nana jáie cai jitaille ríiduana naa ie Jitóoiri nágarui caimo fecáfireite. ³³ Juzíñamui nizécamacimo, ¿bu fiénidífueña nitárena? Afe izói nítaitimie iñede, mei afémaci nífuenidinona Juzíñamui jae jino uáfodo llógaza. ³⁴ Afe Juzíñamui nizécanona, ¿mei bu duere finótarena? Iaioina duere finótaitimie jae iñede, mei Jesucristo íaioi ícoinia tíizaibiteza. Afe baimo Jesucristo tíillanomona meine abido cáadimiena jaillano, Juzíñamui nabézimo ráinazaide, dinómona Juzíñamuimona cai ie canóllífueña izire jicállena. ³⁵ Cristo cai ie izíruillana, ¿bu mei féitarena? ¿Meita duere cai zefuíadi, Cristo caina izíruillana féitaite? Féitanide. ¿Meita llotáiredífuiái caina ie izíruillana féitaite? Féitanide. ¿Meita fieni caina finócadino caina ie izíruillana féitaite? Féitanide. ¿Meita júbietaillafue caina ie izíruillana féitaite? Féitanide. ¿Meita ínícuiroinafue caina ie izíruillana féitaite? Féitanide. ¿Meita jácifuiái caina ie izíruillana féitaite? Féitanide. ³⁶ Juzíñamui Cuega Uai bie izói dáideza:

Nágaruillai o ícoinia tíillanomo ánozitagacai, mei íadi tííñedicaí.

Daje llezica caina titalle ovéjaíai izói mamédiaioi.

³⁷ Mei íadi nana bie zúuredífuiáimona, caina izíruitimie Jesucristodo, caifófeficaídino baimo ñue jino jáidicaí. ³⁸ Iemona ñue onódicueza, Juzíñamui cai ie izíruillana ráiruitena iñede. Naga raamo cai jíriadi Juzíñamui féitañeno caina izíruioide. Cai tíillífue Juzíñamui caina izíruillana cáimona feitañeite. Daje izói bíniemo cai cáanafue caina ie izíruillana cáimona rairuínide. Daje izói Juzíñamui abi imaci caina ie izíruillana cáimona rairuínide. Daje izói fieni ríinorede jóriái caina ie izíruillana cáimona rairuínide. Daje izói biruido comuídífuiái caina ie izíruillana cáimona rairuínide. Daje izói uire cómutífuiái caina ie izíruillana cáimona rairuínide. ³⁹ Daje izói Juzíñamui abi imácimona ríillaini caina ie izíruillana cáimona rairuínide. Daje izói Taífemo jaináidino ríillaini caina ie izíruillana cáimona rairuínide. Ua nana Juzíñamui finócanuíaimona buna Crístodo caimo jino cíotaga izíruillana cáimona rairuínide.

9

Juzíñamui jiaíai uícodo Israel nairai nizede

¹ Ja birui jáífue ómoimo llóiticue. Crístomo cue jaináinamona táinona llóñeiticue. Daje izói Juzíñamui Ñuera Joreño nabáioicaigacueza cue comeci urilla uai ñue jino deide. Afedo bie cue lloñífue nahí ua ráfueza, onódicue. ² Be ñie: nana cue nairai comíniri iere zúuruiticue. Afémaci Crístomo íñoñenamona zúufueri comécina cuidíridicue. ³ Iemo mei cue dáinamona níbaí afémacina jíllotareniadi, Juzíñamuina, “Mai fieni cue faido,” níbaí raíre dáititcue. Mei íadi cue daína izói Juzíñamui cue faidódena, cue nairai imácina cánoñeite. ⁴ Afémaci jiaíai Juzíñamui nizécamie Israel, méifomo comúicana jáidino. Daje izói afémacina Juzíñamui daide:

—Bimaci cue nairai, —daide. Afe mei íaioi cígimo ie íllado íemo ite áillue ebírede ríino Juzíñamui íaioimo jino cíótate. Daje izói íaioina ie ñuera finóllífuiái Juzíñamui íaioimo llote. Iemo Juzíñamui Moisédo ocuica uaina llogáiaioi. Daje izói Juzíñamuina nahí caimátaitajana onótagaiaioi. Daje izói Juzíñamui lloga caimare íaioi íllíuai íaioimo íteza. ⁵ Bimaci mámecina jica jalleide judíuai jaiáidígimamona comúitagano. Iirainomo íaioi náiraimona Cristo cómena jócuai biga. Bífuiáimona Juzíñamui naga ráfuiái jamánomo ocuillana onódicaí. Iemona nana náiraiamona illa dígamíai Juzíñamuina jaca ninomo fáicanocaiñeno íóbitarediaioi. Mai daí íteza.

⁶ Diga ñúefuiái cue náiraimo duide; mei íadi Crístona náfueñediaioi. ¿Mei níbaí? ¿Níbaí Juzíñamui uícodo lloga Israelna ñuera daínaúai figo déizaibiñede? Daí daíñedícueza. Jáífodo jóide. Nana Israel nárainna maméidinomona dáarie Juzíñamui nízeñegano. ⁷ Daje izói Abraham méifomo comúidino dáarie ie nahí úruiaíñediaioi. Jiaíai uícodo Juzíñamui Abrahana daide:

—Dama Isáacimona cómutino o uáfueña méifomo comuídina jaille, —daide. ⁸ Bie uai jiáifueña cai onótateza: Dáamie ñuera náiraimo jócuado, dama áfedo “Juzíñamui jitódicue” daiñide. Mei jiáifodo Juzíñamui uícodo daina uai fúitamona jocócana, dama afémaci ie uáfueña méifomo comuídina mameina. ⁹ Juzíñamui Abrahana uícodo daina uai be ñie: “Uire afe nauí cue mamécaruimo meine bíticue; íemo o ai Sara jitó jócoite,” daide.

¹⁰ Iemo nai jiáifueña ite. Rebeca jitó íaillinoi dáamiéna móorediaillinoi. Iaillinoi moo cai jaiáidigima Isaac. Afe jitó íaillinoi guarázaiillinoi. ¹¹⁻¹² Mei íadi íaillinoi nai jocóñeniadi, afe ménaiillinoi nai ñífuenina illa llezica, Juzíñamui Rebécana daide: “O jitó nánoramie ie méifoide ama anamo jabóidiména íite.” Juzíñamui daií daide, bífueña cai onóillena: Afe iaillinoimona dáamiéna Juzíñamui nizéllena dama Juzíñamui comeci jí-taina izói mamede. Afe Juzíñamui íaillinoimona dáamie níziafue íaillinoi finócafueña comuñede. Dama Juzíñamui mámiamona íaillinoimona dáamie nizécamiéna jaide. ¹³ Juzíñamui Cuegáuai bie izói daide: “Jacob cue nizécamié, íemona cue izíruigamié, mei íadi Esaú cue ruifruigamié.”

¹⁴ Iemona dáarie ñibai dáitiaioi: “Juzíñamui daií dáamiéna fia ruifruillano jiáimie nizeda máiñua jaícina jóiñede.” Mei íadi bie comini daináuai uáfueñede; jaícina jóiñedifueña Juzíñamuimo jaca iñede. ¹⁵ Mei Juzíñamui Moiséna ja dáideza: “Daa cómemo cue dúcaiacaniadi, afémiemo dúcaiticue. Daje izói daa cómena duéruillano riire ibana cue óiacañeniadi, íemo ibana óñeiticue.” ¹⁶ Bie Juzíñamui daina uáimona onódicaiza: Juzíñamui dáamie eneno nízia afe come óiacanamona daingo comuñede. Daje izói afe come riire fínuamona Juzíñamui níziafue comuñede. Juzíñamui afémie nízia dama cómemo Juzíñamui dúcaiacanamona comuide. Daje izói afe ímana ie canóacanamona comuide. ¹⁷ Mei jii, Juzíñamui ie Cuegáuaido, Egipto illáimana daide: “Ja illáimana o jóneticue, cuemo ite áillue riino jiáimacimo odo jino cíotallena. Afe llezica iere duere o cue finólledo cue mámecei naga náiraiáido jica jalléitaitio,” daide. ¹⁸ Ie jira onódicaiza: Juzíñamui dama ie óiacana izói, daa cómemo dúcaite; íemo Juzíñamui dama ie óiacana izói jiáie come comécina riireitaite.

¹⁹ Bífuiamona daa come ñibai cuéna jicánoite: “Mei Juzíñamui afe ie óiacana izói finófiredeza, jiáifodo ínidicai. Iemona ¿ñibai mei fiénidifue ícoínia caimo nitáfirega? ¿Bu mei Juzíñamui óiacanafueña uáitarena?” ²⁰ ¡Aci! ¡Daií dainámie cacai! ¿O iere ua ímiedicue daidío, Juzíñamuimo riire júfidollena? Mei nana Juzíñamui comuítagaiza bie jiáifueño coméciri. ¿Mei ñibai nogo, afe nogo niráingona dáite: “¿Ñibai mei cuéna bie izói nitio? ¡Daiíñeite! ²¹ Nogo niraingo daingo ie comeci óiacana izói afe nogórainá nirede. Afe daje nógorafella átuedo daa ebire eroide icíruna nirede, íemo daje nógorafella enéfenemona jamai nogócirina nirede.

²² Iemona daje izói Juzíñamui finócafuiái ñúeraza, onódicai. Afémiemo íñoñedinona Juzíñamui duere finótaacade, íemo ite fiénidifueña gáñenana jino ácatallena. Afe llezica íemo ite aillo ñuera ríino jino comínimo onótaiacade. Mei íadi afémaci fiéni illafue ibana raire otátañede. Ie icírafue anamo itínomo, Juzíñamui raire comeci jaritañede. Iaióimo dúide niné táinocaitallifueña nai are ocuñede. ²³⁻²⁴ Daje izói Juzíñamuimo ite jamánomo ñuera ebíredinona comínimo jino onótaiacade. Iemona Juzíñamui dáarie judúuai, daje izói dáarie judíoñedinona nizeda íaióimo dúcaide. Dúcaillano íaiói fiéni illafue ibana oñeno íaiói jíllotate. Afe ie dúcaillado nizécánodicai. Afémie jaiái uícodo, íemo ite ebíredifueña afe cáiena oni cai maiñóllena caina mamede. Daií fínuamona, íemo ite jamánomo ñuera ebíredifuiái Juzíñamui caimo jino fidítate. ²⁵ Jaiái Juzíñamui uai jino llórainá Oseas cuegánicomo Juzíñamui bie izói daide:

Cuemo jaináñede comínina “Cúeiéna” náamataiticue.

Daje izói nauí cue izíruíñega náiraina “Cue izíruigamacina” mámeiticue.

²⁶ Daje izói batí jíáie éniemo itínona Juzíñamui daina “Cue comíniñediomoí,” afénomo itínona “Cáataite Juzíñamui jitótiaína mamélliaioí,” —daíí Oseas daide.

²⁷⁻²⁸ Mei íadi Israel nairai dibénemo Isaías daide: “Israel comini iere aillo jebuídiaioí, ua monáillai fuédamo ite facádonide guamájjai izói, jamánomo áillomaci. Mei aillo jebuídiaioí íadi, afe náiraimo Juzíñamui raire duere finótalle mei, daa dúemacina fiébitiaioí. Dani afe dúemaci jíllaitiaioí. Mei jii, Juzíñamui ie daina uai izói náiraina duere zefuillifue jino zuítaite.” ²⁹ Dáamie Isaías afe duere zefuillifue uícodo llote:

Mei jamánomo riinorede Juzíñamui, caina due méifomo cómuitinona níiriñeniadi, Sodomá íemo Gomorra diga jofue nairai niné táinocailla izói niné táinocaiticai, —daide.

Jesucristo cai jíllotalle ñúefue daje izói Israel comínimo dúide

³⁰ Cai lloga uailalai bie izói daííacade. Be ñie: Judíoñedino Juzíñamui anamo ñue jaícina íaioí illínona figo jenóñediaioí, mei íadi Juzíñamuimo íaioí íñuamona, Juzíñamui anamo ñue jaícina itátagaiaioí. ³¹ Mei jíáifodo afe Israel nairai, (judúuaina maméidino) Juzíñamui anamo ñue jaícina íaioí itátaite ocuilla uáillaina jenódiaioí, mei íadi afe uáillaina ñue ícoimo figo dúcitañediaioí. ³² ¿Ñibái mei afeno baiñediaioí? Mei Juzíñamuimo íñuado íaioí comeci ñue jaícina jóillifueña jenóñediaioíza. Dani íaioí nícidogafuiaimo coméciidiaioí. “Ñibai aféfuiaido Juzíñamui anamo ñue jaícina íiticaí,” daidíaioí. Ie jira Juzíñamui oreca jíllotaitimiemo, ñie Jesumo, uíeco riire finódiaioí; íñuano Juzíñamui anamo ñue jaícina íñediaioí. Come iodo jáiadi éicitaila izói, Jesumo éicitaidiaioí. Afémie iomo éicitaitate nofici izóidimie mei afémie ñúemie, mei íadi ruifíruigamie. ³³ Juzíñamui Cuegáuai afémie dibénedo bie izói úrite:

Omoi cácarei, judúuai iomo éicitaitate nofici izóidimiena jóneticue.

Afemo comini éicitailano oni ñibéfodo báititiaioí.

Mei íadi nana íemo ínotino íena méairuñeítiaioí.

10

¹ Cue ámatiaí, nane ómoína dáititue: Cue nairai israelitas imaci jíllotilla, nana cue comécido izire óiacaducue; íemo áfena Juzíñamuimo jíacíredicue. ² Bie ñúefue afémacimo nitáredicue: Juzíñamui comeci jítainafuemo nágarui iere járidofirediaioí. Mei íadi áfena ñue jaícina íaioí fidíñenamona daíí táinomo járidotiaioí. ³ Comini Juzíñamui anamo ñue jaícina ie itátallifueña, íaioí ífócimo ñue denóñede. Mei jíáifodo Juzíñamui anamo itábicaíñeno dani íaioí mameca comeci ñue jaícina jóitaitifuemo járidotiaioí. Ie jira Juzíñamui lloga ñue jaícina itátaitifuena maiñóñediaioí. ⁴ Mei jii, Cristo billano nana íemo ínotino Juzíñamui anamo ñue jaícina itátagaiaioí. Ie jira comini Juzíñamui eróicana ñue íaioí íllena, Moisés ocuica uaimo dani íaioí níciduafueña Cristo jae féitate.

⁵ Ocuica uai jeire úado Juzíñamui anamo ñue jaícina cai illifue dibénemo Moisés bíena daide: “Nana ocuica uailalai dáamie ñue ícoimo fuitáadi, áfedo afémie are iite.” Mei íadi afe uáillaina ñue jeire otímiena íñede. ⁶ Mei jíáifodo, Jesumo cai íñogafuedo Juzíñamui anamo ñue jaícina cai illífuena Juzíñamui Cuegáuai bie izói daide: “O comeci anado bífuena daíí jícanoñeno iri: ¿Bu mei caifo monamo jaille, Cristo ana cai jíllotataíbillena?

⁷ Daje izói bie jíáifue daííñeno iri: ¿Bu mei ana tíidino illánomo jaille, afénomona Cristo caina caifo jíllotataíbillena?” ⁸ Juzíñamui Cuegáuai bie izói daide. Be ñie: “Ací, Juzíñamui jíllotaja uaina ja cacádiomoí. Ie llógamo ja coméciidiomoí.” Bie uailalai ómoimo cai lloga omoi íñollifue. Be ñie: ⁹ O fúedo jino comínimo “Jesús cue nahí Ocuíraima,” o daííadi, nane daje llezica afémie tíillanomona meine abido cáadimiena Juzíñamui jáitagamiemo o comécido o ínoiadi, ua jíllotio. ¹⁰ Mei Juzíñamui anamo ñue

jaícina cai itábicaillena, afémiemo comécido ñnoredicai; ie mei Jesucristomo nahí cai jaináinafuenta, cai fúedo jino comínimo llóredicai, áfedo ñue cai jílloillena.

¹¹ Juzíñamui Cuegáuai daide: “Nana íemo ñnotino íena meáiruñeite.” ¹² Jesucristo nana náiraímo daje uaido úrite. Judíoñedínona énenoruiñeno daje uaido íaioímo úrite, naa judíuái daga. Nana nairaí Ocuíraíma daade Jesucristo; nana afémiemo jicádinomo afémié jaca dúecaifirede. Ja ie jira íemo ite jamánomo ñúefuíaímona íaioímo fecáfirede.

¹³ Mei Juzíñamui Cuegáuai daíí dáideza: “Nana cai Ocuíraíma Jesucristomo jícaino jílloítiaíoi.” ¹⁴ Mei íadi Crístomo nai íaioí ñnoñeniadi, ua afémiemo jicánidiaíoi. Daje izói afe jílloille uai nai íaioí ñue cácañeniadi áfemona nai ñnonidiaíoi. Iemo afe uai jino llóraíma nai ññeniadi, afe uaina ua cacánidiaíoi. ¹⁵ Afe izói, uai jino llóraímana nai íaioí ocuñeniadi, afe ñúefue uaina ua jino llónide. Jira Juzíñamui Cuegáuai bie izói llote: “Núefue lluaíbitímie billa iere ñuera.”

¹⁶ Mei íadi nana cue nairaí imaci, Cristo daína ñúefuena jeire oñediaíoi. Jaiai uai llóraíma Isaías dama bie izói daide: “Ocuíraíma, cai lluaíbigafuena ¡jaca buna ñnoñena!” daide. ¹⁷ Aféfuíaímona bie izói onódicai; ñúefue fidínamona comini ñnotinona jáidiaíoi. Iemo dáamie Cristo daína uai jino lluaíbillamona, comini afe ñúefuena fidídiaíoi.

¹⁸ Mei íadi jicánoticue: ¿Mei níbaí nana judíuái afe ñúefuena fidíñediaíoi? ¡leñede! Ja fidídiaíoi. Juzíñamui Cuegáuai daje izói llote:

Afefue llóraini úrilla uai nana énie náiraíaido cácacaide.

Iaioí daináuailai nana énie fuédamo jica itínuiáimo ñue jalleide, daide.

¹⁹ Dánomo nane jáífuenta jicánoticue: ¿Mei níbaí afe cacánafue Israel comini ifócimo nai figo déíñede? Dáamie Moisés, Juzíñamui dibénedo fueñe uai ote. Moisedo Juzíñamui daide:

Ua comíñedímacimona ómoína úradoítaiticue.

Daje izói abina onóñede nairaí ícoínia ómoína icíritaiticue, daide.

²⁰ Afe mei Isaías jacíruiñeno Juzíñamui dainafue llote. Be ññie:

Cuena jenóñedino ja cuena baitíaíoi.

Cuena jicánoñedínomo dama cue abina ja onótaticue, daide.

²¹ Israel nairaí dibénemo Juzíñamui daináuai Isaías llote. Be ññie: “Nágaruillaído cue uaina náfueacañedínona uáidotícue. Mei íadi fairíoñediaíoi. Daje izói cuena uáitaoidínona uáidotícue, mei íadi náfueñediaíoi,” daide.

11

Israel náiraímona dáarie jílloítiaíoi

¹ Iemona nane jicánoticue: ¿Ja níbaí Juzíñamui ie nizeca Israel náiraína ruifíruiga? ¡Jaca íeñede! Mei cue dama Israel nairaí ímiedicue. Daje izói Abraham iziedicue. Iemo Benjamín comínimona comuídicue. ² Jaiai ninomo uícomo íeiena onoíga Israel comínina birui ruifíruíñeite. Uáfueza, uai llóraíma Elías daína uaina onódiomoi. Aféuái Juzíñamui Cuegánicomo ite. Juzíñamuimo Elías jícaya llezica, Israel nairaí fiñi finócafuaí íaioímo riire jítade. Daide: ³ “Cue Ocuíraíma, o uai jino llórainina fatíaíoi. Daje llezica o ióbitalle illánuiaina niné táinocaitatiaíoi. Afemona dama cue fiébilla. Iemo daje izói nane cuena titáacadiaíoi,” daide. ⁴ Mei íadi Juzíñamui ie uai fairíote: “Siete mil dígamaci eneno cúeiena ja níiriticue. Afémaci afe taino juzíñamui Baal jánaraí anamo caiñici ifodo dújuñediaíoi, ie ióbitallena,” daide. ⁵ Ie jira daje izói birui judíuáimona ñnote dúemacina eneno mamécaiaíoi. Juzíñamui nana comínimo dúecaillano daa bimácina oni eneno nizede. ⁶ Bie níziafue Juzíñamui caimo dúecaillamona comuide. Iemona come finóacanamona comuíñede. Mei íadi cai níziafue come finóacanamona comuídeniadi, Juzíñamui caimo dúecaillafue nahí caimare dúecaillafueñede.

⁷ Bie daináfue ¿mei nífuena cai llote? Be nie: Israel comini íaioi jenoca Juzíñamui anamo ñue jaícifueña baiñédiaioi. Mei íadi Juzíñamui nizeca dúemaci afe íaioi jenócana otíaioi. Ie mei baiñédimaci Juzíñamui íaioi comécina ríiretade. ⁸ Juzíñamui Cuegáuai daí daide: “Bimácina Juzíñamui comécina tíidino izói finode. Uina cíoiñedino izói íaioina finode. Daje izói jefona cacáiñedino izói íaioina Juzíñamui finode. Nai afémaci jaca biruállaimo bie izói itíaioi.” ⁹ Iemo jíái David Juzíñamuimo jícajano daide: Juzíñamui ióbitallena íaioi finoca güilláfuiái táinona finódiaioi. Afe jira Juzíñamuina daidícue: Mai duere íaioi finoiri. Iemona aféfuiaí tácofo izói íaiouimo jáiteza; daje izói llójeji izói jáiteza. Afe táinona finócafuiaimo éicitailano izói duere finólliaioiza. ¹⁰ Daje izói uina nirídino izói mai mei íaioi jáilleza, Juzíñamui ñúefuiaí íaioi ónoñeilleza. Iemo nágarui iere baizídaitaganona ítiaioiza, daide.

Judíoñedino jíllotafue

¹¹ Ja birui nane jícanotícue: ¿Ja nibai judúuai íaioi éicitailamona niné nana táinocaitalliaioi? ¿Jaca iñédeza! Mei jíáifodo judúuai Juzíñamui lloga uaina cacáacañena llezica, judíoñedino aféuai cacáillano íaioi jíllouillifue maiñódiaioi. Afe íaioi máinua Israel comínina úradoitate, afe jíllonafue otino illa izói íaioi íllena. ¹² Iemona judúuai ínoñenafue írainomo nana náiraiaína canode. Afe judúuai ícoimo fuitáñeno zóofenocaillafue, judíoñedinona ñue canode. Mei íadi judúuai meine abido Jesumo ínuauilla llezica, nana náiraiaí jamánomo ñue ézicilliaioi.

¹³ Ja birui judíoñedinomo úritícue. Mai omoi cácarei. Mei judíoñedinomo ñúefue llujállena Juzíñamui orécacueza, afe bie cue llócaillifueimo iere járitaifiredícue. ¹⁴ Nibai áfemo riire cue tájinamona, cue nairai comini, omoi illa izói íacaitiaioi; afe izói íaioi íllena jítaídícue. Afemona afémacimona dáarie ñue jíllobicaítiaioi. ¹⁵ Mei Juzíñamui judúuai ruifíruillamona nana jíáie nairai Juzíñamuimo comeci caimare uái illáfueña llogáiaioi. Iemo uire judúuaína íaioina Juzíñamui caimare dáanomo uáidua llezica, iere jamánomo caimare nana íticaí. Ua aféruimo tíide meine abido cáadena caimare illa izói caimare íticaí. ¹⁶ Mei jíi, Abraham Juzíñamuimo dúinamona, nana ie anamo comuíoicaidíno Juzíñamuimo dúidiaioi. Daje izói da amena jáinao Juzíñamui íeiena maméiadi, daje izói nana afe amena ícairuai Juzíñamuimo dúide.

¹⁷ Mei íadi dáarie Abraham anamo comuídino íaioi ínoñenamona Juzíñamui comínina íneillena ruifíruigaiaioi; íemo ie uai jeire omoi úamona Juzíñamui comínina itátagaomoi. Afe ruifíruigamací ifomo jae jóonegaomoi; jóoneficaillano Juzíñamui Abraham imácimo lloga ñúefuiaí daje izói llínoñediomoi. Ie jira judúuai ñuera olivo amena naa ie ícairuai díga izóidiaioi. Iemo omoi nano fueñe jazicí amena ícairuai izóidiomoi, mei judíoñediomoiza. Jae judúuaímona dáarie íaioi ínoñenamona amena ícairo jaitaina izói jaitácaiaioi. Afe mei omoi ínuamona afe jaitácacairuai méifomo jóonegaomoi. Ua, jaiái jaitaca ícairuai jíáie aménamona méifomo zicóllena jóonegano izóidiomoi. Birui daje moi ícoraimo jaináidiomoi. Afe ñuera olivo íjido cáadiomoi. ¹⁸ Ie jira abina ínoñeno iri. “Olívomona jaitaca ícairuai izóidimaci baímo ñúeracue” daíñeno iri. Afe izói daíñidiomoi, mei ñuera olivo moi ícoraiaína cáatañediomoiza; dani jíáinamona zicóllena jóonega ícairuai izóidiomoi. Mei uáfueza, dani Juzíñamui nizeca comínimo birui omoi jaináinamona ie lloga ñúefuiaí llínoñediomoi.

¹⁹ Nibai dáamie dáite: “Dáarie afe ñuera olivo ícairuai jaitácaiaioi, afe méifomo cue jóonellena”. ²⁰ Jáinamona ñuera olívomo zicódiomoinia ñuera, mei íadi jaitaca izóidimaci jíáifo joide: Juzíñamuimo íaioi ínoñenamona jaitácaiaioi. Dani omoi ínogafuemona jóonegaomoi. Iemona áfedo dani abina ínonidiomoi. Mei jíáifodo omoi jaitábiza abina ñue omoi rairuiri. ²¹ Mei Juzíñamui nano nizécanona figo

íaioi íñoñenamona jizíñeno íaioina ruifruite, afémie daje izói omoi figo íñoñeniadi, amena ícairo jaitaina izói, jizíñeno raire ómoína ruifruiteza. ²² Mai bífuemo omoi coméciri. Juzíñamui daí omoi jóoniano iere ñuera. Afedo afémie ómoimo dúecaifrenana fidídiomoi. Mei íadi nane afémie iere riire jaícina ocuídime, mei ie uaimo náfuenedimacina afémie iere duere finode. Mei jíáfodo afémie ómoiri dúecaifrede. Iemo fáicanocaiñeno ie uaina jeire omoi oíadi, ie dúecailla dibénedo íifreitiomoi. Afefue jeire omoi óñenia, jíái ómoína afémie jáitaita. ²³ Mei jíáfodo judúuai nane abido íñoia, afémaci abido dáanomo jofo jóonelliaioi. Mei Juzíñamuimo meine íaioi jóonelle ríino ite. ²⁴ Mei omo judíoñediomoiza, jica ite onínemaci izóidiomoi; Juzíñamui comínimo due jiza dúíñediomoi. Daí omoi illa llezica Juzíñamuimo omoi íñuado, afémie ie comínina ómoína itátate. Ie jira nano fueñe ie nizécamacimona oni nibéfodo baídino íaioi íñoiadi, abido daje ie comínina itátallena, Juzíñamui dibénedo jamánomo juánide.

Irairuillaido Israel nairai jílloitiaioi

²⁵ Amatíai, omoi cacai. Afe olivo amena ráfuena ja ómoimo lloticue, uáfodo ónoñega Juzíñamui mamécafuena comécido omoi onóillena. Juzíñamui nanómona comécido mamérillafuena ómoína fidítaiacadicue. Aféfuena ónoillano Juzíñamui comínina omoi itátagafuedo abina íñoñeitiomoi. Juzíñamui mamérillafue bie izói joide: Juzíñamui Israel nabémacina comécina riire finode, mei íadi nano íanori íaioi comécina ríiretade. Íaioi comeci ríireta mei, Juzíñamui nana jíaie náiraina caimare uáidote, íaiomona nana Jesumo ínotino nizéllena. ²⁶ Nana Juzíñamui óiacana dieze íemo ínotimaci ofille mei, nana Israel nairai jílloizitiaioi. Mei Juzíñamui Cuegáuai daí daide:

Cai Jíllotaraima dani cáimona cómuite.

Afémie Jerusalén jófuemona biite. (Afe jofue jíáfodo Síona mameide.)

Jacob meifo ígímaiai íaifuiaina afémie múiñoite.

²⁷ Íaioi fiénidifuiái oni cue dolle mei nana uícodo cue lloga ñúefuiái ñue fuite, daide.

²⁸ Nana comini jílloille uai dibénedo judúuai fairíoñediaioi. Iemona judúuai Juzíñamui ruifruigaza, ie bacáuai imácina jáidiaioi. Ie bacáuai imácina íaioi íllamona Juzíñamuimo cai nabáirillino comuide. Mei íadi Juzíñamui nai íaioina izíruite, íaioi jaiáidigímaiai ie nízia jira. ²⁹ Mei uáfueza. Juzíñamui ja ie fecaca raana abido bairóñede. Daje izói cai ie uáiduafuena jaca jíáfodo méidoñede. ³⁰ Naui Juzíñamui uaina íñoñediomoi; mei íadi jíái birui judúuai daje izói íaioi íñoñenamona Juzíñamui ómoiri dúecaizaide. ³¹ Ja birui nano áinori judúuai Juzíñamui uaina íñoñediaioi, Juzíñamui ómoimo dúecailla izói íaiomo dúecaillena. ³² Bie uáillaímona bífuena onódicai: Nana jíaie comini ie uaina dájerize íñoñediaioi. Ie uaina cai íñoñenamona fiénidifuiái finófredicai. Iemona Juzíñamui nana caina dájerize cai gaiga fiénidifuiáimo llaveca izóidinona jóonete. Afémie bie izói caina daide, afe méifomo afémie nana caimo dájerize dúecaillena.

³³ ¡Diga Juzíñamui ebírede comeci ífuiái caimo ie dúecaillena, naa ie onóigafuiái diga! ¡Afémie iere ráfuena baitádimie! Uícodo ie mamérillafuiaina cai jino llónidicai.

Daje izói eneno dáarie comínina ie níziafuiaina, onóñedicai. ³⁴ Cai Ocuíraíma comeci úrillafuiaina buna onóñede. Daje izói afémiena bu llófuetimie íñede. ³⁵ Iemo jíái cai Ocuíraímamo raana izájitimie íñede, afe raa íba llínollena. ³⁶ Mei nana ráaniai Juzíñamui comútaga. Nana afémie finoca; daje izói íeiena nana finode. Jaca zíñona Juzíñamuina íobioitaredicai. Aqué izói íteza.

12

Juzíñamuimo ñue jaícina cai dúina uai

¹ Cue ámatíai, birui Juzíñamui caina dúecaillamona, ómoimo izire jicádicue. Dani omoi mai Juzíñamui anamo itábicairi. (Dani omoi comeci gáinafue finóñeno, mai

Juzíñamui comeci jítainafue omoi finori, cai ie ocuilla izói.) Juzíñamui ióbitalle rille jaiái íemo jaiái feca izói, nai omoi caana llezica, Juzíñamui anamo dani omoi mai ñue itábicaíri, íena ie ñue facátagamacina omoi íllena. Afe llezica dama íeiena eneno ñue finócamaci omoi íllamona, omoi ie ocuilla uai, mai jeire omoi oírí. Nana bífuíai ñue cai finuamona, cai joréñodo Juzíñamuina caimátaitadicaí. ² Bíníemo ite comíni comeci táinomo facáoidiaíoi. Mai, afe izói omoi íñeno iri. Mei jíáífodo, omoi comeci ífuíai, mai jíáífodo méidori. Daíí omoi comeci ífuíai omoi méiduamona afe izói Juzíñamui nana o illafue cómofuena méidoite. Afemona Juzíñamui comeci ñue jítainafue ónoíticaí. Daje izói ie jítaina ñúefue ónoíticaí, naa ie cai ióbitallífuíai. Daje izói ie ciona jaícina jóidífuíaina ónoíticaí.

³ Juzíñamui cuena dúecaillano cuemo jóonegafuedo, nana ómoína dáitíticue. Juzíñamui cai fibítajafuemo da comécina facáredicaí. Afedo abí cai íñolle ñuera. Mei íadi afefue baimo táinodo íñonidicaí. Iemona nana ómoimona dámie, afefue baimo dama ie abina íñoñeno iri. Mei jíáífodo illa dígamie comécina ñue jaícina facárede, Juzíñamui íemo lloga ie comécimo Juzíñamui comuítaga ínuafue daína izói. ⁴ Da come abímo aillo táijide ráaniai ite. (Onoi jíáífodo táijide. Daje izói idai táijina jíáífoide. Daje izói fue táijina jíáífodo joide. Daje izói jefo táijina eneno jíáífodo joide.) Mei íadi daade cai abí íadi. Naga cai abímo ite raa eneno jíáídofofo caina canode. Daje táijinamo íñédiaíoi. ⁵ Daje izói, áilloziena Jesumo íñotícaí. Aillo cióidicaí íadi, daade abí izóidicaí. Ua, Crístomo dájena cai jaináinamona, dáamiede abina iticaí. Dáamacidicaí. Afe llezica dáamiedicaí abímo ite táijide raa izói, dani conímamo dájena jaináidicaí.

⁶ Naga cómemo Juzíñamui jóonega táijinana fibíllafue jíáífodo joide. Juzíñamui comeci óiacana izói, afémie naga cómemo fecade. Bie táijinana fibíllafue ñue jeire óredicaí. Dáamiemo Juzíñamuimona onoi ga uailai jino llóllena fibítaga. Afemona áfena afémie rairuñeno jíeruirede. Nano ie íñogafue íllaze jino llófuerede. ⁷ Jáímací cai canófireille fibíllafue Juzíñamui caímo jóoneiadi, áfedo rairuñeno canóredicaí. Daje izói llófuiana fibítagamie, afe ie llófuefirenamo ñue járitairede. ⁸ Afe izói jíáíma comécina náiretallena fibítagamie, áfemo afémie ñue járitairede. Daje izói comíni canolle raa fécafiredímie, afe íbana ie maíñóllemo comécíinide. Fia íaíoi mo dúecaillano fecádena ñuera. Afe izói comíni jetállífuena ocuídímie caimare abí rairuíoicana ocuírede. Duéredino canófiredímie, caimare íaíoi na canórede.

Jesumo íñotino finórede uai

⁹ Táinona lloñeno conímama izírui. Íaífue baí oñeno iri, mei íadi ñúefue jeire omoi oírí. ¹⁰ Jáímana caimare nahí ama izói izírui. Afémiemona raíre uícoficaiñeno iri, mei jíáífodo méífo mo fiéñeno raíre íena o uícode o otátari.

¹¹ Ráiraieñeno jiere omoi iri. Ñue naire cai Ocuíraimamo omoi táijíri.

¹² Cai ocuírínafuemo caimare omoi ífireiri. Duere omoi zefuádi, áfemo raíre járitaiñeno, fíaicana caimare úriri. Juzíñamuimo úrillana jaca féítañeno iri.

¹³ Jesumo íñotino jitailla raana, íaíoi canóllena jeruñeno fecari. Nana omoi jofomo uáíduaíbitinona caimare uáidori.

¹⁴ Omoi fieni finódinona ñue caimátaitari. Íaíoi íbana fieni faidóñeno, íaíoi cáimafuíaí Juzíñamuimona jíari.

¹⁵ Caimátaidino díga caimare omoi iri. Daje izói raamo jíridinomo omoi dúecairi. Eedino díga omo eeri, íaíoi fírallena.

¹⁶ Conímama úradoíñeno iri, dájena illa dígamiemo ñue comécíri. Daje izói fieni abina íñoñeno iri, mei jíáífodo comécina mánaidino izói omoi iri. “Íere baitádimiedicue” comécido daíñeno iri.

¹⁷ Da come fieni omo finóadi, afe íbana afémiena fieni finóñeno iri. Mei jíáífodo, nana comíni eróicana íba oñeno ñue o finori. ¹⁸ Omoi illa dino, nana comíni comeci jacíruiñenafuedo caimare uái omoi iri. ¹⁹ Cue izírui ga ámatiaí, fiénidí fue comuíadi, íbana

omoi oñeno iri. Mei íadi aféfuena fáicanocairi. Afémie Juzíñamui duere finólleza. Mei jii, Juzíñamui Cuegáuai daide: “Duere finóllifue cuemo dúideza. Daje izói cue iba ólleza. Daí cai Ocuídímie daide.” ²⁰ Nane dánomo daide: “O bacáuai ímie jufíruia, icíñeno íena ecari. Iemo afémie jiróacaniadi, ie o jirótari. Bie izói ie o fínuamona, izire íena méaicaitaitio,” Juzíñamui Cuegáuai daí daide. ²¹ Fiénidífue omoi anáfenuamona abí omoi rairuiri. Mei jiáifodo ñúefue jeire omoi úado, fiénidífue maí omoi anáfenori.

13

¹ Nana comini omoi jamánomo ocuídillaíma ocuica úiñotillaíni anamo ñue omoi itábicaíri, mei nana ocuídillaíni Juzíñamui jóonegaza. Afémie jóoneñega ocuídímiena íñédeza. ² Iemona afe úiñotillaímana uáitaoidímie Juzíñamui jóonegamiena uáitate. Nana daí uáitatino, afe ie uáitaja ícoínia afémacina Juzíñamui duere finótaite. ³ Mei jii, ñúefuena jeire ófiredino ocuídillaínina jacíruiñeítiaíoi; mei jiáifodo fiéni finódino jacíruillena jóonegaíoi. ¿Meita ocuídillaímana jacíruiñedímiena íacadio? Mai ñúefuena jeire o oíri. Iemona aféllaíma “Facátagamiedo” ona daíite; ⁴ mei afémie Juzíñamui táijitagamieza, ñúefue dibénemo o jaináillena canóllena. Mei fiénidífue o finóadi, aféllaímana jacíruiñedio, mei afémie duere finótalle ríino táinomona íñegaza. Uafue, afémie Juzíñamui táijitagamie nana fiéni itino duere finótallena. Nana íaíoi fiéni finócafue íllaze ñue jaícina íaíoina duere finótaite. ⁵ Ie jira ocuídillaíni anamo itábicaíredíomoi, daa duere omoi finobiñeíllena, mei íadi daje izói Juzíñamui jóonega omoi comeci úrilla uai jeire omoi óllena. ⁶ Afe bie izói ñue omoi íllena, ocuídillaíni lloga gobiérnomo íbarede úcubena íbáfiredíomoi. Mei jii, aféllaíni Juzíñamui táijitagano. Afe íaíoi táijinamo izire járitaíoidiaíoi.

⁷ Iemona naga cómemo dúide raana, mai jeruíñeno ñue íemo ine. Gobiérnomo cai jaináinamona, íaíoi ocuica úcube llíinoraíma lloga gobiérnomo dúide úcubena maí omoi fecari. Daje izói gobierno caímo jicana oga raa, emódomo raíñócana áfena maí omoi íbari. Naga ocuídillaímamo dúide ñúefuedo jacíruiñoíafue, áfedo ñue íena omoi jacíruiiri. Daje izói naga jamánomoidillaímamo dúide ñúefuena, maí áfena íemo omoi nitari. ⁸ Omoi záitaiñega íbállifueña bumo itáteñeno iri; jiáifodo daa ñue íbállifue ite. Afefue jiáímana cai izíruíllifue. Afemona daní conímaíaina izíruíredícaí. Mei naga conímana izíruitímie, áfedo Juzíñamui ocuica uaina ñue jaícina fuitádeza. ⁹ Jaíai Juzíñamui ocuica lletara uaíllai daide: “Jíruífuena finóñeno iri, cómena titáñeno iri, meríríñeno iri, jiáímamo táinona lloñeno iri, jiáímiemo ite ráaniaíri úradoíñeno iri.” Mei íadi bie ocuica uaíllai naa jiáie lletara uaíllai daa bie daínamo dájena itíaíoi: “Dama o abina o izíruílla izói, afe izói o abí cómena izíruiri.” ¹⁰ Izíruitímie ie abí cómemo fiénidífueña finóñede; íemona izíruíllafuedo Juzíñamui ocuilla uaíllai ñue jaícina jino zuitárede.

¹¹ Nana bífuiaímo jeire omoi ua llezica, birui cai illáruíllaímo ñue maí cai uibíoíllí. Ja íere abí cai rairuíllíruimo ja dúcidícaí. Afemo ñue omoi comécioiri. Mei Jesucristo caína jíllotajano uire jíáíruído caína uáíbíteza. Afe ie cai uáíbillíruimo ja ánozide. Fueñe Jesús uaina cai íinua llezica, afe cai ie uáíbillíruí baí jica ite, mei íadi birui ja aféruimo itícaíza. ¹² Bie énie fiénidífue árera naio izoide. Afe bie árera naio ja monáiacade. Jítinomo finoca fiénidífuaí fínuana ja fáicanocairedícaí. Fuiríraíma ie abí ríidua llojeco jítaja izói, afe izói íaífue cai fínoñeíllena cai comeci rairuíllafueña jeire óredícaí. Ie mei ñúefuedo, úzefomo itino izói macáredícaí. ¹³ Ua, úzefomo itino izói, maí ñue jaícina cai macallí. Jífaífírenafuemo maí cai íñeíllí, naa fiénide aillo güíllárenafuaíri. Afe izói nana jíruífuiaímo maí cai íñeíllí, naa jiáie comeci meáire óiacanafuaíri. Daje izói dájena comécíñedímaci izói íñeno omoi iri. Iemo jíaí fiénide júfidogafuedo maí cai úríñeíllí, naa úradoíllafuaíri. ¹⁴ Mei jiáifodo Jesucristo ñue illa izói, ie cánuado afe ñue illáfuemo

mai omoi iri. Omoi comécimo ite fiene óiacanafuemo, áfemo mai omoi coméciñeno iri. Daje izói, afefue omoi finóllemo mamériñeno omoi iri.

14

O ama jánana fiene úriñeno iri

¹ Juzíñamui uai como fueñe jabo ínotimiena, ñue jofu omoi cígimo líinori. Afémie ínogafuena féitaiacaniadi éna caimare uáidori. Ua, ie ínoga onóñega uáillaimo aillo omoi úridoñeno caimare éna omoi uáidori. ² Mei jii, “Naga raana íáiruiñeno güíredicai,” daiífiredinona ite. Daje izói dáarie Juzíñamuimo jabo ínotino “Rillena riñeno da ria llizíllana güíredicai,” daiífirediaíoi. ³ Ie jira naga raana güitímie mai afe ríllena fímairitimiena jámairuiñeno iri. Afe izói, fímairitimie, mai naga raana güitímiemo comeci fiene facáñeno iri. Mei Juzíñamui afe íaillinoi, íemo ínuamona, ie comínina caimare íaillinoina uáidoteza. ⁴ Afémaci Juzíñamui ocuícamaciza, íaioina fiénidífuedo jicánonidio, mei afémaci óieñedeza. Dani íaíoi ocuídímiemo uai orédiaíoi. Iaíoi illafue riire jicánollena dama íaíoi ocuídímiemo dúide. Ocuícamié illafue ñúenia, ie ocuide Juzíñamui uícomo méairuiñeno náidaite. Ie illafue fiénia, ie ocuide Juzíñamui duere éna fínoite. Mei íadi afémie ñúefue dibénemo féitañeno íite, mei cai Ocuíraima Jesucristo ríinoredeza, afémiena ñúefuemo jáicina jaináitallena.

⁵ Daje izói, dáamié nágaruillai baímo daa illirui eneno rairuide, Juzíñamuina caimátaillena aferui judúuai ráfuena jira. Jáímaci naga mona daje izói ñúeruillai, daidíaíoi. Illa dígamie dama ie comeci úrillafuena ñue onótaredeza. ⁶ Daruina eneno ráruitímie, cai Ocuíraima íóbitallena íeiena íllamona, aféruina eneno rairuide. Daje izói nana raana güitímie cai Ocuíraima íóbitallena íáiruiñeno güífiredi, mei afémie afe güílleri Juzíñamuina “íere figora” dáideza. Daje izói cai Ocuíraima íóbitallena fímairitimie fímairillano Juzíñamuina “íere figora” daide.

⁷ Nana cáimona buna dama ie comeci íóbioillena ínide; daje ízoi buna dama ie comeci íóbillena tíñede. ⁸ Cai caana llezica cai Ocuídímiemo jaináidicai. Daje izói cai tíadi, nai íemo jaináidicai. Iemona cai caana llezica, mei nibai cai tíilla llezica, jaca cai Ocuíraima íédicai. ⁹ Mei jira Cristo tíizaíbillano, meine abído cáadimiena jaide, cáadino náamata izói, daje izói tíidinona náamataillena.

¹⁰ Mei íadi comínina náamañedio. Iemona ¿nibái mei o ama jánana fiene úrillano éna riire jicánotio? ¿Nibái mei éna izíruñeno jámairuitio? Mei jii, nana cai Cristo uícomo ácatallicai. Afénomo afémie caimo itífueña riire jicánoite. ¹¹ Juzíñamui Cuegáuai lloite: Uáfueña jaca ninomo cáadimiena cue íllana onódiomoiza; afe izói uáfueña nana comini cuemo eróicana íaíoi cañici ífodo dújuzaíbitiaíoi.

Daje izói nana comini jino uáfodo ñúefueña Juzíñamuimo nítaitiaíoi, daide.

¹² Iemona jae onódicaiza, cáimona illa dígamie dama ie illáfueña afe Juzíñamuimo jáanoñeno jino íemo llórede.

O ámana ñúefuemoni níbéfodo baítañeno iri

¹³ Ie jira benómona mai conímaiaína comécido fiene úriñeno iri. Mei jáífodo, nágarui omoi finócafuaíado conímana fiénidífuedo omoi baítañeno iri áfemo mai ñue omoi maméiriri. Daje izói omoi illáfuedo afémiena fiene facátañeno iri. Afemona abí omoi rairuiri.

¹⁴ Jae onódicueza, nana güille naa rílleniaíri, dama íainideza. Ua, cai Ocuíraima Jesumo cue ínuamona, ie daína izói, cómena íáruitaiti güille íñedeza, ñue onódicue. Daa “Bíena cue güíadi cuena íáruitaiti” comécido daidímiemo, afe raana afémie güíadi éna íáruitarede. ¹⁵ Mei jáífodo, o ama coméciilla rairuica güille o güíllamona o ama o ríitaiadi, éna ja figo izíruñedio. Mai daade o güíacaga güíllado, Jesumo o ínote

ama íaifuemo féiraitañoeno iri; mei afémie jílloillena Cristo tíizaibiteza. ¹⁶ Omo ite ñue finócafuiaido jiáimacina fienu úritañoeno iri. ¹⁷ Mei jii, daa cai güiga raado Juzíñamui comínimo jaináiñedicai; daje izói daa cai jiroca raado afémacimo jaináiñedicai. Mei jiáifodo Juzíñamui anamo ñue jaícina cai íllamona Juzíñamui comínimo jaináitagacai. Daje izói Ñuera Joreño caimo comuítaga caimare comeci uái illáfuedo, afe dibénemo jaináitagacai. Daje izói íeri cai ióbioillafuedo, dájena ie comínimo jaináitagacai. ¹⁸ Cristo lloga iodo jailla llezica, nana bífuiaina jeire otímie Juzíñamuina ióbitade. Afe llezica afe izói finófiredino comini ñue facátagamaci.

¹⁹ Iemona, naga come conímata caimare uái itátatífuiaina nágarui mai cai jenófireilli. Daje izói conímata Juzíñamuimo baímo izire jaináitaja raa, mai cai jenófireilli. ²⁰ Daa o óiacaiga güílledo, dani omoi cígiri Juzíñamui comuítaga caimare dájena omoi jaináinana, mai fia táinomo fáifitañoeno iri. Uafue, nana Juzíñamui finoca güille güirede, mei ja ñúeraza. Mei íadi daa o güiga güílledo jiáimana ñuera iómona oni nibéfodo o baítaiadi, afe fiénide. ²¹ Daje izói rille o ríamona jiáimana fiénidífuemo o baítaiadi, ríllena o ríñeille, afe baímo ñuera. Afe izói vino o jírúamona íena ie íinogafue o uáitaiadi, vínona o jiróñena afe baímo ñuera. Daje izói nana o fínuafuiamona jiáima íinogafue jabo o féitaiadi, afe o finócafue fiénide. Mei íemona afefue o finóñedionia jamánomo ñuera, o ama íinogafue o féitaneillena. ²² Iemona bie güillafue, nibai güíñenafue dibénedo o ñuera íinogafue fáicanocaiñoeno, Juzíñamui eróicana dama óiena ñue o mameri. O comécido mamérillamona finócacagafuai dibénedo ñuera o daiíreniadi, áfedo caimare itio. ²³ Mei íadi dámie Juzíñamuimo figo íñoñenamona ie güille jizíreocana güiadi, afémie fiénidífuemo báide. Mei Juzíñamuimo ínuamona cai onoiga íena ióbitallífué cai finoca ñuera, mei íadi nana aféfuiai jinomo cai finócafuiiai fiénideza.

15

Dama o abina ióbitañoeno o ínote ámata ñue ióbitari

¹ Nane Jesumo ínotínuiamona dámerie ñue ríinorede. Jiáimaci figo comécina náinidiaioi. Cai ja comécina ríinoredinodicai, íemona nai comécina ríinidinona canóredicai. Afefue caimo llonódacaigafue. Afedo dani cai abina ióbitanidicai. ² Cáimona illa dígamie ie ínote ámata ióbitarede, afémie ñue íllena. Daje izói íena Juzíñamuimo aillo ínotaredicai. ³ Mei Cristo dama ie abiri ióbillena jenóñede. Mei jiáifodo Juzíñamui Cuegáuai íemo zúilla. Afe uai daide: “Afe baíñoridino Juzíñamui jiáima baíñoia cuemo baite.” ⁴ Nana jaiai uímodo Juzíñamui Cuegáuailai cai llófuellena cuega. Aféuaimo cai comeci fírajá uai baiticai. Afe izói búuai cai facáduamona comeci járitañoenafue caimo comuide. Iemona Juzíñamuimo íco cai nabáirizailliruiamo ocuírídicaí. ⁵ Juzíñamui afe comeci járidoñoenafue llotímie. Daje izói afémie, cai comeci fírajano caína náiretade. Iemona omoi ie canóllena afémiemo jicádícue, illa dígamie jiáimaiairi dájena caimare omoi íllena. Mei Cristo Jesús daí caína dáideza. ⁶ Afe llezica, dájena omoi comécíillena íemo jicádícue, cai Ocuíraíma Jesucristo Moo Juzíñamuina dáuaido omoi caimátaitallena.

Judíoñedinomo Juzíñamui ñúefue jae llujáiga

⁷ Mei daí Cristo caimare cai uáidua izói, afe izói conímata caimare omoi uáidori, Juzíñamuimo ebíredífué nitállena. ⁸ Mei bie cue dáina uai: Cristo judíuai ñue fínuaibite. Nana Cristo táijina fueñe judíuaimo dúide, cai nanóidígimona dáina uai ñue fuitállena. Afedo Juzíñamui ie méidoñega llogáuaina caimo jino ácatate; mei Juzíñamui afe ie dáina uai jaca jiáifodo méidofínideza. ⁹ Daje izói judíoñedino Juzíñamuimo ióbillena Cristo ana bíniemo bite. Iemona Juzíñamui íaioímo dúecaillari ióbidiaioi. Juzíñamui Cuegáuai jaiai uímodo daí daide:

Ie jira afe izói judíoñede náiraiái cígiri omo caimátaiticue.

Omo ñúefue cue nitalle rua afémaci cígimo róiticue.

¹⁰ Ie mei jiáinomo Cuegáuai daje izói daide:

Judíoñede náiraiái mai omoi cáimacairi, naa Juzíñamui imáciairi.

¹¹ Nane jiáinomo Cuegáuai daje izói daide:

Naga judíoñede náiraiái, cai Ocuíraima ióbiri.

Mei afe Juzíñamui jamánomoidimieza, íemo omoi ióbiri.

¹² Mei daje izói Isaías cuete:

Isaí (illaíma David moo) ie méifomo comuídígimamona jamánomoidillaíma cómuite.

Afémie nana judíoñedino cígiri illáimaite.

Afe comini afémiemo ocuíritiaioi, daide.

¹³ Juzíñamui caina íemo ocuíritaitaite. Ie jira íemo omoi ínuamona ñue cáimafue jeire omoi óllena, afémiemo jicádicue, daje izói omoi comeci caimare uái illafue jicádicue. Afe llezica Juzíñamui omoi nabáirizaillena birui jabo ocuíritiomoi. Afemona Ñuera Joreño ríinodo ñue izire omoi ocuíritillena Juzíñamui jicádicue. Mai mei daíí Juzíñamui ómoína ñue éziciteza.

¹⁴ Cue ámatiaí, ñue onódicueza, ñúefuíaína jeire otíomoi naa omoi fibítainafuiaíri. Daje llezica illa dígamie jiáimacina caimare llófuiana onódiomoi. ¹⁵ Mei íadi bie cue cuegábedo, bíuailai ómoimo iere jino uáfodo cueticue, afe uáillaina omoi féitañeillena. Juzíñamui cuemo dúecaillano cuemo jónenocaigafue jino lloticue. ¹⁶ Bie cue táijinafue: Juzíñamui lloga cai jílloillifue ómoimo cue lluájillena. Afefue ómoimo lloticue, Juzíñamui íena omoi maméillena, mei judío imáciñediomoiza. Ie mei, Juzíñamui ómoína caimare uáidoite, mei omoi ja Ñuera Joreño ñue finócaomoiza.

¹⁷ Mei daíí dama Jesús cue ínuamona, Juzíñamui cue táijinafuerei ióbillano caimare iticue. ¹⁸ Dama Cristo cuedo finócafuaíri llócaiticue, mei áfedo judíoñedino Juzíñamui uaina jeire otátaticueza. Jiáimie táijinafuena jaca jino llócaiñeiticue. Afe íaioi Juzíñamui uailai jeire ua, cue daina uáillaído jino ñue ícoimo fuitádicue. Daje izói cue ñue táijinado íaioína ñue jaícina ínotadicue. ¹⁹ Afe izói jino cue cíotaga uaido comuítaga cíorainina ráamona íemo jiáie onóillena finócafuaíri, íaioína ñue jaícina ínotadicue. Daje izói Ñuera Joréñomo ite ríinodo íaioína ñue jaícina ínotadicue. Bie izói cue ínuamona Jesucristodo cai jílloillifue lluájillena ja ñue ícoimo fuitádicue. Ua Jerusalémoma oni jica nágagobiaído aféfuena llócaidicue. Ua ícoimo Ilírico éniemo záitajidicue. ²⁰ Afe daíí, nai jaca Cristo mámecina cacáñedinuíaímo, afe ñuera cai jíllonafue llócaidicue. Daíí oni jicado llócaidicue, jiáíma jae llógamo dáanomo nane cue llóñeillena. ²¹ Mei íadi Juzíñamui jaiái Cuegáuai daina izói:

Juzíñamui ífuena nai lloñéganuaí afémiena ñue ónoítiaioi.

Daje izói jaca íena cacáñedino nane aféfuena como fídiítiaioi, daide.

Pablo Rómamo jáillena comeci facade

²² Díga icaiño omoi uáiduaillena comeci facáfiredicue, íadi jaca jáinidicue. Mei como ómoimo cue lloga oni nágagobiaído cue llócaigafuemo záitaiacadicueza; bínidicue. ²³ Mei ja birui bígobiaído cue táijicana ja fuitádicueza. Jaíai díga fimónaíai omoi díga íacadicue. ²⁴ Ja birui Españamo cue jáizailla llezica ómoína méíñuaíbiacadicue. Omoi cígiri cue illa llezica, iere caimare íiticue. Afe mei Españamo cue jáiacana llezica, omoi cue canóllena jítaiticue. ²⁵ Mei íadi birui fueñe Jerusalemo ite ámatiaí canolle raa úiticue. ²⁶ Macedonia énie imaci, naa Acaya énie comíniri, Jerusalemo ite dúeredino canolle úcube ofítallena maméritiaioi. Afe íaioi ofítaga úcube cuedo Jerusalemo óreitiaioi. ²⁷ Afe bie úcube oréllemo ñue comécidiaioi. Mei jii, afefue ñue jaícina joide. Uafue benó itímaci afémacimona aillo comeci cáimafuaí ibáñeno itíaioi. Iemona birui Jerusalemo ite ínotinomo raire íballe ite. Ua judíuáimo ite Jesumo ínotino, íaioimo ite comeci

cáimafuiai, jae judúuaiñedinomo dájeze fecádiaioi. Iemona benó Macedóniamo ite ínotino naa Acaya ínotinori, judúuaimo ite ínotinona, afe ibana íaioimo ite úcubedo canóacadiaioi. ²⁸ Bie íaioi afémaci cánua mei, afe izói íaioi jónega úcube cue izájille mei, Espáñamo jáiticue. Ua omoi uáidocana afénomo jáiticue. ²⁹ Ñue onódicueza, omoi cígiri cue dúcille llezica, nana Cristo uáimona comuide cáimafuiai ómoimo llófueredicue.

³⁰ Amatiai, cai Ocuíraima Jesucristo mámeçido izire ómoimo jicádicue. Daje izói Ñuera Joreño caimo comuítaga izíruillafuedo izire ómoimo jicádicue. Mai, cue diga dájena omoi iri, Juzíñamuimo dájena cai úrillena. Juzíñamui cue canólleza, mai izire omoi jicari.

³¹ Dínó Judea éniemo ite íñoñedino cue íaioi llaitáacanamona cue ie zuitálleza izire Juzíñamuimo jicari. Afe llezica bie cue uiga Jesumo ínotino canolle úcube caimare íaioi llínolleza, daje izói Juzíñamuimo omoi jicari. ³² Bie Juzíñamuimo omoi jicáfireillífuiai ómoimo jónenocaidicue, Juzíñamui comeci jítaina izói omoi illánomo caimare cue dúciillena. Afe mei omoi cígiri nano áinori cue illedo cue comeci ñue náireite. ³³ Mai, comeci caimare uái illáfuenta fecade Juzíñamui omoi ñue nábaiteza. Daiítadeza.

16

Pablo ie onóigamaci uáidote

¹ Birui cai Jesumo ínote miringo Fébena, ómoina caimare uáidotadicue. Afengo Cencrea jófuemo ite Juzíñamuimo gairídímaci canófiredingo. ² Cai Ocuíraima mámeçido aféngona caimare omoi llínori. Mei nana Jesumo ínotino illa dígamie jíáimana daí caimare llínofiredeza. Daje izói nana afengo jitailla raana aféngomo omoi fecari. Afedo aféngona canóredíomozia, mei afengo jaii aillo comínina canófiredeza. Iemo jíai daje izói cuena canódeza.

³ Iemo Aquílamo ie ai Priscila diga, uai orédicue; mei afe íaillinoi Cristo Jesús uaimo cue tájicana llezica cuena nabáidiaillinoi. ⁴ Jácinomona cue íaillinoi jíllotado íaillinoi illafue jacire fiévide. Aferi afe íaillinoina “tere figura” daidicue. Dama cue daí daiñenaza, nana judúuaiñedinomona gairífirede ámatiai daje izói “tere figura” daidíaioi. ⁵ Daje izói Aquila Priscila jofomo gairífirede cai ámatiai uáidori. Daje izói cue izíruiga nabai Epeneto uáidori. Afémie fueñe Acaya éniemona Crísumo ínotimie. ⁶ Afe izói ómoido iere tájifiredingo María omoi uáidori. ⁷ Iemo llavéracomo cue llaveina llezica, cue diga llaveca cue nabai Andrónico, Junias diga, daje izói afe íaillinoi omoi uáidori. Cázie ímie íaillinoi. Jesús orécamacimona mámeçina jica jalleide íaillinoi. Afe íaillinoi nai Crísumo cue íñoñenia, raire úcodo Crísumo ínotiaillinoi.

⁸ Afe izói cue izíruiga nabai Amplias uáidori, mei cue izói cai Ocuíraimamo jaináideza. ⁹ Iemo Cristo Jesumo cue tájina llezica, cue nabai Urbano uáidori. Daje izói cue izíruiga Estaquísimo uai orédicue. ¹⁰ Afe izói Apeles uáidori, mei diga ícaño Crísumo ie ínogafuena afémie jino comínimo cíotateza. Daje izói nana Aristóbulo comini uáidori. ¹¹ Cue nairai ímie Herodiómo daje izói uai orédicue, naa cai Ocuíraimamo ínote Narciso comíniri. ¹² Daje izói Trifena ie ai Trifosa diga uáidori. Afe íaillinoi cai Ocuíraima tájinamo tájifirediaillinoi. Daje izói cai izíruiga miringo Pérsida uáidori, mei afengo cai Ocuíraima tájinamo tájifiredeza. ¹³ Iemo mámeçina jica jalleide Ocuíraimamo ínotimie Rufo uáidori, naa ie ei diga. Afengo aillo cuena ie izíruillado cue ei izoide. ¹⁴ Daje izói Asíncritomo uai orédicue. Iemo Flegonte, íemo Hermas, íemo Patrobas, íemo Hermes, daje izói íaioiri ite ámatiai uáidotícue. ¹⁵ Daje izói Filólogo, Julia, Olimpás, Nereo, naa ie miríngooiri uáidori. Iemo nana íaioiri ínote ámatiai uáidori.

¹⁶ Mai, illa dígamie Crísumo izíruillamona conímama caimare uáidori. Daje izói benó Juzíñamuimo gairíracuai imaci ómoimo uailai orédiaioi.

¹⁷ Amatiai, bifue jeire omoi óllena izire jicádicue. Conímaiaina éoitadinomona abí omoi rairuiri. Afémaci jíáimana fieni écitaila izói finódiaioi, omoi ñue ínogafue

féitallena. Baimáci jiáimana énenoruitaitiaioi. Bie íaioi lloga uai, nauí omoi cue lló-fuiafueña uáitaacadeza. Afémacimona oni jicado omoi iri. ¹⁸ Afe izóidino cai Ocuíraimo comeci jitaina izóí iñédiaioi. Dani íaioi comeci gáinanomo táijidiaioi. Afe llezica íaioimo ite caimare ebírerie urilla uaido, comécina nífuenidinona jífuetiaioi. ¹⁹ Nana jiáie comini Juzíñamui uai jeire omoi úana fidídiaioi. Iemona áferi íobidícue. Iemo ñúefue díbénedo iere baitádimacina omoi íllena jitáidícue. Mei jiáifodo fiénidífue fínua díbénedo nífuenide onóñedimacina omoi íllena jitáidícue. ²⁰ Mei onódicaiza, comeci caimare uái illafue lloté Juzíñamui Taife uaina anáfenoteza, omoi ie áifedoñeillena. Mei cai Ocuíraima Jesucristo ómoína ñue éziciiteza.

²¹ Cue diga táijiacade nabai Timoteo ómoimo uai orede. Daje izóí cai nairai ímiiai Lucio, íemo Jasón, íemo Sosípater diga ómoimo uailai orédiaioi.

²² Pablo ocuica rabe cúeraimadícue; cue mámecei Tercio. Daje izóí Jesumo cue jaináinamona uai ómoimo orédícue.

²³ Benó ite Gayo ómoína uáidote. Birui afémie jofomo itícue. Daje izóí nana Juzíñamuimo gairíacadinomo íaioi dúciillena, afécona nano íanori íaioimo fiede. Daje izóí cai jófueimo ite úcubemo táijidímie Erasto, uai ómoimo orede. Iemo cai ama Cúartona mámeceiredímie uai ómoimo orede.

²⁴ Mei cai Ocuíraima nana ómoína ñue íllena éziciiteza. Daiítadeza.

Iraicaiño Juzíñamuimo caimátaillafue Pablo úrite

²⁵ Juzíñamuimo mai cai caimátailli, mei afémie omoi íinogafueña iere izire íinotaredeza. Cue ómoimo jino lloga cai jílluille uai daií dáideza. Daje izóí Jesucristodo omoi cue llófuiafue daií dáideza. Juzíñamui jaii ie comécido mamérilla izóí, ja birui judíoñedino comécina ñue náiretade. Ua, bínie nai cómuiñenia, bífueña jica ía daií comécido mamede. Ja diga fimona jaide íadi, aféfuena báinino íteza, nai jino comínimo uáfodo llóñega. ²⁶ Mei íadi ja birui Juzíñamui uai llócaidino cáiena fieca Cuegáuaido, afefue jae jino denoca. Bífue ziiño Juzíñamui ocuilla izóí caimo íficaide. Bie fueñe báinino Juzíñamui comécido mamérillaíue, ja birui nana náiraiaimo jino cíotaga, aféfuena íaioi onóillena. Daje izóí afefue jae jino íaioimo cíotaga, comécido íinota afe uaimo ñue jeire íaioi óllena.

²⁷ ¡Daade jamánomo baitade Juzíñamuimo ebírede ñúefuiai nítaiticaiza! ¡Daií afémiemo Jesucristodo ziiñoña jaca ninomo llóiticaiza! Mei daiítadeza; jae ñie.

NANOIDE SAN PABLO CORINTO IMÁCIMO ORÉCABE Primera Carta del Apóstol San Pablo a los Corintios

Coríntomo ite Jesucristomo íinotíno Pablo cuete

¹ Cue Páblodicue. Ñúefue llujillaena Juzíñamui comecei jitaina izói Jesucristo jóonegamiedicue. Bie izói daina Jesucristo orécamedicue. ² Cue, cai ama Sóstenes diga, Corinto jófuemo ite Juzíñamuimo gairífredino uáidotícoco. Afe llezica bibe ómoimo cueticue. Omoimo Jesucristomo dájena jaináinamona Juzíñamui iédiomoi. Juzíñamui íena omoi jáillena afémieoiri ómoína jírrite. Nágagobiaimo ite cai Ocuíraima Jesucristo mámeceido jicáfiredino, daje izói Juzíñamui íeiena uáidogaiaioi. Afe Ocuíraima Jesucristo afémaci ie, daje izói cáíie. ³ Cai Moo Juzíñamui, cai Ocuíraima Jesucristo diga, íaillinoína ñue uái illifue dibénemo ómoína jóoneiteza. Daje izói afe íaillinoi ómoína ñue ézicíteza.

Jesucristomona comuide caimare illafue

⁴ Nágarui ómoiri Juzíñamuina iere figora daíífredicue, mei Juzíñamui Jesucristodo ñue caimare ómoína itátate. ⁵ Mei jii, Jesucristomo dájena omoi jaináinamona, Juzíñamui nana ie cáimafuiai ómoimo orede. Nana ie caimare úrillafue Juzíñamui ómoimo llote. Daje izói ie onóigafuiai ómoína onótate. ⁶ Mei daíí Juzíñamui Crístodo daina uai ja ómoimo bie nahífuena ite. ⁷ Bíemona cai Ocuíraima Jesucristo cíocaizaíbilliruimo nai dúciñena llezica, nana Juzíñamui lloga uaina ómoimo íteza; abi diné jíáie uaina jítaiñeitiomoiza. ⁸ Afémie ico íirairuimo ómoína náiretaite. Iemona cai Ocuíraima billíruimo dúciille dino buna ninó fiénidífue ómoimo nitáñede. ⁹ Juzíñamui uícodo ie dáinana jaca ñue ícoimo fuitáfirede. Afe íinofirega Juzíñamui ie jító Jesucristomo cai nabáirillena caina uáidote. Afe Jesucristo cai Ocuídímie.

Crístomo gairífredino dájena íñeno oni eneno comécíidiaioi

¹⁰ Amatiai, omoi cacai. Cai Ocuíraima Jesucristo mámeceido izire ómoimo jicádicue. Dájena omoi jainairi. Daje izói eneno omoi bozítaiñeno iri. Mei jíáífoto jíáimana énenaruiñeno ñue dájena omoi iri. Daje izói dáafuemo comecei fácaitiomoiza, íemo daje izói dáafuemo omoi maméritiomoiza. ¹¹ Cue ámatiai, bifue ómoína daidicue, mei Cloé comínimona dáarie cuemo llotíaioi, omoi cígiri jíáimana ruifíruillano oni enénorie itíaioi, daíí daídiaioi. ¹² Bie izói cue cacánafuedo ómoína daííacade. Omoimona illa dígamíai jíáífoto úritiomoí. Dáarie cue Pablo iédicue daide, jíáimaci cue Apolos iédicue daide, jíáimaci cue Pedro iédicue daide, jíáimaci cue Cristo iédicue daide. ¹³ Mei íadi nana omoi Cristo abi izóidínodíomoi. ¿Meita afe Cristo abi énenorie fecaca? Daíítañede. ¿Meita Pablo omoi méífoto cruzmo coraica? Córaiñega. ¿Meita Pablo mámeceido omoi báutizagaomoi? Daíítañede. ¹⁴ Cue mena come Crispo Gayo diga báutizadícue. Omoimona abi dine jíáimacina báutizañedicue. Aferi Juzíñamuina “Figora,” daidicue. ¹⁵ Iemona ómoimona buna “Cue bie Pablo mámeceido báutizagacue,” daíínide. ¹⁶ Iemo jíái daa Estéfnas comini báutizadícue, mei íadi cuemo úibicaiñedeza, abí dine jíáimacina báutizañedicue. ¹⁷ Mei Cristo cuena “Comini o báutizari,” daííñede. Cuen a “Cue ñuera jíllona uai o llócairi,” daide. Mei íadi cue abi íinotade comini bacácido cuena llotátañede, Cristo cruzmo tíllana cue ráifitañellena.

Cristo llogáfuemo Juzíñamui ríino ite naa ie baitácafuiari

¹⁸ Afe bie Cristo cruzmo tíllafue, nana nine táino báiitino dibénemo ráifíñede taino uailai izoide. Mei íadi ñue jíllotino dibénemo, Cristo cruzmo tíllado cai comecei illafue méidorede, mei afe uaimo Juzíñamui ríino íteza. ¹⁹ Jaii Juzíñamui Cuegáuaido afémie bie izói daide:

—Iere baitádino onóigafuiai niné táinocaitaicue.

Daje izói fibídino fibíllafuena ráifitañeiticue, —daide.

²⁰ Ja biniemo fibídime ¿mei níifue mo cánoite? Comini comeci ífueña ñue méidoñede. Daje izói fia fibíllafue llófueraima canóñede. Afe izói binié ráfuiái júfidotimie canóñede. Mei nana biniemo fibíllafuiái Juzíñamui ja jíáfodo méidoga. Ráifíñede taino uáillaina méidoga. ²¹ Juzíñamui nana ie finóllifuiaina onófirede. Iemona “Fia binié comini báitajafuedo cuena óñoñetiomoí,” afémie daíñocaide. Mei jíáfodo Juzíñamui íaioimo lloga uailái íaioí íñuado afémacina jíllotaacade, afe bie lloga uai jíáimacimo ráifíñede taino uai izoide íaioimo cíocaide íadi.

²² Iemo Judíuai fia dáinamona comuide cíorainina ráaniaina cíocadiaioí. Iemo judíoñedino iere báitajafue jenódiaioí. ²³ Mei cai, cruzmo coraica Cristo rafue jino llófiredicai. Ie mei judíuai afefue llófuiaina meáiruitaioí. Iemo judíoñedino aféfueña “Ráifíñede taino uailái,” daidíaioí. ²⁴ Mei jíáfodo Juzíñamui jíllollena maiñócana dibénemo afe Cristo cairi tiilla llogáfue mo Juzíñamui ríino ite. Daje izói afémaci íena afe llogáfue mo Juzíñamui baitaca uai ite. Daa Juzíñamui jíirigamie judío ímie íadi, bifue afémiemo ráifide. Daje izói Juzíñamui uáidogamie judíoñedime íadi, bifue dájerize íaillinoimo ráifide. ²⁵ Mei jí Juzíñamui lloga uai, ráifíñede taino uai izói comínimo cíoide, mei íadi afe uai énie comini báitacafue baímo iere baitade. Daje izói Juzíñamui finócafue ríinonina izói comínimo cíoide, mei íadi comini máirie baímo jamánomo ríirede. ²⁶ Amatíai, mai Juzíñamui omoí jíirillafue mo uibíoicairi. Omoimona báitádinona figo íñede, mei íadi nai ie comínidiomoí. Daje izói ómoimona ríillainina figo íñedeza. Iemo ómoimona jica jalleide comínina figo íñede, mei íadi nai Juzíñamui izíruigamacidiomoí. ²⁷ Mei jíáfodo, binié comini dáina abina onóñedino Juzíñamui jae nizeca, ráfuiaina báitádinno méaicallena. Daje izói binié comini dáina ríinidimaci Juzíñamui jae nizeca, nana “Mairídicue” daidino meáicallena. ²⁸ Iemo biniemo ite jica jalléñedino naa jamairuigamací diga Juzíñamui jae nizede. Nana bie Juzíñamui nizécana jamai comini. Juzíñamui bie izói jamai comini nizede, abí íñota “Aillomiedicue” daidino ríinitallena. ²⁹ Iemona buna Juzíñamui uícomo abina íñonide. ³⁰ Mei dama Juzíñamui ómoína Cristo Jesumo dájena jaináitate. Daje izói Juzíñamui, Jesucristo cai ífoci déitatimiena jóonete. Iemo Crístodo, Juzíñamui anamo ñue jáicína cai íllena, afémie caímo jóonete. Afe llezica Juzíñamui íeiena Crístodo caina ñue finode. Afe bie Crístodo daí jíllodicai. ³¹ Afémie daí finode, Juzíñamui Cuegáuai dáina izói jáicína jino fuitállena. Afe uai daide: “Dámie abí íñoiacana, cai Ocuíraimado abí íñori,” daide.

2

Dama coraica Cristo rafue Pablo comínimo llote

¹ Birui ómoimo cue llua izói, afe izói nauí Juzíñamui ua rafue ómoimo cue lluaíbillaruido, cue baitaca féirede uaido ómoimo úriñedicue, “tere ráfuiaina báitádimiedio” cuena omoí dáíñeillena. ² Mei nauí omoí cígiri cue illa llezica daa Jesucristo ráfueña naa ie coráíafue diga, abí diné jíáfueña ómoína onótaacañedicue. ³ Aféruillaido ómoiri ríinidime izói iticue. Ie jira benena cue jácieri cuidíridicue. ⁴ Omoimo jino cue llua llezica fia énie come baitaca uaido ómoína jíéruitañedicue. Mei jíáfodo Juzíñamui Ñuera Joréñodo jíéruitadicue. Daje izói Juzíñamuimo ite ríinodo: “Bífueña omoí jíéruiri,” daidicue. ⁵ Daíí ómoína daidicue omoí íñogafue, Juzíñamui ríino dibénemo íllena; daje izói omoí íñogafue binié comini onóigafue mo jáinaíñeillena.

Juzíñamui da ie Ñuera Joréñodo onoiqa

⁶ Mei íadi ómoimona Juzíñamuimo íñogafue mo ñue móonaitinomo cue baitaca uaido úriticue. Bie cue baitaca uai binié comini íeñede. Daje izói binié uíñote ríillaini uáíñede. Afémaci naa íaioí uáillairi niné cíocaiñeitiaioí. ⁷ Jaiái uáfodo óñoñega Juzíñamui

fibíllafuiai do úriticai. Afémie jaii énie comuácana uícodo báinino mamérillafuedo úriticai. Aféruillaido caimo zíñona fuíñeite jíllollifue caimo mamede. ⁸ Nana bínie uíñote ríillainimona bífuena buna onóñede. Bífuena onódiaioina cai ñuera Ocuíraima Jesucrístona coráñediaioi. (Aféfuena íaioi onóñenado íena coráidiaioi.) ⁹ Mei íadi Juzíñamui cáiena mamécáfue ie Cuegáuai daína izói ite. Afe uai daide:

Bínie comínimona jaca buna cióñena ñuera raa Juzíñamui íena izíruitino íaioiena jóonete.

Afe izóidena comini jaca cacáñediaioi.

Daje izói áfemo jaca buna comeci facáñena.

¹⁰ Afe bífuiaina Juzíñamui ie Ñuera Joréñodo caimo llotátate, mei afe Ñuera Joreño nana Juzíñamuimo ite uáfodo ónoñega ráfuiaina onóillena izire jicánofiredeza. Iemona afémie cai fidítate.

¹¹ Bíniamo ite comínimona, ¿mei níimie jíáima comeci ifue onona? Dama afémiemo ite joreño ie comeci ífuena onona. Afe izói dama Juzíñamui Ñuera Joreño Juzíñamui comeci ífuena onona. ¹² Bínie comini fiene comeciíllafuiai úicaiñegacai, mei íadi Juzíñamui caimo oreca Ñuera Joreño úicaigacai. Juzíñamui ie Ñuera Joreño caimo orede, aillo jeruñeno caimo ie fecaca ráfuiaina cai onóillena. ¹³ Juzíñamui Ñuera Joreño caimo llófuega uáillaido afe bífuiaido ómoimo úriticai. Dani cai fibíllafuemono cai onoiga uáillaido ómoimo úriñedicai. Afe daí Ñuera Joreño úicaiganomo Ñuera Joreño lloga ua ráfuiai jino ñue lloticai.

¹⁴ Mei jíi, Juzíñamui Ñuera Joréñona úicaiñegamie afe Ñuera Joreño lloga ráfuiaina jeire oñede. Mei afémiemona bífuiai ráifiñede taino uallai izóideza. Aféfuiai afémiemo jánaide, mei bífuiai cómemo dama Juzíñamui Ñuera Joréñodo llófuegaza. ¹⁵ Mei íadi Juzíñamui Ñuera Joréñona igámie naga ráfuiaimona nifue ñuena, nifue fiénina daírede. Mei jíáifodo Ñuera Joréñona íñegamie afe izói daínide. Iemona Ñuera Joréñona íñegamie Joréñona igámie jaca níifuena jicánonide. ¹⁶ Mei Juzíñamui Cuegáuai daide: “¿Bu mei cai Ocuíraima comeci fácafuea onona? ¿Mei níimie Juzíñamuina llófuerena?” Mei íadi ie Ñuera Joréñodo Cristo ifoci úrillafue caimo ite.

3

Dájemo táijidino izói Juzíñamui ocuica uai llujállena canódicai

¹ Amatíai, bie lloga Cristo comeci fácafue nai ómoimo figo jóobiñede. Iemona Ñuera Joreño úicaigano izói nai ómoimo úrinidicue. Mei jíáifodo Ñuera Joréñomo nai figo jaináñedino izóidiomoi. Crístomo jaináidino dibénemo nai figo onóñede úruiai izóidiomoi. ² Iemona nauí ómoimo féinino llófueticue. Nai monoi jirode úruiai izóidiomoi; jáiaide güille nai ómoimo dúiñede. Iemo afe izói ñue baitácafue nai ómoimo jaca dúiñede. Nai aféfuena jeire ónidiomoi. ³ Mei nai Ñuera Joréñomo jaináñena llezica jamai come izóidiomoiza. Nai birui jíáimana úradoidiomoi, íemo icírafuena jenófirediomoi, íemo nai jíáimana énenoruidiomoi. Iemona bíniamo ite Juzíñamui Joréñona nai ínegano izóidiomoi. Nana íaioi eneno bozítailafuiaina nai jeire otíomoi. ⁴ Omoimona dáarie “Pablo iédicue,” daide. Jáíimaci “Apolos iédicue,” daide. Bie izói omoi illa, nai bíniamo ite Juzíñamui Ñuera Joreño úicaiñega comini izóidiomoi.

⁵ ¿Mei níimie Páblona? ¿Mei jíai níimie Apólona? Coco bie daa Juzíñamui ocuicamedicoco. Daa cócodo cai Ocuíraimamo ínotiomoi. Cai Ocuíraima cuemo jóonega táijinamo táijidicue. Daje izói Apolos dama íemo jóonegamo táijide. ⁶ Cue bie fueñe ritímie izóidicue. Ie mei Apolos afe rigaji jáinoina riáitatimie izoide. Mei íadi afe rigaji zicótatimie daade Juzíñamui. ⁷ Iemona cue bie fia ritímiedicue. Iemo Apolos fia riáitatimie. Bie coco jabóidimiedicoco. Mei íadi Juzíñamui jamánomoidimie, mei afémie afe rigaji zairítaiteza. ⁸ Nana ido ritímie, afeji jáinoina riáitatimie nágaillinoi

daje Juzíñamui ocuícamié íaillinoi. Mei íadi illa dígamie nano ie táijina dieze Juzíñamui íbaite. ⁹ Coco bie dama Juzíñamui jetácamo dájemo táijidicoco. Ie mei omoi Juzíñamui riga jacafai izóidiomoi.

Nane jíáie raa izóidiomoi. Juzíñamui como nicana uiga jofo izóidiomoi. ¹⁰ Cue bie jofo níraini ocuídímiedicue. Juzíñamui cue ocuilla izói, bico jáillirai riire naidánetimie izóidicue. Iemo jíáimie afe jáillirai acónimo ticáidímie izoide. Ie jira naga tícaitimie rairuídicue, fiene ie ticáñeno ñue ie ticáilleza. ¹¹ Mei jíi, abi díne jíáimie riire naidaide jáilliraina naidánenide. Afe jae riire naidánega jáillirai izóidímie Jesucristo. ¹² Mei naga come bie jáillirai caifófemo ie illínona nírede. Afe bíena daírede mei naga come illafue bie nillico izóideza. Dámie afe jáilliraina mameide Jesucristo caifófemo oro izóidedo ie illínona nírede, jíáimie quenírede llojefe izóidedo ie illínona nírede, jíáimie ráifide nofícaí izóidedo ie illínona nírede, jíáimie amena iedo ie illínona nírede, jíáimie fia uífzaido ie illínona nírede, jíáimie zicicai izóidedo ie illínona nírede. ¹³ Iemo ico jíáiruido Cristo comínimo itífue riire jicánuaibilliruimo naga come ie nigano uáfori cíoite. Aféruido Juzíñamui cai táijina fácaite. Irai izóidedo naga come nigánuai Juzíñamui fácaite. ¹⁴ Irai cúaritañega raado nitímie Juzíñamui ie táijina íbaja raana jírídoite. ¹⁵ Mei jíáifodo cúarirede raado nitímie minícana jírídoñeite. Nana ie táijina niné táinocaiteza; dama táinori llégitte. Mei íadi dama afémie jíllóite. Ua, jofo bóoamona nana raaie uzilla mei, dama come jíllona izói, afémie jíllóite.

¹⁶ ¿Omoi bie Juzíñamui jofo izóidiomoi nai onóñediomoi? ¿Daje izói Juzíñamui Ñuera Joreño ómoimo íllana onóñediomoi? ¹⁷ Afe bie Juzíñamui ico íaifuenidico. Iemona ómoimona dámie bie Juzíñamui jofo eneno botáadi, afe cómena Juzíñamui jíai niné táinocaitaite. Omoi bie íaifuenidico izóidiomoi.

¹⁸ Nane daa come dama abi jífueiza áfemona abí omoi rairuiri. Omoimona dámie “Bínie ráfuenta iere baitádimiedicue,” daíadi, afémie meine abido ínoñedino daína izói ráfuenta baitáñedimiena jáirede, Juzíñamuimo ite nahí rafue baitállena. ¹⁹ Mei bínie comini baitácafuiái Juzíñamuimona ráifiñede taino uaillai. Ie Cuegáuai daide: “Iere baitádinona Juzíñamui daní íaioi bífueinamo írebaimo jíilla izói jíitate.” ²⁰ Nane dáanommo daide: “Baitáдино comeci fácafuiái ráifiñenana cai Ocuíraima onode.” ²¹ Ie jira jíáimamo jaináillado jaca buna abina íñonide. Afe omoi dáamiemo jaináilla uai jíáifodo jóide. Nana omoi canódino ómoimo jainaide. ²² Daa cómemo jáinañeno nana bimaci ómoimo jainaide: Pedro, Apolos díga ómoimo jainaide, cue jíai Páblodícue ómoimo jaináidicue. Daje izói nana bíniemo ite ráaniai Crístodo ómoiena Juzíñamui mamede. Daje izói Crístodo Juzíñamui ómoína cáatate. Iemo omoi tífadi, Crístodo afe tíllana jáciruiñeitiomoi. Iemo biruúllaido Crístodo caimare írediomoi. Iemo uire jíáiruido ómoimo ífícaitífueimo Crístodo jáciruiñeitiomoi. Nana bie ñúefuiái ómoie. ²³ Iemo Cristo iédiomoi, ie mei Cristo Juzíñamui ie.

4

Jesucristo orécano táijinafue

¹ Iemona Cristo canódino omoi caina daírediomoi. Daje izói uáfodo ónoñega Juzíñamui lloga uaillai jino comínimo llófuetino omoi caina daírediomoi. ² Mei jíi, táijinana jóonegamie ie ocuídímie ínofirenana afémiemo jino cíotarede; ie ocuúllana ñue ícoimo fuitárede. ³ Mei íadi cúemona, omoi cuemo itífue jicánodoiari járitañedicue. Daje izói dáarie cuemo itífue jicánodoídino cuena dáinana fígo náfueñedicue. Afe izói cue itífue dama cue jicánoiadi áferi járitañeiticue. ⁴ Mei cue comeci úrilla níifueña cuemo nitáñede. Mei íadi afe izói cue comeci úria, nai ua Juzíñamui eróicana ua nífuenidímiedio cuena daíñede. Mei cuemo itífue jicánotímie dama Jesucrístoza. ⁵ Mei jira, Cristo nai bíñena llezica jíáima táijinafueña riire omoi jicánodoíñeno iri. Daa cai Ocuíraima

jicánuaibillirui omoi ocuíriri. Aféruido afémie jítifomo báinino itínona bai úzefomo uáfori cíotaite. Daje izói aféruido cai Ocuíraima naga come comeci mamérrillafuiai uáfodo onótaite. Iemona Juzíñamui naga come nano ba íemo dúide dieze ñúefuiai íemo fécaite.

⁶ Amatíai, mei ñue omoi íllena bífuiaido omoi o úriticue. Omoi canódimie Apolos ífue dama cufue diga jae ómoimo lloticue, omoi ñue dájena comécillifue uáfodo omoi onóillena. Bífue ómoimo lloticue ómoimo coco cíotagafuiaido Juzíñamui Cuegáuai baímo omoi coméciiñeillena. Afe uai caina daide: Dáamie díbenemo gáífiñeno omoi iri. Daje izói jíáimiena jámairuñeno dájese nana íaioimo omoi íñori. ⁷ ¿Mei nie come jíáimaci baímo ómoína ñue fínua? Nana omoi onoiga ñúefuiai Juzíñamui fecácaza. Jaca Juzíñamui fecáñegana íñede. Iemona ¿ñibái mei dáamiedo abina íñofirediomoi? Abina íñofiredimie: “Cue comeci jítaina izói cuemo fecácaza,” daíífirede. Mei íeñedeza. Omoi dani fécañegaza. Mei jira áfedo abina íñonidiomoi. Nana caimo ite ráaniaimona dani cai ocuilla izói íñede. Nana Juzíñamui caimo fecaca.

⁸ Birui ja “Nana Juzíñamui caimo fecáacagafuiai ja cai ógaza,” daí comécidiomoi. Nana omoi jitaica ráaniai ñibai ja omoi oga. Nana omoi onóacaga ífuiaina ñibai ja ñue baitádiomoi. Ñibai ómoína cai canóñenado ja illáicomínina jáidiomoi. Mei íadi táinodo abi íñotiomoi. Iemo afe llezica cai bie jalléñedicai. Mei íadi ómoína: “Ua illáicomínina omoi ii,” daidicue. Afe daíí cai bie omoi diga dájena illámaiticai. ⁹ Cai bie Cristo orécamiiai jino íraínomo Juzíñamui fiécacai. Cai bie lláviano tíitino izóidicai. Jira cai bie nana énie nairai acárilla raa izóidinona jáidicai. Iemona nana comini naa Juzíñamui abi imáçiri caimo éroitiaioi, mei afémaci abi fáiacaitadinodicaiza. ¹⁰ Cristo rafue cai llócaillamona caina jíáimaci “Abina onóñediomoi,” daidíai; mei afe llezica “Cristodo ráfuiaina baitádinodicai,” daidíomoi. Omoi ríiredinona illa llezica, cai bie ríinidinodicai. Caina comini jámairuilla llezica ómoína ñue jacíruitiaioi. ¹¹ Mei jaii nai biruimo júbieri duere zefuídicai. Daje izói cai jirole jainoi íñénari jíái duere zefuídicai. Daje izói figo ínícuironidicai. Daje izói comini caina fiéni finódiaioi. Uái cai illino íñede. ¹² Aillo cai táijinamona iere llégidicai. Iemo comini cairi jainónaitimaci; mei íadi íaioína Juzíñamui canolle uaido fairóticai. Caina fiéni finóllena racádiaioi; mei íadi ocuídicai. ¹³ Cairi fiénidifuedo úritiaioi; mei íadi afe comínina comeci mánainafuedo fáicana llófueticai. Afe llezica oni dotaca íáirede raa dota izói, afe izói caina ráíñedinona caina mániano náfueñediaioi. Nai biruimo cuidoda oni faiga íáirede raana caina mamédiaioi.

¹⁴ Bífuiaina omoi meáidaillena cueñédicue, mei jíáfodo omoi ñue íllena rairuíllano, lloticue, mei cúemona izíruiga jítótiai izóidiomoiza. ¹⁵ Mei cómemona facádonide Cristo ráfuenta llófuetino ómoimo ite íadi, nai omoi íñogafue tainédimie daade. Cristo Jesumo omoi íñollena, omoi moo izói omoi comútatimiedicue, mei cai jíllona uaina ómoimo llotícueza. ¹⁶ Ie jira ómoimo cue cíotaga cai ñue illífuedo omoi jáillena, izire jicádicue. Daje izói cue llogáfuedo omoi jairi daidicue.

¹⁷ Afedo omoi jáillena, Crísto cue íñotaga Timoteo ómoimo orédicue. Afémie cue izíruiga jító izóidimie. Afémie, Crísto cue íñuamona cue lloga ñue cai illáfuenta ómoimo úbicaitaite. Afe bie afémie ómoimo llujáillifue izói, afe izói nágagobiaimo ite Juzíñamuimo íñotimacimo, cue jíái llófuefiredicue. ¹⁸ Omoimona dáarie abina íñuano, daidíai: “Pablo caina éroizaibiñeite,” daidíai. (Afe izói dáinado cue uaina uáitaacadiaioi.) ¹⁹ Mei íadi cai Ocuíraima Jesucristo comeci jítaiadi raire omoi cue méíñuaillena ocuídicue. Iemo cue billíruimo afe abina íñotimaci nie ñúefue jíáimacimo finódiaioiza, afefue cue onóillena fácaiticue. Afedo íaioi ñuera ríino ite, ñibai íñedeza, ónoiticue. Aillo íaioi úrilla uaina náfueñeiticue. ²⁰ Mei jíí, fia cai úrilla uaido, Juzíñamui illáimana illáruimo jaináitañegacai. Mei jíáfodo Juzíñamui Ñuera Joreño ríinodo cai comeci itifue méiduano ie illáimana illáruimo jaináitagacai. ²¹ ¿Mei

nie izói óiacadiomoi? ¿Mei nibai ómoína duere cue fínuaibillana óiacadiomoi? ¿Nibai izíruillafuedo comeci mánainafuedo ómoímo cue éroizaibillana óiacadiomoi?

5

Pablo fiénide meáifue finódimie duere finóllena llote

¹ Ja birui omoi cígimo ite iere fiénide jiruífueña comini cue fidítatiaioi. Omoímona dáamie ja ie moo ogango dama ie aina ote. Afefue iere jamánomo meáirede. Afe izoide fiénidifueña Juzíñamuina ónoñedimaci jaca rairuídiaioi. ² Mei íadi bie izói ómoímo illa llezica jnai omoi iere abina ínofirediomoi! (Afe izói omoi illa iere figóñede.) Mei jíáifodo áferi iere zuure írediomoi. Daje izói áferi meáidarediomoi. Bie izói jiruíredimie omoi cígimona mai oni ore. ³ Náamiena omoi diga dama cue iñédicue, mei íadi afefue díbenemo cue comeci facáoínana ñue onódiomoiza. Ie jira afe bie jiruíredimie ie duere finóllena jae cai Ocuíraíma Jesucristo mámecido ocuídícueza. ⁴ Iemona Jesucristo mámecido dáanomo omoi gairízailla llezica, íemo cue comeci facáoínamo ñue omoi uibíoicailla llezica, íemo jíái cai Ocuíraíma Jesucristo omoi cígiri ríinoreña llezica, ⁵ mai afe íimana ómoímona jino dótno Taífena náamataga comínimo íena omoi zóoferi, ie abi fieni jítainafuiai niné táinocaitallena. Afemona cai Ocuíraíma Jesús billíruimo afémie joreño jíllobicaiteza.

⁶ Afe íaifue nai ómoímo illa llezica omoi ñue íáinínana illa izói abí ínotiomoi. Afe abí ínuana figóñede. “Mei daa cómemo ite íaifue aillo ie abimo itímacina íáiretaiteza.” ¿Comini daína uaina onóñediomoi? Afe uai daide: “Pan finóadi afe aillo fáitate raa tamédiaioi. Due jiza fáitatena jónega íadi, nana afe magáfecina aillo fáitate.” Afe izói daa come finoca íaifue aillo ie abimo itímacina íaire finode. ⁷ Iemona ómoína fieni finode come ómoímona oni jica oreri, mei afémie jácaie pan fáitara izóidímieza. Ie jira afe fiénide méaifue ómoímona ñue muiñori, ñue jáicina íaifuenidímacina omoi íllena. Iemona fáitatena jóneñega comue pan izóidínona ítíomoi. Ja onódicueza, afe bie izóidíno ua itíomoi, mei Cristo nana cai ícoína fagámiena jáideza. Afémie cai ífomo fatá Juzíñamuimo fecaca oveja jiza izóidímie, caimo ite íaifue oni dóllena. Afémie pascua rafue illa llezica cai uibíoigamie. Ie jira bie íaifue oni omoi fáinocai; mei íaifuemona muiñócanona cai íllena, Cristo tíideza. ⁸ Iemona nágarui cai illáfuemo táinona úriñede comécido mai cai illí. Daje izói ñúefuíairede comécido mai cai illí. Afe izoide comeci fáitate raa jóneñega comue pan izoide. Mei jíáifodo íáirede comécido cai íadi, daje izói éoicaide comécido cai íadi, afe izoide comeci jácaie pan fáitate raa izoide. Afe izói mai cai íneilli. ⁹ Naui ómoímo cue cuezábemo ómoína daidícue: “Bie izói jiruírede comínimo nabáiriñeno iri.” ¹⁰ Bíníemo jaca jiruíredíno ite, daje izói iere ráanaiacadíno ite, íemo merírífiredíno ite, íemo jánarai íóbitadíno ite. Bimaci diga omoi nabáiriñeíllena lloñédicue. Aféfuena rairuídícueña bíníemo oni jáirediomoi. Mei íadi afe izói ocuíñedícue. Mei íadi onódiomoiza, afémaci illa izói ínidiomoi. ¹¹ Mei ómoína cue daíacanafue jíáifo jóide. “Cristomo ínote omoi ámadícue” daidímie íadi afémie jiruíreniadi, afémie diga nabáiriñeno iri. Daje izói afémie iere ráanaiacania afémie diga nabáiriñeno iri. Iemo dáamie jánarai íóbitaadi, íemo afémie jíáimana fieni úrifireia, ie jífaireia, íemo ie merírífireia, afe izoide “Cristomo ínote omoi ámadícue” daidímie diga nabáiriñeno iri. Iemo jíái bie izoide come diga omoi güiñeno iri. ¹²⁻¹³ Bíníemo ite ínoñede fiénidíno itífuie riire cue jícanolle cuemo dúíñede. Mei íaioímo fieni itífuiai dama Juzíñamui riire jícanoteza. Mei jíáifodo omoi dani ómoímo jáináidínona riire jícanorediomoi. Ie jira afe bie fiénidífuiairedimie omoi cígimona oni oreri.

6

Juzíñamuimo ínotíno júfidogafuiai oni ínoñedíno fluájínide

¹ Dani ómoimona dámie jiáimamo júfidogafue comuádi, ¿nibái mei oni jiáimacimo afefue záitallena jáidiomoi? mei afémaci cai íinogafuemo jaináñedimaci. Dani omoi cígiri ite Juzíñamuimo dúidinomo jicárediomoi, o júfidogana jaícina záitallena. ² ¿Nai onóñediomoi Juzíñamui iédino nana bínie comini itífuenta riire jicánoitiaioi? Mei uire bínie comini riire jicánoitioimoiza, ¿nibái mei omoi cígiri ite dúefuiaina raire záitanidiomoi? ³ Iemo jiái, ¿nai onóñediomoiza Juzíñamui abi imaci, ángeles dainámaci, itífuiaina riire jicánoiticaí? Mei uafue Juzíñamui abi imaci itífuiaina riire jicánoitioimoiza, ómoimo ite bínie ífuiái raire záitallena ómoimona juánide. ⁴ Bie cai illáfueмона comuide júfidogafuiái ómoimo comuádi, ¿mei nibái mei Juzíñamuimo gairídino dibénemo inédinomo llujífirediomoi, afefue jaícina ómoimo finóllena? ⁵ Bie izói ómoína daidicue omoi méaicallena. ¿Mei nibai omoi cígiri ámatiaimo comuídifueña jaícina fínuana baitádimie inede? ⁶ Ja birui da ama jiáimamo júfidogafue comuádi, Juzíñamuimo inoñede jaícina finóraima uícomo llujífirediomoi. ¿Meita bie izói írede? ¡Inide!

⁷ Uáfodo onóigaza, nanómona daa júfidollifue omoi cígiri comuádi, jiáie o ñue illáfueña táinomo fáifitaite. (Daje izói o júfidogafue Juzíñamui ífueña jámairuitade.) Daa cáimona dámie fieni o finóadi, afe iba o óñeille baimo ñuera. Daje izói daa come cue raa júfuiano bairóadi afe meine cue óñeille iere baimo ñuera. ⁸ Mei jiáifodo fiénidifue fáicanocaiñeno, dani omoi ámatiaimo fieni finódiomoi, íemo jiái omoi ámatiaína júfuiano raana bairófirediomoi.

⁹⁻¹⁰ ¿Nai onóñediomoiza? nana jiáimana fieni finódino Juzíñamui illáimana illíruimo dúciñeitiaioi. Omoi júfuefiñeno iri, mei naga fiénidino Juzíñamui illáimana illíruimo jáinañeitiaioiza. Daje izói áreiñeno jiáie ringo jetádino dúciñeitiaioi, íemo jánaraina íóbitadino, íemo jiruífueredino, íemo jiáie iima diga fieni itímiaí, íemo merírifiredino, íemo iere ráanaiacadino, íemo jifáifiredino, íemo jiáimamo fieni úritino, íemo júfueña bairófiredino; nana éniemo ite bie izoide comini Juzíñamui illáimana illíruimo dúciñeitiaioi. ¹¹ Naui ómoimona dáarie bie izoide. Mei íadi ja birui Jesucristo ñue íáinino finócaomoi. Daje izói Juzíñamui íeiena ñue mamécaomoi. Afe izói Moo Juzíñamui Ñuera Joréñodo, íemo jiái cai Ocuíraima Jesumo omoi íinuado Juzíñamui anamo ñue jaícina itábicaidiomoi.

Cai abi Juzíñamui eróicana iere ñúeraza áfena íaidonidicaí

¹² Comini daiífirediaioi, “Cue bie cue comeci jitailla izói íredicue.” Afe uafue, mei íadi naga íaioi comeci gáinafue íaioína ñue finóñede. Uáfueña daa come dama ie comeci jitailla izói írede, mei íadi afe comeci jitaíllafue íena anáfenotanide. ¹³ Mei uáfueña: cai güille, cai jébevoi ie; daje izói cai jébevoi güille íena finoca. Mei íadi jiáiruideo Juzíñamui nágaillinoi güille naa jébevoi diga jiáifodo méidoite. Mei íadi “Bie cai abina jiruífue íena mameca,” daiínide, dáarie daií daiífirediaioi íadi ¡mei afe uáfueñede! Bie cai abi cai Ocuíraima ie. Afe íbana cai Ocuíraima cai abimo dúide, cai ñue rairuíoicaillena. ¹⁴ Iemo Juzíñamui cai Ocuíraima Jesús cáadimiéna jáitate. Afe daií ie fínua izói, afémie dama ie ríinodo cáadimacina caina mámeite.

¹⁵ ¿Onóñediomoiza ómoimona illa dígamie ie abi dama Cristo abimo dúide? ¿Meita Cristo abimo dúidimie jiruíredingomo dájena jóoneredicue? ¡Jaca jóonenide! ¹⁶ ¿Mei nibai jiáifue onóñediomoiza, dáamie jiruíredingo diga íadi afémie abi daa afengo abi izóicaide? Mei jii Juzíñamui Cuegáuai árenafue dibénemo bie izói daide: “Íima ie ai diga afe íaillinoi dámiéna ja mameide.” ¹⁷ Afe izói dáamie cai Ocuíraimamo dájena jaináiaí, afémie dájena joréñoredimiéna jaide.

¹⁸ Iemona mei jiruífueмона oni omoi iri. Nana jiáie cai finoca fiénidifue cai abina figo íáiñede, mei íadi áreiñeno jiáie ringo diga jiruífue cai finóadi, cai abina bácadicaí.

¹⁹ ¿Mei onóñediomoiza, omoi abi Juzíñamui caimo iga ie Ñuera Joreño illano? Iemona afe Ñuera Joreño jaca omoi diga íteza. Omoi abi dani ómoieñedeza, Juzíñamui ie. ²⁰ Mei omoi abi Juzíñamui jamánomo ráifidena ibácaza. Mei jira cai abido Juzíñamuina ióbitaredicai, íemo jiái daje izói caimo ite joréñodo íena ióbitaredicai, mei afe bie cai abi naa cai joreño diga Juzíñamui íeza.

7

Pablo come áirenafue llófuete

¹ Ja omoi cuemo jicánoga uaillai afe ibádiuai llóiticue. Uáfueza dámie áireiacañenia dama illa figora. ² Mei íadi aillo jiruifue íteza, naga iima áirede. Daje izói naga ringo inírede. ³ Airedimie dama ie ai afémie diga íacana dieze, afémie írena. Iemo daje izói iníredíngo ie ini afengo diga íacana dieze, afengo írena. ⁴ Iníredíngo “Cue abi daíngo cuemo dúide,” daínide. Afengo abi ie ini íeza. Daje izói áiredimie “Cue abi bie dama cuemo dúide,” daínide. Ie aimo jaináideza. ⁵ Iima ie ai diga íacania ráiruiñeno jíeruiri. Daje izói ringo ini diga íacania ini ráiruiñeno jíeruiri. Mei íadi nibai jíairuido da come ie ai diga nano nígarui iere Juzíñamuimo íaillinoi comeci facáacana llezica, aféruillaído dájena íñediaillinoína ñuera. Afe mei nane raire meine dájena írediaillinoi. Mei are dájena íaillinoi jáicañenia, abi jitáinafuena ocuíninamona fiene íllena Taife íaillinona facátaiteza.

⁶ Bífuiái caimare ómoie íllena lloticue. Ríire lletara uai daina izói lloñédicue. ⁷ Cúemona nana comini cue áinino cue illa izói itáioína, ñuera. Mei íadi Juzíñamui illa dígamiaimo jíáifoide ocuilla ríino fecade. Dámie áinino dama illa ocuírede. Jáimie áinino dama illa ocuínide.

⁸ Ja birui áinidinomo naa fecínguai diga úriticue. Damádimie dama cue illa izói itáioína ñuera. ⁹ Mei íadi dámie ie abi jitáinafuena ócuiñenia afémie raire áirede. Daa come ie abi jitáinafuena íena anáfenoa fiénide, íemona raire áirena ñuena.

¹⁰ Mei íadi áiredino iníredino diga afémacina bie izói ocuídícue. Iníredíngo ie inina jaca dotánide. Bie ocuilla uai dama cúeieñedeza, cai Ocuíraima Cristo ie. ¹¹ Mei íadi iníredíngo ie ini dotáadi afengo daíngo írede; mei jíáfodo afengo afe daí íacañenia, afengo meine ie ínimo abido bírede. Daje izói áiredimie ie aina jaca fáicanocainide.

¹² Iemo jíáífue díbéfodo cai Ocuíraima úriñedeza, dama cue ñue fibíllafuemona úriticue. Daa Jesumo ínotimiemo nai íñoñede ai íadi, íemo afengo nai afémie diga íacana llezica, afémie afengo diga írede. Afémie afe ie aina dotánide. ¹³ Daje izói daa Jesumo ínotíngo ie ini nai Jesumo íñoñede íadi afémie afengo diga íacana llezica afengo afémie diga írede. Afengo afe ie inina dotánide. ¹⁴ Mei jíi, Jesumo íñoñede áiredimie Jesumo ínote aimo jaináillamona Juzíñamui ñue finócamiena jaide. Daje izói Jesumo íñoñede iníredíngo ie Jesumo ínotimiemo jaináillamona, Juzíñamui ñue finócamiena jaide. Afe izói íñeniadi, omoi jíitótiai íñoñedino úruiai izói itáioi. Mei íadi afe izói jóoiñede. Afémaci Juzíñamui ñue finócaiaioi. ¹⁵ Mei íadi Jesumo íñoñedimie izire ie aina oni oréacania, dama daítadeza; orérede. Daje izói Jesumo íñoñedíngo izire ie ini fáicanocaiacania, dama daítadeza; fáicanocairede. Aféfuena júfidoñeno iri, mei Juzíñamui “Nágarui uái omoi ífireiri,” caina dáideza. Bie izói íficiaidi Jesumo ínote ama naa ínote miríngo diga rairuínino afe íñoñedimiemo jaináitanide. ¹⁶ Mei íadi Jesumo ínote iníredíngo cácarei. Nai óñoñegaza nibai odo o ini jíllote. Daje izói Jesumo ínotimie cácarei. Nai óñoñegaza nibai odo o ai jíllote.

¹⁷ Iemona illa dígamie dama Juzíñamui íemo jóonia izói, afe izói nágaruillai írede. Iemo, fueñe Juzíñamuimo cai ínua llezica aféruimo cai táijina izói, afe izói nai birui táijiredicai. Bie izói nana Jesumo gairírdinona ocuídícue. ¹⁸ Dáamie Juzíñamuimo ínua llezica ie bacano ícoi quetátañenia, dama daítadeza; quetátañeno iri. Daje izói jíáimie

Jesumo ñnua llezica jai ai quetácaza dama daiítadeza; jiáifodo júfidoñeno iri. ¹⁹ Dáamie ie bacano icoi quetaca nibai quétañega áfena náfueñeno iri. Mei jiáifodo Juzíñamui comeci jítainafue jeire cai olle iere ráifina. ²⁰ Illa dígamie fueñe Juzíñamuimo ie ñnua llezica aféruimo ie illa izói, afe izói nai birui írede. ²¹ Aféruimo jiáima jeruícamiena o ia, áfemo járitaño iri. Mei íadi afe ímamona oni o jáillino o báia, áfena maiñori. ²² Mei jii, dáamie como fueñe Juzíñamuimo ie ñnua llezica, aféruído afémie jiáima ocuífregamie. Ja ie ñnua mei Juzíñamui dibéfomo afémie bu ráiruiñegamiena jaide, cai Ocuíraima táijinafue ie finóllena. Mei daje izói jiáimie como fueñe Juzíñamuimo ie ñnua llezica, aféruído afémie bu ráiruiñegamie. Ja ie ñnua mei Cristo izire ocuífregamiena jaide. ²³ Juzíñamui iere ráifidena íbacaomoiza. Iemona jiáima riire ocuífregamiena omoi ñño iri. ²⁴ Amatiai, omoi cácarei, ómoimona illa dígamie como fueñe Juzíñamuimo ie ñnua llezica, nanómona ie táijina izói, Juzíñamui eróicana afemo táijifireiri.

²⁵ Mei birui nahí áinidino naa inínidingotiai diga afémaci ifue llóiticue. Afémaci cue lletalle uaina cai Ocuíraima cuemo lloñede, mei íadi cue fibíllamona cue onoiga uai llóiticue. Mei Juzíñamui cue cánuado cue lloga uaina ñnoredéza. ²⁶ Mei birui iere jacírediruillaiza, cúemona bifue ñue cioide: daa come birui ie illa izói jiáifodo méidoño iri. ²⁷ Mei birui ja áiredio, afe mei áinidimien a bina maméño iri. Mei daje izói, birui nai áinidioza, mai ringona oño iri. ²⁸ Mei íadi o áirenia, afefue fiénidifueñedeza. Daje izói daa jitaingo inírenia, fiénidifueñedeza. Mei íadi biruillaído naga áiredimie naa iníredingotiai diga íaiói illafue áinidimaci baimo iere Juárezde. Afe bie júaredifuiamona ómoina rairuíacadícue.

²⁹ Amatiai, ómoina cue daiíacanafue bie izói jóide. Biniemo Juzíñamuina cai ióbitallirui aréñede. Ja benómona cai illífuena jiáifodo maméredicai. Birui áiredimie, áinidimie izói írede, raire jiáimaci jacíredifue mona cánuallena. ³⁰ Daje izói come tíillamo zúunaitino birui zúunaiñedino izói írediomoi. Daje izói caimare iráizizaidino ja birui caimátaiñedino izói írediomoi. Daje izói nana ráaniai íbáritino ja birui íaiói íbaca raana “Cáieñede” daiífirediomoi. ³¹ Iemo binie ráaniai fecáfiredino, daje izói afe ráaniairi caimátaidino ja birui afe ráaniaimo figo járitainidiomoi. Mei bie cai ciona énie naa ie ráaniairi ja fúioicaideza.

³² Omoi gágudifuiamona oni ómoina óiacadícue. Dáamie nai áinina llezica, cai Ocuíraima ífuiamo járitairede, cai Ocuíraima ióbitallena. ³³ Mei jiáifodo áiredimie ie ai ióbitallena, binie ráaniairi járitairede. Iemona afémie mena ocuídime anamo ite izóidemona, ie finóacagafuiaina finónide. ³⁴ Ringónaimo jiái daje izóidifue ite. Nai inínidingo cai Ocuíraima ífuiamo járitaité. Afengo joreño naa ie abi diga Juzíñamui íena iere íacade. Mei íadi iníredingo ie ini ióbitallena bie énie ráaniairi járitaide.

³⁵ Ñue omoi íllena bifuiái ómoimo llóiticue. Omoi áireiacanafuena rairuíacañedicue. Mei jiáifodo comini eróicana ñue jácina omoi illífuena jítáidícue. Iemo jiái cai Ocuíraima Jesús ocuífue jizíño iri omoi óllena, bifuiái ómoimo llóiticue.

³⁶ Mei ómoimona daa come comécido daiía: “Cue jicánogango dibéñedo ñue jácina finóñedicue,” íemo afe llezica afengo are dínó jítáingoñeiteza, afémie comeci ñue faca izói, izire ie áireiacana izói áiredé. Ie jicánogango ie olle fiénidifueñedeza, afe íaillinoi áirena rairuínide. ³⁷ Mei íadi jiáimie jiáifodo comeci facáadi, mei afe ñuera. Ie jicánogangona ie aina ie óiacañenia daje izói afefue jiái ñuera; mei afémie ie jicánogango raire óñeillena ie comeci ñue daína izói, jica ia ñue mamédeza. Afe izóidifue íaifueñede. ³⁸ Nana búuallaimona bie izói onódicai. Jicánogango otímie ñúefue finode, íemo jicánogangona oñédime afe baimo ñúefue finode.

³⁹ Iníredingo, ie ini nai caana llezica, ie inimo cuinaca izói jainaide. Mei íadi ja ie ini tíilla mei, afengo bumo jaináñede. Jesumo ñnote afengo gáigamiemo iníreirede. ⁴⁰ Mei íadi cue comeci faca izói, afengo meine nane iníreñedena baimo caimare iite. Bie uai ómoimo cue llua llezica, Juzíñamui Ñuera Joreño cuemo ite izoide daidícue.

8

Jánarai íena mameca rílleniai ifue San Pablo llote

¹ Ja birui omoi jicánoga jiáifue llóiticue. Jánarai ióbitallena fia fecaca rille ifue llóiticue. Iere uáfueza, bífuiaimo fibídicaiza. Mei íadi cai onóigafuemona cai abi fieni íinuana aillo comúitate. Mei jiáifodo jiáimana cai izíruillafue nana comínina náirecaitade. ² “Baitádimiedicue” daidímie Juzíñamui ie onótaacanaze nai onóñede. Nai abina onóñede. ³ Mei dáamie Juzíñamui izíruia, afe íbana Juzíñamui ñue afémiemo éroite.

⁴ Mei ja birui jánarai ióbitallena fia fecaca rille ifue llóiticue. Omoimona dáarie bie izói daidíai: “Afe rílleniaina ríiri” daidíai. Jiáimaci “Riñeno iri” daidíai. Fueñe bífuiaimo omoi cácarei. Mei ñue onóigaza bie jánarai nahí ráañede, ráifiñede fia raaza. Daje izói ñue onóigaza jiáie Juzíñamui jaca iñede. Juzíñamui jaca daade. ⁵ Mei comini, monamo aillo ite juzíñamuillai daíadi, daje izói biniemo jiái aillo juzíñamuillai ite íai: daíadi, íeñede. ⁶ Mei íadi cáimona cai Moo Juzíñamui jaca daade. Afémie baimo jiái juzíñamui iñede. Uáfueza comini juzíñamuina mameca taino juzíñamuillai aillo ite. Daje izói íai: mameca Juzíñamui jabóidillaini aillo ite. Mei íadi cai onoiga daade Moo Juzíñamui naga ráaniai finódimie. Iemo bie cai afémie íena iticai. Iemo jiái cai Ocuídímie daade; afémie Jesucristona. Afémiedo naga raa comúitaga. Cai jiái daje izói afémiedo comúitagacai.

⁷ Mei íadi nana comini nai bífuiaina onóñediai. Dámierie nai jánaraina ióbitajana fibídíai. Afémacimona taino juzíñamuimo fecaca güillena, “Bie güille cai juzíñamuillai ie” comeci anado daidíai. Daí íai: comécilla mei áfena ritíai. Iemona afe taino juzíñamuillai güilledo íai: ifoci úrillana bacadíai, mei íai: ínogafuena nai figo baitáñediai. ⁸ Mei uáfueza, fia cai güigado Juzíñamui caimare caina uáidoñede. Cai güia, nibai cai güíñeniadi áfena Juzíñamui lloñede. Cai güiadi, afémie íena caina caimare íñoñeite. Daje izói güíñeiticai íadi, caina fieni íñoñeite. ⁹ Iemona ja onódicaiza rairuíño güiredicai. Mei íadi áfemona abí omoi rairuíoicairi, mei dáarie íai: ínogafuena nai figo baitáñediai. Jánaraimo fecaca rille o ríana íai: fidíadi, afémacina fiénidífue mo baítatio. Afemona abí omoi rairuiri. ¹⁰ Afe bie güille ráiruíñegaza onódio. Iemona jánaraimo dúide güirácomo güizájidio. Afe llezica ínogafuena nai figo baitáñedímie o güillana cióadi, afémie dáite: “Cue jiái cue güizájiticue,” dáite. Mei íadi afémie dibénemo, taino juzíñamuillaina jacíruillano afémacimo fecaca güille güite. Daí ie íllamona dama ie comeci úrilla bécade. ¹¹ Iemona o ñue onóigafuedo, figo baitáñede o ama fiénidífue diné féiraitadio. Mei íadi Cristo jiái afémie jlloillena tíide. Jira o afémie féiraitalle fiénide. ¹² Afe jira, ínogafuena nai figo baitáñedímie fiénidífue mo afémie o ífóadi, áfede Cristo fieni finódio. ¹³ Ie jira rille cue ría ícoina cue ama fiénidífue mo cue baítaiza, ja benómona jaca ríllena ríñeiticue. Daí cue illa jamánomo ñuera, afémie fiénidífue mo cue baítañeillena.

9

Jesucristo orécamie buna ráiruíñega

¹ Ñue onóigaza, nana jiáie Jesús jiáinomo orécami: izói, rairuínicue. Mei cai Ocuíraima Jesuna afémaci íena ciona izói, íena jiái ciódicue. Iemo jiái omoi dani Jesumo ínogano cai Ocuíraimamo cue tájinamona comuide. ² Jiáimaci, “Bie Pablo Jesús óreñegamie” nibai cuena dáitiai. Mei íadi afe izói cuena daínidímo, ómoina cai Ocuíraimamo ja ínotadícueza. Iemona omoi dani Jesumo ínuamona, cuena bie uáfueza Jesús orécamie daítaite.

³ Omoimona cue uáitatino uaina bie izói óiticue. ⁴ Juzíñamuimo gairídino cuemo fecaca güille naa jirole diga áfena cue llínolle bu cúemona rairuíñede. ⁵ Daje izói jítadicuena jiáie Jesús orécamie finua izói, Jesumo ínotingona cue aina óredicue, cue

diga jácaillena. Iemo afengo jitaile güille daje izói ómoimona llínoredicue. ¿Ero ua? Ua, cai Ocuíraima Jesús ámatiai naa Pedro diga, ringo ua izói, cue jiái afe izói ringona óredicue. Iemona afengo ómoimona ecárede. ⁶ ¿Mei omoi nie izói comeci facádiomoi? ¿Nibai coco dáaillinoi cue nabai Bernabé diga, nanómona coco ónoído tájjinafuenta fáicanocainidicoco, ñúefue coco llujillena? Mei feñedeza. ⁷ Mei daje izói ¿nie fuiríraima dama ie güille diga jáirena? Jáinide. Jaca afénomo ecácaza. ¿Nie come jíriconá riádi áfemona afe llizíllajina afémie riéñede? Jaca afe izóidimie iñede; jaca afémie aféjjaina riéñede. ¿Mei nie ovéjaiai úiñotimie ie úiñoga oveja monoi omida afémie jiróñede? Jaca afémie áfeji jirófired. ⁸ Fia come daina izói bífuiai cue llua daíí omoi comécíñeno iri, mei jaiái Moisés cai ocuilla uai daje izói dáideza. ⁹ Afe ocuilla uai cuiánicomo daide: Arroz izoide trigo, juráreto gájirillena zázia llezica, áfemona íaiói güllleza fue maiñeno iri. Ñue onóigaza, bífuenta Juzíñamui dama juráreto jíicana daíñedeza, ¹⁰ mei jíáfodo biedo Juzíñamui cai llote. Bie ocuilla uai cai ñue íllena cuega. Mei jii, jacafai tíeraima afénomona llizide raana otá güirede. Daje izói trigo gájirillena juráreto zaizítatimie áfemona otá güirede. Afemona afe íaillinoi güillena caimare ocuírídiailinoi. ¹¹ Iemo ritímie rífirega izoide Juzíñamui uailai ómoimo fueñe lloticue. Ie mei birui ómoimo ite bínie ráaniai abido cue maiñolle figura. ¿Mei nibai ómoimona bie áillue izói cíoide? ¹² Mei jíáie llófueraini ómoimona íaiói güillena ófirediaioiza, ie mei bie cai afémaci baímo fia ecáregacai.

Mei íadi bie daina izói cai güillena ocuíñedicai. Mei jíáfodo ómoimo ñúefue lluaíbiticue. Nana cue jitaiga ráaniai dama cue íbaca. Omoimona minícana fia onédicue, cue lloga Cristo daina uaina omoi ruifruiza daí. ¹³ Mei jii, jíáfue ñue onódiomoiza, nana Juzíñamuimo gairíracomo tájjifredino afeco ie güllledo írediaioi. Bifue bie izói daíacade; nana Juzíñamui íóbitallena fecaca rille jobáiranomo tájjifredino, afénomo fecaca rillemona come jitáillaze otá rírediaioi. ¹⁴ Mei birui cai Ocuíraima daje izói ocuide. Nana jíllona uai llócaidino, íaiói llófuega comínimona güillena otá güirediaioi. ¹⁵ Mei íadi cue bie daina izói jaca finóñedicue. Daje izói bie cue cuegábedo ómoimona minícana fia jícañedicue. Güille ómoimona cue jícañenamona júbieri tíidicuenta, afe figo cuemo ráifíñede. Raiñóñeno bie ñúefue cue llujáiri iere íóbidicue. Afe bie cue íóbillafue cue tíilla baímo jamánomo ráifide.

¹⁶ Jíllona uai cue llócaillado abina ínonidicue, mei afe llócaillena jónegacueza. Bifue llócaíñedicuenta jñii duere cue zefuilla! ¹⁷ Ie jira, dama cue comeci jitailla izói bífuenta cue llócaíadi, Juzíñamuimona jirídoredicue. Mei íadi afe izóiñedeza. Juzíñamui cue nízano bie ñúefue cue llócaillena cue jónete. Afena cue jaca jámairuinidicue. ¹⁸ Iemona daíí cue llócailla jirídua jíáfodo jóide. Nie afe cue jirídoga daítana fia cue íóbillafue; mei raiñóñeno bie ñúefue cue llujáillari iere íóbidicueza. Nana cuemo dúide tájjinana íbátáñedicue. Uai llóraima izói cue tájjinamona, cuemo dúide ráaniai ómoimona raiñóñeno fia onédicue. Aferi iere íóbidicue.

¹⁹ Mei comínimona buna ráiruiñegacue, mei íadi nana comini ocuíllimiena abí mamédicue, baímo aillo comínina Crísto cue jaináitallena. ²⁰ Judíuai cígimo cue illa llezica, judío ímiena abido jáidicue, afémaci Crísto cue jaináitallena. Bie izói daina, Moisés ocuica uai anamo itínona Crísto cue jaináitallena, afe Moisés lloga uai anamo abí jóneticue. Mei íadi uáfuenta afe ocuica uaimo dúíñedicue. ²¹ Iemo jíáinomo, afe Moisés ocuica uai anamo iñédinona Crísto cue jaináitallena, íaiói izóidimiena jáidicue. Mei íadi uáfuenta Cristo uai anamo cue íllamona Juzíñamui uai anamo iticue. ²² Juzíñamuimo ínogafuenta nai figo baitáñedino cígimo cue illa llezica, afémaci izói abi mamédicue, afémaci Crísto íaiói ínogafue cue móonaitallena. Bie izói daina, nana comínimona illa dígamie íaiói illa izói ícadicue, mei nibai jíáfodo íaióimona dáarie cue

jíllotallena. ²³ Nana bífuiaina finófiredicue cai jíllona uai jica jalléillena. Daje izói bífuiaí finódicue, ñuera cai jíllotate uai caimo onótaga núefuiaina cue maiñólleza.

²⁴ Ja onódiomoiza, jíáimacimona aillo comini áizia, illa dígamie fia jírdoga raana oñede. Dáamie jírdote. Mai riire omoi aizi, jírdolle raa omoi jírdolleza. ²⁵ Nana jífanuafuemo maméritino, jífanoiacana uícodo abina náinitade raana fímaidiaioi. Afémaci iere abina fímaidiaioi, raire zábifirede raa íaioi jírdollena. (Mei aféruillaido íaioi jírdoga rábiaí finoina ifo icuifoí are iñeno raire etúdeza.) Mei íadi jíáimaciri fuírienailla izói, riire nícidoticaí, jaca ninomo zábinide raa cai maiñólleza. ²⁶ Cue díbenemona únidímie izói ebena aizíñedicue. Iere níciduano, come jana fatímie izói táinona fañédicue, mei íadi comini ñue ínotallena riire nícidotícue. ²⁷ Mei jíáífodo abi fímailla izói cue abina duere finódicue. Daíí abi cue rairuállamona dama cue abina ñue jíeruitadícue. Bie izói finóicaidícue, jíáimaci cue llócailla mei, ruífíruillano Juzíñamui jino cue dótañeillena.

10

Jánaraimo caimátaifiredino lleta uai

¹ Cue ámatiaí, bífuena ómoína fidítaacadícue. Nana cai jaiáidígima Juzíñamui jóonega mona uílliena eroide raa anado jáioicaidiaioi. Daje izói nana afémaci Jíairede Monáillaina ruica jaitádiaioi. ² Daíí íaioi jáillamona afe mona uílliedo, daje izói monáillaido dájena Moiséoiri jaináitagaiaioi. ³ Daje izói nana afémaci Juzíñamui monámona cocítaga güille güífirediaioi. ⁴ Iemo nana afémaci afe Juzíñamui nofícimona totátaga jainoi jírófirediaioi. Mei íaioi jáioicailla llezica afe íaioi nabáioicaide jamánomo riirede nofici llócuca jírodiaioiza. Afe nofici daina Cristo. ⁵ Mei íadi afémaci nabézie Juzíñamuina ióbitañede. Iemona zaféredizicimo tícoizitiaioi.

⁶ Nana bífuiaí cai onóillena daíí íficaide, afémaci gaiga fiénidífuiaina cai gáíñeillena. ⁷ Afémacimona dámerie jánaraimo caimátailla izói omoi caimátaíñeno iri. Juzíñamui Cuegáuai íaioi finócafuenta bie izói daide: “Afe comini fia ráinaillano güífirediaioi, jírófirediaioi. Afe mei náidacaillano rafue finoda záifirediaioi.” (Daíí íaioi jánaraimo caimátaitaioi.) ⁸ Afémacimona dáarie jíruírena izói, mai cai íñeilli. Daíí íaioi jíruírenamona afémacimona daje monado veintitrés mil dígamie titácaiaioi. ⁹ Afémacimona dáarie Juzíñamui afémacimo raire járitañenafuena náfueñeno, fiene íena facátatiaioi. Afemona díga comini Juzíñamui oreca jaio ainica íaioi tíilla. Mei jira, afémaci Juzíñamui fiene facátaja izói mai íena cai fácatañeilli. ¹⁰ Daje izói Juzíñamuimo omoi ríiriñeno iri. Mei afémacimona dáarie Juzíñamuimo ríiriillano úrioidino titade Juzíñamui abi ímie titácaiaioi.

¹¹ Nana bífuiaí cai jaiáidígimamo íficaide, áfena cíoillano comini bífuiaimona ñue abi cai rairuállena. Afe mei, cai onóillena Juzíñamui afe bífuiaí ie Cuegánicomo cuetátate, afe izóidífuiaimona cai bigímaiaí ñue abi cai rairuállena. Mei ja birui írairuillaímo itícaiza. ¹² Mei áfemona, “Ñue ínotícue” daidímie daítadífuemona ñue abí rairuiri, afémaci izói cai báíñeillena. ¹³ Omoímo comuide facátaina duere zefuállafuiaí, daje izói nana jíáimacimo comuide, dani ómoiñedeza. Mei íadi Juzíñamui jaca ínofiregamie. Mei onódicaiza, Juzíñamui caimo ite máirie baimo, riirede facátafuedo caina fácatañeite. Mei jíáífodo facátafue comuilla llezica Juzíñamui áfemona omoi jílluille iona ómoína onótaite. Afemona afe facátafuena ja ñue ocuirediomoí.

¹⁴ Ie jira, cue izíruiga ámatiaí, jánaraimo caimátaiillamona oni omoi jírecairi. ¹⁵ Ráfuenta baitádinomo úrilla izói ómoímo úriticue, íemo ómoína cue daíillífuemona dani ñue comeci omoi facari. ¹⁶ ¡Cácarei! Cai Ocuíraíma tíillamo cai úbicaillena, ñue finoca comunióon illácurimona cai jíróadi, Cristo díena dájena caimare mamécacaí. Daje izói afe

illa dígamie mo fecaca comuniómo jainaide pan, cai güíadi, Cristo abina dájena caimare mamécacai. ¹⁷ Aillomaci cai íadi, daje pan cai güíllamona daade come abina iticai.

¹⁸ Mai Israel nairai finoca ráfuiaimo comeci omoi facari. Juzíñamuimo fecaca rílleniai ritino, afe fecaca ríllemo dájena mamécaiaioi. ¹⁹ Bie cue dáinamona jánarai ua raaza dáiaicañedicue. Daje izói, afe jánaraimo caimátaillena fecaca rille, jáie rille baimo ráifideza dáiaicañedicue. ²⁰ Cue daina bie izoide: Juzíñamuina onóñedino fia iga raa afe jánaraimo íaioi feca llezica, afémaci Juzíñamuimo fecáñediaioi; mei fiénide jóriaimo fecádiaioiza. Afe fiénide joría anamo dájena caimare omoi itábicaire, daíñedicue. (Daítademonona ómoína rairuíaacadue.) ²¹ Fiénide joría ichécoimona omoi júrua llezica cai Ocuíraima ichécoimona jirónidiomoi. Daje izói fiénide jóriaimo mameca rílleniai omoi ria llezica, cai Ocuíraima mameca comunióna güínidiomoi. ²² ¿Meita cai Ocuíraimana rícaitaacaduomoi? Jaca daí íacañedicai. ¿Meita cai Ocuíraima baimo rírediomoi, afémie duere omoi fínoñellena? Jaca daí rínidicai.

Crístomona comuide conímana cai izíruillafue cai rairuíninafue baimo ñuera

²³ Uáfueña daina. Dámie ie comeci jítaina izói fínuana rairuínide. Mei íadi afe izói illa cómena canóñede. Mei uafue, dámie ie comeci jítaina izói írede, mei íadi afe ie comécina mánaitallena ñue canóñede. ²⁴ Dani omoi ñue illifue jenóñeno, jáímaci ñue illifue jenórediomoi.

²⁵ Fecáriracomo nana fecaca güílleniai jáífodo o ifoci úrillado jicánoñeno uái daí omoi güiri. ²⁶ Mei nana bínie Juzíñamuimo dúideza naa áfemo ite rílleniairi.

²⁷ Mei jáíruido Juzíñamuimo íñoñedimie ona: “Güizaibi” daíadi, jaillano jáífodo ifoci úrillado jicánoñeno nana o ie écajana uái daí güiri. ²⁸ Mei íadi dáamie: “Bie líciai jae jánaraimo fecácaza,” ona daíadi, áfena riñeno iri; daí daidímie comeci fiéni o fínoiza. Daje izói afémie ifoci úrilla o úaitañelleza. ²⁹ O ifoci úrillana lloñédicueza, afémie ifoci úrilla o zánoñeillena, daí daidicue.

Mei nibái dáamie jicánoite: “¿Níbái mei jáie come ifoci úrillado rairuícacue? ³⁰ Nana cue güígarí Juzíñamuina: Figora cue daía, nibái mei jáíma cue güíllari fiéni úrite,” daí afémie dáite. ³¹ Iemona bizóidifue ñuera: Omoi güilla llezica, omoi júrua llezica, nana omoi jetáacaigafue jeta llezica, mai nana afe omoi finóacaigafuina Juzíñamui ióbillena finori. Afe daí aillo ñúefue íemo nítaitiomoi. ³² Ninó jáímana oni nibéfodo fiénidifue mo o illáfuedo baítañeno iri. Ua, judúuaina baítañeno iri, daje izói judíoñedinona baítañeno iri. Iemo Juzíñamuimo ínotinona baítañeno iri. ³³ Cue dibénemona, nana comínina nana cue finócafuiáido ióbitaacadicue. Dama cue ñue illifue jenóñedicue, mei jáífodo nana jáímaci ñue illifue jenódicue, ñue íaioi jílloillena.

11

¹ Cristo ciótaga ñúefuedo cue jailla izói, ómoimo cue ciótaga ñue illáfuedo omoi jairi.

Juzíñamuimo cai caimátaifirena llezica, ringóniai jaca jáímacina lletánidiaioi

² Cue ámatiai, ómoimo ñúefue nítaiticue mei cuemo uibíoifirediomoi. Daje izói omoi cue llófuiana jeire uano áfedo jáifirediomoi. ³ Mei íadi ja birui jáífueña omoi onótaacadue. Bifue bie izoide. Cristo nana íñiaí ifoci izói Ocuídímie. Iemo nana ringo ie ini ocuica; afémie afengo ífódímie. Afe izói Juzíñamui Cristo ifode. ⁴ Iemona dáamie Juzíñamuimo úrilla llezica, ie ifoci ibaia, afe ie ífócina meaire finode, mei ifoci ibailla jáie come ocuilla anamo íllana llóteza. Daje izói Juzíñamuimona onoiga uai afémie llua llezica, ifoci ibailla ie ífócina meaire finode. ⁵ Mei jáífodo, daa ringo Juzíñamuimo úrilla llezica, íemo Juzíñamuimona onoiga uai llua llezica, afengo ie ifoci íbaíñenia, afe afengo ífócina meaire finode. Afe íbaíñena afengo ífo itírai nana cuidoca izoide. ⁶ Daa ringo ifoci íbaiaicañeniadi mei dáaruído nácina cuidórede. Mei nácina cúidocana, ifoci íbaíñena daje izói meáirede. Mei íadi ringo ie ifoci naado cúiduana meáruiaí, afengo ifoci íbaírede. ⁷ Íñiaí íaioi ífócina íbáinidiaioi, mei iima Juzíñamui jánana eróideza. Daje

izói iima Juzíñamui ñue ocuilla ríinona jino cíotatimieza. Mei íadi ringo iima ñue ocuilla ríinona jino cíotaite. Uáfueza, Juzíñamui íñiaí anamo iñena izói, afe izói íñiaí ringóniaí anamo iñede. ⁸ Mei iima Juzíñamui fínua llezica, ringómona finóñedeza. Mei jíáfodo ringo ímamona finócaza. ⁹ Ima jitailla jira ringo finoca; mei íadi ringo jitailla jira iima finóñega. ¹⁰ Afe jira ringóniaí ífócina íbaírede, afengo ie ini ñue ocuícana anamo illa daiíllena. Daií írediaíoi mei Juzíñamui abi imaci eróicana itáiaíza. ¹¹ Mei íadi Crístomo cai jainaina dño iima ringónino ínide. Daje izói ringo íimanino ínide. ¹² Mei uáfueza ringo ímamona finoca, daje izói uáfueza naga íñiaí ringo jéiciga. Iemo nana Juzíñamui comútagacai.

¹³ Bíemona ¿nie izói comécidiomoi? conímamo omoi daini. Ringo ifoci íbaíñeno Juzíñamuimo úriadi, meita figora, ñibaí figóñede. Mai daini. ¹⁴ Nanómona omoi izóidino griego imaci onóigaza: ima ífótiirena baiñede; meaire cíoideza. ¹⁵ Daje izói afe abina cai onónafue jíáfuenta dáanomo cai llote. Ringo ífótiirena ñue baite, mei áfedo aféngomo ñúefue nitaitiaíoi. Jaca afe ringo ifoci íbaíllena, ie ífótií áretiina comútaga. ¹⁶ Mei dáamie bizóidifue júfidoacaniadi, bie cue llógamo mai cacai, mei Cristo orécamací cue diga jíáfoidifuenta náfueñedicaí. Daje izói Juzíñamuimo ínotino bifue baimo jíáifo maméñediaíoi.

Cai Ocuíraimamo cai uibíñoga güilla rafue jíáimaci bácaca

¹⁷ Bie izói cue dáinado ómoimo ñúefuenta nítañeiticue, mei omoi gairíllafuiaímo ñue iñeno, conímama fieni finódiomoíza. ¹⁸ Fueñe bifue llóiticue. Dámierie omoi illáfuenta cue fídítatiaíoi. Juzíñamui cáimacaillena omoi gairilla llezica, jíáimana énenoruidiomoi, daidíaíoi. Afémaci cuemo llógana jabo ínoticue. ¹⁹ Afe eneno bozíetaillafue comúfiredeza, ñibézie Crístomo nahí ínotinona, ñibézie ínoñedinona jino uáfodo daiíllena. ²⁰ Conímama omoi énenoruillamona, bie izói zúide. Gairíllano omoi güillafue omoi bácacaza, ja birui áfena cai Ocuíraíma íeñede. ²¹ Mei güizájillamo dúcina llezica, illa dígamie dama ie atica güille güizájillena járitaífirede. Iemo dáarie jufíruilla llezica, jíáimaci jífáizaíbitiaíoi. ²² ¿Meita birui omoi jofónidíomoi, afénomo güitá omoi jiróllena? Bie izói omoi íllado Juzíñamuimo nahí ínotinona jámairuitíomoi. Afe dáaruído güíllenidíinona meáiruitadíomoi. ¿Mei nie izói ómoína dáíitíicue? ¿Mei ómoimo ñúefuenta nitáredíicue? ¿Aferi ómoimo ñúefuenta nitánidíicue!

Cai Ocuíraíma íraicaiño güíllamo cai ubicaillafue

(Mt 26.26-29; Mr 14.22-25; Lc 22.14-20)

²³ Uáfueza, cai Ocuíraimamo cai uibíñoga güillafue fieni omoi fínuaímona, ómoimo ñúefue nitánidíicue. Mei nauí ómoína cue dáina izói, bie omoi cue llófuiáfuenta dama cai Ocuíraíma llotátacacueza. Afefue be ñie: Cai Ocuíraíma Jesús afe ie Judas fécaja naio, pan llíinote. ²⁴ Llínuano Juzíñamuina: “Iere figora” daide. Daina méifodo fécano daide: “Mai omoi güi. Bie cue abi; omoi ñue íllena dítaica izói ómoimo cue fecácaza. Bífuedo cuemo omoi ubicaífireiri,” daide. ²⁵ Daje izói íaíoi güilla méifomo, jiróracuri llíinota daide: “Afe bie jiróracuri eromo ite íji, ómoimo cue comúítalle cómofuenta ómoína onótate. Afe bie Juzíñamuimo dájena omoi jaináítalle cómofuenta cue díe uáfuenta íficaitate. Diga ícaíño bie íjimoná omoi jiróadi áfejido cuemo omoi ubicaífireiri,” daide. ²⁶ Nana bífuiáí jira, Jesucristo nai meine ana biñena llezica, nágaruillaí bie pan omoi güíadi, íemo bie jiróracuri ero íji omoi jiróadi, áfedo Jesús cai ícoína tíillana jino uáfodo llóitíomoi.

Afe bie cai Ocuíraimamo cai ubicaillafue jaca ñue comécíillamona finórede

²⁷ Mei jira, nie come bie paana Juzíñamuimo ñúefuenta nitáñeno güíadi, daje izói afe jirócaí afémie fieni jiróadi, afémie cai Ocuíraíma abi naa ie díe diga fieni finode. ²⁸ Ie jira, illa dígamie nai afe pan güíñena llezica ie ifoci úrillana ñue onórede; daje izói áfejí ie jiróacana llezica áfena onórede. ²⁹ Mei onóigaza afe pan Cristo abina caina onótate.

Dáamie aféfuena ñue náfueneño ebena güíadi, afe daií ie güíllamona dama Juzíñamui íena duere fínoite. Daje izói dama Juzíñamui ie duere finóllji jírúa izoide. ³⁰ Daií omoi íllamona ómoimona aillo irárediaioi. Jiáie comini náinidiaioi. Iemo daje izói dáarie tíidiaioi. ³¹ Mei jiáifodo dani cai ifoci úrillana ñue cai náfueia Juzíñamui caimo riire jícanoñeite. ³² Mei íadi cai Ocuíraima riire caimo jicánoiadi, afe jicánuado afémie izire caina lletade biniemo ite Juzíñamuimo ínoñedino diga cai duere fínobiñeillena.

³³ Mei cue ámatiai, bie izóideza: Comunió gütállena omoi gairíadi, dámie raire güiñeno dájena omoi güitálleza conima omoi úiñori. ³⁴ Dámie ie jufíruiadi dama ie jofomo güizájirede, fieni omoi gairíllado Juzíñamui duere omoi fínoiza daii. Ico omoi cue eróizaille llezica, omoi jicaca jiáifuiái jaícina jóoneiticue.

12

Juzíñamui Ñuera Joreño illa dígamié Juzíñamuimo cai táijinana fibíllena caimo fecade

¹ Amatai, Juzíñamui Ñuera Joreño illa dígamiemo fecaca Juzíñamuimo táijinana fibíllena ómoína fidítaacadícue.

² Ñue onódiomoiza, nai Juzíñamuina omoi onóñena llezica, úrinide jánarai anamo íllena cuinada zonóicaigaomoi. ³ Iemona: “Bífueña omoi onoiri,” daidícue. Jesuna faidódimie jaca Juzíñamui Ñuera Joreño úrinide. Daje izói Juzíñamui Ñuera Joreño úriñedimie jaca uáfueña, “Cue Ocuíraima Jesús” daíñide.

⁴ Illa dígamiemo afe fecaca jiáiforie Juzíñamuimo táijinana fibíllena ite. Mei íadi aféfuiaí daade Juzíñamui Ñuera Joreño fecácaza. ⁵ Illa dígamié jiáiforie conímána canóredicai, Juzíñamui ocuícamacina cai íllena. Mei íadi daade cai Ocuíraima anamo iticai, ie cai ióbitallena. ⁶ Illa dígamiemo cai illafue ñue jaícina jóoillena, Juzíñamui diga jiáiforie caina ocuíoide. Mei íadi daade Juzíñamui nana comínina ocuíoide. ⁷ Juzíñamui Ñuera Joreño caido jáicanana cai ónoillena facáfírena raana illa dígamiemo Juzíñamui fecade, nana jiáimaci cai canóllena. ⁸ Ie jira Juzíñamui Ñuera Joreño dáamie iere baitádimiána jáillena íena fibítate, jiáimaci llófuellena. Iemo jiáimiana daje Ñuera Joreño nimáiraíma úrifírena izói úrillena íena fibítate. ⁹ Iemo jiáimaci afe daade Ñuera Joreño jamánomo Juzíñamuimo ínotagaiaioi, áfedo jiáie Juzíñamuimo ínotino ñue canóllena. Ie mei jiáimaci iráredino jíllotaraimana fibítagaiaioi. ¹⁰ Iemo dáarie uaido dáinamona comuide raa fínuaña fibítagaiaioi. Iemo jiáinona Juzíñamui daína uai uáfodo jino llóllena fibítagaiaioi. Iemo jiáimacina nie ua Ñuera Joreño úrillana daje izói nie taino jóriaído úrillana onóillena Juzíñamui fibítate. Iemo jiáimacina nai llófueñega jiáiforiende uáillaído úrillana onóillena fibítagaiaioi. Iemo nai jiáimaci afe daína uailái ñue jino dobáiñuana onóillena fibítagaiaioi. ¹¹ Mei íadi nana bífuiaí daade Juzíñamui Ñuera Joreño fecaca. Ua dama ie óiacana izói, illa dígamiemo jiáiforiende fibíllafuiaína fecade.

Nana cai bie dáamie abimo dúidicai

¹² Bífuiaí nana bie izói jóide, mei Cristo íemo ínotino diga, daade abi izóideza. Afe daade abimo jaináidinuaína aillo ite. Mei aillo ite íadi, nai afe abi daade. ¹³ Afe izói aillo jiáifoidinona cai íllamona, nibai judíodicai, nibai griégodicai afe jaca mámeñega. Mei daade Ñuera Joreño nana cai daade abina jaináitagacaíza. Daje izói nibai rairuicanodicai, nibai ráiruiñeganodicai daje abina iticai. Ua daade Juzíñamui Ñuera Joreño daade abina finócacai. Afe daade Juzíñamui Ñuera Joreño úicaitagacai.

¹⁴ Cai abi daje izóiñede, mei diga ráaniaí daade abimo jaináinaza. ¹⁵ Mei jii, come eiba: “Cue bie ónoñedicueza daje abí iñédícue,” daííadi, daií daínado daje abimo ie jaináinana uáitanide. ¹⁶ Daje izói come jefo: “Cue bie uíjiñedicueza daje abí iñédícue” daííadi, daií daínado daje abimo ie jaináinana uáitanide. ¹⁷ Mei cai abi nabáinino daa úji íadi ¿nie izói cácaíticai? Daje izói cai abi nabáinino daa jefo íadi ¿nie izói jálliana cácaíticai? ¹⁸ Mei íadi

nana cai abimo jaináidinuiaina, afe abimo ñue baitínuiamo, Juzíñamui ie comeci jítaina izói jóonete. ¹⁹ Nana cai abi dáadeniadi afe nabáñiaia illino iñede. Ua abi iñede. ²⁰ Mei íadi ja onódiomoiza, dáamiemo jaináidinuiaina aillo ite, íadi jaca ie abi daade.

²¹ Daje izói nane jiáífue, cai ui ónoina: “Ona jitáíñedicue” daíñide. Daje izói ifoci eíbana: “Ona jitáíñedicue” daíñide. ²² Mei jiáífodo cai abimo ite mairíñedino iere jamánomo jitáirede. ²³ Daje izói cai abimo ite figo coméciiñegano áfena iere ñue uíñoticaí. Iemo cai abimo jino uáfodo cíotanidinona, áfena iníroido ebire finode. ²⁴ Mei íadi cai abimona uáfori cíoidino cíotanidino izói ebire finónidiaioi. Bie izói Juzíñamui cai abimo itínuiaina dájemo jofo ñue zorode, cai figo coméciiñeganomo ñúefuena jamánomo cai nitállena. ²⁵ Juzíñamui daí zorode, cai abimo itínuiái conímama énenoruiñeillena. Mei íadi jiáífodo illa dígano conímamo comeci úirede. ²⁶ Come abimo itínuiamona daano izi cácana llezica, nana jiáinuiaí daje izói duere zéfuitaioi. Daje izói dáanomo ñúefue nítano caimare íadi, nana jiáinuiaí dájena caimare itíaioi.

²⁷ Mei jira bie izói nana omoi Cristo abídiomoi. Omoimona illa dígamiaí daa ie abimo itínuiái izóidiomoi. ²⁸ Afe jira Juzíñamui jiáífodo táijinana dáarie íemo ínotinomo jóonete. Nano fueñe Cristo orécamací jóonete. (Afémaci jiáífo mameina ie apóstoles.) Afe mei jiáinona Juzíñamuimona ogáfuaí uáfodo jino llotino jóonete. Afe mei nane jiáinona ie uai llófueraini jóonete. Iemo uaido dáinamona raana comútatino jóonete. Iemo iráredino jíllotaitino jóonete. Iemo jiáimacina canófredino jóonete. Iemo jiáimacina ocuífireitino jóonete. Iemo nai llófueñega jiáizie uáillaído úritino jóonete. ²⁹ ¿Meita cai nana Cristo orécánodicaí? Ieñedicaí. ¿Meita nana cai bie Juzíñamuimona ogáfuaí uáfodo jino llotínodicaí? Ieñede. ¿Meita nana cai ie uaina llófuetinodicaí? Ieñede. ¿Meita nana cai bie uaido raana finódinodicaí? Ieñede. ³⁰ ¿Meita cai bie iráredinona jíllotaredicaí? Jíllotanidicaí. ¿Meita cai bie nana nai llófueñega jiáizie uáillaído úritinodicaí? Ieñedicaí. ¿Meita cai bie nana aféuai dobáñuano jino uáfodo llóredicaí? Jaca nana llónidicaí. Dámierie dobáñorediaioi. ³¹ Mei ie jira, nana bie fibíllafuiaimona baimo ñuera fibíllafuiaína Juzíñamuimona omoi óllena afe omoi nícidori. Mei íadi afe fibíllafuiaí baimo, jiáie ñúefuena ómoimo llófueiticae.

13

Jiáimana cai izíruillafue

¹ Mei uáfueza, nai llófueñega jiáizie uáillaído úrillana cue fibíadi, íemo afe baimo Juzíñamui abi imaci úrilla izói úrillana daje izói fibídicae ia, mei íadi jiáimana cue íziruiñeniadi, fia taino ficírede juai izóidicae. Iemo jiáie taia ficírede lloéturu izóidicae.

² Daje izói Juzíñamuimona ogáfuaí jino llúana cue fibíadi, íemo nana nai uáfodo onóñegafuaí llúana cue fibíadi, íemo jamánomo nimáiraimana cue jáiadi, íemo idu jáinua Juzíñamuimo ínogafue cuemo íadi, mei íadi jiáimana cue íziruiñenia, táinomo fáifiticae. ³ Daje izói, nana cuemo ite ráaniaí jiáimaci canóllena fia cue fecáadi, íemo Juzíñamui ióbitallena dama cue abi cue jobáitaiadi, mei íadi afe llezica jiáimana cue íziruiñenia, nana cue finócafuaí cuemo ráíñede.

⁴ Mei jiáífodo, jiáimana izíruitimie jaca jaritaiñede. Afémie dúcaifirede. Daje izói úradoifñide, íemo afémie uícofñede, íemo fieni abí íñoñede. ⁵ Daje afe jiáimana izíruifredimie meáiredifuena jaca lloñede, íemo afémie ie abina jacire maméñede, íemo afémie jaca ríicaifñide. Jiáima fiénidifue íemo finóadi, fieni coméciiñeno raire féitate. ⁶ Afe jiáimana izíruitimie jiáimaci fiénidifuaí fínuari zúureite, mei jiáífodo ua ñúefueri ióbifirede. ⁷ Nana íemo comúidifuaíri caimare ocuide. Raire jaritaiñeno aféfuiaimo ñue úíñoode. Juzíñamuimo izire ínuano aféfuiaíri jacínaiñeno ñue ocuírde.

⁸ Izíruillafue zíñona jaca záíñeite. Mei íadi Juzíñamuimona uímodo onoiga ráfuiaí záite. Daje izói jiáimaci uáillaído úrilla líicaite; íemo daje izói ifócido onóigafuaí

záite. ⁹ Mei biruúllaído cai ifócido onóigafuiai ñue ícoimo baitáñedicaiza, jabo onódicai. Daje izói Juzíñamui uícodo onoi ga ráfuiaimona due jino lloticai, mei due onódicaiza. ¹⁰ Mei íadi uire Juzíñamui nana ráfuiai caimo baitálliruimo afe ícoimo ñue báitañegafuiai fáicanocaille.

¹¹ Nai cue úruena llezica úruiaimo itífuiáido úriticue. Urue comeci fácaja izói, comeci facádícue, íemo úrue ifoci úrilla izói iticue. Mei íadi ja cue móonailla llezica, úrue illa izói cue illáfuiaina fáicanocaidícue. ¹² Daje izói birui Juzíñamui dibénemo cai onóigafuiai jaicúlbicaide. Dámie jáiaira acáranimo figo cóioñena izói afe izói Juzíñamui ífuiaina birui figo baitáñedicaí. Mei íadi ico jíáiruido nana ñue báitaiticai. Birui cue ifoci úrilla figo déiñedeza, jabo onódícue, mei íadi aféruido nana ñue ónoitícue. Jii, Juzíñamui cuena onona izoi ñue jaícina ónoitícue. ¹³ Mei daí Juzíñamuimo ínogafue, íemo jíái ocuírínafue, íemo jíái izíruillafue jaca zíñona féiñeite. Bie daámanidemon a izíruillafue iere jamánomoide.

14

¹ Mei ie jira, afe izíruillafue iere jeire omoi oiri. Afe ua llezica Juzíñamui Ñuera Joreño fecaca jíáiforie táijjinana fibíllena izire omoi jenori. Omoi jenolle llezica, Juzíñamuimona onoi ga uai jino llua baímo izire jicari. ² Mei íadi dámie nai llófueñega jíáizie uaido úriadi, dama Juzíñamuimo úrite. Comínimo úriñede; mei afémie úrillana buna canóñenaza. Afe ónoñega uaido úritímie Ñuera Joréñodo úrite, mei íadi afémie daína uai uáfodo onóñena báinino jóoide. ³ Mei jíáifodo afe Juzíñamuimona onoi ga uai llotímie, comínimo úrite íaioi joreño dibéfuemo íaioi ñue móonaitallena; daje izói ñue íaioi náireillena, íemo jíái íaioi caímare fírrallena. ⁴ Afe jíáizie uaido úritímie dama ie joreño dibéfuemo móonaite; mei íadi afe Juzíñamuimona onoi ga uai llotímie, Juzíñamuimo jaináidinona ñue móonaitaite.

⁵ Afe nai llófueñega jíáizie uaido úrillana nana ómoiena jitáidícue. Mei íadi Juzíñamuimona onoi ga uai jino omoi llóllena iere baímo jitáidícue, mei afe onoi ga uai jino llua, jíáizie uaido úrilla baímo ráifide, Jesucrístomo ínotino aillo móonaitallena. Mei íadi afe jíáifoide uaido úritímie úrilla dobáñoraíma íadi, afefue ñuera; mei áfedo nana Juzíñamuimo jaináidino daní íaioi joreño dibéfuemo daje izói ñue móonaitaíoi. ⁶ Ie jira ámatiaí cácarei. Uire omoi cue uáiduaibia omoi cígiri Ñuera Joreño úritate jíáizie uaido cue úriadi, cue úrilla ómoimo due jiza ráifíñede. Mei jíáifodo Juzíñamui caímo onótagafuiaído cue úriadi afefue ómoimo ráifide. Daje izói omoi ifoci ua uaina cue déitaiadi afefue ráifide. Iemo daje izói Juzíñamuimona onoi ga uai ómoimo jino cue lloia afefue jíái ráifide. Daje izói omoi cue llófuia ráifide.

⁷ Mai nana omoi rúado taiga raamo ñue coméciiri, áfemona ñue onóillena. Afe raa jaca comécinideza. Be totíbacui, íemo arpa, íemo juai diga caímare ficire úrite, mei íadi jíáima fieni taia, áfena cacáidino afe úrilla uaina ónoñeitiaioi. ⁸ Daje izói comini jobáiriacana llezica, uáidua juai táíñeniadi comini figo áfemo mámeriñeítiaioi. ⁹ Afe izói ómoimo íficaide: dáamie jíáifoide ónonide uaido omoi llófueia ie dáinana bu onóñena. Afémie táinomo úrite. ¹⁰ Uáfodo onóigaza; bie éniemo diga jíáie nairai uailai ite. Afe uáillaina onódinomo nana aféuailai ñue baite. ¹¹ Mei íadi cuemo úritímie uaina cue ónoñenia, afémiemona jicánemiedícue. Daje izói afémie cúemona jicánemie. ¹² Ie jira, afe Ñuera Joréñomona fecaca táijjinana fibíllena omoi iere gáina llezica, mai Juzíñamuimo jaináidinona ñue móonaitallífuiaína iere izire omoi jicari.

¹³ Afe jira nai llófueñega jíáizie uaido úritímie afe ie daína uaina ñue jino llúana fibíllena Juzíñamuimo jicárede. ¹⁴ Mei jíáizie uaido Juzíñamuimo cue úriadi, ua cue joréñodo úriticue, mei íadi cue ifoci úrilla, táijñeno oni eneno ite izoide. ¹⁵ Mei íemona ¿ñifue fínoitícue? Cue joréñodo naa cue ifoci úrillado Juzíñamuimo úriredícue. Daje izói cue joréñodo naa cue ifoci úrillado afémiemo róredícue. ¹⁶ Mei jii, dama o joréñodo Juzíñamuimo o úriadi o áinori ite, áfemo fibítañega cacáreidímie, Juzíñamuina figura

o daiífirenafue dibénemo ínide. Mei o dáinana onóñedeza. ¹⁷ Mei nibai Juzíñamuina figura o daiífirena Juzíñamuimo ñue cacaide, íadi jíáimana dama ie joreño dibénedo ñue móonaitañede. ¹⁸ Nana omoi baimo jíáizie uaido úriredicue. Aferi iere Juzíñamuina figura daidicue. ¹⁹ Mei íadi Juzíñamuimo jaináidino gairífirena llezica, ónoñega jíáifodo jóide uaillai baimo, jubeba diga ñue onoiga uai cue dáinana gáidicue, jíáimaci cue llófuellena. Mei íadi diez mil féirede jíáizie uai afémaci cígimo cue úrillana gáñedicue.

²⁰ Amatiai, úruiai comeci faca izói, afe izói comeci omoi facáñeno iri. Mei jíáifodo éicomini izói comeci omoi facari. Mei íadi fiénidifue dibénemo jézainidino izói omoi iri. ²¹ Jai ai cai ocuilla uai ciegánicomo Juzíñamui íemo cacáacañede Israel náiraina bie izói daide:

—Bie náiraina jíáie uáillaido úritinodo duere fínoiticue; onínemacido íaioi llétaiticue.

Mei íadi afe bie uaido nai cuena náfueñeitiaoí.

Daií cai Ocuiraima daide, —aquíe izói ie uai llote.

²² Mei daií afe jíáizie uaido úrillana fibíllafue Juzíñamuimo íñoñedinomo dúide, jíáie onótate raa izói íaioina onótallena. Ínotinomo dúíñede. Mei íadi Juzíñamuimona onoiga uai jino llúana fibíllena Juzíñamuimo ínotinomo dúide, jíáie onótate raa izói íaioina onótallena. ²³ Mei jira nana Juzíñamuimo jaináidino dáanomo gairilla llezica, íemo nana omoi jíáizie uaido omoi úriadi ie mei áfemo fíbítañega íñoñedinomo omoi cígimo bíadi, nibai “Uáiritaidino izóidiomoi,” dáitiaoí. ²⁴ Mei jíáifodo Juzíñamuimona onoiga uai jino omoi llua llezica, íemo fíbítañega íñoñedimie omoi cígimo bíadi, ie comécimo ite fiénidifue uáfodo ónoite. Nana omoi dáinana cacáillano afémie dama ie comécina méiñotaite. ²⁵ Afe daií dama ie comeci onóigafuiai jino cíocaillamona, cañícido ana dújullano Juzíñamuina cáimadoite. Iemona: “Uáfueña, Juzíñamui omoi cígiri íteza” dáite.

Omoi gairilla llezica nana omo lollífui ai jaicuñeno jaícina lloiri

²⁶ Mei jira, ámatiai, omoi gairíllifui ai bie izói írede: Omoi gairilla llezica ómoimona dáarie Juzíñamuimo rollírui jino llóiacade. Iemo jíáimie llófueacade, íemo jíáimie Juzíñamui íena onótagafue jino llóiacade, íemo jíáimie jíáifoide uaido úriacade, íemo jíáimie afe jíáizie uaido úrilla jino dobáñoiacade. Nana bífuiai ñuera. Mai bífuiai daií íteza, Juzíñamuimo jaináidino ñue móonaillena, daje izói íemo nai íñoñedinomo ínotallena. ²⁷ Jíáizie uaido omoi úriadi mena come dáaruido úrinide. Jíáimie úrilla llícailla méfomo úriri. Daámani come daií úriredede. Naga come jíáifoide uaido úrilla fuíllamo ie lloga uai dobáñoirede. ²⁸ Mei íadi uai dobáñoitimie íñeniadi, mai nie izói jíáifoide uaido daiñeno iri. Dámie úriacania dama ie comécido Juzíñamuimo úriri. ²⁹ Daje izói afe Juzíñamuimona onoiga uai llotínomona damieámani úriredede, íadi daje llezica úrinidiaioí. Llotímie fuilla méfomo íemo cacáreidino fairórediaioí, ie dáinana ja Ñuera Joréñomona comuide, nibai íeñede daiíllena. ³⁰ Mei íadi dámie uai jino llua llezica, Juzíñamui jíáie ana ráiidimiemo jíáifue íena onótaidi afémie raire fueñe úritarede. Nano fueñe úritimie ie úrillana fáicanocairede. ³¹ Afe daií nana omoi Juzíñamuimona onoiga uai llotino llórediaioí. Uafue dámierie jino llórediaioí, áfedo nana omoi onócaillena; daje izói áfedo nana omoi comeci náirecaillena. ³² Nana afe Juzíñamuimona onoiga uai llotino dani íaioí joréñona rairuirediaioí, nai jíáimie úrilla fuiñena dino. ³³ Mei Juzíñamui caimare uai illifue comútatimie; íemo, úrillana féitate gáguana afémie comútañede.

Nana jíáinomo ite Juzíñamuimo jainaide gairídino fínua izói birui ómoina finótaiticue.

³⁴ Juzíñamui ióbillena omoi gairilla llezica, cígimo ite ringóniai úrilla rairuiredede, íñiaia ie llófuellena. Juzíñamui ocuilla uai daina izói, aféngotiai íima anamo caimare írediaioí.

³⁵ Aféngotiai daa rafue onóacania, jino jofomo íaioí ínimo jícanorede. Daa ringo comini gairilla cígiri úria meaire cioide.

³⁶ Mai cácarei, ¿Meita Juzíñamui uai dani ómoimona comuide, daií comeci facádiomoi? ¡Daiíñede! Daje izói aféuaina dani ómoimo llógaza coméciñeno iri; mei diga jíáimaci íena, daje uaina jae llogáiaioiza. ³⁷ Daa come Juzíñamuimona onoiga uai jino llotímedicue daiíadi, bie ómoimo cue cuegáfuiái cai Ocuíraima Jesucristo cai ocuilla uai afémie daiírede. Daje izói daa come Nuera Joréñodo úritimedicue daiíadi, afémie cue cuega dibénemo Jesucristodo cai ocuilla uai daiírede. ³⁸ Iemo afe cúegana ailli cue daina bie izói daiíacañedimie omoi náfueñeno iri.

³⁹ Cue ámatiai, bíemona Juzíñamuimona onoiga uai jino llua jeire omoi oiri. Iemo daa come jíáizie uaido úria, rairuíñeno iri. ⁴⁰ Mei íadi afe llezica, omoi llollíuaina jaicuíñeno daje fuémona jíáimamo meaire cíotañeno lloiri. Daje izói nana omoi jetaca raana jaicuíñeno ñue jaícina maméfireiri.

15

Jesucristo tíilla meine abido cáadimie illafue

¹ Cue ámatiai, ómoimo cue lloga jíllona uai ómoina uibíñotaacaducue. Afe uaina jae jeire otíomoi. Iemo bie uaido ñue itíomoi. ² Daje izói cue lloga uai omoi náfueia bie Juzíñamui uai omoi úado jíllotagaomoi. Mei íadi nauí nibai táinona omoi íñoia jae jíllonediomoi.

³ Cue onoiga jamánomoidifue nauí ómoimo lloticue. Juzíñamui Cuegáuái daina izói, Cristo cai fiénidifuiái muiñóllena tíillafuena jae omoi llófueticue. ⁴ Iemo nane afe Cuegáuái daina izói, Cristo raiga daruíamani íllamona meine abido cáadimiena jáillana ómoina llófueticue. ⁵ Iemo afe Cristo Pédromo cíocaide; afe mei nana jíáie ie orécamacimo cíocaide. ⁶ Nane afe mei dáaruido quinientos baimo íemo íñotínoimo cíocaide. Afémacimona aillo nai itíaiói, íadi dáarie jae tíidiaioi. ⁷ Nane afe mei Santiagomo cíocaide, íemo nane nana ie orécamacimo cíocaide.

⁸ Nana jíáimacimo cíocailla mei, írainomo afémie cuemo cíocaide. Iemona úrue jíáifodo jocoina izóidimiedicue, mei Crístoimo cue dóbaicaillafue jarire cuemo íficaideza. ⁹ Mei Jesús orécamacimona jofófenemo ráifidimiedicue. Juzíñamuimo jaináidino fállena cue racáfirenamona, nauí ie orécamié cuena daíñide. ¹⁰ Mei íadi Juzíñamui ñue cuemo íllado, bie izói itícue. Afémie cuemo dúecaillano afémie cue cánuana táinomo fáifitañedicue. Mei jíáifodo jíáie ie orécamaci baimo, iere riire táijidicue. Mei íadi afe izói dama táijinidicue. Juzíñamui cuemo dúecaillano cue diga jáicaillado daií táijiredicue. ¹¹ Mei birui, afe ñúefue nibai cue lloga, nibai afémaci lloga, afe llúafuena náfueñedicue. Mei íadi bie ñúefue ja ómoimo cai llogafue, daje izói afefue omoi íñogafue.

¹² Mei bie ómoimo cai llogafue Cristo tíillamona meine abido cáadimiena jailla. Afe llogafue bie izói ítena, ¿mei nie izói ómoimona dáarie: “Tíidinomona buna meine abido cáadinona íñeite,” daiíaiói? ¹³ Meita íaiói daina izói tíidinomona buna cáañenaza, daje izói meita dama Cristo cáañeite. ¹⁴ Iemo meita Cristo cáañedeza cai llócaiga uai ráifiñede. Daje izói omoi íñogafue ráifiñede. ¹⁵ Iemo afe baimo, cai bie Juzíñamui dibénemo taino llotínodicaí, mei Juzíñamui Cristo meine abido cáatate daiícaiza. Meita tíidino meine cáañenaza, daje izói Juzíñamui Cristo meine cáatañeite. ¹⁶ Mei tíidino meine abido cáañeniadi, meita afe Cristo cáañeite. ¹⁷ Iemo meita Cristo cáañedeza, omoi íñogafue ómoina ñue finóñede. Nai ómoimo ite fiénidifuiáimo nai jaináicaidiomoi. ¹⁸ Meita íaiói daina izói Cristo cáañedeza, Crístoimo íñote tíidino táinomo fáifidiaioi. ¹⁹ Meita Crístoimo cai ocuínafue daa biruillaído biniemo cai illa llezica caimo dúideza, nana comini baimo cai duere finócanodicaí.

²⁰ Mei íadi afe izóiñede. Cristo tíillanomona meine abido cáadimiena jailla ñue onóigaza. Amena llizíllajimona jotáiritiji fueñe uailla izói, Cristo nana tíidinomona meine abido caadino ífódimie. ²¹ Mei bie izói daa cómemona, Adán dainámiemona

tíillafue fueñe bíniemo comuúdeza; daje izói tíidino meine abido cáaillifue daa cómem-ona comuide. Afémie Jesucristo. ²² Afemona nana comini Adamo jaináideza, tíitiaioi; íemo daje izói nana Crísto mo jaináidino meine abido cáaitiaioi. ²³ Mei íadi nana nairai daje llezica meine abido cáañeitiaioi. Nágamiiai íaioimo dúide dieze, íaioi cáatalliruido cáaitiaioi: raire úcodo oga llizíllaji óina izói, Cristo fueñe meine abido cáadimiena jaide; afe mei Cristo billíruimo dama Cristo iédino cáaitiaioi. ²⁴ Iemo íirairuimo dúciite. Aféruimo Cristo nana bíniemo ite riírede illaini ñaa monamo ite ríinoredinuiari niné táinocaitaite. Afe mei nana ie illáimana illa ríino naa ie anamo itínuiari ie Moo Juzíñamuimo fécaite. ²⁵ Mei jii, Cristo nai illáimana írede, Juzíñamui nana íena éoidino Cristo anamo itábicaitalle dino. ²⁶ Come tíillafue caina anáfenocade caina éoidimie izoide. Mei íadi afe cai titade ríinona Cristo írainomo niné táinocaitaite. Afe mei jiáie táinocaitallimiena íñeite. ²⁷ Mei Juzíñamui nágafuiaina Cristo anamo jóonete. Cristo ñue afémaci ocuílle. Juzíñamui Cuegáuai bie izói daiíadi, Juzíñamui Cristo anamo íñenana uáfodo onóigaza, mei Juzíñamui naga raa Cristo anamo jóonetimieza. ²⁸ Iemo nágafuiiai Cristo anamo itábicailliruimo, dama afe Cristo Juzíñamui Jitoza ie Moo anamo itábicaiteza. Juzíñamui nágafuiiai Cristo anamo itábicaítaitimie. Aféruimo bífuiaido naga ráaniai dibéne mo Juzíñamui jamánomoidimiena íte. Naga ráfuiai naa ie comuítaga ráaniairi ñue jaícina afémiemo dúite.

²⁹ Nane jiáifue “Tíidinona meine cáañeite” daiífredinona dáititue. Dáarie tíidino dibéne mo báutizatatio ite. Meita tíidino meine cáañeitiaioiza, ¿ñibái mei daií báutizatatio? Iemo tíidino dibéne mo báutizafue ¿minícamo ráifide?

³⁰ Iemo cue, cue nabáñiaiai diga, Juzíñamui ñúefue ícoina, nágaruillaído iere caina titáacade jácifue mo ífiredicai. Meita tíidino meine abido cáañeiteza, daií cai íadi ¿minica caimo ráifilla? ³¹ Nágaruí cue titállena mamédaioiza jácinomo iticue. Uáfue na daií iticue. Cue ámatiaiai, cai Ocuíraima Jesucrístomo omoi ínuari uáfue na iere íobidicue. Afe uáfue na cue íobilla izói, daje izói uáfue na nágaruí titáacagacue. Iemona tíidino meine abido caalle uáfodo onóigaza. ³² Iemo meita tíidino meine cáañeiteza, jamai cómena cue illa, Efésomo ite illáirede rille izóidimaci diga nauí cue fuírillamona ¿minica cuemo ráifilla? Mei afe izói cue illa cuemo ráifíñede. Meita uáfue na tíidino meine cáañeiteza, afe taino llotino ñue jaícina daidíiaioi. Afémaci daina bie izói jóide: “Mai raire cai güillí, güillano cai jirolli; mei úreitiruimo raire tíiticaiza afe mei nine íñeíticai,” daidíiaioi.

³³ Jiáimamo omoi jífuefiñeno iri. Abina ñue onona uai uáfodo jóideza: “Fíénide nabáñiaiai ñue illáfuiaina niné táinocaitate.” ³⁴ Mei jiáifodo, ñue abina omoi onoiri. Omoi illafue ñue jaícina jóoneri. Fíénidifue na finóñeno iri. Mei ómoimona dáarie Juzíñamui nai figo onóñedeza. Omoi méaicaille na bie izói ómoína daidicue.

Tíidino meine abido cáadinona íllena abi Pablo llote

³⁵ Nibai birui ja dáarie jicánoite: ¿Mei nie izói tíidino cáaitiaioi? ¿Mei afémaci abi nie izói éroite? ³⁶ Afe izói jicánua abina onóñedimie úrilla izoide. Mei daa rífiregaji cai ríadi, afeji tíide izói énie anamo fiébirede, afemona ie iroci zicóllena. ³⁷ Eniemo riga raa, afenomona zicódirociñede, mei jiáifodo dama ie iji ríina. Iemo diga jiáiforiende íjiaí ríina: bellaji ríina, íemo mazácaji ríina, íemo arroz iji daje izói ríina. ³⁸ Afe rínajai zícua llezica ie ciona izói Juzíñamui comuítate. Dani aféjiaiai dúina izói zicótate. (Bellájimona bellari zócaja, íemo mazácajimona mazácari zócaja.) ³⁹ Mei afe izói naga cáadinuiiai abi jiáiforie eroide. Come abi jiáifoiide, íemo rille abi jiáifoiide. Daje izói féedino abi jiáifoiide, íemo chámuniaiai abi jiáifoiide. Nana daje izói eróíñede. ⁴⁰ Iemo jiái monamo ille abi ite, íemo jiái éniemo illa abi ite. Bíniemo illa abi ebírede, mei íadi monamo ille abi ebire eroína jiáifoiide. ⁴¹ Jitoma egáiñua fiui egáiñuana eróíñede; jiáifodo egáiñote. Daje izói ucudu egáiñua izóíñeno, jitoma jiáifodo egáiñote. Iemo jiái daa ucudu jiáie ucúdu mona egáiñua

jiáifodo cíoide. ⁴² Tíidino meine cáallifue bie izói jóide. Rífaite íeizi éniemo raiga, íemo tíiñeitinona meine abido cáate. ⁴³ Jámairuiga abi éniemo raiga, ie mei ebire cíoitaga abi meine cáate. Daje izói nane ríinide abi éniemo raiga ie mei ñue íocirede abi cáate. ⁴⁴ Bíníemo cai jocoína abi éniemo raiga, ie mei mona dibénemo dúide abi cáate.

⁴⁵ Mei daí Juzíñamui Cuegáuai lloste: “Nanóidímie Adana cáadímiena íficaide. Iiraie Adán daina Cristo zíiñona cáatata joréñoredímie,” daide. ⁴⁶ Juzíñamui dibénemo cai comútatímie nano fueñe cómuítañega, mei jiáifodo bíníemo cai nanóidímie Adán fueñe comútaina. Afe méifomo Juzíñamui dibénemo cai comútatímie cíocaide. ⁴⁷ Nanóidímie énie ie finóinaza éniemo dúide. Méifoide Adán daina Cristo mona ie. Afémie cai Ocuíraima. ⁴⁸ Afe énie finóinámie izói, nana bñie comini ie abi izóidiaioi. Daje izói Jesumo íinuamona monamo dúidino afe monámona bitímie izóidiaioi. ⁴⁹ Iemona énie ie finócamiena cai eroína izói, afe izói mona ímiena éroiticaí.

⁵⁰ Amatiai, omoi cacai, ómoína dáitícue, nana bñie dúide cai abi die diga jaca Juzíñamui illáimana illánomo jofo jáinide. Daje izói raire táinocaitatífue zíiñona illínomo dúiñede. ⁵¹ Mei íadi nanómona uáfodo onóñega ráfuenta ómoína onótaacadícue: nana tíiñeíticaí; mei íadi nana jiáifodo méidoficaiticaí. ⁵² Uáfuenta, Juzíñamui íiraie vudugoi fúunua llezica, jarire ui bótacailla izói raire jiáifodo méidoficaiticaí. Afe vudugoi ficire cáacaillamona tíidino meine abido jaca tíiñeillena cáatalliaioi. Afe llezica cáimona cáadímaci jiáifodo méidoficaiticaí abido tíiñeillena. ⁵³ Mei caimo ite raire féitífue zíiñona féiñeítífuenta méidoficairede. Daje izói cai tíite abi zíiñona tíiñede abina méidoficairede. ⁵⁴ Iemo afe bie caimo ite raire féitífue zíiñona féiñeítífuenta méidoficailla llezica Juzíñamui Cuegáuai daina ñue jaícina zúite. Daje izói cai tíite abi zíiñona tíiñede abina méidoficailla llezica afe Cuegáuai ñue jaícina zúite. Afe Cuegáuai daina bie izói jóide:

Caimo ite tíillifue,
caina éoidímie anáfenoína izói, anáfenoga; ja táinocaide.

⁵⁵ Cai tíitaitífue caina izi cácatafirena ríino jae iñede.

Caina nie izói nábaiñeite,
mei ie molleroi izoide raa ja birui iñédeza.

⁵⁶ Nana comínimo fiénidífuiái íllamona, tíitaitífue caina jacíruitade. Iemo jaiái Juzíñamui cai ocuilla uai llúamona cai fiéni finócafuiái duere finórede. Iemona tíillifue cai anáfenuana jaca jacíruiticaí. ⁵⁷ Mei Juzíñamui cai Ocuíraima Jesucristodo áfemo caina anáfenotañenamona íena iere figora daífiredicaí.

⁵⁸ Ie jira, cue izíruiga ámatiai o ínogafuenta jiáifodo méidoñeno ñue jeire omoi oiri. Juzíñamui ocuica táijinafue mo nágaruillai iere omoi náfuefireiri. Mei ñue onódiomoiza, cai Ocuíraimamo dájena cai táijinafue, jaca táinomo fáifiñeiteza.

16

Dúerede cai ámatiai canóllena úcube eneno ofítafue

¹ Crístomo íinote ámatiai canóllena úcube omoi jicánoga eneno ofítallifue llóitícue. Galacia éniemo ite Juzíñamuimo jáinaidino cue llófuia izói, afe izói omoi ofítari. ² Naga semana táinariumo, ómoimona illa dígámie omoi oga úcubemona due jiza Juzíñamui íena oni eneno jóneri. Nano omoi llínua dieze oni eneno jóneri. Daí uícodo omoi ñue eneno énofireiri, cue billíruimo afe úcube ómoído cue íraíñeillena. ³ Uire cue bille llezica omoi nizada dani baillímiedo afe úcubena Jerusalémo óreitícue. Afe llezica omoi cuelle útimíiai mámece illábedo íaioína óreitícue. Afe bie izói omoi ofítaga úcubena Jerusalémo ite ámatiaimo óreitícue. ⁴ Onoñegaza, cue jíeruia afémaci diga dane jáiticaí.

Pablo jáinomo jáillena mamérite

⁵ Cue jáiadi Macedonia éniedo jáiacadicue. Afe méifodo daí Coríntomo dúciiticue. ⁶ Mei nibai nano nié dino omoi cígiri íiticue. Nibai ónoñegaza bie rozírediruillaina omoi cígiri záitaiticue. Afe mei oni jáínomo cue jaille llezica cuena canórediomoi. ⁷ Mei ómoimo fia jarire érocaillano jáiacañedicueza, cai Ocuíraima comeci jítaia, omoi cígiri are íacadicue. ⁸ Mei íadi Pentecostés rafue dúciille dino, benó Efeso jófuemo íiticue. ⁹ Mei iere ñue Juzíñamui uaimo cue táijilliruimo itícueza. Aillo comini birui aféuaimo jíruiacadiaioi. Mei íadi afe llezica aillo afe uaina uáitatino ite.

¹⁰ Timoteo ómoimo bíadi, mai omoi cígiri caimare íena omoi itátari. Afémiena omoi áifedoñeno iri. Mei afémie daa cai Ocuíraima ocuícamo cue izói táijideza. ¹¹ Ie jira ómoimona buna afémiena jámairuñeno iri. Mei jáífodo cue ie éroizaibilleza caimare afémiena omoi canori. Mei naa jáíe íinote ámatiaioiri íena ocuírídíe.

¹² Cai ama Apolos dibénemo llóiticue. Naui íemo izire jicádicue, jáíe ámatiaioiri omoi éroizaillena. Mei íadi afémie birui jáiacañede. Uire ie jáiacalliruimo jáite.

Iraicaiño uáidonocailla uai

¹³ Mai abina ñue omoi onoiri. Crístomo omoi íinogafue jáífodo méidoñeno jeire omoi oiri. Jacíruiñeno ñue íociredimie izói omoi iri. ¹⁴ Nana omoi jetáacagafuiai, conímana izíruillafuedo ñinori.

¹⁵ Amatiai, birui onódiomoiza, Estéfanos mámeciredimie comini, nano fueñe Acaya éniemo ñúefuemo dóbaicaidino. Dóbaicaillano jáíe Crístomo íinote ámatiai canóllena ja maméritiaioi. ¹⁶ Jira afémaci, naa jáíe afémaci izóidinori anamo omoi caimare itábicaillena iere jitáidíe. Daje izói jáínona canófredino, naa jabo ocuídinori anamo mai caimare omoi itábicairi. ¹⁷ Ja Estéfanos, Fortunato, Acaico diga bíllari iere íóbidíe, mei cúemona jica itíomoiza cuena canónidiomoiza. Mei íadi afémaci ómoimona féiredifue cuemo finódiaioi. ¹⁸ Afémaci cue comécina iere náiretadiaioi; daje izói ómoina náiretadiaioi. Afe izoide comínimo ñue omoi jírui.

¹⁹ Benó Asia éniemo ite Juzíñamuimo jaináidino ómoimo uailai orédiaioi. Daje izói Aquila ie ai Priscila diga naa íaillinoimo gairídinori, cai Ocuíraima mámecido uai ómoimo orédiaioi. ²⁰ Nana benomo ite ámatiai oreca uailai, mai omoi llíinori. Daje izói conímana caimare uáidori.

²¹ Cue Páblodíe. Dama bie cue ónoído cuela uai ómoimo orédíe.

²² Nínó dámie cai Ocuíraima Jesucrístona izíruiacañedimie Juzíñamui faidólleza. ¡Cai Ocuíraima, mai raire biri!

²³ Cai Ocuíraima Jesucrísto ómoina ñúefuena ézicíteza. ²⁴ Nana omoi Jesucrístomo jaináinado, ómoina cue izíruilla uai orédíe. Daíftadeza. Jae ñie.

MÉIFODO SAN PABLO CORINTO IMACIMO ORÉCABE

Segunda Carta del Apóstol San Pablo a los Corintios

Coríntomo ite Juzíñamuimo jaináidinomo Pablo cuete

¹ Páblodicue. Juzíñamui comeci jítaina izói Jesucristo orécamedicue. Timoteo cue diga illa llezica, Coríntomo ite Juzíñamuimo jainaide ámatiaimo bibe cueticue. Daje izói Acaya éniemo ite nana Juzíñamuimo dúidinomo bibe cueticue. ² Cai Moo Juzíñamui, cai Ocuíraima Jesucristo diga ómoína ñue éziciiteza. Afe llezica ñue uái illano dibénemo Juzíñamui Jesucristo diga ómoína jóoneiteza.

Pablo duere zefuillafue

³ Cai Moo Juzíñamuina ióbitaredicai, mei afémie caina dúeruite Mooza. Daje izói afe Juzíñamui iere caimo dúecaifirede. Afémie cai Ocuíraima Jesucristo Moo. ⁴ Nana duere cai zefuilla llezica, afémie caimo dúecaifirede. Afémie caimo dúecaide, afe izói jáíie duere zefuídínomo cai dúecaillena. Afemona Juzíñamui caimo lloga dúecaillafue jáíimacimo llóredicai. ⁵ Mei Cristo duere zefuillafue dibénemo cai nabaia izói, afe izói Crístodo caimo iere ie dúecaillafue jeire óiticaí. ⁶ Ie jira, ñibai dama duere cue zefuía, bie ómoína cue canóllena. Iemo ñibai Juzíñamui cuemo dúecaiadi, áfedo daje izói dúecaillafue, naa jíllonafue diga óitiomoi. Iemona daje cuemo comuide duere zefuillafue ómoimo comuíadi, raire járitaiñoeno áfemo fia ocuírirediomoi. ⁷ Omoi dibénemo uáfodo onóigafuemo ñue ínoticue, mei ñue onódicueza daje zefuillafue dibénemo omoi illa dieze, afe izói Juzíñamui fecaca dúecaillafue óitiomoiza.

⁸ Amatai, Asia éniemo cuemo comuide féiredifuiaina ómoimo fidítaiacadicue. Afénomo cuemo comuide riírede facátafue iere jamánomoideza, áfena ocuínidicue. “Ñibai bífuemona jíllñoeno benó tíiticueza,” daiífiredicue. ⁹ Aféruimo méinellena llavécamié abi izói cue abi cacaide. Mei íadi tíidino meine abido cáatate Juzíñamuimo cue ínuana cue onóillena, afe zuufue cuemo comuide. Dama cue abí íñoñeillena cue llófuete. ¹⁰ Aféruimo Juzíñamui afe iere jacírede tíillafuemona cuena jíllotate. Afémie nai birui jaca cuena jíllotaicaide. Daje izói uíreitíruillaído afémie aféfuemona cue jíllotallemo ocuíricaidicue. ¹¹ Uáfuenta, cuedo Juzíñamuimo omoi jícáfíreiaíi afémie cuena jíllotaite. Aillo comini cuedo Juzíñamuimo úriadi, aillo íena ióbitaitiaíoi. Juzíñamui cue ézicia ñúefuiaiíri íena ióbitaitiaíoi.

Pablo Coríntomo jáíñenafue lloste

¹² Daa cue comécido onóigafueri iere ióbidicue. Afefue bie izói jóide: cue comeci úrilla uai nífuenino bíniedo cue mácajana llote. Daje izói Juzíñamui eróicana jáíimana jífueñoeno cue mácaja llote. Omoi cígiri bie izói riire iticue. Juzíñamui caimare cue cánuado daíí iticue. Dama cue fibíllafuedo daíí íñédicue. ¹³ Omoimo cue cuezábiaimo báinino lloga uaina íñede. Omoi facádoia onuille raa ja uáfodo cueda.

Nane jáíífuena ñue omoi onóillemo ocuírídicue. ¹⁴ Aféfuena jabo onódiomoi. Afefue bie izói dáíiacade: Cai Ocuíraima Jesús billíruimo ómoiri caimare abi cue ínuia izói, afe izói cueri caimare abi ínoitiomoi.

¹⁵ Nana bífuiaíi iere cue jíeruillamona, omoi eróizaillena fueñe mamériticue. Daíí ménacaíño omoi cue éroizailleri ióbitiomoi. ¹⁶ Macedonia éniemo cue jaille llezica omoi jarire cue méiñoocaillena comeci facádicue. Afe mei Macedóniamona abido cue bille llezica nane dáanomoi omoi cue éroizaillena mamériticue. Afe daíí afe méifomo judéamo cue jaille llezica cuena cánoitiomoiza. ¹⁷ Bie cue mamérillaífuiaíi comeci cue faca llezica, ¿cuena ñibai jáíífodo raire méidofíredimie izoide daídíomoi? Bie éniemo ite fiénidino mamérilla izói ñibai cuena mamérite daídíomoi. Afémaci “Jii” daídíaíoi; íemo méifodo daje llezica “Dama ite” daiífírediaíoi.

¹⁸ Mei íadi Juzíñamui uáfueña daiífiredimie illa izói, afe izói táinona “Jii,” íemo “Dama ite” dáaruido ómoína daiífinidicue. ¹⁹ Mei Juzíñamui Jitó Cristo Jesús jaca táinona “Jii,” íemo “Dama ite” dáaruido daiífinideza. Iemo Silvano, Timoteo, íemo cue, Cristo daina uailai omoi cígiri lloticai. Nana Cristo lloga uai táinoñedeza, ua uai. Ie dáinana méidofinide. ²⁰ Mei afémiedo nana Juzíñamui uícodo llogáuai ñue jaícina zúideza. Ie jira Juzíñamuina cai ióbitaja llezica, Cristo Jesudo “Daiítadeza” daiífiredicai. ²¹ Iemo jiái Juzíñamui ómoína naa cairi Crísto rriire jaináitate, nana cai íinogafuemoni oni jiáifodo cai báiiñeilla. Daje izói afémie ie táijinafuemo ñue caina jóonete. ²² Juzíñamui ie Ñuera Joreño caimo íllado caina dama íeiena mamede. Afe ie Ñuera Joreño caimo íllamona íco jiáiruido Juzíñamui caimo fecállifueña cai llínollena uáfodo onódicai.

²³ Mei jiáifuemo omoi coméciiri. Omoína duéruiticueza, ómoína duere cue fínoñeilla, uícodo cue mamérilla izói nai ómoimo biñédicue. Juzíñamui afe bie cue uaina nabáilla jicádicue, aféuai uafue daiílla. Cue daina uai uáfueñenia, Juzíñamuina abí fatátaticue. ²⁴ Omoi íinogafueña rriire ocuíañedicue, mei omoi íinogafuedo Jesucrístomo ñue rriire jaináidíomoiza. Mei jiáifodo conímamo táijina izói, omoi iere aillo ióbillena ómoína canóacadicue.

2

¹ Ie jira omoi cue zúucaitaibiñeilla mamériticue. ² Mei omoi zúucaitadicueña ¿mei bu cuena ióbitalle? Cue zúucaitadino dani cuena ióbitalle, mei íadi cue dinena ómoína zúucaitaacañedicue. ³ Ie jira nauí ómoimo cue cuezábemo cue daina izói cueticue. Omoína zúucaitaibiacañedicue. Mei jiáifodo cuena ióbitaredíomoí. Mei nauí aféruimo uáfueña onódicueza, cue caimare illarui omoi caimare íitíomoiza. ⁴ Omoimo nauí cue orécabe cue cuia llezica, iere cue comeci zúurenari éedicue. Mei íadi omoi zúucailla afébeña cueñédicue. Mei jiáifodo ómoína iere cue izíruilla omoi onóilla cueticue.

Fieni finófiredimie ie illafue múiñua mei, meine caimare uáidua

⁵ Mei íadi ómoimo rriire úriacañedicueza bie izói dáitícue. Dámie fieni illa dama cuena zúunaitañedeza, mei jiáifodo cue baímo nana ómoína zúunaitade. Daií daidicue iere rriifuena jáiñeilla. ⁶ Omoi gairilla llezica afe cómemo omoi mameca duere finóllifue ja figo báiteza. ⁷ Mei benómona afémiemo jiáifodo úriredíomoí. Nauí ie finoca fíenidífue omoi féitano caimare íena omoi uáidori. Daje izói íena dúcairedíomoí, aillo ie zúunaillamona afémie jamánomo anado fieni jáiñeilla. ⁸ Ie jira ómoimo izire jicádicue, afémie omoi izíruilla meine abido íemo omoi onótallena. ⁹ Nauí uícodo bifue dibébedo ómoimo cueticue. Nauí omoi cue llófuiana nibai jeire óitíomoí, nibai jeire óñeítíomoí; áfena cue onóilla ómoimo cueticue. Daje izói, omoi comeci ífue onóilla afébedo ómoína facátaticue. ¹⁰ Mei ja benómona, ómoína fieni finódimie omoi caimare uáidoia, cue daje izói caimare íena uáidotícue. Meita afémie fieni fínuado cúemona nino féitalle fíenidino íadi, aféfuena féitaticue. Uáfueza ñue ómoína canólla Cristo erócana aféfuena féitaticue. ¹¹ Mei afe zúunaitagamie raire abido íena caimare uáidoredicaiza, afe zúufuedo Taife raire íena ana úiñeilla. Mei Taife comínina bifuefireña uailai ñue onódicaiza.

Pablo Tróasmo uái iñénafue

¹² Jesucristo lloga uai Troas jófuemo jino cue llúaibilla llezica, cai Ocuíraíma áillomaci cuena jíeruitajamona Juzíñamui cue ocuilla táijinafuena uáfodo caimare fuitáredicue. ¹³ Mei íadi Coríntomona bíacade cue ama Tito afémie cue ciónenamona cue comeci uái íñede. Mei jira Troas imácina facádonocaillano, oni Macedonia éniemo íena jénuaidicue.

Jesucrístomo cai jaináinamona buna anáfenoñegacai

¹⁴ Juzíñamuina iere figora daiífiredicai; mei Cristo nana éoidinona anáfenua izói, Juzíñamui dáfeodo, Cristo diga, nágaruillaído caina úicaiteza. Afe llezica ziórede raa caimare jállia izói, afe izói Juzíñamui Crístoni onóillifueña caido nágagobiaído jica jalléitate. ¹⁵ Cristo Juzíñamui fecaca ziórede uguci izóidinodicai. Nana jíllóitíonomo

jallédicai, daje izói niné féiraitinomo jallédicai. ¹⁶ Afe niné féiraitinomo titade jucui izói íaire jállecaide. Mei íadi jilloitino caimare íocire cáatate jállia izói jállecaide. Bie Juzíñamui ebire mamérrillafue, ¿bífue bu mei ñue llínorena? Juzíñamui cuena cánua izói canónenia jaca buna figo llínonide. ¹⁷ Juzíñamui uailai jíáimacimo fécano úcubena llínoñedicue. Afena jaca raiñóñeno llócaidicue. Jíáimaci úcubé óllena afe uai jíáfodo méidua izói méidoñedicue. Mei jíáfodo Juzíñamui orécamié izói, afémié eróicana jíáima jífueño uáfodo úriticue.

3

Juzíñamui comue ñue finóllifue bie izói daide

¹ Bie izói cue úrilla, ¿ómoimona nie izói cacaide? Níbai ¿dama cue abi ínollena meine dáanomo ñue úriticue? Mei íadi daiñañede. ¿Níbai cue ñue illánona onótatíbiai ómoimo izájirede? Mei níbai jíáimaci fínua izói, ¿ómoimona cue ñue illánona onótatíbiai jícaréde? ² Mei daiñañedeza. Dani omoi cue ñue illánona onótatíbe izóidiomoi. Omoi baimo jíáie onótatíbena jítañedicue. Cue comécimo joide come ñue illánona onótatíbe izóidiomoi. Aféuaina nana comini cúemona onórediaíoi. ³ Dama Cristo cuega onótatíbe izóidiomoi. Cuedo cuegábiai izóidiomoi, mei cuedo ñuefueña llotátagaomoiza. Jamai tíntado cuegabe izóineidiomoi; mei jíáfodo caade Juzíñamui Ñuera Joreño uí-caiganodiomoi. Daje izói Moisés nofícomo cuegáuai fia comini eróicana jeire oñéidiomoi, mei íadi omoi comeci úrillado Juzíñamuina íobitaacadiomoi.

⁴ Nana afe bie ñuera cue dánana jacíruiño daiíredicue, mei Crísto Juzíñamuimo daa uai fiéño ínofíredicueza. Uáfueza, nana cue dánana afémié ómoimo zúitaiteza. ⁵ Mei íadi nana cue jetáacagafuiai finolle ríino dama cúemona comuñedeza; mei jíáfodo nana cue finócafuiái Juzíñamuimona comuide. ⁶ Ie lloga comue finóllifue cue tájillena, afémié ñue cuena rínoretade. Afe Juzíñamui comue finóllifue, jaiaí cuega ocuícáfue jeire cai úado caimo zuitánide. Mei jíáfodo Ñuera Joreño comuítaga cai comeci zíñona cáatatíno caimo íllado, Juzíñamui comue finóllifue caimo zuitárede. Afe cuega cai ocuilla uai cai titállena llote, mei íadi Ñuera Joreño cai comécina cáataite.

⁷ Afe Moisés lloga ocuilla uai nofí finóinabícimo cuega. Aféuái lluaíbilla llezica, iere ríire ebíredífuaído lloga. Aféruido Israel nairai, mei Moisés uíeco jíáfodo iere quenire eróideza, afémié eróinidiaíoi. Mei íadi afe ríire ebíredífue fíaicana dúioicaide. Iemona afe ícoimo cai titalle ocuilla uai lluaíbilla llezica iere ebíreia, ⁸ Ñuera Joreño caimo lluaíbiga uai, ua afe titade uai baimo jamánomo ebírede. ⁹ Bífue bie izói dáiiacade: mei cai fiénidífuaímona cai titállena llote ocuilla uai iere ebíreia, birui aféuái baimo nífuenino cai íllena Juzíñamui llogafue jamánomo ebírede. ¹⁰ Afe ocuilla uai nauí iere ebírede, mei íadi Juzíñamui como finoca jamánomo ebíredífue comuíllamona, afe nanoide ocuilla uai jae figo ebínide; ja birui ráañede. ¹¹ Iemona nauí lloga are íño raire záitífue ebíredenia, afe zíñona záíneitífue nauí llogáuai baimo jamánomo ebírede.

¹² Ie jira afe bífue ocuírillano, jacíruiño caimare úriticue. ¹³ Mei íadi cue bie Moisés fínua izói finóñedicue. Afémié uíeco quenire cioina are íñedeza féibicaide. Ie jira afe quenire cíoide dúillana Israel nairai cíoiñeillena, Moisés ie uíeco íníoína íbaide. ¹⁴ Mei íadi dama Moisés uíeco íbaina llezica afe nairai, uina cíóñedíno izói, íaíoi ífoci úrilla figo déíñede. Birui afe jaiaí llogafue íaíoi facádua llezica, afe íbaille ínroi izóidífue íaíoi onóillífueña jánaide; mei afe íbaille ínroi izóidífue nai oni oñegaza. Afe jíztatífue dama Cristo oni órede. ¹⁵ Nai biruimo Moisés cuegánicuai íaíoi facádoia, afe íbáiraroi íaíoi ífoci úrillana féitaoicaide. ¹⁶ Mei íadi dáamié cai Ocuíraimamo íñoia, afe íbáiraroi oni oga. ¹⁷ Cai Ocuíraíma afe íaíoi zíñona cáatate Ñuera Joreño. Afe ie Ñuera Joreño jírúitímié fiénidena fínua mona ráiruíñegamiéna jáite. Daje izói afe Ñuera Joreño cai Ocuíraimamo ínote come, Moisés ocuica uáimona ráiruíñegamiéna jaide. ¹⁸ Mei íemona

cai uieco ibáillaroi izóidifue iñédeza, uáfori cíoide acáraní izóidinodicai. Afemona, cai Ocuíraima ebíredifuea acáraní egáinua izói, jiáimamo ja ciótaticai. Afe daí cai bie Cristo izóioicaidicai, mei nágaruillaído ie ebíredifuea jamánomo náamatafiredicai. Bifue cai Ocuíraima finócafue. Afémie Ñuera Joreño.

4

¹ Afemona cue bie jaca comécina náinidino izóinédicue, mei Juzíñamui cuena dúecail-lano bie táijinafue cuemo jóoneteza. ² Báinino jiáima jífuefirenana ruiffriticue naa jiáie meáiredifuiari. Daje izói jiáima caimare bífuia uaido úriñedicue. Afe llezica Juzíñamui uaina méidota jiáifodo lloñédicue. Mei jiáifodo jaca uáfuedo úriticue. Afedo Juzíñamui eróicana nana comini comeci ñue úrillado afe cue lloga ua uaina íaioina jieruitadicue. ³ Mei íadi cai llócaiga jllona uai comínimona nano nígamíemo nai ónonino cacaide. Afefue daí ite, mei afémaci dani nine íaioi táinocaillifueo jáideza. ⁴ Mei afémaci Juzíñamuimo íinoñenamona bínie naama Taife, ui nirilla izói, íaioi ífoci úrilla uaina féitate, cue lloga comini jllotata ebírede Cristo ñúefuea íaioi ónoñeilla. Afe ñúefue ñue úzere egáinote raa izoide. Iemo afe Cristo Juzíñamuina jino uáfodo ñue onótate cáadimie. ⁵ Jino cue llócaina llezica, dama cue abi íena lloñédicue, mei jiáifodo afe Jesucristo cai Ocuíraima llócaidicue. Iemo cue dibénedo Jesuna cue izíruillamona ñue omoi íllena canódimiedicue daífiredicue. ⁶ Mei Juzíñamui énie comúitaja llezica, afémie “Mai batí jítino egáinuairi” daide. Afe daí daidímie, cue comécimo ie ñúefue egáinua izói jóonete. Afémie daí cuemo jóonete, Crístodo cuemo ácataga Juzíñamui ebírede cáimafuea ñue cue onóillena.

Juzíñamuimo ñue cai ínuado cai illafue

⁷ Mei íadi afe Juzíñamui ráifide cáimafue cue zínona íñeite abido onótacue. Bie cue abi are íñeite énie niina iciru izoide; mei íadi afe ñúefuea méidotarede íino bie cue jamai abimo jóonega, afe ríino dama cúemona comúñenana omoi onóillena; íemo jiáifodo afe ríino Juzíñamuimona comúllana omoi onóillena. ⁸ Daí cue íllamona diga féirede finónidifuiái cuemo comúadi, jaca Juzíñamui cánuado aféfuiai ñúeite. Daje izói aillo ónonidifuiái zuure cuemo comúadi, jaca nai ocuírínedimie izói iñédicue. ⁹ Mei jiáimaci cuena duere finóllena cuemo racáadi, jaca zóofeñegacue. Fáinamona ana dotaca izói iticue íadi, jaca niné táinocaiñedicue. ¹⁰ Náganuiaimo cue jailla llezica, Jesús íaioi fállena mámia izói maméfiregacue. Nágaruillaído afe titállena mamécamie izói cue illa llezica, afémie ñue cuena náiretade, birui ie cáananona jino comínimo cue onótallena. ¹¹ Mei nai cue caana llezica, nágaruillaído Jesús ícoinia jacire titállena mamécacue, Jesús cáanana, are íñeno tíite cue abido cíotafireilla. ¹² Daí cue zefuíllamona cue dibénedo títaigamiena jáitíicue, mei íadi omoi dibénedo dáaruído omoi cáataganona jáitíomoi.

¹³ Juzíñamui Cuegáuaimo dáamie duere ie zefuíbicailla llezica daide: “Juzíñamuimo ínoticue ie jira úriticue.” Mei daí cue jiái afémie ínua izói ínoticue, ie jira Juzíñamui ñúefuedo úriticue. ¹⁴ Ñue onódicueza, afe tíide Cristo meine abido cáatate Juzíñamui, afe cáataga Jesúoiri nane cuena cáataite; íemo daane cue, naa ómoiri, ie illánomo úite.

¹⁵ Nana bífuiai ñue omoi íllena daí íficaide. Iemona nai aillo jiáie comínina Juzíñamui ñue éziciite. Aillo ie ézicia izói afe díeze aillo comini jamánomo ñúefue íemo nítaitaioi.

¹⁶ Mei íemona cue jaca comécina náinidino izói iñédicue. Meita cue abi náinioicaide íadi, cue comeci dínenaa jaca nágarui náireioicaide. ¹⁷ Mei íemona bíníemo cue caana llezica duere cue zefuíllafuiái figo ráañede. Raire llícaite. Ie méifomo afe zuufue baímo ite aillo ninomo fúíñeite ebírede cáimafuiái cuemo cómuite. ¹⁸ Ie jira uído cue cíónamo ébicaiñedicue; mei íadi cue cíónenafuiáiemo ébicaiñedicue, mei afe ciona raana are íñeno raire táinocaitéza. Mei íadi afe cíónena raa jaca zínona íite.

5

¹ Ja ñue onódicueza, cue caana abi are iñeno zabide jofo izoide. Iemo jiái onódicueza, bie cue abi táinocaille llezica, Juzíñamui cúeiena monamo zíñona zábiñeítico ja nite; afeco come ónoído níñega. ² Uáfueza, cue caana abido cue illa llezica, monamo itícomo iere cue jáiacana comécido éfiredicue. ³ Afénomo jaiániacadícue, mei afeco iniroi come abi jífua izói, cue joreñona ñue jífoiteza. Afemona come abimo iñede joreñona íñeíticue. ⁴ Bie jofona mameca abimo cue illa llezica iere zúunaillano comue abina izire óiacadícue. Mei, bie cue jácaie abina, iniroi come abímona duíñua izói, cue joreñomona duiñóacañedicueza; jífoñega joreño izói íacañedicueza. Mei jiáifodo iniroi jita izói, comue cue abi cue joreñomo jitaacadícue. Daií cómuena méidoacadícue, bie cue táinocaiite abi, comue cue cáailínodo ñine féitallena. ⁵ Dama Juzíñamui bie izói abi cue méidollena cuena mamede. Iemo birui ie Ñuera Joreño afémie cuemo fecade. Afe ie Ñuera Joreño cuemo íllado ñue onódicueza, nana Juzíñamui cuemo fecalle ñue llínoíticue.

⁶ Mei afemona, comue méidoga abi cue llínnollena áfena ñue cue onónamona caimare ocuírídícue. Nai bie abido cue illa llezica, onódicueza, monamo cue illícomona jino iticue. Bie izói daina cue Ocuíraima díga iñédicue. ⁷ Afe llezica birui fia cue ciónafuedo ínidícue, mei jiáifodo Juzíñamuimo cue ínogafuedo íredícue. ⁸ Mei jira uáfueña cue llínnollena ñue cue onónamona caimare ocuírídícue. Bie cue illa abina fáicanocaiacadícue, monamo jaillano cai Ocuíraima díga cue íllena. ⁹ Ie jira bie éniemo afémie díga cue iñena llezica, daje izói afémie díga cue illa llezica, jaca íena cue íóbitallena jamánomo nícidotícue. ¹⁰ Mei comini finócafue Cristo riire jicánoranomo nana cai afénomo ácataredicaiza. Afénomo illa dígamie bíniemo illa abido íaioi fínua dieze, ñibai ñúefue ñibai fiénidífue, áfeze jirídoitiaioi.

Juzíñamui meine caina caimare uáiduafue

¹¹ Ie jira afe naga come Juzíñamui riire jicánollemo ñue jacíruioicana comeci facádícue. Afemo cue comeciillamona naga cómena Juzíñamui llógamo jieruitaacadícue. Mei íadi cue illáfueña Juzíñamui onode. Afe izói cue ñue illáfueña omoi onóillemo ocuírídícue. ¹² Dáanomo dama ñue cue illáfuedo úriñedicue. Mei jiáifodo cuedo caimare omoi úrillena bie izói ómoína daidícue. Afemona jínoidífuedo abí íñotino uai omoi ollíuái íteza. Afémaci jofo comécimo itífuena náfueñediaioi. ¹³ Mei ñibai comínimona dáarie cuena daina izói, uáiritaidímie izói iticue íadi, Juzíñamui íena daií iticue. Mei jiáifodo uáiritaiñedicueza ñue omoi íllena canódicue. ¹⁴ Mei ñue onódicaiza dama Cristo daínámie nana comini meífomo tíide. Afe caina ie izíruillamo comeciillano, nana aféniemo íñotino íaioi fiénidífuiái tíidena mámano áfena fáicanocaidiaioi. Afemo cue comeciillado Cristo caina izíruilla ñúefueña cuena izire llócaitate, ñue omoi íllena. (Daje izói bie Cristo caina izíruilla, ñue illáfuedo cue jáillena cuena ocuíoideza.) ¹⁵ Uáfueza, Cristo nana comini meífomo tíide, nana cáadino dani íaioi jitailla izói íñeillena; mei jiáifodo, afémaci dibénedo tíillano meine cáadímie Cristo comeci jitailla izói íaioi íllena. ¹⁶ Ie jira bínie comini jínoidífuedo comeci faca izói, ñino bumo comeci facáñedicue. Mei nauí uícodo Crísto bínie comini comeci faca izói, comeci facádícue, mei íadi ja birui daií aféniemo comeci facáñedicue. ¹⁷ Mei daií, Crísto dájena jaináitagamie comue cómena jaide. Jaiái ie illáfuiái fiénocaillano nágaíuíaí cómofuiána méidoga.

¹⁸ Nana bífuiái Juzíñamui mámiama Juzíñamui dama aféniemona Crísto meine caimare cuena uáidote, íemo jiái nana comini aféniemo meine caimare úritallena cuena ocuíñoacide. ¹⁹ Bie izói daiíacana: Juzíñamui ie Jitó Crísto nana comínina íena meine caimare uáidotade. Aféruimo, comini finoca fiénidífue féitano caimare íaioína uáidote. Afe dáruido Juzíñamui meine comínina caimare uáiduafue oni llujáillena cuena jóonenocade. ²⁰ Afemona Cristo íena uai llotínona ómoimo biticue. Ie jira birui ómoína

cue daína uai, dama Juzíñamui ómoimo cuedo jicaca uai izoide. Mei jira Cristo dibénedo ómoimo izire jicádícue. Mai, meine abido Juzíñamui caimare uáidori. ²¹ Afe Cristo jaca íaifuena finóñede. Mei íadi cai meífomo Juzíñamui afémiena fiénidífuiairedímie izói duere finode. Daíí íena finode, Juzíñamui anamo ñue jaícina illáfuemo cai íllena; mei ie ñue illa izói cai íllena Juzíñamui jitáideza.

6

¹ Afe daíí Juzíñamui táijinamo afémiena nabáidícue. Ie jira afémie ómoimo lloga ñuera cáimafuiai táinomo omoi fáifitañeno iri. ² Mei Juzíñamui ie Cuegáuaimo daide:

Comínimo caimare cue uáidollena cue mamécaruimo ona cacádícue.

Daje izói jíllonaruiimo ona canódícue.

Ja birui Juzíñamui caimare o uáiduarui. Daje izói birui o jíllonarui.

³ Iemona Juzíñamuimo cue táijina llezica, buna llótaidonidícue, cue táijinafuemo fiéni íaioi úriñeíllena. ⁴ Mei jíáifodo nana cue jetáacagafuiaido Juzíñamuimo táijidímie cue íllana ácatacadícue. Duere zefuídícue íadi comécina raire járidoñeno fia ocuídícue. Afedo Juzíñamui íena cue íllana jino ácatatícue. Daje izói cue jitaica raa íñena llezica, íemo llotáiredífuiai cuemo comuilla llezica áferi járidoñeno ocuídícue. ⁵ Daje izói cuena zechénuano llavédaíaoi. Cue duere finóllena jacire lléjellejedino cígiri itícue; íemo iere rírede táijinamo itícue. Diga ícaíño raire íniana onóñedicue; daje izói jíái juffruitícue. ⁶ Daje izói íáinidímiena cue íllado Juzíñamuimo ñue táijidímiena cue íllana ácatatícue. Iemo diga jíáifuiaido daíí cue íllana ácatafiredícue. Uafue uaina cue onónado ñue cue illáfuena cíotatícue. Iemo cue járitañenafuedo naa cue dúcaifirenafuiaido áfena cíotatícue. Iemo jíái Ñuera Joreño cuemo íllado, naa jíáimana jífueñeno cue izíruifirenado Juzíñamui íena cue íllana ácatafiredícue. ⁷ Iemo ua uai cue llócaillado, naa Juzíñamui ríino cuemo íllado: nana bífuiaido Juzíñamuimo ñue táijidímiena cue íllana ácatafiredícue. Afe llezica jaícina joide illáfuedo jáifiredícue, mei áfede fiénide uáillaina oni caitáredícueza. Daje izói áfede cue abina ríidoredícueza. ⁸ Darúirie ñuefuiai cuemo nitádiaioi, mei jíáiruido fiénidí fue cuemo jíádiaioi. Daje izói jíáiruido cuedo ñue úritiaioi, íemo jíáiruido cuena íáiruitiaioi. Iemo dáríe cuena comínina bífuetimiena daidíaioi; mei íadi jaca uáfuaena úricaidímie itícueza. ⁹ Iemo dáríe cuena “Bu ónoñegamiedío” daidíaioi; íemo jíáimaci “Ñuera cai cómedío” daidíaioi. Darúirie titácamie izói itícue, íadi nai cáaoicaidícue. Iere duere finócacue íadi méneñegacue. ¹⁰ Zuure itícue íadi jíáifodo jaca íóbidícue. Mei ráanidímiedícue íadi, aillo jíáimacina ráaredino izói ráanaitadícue. Dúeredino jofófemo dúeredímie izói cue íadi, nai ráaredímie izói nana ráaniairi íóbidícue.

¹¹ Coríntomo ite cue ámatiaí omoi cacai. Omoi diga báinino úriñedicue, jaca uáfodo úrifiredícue. Cue comécimo itífuena uáfodo jino ómoimo llotícue. ¹² Omoína iere duéruillano rairuñeno ómoína caimare uáidofiredícue. Mei íadi omoi dínená cuena ñue izíruillana ráiruitiomoi. ¹³ Urue Moo, ie úruena izire jica izói, afe izói ómoína izire jicádícue. Omoimo uáfodo jino cue llua izói, afe izói omoi comécimo itífuena jino uáfodo cuemo omoi llóllena izire jicádícue.

Caade Juzíñamui illaco izóidícaí

¹⁴ Juzíñamuimo íñoñedinomo dájena omoi jaináíñeno iri. Omoi jaináíadi, dájena jaícina íñenafue comuídeza; ómoína jíáifodo itátaite. Mei ¿nie izói jaícinaidí fue fiénidí fue diga dáanomo jaináirede? ¡Jaca jaináinide! ¿Mei úzefo naa jíitífo diga dájena nabáirede? ¡Nabáinide! ¹⁵ ¿Taífe meita Cristo diga dájena caimare írede? ¡Jaca ínide! Juzíñamuimo ínotino íñoñedino diga ¿níí fue dájena íaioimo dúina? Dáanomo dúití fue íñede. ¹⁶ Mei dama Juzíñamui daína izói caade Juzíñamui illaco izóidíomoi. Afémie daide: Iaioimo íitícue; íaioi cígido macácaítícue. Cue be íaioi Juzíñamuitícue.

Afe izói cue comínina íitiaioi, daide.

Iemona Juzíñamui illaco jánarai diga ¿nífue dájena íaioimo dúina? Dáanomo dúitífue iñede. ¹⁷ Ie jira cai Ocuíraima bie izói daide:

Juzíñamui ñnoñedino cígimona oni omoi jai, afénomona oni omoi ii.

Íairedifuiyai dibénemo iñeno iri.

Iemona ómoína caimare uáidoiticueza.

¹⁸ Afe llezica omoi Móoiticue.

Iemo dáaruído omoi cue úruiaina íitiomoi.

Afe bífuena jamánomo riñede cai Ocuide Juzíñamui daí daide.

7

¹ Cue izíruiga ámatiai, Juzíñamui jaiyai uícodo lloga cáimafuiyai bie izói joide. Afe daí caimo íllamona nana jíáiforiende cai íaifuiamona muiñócana izói oni íredicai. Abi íaifuena daje izói cai joreño íaifuena fáicanocairedicai. Juzíñamuina ñue jacíruillano cai comeci íaininafue ie erócana jaícina jóneredicai.

Corintio imaci comeci méidua

² ¡Mai cuena caimare omoi uáidori! Cue bie jaca buna fiene finóñedicue. Daje izói buna íaire finóñedicue. Iemo ómoimona jaca buna jífueñedicue. ³ Bie izói cue dáinado ómoína íaire finótañedicue. Mei nauí ómoína cue daina izói, nai cue caana llezica, nágarui ómoimo cue comeci fáioidicueza. Uáfueña dájena cue tíillíruimo ómoimo cue comeci fáioidicueza. ⁴ Ómoína iere caimare ínoticue; daje izói ómoiri ñue abi ínoticue. Iemona diga duere zefuñlafue cuemo comuilla llezica cue comeci jaca náirede, íemo jíái jamánomo caimare iticue.

⁵ Mei daí nauí cuemo comuídeza. Nauí Macedonia éniemo cue jaiilla llezica afénomo uái cue illíruí jaca iñede. Mei jíáifodo náganuiáido féiredifuiyai cuemo comuide. Cuena uáitativo nágafene cue ciríoidiaioi, íemo diga jíáifuiari comécido jacínaioicaidicue. ⁶ Mei íadi comécina náinidinona nácaitañede Juzíñamui cuemo dúecaide; cuemo dúecaillano Tito dúcinado ñue cuena nácaitade. ⁷ Daa ie dúcinari íobiñedicueza, mei dáanomo omoi méidoga ñue illáfuedo afémiena omoi nácaitari íobidicue. Afémie omoi iere cuena cíacanañue cuemo llote. Iemo jíái nauí omoi cígimo comuídifueri omoi iere zúunaillana Tito llote. Daje izói cueri omoi comeci lícitaillari, naa cuemo omoi jíeruicanari íobidicue. Bífuiaina cue fidínamona jamánomo íobidicue.

⁸ Mei nauí ómoimo cue orécabe ómoína zúucaitate íadi, birui áferi zúucañedicue. Mei níbai nauí áferi zúucaidicue, mei íadi birui Tito cuemo llua izói afebe are ómoína zúucaitañenana fidídicue. ⁹ Iemona birui íobidicue. Omoi zúucaillari íobiñedicue, mei jíáifodo afe omoi zúucaillafuedo omoi comeci ífuena méiduari íobidicue. Bie zúucaillafue ñue omoi ocuillado Juzíñamuina íobitade. Iemona ómoimo riire cue ciegabe ómoína fiene finóñede. ¹⁰ Mei uafue, Juzíñamui íobilla ñue cai ocuíoiga zúucaillafuiyai cai comeci ífue ñúefuena méidotade. Iemo afe ñúefuena méiduoado jíllóitícaí. Mei íadi bíniemo ite ínoñedino zúucaillafue íaioína ana tíillínomo úite. ¹¹ Ómoimo comuide zúucaillafue ñue omoi ocuillari Juzíñamui íobide. ¡Iemo birui omoi cígimo ñue comuídifuiamoi omoi éroi! Afe zúucaillafue nauí ómoimo ite fiénidífueño riire ómoína ñue comécitade. Iemo afe zuufue omoi finoca fiénidífueña jino uáfodo llotátate. Daje izói afe zuufue dani ómoína ríicaitade; íemo ómoína jacíruitade. Afe méifomo iere cuena cíacadiomoi. Afe llezica omoi cígiri ite fiene finódimiema duere finótaiacadiomoi. Nana bífuiaimo omoi nífueninana jino ñue cíotatiomoi. ¹² Mei daí afe orécabe cue cuia llezica afe fiene finódimiemo figo comécíñedicue. Daje izói duere zefuñdimiemo figo comécíñedicue. Mei jíáifodo ñue omoi illífuemo comécíidicue, cuemo omoi comeci ñue fáiana, Juzíñamui erócana, omoi onóillena. Ie jira afebe ómoimo cueticue. ¹³ Iemona bífuiaido cuemo caimare dúecaídiomoi.

Mei íadi omoi cuemo dúecailla baimo Tito iere caimare íllari jamánomo íobidícue. Mei nana omoi afémie ñue uái íllena íena canódiomoiza. ¹⁴ Naui omoi dibénedo Títomo cue úrilla uai meáiruñeno jaca ñue cuemo baite. Omoiri abi cue ínuana afémiemo llotícue. Ja birui, nana ómoína cue daína uai uáfueña jailla izói, afe izói ómoiri Títona cue daína uai uáfueña jaide. Iemona nauí afémiena cue daína uai táinomo omoi fáifitañenari iere íobidícue. ¹⁵ Ja birui Tito ómoína iere izíruite, mei nana ómoimo ie dáinado cue ocuífauiai jeire omoi úamo afémie caimare uibíoideza. Daje izói jacíruioicana caimare ie omoi llíinuamo nai comécioide. ¹⁶ Iemona ómoína jaícina ñue cue ínuari íobidícue.

8

Jeruñeno fecáredícai

¹ Amatíai, birui Macedonia éniemo ite Juzíñamuimo jaináidinomo afémie dúecaífirenamona íaiói jeruñeno díga raa fecáfirenafue ómoimo llóiacadícue. ² Mei íaioimo comuide féiredífuiai iere íaioína jacire facátate íadi, caimare itíaiói. Daje izói iere duéredíaiói íadi, ráaredíno izói raana jeruñeno fecáfirediaíói. ³ Mei daní íaiói comeci ñue jítaina izói nana íaioimo ite díeze jeruñeno fecádiaíói, íemo afe íaiói írede úcube baimo nane fecáfirediaíói. Aféfuemo uaina nabáidícue. ⁴ Bie Macedonia imaci Judéamo ite ámatíai íaiói canóllena cuemo izire jicádiaíói. ⁵ Íaioimo comeci cue faca baimo fecáfirediaíói; mei fueñe Juzíñamui comeci jítaina izói, “Juzíñamui ocuilla raíre fínoíticai,” daínano afémiemo ñue ínotiaíói. Afe mei daje izói “O ocuilla raíre fínoíticai,” cuena daidíaiói. ⁶ Afémaci daí daína jira, Títomo izire jicadícue, afémie nauí omoi cígiri taineca omoi jeruñeno fecaca úcube iráíafue birui ñue ícoimo fuitállena. ⁷ Mei nágafuiai dibénemo iere ñue finódiomoí: ínogafue dibénemo jamánomoidiomoí. Iemo ñue llófuiana jamánomo baitáidinodiomoí, naa ífoci úrillafuiai. Daje izói ráraieñeno íocirenafue dibénemo jamánomoidiomoí, naa cuena omoi izíruillafueri. Daí omoi íllamona, mai bie jeruñeno raana fécafue dibénemo daje izói jamánomoidínona omoi iri.

⁸ Bie fécafueña ómoína finótañedicue. Daa jíáimaci raíre raana fecáfirenafueña omoi onótaacadícue, áfena omoi fidínamona íaiói feca díeze raíre omoi fecállena. Afe daí raíre omoi fecácanado omoi izíruillafueña jíái uáfueña dáíitiomoí. ⁹ Mei cai Ocuíraíma Jesucristo caímo dúecaillana ñue onódiomoiza. Afémie fueñe monamo illa llezica bíníe comíní ráanaílla baimo jamánomo ráaredímie. Mei íadi bíníemo bíllamo caina izíruillano dama abína dúeredímiena finode, ie dúerenado Juzíñamui dibénemo caina jamánomo cai ráanaitallena. Mei uáfueña, nauí Cristo monamo illa izói, afémie caina itátaiacade.

¹⁰ Bie jíáimacimo fecáfirenafue dibénemo omoi ñue íllena, cue comécimo ite cue fácaja ñuera uai llóítícue. Nauí jaide fimónamona nai biruimo afe jeruñeno fécafueña ñue tainédiomoí. Daa due jiza fécaítino izói, tainéñediomoí, mei jíáífodo íocire caimare fecáfirediomoí. ¹¹ Jira benómona mai ñue ícoimo omoi fuitari. Nano fueñe omoi táinia llezica, omoi íocire caimare fecáfireña izói, afe izói áfena ñue ícoimo fuitari. Omoimo ite díeze, jeruñeno fecáfireiri. ¹² Dámie uáfueña Juzíñamuimo fecácanania, afémie Juzíñamuimo fecaca raa Juzíñamui caimare llíinoite. Mei uáfueña comínimo ite díeze Juzíñamui caimare llíinofiredeza. Afe baimo cómemo íñédena afémie táinona jicáñede.

¹³ Jíáimaci omoi canófirenado ómoína dúeredínona finóacañedicue. ¹⁴ Mei jíáífodo illa dígazie dájerize omoi ráarerí, daidícue. Jíáíziena jamánomo baimo ráarerí, daíñedicue. Birui íaiói jitaílla raana omoi ñue fecáredíomoí. Iemo uire omoi jítáílliruimo omoi jitaílle raana afémaci ómoimo fecáredíaiói. Afe bie izóidemona afémaci naa ómoiri jaícina dájerize ráareitiomoí. ¹⁵ Jaiái afe monámona Juzíñamui oreca maná daína pan izóidena dibénedo Juzíñamui ciegáuái daje izói daí dáideza: “Aílo ofítatímiemo mínícana fíébiñede. Iemo figo ofítañedímiemo ie jitaíca raana íñede.” Iemona nana dájerize ráareitiomoiza.

Tito naa ie nabáíñiaíri

¹⁶ Ja jíáinodo Juzíñamuina “Figora” daiífiredicue. Mei omoi ñue íllena ómoimo cue comeci úina izói, afe izói Juzíñamui Tito comécina ómoimo jóonetadeza. ¹⁷ Afémiemo cue jóonenocaigana afémie ñue jíeruite. Iemo dama ie comeci ómoimo járitáifirenasona, ja birui dama ie comeci jítainado omoi eróizaide.

¹⁸ Tito diga daa ñue mámecina jica jalléidimiena orédicue. Nana gairífiredi Juzíñamuimo jaináidinodo ie mámecei jica jalleide. Jíllona uaimo afémie iere ñue táijinado ie mámecei jica jalleide. ¹⁹ Daa bífueñedeza, mei jíáifodo Juzíñamuimo jaináidino afe bie cai ama nizédiaioi cue diga jáillena. Daje izói cue canóllena afe ñue ínotimiena nizédiaioi. Afe jíáimacimo omoi dúecaille úcube cue fecállemo afémie cuena cánoite. Cai Ocuíraimamo ñuera uai nitállena bie izói finódicue. Daje izói íemo jíái omoi íocire comínina canóacanana ácatallena, bie izói mamédicue. ²⁰ Bie úcube cue iráiamo buna fienu íriñeillena bie izói finódicue. ²¹ Bie izói ñue jáicina uáfodo canóacadicue, Juzíñamui eróicana ñue cue íllena. Dama Juzíñamui eróicana daií íñédicueza, daje izói jíái comíni eróicana daií iticue.

²² Afe íaillinoído jíáie cai izói ínote ámatiaimona dáamie orédicai. Afémie íocire ie mamérellana diga jíáifuiado ácatate. Iemo birui ómoimo iere ñue ie ínuado, ie íocire mamérellana jamánomo jino ácatate. ²³ Daa come “¿Mei bu Títtona?” daiíadi, “Jadíe omoi cue cánuamo cue nabáifredimie,” omoi daiíri. Iemo afe Títtono jaidi íaillinoímo comíni jícanoíadi, “Crístomo jaináidinomona orécaiaillinoí,” omoi daiíri. Afe llezica “Bie come íaillinoí ñúefue Crístomo nitáfirediaillinoí,” omoi daiíri. ²⁴ Iemona bie oreca íaioímo, uáfueña íaioína omoi izíruifirenana ñue íaioímo ácatari, nana Juzíñamuimo jaináidino onóilleza. Afe izói bie orécamací ñue omoi llínuado, ómoído abí cue ínuana, uafue daiítaitioímo.

9

Amatiai íena úcube iráica

¹ Juzíñamuimo ínotino, cai ámatiai izóidino íaioíena úcube iráia díbenedo, ómoimo uáfueña cúenidicue, ² mei omoi fecállena raire mamérfirenana ñue onódicueza. Omoi Acaya énie imácidiomoi. Nauide fimónamona omoi fecalle raamo raire mamérfirenana Macedonia énie comínimo jaca caimare llófredicue. Macedonia comínimona nabézie, omoi íocire mamérellana fidíillamona comécido náicaidiaioi. ³ Mei íadi bie úcube iráia díbenedo ómoído cue lloga ñúefue táinomo fáifíñeillena, bie cai ámatiai ómoimo orédicue. Daií íaioína uícodo orédicue, nauí cue daína izói áfemo ñue omoi finóbillena. ⁴ Macedonia imácimona dárie cuedo jáia, nai omoi finóbiñenana baizájillena gáíñedicue. Daií omoi íllana íaioí baizájadi, afe cuena meáidaitade, mei áfede nano uícodo omoi ñue cue ínuana táinomo fáifítaitioíza. Iemo jíái afémaci daií omoi íllana cíocaizaíbiadi daje izói dani ómoína meáidaitaite. ⁵ Afe bíemona nano uícodo ómoimo bie cai ámatiai cue orelle iere jítaíredeza, daií comeci facádicue. Iemo daje izói afémaci nauí uícodo omoi mameca aillo úcube iráiana ñue ícoímo fúitana cánoítiaioi. Bimaci omoi cánuamona afe úcube iráiana fúitano, afe úcube caimare omoi fecállemo ñue finóbitioímo. Iemona afe omoi fecalle cue riire ocuínidicue. Dani omoi comeci ñue jítainana ácataitioímo.

⁶ Ja cue lollífuemo omoi uibíoiri. Due ritímie jaca due jofo ote. Iemo daje izói aillo ritímie aillo jofo ote. ⁷ Ie jira illa dígamie ie comeci caimare mamérellana izói ie úcube írede. Jeruílano éoinamona fecánide. Daje izói jíáima ocuíoillamona ínide. Mei Juzíñamui caimare fecáfiredimiena izíruiteza. ⁸ Cai Moo Juzíñamuimo nana jíáifoide omoi cáimacaitade ráaniai iere aillo íteza, facádoño jamánomo ómoimo fecárede. Daií nana dani omoi jítaica ráaniaína ómoimo nágarui ífireite. Mei íadi dani ómoíñedeza, mei jíáifodo ómoimo aillo ite ráamona, nana jíáiforiede raado jíáimacina jeruíño canórediomoi. ⁹ Juzíñamui Cugáuai bie izói daide: Dúeredinomo afémie jeruíño aillo fecade.

Comínimo afémie ñue finócano jaca are iite.

¹⁰ Iemo afe daade Juzíñamui omoi ríllena jíáie ríamo llizítano ómoimo fecáfírede. Daje izói afe riga zícumona, Juzíñamui áfemona omoi güille raana comúitano ómoimo fecáfírede. Iemona nana omoi jitailla ríllena afémie ómoimo fécaite; iemo dánomo omoi rigánuiaina jamánomo aitátaite; áillamona jamánomo aillo ótíomoi. Daií omoi jamánomo óllemona jíáimaci canolle raa diga icaiño ómoimo íiteza. ¹¹ Afemona diga jíáiforiedena ráaretiomoi, jíáimacimo jeruíñeno aillo omoi fecáfíreillena. Iemo cue uire omoi orelle úcube cue izájillamona jíáie cai ámatiaína Juzíñamuina “íere figura” dáítaite. ¹² Mei jira afe bie cánua Jerusalemo ite cai ámatiaimo cai feca llezica, daa íaioi jitaica ráaniai íaioimo fecáñedicaiza, mei íadi afémacina Juzíñamuina “íere figura” daiítaticai. ¹³ Iemona dani afémaci Juzíñamuido ñue úritiaioi, mei bie cánua Cristo ñuera uaina omoi jíeruillana íaioimo jino ácatate. Daje izói afémacimo iemo naa jíáimacimo jeruíñeno aillo omoi fécajana íaioi ciónamona, Juzíñamuimo ñuera uaina jóoneitiaioi.

¹⁴ Iemona ómoína iere duéruillano, afémaci afe ibana ómoína Juzíñamuimo jícaitiaioi. Juzíñamui ómoído jino cótaga aillo dúcaifírenamona afémaci ómoído Juzíñamuimo úrifíreitiaioi. ¹⁵ Ie jira Juzíñamui afe caimo lloga áillo dúcaifírenana jamánomo ñuénamona, fia iga raa izóideza, áfena jino uaido jaícina llónidicaiza. Afe caimo dúcaifírenari Juzíñamuina “íere figura” mai cai daiílli.

10

*Cristo orécami*ena íllamona Pablo ocuilla ríino ite

¹ Cue Páblodicue. Cristo caimo dúcaifíredeza, iemo jíái afémie iere cáimamieza cue daje izói izire ómoimo jícaiticue. Ómoimo riire cue úrizaibiñeillena ja birui jícadícue. Dáarie cuena uáitatino bie izói cue dibénedo daiífírediaioi: “Pablo omoi cígiri illa llezica afémie iere comécina mánaidímie, mei íadi afémie jica jíáinomo illa llezica afémie abido riire ocuídímiena dóbaicaide,” daidíaioi. ² Mei jíáifodo, omoi cue eróizaibilla llezica, riírede uaina ómoimo cue úrizaibiñeillena izire jícadícue. Mei ómoimona dáarie cuemo fiénide uai jítdino ite. Afe íaioi jítaica uai bie izói joide: “Nana ie finócano daa bínie comini jítaina izói finoca,” daií daidíaioi. Iemona afémaci cue úritaja, riírede uáillaído íaioimo úriredícue. Mei íadi afe izói cuena úritañoeno iri. ³ Mei uáfueza, ua cómedícue, mei íadi bínie comini fuirífírena izói fuiríñedícue. ⁴ Fiénidífuiaí oni cue caitalle raa, bínie comini fuirilla raa izóíñede. Mei jíáifodo cue fuirilla raa Juzíñamui ríinona ríinorede, abi ríidollena riire finócuai izóidena cue táinocaitallena. ⁵ Mei áfedo cuemo fiéni jítdána oni caitadícue; daje izói cuena íaioi cáitajana oni féitadícue. Nana uáitaicadino íaioi abi ínuano jíáimaci Juzíñamuina raire onóñeillena jíztáfírediaioi. Ie jira nana íaioi comeci faca uailai Cristo anamo itátaticue, afe Crístona íaioi comeci jíeruillena. ⁶ Cue llógana omoi jíeruilla ñue ícoimo dúcille llezica, nana jíáie uáitáfíredínona duere fínoiticue, íaioi jíeruñena ícoína.

⁷ Daa jínofene cioide ráaniaimo eróidíomoi; uáfueza, náinidímiena cue eróinamo eróidíomoi. Ninó dámie “Uáfueza cue bie Cristo íedícue,” daiíadi, bífúemo afémie úbicaitarede: Cristo íena ie illa izói, daje izói cue Cristo íedícue. ⁸ Mei diga icaiño, cuemo ite ríinodo cue llóiaí naí áferi méaidaiñeíticue. Mei cai Ocuíraima afe ríino cuemo jóonete, áfedo Juzíñamui dibénemo ñue omoi cue móonaitallena. Ómoi niné cue táinocaitallena cuemo íñega. ⁹ Fia rabedo ómoína jácidotímie izói íacañedícue. ¹⁰ Dárie cue cuezábiaído daidíaioi: “Jamánomo riire ocuífírede; mei íadi afémie comini eróicana úrilla llezica, afémie ríimieñede. Afe llezica ie úrilla uaina iere jáimairuirede,” daidíaioi. ¹¹ Afe izói úritímie bie izói onótarede: Jicana rabedo riire cue úrilla izói, afe izói omoi cígiri cue ille llezica riire úriticue. Nane afe dáaruido afémacina riire ócúiticue.

¹² Afémacimona dáarie dani íaioína ñue caimare úritiaioi. Táinomo abi ínuado úritiaioi. Afémaci illa izói jaca mamériñedícue. Dani táinomo íaioi comécíillado conímamo

comécidiáioi. Ñuera come daiñllena dani conímamo facádiaioi. Daií fácajamona abina onóñedimacina jáidiaioi. ¹³ Cuemo dúñede raado abina íñoñeiticue, uai cue llócaillena mózizaillinona llotímie, Juzíñamui. Afémie ñuera uailai cue llócaillena omoi illánomo cuena dúcitate. Uáfueza Corinto dñonomo cuena jáitate. ¹⁴ Ie jira cuemo dúide tájijnafue baimo jáiñedicue. Mei nauti Cristo ñúefue fueñe ómoimo jino dénuaiñbiticueza. Iemona afe omoi cígiri cue tájijille cuemo dúide. Nano fueñe lluaíbiñedicuena afe tájijille cuemo dúñede; mei íadi daiñañede. ¹⁵ Jiáimaci tájijnana cúeiena abimo maiñóñedicue. Afedo abina íñoñedicue. Mei jiáifodo Juzíñamuimo omoi ínogafue ñue móonaille dñori, omoi cígiri jamánomo cue tájijillemo ocuñidicue. Mei íadi cuemo dúide tájijnafuedo tájijifireiticue. ¹⁶ Iemona afe méfomo omoi illa batífenemo jica itínomo jllona uai llujiredicue. Mei íadi afe llezica jiáima taineca tájijnamo tájijñeiticue, ie tájijnado abí cue íñoñeillena.

¹⁷ Mei jiáifodo daa come abí íñoiacania, cai Ocuñaimado abí íñoiteza. ¹⁸ Dama ie abido ñue úritímie, ñuera come daiñfirenamiena jáiñeite; mei jiáifodo daa Juzíñamui ñue úrillamie, ñuera come dainámiena jaille.

11

Cristo óreñega taino llotino Pablo diga

¹ Abina onóñedimie izói due jiza úriticueza. Raire cue uai oñeno fñaicana cue úrillamo ómoína cacáretaacadicue. Mai fñaicana abí cue íñuamo omoi cácarei. ² Omoína iere uríoifiredicue. Afe omoi cue uríoilla Juzíñamuimona comuide. Dámie ie áreiacania jetañega jitaingo óllena jica ia mámano jicánote. Afe jicánogango daa afémiemo iníreirede. Mamécaruimo afengo moo aféngona izájite. Afe izói Crístomo ómoína cue izájillena ja Crístodo mamédicue. Ie jira ómoiri iere uríoídicue. ³ Mei comini nánoidingo Evana jaio bífuiano jífuaia izói, afe izói jiáimaci ómoína bífuiana jacíruiticue. Afemona figo abí omoi ráiruiñenia jífuefitiomoi. Iemona Crístomo ñuera comécido omoi comécillana oni jiáifodo féitaitiaioi. Daje izói Crístona nahí omoi izíruillana féitaitiaioi. Afena jacíruiticue. ⁴ Cue llócaiga Jesús izóiñedimiena ómoimo llotíaioi. Afemo fñaicana caimare ñue cacáreidiomoi. Afemo ñibai omoi íñollena jacíruiticue. Iemo nauti ómoimo cue lloga o maiñoca Ñuera Joreño izóiñedena jiáifoide joreñona abimo maiñódiomoi. Iemo jiái uícodo cúemona omoi cacana ua jllona uai izóiñedena jiáifoide uai jeire otíomoi. ⁵ Birui baie omoi cígido jáillamaci “Cai bie Cristo orécamaci baimo ñúemacídicaí,” daidíaioi. Mei íadi afémaci jofófenemo ráfiñedimiedicue, daií comécioídicue. Iemona ¿ñibái mei cuemo cacáreñeitiomoi? ⁶ Mei ñibai cue úrilla uai figo jinoñeniadi, nai cue onoiga rafue jino llúana dibéñedo iere baitádimiedicue. Nana ómoimo cue llócaillado afe bie cue onóigafuiana jaca nágarui jino ómoimo ácatafiredicue.

⁷ Jllona uai ómoimo raiñóñeno cue llúado, omoi anamo cue abina itátaticue. Daií iticue cue baimo ñúefuedo omoi jalléillena. Daií cue illa ¿ñibai fiénide? Daiñañede. ⁸ Jiáie Juzíñamuimo jaináidino omoi cue canolle úcube íbádiaioi. Omoi cígiri cue íllena afe úcube cue llínua afémacimona cue bairoca izoide. ⁹ Omoi cígiri cue illa llezica, cue jitaica raana ite. Mei íadi afena jaca ómoimona raiñóñedicue. Aféruillaído Macedóniamona bite cai ámatiai, cuemo iñede raana fecádiaioi. Afe daií cue abina rairuídicue, omoi cígimo nana cue finócafuaia ómoimo juare zúñeillena. Iemo nauti cue illa izói, afe izói omoi cígiri jaca daií ífireiticue. ¹⁰ Cristo ñúefue ua cue onona izói, afe izói nane jiáifuena ua onódicue. Afefue bie izói daide: Nana Acaya éñiedo raiñóñeno tájijifireiticue. Afe cue tájijina cue raiñóñenari cáimacaiticue. Iemo afe cuemo ite cáimafue buna cúemona báiroñeite. Afena uáfodo onódicueza. ¹¹ ¿Ñibái mei daií úriticue? ¿Ñibai ómoína cue gáñenado daií úriticue? ¡Ieñede! Omoína iere cue gáñana Juzíñamui ñue onode. ¹² Mei

íadi jaca cue fínua izói fínócaíticue, cuena uáitatino abí ínotañeilla. Jaca ómoimo raiñoño tájífíreíticue, baie abí ínotino íaioi abí ínua raa cue bairóllena. Afémaci úcubena ómoimona izire jicáfírediaioi Cristo ua orécamiéna cue illa izói íaioi íllena. Mei úcuba íaioi ófírenamo ínotiaioiza, áfedo “Cristo orécánodicaí” daíllena. Ie jira afe íaioi ínoga uai oni caitáacadíe. Iemona jaca raiñoño ómoína canófíreíticue. ¹³ Baie afémaci Cristo óreñega iere taino llotino. Daje izói afémaci jíáímacina jífuefíredino. Iemo jíái afémaci come jífeia jíáífo eroína izói, Cristo orécamacina comínina íaioimo comécítaacadiaioi. ¹⁴ Afe bie jíáífodo afémaci eróinafue cáimona jánañede, mei dama Taife egáíñote Juzíñamui abí ímiéna eróillena méidoficaideza. ¹⁵ Ie jira, Taífemo tájítagano ie méidoficailla izói méidoficaírediaioi; afe jíáífoide raa ízoíñede. Iemona jífeide come eroína izói bimaci ñue ite comínina eróillena abina jíáífodo méidotiaioi. Mei íadi íaioi fínócaiga fíenidí fue dúina dieze afémaci táínocaitaioi.

Cristo orécamiéna ie íllamona Pablo duere zefuide

¹⁶ Nane dáanomó ómoína dáíticue: Bie jabo abí cue ínuamona cue úrillamona bu cuena “Uáíritaidímíe” daíñeno iri. Mei íadi daa come daí comécido daíadi, dama uáíritaidímíe izói úriticueza fia omoi eroiri, áfedo jabo abí cue ínollena. ¹⁷ Afe bie abí cue ínua uaina, caí Ocuíraímamo ite ríinodo cuena daí daíñañede. Mei jíáífodo dama uáíritaidímíe izói úriticueza. ¹⁸ Mei dani íaioi daina ñuera uaido abí ínotínuaí aillo íteza; afe íaioi taino abí ínuana izói, afe izói abí ínoíticue. ¹⁹ Omoi zánuaño dáíticue, omoi jamánomo baitáínodiomoiza, mai uáíritaidímíe izói cue úrillamo caímare fíaicana omoi cácarei. ²⁰ Mei ómoína baie riire tájítatínona caímare fíaicana cacáreidíomoi. Iemo jíái ómoimo ite raana báíruaíbitino uaimo caímare fíaicana cacáreidíomoi. Iemo jíái ómoína náamataíbitino uaimo fíaicana caímare cacáreidíomoi. Iemo jíái omoi jámairuítinomo caímare cacáreíredíomoi. Iemo omoi uíéona fatade izóidíno, afe níí ómoína fieni úritínomo fíaicana caímare cacáreidíomoi. ²¹ Bie izói cue daina cuena meáíruitade, mei íadi dama cue jámairuillado dáíticue, cue bie afémaci fínua izói, cue fínóllena figo ríinidíe.

Mei íadi aillo jíáíe comíni jacíruiño daífíreña izói, cue jíái jacíruiño dáíticue, mei íadi áfedo uáíritaidímíe izói úriticue. ²² ¿Meita afémaci hebreo imaci? Cue jíái daje izóidíe. ¿Meita afémaci Israel nairai íédiaioi? Cue jíái daje izóidíe. ¿Meita afémaci Abrahámona comuídino? Cue jíái afémaci izóidíe. ²³ ¿Meita afémaci Cristo tájítagano? Cue bie afémaci baímo Cristo ocuícamiédíe. (Bie izói cue dáínado uáíritaidímíe izói úriticue.) Cue bie afémaci baímo jamánomo tájídíe. Cue bie afémaci baímo zéchedogacue. Daje izói afémaci baímo llavécacue. Iemo díga ícaíño titáacagacue. ²⁴ Cinco dígacaiño judío nairai duere cue fínua llezica, cuena zechénotadiaioi. Nágarui duere cue íaioi fínua dáruido treinta y nueve dígacaiño cuena zechénotiaioi. ²⁵ Iemo dacaiñoámani cuena ragúízido fatíaioi. Iemo dacaiño nofíciaina cuena níjidiaioi. Iemo dacaiñoámani cue jailla áillue nocáe buide. Iemo dacaiño caí buíllamona daa naio daa mona díga afórede monaíllai cígímo itíe. ²⁶ Dáanori uái íñeno iere macáfíredíe. Iemo díga imani jacíredínuaímo itíe, íemo jacírede meríríredíno cígímo itíe, íemo dama cue comíniri jacíredífuiaí cígiri itíe naa jícánemaciri. Iemo áillue jofue cígímo ite jacíredífuiaí cígímo itíe. Daje izói áillue nairai jínomo ite jacíredífuiaí cígímo itíe, íemo jíái monaíllaimo jaci cácadíe. Iemo jíái taino ámatiaí cígímo jaci cácadíe. ²⁷ Daje izói juárede tájínamo itíe naa féiredífuiaíri. Díga ícaíño mona naio díga ínñeno tájídíe. Daje izói iere jufi cácadíe, íemo jíái jainoi ínénari duere zefuídíe. Díga ícaíño Juzíñamuímo comeci fácano güíñeno jáicadíe. Daje izói róllíemo duere zefuídíe. Daje izói ínquíronino jáicadíe.

²⁸ Nane bífuiai baimo jíáifuiai cuemo comuide. Nágaruillaído náganuaímo ite Juzíñamuimo jaináidinomo cue comeci úicaide. Iaioina abíoidicue izói duere zefuídícue. ²⁹ Iemona daa come figo Juzíñamuimo ie íñoñenamona duere zefuádi, afe cuena duere zefuítate. Daje izói dámie íaifuemo comeci nine féiacaniadi, cue comeci niné féizailla izoide. Iemona afe cuena meáidaitade; daje izói cuena ríicaitade. ³⁰ Mei afémaci táinodo cuena abí ínotaadi bie izói dáitícue: Cue mairíñenana jino ácatate raado ñue cue úrillena baimo gáidícue. ³¹ Cai Moo Juzíñamui bie cue daina ua uaina onode. Afémie cai Ocuíraima Jesucristo Moo; íemo jíái afémie jaca ninomo íóbioitategaza. ³² Naui Damáscomo cue illa llezica afe nairai jabóidillaíma naga nazemo úiñorainina jóonete, llaitada cue llavéllena. Afe nairai nahíllaíma Areta mámeciredimie. ³³ Mei íadi jíáie Juzíñamuimo ínotino, eróirafomona cirígaido cuena ana agúinetiaioi; mei afe jofue onífene cirínua raa caifo jicado íteza. Daí afémacimona botada jíllodicue.

12

Juzíñamui Páblomo nicaí anado ua ráfuedo úrite

¹ Dámie dama abido caimare úria minícana oñede. Ie úrilla jíáie raamo ráifíñede. Afefue ñue onódicue ia, cai Ocuíraima nicaí anado cuemo ácataga raa jino llóredicue. Afe llezica uécodo nai buna ónoñegafuiai cuemo llote. ² Afe cuemo ácataruimona ja catorce fimona jaide. Aféruimo Crístomo cue jaináinamona caifo tercera monamo Jesucristo illámonamo uigacue. Onóñegaza nibai caana abido uigacue, nibai íeizinino uigacue. Afe dama Juzíñamui onoíga. ³ Cue úinaruimo nibai abí diga uigacue, nibai daa cue joreño úina, áfena onóñedícueza; dama Juzíñamui onoíga. ⁴ Juzíñamuimo ínote tíidino jáillinomo uigacue. Afénomo Juzíñamuimona dama cuemo duide ebírede uáillaina cacádicue; afe uáillaído Juzíñamui rairuídeza birui úrinidícue. ⁵ Afe cuemo ácataga raado abina ínoredicue, mei íadi áfede abina íñoñeitícue. Dama cue abina íñoñeitícue. Mei jíáifodo cue mairíñenado ñue cue úrillena iere gáidícue. ⁶ Mei dama abido cue úriacaniadi, afe abina onóñeno úrilla izóíñede, mei jáícina uáfuena úritícue. Mei íadi áfede úriñeitícue, mei cue ciona izói comini cuemo comécillena jítáidícueza. Afe izói cúemona íaioi cacana izói áfeze cuemo íaioi comécillena jítáidícue. Afe baimo aillo jíáiforie cuemo íaioi comécillena jítáíñedícue.

⁷ Afe cuemo jino onótaga raa iere jamánomo ebire cioide. Ie jira áfede jamánomo abina cue íñoñeillena, duere zefuíttagacue. Afe duere cue zéfuilla come abimo eedo llúina izoide. Afe eedo, Taífe come izi cácatate raa izói, cuena duere fínuaibite. ⁸ Bie duere cue zefuilla raa cai Ocuíraima oni oréllena dacaiñoámani íemo jicádicue. ⁹ Mei íadi cai Ocuíraima cuena daide: Cuemo ite o cue cáimadofirena nana omo comuide duere zefuilla o ocuíllena ñue cánoite. Mei daa come nánina llezica, cuemo ite ñuera ríino afémiedo ñue jino ácatarede,” daide. Ie jira cuena nánitade raari íóbidicue, afe daí Crístomo ite ríino cuedo jino ácatallena. ¹⁰ Mei jira cue náninari íóbidicue, íemo comini cuena báíñuari íóbidicue. Daje izói raana cue jítáillari íóbidicue. Afe izói cue duere íaioi fínóacanari íóbidicue. Iemo Cristo ícoínia féiredífuiai cuemo comuíllari íóbidicue. Mei jamánomo íaioi cuena uáitaacana llezica, afe llezica Juzíñamui cue cánuado comécina jamánomo íociredimiena jáidícueza.

Coríntomo ite Juzíñamuimo jaináidinomo Pablo comeci úicaífirede

¹¹ Dama cue abí ífuedo cue úricaillamona uáiritaidimiena jáidícue; mei íadi daí cue úrillena cuena ocuíoide izói itíomoi. Mei dani omoi ja birui cuedo ñue úriredimoi; mei ráifíñedícue ia, omoi cígido jaide Cristo óreñega jamánomoidino jofófenemo ráifíñedícueza. ¹² Naui omoi cígido jarítaiñeno fíaicana táijidícue. Afe cue táijicaillarui jíaíena onótate raana finódicue naa ciórainina ráaniairi. Afe dáaruído ebire cáimacaitate

ráaniaina finódicue, nana bífuiaido Cristo ua orécamiedicue daiñllena. ¹³ Jiáie Jesumo jaináidino cígiri cue illa llezica, cue jitaica raana raiñódicue; mei íadi omoi cígiri afe izói iñédicue. Daa bífuedo jiáie ínotino jofófenemo ómoimo comécidicue. Afe ómoimo cue raiñónena dibénedo ómoimo fieni cacáidi áfemona meine caimare cue uáidori.

¹⁴ Ja birui dacaiñoámani omoi cue eróizaibillena finóbidicue. Iemo omoi cígimo cue íllena ómoimo juare fínoñeiticue; mei ómoimo ite úcube cúeiena máíñuaibiñeiticueza. Mei jiáifodo dani omoi Juzíñamuimo ñue jaináitallena bíiticue. Mei uafue, éicomini úruiai íena úcubena ofítarena. Uruiai ie moo íena ofítanide. ¹⁵ Omoi comeci ñue íllena dama cuemo ite diga caimare fúitaiticue. Daje izói ómoiri cuemo ite máiriena jeruíño fúitaiticue. Omoína jamánomo cue izíruiadi ¿afe íbana meita omoi jofófenemo cuena izíruiarediomoi? Daiñañede mei íadi birui afe izói ómoimona dáarie cuena dai finódiaioi.

¹⁶ Nana ómoína cue llótaihuaibiñedicue. Afena ñue fairíotiomoi; mei íadi afe méifomo dámierie jiáifodo daidíaioi: “Irebaimo jiita izói caina bífuiano úcube ote,” daidíaioi.

¹⁷ Naui ómoimo cue orécamacimona, ¿meita cuemo izájillena dámie ómoína bífuiano úcube ote? ¡Oñede! ¹⁸ Omoi méiñuaillena Tito izire jicádicue. Afémiedo daa jiáie ama orédicue. ¿Meita afe Tito úcube óllena ómoína jífuete? ¡Daiñañede! Tito, ie nabai, íemo cue, cue macáfírena izói, daje izói nana macádicai, ¿ero ua? Dájena ñue comécillado táijífiredicaiza, ¿ero ua?

¹⁹ “Caido abi ríidotio,” nibai caina comécido daidíomoi. Mei íadi afe izói jóiñede. Mei jiáifodo Juzíñamui eróicana Crístomo jaináitagamie izói úriticai. Mei cue izíruiaga ámatiaidiomoiza, nana bie izói cue daina omoi comeci Juzíñamui dibénedo ñue móon-aillena lloticue. ²⁰ Mei omoi diné cue bille llezica cue comeci óiacana izói iñédiomoi cue cíoizaibillena jacíruiticue. Iemo afe íbana omoi comeci óiacana izói iñédicue cue omoi baizájillena jacíruiticue. Iemo dájena ñue omoi jaináíñenamo jacíruiticue. Daje izói omoi íiradoífirenamo jacíruiticue; íemo jiáimana omoi ícifirenamo jacíruiticue. Iemo afe llezica jiáimana duéruiño dani abí omoi úcificaijari jacíruiticue. Iemo jiáima uaita uai omoi llófirenari jacíruiticue. Iemo jiáimaci jánari omoi úrifirenari jacíruiticue. Daje izói fieni abí omoi ínofirenari jacíruiticue. Iemo ocuícana náfueñedino izói fieni ebena omoi ífirenari jacíruiticue. ²¹ Iemo jiái uire omoi cue éroizaibille llezica omoi dai íllari cue Juzíñamui ómoido cuena meáidaitalleri jacíruiticue. Iemo afe llezica nibai aillo ómoiri cue éeiri jacíruiticue, mei jaii ninómona diga fiénidífuiai omoi fínuari éedicueza. Mei ómoimona aillo nai íaioimo ite íaifuii féitañediaioiza. Daje izói íaioimo ite jírúífuena fáicanocaiñediaioi, íemo íaioi comécina jíirioide fieni finócafuiai oni nine féitañediaioi.

13

Pablo íraicaiño íaioi uáidua uai, íaioimo llonódacaiga uai diga llote

¹ Naui ménacaiño omoi méiñuidicue. Ja birui nane meine omoi méiñuaibíticue. Onódiomoiza, naga júfidoga rafue mena, nibai daámani uai nabáiraini daje izói úriadi, afe júfidogafue ñue záide. ² Naui méifodo omoi cue méiñuaibilla llezica, nana naui uícodo fieni itínona duere cue finóllena llonódacaidicue. Birui benó jica cue illa llezica dánomo naui ómoína dama cue dáinana llóiticue: “Uire nane omoi cue méiñuaibia naui uícodo fieni itínona naa ómoiri dúecaiño duere fínoíticue,” daidicue. ³ Iemona omoi jenoca Cristo cuedo úrilla onótafirena raana ñue ónoítiomoi, mei áfena jenófirediomoiza. Omoiri Cristo náinidimie izóiñedeza, afémie ríinorede, Cristo omoi diga jífanoñedeza, ríiredimieza. Omoína ñue rairuíoide. Omoi cígiri íemo ite ríino jino cíotote. ⁴ Uáfueza, Cristo náinidimie izói cruzmo coraica, mei íadi birui afémie Juzíñamui ríinodo caade. Afe daií Cristo náinina izói dájena náinidicue, mei íadi dájena afémiemo cai jaináillado Juzíñamui ríinodo íiticue, omoi ñue cue finófireillena. ⁵ Mai dani ñue abina omoi

onoiri. Afemo, mai ñue comeci omoi facari, Juzíñamuimo ñue ñnoga uai iere jeire omoi úana omoi onóillena. Omoi comeci ifue facada ñue jóonefireiri. Jesucristo ómoiri íllamo ¿meita áfemo comeciñediomoi? Mei nibai jíáífodo jóide. ¿Meita táinona ñnotiomoi? ¡Afe daí íñeiteza! ⁶ Mei uáfueza, cai bie táinona llotímieñedicue. Afemo ñue omoi coméioicaillemo ocuírídícue. ⁷ Iemo afe llezica fiénidícue omoi fínoñeillena Juzíñamuimo jícáfíredícue. Daa ñúefue dibénemo omoi íllena jícádícue. Mei íadi ñue jáicina llófuefiredímie cuena daíllena jícáñedicue. Dámie “Jáicina lloñedio” dáiiadi áfena llóñeítícue. Ñúefuemo omoi ille comini cueri dáinana baimo ráífide. ⁸ Jaca ua uai jeire omoi oíadi úaitañeítícue; ómoína lletánidícue. Mei jíáífodo afe uaina nabáiredícue. ⁹ Ie jira ómoína cue lletáninamona náinina cue cíoiadi, áferi caimare íóbidícue, mei afe llezica omoi ñue comécina náirediomoiza. Iemo nífueningo ñue jáicina omoi íllena jaca jícáoífíreitícue. ¹⁰ Nai omoi cue méiñuaibiñena llezica, bibe uícodo ómoimo cuetícue, uire ómoimo cue bíadi omoi díga riire cue íñeillena. Uáfueza, omoi riire cue lletalle ríino Juzíñamui cuemo iga. Mei íadi omoi cue táinocaitallena cuemo íñega. Mei jíáífodo Juzíñamui dibénemo omoi comeci ñue cue móonaitallena cuemo iga.

¹¹ Cue ámatiai, ñue ítiomoiza. Dani nífueningo jáicina omoi illínomo omoi coméiiri. Bie ómoimo cue lloga uai náfuiano, conímama omoi náicaitafíreiri. Conímamo dájerize caimare omoi coméiífíreiri. Daje izói jíái dájena ñue uái illífuemo omoi iri. Iemo cai uái illí fue comúitate Juzíñamui omoi díga ífíreite, íemo ómoína ie izíruífírenana ónoítíomoi.

¹² Caimare conímama omoi uáidori. ¹³ Nana benó ite dájena Juzíñamuimo ñnote cai ámatiai ómoimo uai orédiaíoi.

¹⁴ Ja birui cai Ocuíraíma ómoína ñue fínoíteza. Daje izói Juzíñamui ómoína izíruífíreíteza. Iemo Ñuera Joreño ómoína nabáioicaíteza. Daítadeza. Jae ñie.

GALACIA ENIE IMACIMO SAN PABLO ORECABE

La Carta del Apóstol San Pablo a los Gálatas

Pablo, Galacia éniemo ite Juzíñamui uaimo íinofiredinomo cuete

¹ Cue Páblodicue. Juzíñamui ñúefue llujillaena orécamiedicue. Dani comini cuena jóoniamona llujíñedícueza. Daje izói comini cue óriamona llujítagamieñedicue. Mei íadi dama Jesucristo llujítagamiedicue. Daje izói afe Jesús tíidinomona meine abido cáatate Moo Juzíñamui llujítagamiedicue. ² Nana Galacia éniemo ite Juzíñamuimo gairífiredimacimo bibe cueticue. Daje llezica nana cue diga ite ámatiai uai orédiaioi. ³ Moo Juzíñamui fecaca comécina uái illafue dibénemo mai omoi iri. Cai Ocuíraima Jesucristo afe bífuiai daje izói caimo llote. Aféfuiai dibénemo mai omoi iri. ⁴ Mei afémie, cai fiénidífuiai dóllena, titállimiena dama ie abina izájide. Daí cai Moo Juzíñamui jítaina izói, afémie ie abina izájide, bie fiénidíruillaimona oni cai jírecaitallena. ⁵ Juzíñamui daí cai jíllojamona, afémiena “Jamánomo cáimamedio” mai cai daiilli. ¡Afémie jaca daí íteza! ¡Mai!

Abí dine cai jílloille uaina jaca íñede

⁶ Juzíñamuina raire omoi zóofiailla uai, cuena fáigacaitade. Zóofiano, ja jíáie táinomona lloga jíáifodo joide fia daina jíllo uaimo íacadiomoi. Aferi fáigacaidicue. Mei Juzíñamui, Cristo caina izíruillado omoi jílloillena, jae caimare ómoína uáidoteza. ⁷ Uáfuenta dáíticue: abí diné jíáie jíllo uai jaca íñede. Mei íadi dáarie ómoína áifedotimaci, cai bie Crístomo íinuamona cai jíllo uaina, jíáifodo feire méidoacadiaioi. ⁸ Mei íadi jíáie come afe cai jíllo uaina uáitajano, jíáifoidifue ómoimo llóyadi, mei dama Juzíñamui afémiena fáidoiteza. Nibai dama cue daí jíáifodo llóyadi, Juzíñamui faidóllícueza. Daje izói monámona biite Juzíñamui abí ímie daí llóyadi, mei Juzíñamui íena fáidoiteza. ⁹ Naui ómoimo cue llua izói, birui nane daje izói daidícue: Dinó omoi jíáifodo llófueacadino cáimona omoi cacana jílloafuenta afémaci uáitaiadi, mei afémaci Juzíñamui faidólliaioiza.

¹⁰ Bie riire cue dáinado ¿mei nibai comini bífueticue cue íaioi cáimadollena? ¡Mei íeñede! Dama Juzíñamuina íóbitaacadícue. ¿Mei nibai comini úicori fígomiena íacadícue? ¡Daje izói íeñede! Comini úicori fígomiena nai cue íacaiadi, mei Cristo tájítagamiena ínidicue.

Pablo Juzíñamui ñúefuenta llujítimiena jáillafue

¹¹ Mei ámatiaina ja maméidiomoiza, ja bífuenta nane omoi uíbitaticue: Cue lloga jíllo uai comínimona comuíñede. ¹² Daje izói aféuaina comínimona cacáñedicue. Ua áfena bu llófueñegacue. Mei jíáifodo aféuaina dama Jesucristo onótagacue.

¹³ Naui judíuai íinogafuaimo cue jainaina llezica, cue illáfuenta jae onódiomoi. Aféruido Juzíñamuimo gáirífiredinona iere duere íaioi cue finóllena riire cue rácajana fidídiomoi. Daje izói nana íaioína niné cue tánocaitallinona onódiomoi. ¹⁴ Afe llezica, cue uzútaiaí daináuailaimo iere izire cue jaináiacanamona, judíuai íinogafuemo baimo baitádimiena jáidicue. Aféfuemo comécina iere fígomiena jáidicue. Ua aillo cai judíuaimona, daane cue comuíllagimamona baimo fibídimiena jáidicue. ¹⁵ Mei íadi nai cue jócoñenia, Juzíñamui cuena nizede. Daí níziano, iere cuena ie izíruillamona, cuena uáidote. Cue ie uáidua mei, ie óiacana izói, ie Jitona cue onótate. ¹⁶ Ua, ie Jitona cue onótate, afe Jító cue onónamona Juzíñamui ñuera jíllo uai judíoñedino cígimo cue llujillaena. Daí Juzíñamui cue uáidotemo, bumo nífuenta “Mai cue llofue” jicánoñeno, dama oni Arabia éniemo raire jáidicue. ¹⁷ Ua, Jerusalemo ite nano cue úicomo uáidoga

Jesús ñúefue llujáitino úrizaiño, raire oni Arábiamu jáidicue. Diga irui ñinomo cue illa mei, abido Damáscu biticue.

¹⁸ Afe llezica Jerusalemo are nai jáiñedicue. Dafimonaámani ñinomo cue fuita mei, Jerusalemo jáidicue, Pedro diga cue úrilla. (Afémie jáifo mameina Cefas.) Aféruimo dama Pédróna ñue onódicue. Quince dígarui ie diga nabáiricadicue. ¹⁹ Aféruillaído jáie Jesús ñúefue llujáitimacimona dámie ciódicue; afémie Santiago, cai Ocuíraima ama. ²⁰ Juzíñamui eróicana úriticue: Bie ómoimo cue cuega nahí uáfueza, daidicue.

²¹ Afe méifodo Siria éniemo naa Cilicia énie diga jáidicue. ²² Judea éniemo ite Crístomo gairífredino nai cue uícona onóñediaioi. ²³ Dáafuena fidídiaioi. Afefue bie izói daide: “Jaii cai fállena cai racádimie, ja birui cai ñnollifue llocana uite. Jaii jáíruido aféfuena afémie nine táinocaitacade.” ²⁴ Iemona cuedo Juzíñamuimo ñúefue jónetiaioi.

2

Jáie Jesús orécamaci ja Pablo caimare uáidotiaioi

¹ Catorce fimona fuilla mei, Bernabé diga meine Jerusalemo jáidicue. Afe dáruído Tito uiticue. ² Juzíñamui cuena ñina izói ñinomo jáidicue. Ñino Jerusalemo Juzíñamuimo ñnotino ocuífiredo jalléidino dáarie ite. Iaiori oni eneno fueñe dáanomo gairídicue. Ñinomo judíoñedinomo cue llófirega jillona uai íaioimo jino lloticue. Bie izói íaioimo llujáidicue, nana cue llócaigafue táinomo fáfiñeilla; daje izói birui jino cue llogafue táinomo fáfiñeilla. ³ Aféruído cue nabai Títóna judíuai lloga uai izói, finóñediaioi; afémie judíoñedino íadi, ie bacano ícoi quetáañediaioi. ⁴ Afe llezica dáarie táinona llote ámatiai, báinino cai cígimo dúcidiaioi. Afémaci Tito bacano ícoi quetáacadiaioi. Afémaci cai cígimo uñnodoimaridiaioi, rairuínino cai íllana onóilla. Mei ja birui Jesucrístomo cai jaináinamona, Moisés ocuica uáimona uáfodo jirénogacaiza. Afémaci nane abido áfemo caina izire rairuícana izói finóacadiaioi. ⁵ Mei íadi íaioi llógana naado jeire oñédicai, mei oni íaioi taino llufuemo abina uitáañedicaiza. Daí íaioina jieruñedíca, mei ua jillona uai jaca jeire omoi óllena, iere jitáidicaiza. ⁶ Mei íadi afe Jerusalemo ite ocuífiredo jalléidino comue jáifueña cuemo lloñediaioi. Afémaci jalléinafuena figo náfuñedicue, mei onódicueza: Juzíñamui, fia jinofe ífuena riire jicánoñede. Mei jáifodo afémie naga cómemo dájerize ñue jáicina jicánoite. ⁷ Ua, jáie cómofuena cuemo lloño, dama cue llujigafue ñue jieruitiaioi. Ñuera jillona uai, judíoñedinomo cue llócailla Juzíñamui cuemo jóniana como fidídiaioi. Afe uícomo daje ñuera jillona uai judíuaimo Pedro jino llócailla fidídiaioi. Afe tájina Juzíñamui Pédro jónete. ⁸ Mei uáfueza, Pedro ória izói, cue jái orécacue. Daje Juzíñamui Pedro judíuai cígimo oreca. Ie mei daje Juzíñamui judíoñedino cígimo cuena orede.

⁹ Aféruillaído Santiago, Pedro, Juan diga nanoide ocuídino. Bie ñuera tájinafue Juzíñamui cuemo jóniana íaioi fidínamona, cócona Bernabé diga caimare uáidotiaioi. Daí cócona finódiaioi, ja nana dáamacidícaí daíllena. Iemo, afémaci judíuai cígimo tájizailla llezica, coco jái oni judíoñedino cígimo tájizairedíco. Daí cócona daírediaioi. ¹⁰ Daa rafue cócomo jicádiaioi: “Mai jaca féitaño, duéredinomo comeci ómicoi úbífíreiri,” daídiaioi. Afefue cue finóllena jaca járitaífredicue.

Antioquía jófuemo Pablo Pédróna lletade

¹¹ Mei jáíruido Pedro Antioquía jófuemo dúcia mei, íemo eróicana íena riire lletádicue, mei rairuífíredífe ie fínua jira. ¹² Fueñe afémie judíoñedino diga güizáífíredífe. Mei íadi Jerusalemo ite Santiágo jaináidino dúcina llezica, afe Pedro judíoñedino diga dáanomo abido güizáíñede. Iaiomona jírecaillano oni eneno ífíredífe; mei Jerusalémona bite bacano ícoi quétafue llotínona Pedro jacíruiteza. ¹³ Afénoimo Jesumo ñnote jáie judíuai ite. Pedro oni eneno jáillana íaioi cóillano, afémaci daje izói judíoñedino

cígimona oni jírrecaidiaioi. Iirainomo jiái Bernabé íaioi fiénide oni jírrecaillamona daje izói jírrecaide. Afefue jiáimacina jífueoicaide. ¹⁴ Mei íadi, ñuera jílona uai ua daina izói íaioi iñénana cue cíoilano, nana dáanomo gairídino eróicana Pédróna daidicue:

—O judío, mei íadi benomo judíoñedino illa izói itio. Benomo judío illa izói iñedio. ¿Nibái mei birui judíoñedinona judíuai illa izói jóoneacadío? —dino Pédróna lletádicue.

Nana jiáie comini izói, judíuai Crísto íaioi íinogafuedo jíllorediaioi

¹⁵ Cai bie jaca jocóinanomona judíuaidicai. Juzíñamuimo comécifiredicai. Judíoñedino Juzíñamuimo comécina facáñediaioi. Iemona fiénidifuiaredinona itáioi. Cai afémaci izóinédicai. ¹⁶ Mei íadi onódicaiza: Moisés ocuica uai iere ñéfinamona, buna Juzíñamui anamo ñue jaícina ínide. Mei dama Jesucrístomo dánirre íaioi íinuado illa dígamie daí jaícina írede. Iemona judíoñedino izói, cai daje izói, Jesucrístomo ínoticai, afe íemo cai íinogafuedo Juzíñamui anamo ñue jaícina cai íllena. Uafue, Moisés ocuilla uai iere ñéfinamona buna ñue jaícina ínide.

¹⁷ Birui cai judíuai cígimona dáme Crísto ie íinogafuedo Juzíñamui anamo ñue jaícina íacaniadi, bie izói daírede: “Judíoñedino izói fiénidimiena iticue” daírede. ¿Meita bífuemona “Cristo fiénidimacina caina itátate” daírede? ¿Daínide! Mei Cristo jaca buna fiénidimiena itáñedeza. ¹⁸ Mei jiáifodo, navi niné cue táinocaitaga Moisés ocuicafue, meine abido jeire cue óiacaiadi, ua cue fiénidena uáfori jino cíotaiticue. (Mei afefue iere cue ñéfinamona Juzíñamui anamo ñue jaícina ínidicueza.)

¹⁹ Afe Moisés ocuicafue ja cuemo dúíñede. Da afe uai jeire cue oñenamona cuena titade izói finode. Afe Moisés uaimo cue dúíñenamona, ja Juzíñamui dibénemo, tíllanomona meine cáadime izói iticue. ²⁰ Cristo navi cruzmo coraica tílla izói, ja birui tíide izói finócamiedicue. Iemona ja birui cue cáanano dama cúeieñede; Cristo cuemo íllado cáadicue. Afe bie éniemo ite bie cue cáanano, dama Juzíñamui Jitomo cue íinuado ófiredicue, mei afémie cuena izíruillano, dama ie abina cue meífomo cruzmo tíizaideza. ²¹ Juzíñamui cue jílloillena caimare cue cánuafuena jaca ruifíruicañedicue. Mei dáme Moisés ocuica uai jeire úamona Juzíñamui anamo ñue jaícina ítenia, Cristo tílla ráifiñede.

3

Moisés ocuica uai comini íinogafue abido joide

¹ Aií, Galicia comini, iere abina onóñedinona itíomoi. ¿Bu aima izói omoi bífui, ua uaina omoi jíruiñeillena? Navi ómoimo cue lluaruido, coraica Jesucristo jino uáfodo ómoimo fidítaticue. ² Mai bifue cuemo omoi lloíri: ¿Nífuedo afe Ñuera Joreño ómoimo ite? ¿Meita Moisés ocuica uai jeire omoi úado ómoimo ite? ¡Ñega! Mei jiáifodo, ¿omoi cacana uai omoi íinuado afe Ñuera Joreño nibai ómoimo ite? Jií, áfedo ite. ³ ¿Nibái mei iere abina onóñedinona itíomoi? Jesumo omoi íinua mei, Juzíñamui Ñuera Joreño nanómona ñue omoi canode. Afémie ómoina canode ñue jaícina omoi íllena. ¿Meita ja birui afe cánuana zóofiano dama ómoimo ite ríinodo nibai ñue fúitaitíomoi? ¡Jaca fuitánidíomoi! ⁴ ¿Nana omoi duere zefuillafue jaca ómoimo nibai ráifiñede? ¿Nibai taino abiri aféfuiai ómoimo daí íficaide? Aféfuiai táinona íllamo comécíñedicue, mei daíñedeza. ⁵ Navi Juzíñamui ie Ñuera Joreño ómoimo fecade. Iemo Juzíñamui omoi cígiri uaido finoca cíorainina raana comúitate. ¿Mei nibái bífuiaina Juzíñamui ómoimo finode? Ocuica uai jeire omoi úamona, afémie aféfuiaina finóñede. Mei jiáifodo dama cúemona omoi cacana uai omoi ínuamona afémie bie izói finode.

⁶ Abraham Juzíñamuimo ínote; íemo ie ínuamona comécina ñue jaícina jóidimiena Juzíñamui íena caimare uáidote. ⁷ Ja bífuemona onóredíomoi: Nahí Abraham erófene ígímaiai Juzíñamuimo ínotino. ⁸ Juzíñamui nana uire ie finóllifuiaina raire uícode

onode. Iemona ie Cuegáuaido aféfuiaina afémie jino llote. Nana íemo uire ínotino judíoñedino íadi, Juzíñamui anamo ñue jaícina itátaillifuena Juzíñamui raire uícodo onode. Afena ie onónamona bie ñúefuiai jaiái uícodo Abrahana daide: “Naga náiraiaí ómona ñúefuemo ézicilliaioi,” daide. ⁹ Mei daíí nana Juzíñamuimo ínotino dájena Juzíñamuimo ínote Abrahámoiri ñúefuemo ézicilliaioi.

¹⁰ Nana íaioi jíllloillena Moisés ocuica uaimo ínotino ja fieni faidócaiaioi. Mei daíí Juzíñamui Cuegáuai dáideza: “Nana Cuegánicomo ite ocuica daináfuena, nágarui ñue fuitáñedino ua fieni faidócaiaioi.” ¹¹ Bífue mona ñue onódicaiza: Ocuica uai iere ñéfinamona buna Juzíñamui anamo ñue jaícina jóoneñega. Mei jíáifodo Juzíñamui Cuegáuai daide: Juzíñamuimo ie ínogafuedo Juzíñamui anamo ñue jaícina jóonegamiena jáidímie, afe daa ie ínogafuedo are zíñona íte. ¹² Afe Moisés ocuica uai comini ínogafue abido joide. Búuailaina ñue ícoimo fuitáacadímie, aféuailaído írede.

¹³ Ocuica uai caí faidóllifuemona Cristo caina oni jírecaitade, mei afémie caí ícoinia faidóbideza. Juzíñamui Cuegáuai bie izói daide: “Naga aménamo agúínetá fagámie faidócaza.” ¹⁴ Bífue daíí íficaideza, judíoñedino ñúefuemo ézicillena. Ua Juzíñamui Abrahamo lloga ñuera ézicirafue daíí Jesucristodo judíoñedinomo fecaca. Bífue daje izói íficaideza, Juzíñamui uícodo lloga Ñuera Joreño caí ínogafuedo caimo íllena.

Moisés ocuica uai, Juzíñamui Abrahana dáinana oni caitánide

¹⁵ Cue ámatiaí, naga come onóigafuemona dafue ómoimo llóiticue: Dámie contrato llínoiadi, ie mámece afébemo cuega, íemo afe ja cúegana buna oni caitánide. Daje izói afe cuega baímo buna jíáiuaina zotánide. ¹⁶ Ja onódicaiza: Afe ñuera uícodo lloga uailai Abrahamo Juzíñamui jaiái llote; daje izói Abraham erófene ímiemo lloga. Aillo ie erófene igímaiaímo Juzíñamui Cuegáuai daíñede, mei jíáifodo “O erófene ímiemo llóiticue” daide. Afe dainámie Cristo. ¹⁷ Cue llogafue bie izói joide: Juzíñamui rírede méidoñega uai Abrahamo llote. Afe llezica afefue féiñeillena Juzíñamui afe uaina riire jóonete. Afe lloga uai contrato izóidiuai; jíáifodo méidonideza. Ie jira cuatrocientos treinta díga fimona záilla méifodo Moisés lloga ocuica uai, uícodo Abrahamo lloga uaina oni caitánide. Daje izói méifodo ocuica uai, uícodo Juzíñamui lloga uaina ráifitanide.

¹⁸ Juzíñamui dáinamo ie ínuamona Abraham jíllode. Afe bie méidonide Abraham jíllloilluaina Juzíñamui raiñoñeno íemo fecade. Iemona afe jíllona uai, Moisés ocuica uaimo jaináñede. Moisés ocuica uaimo jaináiadi, aféuai ja uícodo lloga jaca raiñoñeno iga raa izóiñede. ¹⁹ Iemona, Moisés ocuica uai ¿niemo ráifide? Afe ocuica uai méifodo baí nabaica, comini íaioi finoca fiénidifuiaina onótallena. Afe nabaica uai are íñede. Ñúefuena lloga Abraham erófene ímie Cristo bíllamo, afe nabaica uai záide. Afe ocuica uai monámona Juzíñamui abi imácido lloga. Iemo íaioi llua mei, Moisés aféuaina jino comínimo llote. ²⁰ Juzíñamui Abrahamo úrilla llezica jíáimado Abrahamo lloñede. Dámie daíí uáfodo úriadi, jíáie llóitimiena jítañede. Bie Abrahamo úritímie daade Juzíñamui.

Moisés ocuica uai ¿nié izói comínina canode?

²¹ ¿Mei nibaí bifue daííacade Moisés ocuica uai, Juzíñamui lloga ñúefuiaina uáitaacade? ¿Ieñedeza! Uáitaacañede. Mei cáataite ocuilla uai ígadenia, aféuai jeire caí úado Juzíñamui anamo ñue jaícina íredicaí. ²² Mei jíáifodo Juzíñamui Cuegáuai dáina izói, nana fiénidifuemo llavécanodicaí. Daíí Juzíñamui uícodo mamede, nana Jesucristomo ínotino jílllobicaillena. Uafue, Juzíñamui afe bie izói mamede Crístomo ínotino íaioi ínogafuedo Juzíñamui lloga ñuera jíllonafuena íaioi óllena.

²³ Jesumo caí ínogafuena naí jino déiñena llezica, ocuica uai caina llavécanona finode. Aféruillaído Jesumo caí ínollifue jino déillemo ocúridicaí. ²⁴ Iemona Juzíñamui afe ocuica uaina caimo mamede, caí ñue rairuillena. Ua úruiaí ñue fibítatímie izói caina

rairuide. Daií afe ocuica uai caina úiñoide; nai Cristo bíñeille dinó. Afe daií Cristo bíllemo afémiemo cai ínuado, Juzíñamui anamo ñue jaícina íredicai. ²⁵ Birui ja Jesumo cai ínollifue déideza, ja afe Moisés lloga fibítatiuai dibénemo dúíñedicai.

²⁶ Mei Jesumo omoi ínogafuedo, ja omoi nana Juzíñamui úruiaidiomoi, ja Cristo Jesumo dájena jaináidiomoiza. ²⁷ Omoimona báutiza mei Cristo Jesumo dáena jainaide dieze, nana omoi afémie comeci ífuena ja jeire otíomoi. ²⁸ Ja biruímona cai cígiri bie judíona dainámiena íñede, bie Griego dainámiena íñede. Daje izói llavécamierna íñede. Oni eneno jirénoga dainámiena íñede. Afe izói ringo iima diga oni jíáifodo mámeñega. Ja Cristo Jesumo cai jaináinamona nana cai dáamacidicai. ²⁹ Ja Cristo íediomoiza, Abraham erófene igíma izóidinona jáidiomoi. Iemona Juzíñamui Abrahamo uícodo lloga ñuera jíllollifueña, feci raa máíñua izói, máíñoitiomoi.

4

¹ Bie izói cue daiíacanafue: Daa come jitó mónaillano, ie moo tíilla mei, moo raana náamatarede. Mei íadi afémie nai úruena llezica maiñónide. Afémie nai jofo eromo ocuífíregamie izoide, afémie nana afeco raana maiñóreite íadi. ² Afémie nai úruena llezica, íena úiñoitino ite, ie moo jíáifodo ie úiñotimona oni olle dino. Daje izói ie jetállifue ocuídino ite. ³ Jaca bie izói caimo comuífírede. Cai jíllollíuui nai déiñena llezica, nai úrue illa izóidicai. Aféruillaído aillo bñie comini nícidogafuíai anamo, izire ocuícano izói, iticai. Dáarie cómemona ocuica uáillaído llavécacai. ⁴ Mei íadi nana Juzíñamui mamécafuíai ñue zuilla mei, jai ai uícodo ie mámiarui dúciamu, Juzíñamui ie Jitó Jesús orede. Afémie ringómona jococa. Moisés ocuica uai anamo judío izói comuízaibite. ⁵ Afémie daií bite, nana Moisés ocuica uáillaído llavécano aféuaimona oni jírecaitallena. Daií cai jírecailamona Juzíñamui dama ie jitótiaina cai jáillena cai mámierno, caimare caina uáidoite.

⁶ Iemona, ie jitótiaí omoi íllana omoi onóíllena, Juzíñamui ie Jitó Jesucristo Joreño omoi comécimo orede. Afe caimo oreca ie Joreño riire daiífírede: “¡Cue Moo!” daide. ⁷ Mei daií o ja Juzíñamui jitódio. Ja riire ocuícamiñedio. Ie jitona o íllamona, ie uícodo lloga ñúefuíaína Juzíñamui Crístodo omo fécaite.

Pablo Juzíñamuimo íñotimacimo comeci úide

⁸ Naui Juzíñamuina nai omoi onóñena llezica, taino juzíñamuillaímo izire ocuífíreganodiomoi. Afe omoi llaveina juzíñamuillaí ua juzíñamuiñede; fia jífuia juzíñamuillaí. ⁹ Mei birui ja ua nahí Juzíñamuina onódiomoi. Mei jíáifodo ñue dáina, Nahí Juzíñamui ja ómoína onode. Ja íena omoi onónamona, ¿nie izói meine abido afe ríinide jíllonafuíaina jeire óiacadiomoi? Dáanomo íaíoi llavéinanomo ¿meita abido jáirediomoi? ¹⁰ Diga iruillaí oni jíáifodo nai coméciífirediomoi. Daje izói diga fiuillaí eneno jíáifo coméciífirediomoi, naa diga fimónaíari. ¹¹ Níbai nana omoi cígiri cue táijiacana táinomu jífanofide izóideza áfena jacíruiticue. (Afe cue comécina llícioide.)

¹² Amatíai, izire jícadícueza: Cue comeci ífue illa izói, mai meine afe izói omoi iri. Mei cue omoi illa izói jae itícueza. Mei omoi cuemo minícana fiénidífueña finóñediomoiza.

¹³ Cue omoi cígiri nano illáfueña onódiomoiza. Aféruillaído, cuemo comuide duícori duere cue zefuillaímona afe jíllona uai jino ómoímoo lloticue. ¹⁴ Afe cuemo ite duico cue facátaina, mei íadi afe jira cuena jámairuiñediomoi. Daje izói cuena ruífruiñediomoi. Mei jíáifodo Juzíñamui abi ímie izói caimare cuena llínotiomoi. Ua Jesucristo omoi llínonle izói cuena caimare llínotiomoi. ¹⁵ ¿Nee mei afe omoi cacana cáimafuíai? Afe cue irárenaruimo cuena iere izíruillano, dani omoi újina jirénota cuemo fecácadiomoi, íadi fecánide. Afe ñúefue omoi dibénemo nitáredicue. ¹⁶ Ja ua uai ómoímoo cue llúamona ¿Meita ja birui omoi bacáuai ímierna jáidícueza? ¡Iñedeza!

¹⁷ Afe baie jícana bite comini ómoímoo iere caimare coméciídiái. Mei íadi comeci ñue jítaillamo coméciídiái. Omoi bífuellena caimare úritiaí. Afémaci cúemona

ómoína bairóacadiaioi, uire íaioimo omoi jaináillena. ¹⁸ Jiáimacimo ñue íllena caimare coméciillana ñuera. Mei íadi cue illa llezica daje izói cue íñena llezica come comeci ñue jítailamo daí coméciirede. Daífadeza. Naui omoi cígimo cue illa llezica, afe onínemacido daí jífuefiñediomoi; mei íadi birui omoi cígimo cue íñena llezica nágarui jaca daí jífuegaomoi. ¹⁹ Cue úruiai, ringo úrue jocóacania duere zefuilla izói, nane ómoiri duere zefuídícue. Ua Cristo comeci ífue nai omoi ñue ónoñeille dño, nai ómoiri duere zéfuitícue. ²⁰ Birui izire omoi cígiri íacadícue, jíáfodo ómoimo cue úrillena. Onóñedicueza, nié izói ómoiri coméciitícue.

Abraham ai Sara, ie oga jíáingo Agar íainguai ñúefuena caina onótate

²¹ Ja birui Moisés ocuica uai anamo íacadínomo úritícue. Mai bifue cuemo omoi llone: ¿Afe ocuica uai dáinana cacáñediomoi? ²² Afe uai daide: Abraham mena jítórede. Daa jító ie táijitafiregango ie. Jíáie jító ie nahí ai ie. Afengo buna ócuiñegango. ²³ Ocuífiregango jocócato nana bíniemo ite úruiai jócua izói jococa. Mei jíáfodo nahí ai jocócato Juzíñamui úcodo daínáuai fuitállena jococa. ²⁴ Bifue cai onoiga ráamona Juzíñamui cai fidítafue. Afe mena ringo mena contrátomo táijina izóidiainguai. Iainguaimona daa Sinaí idu ie contrato izoide. Afe ocuífiregango jítótiai ocuífireillinona jocócaiaioi. Afe ocuífiregango mámecei Agar. ²⁵ Afe Agar Juzíñamui Sinaí ídumo lloga uai izoide. Afe Sinaí idu Arabia éniemo ite. Afénomo Juzíñamui contrato comínido finode. Biruillai Jerusalén jofue afe jaiiai Sinaí idu izoide, (mei Moisés dibénemo íacadíno afénomo gairífirediaioiza.) Ie ocuica uai anamo llavécana itaíoi, naa aféfuemo jaináiacadínori. Ocuífiregango Agar úruiai izóidiaioi. ²⁶ Mei íadi monamo ite Jerusalén comini lláveñegaiaioi. Afe jofue cai ei izoide, mei cai bie afe Jerusalemo jaináidinodicaiza. ²⁷ Juzíñamui Cuegáuai bie izói daide:

Oíniño, úruenidío íadi, mai caimare o iri;

Urue jócua izírenafuena onóñedingo, mai caimare o róiri.

Mei úrue jocóñena jira dotácango, ñue ogángo baimo jítótiaireitio, daide

²⁸ Amatiai omoi cácarei, cai bie Sara jító Isaac izóidinodicaí. Juzíñamui úcodo lloga jítótiaídicaí. ²⁹ Mei jaiiai aféruillaímo íaillinoi illa izói, birui afe izói iticaí. Aféruimo come comeci jítainamona jocócamie Ismael, afe Juzíñamui Joréñodo jocócamie Isaacina fiénidífuena racade. Biruillai afe izói iticaí. ³⁰ Mei Juzíñamui Cuegáuai ¿nié izói daide? Afeuai daide: “Afe jofo ero ocuífiregangona ie jító diga oni oreri. Mei ocuífiregango jító, afe ócuiñegango jító diga dájena jofo naama feci ráaniaina maiñónideza.” ³¹ Amatiai, bífuemona onódicaiza: Cai bie ocuífiregango jító izóíñedicaí, mei jíáfodo cai bie buna ócuiñegango jító izóídicaí.

5

Izire ocuíñena dibéfuemo omoi ífireiri

¹ Cristo afe ocuica uáimona oni eneno jirénogacai, lláveñeganona cai íllena. Afe dibéfuemo ñue jaícina omoi iri. Meine dáanomo izire ocuilla uai anamo abina maitátaiñeno iri, mei lláveñeganona itíomoiza.

² Cuemo omoi cacáreiri. Omoi llotímie Páblodícue; jira ómoína dáitícue, bacano icoi quétafue jeire omoi óiadi, Cristo ómoimo ráifiñeite. ³ Nane ómoína dáanomo daíacadícue: Omoimona dámie ie bacano icoi quetátaadi, nana jíáie Moisés ocuica uáillaina ícoimo fuitárede. ⁴ Moisés ocuica uai jeire omoi úamona Juzíñamui anamo ñue jaícina omoi íacaniadi, jae Cristo dibénemo dúíñediomoi. Daje izói Juzíñamui caina izíruillafuemona oni eneno itíomoi. ⁵ Mei cai jíáfodo onódicaiza: Juzíñamui Ñuera Joréñodo, daje izói ie uai ñue cai íñuado, Juzíñamui anamo ñue jaícina cai illífuemo úiñoidicaí. ⁶ Iemona daí Jesucrístomo ñue jaináidicaí. Iemo cai jaináidi, afe quétafue caimo ráifiñeite. Cai quetátaiadi, nibai cai quetátaiñeniadi, daje izói ráifiñeite. Mei

jiáifodo afémiemo cai ñnogafue ua ñue ráifide. Afe bie cai ñnogafue jiáie cómena naa Juzíñamui diga cai izíruillena canode; áfemona Juzíñamuimo cai ñnogafue iere ráifide.

⁷ Fueñe Juzíñamuimo ñue ñnofirediomi. Mei íadi birui, ¿bu afe ua uaina ómoína fáicanocaitaga? ⁸ ¡Juzíñamui áfena ómoína fáicanocaitañede! Afémie ómoína caimare uáidofiredeza. ⁹ Bífueña féitañeno iri: Pan finóadi afe aillo fáitate raa tamédiaioi. Due jiza fáitate raa jónega íadi, nana afe magáfecina aillo fáitate. ¹⁰ Juzíñamuimo cue ñnuano, afémie ómoína ñue rairuillena onódicue. Ja onódicueza, cue daináfueмона oni jiáifodo comeci fácañeitiomoiza. Bífueмона omoi comécina oni nibéfodo féitaitimiena Juzíñamui duere fínoiteza. Afefue llotímiena Juzíñamui raa dáiiñeite, afémie nibai illaíma, nibai jamáimie.

¹¹ Amatiai, cúemona jiáifue llóiticue. Mei bacano quétafueña nai ocuídicuena judíuai nibai cuena fállena rácañeitiaioi. (Mei íadi cue íaioi fállena rácana onódiomi.) Afe izói cue llóíadi, Cristo cruzmo tíilla ñuera rafue íaioína rícaitañeite. ¹² Mei íadi afe onina bite omoi gáguaibitino dani íaioi jiñjina, comini meróniai ie ñetaina izói ñétaitaioiza. (Afémaci méicaillena Pablo daí daide.)

¹³ Amatiai, mei jiáifodo uáidogamacidiomi, ráiruñeganona omoi illena. Ua ja birui ráiruñeganona itíomoiza, mei íadi afe o rairuñenamona, comécimo fiени itífuiaína finóñeno iri. Mei jiáifodo afe ómoimo ite izíruillafuedo ñuera ocuífiraganona omoi iri; daí conimana cánoitiomoiza. ¹⁴ Mei nana jiáie ocuilla uailai daa bie ocuica uaimo dájena itíaioi. Be níuui: Dama o abina o izíruilla izói, afe izói o abi cómena izíruiri. ¹⁵ Mei íadi ómoimona dani conimana fue erodo omoi éoia, daje izói úradoillano conímamo omoi rícaíadi, ómoína niné táinocaitaiteza; afe izóidemona abí omoi rairuiri.

Come comécimo fiени itífuiaí Juzíñamui Ñuera Joreñomona jiáifodo jóide

¹⁶ Omoína cue dainafue bie izói jóide: Juzíñamui Ñuera Joreño dibénemo mai áfemo omoi illafue jónefireiri. Afedo omoi comeci fiени finóacanafuiaí fínoñeitiomoiza. ¹⁷ Mei dani cai comécimo comuide fiени finóacanafuiaí Juzíñamui Ñuera Joreña uáitafirede. Nane abido dájena Juzíñamui Ñuera Joreño cai comeci fiени finóacanafuiaína uáitafirede. Afe ménafue jaca conimana uáitaofirede. Iemona omoi comeci jitaina izói figo finónidiomi. ¹⁸ Mei íadi Juzíñamui Ñuera Joreño ifócaomoi íadi, Moisés ocuica uai anamo ñneitiomi.

¹⁹ Comini comécimo fiени itífuiaí dibénemo jaináidino íaioi finócaigafuiaí jino uáfodo onórede. Be níufue: Afémaci jiruifue íemo íaifue finófirediaioi; jiáie fiénidífue rairuilla uaina náfueñediaioi. ²⁰ Afémaci jánaraimo caimátaifirediaioi. Daje izói fue boréfuena finódiaioi; daje izói jiáimana éoifirediaioi. Dájena caimare inédiaioi; úradoifirediaioi; ráaiñederi raire iere rícaifirediaioi. “Fueñe dama cúeiena fínoiticue” daíifirediaioi. Comínina bozietaitaioi; jiáimana énenoruidiaioi. ²¹ Afémaci jiáima raari úradoifirediaioi. Daje izói afémaci cómena titáfirediaioi. Jífairediaioi; fiени jéerie íaioi güilla llezica conímamo riire lléjellejediaioi. Bizóidífuiaina afémaci jaca finócaide. Naui uícodo omoi cue lloga rairuilla izói, nane birui ómoína ráiruiticue. Bie izóidífuiái finódino jaca Juzíñamui illáimana illáruimo jainaiñeitiaioi.

²² Mei jiáifodo Juzíñamui Ñuera Joreño cai comécimo bífuiaina cómuite. Aféfuiaí bie izói jóide: Izíruillafue, ióbillafue, comeci uái illifue, comeci mánaicana úrillafue, comeci cáimafue; jeruñeno fecáfiredé. Jiáima dáinana raire jeire ófiredé. ²³ Afémie comeci mánaifiredé; comeci daina izói ie abi jaritaiñeno ñue fáicana ocuífiredé. Bífuiaina rairuide ocuilla uaina inede. ²⁴ Nana Crísto ja jaináidino, íaioi comécimo nanómoma itífuiaína, faga izói, féitaitaioi, naa íaioi comeci fiени finóacanafuiairi. ²⁵ Iemona Juzíñamui Ñuera Joreñodo íredicai. Daí cai íllamona, mei nana cai jetáacagafuemo, afe Ñuera Joreño aféfuemo caina ífoiteza.

²⁶ Cai bie abina fiēni ĩnonidicai. Afe izóı cai íadi, conımaıai dıga icıriticai, mei íadi afe izóı mai cai ĩñeılli. Daje izóı jıáımarı úradoıñeno cai illı.

6

Conımana omoı canófireiri

¹ Amatıai, ómoımona dámıe fiēnidıfue mo baıızaidenia omoı cíoadı, ómomona Ñuera Joreño dibénemo izire jaináıdıno afe baııdımiēna omoı canori, meine ñúefue dibénemo ie illeza. Jaca comeıi mánainafuedo íēna canori. Naga come afemo baııredezı, ie jira illa dıgamıe afe baııfirenafue mona abına rairuırede. Taıfe cai facátıfue naga cómemo comuıfiredezı. ² Illa dıgamııai conımana canófireiri, áfedo jıáımamo zuufue comuıdı ie comeıi náırecailleza. Bie izóıdedo Cristo ocuılla uaina ñue ícoımo fúıtaitımoı.

³ Jamáımie illa llezica dámıe abı ĩnota “Jamánomo ímıedicue” daııadı, afémıe dama ie abı jıfueıe. ⁴ Omoımona illa dıgamıe dama ie abı áadorı. Mei aféfuēna o jıerıadı, dama o abı ífuedo íóbitaitıo; mei o illafue ñuera daıııllēna jıáıma illafue dibénedo abına fácañeıtıoza. ⁵ Illa dıgamıerie dani caımo itıfuiıımo náfuefireıtıcai.

⁶ Juzıñamııı uáıllına llófuegamıe nana íēmo ite ñuera ráanıaina dieze, meine ibana afe ie llófuetımiēmo írede.

⁷ Mai jıáıfuerı omoı jıfuefiñeno irı; jaca Juzıñamııı buna baııñuano jıfueñegaza. Naga come ie rıfırega raa rıadı, afe llızıllana dama jofo óıte. ⁸ Nanómona cai comécımo itıfuiııı íóbitaitıfue cai fınoadı, afe cai comécımo itıfuiııımona cai tııllıfue óıtıcai. Mei jıáıfodo Juzıñamııı Ñuera Joreñona cai íóbitaadı, afe Joreñomona zııñona cai illıfue óıtıcai. ⁹ Ie jira ñúefue cai fınuana, mai cai zefuıruıñeılli. Mei afemo fáıcanocaiñeno comécına náıredıno caı íadi, uıre Juzıñamııı mamécarıımo rıga ófıreına izóı, ñúefuēna maıñóritıcaıza. ¹⁰ Afe jira, ñúefue fınuana llezica nana comıno, nana cai abı ie máıriedo ñúefuēna fınoıredıcai. İēmo Juzıñamııımo ĩnote cai ámatııımo, baımo aıllı ñúefuēna fınoıredıcai.

Abı rairuııllauı, íıraıcaıño uáıduafue dıga

¹¹ Mai ómoımo bie jéerie cue cúegamo omoı eroıri. Afe bie dama cue ónoıdo cue cuega. ¹² Afe quétıfuēna omoı ocuıdıno ñúefuedo lloñéıdıoı. Dama comııı uıcomo ñue íaıoı íllēna daııı daııdıoı. Daııı ómoına ocuıdıdıoı, Cristo tıılla ícoıııa jıáımııı afémııı rácaıza daııı. ¹³ Mei afe quetácano, nana Moısés ocuıca uai ñue ícoıımo fıtáñeıdıoı. Mei íadı ómoına quetátaacadıdıoı, omoı íaıoı quetátıfuedo abı íaıoı ĩnollēna. Afe quétano omoı abımo íllado iere abı ĩnotıdıoı. ¹⁴ Mei cúēmona dama cai Ocuıraıma Jesucristo tııllado abı ĩnotııı. Abı dıne jıáıfodo abı cue ĩnollēna iñede. Mei Cristo cruzmo tııllado, nana bıııēmo ite fiēnidıfuiııı faga izóı cuēmo dúııñede. Afe ibana cue aféfuııımo faga izóı jaináıñeıdıı. ¹⁵ Mei Crıstomo dájena cai jaináınamona, ja afe quétıfue ráıfıñede. Daje izóı íēmo cai jaináınamona quetáñēnafue jıáıı ráıfıñede. Mei jıáıfodo cómuēna meine abıdo jocócımiēna cai illa, iere jamánomo ráıfıde.

¹⁶ Bie izóı daııııııı jeıre otınoımo comeıi caımare uáı illafue íteza. Daje izóı Juzıñamııı ómoımo dúēcaıllıfue mo íıtıımoıza. Bie izóı daııııııı jeıre omoı óıadı, Juzıñamııı ua comıno jıtıımoı. Mai mei, Juzıñamııı ie ua comıno ñúefue mo ézıcııteza.

¹⁷ Ja bıruıımona buna cuēna áıfeduııbıñeno irı, daıdııı. Cue abımo ite boáfıııı méıfuııı, cai Ocuıraıma Jesús táıjıtıgamıēna cue íllana onótate.

¹⁸ Daje Juzıñamııımo ĩnote cue ámatıııı, cai Ocuıraıma Jesucristo nana ómoına ñue ézıcııteza. Mai daııtadeza. Jae nııe.

EFESO IMACIMO SAN PABLO ORECABE

La Carta del Apóstol San Pablo a los Efesios

Pablo Efésomo ite Juzíñamuimo ínotino rabelo uáidote

¹ Cue Páblodicue. Juzíñamui comeci jitaina izói Jesucristo orécamiedicue. Bie izói daina ñúefue llujillena, ie ocuícamedicue. Efeso jófuemo ite Juzíñamuimo jaináidino bie rabelo uáidotícue. Afémaci Jesucristomo ñue ínotino. ² Cai Moo Juzíñamui ñue éziciga dibéfuemo omoi iri. Daje izói ie caimare illáfuemo omoi iri. Cai Ocuíraima Jesucristo daje izói ómoina bie ñúefuaimo jóoneiteza.

Crístomo cai jaináinamona cai comécina náiretatífuiái Pablo jino lloste

³ Cai Ocuíraima Jesucristo Moo Juzíñamuina ióbitaiticai, mei Jesucristomo dájena cai jaináinamona, afémie monámona nana cai comécina náiretate ñúefuiaina jae caina éziciteza. ⁴ Nai énie comuññena llezica, Juzíñamui Jesucristodo caina nizede, ie erócana nífuenino ñue finócamona cai íllena. ⁵ Jaiai uícodo caina izíruillano ie comeci jítaina izói, Juzíñamui caina náamatade Jesucristodo ie jítótaiña cai jáillena. ⁶ Iemo ie izíruiga jítóoiri dájena cai íllamona, afémie caimo dúecaifirede. Afe jira nágarui Juzíñamuina ióbitaredicai, caimo ie dúecaillana iere figura cai daiífireillena. ⁷ Caimo iere dúecaillano, Juzíñamui ie Jitó tíillado, ie die tóillado caina jíllotate, mei áfedo Juzíñamui cai fíenidífuiaina féitateza. ⁸ Afémie cai ifoci ñue dénuamona, ie caina iere dúecaillafuena, afémie jamánomo ñue caina onótate. ⁹ Juzíñamui jaiai uícodo mameca ónoñega ie comeci óiacanafue caina ja fidítate. ¹⁰ Bie Juzíñamui uícodo mamécafue ie fácaruimo dúcia, ñue ícoimo fúitaite. Aféruimo Juzíñamui dáanomo nana éniemo ite náiraiaia ie Jitó Cristo anamo itábicaite, naa bíniemo ite rílleniai, naa jíáie ráaniairi. Daje llezica monamo ite ríinoredino Cristo anamo ítiaioi naa afénomo ite jíáie ráaniairi.

¹¹ Jaiai uícodo Juzíñamui caina nizede, Jesucristomo dájena cai jaináinado ie comínina cai íllena. Nana bífuiái jica ia Juzíñamui mamérilla izói ñue joide. Juzíñamui ñue onona dieze, afe izói afémie ñue finófirede. ¹² Ja cai bie nanómona Crístomo ínotinodicaiza. Juzíñamui daií caina ñue nizede, afémiemo ite áillue ebíredífuiaido ñúefue íemo cai nitállena. ¹³ Daje izói uáfueña lloga, omoi jílluille uaina cacádiomoi. Cacáillano afe uaina omoi ínuamona Jesucristomo jaináitagaomoi. Daje llezica Juzíñamui jaiai uícodo llua izói Ñuera Joreñona igáomoi, dama Juzíñamui íeiediomoí daiíllena. ¹⁴ Afe Ñuera Joreño caimo íllado, ico jíáiruimo Juzíñamui dainafue cai maiñóllena, uáfueña onódicai. Afe ie lloga dainafue cai maiñólliruimo nai dúciñede. Mei íadi nana íemo jaináidinomo, fíenidífueño jaca due íaioi jáinaíneillífue afémie llóite. Daií ie llua mei nana afémie cáiena lloga dainafue máíñoiticai. Ie jira afe Juzíñamuimo ite áillue ebíredífuiaido íena ióbitaredicai.

Pablo Juzíñamuimo ínotino ifoci ñue denóllena Juzíñamuimo jicade

¹⁵⁻¹⁶ Iemona cai Ocuíraima Jesumo omoi ínogafuena cue fidínamona, Juzíñamuimo ómoiri “íere figura” fáicaiñeno daiífiredicue. Daje izói nana Juzíñamuimo jaináidinona omoi izíruillana cue fidínamona, nane figura daiífiredicue. Afe llezica Juzíñamuimo cue jicáfireña dáaruimo ómoimo jaca uibóifiredicue. ¹⁷ Juzíñamui ómoimo jino llogáuaina ñue comécido omoi baitállena jicáfiredicue. Ua, cai Ocuíraima Jesucristo ebírede Moo Juzíñamuimo jicáfiredicue, Juzíñamuina ñue omoi onóillena. ¹⁸ Daje izói Juzíñamui omoi ifoci ñue denóllena jicádicue. Afemona Juzíñamui uáidogano úiñoga ñue cómuitífuiaina ñue ónoitiomoi. Daje izói Juzíñamui omoi ifoci denóllemona íemo jaináidinomo, Juzíñamui fecalle ñuera ebírede cáimafuiaina ónoitiomoi. ¹⁹ Iemona bie izói ónoitiomoi: Juzíñamui iere ñúefuiaina ríinoredimie. Afe bie íemo ite áillue ríino ja birui nana

íemo íinotínona ñue comécido íaioina canode. ²⁰ Naui Juzíñamui, daje bie íemo ite áillue ríinona cai onóillena, Cristo tíillanomona meine abido cáatate. Daií íemo ite áillue ríinona comínimo jino iere uáfori ciótate. Afe daje ríinodo Cristo cáatajanona, monamo ie nabézimo Juzíñamui íena rainade. ²¹ Dínomo jamánomo ocuídillaimana Juzíñamui íena jóonete. Iemona nana jíáie ríinoredinuiái Cristo anamo itíaiói, naa jíáie ocuífiredinuiári. Daje izói nana illaini Cristo anamo itíaiói naa jabóidillainiári. Daje izói nana mona eromo ite ríinoredinuiái, Juzíñamui ie aillo ríinodo Cristo anamo dájena jóonete. Nana jíáie mameca ríinoredino cai comeci facáacana dieze, daje izói Cristo anamo itíaiói. Nana biruimo itínuiái ie anamo itíaiói, naa ico jíáiruillaido íitínuiári. ²² Afe dáaruido Juzíñamui nana ráaniaina Cristo anamo jóonete. Daje llezica nana Juzíñamuimo dájena jaináidinomo, Juzíñamui Cristo ífócina mameide. Iemona ífoci cai abi ocuilla izói afémie íaioina ocuífiredo. ²³ Mei jíi, Jesucrístomo dájena jaináidino ja Cristo abina mamécaiaioi. Afe jira afémaci nana Cristo comeci ífuiaina iere jeire otíaiói. Mei dama Cristo nana ráfuiaina ñue ícoimo fuitátatímieza.

2

Juzíñamui caina izíruillado jíllodicai

¹ Omoi fiénidifuiaimona nai tíidino izói omoi illa llezica, Juzíñamui Cristo tíillamona meine abido cáatajado afe dáaruido ómoína cáatate. ² Naui afe fiénidífue dibénemo are itíomoi. Bínimo ite fiénide nairai illa izói are itíomoi. Afe llezica omoi áinodo lláifoide fiénide joreño jitáinafue finófirediomoi, mei afe joreño nana fiénide joríaí nahí ocuiraímaza. (Afe daje fiénide joreño Taife.) Juzíñamuimo jíeruñedinona afémie riire ocuíoide. ³ Naui jíáiruillaido nana cai afe izói fiéni iticai. Cai abi fiéni jitáinafuiái jeire ófiredicai. Afe nanómona cai comécimo ite cai óiacaiga fiénidífueña fáicanocaiñeno ícoimo finóicaifiredicai. Daje izói cai comeci fia fácafuiaina jeire oticai. Iemona nana jíáimacina duere finóllemo dúina izói, Juzíñamui iere duere finóllífueño dúidicai. ⁴⁻⁵ Mei íadi Juzíñamui iere caina dúecaillano, nai cai fiénidifuiaimona tíidino izói cai illa llezica, afémie caina izíruillano Cristo cáatajado dáanomo tíillanomona caina cáatate. Mei jíi, dama Juzíñamui ómoiri dúecaillano jíllotagaomoi. ⁶ Uafue, Cristo Jesús cáataja llezica, Juzíñamui afémie díga daane caina cáatate. Afe mei Juzíñamui Cristo abimo monamo caina rainade. ⁷ Juzíñamui daií finode, nana ico ninomo illáruillaido íitínuiaimo afémie iere caina izíruillafueña onótallena. Ua, Juzíñamui daií finode afémie Crístodo caina dúecaillafueña nana uícomo cómutinomo fidíillena. ⁸ Mei jíi, Juzíñamuimo ite ómoína izíruillafuedo afémie iere ómoína dúecaide. Ie jira, íemo omoi íinuado jíllotagaomoi. Afe jíllonafue dani ómoimona comuíñede, mei jíáífodo afefue Juzíñamui ómoimo comuítaga. ⁹ Núefueño are cai ñéfinamona afe jíllonafue caimo fécañega. Ie jira áfedo buna abina íinonide. ¹⁰ Mei jíi, Juzíñamui nano fueñe comini fínua izói, afémie ie joréñodo como jéiciganona ja cai finode. Iemo ja birui, jaiái uícodo ie mámia izói, Crístodo Juzíñamui meine caina cáatate, núefuiái cai finóllena.

Ñue uái cai illífue Cristo caimo lloga

¹¹ Iemona naui omoi illáfuemo mai omoi comeci uibíoiri. Judío nairai íeñediomoi. Ie jira judíuai “Bacano icoi que táñegamacina” ómoína mamédiaioi. Dani afémacina cai bie “Íeizina quetácanodicai” daidíaiói; mei jaiái íaioi finófirena izói, íaioimona nágamíai íaioi bacano icoi quetácaza. ¹² Naui omoi íinoñena llezica, Crístomona oni eneno itíomoi. Israel náiraímo Juzíñamui nizécanomo jaináíñediomoi; íemona Juzíñamui íaioimo lloga ie ñuera finóllífuiái fidíñediomoi, naa uícodo ie lloga cáimaduafuiái díga. Aféruillaido Juzíñamuina onóñeno, bínimo zuure itíomoi, mei caímare omoi ocuírillífue íñédeza. ¹³ Naui Juzíñamuimona iere oni jica itíomoi; mei íadi ja birui Cristo cairi tíillamona, ie díe tóillamona, Juzíñamuimo ánozitagomoi. Ja Crístomo dájena jaináidíomoi.

¹⁴ Cristo jiáimana cai icíñenafue comuítatimie, mei dama afémie judíuai judíoñedino diga dáaziena finode. Iemona íaioi bacáuai imáciñediomoi. Naui ómoína oni eneno itátate éoinafuena ja Cristo niné féitate. ¹⁵ Dama ie abi izi cácanado, ua ie tíllado, ocuica uai ñue ícoimo fuitade. Fúitajano, áfena záitate. Afe ocuica uai iere rairuide. Ie mei Cristo mena náiraimona, judíuai judíoñedino diga, dáaziena comue náiraina finode. Afe ménade náiraijai ja dama Crístomo dájena jaináitagaiaioi. Afedo afémie cai conima diga cai icíriñenafue nana caimo comuítate. ¹⁶ Afe bie izói, Cristo cruzmo ie tíllado, bie mena nairai dáamacina fínuano, naui íaioi fuirífirenafuena záitate. Afe llezica, Juzíñamui díbenemo ñue uái íaioi illifue Cristo afémacimo jino denode. Dénuano, íaioína jeire otátate. Afemona comínimo Juzíñamui caimare eroide.

¹⁷ Cristo afe ñue uái cai ille uaina nana comínimo lluáibite. Onínemacimo Cristo afe uaina lluáibite. Omoi afe onínemaci izóidiomoi. Daje izói ánnori ite judíuaimo, afe uaina afémie lluáibite. ¹⁸ Iemo Cristo cai jíllotajamona, mei nibai judíuaidicai, mei nibai judíuainedicai íadi, nana cai afe daje Ñuera Joréñodo, Moo Juzíñamuimo ánozifiredicai. ¹⁹ Afe jira, Juzíñamui díbenemo ja onínemaciñediomoi. Daje izói dani íaioi illánomo dúíñedino izóíñediomoi. Mei jíáifodo nana Juzíñamuimo jaináidino jainaila izói, uafue íemo jaináidiomoi. Dájena Juzíñamui náiraidiomoi.

²⁰ Nana omoi ebírede niga jáilliraina dallíraide anáneco izóidiomoi. Cristo oréfiregamaci llófueinafuena iere baitádinona ja jáidiomoi. Ua jáillirai jáicina mairi naidánia izói, aféuemo ja riire jóonegaomoi. Afe bie Cristo orécamaci Juzíñamui uai jino llóraini. Dama Jesucristo afeco nahíllirai izóidimie. ²¹ Bie Nahílliraímo izóidimiemo nana afeco Juzíñamui nicana uite. Afe izói afemo nana jofócaiai ñue jáicina jóonega. Jofócaiai dallíraidemo dúina izói, daade Jesucrístomo jaináidiomoi. Afeco nilla fuilla mei, jae Juzíñamui ñuera irácona jáidiomoi; ñuera gairíraco izóidiomoi. ²² Daje izói Crístomo dájena omoi jaináinamona, nana jíáie Crístomo íinotíno dájena jaináidiomoi, daaco náiraina Juzíñamui íena, omoi jáillena. Iemo Juzíñamui Ñuera Joreño ómoimo íllado Juzíñamui ífirenaco izóidiomoi.

3

*Jíllona uai judíoñedíno*mo lluájillena Juzíñamui Páblomo jóonenocai

¹ Iemona Juzíñamuimo ómoiri iere cue comeci facáfiredicue. Omoína izíruiete Páblodicue; Cristo Jesús ñúefue ómoimo cue lluájilla jira llavécamedicue. Omoi judíoñediomoi, íemo ómoína ñue íllena cue cánua jira llavécacue. ² Ja nibai Juzíñamui cuemo jóonega bie táijinana fidídiomoi. Jíi, Juzíñamui ie cáimaduafuiai ómoímo cuena llotátate. ³ Juzíñamui ie nai jino lloñega nanómona mamérrillafue cuena fidítate. Ie mei cuemo lluno aféuemo iere baitádimiena Juzíñamui cuena jóonete. Afe ie mamérrillafuedo ja nano ínnori due ómoímo cueticue. ⁴ Aféfuena omoi facáduamona, afe nai jino llóñega Cristo díbene illáfuemo iere cue báitajana ónoitiomoi. ⁵ Afe báinino comeci ie fácafue naui jíáiruillaido bumo Juzíñamui jino lloñede. Mei íadi birui Juzíñamui ie Ñuera Joréñodo, ie eneno nizeca íainide orécamacimo aféfuena jae onótate. Daje izói jíáie ie uai jino llórainimo fidítate. ⁶ Afe jaijai jino raire llóñegafue bie izói jóide. ¡Cácarei! Jíllona uaina ínnuamona, judíoñedíno naa judíuairi daje Juzíñamui cai cáimaduafuiai dájena máíñoitiaioi, mei dáamiemo jaináidiaioiza. Ua Crístomo, dáaziena jaináidiaioiza. Daje izói Juzíñamui lloga Cristo Jesús caina ñue finóllifue judíuaimo dúina izói, birui judíoñedíno ja dúide.

⁷ Cue jamáimiedicue, mei íadi Juzíñamui dama ie ríinodo, cue canóllena mamérite. Iemona afe bie ñúefue jíáimacimo lluájillena jóonegacue. ⁸ Nana Juzíñamuimo jaináidinomona iere erófenemo iticue. Mei íadi Crístomo ite facádonide aillo cáimaduafuiai judíoñedíno mo lluájitimiena Juzíñamui mamécacue. Afe bie cue lluájille iere cuemo ráifide. ⁹ Juzíñamui jaijai ninómona jino llóñega mamérrillafue nana

comínimo jino llóitimierna dama Juzíñamui jóonegacue. Afe Juzíñamui nana ráaniai finóraima. ¹⁰ Juzíñamui nana bífuiaina daí ífcaitate, nana íemo dájena jaináidinodo, nana monamo ite ríinoredino Juzíñamui iere jamánomo naga ráfuiaina báitajana onóillena. ¹¹ Juzíñamui jaiái ninomo uícodo comeci mamérilla izói, nana bífuiaina cai Ocuíraima Jesucristodo ñue ícoimo fuitade. ¹² Iemo Crístomo dájena cai jaináinamona Juzíñamuimo ja ánoziredicai, mei cai íinuamona afémiemo meáiruñedínona itícaiza. ¹³ Ie jira izire ómoimo jicádícueza: Birui omoi abíri duere cue zéfuidícueza, mai náinidímaci izói omoi íñeno iri; mei jíáfodo caimare omoi comécioiri; mei afe ómoiri duere cue zéfuia afe ómoimo ebírede nitaina izóidífueza.

Cristo iere jamánomo caína izíruitimierna íemo ínotino onóillena Pablo Juzíñamuimo jicade

¹⁴ Ie jira cai Ocuíraima Jesucristo Moo anamo caiñícido ana dújullanona nana ie comíni íena íemo izire jicádícue. ¹⁵ Nana éniemo ite ie comíni, naa monamo itínuiaí díga, afémiemona comuídiaíoi. ¹⁶ Cai Moo Juzíñamuimo jamánomo ñuera ríino ite. Afe ie ríinomona, ie Ñuera Joréñodo, iere omoi comeci ñue náireillena izire íemo jicádícue. ¹⁷ Afe llezica omoi ínogafuemona Cristo omoi comécimo nabáirífíreillena Juzíñamuimo jicádícue. Daje izói Juzíñamuina iere omoi izíruillena jicádícue. Iemo afe izíruillafuemo izire omoi jaináillena jicádícue. Nane daánomo omoi ínogafuiaí jeire oga uaina ñue omoi ífócimo denóllena Juzíñamuimo jicádícue. ¹⁸ Daje izói Cristo caína izíruilla omoi ónoillena jicádícue, naa jíáie íemo jaináidinori. Mei afe ie izíruillafue monáillaji aillona izóideza. Afe monáillaji ruícafene jica íllana bu onóñede. Mei íadi afémie caína izíruillafue iere ruica are illa izóinana omoi onóillena jicádícue. Daje izói áillue imani eraí iere fuiri jica illa izói, afe caímo facádonide Cristo caína ie izíruillafue omoi onóillena jicádícue. Afe izói Cristo caína izíruilla iere monáillaji ana jica afórena izoide. ¹⁹ Mei jíi, afe bie izíruillafue ñue omoi fidíillena jicádícue. Nana cai onórede aillo ráfuiaí baímo, bie izíruillafue jamánomo áillue. Afefue omoi fidínamona, nana Juzíñamuimo ite aillo ñúefuiaína ñue jáicína oruíziíoi. Mai, daí íteza.

²⁰ Ja birui ie aillo ñuera ríino, cai comécimo ífírenamona nana cai comeci fácarenafuiaí baímo, afémie iere jamánomo ñúefuiaí caímo finórede. Daje izói nana cai jicárenafuiaí baímo afémie iere finórede. ²¹ Ie jira aillo ebíredífúiaí afe cai Juzíñamuimo mai cai nitallí, mei Cristo Jesumo dájena jaináitagacaíza. Mai mei Jesucristodo jaca ninomo naga cómutigimado aillo ñúefuiaína Juzíñamuimo cai nitallí. Daíftadeza.

4

Juzíñamui Ñuera Joréñodo dáamacína maméidicai

¹ Nana bífuiaímona, omoi jáicína ñúefuedo macállena ríire ómoimo llóiticue, mei cai Ocuíraima Cristo ícoínia llavécamiédícueza. Ua Juzíñamui uáidogamací maca izói, omoi macállena izire ómoimo jicádícue, mei uafue ie uáidogamací itímoíza. ² Nana omoi, mai jíba abína ínoñedínona omoi iri; daje izói comécína mánaidímacína omoi iri. Dani conímana izíruillano illa dígamie jíámamo comeci járitaño omoi iri. Afe izói conímana omoi dúecaífireiri. ³ Afe llezica maí Ñuera Joreño ómoimo comuítaga dájena jaináinafue ñue rairuífireiri. Ua, omoi dáaziena dani conímana comécína jacíruíñenafuedo dáamacína jaináífireiri. ⁴ Daa cómemo da abí illa izói, daade abí. Afe abí Cristo ie. Afe daade come abí izóidicai. Afe izói Ñuera Joreño daade. Daje izói Juzíñamui nana caína daa uire ñue finóllífuemo úiñotagacai. ⁵ Cai Ocuíraima daade. Daje cai ínogafue jeire oticai. Daje izói dáafuemo báutizagacai. ⁶ Iemo Juzíñamui daade; afémie nana íemo ínotímací Moo. Afe izói afémie nana comíni Naama. Afémie nana ífcaídífúiaí díbénedo ie comeci jítaínaí fue finode; nágafuiaímo jetáfírede.

⁷ Mei íadi Cristo comeci jitaina izói, cáimona illa dígamiamo jíáiforiede ñúefue finolle ríinona, Cristo caimo fecade. ⁸ Juzíñamui Cuegáuai daí uícodo daide. Be ñie:

Caifo monamo jailla llezica aillo nauí llaveca izóidino afémieoiri uite.

Iemo fia iga jíáimaci cánuafuiaina comínimo fecade, daide.

⁹ Afémie caifo jailla daina uai jíáifue caina onótate. Afedo nauí uícodo fueñe afémie monámona ana bíllana fidídicaí. Aféruido bie fiénidifuiarede éniemo afémie monámona iere jica ana bite. ¹⁰ Afe ana bitímie, abido nana caifo ite monániaí caifófenemo jáidímie dáamiede. Dinomo jaide, afénomona nana ie finócanuiaimo illáimaillena. ¹¹ Iemo afe bie Cristo illa dígamiena ñue ríinoretade jíáiforiede ñúefuiaina finóllena. Dámierie ie orécamacina afémie jóonete. Jíáimacina Juzíñamuimona oga uaillai jino llóramana afémie mamede. Iemo jíáimacina cai jíllonafue uaina llotátate. Nai jíáimacimo ie comínina ñue úiñollena ocuide, íaioi llófuellena diga. ¹² Afe daí cai Ocuíraima nana íeiena ñue fibítate, ie ocuica táijina ñue íaioi jetállena, íemo nana Crístomo jaináidinona móonaitallena; mei afémaci Cristo abi izóidimaciza. ¹³ Afemona cai íinogafue dibénemo ñue dájena maméidimacina jáiticaí. Daje izói Juzíñamui Jitona cai onona dibénemo ñue dáamacina íiticaí. Afe daí ñúefuiaina ñue izire jíeruitinona íiticaí. Uafue, nana ñúefuiaina Cristo izire jíeruilla izói, afe izói ñúefuiaina rairuíñeno iere jíeruiticaí. Jíeruillamona ñue móonaiticaí. ¹⁴ Ja úrue izóidinona íñeíticaí. Mei íadi jífueacadino comue llófueinafue llúamona, úrue izoide nai figo baitáñedinona jífueítiaioi. Iaioi comeci ñue fácajana raíre jíáifodo méidoítiaioi. Bie jífuetino ebire lloga taino llúáfuedo bie úrue izóidino íinoga ñúefuiaina niné féitátiaioi. ¹⁵ Mei íadi conímana izíruillano, íemo uáfueña cai úrilla llezica, mai Cristo díeze cai móonailli. Crístomo izire jaináillano nana ie comeci itífuiaí mai jeire cai ófireilli, mei Cristo afe cai jainaina abi ífoci dainámie. ¹⁶ Afémie, ífócina íllamona, nana caina caimare ocuíoide; ñue daa cómena caina jaináitate, mei illa dígamie jíáimiamo ñue dúinaza. Nana afe Cristo dáamiena jaináitagamací caimare daní jíáimaciri táijina llezica, caimare itíaioi. Ua Crístomo jainaide, daade abi izóidino naari conímana izíruillafuedo móonaioicaide. Móonaillano caimare ite.

Crístomo dájena cai jaináinamona comue illáfuedo macáredicaí

¹⁷ Iemona bie ómoína cue daíllifue izói, cai Ocuíraima mámedido ómoímo jóoneno-caidícue. Ja biruímona, Juzíñamui onóñegano illa izói, mai omoí iñeno iri. Iaioi taino comeci úrilla uai daina izói ífirediaioi. ¹⁸ Iaioi comeci úrilla uai onóñeno jíitífono fiébicaidiaioi. Juzíñamui comuítaga comue illafue afémacimo iñede, mei íaioi comeci ríirenamona ja abina onóñedinomacina jáidiaioiza. ¹⁹ Ja íaioi comeci meáfueña lloñédiaioi. Iemo nana íaífuiaí illa dínó, áfemo aillo gáinafuedo iere jeire otíaioi. ²⁰ Mei íadi afe daí, Cristo llófueñegaomoi. ²¹ Mei nibaí, uáfueña Cristo illafue omoí cacana mei, íemo ite uafue uai dibénedo afémiedo llófuegaomoi. ²² Ie jira nauí omoí fiénide illafue dibénedo izire ómoína dáitícue: Afe nanómona ómoímo itífuiaí, mai zabide iniroi oni dúiñua izói omoí meídori. Afe nauí ómoímo itífuiaí jaca ómoína fiéni finode; mei omoí fiénide gáinafuiaí jífuegaomoiza. ²³ Mei jíáifodo biruí cómuena méidorediomoí; nana omoí comeci óiacanafuiaí méidorede. Nana omoí ífoci úrillafuiaina méidorediomoí. ²⁴ Afe llezica comue comeci itífuiaí, comue iniroi jíitaja izói, mai jeire omoí oíri. Afe comue itífue Juzíñamui illa izói Juzíñamui comuide. Iemo aféfuena jeire omoí úamona, omoí uáfueña íaidonide ñue illafue otíomoí. Daje izói afe omoí comue comécimo itífuiaí omoí úamona, ñue jaícina jóide illáfuedo jáitíomoí.

²⁵ Iemona táinofuiaí lloñeno iri. Mai jíáifodo illa dígamie conímamo uáfueña úriri, mei nana cai dáaziena daje abimo jaináidicaíza. Afe abi Cristo ie.

²⁶ Omoi icírubicaiadi, afe icírafue ana fiénidifuemo ómoína uitátañeno iri. Daje izói daarui náaruido are icíriñeno iri. Raíre féitari. ²⁷ Due jiza omoi comécina Taífe illáimaillemo “Jii” daiñeno omoi iri.

²⁸ Naui meríriraima bairódimie diga, mai abido meríríñeno iri. Mei jiáifodo ze-fuíruíñeno táijizairi. Iemo ñue táijiferenamona o táijina iba óitio; áfedo o jitaille ráaniai íbaitio. O iba mei, ua dúeredimacimo íaioi jitaille raa íaioimo fecáredio.

²⁹ Fiénide uáillaido íaire úriñeno iri. Mei jiáifodo ñuera uáillaido úrifíreiri. Cacádinona comeci náiretalle uaido omoi úrifíreiri, íaioína ñue ézicitalle uai diga. ³⁰ Daje izói Juzíñamui Ñuera Joréñona zúuretañeno iri; mei afémie ómoimo íllado, jae Juzíñamui íeiena mamécaomoi. Ua biruímona Juzíñamui illánomo ñue jaícina ómoína jíllotallíruimo, afe Ñuera Joréñodo Juzíñamui íena ñue mamécaomoi.

³¹ Nana comécimo ite éoinafuina oni mai omoi féitari, nana ríifuiái diga. Daje izói nana icírillamona comuide riire úrillafuiai lloñeno iri, naa jiáie báíñuafuiai. Nana illa diga fiénidifuiái niné féitari.

³² Iemo jiáifodo, illa dígamie jiáimieo dúecaillano comeci mánaidimiena iri. Cristo íena omoi íllamona, Juzíñamui omoi fiénidifuiái íbana oñede. Afena féitateza. Afémie féitaja izói, afe izói illa dígamie jiáima finoca fiénidifuena omoi féitafíreiri.

5

Juzíñamui úruiai izói cai íllena Pablo caimo lloste

¹ Juzíñamui izíruiga úruiai omoi íllamona, mai afémie illa izói omoi iri. ² Cristo caina izíruilla izói jiáimana omoi izíruifíreiri. Mei jii, caina ie izíruillamona Cristo cai jiáinona fecácamie. Afémie Juzíñamui íóbitallena titada fia fecaca rille izóidimie. Aferi Juzíñamui íóbide. (Afémie dibénemo afefue ñue ziórede uguci izoide.) Mai afe izói conímana omoi izíruillado Juzíñamuina omoi íóbitari.

³ Ja bie omoi Juzíñamuimo jaináidímoiza, mai ómoimona ninó dáamie áinina llezica jiáie ringona jetáñeno iri. Daje izói nana jiáie íaifuiaina finóñeno iri. Jaca jiáie cómemo ite ráaniaimo úradoiñeno iri. ⁴ Íairede méaifuiaina bumó lloñeno iri. Daje izói táinodo úrillafuiai úriñeno iri. Iemo jiáimamo fiénide llagüeroilla uaina oréñeno iri. Mei bie izóidifuiái Juzíñamui úruiaimo íeñedeza. Mei jiáifodo Juzíñamuina íere figora omoi daiífíreiri. ⁵ Jae cue lloga íima ringomo finoca fiénidífue bie izói jóide. Daa come nai áinina llezica, ringo jetáadi, fiénide. Daje izói ja ringo ua mei, jiáie ringo jetáadi, figóñede. Iemo íaifue naa úradoillafue diga finóadi, figóñede. (Afe úradoifíredimie jamai jánarai íóbitadimie izoide.) Ja onódiomoiza bie izoide fiénidifuiái fínuana fibídimie, Cristo Juzíñamui diga illáimana illíruimo jaináinide. ⁶ Jiáimana taino uáillaido omoi jífueñeno iri. Mei afe bie fiénidifuiái fínuamona, nana ie uaina cacácañedinona, Juzíñamui íere duere fínoíteza. ⁷ Iemona, bie izói ite comini diga omoi nabáiriñeno iri.

⁸ Naui nai omoi íinoñena llezica, jítifomo itíomoi; mei íadi birui cai Ocuíraimamo dájena omoi jaináinamona, ja úzefomo macádíomoi. Iemona ñue uáfodo macádino izói mai omoi ífíreiri. ⁹ Cai Ocuíraima Jesucristo egáíñote raa izoide. Iemona cai comécina ñúeitate. Iemo ua uaido caina úritade. Daje izói cai jaícina ñue illífue comúitate. ¹⁰ Cai Ocuíraima ñue íóbitallífue, mai íere omoi onóocairi. ¹¹ Báinino macádino finoca táinofue dibénemo íñeno omoi iri. Mei jiáifodo afe báinino íaioi finócafue uáfomo omoi cíotari. ¹² (Mei íadi afémaci báinino finócafuiái izói cai úriadi, caina meáiruitaite. Ie jira benomo rabedo jino ómoimo llóñeíticue.) ¹³ Mei íadi nana íaioi illafue jino uáfodo cíotamona, afe fiénidifuiái íere íáirenana nana comini ónoítiaioi, mei Cristo egáíñua úzefo, nana comínimo ua comécimo itífuina jino cíotate. ¹⁴ Ie jira bie izói daina:

Ínídioza, mai cazi.

Tíidínomona mai náidacairi.

Iemona Cristo ie úzefomo ñue mácaitimiena ona jáitaite, daide.

¹⁵ Mei íemona, nágarui omoi illáfuemo izire comeci omoi facáoiri. Naga fiénidifuiamona abi omoi rairuiri. Abina onóñedino izói omoi iñeno iri, mei jiáifodo ñúefuena baitádinona omoi iri. ¹⁶ Biruido aillo fiénidifue íteza, o illafue táinomo fáifitañeno iri; ñúefuiai omoi finófireiri. ¹⁷ Táinodo úritino izói iñeno iri. Cai Ocuíraima comeci jítainafuena ñue omoi baitáocairi. ¹⁸ Jifáñeno iri. Mei, afe jifáillafue come comécina aillo íaifuemo ana uitátate. Mei jiáifodo Ñuera Joreño abí omoi úicaitari. ¹⁹ Illa dígamié jiáimamo Juzíñamui uáillaído caimare omoi úriri, naa Juzíñamui rúairi. Daje izói Juzíñamui Ñuera Joreño lloga rúanai omoi roíri. Daií omoi rúado cai Ocuíraimana iere ióbitaitiomoiza. ²⁰ Illa dígaruillai cai Ocuíraima Jesucristo mámeçido Moo Juzíñamuina naga ráaniairi figora omoi daiífireiri.

Crístomo íinotina cai illamona Pablo cai jofo eromo cai illafue llote

²¹ Illa dígamié jiáima anamo caimare omoi iri, mei Juzíñamui daií cai ocuúdeza.

²² Cai Ocuíraima anamo cai itábicailla izói, naga ringo ie ini anamo itábicairede. ²³ Mei naga ringo ie ini ocuífiriga, íemo jiái ie ini ñue úiñogaza. Afe izói nana Crístomo íinotino, Cristo ocuicaiaioi; daje izói Cristo ñue úiñogaiaioi. Afémié afémaci illaima. Daje izói afémié íaioi Jíllotaitimie. Afémiemo íinotino íemo dájena jaináinamona, ja ie izóidiaioi; ja dáamiede abi izóidiaioi. ²⁴ Iemona Crístomo dájena jaináidinona afémié anamo illa izói, naga inírede ringo ie ini anamo írede.

²⁵ Cristo íemo jaináidinona izíruilla izói, mai naga iima ie aina izíruiri. Crístomo jaináidinomo Cristo ie abina fecade. ²⁶ Afémié daií ie abi fecade ñue íeiena íaioi illena. Daje llezica afémié íaioimo ite íaifuiai jáinoimo jococa muilla izói, ie uaido íaioina muiñode. ²⁷ Cristo daií caína muiñode ñuera nífuenidinona ie uiécomo cai cíocaizaillena. Uafue, nana mallizai izói abímo comúdena duano ebire eroide, lliríñede abi ígoína caína finode. Jaca due jiza fiénidifuena fiéñede. Nana íaioina íeiena iere ñue finode. ²⁸ Afe izói naga iima dama ie abina izíruilla izói, ie aina izíruirede. Ie aina izíruitimie dama ie abina izíruite. ²⁹ Bu jaca dama ie abina éoiñede. Mei jiáifodo cai abina ñue ecádicaí, ñue úiñoticaí. Afe izói Cristo íemo dájena jaináidinona ñue rairuide. ³⁰ Mei afémaci dama íeieza; ja daa ie abi izóidiaioi. Cai bie afe abímo jaináidicaí. ³¹ Bífuiamona Juzíñamui daína izói, dámié ie moo, ie ei diga, fáicanocaillano, ie ai diga dájemo jaináicaite. Jáinaicaillano, daade come abi izói itífaillinoi. ³² Bie daade come abi izói íficaillafue, jaiáimona áillue báiñide rafue. Mei íadi afefue Crístomo dúide; daje izói íemo dájena jaináidinomo dúite, daidicue. ³³ Mei íadi daje llezica ómoimona illa dígamié omoi abina izíruilla izói omoi aina izíruiri, daiíacadicue. Iemo naga inírede ringo ie inina ñue jacíruiredeza, daidicue.

6

¹ Uruiai, omoi cacai. Crístomo íinotinodiomoiza, o moo uai jeire omoi olle iere jitáirede, mei afe bifue Juzíñamuimo jáicina jóideza. ² Bie lletara uai llua mei, Juzíñamui dáanomo ñue cai illifue llote. Daií nana ie lletara uáimona dama búuaido Juzíñamui cai ñue illifue llote. Afe llétaja uai bie izói daide: “O moo, o ei diga, ñue jacíruiri, ³ áfedo caimare o illena, daje izói bie éniemo are o illena.”

⁴ Ja úruiairedino, mai omoi cácarei. O úruiaína comécina ríicaitañeno iri. Mei jiáifodo ríire llétaja uaido ñue íaioina llófuefireiri. Daií íaioina ñue omoi móonaitari, cai Ocuíraima Jesumo ñue íaioi íinollena.

⁵ Ocuífirigano, mai omoi cacai. Biniemo ite omoi ocuídime dáinana ñue jeire omoi oíri. Cristo ocuíllamo o táijina izói o táijitatimie móonaitari ñue táijiri. Afémié ocuíllana ñue jacíruiri. O táijitatimie uaina nibéfodo oñeno iri. ⁶ O ocuídime eroille llezica ñue táijiri, daje izói afémié iñena llezica náamonaze ñue táijiri. Dama ocuídime eroille llezica, íocire táijidimiena iñeno iri. Afe izoide táijide come jamai come ióbitade.

Afe izói iñeno jíáifodo omoi iri. Cristo táijitagano izói, Juzíñamui comeci jitáinafuenta izire omoi finori, afémie omoi ióbitallena. ⁷ Comeci ñue jitaina izói caimare omoi táijiri. Jamai come íena táijíñeno, cai monamo ite Ocuíraíma íena ñue omoi táijiri. ⁸ Mei ja onódiomoiza, illa dígamie ie ñue táijifirenado cai monamo ite Ocuíraímamona ñúefuena jíridoite. Rairuícamié, ráiruíñegamié diga dájjerize nano íaioi táijínaze jíridoite.

⁹ Ocuífredino, mai daje izói omoi táijitagano ñue dúecaifireiri. Afémacina fieni omoi jácidoñeno iri. Daade cai Ocuíraíma anamo nana dájena itícaiza, omoi úibicairi. O táijitagano monamo ite Ocuíraíma anamo illa izói, o jíái daje Ocuíraíma anamo itio. Afémie da cómena eneno maméñedeza. Illa dígamie dájjerize mamede. Aféfuemo omoi úibicaifireiri.

Jesumo íñotino comeci náireitalle abi ríidua uai Pablo llote

¹⁰ Mei ámatiai, cai Ocuíraíma Crísto ite ríinodo benómona mai riire omoi iri. Cai Ocuíraíma Jesumo omoi jaináinamona riire abí omoi mameri. Mei, afémie jamánomo ríiredeza. ¹¹ Juzíñamui lloga abi ríidua uai, ñue jeire omoi oíri, naa ie ñuera ézicigafuiari. Mei jíi, dáarie comini abi ríidollena ñue fuiríllena llojécuroi jíadíai. Afe íaioi jíta izói, nana Juzíñamui cai ríidua uai, mai jeire omoi oíri. Afe uaido Taife jífuia uaina uáitarediomi. ¹² Jamai abina mairide come diga fuiríñedicaí. Mei jíáifodo fiénide joríaí diga fuirídicaí. Afémaci caífo cai acónimo táifodo macádiaioi. Afe cai diga fuirífirede joríaí nana bínemo ite jítifodo jaide fiénidímacina fieni ocuíoide. Bínie comínina “Cáiediomi” daííoicaidiaioi, mei “Omoi náamadicaí” daíífrediaioi. ¹³ Ie jira Juzíñamui lloga abi ríidua uáillaído abí omoi rairuiri. Afe bie uaido jobáirillaruiño ñue abina ríidoitiomi. Daí abina ríidotioimoiza are ñue ríinoredinona íitiomi. ¹⁴ Ie jira riire omoi iri. Fuiríraíma círaigí ife riire tirínua izói jíjíñeno ñue ie fuiríllena, afe izói Juzíñamui lloga ua rafue jeire omoi oíri. Daje izói ñue jáícina omoi íllado nágarui ñue abí omoi ríidofireiri. Afe bie omoi jáícina illafue, fuiríraíma jogobe ríidollena jíta llojeco izoide. ¹⁵ Afe fuiríraíma fuirízailla llezica ie idai ico riire maíga izói, áfedo riire ie naídáillena, afe izói Juzíñamui comécina jacíruiñeno uai jeire omoi oíri. Afedo abina riire mámano, fiénidífuena ómoína anáfenoñeiteza. ¹⁶ Iemo illa dígaruillaído Juzíñamuimo omoi íñogafuena féitañeno iri, mei áfedo Taife caimo mameca fiénidífuina oni caitáredomi. Omoi íñogafue jae fuiríraíma abi ríidollena úifirega llojeco finoina escudo izoide. ¹⁷ Iemo Juzíñamui lloga jíllona uai jeire omoi oíri, mei aféuai, ífo ríidollena jítafíregá ífo ico llojeco izoide. Iemo nana Juzíñamui uáillaína mai jeire omoi oíri, mei afe Juzíñamui uai, Ñuera Joreño ómoimo fecaca fuirira llojébici izóideza. ¹⁸ Nana bie cue ocuícáfuiái, mai Juzíñamuimo jícano finori. Jaca Ñuera Joréñodo izire Juzíñamuimo omoi jícáfíreiri. Bie izói omoi íllena, nana bífuiaína fáicanocaiñeno ñue abí omoi rairuíoicairi. Daje llezica nana Juzíñamuimo jaináidíno Juzíñamuimo omoi jícáfíreiri. ¹⁹ Daje izói jíái cuemo jícáfíreiri; náiraímo cue úria, Juzíñamui cue uai nabáilleza. Iemo jacíruiñeno íocire íaioimo cue úrillena, Juzíñamuimo omoi jícarí, nauí bínino lloga jíllona uai jino comínimo cue fidítallena. ²⁰ Bie ñuera uaido comínimo úrillena Juzíñamui orécamiédicue. Afe uai ícoínia, ja birui llavécamiédicue. Iemo, bífuedo ñuera llúajítimie izói jacíruiñeno náire cue úrillena, mai Juzíñamuimo omoi jícarí.

Iraícaíño uáidua uailai

²¹ Cai izíruiaga ama Tíquico, cai Ocuíraíma Jesumo táijínana fáicanocaiñeno canófredimie. Afémie nana cuemo itífuiaína ómoimo jino llóite, naa jíáie cue finócafuiái diga. ²² Jira, bímie ómoimo orédicue, cue illafue ómoimo jino llóllena. Iemo jíái áfedo omoi náireficaillena, íena ómoimo orédicue.

²³ Moo Juzíñamui, cai Ocuíraima Jesucristo diga, cai ámatiaimo ñue comeci uái illifue ómoina ñue onótaiteza. Daje izói Juzíñamuina ñue omoi izíruillena jicádicue. Ie jira Juzíñamui omoi íinogafuena aillo móonaitaiteza daidicue, afe bífuiái omoi maiñóllena. ²⁴ Nana cai Ocuíraima Jesucristona féitaño izíruitinona, Juzíñamui ñue íaioina éziciiteza. Mai; jae ñie. Daí íteza.

FILIPO COMÍNIMO SAN PABLO ORÉCABE La Carta del Apóstol San Pablo a los Filipenses

Filípomo ite Jesumo ñinotino Pablo llavéracomona cuete

¹ Cue Páblodicue. Cue nabai Timoteo diga bibe ómoimo cuetícoco. Jesucristo táijitagamedicoco. Nana Filipo jófuemo ite Juzíñamuimo jainaide ámatiaimo cuetícoco. Daa bibedo omoi cígiri ite ocuídillainimo, naa eneno mameca canódinomo, cuetícoco. Cristo Jesumo nana dáaziena jaináidiomoi. ² Cai Moo Juzíñamui ñue ézicigafuemo omoi iri, naa comeci caimare uái illafue diga. Daje izói cai Ocuíraima Jesucristo ézicigafue dibénemo omoi iri, omoi ie lloga comeci caimare uái illafue diga.

Pablo Jesumo ñinotinori Juzíñamuimo comécido úrite

³ Naga ómoimo cue úbicaifrenaruido, cai Moo Juzíñamuina: “Iere figura” daiífiredicue. ⁴ Juzíñamuimo comécido cue úriadi, jaca nana ómoiri caimare jicáfiredicue. ⁵ Mei fueñe tainéinaruimona ua biruimo Juzíñamui ñúefuedo dáafuemo naa ómoiri táijifiredicaiza. Afena figura daiífiredicue. ⁶ Juzíñamui nauí omoi comécimo ñúefuena déitate. Afe ñúefuena déitallifue tainédimie ua Jesucristo billíruimo fácanocaiñeno déitaocaite. Afefue taino daiñideza onódicue. ⁷ Mei ómoína iere izíruillano nana ómoiri daií comeci cue fácafue iere jaícina jóide. Afe izói daje cuemo iga ézicigafue, jeire otíomoi. Llavécamiedicue íadi, omoi cúeoiri jeire oga ézicigafue, ñúefue cue llujállena canode. Iemona cai jílloillifueña comínimo uáfueña ñue fidítaticue. Daje izói bifueña iere nahífueza daiítaticue. Afe izói bie ñúefueña uáitaacadino uiécomo daa bifuedo cai jílloillifuedo jaícina ñue úriticue. ⁸ Jesucristo ómoimo dúecaillano izíruilla izói, omoi cígiri iere cue íacanana Juzíñamui ñue onode. ⁹ Juzíñamuimo comécido cue úrillado ómoiena jicádícue. Dani conímana aillo jamánomo izíruillana jicádícue. Daje izói nana ñue fibíllafue abina omoi onóillifue diga, jicáfiredicue. Ua daií ómoiena jicádícue, ñúefuiai omoi níziana omoi fibíllena. ¹⁰ Afe bifue jeire omoi óiadi, omoi comeci ifue íainite. Daje izói Cristo billíruimo nífuenidínona ítiomoi. ¹¹ Daií Jesucristo omoi illáfueña mámeite. Ua ria llizilla jofo úaina izói, ómoína mámeite. Ua aillo ñue finócafuiái omoi illáfueño Jesucristo mámeite. Afedo Juzíñamuimo ñúefue ebíredífue diga nítaitiomoi.

Cristo jítainafue cue ñinuamona cue comeci ifue ráifide

¹² Amatiai, omoi cácarei, cuemo zúidífuiaina omoi fidítaticue. Aféfuiai Juzíñamui cai jílloillifueña jino llúana nahí uáfueña canode. ¹³ Benomo cue llavénamona, nana nahíllaíma jofo abi úiñoraini, ñúefuedo cue llavéñana onódiaioi; ua Cristo ñúefue jeire cue úamona ja llavécamiedicueza, áfena nana onódiaioi. ¹⁴ Llavécacueña íaioi ciónamona, ja nana ñinote ámatiaimona nabémaci iere nácaidiaioi, Juzíñamui uai jino llóllena. Ua meáiruñeno uáfori jino llotíaioi. Daje izói cue llavénamona cai Ocuíraimamo jamánomo ñinotiaioi.

¹⁵ Uáfueña dámerie cuemo úradoillano Crístodo úritiaioi. Afémaci énenoruillano cue baimo jamánomoidimiena íacadiaioi; mei íadi jíáimíai comeci ñúefuedo jino llotíaioi. ¹⁶ Dáarie dani íaioi comeci óiacanafuiáido Crístona jíáifo úritiaioi. Cue llavébillafue baimo jamánomo raamo cuena jíiritiaicadiaioi. ¹⁷ Mei jíáimaci cuena izíruillano Juzíñamui ñúefue jino llotíaioi, mei nai benó llavéracomo cue íllana onódiaioi. Ua Juzíñamui jílloillifueña uáitañena jira llavécacueña onódiaioiza. ¹⁸ Mei íadi ¿cúemona níbai? Dáarie jaícina Crístodo úritiaioi; jíáimaci Crístodo jizíreoicana úritiaioi. Mei daje ábiedo Crístodo íaioi úriadi, cuena jaca íóbitade.

Afe cue ióbillu baimo jamánomo nai ióbioicaiticue. ¹⁹ Mei nana bífuiaimona nífuenu záiticueza onódicue. Ua cueri Juzíñamui comécido omoi úrillado ñue jíllaiticue. Daje izói Jesucristo Joreño cue cánuado ñue jino jáiticue. ²⁰ Jesucristo meáruineno cue úrillena cue comeci jitaillafue. Afe daje bífue iere ocuíticue. Birui cue illáfuedo jáímaci Crísto aillo ñúefue nitádiaoi. Afe bie nita baimo, nai jamánomo íaioi nitállena jitáidicue. Nibai cáaiticue, nibai tíiticue dama mei áfena lloñédicue. Dama Jesucristo ñúfuiaina nita daidicue. ²¹ Nai tíñeno cue jáicaiaí, Cristo comeci jítainafue cue fínuana jamánomo naga raa baimo gáidicue. Iemona nai cue cáanafue ñuera; íemo jáí cue tílle jamánomo baimo ñuera. ²² Mei íadi bie cue abido nai cue caana llezica, cai Ocuíraima comeci jítainafue bíniemo jino denóllena tájifireiticue. Meita bie mena cuemo itífuemona nífuenu nizada óitícueza onóñedicue. ²³ Nai feire jánaideza, bie ménafuedemona nífuenu óitícue. Aféfuena ñue cue onuille féirede. Mei jáífodo caifo Cristo díne cue jáillena tíiacadícue; bie izóidífue cúemona jamánomo ñuera. ²⁴ Mei íadi jáíe izói omoi cígido bie caana abido cue jácallena, ómoiena iere jitáirede. ²⁵ Mei daa bífuena jáicina onódicue; omoi díga nai cue ícaillena ñue onódicue. Omoi díga cue íllena jitáirede, omoi ñue ínogafue nágarui jeire omoi cue otátallena. Ua ómoiri cue illa jitáirede, jae jeire omoi ua izói afe baimo jeire omoi óllena. Daje izói omoi ñue ínogafuedo omoi ióbioicaillena, omoi cígiri cue ícaillena nai jitáirede. ²⁶ Mei daí nana omoi cígiri íitícue. Afe uire cue bílledo Jesucristo jamánomo aillo ióbitaitíomoi.

²⁷ Cristo ñúfuiaí úbicaillano, afe izói nágarui omoi illafue ñue jáicina jóneri. Nibai omoi cue érozaiadi bifue jeire omoi úamona, omoi illa ñúfuena fidíacadicue. Daje izói ómoimona jica iticue íadi, daje omoi illa ñúfuena onóiacadicue. Afe bie izoide ñúfuena fidíacadicue: dáaziena caimare omoi jaináillana onóiacadicue. Daje izói jíllouilluaimona lloga ínogauaimo izire omoi níciduana fidíacadicue. ²⁸ Daje izói omoi bacáuai ímíiaina due omoi jáicaiñenana cuemo omoi lloiri, daidicue. Afe omoi jáicaiñenafue, níne íaioi táinocaillífue uáfodo jino llotátate. Mei íadi daje llezica omoi jíllouillífue uáfodo jino llote. Bie omoi onóitainafue Juzíñamui díbenemona bite. ²⁹ Mena rafue Juzíñamui ómoimo mamede. Nánorafue daide: Cristo uaina iere jeire óredíomoi.

Nane jáífue daide:

Cristo ñúfue jeire omoi ua méifomo, afémie ícoiri duere zefuífiredíomoi.

³⁰ Cue naa ómoiri daje fuirilla izóidífue iticai. Naui cue fuirídímie izói íllana ciódiomoi. Ja birui fuirídímie izói, nai cue jáicana ráfuena onódiomoi.

2

*Cristo jamánomo uáitagami*ena jaide ie méifomo Juzíñamui jamánomo ñue ébífue íemo nitade

¹ Ja birui Cristo ómoína náicaitarede. Afémie ómoína izíruillano, comeci zúurenemona omoi comécina cáimacaitarede. Ie Ñuera Joreño omoi díga ite. Conímána izíruillafue dúecaillafue díga afe díbenemo itíomoi. Nana bífuiaina omoi onónamona, mai cue omoi ióbitari. ² Ua caimare ñue omoi illífuedo cuena ióbitari. Afe izói daje izíruillafue omoi jaináinamona cuena ióbitari. Afe mei dájemo comeci jítainafue jeire omoi úado cuena omoi ióbitari. Afe emódomo dáafue omoi comécinado cuena omoi cáimacaitari. ³ Dani omoi comeci jitailla izói mamériño iri. Fia abi ínuafuedo nífuenu lloño iri. Mei íadi comeci mánainafuedo omoi maméiriri. Omoimona illa dígamierie omoi aino cómena o baimo comécina ñuera, omoi daífíreiri. ⁴ Dani omoi ñue illáfue jenoño iri. Mei íadi nana jáímaci ñue illáfue omoi jeni.

⁵ Cristo Jesús comeci mámia izói, dájemo comeci omoi mameri. ⁶ Nano fueñe ie illa llezica afémie daa Juzíñamui izoide. Juzíñamui izói ie illa ríino afémiemo ite. Mei íadi

ie fiénocaiga ríinona “Raire meine cue olli” daiñede. ⁷ Mei íadi afémie Juzíñamui izoina llezica afe íemo ite ríinona oni eneno fiénocaide. Fiénocaillanona jiba íima jéicia izói Cristo jéiciga. Daií ie jéiciinamona fia jamai táijitagamie bie éniedo jáicana izói jáicade. ⁸ Jamai cómena ie illa llezica jamánomo comécina mánaidimiena abí mamede. Daií mámiano ie Moo Juzíñamui daináuai jeire uano dama tíizaide. Ua aillo meáire cruzmo tíizaide. ⁹ Ie jira Juzíñamui jamánomo aillo ñúefue íemo nitade. Ua áfemona nana jíáie mámeciai baímo jalléidicina Juzíñamui íemo jítade. ¹⁰ Daií bie mámecina Juzíñamui íemo jítade, nana comini ie anamo dújuillena. Ua afe Jesús dainácina íaíoi cacánamona nana monamo itínuiái, bie éniemo itínuiái, daje izói énie anamo itínuiái cañícido ie anamo dújuitiaíoi. ¹¹ Daií dújuillano nana comini comécido íena ónuano, Jesucrístona nahí Ocuíraimana dáíitíiaíoi. Daií dainado Moo Juzíñamuimo ñúefue nítaitiaíoi.

Crístopo Jaináidino bínie egáíñotino izóidiaíoi

¹² Mei jira, cue izíruiga ámatiaí, nauí omoi cígiri cue illa llezica jaca ómoímo cue llogáuaina jeire otíomoi. Ja birui ómoímona jica itícuemo, nauí omoi úana izói, afe baímo aillo jeire omoi oíri. Dani omoi jíllonafuemo comécina mánaidimie izói jacíruiocana áfemo omoi comécioiri. Aféfuena nana comínimo ñue jino omoi denóicairi. ¹³ Mei Juzíñamui afe ñuera comeci óiacanafuiaí ómoímo fecádimie. Afémie dama ie comeci ñue jítainafuedo ómoína canófirede, omoi comeci ñue óiacanafuiaí jino denóllena.

¹⁴ Bífuaí jino omoi denolle llezica nana omoi jetácafuaí fiéni úriñeno omoi finori. Daje izói áfena júfidoñeno omoi finori. ¹⁵ Iemona bie izói omoi iri ninena jíáimaci ómoímo íaífue jóoneñeillena. Daií nífuenino omoi iri, áfemona íaífuenidínona omoi ílleza. Mei daií omoi íllamona, comécina íaífue fécitate figóñede comini cígiri, Juzíñamui úruiaína mamélliomoiza. Iaíoi cígiri, ucudu caifona bie jítrede énie egáíñua izói, ie izói comini comeci jítrenana egáíñoitíomoi. ¹⁶ Afe egáíñuado zíñona cáataite uai íaíomoi jino llóitíomoi. Daií Cristo billíruimo ómoíri meáldaiñeno caímare abí íñoitícué. Daje izói omoi ñue illáfuedo nauí ómoíri iere cue táijínafue táinomo jífánofiñenana onódicue. ¹⁷ Nauí ñúefuena omoi ínuaruimo dani omoi illáfue Juzíñamuimo llotíomoi. Birui nai omoi ínogafue ñue jáicina cue jóoniamona, níbai benó cue tíiadi, áferi cáimacaitícué. Afe llezica omoi cánuaíbiga íóbillafueri íóbidícué. ¹⁸ Daje izói caímare omoi iri; cue cáimacailla dibéfuemo jeire omoi oíri.

Timoteo Epafrodito diga Filipos comínimo oréillífué

¹⁹ Cai Ocuíraíma Jesús comeci óiacania, Timotéona omoi eróizaitícué. Omoi illafue afémie abido cuemo lluaíbiadi, iere áferi cáimacaitícué. ²⁰ Cue comeci faca izói, comeci facade jíáie cómena íñede. Dama Timoteo cue izói comeci úrilla. Dama afémie omoi ñue illífuemo uáfue comeci facáoifirede. ²¹ Nana jíáimaci dani íaíoi comeci jítainafue jenódiaíoi. Cristo Jesús dibéfuena lloñédiaíoi. ²² Afémie cuemo ráifinafuena náganuaímo jino cíotagaza onódiomoi. Ñúefue jino cue llócaillado afémie cue diga, jító izói jáicaide. Ua moo ie jító diga táijicana izói cue diga táijicaide. ²³ Cuemo ite itífuiaí jino déillana ñue cue onóadi, bie Timotéona omoi méiñOtaacadícué. ²⁴ Cai Ocuíraíma ñue ínotícué. Iemona níbai ómoína raire dama eróizaíbitícué.

²⁵ Daje izói cúemona uáfodo jóideza, cue ama Epafrodito omoi cígimo jáirena. Afémie cue táijinana nabáífredimie. Daje izói fuirilla izói cue llócaigafue nabáífredimie. Mei íadi nauí cue jitaica raamo táijillena omoi cuemo orécámie, abido ómoímo orédícué. ²⁶ Mei afémie nana ómoína izire cíocade. Ie irárenana omoi fidínamona afémie comeci iere járitaide. ²⁷ Uáfue iere irárede; tíillanomo figo dúcide. Mei íadi Juzíñamui íemo dúecaillano íena jíllotate. Dama afémiemo dúecaíñedeza; mei jíái daje izói cuemo dúecaide. Ua Juzíñamui cuemo dúecaide, cuemo ite zúufuaí baímo jíáie aillo comeci zúufuaí cuemo bíñeillena. ²⁸ Iemona íena iere oréacadícué, raire afémiemo omoi

érocaillano iere omoi ióbicaillena, cue zúucaillafue raire niné féilleza. ²⁹ Bie Epafrodítona mai jamánomo caimare omoi uáidori, Juzíñamuimo izire jainaide ámaza. Nana ie illa izóidimíiai caimare jacíruiocana íaioimo mai omoi cacáreiri. ³⁰ Ua afémie Crístomo táijinafuedo tíllanomo figo dúcide. Dama ie cáanafue jacíredifueмо afémie jóonete cuena canóllena. Ua omoi bíninamona afémie cue cánuaibillena iere jamánomo nícidote.

3

Uáfueña Juzíñamui ióbilla cai ñue jaícina illafue

¹ Cue ámatiai, mai cai Ocuíraima omoi ióbioicairi. Cue cuegafue meine ómoimo cue lolle cuena áifedua izói íñeite, mei íadi ómoína iere ñue canode. ² Íáiruiga jiba jico izói fiénidifueмо itímacimona abí omoi rairuiri. Omoi bacano icoi quetátafirediaioi. ³ Cai bie ua quetácamacinaza. Cai bie cai joréñodo Juzíñamui ióbillamacidicai. Fia jínofenemo cioide raana íñoñedicai. Cristo Jesús íeiena cai íllari caimátaidinodicai. ⁴ Bífuiaimo aillo cue íñoregafuiiai ite íadi, áfena lloñedicue. Cue baimo buna aféfuiaimo íñonide. ⁵ Cue jocóinamona ocho dígarui íllamona cue bacano icoi quetádiaioi, mei nahí israelita nairai ímiedicueza. Cue bie Benjamín izíemo jaináidimiedicue. Cue jocóinanomona hebreo ímiedicue. Ua hebreo ímie jítódicue. Judíuai ocuícáfue jino cue dobáíñuamona cue bie fariséodicue. ⁶ Jacire ocuíoídimie izói Crístomo jaináidino fállena íaioina racádicue. Judíuai ocuícáfueмо lloga ñue jaícina illafue díbéfueмо, jaca nífuenidimiedicue. Bu úaitañegamiedicue. ⁷ Mei íadi nana bie nauí cúemona aillo ráifidifuiaina, ja birui aféfuiaina Cristo ícoínia náfueñedicue. Ua aféfuiaina jamai ráifíñedifuiiai izói áfemo comécidicue. ⁸ Afe baimo aillo jíáfueмо comécidicue. Cue Ocuíraima Jesucrístona cue onóíllifue, nana cuemo itífuiiai baimo aillo ráifide. Iemona cuemo itífuiaina féitaticue. Cristo ícoínia naga cuemo itífuiaina cue féitaga. Ua aféfuiaina oni dotáacaiga raa izói comécidicue, afe íbana Cristo cue náamatallena. ⁹ Daje izói cue afémiemo jaináiacadicue. Ocuícáfueña cue íñuamona ñue illáfueña líínoticue. Mei íadi afe ñue illáfuedo Crístomo jainaiñeíticue. Jesumo íñotinomo Juzíñamui iga nahí ñue illáfuedo Crístomo jainaiticue. ¹⁰ Cue comeci jítainafue Cristo cue onóíllena. Daje izói ie tíllanomona meine abído cáatate ríinona, “Cuemo iri,” daidicue. Afémie duere zefuilla izói duere zefuácadicue. Afe daí ie tíllaruimo ie illa izói ííticue. ¹¹ Afemona tíidinuiiai meine cáallifueмо ocuírídicue.

Cristo fueñe cue ocuilla izói cue jáillena, fuirilla izói izire nícidocana uiticue

¹² Ja nana afe bie maméíllafue oticue daíñedicue. Daje izói comeci jaícina ñue jóidimiedicue daíñedicue. Mei íadi Cristo fueñe cue ocuilla izói íacadicue. Ie jira nágarui aféuaimo nícidocana uiticue, afémie cuena daina izói cue jáillena. ¹³ Cue ámatiai, bífuiaimo ja dúcidicue dama daíñedicue. Mei cue nahí finóacaigafue jíáfodo jóide. Nauí cue illáfueña féitaticue. Afe llezica nahí como cuemo déioicaiticueмо riire comécidicue. ¹⁴ Aizídino raire mózizailla izóidinomo dúciacadicue. Juzíñamuimona fia jirídolle raa izoide cue líínuaibillena, Juzíñamui monámona cuena uáidote. Crístomo cue jaináinamona afe jirídolle raana máíñoíticue.

¹⁵ Cáimona nana íñogafuedo ñue móonaitino, mai bie izói cai comécioilli. Jíáfodo omoi comécíadi, Juzíñamui áfena ómoína fidítaite. ¹⁶ Mei íadi bifue mai cai náfuelli: cai onóigafue izói mai ñue cai illi. Daje izói ñue jaícina mai cai comécioilli.

¹⁷ Cue ámatiai, nauí omoi cígiri cue íllana ciódiomoiza, afe izói omoi iri. Omoimo cue cíotagafue jeire otínomo izire comeci omoi facáoiri. ¹⁸ Ja aillo Cristo tíllafueña uáitatino íteza. Iemona díga icaiño afémacido ómoimo lloticue. Nane zuure éebicaillano

dáanomo ómoimo llóiticue. Afémacimona abí omoi rairuiri. ¹⁹ Bie izói itino úirairuimo niné táinocaitiaioi. Dani íaioi abí jitáinafuiaina daidíaiói:

—Bie cue juzíñamui, —daidíaiói. Meáirede raana meáiruiñediaioi. Mei íadi áfedo abí ínotiaioi. Fia bie énie ífue mo comécidíaiói. ²⁰ Mei íadi cai nana caifo mona imácidícai. Cai nana, cai jíllotade Ocuíraíma Jesucristo monámona bíllemo úínotícai. ²¹ Cai zíññoñede abina afémie méiduaíbite, afémie ie abí ebire cioina izói cai íllena. Afémiemo ite ríinodo naga raana náamatade. Iemona afe daje íemo ite ríinodo cai abí ífuenta méidoite.

4

Jaca cai Ocuíraímamo caimátaioicairi

¹ Cue izíruiga ámatiai, mei ómoína iere cióiacadicue. Omoi cue ióbioinamacidíomoi. Iemo cue jírdolle raa izóidíomoi. Ua cue izíruigamacidíomoiza; mai cai Ocuíraímamo jaícina riire omoi comécioiri.

² Evódiana mámeçiredíngo íemo Síntique díga, izire jícadícue, dáafuemo ómingo comécíiri. Mei cai Ocuíraímamo jaínainamona ebúñona maméidíomíngoza. ³ Daje izói jíáimíemo úritícue. O, cue tájínado jaca ñue cuena nabáidí. Ua cue íñoga nábaídí. Jira bie cai miríngotíaina o canótaitícue. Mei afe íaínguái cúeoíri afe jíllona uai cue llóçainado nícidocaidíanguái. Bíanguái, Clemente díga naa jíáimíeoíri cúeoíri tájicadíaioi. Nana afémaci mámeçi ja Juzíñamui zíññoña íllino óitino mámeçi cúeinanicomo cuela.

⁴ Nágaruillaído cai Ocuíraímamo mai omoi caimátaioicairi. Nane dáanomo daídícue, mai caimátaioicairi. ⁵ Omoi comeci mánaína naga cómemo, mai cíotaitíomoiza. Cai Ocuíraíma bíllíruímo ánozideza. Cai áinori íteza.

⁶ Omoi comeci nífue mo jíritaitañeno iri, mei jíáífodo naga ómoimo comuídfuiaina Juzíñamuímo úrilla llezica, afémiemo mai omoi lloiri. Daje izói omoi jítaílla raana jíçari. Afe llezica “Íere figora” mai omoi daíífireri. ⁷ Ie mei Juzíñamui comeci caimare uái íllafue ómoimo íteza. Bie comeci uái íllafue comíni onoíga táinofue baímo ñuera. Afe caimare uái íllafue omoi comécina ñue ráiruíte. Daje izói omoi comeci jarire úrillafuena ñue manánaitaíte. Mei Cristo Jesumo daane jáínaitíomoiza.

Ñúefuíaímo comeci omoi facáoíri

⁸ Cue ámatiai, íraicaiño omoi llóiticue. Nana nahí uáfuiáímo omoi comécíiri. Daje izói nahí caimare jacíruioigafuiáímo omoi comécioíri. Daje izói nana jaícina ílláfuiáímo omoi comécíiri. Afe izói nana íainidífuíáímo omoi comécíiri. Daje izói nana ióbillafuiáímo omoi comécíiri. Daje izói nana caimare jalléinafue mo comeci uibíoíri. Nana bie ñúefuíaímo omoi comécioíri. Daje izói nana ñúefuena nitáfíreganomo afémacímo omoi uibíoíri.

⁹ Omoi cue llófuía izói mai omoi iri; ómoimo cue lloga lletárafuiáímo mai omoi íñori. Cue dáinana omoi cacana izói, cue finócana omoi çiona izói, afe izói mai omoi iri. Iemona comeci caimare uái íllafue fecáfírede Juzíñamui omoi díga ífíreíte.

Filipo ímaci ía íecaca raa Páblomo orédíaioi

¹⁰ Meine nane cuemo omoi comécíillari cai Ocuíraímado iere ióbidícue. “¿Níbaí mei cuena féitátíomoi?” ómoína daíícañedícue. Cue omoi canóacana raa átiítímíe íñédeza, onódícue. ¹¹ Cue ráaninari ómoína fíeni úacaiñedícue; cuemo ite raari cue ióbillana ja fíbídícue. ¹² Duere cue íllana fíbídícue. Daje izói aillo cue jítaíca ráaníaí íllana fíbídícue. Nífue cuemo comuíadí, afe izóidífue cue ocuíllana ja fíbídícue. Níbaí jeíredícue, níbaí júfíruitícue; afe izói caimare cue íllana fíbídícue. Güíga alla cuemo íadí, mei cuemo íñeniadí daje izói ñuera. ¹³ Naga cuemo eróçana comuíde raana ocuíredícue; mei Cristo cuena ríidúado ocuíredícue. ¹⁴ Mei íadí cue dúerena llezica cuemo omoi dúecaíllamona, cue omoi cánua ñuera. Díga ícaíño duere cue finóinari omoi zúunaílla cuena náçaitade.

¹⁵ Omoi Filipos imácidíomoi, daje izói bífueña onódiomoi. Nano fueñe jíllona uai cue llócaína llezica, daade cue canófiredinodiomoi. Ua Macedóniamona oni jíáinomo cue jailla llezica daade cue canode Jesumo íñotinodiomoi. Fia fecaca ráaniai cuemo oréfirediomoi. Afemona comínimo cue feca izói, íemo íaioimona cue llínua izói, afe dájemo naa ómoiri tájjidinodícaí. ¹⁶ Nai Tesalónicomo cue illa llezica, omoi díga ícaíño, fia fecáfireiga ráaniaína cue jítaicaniána cuemo orédiomoi. ¹⁷ Fia ráaniaína cue llínoiacanamo coméciñedicue; mei íadi cue comeci jítaillafue, Juzíñamui uíecomo ómoimo aillo ii, daidícue. Iemona daí aillo omoi ofítaga raana uire maiñóritíomoi. Afemo coméciidícue. ¹⁸ Mei nana jae cue llínoga. Afena cue jitaica ráaniai baimo ja llínotícue. Epafrodítodo cuemo omoi oreca ráaniai figo baite. Baimo cue jítaíllena íñede; ja aillo íteza. Cuemo fia omoi oreca ráaniai iere Juzíñamuina íóbitade. Daí cuena omoi cánuado, Juzíñamui comeci jítaina finódiomoi. Aferi Juzíñamui íóbicaillano afémie áfena jeire ote. ¹⁹ Cue íñoga Juzíñamui nana omoi jitaica raana ómoimo fécaite, mei nana Cristo Jesús ebire comuítaga ráaniai Juzíñamuimo dúideza. Ie jira íemo aillo ite ráaniai izói, afe izói ómoimo fécaite. ²⁰ Mei ñuera ebíredífue cai Moo Juzíñamuimo jaca íoicaideza. Daífadeza.

Iraícaíño uáidonocaillafue

²¹ Cue dibénedo nana Juzíñamuimo jaináidino Jesucristo mámeçido omoi uáidori. Cue díga ite cai ámatiaí ómoimo uai orédiaíoi. ²² Nana benomo ite Juzíñamuimo jaináidino daje izói uai ómoimo orédiaíoi. Romano nahíllaíma jofomo itino iere ómoína izire uáidoiacadiaíoi.

²³ Cai Ocuíraíma Jesucristo nana ómoína ñue éziciíteza. Mai daífadeza; jae ñie.

COLOSAS IMÁCIMO SAN PABLO ORÉCABE La Carta del Apóstol San Pablo a los Colosenses

Pablo Colósamo ite Juzíñamuimo ñnotinomo cuete

¹ Cue Páblodicue. Iemo cue nabai Timoteo diga ómoína uáidotícoco. Juzíñamui começi jítaina izói Jesucristo orécamedicue. Afe orécamedicue daiífacana uai, Jesucristo ñúefuena llujítagamiedicue. Cue ama izóidimie Timoteo diga, ² Colosas jófuemo ite féitaño ñnofirede ámatiaimo bibe cuetícoco. Omoi daje izói Crístomo jaináidíomoi. Cai Moo Juzíñamui ómoimo caimare erócaiteza. Afe llezica Juzíñamui dibénemo icíriño uái illífue Juzíñamui ómoimo fécaiteza.

Pablo Jesumo ñnotinona Juzíñamuimo úrite

³ Omoiena Juzíñamuimo coco úrilla llezica jaca cai Ocuíraíma Jesucristo Moo Juzíñamuina “Figora” daiífredicoco. ⁴ Mei Cristo Jesumo omoi ñnuana cócona ja fidítatiaioiza. Daje izói Juzíñamuimo jaináidínona omoi izíruillana cócomo llotíaioi. ⁵ Afe bie izói itíomoi, mei monamo ómoimo éenoga maiñolle raamo ñue ocúritiomoiza. Afe ómoimo lloga ua uai omoi cacánamona, ñue ocúritagaomoi. Afe lloga ua uai ñuera jíllona uai. ⁶ Afe daje lloga uai náganuiaimo llócaillado oni aillo móonaioicaide. Ua, ríganíai llizilla izói, iere jebuide. Mei daje izói afe uai omoi cacana mei, omoi cígiri aillo jebuídeza. Juzíñamui caina izíruillana omoi cacana mei, afe izíruillana ua ráfueza ja omoi onónamona, afe ñúefue ómoimo aillo oni móonaitagaza.

⁷ Cai izíruiga ama Epafra bie ñuera uai ómoimo llófuete. Afémie nauí cai méifomo afe uai llúamo táijide. Ie jira afémie ómoiena Cristo ñue ocuícamié, mei afe llezica afémie Crístomo féitaño iere ñnofiredimieza. ⁸ Afémie Ñuera Joreño ómoimo comútaga cuena omoi izíruillafue cuemo lluaíbite.

⁹ Jira áfena cai fidíaruimona biruimo jaca fáicanocaiño ómoiena Juzíñamuimo úrifredicoco. Juzíñamui começi jítainana ñue omoi onóillena afémiemo jicáfiredicoco. Daje izói nana jiáiforie ifoci úrillana omoi onótallena jicádícoco, naa Juzíñamui dibéneo onógafuiai. ¹⁰ Afe bíemona cai Ocuíraíma Jesumo jaináidíno illa izói, ñue íredíomoi. Mei afe izói omoi ille jítáiredeza. Daií omoi íllamona afémiena nágarui ióbitaitíomoi. Afe afémie ióbilla raa be ñie: Riga llizíllajíai aillo illa izói, omoi finoca ñúefuiaína aillo omoi jebuítallena; íemo jiái Juzíñamuina jamánomo ñue omoi onóillena. ¹¹ Daje izói nana cai ebírede Juzíñamuimo ite ñuera ríinodo omoi ñue náireillena afémiemo jicáfiredicoco. Daií jicáfiredicoco nana ómoimo cómutifuiaina jarítaiño fáicana omoi ocuíoillena. Daje izói caimare aféfuiaína omoi ocuíoillena ómoiena jicádícoco. ¹² Nane daií omoi começi náireillamona caimare cai Moo Juzíñamuina “Iere figora” omoi daiífireillena jicádícue. Mei nana afémiemo dúidíno ie fecalle zíño illífue ómoiena batí Juzíñamui illa úzereidíno omoi maiñóllena, afémie ómoína ñue finódeza. ¹³ Mei uáfueza, Taife ocuífírega jítifomona Juzíñamui caina jíllotate. Jílluano ie izíruiga Jitó illáimana illánomo caina jóonete. ¹⁴ Mei afémie Jitó tíllado, caimo ite íaífuiai féitajano, Juzíñamui caina jíllotateza.

Cristo tíllado Juzíñamui diga icíriño dájena uái iticai

¹⁵ Afe bie cai Moo Juzíñamui jaca cióñenamie íadi, comini ciónamie izói ie Jitodo ana bite; íemona afe Jitó Juzíñamui ñie ua izóidena caina onótate, naa ie começi ífuiai. Afe Jitó nana comútaga ráaníaí baímo jamánomoidimie. ¹⁶ Juzíñamui ie Jitodo nana monamo itínuiaína finótate, naa éniemo itínuiai. Cíoide ráaníaí naa cíoñena raa diga, nana afémiedo Juzíñamui finoca. Mei uáfueza, daa fiéño, nana afe cai cíoñena ríinoredínona naa ocuídillainiri, íemo jiái Juzíñamui abi imaci diga, dáamiedo

finócaiaioi. Nana afe ie Jitodo finoca. Daje izói afémie íena finoca. ¹⁷ Mei afe Cristo nana ráaniai nai íñenia afémie jaca íteza. Daje izói dáamiedo nana ie finoca ráaniai oni féiraiñeno ñue jaícina itíaioi. ¹⁸ Afe baimo Cristo nana afémiemo jaináidino afe ifo dainámie. Iemo nane afémiemo ínotino ie abi dainámaci. Afémie afe bie ie abi daina ínotinona zíñona cáatatimie, mei afémie tídinomona fueñe meine cáadimienaza. Afémie daií fueñe meine cáadimienajaide, nana itífuiyai baimo jamánomoidimienaa íllena. ¹⁹ Nana Juzíñamui zíñona illa izói, nana afe izói Cristo íllena Juzíñamui jitaide. ²⁰ Nane daje izói afe Cristo tíllado, Juzíñamui nana afémie comuítaganuiaina icírafuenino dájena caimare uái illífuemo jóoneacade. Mei uáfueza, nana bínemio itífuiyai naa comini diga, íemo jíai nana monamo itínuiairi, Cristo cruzmo tíllado Juzíñamui éoiñeno dájena caimare uái itátaacade.

²¹ Naui diga íaifuiyai omoi fínuamona Juzíñamuimona iere jicánemaci izóidiomoi. Daje llezica omoi comécido Juzíñamuina éoidinona itíomoi. Mei íadi ja birui Juzíñamui afémie diga ómoína icírafuenino dájena uái illífuemo jóonete. ²² Cristo tízailla llezica ie abi izi cácanado, Juzíñamui daií ómoína caimare dájena uái illífuemo jóonete. Afémie bie izói finode, íaifuenidinona, daje izói níifuenidinona afémie uiécomo cai ie jóoneillena. Uáfueza, afémie bie izói finode íeiena cai íllena. ²³ Bie izói uáfueza omoi íllena, fáicanocaiñeno jaca ínorediomoi. Afe izói amena ana jica jainade riire illa izói, riire írediomoi. Daje llezica ñuera jíllona uaina omoi cacánamona omoi maiñoca caimare ocuírillafuena fáinocainidiomoi. Afe bie ñuera jíllona uai ja nágagobiaido llócaiga. Iemo afe izói afe llócaigamo cue jíai canódicue, mei afe uai llócaillena Juzíñamui jóonenocaigacueza.

Pablo Jesumo ínotino cánoitimienaa jóonega

²⁴ Birui omoi ícoína duere cue zefuillari ióbidicue. Mei áfedo Cristo abi daina afémiemo ínotinori nana uícodo lloga nai duere cue zefuillana ñue ícoímo fuitáredicue. ²⁵ Mei omoi ñue íllena Juzíñamui cuemo jóonenocaigafuedo nana afémiemo ínotino cánoitimienaa jáidicue. Mei uáfueza, Juzíñamui nana comínina llóicaiga uai, afe uai jino cue llúana ícoímo fuitállena jóonenocaigacue. ²⁶ Afe bie ñuera uai jaiyai ninómona ua biruimo comini figo onóñediaioi; diga igímaiaia záilla méifomo afe uai nai retáruiga raa izói joide. Mei íadi ja biruimo íeiedinomo ja jino báifitate. ²⁷ Juzíñamui ja judíoñedinomo afe bie naui báinino ite uai ñuera áillue cáimafuena jino ómoímo onótaiacade. Bie báinide uai daina, Cristo ómoímo illa lloite. Iemo íco jíairuido ñue caimare omoi illífuemo omoi ocuírillena afémie jino dénoite.

²⁸ Cai bie Crístona jino uáfodo lloticai. Afe llezica nana comínina ñue rairuídicaí. Daje izói nana ñuefuiyai ñue íaioi onóillena afémacina nana llófiredicaí. Afe izói naga come Crístomo dájena jaináillamona afémie dibénedo ñue íaioi móonaillena llófiredicue. ²⁹ Bie cue fuitállena, nana Cristo cuemo iga máiriedo fúirienaila izói nágarui Juzíñamuimo izire jicáfiredicue.

2

¹ Mei bífuena ómoína fidítaacadicue. Jaca ómoíena iere fuirilla izói Juzíñamuimo riire jicáfiredicue; daje izói Laodicea jófuemo itino íena, íemo jíai nana cue uiécona cióñedino íena riire jicáfiredicue. ² Afémaci comeci náireillena fuirilla izói Juzíñamuimo riire jicáfiredicue. Iemo afe comeci náireillamona conímana ñue íaioi izíruillena riire níciduano jicáfiredicue. Mei daií dájena omoi jainaina jira, bie naui figo báitañega uai Cristo omoi ínua mei, omoi diga íllana ñue jaícina onórediomoi. Afe daií uáfori jaícina afémienaa ñue omoi onóillena, riire níciduano nágarui Juzíñamuimo izire jicáfiredicue. Mei jíi, nana bie riire nícidoticue, figo ónoñega Juzíñamui ñuera uaina ñue omoi

onóillena; mei afe báinega Juzíñamui uai daina dama Crístoza. ³ Mei uáfueza, nana comeci jamánomo úrillafuiai naa onóigafuiai afémiemo ite. ⁴ Bu ómoína ebírede uáillaido bífueñeillena, nana bífuiai ómoimo llóiticue. ⁵ Cue abí omoi cígiri ñede íadi, benómona jicana izire ómoimo coméciidicue. Iemona daí cue fídia izói dájena caimare omoi íllari íobidicue. Daje izói fáicanocaiñeno Crístomo omoi ínuari íobidicue.

⁶ Jae cai Ocuífirede Jesucrístomo ñue omoi ínuamona ie lloga iodo jáiredi omoi. ⁷ Afe bie daíacade, amena riire jáinaja izói, Crístomo riire jaináiredi omoi. Iemo jíai daje llezica jainónide jáillirai izói omoi íllena, nágarui Cristo uailai jeire omoi ua baímo jamánomo jeire ófireiri. Mei afe izói llófuegaomoíza. Iemo afe llezica nágarui Juzíñamuina “fere figora” mai omoi daífireiri.

Crístomo cai jaináinamona cai comeci cómuena méidoga

⁸ Mei birui ñue abí omoi rairuiri, baimaci omoi jífueacadeza. Afémaci táinodo ifoci úrillado, daje izói íaiói lloga taino uáillaimo jífuebiñeno iri. Mei afémaci Cristo dibénemo ñédiaioíza. Mei jíáfodo jaii ninomo comini lloga taino uai dibénemo jaináidiaioi. Daje izói dama bínie raa dibénedo comini coméciillafuiai omoi jaináidiaioi.

⁹ Mei íadi nana Juzíñamui zíñona ñue illa dieze, afe izói Crístomo nana ñue jáicina ite. ¹⁰ Iemona Crístomo dájena omoi jaináinamona, Juzíñamuina oruide comini izóidi omoi. Afe Cristo nana monamo ite ocuídillainina, naa cai cíñena ríinoredinona ocuífirede. ¹¹ Iemo nane daje izói Crístomo dájena omoi jaináinamona ja bacano ícoi quetácano izóidi omoi. Mei íadi ua quetañega omoi, mei jíáfodo nanómona omoi jocoína llezica ómoimo ite íaífue omoi ja jíllodi omoi. Mei ua, bacano ícoi quétaja izói, omoi fíenidífue omoi quetaca izói jíllodi omoi. Afe bie quetáfirena Crístomona comuide. ¹² Iemo nane jíáífue omoi cacáreiri. Mei omoi báutizanamona Cristo éniemo ana raia izói ja raigá omoi. Bie nanómona omoi fieni finócafuii titaca izói, ja fáicanocaiti omoi. Iemo Juzíñamuimo ite áillue ríinomo omoi ínuamona Cristo izói cómomiena afémie díga ja cáadimacina ití omoi; mei Juzíñamui dama íemo ite ríinodo Cristo tíide meine cáatateza. ¹³ Naui jíáiruido ómoimo ite íaífue omoi comeci díne tíidino izóidi omoi. Daje izói quetáñena judíuainédino omoi illa llezica, omoi fíenide óiacanafue jeire omoi úamona, comeci díne ónonino tíidino izóidi omoi. Mei íadi birui Juzíñamui nana omoi fíenidífuii féitajano, dájena Cristo díga ómoína abído cáatate. ¹⁴ Caimo ite íaífue íballe raa izoide. Afe cai íbañenia tíiredicai. Mei íadi Cristo tíillado Juzíñamui cai íbácana záitate. Afe cai íbácana Juzíñamui fíebiñeno ñue íbaja Cristo cruzmo coráido ácatate. ¹⁵ Mei afe llezica Cristo cruzmo tíillado, monamo ite ocuídillainina, naa cíñena ríinoredinona afémie ríinitade. Afémie uáfori íaiói illáiena báruado, nana afémaci baímo ie jamánomoidimie íllana ácatate.

Monamo ite ñúefuina omoi jenori

¹⁶ Mei bíemona ninó dáamie omoi güille dibénedo omoi jánana júfidoiadi, áfemo mai náfueñeno omoi iri. Daje izói omoi júrua dibénedo ninó dáamie fieni ómoína úriadi, áfemo náfueñeno mai omoi iri. Iemo jíai dáarie judíuai lloga ráfuiaimo eneno omoi coméciñenado, ninó dáamie omoi jánana júfidoiadi, áfemo mai náfueñeno omoi iri. ¹⁷ Mei nana bífuiai, uire Cristo billífue dibénedo comini ñue onóillena canódeza. Mei íadi Cristo bíllamona afe cai onótatífuii jítaínega, mei dama Crístomo nana uafue raa báífideza. ¹⁸ Iemona nino dáamie ómoína fíeniruiadi, mei afémie táinona mánaidimiena íllana ómoimo ácatateza, áfemo náfueñeno omoi iri. Daje izói afémaci díga Juzíñamui abí imaci ómoína íobitafireiadi, áfemo náfueñeno omoi iri. Mei afémaci ónoñega nicai anado cíofirena raado úrifirediaioíza. Afémaci jíba come comeci fácafuii abí iere ínofirediaioi. ¹⁹ Afémaci Crístomo dájena jaináíñeno itíaiói. Mei jíáfodo Cristo nana íemo ínotino ífódimie. Afe ífo izói mamécamie nana ie abí écaja izói comécina náiretajamona afe abina móonaitade. Afe izói nana ie abímo jaináidino conímamo

dájena jaináitajamona, ie abina móonaitade. Afémie Juzíñamui mamérilla izói nana bífuiai ocuífiredede.

²⁰ Mei Cristo tíllaruimo afémie diga tíidino izói jáidiomoi; bie daiíacade nanómona omoi fieni finócafuiyai titaca izói omoi fáicanocaigaza. Afe llezica bie énie ocuífiredede cai cióñena ríinoredinomona zuitácamací izói jáidiomoiza. Iemona ¿nibái mei nai biniemo dúidino izói ífirediomoi? ¿Níbái mei ie ocuífafuemo jeire otíomoi? ²¹ Dáarie bie íaiói ocuica fímairilla uáimona bie izói daide: “Bie riñeno iri,” íemo jíái “Afeniaina güiñeno iri,” íemo nane jíái “Baie jetáñeno iri,” daide. ²² Nana bie rairuúllafuiyai bie éniemo ite jétamona fúioicaite güílleniaino dúide. Jira aféfuiaimo náfuenidiomoiza. Nana afe íaiói ocuica uaillai fia jiba comini daina uaillai. Daje izói fia jiba comini llófuega. ²³ Mei uáfueza, afe bífuiai báitafuiyai izói cacáreide, mei afe ocuídino, “Bie cai daina izói monamo itínona mai omoi caimátaifireiri” daií daidíaiyoiza. Daje izói fia comini daina comécina mánaidinona ómoína oréacadiaíoi. Iemo jíái comini íaiói abi táinona duere zefuítatiaíoi. Mei íadi nana bie íaiói ocuífafuiyai cai comécimo ite fiénide óiacanafuiyai rairuúllena canóñede.

3

¹ Iemona, Cristo diga meine abido cáatagamaci omoi illa jira, mai mei mona dibénemo ite raa omoi jenori. Mei afénomo Jesucristo Juzíñamui nabézimona illáimana íteza. ² Daje izói mona dibénemo ite raamo coméciillano áfemo omoi jaritaiifireiri. Mei jíáifodo biniemo ite ráfuiaimo izire comeci uitáñeno omoi iri. ³ Mei Cristo tíllaruimo afémie diga jae tíidinona jáidiomoi. Jae omoi jaiyai fieni finóacagafue titaca izói afe omoi fáicanocaiga. Iemo ja birui Crísto me dájena omoi jaináinamona omoi uáfueza cáatagano; íemo jíái Juzíñamui díno rairuúcaomoi, mei Cristo daje izói Juzíñamuimo dájena jaináideza. ⁴ Dama Cristo cai uáfueza cáatagano. Iemo afémie cíocaille llezica, afémie diga cíocaitiomoi. Afe llezica afémiemo ite jamánomo ebírede núefuiaimona ómoiena máíñoitiomoi.

Cai jaiyai illafue méiduoano cómfuedo jáiredicai

⁵ Ie jira nauí bie éniemo omoi jainaina jira, ómoimo diga fieni óiacanafuiyai ite. Aféfuiaiyai titalle izói mai omoi fáicanocairi. Naga áinidimie ringo diga jaca iñeno o iri. Iemo jíái, áiredimie ie áinédingo diga jaca iñeno o iri. Iemo daje izói jíáie cómemo íaifuaíido coméciñeno omoi iri, íemo jíái omoi abímona comuide jiruífueza omoi finóñeno iri. Daje izói omoi comeci fieni óiacanafueza jeire oñeno omoi iri. Iemo nane jíáie cómemo úradioñeno omoi iri, mei úradioifredimie diga raa óiacanamona jánaraímo caimátaidimie izóideza; Juzíñamui ífuiaiyai baímo jamai bini raana izíruíteza. ⁶ Ie jira nana bífuiaimona íemo cacáñedinona Juzíñamui íere duere finófirede. ⁷ Iemo jaiyai Crísto omoi íinoñena llezica, nana bie izóidífuiaiyai finófirediomoi. ⁸ Mei íadi ja birui nana bie fáicanocairi: jíáimamo icíríñeno omoi iri, íemo rírede uaillai bumó lloñeno omoi iri. Daje izói jíáie fiénidífuiaiyai finóñeno omoi iri. Iemo jíáima jánana úriñeno omoi iri. Daje izói jíáima zanóllena fiénide uáillaido íaire úriñeno omoi iri. ⁹ Conímamo táinona lloñeno omoi iri, mei omoi jaiyai fieni illafue jae méidogaza. Daje izói nano omoi finófirega jae fáicanocaigaza. ¹⁰ Iemo ja birui comue iníroi jita izói ñue illáfueza ja méidotíomoiza. Iemo afe comue illafue comuítatimie Juzíñamui. Ie jira ie illa izói afémie caina cómuena finótacana uite. Iemona afémiena ñue ícoimo ónoíticai. ¹¹ Afe jira afe cómomaci judío ímiena ie íllana náfuenidiaíoi. Iemo jíái judíoñediniena ie íllana daje izói náfuenidiaíoi. Iemo jíái afémaci bacano quetácamierna ie íllana náfuenidiaíoi; daje izói quetañegamierna náfuenidiaíoi. Afe izói afémaci onínemaci íllana, íemo jíái onóñedino íllana, íemo jíái izire ocuífiregano íllana, íemo jíái ócuífinigano íllana náfuenidiaíoi. Mei jíáifodo afémacimo Cristo íere jamánomo ráifinamona dama afémiemo náfuefirediaíoi. Mei Cristo naga íemo ínotinomo ífiredeza.

¹² Iemona bífuemo cácarei: Juzíñamui ómoina izíruite. Izíruillano afémie ómoina nizede ie íaifuenide comínina omoi íllena. Mei ie jira bie ñúefuiai izói omoi ífireiri: Jiáimacimo dúecaifireiri. Jeruíñeno canófiredimiena omoi iri. Comécina mánaidimiena omoi iri, cáimafuiaido úrifireiri, járidoñeno omoi iri. ¹³ Conímamo jaca járidoñeno fáicana omoi canori. Daa come jiáimamo icíriadi afémiemo ñúefuedo omoi jicari, áfedo icírafue záillena. Omoi íaifue ícoinia Cristo oni féitaja izói, afe izói jiáimie omo fieni finóadi afe ícoinia oni o féitafireiri. ¹⁴ Nana bífuiai emódomo iere omoi izíruifireiri. Mei afe izíruillafue cómena dájena jaináitateza, jiáimaci diga. Afe daí jiáimacina cai izíruillamona, nana afe ñúefuiai jáicina caina finótate. ¹⁵ Iemona Cristo comuítaga caimare uái illafue omoi ífoci úrillana ífoiteza. Mei dáamací izói íemo cai jaináinamona afe bie izói cai íllena Juzíñamui caina uáidoteza. Afe llezica jaca Juzíñamuina “Figora” omoi daíifireiri.

¹⁶ Mai mei nana omoi comécido Cristo daináuai jeire órediomoiza. Afe mei aféuai ñue omoi onónamona conímama omoi llófuerei. Iemo daje llezica áfedo conímama ñue onóicana comécina omoi náiretari. Iemo jiái Juzíñamui íóbitallíruai omoi rófireiri, jiáie íena caimátaillíruai diga. Daí ruano omoi comécido Juzíñamuina “Figora” omoi daíifireiri. ¹⁷ Mei jii, nana omoi jetácaga raa, íemo jiái ómoimo ocuica caimánidífue diga, naa omoi daíillífuiairi cai Ocuíraima Jesús mámecido omoi finófireiri. Afe llezica Moo Juzíñamuina afémiedo “Figora” omoi daíifireiri.

Crístomo ínotinomo dúide comini diga finófirega uai

¹⁸ Daje izói bie jiái lollífuemo omoi cácarei. Iníredingotiai, mai omoi inítiai anamo ñue ífireiri, mei Crístomo ínotinguaina omoi illa jira, afefue ínorededeza. ¹⁹ Daje izói inítiai omoi áitaiña ñue izíruiri; afénguaina fiéniruiñeno omoi iri. ²⁰ Uruiai, omoi móotiaina nágafuemo omoi cacáreiri, mei afe daí omoi íllamona cai Ocuíraima íóbide. ²¹ Móotiai, omoi úruiaina ícidoñeno omoi iri, afémaci jacínaillamona minícana finónide daí íaíoi íñeillena. ²² Ocuífiregano, bniemo ite omoi ocuídina nágafuiaimo ñue omoi cacáreiri. Daa afémaci ñue ómoimo comécillena afémaci fia eroina llezica ñue cacáreíño, mei íadi jiái daje izói afémaci éroiñena llezica ñuera comécido omoi cacáreiri, mei Juzíñamuina ñúefuedo jacíruitcaiza. ²³ Daje izói nana omoi finóacaiga raa, ñúefuedo finori. Comini dibénedo izói táijiñeno, Juzíñamuimo o táijina izói omoi finori. ²⁴ Mei ja onódiomoiza, Juzíñamui ómoimo lloga omoi jiríddolle zíñona illífue afémie ómoimo fécaiteza. Mei uáfueza Cristo ocuícamacina maméidiomoiza. Afémie omoi ua Ocuíraima. ²⁵ Mei íadi fieni finódimie afe íbana ie fieni finua dieze duere finóbite. Mei Juzíñamui jaca dáamie oni énenorie maméñede. Nana daje dieze jáicina duere fínoite.

4

¹ Ocuíraini, omoi anamo ite ocuífireganomo ñue jáicina omoi eroiri. Afémaci jitaica raamo uibíoicana omoi ocuífireiri. Mei monamo omoi Ocuíraima ítena onórediomoiza.

² Mai fáicaiñeno Juzíñamuimo omoi úrifireiri. Jaca afémiemo cáoia izói úriri. Afe llezica “Figora” Juzíñamuina omoi daíifireiri. ³ Daje izói cáiena Juzíñamuimo omoi jicáfireiri, cai Ocuíraima uailai ñue cai llócaillena. Juzíñamui bie izói caina itátallena omoi jicari. Daje izói nauí comini figo óñoñega Cristo dibénedo uai, uáfori cue llófuellena omoi jicari, mei daí llófuereidícueza. Nauí afefue cue llua jira ja birui llavébidícue. ⁴ Mai omoi Juzíñamuimo jicari, bie ñúefue cuemo dúina izói, onóreoicana jino cue llóllena.

⁵ Crístomo íñoñedino cígimo jaca ñue onódimie izói omoi ífireiri. Nágarui Cristo illafue afémacimo raire omoi ácatafireiri. ⁶ Nágarui cáimafuiaido úriredio. Daje izói jaca ñue óacanádo o úriri, illa dígamie uai ñue o óllena.

Iraicaiño uáiduafe

⁷ Cai izíruiga ama Tíquico, cuemo birui itífue ómoimo llujite. Afémie fáicanocaiñeno iere cue canófiredimie. Daje izói afémie cai Ocuíraima cue diga ocuífiregamiena ite.

⁸ Ie jira afémiena ómoimo óreitícue, birui cai illafue ómoína onótallena; íemo jíái omoi começi náiretallena. ⁹ Afe llezica jíáimie Onésimo mámeciredimie Tíquico díga jáite. Afémie cai izíruiga ama, íemo jíái iere íinofiregamie. Afémie ómoimaci ie. Afe íaillinoi nana benomo ífiredífuiai ómoimo llóitiaillinoi.

¹⁰ Iemo cue llavébilla llezica cue nabai Aristarco, uaillai ómoimo orede. Daje izói Bernabé enaize Marcos uaillai ómoimo orede. Marcos dibénedo jíáie lluáfuijai ja onódiomoiza. Afémie omoi méiñuaiadi, caimare íena omoi uáidori. ¹¹ Iemo jíái Jesús ómoína uáidote. Afémie jíái Jústona mámeciredimie. Juzíñamui illaíma illano dibénedo cue táijina llezica, daa afe bimaci judíuaimona Crístomo íinotino cue canódino. Afémaci iere daa cue íóbitadino. ¹² Iemo jíái Epafras uaillai ómoimo orede. Afémie ómoimaci ie. Daje izói Cristo ocuífiregamie. Afémie ómoiena jaca izire Juzíñamuimo jicáfiredede, fáicanocaiñeno Juzíñamuimo omoi íinollena. Daje izói Juzíñamui dibénedo ñue omoi mónaillena íemo jíái nana Juzíñamui começi jítaina izói jáícina ñue omoi finóllena, afémie Juzíñamuimo jicáfiredede. ¹³ Afémie iere ómoimo coméciillana uaina nabáífiredicue. Daje izói afémie jíái Laodicea jofue comínimo iere coméciifiredede, naa Hierápolis jofue comíniri. ¹⁴ Iemo jíái izíruiga manóriraima Lucas uai orede, daje izói Demas.

¹⁵ Iemo jíái Laodicea jófuemo ite ámatiai uáidori. Daje izói Ninfas dainámie omoi uáidori, naa ie jofomo gairífirede íinotino díga. ¹⁶ Bie rabe omoi nana facádua mei, Laodicea Juzíñamuimo gairíracomo facádollena omoi oreri. Daje izói Laodicéamo cue oreca rabe omoi díne dúciadi, nana omoi facádori. ¹⁷ Jíái Arquípomo lloiri: “Mai cacai, Juzíñamui omo jóonega ie táijina mai ñue jáícina o fuitari,” daíri.

¹⁸ Cue Páblodícue. Afena uafue daíllena, bie uáidua uai dama cue ónoído ómoimo cueticue. Onótiomoiza, cue mei llavébidícueza; ie jira Juzíñamuimo cue dibénedo úriri. Juzíñamui ñue ómoído eróiteza. Mai daítadeza. Jae niie.

NANOIDE SAN PABLO TESALONICA IMÁCIMO ORÉCABE

Primera Carta del Apóstol San Pablo a los Tesalonicenses

Tesalónicamo ite ínotimacimo Pablo ie nabáíñiari rabe cuetíaioi

¹ Cue Páblodicue. Bie rabe Tesalónica jófuemo ite Juzíñamuimo gairide ámatiaimo cueticue. Benó cue diga ite cue nabai íaillinoi Silvano Timoteo diga dáabemo cai uai cueticue. Moo Juzíñamuimo dájena jaináidiomoi. Daje izói cai Ocuíraima Jesucristomo dájena jaináidiomoi. Cai Moo Juzíñamui ézicigafuemo caimare omoi iri. Daje izói Juzíñamui fecaca comeci ñue uái illáfuemo omoi iri. Afe izói ie jító cai Ocuíraima Jesucristo comeci ñue uái illáfuemo omoi iri.

Tesalónica imaci íaioi Jesumo ínuafue ñue jino ácatatiaioi

² Nana ómoiri Juzíñamuina “Figora” daiífiredicai. Daje llezica Juzíñamuimo cai úrillamo nana ómoína uibóidicai. ³ Cai Moo Juzíñamui uiécomo ómoína uibóidicai, jamánomo ínuafuedo omoi táijina jira. Afe llezica aillo izíruillafuedo comínina canócana táijifirediomoi. Ie emódomo cai Ocuíraimamo omoi úiñuafue jaca fáicanocaiñediomoi. ⁴ Cai ámatiai, Juzíñamui ómoína izíruite. Afe Juzíñamui nizécamacidiomoiza onódicai. ⁵ Meita naui jíllonafue ómoimo cai lluaíbillaruido aféfuena fia daina uáillaído lloñédicai, mei íadi Ñuera Joreño ríinodo lloticai. Daje izói afefue uáfuena ñue cue onóigamona áfena uai jizíñeno jino ómoimo lloticai. Omoi cígido cai ñue illáfuena, áfedo omoi comeci ñueillena onódiomoi.

⁶ Omóimo cai jino cíotaga illafue izói ja dani ñue macádiomoi. Daje izói cai Ocuíraima Jesucristo maca izói macádiomoi. Afe llezica cai llogáuaina ñue jeire otíomoi. Ua Ñuera Joreño fecaca cáimafuedo afe uai jeire otíomoi, afefue ícoinia duere finócaomoi íadi. ⁷ Iemona ñuera illafue jino cíotatinona íficaidiomoi. Ua nana Macedonia éniemo ite ínotimacina, daje izói Acaya éniemo ite ínotinona fidítatiomoi. ⁸ Mei jira Ocuíraima Jesucristo llogáuai ómoimona nana Macedóniamo énie Acaya énie diga jica jalleide. Ie mei afe baimo Juzíñamuimo omoi ínogafue jae náganíaimo jica jalleide. Ie jira jae cai jíáfodo daiíllifue íñede. ⁹ Mei afeno imaci omoi ñue caina llínuafue llotíaioi. Ie emódomo jánaraimo omoi ínuafue fáicanocaiillano caade Juzíñamuimo omoi ínollena llotíaioi. Afe ua caade Juzíñamuimo omoi como fueñe táijinafuedo úritiaioi. ¹⁰ Ie baimo tíillanomona Juzíñamui cáataga Jitó, monámona meine bíllena ie omoi úiñuafue llotíaioi. Afe meine abido cáataga Jesús, cai jíllotaraima; ua uire biite cai iere duere finóllífueмона, afémie caina jíllotaite.

2

Pablo Tesalónicamo táijinafue

¹ Amatai, naui ómoído cue illafue fia táinomo baiíñede, dani áfena ñue onódiomoiza. ² Afe cue billa uícodo Filipos jofue comini caina báíñota duere caina finódiaioi. Mei íadi Juzíñamui cai cánuamona afe ñue jíllonafue uáfodo jacíruiñeno ómoimo jino lloticue, jíámaci caina uáitaoidiaioi íadi. Afena onódiomoi. ³ Cai comeci jífueinamona ómoimo cai llogáfuiái lloñédicai. Daje izói fieni ómoína maméñedicai. Daje izói ómoína jífueacañedicai. ⁴ Omóimo cai llogafue jíáfodo joide. Cai ígomieillena Juzíñamui facátagamacidicai. Nue jíllonafue uai Juzíñamui ómoimo caina llotátate. Mei jira daí ómoimo jino lloticai. Comini baimo Juzíñamuina íóbitadicai, afémie cai comeci ífuiái eroille jira. ⁵ Ebírede uáillaído ómoína fia bífueñedicai. Afena onódiomoiza. Iemo fia úcube cai óllena táinofuiaina lloñédicai. Juzíñamui bífuemo uai nabáiraimana afefue

uáfuellena. ⁶ Comínina ñúefuiaina caimo nitátañedicai. Mei íadi omoi onódiomoiza; daje izói jíaimaci onode, cai Cristo orécamacidicai. Afemona ocuilla ríino caimo ite, omoi cai ocuállena. Aféfuemo ómoína izire cacáreitaredicai. Mei íadi afe izói ómoína ocuñnedicai. ⁷ Jiáifodo ómoína iciñeno fíaicana omoi cigimo llófueticai. Ua úrue ei úruiaí comuítaja úiñua izói, ómoína dúecaillano izíruiticai. ⁸ Omoína jamánomo izíruiticai. Iemona Juzíñamui lloga ñúefue ómoímo llóllena ñue ja finóbidiicai. Afe baimo nana cai comeci ífuiái ómoímo fecáacadicai, ómoína iere cai izíruillamona. ⁹ Amatíai, nauí cai jitaica raa cai óllena izire cai táijina, uibídiomoi. Ua daí riire cai níciduana áfemo uibíoidiomoi. Mona naio diga táijífiredicai ómoímona bu abina jafue fínoñeillena. Mei afe llezica Juzíñamui lloga ñuera uai ómoímo jino lloticai. Afe uaina jai ínotimacidiomoi.

¹⁰ Jaca omoi uíecomo íaifuenino macádicai. Daje izói buna jífueñeno macádicai. Nana omoi Juzíñamui diga áfemo uai nabáífrediomoi. Daí buna caimo nífuena nitánidiaioi. ¹¹ Mei illa dígamie omoi comécina náiretadicai, onódiomoiza. Daje izói úrue moo ie úruemo dúecaillano fíraja izói ómoína fíradicai. ¹² Juzíñamui íeiena omoi maméinamona omoi jaícina nágarui ñue macállifue jitáirede. Afefue nauí ómoímo ocuídícue. Juzíñamui ie náamataganona jírite ie illáimana illánomo omoi jáillena, afe llezica Juzíñamui ebírenafuena omoi onóllena.

¹³ Bífueri iere Juzíñamuina “Figora” daífiredicai. Cáimona omoi cacana Juzíñamui uai dibénedo, “Afe uai jiba come uai” daíñnediomoi. Mei íadi aféuai illa izói, dama Juzíñamui nahí uai jeire otíomoi. Afe Juzíñamui uai ja omoi ínotino comécimo ñúefuiaina déioicaide. ¹⁴ Amatíai, cácarei. Omoi comínimona duere omoi finóbiadi, jae judéamo ite Juzíñamuimo gairídino izói íficaidiomoi. Afémaci Jesucristomo daje izói jaináidiaioi; mei íadi íaioi éniemo ite judúuaimona daje duere finóinafuemo duere zefuídiaioi omoi zefuilla izói. ¹⁵ Afe judúuai duere finódino cai Ocuíraíma Jesuna fatíaioi. Jaiái ninomo dani íaioi Juzíñamui uai jino llóraini fatíaioi. Afe judúuai dáarie jófuemona caina jino jíúdiaioi. Afémaci Juzíñamuina íóbitañediaioi. Daje izói nana comínina uáitaoidiaioi. ¹⁶ Mei judíoñedíno bifue cai llóiacaniadi caina rairuácadiaioi. Daje izói aféfuemona afe judíoñedíno jíllollena, cai lloi dáii caina rairuácadiaioi. Afe ícoínia íaioi fiénidífuiaí aillo ofíoicaide. Mei íadi birui ícoímo aféfuiaí ícoínia Juzíñamui íaioína jamánomo duere finode.

Pablo meine Tesalónica comíni eróizaiacade

¹⁷ Amatíai, ómoímona nano nié dino oni jáidicai. Mei conímana cióñedicai íadi ómoímo comeci facáoidicai. Afe jira izire ómoína cíozaiabiacadicai. ¹⁸ Omoi illánomo cai jáillena mamériticai. Cue dama diga ícaíño iere jáiacadícue. Mei íadi naga cai jáiacanaruillaído Taífe llótaidogacai. ¹⁹ Mei ie jira ¿Miníca mei cai úiñoigafuena? ¿Miníca cai íóbillafuena? ¿Minícamona cai caimátaillafue comuide? ¿Minícamona cai comeci zuitáinafue comuide? Mei cue llófuega Juzíñamui uaina ñue ínotiomoi. Ie jira cai Ocuíraíma Jesucristo billíruimo dani omoi, daa bie cai comeci íóbillafuena. ²⁰ Uáfuena, omoi cai comeci zuitáinafue, cai cámafue diga.

3

¹ Mei jira afe baimo are cue úiñonidícue. Ie jira benó Aténasmo dama cue illífuena mamériticue. ² Afe llezica cai ama Timoteo ómoína eróizaitadícue. Afémie Juzíñamui ñue táijitagamie. Afémie cai diga Jesucristo ñúefue jino llúamo táijide. Omoi ínogafuemo ómoína ñue riire naire itátaite. ³ Iemona ómoímona buna baie duere omoi finóinamona omoi ínogafuena féitañede. Mei afe bie zúufuiaído duere cai finóbille jitáirede. Afena onódiomoiza. ⁴ Afe emódomo nauí ómoiri cai illa llezica afe duere cai zefuillífuemo ómoímo lloticai. Afe daí ómoímo ja íficaide. Ja onódiomoiza. ⁵ Ie jira áfena ja iere cue ocuñenamona, omoi ínogafuedo mácajana jícanotadícue. Mei

Taife ómoína fiénidifue mo baiítate izóinamona cue comeci jacíruiuide. Daií cai táijina táinomo jifánofide izoide.

⁶ Mei íadi ja birui Timoteo Tesalónicamona meine dúcide. Afémie ñue omoi ñnuafue izíruillafue diga cai lluíbite. Caina izíruillano caimo omoi uibóinafue Timoteo lluíbite. Ie mei ómoína cai cióacana izóí caina iere cióacadiomoi; daií Timoteo caimo lluíbite. ⁷ Iemona aillo duere cai finóinafue illa llezica omoi ñnogafuedo ñue jaícina omoi mácajana fidídícue. Aferi cai comeci iere ñue firazite. ⁸ Cai Ocuíraimamo ja birui ñue jaináidiomoi. Afena cai onónamona caimo cómofuena comuide. ⁹ Ua ómoiri iere ióbidicai. Juzíñamui uícomo caina iere ióbitadiomoi. Afe aillo cámafueri Juzíñamuina ibana “tere figura” fáicanocaiñeno daiíredicai. ¹⁰ Mona naio diga conima uícomo eróicana ómoimo cai úrillena Juzíñamuimo izire jicádícai. Afe llezica omoi ñnogafuemona nai fiévide uai jaícina cai fuitállena Juzíñamuimo jicádícai.

¹¹ Omoi cai eróizaillena daa cai Moo Juzíñamui naa cai Ocuíraima Jesucrístorí cai canóllena jítáidícai. ¹² Omoi ñnogafue oni móonaillena cai Ocuíraimamo jicádícue. Afe izóí conímama omoi izíruillena jicádícue; daje izóí naa jíaimaciáiri. Ómoína cai izíruilla izóí mai nana jíaimacina omoi izírui. ¹³ Omoi comeci jaícina jónellena jicádícue. Daje izóí cai Moo Juzíñamui uícomo omoi nífuenillena ñue finócafue jicádícue. Iemona cai Ocuíraima Jesús billíruimo méairuñeitiomoi. Aféruimo nana íemo jaináidino afémie diga bené biite.

4

Juzíñamui ióbitade illafue

¹ Cue ámatiai, omoi cácarei. Birui cai Ocuíraima Jesús mámecido izire ómoimo jicádícue. Daje izóí izire ómoína llétaitícue; nauí ómoimo cai lloga Juzíñamui ióbillá illafue daií omoi iri. Aféfuena afe emódomo aillo omoi móonaitaocairi.

² Cai Ocuíraima Jesús riífuedo ómoimo lloga llétafuena onódiomoi. ³ Juzíñamui dama ie nabaina finócamacina omoi jáillena afémie jítaide. Ie jira nana omoi jiruíreño iri. Dama nahí ai diga illa figona. ⁴ Ua Juzíñamui eróicana áireri. Afengo ua mei íena jámairuñeno íena o izírui. ⁵ Juzíñamui onóñedino fia íaioi comeci fiéni óiacanafuedo áirenaza, mei íadi afe izóí omoi iñeno iri. ⁶ Daje izóí izire ómoína dáitícue, o abi come ie áina jífueta bairóñeno o iri. Daje izóí o abi come ie inina jífueta meríñeno o iri. Afe bie izóí itínona cai Ocuíraima Jesús, afémacina iere duere fínoite, ómoimo cai llua izóí. ⁷ Juzíñamui íaifuenidíno nágari cai íllena caina ocuide. Afe daií ie nabaina finócamacina cai íllena ocuide. ⁸ Ie jira bie llogafue jámairuitimie jiba cómena jámairuñedeza; mei íadi Juzíñamuina jámairuite. Daje Juzíñamui ie Ñuera Joreño caimo fecaca. Afe bie Ñuera Joreño Juzíñamui íeiena caina ñue finode. (Afémie íena ñue finódogacai.)

⁹ Juzíñamui ómoína llófuete conímama omoi izíruillena. Ie jira jíaie ámatiaina omoi izírui cue llóllena jítáinide. ¹⁰ Mei jíi, afe daií nana Macedonia éniemo ite ámatiaina ñue izíruiomoi. Mei íadi omoi izíruillafue aillo móonaiocaillena izire jicádícue. ¹¹ Caímare ñue illáfuemo mai riire omoi iri. Daje izóí dani omoi nícidogafuiai izire omoi llíñori. Nauí omoi cai llua izóí mai ñue izire omoi táijiri. ¹² Afemona onínemaci omoi uáillaimo ñue cacáritiaioi. Afe llezica omoi ñue táijinamona minícana jítaiñeitiomoi.

Cai Ocuíraima billafue

¹³ Amatiai, tíidino íficaillafuena omoi onóñenana jítáñedícue. Aféfuena omoi fidíadi zúucañeitiomoi. Jíaie cáallfuemo comeciñedino zuure jítiaioi. ¹⁴ Afe Jesús tíillano meine abido cáanafuemo cai ñnuafue izóí, afe daje izóí Juzíñamuimo ñnotino tíidiaioi íadi, Jesucrístodo Juzíñamui íaioi cáatallifuemo ñnoticai.

¹⁵ Ie jira cai Ocuíraíma cai llófueinafue ómoímo llóitícue. Afémie billíruimo cáimona cáadimaci tíidimacimona uícoficaiñeíticai. ¹⁶ Mei dama cai Ocuíraíma riire ocuille uaido úricana monámona ana biite. Afe llezica Juzíñamui abi imaci illaíma uai cácaite. Daje llezica Juzíñamui ficírede vudugoí cácaite. Iemona Jesucristomo ínotino tíidimaci nano fueñe cáaitiaíoi. ¹⁷ Afe mei aféruimo caade ínotino afe cáataga tíidino diga daane úillie cígimo itábicaíticai. Ua dinomo nana dáanomo itábicaíticai, cai Ocuíraíma Jesucristo diga caifo táifomo cai cíozaillena. Afemona cai Ocuíraíma diga jaca ua ninomo zíñona íitícaí. ¹⁸ Ie jira búuaido conímama caímare omoí fírari.

5

¹ Mei íadi afe íirairuillaído cue ómoímo cuelle jitáinide. ² Afe afémie billíruina ñue onódiomoiza. Omoí due jiza úiñoillíruimo cai Ocuíraíma dúciite onódiomoiza. Ua merírizaíbitimie naio billa izóí biite. ³ “Comecí ñue uái illafue nana caímo ite. Cai jacíruillafue íñede,” comíni daína llezica niné íaíoi táinocaillífue ónonino íaíoi mo raíre zúite. Ua ringo úrue jocóacana llezica ero izírena izóí, afe táinocaillífue íaíoi mo zúite. Afemona jaca buna oni jíllonide.

⁴ Mei íadi, ámatiaí, omoí cácareí. Jítifomo íñédiomoiza, cai Ocuíraíma bíllemo jácicaíñeítíomoiza. Ua, meríriraíma jacínailla izóí jácicaíñeítíomoiza. ⁵ Mei nana omoí úzefomo jaináidínomíoi. Daje izóí monánemacídíomíoi. Naio imáciñedícaí; daje izóí jítífo imáciñedícaí. ⁶ Ie jira jaca íninídímacídícaí jáímaci ínia izóí. Afe jira cai abína ñue onónafuedo cáaoiredícaí. ⁷ Ínídino jaca naio ínídíaoí. Jífaíredíno jaca naio jífaífredíaoí. ⁸ Mei íadi monánemacína cai íllamona abína ñue cai onónafuedo cai íllana jitáirede. Jesumo cai ínuafuedo abína dani ríidoredícaí. Daje izóí jíáimana cai izíruillafuedo abína dani ríidoredícaí. Ua fuíriraíma ie jogóbemo jíta ca llojécodo ie abi ríidua izóí, afe izóí bífuiaído dani cai abína ríidoredícaí. Afe jíáfue, cai jíllíllemo cai úiñoína fue ua ífomo jíta ca ríidua llojeco izoide. Afedo fuíriraíma ie ífona ríidote. ⁹ Mei cai duere finóbillena Juzíñamui caína maméñede. Mei íadi cai Ocuíraíma Jesucristodo jíllonafuemo cai dúcínana Juzíñamui caína mamede. ¹⁰ Jesucristo caíri tíide daane afémie diga cai íllena; ua daje izóí cai caadí cai tíadi, afémie diga itícaí. ¹¹ Ie jira uáillaído conímama omoí náretari. Afe izóí maí dani omoí comeci ríretari. Ja birui afe bifue omoí fínua izóí, baímo omoí finóicairi.

Pablo ámatiaí cáímafuedo lletade

¹² Amatiaí, omoí cígimo Juzíñamui uáillaído táíjidíno maí uaimo ñue omoí cacáreiri. Daí ízire jícadícue. Mei afémaci cai Ocuíraíma Jesucristo uai ómoína jeire otátatiaíoi. Jesucristo mámedído ómoína lletadíaoí. ¹³ Íaíoi caímo táíjinamona, íaíoi dáinana ñue cai cacárellena jítaírede. Daje izóí íaíoi na caí izíruillena jítaírede. Coníma comécína omoí jacíruiñeno iri.

¹⁴ Daje izóí, ámatiaí, ómoímo jíáie uai jónenocaidícue: Afe uailaí daí bie izóí ite. Táíjacañedíno mo íaíoi táíjilleza riire omoí lloíri. Comécína nánidíno maí omoí náretari. Juzíñamui uai como jabo ínotínona maí omoí canori iere íaíoi ínollena. Naga cómemo o comeci járidoñeno maí omoí úriri.

¹⁵ Dámie fiene omoí finóadi afe íba úamona abi omoí rairuiri. Mei abído dájeicana jíáfodo ñue omoí finori. Conímamo ñue omoí finori. Afe omoí finóllífue ízire omoí jenori. Daje izóí nana jíáímíiaído ñue omoí finori.

¹⁶ Jaca caímare omoí iri. ¹⁷ Fáinocaiñeno Juzíñamuimo úriri. ¹⁸ Nágarui ómoímo íficaide raana, maí Juzíñamuina “Figora” omoí daííri. Mei Jesucristomo ínotímacína cai íllamona, afe izóí cai daíífirenana Juzíñamui óiacade.

¹⁹ Juzíñamui Ñuera Joreño cómemo úritallífue na rairuíñeno omoí iri. ²⁰ Juzíñamui úritagamíiaí llogáfue na jámairuíñeno omoí iri. ²¹ Nana daínafuíiaí omoí facátari

Juzíñamui llogafue iéniadi onóillena. Facátajamona ñúefuena jeire omoi oíri. ²² Nana figóñedifuemona mai oni omoi iri.

²³ Ja birui Juzíñamuimo jicádicue. Juzíñamui cai comeci ñue uái illafue caimo fecáfirede. Daje Juzíñamuimo, nana omoi ñue íeiena maméillena íemo jicádicue. Daje izói benómona cai Ocuíraima Jesucristo bíllemo, Juzíñamui omoi joreño, omoi comeci, omoi abi diga, nana jaca íaidoñeno ñue úiñollena jicádicue. ²⁴ Omoi Ocuíraima Jesús dáinana jaca oni jíaiuaimo úinide. Afémie nana bífuiaina dúcitaite.

Iraicaiño uáiduano ézicite

²⁵ Amatiai, mai Juzíñamuido caimo omoi jicáfireiri.

²⁶ Ñue cáimaduanõ nana amatiai omoi uáidori.

²⁷ Cai Ocuíraima riifuedo ómoimo uai jóonenocaidicue bie ciegabe nana amatiaimo jino omoi facádollena.

²⁸ Cai Ocuíraima Jesucristo ómoína ñue éziciiteza. Jae ñie. Mai, daiítadeza.

MÉIFODO SAN PABLO TESALONICA IMÁCIMO ORÉCABE

Segunda Carta del Apóstol San Pablo a los Tesalonicenses

Tesalónicamo ite Juzíñamuimo ínotimacimo Pablo ie nabáñiairi rabe cuetíaioi

¹ Cue Páblodicue. Bie rabe Tesalónica jófuemo ite Juzíñamuimo gairide ámatiaimo cueticue. Benó cue diga ite cue nabai íaillinoi Silvano Timoteo diga dáabemo cai uai cueticue. Cai Moo Juzíñamuimo jaináidiomoi. Daje izói cai Ocuíraima Jesucristomo jaináidiomoi. ² Ñue cai Moo Juzíñamui ézicigafuiaimo omoi iri. Daje izói Juzíñamui fecaca comeci ñue uái illáfuemo omoi iri. Cai Ocuíraima Jesucristo fecaca ézicigafuemo daje izói caimare omoi iri, ie comeci ñue uái illafue diga.

Jesucristo billa llezica, Juzíñamui éniemo ite fiénidinona duere fínoite

³ Amatai, ómoiri Juzíñamuina “Iere figora” daiífiredicai. Daií ómoína cai daiíllifue ñue jaícina jóide, omoi ínogafue oni aillo mónaioicailla jira. Dani conímaiaina jamánomo ñue izíruioicaidiomoi. Iemona áferi Juzíñamuina “Aillo figora” daiífiredicai. ⁴ Ua omoi iere ínogafue jíáie Juzíñamuimo gairídinomo aféfuere ióbioicana úriticai. Jíáimaci, Jesumo ínoñedino, jacire omoi duere finóllena racádiaioi. Mei íadi afe duere omoi zéfuillafue cígiri, ñue comeci jaríreiñenafue jino cíotatiomoi naa ñue omoi ínogafuiairi. ⁵ Ja duere finótagamacidiomoi, mei íadi Juzíñamui ómoimo ñue comeciide ie illáimana illíruimo ñue níifuenino omoi dúcillena. Bífueмона Juzíñamui jicánuafue ñue jaícina jóinana jino náiraimo cíotate. Afe Juzíñamui illáimana illíruido duere finócaomoi.

⁶ Mei Juzíñamui ñue jaícina finódímie, omoi duere finódino íbana duere íaioína finótallena. ⁷ Ua cai izói duere finócamacidiomoi, mei íadi Juzíñamui cai izói ómoína caimare ocózinaitaite. Ua cai Ocuíraima Jesucristo bíniemo cíocailliruimo, afémie caína caimare ocózinaitaite. Aféruimo afémie ie jamánomo rírede abi imáciri monámona cíocaitaite; ua réiciai izoide cígido cíocaitaioi. ⁸ Juzíñamuina onócañedino Jesucristo íaioína duere finótaíbite. Daje izói cai Ocuíraima Jesucristo ñúefuena jeire óiacañedino duere finótaíbite. ⁹ Nana afe fiénidímacina jaca ninomo jíllloñoeno duere íaioína finótaite. Ua cai Ocuíraima uíecomona jica ninomo dótaite. Afémie ebire illánomona jica ninomo íitiaioi. Ie ríinona ónoñeitiaioi. ¹⁰ Aféruído Jesucristomo jaináidino íena “Iere figomie” dáitiaioi. Daje izói nana ie uaimo ínotino íena caimare ióbitaite. Ja ómoimo cai llogáfuena ñue ínotiomoi.

¹¹ Bífue jira ómoiri Juzíñamuimo comeci úrifiredicai. Omoi níifuenino illafue Juzíñamuimo jicáfiredicai, Jesucristo jíirigamacina omoi illa jira. Daje izói nana omoi comeci jítaina ñue illifue, ñue ícoimo Juzíñamui ríinodo fuitállena jicádicaí. Afe izói Juzíñamui uai omoi jeire úamona finócafuiái fuitállena Moo Juzíñamuimo jicádicaí. ¹² Bífueмона cai Ocuíraima Jesucristo mámecei omoi nícidogafuedo ñue caimare úbicaitaite. Afe íbana cai Moo Juzíñamui cai Ocuíraima Jesucristo diga ómoína izíruillamona ñúefuiaí ómoimo nítaite.

2

Iere fiénidífuiaína oruídímie billifue

¹⁻² Amatai, birui jae cai Ocuíraima Jesucristo billífuena ómoína nauí cue fidítagafue emódomo uai nabáiacadicue. Afe izói afémiemo dáanomo cai gairíllifue emódomo ja ómoimo llóiacadicue. Dáarie taino llotino cai Ocuíraima billirui ja dúcidez a daídíaioi.

Afemona omoi comécinafuena raire jiáifodo meídoñeillena izire jicádicaí. Daje izói jiáie taino llogafue ite. Afe taino llotino dáifirediaioi:

—Cai llogafue Juzíñamui Joreñomona oga. Cristo ja bíteza, —daídíaioi; mei íadi aféfuerei jacínaiñeno omoi iri. Afe izói omoi cacana fia júfidogafuerei jacínaiñeno omoi iri. Ie emódomo nie rabe omoi llínoia cai úrilla izóidibe, aféberi jacínaiñeno omoi iri. ³ Niémona táinofuemo jífuefiñeno abi omoi rairuiri. Ua Jesucristo billa uícodo, Juzíñamuina comini uáitallifue uícodo comoite. Aféruillaído iere fiénidifuiaina oruídimie cíocaite. Afémie dama nine táinocaille. Daí Juzíñamui íena mamede. ⁴ Bímie Juzíñamuina bacáuaredimie. Nana Juzíñamuido mameca ráaniaina bímie uáitano niné táinocaitaíbite; daje izói nana Juzíñamuimo caimátaidínona anáfenuaíbite naa jiáie caimátailla ráaniairi. Afémie Juzíñamuimo gairíracomo, afeco naama Juzíñamui izói, ráinazaíbite. Dámie “Cue bie Juzíñamuidícue” daílle.

⁵ ¿Nauí omoi díga cue illa llezica bifue ómoimo llotícue, íadi aféfuemo úibicaiñediomoi? ⁶ Afe fiénidifuiaredimie nai bíñeillena jizilla raana onódiomoi. Afémie billirui raire cíocaiñellena Ñuera Joreño nai rairuide. ⁷ Afe jiáinomo lloñega fiene illa maméinafue bie éniemo ja comuide. Aféfuena rairuídimie cai cígimona oni ógana fiénidifuiái jamánomo jebuíoicaite. ⁸ Aféfuena rairuídimie oni ollíruimo afe jamánomo íáibadimie cíocaite. Iemo cai Ocuíraima Jesús ana billano, ie fuemo ite faidórafuedo afe íáibadimiena títaite. Ua ie billa meáirenado afémiena niné táinocaitaite. ⁹ Afe jamánomo fiénidimie Taife táijinafuedo bite. Aillo íemo ite ríino ácataite. Afedo aillo cíorainina uaido finoca ráaniaído táinona jífueite naa jiáie taino onótate ráaniai díga. ¹⁰ Iemona afe íáiba naga fiénidifuiáido niné táinocaitallimacina jífueite. Jae niné táinocaitallimaci, Juzíñamui ua ñúefuena jeire óiacañedíno jaca jíllloñeitiaioi. ¹¹ Afe jira Juzíñamui íaioi fiénidifue ínuamona íaioina íáibado jífuetaitaite. Daje izói táinofuiaina íaioina ínotaite. ¹² Mei fiénidifuiái Juzíñamuina ñúefue baímo íaioi gáinamona, Juzíñamui íaioina duere finótaitaite.

Jíllloillena nizécano

¹³ Mei cai benómona jaca ómoiri Juzíñamuina “íere figora” daífiredicaí. Jae cai Ocuíraima izíruiga daje ámatiaídicaí. Jaca jae nanómona Juzíñamui jíllloillena nizécamacidiomoi. Mei ua ñúefue omoi jeire úamona Juzíñamui ómoína nizede. Daje izói caina ñúeitate Joreñodo Juzíñamui ómoína nizede. ¹⁴ Afe jira cai ómoimo lloga ñuera jíllona uaido Juzíñamui ómoína jírrite, cai Ocuíraima Jesucristo illa ebíredifue dibénemo omoi íllena.

¹⁵ Amatíai, mai bífuemo jaícina omoi coméciiri. Omoi cígiri dama cue llogáfuiaina, ie emódomo nana rabeo ómoimo cue cuguáuaína féitañeno omoi iri. ¹⁶⁻¹⁷ Mai birui cai Ocuíraima Jesucristo cai Moo Juzíñamui díga omoi comeci caimare náiretari. Mei jira cai Moo Juzíñamui ie comeci cáimafuedo caina izíruite. Afe llezica afémie cai comeci zúurenafue cáimafuena méidofirede jaca ninomo caimare cai íllena. Daje izói Juzíñamuido ñue cai illifue cai úíñoillena afémie caímo jino llote. Afe izói omoi comeci jaícina Juzíñamuimo jóillena jicádícue. Afemona bie nana ñúefuiái daírediomoi. Daje llezica afe ñúefuiái jino comínimo ácatarediomoi.

3

“Cairi Juzíñamuimo omoi jicari”

¹ Amatíai, íraifue ómoimo llotícueza. Cairi Juzíñamuimo omoi jicari, cai Ocuíraima llogáuai náragobiaído raire dúciíteza. Afe emodo aféuai omoi jeire ua izói, afémaci jeire ólleza. ² Juzíñamuimo mai jiáifodo omoi jicari. Bie íáirede fiénidíno cígimona cai zúitailleza, mai Juzíñamuimo omoi jicari. Mei nana comínimona nai nana íñoñediaioiza.

³ Mei íadi cai Ocuíraima jaícina uafue llotímie. Afémie jiáino fiénidifue omoi

báiiñeillena ómoína riire jaícina mozióide. Daje izói íaifuiamona ómoína rairuíoide.
⁴ Cai Ocuíraima ñue íinogamie ícoínia, nauí ómoímo cai ocuícáfuiái jeire omoi úana ñue onódicái. Iemona daje izói aféfuiaina uire nágaruillaído jeire omoi óllena ñue onódicái.
⁵ Mai cai Ocuíraima ómoína cánoiteza, Juzíñamui ómoína izíruillafuena omoi onóillena. Daje izói Cristo comeci járidoñenafue ómoímo íllena jícadícue.

Naga come dani íaioi táijinamo táijirede

⁶ Amatiai, birui cai Ocuíraima Jesucristo mámecido ómoína ocuídicaí. Naga táijiacañede ámamona oni omoi iri, mei afémie ómoímo cai llogáfuiái afe dibéfueмо íacañedeza. ⁷ Mei nauí omoi cígiri ómoímo cai cíotaga táijina izói, afe izói omoi íllena onódiomoi. Cai omoi cígiri fia táijíñeno íñédicaí. ⁸ Daje izói omoi güíllena íbáñeno fia güíñédicaí. Mei jíáifodo mona naio díga ocózinaiñeno táijífiredicaí, ómoímona daa cómena cai llégitañeillena. ⁹ Ua afe omoi caina canolle daíí cai jícalle ríino caimo ite, mei íadi táijífiredicaí ñue illáfueña ómoímo fidítallena, bie ómoímo cue cíotagafue izói omoi íllena. ¹⁰ Nauí omoi cígiri cai illa llezica, bie lletara uai ómoímo lloticaí: Táijiacañedimie jaca güíñeiteza. ¹¹ Mei jíáimaci caimo llotíaioi ómoímona dáarie táijíñediaioi. Táijíñeno fia illa llezica jíáie comini illáfuiaimo afémaci gágutajífirediaioi. ¹² Afe daíí ite comínina cai Ocuíraima Jesucristo ríinodo ocuídicaí. Afe llezica íaioína riire daidicaí: Mai ñifue lloñeno omoi táijíiri dani omoi jitaica ráaniaí omoi ólleza, daidicaí.

¹³ Amatiai, omoi jetaca ñuera raana zefuíruiñeno omoi ñedóoicairi. ¹⁴ Ninó dámie bie rabedo cai daináuaina jeire oñéniadi, bu mei afe uaina íñoñedimienaza mai mei omoi eróiri íena onóillena. Ie mei afe cómemona ifo oni omoi fáinocairi, ie meáidailleza. ¹⁵ Mei íadi afémiena uáiogai ímiena maméñeno omoi iri. Afémie ama izói ñue omoi llófuerei.

Iraicaiño Pablo afémaci caimare uáidonocaillafue

¹⁶ Mai cai comeci ñue uái illafue llófirede Jesús, nágaruillaído, íemo náganuiaído afe comeci ñue uái illáfueña ómoímo llóiteza. Afe izói cai Ocuíraima ómoína nabáífíreiteza.

¹⁷ Mai, cue Páblodícue. Bie uáidua uai dama cue ónoído cueticue; bie cueticue cue mámeçi díga. Nana cue cuezábiaimo daíí jónefiredícue. Bie izói cufiredícue. ¹⁸ Cai Ocuíraima Jesucristo ézicigafueмо íitiomoíza. Jae ñie. Ja daíítadeza.

NANOIDE SAN PABLO TIMOTÉOMO ORÉCABE Primera Carta del Apóstol San Pablo a Timoteo

Pablo Timotéomo cuete

¹ Páblodicue. Jesucristo ocuícamedicue. Cai Jíllotaraíma Juzíñamui cai Ocuíraíma Jesucristo diga íaillinoi daina uaido orécacue. Afe Jesucristodo cai ñue illifue abi úiñoticue. ² Juzíñamui uai coco ínogafuemo nahí cue jitó izóidío. Ie jira bibe omo cueticue. Cai Moo Juzíñamui íemo ñue cai Ocuíraíma Jesucristo diga o ézicillena iere jitáidicue. Daje izói afe íaillinoi omo dúecaillena jitáidicue. Iemona afe íaillinoi o comeci ñue uái íllena óiacadicue.

Jiáimaci íaioi taino llúafuiaido o jífueñeillena abí o rairuiri

³ Naui Macedóniamo cue jailla llezica Efeso jófuemo o fiébilla izire jicádicue. Aféruido afénomo o fiénocaidicue, afénomo itínuaímona dáarie taino llófuiana íaioina o rairuillena. ⁴ Daje llezica íaioi jaii ninomo lloga ráfuiái naa jagai diga, áfena íaioina júfidotañeítioza. Íaioi jaiígima lloga fuiñede ráfuiái llúana ráruitioza. Nana bífuiái taino llúafuiaímo cai comécina uite. Mei íadi nana bífuiái Juzíñamui caímo jónega íemo cai ínogafuena ñue ícoímo fuitátañede.

⁵ Juzíñamui caímo jónega llujíllifue bie izói joide: Ila dígamie conímana ñue izíruiredicai. Afe bie izíruilla íainide comécimona comuide. Daje izói afe izíruilla comeci ñue úrillamona comuide; bie izíruilla afe izói jiáimana jífueñede Juzíñamuimo ínogafuemonona comuide. ⁶ Bie ñue izíruillafue díbenemona dáarie oni táifodo jáidiaioi. Afe taino llua íinota oni jiáifodo féiraitaioi. ⁷ Afémaci Juzíñamui lletara uai llófuetinona jáiacadiaioi, mei íadi dani íaioi daina uaina onóñediaioi. Iocire llófuetiaioi íadi íaioi llócaiga uaina ñue baitáñediaioi.

⁸ Juzíñamui lloga lletara uai ñúeraza onódicai. Bíuaido Juzíñamui naga come lletállena mamérite. Dámie Juzíñamui mamérilla izói afe uaimo coméciaidi ñuera. ⁹ Afe lletara uai ja ñúefuiái finófiredinomo llóñega. Afena ñue onódicai. Mei jiáifodo fiénide comínimo mameca. Bie izoide comínimo Juzíñamui lletara uai dúide. Afe comíni illaíma lloga uaina uáitafirediaioi. Ocuícana náfueñediaioi. Fiénidífueña finófirediaioi. Daje izói fiéniruidinona itíaioi. Afe izói Juzíñamuina jacíruiñediaioi. Daje izói Juzíñamuimo ínogafuemo náfueñediaioi. Iemo Juzíñamui lletara uai, moo ei diga fatínomo dúide. Daje izói comínina titáfiredinomo dúide. ¹⁰ Afémaci naga ringomo fiéni comeci fácajano íáire finófirediaioi, afémaci áirediaioi íadi. Daje izói jíáie ímana íáire finódiaioi. Juzíñamui lletara uai nana bie izoide comínimo dúide. Daje izói cómena llaítádinomo dúide. Táinona úrifiredinomo dúide. Daje izói uafue daíllena táinomo Juzíñamui mámecei llínotinomo dúide. Iemo Juzíñamui lletara uai nana jiáifodo jífueñede llófuiafueña uáitafiredinomo dúide. ¹¹ Afe bie jiáimacina jífueñede llófueinafue Juzíñamui cuemo llogafue daje izói jóoide. Juzíñamui cuemo lloga uai nana comíni ñue jíllona uai. Afe uai oni comínimo cue llujíllena, iere ñuera Juzíñamui jónegacue.

Juzíñamui cuena dúecaillari iere figura daidicue

¹² Cai Ocuíraíma Jesucristona “Figura” daidicue, mei afémie ie uai jino cue llujílle ríinona cuemo ígaza. Juzíñamui cuemo comécido facade: O táijinana fáicanocaiñeno ñue fuitáfiredio, daide. Jira bie uai llujílle tájillena Juzíñamui cuemo jónete. ¹³ Jaii uieécodo Juzíñamuina íáire daífiredicue. Daje izói íemo ínotinona duere finóllena racáfiredicue. Afe llezica cue uaido Juzíñamuina icídicue. Bífuiaido Juzíñamuina duere finódicue íadi, ja birui afe Juzíñamui nana bie ñúefuiái cuemo jónete. Jaii aféruillaído

ie uaimo cue íñoñena jira Juzíñamui iere cuemo dúecaide. Daje izói cue fínuafue cue onóñena jira cuemo dúecaide. ¹⁴ Iemona cai Ocuíraima iere ñue cuena ézicite. Daje llezica Cristo Jesumo dájena cai jaináinado aillo íemo íinogafue naa ie izíruillafue diga caimo comuide.

¹⁵ Bie izóidifue iere uafue. Nana áfemo íinoredicai. Bifue bie izói daide: Cristo Jesús fiénidino jíllotallena ana bñiemo bite. Afe fiénidinomona cue iere jamánomoina. ¹⁶ Mei daí iticue íadi Juzíñamui iere cuemo dúecaide. Are íllamona Juzíñamui cuemo dúecaillado náiraimo Jesucristo ie ñue comeci mánainafue cuedo jino íaioimo cíotote. Iemona comínimo ñúefuiai ja cíotatimiena jáidicue, mei fiénidifuiarede Páblodicuemo Juzíñamui iere dúecaideza. Jesumo cue ínuamona cue comeci ífueña méidotícue. Afena onóíllamona nana zíñona illifue óiacadino, cue comeci ífue méidua izói, afe izói afémaci afémiemo ínota íaioi comeci ífue ñúefueña méidoitiaioi. ¹⁷ Ie jira jaca tíñede buna cíñena Juzíñamuina íóbitaacadicaí. Aféme daade Juzíñamui, daje izói nana ráfuiaina onódimie. Afe zíñona Jamánomoidillaimamo ñue ebírede uai jaca nágarui íemo jóneticaí. Daí jóoide.

¹⁸ Cue jító Timoteo, bifue omo jónetícue. Riire fuirídime izói o iri. Naui Juzíñamui mámeçido odo úritino, ñue o illifue llotíaiói. Afémaci daina izói mai birui o íñori. O comeci úrillafue ñue o jóneri. ¹⁹ Dámierie íaioi comeci úrillafuena náfueñenamona nocáe buíllamona táinocailla izói, íaioi íinogafuemono oni táinocaidiaioi. ²⁰ Himenéomo Alejandro diga afe izói comuide. Ie jira afe íaillinoi Taifemo izájidicue, Taife anamo íaillinoi daí zefuillena. Dinomo Juzíñamui jánana úriñeillena ónoitiaillinoi.

2

Juzíñamuimo cai úrilla lluafulue

¹ Fueñe ona dáitícue: Mai nana comini íena Juzíñamuimo o jicáfireiri. Afena Juzíñamuimo ínotinona o lloiri. Iemo jíái, izire comínimo ie dúecailleza mai jicari. Daí nana comini íena Juzíñamuimo o úrifireiri. Afe llezica nana comínido afémiena iere figora o daífireiri. Daí féitañeno nana comínido Juzíñamuimo ñue úrifireiri. ² Gobierno oreca omoi úíñotimie íena Juzíñamuimo jicáredio, naa jíáie jaboide illaini diga. Afémaci íena izire o jicari, áfedo nífuenino caimare cai íllena. Daje izói comeci ñue uái illáfuemo íredicaí. Afe daí cai jícamona nana cai illáfuena Juzíñamuimo ñue mámeiticaí. Daje izói conima diga comécina ñúeiticaí. ³ Bifue iere ñuera, cai jíllotafirede Juzíñamuina ñue íóbitade. ⁴ Mei aféme comeci jítáinafue nana comínina jíllori, daide. Daje izói afémacina ua ráfuena onoiri, daide. ⁵ Cai Juzíñamui jaca dáadeza. Daje izói Juzíñamui eróicana caina ñue finódimie caido úritimie daade. Aféme Jesucristo. Aféme íaifuenidimie íadi, cai izóidimie. ⁶ Juzíñamui mamécaruimo dúciamona Jesucristo ie abina éruíñeno nana cai jíllloillino ibana izájiga. ⁷ Iemona nana judíoñedinomo afe Juzíñamuimo ínolle ua ñúefue cue llófuiaillena orécacue. Daí jíllona uai llujífiredimiena jónegacue. Crísto mo cue ínuamona táinofue lloñédicueza, uafue llotícue.

⁸ Ie jira nágagobiaido naga cómena: Juzíñamuimo omoi úrifireiri, daidicue. Ñue nífuenide comécido omoi jicari. Jíáimamo rícaíñeno comécido Juzíñamuimo omoi úriri. Daje izói dani ómoimo júfidoñeno comécido íemo omoi jicáfireiri. ⁹ Daje izói ringóniai iniroi jítállifue llóitícue. Jabódingo ringo jita izói, naga ringo jítaiteza. Ima jiruídollena jítaca abina cíotote iníroina, jítañeno iri. Daje izói comini cíodollena ífótirai jamánomo ebire finóñeno iri. Jabo ífo jua figona. Daje izói quenírede raana aillo jiróñeno iri, naa jamánomo ráifide iniroi diga. Jámaicuiro jítáoirena. ¹⁰ Mei jíáifodo comínimo dúecailla ñúefuiaido naga ringo finóbiri, naa jíáie caimare uáiduafulai diga. Mei nana Juzíñamui íeiena ñue finódogango bie izói íteza. ¹¹ Ringóniai llófueinamo uai oñeno

cacáreitiaoiza. Comeci mánainafuedo afe uaina onóicaitiaoí. ¹² Nairai cígiri ringo llófuellena rairuídícue. Ringo ímana anáfenotañedicue. Mei jíáifodo, ringo íima anamo úriñeno uái iri, daidícue. ¹³ Mei Juzíñamui nano fueñe Adán finódeza, afe méifomo Eva finode. ¹⁴ Adán jífueñega, mei íadi ringo Taife jífuega. Iemo jífuefillamona afengo fiénidífuemo baíide. ¹⁵ Mei íadi naga ringo Juzíñamuimo íinogafuemo jeire oíadi, íemo ei ocuícáfuiái ñue ícoímo fuitáadi afengo jíllóite. Afe llezica afengo naga cómena izíruirede. Iemo começi ñue ínuafue díbénemo írede. Daje izói ñue jaícina macállífuemo írede.

3

Ocuídíllainimo jitáirede ñue illafue Pablo lloite

¹ Ja cue lloífue iere ua rafue. Dámie ocuídíllaimana jáiacade ñuera. Afe izói táijiacanafue ñuera. ² Ie jira afe izoide ócuitíllaima mamécámie jaícina ñue írede. Afémie nífuenino macárede. Afe daí afémie mácafue jíáimie lletánide. Afémie daango ótena figora. Ménango ónide. Afémie comínimo lloga uaido jífánodoinide. Daje izói ráfuena ñue baitádimiena írede. Naga come afémiena caimare jacíruirede. Daje izói nana afémiemo mácaíbitinona afémie jíáifodo comécíñeno ñue caimare uáidorede. Iemo jíáimacina caimare llófuere. ³ Afémie jaca jífánide. Daje izói afémie fuírínide. Come jífuiamona oga úcubena, afémie llínonide. Mei jíáifodo jeruíñeno raana fecáfírede. Iemo começi ñue uái illafue díbénemo írede. “Aillo úcubena cue ollí” daíñide. ⁴ Dama ie jofo ero comíní ñue ocuírede. Dama ie úrue ñue raire cacáfírellena lletárede. Daje izói ie úrue jíáie eicomínina ñue jacíruitarede. ⁵ Dámie ie jofona ocuállana ónoñeniadi, ¿mei nie izói Juzíñamuimo gairíracona ócuíte? ¡Ocuínide! ⁶ Ie jira como fueñe Juzíñamuimo ínotímie, Juzíñamui ico ocuídíllaimana ínide. Como fueñe Juzíñamuimo jaináitagámie raire illáimana jóoniamona afémie iere abina ínoite. Iemo fiene abí ínuamona, Juzíñamui Taife ana duere finóllífuemo dótaja izói, afe izói bímie daí zéfuite. ⁷ Afe Juzíñamui ico ocuídíllaima ñue jacíruigamiena írede. Afémie daí íllamona, Crístomo nai ínoñedino ñue íena úritiaoí; ie jánana fiene úrinidiaí. Afémie afe izói írede, meáfue díbénemo ie íneillena; daje izói Taife uai íena jítañeillena.

Jabóidíllainimo jitáirede ñue illafue

⁸ Daje izói comíní dínena nana jabóidíllainí ñue jacíruiganona írediaoí. Daje izói ie úrilla uai jíáifodo méidonide. Iemo afémie jífánide. Daje izói come jífuiamona oga úcubena llínonide. ⁹ Afe izói cai ínollena jino lloga ua ráfuena afémie fáicanocaiñeno jeire órede. Daje llezica afémie começi úrilla uai nífuenino írede. ¹⁰ Afémaci ñuera daíllena facátagamacina írediaoí. Facata mei íaíoi nífuenia jabóidíllainina írediaoí. ¹¹ Daje izói aféllainí finódogango ñue jacíruigangona írediaoí. Daje izói aféngotíai jíáimamo fiénidífuena íaíoiimo llónidiaí. Iemo lloga uaido jíáimamo jífánodoinidiaí. Aféngotíai nana ocuica raana fáicanocaiñeno fuitárediaoí. ¹² Afe jabóidíllainí dáangona áiredena figora. Ménango ónide. Daje izói íaíoi úruiaína ñue ocuírede, naa íaíoi jofo ero comíní. ¹³ Naga jabóidíllaima íaíoi táijiana ñue fuitádíno ñúefuena otíaoí. Comíní iere ñúefue íaíoiimo jóoneítiaoí. Daje llezica íaíoi Cristo Jesumo íinogafuena jamánomo meáruíñeno llórediaoí.

Cai ínoga jaiái báinino llogafue ja jino uáfodo denode

¹⁴ Raire o éroizaillena comécíidícue. Nai cue biñena llezica, bibe omo cuetícue. ¹⁵ Mei nai are cue biñena llezica, Juzíñamuimo jaináidímie jitaiga ñue illífuena o onóillena llóitícue. Afe Juzíñamuimo jaináidíno caade Juzíñamuimo ínotíno. Afémaci Juzíñamui ua ráfuena ñue riire úínotíaoí. Jofo riire mozíoide jíaíllirai izóidiaí. Ie jira afe rafue

uaina oni caitánide. ¹⁶ Jaiai báinino lloga cai ñnogafue iere jamánomo ebírede; nana comini ja uáfodo onoiga. Be ñíuui:

Juzíñamui cai cígimo cómena jéiciaibite. Ñuera Joreño afémiedo úrite; daide: Bímie comécina jaícinaidimie, daide. Afémie Juzíñamui abi imácimo ácatagamie. Diga náiraiáido ie illafue llócaide. Bínimo aillo comini íemo ñnotiaioi. Afe mei afémie caifo monamo abido uiga.

4

Juzíñamuimo ñnogafuena féitaitino ifue

¹ Ñuera Joreño jino caimo uáfodo lloste, íirairuillaido dámierie íaioi ñnogafuena féitaitiaioi. Féitajano cómena jífue jóríai jítaínafuiai jeire óitíaoi. Daje izói Taifemo jainaide fiénide jóríaimona onóigafuemo ñnoítiaioi. ² Afe izói, comeci ífuena jíáifo jóidino llógana cacáreitíaoi, naa táinona úrillafuiai. Afe bie jífuefiredino ja íaioi ífoci úrillafuena ja niné féideza. Uzírede llojedamo uzide onoi cacáñena izói, bie comini itíaoi. ³ Bie Juzíñamuimo ñnogafuena féitate comini jíáimaci árenana rairuídíaoi; daje izói ringona: “ñireiri,” daíñediaioi. Daje izói ñuera cai güíllemona dáarie: “Güíñeno,” daidíaoi. Mei íadi afe bie güille Juzíñamui comútaga, íemo ñnotino ecállena, naa ñúefuena onódinori. Afe güílleri íóbillano Juzíñamuina “tere figora” íemo jaináidino daíredíaoi. ⁴ Mei nana Juzíñamui finoca güille ñúeraza, bacánide. Iemona afémie caimo fecaca raana oni fáinidícaí. Mei jíáfodo Juzíñamuina “tere figora” daínano, nana ñue llíñoredícaí. ⁵ Juzíñamui uai afe güíllena ñue finode. Daje izói íena figora cai daífirena afe cai güíllena ñue finode.

Jesucristo ñue ocuícami bie izói írede

⁶ Bífuiái cai ámatíaimo o llófueia Jesucristo ñue Ocuícamiéna ítío. Afe bie llófueinafue jeire o oía bie ñnofirega uai dama ñue ona comécina náiretaite. O jeire oga uaido ñue riire ítío. ⁷ Mei íadi bie fiénide énie ie ráfuiaina náfueñeno o iri, naa jíáie taino jagai izóidífuiari. Juzíñamui illa izói o íacanamo áfemo nágarui o comeci llícitairi. Afedo riire ítíoza. ⁸ Cai abi cai riireta, daa bínie ífueimo caina canode. Mei jíáfodo Juzíñamui illa izói íllena cai nícidoia naga ñúefuemo caina canode. Daí cai íllemona biruíllaido caina canode, íemo daje izói uire bíitífueimo jaca caina cánoite. ⁹ Bífue iere nahí ua ráfueza, nana áfemo ñnoredíaoi nana cáoiri. ¹⁰ Afe bifue jira iere comeci fácaítícaí. Iemo áfemo zéfuidícaí. Ua zegóruioicana ñéfidícaí. Mei ñue cai íllena caade Juzíñamuimo ocuírídícaíza. Afe caade Juzíñamui nana comini jíllotaibite. Iemo ñnotino ja jíllotatímie.

¹¹ Bífuiáido nana comini o ocuífíreiri. Daje izói aféfuiai o llófueiri. ¹² O fia jíto comena jira comini o llófuiáfue jíáimana jámairuitatañeno iri. Mei jíáfodo ñue Juzíñamui izói illafue Juzíñamuimo ñnotinomo jino cíotaitímiena ítíoza. Ñue o úrillafuedo afémacina onótaitíoza. Daje izói comini eróicana ñue o mácafuedo íaioina onótaitíoza. Iemo naga cómena ñue o izíruillado íaioina ñue cánoítíoza. Cristo izói o íllamona ñue íaioina llétaitíoza. Daje izói Juzíñamuimo izire o ñnogafuedo llófueítíoza, naa o comeci íáinidífuiari. ¹³ Naí cue dúcíñena llezica, Juzíñamui cuega uallai comínimo o facádofíreiri. Daje izói cai ámatíaina o íociretari. Afémacimo ñue o llófuefíreiri. ¹⁴ Juzíñamui omo iga o fibíllafuiai fáicanocaiñeno o iri, mei nauí Juzíñamuimo gairífíredino ocuídíllaini Ñuera Joreño daína izói, íaioi onoi omo bitádiaioza.

¹⁵ Bífuiaina fáicanocaiñeno o finófireiri, o jamánomo jíáino baimo íaioi onóilleza. ¹⁶ O illafue ñue abi o rairuiri, naa jíáino o llófuiáfueiri. Fáicanocaiñeno riire abí o mameri. Ñue íimana o comúlleza. Bie cue daína izói o íadi, o jíllotío, naa o uaimo cacáreidínori.

5

Crístomo ñnotino uiécomo ñue o illífue

¹ Eicomemo lléjecaiñeno o iri. Mei jiáifodo o moomo o llófua izói fíaicana o lloíri. Jiáie jitócominina nahí o ama izói llófueiri. ² Ringóniaina jéengotiaina dama o ei izói llófueri. Daje izói jitáingotiaina nahí o miringo izói o llófueri. Iaióimo ñue comeci o facáfireiri.

³ Uáfueña raana jitaide fecíngotiaina ñue o canori. ⁴ Mei íadi jiáie jitórede daje izói enáizeñorede fecínguái ite. Afe úruiaí íaiói éitiaina uzúngotiaina fueñe ñue úiñorediaíoi. Daje izói nahí ie enáizeño dani íaiói uzúngona úcairediaíoi, mei naga jitó enáizeño díga íaiói móotiaina izíruirediaíoi. Afe bie izói illáfueño Juzíñamui ñue ióbideza. ⁵ Ie mei cómenide ua fecíngo, dango Juzíñamuimo ñue ie finóllífue ocúride. Daje izói Juzíñamuimo ie úrillafueña naío mona díga afengo fáicanocaiñede. ⁶ Dango ie comeci gaina izói fecíngo ite. Caade íadi Juzíñamui díbenemo tíide izoide. ⁷ Bífuiaina íaiói o ocuiri, lletánidingotiaina íaiói illeza. ⁸ Dámie ie nahí come úcaillana ráairuia ie ñnogafue táinomo jifánofide. Dama nahí comínimo ite duéredinona úcaicañedímie, Juzíñamuimo ñnoñedino fiénina baimo, afémie fiénide.

⁹ Fecíngotiai íena mámece illabe fínoitio. Bie izói ñuera fecíngotiai mámece afébemo cúerena. Sesenta fimona ite fecíngo mámece cúerena. Afe bie fecíngotiai, daje izói dámierna iníredingona írediaíoi. Afe ízoidingo mámece cúerena. ¹⁰ Iemo jiái ie illafue ñueinamona jallédingo afengo mámece cúerena. Iemo jiái úruiaí ñue comútatíngo mámece cúerena. Jicana jiáima ie jofomo dúcia caimare uáidofiredíngo mámece cúerena. Iemo jiái Juzíñamuimo ñnotinomo rairuíñeno comeci mánainado canófiredingo mámece afébemo jóonerena. Mei afengo naga jiáima cánuana idai jócua izóidena caimare finófiredeza. Iemo jiái duere zefuide comini canófiredingo mámece cúerena. Daje izói nana jiáie ñúefuiaí finódingo mámece jóonerena. Bie izóidífuaí nana daje fecíngo finórede; íemona afengo mámece cúerena.

¹¹ Mei íadi sesenta fimona jofófenemo ite fecíngo mámece jóoneño iri. Mei aféngotiaimona dáarie dani íaiói comeci óiacanamona nibai Crístona zóofeitiaíoi. Zóofiano nane meine iníreiacadiaíoi. ¹² Daií íaiói illa dani íaiói ícoinia daií ite. Mei fueñe íaiói Jesucristodo jáillena mamérellafue ja fáicanocaidiaíoi. ¹³ Afe baimo naga comini jofodo jáicaídiaíoi. Jáicaillamona, “Fia táijiñeno daií cue illi,” daídíaíoi. Afe llezica jiáimana úridoicana jáidiaíoi. Iaióimo dúñede jiáimacimo itífuaímo gágutajífirediaíoi. Comínimo ñue íñedífuedo úrioífirediaíoi. ¹⁴ Ie jira nai fecínaite jitáingona daídícue: Abído iníreiri. Inírellano úruereiri. Daje izói jofo náangona ñue o iri, Taífemo jaináidino ómoína úridoíñeilleza, daídícue. ¹⁵ Mei fecíngotiaimona dáarie, Juzíñamuina féitano Taífedo jáidiaíoi.

¹⁶ Crístomo ñnotinomona daa cómemo úcaille fecíngo íadi, afe fecíngona dama afémie úcairede. Afe fecíngona Juzíñamuimo gairífiredinona úcaitaño iri. Mei afe gairífiredino ua cómenide fecíngotiaina úcairediaíoi.

¹⁷ Jesúmo gairídino ñue ocuide éicomini, ñue táijidiaíoi méncaiño íbárediaíoi. Daje izói ñue íaiói táijinamona mai caimare íaíoína omoi jacírui. Iere comini ñue llófuetino, iere ñue lletádino díga jiáie come íba baimo íbárediaíoi. ¹⁸ Mei Juzíñamui Cuegáuái daide: “Arroz izoide trigo, juráreto gájirillena záizia llezica, áfemona íaiói gúilleza fue íbáiño omoi iri.” Iemo jiáinomo jiáifodo daide: “Naga táijitagamie ie táijinado ñue íbárede.”

¹⁹ Fia da come ocuide éicomemo fiénidífue jóoneíadi, áfena náfueño o iri. Mei íadi mena nibai daámami uai nabáidímie afe izói afe cómemo llóíadi, áfemo cacáreiri. ²⁰ Ocuide eicomínimona dáarie fiénidífue finóadi, nana comini eróicana afémiena o áadori, nana jiáie comini ñue abi jacínaificailleña. ²¹ Juzíñamui eróicana, daje izói cai Ocúraíma Jesucristo eróicana bifue omoi jónetícue. Daje izói Juzíñamui nizeca ie abi imaci eróicana omoi jóneítícue. Nana bie omoi cue lloga lletara uai ñue o náfueri. Nana

comínimo dájerize jaícina o lloiri. Dámie oni eneno mámeñeitioza. ²² Dámie ie illafue nai figo onóñena llezica, ocuídillaimana ie o maméllena raire íemo o onoi bitáñeno o iri. Bie izói o íllado jiáimamo ite fiénidifuenta raire nábaizaiñeitio. Naga íaifuiaimona oni o iri.

²³ Mei o ero izírefireia daa jainoi jiróñeno o iri. Iemo due vónona o jirori.

²⁴ Nai íaioimo riire jicáñoñena llezica, comínimona dáarie íaioimo ite fiénidifuiái uáfori cíoide. Iemo jiáimacimo ite fiénidifuiái íaioi duere finoille mámia méifomo onórede. ²⁵ Daje izói jiáie cómemo ite ñúefuiái uáfodo cíocaide. Iemo jiáimacimo ite ñúefuiái cíñoñena íadi, ñinó íaioi ñiga báinino íñeite.

6

¹ Táijitafiregano íaioi ocuídímiaína ñue jacíruirediaioi, jiáie comini Juzíñamui mámeçido fiéni úriñeillena. Daje izói cai llófueinafuenta fiéni íaioi daiñeillena. ² Afe izói Crístomo íñote ocuífiredímiaína ñue jacíruirediaioi. Juzíñamuimo íñogafuemo daje ámana íaioi maméiadi, nai ocuídímie ocuícamié ñiga conímama caimare jacíruirediaioi. Mei jiáifodo afe Juzíñamuimo íñote ámamo, jiáimaci baimo, riire táijirediaioi. Afe riire táijina íñotino, afe ocuídino izíruiga ámatiai. Afémaci dáamaci. Dájena Crístomo íñotino. Bifue o llófueiri. Daje izói áfedo o lletámairi.

Juzíñamuimo cai íñogana, “Figo baite” cai dáinana canode

³ Afe bie cai Ocuíraíma Jesucristo lloga jaícina jóide llófueinafue mo coméçíñedímie, oni jiáifodo táinofuiái llófuete. Daje izói cai íñoga ñuera uaina afémie figo jeire oñede.

⁴ Daiñtade come nífuena onóñedeza, táinodo abi íñote. Afémaci fia fiénide uáillaimo júfiduana iere gáidiaioi. Afe júfidogafuemo aillo úradoillafue comuide. Iemo dájena caimare íñénafue comuide, íemo jiáimana éoinafue comuide, íemo jiáimana caimare uáidoñenafue comuide. ⁵ Dáanomona féitañega fuirillafuiái, jiáifodo oni coméçina jóidímacimo comuide. Bie comini ua ráfuenta onóñediaioi. “Fia cai íñogafuedo iere cai ráanailli,” táinona coméçidiaioi. Bie izoide comínimona oni o iri. ⁶ Ua onóigaza, cai íñogafue jamánomo ráifide. Juzíñamui caimo fecaca raana “Figo baite” daidímie mo, ie íñogafue ñue ráifide. ⁷ Mei jii, bñiemo fueñe cai jocoina llezica minícana atíñedicaí. Afe izói uire cai tía minícana úiñeiticaí. ⁸ Mei biruimo cai caana llezica caimo ite güílleri, daje izói caimo ite iníroiri “Figo baite” daiñredicaí.

⁹ Mei jiáifodo aillo ráanaiacadino fiéni comeci fácafue dibénemo jáidiaioi. Afémaci aillo fiéni comeci óiacanafuiáimo raamo jírude izói itíai. Bie izoide fiéni óiacanafuiái cómena fiéni fñode. Daje izói íaioi illafue niné táinocaitate; jofo zabilla méino izói niné táinocaitate. ¹⁰ Mei jii, úcubena izíruillafue nana fiénidifuiái comuillano aféfuái jillaci. Dáarie iere izire úcubena óiacanamona, Juzíñamuimo íaioi íñogafuemo oni nibéfodo jáidiaioi. Afémaci dani íaioi illáfuenta táinona iere duere fñódiaioi.

Juzíñamuimo cai íñogana, fuirilla izói riire íredicaí

¹¹ Mei íadi o Juzíñamui nizécamiedioza, bie ailli cue lloga izóidifuiaimona oni o iri. Ñue coméçina jaícina illáfue mo o mamériri. Juzíñamui illa izói mai o iri. Afémie mo ñue o íñofireiri. Jiáie comínina ñue o izíruiri. Comeci járidoñeno o iri. Coméçina mánaidímiena o iri. ¹² Mai Juzíñamuimo íñogafuemo fuirilla izói nágaruillaido riire o iri. Juzíñamui omo iga zíñona illafue ñue jeire o oíri, mei áfemo Juzíñamui uáidogamiedioza. Afe Crístomo o íñogafuena comini cíocana jino llotio. Afe bie o llúamo o uai nabáidinona aillo ite. ¹³ Ja birui Juzíñamui eróicana ona ñue ócuiticue. Afe Juzíñamui nana bñiemo itínuaímo íaioi cáananona fecade. Daje izói Jesucristo eróicana ona dáititue. Afémie daje izói ñúefue jino uáfodo llotio. Poncio Pilato uícomo ie illáfuenta jáanoñeno llotio. Daií Moo Juzíñamui, Jesucristo ñiga íaillinoi uícomo ona ócuiticue.

¹⁴ Omo cue ocuícana, jiáifodo méidoñeno, ñue jeire o oíri. Aféfuena ñue jeire o oíri, jiáima ona llétañeiteza. Bífuiái ua Jesucristo billíruimo jeire o ófireiri. ¹⁵ Juzíñamui jaiái uícodo mamécaruimo dúcia, Jesucristo cíocaizaibiteza. Afémie daade cai iere ñuera ríinorede Juzíñamui. Daje izói afémie nana illáicomini ie Illáimaza. Daje izói afémie nana ocuífiredino Ocuídillaíma. ¹⁶ Dama afémie jaca zíñoza, tíñede. Afémie illano jamánomo meáire egáñoteza, buna ánozinide. Afémiena jaca bu cióñede. Caade come jaca íena ciónide. ¡Jaca ninomo ñúefuiái afe Juzíñamuimo nitácaza! ¡Aillue ñuera ríino jaca ninomo afémiemo dúideza! Aquíe izói íteza.

¹⁷ Bie éniemo aillo ráaredino abi íaiói ñinoñeilleza ñue o lloiri. Daje izói íaióimo ite raamo ócuiñeitiaíoa, mei afe ráaniai are íñeitiaíoa. Mei jiáifodo: Dama Juzíñamuimo omoi ocuíriri, o daíri. Mei afe Juzíñamui ua cáadímie. Afémie jeruíño nana cai jitailla raana cai cánuano caimo fecade. ¹⁸ Afe ráanaitino ñue íaiói ílleza íaióimo ocuiri. “Omoi ñue fínoitifuiái ráanaitiomoza,” íaióina o daíri. “Omoimo ite ráaniaimona jeruíño jitaídínomo jiáifodo comécíño fecari,” daí íaióina o daíífireiri. ¹⁹ Daí íaiói íllamona, íco cómuitifue nahí raana máíñoitiaíoi. Afe maiñóllena comécido ñue onódiaíoi. Afe dáaruído zíñoza illífuena óitiaíoi.

Iraícaíño Timotéomo jóonenocaigafue

²⁰ Timoteo, nana bie omo cue lloga ñúefuiái ñue o rairuri. Biniemo ite táinona úrioinafuiáimo cacáreiño o iri. Daje izói Juzíñamuina uáitafuemo cacáreiño o iri. Mei íaiói: “Iere baitádicue,” daína uai taino uaiza. ²¹ Mei bie izóidifuiái ínote comini ja baie Juzíñamuimo ínogafuiaimona oni ñibéfodo jáidiaíoa.

Mai, Juzíñamui ona ñue éziciiteza. Jae ñie. Mai daítadeza.

MÉIFODO SAN PABLO TIMOTÉOMO ORÉCABE Segunda Carta del Apóstol San Pablo a Timoteo

Pablo Timotéomo cuete

¹ Cue Páblodicue. Jesucristo ñúefue llujillena orécamiedicue. Juzíñamui comeci jítaina izói orécamiedicue. Daje izói uícodo lloga zíñona cai cáailifue llujitagacue. Cristo Jesumo dájena cai jaináinamona afe cáailifueña óiticaí. ² Cue izíruiga jító Timotéomo bibe cuetíceza, ona Juzíñamui ñue ézicíteza, daiíacadicue. Daje izói: Juzíñamui omo dúecaiteza daidicue. Iemo: Cai Moo Juzíñamuimona oga comeci ñue uái illáfueño ítioza, daidicue. Nana bie ñúefuíaí cai Ocuíraima Jesucristodo óredio.

Pablo Crístomo uai nabáiacade

³ Juzíñamuimo nágarui comécido úrifiredicue. Mona naio diga Juzíñamuimo cue úrilla llezica omo comeci uibífredicue. Omo cue úbicaillano Juzíñamuina: iere figora, daidicue. Cue uzítiaí Juzíñamui ióbitallena ie ocuífregana ñue ínuua izói, afe izói íainide comeci úrillafuedo ie ocuífregana ñue ínofiredicue. ⁴ O comeci zúucaifrenamo uibíoidicue; íemona ona iere jaca cíoiacadicue, áfemona caimare cue íllena. ⁵ Taino lloñeno ñue Juzíñamuimo o ínuafueño uibíoidicue. Afe birui Juzíñamuimo o ínogafue nano fueño o uzungo Loida ínoga. Daje izói o ei Eunice ínoga. Iemo bífueña o jaca ñue ínofiredioza, ñue onódicue.

⁶ Ie jira bie izóidena o ócuiticue. Naui omo onoi cue bítajamona Juzíñamui omo lloga llófuelle ríino féitaño o iri. Niné ona féiza afefue nágarui meine ríire o uibíocairi. Irai dúizaide meine boota izói o uibíocairi. Afemona jamánomo o llófuelleza. ⁷ Mei Juzíñamui comeci jacíruillafueña caimo fecáñede. Mei jíáifodo comeci meáiruíñenafue Juzíñamui caimo fecade; íemo jíáimana cai izíruillafue, íemo abina ñue cai onónafue diga, caimo fecade.

⁸ Ie jira cai Ocuíraima, Crístomo uai nabáillana meáiruíñeno o iri. Daje izói ie uai ícoinia llavécacueza, cuena meáiruíñeno o iri. Mei jíáifodo ñuera jíllona uai ícoinia comuide duere zefuíllafueña ruifíruíñeno o iri. Omo cómuite duere zefuíllafueña rairuíñeno o líinori. Mei Juzíñamuimo ite ríinodo cai comécina caimare fíraiteza. ⁹ Juzíñamuimo cai jaináillena afémie ñue caina jíllotate, daje izói caina uáidote, ie íaifuenide comínina cai íllena. Dani ñue cai illáfuedo Juzíñamui íena ínidicaí. Mei jíáifodo dama Juzíñamui jaiái uícodo mamérillado íeiena iticaí. Daje izói Jesucristomo cai jaináillado Juzíñamui caina izíruite. Daí caina ie izíruillado íeiena iticaí. Mei jaiái ninomo nai énie comuíñena llezica, Juzíñamui caina izíruite. ¹⁰ Mei bie caina ie izíruillafue, cai Jíllotaraima Jesucristo ana bíniemo bíllado, afefue caimo jino onótate. Afe Cristo cai tíillafueña ja jacínitade. Daje izói jíllona uai llúado, zíñona cai illafue jino uáfomo cíotate. Ua, íemo ínotino zíñona itátallena afe Juzíñamui uáfodo caimo onótate. Afe bie zíñona cai illafue buna jaca niné táinocaitainide.

¹¹ Bie ñuera uai llujillena Juzíñamui jónegamiedicue. Judíoñedino llófuellena, Juzíñamui orécamiedicue. ¹² Iemo afe bíedo nana bífuíaí duere zefuídicue. Mei íadi áfena meáiruíñedicue. Cue ínoga Juzíñamui comeci ífueña ñue cue onónamona, jacíruíñedicue. Mei afémie cuemo jónenocaigafue jaca féiñeiteza. Afe bifue Juzíñamui dama Cristo billíruimo ñue úiñoite, mei afémie iere ríinoredeza. Afena onódicue.

¹³ Naui jaícina joide llófueinafue o cue llófuía izói, áfena o llófuefíreiri. Juzíñamuimo cai ínogafueña jeire o oíri. Daje izói Jesucristomo dájena cai jaináinamona caina ie izíruillafueño o iri. ¹⁴ Cai diga ite Ñuera Joreño canócaza Juzíñamui omo lloga ñuera rafue féitaño o iri.

¹⁵ Ja onódioza: Nana Asia énie comini ja cuena zóofetiaioi. Afémacimona bie mena iima íaillinoi: Figelo, íemo Hermógenes. ¹⁶ Mei íadi bie afe jíaimie Onesíforo dibénedo nana ie comini díga, mei cai Ocuíraima afémacimo caimare dúecaiteza. Mei afémie díga ícaíño cue jitaica raana atífiredede. Llavécacue íadi jaca meáiruñeno cuemo atífiredede. Iemona Juzíñamui afémie comécina náicaitaiteza. ¹⁷ Uafue, Rómamo afémie illa llezica cuena are jénua ícoínia baite. ¹⁸ Cai Ocuíraima cai comeci ífue riire jicánolliruimo afe Onesíforomo dúecairi, Juzíñamuina daidícue. Ja ñue onódioza, Efésomo cai illa llezica, afe Onesíforo díga ícaíño caina canode.

2

Jesucristo dibénemo itímie ñue fuirídímie izoide

¹ Cue jitó Timoteo, Jesucristomo dájena cai jaináinamona Juzíñamuimo ite ñúefuiaimo iticai. Afedo ñue o náireiri. ² Cúemona o cacánafuemo cue uai nabáidínona aillo íteza. Iemona afefue mai oni jíaie ñue ínofiredimíaimo o jóoneri. Afémaci daje izói oni jíaimacimo llófuiailleza.

³ Duere zefuúllafue omo comuíadi, Jesucristo dibénemo ñuera fuiríraima izói abí riire o mameri. ⁴ Naga jíaimiena anáfenoacade fuiríraima fuiríllena maméioide. Iemona uícodo nana jetáacaigafue fáicanocaite; afémie jae náamatagaza. Fáicanocaillano daa ie ocuídillaíma anamo itábicaite, afe ie jíiritillaíma íóbitallena. ⁵ Daje izói naga jíánora raamo jífánotímie ñue jaícina jífánorede. Jífánua ocuide uai daína izói jífánorede. Afémie fiene jífánoia, minícana jíridoñeite. Táinomo jífánoteza. ⁶ Jacafai ríllamo izire táijidímie afe ie riga llizilla jeia llezica, afe ritímie fueñe ótena figura. Dama íeiena fueñe jofo óite. ⁷ Omo cue llógamo ñue comeci o facari, íemona cai Ocuíraima ona nana ñue fibítaiteza.

⁸ Mai tíillanomona meine abido caade Jesucristomo o úibicairi. Daje izói afe Cristo cai jaiái illaíma David úicoidígimamona comuídímie. Afémiemo ñue o coméciiri. Cue lloga ñue jíllona uai aci bie izói joide. ⁹ Bie ñúefue ícoínia duere zefuíttagacue. Jíi, fiénidífue finódino izói maíáno duere finócacue. Mei íadi Juzíñamui lloga ñuera uai jaca buna llavénide. ¹⁰ Ie jira Juzíñamui nizécamaci cue cánua ícoínia duere zefuídícue, mei íadi áferi zúucaiñeno jaca caimare iticue. Afémaci ñue jílllobicaillena duere finócacue. Afe Jesucristomo dájena cai jaináinamona comuide jíllonafue iere ebírede. Iemo jaca zííñona fúíñeite.

¹¹ Bífue táinoñedeza, iere uafue:

Afe Cristo tíilla izói cai tíiadi, afémie meine abido cáadímiena jailla izói, afe izói dani cai meine cáaillano afémieoiri íiticaí.

¹² Afémie ícoínia duere cai zefuúadi ie illáimana illánomo jáinaiticaí.

Afémiena cai jáanoiadi, afémie jíai caina jáanoite.

¹³ Afémiemo cai íinoñeniadi, afémie jaca ie daína izói nai finófirede;

Mei Juzíñamui dama ie abina jáanonideza.

Ñuera daíllena facaca táijiraíma

¹⁴ Bífuaímo jíaimacina ñue o coméciitari. Daje izói bífuaí cai Ocuíraima eróicana íaíoimo jóoneri. Íaíoí ráifiñede júfidofirega uáillaímo mai afémacina júfidotañeno o iri. Afe bie izoide júfidofirenafue ráifiñedeza, buna canóñede. Afemo cacáreidínona jíáífodo oni comécina jóitate. Daje izói íaíoí íinoga ua uaina niné féitateza. ¹⁵ Juzíñamui uícodo figura daíllena facaca táijiraíma izói o iri. Iemo afe llezica jíáífodo lloñeno daje izói o illáfueña ñue jaícina o jóonefireiri. Daíí ñue facácámie ie meáicaíllafue íñede. Daíítade come Juzíñamui ua ráfueña jaícina comínimo llófuete. ¹⁶ Bíníemo ite táinona úrioinafuemona oni o iri. Daíí táinona úrifiredino jamánomo fiénidífuaímo baíidiaíoiza. Anábaitagano izói íficaidiaíoi. ¹⁷ Fiene íaíoí llófueína uai raíre jica jalleide. Come abimo comuide fiénide ñozagí jarire oni mónaioicaílla izói, bimaci llófuega uai oni jalléicaide.

Afe bie izói ja Jimeneo Fileto diga, bimaci izói, fieni llófuetinona jáidiaillinoi. ¹⁸ Afe íaillinoi Juzíñamui ua uáimona oni nibéfodo jáidiaillinoi. Juzíñamui tíidino meine abido cáailífue dibénedo llotíailinoi: Ja záide, daidíailinoi. Daií jáíe comini Juzíñamuimo íinogafuena uáitacana jáidiaillinoi. ¹⁹ Mei íadi cai íinoga uai oni cáitañellena, Juzíñamui áfemo jáíe riírede uaina nabaide. Iemona féitañeno afe Juzíñamuimo íinoicaidícaí. Afemona cai bie riíre mozíoiga jáaillirai izóidícaí. Juzíñamui nabaica uai Juzíñamui dama íeiena caina mameide. Afe uai bie izói jóoide: Cai Ocuíraima nana dama ie nahí comínina ñue onode. Iemo afe Juzíñamui nabaica uai jáífodo bie izói daide: Nana “Cristomo jaináidícue,” daidino fiénidífueña féitano, aféfuemona ja oni írediaíoi. (Bie ie nabaica uaido, Juzíñamuimo cai íinogafuena afémie riíre finode.)

²⁰ Aillue jofo eromo diga raa ite. Ráífide oro ie finoina raa ite. Daje izói ráífide plata ie finoina raa ite. Iemo jiba ráífiñede amena finoina raa ite, naa nogóramona finoca raa diga. Dáarie bie ñuera rairuica jiróracuaido jicana bitínona jirótafiredícaí. Jáíe figo jinoñede jiróracuaido jalleide illáimana ecáñedícaí. ²¹ Afe izói naga jáímaci canóllena Juzíñamui nizécamié, jaca comécina íaifuenino írede. Afémie jaca íaifuemona oni írede. Iemona afe cómena Juzíñamui íeiena ñue finóbitade. Ebena ñuera tájjanomomo Juzíñamui raire íena óreite. Mei afémie íáinide ráífide oro finoina jiróraco izóidímieza.

²² Jitócomena llezica comeci fieni óiacanafuíaíimona oni o iri. Mei jáífodo come ñue jáícina illáfuedo o jairi. Daje izói Juzíñamuimo o íinofireiri, íemo jáímana o izíruiíreiri, íemo comeci mánainafuedo naga cómena o uáidofireiri. Iemo, nana comeci íaifuenino Juzíñamuimo úrifiredino diga o nabáiriri. ²³ Daje izói táinomo comécilla uáillaina náfueñeno o iri. Mei ja onódioza, bie izoide úrillafuíaí fúrienailafue comuítate. ²⁴ Juzíñamui ocuífíregamié jaca jáíma diga icírínide, íemo jáí fuírínide. Mei jáífodo afémie nana comini diga caimare írede. Daje izói jáímacina caimare llófuerede. Iemo afémie jáímamo jarire úriñeno, íaícana úrrede. ²⁵ Daje izói Juzíñamui ocuífíregamié naga ie llófueinana náfueacañedinona comeci manai fínuano, íaíoína lletárede. Afémie daií íaíoína lletárede, íaíoí comeci ífue Juzíñamui méidotalleza. Iemona daje izói ua ráfuena Juzíñamui íaíoína onótaiteza. ²⁶ Bie izoide llógana jámairuitino Taífe írebaimo jilla izói itíaíoi. Iemo afe Taífe ie comeci óiacana izói afémacina ócuíte. Mei íadi ua ráfuena íaíoí onónamona jlllorediaíoi. Afénomo jíizaidínona oni bairórede. Afémaci ínídímie como cazilla izói, abina onóitiaíoi; íemona Taífe anámona jlllorediaíoi.

3

Comini íirairuillaído illífue

¹ Ja bífuíaína o onótaitícueza. Íirairuillaído jacíredíruina caimo mónaite. ² Aféruimo comini dani íaíoí abina fieni izíruiítiaíoi, íemo úcubena íere duéruítiaíoi, íemo íere fieni abi ínoítiaíoi. Daje izói “Jamánomoidímiedícue” daínano, cómena canóñede táinofuíaímo comécítiaíoi. Iemo Juzíñamuimo fieni úritiaíoi, íemo íaíoí móotiaíai ocuilla uaina náfueñeítiaíoi. Iemo jáímana “íere figora” daííñeítiaíoi. Daje izói Juzíñamuimo íinogafuena náfueñeítiaíoi. ³ Afémaci jáímana íziruiñeítiaíoi, daje izói féitañeno íaíoímo duere finódimíemo dúecaiñeítiaíoi, íemo jáímacimo fieni úritiaíoi. Iemo íaíoí comeci fieni óiacanafuena “Dama íte” daííñeítiaíoi. Iemo jáíma íaíoí icíadi ñúefuedo finóacañediaíoi. Daje izói comínina íere izi cácataitiaíoi. Nana ñúefuíaína bacáuai ífuena mámeítiaíoi. ⁴ Afémaci daní íaíoí nahí comínina jáíe comínimo fállena fécajífírediaíoi. Iemo “Dama cue íacana izói íredícue,” daíífírediaíoi; íemo táinomo comécíillano “íere jamánomoidímiedícue,” daíítiaíoi. Daje izói Juzíñamui jenóñeno dani íaíoí comeci gáínafuíaína jénoítiaíoi. ⁵ Diga jinófene íuaido “Cue bie ñuera Juzíñamui uaina ínotímiedícue,” daíítiaíoi. Mei íadi jofona íaíoí comeci ráatailla mei, afe íinogafuemo íte méídolle ríinona jáanotiaíoi.

Afe bie izoide comini diga nabáiriñeno o iri. ⁶ Mei bimácimona dáarie, jiáimaci jofomo jaillano comécina riínide ringóniai jífuefirediaioi. Afe ringóniai fiénidifuiaina oruide. Afe ringóniai nana fiéni óiacanafuiaina anáfenogaiaioi. ⁷ Diga ráfuiái onóiacadiaioi mei íadi Juzíñamui ua ráfuenta baitánidiaioi. ⁸ Jaiái Moisés illáruillaído mena aima Janes, Jambres diga, Moisés daina uai uáitatiaillinoi. Afe íaillinoi uáitaja izói, bie comini íirairuillaído ua uaina uáitaitaioi. Iaiói ífoci úrillafue oni nibéfodo jóoide. Juzíñamuimo íinogafuena fáicanocaidiaioiza; áfemo ínidiaioi, táinofue ínotiaioi.

⁹ Mei íadi bimaci are jiáimacina jífuecana úiñeitiaioi. Mei íanori íllamona nana comini íaioi jífuefirenafuena fídiitiaioi. Jaiái Moisés uáitate íaillinoi táinona úrilla uaina comini fídia izói, nane afe izói bimaci táinona úrilla uaina nana comini fídiitiaioi.

Iraicaño Pablo Timotéomo jóonenocaigafue

¹⁰ Mei íadi o cue llófuiana ñue jeire otio. Cue maca izói jaca ñue macádio. Iemo cue mamérilla izói ñue mamérfiredio. Iemo Juzíñamuimo cue ínuua izói, afe izói iere ínofiredio. Cue comeci jarire úriñena izói, afe izói fáicana úritio. Jiáimana cue duéruilla izói duéruitio. Diga juáredifuiái cuemo comuide, íadi fáicanocaiñeno Juzíñamui ñúefue llócadicue. Afe cue ocuilla izói ñue ocuíoideo. ¹¹ Comini duere cue finóllena cuena racádiaioi, mei íadi áferi jacínaiñeno caimare iticue. Naui Antioquía jófuemo duere cue zefuillana onódio; daje izói Iconio jofue, Lystra diga cuemo íaioi finócafuenta onódio. Nana racada duere cue íaioi fínuafuiaina onódioza. Mei íadi cai Ocuíraima nana aféfuaimona ñue cuena jíllotate. ¹² Uafue onóigaza, nana Jesucrístomo jaináinamona ñue jaícina illáfuemo íacadino, nai ínoñedimacido duere zéfuitaioi. ¹³ Iemo afe llezica fiénide jiáimana jífuefiredino jamánomo fiénidifuiaimo ana jáitiaioi. Jiáimacina íaioi jífuia llezica, dani jiáimaci íaioina jífueitiaioi.

¹⁴ Mei jiáifodo omo llófuegafuiaimo riire o comécioicairi, mei aféfuaimo iere ñue ínotioza. Iemo afe bífuiaina o llófuetimiena onódio. ¹⁵ Daje izói o dúemiediomona Juzíñamui ñuera Cuegáuaina fueñe onóicaidio. Aféuaimona llófuegao, jíllonafue o maiñóllena. Afe jíllonafue Cristo Jesumo o ínuado o oga. ¹⁶ Nana Juzíñamui Cuegáuai, Juzíñamui afe cueraini comécimo úrilla izói ñue jaícina cuega. Bie uai iere ráifide comini ífoci déillena. Aféuaido comini llófuerega; íemo afe búuaido táinomona lloga uaina uáitarede; íemo áfedo jiáimacina lletárede; daje izói aféuaido jaícina comini ñue illífuenta íaioimo llórede. ¹⁷ Afe daí Juzíñamui Cuegáuaido Juzíñamui ocuícamié ñue baitádimiena írede. Iemona afémie ñue finóbide, nana ñúefuiai ie finóllena.

4

¹ Juzíñamui eróicana, cai Ocuíraima Jesucristo diga, Juzíñamui uailai o llófireillena iere omo llonódaicadicue. Mei Jesucristo bíniemo illáimana bille llezica, afémie nana caade comínina, naa tíidino diga íaioimo itífuenta riire jicánoiteza. ² Afémie raire bíacana jira, riire ona dáititue: Nágarui Juzíñamui uailai jino o llófireiri. Afemo riire o mamériori. Comini aféfuena cacáacana llezica, daje izói aféfuena afémaci cacáacañena llezica, nana afémacina jaca daje izói Juzíñamui uai riire o llófireiri. Ñue riire llófireiri Juzíñamuimo nai ínoñedino aféuaina íaioi jíeruillena. Daje izói afémaci illafue figóñedeza, búuaido íaioina lletari. Iemo ñúeodo íaioi jáillena, mai riire íaioimo lloiri. Nana bífuiaina, nana comeci jaritañenafuedo fáicana o llófuefireiri. ³ Afe daí llófuefireiri, mei diga irui íllamona, comini ua llófueinafuemo cácañeitiaioiza. Mei jiáifodo dani íaioi fiéni gaina izói dani íaioi cacáacana izói, íaioi llófueitinona aillo jénoitiaioiza. ⁴ Juzíñamui ua ráfuenta fáicanocaillano, nana jagai izoide táinomona llogáfuiaimo náfueitiaioi. ⁵ Mei jiáifodo o iri. Cáadimie izói ñue abina o onoiri. Zúufue omo comuádi, áferi jacínaiñeno abi riire o mameri. Iemo jíllona uai o llóllemono mamériori. Juzíñamui omo jóonega táijina ñue ícoimo o fuitari.

⁶ Ja íanori íllamona Juzíñamui íóbitallena fatá fecaca rille izói, fécajigacue. Cue titáíllirui ja áinozide. ⁷ Ñuera fuiríraima izói, fiénidífue anáfenua izói táijina jae riire ñue ícoimo fuitádicue. Iemo jifánotimacimona riire aizida goal orédimie izói, afe izói cue táijina fuillánomo dúcidicue. Iemo Juzíñamuimo cai íinogafuena fáicanocaiño, ja ñue ícoimo ínoticue. ⁸ Iemona ja birui cai Ocuíraima cuemo fecalle fia jirídoga raa izóidífue mo ocurídicue. Afe ie billíruimo, Juzíñamui anamo ñue níifuenidimacimo dúide zíñona illáfuea afémie cuemo fécaite; mei afémie comínimo itífuea ñue jaícina jicánoitimieza. Dama cuemo fécañeiteza, mei íadi daje izói nana ie billíruimo caimare ocurídino mo jirídorede zíñona illáfuea afémie fécaite.

Dama Páblomo dúidífuiái Timotéomo llote

⁹ Timoteo, mai raire cue eróizaíbiri; riire áfemo o mamériri. ¹⁰ Mei cue nabai Demas, bínie ráaniaina jamánomo gáinamona jae cuena zóofeteza. Zóofiana jae Tesalónica jófue mo jaide. Iemo jíaie cue nabai, Crescéntena mámeciredimie, jae Galacia éniemo jaide. Daje izói jíai Tito oni Dalmacia éniemo jae jaide. ¹¹ Dama Lucas cue diga fiébilla. O billíruimo, mai Marcos jénuailano cue diné ómicoi biri, mei afémie benó cue táijina cuena iere cánoiteza. ¹² Cue nabai Tíquico, Efeso jófue mo jae cue oreca. ¹³ O billíruimo cue fieca emódomo jitárai o atiri. Naui Troas jófue mo ite Carpona mámeciredimie jofomo cue fieca. Daje izói cue rabénicuái o atiri. Iemo jíaie cuela rábiai féitaño o atiri, mei afébiaina iere jitáidicueza.

¹⁴ Naui Alejandro aillo fiénidífuiái cuemo nitade. (Afémie lloéfiái fínuamo táijifiredimie.) Nana fiene ie úrillafuiái dieze cai Ocuíraima afémiemo íba óite. ¹⁵ Afe Alejándromona abí o rairuíoicari, mei afémie cai lloga uaina iere uáitaacadeza.

¹⁶ Nano fueñe cue abí ríidollífue, ríillaini uícomo cue lua llezica, bu cuena nabáñede. Nana cuena zóofetiaíoi. Juzíñamui afefue íba íaioimo óñeilla afémiemo jicádicue. ¹⁷ Mei íadi nauí abí cue ríiduaruimo cai Ocuíraima cuena canode. Afémie cuena ñue riire finode, jíllona uai oni nana judíoñedinomo cue llujállena. Afémie afe llujállafue ñue ícoimo cuena fuitátate. Afe daíí cai Ocuíraima iere jacíredífue mo ñue cuena jíllotate. ¹⁸ Daje izói nana jíaie fiénidífuiaimona, afémie cuena jíllotate, íemo dama íeiena cuena ráiruíte, monamo ite ie illáimana illánomo cue dúciillena. Ñuera ebíredífue jaca ninomo íemo íteza. Daíítadeza.

Iraícaíño uáiduafuiái naa ézicigafuiái diga

¹⁹ Mai, Prisca, Aquila diga caimare uáidori, naa Onesíforo comini diga. ²⁰ Erasto Corinto jófue mo fiébide. Cue nabai Trófimo ie irárenamona, Mileto jófue mo cue fieca. ²¹ Mai raire rozírediruillai nai dúciñena llezica benó o biri. Benómona jíaimaci omo uai orédiaíoi, be níimaci: Eubulo, íemo Pudente, íemo Lino, íemo Claudia. Daje izói nana Crístomo jainaide ámatiaí o uáidotiaíoi.

²² Cai Ocuíraima Jesucristo nágarui ómoimo nabáirifireilla Juzíñamuimo jicádicue. Daje izói Juzíñamui nana omoí ézicilla jicádicue. Mai daíítadeza; jae ñie.

SAN PABLO TÍTOMO ORÉCABE

La Carta del Apóstol San Pablo a Tito

Pablo Títomo cuete

¹ Páblodicue. Juzíñamui táijitagamiedicue. Jesucristo orécamiedicue. Juzíñamui nizécanomo ínotalle uai cue llujállena ie orécamiedicue. Daje izói cai ínoga ua uai, íaioi onóillena orécacue. ² Afe bie cai ínoga ua uai, jaca ninomo ñue cai illínomo cai ocuínanomo móirede. Nai énie cómuñenia uícodo, Juzíñamui afe zíñona cai cáaillinona lloste. Juzíñamui jaca táinona llófinide. ³ Ja birui ie llóiacaga uaina, ie mamécaruimo cuemo jónega llófuecaillado caina onótate. Uafue, cai Jíllotaraima Juzíñamui afe daje uai cue llófuecaillena cue ocuide. ⁴ Tito, daje izói Juzíñamuimo ínoticoco, íemona nahí cue jitó izóidío. Jira bibe omo cueticue. Afe llezica, cai Moo Juzíñamui cai Ocuífiredede cai Jíllotaraima Jesucristo diga o ñue ézicillena jitáidicue. Daje izói omo dúecaillena jitáidicue. Afe dáaruído caimare uái ñue o íllena jicádicue.

Tito Crétamo llófuete

⁵ Monáillai cigi idu Crétamo o cue fiénocaillaruido, nai figo finóbiñede raa ñue daje dine jaícina o finózillena ona fiédicue. Aféruído naga diga jofue illánuiaimo ite Juzíñamuimo jainaide gairídínomo íaioi ócuitimiena o jóneri daidicue. Ñue ócuite eicomínina jenoda o jónetadícue. Afe izói naui uícodo omo llonódacaidicue. ⁶ Naga ñue ocuide éicome nífuenino írede. Daje izói afémie daa ringo otímie írena. Daje izói ie úruiai Juzíñamuimo ñue ínorediaioi. Afe úruiai fiénidifuenta jóneñegazana írediaioi. Ocuilla uaina náfueñedino izói ínidiaioi. ⁷ Iemo naga ócuitillaíma Juzíñamui dibénemo ocuicaiaioi. Ie jira afémie nífuenino jaícina ñue írede. Daje izói afémie “Cue bie iere ríimiedicue” daínide. Daje izói afémie comécina éoicainide. Daje izói afémie jífaifinide. Daje izói afémie illáiredimiena ínide. Daje izói afémie fia Juzíñamuimo táijnado úcube otímiena ínide. ⁸ Mei jíáfodo, afémie ie jofomo mácaibitínona jíáfodo comécíñeno caimare llínofiredimiena írede. Afémie ñue caimare finófiredimiena írena. Afe izói dama ie abina ñue ocuídímiena írena. Afe izói afémie comécina jaícina itímiena írena. Afe izói afémie Juzíñamuimo ñue jaináidímiena írena. Afe izói afémie dama ie abina lletádimiena írena. ⁹ Afémie ñue ínofirega íemo lloga uaimo iere comécíirede, jíáimaci comécina nácaitallena. Iemo jíái afémie daí írede, nana uáitatinona uafue daítallena.

¹⁰ Mei uafue, aillo ocuícana náfueñedino ite. Judíuaimo ite nabene. Afémaci táinodo úritiaioi. Afe llezica comínina jífuetiaioi. ¹¹ Afémaci úrilla llícaitarede, mei dáarie afézie nana íaioi ñue ínogafue dobáñotadiaioiza. Afe llezica llófuerainina uaido llófuefirediaioi, meáirede fínuado úcube óllena.

¹² Afe Creta énie imácimona daade uai jino lloraima, ie nabáitaido úrite. Daide: “Creta imaci tánofuerediaioi, íemo jazici ie rílleníai izóidiaioi, íemo iere güillárediaioi, íemo jaca iere ráiraiediaioi,” daide. ¹³ Afémie uafue daide. Ie jira riire íaioina lletari, Juzíñamuimo íaioi ínogafuena féitañeno ñue jeire íaioi óllena. ¹⁴ Iemo daje izói ñue íaioina lletari, judíuai dani uibica uáillaímo íaioi náfueñeillena. Iemo jíái, ua uáimona oni jícaidino comútaga ocuilla uaimo íaioi cácareíñeillena.

¹⁵ Nana comécina íaifuenidímie naga raa íaifuenide. Mei jíáfodo íadi nana Juzíñamuimo ínoñedino íaifuairedínomo naga raa íaifuairede. Daje izói íaioi ífoci uibíllafue íairede, nana íaioi comeci úrilla uai diga. ¹⁶ Afémaci “Juzíñamuina onódicai” daidiaioi, mei íadi íaioi finócado Juzíñamuina jáanotiaioi. Mei afémaci íaíruigamacina jáidiaioiza. Iemo náfueñedino izói itíaioi; íemo due jiza ñuera raana finónidiaioi.

2

Ñuera uafue llófueina uai

¹ Tito, o daiille uailai ñue uafue llófueina izói jaca jaícina jóirede. ² Nana éicomini jaca jifáifinidinona írede. Daje izói ñúefuiaido jacíruiregaaioi. Iemo, abina ñue onódimiaina írediaioi. Daje izói Juzíñamuimo íaioi íinogafuemo íránifinidimie izói írediaioi. Daje izói nágaruillaído ñue izíruicana ífírediaioi, íemo jiái jaca comécina járitaifinidiaioi. ³ Daje izói eiringótiai úrioinide; íemo ñúefuedo jacíruiregaaioi. Afe izói táinona llófinidiaioi. Iemo jiái jaca jifáirado jífaiifinidiaioi. ⁴ Daií ñue íaioi íllana ácatarediaioi, jiáie ringóniai jitáinguai afe izói íllena. Afedo íaioi ínítiaina izíruillena lollíai. Daje izói jitaingo íaioi úruiai gáillena llófueregaaioi. ⁵ Afe izói íaioi abina ñue onóillena llófueregaaioi. Daje izói íaifuiainidinona íaioi íllena llófueregaaioi. Afe izói jofo ero finoca raa ñue úiñollena llófueregaaioi. Daje izói illáinidingo izói íaioi íllena llófueregaaioi. Afe izói íaioi ini ocuicana jíruifíreillena llófueregaaioi. Be daií írediaioi, buna Juzíñamui lloga fieni úridoíñeillena.

⁶ Daje izói jítocomini ñue íaioi íociretari, abina ñue íaioi onóillena. ⁷ Iemo jiái, naga o jetáacaga díbébedo o ñue illa izói íaioi íllena ácatari. Iaioina o llófuelle lezica, taino jífueñeno llófufíreiri. Daje izói jifánodoíñeno lloiri. ⁸ Daje lezica táinodo úrinidío, buna o jánari úriñeillena. Afe daií o uáitaacadino meáruitiaioi, mei ja odo fieni úrinideza.

⁹ Iemo jiái, nana ocuícana íaioi ocuídino anamo ñue íllena o llófufíreiri. Daje izói cáimamacina íaioi íllena lloiri. Iemo uai ófíreíñedinona írediaioi. ¹⁰ Afe izói íaioi táijina lezica íaioi ocuídino ráaie meríñedinona írediaioi; mei jiáfodo naga táijinana jetátagamie ñue íinofíregamiena írede. Afe izói írediaioi, cai Jíllotaraíma Juzíñamui lloga uai iere ebíredeza, dani afémaci abido onótallena.

¹¹ Mei jii, Juzíñamui caimo ie dúecaillana caimo cíotate. Afe caimo ie dúecaillado nana éniemo itino jíllorediaioi. Afe jíllorenafue Juzíñamui jae caina onótate. ¹² Afe caimo ie dúecaillamo cai coméciaidi fieni illafue cai fáicanocaillena caina onótate. Afe izói bie énie imaci óiacaga cai fáicanocaillena onótacacai. Iemo jiáfodo biruíllaido cai illafue ñue úillena caimo llote. Jaca abí ñue cai ocuífíreina caimo llote, íemo cai illafue ñue jaícina cai jóoneillena cai llote. Afe izói Juzíñamuimo dúide uaina caimare finóredicai. ¹³ Iemo daje izói Juzíñamui uícodo lloga uai, caimare zuíllemo ocuíríoiredicai. Mei aferui iere ríinoredimie Juzíñamui, cai Jíllotaraíma Jesucristo caimare billíruiza. ¹⁴ Afémie cai ícoinia tíillinomo uigámie, nana fíénidifuiaimona cai jíllloillena. Daje izói nana cai íaifuiái muiñóllena uigámie. Afedo afémie íena caina mamede, ñúefue iere íocire cai finóllena.

¹⁵ Be nie o llófuerena uai. Nana náinide comini comécina náicaitari, íemo lletáredino omo ite ocuille ríino díeze íaioina lletáfíreiri. Buna ona jámairuitañeno iri.

3

Juzíñamuimo íinotino bie izói írediaioi

¹ Jesucristomo íinotino énie illaíma anamo íaioi írena uibíñotari, naa ocuídínuiari. Daje izói aféllaímai ocuica uai íaioi jíruillena uibíñotari. Afe lezica ebena ñúefuiaí fínuamo iere jícairediaioi. ² Daje izói jiáíma jánana fieni úrinide. Afe izói afémaci comécina caimare uái itínona írediaioi, íemo illáinidinona írediaioi. Iemo daje izói nana comínina omoi uáidua lezica, comécina mánaidimiéna o illa jino íaioimo onótari.

³ Mánaidimiéna íredicai. Mei nauí uícodo daje izói cai bie jaca abina onóñedinodicaiza. Juzíñamui lloga uaimo cacáreiñedicai. Aféruimo niné féiraitino izói ífíredicai. Daje izói nana cai comeci fieni gáinafuiáimo ríire ocuícánodicai; íemo jiái cai íóbítade raamo ríire llavécánodicai; jaca nágarui fieni ífíredicai, íemo jiáímamo úradoifíredicai. Iemo comécina éoidicai, daje izói conímána éoicaifíredicai. ⁴ Mei íadi cai Jíllotaraíma Juzíñamui íemo ite cáimafue jino caimo cíotate, íemo nana náiraíaina ie izíruifíreina díga.

⁵ Afémie caina jállotaacade, mei íadi jaca nanómona cai daina ñúefuena cai fínuamona Juzíñamui caina jállotañede. Mei jíáifodo dama afémie caimo dúecaillado caina jállotate. Caimo ite íaifuiái dama ie múiñuado caina jállotate. Afe llezica Juzíñamui Ñuera Joreño afe múiñuado, meine como jéiciganona caina finode. Iemona daje izói afe Ñuera Joreño como comúitaga ñúefuedo caina úicaite. ⁶ Cai Jállotaraíma Jesucristodo, Juzíñamui ie Ñuera Joreño jeruñeno caimo fecade. ⁷ Afe daí Juzíñamui caina dúecaillano, nífuenidinodicai izói caimo caimare éroide. Afémie daí caina itátate, cai ocúirina zíñona cai illino cai maiñóllena.

⁸ Bie uaillai iere uáfueza. Daje izói nana bífuiái jeire íaioi ólleza ona íaioina iere llotátaiticue. Daí ona llotátaiticue Juzíñamuimo ínotino bie ñúefuiáimo nágarui íaioi jíeruillena. Comini canóllena bífuiái nana ñuera. ⁹ Mei íadi abina onóñedino júfidogafuemonona oni o jíicairi. Daje izói jaiáidigima dibénedo lloga íaioi comuilla táinofuiamona oni o jíicairi. Afe izói jíáimana uáitafirenamona oni o jíicairi. Iemo jíái, Moisés lloga uaimo ite féiredifuiáido fuirídinomona oni jíicairi. Nana bie izóidifuiái cómena canóñede. Daje izói bífuiái ífócina úriñedinomona comuide.

¹⁰ Juzíñamuimo dájena jaináidino cígiri dámie eneno bozétaiacania, íena uáidota ménacaiño lletari. Daí lletaca cacáacañeniadi, omoi cígimona íena ruifíruiri. ¹¹ Uáfueña íena ruifíruiri, mei ja áfemona afémie fiénidimiena onóredeza. Afémie ñúefuemonona oni níbfodo fiénidifueño baíidimie. Iemo dama ie finoca fiénidifuedo duere finóbide.

Pablo naa ie nabáiñiairi mamérilla uai

¹² Artémiana mámeciredimie, níbai Tíquiconona mámeciredimie omo cue óreidi méifomo, Nicópolis jofue illánomo raire cue eróizaibiri. Afénomo o jáillena raire mamériri, dinomo dánomo conímamo dúciiticozo. Mei afénomo rozírediruillai záitaiacadícueza. ¹³ Iemo nane jíáifue, Zénana mámeciredimie Apolos díga nana omo ite dieze íaillinoína canori. Afe Zena jíáimado ñue úrifiredimie. Iaillinoi jaille llezica jitaica raana íaillinoimo fecari, minícana íaillinoi jítaiñellena. ¹⁴ Iemo daa cai Juzíñamuimo jaináidino ñue lloíri, ñúefuiáimo íaioi táijifireilleza; daje izói jíáie come jítaiadi, íaioi jitailla raana fecari. Iemona íaioi illafue ñue ráifiteza.

Iraicaíño uáiduano ñue íaioi íllena Pablo Juzíñamuimo jícade

¹⁵ Nana cue díga itino omo uai orédiaioi. Cai izíruiga nabáiñiaí daje Juzíñamuimo ínotino o uáidori. Mei Juzíñamui nana ómoína ñúefue dibénemo itátateza. Daítateza. Jae níie.

SAN PABLO FILEMÓMO ORÉCABE La Carta del Apóstol San Pablo a Filemón

Pablo Filemomo cuete

¹ Cue Páblodicue. Cristo Jesús ícoinia llavécamiedicue. Cai ama izóidimie Timoteo cue diga illa llezica, Filemomo bibe cueticue. O coco tájínamo izíruiga nabáifiredimiedio.

² Afe llezica Juzíñamuimo ínotingo cai miringo izóidingo Apiamo cueticue, íemo jíái Juzíñamui uaimo iere cai nícdogafuemo nabáifiredimie Arquípomo cueticue. Iemo jíái Filemón jofomo gairífirede Juzíñamuimo jaináidinomo cueticue. ³ Mai birui cai Moo Juzíñamui cai Ocuíraima Jesucristo diga, ñúefue dibénemo ómoína itátaiteza; daje izói caimare uái illifue ñue ómoimo itátaiteza.

Pablo Filemón Jesucristona izíruilla íemo íe ínuana llote

⁴ Juzíñamui diga cue úrilla llezica omo ufbicaidicue. Ufbicaillano, jaca Juzíñamuina “Figora” dáifiredicue. ⁵ Mei o ñue o finócafue fidídicueza. Cai Ocuíraima Jesuna o izíruillana íemo o ínuana diga, fidídicue. Daje izói nana Juzíñamuimo jaináidinona o izíruillana fidídicue. ⁶ Juzíñamuimo o ínuado jíáimaci afémie uai jeire o otátallena Juzíñamuimo izire jicádícue. Afémaci o diga nana Cristo Jesúmona comútaga cai ñue ínofirenafuiai, ñue onóillena jicádícue. ⁷ Afe daí jicáfiredicue, mei ja o izíruillado ióbidicueza, daje izói áfedo cue comeci íociredeza. Daí ori ióbidicue, mei Crístomo ínotino odo comécina fíracaiáioiza.

Riire ocuícamié Onésimomo Filemón dúecaillena Pablo íemo jicade

⁸ Iemona ja birui, Cristo orécamiéna cue íllado omo dúide finolle raana riire ocuiredicue. ⁹ Mei íadi afe izói ócuiñeiticue. Riire ocuilla baimo caimare jícana gáidícue. Iemo conímana coco izíruillamona omo jícaiticue. Ua ja cue éiromadicue, íemo jíái Cristo Jesús llavécamiedicue. ¹⁰ Daí cue íllamona, daa cue onóigamiemo o dúecaillena jicádícue. Benó cue llavéjina llezica afémie cue jitó izóidimienaa jaide, mei afémie comécina Jesucristomo ínuua mei afémie jaináitaticueza. Afémie Onésimo. (Jesucristomo íe ráifidimienaa omo íllana jaca comécíñedio.)

¹¹ Naui Onésimo omo ráifíñedimie izoide. Mei íadi birui cue o diga afémie ráifidimie izói tájirede. ¹² Meine abído íena omo orédicue. Afe íe cue ória cue iere izíruiga úrue ória izoide. ¹³ Nai benomo ñúefue ícoinia cue llavébilla llezica, afémienaa “Benó cue diga fiebi” uáfúena daíacadicue, o méifomo afémie cue canóllena. ¹⁴ Mei íadi nai o jii dáíñenia minícana ocuícacñedicue. Daí daidicue, o cue jícajana ocuilla izói íñeillena. Mei jíáifodo dama o comeci jitailla izói cue jícajana o fínuana jitáidicue. ¹⁵ Nibai Onésimo naui fia nígarui fídi oni o abímonaa jaide, meine billano biruímonaa o abímo afémie jaca ninomo íllena. ¹⁶ Iemona birui riire ocuícamié izóíñeno, mei jíáifodo izíruiga ama izóidimienaa afémie o diga írede. Afe jira naui riire ocuícamié baimo ñúemienaa o diga írede. Afe bímie iere izíruiticue, mei íadi o cue baimo íena izíruiredio. Birui daa afe ñue tájítallimie izói íena izíruinidío, mei afe baimo cai Ocuíraimamo jainaide ámana o izíruilla izói, afe izói íena izíruiredio.

¹⁷ Iemona uáfúena cue nabáidimie o íadi, cue o llínuua izói, afémie o llínnori. ¹⁸ Nibai nano afémie fíenide raa omo finóadi, íemo jíái nibai miníca omo íbañenia, cuemo jica, cue íbállena. ¹⁹ Ona uafue cue daítallena cue ónoído cueticue: Afena íbaiticue. Cue Páblodicue. Mei jíáifodo cue ona uibíñotaredicue, dama o ñue méidoga abí cuemo dúide, mei Juzíñamuimo ona ínotadicueza. ²⁰ Ua mii, cai Ocuíraimamo o ínuamona, afe bímie o llínuuado caimare cue itátari. Crístomo dájéna jainaide ama izói cue comeci fírari.

²¹ Omo cueticue mei o jíruifirena ñue onódicueza. Jiái onódicue, cue ocuica baimo finóredio. ²² Afe llezica cue iníllico uieécodo raire finori. Mei bie izói ocuítidicue; Juzíñamuimo omoi jícallemona, Juzíñamui omoi cue eróizaibillena cuena óreite.

Iraicaiño uáidua, caimare ñúefue dibénemo omoi itátallena

²³ Cristo Jesús ícoinia cue diga llavécamié Epafras uai omo orede. ²⁴ Daje izói jiáie cue táijinamo canódimaci Marcos, Aristarco, Demas, Lucas diga omo uai orédiaioi.

²⁵ Mai mei cai Ocuíraima Jesucristo ñúefue dibénemo ómoína itátaiteza. Daiítadeza. Jae ñie.

HEBREO IMÁCIMO CUEGABE

(*Daa bimaci jiáifodo mameina Judíuai*)

La Carta a los Hebreos

Juzíñamui ie Jitodo ja comínimo úrite

¹ Jaiai ninomo cai judíuai jaiáidigimamo Juzíñamui úrite. Ua, ie uai llórainido diga icaíño, diga jiáifodo jóoide uáillaído úrite. ² Mei íadi ja birui íirairuillaído Juzíñamui ie Jitodo caimo úrite. Bie Jitó uaido Juzíñamui jaiai bie éniena naa úcuairi finode. Iemo naga raa íeiena náamatalena Juzíñamui íena mamede. ³ Afe Jitó ie Moomo ite ebíredena jino cíotatimie. Daje llezica afémie jino náiraimo cíotaga; ua daje Juzíñamui izóidimie. Nana finoca ráaniaina afémie dájena jaináitano ie ñue riírede uáillaído nágarui ñue jaícina finócana uite. Bímie, cruzmo dama ie die tótajado cai fiénidifuiái ñue múiñua mei, caífo monamo ite Juzíñamui nabezi dibénemo ráinazaide, dinómona nahí illáimaillena.

Juzíñamui Jitó Juzíñamui abi imáciai baimo fígomie

⁴ Afémie afe jamánomo riíredinomo jáillamona, nana Juzíñamui abi imáciai baimo fígomienna jaide. ⁵ Juzíñamui ie abi imácimona dáamie jaca “Cue jitódio” daiíñede. Ua, “Cue Jitódio, ja birui illáimana o jóoneitícue” jaca daje izói íaioina daiíñede. Mei íadi ie Jitó Jesucristona daií daide. Daje izói ie abi imácimona dáamienna “O moona íitícue” daiíñede. Dáanommo “Cue jitóitio” daiíñede. Mei íadi Jesuna daií daide. ⁶ Ua Juzíñamui ie izoide daade Jitona bie éniemo comúitajano daide:

Mai, nana Juzíñamui abi imaci, bie cue jitona jacíruiocana ñue omoi ióbitari.

⁷ Mei íadi abi imácina Juzíñamui daide:

Bimaci cue abi canórainina íllamona, íaioina ocuífiredicue. Iemona jairifo raire náida-cailla izói, bimaci cue ocuícana raire jetáfirediaioi.

Afe izói nana cue canófirede cue abi imaci jacírede boode iraici izói, íaioina ocuífiredicue, —daide.

⁸ Mei jiáifodo ie Jitona daide:

Juzíñamui o íllamona, o illáimana illirui jaca ninomo zíñona íite.

Ñue comécina jaícinainafuedo jaca illáimaifireitio.

⁹ Ua, comécina jaícinainafuena izíruitio, mei íadi fiénidifuiaimo éoicana eróidíio.

Iemona Juzíñamui, ua o Juzíñamui, jae ona ióbitade.

Nana Juzíñamui uaina jíeruite o nabáñiaí cáimadua baimo, cáimatagao, —daide.

¹⁰ Jiáinommo ie Jitona Juzíñamui daide:

O Ocuíraimadío.

Naga ráaniaí o táinia mei, bie énie finódio.

Nana monamo ite naga úcuai o ónoído finócana.

¹¹ Afe énie naa úcuairi niné táinocaitiaioi, mei íadi o jaca zíñona íitio.

Aféniaí jácara iníroillaí zabilla izói zábitiaioi.

¹² Iemo inícuíro dócoiano oni jóonia izói, oni eneno íaioina jóoneitio.

Iemona iníroi jiáiroina abimmo jita izói, bínie naa ucúduairi méidoficaitiaioi.

Mei íadi o jaca méidoñellioza, dinó níimieitio.

Omo itífue jaca zíñona íite.

¹³ ¿Ñie mei ie abi ímiemo Juzíñamui llogámie:

O fairíconí o anamo cue anáfenotalle llezica mai benó cue nabézimo illaíma nabai izói ráinazaíbi?

Daií dainámiena íñede. Dama ie Jitó Jesuna daií daide. ¹⁴ Nana afe Juzíñamui abi imaci Juzíñamui ocuica canófirede jóriaíai. Ua Juzíñamui orécaiaioi, afémiedo jíllloitino ñue rairuíllena.

2

Cristo caimo lluaíbiga jíllona uaimo ñue úiñoredicai

¹ Ie jira Juzíñamui Jitó, Jesucristo daií naga illaima baimo jáidimiena íllamona, nana Juzíñamuimona cai cacana uailai jeire cai olle iere jitáirede; omoi jefóniai ñue jinéoiri. Aféuaimo ñue omoi cacáreiri, oni nibéfodo fiénidífue mo cai báiiñeillena.

² Mei Juzíñamui jaiiai ie abi imácido llogáuai jaca oni caitánide. Naga aféuaina jeire oñédino naa cacáfinidinori raire iere duere finócaiaioi. Mei afe fiénidífue ínuamona Juzíñamui íaioimo jaícina íbana ote. ³ Mei íadi birui aféuai baimo jamánomo ñue ríirede uaina cacádinodicai. Ie jira bie Crístonona cai cacana uáillaina jeire cai óñenia, ¿níífuedo jaícina íba uáfue mona jíllotícacai? ¿Jíllonidicacai! Afe baimo ñue ríirede uai nano fueñe Ocuíraima Jesucristo caimo llogáuai. Ie mei ie dáinana cacádinodo aféuai jae cai uafue daiíllena llotátaga. ⁴ Afe íaioi daína uaimo onótate raado Juzíñamui ñue uai nabáitate. Iemo jíai jacírede raado, aillo cíórainina raa díga afémie ñue uai nabáitate, íaioi daínauaimo ñue cai ínnollena. Afe llezica Juzíñamui ie jitáinafue izói, ie Ñuera Joreño ñúefuiai finolle ríino, illa dígamierie íaioimo fecade, daje izói caimo.

Jesucristo Juzíñamui Jitó íadi afémie cai illa izói, fia cómena íficaide

⁵ Cai úrifirena ñuera úreitiruillaido níimie illáimaillena, Juzíñamui ie abi imácina: “Ílláinina jáitíomoi” daiíñede. ⁶ Mei jíaífodo comínina illáimaitaacade. Jaiiai Juzíñamui Cuegáuaimo David Juzíñamuina daide:

¿Níi naga come Juzíñamui díbénedo jamáimíina!

¿Níbaí mei íaioimo comécíidí?

¿Níbaí mei íaioi jíttíaimo járitaití?

⁷ Mei uáfue na due jiza o abi imaci jofófenemo comínina comúitatio.

Íllaima ebírenano naa ñúefue díga íaioimo níttíidí.

⁸ Naga raa íaioi anamo o itátatio.

Daií naga raa íima anamo itábicaillamona, jae minica ie anamo itábicaíñedena íñede. Mei íadi ja birui íima díbénedo naga raana náamatañega. Afe izóíñedeza; afémie nahí náamañede. ⁹ Mei íadi jíaífodo birui Jesuna cai onónamona íemo comécíidicai. Afémie nana íanori due jiza Juzíñamui abi imaci jofófemo jóonegamie. Aféruído afe Jesús nano cai jíáinona, tíilla onóíllena facade; mei afe llezica nana comini fiénidífue ícoínia Juzíñamui zóofegamieza. Ie mei tíide meine abído cáanamona jamánomoidimíena jaide. Afe mei afémie, illaima izói, ñúefue na níttíicamie, jae ebire finócamie, mei nauí ie tííllaruimo iere duere ie zefuíllamona. Juzíñamui caíri dúecaíllano, nana comini níne táinocaitañellena cai ícoínia Jesuna daií zefuítate.

¹⁰ Juzíñamui daií ie Jitó duere finoille caímare íemo jóbide. Ie jira Juzíñamui íaioina jíllotaite ífódímie duere zefuíllafuedo nana cai jíllonafue na ñue fuitade. Mei jíi, naga raa Juzíñamui íeíena ie ínuamona ja birui itíaioi. Afémie nana comínimona aillo jíttíicai jíllotícaide ie caímare ebírenanomo dáanomoi íaioi dúcízaiillena. ¹¹ Mei Juzíñamui díbéne mo oni jóonetímie Jesús, nana Juzíñamui díbéne mo oni jóonegamaci díga daje Juzíñamuina móorediaioi. Iemona, cai baimo jamánomoidímie íadi, Jesús “Cue ámatiaídiomoi” daií dáinana meáruíñede. ¹² Afémie Juzíñamuina daide:

O mámece cue ámatiaímo jíno llóitícaie.

Nana omo gairídino cígíri rocana ñúefue omo níttíitícaie.

¹³ Jíáinomoi Cuegáuaimo daide:

Cue Juzíñamuidí. Omo ínoitícaie.

Ie mei jíáinomoi daide:

Be, benó itícaie, Juzíñamui cuemo iga naa úruiaíri.

¹⁴ Onódiomoi, nana cai jae cómena comúitagacai. Daií cai íllamona, daje izói Jesús dama cómena comúibicaide. (Ua, fia come izói jéiciga.) Afe mei come abi

íemo íllamona, ie tíllado cai títaite Taífena ríinitade. ¹⁵ Jaiáimona nana tílle jágiedo Taífemo rairuícamacidicai. Mei íadi Jesús jae cai jacíruiñeillena nane ñue cai finode. Ja ráiruiñeganona afémie daií cai ñue orede, nana nauí cai caana llezica tíllena jacíruiticai íadi. ¹⁶ Mei uáfodo onóigaza: Jesús ie bíllado Juzíñamui abi imácina cánuaibiñedeza, mei íadi cómena íficaillano nana Abrahámona comuídigimana cánuaibite naa jáíe Juzíñamuimo ínotinori. ¹⁷ Afémie cai cánuaibillemona ie ámatiai nana íaioi illa izói afémie íficaillana iere jitáiredeza, mei dúecaifirede nahí comínimona Juzíñamuimo comínido úritillaimana jáideza. Ua ínofirega Juzíñamuimo úriraimana jáiacade, afe daií ie tíllado comínimo ite fiénidifuiái oni muiñóllena. ¹⁸ Mei Jesucristo íaífue fieni facátafuaimona duere zefuide, aféfuemo baiñede íadi; íemona ja birui fieni Taífe facátagamacina cánua ríino Crístomo íteza, ja caina ñue canórede.

3

Jesús Moisés baimo jamánomoidimie

¹ Ie jira, cue ñue ámatiai, Juzíñamui uáidogamací díbénemo jaináidimoiza, Jesumo izire comeci omoi facari; ua cai jeire oga ñúefue lluaíbitagamiemo ñue comeci omoi facari. Iemo nane Juzíñamui díbénemo caído ñue úritimiemo, mai íemo comeci omoi facari. ² Bie Jesús íena daií mamédimie ocuica uaina jaca nágaruillai ínofirede; ua, jaiáidimie Moisés nana íemo llogáuaina jeire ófirena izói, afe izói bímie nana íemo ocuica uaina jeire ófirede. ³⁻⁴ Jae onódiomoiza naga jofo come niga; dama abina niñedeza. Mei íadi naga ráaniai finódimie Juzíñamui. Iemo daje izói ja onódiomoiza, naga jofo niraima afe nigaco baimo ñúemieza. Afémiemo jamánomo ñúefue jóonere. Ie izói afe bie Jesús Moisés baimo ñúefuena nitáregamie, mei naga raa afémie comuítagaza; íemo jáíi daje izói Juzíñamuimo cai jaináinana Jesús comuítateza. ⁵ Ua, afe Moisés nana Juzíñamui íemo llogáuai, Juzíñamui díbénemo táijiacadimie izói, aféuaina ñue jáicina Juzíñamui eneno nizeca Israel náiraimo llotátate. Afe daií afémie ie méifodo bite llófuellifue uai nabáitate. ⁶ Mei íadi Cristo, jofona náamataga Jitó izói, nana ie anamo itínona ñue jáicina ocuíoide. (Afe daií Cristo Moisés báifene ímienaza onódicai, mei naga jitó, jofo ero táijiraíma baimo itímienaza.) Iemona Cristo dáinana, cai ínuafue ñue ríire itífuedo are illa ícoimo jeire cai oíadi, Juzíñamui comínidicai. Afe llezica afémiemo caimare cai úínuana jitáirede.

Juzíñamui comíni comeci caimare uái illafue

⁷ Ie jira Juzíñamui Ñuera Joreño jaiái Cuegáuaido daíde:

Birui Juzíñamui daínauai omoi cacana llezica omoi coméciai ríiretañeno iri.

⁸ Jaiái énie zaféredinodo Israel comíni facátaruimo afémaci íaioi comeci ríire fínuano Juzíñamuina uáitatiaioi.

Jíi, afe izói omoi íñeno iri, daíde.

⁹ Iemo nane Juzíñamui daíde:

Aféruillaído jaiái omoi uzútiai Judíuai cuemo íñoñeno fieni facátafuedo cuena facátatiaioi.

Cuarenta díga fimónado nana íaioimo cue finócafuiaina ciódiaioi íadi, cuemo fieni comécidiaioi.

¹⁰ Ie jira afe bigíma cuena ríicaitade.

Afémacido daídícue: “Íaioi comeci cuemo figo jaináíñenamona, cue lloga io onóñeno oni nibéfodo jáidinona itíiaioi.”

¹¹ Iemona áferi icírillano rírede uaido daídícue: “Jaca cue lloga caimare comécina uái ocózinaillana óñeitiaioi,” daídícue.

¹² Amatiai, daje izói figóñede, ñúefuena íáiruiga íñoñede comécimona mai abí omoi rairuiri, afe izói omoi íñeillena. Mei afe izóidimie cai caade Juzíñamuimona oni eneno jica íteza. ¹³ Mei íadi nágaruillaído, Juzíñamui ómoína nai uáidua llezica, Juzíñamui

dibénemo ñue riire jainairi. Iemo dani ómoimona ñue lletari. Daií ñue omoi llóiri, fiénidifue ie abí jífuiafuedo buna ómoimona dáamie comécina riireñellena. ¹⁴ Mei nanóidemono caimo ite izire ínogafue, riire fáicanocaiñeno uáfueña cai onóyadi, jae Cristo dibénemo jaináidinodicaí. Aféfuemo rairuíñeno ñue omoi jíeruiri.

¹⁵ Juzíñamui Cuegáuai daií daide:

Birui Juzíñamui daináuaina omoi cacana llezica, jaiái Israel Juzíñamuina uáitajaruimo comeci riireña izói, omoi comeci riiretaneño iri.

¹⁶ ¿Bu mei afe Juzíñamui uai cacáđino íadi, nane dáanomo íena uáitate? Mei nana Egíptomona Moisés bairócamaci Juzíñamuina uáitate. ¹⁷ ¿Mei nímaci cuarenta diga fimona Juzíñamuina icíritate? Mei nana afe Juzíñamui uai íñoñeno fiene finódino; ñí afémaci ícuruai énie zaféredinomo fiénocaiga. ¹⁸ ¿Ñí náiraina riirede uaido Juzíñamui daide: “Jaca cue lloga caimare comécina uái ocózinaillinomo dúciñeitiaoi?” Mei nana afe ie uaina cacáđinona íadi aféuaina jeire oñéđinona daií daide. ¹⁹ Daií íaioina dáinana íaioi íñoñenado jofo cáimanomo dúcinidiaioi. Ua daií ñúenomo íaioi dúciñenana onódicaí.

4

¹ Ja birui Juzíñamui uafue caimo lloga caimare comécina uái ocózinaillana cai olle uai caimo ite. Aféuai nai caimo illa llezica mai ómoimona dáamie aféuai comécimo óñeillena daiítadifueña mai abí omoi rairuiri. ² Mei uafue cai bie ñúefueña llogámacidicaí. Ua afe jaiái Egíptomona bairócano ñúefueña llóina izói ñúefueña llogámacidicaí. Mei íadi íaioi cacana uai figo íaioina canóñede; mei íñoñediaioiza fia táinona cacáđiaioiza. ³⁻⁴ Mei íadi Juzíñamui lloga caimare comécina uái ocózinaillinomo nahí jofo jáidinodicaí, mei ie uaina ñue cai ínofírenado. Birui Jesumo cai ínuamona, caimare comeci jacíruiñenafue dibénemo jóonegacai. Jira ocózinairanomo táijñeno cai illa izói, jae caimare uái iticaí. Ie mei uire Juzíñamui illánomo ñue afémie diga caimare uái íticaí. Jaiái íñoñéđinona Juzíñamui daide:

Iaioimo cue rícaillano ñue riirede uaido daidícue, “Afe cue lloga caimare comécina uái ocózinaillinomo jaca dúciñeitiaoi,” daidícue.

Daií Juzíñamui íaioina daide. Mei íadi ua íaioi caimare illí fue Juzíñamui are uícomo mamécaza; mei jae are énie ie comúitajaruimona, nana Juzíñamui ie finócafuiái, naa caimare cai illífuiairi, jae fuitádeza. Mei Juzíñamui jíáinomo ie Cuegáuaimo afe ie ocózinaillaruido úrite; daide:

Juzíñamui seis dígarui táijide; ie táijina mei siete iruimo nana ie finócafuiaimona caimare uái ocózinaide.

⁵ Afe mei jíáiruido ie Cuegáuaimo Juzíñamui daide:

Cue lloga caimare comécina uái ocózinaillinomo dúciñeitiaoi.

⁶ Iemo ñúefueña nanoide cacáđino íñoñenamona afénomo jofo íaioi jáinina méifomo, áfeo nai jíáimaci jáillena túide. ⁷ Ie jira Juzíñamui diga fimona jailla mei, David roránicuaído comini uáiduano meine jíáie billíruí íaioimo llote. Afécuaímo, due jiza íllamona cue lloga izói, Juzíñamui daide:

Birui Juzíñamui daináuaina cacáđiomoiza omoi comécina riiretañeno iri, daide.

⁸ Mei íadi Josué afe jáiáidinona nahí caimare come comeci jacíruiñenonomo uíñede. Ie jira diga fimona illa mei Juzíñamui meine abído comini caimare illíruina úrite. ⁹ Iemona afe nahí caimare come comécina uái ocózinaillafue nai ite, Juzíñamuimo jaináidimacina dani íaioiena maiñóllena. Afe ñue caimare cai illí fue ocózinaillaruido cai ocózinailla izoide. ¹⁰ Mei naga afe Juzíñamuimona oga caimare illí fueña maiñóđimie, dama ie jílluille naa ie nícidogano fáicanocaillano, caimare uái ite. Ua Juzíñamui naga ráaniai ie finua fuilla mei, ocózinaillano caimare uái ite. Afémie uái illa izói caimare uái iticaí. ¹¹ Ie jira afe

caimare cai illífuena mai ñue omoi maiñori. Mai benómona daií omoi ífireiri, ómoimona buna jáiiragima bífuena íaioi íñoñenado íaifuemo baiílla izói omoi báíñeilla.

¹² Nana Juzíñamui lloga uai, jaca íocire cáadimie izoide. Afe uai jaca ninomo ríredeza, buna oni caitánide uai. Aféuai comini ífóciaimo déífirede; ua íaioi comécina zuitáfirede. Mei jii, jáire jicaica lloéfaido abi ñeta iere jofo ícurumo raire dúcizailla izói, afe izói Juzíñamui uai nana cai comeci ífuiaí onótate. Uáfuenta cai comeci facáduana naa cai comeci jítaillafuiaíri fídiano ñue uáfodo jaícina jino caimo onótate. ¹³ Nana Juzíñamui finócafuaí íemona oni retáidonide. Ua, daa Juzíñamui cióñenamiena íñede. Nana cai comeciillafuaí cai finócafuaí daga, uáfori cai nahí jícanoraíma ui anamo ite.

Jesús Juzíñamui dibénemo caido ñue úrifiredillaíma

¹⁴ Jae Juzíñamui Jitó, Jesús, mona úillie illano iere caifófenemo jaillano, Juzíñamui illánomo dúcide. Dúciillano Juzíñamuimo dibénemo caido ñue raire úriraimana jaide; ua afémie caido úrifiredillaímana jónega. Afe bie úriraima caimo íllaza, mai nana afémiemo cai comeciilli; afémiedo cai ínogafuaí fáicanocaiñeno jaícina riire ñue íemo cai íñoilli. ¹⁵ Afe caido Juzíñamuimo úrifiredillaíma nana cai abi ríidolle ríino íñénana onode. Ua afe cai ríino íñenamona cai féraífirenana afémie onode. Ie onónamona caimo dúcaífirede; mei afémie cai izoide cómena íficaillamona, nana fieni facátafuaína cai cacana izói cacade íadi afe fienidífuiaímo baiíñede. Iemona Juzíñamui dímena jáiredicaí. ¹⁶ Ie jira Juzíñamui illáímana illánomo cai úrizaiilli; mai omoi jacíruíñeno afe caido úrifiredillaímodo Juzíñamuimo raire úrifireiri. Daií íemo úriredicaí caina ie dúcaillano cai fieni finócafuaí íba caimo óñeilla; daje izói afémie cai jítaílliruido cai canóllena, afémiemo úriredicaí.

5

¹ Naga come dibéfodo Juzíñamuimo úritillaíma comínimona nizada oga. Uano Juzíñamuimo comínido úrilla mamécamie. Daje izói afémie comini dibéfodo Juzíñamui íóbitalle ráfuiaí finófireilla mamécamie. Íaioi Juzíñamuimo ía íga ráaniaí afémie izájite. Daje izói íaioi fienidífuie íba otátañelle ía fállena fecaca tóica rílleniaí afémie Juzíñamuimo izájite. ² Afémie ríinide cómena íllamona, íaioi illa izói abina onóñedimacina fáicana comeci járitañenado caimare fíraizitaite. Daje izói oni nibéfomo baiídnona comeci járitañeno llétaite. ³ Mei afe nizécamie cai izói ríinidimie. Iemona dama íe íaífuiaí muiñolle tóica rille jíaimaci fécajilla izói, afémie jíai fécajirede. Ua nana comini dibéfodo izáíbillá izói, dama íeíena afémie izáíbirede.

⁴ Afe iere ñuera Juzíñamuimo úriraimana íllena, buna dama íe comeci jítaína izói ínide; dama Juzíñamui jónegamie daií írena. Afémie caimare jacíruigamie. Jáíádiruimo daií Juzíñamui Aarona uáidote. Uáiduano, Juzíñamui íena nizada úritillaímana jóonete. ⁵ Afe izói Jesucristo Juzíñamuimo comínido úriraimana íllena raire dama uícoficaiñede. Mei íadi Juzíñamui daií úritillaímana íe jóoniacana llezica íena daide:

Cue jítoí; ja birui illáímana o jóoneíticue, daide.

⁶ Ie mei daií daínámiena Juzíñamui jíáínomo nane daide:

Jaca ninomo Juzíñamuimo comini dibéfodo úriraimadio. Ua jáiaí ninomo Juzíñamuimo úriraima Melquisedec izói jaca ninomo Juzíñamuimo comini dibéfodo zíñona úriraimana ítío.

Aquíe izói Juzíñamui íe Jitó Jesuna daide. ⁷ Cristo cai come izói bie éniédo jáicail-laruílláido, izire écana Juzíñamuimo comeci facade. Iemo dáaruido Juzíñamuimo izire jícade. Afémie daií íena jíllotaredimie comécido úrite; daide: “Bie cue tíiacanafuemoná maí cue jíllota” daide. Iemo Moo Juzíñamui anamo afémie ñue itábicaillamona comécido Juzíñamuimo íe jícajana Juzíñamui cacade. ⁸ Daií Jesucristo Juzíñamui Jitó íadi, íe duere zefuíllafuaíido ocuilla uai anamo itábicaillana fibide.

⁹ Afemona afémie daií nana cai jíllóillífuie ñue fuitállena jamánomo jaícina fibítagamiena

jaide. Ie jira nana íemo ínotimaci dibénemo Jesús zíñona Jíllotaraimana jaide. Ua zíñona jíllonafue tainédimiena jaide. ¹⁰ Mei jira Melquisedec izóidímie Juzíñamuimo comini dibéfodo ziiño úrifireitimiena, Jesús jae Juzíñamui mamécamié.

Cai ínogafue meine abido cai jáanolle iere jacírede

¹¹ Bífuiáido aillo úriacadicue, mei íadi iere cacáacañediomoi. Iemona nai figo baitáñedino izói itíomoi. Daií omoi íllamona, bífuiái ómoimo jino cue llole iere féirede. ¹² Naui nano Crístomo omoi ínuaruimona jae diga fimona jaide. Iemona jae oni jíáimacimo omoi llófuerizaille iere jitáirede. Mei jíáífodo ja birui meine abido Juzíñamui llogáuai tainéinafuiaina ómoimo jíáima llófuelle jitáirede. Nai monoi jirode úrue izói meine abido úruetaidiomoi; nai figo baitáñedino izói itíomoi. Ua llíciaina nai rínide izóidinona abido jáidiomoi. ¹³ Mei jíi, naga monoi jirófiredino, móonaiñena llezica nai dúetiru. Daje izói naga Juzíñamui anamo ñue jaícina caina móonaitade llófueinafue dibénemo baitáñedimie nai úrue izoide. Mei afémaci nai móonaiñeno úruiai izói baitáñediaoiza. ¹⁴ Mei jíáífodo dama móonaite écomini llíciaina rírena. Afe izói Juárezde llófueinafue ñue onona dama comécina ñue jéedimacimo dúide; mei afémaci aillo facáfirenamona ñúefue íénidífue baimo ñue onónana fibídiaoiza.

6

¹ Ie jira afe nánoide Cristo dibéfodo llogáfuiái ómoimo llúana ja mozíñocaidicue, jíáie cómfue ómoimo jino cue llóllena. Omóimo cue llole bie cómfue, Juzíñamui llogáuailaido ómoina ñue jaícina móonaitaite. Aféfuiái mai jeire cai olli. Nano uícodo lloga ñúefue jillácina meine abido diga icaiño ómoina llófueñeiticue. Afe nanóidífuiái bie izói daide: “Ómoina jíllotañeite omoi nícidogafuiái fáicanocaillano ñúefuena méidori. Méiduano, mai Juzíñamuimo omoi íñori,” daide. ² Iemo afe nanóidífuiái báutizaafuedo úrite. Iemo dáanomo onoi cómemo bítafuedo úrite. Daje izói come tíille mei, afe tíidinomona meine abido cáailífue llote. Afe emódomo, íirairuimo Juzíñamui nana comínimo jícanolle mei zíñona duere finótallifuedo úrite. ³ Nana bie nanoide llogáfuiaina meine abido llófueñeiticue. Mei íadi, Juzíñamui comeci jitaina izói, afémie cue canóllodo, ñue móonaitadífuiaina omoi llófueiticue.

⁴⁻⁶ Daií birui ómoimo llófueacadiceza, mei nanóidífuiaina uáitajano oni jíáífodo féiraitimíiai íaioi illafue nano ñue ínogafuena jaca méidonide; mei afe ñúefuena nai náfueñediaoiza. ¡Mai, abi omoi rairuiri! Afe daítadimaci naui dáaruina Juzíñamui llófuegamaci izóidiaioi; ua Juzíñamui dibénedo ífócina déitaganona itíaioi. Daje izói, monamo ite Juzíñamui daína caimátallífueena facádiaioi. Iemo daje izói afémaci Juzíñamui Ñuera Joreño úicaillana jae facádiaioi. Afe llezica Juzíñamui ebírede daináuai cómena ñúetatífueena afe íaioi fácamona, ñúerana onódiaioi. Afe emódomo, Juzíñamui Jitó uire illáimana illírui llezica, íemo ite comini cáimadolle ríinodo jae bimaci canócaiaioi. Jae nana bie núefuiaina fibídiaioi. Mei íadi afe mei Juzíñamui ífuiaina móonaitaoiñeno, aféfuiaiána íaioi uáitaiadi ñúefuena méidofínidinona jáidiaioi; mei daií afémaci íllamona Juzíñamui Jitona cruzmo fatátatimaci illa izói afémaci dani itíaioiza. Ua nairai uíecori íena jífánodoia izói íena meáidaitadiaioi. ⁷ Bie izoide comini comue jacafai aiñena izoide. Juzíñamui bíitaga noci naga éniemo diga ícaiño bíide. Iemona afe éniemona ñue ria aite, afe éniemo tájídino güíllena. Aféniena Juzíñamui ézicite. ⁸ Iadi jíáinomo noci bíilla mei, daa figóñede éegíai ailla, naa zaie diga. Afe izóidinie ráifíñedeza; ñibai íanori íllamona Juzíñamui fáidoite. Iirainomo afénie jobáillamo dúide, naa afénomo zicódinuairi mei figóñedeza.

Cai úiñoigafue caina riire nabaide cai ínogafue féiñellena

⁹ Mei íadi cue izíruga ámatiaidiomoi. Jae cue lloga faidórafue baimo jamánomo ñúefuiái dibénemo jaináidiomoi. Ua omoi jíllonafuemono comuide cáimaduafuiái

maiñófirediomoiza. Aféfuena ñue onódicue. ¹⁰ Juzíñamui comécina jaícina jóidimie. Iemona nana íena omoi izíruillamona omoi finoca Juzíñamui comini cánua ráaniaina, afémie féitañede. Daje izói aféfuiaimo nai birui jíeruitiomoí. Ua Juzíñamui jaináidinona izíruillano, ñue afémacina riire canófirediomoí. ¹¹ Ie mei birui afe izire omoi nícidua izói, daje izói ómoimona illa dígamieriena Juzíñamuimo ocúiriri daidicue. Iemona omoi íinogafuiai jeire ómoína otátaacadicue, omoi úiñoigafue táinomo fáifiñeillena, mei jíáifodo ñue jaícina omoi fuitállena. Afemo ómoína nágarui izire coméciiri daidicue. ¹² Daií izire omoi comécioillamona ráiraiedino illa izói íñeitiomoiza. Mei omoi ñue comécioillamona, jíáifodo daade Juzíñamui lloga ua caimare illafue dibénemo itino illa izói íitiomoiza. Afémaci íaioí íinogafuedo íaioí abina ñue finóinafuena Juzíñamuimona otíaioí. Ua comeci járitaiñeno are illa ícoimo Juzíñamui uícodo íaioimo lloga ñúefuena maiñóroidiaioí. Íaioí illáfue mo ñue omoi coméciiri, íaioí illa izói omoi íllena.

¹³ Mei jíi, Juzíñamui iere íinofiregamie. Jaiai Abraham illáruimo Juzíñamui uafue uai Abrahamo llote. “Aillo comini jebuítaitio” jaiai uícodo íemo llote. Llua llezica uafue daiíllena Juzíñamui dama ie mámecina llíinote, aféfuena Abraham ñue íinollena. Ua Juzíñamui dama ie mámecina llíinote, mei jíáie baimo jamánomoidimiena íñédeza. ¹⁴ Daií Juzíñamui Abrahamo daide: “Uafue iere ona ñue caimátaitaiticue. Jae cue o jítoretallemona, o erófene igímána jamánomo iere jebuítaiticue,” daide. ¹⁵ Iemona Abraham comeci raire járitaiñeno, díga fimona afemo úiñooida. Daií ie ocúirina mei, afe Juzíñamui lloga caimare ie nairai jebuíllifuena Abraham ñue maiñódeza. ¹⁶ Bñie comini cígimona dáamie uáfue daiafacana llezica, afémie baimo riiredimie mámecido uafue daiítate. Daií lloga uaina buna oni caitáiñede. Nana dani íaioí júfidogana záitate. ¹⁷ Daje izói Juzíñamui ie lloga finóllifue, jíáie ñue riirede uaido, aféfuena iere uafue daide. Afémie daií dáideza, mei ie uícodo lloga ñúefuena máíñoitino, afefue ua jíáifodo méidonidena jino íaioimo uáfodo llóiacadeza. ¹⁸ Daií Juzíñamui mena caitánide uáillaído íaioimo llote. Afe ménacaiño ie daina dibénemo Juzíñamui táinona llónide. Afémie daií daide, afemona cai comécina ñue íociretallena. Iemona caimo ie lloga ñue cai jíllonafue mo fáicanocaiño íinofiredicai. Mei jíi, cai jíllotaraíma Jesucrístomo jarire jaillano caina ie úiñotaga comeci íaifue dóllena raire íemo jícadicai, caimo ite fiénidifue íba óneillena. ¹⁹ Afémie cai jíllotallena caimare úiñooidicai. Iemona afémie caina daináuai cai comeci nífuenina ñue mozíoitade. Ua cai úiñoigafue caina riire nabaide cai íinogafuiai féiñellena. Daií comeci docáiño ñue riire nabáitaga jacíruíñedinodicai. Mei cai jíllotaite cai úiñogamie Jesús, caifo monamo Juzíñamui nahí ie iránomo íteza. ²⁰ Afe Jesús, cai jáillio ífódimiena afénomo jae jaide. Daií íllamona afémie jae comínido Juzíñamuimo zíñona úritillaímana jaide. Ua, jaiai Juzíñamuimo úriraíma Melquisedec izóinada, Jesús jaca ninomo caído úrite.

7

Jesús, jaiai Melquisedec illa izói comínido Juzíñamuimo úriraíma

¹ Afe Melquisedec Salem jofue illaíma. Afe llezica afémie comini dibéfodo jamánomoide daade Juzíñamuimo úrifiredimie. Jaiai illáruimo Abraham jíáie aféniemo ite illáinina anáfenuaide. Íaioína anáfenuano Abraham meine bítemo, afe Melquisedec io anamo Abrahamo dúcizaide. Dúciillano Melquisedec, Abraham abi ñue finóllena Juzíñamuimo jícade. ² Afe llezica Abraham nana ie bairoca ñuera ráaniaimona, Juzíñamui íena eneno mameca ráaniaina, Melquisedécimo raiñoñeno fia fecade. Melquisedec nanoide daina mámecei “Comécina jaícinaidillaíma” fueñe daiafacade. Ie mei afémie nane jíáici ote: “Salem Illaíma.” Afeci “Comini comécina caimare uái itátatillaíma,” daiafacade. ³ Afe Melquisedec moo mámecei jaca onónide, naa ie ei mámecei díga. Daje izói ie emódoídígima jíái ónoñega. Daje izói afémie jocóinarui ónoñega, ie tíillarui díga. Iemona afémiena

comini “Ziñona itímie” daide. Afe Melquisedec comini cígiri illáfuedo Juzíñamui Jitó zíñona cai dibéfodo úriraimana illáfuenta caina fidítate.

⁴⁻⁵ Mai bífuemo ñue omoi coméciri, Melquisedécimo ite jamánomoidífuenta omoi onóillena. Ua Melquisedec, cai nanoide jáiiragima Abraham baimo jamánomoidímie. Mei Abraham ie bairoca ráamona Melquisedécimo fecádeza.

Abraham enaize Jacob doce dígade jitórede. Iemo afe jitóniai cígimona Leví comuídeza. Afémie comini dibéfodo Juzíñamuimo úrillena Juzíñamui nizeda ogámie. Ie jira nana judíuai Juzíñamuimo úriraini Leví úicoidígimamona comuítagaiaioi. Afe Juzíñamui nizeca Leví náiraina, Juzíñamui Moisés ocuica uaido daide: “Nana jáie judíuai nairai imácimona Juzíñamuimo dúide ráaniaina órediomoi,” daide. Ua Leví náiraímo íbarede, nana jáie Israel nairai daa Abrahámona comuídino íadi. Ie jira Leví comini nana afe Juzíñamuimo dúide ráaniaina llínofirediaioi. ⁶ Mei íadi afe Melquisedec, Leví nairai izie íeñede. Mei íadi afémie áfena llínofirediaioi. ⁶ Mei íadi afe Melquisedec, Leví emódidígima Abrahámona Juzíñamuimo dúide ráaniaina uáfuenta llínote. Iemona Melquisedec Leví baimo jamánomoidímieza onódicai.

Afe ráaniai ie llínua llezica, Melquisedec Abrahamo úrite. Abraham Juzíñamui íemo ñue finóllifue, uicódo fidítagamie. Iemo ja birui Melquisedec afémie ñue éziciano daide: “Juzíñamui ona ñue cánoiteza,” daide. ⁷ ¿Nibémie mei jamánomoidímiena? ¿Ezicitímie mei ñibai ézicigamie? Ua, ézicitímie baimo jamánomoina. Afefue buna jáanoñega. ⁸ Nane jáífue llóiticue. Cai cígimona eneno nizeca Leví comini, Juzíñamui íena nano mameca ráaniaina llínofiredino. Mei íadi afémaci fia comíniza tíffirediaioi. Mei jáífodo afe jáie llínnotímie Melquisedécina mámeciredímie Juzíñamui Cuegáuai daína izói, tíñeno caade izóidímie. Ie jira Melquisedec jamánomo báimoidímie. Leví imaci nai Melquisedec jofófeneidino. ⁹ Iemo jáífue Levido daírede. Leví Abraham erófene igima. Mei íadi afe Juzíñamui íena eneno mameca raana llínofiredímie jaii uicódo Melquisedécimo ie uzuma Abrahamo Juzíñamuimo dúide raana íbada. Daí Leví comini, jaii uicódo Juzíñamuimo dúide raana Melquisedécimo íbadaioi. ¹⁰ Mei Leví nai jocónena llezica ie comuíllino nai Abrahamo íteza. Ua Melquisedec ja Abrahamo dúcinaruimo, Leví jocóillino nai jaca ie nanoide uzúmamo ite. ¹¹ Israel náiraímona eneno nizécazie Leví comini. Aféziemona nizeca nanoide Juzíñamuimo úriraima Aarón. Afémie naa ie erófene igímairi comínido Juzíñamuimo úriraini. Ie jira afe úrirainido Israel nairai Juzíñamui ocuilla uáillaina llogáiaioi. Mei íadi nana afe Juzíñamuimo úriraini finócafuii comini ua zíñona jíllloillena figo jínoñede. Comini comécina Juzíñamui jítaina izói nahí jáicina jóoitañede. Aarón naa ie erófene igímairi finócafuii figo jínoñena jira, jáie afémie izóíñede baimo jamánomoidímiena jítáidicai, afémaci méifomo jóonellena. Ua Melquisedec zíñona illa izóidímiena jítáidicai. (Ie jira afe Aarón comini meífo méidoitímiena Juzíñamui jae jino náiraímo cíotote. Afémie mámece Jesucristo. Ua Aarón comini méifomo jóonegamie Melquisedec izóidímie Jesús; afémie Aarón dibéfomo jaináíñede.) ¹² Jae afe jaii uicódo ite Juzíñamuimo úriraini nana dánomo jáiiena íaioi méidua llezica, afe Moisés íaioimo ocuica uailai daje izói jáífodo méidorede. ¹³ Juzíñamui Cuegáuai daí daínámie cai Ocuíraima Jesucristo. Afe como jóonega Juzíñamuimo caído úriraima Jesús, Leví nairai ímieñede. Jáziemona comuídímie. Ie nairai ímiaina jaca nizéñega, Juzíñamuimo comínido úrillena. Ua comini fia fecaca tóica rílleniai naa ráaniai diga Juzíñamuimo izájillena, nízeñegaiaioi. ¹⁴ Ñue onógaza cai Ocuíraima Jesús Judá náiraímona comuídímie. Moisés afe náiraímo Juzíñamuimo úrirainina íllena, jaca lloñede.

¹⁵ Afe jáie como jóonega comínido Juzíñamuimo úriraima Jesús, jino cíóillamona, bífuiaina jino uáfodo baimo onódicai; mei dama afémie Melquisedec izóinaza. ¹⁶ Bímie dama ie ñue zíñona ífirenamona comínido Juzíñamuimo úriraimana jaide. Mei

jiáifodo Leví náiraimona jai ai nizeca Juzíñamuimo úriraini ocuica uai dáinado úrirainina jáidiaioi. Afe uai niie náiraimona nizéllena lloste. ¹⁷ Mei íadi como jóonegamie Jesuna Juzíñamui ñue riírede nabáitaja uaido daide:

“Melquisedec izói jaca ninomo Juzíñamuimo comínido zíñona úriraimana ja birui itíoza,” daide.

¹⁸ Iemona afe uícode ite ocuica uai jae oni caitaca, mei afe uai riínideza. Iemo jiái, aféuai comini comeci nahí duáfueña figo jínotanideza. ¹⁹ Afe Moisés ocuica uai buna comécina nahí jáicina finóñede. Mei jiáifodo jiáie aféuai baimo, ñuera cai jíllotaite úiñoigamie Jesucristo jae caimo cíotaga. Afémiedo Juzíñamuimo ánozifiredicai, uáfodo Juzíñamuimo cai úrillena.

²⁰ Afe Jesucristo Juzíñamui riire nabáirede uaido jóonega. ²¹ Ie uícode Juzíñamuimo úrirainina jáidino, riírede uaido jóoneñegaiaioi. Mei íadi Jesús comínido Juzíñamuimo úriraimana jáillaraimo, Juzíñamui riire nabaica uaido ja daí mameca. Mei Juzíñamui ie Cuegáuaimo Jesudo úrite, daide:

“Cue Juzíñamuidicue. Bifue riire cue nabaica uaido daidicue. Cue comeci faca uai jaca jiáiuaina méidoñeiticue.

O zíñona comínido Juzíñamuimo úriraimana itio;

Ua Melquisedec izóidimedio,” daide.

²² Ie jira Jesucristo, Juzíñamui jamánomo ñuera caimo comue finóllifue caina ñue onótate. Ua Jesucristo aféuemo iere uafue daide. Afe finóllifue Moisés lloga nanoide finóllifue baimo ñuera. ²³ Jesucristo uícodeiruillaimo ite Leví náiraimona nizeca Juzíñamuimo úriraini ua aillo ite; mei íaioi tícoizifirenaimona jaca jiáimiena méidofiregaiaioi. ²⁴ Mei íadi Jesús cai dibéfodo Juzíñamuimo úrillana, jaca jiáimiena méidonide; mei afémie jaca ninomo zíñona itímieza. ²⁵ Iemona Jesús nana íedo Juzíñamuimo úrizabitinona, jaca ninomo jáicina ñue jíllotarede, mei afe Jesús, íaioiri Juzíñamuimo zíñona úriraimana íllaza.

²⁶ Ua, afémie izoide Juzíñamuimo comínido úritillaimana jai ai ninómona jitáidicai. Ñue cai jíllollifue afémie caimo ñue zúitaitimie, mei afémie nahí ñuera nífuenidimieza. Afe llezica afémie nana fiénidimaci íaifuemona oni eneno rairuícamié. Ie mei afémie mona ero úcuai illa caifomo, Juzíñamui nahí illánomo uigámie. ²⁷ Jai ai uícomo ite Juzíñamuimo úritillaini nágaruillaído tóica rílleniaina fatá Juzíñamuimo izájifirediaioi. Nano fueñe dani íaioimo ite íaifue ícoinia áfeniaina izájidiaioi. Afe mei comínimo ite íaifue ícoinia áfeniaina izájifirediaioi. Mei íadi Jesús afe izói finuana jitáíñede. Afémie dácaño nana comini íaifue ícoinia dama ie abi Juzíñamuimo fecade. Ua cruzmo ie duere zefuida tíllado abi fecade. ²⁸ Afe Cristo uícode lloga ocuíllafuedo llotino, jiáie jamai figo nahí jáicina finótañede comínimona Juzíñamuimo úritillainina mamédiaioi. Mei jiáifodo, afémaci méifomo jóonega úritillaima Jesucristo, Juzíñamui ñue riire nabaica uaido jóonega. Afémie jaca ninomo nahí jáicinaitaga Juzíñamui Jitó.

8

Juzíñamui caimo cómuena finóllifue, Jesús caimo jino denódimie

¹ Nana cai dáináfuiaimona llógana bie ñue nahífuena ómoimo llóiticue: Como lloga caimo ñue jóobide caido Juzíñamuimo úriraima birui ja caimo ite. Afémie caifo monamo ite Juzíñamui nabézimo ráinazaide. ² Dinomo Juzíñamui nahí illánomo Jesús íllamona, jamánomo ñuera Juzíñamui uícomo Jesús caido úricabite, cai jíllollifue ñue caimo zúillena. Afe Juzíñamuimo cai nahí ánozirano comini fínoñega. Jai ai bíniemo ite Juzíñamuimo ánoziraco comini niga. ³ Naga Juzíñamuimo úritillaima, fia iga ráaniai, tóica rílleniái diga Juzíñamuimo fecáfireitimiena mameca. Ie jira cai dibéfodo Juzíñamuimo úriraima Jesús, daje izói dama ie fécajille raa jitáirede. ⁴ Bíniemo

afémie nibai abido ie bia, afémie caído Juzíñamuimo due jiza úriraimañeite, mei Moisés ocuícuaui daina izói Juzíñamuimo caído úriraini bíniemo nai íteza. Daje izói bimaci nai benó Juzíñamuimo fia fecaca raana íemo izájifirediaioiza. (Ie jira caído ziiño úriraima Jesús, caífo monamo Juzíñamuimo cai ie canólledo úricabite.) ⁵ Bíniemo ite Juzíñamuimo úriraini aillo ráfuiáido nícidotiaioi. Nana íaioi nícidogafuiai jánana mameide. Íaioi finócafuiái caífo monamo ite Juzíñamui nahífuiaína caina fidítate. Daje izói bíniemo ite jaiái Juzíñamuimo ánoziraco, Juzíñamui nahífuena cai fidítaraco. Afena onódicaiza, mei Moisés afeco nitátaacanaruimo, Juzíñamui íena daide:

“Caifónedumo o illa llezica omo cue ácataga afécona o ciona izói, afe izói jaícina mai o niiri,” daide.

⁶ Mei íadi bíniemo ite Juzíñamuimo úriraini nícidogafue iere afe baímo, cai caífo monamo ite úritillaíma Jesús caído jamánomo ñúefuena nícidote. Mei jii, afe Jesucristo caímo zuitaca Juzíñamui ñuera caíri comue finóllifue, jaiái Moisés lloga finóllifue baímo ñuera. Mei Moisés ocuica uai baímo, Juzíñamui uícodo lloga cómofue jamánomo ñuera uáimona comuídeza. ⁷ Afe Moisés lloga nanoide finóllifue, comini jílloillena ñue jinoiadi, jíáie uire iite ñue finolle uai jítaiñeítiaioi. Mei íadi afe naonide uai íaioi jílloillena figo jinoñede. ⁸ Afe nano ocuica uai jeire otino nahí jaícinaidífue figo dúciñediaioi. Dúciñediaioimona, Juzíñamui ie Cuegáuaimo íaioína daide:

“Uire jíáiruideo nana Israel náiraimo comue ñue cue finóllifue ócuiticue, naa Judá náirairi.

⁹ Jaiái íaioi uzútiaímo cue daina ocuica uai izói, ócuiñeíticue.

Jaiái aféruillaído Egipto éniemona afémaci billa llezica íaioína ifódicue:

Ua afémacina izire úicaidicue.

Mei íadi cue lloga ocuica uaina nano íanori fáicanocaillano, áfena figo náfueñediaioi.

Afe jira íaioína zóofeticue,” Juzíñamui daide.

¹⁰ Nai nane íaioína lluno Juzíñamui daide:

“Uíreitiruillaído Israel imácimo bie izói cue ñue comue finóllifue ócuiticue.

Aféruillaído cue ocuica uáillaina íaioi ifócimo jaícina déitaiticue.

Ua aféuaina íaioi comécido jeire íaioína otátaiticue.

Iemona afémacina dama cúeiena nane meine abido máíñoiticue.

Afe llezica íaioi nahí Juzíñamuina íiticue.

Iemo cue náiraina íitiaioi.

¹¹ Aféruillaído nana afémaci uáfodo ñue cuena ónodiaioiza, cuena íaioi onóillena abi diné jíáíma llónide.

Iemona ie abi ímíiaímo buna Juzíñamuina onótanide. Daje izói dámie ie ámamo Juzíñamuina onóillena llóñeite; mei nana cuena ónodiaioiza.

Naga jamámie, íemo jíái naga jamánomoide ríredillaíma, nana daje izói cuena ónoítiaioi.

¹² Nana íaioímo cue dúecaillamona íaioi fieni finócafuiái íbana óñeíticue.

Nana íaioi comeci íaífuiaina jaca ninomo féitaiticue.

Aféfuiaina úibiñoñeíticue,” dinó Juzíñamui daide.

¹³ Bie méifodo lloga Juzíñamui finóllifue, cómofuena méiduumona, afe uícodo Moisés lloga finóllifue jae jaiáiza feide. Afena Juzíñamui daíí uáfodo llote. Iemo naga jaiái raa zabízaillamona raire oni dotánocaiga; oni dotánocailleza cíñoñelle.

9

Bíniemo ite Juzíñamuimo ánozirano, jana izói jíáie monamo ite Juzíñamuimo ánozirano cai fidítate

¹ Afe nauí nano lloga finóllifue llua llezica, Juzíñamui íemo ánoziraco nitátate. Afe nitátaja dáaruideo, comini Juzíñamuina íóbitalle uaillai afémacimo daje izói lloga. ² Afe lloga Juzíñamuimo ánoziraco Moisés nitátaga. Afeco ere niñeno jédaciede ínroina íbácaco. Afe áreco ero ménaco titaca. Jinóidico Juzíñamui Núeco daina. Afeco eromo áillue mechera izoide egáñora ite. Siete díga dájemona boode raa ite. Dáanomo

Juzíñamui dibénemo oni enénorie rairuica pan jóonerabani ite, naa afe páaniairi. ³ Afe áinoziraco jofóidico Jamánomo Ñuera Rairuícaco daina. Afe jofóidico daje izói jédaciede iníroina ruica diné eróicana nacona ibaica. Jédaciede jígari izóidena fetaca. ⁴ Afe fetaca jédaciroi abimo uguci jobáirabani ite. Bibani llíaide órona jinófene aifftaga. Bie jofóidico eromo daa áillue ráaniai éenora ite. Cajona eroide. Afe éenoraco nana jinófene órona aifftaga. Afe éenoraco eromo Juzíñamui nofici ibícimo cuega ocuica uailai ite. Ie jira afeco nofíbicimo cuega Juzíñamui cai ocuilla éenuacona mameina. Iemo afénomo daa oro finoia nogo ite. Afégomo ite Juzíñamui monámona cocítaga güille. Afe güille mámece maná. Daa afe éenoracom Aarón jígüida izoide radozi ite. Afe idozi jamai jazici radozi óinaza dúididozi. (Zícórede juzítófe izóíñede.) Mei íadi Juzíñamui afe idózina éniemo riñeno, fia táinomona zicótano raire ñue llizítate. ⁵ Afe éenoraco ibáirabici emódomo mena oro finoia Juzíñamui abi imácina eroide jana naidáide. Mei íadi afe íaillinoi íáicorede. (Afe íaillinoi mámece ráaimona “Querubines.”) Afe íaillinoi conima uícomo eróidiaillinoi. Iaillinoi naidaina cígimo Juzíñamui cíocafirede. Afe Juzíñamuina cíóñenaza; dama ie abi egáñuana cíófirena. Afénomo faga tóiníai díena recuífirediaioi. Daií recuífirediaioi, Juzíñamui meine abido comínimo dúecaillano, íaioimo ite fiénidífue iba íaioimo óñeillena, ua afe ícoinia íaioina duere fínoñeillena. Nana afe dibénemo ite duera nícidogafuiaina ja birui benomo llónide.

⁶ Afe ocuica áinoziraco nilla mei, íemo naa ie jofó ero ráaniairi fínua mei, comínido Juzíñamuimo úriraini jinóidicomo jáifirediaioi. Afénomo íaioimo ocuica comínido Juzíñamui ióbitalle ráaniai finófirediaioi. ⁷ Mei íadi afe jofóidicomo, dama Juzíñamuimo úritillaíma jáifirena. Aféllaíma naga fimónaíaido dácaíño afeco jofó eromo jáirede. Faga tóiníai díena jaca jofó úifirede. Dama íemo ite onóñeno finoca fiénidífue ícoinia daií díena Juzíñamuimo izájide. Ie mei nane nana comini íaífue ícoinia jíaie díena Juzíñamuimo izájide. ⁸ Bífuaíaido Juzíñamui Ñuera Joreño daa jíaífue na cai fidítaiacade. Afefue daide: “Baie jinóidico nai illa llezica, jofóidicomo jiba comini jaille nai rairuírede. Ua aféruillaído jofó dama Juzíñamui illánomo jáinidiaioi. ⁹ Nana bie Moisés illáгимado nícidogafuiai birui cai onóillena canode. Ua comínimo ácatafírega raa izoide, aféruído Juzíñamuimo ánozillena nigaco, naa afe eromo íaioi nícidogafuiai, ñue jaícina caina onótate. Biruíllaído judúuai aillo faga tóiníai jíaie fia fecaca raa díga, Juzíñamuimo nai izájifirediaioi. Mei íadi afe bíedo íaioi comeci Juzíñamuimo ñue jaícina jóitanide, mei íaioi comécimo ite fiénidífuaí nai féitañegaza, fia ibaica izói íteza. ¹⁰ Nana afe íaioi nícidogafuiai fia jinófene ífuaí. Nñe izói íitiaioi daide. Dárie íaioi güille, jirolle díga fímairillafuedo úrite. Afe izói fia emódoide múiñuafuedo úrite. Nana bífuaí fia nano nié dino comínimo ocuica, mei Juzíñamui jíaífue na méidolliruimo nai dúciñedeza. Ie jira aféfuiai daa aféruillaí íena ráífide.

¹¹ Mei íadi caído Juzíñamuimo úrifireitillaímo Jesucristo, jae caímo dúcide. Afémiedo ñuera cáimafuiai caímo zúide, mei ua nahí Juzíñamuimo ánoziracomo afémie jaináideza. Afe jaiai bíniemo ite comini niga Juzíñamuimo ánoziraco jaboide. Afécomona cai ióbillafue baímo, Jesucristo jamánomo ñuera jllonafue, caífo monámona ana caímo zúitaíbite. Afémie afe nahí Juzíñamuimo ánoziracomo dúide; afeco bínie comini níñega. Dama ie nahico monamo ite. ¹² Nana comini íena, dácaíño afeco eromo ite jofóidicomo afémie jaide. Ie jailla llezica chivo díe, juráreto jiza díe díga uíñede; mei jíaífodo dama ie díe uite. Mei jíi, afémie íaífuenidímiena íllamona, cruzmo cai ífomo tíillano, ie díe tótado zúíñona cai jllonafue ote. ¹³ Jaiai Moisés daina izói, íaicaillamie íemo ite íaífue bie izói muiñórede. Múíñoñegamie Juzíñamuimo dúide comini cígido macánide. Daje izói afémie Juzíñamuimo nabáirinide. Ie jira faga tóiníai díe atírede. Iemo jíaie Juzíñamuimo mameca juráreto jiza jobailla afe jízechoma atírede. Ie mei afe íaicaillamie aféchoma

júdairede. Iemona afémie íaicaiñegamierna jaide. Mei jínofena muiñócaza. Ja Juzíñamui comínimo meine abido caimare úrrede. ¹⁴ Mei jii, Juzíñamui dáinamona afe tóiníai die rírede, come jinóidífue muiñóllena. Afefue daítania, ua onódicaiza. Mei Jesucristo die jamánomo rírede. Ua dama afémie ñue nífuenidimienado Juzíñamuimo ie abi dama izáibite. Afe ziiño Ñuera Joreño ie cánuado Jesucristo dama ie abi Juzíñamuimo izájide. Iemona ie die tótamona nana cai comécimo ite íaifuiaina muiñótate. Ua nana cai jaiáimona nícidogafuiái caina ziiñona cáatañede. Mei íadi Jesucristo díedo cai comeci múiñua mei, ua ziiñona cáatagacai, afe jaca nahí caade Juzíñamui ocuícano ráruíñeno cai jetállena.

¹⁵ Ie jira Jesucristo jae Juzíñamui comue finóllífue caimo jino zúitaitimie. Afémiedo nana Juzíñamui nizécano uafue uícomo lloga ziiñona cáimaduafuena maiñóritiaioi. Juzíñamui daí nana comini jilloillífue uícodo mamede, mei dama Cristo tíllado comini fiénidífuiái Juzíñamui dote. Ua jaiái uícodo lloga nanoide finóllífue illa llezica, nana aféruimo afémaci fiéni finócafuiái ja birui Cristo tílla jírari, Juzíñamui dote; duano, nana íemo íinotínona jíllotate. Daí Juzíñamuimo ziiñona caimare nabáirillafue maiñódiaioi. ¹⁶⁻¹⁷ Afe maiñórrillafue, come tílla méifomo íitífue izoide. Dámie tíadi ie fiébide feci raa jáimie oni líinoga. Afémie nai tíñenia, feci raa oni líinoitimie minica raana nai líinonide. Ie jira oni líinoitimie íemo dúide raa maiñóllena, afe raa naama tílla jitáirede. Daje izói Juzíñamuimo caimare nabáirillafue cai maiñóllena, Cristo tílla jitáirede. ¹⁸ Afe jira jaiái uícodo lloga Juzíñamui ñue finóllífue tániaruimo díena recuíñorediaioi. ¹⁹ Moisés nana afe ocuica uailái nana comínimo jino llua mei, afe uailái cuiábicimo faga tóiníai díena cuirínote. Daje izói afe mei nana comínimo cuirínote. Ua llua mei, Moisés duera “hisopo” daina raroci líinote. Líinuano, afécimo jáirede oveja itíraína maíte. Iemo jáinoina jaicuica díedo afe rarócina riáitate. Ríaitano, ocuilla uai cuiábici naa comíniri díena cuirínote. ²⁰ Cuirínua llezica Moisés daide: “Juzíñamui ómoiena ocuica ie finóllífue bie die uafue daítate,” daide. ²¹ Daje izói aféruillaído Moisés íaioi iniroi finoina Juzíñamuimo ánoziracomo díena cuirínote. Daje izói nana afeco eromo ite Juzíñamui íóbifirena raamo díena cuirínote. ²² Ua, Moisés ocuica uai daina izói jamánomo díga raa, díedo Juzíñamui dibénemo dua izói ñue finoca. Iemona die tótañegana comini comeci íaifuiái íba jaca órede.

Cristo dama ie abi Juzíñamuimo izájille comini fiénidífuiaina muiñode

²³ Afe comini niga Juzíñamuimo ánoziraco Juzíñamui ocuide, naa afeco eromo ite ráaniairi. Iemona nana afeco eromo ite ráaniairi Juzíñamui dibénemo ite nahífuiaína jánana cai ciona izói caina onótate. Nana biniemo ite afeco ero ráaniai Juzíñamui illánomo nahí itífuiái jana. Ie jira biniemo ite ráaniai dibénemo figura Juzíñamui daíllena, bie die recuille jitáirede. Mei íadi Juzíñamui nahí illánomo jáifireitino dibénemo, bie die baimo ñuera Juzíñamuimo fia izájifireille raa jitáirede, afémacina Juzíñamui iere figura daíllena. Ua tóiníai die baimo Jesucristo jamánomo ñuera die jitáirede. ²⁴ Iemona Cristo tílla llezica, afe Cristo biniemo ite comini niga Juzíñamuimo ánoziracomo eromo jofo jáiñede. Afe bico fia nahico jana. Mei jáífodo Cristo, Juzíñamui nahí illánomo caído úrillena jae cíocaizaide. ²⁵ Afénomo Cristo dama ie abina, díga icaiño meine nane izájiñede. Mei íadi biniemo ite Juzíñamuimo comínido úritillaíma, naga fimónado faga tóiníai die uillano, afe Juzíñamuimo jáiraco jofoide iere ñuera rairuíredicomo jaide. ²⁶ Afémaci jáifirena izói Cristo jáifirena figóñede. Mei nibai afémie daí díga icaiño jáiadi, íemo énie finuaruimona afémie afe izói díga icaiño meine abido tírede; mei íadi afe izóiñedeza. Afémie cai illáruillaído jaiái lloga Juzíñamui finóllífue fuilla llezica, dácaiño fia cómena íficaillano caimo cíocaizaibite. Ua afémie

bíniemo cai jíáinona ie tíizaibillado, nana caimo ite fiénidifuiái niné féillena oni dote. ²⁷Ja onóigaza, naga come bíniemo dácaiño tíide. Tíilla mei, íaioi illafue Juzíñamui jaícina jicánoite. Aféfuena daje izói ñue onódicai. ²⁸Daje izói Jesucristo, comini fiénidifuiái oni dóllena dácaiño tíizaibite. Ie mei uire jíáiruido afémie fiénidifuiaina duáibiñeite; mei jaiái ie dógaza. Mei íadi afémie uafue meine dáanomo cíocaizaibite, nana íena izire úiñoidinona jíllotano monamo ie illánomo úillena.

10

¹ Mei jaiái Moisés ocuica uai naa ie lloga níciduairi, ico nirui bite caimare illífuiaí jana. Afe ie lloga jáiaifue nahífueñede. Moisés bie ico zúitífue cai onóillena jana uícodo lloite. Iemona naga fimónaiaido faga tóiniaína íaioi úifirena, íaioi comécina figo jaícina jóitañede. Mei uáfuena, afe faga tóiniaí íaioi úifirena Juzíñamuimo ánozidino nahí íaifuenidinona jáitañedeza. ² Mei daí uafue íaifuenidinona íaioi jáiadi, nibai afe tóiniaína izájifirenana fáicanocaidiaioi; mei jíáifodo fáicanocaiñediaioi, nai comécina jaícina jóoneñegaiaioiza. Daje izói áfedo Juzíñamuimo ánozidino comécina íaifueña nahí nífuenidinona jáiadi, nibai jae íaioi fiénidífue izire íaioimo iñede. Mei íadi íaioi fiénidífue jaca izire íaioimo ite. Iemona onódicai, tóiniaí fecáfirena íaifueña figo doñede. ³ Mei íadi afe fatá Juzíñamuimo izájitaga tóiniaína cíonamona, comini íaioi fiénidífue naga fimónaiaido úibicaitagaiaioi. ⁴ Mei jíi, juráretuai, chívuaí die díga, jaca come fiénidifuiái dónide. Mei áfemo ua dolle ríino iñedeza. ⁵ Ie jira Jesucristo bíniemo bícana llezica ie Moo Juzíñamuina daide:

Omo fia fecaca faga tóiniaína gáñedioza, comínina iere figura o daíllena.

Mei jíáifodo énie cómena ja cuena jécitaitio.

Afemona cue tíilledo íaioína óiena nífuenidinona jáitaiticue.

⁶ Ua comini íaifue ícoína jobaica tóiniaí ja birui ona ióbitañede.

⁷ Ie jira cuezánico cuedo úrilla izói birui ona daidicue:

“Moo Juzíñamui benó bíniemo o comeci jítaíllafue fínuaiñiticue,” daide.

⁸ Nano fueñe afémie daide, nana afe Juzíñamuimo fia fecaca tóiniaí, íaifue ícoína jobaica tóiniaí díga Juzíñamui comécina zuitáñede. Ua íena ióbitañede, nana afe nícidogafue jaiái ocuilla uai daina íadi. ⁹ Afe emódomo Jesús daide: “Moo Juzíñamui, ja o comeci jítaíllafue birui benomo fínuaiñiticue.” Daí Juzíñamui nana afe jaiái ocuica nícidogafuiaina zóofete. Zóofiano, afe méifomo Cristo dama ie abi cruzmo izájillafue Juzíñamui jeire ote, ñue comínimo caimare érocaillena. ¹⁰ Daí Jesucristo, ie Moo Juzíñamui comeci jítainafue izói finode. Daí ie fínuamona jae dama Juzíñamui nabaina ñue finócamacina jáidicai. Mei jíi, Jesucristo dácaiño jaícina nana cai fiénidífue oni eneno féitate. Mei ninomo féiñeitena cruzmo dama ie abi Juzíñamuimo izájideza.

¹¹ Naga judío Juzíñamuimo comínido úriraima nágaruillaído naidáillano daje izói faga tóiniaína Juzíñamuimo izájifirede; mei íadi afe ríilledo comini íaifuiái dónide.

¹² Mei jíáifodo Jesucristo dácaiño comini fiénidífue ícoína duere zefuida, tíizaibite, afe izói dáanomo íñeillena. Ie tíilla mei meine abido cáaillano caífo monamo Juzíñamui nabézimo ráinazaide, nana comini íaifue múiñuana fuilla jira. ¹³ Dinomo, nana ie fairíconi ie anamo íaioi itábicaillena afémie úiñoide. ¹⁴ Mei jíi, Jesucristo, dácaiño ie Moo Juzíñamuimo ie abina izájide. Afe izájillafuedo, níi cruzmo ie tíillamona, nana caína ie nabaina ñue finode. Jae nana cai comeci íaifueña ñue múiñuano jaca ninomo caimo caimare érocaide. ¹⁵ Aféfuemo Juzíñamui Ñuera Joreño uaina nabáide, iere uafue cai daíllena. Ñuera Joreño Cuezáuaimo daide:

¹⁶ Juzíñamui daide: “Uire jíáiruillaído cue comínimo bie izói jíáie como cue finóllifue llóiticue, naa jíáie cuemo ínotinori.

Aféruillaído cue ocuica uáillaina íaioi comécimo jaícina onótaiticue.

Ua afe uailai íaioi ífócimo ñue jino denótaiticue,” daide.

¹⁷ Ie mei nane emódomo daide:

“Nana íaioi fieni finócafuiái íbana otátañeiticue.

Daíí oñena llezica, íaioi comécimo ite íaifuiaina jaca niné féitaredicue.”

Dínori Juzíñamui daide. ¹⁸ Nana comíni fiénidifuiái daíí dua mei, jíái íaifue ícoínia dóllena fatá fecaca tóiníai jae jítaiñega.

Juzíñamuimo cai áinozillena jítaírede

¹⁹ Iemona, ámatíai, cácarei. Jae Juzíñamuimo cai jáillio uáfodo túide. Ua ie nahí illánamo, afe iere ñuera rairuícacomo caimare jacíruiñeno íemo úrizairedicai; mei Jesús cairi tíizaíbillano caina Juzíñamuina éoitadífue oni muiñócaza. ²⁰ Afémie tuiñoca io ñuera rairuífiredico jédaciede íbáiraroido joide. Jira Juzíñamui illánomo cómena cáataite comue io Jesús tuiñuano, afe iodo afémie caina ífode. Afe io tuiñóllena dama ie abi izi cácatate, íemo cruzmo duere zefuírede. ²¹ Iemona Jesús nana Juzíñamuimo ínotinodo Juzíñamuimo Uritillaimana jae jaide. ²² Afémie ja cairi úrioinamona, mai Juzíñamuimo jacíruiñeno omoi ánoziri, mei íemo ñue cai ínuamona jae meáiruiñedinona mamécacaíza. Ie jira jífuenide comécido, mai omoi ánoziri. Ánozillano, mai íemo caimare cai úrilli. Ua táinona lloñeno mai íemo comeci cai facalli. Mei nana cai íáirede comeci ícoínia afémie jae jaícina oni féitagaza; ua come abi ñue jáinoido jocoína izói comécina muiñócaí. ²³ Afe uáfodo jino comínimo cai lloga Juzíñamuimo caimare cai úrillafuena, mai fáicanocaiñeno áfemo izire cai ínofireilli, mei afefue caimo llotímie Jesús jaca ínofiregamieza. ²⁴ Daje llezica illa dígamierie, mai conímamo ñue cai coméciilli, conímama cai izíruillino cai jenóllena. Daje izói jíáimana ñúefuiaina rairuífiredico jéruillinona jenóredicai. ²⁵ Daje izói omoi Juzíñamuimo gairífrenafuena mai féitañeno iri. Dáarie aféfuena féitafirediaioi. Daíí illa fiénide. Mei jíáfodo, Jesucristo meine billirui raire dúciacanana omoi onónamona, mai conímama ñue úrillauaido comécina caimare cai náireitalli, nana cai ínogafue féiñellena.

²⁶ Juzíñamui llogafue daide: Jaca dama Jesús tíillamo cai ínuamona jílloredicai. Aféfuena cai ie onótaja mei, mei íadi afe uaina nai cai ruifíruioiadi jae abi díne jíáie cai íaifue múiñoitena íñede. ²⁷ Daíí ruifíruoidimacimo jamánomo izire jácifue zúite, mei Juzíñamui duere íaioi finóllifuemo jae ánozideza. Afémie iere íaioimo ríicaillano iere boode jíáfodo joide iraimo íaioína duere zefuítaite. Ua nana Juzíñamuina bacáuairédinona irai amena cuarita izóidemo, Juzíñamui íaioína dínomo zíñona duere zefuítaite. ²⁸ Moisés ocuica uaina ruifíruitimiena raire titádiaioi. Ua, mena níbai daámani uai nabáiraini dáina uáimona, íemo dúecaiñeno íena titádiaioi. ²⁹ Mei Moisés ocuica uaina ruifíruitimiena daíí duere finóbiteza, Juzíñamui Jitona ruifíruitimiemo jamánomo izire duere finóllifue, afémiemo zúiteza. Afémie Jesús díena jámairuitimie. Afe tíillamo totaca díedo, afémie nauí dácaiño Juzíñamuimo oni eneno nizécamiema jaide. Mei íadi Jesuna ruifíruitimie caimo dúecaífirede Ñuera Joréñona íaire daíífiredimiena jaide. Daíí itímiena iere Juzíñamui duere finórede. ³⁰ Ja birui daíí itímie fiénidífue íba ófiredimiena onódicai, nímie cai Moo Juzíñamuina. Afémie daide: “Afe íba ófiredimiedicue. Ua nana íaifuiái íbana duere finótafiredimiedicue,” dáideza. Jíáinomo Juzíñamui Cuegáuai daide: “Juzíñamui ie comíni comeci ífuena jaícina jícanoite. Jicánuano íaioimo dúide duere finóllifue ócuite,” daide. ³¹ Daíí ie úrillana cai onónamona, caade Juzíñamuimo duere finóllena izájina jamánomo jacírede.

³² Mei íadi nauí íanori omoi illáfuemo uibóiri. Aféruimo ñúefuena omoi onona mei, aillo duere zefuídiomoi, mei íadi aféruimo omoi ínogafue fáicanocaiñeno

ñue ocuúdiomoi. ³³ Dáruillaído uáfori comini eróicana báinuano duere finócaomoi. Jiáiruillaído daií finócamacimo omoi nabáillamona duere zefuítagaomoi. ³⁴ Afe llezica llaveca ámatiaimo dúecaifirediomoi. Afe baimo, ómoimo ite ráaniaina jiáimaci báiruana caimare rairuññediomoi, mei onódiomoiza, biniemo ite raa baimo, jamánomo ñuera jaca bairónide raa ómoiena monamo íteza. ³⁵ Ie jira nauí izire omoi íinoga uaina mai birui omoi féitañeno iri. Aféuaina ñue omoi íinofireiri, mei ícoimo iere ñuera jirídoga ízoide raa máíñoitiomoiza. ³⁶ Juzíñamui jítainafuena omoi jíruilla llezica raire comeci járidoñeno írediomoi. Ua, omoi íinoga ñúefue, omoi are jáicina llocana uille mei, Juzíñamui uícodo lloga caimare jílloñafuena máíñoitiomoiza. ³⁷ Mei jii Juzíñamui Cuegáuaimo daide:

“Ja íanori íllamona, uícodo lloga bíitimie Jesucristo, jizíñeno raire dúcizaibite.

³⁸ Afémie nai biñena llezica, níifuenidena cue mamécamié, cuemo ie íinuado nágaruillaído caimare ie illano, cuena íóbitaite.

Mei íadi afémie afe ie íinoga uaina meine abido féitaiadi, afémieri íobiñeiticue,” dinó Juzíñamui daide.

³⁹ Mei íadi meine abido féitaino dibénemo jaináññedicaí. Afémaci daií íaioi íinoñenamona jíllonéitiaioi. Mei jiáífodo cai bie Jesucristomo ínotinodicaí, daií dani cai jíllotagacaí.

11

Juzíñamuimo cai íinuafue

¹ Mei ¿minica íinuafuena? Ínuafue Juzíñamui daina uaina jeire cai uafue. Ínuamona cai úiñoga cáimafue jeire cai ollínona onódicaí. Daje izói Juzíñamuimo ínuamona, ie lloga cáiena mameca ñuera raa ciónena íadi, afefue ua íllana comécido ua onódicaí.

² Ua, íinuafuedo judíuái jaiáidigimamona Juzíñamuimo jaináidimíai, Juzíñamui comeci jítaillamacina jáidiaioi.

³ Juzíñamuimo cai íinuamona, Juzíñamui ie úrilla uaido bínie fínuana onódicaí. Daií ie fínuado nana bie cai ciona énie, táinomona Juzíñamui comuítate. Ua, minícana íñédeza ciónena ráamona naga ráaniaí comuíbicaide.

⁴ Juzíñamuimo íinuano Abel, Caín fecaca baimo, ñuera Juzíñamui íóbitalle raa fécaibite. Iemona Abel Juzíñamui dibénemo jáicina itímiena jaide. Juzíñamui jíruigamiéna jaide. Mei Juzíñamui Abel fécaibiga raa líinuamona, Juzíñamui comeci Abelna jítainana onódicaí. Daií Juzíñamui íena jíruillafuedo Abel jáicinaidifueo Juzíñamui uai nabaide. Afe Abel, jaiái uícodo Juzíñamuimo ie íinuado ñue illáfuedo jaide. Aféfuena cai fídiamona, afémie titácamié íadi, ie íinogafue, úrillauai izói caimo úrite. “Juzíñamuimo ñue cai íinollí,” caina daide.

⁵ Iemo Enoc Juzíñamuimo ie íinuado tíñeno caifo monamo uiga. Daií tíllana ie ónoñeillena, cáanori monamo Juzíñamui uiga. Afe mei afémie biniemo ciónenamie, mei afémie Juzíñamui úigaza. Afémie nai úiñega Juzíñamui íóbitadimie dainámie.

⁶ Mei jii, Juzíñamuimo cai íinoñenia jaca íena íóbitanidicaí. Dáamie Juzíñamuimo áinoziacania, Juzíñamui nahí illánona uícodo ie íinolle jítáirede. Nane íemo nana izire íena onóiacadino, ñue íbana dama ie abi ífuena íaioina onótaité. Aféfuemo uícodo daje izói ínorediaioi.

⁷ Daje izói Noé, Juzíñamui lloga raire biite nai ciónena duere finóllifueña fídiano Juzíñamuimo ñue ínote. Ínuano áillue jofóredicae finode, áfedo nana dama ie comini daií jíllloillena. Noé daií dama Juzíñamuimo íinuado, nana jiáie íinoñede comínimo duere finótatiuai jino íaioimo llote. Afe izói Juzíñamuimo íinuado Juzíñamui comeci jítaina níifuenidimíena jaide.

⁸ Afe mei jaiáidiruimo Juzíñamui Abrahana jíirite, jíáie éniemo jaiánillena, áfeniema ico jíáiruimo íeiema maiñóllena. Abraham Juzíñamuimo ínuamona afe jíirilla uaina cacáillano, raire ie illániemona oni jíáinomo jáizaide, ie dúciillino nai ónoñega íadi. ⁹ Abraham nai Juzíñamuimo ínuamona, Juzíñamui íemo fecáacaiga éniemo fia jicánemiena diga fimona fia ite. Ua, iniroi niina úicaifirega jofomo aféniemo are íoide. Daje izói Abraham comútaga jító Isaac, dínómona Jacob diga afénomo daje izoide iniroi nillácuaímo are itífaillinoi naa ie comíniri. Juzíñamui daje éniema fecalle uaina Abrahamo llua izói, afe íaillinoímo uícodo llote. ¹⁰ Ua Abraham afe jamai illácuaímo dama íeieñede éniemo caimare íoide. Afémie caimare ite, mei Juzíñamui dibénemo ite caimare táinocaitanide illínomo dúciillena afémie úiñoideza. Afe caimare illico Juzíñamui mamérillano dama ie uaido niga.

¹¹ Daje izói Abraham ai, Sara, Juzíñamuimo ínuamona, jamánomo jónaite íadi, fueñe úruerena ríino ote. Iemona daa jító jocode, mei Juzíñamui aféngona aféfuena uícodo daína uai, afengo iere ñue ínoteza. Afengo bie izói daide: Bímie ie daína uaina jíáífo méidofinidímie. ¹² Iemona Abraham iere jónaite íadi, iere aillo erófene igímaiaína jebuítate. Ua jamánomo diga nairai jebuide; nii ja lloga monamo ite facádonide úcuai izói itíáioi. Nane monáillai fuédamo ite facádonide guamai izói jebuítáioi.

¹³ Nana cai lloga comíni Juzíñamuimo nai íaioi ínuoina llezica tíidiaioi; nana Juzíñamui uícodo lloga ñúefuiaína nai llínoñediaioi, tíilla. Mei íadi afe lloga ñúefuiaí ico jíáiruimo zúillena jicana fidídiaioi. Fidiano caimare aféfuemo ínuano comécíidiaioi, mei bíniemo ónoñega jicánemacina íaioi illa raire méaicaiñeno llotíáioiza. Uáfuenta bíniedo jaiánicana jáidiaioi. ¹⁴ Nana daí llotino, dani íaioi nahí illínomo íaioi jáiacanana llotíáioi. Ua jíáie éniemo jáillana íaioi úiñoínana caina fidítate. ¹⁵ Daí íaioi dáinamona, mei níbai jaiái íaioi illániemo comécíidiaioi. Daí íaioi comécíadi diga icaíño meine abido afénomo jáirediaioi. Mei íadi abido afénomo jáíñediaioi. ¹⁶ Mei jíáinomo comécíidiaioi. Jíáie jamánomo ñuera illánomo, monamo ite Juzíñamuimo nabáirizaillinomo izire úiñoidiaioi. Daí Juzíñamuimo íaioi ínuamona, Juzíñamui iere íóbite. Bie jaiánicana jáidino Juzíñamuina dáiaidi: “O cue Juzíñamuidio,” daí íaioi dáinari Juzíñamui méaicaiñede. Mei íaioi jofue izoide ñuera illino, dínomo Juzíñamui diga zíñona nabáirizaillena, Juzíñamui jae finócaza.

¹⁷⁻¹⁸ Naui Isaac jocoina llezica Juzíñamui Abrahana daide:

“O úicoitígima bie jító Isáacimona aillo jébutiaioiza,” daide. Diga iruillai íllamona Juzíñamui dáaruimo Abrahana ínuafue facátate. Iemo Juzíñamui ocuilla izói, Abraham nai Juzíñamuimo izire ínuano, ie jító oni uite, titada Juzíñamuimo fecállena. ¹⁹ Mei Abraham Juzíñamuimo ñue ínuano comeci facade: “Juzíñamui jamánomo ñue rínoredímie; tíide come meine cáataite ríino íemo ite. Cue jító tíidena Juzíñamui meine íena cáatarede,” daí Abraham comeci anado daide. Iemo, Abraham ie jitona fáiacana llezica Juzíñamui aféniemo raire úrillano, ie daade jitona jíllotate. Abraham ie jitona fañede. Ie jira jíáífodo daírede, tíillanomona Abraham ie jitona meine abido ote.

²⁰ Daje izói Juzíñamuimo ínuamona Isaac ie jító íaillinoi Jacóbomo Esaú diga uire Juzíñamui orelle caimátaillifue ua llote.

²¹ Daje izói Juzíñamuimo ínuamona Jacob, ie tíizailliruimo José jító íaillinoímo úrite. Urillano ie enaize íaillinoímo uire Juzíñamui orelle caimátaillifue jino llote. Afe llezica ie macara jigüida llínota ie abí mozíñuano caimare Juzíñamuimo úrite, ie íóbitallena.

²² Daje izói Juzíñamuimo ínuamona José ie tíizaillirui áinozillano, Israel comíni Egipto éniemona uire oni dani íaioi éniemo jáillifue llote. Afe llezica ie ícuruai aféniemo fiéñeno oni úillena, uícodo uai íaioímo jónete.

²³ Diga fimona jailla mei, Egipto riillaima nana Israel como jéiciga jitótiaina fazítate. Mei íadi Moisés jocoina mei, ie moo íaillinoi Juzíñamuimo ínuamona, illáimana jacíruiño Moisen a retáidotiaillinoi. Dauíamani íena retáidotiaillinoi, afeza iere ñúezana jira. ²⁴ Aféllaíma jiza Moisen a náamataja mei, Moisés móonailla llezica Moisés aféngomo dúillana ruifruite; mei afémie Juzíñamui dibénemo jaináideza. Ie jira Juzíñamuimo ínuamona Moisés afe mámece oni faite. ²⁵ Mei jíáfodo Juzíñamuimo jaináidino cígiri íllana, afémie jamánomo gaide, nana duere zefuídíaiói íadi. Daje izói ie comínina fiene ie zóofiamona raire féite jabo íóbillafue dibénemo íllana afémie gáíñede. Moisés Juzíñamuimo ínuano ñue coméciide.

²⁶ Bfedo afémie coméciide: “Nana Egipto énie ebírede ráaniai baimo, Juzíñamui dibénemo ie dámie illa jamánomo ráifide, duere afémie zefuide íadi.” Afémie daí comeci facade. Ua Moisés, Cristo ícoina zefuillano, féitaño daí coméciifrede; mei Juzíñamuimo ínuamona baimo ñuera féinide raa izóidífue afe ie jirídollena afémie onódeza. ²⁷ Iemona Moisés Juzíñamuimo ínuamona, afe Egipto illáimamo ite ríinona jacíruiño Egíptomona botade. Ua jacíruiño afe Moisés oni jaide, mei buna cióñena Juzíñamuimo fáicanocaiño ñue nágarui coméciifredeza. Daí ie comécinamona, uído ciónamiemo ínua izói, Moisés Juzíñamuimo iere ínote.

²⁸ Daje izói Moisés Juzíñamuimo ínuamona, Juzíñamui lloga pascua rafue como fueñe finode. Ua Juzíñamui llua izói, Moisés íaiói jofóniai naze fuédamo oveja díena jíritate. Daí ínuamona, Juzíñamui oreca títaite abi ímie nana Israel nano fueñe jococa jitótiaíaimona buna titáñede, aillo Egipto imaci jitótiai tícoizítiaíói íadi. ²⁹ Daje izói Juzíñamuimo ínuamona nana Israel aillo comíni “Jíairede” daína monáillai ñue zaférede iodo ruícafenemo jaitádiaíói, mei afe monáillai jainoi Juzíñamui oni gaitácaza, íaiói ruica jáillio tuiñóllena. Mei íadi Egíptomona racádino afémaci jailla izói jáidiaíoi, meine io jáinoina íbáibicaillari coróbaitiaíói.

³⁰ Iemo Israel comíni Jericó jofue anáfenoacadiaíói. Afe jofue riire naidároga nofíbanina cirínoga. Iemo Juzíñamuimo ínuamona ie daína izói, siete dígarui afe riire íbaica jofue jinófenedo ífoina macáoidiaíói. Iemona ícoi iruimo afe caífo nitaca nofíci ínoina jofue jinófene cirínuabani, Juzíñamui ana éniemo caitade. ³¹ Daje izói Juzíñamuimo ínuamona nauí uícodo fiénidíngo, Rahab fañega, nana jíaie afe jófuemo ite ínoñedíno fazícaicíoí íadi; mei Juzíñamui comínimona oreca éniena ñue onóillena méiñoitínona afengo caimare cánuano jofo uáidoteza.

³² Nai jino lloñega aillo ite jíaie jaiái Juzíñamuimo ínofiredino. Bibedo íaiói illáfuaína cue llóllena cue abi juánideza, nana llónidícue. Fia íaiói mámeceai jino llóitícue, íaióimo omoi ñue coméciioillena. Afémaci Gedeón, Barac, Sansón, Jefté, David, Samuel; daje izói Juzíñamui uai jino llóraini ite. ³³ Bimácimona dámierie Juzíñamuimo ínuamona jíaie náiraina anáfenodiaíói. Jíáimaci Juzíñamuimo ínuano Juzíñamui jáicína jóidífueña comínimo ocuide. Dáarie Juzíñamuimo ínuamona ie uícodo llua izói, Juzíñamui canócaiaíói. Dáarie Juzíñamuimo ínuamona ríirede jánallarillai fueña íbaica izói finode, íena íaiói ríñeillena. ³⁴ Jíáimaci uzírede iraimo dotácaiaíói ía, nai Juzíñamuimo íaiói ínuado afe iráimona uzíñeno jino bitíaíói. Dáarie Juzíñamuimo ínuamona fuiríllafuaíaimona otábiño jino ñue jíllodiaíói. Iemo jóbairo illa llezica Juzíñamuimo ínuamona dáarie mairíñedímiaí ñue máirimíiaína jaide. Daí Juzíñamuimo ínuamona onina bite fuirírainina abido rainódiaíói. ³⁵ Daje izói Juzíñamuimo ínuamona dáarie ringóniaimona íaiói úruiaí tíide íadi, meine abido íaióimo cáataga.

Mei íadi jíáimaci nai Juzíñamuimo ínua llezica, íbátarede tíide jíllotafueña lloñediaíói, mei aféfuedo Juzíñamuina jáanotaiticai, daidíaíói, íadi Juzíñamuina jáanotanidiaíói. Ie

jira iere duere zefuítano titácaiaioi. Daiítadena lloñédiaioi; mei afémaci meine abido caana mei, jamánomo ñuera ziiñona illáfueña méaicaiñeno maiñóacadiaioiza. ³⁶ Nai jiáimaci Juzíñamuimo íñua llezica, fiénide zánonafuiaimona duere finóbidaioi. Jiáimaci riire zechénogaiaioi. Ua dáarie Juzíñamuimo íaioi íñuamona cúinajano llavécaiaioi. ³⁷ Daje izói jiáie Juzíñamuimo íñotino nofíciaina nájicaiaioi; jiáimaci dáafemíaido amena dera izóidedo ñetácaiaioi; jiáimaci caimare taino uáillaido bífuegaiaioi, íaioi íñuafue facátallena, íemo lloéfaido fagáiaioi. Jiáie Juzíñamuimo íñotino, íaioi ínirainina jira, tóica rille igórainna jítáoidiaioi. Daií fia macáoidiaioi, mei jofónidiaioiza. Ua iere ráanidiaioiza. Ie emódomo duere zefuítano iere fiéni finócaiaioi. ³⁸ Daií finócaiaioi íadi, Juzíñamuimo íaioi íñogafueña fáicanocaiñediaioi. Iemona bimaci Juzíñamui dibénemo iere izíruigano; mei íadi bíniemo ite íñoñedino afe Juzíñamui uaina jeire otínona jámairuitiaioi. Ie jira íñotino afe íñoñedimaci cígiri íllena, íñoñedimacimo figo dúíñede, mei íñoñedimaci comeci iere íairedeza. Ínotinona jámairuillano, íaioina oni jiúfirediaioi. Iemona íñotinomona dáamierie zaféredizicimo jáidiaioi. Jiáimaci caifóneduai illánomo botádiaioi. Iaioi jaillánomo ite ífuaimo ífirediaioi, naa íduai ana ífuairi. ³⁹ Nana bimaci Juzíñamuimo íñuamona, ñue “figora” dainámacina jáidiaioi. Mei íadi nana Juzíñamui uícodo lloga caimare ñue illífuaiña figo maiñóñediaioi; jabo maiñódiaioi. ⁴⁰ Mei Juzíñamui jae uícodo cai canolle jamánomo ñuera cáimaduafue mamédeza. Afe jamánomo ñuera cáimaduafue Jesucristodo cai nahí cai jíllloillífue. Daií jaii ua Juzíñamuimo íñotino naa cai díga, birui dánomo jaii Juzíñamui mameca nahí jíllloillífue dúcíticai. Ua afémaci naa cai díga, Juzíñamuimo caimare nabáirillafueña jeire óiticaí.

12

Jesumo ñue jaícina omoi comécioiri

¹ Ie jira, cue ámatiaí, comécido ñue omoi facari. Ua aillo jamánomo Juzíñamuimo izire íñotino bíniemo cai uícodo macáoidiaioi. Afémaci Juzíñamui cai íóbitallífueña caína ífode. Afémaci cai íñogafueño jaícina ífoite uai nabáiraini. Cai abido ífoina itíaioi. Afémacimo cai comécillamona, nana cai jízitacana uite fiénidífuaí mai oni cai féitalli. Ua, caimo ite fiénidífue, abi llótaidote iniroi izói caimo jíide. Jíinamona jaca caína aruire itátate. Afena fáicanocaillano, Juzíñamui íóbitallífueño zefuiruíñeno mai izire cai nícidolli. ² Afe llezica duere cai zefuillano féitano, mai Jesumo comeci cai facalli; mei afémie Juzíñamui íóbitallíodo, íñuafuedo cai jáillena cai ífódímieza. Mei afémie ie Moo Juzíñamuina féitañeno ie fáainaruimo nai íemo izire íñoide. Daií ie íñua, afémie izói jaícina cai íñollena, afémie cai ífode. Iemona afémie cai íñogafue ñue ícoimo fuitádimie. Ua, Jesús duere zefuide, íadi afe duere zefuilla méifomo íite cáimafueño, afémie ñue comécide. Afemo comécioillano uái dáii cruzmo tízaide; mei áfedo nana íemo íñotino caimare jílllobicaitiaioiza, afémie onode. Iemo afe meáirede tíllana náfueño, abido meine cáadimiena jaide. Afe daií jaillano caifo Juzíñamui nabézimo Jesús ráinazaide.

³ Ie jira, cai jíáinona duere zefuítagamie Jesumo mai ñue omoi comécioiri, omoi duere finóbicaillamona omoi zéfuiruíñeillena. Daje izói Jesumo ñue omoi uibíoiri omoi comeci ñue náireillena. Mei afémie fáicanocaiñeno Juzíñamuimo íñoicaide, fiénidino íena uáitajano duere ie finódiaioi íadi.

⁴ Fiénidífue omoi comécina jíriode, íadi nágarui áfemona abi ráiruifredíomoi. Afemona abi rairuillano iere juárede. Iemona jabo duere finócaomoi. Mei íadi fiénidífueña omoi anáfenocanamonai níñediomoi. Dama Jesús ícoina jabo duere zefuídíomoi. ⁵ Afe llezica Juzíñamui caimare llogáuaina níbai jae féitatómoi. Aféuaido Juzíñamui ie úruiaí izói, ómoína llófue; ona riire daide:

“Cue jitó, o Ocuíraima Juzíñamui omo oreca duere zefuítajafuena jámairuñeno iri, mei áfedo afémie ñue ona rairuillano lletádeza.

Daje izói fieni o fínuamona afémie duere o finóadi, comécina ríinidimie izói iñeno iri. Mei jiáifodo, abi mámano, ie llétafuena ñue jeire oíri, ñuémiena o jáilleza.

⁶ Mei Ocuíraima Juzíñamui nana ie izíruiganona fáicana lletáfiredeza, íaifuenidinona íaioi jáillena.

Afe izói nana ie ua onoiga jitótiaina llorebai mailla izói due ízitate, mei afémaci dama íeieza,” daide.

⁷ Omoína izíruillamona Juzíñamui afe daií ómoína duere zefuítate, ómoimo llófuellena, baimo ñuera ie jitótiaina omoi jáillena. Ie jira duere zefuítagaomoi. Mei onódiomoiza, bíniemo ite moo llétañega jitó ñue móonaiñeiteza. Iemona afe moo nana ie jitótiaina llorebai mailla izói ízitate. ⁸ Ie jira Juzíñamui ízitañegamie ñibai ie nahí jitóñedeza, móonidiza; mei nana nahí ie jitótiaí izi cácatagaiaioiza. ⁹⁻¹⁰ Afe emódomo cai bíniemo ite móotiaí nauí ñue cai móonaillena, ñue comeci íaioi fácamona, izire caina lletádiaioi. Ua nano íanori illáruillaido caina duere fínuafuedo lletádiaioi. Ua izi cácatagacai. Afe llezica nai cai mooná caimare jacíruticai; jacíruiollano ñue íaioi anamo itábicaidicai. Daje izói cai monamo ite Moo anamo jamánomo caimare itábicairedicai; mei afémiemo cai ínuano, nahí ie jitótiaina comuítagacaiza. Nana afémie duere cai fínuafue cai dibénemo aillo ráifide, afémie ebire ñuera illa izói, daje izói cai íllena. ¹¹ Ua, ja onódiomoiza nana izi cácatafuemo illa llezica, áfena gáíñedicai. Mei íadi afe izi cácatafue záilla mei, áfedo lletácano, Juzíñamui anamo ñue jaícina íficaillano, comécina jacíruiñedinona caimare jáiticaí.

Juzíñamui uaina ruifíruilla iere jacírede

¹² Juzíñamui daií omoi llétajana omoi onónamona, mai abí omoi mame. Ja abina náinidino izói omoi iñeno iri. Omoi zúurede comeci náiretari. ¹³ Afe llezica omoi duere zefuillafuemo, mai bífuemo jaícina comeci facádori. Aféfuodo daiíri “Juzíñamui ióbille jitótiaina móonaitagacai.” Daií o dáinamona, jiáie ómoimona Jesumo íinogana féitaacadino, comécina caimare náiretaitio. Daií ie náireillamona afémie meine abido Jesús uaina izire ínocana jeire óite.

¹⁴ Afe emódomo nana comíni cígiri, mai comeci ríicaitañeno cáimafuemo omoi iri. Daje llezica, Juzíñamui ebire ñue illa izói, afe dibénemo mai omoi abi ífuiaí nágarui méidocana uiri. Bie izóidifuemo omoi nai íñeniadi jaca buna Juzíñamuina cíñoille. Mei íadi comeci íaininafuemo cai íadi, íena cíoiticaí. ¹⁵ Juzíñamui caimo fecaca cai ie cánuafue aillo ite. Bífue nana jeire omoi ófireilleza izire omoi coméciiri. Daií íllamona buna fiénidifuemo oni nibéfodo báíñeiteza. Daa daií oni fiénidifue dibénemo baíidimie nana jiáimaci comécina fieni finode. Mei jii, duere zefuillamona Cristo dibénemo figo jaináiacañedimie, jucúrede juia izoide. Mei afe juia illemo totáa, nana áfeji jucúredijina jaide. Daiítade come nana ie aino comínina daje izói figóruíñede. Afemona abí omoi rairuiri. ¹⁶ Daje izói nana jiruírenafuiaimona abí omoi rairuiri. Afe llezica ómoimona dámie Esaú illa izói iñeno iri, mei afe Esaú jaca Juzíñamui jítainafuemo figo coméciñedeza. Aféfuena jámairuillano, afémie nánoramie íadi, íemo ite maiñórilla ríino, fia due jiza güille íbana fecade. ¹⁷ Afe Esaú illáfueña ñue onódiomoiza; mai aféfuemo omoi coméciioiri. Ico íraíruimo ie moo ézicirafuena Esaú maiñócade, íadi ie moo ja íena ruifíruite. Afémie comeci ífue méiduano éecana ie moomo izire jicade; íadi “jii” daiíñede. Afe nauí Esaú jámairuillafue jaca méidonide.

¹⁸ Ja birui Juzíñamuimo caimare nabáirillanomo dúcidimoi. Jaii Juzíñamui comíni áillue caifónedumo áinozidiaioi, Juzíñamui dáina uaina cacáillena. Afedu mámeceí Sinaí. Afedu náaduna irai izói boode, aillo úillie diga. Afe llezica iere jacire naíribicaide. Naíribicaillano, jairifo ríire jaiñode. ¹⁹ Aféruimo bainada izoide ficire cácaide. Afe llezica áillue come úrilla uai íaioimo ficire cácaide. Afe uai iere jacírede cacaide.

Afemona, áfena cacádino jíáie emódomo lletara uaina llóñellena izire jicádiaoí. ²⁰ Afe íaioí cacana íaioímo lloga lletara uai jamánomo iere juáredeza. Aféuai daide:

“Bie óode íduna omoí jetáñeno iri. Ninena daa rille bídumo bíadi, raire nofíciado fáiri. Daje izoí ninena bídumo bite come fáiri,” daide.

²¹ Uafue, afe cacánafue naa cíocaidifue diga iere jacírenamona, dama Moisés uai ua: “Aferi iere jacínaiticue. Jacíruillano cuidíriticue,” daide.

²² Mei íadi, jae jíáifodo Jesucrístomo omoí ínuamona, ja birui Juzíñamuimo ite jacínide caimare nabáirillafue dibénemo dúcidiomoí. Ie mei ícoímo monamo ite jaca caade Juzíñamui uícomo úrizaitiomoí. Juzíñamui illa jofue, “mona ero ie Jerusalén” mámecirede. Iemo jíáifodo “Sión Caifónedu” daina. Afémiemo ja omoí caimare nabáirillamona diga íeza facádonide Juzíñamui abi imaci Juzíñamuina ióbioicana íráizitiaioí. ²³ Ua, omoí ínuamona Juzíñamui ómoína daide: “Ja cue daade Jitó Jesucristo izóidinodiomoí. Cuemo ie dúina izoí, afe izoí ja cuemo jaináidiomoí,” daide. Afemona nana Juzíñamui íena comuítagamacímo jae jaináidiomoí. Nana afe íemo jaináidíno mámeciai jae monamo cuega. Ie jira nana Moo Juzíñamui ie comuítaganona, ñue jicánuana fibídímie izoí, ñue íaioína ríidoite, mei afémie nana nairai Mooza. Jaiái ie anamo ñue itino, jae tídiaioí, mei íadi íaioí ñuera joreño nai figo caimare íñédiaioí. Ja biruillaido Cristo cairi tíllano caina jíllotate. Daí nana íemo ínotinona jíllotano, afe tíidíno ñuera joréñuai ñue jaícina caimare itátagaiaioí. ²⁴ Uafue, Juzíñamui comue caimare caímo fecállifue caímo llóiacade. Afefue caímo lluíbitímie Jesús, mei ie cruzmo ie die tótajado caimare íaífuenidíno finócacaiza. Ie jira ie die, úrilla uai izoí jamánomo ñúefue caí ífocímo denode. Mei jíáifodo Abel die tóilla afe izoí caimare ñúefuai caímo llóñede.

²⁵ Nana bie caimare Juzíñamui caímo llotátagafuina jae onódiomoí. Afena omoí onónamona, afefue ómoímo llotímie mai omoí ruifíruíñeno iri. Afe íena ruifíruillamona abí omoí rairuiri. Mei jaiái bínemo Juzíñamui jónega lletárama dáinana ruifíruitíno, duere íaioí finóinamona jaca jíllloñediaioí. Afe baímo birui monámona caímo llotímie dáinana caí ruifíruíadi, daje izoí ua jíllloñeiticai. ²⁶ Jaiái aféruimo ie úrilla uai éniena diga icaiño riire docáitate. Mei íadi birui afémie uafue llote: “Nane afe emódomo dáacaiño éniena riire docáitaiticue, naa caífo ite monániari,” daide. ²⁷ Afémie daina “Nane afe emódomo éniena dáacaiño docáitaiticue” Juzíñamui írairuillaido finóllifue caina daide. Aféruimo nana ie finoca raa, ranítado izírilla izoí níraidoite. Afe níraíduado nana nírairede ráaniaina, afémie oni niné táinocaitaite. Mei íadi nírainide ráaniai jaca méidonide; fiébillano zíñona íitiaioí. ²⁸ Ja birui Juzíñamui méidonide illáimana illánomo jaináitagacai. Iemona íena “Iere figura” caí daífireilli. Afe llezica caimare úrillafuedo mai íemo caí ióbillí. Ua, ñue jacíruioicana ie uáillaimo mai ñue caí cacáreilli. ²⁹ Mei jíí, caí Juzíñamui, irai amena cuarilla izoí, nana íaífueredíno jaca zíñona íaioína duere fínoite.

13

¿Ñie izoí Juzíñamuina ióbitaredicai?

¹ Amatíai, mai conímana omoí izíruifíreiri. ² Daje izoí onina bitínona mai dúecaillano ñue caimare uáidori, mei daí dáríe jíáimana íaioí caimare uáidofírenamona ónonino Juzíñamui abi ímíiaína jofo llínotiaioí.

³ Iemo Jesumo ínuamona llavécamacímo ñue omoí úibicairi. Ua dájena llavécano izoí, mai íaioímo comeci omoí facari, íaioína omoí canóllena. Daje izoí duere finoca Jesumo jaináidímacímo, mai omoí ñue coméciiri, mei dani omoí abina jíáimaci duere zefuítarede; íemo bimaci diga daí zéfuitiomoíza. (Dáamacídiomoíza.)

⁴ Daa come daje ringona áireia ñuera. Afémie dama ie ai abina onona ñuera. Hima dama ie ai jeta ñuera. Mai bifue íáiñeno ñue omoi fímairi. Mei Juzíñamui nana jiruiredinona izire jicánuano íaioina duere fínoiteza, naa dama áireiñeno ringo diga itínori.

⁵ Daje izói omoi comeci ífuenta ñue onoiri. Ucubena aillo jitailla fiénide. Afemona abí omoi rairuiri. Mei jíáfodo ómoimo due jiza ite ráaniairi júfidoñeno caimare uái iri, mei Juzíñamui uafue dáideza: “Ona fáicanocaiñeiticue. Daje izói jaca ona zóofeñeiticue,” daide. ⁶ Iemona minícana jizireñeno daiíredicai:

“Juzíñamui cuena canófiredimie; íemona fiéni cue finóacadimiena jáciruiñeiticue.”

⁷ Iemo mai Juzíñamui uai ómoimo nano fueñe jino llófuetinomo ñue omoi uibóiri, mei ñúeodo ómoína ífódiaioiza. Iaióimona comuide ñúefuiaimo, féitañeno mai ñue omoi comécioiri. Afémaci Jesús ícoína titácaiaioi, mei íadi afémaci fáicanocaiñeno Jesumo íñua izói, afe izói féitañeno mai omoi íñofíreiri.

⁸ Mei jíi, Jesucristo nanómona ie illa izói, ja birui jíáfodo méidoñeno dáamieoicaide. Ua afémie jaca ziiñona dáamieite. ⁹ Ja birui diga jíáfodo cacaide onina bite ónoñega fiéni llófueinafuiaí ite. Aféfuiaí ñúeomona oni nibéfodo omoi baiítaiacadeza; áfemona abí omoi rairuiri. Juzíñamui cairi dúecaillano cai cánuano cai comeci náirecitate. Afe ie cai comeci náiretaja ñuera. Mei íadi afe jicana lluaíbiga güille rairuínafuiaína jeire cai óiadi, caina ñue cánoñeite. Daje izói afe uai jeire otínona canóñede.

¹⁰ Jesucristo cai ifomo fécafue Juzíñamuimo caimare cai nabáirillena dani caimo dúide. Nana Judúuaido Juzíñamuimo úriraini, ie jaiái gairíracomo aillo Juzíñamuimo ánozille nícidogafuiaí finódiaioi. Mei íadi afémaci Jesús dibénemo ite cáimafuiaína llínonidiaioi.

¹¹ Judúuaimona comínido Juzíñamuimo úritillaíma dáacaiño naga fimona afe faga rille die Juzíñamui icomo uite. Afe Juzíñamui icomo ite jofoidé ñue rairuícacomo comini íaifue ícoína díena uite. Mei íadi afe faga rille, comini illácuai jinomo jobáifírediaioi.

¹² Afe izói Jesús Jerusalén jinomo duere zefuide, dama ie die tóillado nana comini fiénidífue oni dóllena. Daií duano íaioína Juzíñamui íena mamede. ¹³ Ie jira nana Judúuai Juzíñamuimo ánozille nícidogafuiaína féitajano, mai dama Jesumo jaca cai íñolli. Ua, daií íemo caimare cai jaináinamona jílloticaí. Ie meáire duere zéfuilla izói, duere cai zefuíadi, áfena náfueñeno nai caimare íemo jáínaiticaí. ¹⁴ Ja biniemo ñuera méidoñega illano caimo íñede; mei íadi Juzíñamui finoca monamo ite méidonide cai illínomo izire úíñoídicaí, caimare ziiñona ie diga cai nabáirizaillena. ¹⁵ Iemo, Jesús caido Juzíñamuimo nahí úriraimana íllamona, mai Jesudo nágaruillaí Juzíñamuimo ñúefue cai nitalli. Ua, cai fuemo ite uaido Juzíñamuína caimátaitaredicaí. Cai Ocuíraíma Jesús mámedido cai úriadi, jaca Juzíñamuína ebire íóbitaredicaí. ¹⁶ Daje izói nágarui jíáíma canolle ñúefue jeire o úana, mai féitañeno iri. Aféruído jítáidinomo ómoimo ite raana jeruíñeno fecari; mei aféfuiaína Juzíñamui íere íóbideza.

¹⁷ Omoi illaini llogáuaimo ñue omoi cacáreiri. Aféuai anamo ñue omoi itábicaíri; mei omoi comeci ñue íllena aféllaini nágarui ómoína rairuífírediaioiza. Ua aféllaini ómoína rairuilla nie izói íadi, afémaci Juzíñamuimo jino llórediaioi. Ie jira íaioi táíjinana omoi daidóñeno iri; mei jíáfodo ñue íaioi anamo omoi itábicaíri. Afedo aféllaini Juzíñamui ocuica táíjinana caimare fínoite. Mei íadi afémaci afe táíjinana zúurecana finóadi, figo cánoñegaomoi.

¹⁸ Mai birui caido Juzíñamuimo omoi úriri, afe Juzíñamui cai canólleza, mei cai comeci ífue íáinideza. Mei jíi, nágaruillaí náganuiaimo illa dígamie íaioi eróicana ñue jáícina fígomiéna íacadicaí. ¹⁹ Ua, cuedo Juzíñamuimo comécido omoi úrillena izire jicádícué, raire meine abido omoi cígimo Juzíñamui cue orélleza.

Iraícaíño uáidota ñue ézicínocaillafue

²⁰ Ja birui Juzíñamui ñue omoi ézicillena jicádícué; Moo Juzíñamui, comécina uái illafue comínimo fécaítimie. Iemona cai Ocuíraíma Jesuna tíllanomona Juzíñamui

meine abido cáatate, mei Jesús ie die tóillado nana caimo ite fiénidifuiaina muiñódeza. Múíñuano ziiñona Juziñamuimo cai nabáirillafue cáiena mamede. Ua, Jesús jamánomo ñuera ovejai úiñoraíma izoide. Afémie ovejai rairuilla izói, caina úiñofirede, comécina uái cai íllena. ²¹ Afe bie Juziñamuimo omoi comeci náireillena jicádicue. Ua nana ie ñuera ríinodo omoi comécina ñue jaícina caimare náireillena jicádicue. Afe bie cue jicácado ie jitáinafuena ñue comini eróicana fínoitiomoi. Afe llezica Juziñamui comeci óiacana izói dani caimo zúillena izire íemo jicádicue. Mei daií jamánomo ebírenafue Jesucristomo, ninomo fúíñeítana nitáredicaíza. Mai, daií íteza.

²² Amatiai, nana bie ómoímo cue cuela lletárafuiaímo járitaño fia omoi coméciiri. Afena izire ómoíena jicádicue, mei bie ómoímo cue cuelaúai íanorideza. ²³ Iemo jáíifuena ómoímo fidítaacadícue. Jae cai ama Timoteo llavéinanomona jae jino zuitaca. Omoi dine nai jáíñeíticuemo, afémie cue illánomo raire dúciadi, nibai daane omoi éroizaíbiticoco.

²⁴ Nana omoi llófuete illáinina cuedo ñue uáidori, naa afénomo ite Jesumo ínotinori. Itáliamona benomo cai bite ámatiai ómoímo uailai orédiaíoi.

²⁵ Juziñamui nana ñue omoi íllena ñue ézicíteza. Mai. Daiítadeza. Jae niie.

SANTIAGO CUEGABE La Carta de Santiago

Ráidozitinomo Santiago cuete

¹ Cue Santiágodicue. Juzíñamui táijitagamedicue. Daje izói cai Ocuíraima Jesucristo táijitagamedicue. Israel náiraimona doce dígazie nana éniédo ráidozitinona uáidotícue.

Juzíñamuimona oga onónafue

² Cue ámatiai cácarei, ñie facátafuiai ómoimo jíriadi iere caimare omoi iri. ³ Mei jii omoi ínuafue facátaficaiaidi áfedo baimo comécina járidoñenafuena onótalliomoi. Mei áfena onódiomoi. ⁴ Afe comécina járidoñenafue ñue jeire omoi móonaitari. Afedo jaícina jéetagamacina ítiomoi; omoi jitáillifuenta íneite.

⁵ Omoimona dáamie figo onónenia, Juzíñamuimona onónafue mai o jicari. Iemona Juzíñamui áfena afémiemo fécaite, mei jii Juzíñamui jeruíñeno nágamiimo onóillifuenta fecáfiredé. Afémie icíriñeno comínimo fecáfiredé. ⁶ Mei íadi ínuafuedo o jicari. Daií jitáiredé; minícana o comeci anado ígicaiñeno jicari. Naga uaina ígiciredimie jorai bagua izói jairífodo dóbaidobaicaide. ⁷ Daiítadimie Ocuíraimamona minícana óllena comécimo facáñeno iri. ⁸ Aféfuena onóigaza. Níimie birui bie raa óiacade, uire jíaiena óiacade, ñue jaícina macánide.

⁹ ¡Ráanide ama, caimare o iri! Juzíñamui caifófenemo ona jóonelle jira. ¹⁰ Ráaredimie, o anáfeficaiaidi, áfena náfueñeno caimare o iri. Mei ráaredino ráitie záfia izóideza. Afe záfia are íneite. ¹¹ Jitoma bíllamona íena iere llirítaite. Caigáillamona afe záfia ana júide. Daií ie ebírenano fuite. Daje izói ráaredimie ie nícidocaigafuiai cígiri táinocaite.

Facátafuiai fiénidemo baiítafuiai diga

¹² Dáamie facátafuiai járitañeno llínoiadi afémie caimare ite. Facátafuemono ñue oni jaillano ícoinia fia iga raa jíridoite, ñue facátaoicailla jira. Afe ícoinia fia iga raa ñuicirai izóidífue. Afe iga raa ua Juzíñamui ie illa ziiñona cáatatinona. Ua Juzíñamuina izíruitinomo uícodo lloga ziiñona cáatatinona íaiñoimo fécaite. ¹³ Dámie íaifue mo baiítafuena cacáadi, afe Juzíñamui orécaza comécina facáñeno o iri, mei jira afe daiítadífue Juzíñamui jaca jitáíñede. Daje izói Juzíñamui bumo afe íaifue mo baiítafuena comuítañede. ¹⁴ Mei afefue jíáifodo bite. Dáamie dama ie comeci fiéni jítainafuiaido comeci óiadi, áfedo íaifue mo báite. Afe izói dáamie ie fiéni jítainafuiaido jífueficailla; íemo afe jífuiafuedo afémie meine íaifue mo báite. ¹⁵ Afe bie comeci fiénino jítainafuiaimona íaifue comuide. Ie mei afe íaifue jae oruíbicaillamona tíllafue comuide. ¹⁶ Cue izíruiga ámatiai jífuefizaiñeno iri. ¹⁷ Nana ñuera caimo iga raa, nana caimo jaícina jóbidífuiiai diga, caifona Juzíñamuimona bite. Afémie nana monamo ite egáíñotinona finode. Juzíñamui jaca dáamie; afémiemo jíáifodo meídogafuena íñede. ¹⁸ Afémie uáfuena úrilla uaido cáatatinona caina comúitate. Afena finode ie finócafuiamona como fueñe oga llízie izói cai íllena; mei ie comeci jítaina izói finode.

Uáfuena Juzíñamuimo cai comécinafue

¹⁹ Ie jira izíruiga ámatiai cacai. Omoimona nágamiiai jaca jefo jinéoiri, mei íadi fíaicana o úriri, daje izói fíaicana ríicairi. ²⁰ Mei jii, ríicaidimie Juzíñamuina íóbitañede. ²¹ Mei daií nana íáiredífuiiai omoi fáicanocairi, jamánomo móonaioicaide fiénidífuiiai diga. Omoi comécimo lloga uai Juzíñamui úrilla uaina comeci mánainafuedo jeire omoi oíri. Mei jii afe úrillauai rinorede omoi joreño jíllloillena.

²² Jira úrillauai ómoimo lloga ráfuenta fino. Fia aféfuemo táinona cacáreiño. Fia táinona omoi cacáadi dani abi jífueitiomoi. ²³ Afe úrillafue fia táinona cacádimie aféfuena iere cácañenia, afémie acáranimo uíeco ciona izóidimie. ²⁴ Afémie ie izóidena ciode, mei íadi raire jailla llezica, ie izóidena féitate. ²⁵ Cacánafuena féitañedimie jamánomo ñuera ocuífafuena jeire ófirede. Afe jamánomo ñuera ocuífafue caimo rairuíñenafuena itátaga. Aféfuemo méidoño afémie íoide. Afe ocuífafue afémie íinota finode. Daí finódimie nana ie finócafuiado caimare ite.

²⁶ Dámie Juzíñamuimo comécidimie comeci facáoiadi, mei íadi fuena rairuíño úriadi, afémie dama abi jífueite. Afémie comécinafue táinobicaide. ²⁷ Nífuende comécinafue, Moo Juzíñamuimo eróicana íáinidífue bie izói ite; ñue Juzíñamuimo comécidimie móonidizaiai íemo éinidizaiai diga, íaioina duéruillano canófirede. Daje izói fecínguaina íaioi duéruillano canófirede. Afe llezica éniemo ite Juzíñamuina éoidimaci íaifuiado ñúemie abina íaidoñede.

2

Conímata énenoruiño iri

¹ Cue ámatiai, cai ebíruigamie Ocuíraima Jesucristomo íinotimacidiomoi. Daí omoi íinua llezica comínimona dáarie énotañeno iri. ²⁻³ Acatagafuedo dáititue: Omoi gairíllanomo queniredena onoi icuíforedimie, ráifide inícuero jítaoidimie bíadi, afémiena daífirediomoi: “Bie ñúenomo ráii.” Mei íadi afe llezica dúeredimie tíbaizarodo bíadi, afémiena jíáfodo llínota nibai dáitio: “Batí naidai,” o nibai dáitio: “Ana benó éniemo ráii.” Daí ráanaitimiena raire ñue llínotiomoi, mei íadi dúeredimie buna náfuéñega. ⁴ Ie jira daí dani ómoimona dáarie énenoruidiomoi. Daí cómemo jícanotimiena dani omoi abi maméidiomoi, mei íadi fiénidemo comécinafuedo abi maméidiomoi.

⁵ Cue izíruiga ámatiai, bíemo omoi cácarei. Bie éniemo úcubenedinona Juzíñamui nize, íaioi íinuafue jamánomo jebuíllena. Daa afe izói íaioina Juzíñamui nize, feci raa izói ie illáimana illáruina maiñóllena. Juzíñamui ie uíodo lloga uai daína izói afe illáimainanona íena izíruitimacimo fécaite. ⁶ Mei íadi dúeredimacina meáidaitadiomoi. ¿Uáfueñede, ráaredimaci ómoina llégitafirediaioi? Jii, uafue. ¿Ríiredimaci uícomo ómoina gugúrioicana uitíaioi? Jii, uitíaioi. ⁷ ¿Níie afe ráanaitimaci Crístona íáiruioidino? Jii, níimaci. Mei íadi afémie ñue izíruiga mámedido Cristo íédiomoi.

⁸ Cugáuaimona lloga jamánomo ocuífafue omoi jíruiaidi ñue finóidiomoi. Afefue daide: “O aino cómena izíruiri, dama o abina o izíruilla izói.” ⁹ Mei íadi conímata dámie omoi énenorua, íaifuemo baíidiomoi. Juzíñamui ocuífafuemo omoi ícoina jae daí ite. ¹⁰ Dámie naga ocuífafue iere cacáadi, mei íadi dáallegoi ocuífallegoi nai fuitáñeniadi dama afémie ícoina daí ite. Uafue nana ocuífafuai fuitáñedimie zefuille izói dáallegoi fuitáñedimie daí daje izói zéfuite. ¹¹ Mei daje Juzíñamui daide: “Jíruireño iri,” afémie dáanomo daide: “Cómena titáño iri.” Daa come jíruireñenia mei íadi cómena fáiaidi, jae ocuífafuena iere cacáñede. ¹² Jira ñue o úriri; o illafue jaícina o jóneri. Caimo rairuíñenafue itátate ocuífafuedo jícanollícaí, ie jira ñue cai íllana jítaírede. ¹³ Mei jii, nana jíáimacina duéruíñedino, afe íbana duéruíño, jícanollícaioi. Mei íadi jíáimacina duéruitino nie izói níbaíñegaza ñue jáite, duéruillafue jícanollífue baimo ñue illa jírrari.

Ínuafue níciduafue diga jítaírede

¹⁴ Cue ámatiai cacai. Dámie ñúefuena finóñeniadi, mei íadi “Ínotitue” daíadi ¿nífuena ñuera? ¿Afefue ñúeñeite! ¿Afe daína ínuafue jíllotaite? Jíllotañeite. ¹⁵ Acatagafuedo dáititue. Inícuironide güllenide ama miringo izóidino omoi cígimo íadi, ¹⁶ mei íadi ómoimona dámie fia uaido daíadi: “Ñue o iri. Róllimona jíforiri. Maí güiri,” mei íadi aféruimo ie abimo jitaica raa o fecáñeniadi, ¿nie izói ñue ite?

¡Ñúeñeite! ¹⁷ Cai ñnuafuemo daje izói ite. Dáamie ie ñnuafuemo níciduafuedo ácatañenia afe ñnuafue jae nine táinocaide, afe ie ñnuafue nabáinina jírari.

¹⁸ Mei níbaí, dáamie cuena dáíte: “ñnuafue omo ite mei íadi cue nícidofiredicue.” Mei jira cue uai óíticue: ¡O ñue níciduafue eneno o ñnuafuena cuemo ácatari! Afe llezica cue ñnuafuena cue ñue níciduafuedo omo cíotaiticue. ¹⁹ Daade Juzíñamui íllana ñnotio. Afe dinomo o ñnuafue ñue baite. Mei íadi aféfuena fiénide janábaiai daje izói ñnotiaioi. Iemona afe jácieri cuidíridiaioi. ²⁰ Abina onóñedimedio. ¿Jaícina jáidífueña onóacañedio? Dáanomo dáíticue: Ñue níciduafuedo cíotañega ñnuafue jaca nine táinocaide. ²¹ Cai jaiáigima ímie Abrahana ie íáifuenidímie izóinado Juzíñamui ñue íena jíeruite. Ua Juzíñamui íáifuenidímiena íena ñue llíñnote. Mei ie jitó Isaac titada Juzíñamuimo fecaca raana izói fecácana jira, daí íena llíñnote. ²² Jira Abraham fínuagafuemo bie uáfueña cíódio. Abraham ie níciduafuedo ie ñnuafuena ñue jino cíotate. Daje llezica afe bie níciduafuedo ie ñnuafue ñue jaícina mónaioicaide. ²³ Daí Cuegáuai dáiñana ñue fuitade. Aféuai daide: “Abraham Juzíñamuimo ñnote. Ie jira Juzíñamui íemo comeci facade: Afémie cuemo ñnuafue ñue baite íena íáifuenidímiena cue llíñollena, —daide.” Mei Abraham Juzíñamui nabaina mamécamie.

²⁴ Mei áfemona come níciduafuedo Juzíñamui íena íáifuenidímiena llíñnuafuena ónoitiomoi; dama ie ñnuafuemonna llíñoñedeza. ²⁵ Afe bifue izói Rahábamo daí íficaide. Afengo jiruédingo. Mei íadi énie fidítaraini caimare llíñnuamona, íaioina canode oni jáígodo ñue íaioi jáillena. Afe íaioimo nícidua jira Juzíñamui aféngona íáifuenidíngona izói ñue llíñnote. ²⁶ Mei daí omoi ónoigafuemonna llóíticue. Naga joréñonide abí tíide, afe izói níciduafuedo nabáinide ñnuafue nine táinocaide.

3

Cai fue rafue

¹ Cue ámatiai cacai. Omoimona aillo llófueraimana íacadino izói iñeno omoi iri. Mei jii, nana llófuérídino, cue izóidino baímo izire jicánollícaí. Afena onódiomoi. ² Nana cai aillo fiénidillegoi finódicaí. Dáamie minícana fiénidillegoi ie daínáfuemo iñeniadi, afémie ñue comécina fígomie, ñue jaícinaidímie. Afémie nana ie abi rairuállana onode. ³ Mozíñoragai caballo fuemo cai jóneadi caina iere íaioi ñnollena, ie ífo oni datállena finóredicaí. Afemona nana ie abí diga dájade. ⁴ Daje izói áillue jofóredicaemo comeci omoi faca. Afecae jamánomo áillue íadi, afe llezica rírede jairífodo ñuitáicaide. Mei íadi datárama duera jiza datárabeñodo ie jáiacana diné datáicaide. ⁵ Afe izói cai fue ite. Cai abi aillona mei íadi fue duera. Mei íadi afe fuedo jamánomo áillue ráfuiai finórede. Uafue duera jiza réicimona áillue icáiena bóotate. ⁶ Jae come fue irai izoide. Afe fuemo jamánomo facádonide íaífuiai ite. Afe bie fue Juzíñamui cai abímo finoca; mei íadi afe fue nana cai abina íaire finode. Fieni comini duere finóllirai ite; afe iráimona uneca izói cai fuemo fieni úrioidino ite. Iemona nana cai caana llezica finótagafuiai bóobicaide. ⁷ Ímado nana ríire ríllenai tóirede, féedino, jaióniari, naa buináizari. Nana áfeniai fibítagaiaioi. ⁸ Mei íadi fuena buna fibítanide. Cai fuedo bite íáirede raana jaca buna llícaitanide. Aillo fieni úritadino, titade juia izói cai fuemo ite. ⁹ Afe daje fuedo cai Moo Juzíñamuimo caimátaoidicaí; ie llezica Juzíñamui finoca cómena faidódicaí. Uafue Juzíñamui dama ie eroille izói cómena finode. ¹⁰ Daje fuedo caimátaillafue jino bite faidórillaífuiai diga. Cue ámatiai, cacai. Bifue izói omoi iñeno iri. ¹¹ ¿Daje jainoi ífómona toráfomona ñúeji erírediji diga jino tórede? ¡Tónide! ¹² Cue ámatiai, cacai. ¿Noménamona comáijina órede? ¡Onide! ¿Jíriconamo cineci llizírede, meita áfena? ¡Lízínide! Afe daje izói cúerediji naimérediji diga daje jainoi ífómona toráfomona jaca

jino tónide. (Ie jira omoi fue rairuiri, fieni úrillafue o fuedo jino bíñeillena. Mei jira Juzíñamui imácidíomoi.)

Uáfuena ñue onónafue

¹³ Omoimo dáamie onódimie, ñue baitádimie íadi, afe ie onóigafue nágarui ñue ie illáfuedo ácatari. Ua ie fibíllafuedo fecaca comeci mánainafuemo ie finócafuiái cíotari. ¹⁴ Mei íadi omoi comécimo izire úradoillafue íadi, afe llezica omoi finoca ráfuiaina jári-dotíomoi; bie omoi fibilla abi íinuafuemo comécíñeno omoi iri. Afe izóidífuíái táinofuíái, uáfuena jáanote. ¹⁵ Afe izoide fibíllafue Juzíñamuimona biñede, mei íadi afe fibíllafue bínie comini comeci úrillafue; Juzíñamuina éoidímaci onóigafue; dama Taife ifue. ¹⁶ Aillo úradoillafue, jarire uícodo máíñuafue diga illánomo, afénomo aillo júdaizítífue ite naa fiénidífuíairi. ¹⁷ Mei íadi Juzíñamuimona fibíllafue otímaci nano fueñe nífuenino macádiaioi. Ie mei afémaci mánaidímaci; ríífuedo ocuífñediaioi; jíáimíemo uícodo comécíitadiaioi. Afémaci dúecaillafuena oruídino; ñúefuena finófrédiaioi. Afémaci uáfodo úritímaci; jífueríñediaioi. ¹⁸ Comeci ñue uái illáfuedo comútatíno afefue rigájíai izóí comínido fecádiaioi. Afemona ria llizilla izoide comeci jáícina ñúeitaitíno llínotiaioi.

4

Eníemo ite Juzíñamuina éoidímacimo nabáiríllafue

¹ Omoimo ite fuíríllafuíái ¿ninena bite, júfiduafuíái diga? Omoi fieni comeci óiacañafuíaimona bite. Aféfuíái omoi comécina jaca éoitade. ² Omoi daa raana jítáíadi, áfena ómoimo llínonina jira fatíomoi. Jáíe raamo omoi úradoíadi áfena ónidíomoi, jira fuíríllano jóbairítíomoi. Omoi jitaiga raa oñédíomoi, Juzíñamuimo jicáñena jira. ³ Afémíemo omoi jicáadi llíñoñediomoi, íaire jica ícoínia. Mei jíí áfena óiacadíomoi fia omoi caimare íacanañafuíaimo dotállena. ⁴ Jáííodo fiénidímacídiomoi. Bíníemo ite Juzíñamuina éoidímacimo nabáiríacadíno Juzíñamui fairíconina jáite. ¿Omoi meita bí-fuena onóñediomoi? Níimie éoidímacimo nabaina maméidímie Juzíñamui fairícomana dóbaicaide. ⁵ Cuegáuai taino lloñede. Aféuai daide: “Juzíñamui ie Ñuera Joreño caímo fecade cai diga íllena. Afe Joreño uríoina izóí caina izírúite,” daide. ⁶ Mei íadi Juzíñamui caina ríiduafuedo baimo caina cánuaíbite. Mei jíí Cuegáuai daide: “Juzíñamui afe abi íínotínona rairuíde; mei íadi comécina mánaidímacina íaíoina ríiduafuedo íaíoina cánuaíbite.” ⁷ Juzíñamui anamo mai omoi itábicaíri. Taífemo omoi mameri, íemona ómoimona oni bótaíteza. ⁸ Mai Juzíñamuimo ánozillano caimare omoi úriri; afe íbana afémie ómoimo caimare úrite. Íaífueredíno, mai omoi comeci íaífuíái doíri. Juzíñamuina izírúiacadíno íemo dáanomo íena éoidímacina izírúitíno, mai omoi comeci íáínitari. ⁹ Omoi zúurefícaíri; omoi cáillicaili eeri. Omoi zadáilla jeme; jíáííodo meídocaíri. Afe izóí omoi cámafue zúucaíllano méidori. ¹⁰ Cai Ocuíraíma Jesucristo uíécomo omoi manánari, íemona afémie ómoína caífo naídáneíteza.

Cai ama finócafue fieni jicánuafue

¹¹ Amataí, jíáímana fieni omoi úríñeno iri. Amana fieni úritímie daje izóí ocuífafuemo fieni úrite. Afe izóí ámana fieni jicánótímie, daíí ocuífafuemo fieni fairíote. Mei jira ocuífafuemo fieni o fairíoadí, jira ocuífafuena íere cacáñedímedíno. Jae jicánoraímana íítio. ¹² Mei íadi daade ocuífafue llotímie; afe llezica afémie jicánoítímie. Dama afémie cai jíllotaraíma, jíáíe izóí afémie cai táinocaitaraíma. Mei, o, ¿níímíedio jíáímamo itífuíái o jicánodoíllena?

Uíreitírui mona monáíllírui onónide

¹³ Mai bíemo omoi cacai, omoi úrilla uaina daídíno. Bie izóí daíífrédíomoi: “Biruí níbaí uire jítramo jíáíe jófuemo jáíticaí. Dínomo daa fimona fecárizaitícaí, úcube cai óllena,” daídíomoi. ¹⁴ Mei íadi due onóñediomoi uire jítí caímo íítífueña. Mei jíí ¿mínica mei cai cáatatinona? Cai cáatátíno daallu cíocaizaíbite úillie izóí. Iemona afe úillie nine

táinocaide. ¹⁵ Bifue izói omoi daiírede: “Juzíñamui jítaiadi íiticaí. Iemona aféfuena nibai jiáífueña fínoíticaí.” ¹⁶ Mei íadi afe íbana, o dáinana meídoiacañeno nai abi ínocana úritiomoi. Nana afe abi ínuafue fiénide. ¹⁷ Ñúefuena fínuana onódimie afefue finóñenia afémie fiénidifue mo báide.

5

Ráaredimaci llétafue

¹ ¡Ráaredimaci, bífue mo omoi cácarei! Cáillicailli eeri, aillo duere finóbillifuiái ómoimo íteza. Aféfuendo duere zéfuitiomoi. ² Omoi ebírede ráaie jae rifaide. Omoi ñuera íniróillaí ícuai güiga. ³ Omoi úcube quenírede ráaniaí diga jae éezite. Afe éeíafue fiénidifue ómoimo nítaite, ie mei bie éeíafue omoi começi duere fínoite; irai amena cuarítaoina izói ómoína fínoite. Afe birui írairuimo omoi ráaieníaí jae ofítatiomoi. ⁴ Omoi güíllena óinaruillaído táijítagamaci úcube jeruídíomoi. Afe jeruica úcube ómoimo riire jiáífodo dájecana úrite. Nana nairai illaíma Juzíñamui bie táijítagamaci éecana dáinana cacade. ⁵ Bie éniemo jamánomo ñue ebírede ráaniaí ómoimo ífírede. Dani nana omoi começi jitailla izói ífíredíomoi. Fia güíllárenamona mero izói farédíomoi. Afe llezica fazílliruimo dúcizaide. ⁶ Nano fueñe nífuenidimacina titátatiomoi, ie mei afémacina fatíomoi. Afe nífuenidíno ómoimo abi zóofetiaíoi, mei íadi íaíoimo dúecaíñeno fatíomoi.

Começi jaridoñenafue

⁷ Ie jira, ámatiaí, caí Ocuíraíma Jesucristo billíruimo começi jaridoñeno omoi iri. Jacáfaimo táijidímie ráífide llizíllaniaína jaridoñeno úiñote. Ua nano fueñeide uáici mei nai úiñoide. Iiraie uáici mei afe llizíllaniaína óite. ⁸ Daje izói omoi jaridoñeno. Omoi começi mame; caí Ocuíraíma billíruí jae ánozideza. ⁹ Amatiaí, conímamo riiríñeno omoi iri, jicánollimacina omoi íñeíllena. Mei jii, Juzíñamui dama Jicánoraíma; afémie caí finócafuiái jicánolliruí jae ánozide. ¹⁰ Cue ámatiaí, uai llórainimo começi uibóiri. Íaíoí nágarui ñue illafue caimo ácataíteza. Juzíñamui mámeçido íaíoí úrillamona iere duere zefuídíaíoi, mei íadi jaca jaridoñediaíoi. ¹¹ Duere zefuillaífuemona zefui cácañedíno caimare itíaíoi daiífíredicaí. Jáiaigima Job ie jaridoñenafuena cacadíomoi. Afe llezica Juzíñamui íemo írainomo finócafueña onódiomoi. Mei jii, Juzíñamui caí Ocuíraíma caimo dúecaífírede, fiénidifuiái íba are ninomo caimo óñeite.

¹² Cue ámatiaí cacai. Jamánomoidifue llóitícue. Juzíñamui mámeçi uafue daiíllena táinomó llíñoñeno iri; afe daií mona mámeçi énie mámeçi diga táinomó llíñoñeno iri, niie jiáie raana táinomó llínuano uafue daiíllena daiíñeno iri. “Jii” o daiía nie izói íteza. “Ieñede” o daiía íeñeíteza. Afe izói mai omoi úriri Juzíñamui duere omoi fínoñeílleza.

¹³ Omoimona dáamie duere zéfuía afémie dama Juzíñamuimo úriri. Dáamie caimare íadi afémie ñúefue nitada róiri. ¹⁴ Dáamie iráreia, gairíracó imácimona eicomínina jírízairi, afémieri Juzíñamuimo íaíoí úrillena. Afe llezica afémiemo Juzíñamui mámeçido cáiredíjina jóoneítiaíoi. ¹⁵ Ínuafuedo Juzíñamuimo íaíoí úriadi iráredímie jíllóbicaite, ie mei Moo Juzíñamui íena náidacaitaite. Íáiredífuíaímo nauí ie baíadi, afe íaífuíai oni dófinamona, ñue nífuenidímiena Juzíñamui íena llíñoite. ¹⁶ Ie jira omoi íaífuíai jofo conímamo omoi lloiri. Afena jáanoñeno iri. Afe mei conímamo Juzíñamuimo omoi jicari, íemona ñue omoi jíllóilleza. Fígómie izire Juzíñamuimo úrillafue iere ríinorede. ¹⁷ Uai lloraíma Elías jiba caí izóidímie. Juzíñamuimo ie úrillado noci bíñeíllena Juzíñamuimo jicade. Jícamona jae dafimonaámani átuedo éniemo nocina bíñede. ¹⁸ Ie mei dáanomó Juzíñamuimo jícamona meine bíizaide; afemona énie naa llízieri zicóde.

¹⁹ Cue ámatiaí, ómoimona dámie ua uáimona oni fiene nibéfodo jáiadi, jiáímie íena meine abído atídéna ñuera. ²⁰ Bífuena omoi onóilleza. Fiénidímie ie íáirede íomona meine atídímie afe fiénidímie joreño tíllanomona jíllotaite. Afe llezica aillo íaífuíai oni dóficaite. Jae niie.

llogáfuiái afe bie jaiái llogáuái izói jóide. Birui ñue omoi jílloilliuaina llotino, Ñuera Joreño ríinodo úritiaioi. Afe Ñuera Joreño monámona ana oreca. Afe bífuiaina Juzíñamui abí imací daní comécido onóacadiaioi.

Juzíñamui íaifuenino cai íllena ocuide

¹³ Mei jira nana omoi jetáacaga raamo ñue comeci facari. Omoi comeci ñúefuedo omoi úrifireiri, mei Juzíñamui ico níirui íeiena ómoína uáidoiteza. Ua Jesucristo cíocailliruido Juzíñamui ómoímo dúecailliuaimo daa áfemo izire omoi comécíiri. ¹⁴ Ocuíllana jéruite úruiaí izói omoi iri. Jaiái Juzíñamuina omoi ónoñena llezica ómoímo ite comeci jitáillafue izói, omoi iñeno iri. ¹⁵ Mei birui jiáífodo ñue omoi iri. Nana omoi jetáacagafuiaímo, jamánomo ñue íaifuenino mai omoi iri, mei ómoína uáidote Juzíñamui íaifuenidímieza. ¹⁶ Mei Juzíñamui Cuegáuái daíí daide: “Cue íaifuenidímiedicueza, cue izói íaifuenino omoi iri,” daíí Juzíñamui daide.

¹⁷ Juzíñamui illa dígamie íaioi illáfuiái riire jicánoite. Ua illáicomínimo, jamáicomínimo dámie fiéñeno daje izói nana riire jicánoite. Ja birui afe bie Juzíñamuina “Cai Moo” daidíomoi. Afemona afémiena mai caimare omoi jacíruiri. Ua bie éniemo omoi ille dinó bie izói omoi iri. ¹⁸ Mei Juzíñamui omoi illa táinofuiaimona ja ómoína jílloateza. Afe ómoímo ite táinofuiaí omoi jaiáidígimamona otíomoi. Afe jílloafue ráifinana ñue onódiomoi. Bie ráifina órodo íbánide. Daje izói plátado íbánide, naa jiáie úcubetunido. ¹⁹ Afe jílloafue dama Cristo ráifide díedo íbátarede. Mei Jesucristo cruzmo, íainide boáfenide ovéjatiru izóidímie, Juzíñamuimo fállena fecaca. ²⁰ Jaiái ninomo bie énie nai cómuitañenia Cristo daíí mameca, mei íadi are illa ícoímo, benó cai illa llezica, afémie cíocaizaíbite ñue omoi íllena. ²¹ Afe bie Crístodo Juzíñamuimo ínotíomoi. Tíidímacimona Juzíñamui bie Crístona meine cáatate. Afe méifodo Juzíñamui ñúefue íemo nitade. Afemona afémiedo Juzíñamuimo ínotíomoi. Afe izói ja Juzíñamuimo izire comécíidíomoi.

²² Ja birui ua llogáuaina Ñuera Joreñodo omoi jíeruillamona omoi comeci íaifuiái muiñódiomoi. Afe omoi comeci íaifue múiñuamona omoi ámatiaína uáfueña nahí izíruiredíomoi. Afe daíí conímána mai omoi comécido, naa omoi ríinodo izíruiri. ²³ Mei jii, como meine jécigaomoi. Come móomona meine jécíñegaomoi mei tíitíaióiza. Mei íadi Juzíñamui uaido meine jécigaomoi. Afémie uai jaca ninomo féiñeno zíñona ite. ²⁴ Jaiái Juzíñamui Cuegáuái daje izói llote. Aféuái daide:

Nana bíníemo ite náiraimona illa dígamie jaca ráitíai izoide.

Iaioi jamánomo jalléinafue ráitíai záfia izoide.

Afe ráitíai dúifirede; dúillamona ie záfia uaide.

²⁵ Mei íadi cai Ocuídímie uai féiñeno jaca zíñona ite.

Afe bie uai, ua ómoímo lloga ñue jílloa uai.

2

¹ Mei jira nana ómoímo ite éoicana finócafuiái fáicanocairi. Daje izói jiáimana o jífueacanafue abido oñeno fáicanocairi. Comeci íáirena mei, emodo ífuedo comínina ñue úritímie izóidífue omoi féitari. Daje izói jiáimamo omoi úradoñeno iri. Afe mei naga jiáimana ebena úacaillafuiái mai omoi féitaziri. ² Mei afe méifodo como jococa úrue izói comeci náiretaite jirulle jenori. Ua, monoi ii júrua izói Juzíñamui lloga íainino, juánide uailaí mai izire omoi jenori, nágarui áfemo omoi comécíillena. Afedo ñue riire móonaitíomoi. Daje izói aféuaido nanómona omoi íinoia, jílloitíomoi. ³ Ua daíí omoi jenori, mei cai Ocuíraíma comécina ñuénana onódiomoi.

Jesucristo cómena zíñona cáatate nofíci izóidímie

⁴ Ie jira cai Ocuíraímamo mai omoi ánoziri; afémie cómena cáatate nofíci izóidímieza. Afémie comínimona fiénide nofíci ruifíruillano oni dotaca izóidímie. Mei íadi Juzíñamui

dibénedo afémie iere ráifide nizeca nofici izóidimie. ⁵ Afe izói omoi cáatate nofíciái izóidimacidiomoi. Iemona Juzíñamui ómoína óiacade, ie cióñena ua ífirenaco níllena. Afemona abina omoi rairuñeno iri. Daje izói Juzíñamui íeiena mameca, Juzíñamuimo comínido úrirainina dáaziena ómoína jóoneacade. Daí omoi jáillemona, uaido Juzíñamui íóbillena fecácafue íemo Jesucristodo fécaitiomoi. Afena Juzíñamui jeire óiteza. ⁶ Cai Ocuíraima Jesucristo bie nofici izóidimie. Ie jira Juzíñamui Cuegáuai úfcodo daje izói llote; aféuaido Juzíñamui daide:

Afe cue irácomo, ñi Sión dainácomo, dámie jóneticue.

Afémie iere ráifide nizeca ñue riire mozíoide nofici izóidimie.

Nana afémiemo ínotino meáidañeno táinomo fáfiñeitiaoi, daide.

⁷⁻⁸ Ja birui afémiemo ñue ínotimacidiomoi. Omoi bie nofici izóidimie jamánomo ráifide. Mei íadi afémiemo íñoñeite comini, écitailla izói, afémiemo baídiaoi. Ua Cuegáuai benomo daina izói ja íaioimo zuide. Aféuai daide:

Afémie écitaitate nofici izói ite.

Ua áillue nofícimo écitaide baíilla izói afémie íemo íñoñedinona báitite.

Mei afe llogáuai jeire oñenamona, écitaidimie izói baídiaoi. Afe íaioi baíille jaii ninomo daí mamécacaci. Daje izói afe ñue riire nofici izóidimie íaioi íñoñenamona nane jíie daináuai íaioimo zuide. Íaioi íñoñegamie dibénedo aféuai daide:

Jofo níraini oni dotaca nofici jae ua riire mozíoide nofici izói jaide.

Juzíñamuimo jaináidimacidiomoi

⁹ Mei íadi nizécaziomoi. Afe izói Jamánomoidillaima Juzíñamui íédiomoi. Juzíñamui ocuífrega afémiemo comínido úrirainidiomoi. Afe emódomo Juzíñamui ñue finoca ie ocuífrega náiraidiomoi. Daje izói dama Juzíñamuimo jainaide comínidiomoi. Bífuiái bie izói jóide, Juzíñamui cai jíilloillena uaido jamánomo ebire finócafuiái jino comínimo omoi llóllena. Afe bíedo Juzíñamui, omoi jítifomona jino ie jamánomo ebírede úzefomo, ómoína jírite. ¹⁰ Jaiái illáruido Juzíñamui ómoína daide: “Cue comíñediomoi,” mei íadi ja birui Juzíñamuimo jainaide náiraidiomoi. Jaiái ómoimo buna dúecañede, mei íadi birui Juzíñamui duéruigamacidiomoi.

Afe jaináidino Juzíñamui táijitaganona itíaioi

¹¹ Izíruiga ámatiai, Juzíñamuimo íñoñedino cígiri itíomoiza, jícanemaci izóidimie. Ie jira izire jícadicue, bie éniemo ite táinomo come abi jitailla fiénidifuiaimona mai abí omoi rairuiri, mei afe abi jítaínafuiái omoi comécimo bacáuaina íoideza. ¹² Juzíñamuimo íñoñedino cígiri omoi illa dínó ñue illa dibénedo mai omoi iri. Mei birui afémaci fiénidimacidiomoi izói, ómoína uáitaoidiaoi. Mei íadi afe ómoína uáitaoidino, omoi ñue illáfueña íaioi ciónamona, ñibai íaioi comécimo ite fiénidifuiái ñúefuina méidoitiaoi. Iemona Juzíñamui íaioína dúecaizaíbillirumo afémaci daje izói Juzíñamui íóbioitaitaioi.

¹³ Cai Ocuíraimana ícoina, nana comini jónega ríimaci anamo, mai omoi itábicaíri. Daje izói jabóidillaima nahíllaima anamo omoi itábicaíri. Afe nahíllaima jamánomo ocuidimie. ¹⁴ Afe nahíllaima oreca jabóidillaini, fiénidinona duere fínoitiaoi, mei íadi ñúefue dibénemo itínona ébitaitaioi. Iemona íaioi anamo ífireiri. ¹⁵ Mei jira Juzíñamui ñue illáfueño omoi íllana jitaide, áfedo abina onóñedimaci, comécinino úritimaci díga íaioi táinodo úrillauai omoi fánocaitallena.

¹⁶ Ráiruñegamací izói ñue omoi macari. Mei íadi afe omoi rairuñenafuedo fiénicana abina omoi íñoñeno iri. Dáarie afe rairuñenafuedo abí ínuamona fiénidifue finócadiaoi. Afe izói omoi íñoñeno iri. Mei íadi Juzíñamui izire rairuica táijitagano izói omoi macari. Daí omoi íadi iere ñuera. ¹⁷ Dáamie jámairuñeno nana íaioi íllaze ñue caimare jacíruioiri. Nana ámatiaína daje izói omoi izíruiri. Juzíñamuimo ñue izire omoi jacíruioiri. Daje izói nahíllaimana uáitañeno ñue omoi jacíruioiri.

Cristo nauí duere zefuñlafue afe izói cai íllena caimo cíotate

¹⁸ Táijitagamací, omoí ocuídímíiaina ñue jacíruiocana íaioí anamo mai omoí itábicaíri. Omoímo dúecaífirede caimare ocuídímíiai, mai íaioí anamo itábicaíri. Daje izóí jíáie riire táijitate ocuídímíiai anamo mai omoí itábicaíri. ¹⁹ Nágamíiai taino abiri duere zefuítaadi, mei íadi afe llezica Juzíñamuimo comécina mona afémaci nai caimare ia, afe Juzíñamuina íóbitade. Juzíñamui ñue facátainafue afémacimo jóoneite. ²⁰ Mei jíáifodo fiénidífue omoí finóadi, íemona ómoína duere íaioí finolle llezica nai járidoñeno omoí ia, onóigaza afefue figo jínoñeite. Mei íadi ñúefue omoí fínuamona ómoína duere íaioí zefuítaadi nai járidoñeno omoí ia, ja omoí illafue Juzíñamui eróicana figora. ²¹ Ua afe daíí omoí íllena Juzíñamui mamécamacídiomoi. Mei jíí omoí ícoínia Cristo iere duere finócaza. Afe ie duere zefuíllafue omoí fidítate, afémie illa izóí omoí íllena. ²² Afémie jaca due fiénidífue finóñede. Daje izóí jaca buna jífueñede. ²³ Fiénidíuailai Jesumo íaioí nita llezica, íba olle fiénidíuailaina afémie lloñede. Izire íena zefuítatíaiomoi, Jesús riire íbana otátañede; mei íadi dama afémie Juzíñamuimo dama ie uai jóonete, mei Juzíñamui ñue jáícina jónefirede riire jícanoraímanaza. ²⁴ Daje Cristo cruzmo illa llezica, dama ie abido cai fiénidífuíiaina abíocaiga izóí uite. Ua afémie cai fiénidífuíiai uiga, aféfuíiai díbénemo tíidínuiiai izóí cai íllena. (Daií aféfuíiaina fínoñeíticai.) Mei afe méifodo, nífuénino Moo Juzíñamui io díbénemo ñue jáícina íredicai. Afémie aillo bofécamíena jaide ñue jíllotagamacina omoí jáíllena. ²⁵ Nauí úíñoñega júdaízite ovejai izóí ebena macádiomoi; mei íadi birui Crístomo ja meine abido dúcídiomoi. Ovejai úíñoraíma izóí afémie ómoína úíñoñefirede. Afe izóí afémie omoí comeci rairuítagamie.

3

Aíredino iníredino díga íaioí ñue íllena llétafue

¹ Nana ríimaci anamo cai itábicaílla izóí, nana ómoímona iníredíngotíai daní omoí inítíai anamo ñue omoí itábicaíri. Mei omoí inítíaimona níbai dárie Juzíñamui llogáuaina nai íñoñediaioí; mei íadi omoí ñue illáfueña íaioí cíonamona, íaioí comeci ífue níbai ñúefueña méidotaite, jíáie uáíllaina nai omoí llóñeniadi. ² Ua omoí íaioí anamo ñue íáinino itábicaíllafue afena íaioí cíonamona, daje izóí Jesumo íñoítíai. ³ Jamáíngotíai fiérilla izóí mai omoí fiériri. Mei aillo jino abimo jíta ca raa izóidedo fiériñediaioí. Mei jíra ía ía abí fiédua ráífide oro finoina raana jítañeno omoí iri. Afe izóí jamánomo féirede ífótíi níllado fiériñeno iri. Daje izóí aillo ráífide iníroína jítañeno iri. ⁴ Mei íadi omoí comécina ebire fiérilla izóí ñue omoí finori. Afe omoí comécina mánainafueña járidoñenafue díga omoí fiéríta afe iere ñuera. Afe bie féíñede ebíredífue Juzíñamui eróicana jamánomo aillo ráífide. ⁵ Afe daíí jáíaidínomo ite Juzíñamuimo ínoñefirede íáífuénidíngotíai comécina ñue fiérítadiaioí. Afe llezica íaioí inítíai anamo ñue itábicaídiaioí. ⁶ Ua daíí Sara Abraham daínafueña jeire ote. Afe daíí úamona afengo íena: “Cue ocuíraímadío,” uáídoñefirede. Ja birui nífuemo omoí jacínaiñeno, ñúefue omoí jeire oía, Sara izóí díngotíaina jáítíomoi.

⁷ Afe dáanomo nana ómoímona áíredímíiai cácarei. Caimare omoí áítíaimo comécíillano, daní íaioímo dúide ñúefueña íaioímo nitari. Mei ríngóníai íima jófófemo jabóicana maírídeza. Daje izóí Juzíñamui ómoímo dúecaíllano fecaca zííñoña íllífue, dájeze ríngóníaimo fecaca. Afemona cáímafuedo íaioímo úríredíomoi. Afe izóí omoí iri, omoí Juzíñamuimo úrilla uai jíziñeílleza.

Ñue omoí illa ícoínia duere zefuítagaomoi

⁸ Nana bífuíaiimona daa ráífidíuaido nana ómoímo úríttíue. Mai dáafuemo comeci fácano, conímana caimare omoí canori. Daje izóí conímana omoí duéruiri. Ua nahí ámatíai izóí conímana omoí ízíruiiri. Come dúecaíllano comécina mánaidímáccina omoí iri. ⁹ Daje izóí fiénidífue comuía afe íbana oñeno iri. Afe izóí báíñuafue comuía, íbana báíñoñeno iri. Mei jíáífo dájecana ñúefue íba íaioímo oírí; Juzíñamui ómoína ie ñúefue lííñollena mamédeza. ¹⁰ Mei jíí; Juzíñamui Cúegáuai bie izóí daide:

Biruállaido ñue illáfueña izíruitimie, caimare are íacadimie diga, fienu úrillafuemoná maie fue ráiruíteza.

Afe izói dámie caimare íllado are íacade ie fue rairuíredeza.

Iemo daje izói táinofuiaina maie afémie llóñeíteza.

¹¹ Fiénidifuiái afémie fáicanocaillano maie ñúefuemo comécíteza;

Iemo conímána comeci caimare uái illafue jenórede.

Afe meie afémie nágarui áfeodo jáiredeza.

¹² Meie caie Ocuíraima comécína jáicína jóidimacína rairuállano ñue úiñoteza.

Daje izói afémiemo íaioi úriadi, íaioimo cacáreide.

Meie íadi fiénidifue finódinomona ie uíeco oni jíicaide.

¹³ Jáimamo ñue finóllino jaca izire omoi jenóadi, praamo omoi jíritaitimiena íñeite!

¹⁴ Meie íadi omoi jáicína ñue illáfuedo omoi duere zefui daí, caimare íitiomoi. Buna jacíruiñeno iri; daje izói áfedo comeci llícitaiñeno omoi iri. ¹⁵ Meie íadi Cristo omoi comécido nahí Ocuídillaimana maie omoi mameri. Maie uícomo ñue omoi finóbiri, ómoimo ite úiñogafue jicánotimaci uai omoi ólleza. Meie íadi jacíruiocána comeci mánainafuedo afe fairíoína uai omoi oíri. ¹⁶ Omoi illafue ñue jáicína mameri, omoi comeci úrillafue nífuenino uái íllena. Ja Crístomo omoi ínuamona, omoi illafue ñuera. Afe omoi ñue illáfuedo fienu úritino ite. Ie jira ua omoi abí illafue ñue jáicína jónefireiri, ómoimo fienu úritino dani íaioi fienu úrilla uáillaíri meáidállena. ¹⁷ Juzíñamui jítaíadi ñúefue ícoína duere omoi zefuíadi afefue ñuera. Juzíñamuína íóbitade. Meie íadi omoi fienu finócafue ícoína duere omoi zefuíadi afefue figo jínoñede. Afefue Juzíñamuína íóbitañede.

¹⁸ Meie dama Cristo caie fiénidifue ícoína, dama abido tíiñellinomo, dácaíño duere zefuállano tíide. Afémie iere figomie, meie íadi caie fiénina ícoína cáiconi duere zefuízaíbite, Juzíñamui illánomo caie jáillena. Ie abí íeizi dibénedo titácámie, meie íadi Juzíñamui Joréñodo meine abido cáadimie. ¹⁹ Ie meie Cristo ie joréñodo, naie meine caífo náidañena llezica, jíainomo íbaicoga tíidino joréñuai afémie llétajide. ²⁰ Bimaci jaiái ninomo Noé illáruido llogáuaina jíeruñedino. Aféruíllaido áillue nocáe Noé finúa llezica, fiénidino duere finólliruimo Juzíñamui comeci raíre jaridoñeno, fáicana afemo úiñoide. Afe áillue nocaedo nana dane ocho dígamie jíllodiaioi. Ua Juzíñamui izire comini duere finuamona, afe aillo jainoi cígimona jíllodiaioi. ²¹ Afe jáinoimo caie uibállano, íaioi jílluafue caína onótate. Ie jira afe jainoi báutiza jainoi izoide; meie báutiza jáinoido fiénidifueomona caie jílluana onótagacaiza. Bautismo ráifinafue fia abí íaí fue duáfueñede. Meie íadi ñue íainide comeci úrillafue Juzíñamuimo caie jícafue dibénemo bautismo ráifinafue comuide. Afe íainide comeci úrillafue afémiemo jícáredicai, meie Jesucristo tíide meine cáanafuedo jíllotagacaiza. ²² Afémie meine cáaillano monamo jaide. Jaillano Juzíñamui nabézimo ite. Nana Juzíñamui abí imaci, jae Jesús anamo itíaioi, nae jíaíe ríimaciri. Ua nana máirimaci baímo afémie ríinorede.

4

Juzíñamui caímo fecaca eróicana, come máirie illa dieze, íemo tájíredicai

¹ Meie jira, Cristo dama ie abido duere zefuilla izói, dani omoi abína Crístodo duere zefuállena daí finóbirediomo. Afena rairuíñeno omoi iri. Meie Cristo ícoína abína izi cácatagamie abido fiénidifuiaina finócañede. ² Iemona nana ie cáanaruíllaido Juzíñamui comeci jítainafue izói iite. Afémie bie éniemo jaináidino comeci jítaíoína-fuiaina fuitállena jénoñeite. ³ Afe Juzíñamuína onóñedino gáinafuiái izói jamánomo jaiái ninomo are omoi illa ja daí itíomoiza; meine daje izói íñeno omoi iri. Nauie aféruíllaido fiénidifue diné jaináidiomo. Omoi comeci fienu jítainafuiáimo íoidiomo. Daje izói jamánomo fiénidíji omoi jíruamona jífáifirediomo. Omoi dáanomo aillo

güilláruillaído fiénidifuiari faillñafirediomi. Daje izói jánaraimo gairífirediomi, afe jánarai ióbitallena. Dai gairíllano aillo bie izoide íaifuiari finófirediomi. ⁴ Ja birui bie Juzíñamuina onóñedino, ja aillo jamánomo íaifue dibénemo itíaioi. Iemona íaioi omoi fiéni nabáñenari, fáigacaidiaioi. Iemona ómoimo fiéni úritiaioi. ⁵ Mei íadi afe fiénidimaci íaioi comeci ífue jino Juzíñamuimo llórediaioi naa íaioi finócafuiari. Ua cáadino tíidino diga afémie íanori íllamona iere riire jicánoite. ⁶ Mei jii, Juzíñamui daina jíllona uai tíidimacimo úicodo llotátaga, afe tíidino joreño dibénedo Juzíñamui illa izói íaioi íllena. Jíái íemo baimaci, nana bñie comini tíilla izói tíitiaioi íadi, ja Juzíñamui illa izói cáaitimacina írediaioi.

⁷ Ja naga ráfuiari fuizáillinomo ánozide. Mei jira ñúefuemo comécidimacina omoi iri. Afe izói Juzíñamuimo ñue úrillafuemo jifánodoñeno izire omoi facáoiri. ⁸ Omoi finoca naga jíáie raa baímo, conímána iere omoi izíruiri; mei izíruillafue aillo íaifuiarina enínaitaga izói niné féitateza. ⁹ Conímáiaína ómoimo mácaibitinona diga, omoi jofomo comécido ruifíruíñeno caimare llínofireiri. ¹⁰ Illa dígamaci Juzíñamui ómoimo iga táijina riino daina izói jíáimana canórediomoi. Afe izói omoi íllamona Juzíñamui ómoimo fecaca jíáifodo onóigafuiaina ñue dájéize fecáramacina ítiomoi. ¹¹ Dámie uailai jino llóiacania, comini llófuellena, Juzíñamui daina uailai jino llórede. Dámie jíáimana canóadi, Juzíñamui fecaca riinodo canórede. Nana omoi táijinafuedo ñúefue Juzíñamuimo nitárediomoi. Jesucristo cai diga íllamona daií Juzíñamuina ióbitaredícai. Mei afe Crístomo nana ebirede ñúefue, daje izói riino diga jaca afémiemo zíñona dúideza. Aquíe izói jóideza.

Jesucristo cai jainaina ícoínia duere finócanodícai mei íadi meáiruíñedícai

¹² Izíruiga ámatiai, ómoimo cómuite izire facátainafueri fáigacaiñeno iri. Aféfuiaína jánaidífue daiñeno iri. ¹³ Mei jíáifodo aféfuemo omoi caimátaioiri; ja Cristo duere zefuillafuiari dibénomo dúirediomoi. Afe izói omoi íadi, Jesucristo ebire bíllana omoi cíuillemona jamánomo ióbicaítomoi. ¹⁴ Cristo ícoínia omoi íaioi báíñoia, cáimafue dibénemo ítiomoi; mei Juzíñamui ebírede Joreño úicaigaomoiza. Omoi báíñotino Crístori fiéni úritiaioi, mei íadi omoi dibénomona ñúefuedo íemo úritiomoi. ¹⁵ Omoimona dámie duere zefuíadi, come fáfiredimie, mei nibai merírifiredimie dibéfuemo duere zefuíñeno iri. Daje izói íáibadimie, jíáie come ífue gágutajidimie dibénemo duere zefuíñeno iri. ¹⁶ Mei jíáifodo, Crístomo íñotinona omoi mameina ícoínia, duere omoi zefuíadi, áfena meáiruíñeno iri. Ua meáiruíñeno aféfuerei Juzíñamuina omoi ióbioitari.

¹⁷ Mei ja Juzíñamui cai lletálliruimo dúcizaide. Ua dani Juzíñamuimo jaináidínomo jáicina llétafue fueñe táiniaide. Mei afe jáicina llétafue daií caimo tainéiadi, ¿nie izói Juzíñamui llogáuaina jeire onéidino, írairuimo dúciille llezica, ítiaioi? Afémaci lletállífue jamánomo riire zúite. ¹⁸ Fígomaci dibénomo jíllloillífue juare ia, Juzíñamui ñue jacíruíñedino jíllloillino iere féirede. ¿Nie izói nibáílliaioi? ¡Níbáiñeítiaioi! ¹⁹ Ie jira Juzíñamui comeci jítailla izói duere zefuídino, naga ñúefuiaina finócairediaioi. Afe llezica íaioi coméciai Juzíñamuina rairuítarediaioi. Mei Juzíñamui méidoñeno ínofiredimieza, íaioi comuítatimieza.

5

Crístomo íñotino llóina uai

¹ Omoi gairífírena cígímo ite ocuide eicomínimo cue llóina uai llóiticue; cue ja afémaci izói eicómedicueza. Daje izói Cristo duere zefuilla uai nabáidimedicue. Ico níruí Cristo bille llezica ie ebíredífue cíocaillíruimo, afe ie ebi omoi cácaille izói, afe izói ie ebi cácaíticue. ² Nana omoi uai anamo itínuiai ñue íaioina omoi úíñori, oveja úíñoraíma ie ovéjaíai úíñua ízoi. Ráairuíñeno, Juzíñamui jítailla izói, omoi comeci figónamona íaioina

omoi úiñori. Jiáima izire ocuilla izói íaioina omoi úiñoñoeno iri. Dama úcube óllena úiñua izói íaioina omoi úiñoñoeno iri. Dama omoi comeci óiacana izói caimare omoi táijiiri.

³ Omoi uai anamo itínona riirerie comécina éoide comini úiñotimie úiñua izói omoi úiñoñoeno iri. Mei jiáfodo omoi illafue ñue jaícina omoi mameri, omoi illa izói íaioi ílleza. Mei daí ñue illafue fueñe íaioimo jino llotímiediomoiza. ⁴ Afe jira Nahí Uiñoraima Cristo cíocaillirui mo ebírede ñúefue ómoimo nítaite. Afefue jaca ninomo féiñeite. (Comini dibénemona cómemo fecaca raa, jamánomoidimie daíllena, fia rábiai finoina ífo icuifo. Afécuifoi etuda niné táinocaite, mei íadi omoi maiñóredifue jaca niné táinocaiñeite.)

⁵ Afe daje izói, jitócomini, mai omoi ocuide éinamací ñuera ríuui anamo itábicaíri. Ua nana omoi conímana comeci mánainafuedo daje anamo dájena itábicaíredímo. Mei jaii Juzíñamui Cuegáuui daide:

Juzíñamui, nana fieni abí íinotínona uáitaoidé; ua íaioimona ie uíeco oni jíicaide.

Mei íadi nana comécina mánaidínona afémie dúcaífirede.

⁶ Mei jira Juzíñamui ñue riirede uai anamo riiriñeno comécina mánaidimiena omoi iri. Afemona ie comeci daílliruido afémie ómoína jamánomoidimiena jóneite. ⁷ Nana omoi izire comeci llícidífuiaí Juzíñamuimo uáfodo lloíri; mei afémie ómoína iere rairuídeza.

⁸ Ñue cáadimie izói abi omoi rairuíoiri; mei cai bacáuui ímie Taife caina jenódeza. Ua jufiruite jánallari rille jénua izói afémie caina jenódeza. Ua jenode caina fiénidífuemo ífóllena. ⁹ Afémiemo omoi íinogafuedo izire uáitaocana abí omoi mameri. Mei nágagobiaimo ite omoi ámatiaí dáafueri duere zefuíaímoiza onódiomoiza. ¹⁰ Mei íadi nano íanori duere omoi zefuilla mei, Juzíñamui meine abido caimare duere zefuíñena dibénemo ómoína itátaite. Afe llezica íaífuemo comécina féitanide cómena ómoína mámeite. Ua dáaruído ómoína riire nibáinino nabéfuena náiretataite. Afe daje Juzíñamui fiénidífuemona abi rairuíllafuena cai ite, naa jíaie canóinafuiaíri. Dáamie íemo ite ziiño ebírenafuemo ebi cai cácaillena, afémie áfemo caina mamede; mei Jesucrístomo cai jaináillamona, áfemo ebi cácaítaí. ¹¹ Uafue, afe Crístomo nana ebirede ñúefue, riino díga jaca ziiñoña dúide. Aquíe izói íteza.

*lirai*fuena facádua uai

¹² Bie íanori cue cuegabe Silvánodo ómoimo orédícue. Afémie ñue íinofirede ámaza comécido onódicue. Afe bibedo ñúefuemo omoi íllena omoi llófuetícue. Ja aillo Juzíñamui ézicigafuiaína jeire otímo. Iemona afémie ómoína iere izíruiteza ua onódiomo. Aféfuedo riire nibáinino ómoína mamédícue, uáfodo omoi onóillena. Bífue nágarui jaícina jeire omoi óri.

¹³ Babilonia jófuemo ite Juzíñamuimo gairídino, Juzíñamui omoi izói eneno nizécano, ómoimo uailai orédiaí. Daje izói cuedo jáicadimie Marcos ómoína uáidote. ¹⁴ Nahí ámana izíruilla izói caimare conímana omoi uáidori. Nana omoi Jesucrístomo jaináidinodiomoiza, mai caimare uái omoi iri. Mai; jae ñie.

SAN PEDRO MÉIFODO CUEGABE Segunda Carta del Apóstol San Pedro

Jesumo ínotinomo Pedro cuete

¹ Cue Simón Pédrodicue. Jesucristo ocuífregamiedicue. Daje izói ie oréfiregamiedicue. Iere ráifide ínuafue jeire otínomo bibe cueticue. Omoi ínogafue daa cai ínogafue izói ráifide. Aféfuena ja fairíotiomoi, mei cai Jíllotatimie Jesucristo Juzíñamui diga comécina ñue jaícina jóidimieza. ² Cai Ocuíraima Jesús, Juzíñamui diga, omoi onónamona diga éziciafuiai, daje izói comeci caimare uái illáfuiai dibénomo omoi iri.

Crístomo jaináidinomo ite nie izóidifuiiai

³ Nana cai comeci jitaica raa, Juzíñamui iodo caimare cai jáillena Juzíñamuimo ite ríinodo caimo fecaca. Afémie cai ie fidítamona bífuiaina caimo ite. Ua dama íemo ite ñúefuiaido afémie caina íemo ínotade. Daje izói ie fáigacailla ebire finócafuiaido íemo caina ínotade. ⁴ Iemona ie jífueño fecalle uai caimo llote. Bie caimo llogáuui iere aillo ráifide uai. Afe uáillaido Juzíñamui illa izói ítíomoi. Nana comini íaifue dibénemo fieni comeci jítainafuiaido uigámaci; mei íadi Juzíñamui ómoimo llogáuaido afe íaifuemona jae jíllodíomoi. Iemona Juzíñamui ñue illafue dibénemo ítíomoi. ⁵ Mei ie jira omoi ínogafuemo, nágarui Cristo ñue illáfuedo omoi íocire jáillafuena aillo nabáicana uiri; afe omoi ñue jáillafuemo caimare fibíllafue daje izói nabáicana omoi uiri; ⁶ afe caimare fibíllafuemo, dama abina rairuúllifue omoi nabáicana uiri; afe dama abina rairuúllafuemo comeci járidoñenafue omoi nabáicana uiri; afe comeci járidoñenafuemo Juzíñamuimo caimare comécíillifue dájemo nabáicana uiri; ⁷ afe Juzíñamuimo caimare comécíillafuemo ámatiaina duéruillafue dájemo nabáicana uiri; afe ámatiaina duéruillafuemo nahí izíruillafue mai izire dájemo nabáicana uiri.

⁸ Nana bie izói daináfuiiai jeire omoi óiadi, afe llezica aféfuiai ñue omoi móonaitaiadi, omoi illafue táinomo báíñeite. Daje izói cai Ocuíraima Jesucrístona omoi onónafue táinoñeite. ⁹ Mei íadi bífuiaina jeire onédino uínidimie illa izói ite; jica cióñoño áinori ciódimie izói ite. Jaiai ie finoca fiénidifuiiai dóinamo ja comécíñede. ¹⁰ Mei jira, ámatiai, Juzíñamui uáidota eneno nizécamacíomoi onódiomoi. Iemona jíredimaci izói omoi iri, aféfuiai omoi comécímo riire amena jáinao izói íllena. Afe izói omoi íadi, jaca Cristo íomona oni nibéfodo jáíñeitiomoi. ¹¹ Bifue daina izói omoi íadi, cai ocuide Jíllotaraima Jesucristo zíñona illáimana illánomo, rairuúñoño caimare jofo uáidolliomoi.

¹² Mei íemona bífuiaimo omoi comécíioitaiticue; aféfuiai onódiomoi íadi. Daje izói afe ómoimo birui ite ua uai jeire otíomoi íadi, nai jaca jaícina comécíioitaiticue. ¹³ Bie ñue llóinafue uáfodo ómoimo cue lletalle nai cue jáicana llezica, cúemona ñue jaícina cíoide. ¹⁴ Mei jii, nauí cai Ocuíraima Jesucristo benó illa llezica, raíre cue tíllano bie éniemo cue íñeillena cuena daide. Afémie cuemo llua izói ja raíre íficaite. ¹⁵ Ie jira birui nana cue ríinodo llófueriticue, cue tílla méifomo bífuiaimo jaca ñue omoi comécíillena.

Pedro Cristo jamánomo ñuera ébifuena ciónana jino llote

¹⁶ Nauí cue nabáíñiai cue diga cai Ocuíraima Jesucrístomo ite ñuera ríino ífuena omoi llófueticai, ie meine abido billifue diga. Nana afe llófueinafuiai dani cai comécímo comuídifueñede. Táinofuena lloñédicai, mei íadi dani cai uído ie jamánomo ñuera ébifuena ciódinodicai. Iemona uafue lloticai. ¹⁷ Ie Moo Juzíñamui íemo ñúefue nítana, jáie ebíredifue íemo fécana dani cai uído ciódicai. Juzíñamui ebire ie uaido daide: “Bie cue izíruiga jító. Afémieri iere íóbioidicue,” daide. ¹⁸ Aqué izói monámona Moo

dáinana dani cai jefodo cacádica; mei afe ñue eneno nizeca ídumo afe cai Ocuíraimaioiri jáidicaiza.

¹⁹ Bie como cai llogafue baimo, jáie nahí ua llogafue ite. Bie nahí uafue jaiái uícodo uai jino llóraini lloga cuegáuai. Afe cuegáuai cai llogáuaina nabaide. Bínie nai jítifomo illa llezica búuaina ráiruñeno iere jeire órediomoi. Aféuai mechera naio bóua jítifo egáiñua izoide. Ua aféuai nai mona mónaiñenia, jítifo egáiñua izói omoi comécina egáiñote. Afe mona monailla llezica monáiracudu izóidimie billano, omoi comécina ñue jáicina déitaite. ²⁰ Mei fueñe bífuego omoi coméciri: Cuegáuailaimo ite uícodo jino lloga daínafuiai dama afe uai lloráimamona llóñega. ²¹ Mei onódicaiza, uai llóraini jaca dani íaioi comeci jítainafuiaido úriñediaioi. Mei jáífodo afe Juzíñamui íeiena maiñócamaci afémie dibéfodo úritiaioi; mei Ñuera Joreño ífócaiaioiza.

2

Táinofuiaiina llófuefiredino (Jud 4-13)

¹ Mei íadi afe dáaruillaido Israel comini cígiri táinofuiai jino llóraini ite. Afe izói omoi cígiri táinofuiaido llófueritino íite. Afémaci dani fieni finode ífoci úrillafuena báinino omoi llófueitiaioi, comini Juzíñamuimo íaioi ínogafue féitallena. Daí aféuaido íaioina jíllotaita Ocuíraimana jáanoitiaioi. Afemona íaioi niné raire táinocaillifue dani íaioimo zúite. ² Íaioimo ite fiénidífue dibénedo aillo comini jáitiaioi. Dani afémaci ícoinia cai ua ñue jaille iori fieni úritiaioi. Bie ñue ua cai jaille io Juzíñamui ñúefue. ³ Íaioi aillo úcube llínoiacanamona, táinofuiaido omoi íaioi jífuiado úcubena llínoitiaioi. Mei íadi íaioi niné táinocaitaimie, íaioi finócafuiaina cíollano daí íaioi táinocaillifueña fáicanocaiñeno maméoide. Mei jaiái ninomo íaioi duere finóllena mamécaiaioiza.

⁴ Juzíñamui abi imácimona dáarie fiénidífue mo baíidiaioi. Afémaci íaifueña Juzíñamui doñede. Doñeno duere zefuille iraimo íaioina orede. Jítifomo íaioina fiénocaiide. Dínomo íco izire jicánollirui mo bai óllena cuinácaiaioi.

⁵ Daje izói Noé illágima llezica fiénide comini íaifueña Juzíñamui doñede. Mei íadi jamánomo áillue jáinoido afe fiénidinona Juzíñamui nana fiéñeno fuitade. Afe fiénide náiraimona dama Noéna naa siete diga ie comíniri Juzíñamui jíllotate. Afe Noé jáicina ñúefuedo íaioina lletade íadi jamáiena faitíaioi.

⁶ Bífue mei, daje izói Juzíñamui Sodoma jofue, Gomorra jofue imaci diga niné táinocaitate. Ua nana íaioi jofue bóua mei, daa ímuícaí fiébilla. Ua daí izire niné táinocaitate, ie méifodo fieni íitino, bífueña cíollano, Juzíñamui fiénidino izire duere finófirede daíllena. ⁷ Afeno bóocuamona Lot daínámie comeci ñuéñado íena jíllotade. Lot afe íairede comini fieni illáfueña ie cíonamona ie comeci jamánomo zúucaide. ⁸ Bie comécina ñúemie Lot, nágarui fiénide comini cígiri ie íllari, íaioi fieni finócafuiaina ciode; íaioi fieni úrillafuiaina cacade. Aféfuiai ie ñuera comécina zuere finode. ⁹ Daí cai Ocuíraima nana íena ñue jacírunitino íaioi comeci fieni facátafuiaimona íaioi jíllloillena ñue onode. Daje izói afémie nana fiénidino íco íraicaiño iere jicánollirui mo duere finóllena oni eneno jóoniana ñue onode.

¹⁰ Nana íaire comeci jítainafue jeire óiacadinona Juzíñamui iere duere fínoite. Cai Ocuíraima ríinona jámairunitinona daje izói duere zéfuitaitiaioi. Afémaci llétana cacáacaiñedino. Illáimana jacíruiñedino. Daje izói monamo ite jóriai izoide ríinoredinona báinuana jacíruiñediaioi. ¹¹ Juzíñamui abi imaci afe fiénidino baimo ríinorediaioi. Daí íaioi illa íadi, afémaci afe jóriai izoide ríinoredinona fieni daíñediaioi. Ua cai Ocuíraima uíecori afémacina báinuafuedo “Duere zéfuitiomoi,” daíñediaioi.

¹² Afe fiénidino rílleniai izói abina onóñediaioi. Afe rílleniai da ebena illáfue mo itiaioi. Ñúefue dine coméciñediaioi. Fia llaitada fállena jocócaiaioi. Bie izói itímiaí

ónoñegafuedo fiēni úritiaioi. Mei íadi afémaci jiba rille izói tíitiaioi. ¹³ Jiáie comini duere íaioi zefuítado duere finóbitiaioi. Ianori caimátaillifuedo jiáie iere íóbitadinodicaí, daiífirediaioi. Afémaci meáidaitadimaci. Comeci fiēni finode raa izói omoi cígiri itíaioi. Daje llezica omoi finoca ráfuiáido nabáiriacadiaioi ómoina íaire finóllena. Táinona jífueite caimátailla raado jífanotiaioi.

¹⁴ Afémaci nana ciona ringomo fia érocaineno llaitada jiruifue finócadiaioi. Afémaci fiēnidifue finuana iere gáidiaioi. Afena fáicanocaiacañediaioi. Comécina nánidinona bífueta íaifueite uitíaioi. Naga raana izire máinuana iere fibídiaioi. Afe izoide comini íaire faidócano. ¹⁵ Afémaci Moo Juzíñamui ñuera íómona oni fiēnidido jáidiaioi. Jaii uai llóraima Balaam ífuedo jáidiaioi. Afe Balaam Beor jitó. Afe Balaam fiēnidifuiái ie finuado aillo úcubena llínoiacade. ¹⁶ Mei jíáfodo afemona uáinide burra Balaam fiēnidifuiái diné íena lletade. Afe burra come izói úrillano, Balaana uáiritaidimie úrilla izói rairuillano íena úritañede.

¹⁷ Nana bie táinofuena llófueridino jainoi iñeno jainoi orano zafénailla izóidiaioi. Jairífodo oni niné ñaitaca mona úillie izóidiaioi. Jamánomo jítirede jítinomo zíñona íllena riire faidócaiaioi. ¹⁸ Mei aillo abi ínua uáillaído naa taino uailai díga, ñuémacina jífuecana uitíaioi. Iaiói íaifuiáido, comini abi jítainafuiái díga jíáimacina bífuetiaioi. Ua íaifue dibénemo itínomona uáfuena jíllodinona meine íaifueite nane bífuiáidiaioi. ¹⁹ Uícodo raire llotíaioi: “Uafue ráiruiñega comini izói íitiomoi,” daiífirediaioi. Mei íadi afe daína llezica, dani afémaci íaifue dibénemo izire jaináitaganona itíaioi. Iemona afémaci fiēnidifue finuana fáicanocainidiaioi. Illa dígamie íena anáfenode raa íena náamatade. Iemo afemo izire jaináitagamiena jaide. ²⁰ Mei cai jíllotate Ocuíraima Jesucrístona onódimaci, éniemo ite íaifuiáimona oni jíllodiaioi. Bimácimona dáarie íaioi jíllua mei nauí íaioi anáfenogafueite abido íaioi baíadi, nano íaioi illa baímo, jamánomo fígoñeite. ²¹ Juzíñamui ñuera iona íaioi onóñenia afefue afémacimona fígoñede. Mei íadi ja Juzíñamui iona onona mei, íaioimo iga ñuera lletárafuiaina féitaadi, afefue jamánomo fiēnide. ²² Jaii daína ua uai como afémacimo zúilla. Aféuai daide: “Jico ie cicúecana abido güízajide. Daje izói mero abina ñue jococa nane dama ie íaibímo nane jabíjabiizaide,” daide.

3

Cai Ocuíraima billifue

¹ Cue izíruiga ámatiai, omoi cácarei. Bie méifoidibe ómoimo cueticue. Ménacaiño ómoimo cue orécabedo ómoina abi jífueñeno bífueite comécitaacadie. Ñue llófueinafuedo ómoina comécitadicue. ² Afe jira jaii ñuera uai lloraini caímo llogáfuete omoi uibíoiri. Daje izói Cristo orécamaci ómoimo lloga jíllotate Ocuíraima lletara uaimo féitañeno afemo omoi coméciri.

³ Nano fueñe bífueite omoi uibíoiri: ico írairuillaído Juzíñamui lloga ñuéfuiaina zanófiredino bíitiaioiza. Afémaci dani íaioi comece fiēni óiacanafuiáido itíaioi. ⁴ Afémaci ómoimo zanoda jícanoitiaioi: “¿Ninomo ite ómoimo lloga meine bite Cristo? ¿Néemei afe? Cai jáiaigima tiilla méifomo naga raa daje izói ite. Ua énie comúllaruimona naga rafue daje izói jáioicaide.” ⁵ Daií llóitiaioi, mei jaii ninomo monana Juzíñamui ie uaido finuafueite coméciaicañediaioiza. Afe izói Juzíñamui uaido ocuíllamona, zocade raa zocai ízoi, bínie jáinoimona comuide. Iemo jainoi cígido bínie Juzíñamui ie uaido riire itábicaite. Aféfuena náfueñeno bie zanófiredino onóacañediaioi. ⁶ Afe mei daje izói énie anábaitade áillue noci aféruillaído bie éniemo ite cáadinuina niné táinocaitabite. ⁷ Mei íadi birui ite mona énie díga daje Juzíñamui daína uaido táinocaitalle irai íena oni jóoneoiga. Afe irai fiēnidinuiaí niné táinocailliruimo ico íraicaíño iere jícanolliruimo afe bíniēna naa mona díga cuarítaite.

⁸ Izíruiga ámatiai, bie emódomo ífuenta omoi féitañeno iri. Cai Ocuíraimamona daa mona mil fimona izóideza. Daje izói afémiemona mil fimona daa mona izóideza. ⁹ Cai Ocuíraima ie daináfuiyai fuitálliruimo dúcia bai jiáiruimo dúiñoñeite. Dámierie afémiena jiáiruimo dúiñoite daiífirediaioi. Mei íadi afémie cairi járitaiñede. Afémie buna oni fáiaçañede, mei jiáífodo caimo ite fiénidifuiyai ñúefuena méidollena afémie iere jitaide. Afémie aféruina bai jiáiruimo dúiñoñeite. Féitañeno ie mamécaruimo zúite.

¹⁰ Cai Ocuíraima billirui meríriraime naio billa izói, nai due ócuiñeitiaioimo déizaibiteza. Afe billíruimo mona naa íemo ite ráaniairi jacire niné táinoficaite; áfena iere ficire cácaite. Nana afe mona fínua ráaniai naa úcuairi iraimo niné táinocaite. Afe llezica bínie naa íemo ite itínuaiairi cúarite.

¹¹ Ja nana daií táinocaillifuenta omoi fidínamona, nana íaifuemona abi omoi rairuúllifue iere jitáirede; benómona afémiena caimare íóbitaredicaí. Ua Juzíñamui íeiena omoi illifue iere jitáirede. ¹² Mai Juzíñamui ie nahí illáimana cíocaizaibilliruimo omoi úiñori. Uíñua llezica, omoi onóigafuedo aféruina raire mai omoi járidori. Aféruillaído mona ero iraido niné táinocaite. Nana énie fínua ráaniai iraimo niné íbina jáitiaioi. ¹³ Mei íadi Juzíñamui uícodo caimo lloga comue monamo comue éniemo ocuúridicaí. Afe comue éniemo mona diga, nana raa ñue jaícina jóite. Naga raa níifuenite.

¹⁴ Izíruiga ámatiai, mei benómona nai bífuego omoi úiñoína llezica, nana ómoimo ite ríinodo omoi illafue jaícina jóoneri. Daií omoi comeci caimare uái illafue dibénemo íllamona Juzíñamui ómoimo eróicaizaibilleza. Afe izói omoi comeci íaicaíñeno nífuenino Juzíñamui ómoimo cíoizaibilleza. ¹⁵ Nane jiáífuego omoi comécioiri. Afefue daide: Cai Ocuíraima comínimo járitaiñenafue, ua cai jíllloillifue. Daa búuai cai izíruiga ama Pablo ómoimo cuete. Juzíñamui íemo lloga comeci jaícina fibíllafuedo cúefirede. ¹⁶ Nana afémie orécabiamona daa bífuiyai llote. Mei íadi dáarie ie uailai ñue onóillena iere féirede. Abina onóñedino afe féireduaina jiáífodo mamédiaioi. Afe izói jabo ínotino aféuaina jiáífodo dobáiñotiaioi. Daje izói jiáie Juzíñamui Cuegáuai lloga uáillaina oni jiáífodo áifedotiaioi. Afemona afémaci dani abi niné táinocaitaitiaioi.

¹⁷ Izíruiga ámatiai, nana bífuiaina ja uícodo onódiomoiza, mai fiénidinomona abi omoi rairuiri, afémaci jífuerillafuedo meine abido íaifuemo omoi báiza; omoi jeire oga ñúefuena niné féiza. ¹⁸ Mei jiáífodo, cai jíllotata Ocuíraima Jesucrístona, mai jamánomo ñue abina omoi onoiri. Caina ie duéruillafuemo, omoi comeci ifue aillo oni móonaitaocairi. Iere ebire ñúefue dama Jesucrístomo mai birui omoi nitari. Daje izói zíñona ebíredifue afémiemo mai omoi nitáfireiri. Mai. Jae ñie.

NANOIDE SAN JUAN CUEGABE

Primera Carta del Apóstol San Juan

Cáatate úrilla uai

¹ Nana raa nano taineina llezica itímiedo ómoimo cueticai. Afémie Jesucristo. Afémiemona cai cacánana lloticai. Dani cai uído cai ciónana lloticai. Afémiemo eróidicai. Afémiena dani cai ónoido jetádicai. Afémie Juzíñamuimona uailai lluáibitímie. Afémie uai caina cáatate. ² Afe cáataten a itímie cai onóillena caimo cíocaide. Afémiena cíoillanona íemo uai faiticai. Afémie fecalle zíñona cáananona ómoimo jino lloticai. Nanómona afémie Moo Juzíñamui diga ite, ie mei caimo cíocaide. ³ Jira cai cacánafue cai ciónafue diga uáfuenta jino lloticai, daaco comínina omoi cai diga íllena. Ua afe izói uáfuenta Moo Juzíñamuimo dájena jaináidicai. Daje izói ie Jitó Jesucristomo jaináidicai. ⁴ Jira aféfuiaina ómoimo cueticai aféuaido jamánomo caimare ñue omoi íllena.

Juzíñamui nairai comeci egáioidímie

⁵ Bie úrillauai Jesucristo caimo llogáuai. Afena jino ómoimo lloticai: Juzíñamui comécina egáioidímie. Afémiemo jaca jítinona íñede. ⁶ Dájena afémiemo jaináidicai cai daíadi, íadi afe llezica jítifodo cai macáadi, taino lloticai. Daje izói táinona finódicai. ⁷ Mei íadi Juzíñamui úzefomo illa izói, daje izói úzefomo cai macáadi, ua dájena conímamo jaináidicai. Iemo ie Jitó Jesucristo ie cruzmo tíllamona, ie die tótajamona nana cai fiénidifuiái dote.

⁸ Cai fiénidifue íñede cai daíadi, cai abi jífueticai. Táinofuefiredimacídicai. ⁹ Mei íadi Juzíñamui ñue jaícina finóllifueмо áfemo íñoredicai cai fiénidifuiái jino cai llóadi, uáfuenta afe fiénidifuiaina afémie dóite. Nana íemo fieni cai finócafue íbana caimo óñeite. ¹⁰ Cai fiénidifuiái finóñedicai cai daíadi, Juzíñamui táinofueredena ciótataiticai. Ie úrilla uaina uáfuenta jeire oñédicai.

2

Cristo cáiconi ñue úriraíma

¹ Cue jítótiai, bífuiaí ómoimo cueticue, íairedifuiaimo omoi báíñellena. Mei íadi dámie íairedifuiái finóadi, Moo uíecomo cáiconi ñue úritímie ite. Afémie Jesucristo. Ñue jaícina itímie. ² Jesucristo cai fiénidifuiái ícoínia fagámie. Dama cai ícoíniañedeza, mei íadi nana énie comini fiénidifuiái ícoínia.

³ Juzíñamui ocuífufuiai iere cai cacáreadi íena onódicaíza fídíticai. ⁴ Mei íadi dámie “íena onódicue” daíadi ie ocuífufuiai iere cácareñeniadi, afémie taino lloraíma, ua táinofuefiredímie. ⁵ Mei ie íbana Juzíñamui ocuífufuena finódimie, jae Juzíñamuina nabéfuena izíruite. Daí áfedo íemo cai jaináinana fídídicai. ⁶ “Juzíñamuimo jaináidícue” dámie daíadi Cristo maca izói ie macállino jítáirede.

Comue ocuífufue

⁷ Cue izíruigamací, comue ocuífufue ómoimo cueñédicue. Afefue nanómona ómoimo itífue. Afe jaiai rafue daje omoi cacana úrillafue. ⁸ Mei íadi ómoimo cue cuezafue comue ocuífufue izói ómoimo íficaízaíbite. Bie ocuífufue Crístomo nahí ua ráfuena ite. Afe izói bie ocuífufue ómoimo nahí ua ráfuena íte. Afefue ua nahífue, jítino oni jáioicaideza. Jae ua comécina egáíñollena ñue egáioinaza.

⁹ Dámie “úzefomo iticue” daíadi, íadi jíáimana nai éoia, afemie nai jítifomo ite. ¹⁰ Ie ámana izíruitímie úzefomo ite. Afémiemo minícana fiénidifuiaimo baítaitena íñede. ¹¹ Mei íadi ie ámana éoicaídímie nai jítifomo ite; ua jítifodo macade. Níne jáideza onóñede, jítino uina cíotañena jira.

¹² Jitótiai, ¡omoi cacai! Juzíñamui Jesucristo titáinanomo omoi fiénidifuiyai ibana ote. Ie jira bifue ómoimo cueticue. ¹³ Móotiai, ómoimo cueticue, nano tainéinanomo itímiena jae omoi onona jira. Jitócomini, ómoimo cueticue, Taifena omoi anáfenua jira.

Jitótiai, ómoimo cueticue, ja Moona omoi onóicailla jira. ¹⁴ Móotiai, ómoimo cueticue, nano tainéinanomo itímie omoi onóicailla jira. Jitócomini, daje izói ómoimo cueticue omoi riífredimacina jira; omoi comécimo Juzíñamui úrilla uai jeire omoi ua jira; Taifena omoi anáfenua jira.

¹⁵ Biniemo ite Juzíñamuina bacáuaredino finócafuiaina izíruiñeno omoi iri. Daje izói íaioimo itífuiaina cacáreiñeno omoi iri. Dámie afémaci finócafuiaina izíruiadi, afe llezica Moo Juzíñamuina íziruiñeite. ¹⁶ Nana íaioimona lloga ráfuiyai minícana Juzíñamuimona biñede. Fia dani íaioi cígimona comuide. Comécina íáiredemona fiene óiacanafue bite. Cai ui íóbicailla jitaillamona jíáie fiene óiacanafue bite. Caimo ite ráaniaimona fiene abi íinuafue bite. Nana afe billáfuiyai biniemo ite Juzíñamuina bacáuaredino llóolloga. ¹⁷ Afena bacáuaredino fúioicaide, naa íaioimo ite fiene óiacanafuiyai diga. Mei íadi Juzíñamui jitáinafue finódime jaca ninomo zíiñona ite.

Uafue táinofue diga dájemo jaináine

¹⁸ Jitótiai, jae írairuimo dúcidez. Cristo uáitaidimie bíllana cacádiomoi. Ja birui aillo Cristo uáitaidino cíocaide. Ie jira birui írairuina onódicaí. ¹⁹ Afémaci cáimona jino jáidiaioi. Mei íadi uáfuea cáieñediaioi. Uáfuea cáiena íaioi íadi, cairi fiébite. Ua afémaci cáimona jino jáidiaioi nana cáieñeitiaioiza uáfodo daíí áfede onóillena.

²⁰ Mei íadi Cristo Ñuera Joreño igáomoi; íemona afémiedo onótagaomoi. ²¹ Omoimo cueticue mei, uáfuea omoi onona jira. Uáfuea omoi onóñenamona cueñédicue. Uáfuea jíaie daa táinofuea comuínide. Jae onódiomoiza.

²² ¿Bu táinofueredimie? Jesuna Crístonede daidímie, afémie dama táinofueredimiena. Níimie Crístona uáitaidimie. Afémie Moo Juzíñamuina jáanote. Afe izói ie Jitona jáanote. ²³ Jitona jáanotimie afémiemo daje izói Moona íñede. Mei íadi Crístona jíeruitimie daje izói Moona onode.

²⁴ Ie jira, nanómona omoi cacana úrillafue omoi comécimo ñue omoi jóoneoiri. Jira nanómona omoi cacánafue ñue omoi coméciia Juzíñamui Jitomo dájena íitiomoi. Afe llezica cai Moori dájena íitiomoi. ²⁵ Jesús uáfuea uícodo llote, zíiñona cáananona caimo fecállena.

²⁶ Omoi jífueiacadinodo bifue ómoimo cueticue. ²⁷ Mei íadi Jesucristo ómoimo fecaca Ñuera Joreño ómoimo ite. Ie jira daíí buna ómoimo llófuenidiaioi.

Daje Ñuera Joreño nana ráfuiaina ómoina llófullofuede. Afémie llogafue uafue; táinofueñede. Jira daíí Crístono dájena omoi iri, Ñuera Joreño ómoimo llua izói.

²⁸ Jitótiai, mai birui Crístono dájena jaináicairi, afémie cíocailliruimo ie daínana ñue cai íinollena. Daíí ie bíllemo ie uiécona méairuiñeiticai. ²⁹ Ja onódiomoiza Jesucristo ñue jaícina finódime. Afemona daje izói nana jaícina finódino Juzíñamui jitótiaiza ónoitiomoi.

3

Juzíñamui jitótiai

¹ Mai ¡comécimo faca! Nií jamánomo Juzíñamui caína izíruilla. Iemona ie jitótiaína maméidicaí. Jae áfedicai. Ie jira éniemo ite Juzíñamuina éoidino cai izói comécieñediaioi, mei Juzíñamuina íaioi onóñena jira. ² Izíruiga ámatiai, jae Juzíñamui jitódicaí. Iirairuimo cai íficaillifuea nai caimo ácatañega. Mei íadi onódicaiza, Jesucristo cíocaia afémie izói íiticaí, ie illa izói námiena cai ciona jira. ³ Nana afémiemo daíí comécidimaci dani dáamací nana íaifuiaimona ñue dóficaitadiaioi, mei Jesucristo íáifuenidimie illa izói íiticaí.

⁴ Mei íadi nana fiénidifue finódimaci Juzíñamui ocuícáfue uáitajano jámairuite. Mei jira fiénidifue ocuina ráfuenta uáitaoina. ⁵ Jae Jesucristo bie éniemo cai fiénidifue oni duáibillana onódiomoi. Daje izói afémiemo nifue iñénana onódiomoi. ⁶ Mei jira nana afémiemo dájena jaináioicaidimaci fiéni macánidiaioi; mei íadi nana fiéni macáfiredimaci afémiena jaca cióñediaioi; íena onóñediaioi. ⁷ Cue jitótiai cacai. Buna ómoína jífueñellena nane dáititcúe; ñúefue finófiredimie ñúemie, Jesucristo ñúemiena illa izói. ⁸ Mei íadi fiéni macáfiredimie Taifemo jaináidimie, mei nanómona Taife fiénidifuiaredimiena ite. Uafue Juzíñamui Jitó Taife finócafuiái táinocaitabite.

⁹ Juzíñamui jitótiaimona jaca buna figóñeno macáoicaiñede, Juzíñamui íemo iga cáanano íemo illa jira. Afémie fiénidifuenta finófinide, Juzíñamui jitoza. ¹⁰ Afedo bu mei Juzíñamui úruiaínaza, bu mei Taife úruiaínaza onódiomoiza. Uafue ñíimierie ñúefuenta finóñenia, ie ama íziruiñenia, afémie Juzíñamui dibénemo itímieñede.

Conímána cai izíruillafue jitáirede

¹¹ Mei jii nanómona omoi cacana úrilla uai, be nie uai: conímána cai izíruillafue jitáirede. ¹² Caín izói omoi iñeno iri. Afémie Taife dibene ímie, íemona ie ama titade. ¿Ñibái mei íena titade? Caín úradoillano ie ama titade, Caín finócafuiái figóñena jira; mei íadi ie ama finócafuiái ñuera.

¹³ Cue ámatiai, Juzíñamuina bacáuairédino ómoína éoinamona fáigacaiñeno iri. ¹⁴ Jae tíizaille íomona ziiñona cáailiomo dóbaicaidicai. Afena onódicai, Jesuna ínotinona cai izíruilla jira. Mei íadi izíruiñedimie tíizailiодо jaide. ¹⁵ Nágamie ie abi cómena éoidimie cómena titádímie izói ite. Iemo come titádímie comécimo ziiñona cáanano iñénana onódiomoi. ¹⁶ Jesucristo ie cáanano cáiconi iga; áfedo nana izíruillafuiaina onódicai. Afe izói cai cáananona lloñeno Jesuna ínotinori daí abina zóoferedicai. ¹⁷ Dámie ie illínomo jitáirede raa ítemo, ie aino come jitaica raa iñénana cióillano, mei íadi íemona jeruide, ¿ñie izói Juzíñamuimo izíruillafue ie comécimo íteza? ¡Ñede! ¹⁸ Cue jitótiai, ¿fia fuenta daína uaido mai cai izíruiñeno iri! ¡Mei íadi ñue finóllifuiaido uafue izíruillafuedo mai conímána cai izíruiiri!

Juzíñamui uiécomo ñue íena ínofirenafue

¹⁹ Jira daí uáfue mo jaináidimacidicai onódicaiza; nane aféfuemona Juzíñamui uiécomo ñue íena ínofiredinodicai. ²⁰ Cai comeci cai ícoínia llóyadi, Juzíñamui cai comeci baimo aillo ñúemienaza onódicai. Afémie nágafuiái onode. Iemona afe ícoínia caimo íbana óite. ²¹ Mei jira, izíruiiga ámatiai, cai comeci cai ícoínia lloñeniadi Juzíñamui uiécomo ñue íena ínofiredinodicai. ²² Nana íemo cai jicaca raana fécaite, ie ocuícáfuiaina jeire cai úamona; ua íena cai íóbitamona áfeniaina caimo fécaite. ²³ Afémie ocuícáfue daide: “Ie Jitó Jesucristomo cai ínori. Afe emódomo cai conímána cai izíruiiri afémie cai ocuilla izói,” daí daíñoacade. ²⁴ Ie ocuícáfuiaina iere cacáreidimaci afémieoiri itíai. Daje izói afémie nágaruí íaioiri ite. Afémie jaca caimo íllana onódicai. Ua áfena afémie caimo iga Ñuera Joréñodo onódicai.

4

Ñuera Joreño Crístona uáitafirede jóriaina anáfenoacade

¹ Bie énie táinofuiái llotínona orúzaideza. Afémaci “Juzíñamuido úriticai,” daidíai. Izíruiiga ámatiai, ¿omoi cácarei! Naga “Juzíñamui dibéfodo úriticai” daidímiena ínoñeno iri. Mei íadi íaioína facátari, ñie joreño íaioimo íllana onóillena, Juzíñamui ie, ñibai íeñede. ² Juzíñamui Joréñona itímie omoi onóillifue llóititcúe. Nágamie Jesucristo ua cómena biniemo bite jino onótatimie, afe cómemo Juzíñamui Joreño ite. ³ Mei íadi daí jino onótañedimie Juzíñamui Joréñoñedimie. Afémiemo Crístona uáitafirede jóriai ite. Afe izóidena fiénide jóriai bíllena ja cacádiomoi. Mei afe jae bie éniemo ite.

⁴ Jitótiai, omoi Juzíñamui iédiomoi. Omoiri itímie baimo riinorenamona, afe táinofiredinona jae anáfenodiomoi, mei íaiói daináfuiái omoi íinoñena jira. Bíniamo ite táinofiredinori itímie jabóidímie. ⁵ Afémaci Juzíñamuina bacáuairedinomo jaináidino, ie jira Juzíñamuina bacáuaido úritiaíoi. Iemona bíniamo ite Juzíñamuina íinoñedino afémacimo cacáreidiaíoi. ⁶ Mei íadi caí Juzíñamui iédicaí. Juzíñamuina onódímie caímo cacáreide. Mei íadi Juzíñamui íeñedímie caímo cacáreíñede. Afedo uafue uaina llófueinafuenta onódicaí; daje izói jífuetena llófueinafuenta onódicaí.

Juzíñamui izíruitímie

⁷ Izíruiga ámatiai, conímana caí izíruilla jitáirede; izíruillafue Juzíñamuimona bíteza. Nana izíruillafuiairedino Juzíñamui jitótiai. Afe llezica Juzíñamuina onódiaíoi.

⁸ Juzíñamui jamánomo izíruillafuiaína oruídímie, ie jira izíruillafuenidímie Juzíñamuina onóñede. ⁹ Juzíñamui daade ie Jitó ana éniemo orede afémiedo cáananona caímo íllena. Afedo ie caína izíruillafue caímo ácatate. ¹⁰ Afe óriado uáfuenta izíruillafuenta caí fidítate. Juzíñamuina caí duéruia nahí izíruillafueñede. Mei íadi afémie caína dúecaillano cáiconi ie Jitó ória, afe nahí izíruillafue. Ua Juzíñamui caí fiénidífuiái ícoína caí jáinona duere finóllimiena ie Jitó orede.

¹¹ Izíruiga ámatiai, Juzíñamui daí caína izíruillamona, afe izói conímana caí izíruillafue jitáirede. ¹² Juzíñamuina jaca buna cióñena; mei íadi conímana caí izíruia Juzíñamui caí comécimo ite. Afe illa dáaruido Juzíñamui izíruillafue caímo ñue riire comuíoicaide. ¹³ Juzíñamui dibénemo caí íllana, caí comécimo Juzíñamui íllana ónorede. Afena ie Ñuera Joreño caímo fecáinado onódicaí. ¹⁴ Moo Juzíñamui ie Jitó orede afémiedo comini jíllloillena. Iena dani ciódicaí. Afena jino uáfodo lloticaí. ¹⁵ Nágamierie Jesús Juzíñamui Jitona onótatímie, jaca Juzíñamui diga ite. Daje izói Juzíñamui afémie comécimo ite.

¹⁶ Daí Juzíñamui caína izíruillana fidítagacaí. Aféfuenta ínoticaí. Juzíñamui jamánomo izíruillafuiaína oruídímie. Izíruillafuemo itímie Juzíñamuimo ite. Afe izói Juzíñamui afémie comécimo ite. ¹⁷ Daí jamánomo ñuera izíruillafue caímo comuíoicaide. Iemona írairuimo facátalliruido ñue íena ínofiredinona íticaí. Mei Jesucristo bie éniemo ñue cáimamiéna illa izói afe izói iticaí. ¹⁸ Izíruinafue mo jacíruillafue íñede. Mei jira ñue jáicína izíruillafue jácifuenta jino orede. Mei jácifue mo duere finótajano ite. Ie jira jacínaitímie ñue jáicína izíruioicaíñede.

¹⁹ Caí Juzíñamuina izíruiticaí, nano fueñe caína ie izíruilla jira. ²⁰ Dámie daíadi “Juzíñamuina izíruiticue” mei íadi afe llezica ie daano cómena éoia, afémie táinofueredímie. Uafue dámie ie ciona daano cómena izíruíñede, afe llezica cióñena Juzíñamuina izíruinide. ²¹ Juzíñamui caímo iga daa ocuífue. Afe bie ocuífue daide: “Juzíñamuina izíruitímie daje izói ie aino cómena izíruiri,” daide.

5

Caí dinena bíniamo ite fiénidífuiaina anáfenoiticaí

¹ Nágamie Jesús Crístona ínotímie Juzíñamui jitó. Dámie come moona izíruitímie afe izói afe moo jitótiaína izíruite. ² Moo Juzíñamuina caí izíruia, afe llezica ie ocuífue caí finóadi, Juzíñamui jitótiaína caí izíruillana ja ónoiticaí. ³ ¿Mínica Juzíñamuina izíruillafuenta? Mei ie ocuífue caína jeire caí ua. Ie ocuífue llégienide; ⁴ mei naga Juzíñamui jitó éniemo ite fiénidífuiaina anáfenorede. Ua caí ínuafuedo éniemo ite fiénidífuiaina anáfenodicaí. ⁵ Dama Jesús Juzíñamui Jitona ínotímie éniemo ite fiénidífuiaina anáfenorede.

Juzíñamui Jitomo uai nabáillafue

⁶ Jesucristo jainoi die diga ciócaizaíbitímie. Ie báutizaillarumo Juzíñamui Jitona comini fidítagaiaíoi. Afe izói ie tíizaillarumo, dama ie abi zóofiano, ie die tóillamona áfedo comini onótagaiaíoi. Fia jáinoíñedeza, íadi jainoi die diga bite. Jesús Juzíñamui Jitónafue mo Ñuera Joreño uai nabáiraima. Ñuera Joreño llogafue uafue. ⁷ Afe Jesús

Juzíñamui Jitónafuemo damieámani uai nabáiraima monamo ite: Moo Juzíñamui, Juzíñamuimona Uailai Lluáibitimie, Ñuera Joreño diga. Bie daámani come daináuai dáamiemo jainaide. ⁸ Eniemo daje izói daámani uai nabáiraima ite: Ñuera Joreño, íemo Jesús báutizaja jainoi, íemo ie tíillaruiimo totaca die diga. Bie daámanide dane dáamiede.

⁹ Comini uai nabáillafue llinofiredicai, mei íadi Juzíñamui uai nabáillafue jamánomoide, ie jira ie Jitori uai nabáillafuena cai íinolle iere jitáirede. ¹⁰ Juzíñamui Jitona íinotimie bie uai nabáillafue dama ie comécido úicade. Juzíñamuimo íinoñedimie Juzíñamui táinofueredena cíotate, Juzíñamui ie Jitori uai nabáillafue dainana ie íinoñena jira. ¹¹ Afe daináfuedo Juzíñamui daide: zíñona cáanano afémie caimo iga. Afe cáanano ie Jitodo bite. ¹² Juzíñamui Jitona comécido llinotimiemo afe zíñona cáanano ite. Mei íadi Juzíñamui Jitó comécido llinoñedimiemo afe cáanano iñede.

*Juan íra*icaiño lluífuiái fuizáillafue diga úrite

¹³ Ja Juzíñamui Jitona íinotiomi. Jira bifue ómoimo cueticue zíñona cáanano ómoimo íllana omoi onóíllena.

¹⁴ Juzíñamui uáfueña caimo cacáfírenana íinofiredicai. Daa minícana cai jicáadi ie comei jítaina izói, afémie cai daina cacana onódicai. ¹⁵ Mei jira afémiemo cai úrillana Juzíñamui cacáfírenana onódicai. Afena onónamona cai jicácana afémie caimo fécana daje izói onódicai.

¹⁶ Cómena títañeite fiénidifue ite. Dámie ie aino come afe fiénidifue fínuana cióadi, Juzíñamuimo afémieri jicari. Iemona Juzíñamui cáananona íemo fécaite. Títade fiénidifue ite. Afemo Juzíñamuimo omoi jicari daiñedicue. ¹⁷ Nana fiénidifuiái íaifue; come comécina titade. Mei íadi jíaie íaifue ite; afefue cómena títañeite.

¹⁸ Juzíñamuina Móoredimie íaifuedo macáñedeza onódicai; mei Juzíñamui Jitó íena úiñoteza. Ie jira Taife íena ocuínide.

¹⁹ Juzíñamui íedicaiza onódicai. Afe izói nana bnie comini Taife ocuícáfue anamo itíaióiza onódicai.

²⁰ Juzíñamui Jitó jiaí bllana onódicai. Afémiedo ua nahí Juzíñamuina onótagacai. Afe Uámieemo jaináicana iticai. Afefue daiíacade Juzíñamui Jitó Jesucristo dibénemo iticai. Afémie nahí Juzíñamui. Afémiemo jaináicana cai íadi zíñona caina cáataite. ²¹ Jitótiai, mai jánaraimo caimátaiñeno omoi iri; daje izói nana jíaie jífujete jóriaimona abi omoi rairuíri. Jae nñie.

MÉIFOIDIBE SAN JUAN CUEGABE

Segunda Carta de San Juan

Uafue íemo izíruillafue diga llóiticue

¹Ja éicomedicue; ocuíraimadicue. Jae Juzíñamui nizeca cue miringo izóidingodio. Bie rabe ómoimo cueticue naa o úruiairi. (Bimaci iglesia daina Juzíñamuimo gairífredino.) Naa o diga afémacina uáfueña izíruiticue, mei dama cúeñedeza. Nana uáfueña onódino daje izói afémacina naa ori izíruitiaioi. ²Ñue uafue ícoinia ómoína izíruiticue. Afe uafue cai comécimo ite; ie mei afefue jaca ninomo cairi iite. ³Moo Juzíñamui ie Jitó cai Ocuíraima Jesucristo diga, ómoína cáimacaitaite. Afémie dúecaillano jamánomo izíruillafueña ómoimo llóite, naa comeci caimare uái illafue diga. Izíruillafueña uáfueña nana aféfuiaína cai onótate.

⁴O jítótiaimona dáarie uafue daina izói mácana fidídicue. Afefue cuena ióbitade, mei Moo Juzíñamui daíí cai ocuídeza. ⁵Miringo izóidingo cacai. Ja birui omo izire jicádicue conímana cai izíruillena. Bie omo cuegafue comue ocuícafueñede. Mei íadi afefue nanómona caimo ite. ⁶Bie izíruillafue daííacade Juzíñamui ocuilla izói cai finóllena. Ja nanómona omoi cacana izói afe ocuícafue daide: “Izíruillafuedo omoi macari.”

Jífueriraini ifue

⁷Mei jii, aillo jífueridino bie éniado macádiaioi. Afémaci Jesucristo ua come izói bíllana uáitatiaioi. Daiítadimie jífueriraima. Afémie Crístona uáitaide. ⁸Afémiemona abi omoi rairuíoiri o táijinamona oga comeci ñúefue táinocaiñeillena. Iemo jíái afémiemona abí omoi rairuiri nana o táijina iba ñue Crístonona jaícina óllena.

⁹Ñíimie Cristo llogáfueño comécíñeno nibéfodo jáidimie, afémie comécimo Juzíñamui íñede. Mei íadi Cristo llogáuaimo comécíidimie comécimo Moo Juzíñamui ite, ie Jitó diga. ¹⁰Dámie ómoína llófuiabiadi, íemo bie Cristo llogáfueña atíñeniadi, íena uáidoñeno, jofu eromo llíinoñeno omoi iri. ¹¹Iena uáidotimie, afémie lloga íaifue dáafueña llíinoiteza.

Fuizájidíuui

¹²Omoína aillo daííacadicue, mei íadi rabedo cúeiacañedicue. Omoi dani conima uíecomo cue úrizaillena úiñoiticue. Afe daíí cai cáimafue jaícina íficaite. ¹³Omoi ebuño izoide benomo ite iglesia daina Juzíñamuimo jaináidino daje izói Juzíñamui nizécamaci. Afémaci omo uai orédiaioi. Jae níie.

IIRAIBE SAN JUAN CUEGABE

Tercera Carta de San Juan

Gáyodo ñuefuena úritimaci

¹ Ja éicomedicue, ocuíraimadicue. Cue izíruiga nabaimo bibe cueticue. Bímie mámecei Gayo. Afémiena uáfuena izíruiticue.

² Cue izíruiga ama, ori Juzíñamuimo jicáfiredicue áfedo nana o finócafuiaí ñue móonaillena. O abi caimare náireillena jicádícue, o joreño ñue nífuenina izói. ³ O ñúefuedo macáfírenafue dáarie ámatiaimona cue fídiamona, afe cuena iere ióbitade; mei ua onódicueza o jaca ñúefuedo macáfiredio. ⁴ Ua ie baimo cue ióbillena iñede. Afe cue cacana cue jitótiaí uáfuemo coméciidiaioí; áferi jamánomo ióbidicue.

⁵ Izíruiga ama, o illánomo ite ámatiaína o canóllena figura. Ie mei oni jáinomona bite ámatiaína o canóllena jamánomo ñuera. ⁶ Juzíñamui mámeceido gairídímaci uícomo íaioína o izíruillafue jino llotíaioí. Izire daidícue: Mai íaioí cano; íaioí jáilliruimo jitaica raana íaioíme ine; áfedo caimare íaioí jáilleza. Ua Juzíñamuimo ióbilla izói íaioí cano. ⁷ Mei jira afémaci Jesucristo táijinafuedo jáizaidiaioí. Afe cánuana Juzíñamuina ónoñegamacimona llíñoñediaioí. ⁸ Ie jira íaioí jitaica raana cai finóredicai, afémacina cai canóredicai. Afedo íaioí uáfuena llúana canódicai.

Diótrefes fiénino mácafue

⁹ Juzíñamui mámeceido gairífiredinomo cuegafue lluabe nauí orédicue, mei íadi Diótrefes cai ocuilla ríinona óiacañede, íaioí cígimo úicofiacadímie illa jira. ¹⁰ Ie jira cue jáíadi ie fiéni mácafue jino uáfodo onótaiticue, nana ie fiéni úrioinafue, ie táinofuerena caina uáitaoinafue diga. Ie mei afe baimo bitino ámatiaína afémie llíñoñede. Afe llezica afe bitino llíñoacadímacina rairuúllano, afémie gairídímacimona íaioína jino jiude. ¹¹ Izíruiga ámatiaí, fiéni onótarafuiaido jáíñeno iri. Ñúefue finori. Ñúefuena finódímie Juzíñamui ímie, mei íadi íaífuiaí finódímie Juzíñamuina jaca onóñede.

Demetrio ñuera onótafue

¹² Nana comini Demétriori ñue úritiaioí, mei afémie ñue mácafue uáfori cióideza. Dani cai nane aféfuemo ñue uai nabáiraimacidicai. Iemona uáfuena cai daífírenana onódiomoi.

Uai Fuizájillauai

¹³ Ona aillo daííacadicue, mei íadi rabedo cúeiacañedicue. ¹⁴ Ona raire cíoillena úiñoticue. Aféruído conima uícomo eróicana úriticoco.

¹⁵ Comecei caimare uái illáfuemo o iri. Benomo ite nabáíñiaí omo uai orédiaioí. Izire daidícue nágamierie coco nabáíñiaímo conima uícomo o uáidori. Jae ñie.

SAN JUDAS CUEGABE

La Carta del Apóstol San Judas Judas Juzíñamui uáidoganomo cuete

¹ Jesucristo táijitagamie Júdadícue. Santiago ámadícue. Bibe Juzíñamui mamécanomo cuetícue. Ua cai Moo Juzíñamui uáidoganodiomoi, íeiena ñue finoda maiñócanomo omoi íllena. Jesucristomo omoi jaináinamona ñue eneno rairuícánodiomoi. ² Mei Juzíñamui jamánomo aillo caimo ie dúecaillafue, íemo jíái ñue uái omoi illífüe, íemo jíái ñue izíruillafue, dígafue ómoimo llóiteza.

Táínofuiaina llófuefiredino
(2 Pe 2.1-7)

³ Izíruiga ámatiai, cai comeci jíllloillífuedo izire ómoimo cúeiacadícue; mei afe jíllloillena Juzíñamuimo cue íinua izói, afe izói iere íinotiomoiza. Mei íadi ómoína jíáífuedo rabedo llóredícue. Táínofuiái lluíáibitino omoi jeire ogáfueña féitaiacadiaíoiza; ie jira izire ómoína daidícue: Riire abí omoi mameri. Íaíoi díga fuirilla izói omoi iri, omoi íinogafue íaíoi féitañeilleza. Afefue nauí nana Juzíñamuimo jaináidinomo dácaíño iga. ⁴ Mei omoi cígimo ninena dámierie táínofue lluíáibitíaoi. Afémacína Juzíñamui Cuegáuallai jaiai uícodo íaíoi olle duere finóllífueña llote. Afémaci íáibaníai. Afe ííñiai daide: “Juzíñamui ñúefueña jeire óitícaí;” mei íadi afe dáínado rairuíñeno fiénidífueña iere nícidotíaoi. Afémaci daade cai Naama Juzíñamuina ruiffruitíaoi. Daje izói cai Ocuíraíma Jesucristo llogáuaina uáitátíaoi.

⁵ Mei ja onódiomoi íadi, como cue daífacanafuemo ómoína uibóitaacadícue. Juzíñamui Israel comínina Egipto éniemona oni orede. Oni uano daí nana íaíoiña ñue jíllotote. Mei íadi, íaíoi cígimona dáarie íinoñena jírrari, Juzíñamui afe íinoñedinona jíáíruido niné táinocaitate.

⁶ Afe izói Juzíñamui abí imácimona dáarie Juzíñamui anamo ñue íaíoi illáfueña fáicanocaiacadiaíoi. Afe mei daní íaíoi illánona fáicanocaillano oni jíáinomo jáidiaíoi. Ie jira Juzíñamui íaíoiña ico izire íraicaiño iere jícánollíruimo íaíoiña maitá jae íbaica. Afémaci jae jítinomo iere zábiñede llójejína maigáíaoi.

⁷ Daje izói Juzíñamui Sodoma jofue íemo Gomorra jofue díga bóotate, naa afe áinori ite jófueníairi. Mei afécuai comíni Juzíñamui abí imácimona fiénina jira dáarie llavécamací izóidiaíoi. Afe bimaci jamánomo daní jofo conímari ébecotaifirediaíoi. Naga Juzíñamui comínimo mameca ñue illáfueña jíruíreillena uáitafirediaíoi. Daí íaíoi íllamona ziiño iraimo duere finócaíaoi. Afe bifue, afémaci izói cai íneillena, caimo cíotaga.

⁸ Afe emódomo bie taino lluíáibitíno íaíoi táínomo comécíillafuíaido daní íaíoi abína bácadiaíoi. Daje llezica cai Ocuíraíma ríinona uáitátíaoi. Caífo monamo ite jóriai izoide ríinoredinona íaire dáíifirediaíoi. ⁹ Mei íadi Juzíñamui abí imácimona illáima Miguel, Taífe díga fuirízailla llezica ñúefodo úrite. Tíide Moisés abína júfidotíallínoí. “¿Buna náamareite?” daidíallínoí. Aféruimo Miguel íáirede uaido íena faidóñede, mei íadi ía íena daide: “Ocuíraíma Juzíñamui ona izire llétaiteza,” daide. ¹⁰ Mei bie táínodo llotínuiái íaíoi ónoñega ráfuedo fiéni úritíaoi. Mei íadi comécína onóñede rílleníai izói itíaoi. Fia íaíoi abí jítaina ráfueño comécíoidiaíoi. Daí comécíillano áfeodo jáíllamona daní íaíoi niné táinocaitallíaoi.

¹¹ ¡Níí íaíoiña dúerena! Caín díbéfuedo jáidiaíoi. Aillo úcube óiacanamona Balaam izói oni íaífueño baízaidiaíoi. Daje izói jaiai ite Coreña mámeçiredímie, Moisés dotáacanamona niné táinocaitate naa íemo jaináidinori. Afe izói biruí omoi cígiri ite fiénidífuiái llotíno llíicaitíaoi. ¹² Omoi finoca conímána izíruilla ráfuiái cígiri meáire

HIRAIRUILLAIDO IITIFUIAI JINO CIOTAINA Juzíñamui San Juaamo Jino Cíotagafue EL APOCALIPSIS O Revelación a San Juan

Jesucristo jino onóitagafue

¹ Bifue uire íitífuiái jino cíotainafue. Juzíñamui bífuiaina Jesucristomo cíotate, afémie ie ocuífíreganomo ácatallena. Daií Cristo uáfueña raire íficaitífueña jino íaioimo ácatate. Jesucristo ie ángel daina abi ímiedo bie jino cíotagana ie ocuífíregamie Juaamo onótate. ² Afe Juan nana ie ciónana uáfueña jino llote. Daje izóí afémie Juzíñamui lloga uaina nabáífirede. Afe Juzíñamui lloga uai Jesucristodo ñue jaícina llócaiga. ³ Bie Juzíñamuimona oga uaina jiáímacimo facáduana cacádino caimare itáioi. Daje izóí bie rabénicomo cuega uaina cacáillano ñue náfuetino caimare ióbitiaioi. Mei bie rabénicomo llogáfuiái zúítirui ja áinozideza.

Siete dígade iglésiai daina Juzíñamuimo gáirífiredinomo Juan cuete

⁴ Asia éniemo ite siete dígade iglésiai daina Juzíñamuimo gáirífiredinomo cueticue. Cue Juáadicue. Mai Juzíñamui ñúefuiái dibénemo, naa ie caimare uái illafue dibénemo omoi iri. Mei afe Juzíñamui birui itímieza, íemo jaca nanómona jaiái itímieza, íemo uire jaca ninomo íitímieza. Daje izóí ie ráirano uícomo siete dígade ñuera jóriai ite. Afe jóriai Juzíñamui Ñuera Joreño jana. Afémie ñúefue dibénemo omoi iri. ⁵ Iemo daje izóí Jesucristo lloga ñúefuiái jeire omoi oíri. Afémie jiáífo méidofínide uai nabáiraima. Daje izóí afémie nano tñillanomona abido meine tñíñellena cáatagamie. Iemo jiái afémiemo bínie illáicomini ocuilla ríino ite. Afe Cristo caina izíruillano ie totaca díedo cai fíénidífuiaina oni dote. ⁶ Iemo nane illáicomínina caina itátate ie Moo Juzíñamuimo cai jaináillena. Daje izóí comínido Juzíñamuimo úrifiredinona caina jónete. Afe Juzíñamui íena jóonegacái. Ie jira jaca ninomo áillue ébifue naa ocuilla ríino díga afémie íena íteza. Aquíe izóideza.

⁷ ¡Ero, Cristo mona uílliedo bite! Nana comini íena cíoitiaioi. Daje izóí ie fatino íena cíoitiaioi. Iemo nana bínie nairai afémie bíllana cíoillano éenaitiaioi. Jií, uafue daiítadeza.

⁸ Cai jamánomo riire Ocuídímie bie izóí daide: “Nana ráfuiái nai cómuíñenia uícodo itímiedicue. Daje izóí fuizájillanomo itímiedicue. Abecedario A-do táinia izóí náno-ramiedicue. Daje izóí abecedario Z-mo fuizailla izóí íiraimiedicue,” daide. Afémie birui itímie, íemo jaca nanómona itímie, íemo uire jaca ninomo íitímieza.

Ebírede Cristo nicáirilla izóí ciona

⁹ Omoi ama Juáadicue. Omoi duere zefuilla izóí daane duere zefuídícue. Daa omoi izóí Juzíñamui illáimana illánomo jaináidícue. Iemo Jesucristo omoi úiñotaja izóí daa omoi díga úiñotagacue. Jesucristodo fairíotaga Juzíñamui ñuera uai jino cue llócailla jira llavécacue. Pátmosmo mámeçirede monaillai cigi ídumo llavécamiedicue. ¹⁰ Iemo afénomo cai Ocuíraima cai ocózinaitaruimo Juzíñamui Ñuera Joreño náamatagacue. Afe llezica vudugoi fúunua izoide ficírede uaina cue méifomo cacádícue. ¹¹ Afe uai cuena daide:

—Naga ráfuiái uícodo itímiedicue. Daje izóí fuizájillanomo itímiedicue. Abecedario A-do taineca, íemo Z-mo fuilla izóidímiedicue. Mai nana o ciona díga daa rabénicomo cúeiri. Cuiano, Asia éniemo ite siete dígade iglésiai daina Juzíñamuimo gáirífiredinomo o oreri. Afe jófueniai mámeçiai: Efeso, íemo Esmirna, íemo Pérgamo, íemo Tiatira, íemo Sardis, íemo Filadelfia, íemo Laodicea, —daide.

¹² Bu cuemo úrilla daiíllena abido gírecaidicue. Gírecaillano, siete dígade oro finoína mechérana ciódicue. ¹³ Afe cígimo cómemona comuídimiena eróidena ciódicue. Afémie jitáoi garoi éiba ícoimo dúcide. Ie jogóbemo lláidife oro finoína. ¹⁴ Afémie ifótirai iere úzerede, jaiilici úzerena izói úzerede. Iemo jiái nieve izói úzerede. Ie ui irai bóua izói cíoide. ¹⁵ Afémie éiba ñue queníretaga bronce izói quenírede. Ua bronce iraimo ruílla llezica jamánomo quenírena izói, ie idai quenírede. Iemo aillo imánillai nofíco tua ficírena izói ie uai ficírede. ¹⁶ Afémie onoi nabézimo siete díga ucudu llíide. Ie fuémoma iere jáirede llojéfaí izoide raa jino billa; afefai nágafene jáirede. Ie uieco jitoma iere riire egáíñua izói riire egáíñote.

¹⁷ Afémiena cíoillano, ie anamo tídimie izói baiídicue. Mei íadi afémie ie nabezi cuemo bitano cuena daide:

—Jacíruiñeno o iri. Cue bie nanóidimiedicue; dáamiedicue fuizájillanomo íitimiedicue. ¹⁸ Birui cáadimiedicue. Mei nauí tídicue, mei íadi birui jaca ninomo cáaiticue. Tíilla zuitara llave izoide raa cuemo ite; daje izói tíidino illano lláveniai cuemo ite. ¹⁹ O ciona díga mai cúeiri; birui itífuiai cúeiri, íemo uire cómutifuiai cúeiri. ²⁰ Cue nabézimo o ciona siete dígade ucúduai rafue nauí báinino ite. Ja birui jino uáfodo llórede; daje izói siete dígade mechera rafue llórede. Afe siete dígade ucúduai siete dígaze Juzíñamuimo gairídino uai llócaítino jana. Iemo afe siete dígade mechera siete dígaze Juzíñamuimo gairífredino jana, —daií afémie cuena daide.

2

Siete dígade iglésiai daina Juzíñamuimo gairífredinomo lloíluai: Efésomo ite ínotinomo llogáuai

¹ Cue cíonamie dáanomo cuena daide:

Efésomo ite Juzíñamuimo gairídino úñoraímamo búai cúeiri: “Afe nabézido siete dígade ucúduai llíidimie daje izói siete dígade oro finoína mechera cígido macáfírede. (Afémie mechera cígido mácafírena izói, comini ñue úñolle jana.) Afémie afe úñoraímama bie izói daide: ² Nana o finócafuiaina onódicue. O ríredemo táijidíoa onódicue, naa o comeci járitaiñedeza. Daje izói fiénidino fieni illáfuiaina iere izire o rairuíllana onódicue. Iemo jiái táinona “Jesucristo orécanodícaí” daidínona facátatíoa onódicue. Afemona afémaci taino llúana baitíoa. ³ Jaca o comeci járidoñedio, íemo iere cuedo o táijina llezica cue ícoínia iere duere zefuídíoa. Afe llezica zefuíruiñeno ñue táijidí. ⁴ Mei íadi daa figóñedífuena omo ite. Nano fueñe cue o izíruilla izói birui cuena izíruíñedio. ⁵ Ie jira ninómona oni nibéfodo baiídíoa comeci uibi. Mai omo itífue méidori. Fueñe o illa izói o iri. Bífuena o méidoñenia omo raire bíitícué, omo ite egáíñote raa oni óllena. ⁶ Mei jiáífodo, daa ñúefuena nai omo ite. Afe nicolaítas fieni finócafuiaimo naa íaíoi fieni jiáífodo llógamo éoícana eróidí. Cue daje izói áfena éoidícué. ⁷ Ñuera Joreño Juzíñamuimo jaináidínona dáinamo cacáacadimie áfemo cacai. Afe Ñuera Joreño bie izói daiíacade: “Fiénidena anáfenodínona jáidímacina Juzíñamui nífueninanomo ite cáatate amena llizíllana güitátaitícué,” daide.

Esmírnamo ite ínotinomo llogáuai

⁸ Daje izói Esmírnamo ite Juzíñamuimo gairídino úñoraímamo búai cúeiri: “Nanóidimie dáamie íraímiena ómoímo úrite. Nauí bíniemo tídimie, íemo meine abido nane cáadimiena jaide. Afémie ona daide: ⁹ Nana o finócana onódicue. Daje izói o duere zefuíllana onódicue, naa o ráanina díga. Mei íadi uáfueza Cristo díbenedo iere ráaredí. Jiáímaci fieni omo úrillana onódicue. Afémaci, “Juzíñamui nízeza Judíodícaí” daidíai, mei íadi íeñedíai. Afémaci dani Taife díbénemo jaináidíno. ¹⁰ Duere o zefuíllamo jacínaiñeno o iri. Mei ómoímona dámierie Taife llavéracomo llavétaíteza, nana omoi

facátallena. Daií omoi comeci ifue onóillena facátalliomoiza. Diez dígarui duere zefuirediomoí. Mei íadi o tíillinomo zóofeñeno íinofireiri. Daií o íadi zíñona cáallena o jirídotaiticue. ¹¹ Ñuera Joreño Juzíñamuimo jaináidinona dáinamo cacáacadimie mai áfemo cacai. Afe Ñuera Joreño bie izóí daiíacade: “Fiénidena anáfenodinona jáidimaci nane méifodo tíillamo raamo jíríñeitiaioi,” daide.

Pérgamomo ite íinotino mo llogáuai

¹² Daje izóí Pérgamomo ite Juzíñamuimo jaináidino úiñoraímamo búai cúeiri: “Afe nágafene jáirede lloefai llíidimie bie izóí ona daide: ¹³ Nana o finócana onódicue. Afe izóí Taife ocuícana cígimo itíoza onódicue. Afénomo itio íadi zóofeñeno cuemo ñue o íinuana onódicue. Daje izóí cuemo o íinuana fáicanocaiñedio. Afe izóí Antipas mámeciredimie cue ñue jáícina cue uai nabáifiredimie. Afémie omoi cígiri fatíaioi. Ie fáinaruido, cuemo omoi íinuana zóofeñediomoí, Taife illánomo itío moí íadi. ¹⁴ Mei íadi cue lletárafuiaina ómoímo ite. Omoímona dáarie jádí Pérgamomo Balaam llófuiana fáicanocaiacañediaioi. Afe Balaam jaii Balacna llófuete Israel comini fieni fínuallena. Afe Balac Balaam llófuia mona Israel comínina jánaraimo fecaca rílleniaina ritátate. Afe dáaruido afémacina iere jiruítate. ¹⁵ Nane jáíe cue lletárafuena ómoímo ite. Omoi cígimo dáarie afe nicolaítas lloga uaina féitaiacañedio ite. Afémacina éoidicue. ¹⁶ Ie jira mai omoi comeci ifue méidori; mei íadi omoi méidoñena, raire omoi diga fuirízaibiticue. Uáfueza cue fuémona bite jáirede lloéfaido omoi fieni finóidinona fáziaibiticue. ¹⁷ Ñuera Joreño Juzíñamuimo jaináidinona dáinamo cacáacadimie, áfemo cacai. Afe Ñuera Joreño bie izóí daiíacade, “Fiénidena anáfenodimiena jáitimie afe báinino ite maná daina monámona cocide güllena güitátaiticue. (Bie maná Juzíñamui íaioi comécina náiretaillena jana.) Iemo afémiemo úzere de nofítofena fécaíticue. Afe nofítofemo buna ónoñega comue mámecei cuelle. Dama afe nofítofe llíinoitimie áfena onuille.” Aquie izóí daide.

Tiatíramo ite íinotino mo llogáuai

¹⁸ Daje izóí Tiatíramo ite Juzíñamuimo jaináidino úiñoraímamo búai cúeiri. “Juzíñamui Jitó ómoímo úrite. Afémie ui irai bóua izoide, íemo ie éiba ñue queníretaga bronce izóí quenírede. Afémie bie izóí ómoína daide. ¹⁹ Nana omoi finócana onódicue. Cueno omoi izíruillana onódicue, naa cuemo omoi íinua diga. Daje izóí cue dibénedo ñue omoi táijicaillana onódicue, naa omoi comeci járitaiñena diga. Fueñe omoi táinia baimo birui jamánomo finóicaidiomoí. ²⁰ Mei íadi ómoímo daa cue lletárafuena nai ite. Afe Jezabel mámeciredingo llógana rairuñediomoí. Afengo, “Juzíñamui dibénedo úriticue,” daiífirede, mei íadi fieni ie llócaigafuedo cue ocuífirganona jífuete. Afe jífuia uaido íaioína iere jiruítate. Daje izóí jánaraimo fecaca rílleniaina íaioína ritátate áfemo caimátaillena. ²¹ Aféngomo are úiñoidicue afengo comeci ifue méidollena. Mei íadi afengo áfena méidoacañede. Afengo ie jiruífueña fáicanocaiacañede. ²² Mei jira birui afémaci afengo finócafueña fáicanocaiñenia, aféngona iere izire iráretaiticue. Daje llezica nana afengo diga jiruiredinona duere zefuítaiticue. ²³ Afengo úruiaína títaiticue. (Afe úruiai daina afengo llógamo jéruitino.) Afemona naga come ifoci úrillana, ie comeci ifue diga ñue ícoímo cue onónana, nana Juzíñamuimo gairídino fídítiaioi. Iemo ómoímona illa dígamie fieni omoi fínuaze ómoína duere fínoíticue. ²⁴ Mei íadi ómoímona Tiatíramo ite jáimaci afe Jezabel omoi llófuia fiénide uaina náfueñediomoí. Afe Jezabélmo jaináidino íaioi llófueinana daidíaioi, “Cai llófueina uai Taife ie, iere báinide nai uáfodo ónonidifuii,” daidíaioi. Afe llófueinana onótañegaomoí. Iemo ómoímo ite nauí cue lloga baimo jáíiena ómoína ócuiñeíticue. ²⁵ Daa bie llóíticue: Omoímo ite ñúefuii ñue rairuiri, nai cue bíñeille dino. ²⁶ Fiénidena anáfenodinona jáitínona náiraiai ócuitimacina jóneíticue. Afémaci cue jítainana ñue ícoímo fuitádino. Ocuille

ríino íaioimo jóneiticue, ²⁷ mei daíí cue Moo cue ocuille ríinona cuemo jóneteza. Iemona náiraiaina riírede lloébici izóidedo riire ócuitiaioi. Iaioimo cacáreacañedinona icírui lláia jéenino llairúngotailla izói, afe izói íaioina duere fínoitiaioi. ²⁸ Daje izói monáiracudu iere ebire egáíñua izói, afémacina ebire fínoiticue. ²⁹ Ñuera Joreño Juzíñamuimo jaináidinona dáinamo cacáacadimie mai áfemo cacai.” Aquíe izói daide.

3

Sárdismo ite ínotinomo llogáuai

¹ Daje izói Sárdismo ite Juzíñamuimo jaináidino úíñoraimamo búuai cúeiri: “Afe siete dígade Juzíñamui jóriaredimie, nii afe Juzíñamui Ñuera Joréñoredimie Cristo, íemo afe siete dígade ucúduai llíidimie dáamie. Afémie bie izói ona daide: Nana o finócana onódicue. Crístomo o jainaina izóinado jica jalleide, íadi onódicueza tíidimie izói itio. ² Come cazilla izói mai abina onoiri. Nai omo due jiza fiévide ínogafuiaina meine riire finori, mei aféfuiai jae táinocaiacadeza. Eróidicuemo o finócafuiai cue Juzíñamui eróicana ñue jaícina jóíñedeza. ³ O fueñe ínoga íaioi llófuiamo uibíoicairi. Afena jeire o oíri. Afe llezica o comécimo itífue ñúefuena méidori. O abina ñue onóñenia, merírifiredimie ónonino billa izói, duere omo fínuaíbiitícueza. Cue billíruina ónoñeitio. ⁴ Mei íadi ómoimona jadí Sárdismo dáarie comécina ñúemacina ite. Afémaci iníroina íáiñedino izoide. Afémaci úzecuiruai jítada cue díga jáitíiaioi, mei afe daíí íaioimo dúideza. ⁵ Fiénidena anáfenodinona jáidino úzecuirona jítaitiaioi. Iemo zíñona cáaitino mámeçi cuiánicomona íaioi mámeçiaina dóñeiticue. Iemo daje izói cue Moo Juzíñamui uícomo “Bie cúemaci” dáíticue; daje izói ie abi imaci ángeles daínamací uícomo “Bie cúemaci” dáíticue. ⁶ Ñuera Joreño Juzíñamuimo jaináidinona dáinamo cacáacadimie mai áfemo cacai.” Aquíe izói daide.

Filadélfiamo ite ínotinomo llogáuai

⁷ Daje izói Filadélfiamo ite Juzíñamuimo jaináidino úíñoraimamo búuai cúeiri: “Afe níífuenidimie omo úrite. Afémie uáfuena úrifiredimie. Afémiemo jaiái illáima David naze tuiñora llave ite. Afémie Juzíñamui illáimana illano tuiñóadi buna íbáinide. Daje izói afémie íbáia, buna zuitánide. ⁸ Bímie bie izói ona daide: Nana o finócana onódicue. Buna íbáinide túide naze o uíecori jóneticue. Mei figo mairíñedio, íadi cue uaina náfuetio; cuena jaca jáanofinidío. ⁹ Iemona Taífemo jaináidinona o anamo caiñícido ana íaioi dújutano óreiticue. Afémaci táinona úrillano bie izói daíífirediaioi: “Cai bie Juzíñamui nizeca judíuaidicai” daidíaioi, mei íadi íeñediaioi. Nana baimaci o anamo dújutaiticue, íemona ona cue izíruillana fídiitiaioi. ¹⁰ Cue ocuica uai jeire o úamona aféuai daína izói comécina járidoñedio. Ie jira nana bíníemo bite facátallíruimona ona ñue ráiruiticue. Aféruido nana bíníemo ite comini facátalliaioi. ¹¹ Raire biticue. Omo ite ñúefuiai ñue rairuiri, o jirídolle raa bu báiroñeilleza. ¹² Fiénidena anáfenodinona jáitínona cúeiena máíñoiticue. Máíñuano cue Juzíñamui gairíracomo ite mairide jáillirai izói íaioina óreiticue. Iemona Juzíñamui illánomona jaca jino jáíñeitiaioi. Iaioimo cue Juzíñamui mámeçi cúeiticue. Daje izói cue Juzíñamui jofue mámeçi íaioimo cúeiticue. Afe jofue mámeçi “Comue Jerusalén.” Afe jofue cue Juzíñamuimona caífo monámona ana bite. Daje izói afe fiénidena anáfenodinomo cue comue mámeçi cúeiticue. ¹³ Ñuera Joreño Juzíñamuimo jaináidinona dáinamo cacáacadimie mai áfemo cacai.” Aquíe izói daide.

Laodicéamo ite ínotinomo llogáuai

¹⁴ Daje izói Laodicéamo ite Juzíñamuimo jaináidino úíñoraimamo búuai cúeiri: “Uáfuena llotímie omo úrite. Afémie jaícina uai nabáifiredimie; daje izói jaca méidoñeno uáfuena úrifiredimie. Afémie nana Juzíñamui finócana tainérama. ¹⁵ Afémie bie izói ona daide: Nana o finócafuiaína onódicue. Ráairuillano figo o íñoñenana onódicue. O ínoga

ñue uzírediji izóiñede. Daje izói o ñnoga caimare mánaidiji izóiñede. Ñue o uzírenana jitáidicue, ñbai jíáifodo o mánainana jitáidicue. ¹⁶ Mei íadi jabo uzírediji izóidido. Iemona jabo uzírediji jino tua izói ona jino dótaicue. ¹⁷ Bie izói daiífiredio: “Ráaredimiedicue,” daidío. Iemo “Nana cue illafue ñue jóide. Cue jitaica raana ñede,” daiífiredio. Mei íadi jíáifodo o íllana onóñedio. Juzíñamui eróicana bu cáimadoñegamiedío. Iemo daje izói iere duere zefuítagao, íemo iere dúeredimiedío, íemo uina cíoiñedimie izóidido. Iemo jíái incuironino emuíromade izóidido. Afe bie izói o íllana jaca onóñedio. ¹⁸ Mei jira omo llóiticue, “Iraimo ñue finoca órona cúemona íba, uáfuenta ráaredimiena o jáillena. Daje izói cúemona úzerede incuirona íba, o meáire emuíromana íbáillena. Daje izói ui manórajina cúemona íba, o uimo jóoniamona ñue o cíoillena. ¹⁹ Nana cue izíruiganona lletádicue; daje izói íaioina duere finódicue ñue íaioi íllena. Mei íemona Jesucrístomo izire o jaináicaillano, iere o ñnofireiri. O comeci ífuiái méidori, ona duere cue fínoiza. ²⁰ Ero cacai, come comeci naze ízoinamo iticue. Dinómona jíiriticue. Cue uaimo cacáreitimie ie naze tuiñóadi cue llínollena, afémie illánomo jofo jáiticue. Jaillano dájena afémie diga nabáiriticue. Daje izói conima diga caimare úriticoco. ²¹ Fiénidena anáfenodinona jáitínona, illáimana cue ráiiranomo afémiena cue diga ráiitaiticue. Mei daií fiénidena cue anáfenuamona cue Moo illáimana ráiiranomo ráinazaidicueza. ²² Ñuera Joreño Juzíñamuimo jaináidinona dáinamo cacácadimie, mai áfemo cacai.” Aqué izói daide.

4

Monamo Crístomo lloga cáimafuiai

¹ Bie méifomo éroidicue, monamo ite naze túinana ciódicue. Fueñe cue cacana uaina meine nane cacádicue. Afe uai vudugoi fíçirena izói cacaide. Afe uai cuena daide: —Caifo benomo bi. Bífuiái méifomo raire cómutifuiaina omo ácataicue, —daide.

² Afe llezica Ñuera Joreño anamo itábicaidicue. Iemona monamo ite illaíma ráiiranona ciódicue. Afénomo dáamie ráiinana ciódicue. ³ Afémie iere quérede ‘jaspe’ daina ráifide nofíji izói éroide. Aféjina jíáifo daina ‘cornalina.’ Afe ráiirano abido rózigüeo nágafene ífoina ite. Afe rózigüeo ‘esmeralda’ daina ráifide nofíji quenírena izói quenírede.

⁴ Iemo afe ráiirano abido veinticuatro diga jíáie illaíma ráiiranuaina nágafene ífoina íllana ciódicue. Afénuaimo veinticuatro diga mona ero ocuide éicomini ráiidiaioi. Afémaci úzerede iníroillai jíitádiaioi. Íaioi ífomo oro finoína illaíma jíitáfíregacuifoí jíiena.

⁵ Afe áillue ráiiranomona aillo boride. Afe llezica afénomona iere fíçire mona gíría cácaide. Iemo afe ráiirano uícomo siete dígade áillue bobáieníai bóoide. Afe siete diga bóoide bobáieníai Juzíñamui Ñuera Joreño jana. ⁶ Dáanomo afe ráiirano uícomo, daa monáillaina eroide illa. Afe monáillai anáfenemo ñue cíoide vidrio izoide.

Afe ráiirano abido cuatro diga cáadimíai ífoina itíaioi. Afémaci erófene dibénemo aillo uíjiaí ite. Daje izói emodo dibénemo ite. ⁷ Bimácimona daa jánallarina eroide. Iemo jíáie juráreto ífona eroide. Iemo jíáie uíeco, come uíeconero eroide. Iemo jíáie feede máajaiñona eroide. ⁸ Afe cuatro diga cáadimíaimo illa dígamíemo seis diga íaicuai ite. Afe íaicuai erófenemo uíjiaína oruide; daje izói emódo dibénemo ite. Afémaci mona naio diga llíicaiñeno úritiaioi; Juzíñamuina daiíoidiaioi:

¡tere íaifuenidío! ¡tere íaifuenidío! ¡tere íaifuenidío!

tere ñuera cai Ocuíraimadio.

Jamánomo ríinorede Juzíñamuidío.

Jaca nanómona itímiedío,

Iemo nai birui itímiedíoza,

Iemo uire jaca ninomo zíiñona ítímiedíoza, —daií daiíofírediaioi.

⁹ Illa dígcaino afe cáadimaci, ráiiranomo ráide Moo Juzíñamuimo ebíredifue nitáadi, íemo ñúefue jóoneadi, íemo jíái figora íena dáiiadi, ¹⁰ afe llezica afe veinticuatro diga

ocuide éicomini áillue ráiiranomo ite Juzíñamui anamo dújufirediaioi. Iemo afe jaca ninomo zíñona itímiena caimátaidiaioi. Afe llezica íaioi oro finoia illaíma ifo icuífuiái ráiirano úcomo jónefirediaioi. Jóneta daiífirediaioi:

¹¹ Cai Ocuíraíma Juzíñamui,
Iere ebíredífue omo nitáregaza,
Daje izói ñúefuiái omo jónefíregaza.
O jamánomo ríinorenana omo nitáregaza.
Nana aféfuiái ona náamaredeza.
Mei naga ráaniai o comuítaga.
Iemo o comeci jítaina izói itíaioiza.
Daje izói o comeci óiacanamona finócaiaioi.
Aqué izói daiífirediaioi.

5

Ráiidímie llíiga rabénicono ciódicue naa Cordero dainámie Cristo diga

¹ Afe méifomo illaíma ráiiranomo ráiidímie nabézimo ite rabénicono ciódicue. Afénico ferínoga rabe. Erófenemo cuega, daje izói jinófenemo jíái cuega. Afénico siete diga sello daína ñue íbaira raado íbaica. ² Iemo riírede ángel daína Juzíñamui abi ímiena ciódicue. Afémie ficírede uaido jicánofirede; daíde:

—¿Bie sello mei cuatállena bu ñuena? ¿Bumo ñue dúide binico tuiñóllena? —daíde.

³ Mei íadi afénico tuiñoitimiena iñede. Caífo monamo iñede. Bíníemo iñede, íemo bíníe anamo tíidino illánomo jíái daje izói iñede. Daje izói afénicomo buna eróinide afe facádollena. ⁴ Afénico tuiñoite comécina ñuemiena baiñenamona iere éedicue. Daje izói afénico facádoitimie iñenamona, íemo jíái afénicomo eróillano ónoitimie iñenamona, iere éedicue. ⁵ Iemona veinticuatro diga eicomínimona dámie cuena daíde:

—Mai benómona éeñeno o iri, mei Judá nairai illaíma Jánallarína mamécámie, fíénidena jae ñue anáfenotateza. Afémie jaiái illaíma David erófene igímamona comuídímie. Afe ie anáfenuamona afémie binico tuiñolle ríino ote. Daje izói afe siete dígade sello cuatalle ríino íemo ite, —daíde.

⁶ Iemona afe ráiirano cígimo, íemo afe cuatro diga cáadímíai cígiri, íemo afe veinticuatro diga éicomini cígimo, Cordérona mameca Crístona ciódicue. Afémie táíide, mei íadi Juzíñamuimo fia fecállena ie íaioi fáina meífo cíoide. Afe Cordero siete diga zícairede, íemo ie ui siete dígade. Afe siete dígade uíjiaí naga éniiaímo oreca Juzíñamui Ñuera Joreño jana. ⁷ Afe Cordero illaíma ráiiranomo ráiidímie nabézimo ite rabénicono llíinuaide. ⁸ Afémie afénico llíinua llezica afe cuatro dígade cáadímíai, íemo afe veinticuatro dígade ocuide éicomini afe Cordero anamo dújudiaioi. Afe eicomínimona illa dígamie ‘arpa’ daína rua roia taiga raa llíiediaioi. Daje llezica afémaci oro finoia ugúciaina oruide ichecoí llíidíai. Afeniaí Juzíñamuimo jaináidino afémiemo jicara uailai jana. ⁹ Afe éicomini bie comue rua rotíaioi:

O iere comécina ñuemienamona bie rabénico llíinota tuiñolle omo dúide.

Mei nauí Juzíñamuimo fatá fecácamedíozá.

Caina o díe tóillado Juzíñamui íena íbádíozá.

Uáfuenta nágaziemona,

Iemo nana jíáiífo úritinomona,

Iemo naga comini jófuiáimona,

Iemo nana náiraiáimona Juzíñamui íena caina íbádíozá.

¹⁰ Cai Juzíñamui ie illáinina caina jáitatio;

Daje izói comínido Juzíñamuimo úrifireitinona caina jóonetio;

Iemona énie náiraiáina ócuiticái.

Aqué izói rotíaioi.

¹¹ Afe mei eróidicue. Iemo aillo afe illaíma ráiiranomo ífoina ite ángeles daina Juzíñamui abi imaci úrilla uaina cacádícue. Daje llezica afe cuatro díga cáadimíai uaina cacádícue. Iemo dáaruido éicomini uaina cacádícue. Afe Juzíñamui abi imaci iere jamánomo aillo itíai. Ua millones y millones dáinaze itíai. ¹² Afémaci fíciere úritiaí; daidíai:

Fatá Juzíñamuimo fecaca Cordero comécina iere ñúenamona ñuera ríino maiñolle afémiemo dúide.

Daje izói aillo ráifide ráaniai dáamiemo dúide.

Iemo ifoci déillafuiai dáamiemo dúide.

Iemo nana ñuera máirie dáamiemo dúide.

Iemo nitárega ñúefue dáamiemo dúide.

Iemo ñuera ébifue dáamiemo dúide.

Iemo aillo afémiemo caimátaille uai afe Cordéromo dúide.

¹³ Afe llezica nana Juzíñamui comúitaganuiai úrilla uaina cacádícue: nana monamo itínuiai, daje izói éniemo itínuiai, daje izói énie anamo itínuiai, daje izói monáillaimo itínuiai, naa afénuiaimo itínuiai úrilla uaina cacádícue. Daidíai:

Nana caimátaille uailai illaíma ráiiranomo ráide Moo Juzíñamuimo íredeza,

Daje izói jíai Cordéromo íredeza.

Afe izói núefue afe íaillinoimo nitáredeza, naa ñuera ébifue díga,

Iemo ñuera ríino íaillinoimo íredeza.

Nana aféfuiai íaillinoimo nana fimónaíaido, jaca ninomo zíñona daií daiírenaza.

¹⁴ Iemo afe cuatro díga cáadimíai aiáirilla izói daidíai:

—¡Daiítadeza! —daiíofirediaí.

Iemo afe veinticuatro dígade éicomini ana dújuillano, jaca ninomo zíñona cáadimiemo caimátaioifirediaí.

6

Siete dígade sello daina rabénico ibaira rafue

¹ Cordero afe siete dígade séllomona nánora tuíñuana ciódícue. Daje llezica cuatro dígade cáadimíaimona dáamie dáinana cacádícue. Ie úrilla uai, mona gíría fíciere izói fíciere. Daide:

—Mai eróizaíbi, —daide.

² Cue eroilla llezica úzerede cabállona ciódícue. Afe emódomo ráicaidimie zicuira líicaide. Iemo illaíma ífo icuífoina ie jítdiaí. Jita mei afémie naga náiraina anáfenocana jaide. Ie mei nágaruillaído afémie íaíina anáfenofrede.

³ Méifoide séllona Cordero cuata llezica, tórna éroide cáadimie úrillana cacádícue. Afémie:

—Mai eróizaíbi, —daide.

⁴ Afe llezica jíairede caballo jino bíllana ciódícue. Afe emódomo ráicaidimiemo féitalle ríino afémiemo iga. Afémie nana nairai caimare uái illa féitaite, comini conímana fazítallena. Afe llezica áillue lloébicina afémiemo iga.

⁵ Iemo Cordero nane jíaie tercer daina sello cuata llezica, jíaie cáadimie úrillana cacádícue. Afémie:

—Mai eróizaíbi, —daide.

Jira eróidícue. Eróidícuemo daa jítrede cabállona ciódícue. Afe emódomo ráicaidimie mérenana onóillena facara raa líicaide. ⁶ Iemo cáadimíai cígimona dáamie úrilla uai cacádícue. Aféuai daide:

—Daa kilo trigo daa mona táijina fidi. Iemo daámani kilo cebada daa mona táijina fidi. Iemo aceite vino díga jaca jeruíredeza, mei afe íballe úcube íñédeza, —daide.

⁷ Afe mei Cordero jíaie ‘cuarto’ daina sello cuata llezica, cáadimíaimona íraimie úrillana cacádícue. Afémie:

—Mai, eróizaíbi, —daide.

⁸ Eróidicuemo borárede cabállona ciódicue. Afe emódomo ráiicaidimie titáfiredimie dainámie. Afémie óodana tíidino illano jana maméidimie bite. Enie cuatro diga fecácamona dáanie íemo iga, afénomo riire ocuállena. Afénomo comínina fuiríllado íaioina tícoizitaite. Iemo daje izói júbiedo íaioina tícoizitaite. Iemo dúicuaido íaioina tícoizitaite. Iemo éniemo ite illáirede ríllenai íaioina tícoizitaite.

⁹ Afe mei Cordero jíáie ‘quinto’ daina sello cuata llezica, ‘altar’ daina Juzíñamui caimátaitarano anamo ite, titaca comini coméciaina ciódicue. Afémaci Juzíñamui uai llócailla ícoina titácaiaioi. ¹⁰ Afe bimaci ficire úritiaioi; daidíaioi:

—Íaifuenide cai Ocuídime, uícodo o llógana méidoñeno ñue fuitáfiredio. Eniemo ite cai titádino iere jicánota duere o finóllena, ¿nié dinó nai moziñoitio? Cai fatino iba o ollirui, ¿nigarui nai bai dúiñoitio? —daidíaioi.

¹¹ Mei jira afe altar anamo itímaci úzecuiruaina igáiaioi. Afe llezica nai nano íanori ocózinaitagaiaioi. Mei nana íaioi tíilla izói uire titállino, Juzíñamui mámanomo nai dúciñede. Afe titállino, nau íaioi titaca ámatiai izói, Cristo uaimo táijifirediaioi.

¹² Cordero nane jíáie ‘sexto’ daina sello cuata llezica, eróidicuemo, énie iere jacire docaide. Iemo jitoma zúunaillana, jítaca jítiroi izói éroide. Afe llezica fiui náauina jáirede die izói méidoficaide. ¹³ Afe dáaruido mona ero ucúduai cocídiaioi. Ua, higuera daina amena llizilla, jairifo riire begüñuamona cócia izói, afe izói ucúduai ana bíñiemo cocídiaioi. ¹⁴ Afe llezica, rabe jofo ferírioicailla izói, mona ferírioicaide. Iemona cióbicañena. Iemo dáaruido nana caifóneduai naa monáillai cigi íduai íaioi illánomona oni jírecaide. ¹⁵ Iemona nairai illaini caifóneduai anamo ite ífuaimo, naa jéerie noficiai cigiedo retáiritiaioi. Afénomo jamánomoidino daje izói retáiritiaioi. Iemo aillo ráanaitino, íemo fuiríraini illáicomini, íemo iere riiredinuai, íemo nana jacire rairuícano, daje izói buna ráiruñegano, nana afénomo retáiritiaioi. ¹⁶ Afémaci caifóneduaina jéerie noficiaina daiífirediaioi:

—¡Mai caimo baii! Mai caina jiita, baie illaíma ráiiranomo ráiide Juzíñamuimona caina rétaido. Cordero finolle jacire cai duere finóllifuemona caina rétaido, —daiífirediaioi.

¹⁷ Mei jii, iere jacire comini duere finóllirui jae dúcideza. ¿Bu mei áfena moziñoirena?

7

Israel náiraimona náamana onóillena ciegámaciai

¹ Bie méifomo bínie fuédaiaimo cuatro dígade ángeles daina Juzíñamui abi ímíiai, naidáienana ciódicue. Afémaci nágafeniamona jairifo jáiñuana moziñotiaioi. Afe éniemo jairífona jaiñótañediaioi, daje izói monáillaimo jaiñótañediaioi, íemo jíái aménaiaimo jaiñótañediaioi. ² Iemo jíáie Juzíñamui abi ímiena mona móimona bíllana ciódicue. Afémie caade Juzíñamui íeie daiíllena sello daina jóonelle raa llíicabite. Afémie ficire úrite. Enie fuédaiaimo cuatro diga naidáidimíiaimo úrite. Afémaci bínie fiene íaioi finolle, naa monáillai diga ríinona igámaci. Afémacina bímie daide:

³ —Cai Juzíñamui ocuífíreganomo, íaioi ozócimo náamana onóillena mámecí nai jóoneñena llezica, nai bíniena duere finóñeno iri. Daje izói monáillai naa aménaiai raire duere finóñeno iri.

⁴ Jónia mei, nígamaci náamana onóillena mámecina jóonegano íaioi número na cacádicue. Nana Israel náiraimo itíziamona afe ciegano ciento cuarenta y cuatro mil dígade.

⁵ Judá izíemona doce mil diga cúefide.

Iemo Rubén izíemona doce mil diga cúefide.

Iemo Gad izíemona doce mil diga cúefide.

⁶ Iemo Aser izíemona doce mil diga cúefide.

Iemo Neftalí izíemona doce mil diga cúefide.

Iemo Manasés izíemona doce mil diga cúefide.

⁷ Iemo Simeón izíemona doce mil diga cúefide.

Iemo Leví izíemona doce mil diga cúefide.

Iemo Isacar izíemona doce mil diga cúefide.

⁸ Iemo Zabulón izíemona doce mil diga cúefide.

Iemo José izíemona doce mil diga cúefide.

Iemo Benjamín izíemona doce mil diga cúefide.

Aillo dáanomo úzecuiruai jítada gairídino

⁹ Afe méifomo eróillano jamánomo aillo comínina ciódicue. Nana náiraiaimona dáanomo bitíai. Daje izói nágaziemona bitíai. Iemo daje izói jíáifo úritinuaiaimona bitíai. Iemo daje izói naga jófuiamona bitíai. Nana bimaci illaíma ráirano úcomo naidáidiai. Daje izói Cordero úcomo naidáidiai. Aféno aillo itíai. Daje buna facádonide. Nana afémaci úzecuiruai jítáoidia. Daje llezica afémaci rafóruai llíiedia.

¹⁰ Nana fícirerie daidíai:

Cai jíllonano, illaíma ráiranomo ráide cai Juzíñamuimona comuide.

Daje izói cai jíllonano Cordéromona comuide, daidíai.

¹¹ Afe llezica nana Juzíñamui abi imácai, illaíma ráirano onido ífoina naidáiedia. Daje izói veinticuatro dígade éicomini onido ífoina naidáiedia. Iemo jíai cuatro diga cáadimiai onido ífoina naidáidia. Afémaci afe ráiranomo ráidimie anamo éniemo fueco dné bíjicaidia. Bíjicaillano Juzíñamuimo caimátadia. ¹² Daidíai:

¡Bie izóideza! Núefuiai nitalle cai Juzíñamuimo dúide, ñue ebíredifuii diga.

Daje izói nana ñue onóigafue íemo dúide, naa figora daiífirera diga.

Daje izói afémiemo nitárede núefue dáamiemo dúide, naa áillue máirre diga.

Nana bífuii cai Juzíñamuina jaca ninomo zíñona daií daiírenaza.

Aquíe izóideza, —daidíai.

¹³ Afe mei afe eicomínimona dáamie cuemo jicánote:

—¿Baie buoi úzecuiruai jítáoina? ¿Afémaci mei ninena bitíai? —daide.

¹⁴ Jira íena daidicue:

—Afena onóñedicue. O ñue onódio, —daidicue.

Iemo afémie cuena daide:

—Bimaci aillo duere zefuilla ícoimo jino bitino. Afémaci comécina iere íaifuenino íai. Íllena ja Cordero díedo muiñócaza. Afémaci iere úzecuiro ínucuiro illa izói itíai. ¹⁵ Ie jira Juzíñamui ráirano úcomo itíai. Afe llezica nágaruillai, mona naio diga, Juzíñamui gairíaco ero ie ocuállana finófredia. Iemo afe ráiranomo ráide Moo Juzíñamui, íai. Daje íllado jácifuemona íaioina ráiruite. ¹⁶ Afémaci jaca júbiemona duere finóbíñeitia. Daje izói jiróacanari duere zéfuiñeitia. Iemo jitoma íaioina jíai úzitañeite. Daje izói uzírediruimo mona uzírena íaioimo uzire cácañeite. ¹⁷ Mei illaíma ráirano abimo ite Cordero, ovejai uñua izói íaioina uññoiteza. Afe llezica ñuera jainoi jino toránuaído íaioina ífóicaite. Afe jainoi zíñona cáatatiji. Iemo afémaci éeadi Juzíñamui íai. Ie jeme nana oni dóite.

8

Iraie sello cúatajana cioide, oro finoína uguci uillítara diga

¹ Iemo Cordero llíga rabénicomo ite íiraie sello daína íbaioide raa cuata llezica, daa hora átuedo mona tíi daiñocaide. ² Afe mei siete dígade Juzíñamui abi imaci Juzíñamui úcomo naidáienana ciódicue. Afémaci siete diga vudugoi izoide raana ígáia. ³ Afe mei jíai ángel dainámie Juzíñamui abi ímie oro finoína uguci uillítara llíicabillana ciódicue. Afémie altar daína Juzíñamui caimátairano úcomo naidaide. Iemo aillo ugúcaí afémiemo fecácaza, áfena Juzíñamuimo uillítallena. Mei nana Juzíñamuimo

jaináidino afémiemo íaioi jicáfírena uallai llua llezica, bímie dáanomo afe ugúciai Juzíñamuimo uillítaiteza.

Afe Juzíñamui ráirano uícomo ite oro finoina ie caimátairanomo, bímie afe ugúciai jutade; íemo afe llezica afe Juzíñamuimo jaináidino jicáfírena uallai llócaigaza. ⁴ Afe uguci uillie, Juzíñamui abi ímie áfena altarmo juta mei, Juzíñamui uícomo caifo uillíicaide, nana Juzíñamuimo jaináidino jicáfírena uallai díga. ⁵ Afe mei Juzíñamui abi ímie uguci uillítara raa llínnote. Llínuano altármona oga caade iráiciaina áfena orúitate. Daíí finuano ana éniemo dotade. Afe dota llezica mona jacire giride naa ficíriede raari. Iemo aillo améuai llairide. Iemo énie jacire docaide.

Siete dígade vudúgoína eroide raa

⁶ Iemo afe siete dígade vudúgoína eroide llíide Juzíñamui abi imáciai afe vudugoi fúunollena maméritiaioi.

⁷ Nanóidimie fúunua llezica, jéerie nocíjiaí éniemo cocítate. Afe dáaruído réici díga die taméricaide éniemo cocítate. Afe cóciamona éniemona jarífenie boode. Daje izói nana aménaiaimona jarífenaiaí boode. Daje izói nana caade ráitiaimona jarífene boode.

⁸ Afe meifo Juzíñamui abi ímie ie vudugoi fúunua llezica, boode áillue íduna éroide raa monáillajimo dotaina. Iemona monáillajimona jarífeido díena jaide. ⁹ Afemona nana afénomo ite caade chámuniaimona jarífeniaí aillo tícoizitiaioi. Daje izói afénomo ite jéerie bárconiaimona jarífenedo aillo niné táinocaidiaioi.

¹⁰ Iemo jíaie Juzíñamui abi ímie ie vudugoi fúunua llezica, áillue ucudu monámona éniemo baiíde. Afe ucudu bobaie izói boode. Afe bóodicudu nana imánillaimona jarífemanimo baiíde. Daje izói éniemona jainoi jino toránuaímo baiílla. ¹¹ Afe ucudu mámece Eríredicudu. Iemona nana imánillaimona jarífemanillai eríriede. Iemona afe jainoi erire jáillamona aillo comini tíidiaioi.

¹² Ie mei nane jíaie Juzíñamui abi ímie ie vudugoi fúunua llezica, jítómamona jarífetomado jítirecaide. Daje izói fúuimona jarífeuido jítirecaide. Iemo jíaí ucúduaímona jarífecududo daje izói jítirecaide. Ie jira nana afémacimona jarífenedo jítirecaide. Naga mona naio díga jarífemonana egáñoñediaioi.

¹³ Afe méifomo caifo monamo éroidicue. Afe mona erodo feede Juzíñamui abi ímiena cacádicue. Afémie ficire úrioicaide. Daide:

—Aii. Éniemo ite comini níi dúerena; mei Juzíñamui abi imácimona daámani nai fiébide vudugoi fúunollena. Afémaci fúunua llezica énie imaci, ¡Níi duere zéfuitiaioi! —daide.

9

¹ Iemo nane jíaie Juzíñamui abi ímie ie vudugoi fúunua llezica, daa ucudu monámona éniemo baiillana ciódicue. Iemo fiénide jóriaí íbárafo zuitara llave afe ucúduimo iga.

² Afemona afécudu aféfona tuiñode. Tuiñuamona aféfomona jacafaí bóua uillia izói caifo uillide. Aféfomona caifo uillide uillie jítómamona dúitate. Afe llezica mona erona jítire finode. ³ Afe uilliemona bíniedo feede fúuai comuide. Afémaci, éniemo ite acáiduaí izói molléroirediaioi. ⁴ Afémaci ráitie güíllena rairuícaiaioi. Daje izói nana amena rábiaína guitatañegaiaioi, naa jíaie mócore zicode ráaniaí díga. Daa comini duere finóllena orécaiaioi. Mei íadi dani Juzíñamui ie daítate mámece ozócimo cúeñeganona, afe fúuai duere fínoitiaioi. ⁵ Mei íadi afe fúuai comínina títatañegaiaioi. Mei jíáfodo afémaci cinco díga fíui comínina izi cácataitiaioi. Afe fúuai mailla, acaido come mailla izói izíreite. ⁶ Iemona aféruillaido comini, “Raire cue tíilli” dáitiaioi, mei íadi tíiñeitiaioi. Iere tíiacaitiaioi íadi, títáfirede raa afémacimona oni jica jáite.

⁷ Afe fúuai jóbairizaillena mamérilla cabállona eróidiaioi. Iaioi ifócimo oro finoina illaima ifo icuífoína éroide jíina. Iemo íaioi uíeco come uíeconona éroide. ⁸ Iaioi ifótii ringo

ifótiina éroide. Iaiói ízie ‘león’ daina jánallari íziena éroide. ⁹ Iemo llojécuiroi izoide abi ríidote icogi íaiói jogóbemo jíide. Iaiói féeoína jamánomo ficírede. Uafue, jóbairizailla caballo zonóicaiga ‘cárroniai’ ficírena izói ficírede. ¹⁰ Iemo afémacimo ite ooda acaido ooda izói molléroirede. Afe óodamo cinco díga fiui comini duere finolle ríino ite. ¹¹ Afe fíuái illaíma ite. Afémie fiénide jóriaí íbáirafo úiñotimie. Afémie mámecei hebreo uaido Abadón; íemo griego uaido Apolión. Afeci daííacade “Niné táinocaitaimie.”

¹² Nanoide jacire izi cacánafue jae záaide. Mei íadi nai mena fiévide.

¹³ Iemo nane jíáie Juzíñamui abi ímie ie vudugoi fúunua llezica, Juzíñamui uícomo ite oro finoína altar daina afémiemo caimátairanoma úrilla uaina cacádícue. Afe uai afe caimátairanoma ite cuatro dígade caífo fáide zicaí cígimona cácaide. ¹⁴ Afe uai jae vudugoi fúunote Juzíñamui abi ímiena daide:

—Afe cuatro dígade Eufrates imani abímo cuinaca ángeles izóidino mai zuitari, — daide.

¹⁵ Jira zuitácaiaíoi, nana comini jarífenairaido titállena. Mei aféruimo dúcinamona bai óllena eneno mamécaiaíoi. Daje izói biruimo dúcinamona mamécaiaíoi. Daje izói bie fiui íena mamécaiaíoi. Iemo daje izói bie fimona íena mamécaiaíoi. ¹⁶ Afe cuatro díga ángeles ocuállino aillo ite. Nana afémaci cabálloniai emódomo ráiiediaíoi. Iemo afémaci dígadíaíoi daínana cacádícue. Afémaci doscientos millones dígadíaíoi.

¹⁷ Bie izói éroide cabálluai nicaído ciona izói ciódícue. Afe cabálluai emódomo ráiidino jogóbíaimo llojeco jítaoidiaíoi. Afe llojécuiromo jáire, mócore, borare cuega. Iaiói cabálluai ífo ‘león’ daina jánallari ífona éroide. Afémaci fuémoma irai izói jino bite, íemo uíllie bite, íemo daje fuémoma nairaí iere uzire cónaitalle raa jino bite. ¹⁸ Afe cabálluai fuémoma bite daámami jacire táinocaitate ráamona aillo nairaí fuite. Uafue, nana comínimona jarífenairaí tíidiaíoi. ¹⁹ Daje izói afe cabálluai óodamo jacire títaite ríino ite, mei afe ooda jaiona eróideza; ífóredeza. Afedo comínina ainízicana uite.

²⁰ Mei íadi tíidinomona fiébidino, baie daámami jacíredemona tíínedino, íaiói finófireiga fiénidifuaí féitaacañediaíoi. Daje izói fiénide joriaímo caimátaitajana fáicanocaiñediaíoi, naa jíáíforie finoca jánaraíaina. Dáarie afe jánaraíai oro finoína, jíáie plata finoína, jíáie bronce finoína; íemo jíáie nofíci finoína, íemo jíáie amena finoína. Nana bie jánaraíai jaca cióñede; daje izói minícana cacáñede, íemo daje izói macáñede. ²¹ Afe fiébidino jíáimaci méiniana fáicanocaiñediaíoi. Daje izói jíáima fue gáiana fáicanocaiñediaíoi. Daje izói íaiói jiruúrenana féitañediaíoi. Daje izói íaiói merírifrenana féitañediaíoi.

10

Daa ángel dainámie Juzíñamui abi ímie duera rabénico líide

¹ Afe méifodo ríirede Juzíñamui abi ímie monámona ana bíllana ciódícue. Afémie uíllie cígido bite; íemo afémie ífomo rózígüeo izoide jíina. Ie uiéco jitoma egáíñua izói quenírede. Iemo ie ídaí boode jíállirai izói éroide. ² Afémie daa duera rabénico tuiñoda líide. Ie ídaí nabezi monáillaimo bitade, íemo ie jarífezi éniemo bitade. ³ Iemo jánallari ficire írilla izói ficire úrite. Afémie úrilla mei, mona siete dígacaiño giride; ie gíría come úrilla izói cácaide. ⁴ Afe siete dígacaiño mona gíría líícailla mei, íaiói daina uállai cúeiacadícue. Mei íadi cúeiacadícuelo monámona daa uai cuemo úrillana cacádícue; daide:

—Afe siete dígacaiño mona gíría uállai rabemo cueñeno iri; báinino comécimo o jóoneri, —daide.

⁵ Afe mei afe monáillaimo naidaide, éniemo naidaide Juzíñamui abi ímie, ie onoi nabezi monamo zítáide. ⁶ Afe llezica zíñona ite Juzíñamui mámecei líínuano riire úrite. Afe dáaruido énie comútatímie mámecei, daje izói monáillai comútatímie mámecei, íemo nana afénomo ite cáadinuaí comútatímie mámecei líínota riire daide:

—Benómona jaca ja móziñoñelleza. ⁷ Jabe siete dígademona firaimie Juzíñamui abi ímie ie vudugoi fúunolliruimo dúcille llezica, Juzíñamui jaca ia comécido báinino mamécafue, ñue ícoimo zaite. Daí Juzíñamui ie uai jino llórainimo jaiái uícodo llote. Afémaci dani ie ocuífíregano, —aquíe izói daide.

⁸ Naui monámona cue cacana uai nane meine cuemo úrite. Cuena daide:

—Afe éniemo monáillaimo naidáidímie ónoimo ite túide duera rabénico mai llíinuai, —daide.

⁹ Jira afe Juzíñamui abi ímiemo afe duera rabénico jícajidícue. Jicádícuemo afémie cuena daide:

—Llínota mai güi. Afe duera rabénico o fuemo cíji naimérena izói cácaite, mei íadi o jébemo erire cácaite, —daide.

¹⁰ Mei jira Juzíñamui abi ímie ónoimona afe duera rabénico llínota güítícue. Güítícuemo cue fuemo cíji izói naimere cácaide. Mei íadi afe ja cue güilla méfodo cue jébemo erire cácaide. ¹¹ Afe mei cuena daidíaioi:

—Juzíñamui daina aillo comíni jófuiáimo cómuitífuiai, meine dáanomo llóredízoa. Daje izói aillo náiraiaina Juzíñamui dáinana llóredízoa. Iemo daje izói jíáiforie úritinona Juzíñamui dáinana llóredízoa. Iemo jíái aillo illáinina Juzíñamui dáinana llóredízoa, —aquíe izói daidíaioi.

11

Uai nabáifírede íaillinoi

¹ Afe mei ápera rázina cuemo itíaioi. Afezi jofe facáradozina eroide. Afezi cuemo fécano cuena daidíaioi:

—Mai náidacaillano dama Juzíñamui gairíracó nie dínoride fácaji. Daje izói Juzíñamui mo caimátairano o fácaji nie dínoride. Afe llezica afénomo nieze afémiemo caimátáidímacina ite mai fácado. ² Mei íadi afeco jinófebiri facáñeno o iri; mei afeno jícanemacimo dúideza. Afémaci Jerusalén daina íaifuenide jófuena cuarenta y dos díga fíuido fieni anáfenoítiaioi. ³ Iemo cue díbenedo úrillena uai nabáifírede íaillinoína óreitícue; come zuure ia jítaça jítcuíro, jítaítiaillinoi. Afe íaillinoi mil doscientos sesenta dígaruillai cuedo úritiaillinoi. (Afe mil doscientos sesenta dígarui, cuarenta y dos díga fíui.)

⁴ Bie cue uai nabáifírede íaillinoi ménade olivo amena izóidiaillinoi. Daje izói afe íaillinoi bínie comúitate Juzíñamui uícomo jónega mena boode áillue lámpara izóidiaillinoi. ⁵ Dámie íaillinoína fieni finóacaniadi, afe íaillinoi fuémoma irai orédiaillinoi, afe íaillinoi fáiacadínona náamiena cuarítallena. Nana íaillinoína fieni finóacadínona daí títáiteza. ⁶ Bie cue uai nabáifírede íaillinoimo monámona noci bítañede ríino ite. Afe íaillinoi Juzíñamui díbenedo úricaille díno, nocina bítañeítiaillinoi. Daje izói jainoi díena ória ríino íaillinoimo ite. Iemo jíái comíni duere fínoite nana jacírede duico comúitaja ríino afe íaillinoimo ite. Afe íaillinoi comeci óiacana dínorí comínina duere finórediaillinoi. ⁷ Mei íadi afe íaillinoi tájjina fuilla mei, iere jacire éroide caade rille afe fíénide jóriai íbáirafomona jino bite. Jino billano afe íaillinoi díga fúirite. Fuiríllano íaillinoína anáfenoite. Anáfenua mei íaillinoína títáite. ⁸ Íaillinoi tíille mei, cai Ocuíraima coráinanomo, níi afe Jerusalemo, afe áillue jofue cigi iomo, íaillinoi tíide abi fíénocaigaiaillinoi. Afe jofue mámece, fieni íllana onótate uaido Sodoma daina. Daje izói jíái Egípto daina. ⁹ Iemo daruíamáni átuedo díga jófuiái nairái afe íaillinoi abi tíillamo acáritiaioi. Iemo íaillinoi abina raitátañeítiaioi. Daje izói dígazie íaillinoi abi bíinamo acáritiaioi, naa jíáfodo úritínuiairi. ¹⁰ Bíniemo ite comíni afe íaillinoi tíillari iere íobidiaioi. Daje izói caimare íítiaioi. Afe caimare íaioi íllamona conímamo ráaniaína raiñoñeno fécaítiaioi. Mei afe íaillinoi Juzíñamui díbenedo úricaille llezica, bimácina iere duere zefuítatiaillinoiza. ¹¹ Mei íadi daruíamáni átuedo jailla méfomo Juzíñamui afe íaillinoína meine abido cáatate. Iemo meine abido íaillinoína macátate. Iemona

íallinoimo acáritino jamánomo jacínaitiaioi. ¹² Afe mei afe uai nabáifirede íallinoi monámona ficírede uaina cacade. Aféuai íallinoina daide:

—Caifo bené bi, —daide.

Jira íallinoina éoidino éroidemo, caifo mona uílliedo monamo jáidiaillinoi. ¹³ Afe íallinoi jailla llezica énie iere riire docaide. Afe riire docáillamona afe áillue jofue diez díganodemona dáagobe nana jáicoizite. Afemona siete mil comini tícoizitiaioi. Afemona fiébidino iere jacínaitiaioi. Jacínailano monamo ite Juzíñamuina caimátaidiaioi.

¹⁴ Méifoide iere jácifue ja záide, mei íadi íraie bille ja rairede.

Siete dígade vudugoi fúunotinomona ja íraimie fúunote

¹⁵ Siete dígade ángeles dainámaci Juzíñamui abi ímíiaimona íraimie ie vudugoi fúunote. Fúunua llezica, monámona díga ficire úrilla uailai cácailla; daidíai:

—Nana bínie illaíni illáimaillano naa íaioi ocuícánuaíri ja dájena cai Juzíñamuimo, íemo ie Crístomo jaináitaga.

Iemo afe Cristo jaca ninomo zíñona ócuífirite, —daidíai.

¹⁶ Iemona Juzíñamui uícomo ráide veinticuatro dígade éicomini íaioi illaíma ráiranomona ana bíjicaidiaioi. Uáfueza, afe úrilla llezica éniemo fueco diné bíjicaillano, Juzíñamuina caimátaitadiaioi. ¹⁷ Iena daidíai:

Ona figura daidíai.

Jamánomo ocuide Juzíñamuidioza.

Birui itímiedioza, íemo jaii nanómoma itímiedioza, íemo jíai jaca ninomo zíñona íitimiedioza.

Figura ona daidíai, mei o áillue ríino maiñódioza.

Máínuano ja nane como ocuízaidioza.

¹⁸ Náiraíai icírinaizitiaioi, mei íadi íaioi duere o finólliruimo ja dúcizaide.

Daje izói tíidino iere riire o jicánolliruimo ja dúcizaide.

O díbénedo úrite o ocuífiriganomo íaioiena o mameca ñúefuíaína íaioimo fécaítio.

Daje izói o uaina ñue íinofirede ñue finócanomo íaioimo dúide ñúefuíaína fécaítio;

íemo daje izói o mámecina jífánodoíño ñue líinotinomo íitio.

Uáfueza, jamánomoidimie,

daje izói jamáimie íaioimo dúide raana íaioimo ífiredio.

Daje izói bínie ñúemacina fiéniruitadino o táinocaitalliruimo ja dúcizaide.

Aquíe izói afe éicomini daidíai.

¹⁹ Iemona monamo ite Juzíñamui gairíraco túijicaide. Afénomo Juzíñamui comini díga caimare úrira raa uáfori cíocaide. Afe úrira raa emodo órona íbaica caja. Afe eromo Juzíñamui lloga uailai éenotiaioi. Afe gairíraco túijicailla llezica améuai riire llairide, íemo ficíriede ráaniai cacaide; íemo mona ficire giride; íemo énie iere riire docaide; íemo iere mairide nocíjiai cocide.

12

Ringo íemo jacírede zicínaimana eróidimie díga monamo cíocaide

¹ Afe mei monámona jacírede onótate raa cíocaide. Afénomo iníroido ferínua izói, jítómado ferínoga ringo cíoina. Afengo idai anamo fiui cíoina, íemo afengo ífomo doce dígade ucudu illácuífoi, illaíma jífíregacuífoi izoide jítaoide. ² Afe ringo úrue jocócade izínaila. Afe iere izírenari caillícade; mei afengo úrue jéiciacana llezica iere duere zefuídeza. ³ Afe méifodo jíaie jacírede onótate raa monamo cíocaide. Afénomo áillue jíairede jacírede zicínaimana eróidimie cíocailla. Afémie siete díga ífórede. Iemo afémie diez díga zícáirede. Afe ífóciaimo illa dígacimo illaíma jítaracuífoi jíina. Daa ie mámece Taife. ⁴ Ie óodado monamo ite úcuaimona jarífecuduna aillo dánomo jainánote.

Jainánuano afécuduaina ana éniemo dotade. Afe ‘dragón’ daina zicínaimana éroidimie, afe úrue jocóacade ringo uiécomo jóoneoide, afe ie jocóacaga úrue jócua llezica raire ríllena. ⁵ Iemo afe ringo íza jocode. Afémie uire móonaia nana náiraiaina llojébici izóidedo riire ócuifireite. Afe úrue jócua méifodo Juzíñamui bairoca. Bairoda ie illáimana ráiiranomo uiga. ⁶ Afe llezica afe ringo táizicimo botade. Afe dinomo afengo retáirillino uícodo Juzíñamui finoca. Afénomo mil doscientos sesenta diga mona afengo ecáecaille.

⁷ Afe méifodo áillue fuiríacana caifo mona eromo comuide. Afénomo Juzíñamui abi imaci illáima Miguel naa jáie Juzíñamui abi imáciari afe dragón diga fuirídiaoí. Daje izói afe dragón naa ie abi imáciari fuirídiaoí, ⁸ mei íadi afémaci Miguel náiraina anáfenonidiaioí. Iemona dragón imaci illino monamo iñede. ⁹ Afe ie illino iñena jira afe rírede dragón monámona ja jino dotaca. Afe jaii ninomo ite jao dainámie jáífodo mameina Taife, íemo Satanás, íemo dáamie nana náiraina jífufiredimie. Afémie naa ie abi imáciari ana éniemo dotácaiaoí.

¹⁰ Afe méifomo monámona ficírede uaina cacádícue. Afe uai daide:

—Cai Juzíñamui bínie comíni jílloillena mámiaruiimo ja dúcide. Daje izói íemo ite ríino facálliruimo ja dúcide. Iemo daje izói illáimana ie illíruimo ja dúcide. Daje izói ie jitó Cristo riire ocuálliruimo ja dúcide. Mei cai ámatiaimo fiénidífue nitáfiredimie ja jino dotácaza. Afémie nágaruillai, mona naio diga cai Juzíñamui uiecori afémacimo fiénidífue nitáfiredi. ¹¹ Cai ámatiai Cordero díedo fiénidífueana anáfenodiaioí. Daje izói íaioí jino meáiruiñeno lloga Juzíñamui uáillaido caifófeficaidiaioí, mei jaca tíllana jacíruiñediaioíza; mei jáífodo jaca tíllemo ñue finóbidiaioíza. ¹² Iemona, mona naa afénomo ite cáadinuiaiari mai omoi íóbiri. Mei íadi éniemo itino níi dúerena, naa monáillaimo itínuiaiari, mei Taife ómoimo ana iere icírillano jáideza. Afémie nano íanori ie íllena onódeza.

¹³ Afe dragón ana éniemo ie dótajana onóillano, nauí íza jocódingo racade. ¹⁴ Mei íadi afe ringo mena áillue máajaiño íaicona iga, áfedo afe jao dainámie dragómona jica táizicimo afengo féellena. Afénomo daámani fimona átuedo afengo ecáecaiga. ¹⁵ Iemo jao dainámie áillue jainoi ie fuémona orede, imánina comuillena, mei afe imánido afe ringo coróbaillena. ¹⁶ Mei íadi énie ringona ríidote, mei afe dáaruído énie bócocaillano, afe dragón fuémona oreca imánina náitateza. ¹⁷⁻¹⁸ Afe bíemona afe dragón ringomo iere ríicaide. Ríicaillano aféngomona fiébide ie erófene igímaiai diga fuirízaide. Afémaci Juzíñamui ocuica uailai jeire otfaioí. Daje izói afémaci Jesucristo lloga ua ráfueana fáicanocaiñeno nágarui jeire ófirediaioí.

13

Mena áillue jacíre eroide rille cíocaide

¹ Monáillai fuédamo cue naidáillano monáillaimona iere jacíre eroide rille caifo bíllana ciódícue. Afémie ífo siete dígade, daje izói afémie diez diga zícairede. Afe illa diga zícaimo illáima jítaracuifoí jína. Afémie ífóciaimo Juzíñamuina fiéni daina mámecci cúeina. ² Afe cue ciona jacírede rille jánallarina eroide. Ie ídaiai oso ídaina eroina, íemo ie fue león fueana eroide. Bímiemo dragón íemo ite ríino naa ie illáimaillano diga afémiemo fecade. Afe llezica riire ocuífirenafue afémiemo lloga. ³ Afe jacírede rille ífóciaimona daaci titade áillue boáfena eroide illa. Mei íadi afe titáacade áillue boafe raire jacaide. Iemona nana énie náiraiari áferi iere jacínaitiaioí. Jacinaillano afémiemo ínotiaioí. ⁴ Afémaci dragón uícomo éniemo fueco diné bíjicaillano íemo caimátaidiaioí, mei dragón riire ocuille ríino afe jacírede ríllemo ígaza. Iemo daje llezica jacírede ríllemo caimátaidiaioí. Caimátaillano daidíaioí:

—¿Bu mei bie jacírede rille izoina? ¿Bu mei afémie diga fuirírena? ¡Afémie anáfenonide! —daidíaioí.

⁵ Afe llezica afe jacírede rille afémie úrilla bu llétañega. Iemona Juzíñamuina íáire daina uaina llote, naa fiene abi íinuafuiairi. Afe izói cuarenta y dos diga fiui, daíí ie ocuilla buna ráiruiñega. ⁶ Iemona afémie bie izói finode; Juzíñamuina uáitano, ie mámecina íáire daííoide. Daje izói Juzíñamuimo úriranona íaire daííoide. Iemo monamo itínuiaina daje izói íáire daííoide. ⁷ Iemo jíái daje izói Juzíñamuimo jaináidino diga ie fuirilla buna ráiruiñega. Daje izói afémaci ie anáfenolle buna ráiruiñega. Iemo nágazie ocuilla ríino afémiemo fecaca. Daje izói nana comini jófuiái ócuifireite, íemo daje izói nana jíáifodo úritinuiái ócuifireite, íemo daje izói nana náiraiaina ócuite. ⁸ Nana bíniemo itino afe jacírede ríllemo caimátaidiaioi. Afémaci mámeciai zíñona íitino rabénicomo cúeñega. Ua énie taineina llezica baimaci mámeciai afénicomo cúeñega, mei afémaci íinoñena jira. Afénico nauí titaca Cordero ie.

⁹ Bífueмо cacáacadimie mai bíemo cácarei. ¹⁰ Jíáimacina maitá uitino méifodo nane maitá uille. Iemo jíái lloéfaido jíáimacina titáidino méifodo afémie daje izói lloéfaido titalle. Mei jira Juzíñamuimo jaináidino comécina járidonidiaioi; daje izói jíái ñue íinorediaioi.

¹¹ Afe méifodo jíáie jacire eroide rille éniemona caífo bíllana ciódicue. Afémiemo mena zicai ite; cordero zícaina eroide. Mei íadi afémie dragón úrilla izói úrite. ¹² Nauí monáillaimona bite nanoide jacire éroide ríllemo ite riire ocuilla ríino, daje izói bie méifoidimie ite. Iemo nanoide jacírede rille uícori, bímie íemo ite ríino ácatate. Ie ríino ácata llezica afémie nana éniemo itínuiái, nanoide jacírede ríllemo caimátaillena ocuide. Afe nanóidimie ífomo ite áillue boafe raire jacáidimie. ¹³ Iemo afe méifoidimie daje izói iere jácimie daítate raana ciótate. Mei uafue, afémie nana comini eróicana monámona iraicí ana éniemo cocítate. ¹⁴ Iemo afe nanoide jacírede rille uícomo buna ráiruiñega ie finócaigado nana bíniemo itínuiaina jífue. Afémacina jífuiano afe aillo bofédaite jacírede ríllena eroide jánaraina afémacina finótate. Afe bofédaite jacírede rille lloéfaido aillo bofeca, mei íadi nai caade. ¹⁵ Iemo afe méifoide jacírede ríllemo, afe jánarai cáatalle ríino íemo iga. Iemona afe jánaraina cáatano, afémie afe jánaraina úritade. Daje izói nana afe jánaraimo camátaiñedinona afe jacírede rille jánarai íaioina fatátate. ¹⁶ Nana afe baimo, nana náiraiaina bie izói itátate; nana jabóidimaci naa jamánomoidimiai diga, nana ráaredino naa dúredino diga, nana ráiruiñegano naa rairuícano diga, íaioi onoi nabézimo daa onótate número jóonetade. Afe onótate número nabézimo jóoneñenia íaioi ozócimo jóonerede. ¹⁷ Naga afe onótate númeroa cúeñegamie jaca íbárinide, daje izói raana fecánide. Afe número nanoide jacírede rille ie. Afe número afémiemo dúide mámecei daííacade. ¹⁸ Bífue onóillena iere báitajamo dúide. Afena onódimie, mai afe jacire eroide rille número faca. Afémie número iima ie. Afe número seiscientos sesenta y seis.

14

144,000 dígadino roga rua

¹ Afe méifomo Cordero Sión mameina idu emódomo naidáinana ciódicue. Afénomo afémie diga ciento cuarenta y cuatro mil comini naidáiede. Afémaci ozócimo Cordero mámecei naa ie Moo mámecei diga cúeina. ² Iemo monámona ficírede raana cacádicue. Afe ficírena aillo imánillai nofíco tua ficírena izoide. Jíái riire mona gíría ficírena izoide. Iemo jíái aillo arpa daina, rua roia taiga ráaniai ficírena izoide. ³ Afe llezica illaíma ráirano uícomo afémaci comue rua rotíaioi. Daje izói cuatro diga cáadimiai, íemo éicomini uícomo rotíaioi. Afe rúana jaca buna ónide. Dani afe ciento cuarenta y cuatro mil diga éniemona jíllode comini afe rúana onona. ⁴ Afe bimaci ringomo jíriñedino, mei afémaci jaca íaífuenidino; dani íaioi abi rairuídíaioi. Daje izói afémaci Cordéromo jaináitagamaci. Afémaci comínimona jíllotagamaci, Juzíñamuimo nanóidino

ie dúidimacina íaioi íllena. Daje izói Cordéromo nanoide dúidino itíai. ⁵ Afémaci jaca táinona úriñediaioi, mei afémaci Juzíñamui illáimana ráirano uícori íaifuenino itínoza.

Daámani ángeles daínamaci Juzíñamui abi ímíai llócaiga uai

⁶ Afe mei jíáie Juzíñamui abi ímie mona dáafenedo féiana ciódicue. Afémiemo zíiñona jíllolliuai illa, bíniemo itínomo llóllena. Nana énie náiraiamo llórede, íemo nana jíáziemo. Daje izói nana jíáifodo úritinomo llórede, íemo daje izói nana comini jófuiuido.

⁷ Afémie ficírede uaido daide:

—Juzíñamuina ñue omoi jacírui; ñúefuiaina afémiemo omoi nitari, mei afémie iere riire jícanollirui ja dúcidez. Mai mona finódimie, daje izói énie finódimie, íemo monáillai finódimie, íemo éniemona jainoi jino torano finódimie; afémiemo omoi caimátaifireiri, —daide.

⁸ Iemo nane jíáie Juzíñamui abi ímie méifodo cícaide; afémie daide:

—Ja jáicoizite, ja jáicoizite. Afe áillue Babilonia jofue jáicoizite. Mei aillo fiénide jíruífuiai izoide íaifuiiai omoi finofirenado, nana nairai jífáidino izói itátatiomoiza, —daide.

⁹ Afe méifodo íraie Juzíñamui abi ímie ficire daífoicaide:

—Dáamie jacírede ríllemo caimátaiai, íemo jíái afe jánaraimo caimátaiai, íemo daje izói afe rille mámecei ozócimo ninena ónoimo cuetátaiai, ¹⁰ afe izóidino Juzíñamui lloga jamánomo duere finóllinomo orélliaioi. Mei afe izóidinomo afémie iere ríicaide; ríicaillano afémie duere íaioi finolle, féiñellena riire íaioimo mamécaza. Iemo Juzíñamui abi imaci uícomo, daje izói Cordero uícomo, iraido íaioina iere izi cácatalliaioi. Iemo daje izói nairai iere uzire cónaitalle raado afe izóidinona iere izi cácatalliaioi. ¹¹ Duere íaioi zefuítate irai uíllie jaca ninomo llícaíñeno caifo uíllíide. Afe jacírede ríllemo caimátaítino mona naio díga afe duere finóinamona jaca ócozinaiñeítiaioi. Afémaci naa afe ríllena eroide jánaraimo caimátaidinori, íemo jíái ie mámeceina onótate número otino díga nana jaca ócozinaiñeítiaioi. ¹² Mei jira Juzíñamuimo jainaide ie ocuica uaimo jíeruitino, naa Jesudo fáicanocaiñede jáidino díga, comécina járidonidiaioi.

¹³ Nane afe méifomo monámona daa uai cuemo úrillana cacádicue; daide:

—Bie cúejiri: “Benómona cai Ocuíraimamo ínote títino caimare íítiaioi.” Afena Juzíñamui Nuera Joreño “Ji” dáideza, mei afémaci íaioi tájijnamona ocózinaitiaioiza. Daje izói íaioi finócana, jíáima díga nabáirilla izói féitañegaza, —daí daide.

Ria llizilla óina izói, énie comini jofo ollíruimo dúcide, Juzíñamui duere íaioi finóllena

¹⁴ Afe mei eróillano úzerede mona ero uílliena ciódicue. Afe uíllie emódomo Nanoide fima Jitona Jesuna éroidimie ráina. Ie ífomo oro finoína illaíma jítaracuifoí jíina. Daje izói hozna mámeceirede arroz izoide llízie ñetara llíide. (Afe raa jofo icuífoína néfide jáirede lloefai izoide.) ¹⁵ Iemo nane jíáie Juzíñamui abi ímie ie gairíracomona jino billa. Afémie ficírede uaido uíllie emódomo ráidimiena daide:

—O llíiga llízie ñetara raado tájjiiri. Ja jeede díga mai jofo ono. Ja jofo ollíruimo dúcidez. Enie comini finócafuijai ja jeede ríaniai izói fiénidífuenta iere oruídeza, —daide.

¹⁶ Afe mei uíllie emódomo ráidimie ie llíiga llízie ñetara raado énie comínimo tájizaide. Afedo fiénidífuenta oruídino jofo ote.

¹⁷ Afe mei jíáie Juzíñamui abi ímie monamo ite Juzíñamui gairíracomona jino bite. Daje izói afémie jáirede llízie ñetara raa llíicabite. ¹⁸ Afe llezica jíáie Juzíñamui abi ímie Juzíñamuimo caimátairanomona jino bite. Afémiemo jobáitalle ríinona ite. Iemo afémie, jáirede ñetara raa llíidimiena ficire jíirillano daide:

—Mai omo ite jáirede ñetara raado tájjiiri; éniemo ite jíricoillai ollíruimo ja dúcidez. (Afe jíricoillai fiénide comini jana.) Mai jofo ono, mei afe jíricoillai ja iere jiduúdeza, —daide.

¹⁹ Iemo afe jíáie Juzíñamui abi ímie, ie jáirede ñetara raado énie comínimo táijizaide. Afedo éniemo ite jeede jíricoillai izoide fiénidino jofo ote. Uano áillue iduíriraco izóidino jofo dite, afénomo riire iduílle. Bie iduilla Juzíñamui bie izói duere afémacina finolle jana. ²⁰ Afe jíricoillai izoide fiénidino áillue comini jofue jinomo iduica. Afe iduíracomona aillo díena tote. Afórede imani izoide; áfeji caballo táíia ie fue illa dinori afórede. Daje izói áfeji trescientos kilómetros dinó tote.

15

Iraie siete dígade jacírede duere finóllifuiái Juzíñamui abi imaci mameca

¹ Iemo monámona jíáie jacínaitade áillue raa jánana ciódicue. Siete dígade Juzíñamui abi imaci íraie siete dígade jacírede duere finóllifuiái lluaíbitiaioi. Afedo Juzíñamui ríicaillana záate.

² Daje izói, vídriona finóinana eroide monáillajina ciódicue. Afeji réici díga taméri-caide; daí eroide. Jacírede ríllena anáfenodino afe fuédamo naidáiediaioi; daje izói ie jánaraina anáfenodino; íemo jíái afe ie número mámecina ozócimo cúeñegano díga. Nana dáanomo afe vídriona eroide monáillai fuédamo naidáiediaioi. Nana bimaci Juzíñamui íaioimo fecaca ‘arpa’ daína rua roia taiga raa llíiediaioi. ³ Afémaci Juzíñamui jiaíai ocuífíregamie Moisés rua rotíaioi. Daje izói jíái Cordero rua rotíaioi. Aférúa bie izói daide:

Ocuíraima, nana o finócanuiaí iere ebíriede.

Jamánomo ríinorede Juzíñamuidio.

Náiraiaí Illaíma, nana o jáífírena io uáfuena jáícina jóide.

⁴ Ocuíraima, ona ñue jáciruíñeitimiena íñede.

Daje izói omo ñúefuena jóoneñeitimiena íñede.

Mei dama o íaifuenidimienaza.

Naga náiraiaí omo caimátaizaíbitiaioi, mei o jáícina finófiregafuiaína ciódiaioiza.

Aquíe izói rotíaioi.

⁵ Bie méifodo, monamo ite Juzíñamui gairíraco túijicaillana ciódicue. Afeco nofíbicimo cuega Juzíñamui ocuica uailai éenorano. ⁶ Afécomona Juzíñamui siete dígade abi imaci jino bite. Afémaci siete dígade jacírede duere finóllifuiái uite. Afémaci ráifide íáinide queníredicuiruai jítaoidiaioi. Iaiói llaitáoiga oro finoina ciraigi ífe jogóbemo dúcide. ⁷ Ie mei cuatro dígade cáadimíaimona dáamie afe siete dígade Juzíñamui abi imácimona illa dígamie oro finoina ichecoí fecade. Aféhecoí jaca ninomo zííñona ite Juzíñamui ocuica duere finóllifuena oruide. ⁸ Iemo afe Juzíñamui gairíraco uílliena oruide. Afe uíllie Juzíñamui jamánomoidimiena íllamona, daje izói ie iere ríinorenaymona comuide. Afe llezica afécomo buna jofo jáinide. Nai afe siete dígade Juzíñamui abi imaci siete dígade jacírede duere finóllifuiái záíñena llezica buna jofo afécomo jáinide.

16

Juzíñamui duere finóllifuena oruide ichécuaí

¹ Afe mei Juzíñamui gairíracomona jino bite ficírede uaina cacádicue. Afe uai siete dígade Juzíñamui abi imácina daide:

—Juzíñamuymona bite siete dígade duere fínuana oruídichecuaí ana éniemo tótaji, — daide.

² Nanoide Juzíñamui abi ímie jaillano, afémiemo ite ichecoí ana éniemo totade. Afemona nana jacírede rille mámecina cuezánomo jacírede duico comuide. Afémacimo izírede jíllotañede ñozagi izoide duico comuide, daje izói afe rille jánaraimo caimátaífredinomo.

³ Iemo méifoide Juzíñamui abi ímie afémiemo itícheçoi monáillaimo totade. Tótamona afe monaillai jainoi tíidímie die izói jaide. Iemona nana monáillaimo ite cáadinuiai tíçoizite.

⁴ Iemo nane jíáie Juzíñamui abi ímie afémiemo itícheçoi imánillaimo, daje izói éniemona jainoi jino toránuaímo totade. Iemona afeno jáinoillai díena jaide. ⁵ Afe mei jainoi fiéni finótate Juzíñamui abi ímie dáinana cacádicue; daide:

—Ocuíraíma, íaífuenide Juzíñamuidio. Bie izói comíni duere o finóllena iere comécina jaícina jóidímiedio. ⁶ Mei omo jáináidinona títano íaioi díena nauí totádiaioiza. Daje izói o díbénedo úritino díena totádiaioiza. Iemo biruí afe íbana o afémacina díena jirótatio, mei daíí afémacimo dúideza.

⁷ Afe mei nane Juzíñamuímo caimátairanomona dámie dáinana cacádicue; daide:

—Jíi, uáfueza, caí Ocuíraíma, o jamánomo ríirede Juzíñamuidio. Uáfueña ñue jaícina iere ríire jicánotio, —daide.

⁸ Ie mei nane jíáie Juzíñamui abi ímie afémiemo itícheçoi jítómamo totade. Afemona afe jítoma comíni cóonaitalle ríino iga. ⁹ Iemona nana comíni jamánomo cóonazítiaioi. Mei íadi íaioi comeci itífuiaina méidoñediaioi. Daje izói Juzíñamuímo caimátaiñediaioi. Mei jíáífodo afe jacírede duere finóllifuiái ocuídímiena faidófirediaioi.

¹⁰ Iemo nane jíáie Juzíñamui abi ímie afémiemo itícheçoi jacire eroide rille illáimana ráiiranomo totade. Afe llezica afémie náamataga illano jítirecaide. Iemona nana comíni afe uícodo íaioímo comuide duícuaí izírenari dani abi ainízítiaioi. ¹¹ Mei daíí itíaioi íadi, íaioi finoca fiénidífuiái fáicanocaiñediaioi. Mei jíáífodo, izi íaioi cácana ícoínia, daje izói jacire íaioi ñozánaillamona, monamo ite Juzíñamuína íaire daídíaioi.

¹² Iemo nane jíáie Juzíñamui abi ímie afémiemo itícheçoi áillue Eufrates mámeçirede imánimo totade. Afemona afe imani zafénaite, áfedo illaini raire ruica bille io tuiñóllena. Aféllaini naa íaioi fuírírainiri jítoma caífo biránomona bitíaioi.

¹³ Afe mei dragón daínámie fuémona, daje izói jacire eroide rille fuémona, daje izói taino uai jino llófiredímie fuémona daámanide cúuraicina eroide fiénide joríaí jino bíllana ciódicue. ¹⁴ Afe daámanidíno Taife joríaí. Afémaci círainina raana cíotafiredíno. Bie damieámanidíno nana énie illaini naa íaioi fuírírainiri dáanomo gairítaite, jamánomo ríinorede Juzíñamui díga fuíríllena. Aferuí Juzíñamui aillo íba ollíruí.

¹⁵ Aféruido monámona Cristo úrillana cacádicue; daide:

—Ero, cacai. Meríizaíbitímie billa izói, comíni nai cuemo comeciñediaioímo déizaíbiticue. Cue bille llezica iníñeno cuemo comeci facáoidímie caimare íite. Daje izói emuíroma mácañeíllena iníroina ñue úiñotímie izói, íaífueмона abína ráiruitímie méairuíñeite, —daide.

¹⁶ Iemo afe daámanide fiénide joríaí, nana illáinina dáanomo gairítate. Afeno mámeçi hebreo uaido daína Armagedón.

¹⁷ Iemo siete dígademona íraie Juzíñamui abi ímie afémiemo itícheçoi caífo táífomo totade. Tota llezica monamo ite gairíracomona ficírede uai cácaçaide. Afe uai illaíma ráiiranomona jino bite; daide:

—Ja fuite, —daide.

¹⁸ Afe méífodo, améuaí llairilla. Mona gíría naa ficíriede ráaniaí díga cácaçaide. Afe llezica énie iere ríire docaide. Nanómoma bíniemo comíni ía docáífírena baímo, jamánomo ríire docaide. ¹⁹ Iemona afe áillue comíni jofue daámani díeze bójicaide. Jíáie bíniemo ite jofue jáicoizite. Afe llezica Juzíñamui áillue Babilonia jófueмо úbicaide, duere íaioína finóllena. Afe duere finóllifue comíni títate ríiji jírúa izói íite. Afémie ríicaíllano daíí íaioína fínoite. ²⁰ Afe dáaruído nana monáíllaji cígi íduai naa jíáie caífóneduairi niné táinocaide. ²¹ Afe llezica aillo jéerie nocíjjiaína monámona comínimo

cocide. Aféjiaimona dáarie cuarenta kilos méere de. Iemona afénomo ite comini afe áillue nocíjiaí cóciari Juzíñamuina íaire daidíaiói, mei afe bimaci duere fínua iere jamánomoideza.

17

Jamánomo jiruúredingo duere finóinafue

¹ Afe méifomo siete dígachecoí llíide Juzíñamui abi imácimona dáamie cuemo úrizaibite. Cuena daide:

—Eróizaibi. Jamánomo jiruúrede izoide íaifueredingo duere finóinana omo ácataiticue. Afengo monáillajillaimo ite. Afe bie izói daííacade aillo nairai afengo anamo itíaiói.

² Bínie illaini afengo diga aillo fiénide íaifuiai finófirediaíói. Iemo bínie comini afengo íaifuerenamona jifáifiredino izói íaire jáidiaíói, —daide.

³ Afe mei Juzíñamui Ñuera Joreño nicáirilla izói cuemo ácataja llezica, daa Juzíñamui abi ímie táizicimo cue uite. Afénomo daa ringo jáirede jacire eroide rille emódomo ráiinana ciódicue. Afe rillemo diga Juzíñamui íaire daina uailai cúeina. Afe rille siete diga ifócirede, daje izói afémie zicai diez dígade. ⁴ Afe ringo jitáoiacuiro jáirede, íemo morádonna eroide. Afengo oro finoina íena ebire finóbide, íemo ráifide ñue finoca nofíciaina, íemo ‘perla’ daina zíriona finóbide. Iemo afengo oro finoina ichecoí llíide. Aféchechoí íairede raana oruide, íemo jáí afengo jiruúrena llezica finoca íaifuiaína oruide. ⁵ Afengo ozócimo cuetá jónega ónonide mámece illa. Afeci bie izói daide: “Aillue Babilonia jofue, nana fiénidifuiai jillaci, aféfuiai ei daina izói mameide. Iemo nana biniemo ite éoigafuiai ei daina izói mameide.” ⁶ Iemo diga Juzíñamuimo jaináidino afe ringo ícoinia fazícaiaíói. Afémaci Jesús uai llócaína jira afengo titácaiaíói. Íaiói fazícanori afengo, come jifáifirena izói, iere íóbide. Afena cíoillano iere jacire fáigacaidicue. ⁷ Ie jira Juzíñamui abi ímie cuena daide:

—¿Minícarí jacínaitío? Afe ringo ónonino daííacanafue jino omo onótaiticue. Daje izói afengo uífirede jacírede rille maméinafuena omo onótaiticue. Afe rille ifo siete dígade, íemo diez diga zícairede. ⁸ Afe o ciona jacírede rille jaiái nino itímie, mei íadi ie tíilla mei jae íñede. Mei íadi afémie íraicaíño ie tíille úcodo meine abido fiénide joríaí íbáirafoimona caifo biite. Mei íadi billano zíñona ie duere finóllinomo orelle. Eniemo ite comínimona zíñona ille rabénicomo énie taineína llezica mámeceína cúeñegano, afe ríllena cíoillano iere jacínaifcaítiaíói, mei afémie jaiái íteza, íemo birui jae íñedeza, íemo meine abido uire bíteza.

⁹ Birui cai uaina féiruñedinomo nai benó jáie llollífuena ite: Cácareí. Afe siete dígade ifóciaí baie ringo ráiina siete dígade caifóneduai jana. ¹⁰ Iemo afe llezica afe siete dígade ifoci daje izói siete dígade illaini jana. Afe siete dígade illáinimona cinco diga ja dotácaiaíói. Afe mena fiébidemona daa nai illáimana ite. Iemo jáámie nai illáimaizaibiñede. Afémacimona íraillaíma bíadi are íñeno táinoçaite. ¹¹ Nauí caade íocirede rille, tíide íadi, nane birui caade illaíma. Afémie siete dígademonna afémaci emódoídillaíma. Mei íadi afémie siete dígademonna dáamie. Afe mei afémie íraicaíño ie tíillinomo jáite.

¹² Afe o ciona diez dígade zicai, diez dígade nai illáinina jáíñedino jana. Mei íadi jacírede rille diga dáaruído afémaci nano íanori dieze illaini ocuífírena ríino llíinoítiaíói.

¹³ Bie diez dígade illaini conímamo daje izói coméciidiaíói. Iemo íaioímo ite ocuille ríino jacírede rillemo fécaítiaíói. ¹⁴ Iemona Cordero daina Jesucristo diga fúiritiaíói; mei íadi Cordero íaioína anáfenoite. Mei afémie nana ocuídinomona Jamánomo Ocuídímieza. Daje izói afémie nana illáinimona Jamánomoidillaímaza. Afémie diga

jáicadino Juzíñamui nizada jíirigano. Daje izói afémaci fáicanocaiñeno Juzíñamuimo ñue íinofiredino, —daií afémie cuena daide.

¹⁵ Juzíñamui abi ímie nane dáanomo cuena daide:

—O ciona monáillajillai, nii afe íaifueredingo illano, afe monáillajillai aillo jófueniai jana. Daje izói aillo comini jana, íemo jíáiforie úritino jana, íemo aillo náirai jana.

¹⁶ Jacire eroide ríllemo o ciona zícainiai jíáie illáimaiai jana. Afémaci bie jiruiredingona éoitiaioi. Eoillano aféngona zóofeitiaioi, íemo jíái aféngona emuírogi óreitiaioi. Afe mei afengo íeizina ríitiaioi. Iemo jíái aféngona iraimo cónaitaitiaioi. ¹⁷ Juzíñamui comeci jítaina izói afe ringona duere íaioi finóllena ónonino íaioi comécimo úrite. Ie jira dájena comécíidiaioi íaioimo ite jacire ocuille ríino jacírede ríllemo fecállena. Iemona afémie jamánomo ríirede. Daií Juzíñamui daina uállaina fuillíruimo dúcia llezica finófrediaioi. Iemona afémie daina uaina ñue ícoimo záitatiaioi. ¹⁸ Afe naui o ciona jiruiredingo, nana énie jamánomo ocuífiredillaíma illágobe jana, —aqué izói daide.

18

Babilonia jofue táinoicailla

¹ Bie méifodo monámona jíáie ángel dainámie, Juzíñamui abi ímie ana bíllana ciódicue. Afémie aillo ríino diga bite. Afe llezica ie quenire bóodedo bínie egáíñote. ² Afe llezica afémie ficire úrite; daide:

—Aillue Babilonia jofue ja jáicoizite, ja táinoicaide. Taife ocuífiredingo illánona jaide. Daje izói nana jíáiforiende íáirede jóriaí uñoracona jaide. Afe izói nana íáire féedino jilláillinona jaide, naa jíái cai éoiga féedinuiai. ³ Mei aillo fiénide íaifuiái afengo finófirenado, nana nairai jífáidino izói itíiaioiza. Iemo naga énie illaini afengo diga aillo jiruífue izoide íaifuiaina finófrediaioi. Bíníemo ráaniai fecáfiredino iere úcuberedinona jáidiaioi. Mei uafue, afe áillue jofue comini izire jicaca táinomo faitátate ráaniai íaioi jíacífirenamona bimaci aillo úcubenaídiaioi.

⁴ Afe mei monámona jíáie uaina cacádicue; daide:

—Omoi cúeiedimoiiza bie jófuemona oni omoi jai; íaioi finoca fiénidífue afémaci fínua izói omoi fínoñeilleza. Daje izói íaioimo zúite jacíredífuiái ómoimo jíiriñeilleza. ⁵ Mei afémacimo ite fiénidífuiái ofilla ja monamo dúcidez. Iaioi finoca fiénidífuiáiimo Juzíñamui ja uíbicaideza. ⁶ Iemo Juzíñamuina daide:

—Jíáímacimo íaioi feca izói, afe izói íaioimo fecari. Iaioi fiéni fínua izói, afe baímo ménacaiño afémacimo finori. Afémaci ñúemacimo eríredena jóoneta jirota izói duere íaioina finódiaioi. Afe íaioi fínua izói, afe íbana ménacaiño afémacimo ríire duere íaioina finori. ⁷ Aillo táinodo abi íaioi ínua dieze, íemo cómena canóñedemo fáífífiréna dieze, áfeze afémacina duere finori; afe izói íaioina duere zefuítari. Mei bie ringo izoide jofue comini afengo ie comécido daiífíredeza: “Benomo illáingona ráiidicue. Jaca fécinaiñeíticue; jaca dúeníticue,” —afengo daide. ⁸ Ie jira bie izói úrillamona, dáaruído omo dúide jacíredífuiái cómuíte: tíilla íemo duere zefuilla, íemo júbie. Iemo iraimo cónaitio. Mei o duere finótate Juzíñamui jamánomo ríinoredeza. Afémie jaca cai Ocuíraíma.

⁹ Afengo diga jiruírede bínie illáicomini, daje izói afengo diga cómena canóñedemo fáífidino aféngori iere éenaitiaioi. Mei uafue, afengo cónailla uállina cióillamona aféngori cáillicaii éeitiaioi. ¹⁰ Afengo iere duere finóinari jacínaillamona oni jíca íitiaioi. Afemona dáíitiaioi:

—¡Aíí, nii o dúerena! Jamánomo ríirede Babilonia jófuedio, ¡nii duere o zefuilla! ¡Mei raire dáaruído o duere finoina comuíbicaide! —dáíitiaioi.

¹¹ Bínie ráaniai fecáfiredino aféngori cáillicaii éenaitiaioi, mei ja íaioi atica ráaie íbaitino íñede. ¹² Iaioi atífírega ráaniai, be niie: Oro, plata, ráífide nofíciái, ‘perla’ daina ráífide zírío, ráífide úzecuro, íemo jíáirede ‘sédacuro,’ morádoná eroide seda diga, íemo

jiái diga jiáifodo zióriede aménaiai, íemo ebírede ‘marfil’ daina elefante zicai finoína ráifide raana, íemo ráifide amena finoína raa, íemo ‘bronce’ daina borárede lloébici finoína raa, íemo jamai lloébici finoína raa, íemo ‘marmol’ daina nofici finoína raa, ¹³ daje izói ‘canela’ daina güíllemo faiga raa, íemo jiáiforie ráifide ziórede raa, íemo ziórede uguci, íemo ‘mira’ daina ziórede raa, íemo come abi jilláiraniai, íemo ‘vino’ daina jirórají, íemo cáiredijí, íemo ñuera pan finófirena harina, íemo trigo, íemo daje izói abífirede cáadino, íemo ovéjiaiai, íemo cabálluai, íemo ‘carros’ daina arínellaiai, daje izói jacire rairuica comínina fecádiaioi. Bie izói daina cáadino iima ringo diga jiáimacimo fecádiaioi riire íaioi ocuállena. ¹⁴ Afe jofue comínina dáitiaioi:

—¡Baie omoi gaiga caimárede amena llizíllaniai izoide ráaie jae iñede. Nana omoi ofítaga ebíriede ráaniai ja táinocaide! —dáitiaioi.

¹⁵ Afe ráaniai fécajano iba úcube ófiredino bie áillue jofue comínimona otíaioi. Uano aillo úcuberediaioi. Mei íadi aféruido afe jofue iere duere finóinari jacínailamona oni jica fítiaioi. Afénomona aféngori cáillicailli éeítiaioi. ¹⁶ Iemo dáitiaioi:

—¡Aii. Aillue jófuedio nii dúerena! Naui ñuera ráifide úzecuiro jitádingo izóidio. Daje izói o comini jáiarede ráifide iniroi, íemo morádoná eroide ráifide iniroi jitáfirediaioi. Afe llezica oro íena finóritiaioi; daje izói ráifide nofici finoína raana finóritiaioi, íemo jiái ‘perla’ daina zíriona jitáfirediaioi. ¹⁷ Iemo dáaruído naado aillo ráaniai niné táinocaide.

Daje izói nana ‘barco’ daina áillue nocáe ocuídillaini, naa afécaedo jáidino diga, áfena jacíruillano oni jícarié itíaioi; daje izói afécaedo táijidinori naa jiáifodo monáillajimo táijide comíniri oni jícarié itíaioi. ¹⁸ Iemo afe jofue bóua úilliana cióillano caillídiaioi:

—Bie izoide naui áillue jófuena, ¿Ninomo cóiticaí? Bie izoide jofue jaca íñeite, —daidíaioi.

¹⁹ Iere zúucaillano íaioi ífomo énie júdaidiaioi. Daí ñiano cáillicailli éediaioi. Daidíaioi:

—¡Aii! ¡Aillue jofue nii dúerena! Nana monáillajido ráaniai fecáfiredino afe ráaniai o comini úamona afémaci aillo úcuberediaioi. ¡Mei íadi dáaruído afe áillue comini jofue ja niné táinocailla! —daidíaioi.

²⁰ Afe mei áfena ciódimie daide:

—Monamo itínuaí, mai afe áillue jofue táinocaillari omoi ióbiri. Uáfueza, Jesucristo orécano, naa Juzíñamui dibénedo úritinori mai ióbiri, naa Juzíñamuimo jaináidino diga. Mei Juzíñamui afengo niné táinocaitajado, omoi duere zefuítaja ñue jaícina iba ote, —daide.

²¹ Afe mei riírede Juzíñamui abi ímie áillue nofici caifo raiñode. Afeci áillue ‘molina’ daina trigo llaira mérede nofici finoína eroide. Caifo ráiñuano afécina monáillajimo dotade. Dótajano daide:

—Afe bie izói áillue Babilonia jofue ana cáicoizite, íemona jaca ninomo meine cóñeille.

²² Benómona jaca o cígido joide iomo ‘arpa’ daina rua roia taiga raa rúaniaina meine cácaiñeille. Daje izói totíbacui uai naa bainada uai diga ja meine cácaiñeille. Afe izói nana jiáiforie táijiana baitádinomona buna fiébiñena. Iemo daje izói dobérilla ficírena izói ‘molina’ daina nofici uaina cácaiñeille. ²³ Afe daje llezica o jófuiaí eromo bóofirede mechera izói boode ráaniai abido bóoñeite. Iemo aféruimo áirena llezica iráizie caimare ficírerie íaioi úrilla uáillaina meine jaca cácaiñeille. Mei naui omo ite ráaniai fecáfiredino bínie comínimona jamánomoidiaioi íadi, ja birui afe caimárede uailai cácaiñeille. Naui aféruimo aima bífuefirena uai izóidedo náiraiaina jífuefiredio; mei íadi afe jífuefirena ona nabáñede.

²⁴ Mei uafue, afe o jofue cígimo Juzíñamui dibénedo úrifiredino díena ciona. Daje izói Juzíñamuimo jaináidino naa jiáie bíniemo fagano díena afénomo ciona. Afe ciona die, afe jofue comini jiáimaci títaja ícoínia daí illa jana, —daide.

19

¹ Afe bie méifomo monamo ite aillo comini ficírede uáillaina cacádícue. Daidíaiói: ¡Aleluya! Cai jíllonano cai Juzíñamuimo dúide.

Daje izói iere ebíredífue afémiemo mamérede, íemo naa ñuera ríino díga.

² Mei afémie ñue jaícina ua uaido iere riire jicánofiredeza.

Afe iere jiruíredíngona afémie riire duere finótateza.

Afengo iere ie jiruírenado énie comínina íaire finode.

Juzíñamuimo táijitagano tiilla iba aféngomo oga, daidíaiói.

³ Nane dáanomo daidíaiói:

—¡Aleluya! mei afengo jobailla uíllie jaca ninomo llíicaiñeno uillíoite, —daidíaiói.

⁴ Afe llezica veinticuatro dígade éicomini, íemo jíái cuatro díga cáadimíai díga, ana éniemo bíjicaillano, Juzíñamuimo caimátaidiaíoi. Illaíma ráiiranomo ráiide Juzíñamuimo caimátaillano daidíaiói:

—¡Daiítadeza! ¡Aleluya! —daidíaiói.

⁵ Nane afe mei illaíma ráiiranomona jíáie uaina cacádícue; aféuai daide:

—Cai Juzíñamuimo nana afémie ocuícano afémiemo ñúefuiai omoi mameri. Daje izói íena caimare jacírutino, illáicomini naa jíba comíniri, ñúefuiai afémiemo jóonefireiri.

Cordero daína Cristo áirena rafue

⁶ Nane daje izói aillo comini uailai izóidena cacádícue. Afe uailai aillo imánillai ficírena izói ficírede, íemo jíái afe uailai ficire mona gíría ficírena izói ficírede. Afe uailai daide:

¡Aleluya! Jamánomo riirede cai ocuide Juzíñamui nane meine como ócuite.

⁷ Mai cai ióbilli; daje izói iere caimare cai illi.

Afémiemo ebíredífue cai mamelli.

Mei Cordero áirena izóidíruimo ja dúcidez.

Afémie ai izóidinona jáitino ja ñue finóbidaíoi. Afémaci Crístomo ua íinotimaci.

⁸ Ráífide úzecuirona jítárediaíoi.

Mei uafue, íáinino queníredíroi Juzíñamui afémacina jítátaga.

Mei afe ñuera ráífide úzecuiro Juzíñamuimo jaináidino comécina jaícina jóoina jánaza.

⁹ Iemo Juzíñamui abi ímie cuena daide:

—Mai cúeiri: Cordero áirena ráfuemo uáidogano ja caimare itíaiói, —daide.

Nane cuena daide:

—Bíuai Juzíñamui lloga ua uai, —daide.

¹⁰ Iemona afe Juzíñamui abi ímiemo cue caimátaillena ie anamo dújudícue. Mei íadi afémie cuena daide:

—Cuemo daí íñeno, mei o izói cue Juzíñamui ocuícamedícueza. Jíí, Jesús llócaiga ua uaimo féitañeno íñote o ámatíai izóidícue. ¡Cuemo caimátaíñeno; Juzíñamuimo cáimataí! —daide.

Mei afe Jesús llócaiga ua uai, Juzíñamui díbénedo lloga uailai jino llotino comeci úritade.

Úzere de cabállomo ráiicaidímie

¹¹ Nane afe méifomo mona tuíñuana cíodícue. Afénoemo úzere de caballo cíocáide. Afe emódomo ráiicaidímie mámecei “Fiel” íemo jíái “Verdadero” daínámie. Mei afémie ñue jaícina illáfuedo ocuúdeza; daje izói áfedo fiénidino díga fuirítateza. ¹² Ie ui irai bóua izói quere cíoide. Ie ífócimo díga illaíma jítáracuífoi jítáoi. Daje izói afénoemo dama ie onoiga mámecei cúeina. ¹³ Afémie jítácacuiro díemo mutácaroi. Afémie mámecei Juzíñamui Uai. ¹⁴ Afe llezica nana monamo ite Juzíñamui ocuica fuirídino afémie ódana jáidiaíoi. Afémaci ráífide úzecuiro jítáoidiaíoi. Aferoi jaca íáinide. Baie nana afémiedo jáidino úzere de cabállomo ráiicaidiaíoi.

¹⁵ Afémaci ifódímie fuémoma jáirede lloefai jino bite, áfedo nana nairai boféllena. Afe llezica afémie lloébici izóidedo náiraiaina ócuite. Vino finóacanommo úvaiai iduállena riire záizia izói, afe izói afémie afémacimo iere riire jicánoite. Iemo jamánomo riinorede Juzíñamui riicaillamona cómuite iere duere finóillifue, vino jirótaja izói afémacina duere finótaiteza. ¹⁶ Ie inícuero emódomo jítacacuiromo cuega mámece illa. Daje izói ie riáizimo cuega. Afeci daide: “Nana illáinimona Jamánomoidillaíma,” íemo jíái “Nana Ocuídinomona Jamánomo Ocuídímie.” Afémie nii cai Ocuíraíma Cristo.

¹⁷ Afe mei Juzíñamui abi ímie jitoma riire egáinuonomo naidáinana ciódicue. Afémie nana mona erodo féedínuaí ficire jíirite; daide:

—Juzíñamui finoca áillue güille nana dáanommo omoi riáibi, ¹⁸ mei benommo illaini íeizi ríitiommoiza, naa fuiríraíni illáicomini íeizi diga. Dáanommo íocírede fuiríredino íeizi ríitiommo, naa caballo íeizi diga. Daje izói afe emódodo ráicaidino íeizi ríitiommo. Iemo nana fiébidino íeizi ríitiommo. Buna ráiruínegano, daje izói jacire rairuícano, íemo jíái jamáimaci íeizi, naa jamánomoidímaci diga daje izói ríitiommoiza, —daide.

¹⁹ Afe mei afe jacire eroide ríllena ciódicue naa bínie illáicomini naa íaíoi fuiríraíniaí diga. Nana bimaci fuiríllena dáanommo ofídíaoí. Afémaci afe úzerede cabállomo ráicaidímie diga fuirízaíbitiaíoi. Afémie “Juzíñamui Uai” dainámie. Daje izói afémie canode fuiríraíni diga fuiríllena maméritiaíoi. ²⁰ Afe mei afe jacírede rille, taino uai jino llócaidímie diga ja llaveca. Afe taino uai jino llotímie, jacírede rille eróicana, jacínaitade ciórainina raa ciótate. Aféfuiaído afe taino uai jino llotímie, nana afe jacírede rille mámece cuetátaganona jífuete. Daje izói afe jacírede rille jánaraimo caimátáidinona afémie jífuete. Iemona ‘monstruo’ daina jacire eroide rille, daje izói taino uai jino llotímie, cáanori dáanommo duere finolle jorai izoide bóodímie dotácaiaíllinoí. Afe jorai izoide duere finóllino iere uzire boode. ²¹ Nana áfemona fiébidino úzerede cabállomo ráicaidímie fuémoma bite lloéfaído titácaiaíoi. Iemona nana féedínuaí bie titácano riáíbillano íaíoi íeiziri jéirediaíoi.

20

Mil diga fimona dño comini caimare ítiaíoi

¹ Bífue méifommo ángel dainámie Juzíñamui abi ímie monámona ana bíllana ciódicue. Afémie afe fiénide jóríai íbáirafo zuitara llave naa áillue llójeo diga llíicabite. ² Afe bie Juzíñamui abi ímie ‘dragón’ daina jáiraíra áillue jaíoi lláitano anáfenode. Afe jaíoi jíáfodo mameina Taífe, dáamie Satanás. Anáfenuano afémiena mil diga fimona llaveca. ³ Ana fiénide jóríai íbáirafo óríano íena llavede. Lláviano afe nazemo ‘sello’ daina “buna zuitánide” daide raa jónete. Daí finoca náiraiaina mil diga fimona dñori jífuéñeíllena. Afe mil diga fimona jaille méifommo, afémie nano íanori zuitalle.

⁴ Afe mei illaini ráíiranuaina ciódicue. Afénommo ráíiedino iere riire jicánolle ríinona ígáiaíoi. Afe dáaruído ífóciaina jáicoicano coméciaina ciódicue. Afémaci Jesús jáícina lloga Juzíñamui uai íaíoi llócaílla ícoínia ífócina jaitácaiaíoi. Afémaci afe jacire eroide ríllemmo caimátáíñediaíoi; daje izói afe jánaraimo caimátáíñediaíoi. Daje izói afémaci ozócimo ie mámece cuetátáíñediaíoi, íemo daje izói íaíoi ónoímo. Afémaci abi meine abído cáaíllano mil fimona dño Cristo diga illáimaitiaíoi. ⁵ Afe bie meine abído cáadino, nanóidino meine cáaílliruímo abído cáaitiaíoi, jae cai daina Cristo diga illáimaíllena. (Mei íadi jíáie tíidino mil diga fimona záíñena dño meine abído cáaiñeítiaíoi.) ⁶ Nana afe nanoíde cáaílliruímo meine abído cáaitino caimare ítiaíoi. Daje izói afémaci Juzíñamui ñue finócano. Afe méífoíde tíille afémacimo jaca jíriñeíte. Mei íadi afémaci comínido Juzíñamuímo úrifireítinona ítiaíoi; daje izói Cristo íeíena zííñona ítiaíoi. Iemona mil fimona dño afe Cristo diga illáimaitiaíoi.

⁷ Afe mil diga fimona záilla méifomo, Taife ie llavéinafomona zuitalle. ⁸ Jáillano nana énie náiraiaina jífueite. Aféruído “Gogna” mámeçirede náiraina jífuaite, “Magog” daina náiraina diga. Afe náiraiái fúiritinuiaina Taife dáanomo jofo óite, íraicaiño fuiríllena. Afémaci monáillajimo ite guamai dígadeza facádonidiaioi. ⁹ Afemona énie nániena afémaci iere oruíbicaite. Iemona Juzíñamuimo jaináidino illánona nágafene fállena cirínotiaioi. Afe illano Juzíñamui izíruiga Jerusalén daina jofue; áfena cirínotiaioi. Mei íadi Juzíñamui monámoma irai afémacimo orede. Afe iraido fiébiñeno cónaitiaioi. ¹⁰ Afe llezica afémaci jífueoicaide Taife boode jóraimo dotaca. Afe jorai iere uzire boode. Afe dáanomo jacire eroide rille, íemo jíái taino uai jino llócaidímie nauí dotaca. Aféno mo naio diga jaca ninomo zíñona iere duere finócaiaioi.

*Aillue úzere*de ráiirano illaíma ie, íemo afe uícomo iere riire jicánollino cioina

¹¹ Afe méifodo áillue úzere de ráiirano illaíma íena ciódicue. Iemo aféno mo ráiidímiena ciódicue. Afémie uícomona nana énie mona diga niné cióbicaíñena. Afe mona énie diga illino jae íñede; jae niné táinocaidiaioi. ¹² Daje llezica Juzíñamui uícomo nauí Juzíñamuimo íinoñoeno tíidino naidáienana ciódicue. Afeno jamánomoidinori naa jamáimaciri dáanomo naidáiediaioi. Afe llezica comini finócafuaí cuiánicuaí túide. Daje izói aféno mo jíái zíñona íitino mámeçi cuiánico túide. Bie tíidino íaioi finócafuaí íllaze riire jicánogaiaioi, mei afe íaioi finócafuaí cuiánicomo cúeina dieze riire jicánogaiaioi. ¹³ Afe llezica monáillajimo báide tíidino meine abido Juzíñamui uícomo caífo náidacaitagaiaioi. Daje izói nana jíáiforie tíidinuaí íaioi tíillanomona meine abido Juzíñamui uícomo caífo náidacaitagaiaioi. Afe nana náidacaitagano íaioi finócafuaí íllaze afémacimo riire jicánogaiaioi. ¹⁴ Afe mei ‘muerte’ daina comini tííllafue boode jóraimo dotaca, ie mei niné táinocaiide. Daje izói dáanomo nauí tíidino íbáinaco aféno mo dotaca. Dotaca mei niné táinocaiide. Afe bie boode jorai, íiraie tííllana mameide. ¹⁵ Iemo afe zíñona íitino mámeçi cuiánicomo mámeçina cúeñegano afe boode jóraimo dotácaiaioi.

21

Comue mona comue énie diga

¹ Afe méifodo comue mona, comue énie diga ciódicue. Mei nanoide mona nanoide énie diga ja niné cióbicaíñenaza. Daje llezica monaillai jae íñede. ² Afe llezica comue Jerusalén daina íaífuenide jofue, Juzíñamui uícomona monámoma ana bíllana ciódicue. Afena ciódimiedicue, Júaadícue. Afe jofue, óllena jicánoga ringo ebire finóbina izói ebire cíoide. ³ Iemo monámoma ficire dáinana cacádícue. Afe uai daide:

—Ero, comini cígiri birui Juzíñamui illa. Afémaci diga ífireite, íemo afémaci afémie comínina íitiaioi. Ja birui dama afémie afémaci cígiri íite, afémaci Juzíñamuina ie íllena. ⁴ Juzíñamui afémaci ui jémema zafénaitaite. Aféruimo tíille íñeite. Daje izói eia íñeite, íemo jíái duere zefuíllamona eia íñeite. Daje izói comini abi izírena íñeite, mei jaiái itífuaí jae zaaideza.

⁵ Iemo illaíma ráiiranomo ráiidímie cuena daide:

—Ero. Nana cómuena méidotícue.

Iemo nane daide:

—Bie uai iere ua uai, mai cúeiri. Daje izói bie uai iere íinofíregaza, —daide.

⁶ Nane afe mei cuena daide:

—Ja ñue ícoímo finócaza. Cue bie naga ráfuaína nai cómuíñenia uícode itímiedicue. Daje izói dáamiedicue fuillínomo itímiedicue. Abecedario A-mona táinia izóidímiedicue. Daje izói abecedario Z-mo fuizajilla izóidímiedicue. Jáinoina jirócadímie ñúejina jirótaja izói, afe izói ñúefuaí díbenemo íacadímie mo raíñoñoeno afémie mo zíñona ílláfuaena ífireitícue. ⁷ Fíénidena anáfenodímie nana bíena feci raa fia máíñua izói, máíñoite. Afe llezica afémie Juzíñamuitícue, íemo daje llezica afémie cue jitoite.

⁸ Mei íadi nana ñnoñedino dibéfodo duere zefuille afémacimo dúide. Uáfueza, ñúefuena jacíruitino daje izói ñnoñedino, íemo jiáimana éoidino, íemo jiáimana titádino, íemo jiái jiruífueña finófiredino, íemo jiáima fue gáiana fibídino, íemo jiái jánaraimo caimátaidino, íemo nana táinona úritino; nana bie izóidino boode jóraimo dotárediaioi. Afe jorai iere uzire boode. Afe bie boode jorai íiraie tíillana mameide, mei afénomo dotácano jaca ninomo Juzíñamuimona oni eneno duere finócanona íitiaioiza.

Comue Jerusalén

⁹ Afe mei siete dígade ángeles dainámaci Juzíñamui abi imácimona daa cuemo úrizabite. Afémie nauí Juzíñamui ocuica siete dígade íiraie jacírede duere fínuana oruide ichecoí uitímie. Afémie cuena daide:

—Ero, Cordero ai izóidena jáitínona o ácataitícue, —daide.

¹⁰ Iemo Juzíñamui Ñuera Joreño bie izóidena nicaí anado cuena cíotate. Afe Juzíñamui abi ímie áillue caifónedumo cue uite. Afénomo monámona Juzíñamui uícomona ana bite jamánomo ñuera Jerusalén jofue cuemo ácatate. ¹¹ Juzíñamui abi ebire quenírena izói afe jofue queníríe cíoide. Daje izói iere ráifide nofíci quenírena izói queníríede. ‘Jaspe’ daina nofíci vidrio enéfecomo cíoina izói cíoide. ¹² Afe jofue jinófenedo nágafene áillue cirínubairo raa ite. Afe cirínogamo doce dígaze naze ite. Iemo illa díga nazemo Juzíñamui abi ímie naidaina. Iemo afe náziaimo doce dígade Israel nairai mámeciai cúeina. ¹³ Afe jofue náziaimona, fuírífenemo dazeámami ite. Iemo jiáie dazeámami onífenemo ite; íemo jiáie dazeámami féífenemo ite; íemo jiáie dazeámami afáífenemo ite. ¹⁴ Afe jofue jinófene cirínua anamo nofíci finoina mozíoidíbani doce dígade. Illa dígabanimó Cordero nágagobiaimo orécáno ‘apóstoles’ dainámaci mámeciai cúeina.

¹⁵ Afe cue díga úrite Juzíñamui abi ímie, oro finoina facáradozi llíide, afe jofue facállena. Daje izói ie náziai facállena, íemo jiái afe jinófene cirínua facállena. ¹⁶ Afe jofue fueda nagaámariede; nágafene daje dinóríede. Ie árrera díbene daje dinóríede; íemo ie ruica díbene daje dinóríede. Afe Juzíñamui abi ímie ie llíiga radózido jofue facade. Facádemo dos mil doscientos kilómetros árrera. Daje izói ruica diné eróicana dos mil doscientos kilómetros. Iemo caífo diné eróicana jiái daje izói dos mil doscientos kilómetros. Nágafeniai daje dinóríede. ¹⁷ Afe mei jinófene cirínubani facade. Facádemo sesenta y cuatro metros caífo ite. Afena Juzíñamui abi ímie come facáfírena izói facade.

¹⁸ Afe jinófene cirínubani ‘jaspe’ daina nofíci finoina. Afe jofue íáinide oro niina. Ñue enéfecomo cíoide vídriona eroide. ¹⁹ Jinófene cirínua anamo mozíoidíbanillai nana jiáíforiede ráifide nofíciado ebire ñue finoca. Nanóidíbani ‘jaspe’ daina nofícido ebire ñue finoca, íemo jiáíbani ‘zafiro’ daina nofícido ebire ñue finoca, íemo jiáíbani ‘ágata’ daina nofícido ebire ñue finoca, íemo jiáíbani ‘esmeralda’ daina nofícido ebire ñue finoca, ²⁰ íemo jiáíbani ‘ónice’ daina nofícido ebire ñue finoca, íemo jiáíbani ‘cornalina’ daina nofícido ebire ñue finoca, íemo jiáíbani ‘crisólito’ daina nofícido ebire ñue finoca, íemo jiáíbani ‘berilo’ daina nofícido ebire ñue finoca, íemo jiáíbani ‘topacio’ daina nofícido ebire ñue finoca, íemo jiáíbani ‘crisoprasa’ daina nofícido ebire ñue finoca, íemo jiáíbani ‘jacinto’ daina nofícido ebire ñue finoca, íemo jiáíbani ‘amatista’ daina nofícido ebire ñue finoca. ²¹ Afe doce dígade naze íbáirabíci áillue perla. Illa dígaze daa perla ie finoina. Afe jofue cígido joide áillue macárao íáinide oro finoina. Afe macárao enéfeomo ñue cioide vídriona eroide.

²² Afe jofue eromo Juzíñamuimo gairíracó jaca ninó daa cíoñedicue; mei jamánomo ríinorede Juzíñamuimo ebena nágafeniaimo caimátaidiaioiza. Afémiena jiáífodo daina caí Ocuíraima. (Afe jofue gairíracó Juzíñamui abiza. Daje izói jiái Cordero abiza.)

²³ Afe jofue jitómado egáíñuamo dúíñede; daje izói fiuido egáíñonide. Mei afe jofue

Juzíñamui abimo ite ebírede quenirededo egáñogaza. Daje izói jíái Juzíñamui Cordero afe jofue egáñogaza. ²⁴ Nana jíllotaga nairai afe jofue egáñuado mácaitiaioi. Bínie nairai illaini afe jófue mo íaioimo ite aillo ebíriede illaíma daíllena ráaniaína átíitiaioi. Atiano Juzíñamuimo, íemo jíái Crístomo izájitiaioi. Daje llezica afe jofue ocuídímie íaillinoimo aillo ñúefuena mámeitiaioi. ²⁵ Afe jofue naze jaca monari íbaiñelle. Iemo afénomo jaca mona náuíñeite. Jira náziai íbáíllirui íñeite. ²⁶ Enie náiraiai íaioimo ite ebíriede ráaniaína afénomo átíitiaioi. Daje izói afénomo aillo ñúefuiai mámeitiaioi. ²⁷ Mei íadi comécina íáiredino jaca afénomo jofo jáinide. Daje izói comécina éoidino dínomo jofo jáinide, naa táino llotínori. Dama zíñona ítino mámecei cueránicomo mámeceina cuegámacei dani afénomo jofo jaille. Afénico Cordero daína Jesucrístomo ite.

22

¹ Afe mei Juzíñamui abi ímie íáinide imánina cue ácatate. Afémami jainoi cómena zíñona cáatate. Afeji vidrio enéfenemo uáfori cioina izói cíoide. Afe imani Juzíñamui illáimana ráiiranomona tote. Afe ráiirano daje izói Cordero ie. ² Afe jofue cígido áillue macárao illa. Afe macárao dáafenedo comínina zíñona cáatate aménaiai riina. Daje izói afénomo ite imani fuédado nágafene daje ie aménaiai riina. Afe aménaiai illa diga fiui llizífirede. Iemo jíái afe aménaiai íbiai nairai ñue manóllena ite. ³ Aféruillaído afénomo faidórafuena jae íñeite. Juzíñamui illáimana ráiirano afe jófueimo ite; daje izói Cordero ráiirano afénomo ite. Ie ocuífíregano daa afémiemo caimátaitiaioi. ⁴ Afe llezica afémacei Juzíñamuimo, meáiruiñeno jofo conímamo éroitiaioi. Afémacei ozócimo afémie mámecei cúeina. ⁵ Afénomo mona jaca náuíñeite. Afénomo itino mechera izoide egáñuana jítaíñeitiaioi. Daje izói jíitoma egáñuana jítaíñeitiaioi, mei cai Ocuide Juzíñamui íaioina egáioite. Iemo afémacei jaca ninomo zíñona illáimaitiaioi.

Jesucristo billirui ja áinozide

⁶ Afe méifomo Juzíñamui abi ímie nane cuena daide:

—Bie uai iere ua uaiza. Daje izói bie uai iere íinofíregaza. Afe cai Ocuíraíma nauí Juzíñamui uai jino llóraini comécimo úritímie. Afémie birui ie abi ímie orede, ie ocuícamacimo raire cómuitífuiaína onótallena, —daide.

⁷ Iemo Jesucristo daide:

—¡Raíre bitícue! Binícómo cuega Juzíñamui uáíllaina jíéruitímie caímare ite, —daide.

⁸ Cue Juáadícue. Bífuiaina cacádicue, daje izói bífuiaina cíodícue. Bífuiaina cacáíllano, íemo daje izói cue ciona méifomo, cuemo ácatate Juzíñamui abi ímie anamo dújudícue afémiemo caimátáíllena. ⁹ Mei íadi afémie cuena daide:

—Jadíe izói cuemo íñeno. O izói Juzíñamui ocuícamiédicue. Daje izói Juzíñamui díbénedo úrifírede o ámatiai izóidícue. Iemo jíái binícómo cuega uáíllaina náfuetino izóidícue. Cuemo caimátáíñeno; dama Juzíñamuimo caimátáííreiri, —daide.

¹⁰ Nane dáanomo cuena daide:

—Binícómo cuega Juzíñamui uaina báinino o comécimo jóoneñeno o iri. Mei bífuiiai ícoimo ñue fuizájíllirui ja áinozideza. ¹¹ Nai bie fuiñena llezica, fíénidímacei íaioi fínóíírega fíénidífueña dama íaioi fínócaza. Fia eroi, mei afe izói íaioi íllado jamánomo duere fínólliaioiza. Daje izói comécina íáiredino dama comécina íáireoicaideza. Fia eroi, mei áfedo duere fínólliaioiza. Mei íadi ñue itino íaioi illa baímo ñue iri. Daje izói Juzíñamui íena ñue fínócamie fáicanocaiñeno afémie íena ííreiri, —daide.

¹² Iemo Jesucristo daide:

—Jíi, raíre bitícue. Illa dígamíemo cue fecalle fia jíírdoga izoide raa atídícue. Illa dígamíemo afémie finoca díeze fécaíticue. ¹³ Nanóidímíedicue. Iemo jíái ííraímíedicue. Daje izói naga ráfuiiai uícodo itímíedicue. Daje izói fuizájíllanomo itímíedicue. Iemo jíái abecedario A-mona táinia izóidímíedicue. Daje izói abecedario Z-mo fuizájílla izóidímíedicue.

¹⁴ Iaioi iníroina jocófiređino izói, comeci ifue ñuérana méidotino caimare itáioi. Íemona cáatate amena llizállana güírediaioi. Afe bie izói daiíacade ziiñona íaioi íllena. Daje izói íaioi iniroi ñue jócuamona, afe jofue nazedo Juzíñamui illánomo jofo jáirediaioi.

¹⁵ Mei íadi comécina íáiredino afénomo jofo jáinidiaioi. Iemo daje izói jíáima fue gáiana fibídino, íemo daje izói nana jíáiforiede jiruifue finódino, daje izói cómena méinetino, daje izói jánaraimo caimáaidino, daje izói jíáie comínina iere jífuefiređino, naa afe izoide fibídinori; nana bie izoide comini afe jófuemo jofo jáinidiaioi; jáiñeno jino fiébitaioi.

¹⁶ Cue Jesús dice. Juzíñamuimo ua jáináidinomo nana bífuiaí jino llóllena cue abí ímie ja cue oreca. Jaiaí illaíma David comuilla moi ímie dice; daje izói afémiemona jebuídino comútagamíedice. Iemo iere egáíñote monáiracudu izóidímíedice, —daide.

¹⁷ Iemona Juzíñamui Ñuera Joreño daide:

—Mai bi, —daide.

Daje izói Cordero ai daína afémiemo ua jáináidino íena daide:

—Mai bi, —daide.

Daje izói búuallaina cacáidino afémiena:

—Mai bi, —omoi daíri.

Iemo Cristo daide:

—Jiróacaitímie ziiñona cáataite jáinoina íbáñeno mai fia jíruaíbiri. Afe bie izói daiíacade ziiñona illáfuena óiacadímie mai cuemo bi; raiñóñeno omo fécaíticeza.

¹⁸ Nana binícomo cuega Juzíñamui uaimo cacáreidínona bie izói llétaiticeza, cacai: Dámie bie ráfuena baímo zotáadi, Juzíñamui binícomo cuega jacírede duere fínuaniaína afémiemo jóoneite. ¹⁹ Daje izói binícomo cuega Juzíñamui uáimona dámie daa uai oni óiadi, Juzíñamui afe ziiñona cáaitino mámeceí cuiánicomo cuega afémie mámeceína oni óite. Daje izói binícomo lloga nífuenide jófuemo Juzíñamui afémiena jofo jáitañeite.

²⁰ Bífue jino llotímie nane dáanomo llote:

—Jíi, raíre bitice, —daide.

Afemona Juan daide:

—Aquíe izóideza. ¡Cai Ocuíraíma Jesús, mai bi!

²¹ Cai Ocuíraíma Jesucristo nana ómoina ñue fínoiteza. Daiítadeza. Jae níie.